



Ex Bibliotheca
majeri Coll. Rom.
Societ. Jesu

42. 6. 10.

42

B

10

42

E

3

3.3.11

Subtilissimum Scoti Doctorem
Super 3 sententiarum librū.
Tomus Primus.
**DE INCARNATIONE,
VERBI DIVINI, ET PRÆ
SERVATIONE VIRGIN.
MARIE AB ORIGINALI.**
AVTHORE
R. P. F. FRANC. DEL CASTILLO VELASCO
*Instituto Minorū de obseruantia, nata
litus Matritensi, manere supreme
Inquisitionis Hispaniæ Quāsticatori,
Legitate lectore Compāni Lubilato,
provincia Castellæ
Custode.*

ANTVERPIÆ, APVD PETRVM BELLERVM ANNO M. DC. XLI.



THE INCANAZA
 APRIL 1911
 REVOLUTION
 MARIE ANGELO
 AT THORE

THE INCANAZA
 APRIL 1911
 REVOLUTION
 MARIE ANGELO
 AT THORE

ORIENTIS, ET OCCIDENTIS

SOLIS REGI
HISPANIARVM MONARCHAE
CATHOLICÆ MAIESTATI,
PHILIPPO IV
REGVM MAXIMO



Tudiosi quique dum opera sua typis mandant, Catholica, & sacra Maiestas, studiosius ruminant, & operosius student, quem Patrōnum aduocent, quem aduocatum, & antesignanum tutelarem accipiant, vt sub nobilitate splendor, sub protectione presidium, & sub veneratione sacrarij secura habeatur indemnitas. Vnde si vniuersas hominum ætates à primis mundi exordijs subtili mentis acumine contemplemur, neminem pene inueniemus, qui ingenij sui monumenta in publicam lucem emittens, sub alicuius Principis, aut expectatissimi viri patrocinio non publicauerit. Hinc rerum ab hominibus ante vniuersalem orbis inundationem effectarum fertur, inuenta, custodita, & conseruata memoria. Sio Iosephus lib. 1. antiquitatum cap. 4. de filiis Seth memoriz prodidit, qui in duabus columnis, altera latericia, lapidea altera, ea, quæ inuenerunt, scriptis commendarunt: Seth in-
Iosephus 1. antiquit. cap. 4.
quens imitatores sui filios habuit, qui facientes duas columnas, alteram ex lateribus, alteram ex lapidibus; in ambabus, quæ inuenerant, conscripserunt, vsque constructa lateribus exterminaretur ab imbris, lapidea permanens praberet hominibus scripta cognoscere. Romani similiter Principibus

suis ob egregia eorum facinora statuas erexerunt: Clitar-
chus Alexandro, Dexter Theodosio; alijque alijs, in qui-
bus firmitas Petræ futuricat in gloriam, quæ in obliuio-
nem transfert infirma memoria. Conspiciantur innume-
ra scriptorū genera, quibus improba doctorum sedulitas
initium dederat, vix vnum inuenies libellum, in cuius fron-
te non imploratum sit Mæcenatis patrociniū:

Horatius
lib. 1. ode 1.

Macenas atavis edite Regibus

O præsidium, O dulce decus meum

Laudabilis me Hercule, & ab omnibus continuanda con-
suetudo. Hæc omnium opinione satis superque sufficeret,
vt ego lucubrationes has meas statim Maiestati tuæ libens,
ac lubens consecrarem, vt protectionis magnitudo magne-
tis attractiuam virtutem ostendat, statuam erigerem, non
temporis vetustate perituram; sed immortalem, & num-
quam defecturam diuini nempe verbi Incarnationem, &
ab omni labe virginis matris puritatem: quippe qui supre-
mos Romanorum Dominos nominis tui, & imperij pro-
pagatione longissime excellis.)

Vlra tu Herculeos, Athlanteosue recessus

Fines Hispani protrahis imperij

Marcellum Romanum Lyricus vates, alijs longe antepo-
suit, & cecinit excellentiorem..

Horatius
lib. 1. ode 21.

Crescit, occulto velut arbor auro

Fama Marcelli: micat inter omnes

Iulium sidus, velut inter ignes

Luna minores

Verum ego potiori dixerim iure:

Fama Philippi

Quis vniquam Romanorum Imperatorum Dominijs sui
terminos aded dilatauit, vt intitissimus ille Carolus V.

Quid Decios, Drusosue tuos, validosue Camillos

Roma potens iacta, viribus aucta tuis?

Cæsara quid geminas, ductosque ex hoste triumphos?

Si caput Ille vrbs, non tamen orbis erat.

A. Carolo parta virtute propria conseruasti: ab ipso non
obtentata contractis inimicorum insultibus superasti.

Horatius
lib. 3. ode 30.

Egisti monumentum ære perennius,

Regaliq; situ pyramidum altius,

Quod non imber edax, non Aquilo impotens

Possit

*Possit deruere, aut innumerabilis
Annorum series, & fuga temporum*

Quid tamen (relecti potentia) referam de morum tuorum suauitate, prouidentia ingenuitate, prudentia maturitate, iustitia æqualitate, misericordia pietate, beneuolentia affabilitate, & altissimæ tuæ Maiestatis serenitate. Multa quidem, & magna hæc, quæ inuitus & violentus omitto, ne adulatorij sceleris arguar, & pruriens auribus videar. Alia me mouent, vt industriæ meæ, & sudoris imbecillitatem Maiestati tuæ protegendam offerrem. Et plurimum quod tibi minorum Franciscana debet religio. Quod monasteria ab imis fundamentis erecta? quot annuis sumptibus conseruata? quot Episcoporum, Archiepiscoporum, aliarumque dignitatum honores? Antiquam nostram erga Hispaniarum Regina gratiam, honorificamq; poenitentiarum firmo decreto gratus restituiti. Quantum te occulatum ostendis circa minores fratres? quot exhibes deuotionis insignia. Vnum non omittam, regalis tui animi recenseri dignum, quod in tantum euehitur, & eleuatur fastigium, vt Primogenitum tuum, regnorumque tuorum hereditarium successorem, similiter, & reliquam splendidissimam sobolem laico religiosissimi conuentus Complutensis nuncupati sanctæ Mariæ de Iesu, ubi sancti Didaci corpus cum alijs eiusdem instituti viris boni odoris, & virtutum famæ requiescit. Fratri (inquam) Michaeli de husanos curandum, institutuendum, educandūque primæuis in annis sponte tradideris, vt sub turba Seraphicorum P. N. Francisci optatum gnatorum tuorum successum præfagiens, honestam educationem tibi promitteres. Nam

Quo semel est imbuta recens, seruabit odorem

Testa diu.

O terque quaterque beatus Princeps, quem virtus à primis cunabulis comitatur. *Virtus regna, urbes, Prouincias temperat; feri leges, colit amicitias.* Hæc quæ in Rege gratior, & laudabilior, *qua vnum hominis bonum est, & inter* Seneca 77. 75. *utramque fortunam superba incedit cum magno viriusque contemptu.*

Hæc pietatis tuæ, & deuotionis erga religionē nostrā mirifica signa, veniat tamen nō muto tradēda silentio iustitiæ tuæ

manifestata protectio. *Regum enim proprium est* (inquit D. Hieron. in caput 22. Hierem.) *facere iudicium, & liberare de manu calumniatorum vi oppressos.* Cum enim in celeberrima totius orbis vniuersitate salmantina statuto, & solemni iuris iurandi sacramento à doctoribus illius constitutum esset, se nullam aliam, nisi Augustini, & Aquinatis doctrinam defensuros, omnibus aliorum doctorum sententijs opinatiuæ solius cathedræ sustentatione relictis: Maiestas tua supremi Senatus consulto decretum hoc reuocauit, nec iuramentum, Franciscanorum fratrum, qui Classicorum scriptorum numero alias religiones non parum præstant, rogatū vltius progredi permisit. *His enim catenus subuenimus ut eosdem non atterat damno temeritatis aliena habetur meminerim* cap. 6. *unde vi*, nec in hoc iniuriam vniuersitati irrogasti; cum penes regiam Maiestatem sit leges condere, conditas mutare, & alias ferre. Sed potius iniuriam sibi factam repellisti, est enim Academiae gloria per Oceanum vniuersitatis doctrinæ Catholicæ velas tendere. *State in vijs Domini.* Psal. 117. *& interrogate semitas Dei aternales, & videte, quæ est via bonæ,* super qua sic fatur D. Zeno *multa itaque via interroganda sunt, & in multis insistentium est, ut unam, quæ bona est, inueniamus, per multorum scilicet doctrinam unam viam viam aternam reperturi.* Vnum & Maximum doctorem Augustinum salmantina secutura iurat. Bene, & non ad insipientiam sibi, sed cur vniuersitas est & D. Hieronymum de gratia, & libero arbitrio Ambrosium de Incarnatione, de fide, & de Spiritu sancto, Chrysostomum, & Theodoretum de Dei prouidentia scribentes non accipit, cur trinū Gregorium, Cyrillum, Achanasium, Basilium, Fulgentium, Isidorum, Damascenū, Bernardum, Anselmum, Epiphanium, & plures alios Ecclesiæ doctores, & pro Patribus ipsius natos filios suppressit? cum tamen Theologia sacra sic sicut turris David, quæ Canticorum 4. *Edificata est cum propugnaculis, mille clipei pendent ex ea, omnis armatura fortium.* Ibi H. braica lectio. *in Talpioth, edificata est ad disciplinas, vel ad docendum transcentes.* Merito Angelicū D. Thomam amplectit, sed immerito Seraphicum D. Bonauenturam repellit, Alexandrum Alensem, Scotum, Durandum, Ochamum, Gabrielem, Gregorium de Arimino, Enricum,

Richa

D. Zeno in
Psal. 117.

Cantic. 4.

Richardum, & innumeros alios catholicos, pios, & veritatis fidei sectatores, & indagatores ingenuos: *tristissima quoque via, & celeberrima* (inquit Seneca lib. de vita beata) *maxime decipit: nihil ergo magis praestandum est, quam ne pecorum ritu sequamur antecedentium gregem pergentem, non quae eundum est, sed qua itur, dum unusquisque mauult credere, quam iudicare.* Quare, & ipse D. Thomas circa illa verba sapientiae 6. *Multitudo sapientium sanitas est orbis terrarum* affectum doctorum, intentum vt sic reprimat, reuocetque statutum praefato firmatum iuramento. *Quanto autem doctores magis multiplicantur, tanto utilitas eorum, qua ex doctrina prouenit, magis crescit.* Neque enim fas est repellere doctores, Ecclesiae quae lumina, & si non extinguere; obnubilare tamen, praecipue luminare maius subtilissimi doctorum Ioannis duns Scoti apud Sabelicum lib. 1. exemp. ep. 3. de quo Lestefius in prologo sic habet. *Tanto fuit ingenij acumine, iudicij vi, doctrina cognitione, vt Theologiam illam reconditorem multis subtilitatibus exquisitis facillime auxerit, in quibusque multa, quae in obscuro posita latebant à tenebris acerrima ingenij perspicientia eruit. Qui eius viam, & doctrinam consecantur, & audius perscrutantur, Scotista summa tanti ingenij laude vrantur, quasi nihil aut tanta difficultate interceptum, aut demensa caligine involutum, quod Scoti ingenium non potuerit penetras inspicere, aut clare aperire.* Cur tanto doctori optime quadrant illa D. Augustini verba. *Ille tenet, & quidquid patet, & quidquid latet in diuinis sermonibus, qui charitatem seruat in moribus, quandoquidem de ipso in hac prorupit Antiochus Possevinus in suo apparatu. Haud mirum fuit si ingenium doctoris subtilis modestia, & charitate praeditum altissimos sensus eruere potuerit ad veritatem indagandam: numquam enim suam sententiam proferit in aliorum iniuriam, vel deprestationem: quin, quorum aut errores conuellit, aut opiniones discutit, adeo id modeste, & plerumque suppresso nomine facit, vt Christiano pectore haussisse à Domino sapientiam certe integra mente conijci possit.* En quanta Maiestatì Cæsareæ tuæ Theologia sacra, Ecclesia sancta, celeberrima Academia, Religio Seraphica, & subtilissima Scoti doctrina debet beneficia. Hinc euenit, vt Seraphici Patres, nec non, & alij plures diligentiori postea cura diuersorum litteris incumbere doctorum,

Seneca de
vita beata.

D. Thomas
in 1. 2. 2. 2.

Sabelicus
lib. 1. ex-
emp. ep. 1.

Lestefius in
Prologo.

August. de
serm. Do-
minis in
monte.

Antiochus
Possevinus
in suo ap-
paratu.

rum, & meritorum, studiorumque suorum incrementis ipsi se maiores indices euaderent.

Martialis
ad Flaccu.

Ingenium sacri miraris abesse Maronis

Nec quemquam tanta bella sonare tuba?

Sint Macenates, non deerunt, flacce, Marones

Virgilumque tibi, vel tua rura dabunt.

At ego de tua Maiestate:

Sic sic Mæcenas, non deerunt plura, Philippe,

Agmina doctorum, quæ tua Regna dabunt.

Quid referam limpidissimam Deipatæ Mariæ conceptionem, à Scoto olim defensam, tuæ postremo protectioni acceptam? qui, qua tui Domini propagatio per orbem longe, lateque patet, præsertim vero in celebri puræ Conceptionis, Franciscano Mantuano; nec non nobilissimo, Regioque discalceatarum sanctæ Claræ cænobio & ipse quotannis coram solemni, & octidua festiuitate celebrandum imperasti, & in vnaquaque, vna ad minus die regali tua præsentia in celebriorem lætitiâ nobilitas, & exornas.

Bernardus
sup. Cant.

Digna me Hercule Regia Maiestate deuotio: *Sed non omnibus eodem modo data est gratia ista.* Quare ego minimus huius sacratæ religionis alumnus tantorum beneficiorum cumulis obrutus, & vt grati animi debito muneri satisfaciam, tutum, & Regium sedulitati meæ per Orbis spacia expectans patrocinium, hoc Scoticæ subtilitatis opus, veram de Deo hominem, & matrem ab originalis labe prorsus immuni doctrinam in gratitudinis meæ tessera supples offero. Si quid aliud non possum, saltem ipsa beneficiorum memoria ex animo numquam excidet: siquidem optima beneficiorum custos est ipsa memoria beneficiorum, & perpetua confessio gratiarum. Accipe igitur munusculum à grato animo proueniens, dextræ tuæ potentiae protege, vt obtrectantium linguas illæsum euadat. Vale salutare, & beatitudinaliter in infinita secula viuere.

Chrysostom
hom. 15. sup.
per Matth.

Fr. Franciscus de Castillo Velasco.

AD

AD LECTOREM.

Ilentissime lector, optime potueram typis mandare materias, quæ spectant ad primum sententiarum nostri subtilissimi doctoris Ioannis Duns Scoti; cuius doctrinam quasi verissimam amplector; tamquam profundissimâ veneror; & velut acutissimam explanare intendo. Sed periculo factus sapiens alieno, quod plurimos, & doctissimos viderim, qui quatuor sententiarum libros exponere attentantes, & à primo exordientes, breuique immatura morte præpediti, aut saltem deficientibus viribus, & salute ad tam immensum studium requisitis, vel sumptus impressioni necessarios supplere non valentes, ulterius progredi nequiverunt. Sicque ab illo, quod magis expositione indiget cupiens incipere tertium sententiarum aggredior, in quem, quasi in corollam mille floribus fragrantissimam, & arte elegantium pactam omnes caterorum trium doctrina reducuntur: quandoquidem id, quod in illis dispersum conspicitur de Christo benignissimo salvatore consummatim pertractatur; atque ita licebit videre materias de Trinitate, dum de Verbi personalitate agitur, de Prædestinatione, visione, gratia, &c. ubi de illis, quibus Christi capitis nostri humanitas gausa est, disputatur, Propter quod omnium difficilissimum, & gravissimum hic tertius apparet, quia maximum petit studium omnium principiorum concordia, & qua per reliquos Theologia tractatus diffusa sunt hoc unico adunantur. Bonum etiam mihi visum est ordinem inter distinctiones Scoticas servatum omittere: Verum illius mentem, & doctrinam per disputationes, & quæstiones à recentioribus thomistis agitari solitas propugnare, tum, ut nos intelligant scholastici thomistæ cum suo ordine, & methodo materias pertractamus; tum, quia difficultatum multitudo, & copia, quas de novo excitant moderni thomistæ, postulat ne illas à nostris scriptis relegemus: præcipue videndo quid de illis implicite, vel explicite senserit Scotus; quidvæ secundum illius solidissimam doctrinam defendendum sit & tenendum. Cum etiam nostra sacra Religio hanc Scoti doctrina defensionem intenderit, ut habetur nostrarum institutionum Generalium capite 4. loquendo de studio S. caterorum quia, ut ex illius sententiarum cum caterorum oppositione clarius veritas eluceat & patecat. Propter quod Principem

AD LECTOREM.

*cipem habere destitit Seraphicum doctorem diuum Bonauen-
suram, aliosque non paucos scientia & sanctitate eminentes.
Vnde mihi visum est illius materias explicare, ordine apud mo-
dernos Thomistas (legitimos, nec ne) magis communi, & rece-
pto; ut una sententia sese alteri opponente doctrinisque in cer-
tamen concurrentibus constet euidenter quis rationi, & veri-
tati proprius accedat, qua nobis omnibus scopus attingendus
proponitur, quam, cum quis affectus fuerit facillimum erit,
cum auctorum, & Principum scholasticorum citationibus,
quas semper adducimus, sua scripta videre, & sine passione
cognoscere quantum in illa assequenda profecerit. Quia mihi
semper maxime conuenire visum est, omnium scripta veritati
magis debere, quam variarum sectarum auctoribus deferuire.
Applicui, & supposui in hoc tomo materiei de Incarnatione
materiam de præservatione Virginis Maria à peccato originali
propter maximum concatenationem, quam in serie decretorum
Dei inter se habent, & quia tam à Scoto, quam à reliquis
scholasticis diseritur in 3. sententiarum. In meis quidem scri-
ptis quam plurimos tibi occurrere errores non dubito, sed etiam,
si homo fueris, te mihi necesse est condonare; quod, si lapsus fue-
rim, non est dubium, quin contigerit inconsulto, tibi que certissi-
mum, & indubitatum esse velle me semper inscribendo, quod
videbatur optimum elegisse. Rogo te ut si quo modo, tibi utilia
fuerim, mihi tuis ad Dominum precibus id persoluas. Vale.*

CAR-

AD AVCTOREM.

Carmen.

Subtilem quaris doctorem? quaris acutum?
Quis, precor, ut Scotus mentis acumen habes?
Vallibus tot montes praesunt, ut montibus aër,
Sic inter doctos eminet ingenio.
Austum poscis Francisci dicta sequentem
Appetit in cunctis amulus esse Patri
Hic pauper, simplex, humilis, parere paratus
Non terrenas apit semper ad alta volat.
An dubitas sanctum cui parvus fixit IESVS
Oscula, vel castum cui pia virgo sanet?
Annuat oranti famulo, validæque Tuenti
Dnm concepta fuit quod sine labe fuit:
O virtus laudanda viri penitusque stupenda!
Qui summo Ecclesiae culmine dignus erat
Mortuus hic tamen est, superas conscendit ipse arces
Atque beatorum credo quiete frui
Proh dolor! & vinis abiit; quid dico? reuiuiscit
Hæredemque sibi substituisse patet
Castillo Pater est nulli pietate, secundus
Assuela Francisci, quin imo Filius est
Filius est inquam, sancti generosa propago
Regula viuendi, norma pudicitiae
Qui, quos natalis dederat, contempsit honores
Luaturus eum qui sine fine manet
Erigit hic mentem subtilis more Ioannis
Atque Incarnatum comprobat esse Deum
Vs penetrant Aquila nubes, calosque volatu
Ardua sic penetrat mente secreta Dei
Nec satis est, Christi Matrem defendit acute
Peccati dicens non Tetigisse luem,
Huius ope Tutus, solitoque inmixtus Achilli
Obstruit aduersis omnibus ora suis
O vermen sanctum, proles sacunda minorum
Quo uiuit Scotus, quo viget ordo Seraph
Tu Patria lumen, Francisci gloria Patri
Tu decus & nostra Religionis honos
Eia age rumpe moras? opus hoc, captoque labores
Perfice nam merces lausque perennis erit
Perge modo Christi casta seruire parenti:
Sic Franciscus eris, Scotus & alter eris.

F. FRANCISCVS CLEMENT LOTHRINGVS,
 Compluti Sacrae Theologiae studens humilisque disci-
 pulus in singularem amoth-Tesseram leçtori suo
 dicat.

Ad eundem
ACHROSTICHON.

FRANCISCVS DE CASTILLO
æmina, Serpentis consensit credula fraudi
adice[m]q[ue] hominum corrupti labe perenni
nte virum statuens vetitum super omnia fructum
on aduertit Adam, sed spe delusus inani
onniuet uxori, dominiq[ue] Tremenda recusat
ussa segni, praecep[que] ruit, perdisque sequaces.
edit iudicium, Triadis, mandante corona
onsilyque Pater, sacras destinat ad arces
irginis Aligerum, prompte qui nuntia ferret
e Dominum Regemque orbis, verbumque parentis
e virtute Dei parituram, sicque salutem
sse recepturos homines, finemque beatum
um nascente Deo, cuius confixus amore
uolat in calos animo, similisque Ioanni
upremos penetrat verbi Castillo recessus
antaque de Christo referat tamquam abdita pandit
llius ut flammis Totius videatur adustus
ucis enim radios diffundit solis ad instar
umine qui replet, mentes, animosque serenat
utinam Talia semper luceret Apollo.

Fr. Franciscus Clement Lotharingus.

Ad eundem
EPIGRAMMA.

Non Deus acceptas diuinum cordis amorem
Aut nihil aut Totum quærit adesse sibi
In medio positus quid agis? vel quæso quid optas?
Hinc vocat alma Parens, filius inde trahis
Accipe Mariam, pignus dum gestat in Aluo
Sic Tibi, natus erit quæ tibi mater erat.

Fr. Franciscus Clement Lotharingus.

V

Reuerendo admodum, ac toto orbe terrarum splendidi-
 ssimo P. Fr. Francisco Castillo huius almæ prouinciæ
 Castellæ custodi amplissimo, & in celeberrima Com-
 plutensi Academia Lectori Iubilato, sapientissi-
 mo suo Magistro in egregium illius opus
 de Incarnatione Achrosticon carmen
 F. Vrbanus Serrier Lotharingus.

D. D. D.

FRancisci	ERundens	ERacundo	ERonte	ERluenta,
FRimantes	ERoseo	ERaparasti	ERore	ERuinas:
ABstrusa,	ASTriferas,	ACuens,	ASCendis	ADarces,
NOstra	Naxrando	Natura	Nubere	Numen.
CONTicuere	CHori,	CONSueto à	Carmine	CESSant;
INTus	INauditis	INTenti	ILLapsibus:	IGne
SIDereo	Succi	SCotici	SIgnante	Saporem
CÆlicola	CANTu	CElebrant,	CEstuarisq;	CAnoris,
VERbum	Vnire viro,	VALentem	VIrtute	VALentem,
SICq; super	Solio	SUPERiũ	STellante	SEdentem.
CŒgaudent	CÆtus:	CAListi	CUNcta	COTHurno
ASflata	ASpirant,	ANimiq;	ARDoribus	ASTans
SPlendenti	SCoticis,	SANctum	SUBLime	SONanti
ITiani	ITibys:	ITenebrasq;	ITartara	ITantis
ITaiacent	ITaculis,	ITerumq;	ITimpugnatis	ITanantè
ILLuciferi	ILLatebrosa	ILLues tua	ILLincea	ILLatè
ILLumina,	ILLucentem	ILLapsis,	ILLustratio	ILLucem,
ILLustpor,	ILLorbisdecus	ILL	ILLornatus	ILLimpi.

Oden
Ad infignem tractatum de Immaculata
Deiparae conceptione à Reuerendo
P.Fr.Francisco del Castillo edi-
tum Fr. Vrbanus Serrier.

D. D. D.

Q Valiter velox, aquila volatus
Regia nubes superas adagnas,
Et fruens Phœbi radijs micantibus,
Deserit ima,

Ac velut carnis nimium Ioannes
Ceteros inter Domini ministros,
Eminet cunctis, Triadis superna
abditâ pandens.

Non secus fulges studio sequaces
Ante subtili reliquis Magistri,
Ipse Doctorum velati supremum
Occupat arcem.

Namque, ut audaces animos repressit
Virginem verbum gremio gerentem
Nesciam labis iaculo volentes
Ledere culpa.

Sic eam primo reparas nitori,
Dum potens soluis ratione fraudes
Hostium, & prudens inimica relictis
Dogmata damnas.

Hinc procul seui fugias deinceps
Demonis promens stygia minister
Arte compactas, iterum doloso
Pectore fraudes.

Inuidos ausus pudeat moliri,
Dum decus calis rutilas Maria,
Et soli Castillo iubar serenat
Nubila Aeterni.

O Polî splendor soboles, parensque,
Filio terris parili fruentes,
Satagis gratis data, qui referre
Munera utrique.

Pergite ò Dini cumulare vestris
Gratibus, donis, meritisque plenis:
Non hic ingratus, sed amicus aequi,
Reddes abunde.

Luminum summo júbilus parenti,
Compari virtus sobolis, potestas
Pneumati Sancto, Triadi perenni
Gloria sacro.

Eiusdem

V(11)

Eiusdem ad eundem Epigramma.

*Castillo at hereis genus hoc mortale catervis
Nectis, & Angelico cedis adesse choro :*

*Dum summis imum, celsi virtute tonantis,
Unitum Scötico concinis eloquio.*

*Ergo age, felici tibi cedit scenore, namque
Quem facis esse hominem, te dabit esse Deum.*

SVMMA PRIVILEGII.

PHILIPPVS Dei gratiâ totius Hispaniæ vtriusque Sici-
liæ, Indiarum, &c. Rex Catholicus, Serenissimus Belgar-
um Princeps, diplomate suo sanxit, Ne quis præter
PETRI BELLERI Bibl. Antuerpiensis voluntatem, librum,
cui titulus R. P. Fr. FRANCISCO del CASTILLO VELASCO,
*Ordinis minorum, S. Francisci de obseruantia: de verbo Incar-
nato, deque præseruatione Virginis ab originali peccato, & de
Fide, Spe, & Charitate,* intra decennium in Belgio imprimat,
aut alibi locorum impressum in has Inferioris Germaniæ di-
tiones importet, venalè inue exponat. Qui secus faxit, confi-
scatione librorum, & aliâ graui poenâ multabitur: vt latius
patet in litteris datis Bruxellæ anno 1640. die 9. Martij.

Signet

STEENHVYSE.

Cenfura R. P. Fratris Gasparis de la Fuente lectoris Iu-
bilati & cœnobij Complutensis sancti Didaci mari-
tissimi Guardiani.

DE mandato Reuerendi admodum P.N. Fratris Ioannis Merinero lectoris Iubilati, nec non, & huius alma castella Prouincia Seraphici P.N. Francisci de obseruantia Prouincialis, Tractatum istum de ineffabili Incarnationis mysterio ab eruditissimo Patre Fr. Francisco del Castillo Velasco, quondam in hoc minorum Complutensi cœnobio Primaria sacra Theologia lectore, nunc iam Iubilati laureola insignito, supremi sanctæ Inquisitionis Regalis senatus qualificatore, eiusdemque Prouincia custode dignissimo. Attentus legi, rursus perlegi; quid sententiam sincere dicam, & breuiter, opus istud, & doctrinam commendat, & Doctorem, Doctorem predicat pium, modestum, & eruditum, non transcriptorem reprobentis, ut plures, sed eximium exaltat scriptorem, castis, nam ita, & examinatis verbis, non quod ex tollida emulatur contentio, sed quid fidelis sensus Catholica famuletur veritati producit, ut idem Spiritus, & pietas, quam à tanto ebibit Magistro subtilissimo doctorum, quasi ab uno fonte scaturire videatur; Doctrinam etiam commendat, nam plures opiniones, quas solum, quia antiquas antiquatas aliquorum Recentiorum occitantia, & veluti de tenebris conspultas autumabat, ab eisdem tenebris, tamquam ab iniustis vendicat Possessoribus, lucique restituit meridiana: & quod summi studij est, ornatum recentiore non despicit, nec grauem antiquorum puritatem in minimo ledit, aut violat, quare has lucubrationes, omnibus fore gratissimas non dubito, precipue Complutensibus, qui, quod scriptum semel inspexerint, sapius in palestra irrefragabiliter defensatum memorabuntur. Typis ergo, dignas iudico, reputoque communi utilitati, & seraphica familia consentaneum tantum virum compelli, ut reliquos sui ingenij partus praelo mandaturus festinet, in hoc Complutensi sancti Didaci cœnobio.

Fr. Gaspar de la Fuente.

Appro-

Approbatio R. P. Fr. M. Chrysofomi Cabero Cathedram philosophiæ moralis in vniuersitate Complutenſi moderatoris.

Commissione Domini, D. Ferdinandi Ballesteros, & Saavedra Ecclesiæ Magistralis Complutenſis Abbatis, nec non Vicarij generalis in tota Toletana diaceſi; Disputationes de Incarnatione Verbi, & deipara præſeruatione, à ſapientiſſimo Patre Magistro fratre Francisco del Caſtillo Velasco, in Seraphici ſancti Franciſci Venerando conuentu ſacre Theologiæ prælectore; in conſpectum edendas, proferendasque in lucem, aui-
de euolui: & inueni librum, dum ſacre paginæ, conciliorum, & Patrum testi-
monia explanat; auctoritate grauem, in ſcholasticis allegandiſum, in
opinionibus refellendis perſpicacitate acerrimum, nobilitate benignum, reli-
gionis modeſtum, Habet iam Scotica doctrina Caſtellum recens vnde quaque
munitum, quo facile Scotiſta valeant aduerſantium opinionum tormentis
percutere muros, aliorumque impetus reprimere facile; in quo nihil fidei Or-
thodoxæ reperi diſſonum: ſed omne Catholice eſt conditum Catholice que
Reipublicæ perutile. E Republica igitur erit, vt mandetur prælo, typiſque
excudatur. In hoc Complutenſi Collegio D. Bernardi die 23. Martij, anno
Domini 1638.

Fr. Chryſoſtomus Cabero.

Facultas R. P. Miniſtri Prouincialis.

Frater Ioannes Merinero lector Iubilatus, & huius ſanctæ Prouinciæ
Caſtellæ Regularis obſeruatiæ Seraphici Patris noſtri ſancti Franciſci
Prouincialis Miniſter, Patri fratri Francisco del Caſtillo Velasco ſu-
preme Inquiſitionis Caſtellanæ qualiſicatori, lectori Iubilato, & huius ſupra
dictæ noſtræ ſanctæ Prouinciæ Cuſtodi; ſalutem, & pacem in domino ſempi-
ternam, cum veſtra Paternitas ex duobus Tomis in tertium ſententiarum,
Primum de Incarnatione Verbi, & præſeruatione Virginis à peccato Ori-
ginali ediderit, quem ex commiſſione ſibi à nobis delegata Pater frater Gaſpar
de la Fuente lector Iubilatus, & noſtri Conuentus S. Mariæ de Ieſu Complu-
tenſis Guardianus approbavit; cumque non parum rei Litterariæ, & Theo-
logiæ Scholæſticæ Profeſſoribus progreſſu conſuiuiſſimus exiturum, quapropter
veſtræ Paternitati facultatem facimus, quatenus oblato, primum conſilio
regio dicto libro, ab eoque licentia obſenta, poſſit cum typis mandare: Da-
tum in hoc noſtro conuentu ſanctæ Mariæ de Ieſu Complutenſi vigeſimo
Martij anno Virginei partus 1638.

Frater Ioannes Merinero.

Miniſter Prouincialis.

(..) 3

LICEN-

LICENTIA ORDINARI.

NOs doctor Dominus de Narbona Vicarius generalis in audientia curiae Archiepiscopalis Complutensi, & in omni Archiepiscopatu Toletano, &c. tenore presentium Patri fratri Francisco del Castillo Velasco Religioso ordinis Seraphici Patris sancti Francisci, suprema consilij sanctae Inquisitionis qualificatori, Theologiae lectori lubilato, & Prouincia Castella Regularis obseruantia custodi; licentiam impertimur quatenus in hoc dicto loco, & quolibet alio, siue intra, siue extra huiusmodi Archiepiscopatum, possit imprimere primum Tomum à se compositum, super tertium sententiarum Scoti, qui inscribitur de Incarnatione verbi, & praeservatione Virginis à peccato originali: supposito quod nobis constat secundum censuram Reuerendi Patris fratris Chrysostomi Cauero religiosi Cisterciensis sancti Bernardi, cui fuit remissus ex commissione Domini Domini Fernandi Valleteros de Saabedra nostri praedecessoris in officio, maxima eruditionis, & utilitatis futurum: nec quidquam in eo inueniri, quod nostra sanctae fidei aduersetur, & bonis moribus contradicat; Datum Compluti die octauo Martij, Anno Domini 1638.

Dominus Ioannes de Narbona,
Vicarius Generalis.

INDEX

2.

INDEX OMNIVM, QVÆ CONTINENTVR IN HAC MATERIA DE INCARNATIONE.

DISPV TATIO PRIMA.

De nomine Incarnationis,
eiusque possibilitate, exi-
stentia, conuenientia, & ne-
cessitate. fol. 3.



QVÆST. I. *Vtrum nomen In-
carnationis sit exactum.* fol. 3.

QVÆST. 2. *Vtrum possibile
fuit naturam humanam
uniri verbo.* fol. 4.

QVÆST. 3. *Vtrum prædicta Incarnationis
possibilitas solo lumine naturali possit
cognosci.* fol. 7.

QVÆST. 4. *Vtrum Messias iam venerit.* fol. 10.

QVÆST. 5. *Vtrum Messias verus fuerit
homo & verus Deus.* fol. 12.

QVÆST. 6. *Vtrum intellectus creatus vi-
ribus natura relictus valeat cognoscere
mysterium hoc iam existens.* fol. 15.

QVÆST. 7. *Vtrum Incarnationis myste-
rium fuerit omnino, & vndeque con-
uenientissimum.* fol. 18.

QVÆST. 8. *Vtrum verbi diuini Incarna-
tio fuerit necessaria.* fol. 21.

DISPV TATIO II.

De satisfactione puri ho-
minis. fol. 25.

QVÆST. I. *Quid, & quotuplex sit sa-
tisfactio.* fol. 25.

PARS. I. *De duplici priore conditione ad ri-
gurosam iustitiam.* fol. 30.

PARS. 2. *De alijs conditionibus requisitis
ad rigurosam iustitiam.* fol. 31.

QVÆST. 2. *Vtrum purus homo condigne
possit Deo satisfacere pro proprio, & a se
commisso peccato mortali.* fol. 35.

QVÆST. 3. *Vtrum purus homo possit de
condigno satisfacere pro suo peccato ve-
niali.* fol. 47.

QVÆST. 4. *Vtrum purus homo possit pro
peccatis aliorum condigne satisfacere de
potentia Dei absoluta.* fol. 50.

DISPV TATIO III.

De satisfactione exhibita à
Christo Domino. fol. 55.

QVÆST. 1. *Quo pacto fuerit satis-
factio Christi condigna.* fol. 55.

QVÆST. 2. *Vtrum satisfactio Christi fue-
rit infiniti valoris.* fol. 63.

PARS. I. *Impugnantur diuersi philosophan-
di modi, quibus merita Christi.* fol. 69.

PARS. 2. *Adstruuntur esse simpliciter in-
finita in esse moris in quo sit satis argu-
mentis in contrarium adductis.* fol. 72.

QVÆST. 3. *Vtrum in satisfactione Christi
intercesserit propria, & specialis iustitia.* fol. 76.

QVÆST. 4. *Vtrum Christi satisfactio fuerit
de toto rigore iustitia.* fol. 83.

DISPV TATIO IV.

De motiuo, & fine cuius gra-
tia Incarnatio prædestinata
est. fol. 89.

QVÆST. 1. *Vtrum Incarnatio verbi
diuini ita sit à Deo prædestinata
in redemptione generis humani
à peccato originali, ut si Adamus
non peccasset, Christus ex vi
præsentis decreti, & prædestina-
tionis non venisset.* fol. 89.

PARS. I. *Impugnatur præfata sententia
media.* fol. 93.

PARS. 2. *Scoti sententia tamquam verisim-
ilis.* fol. 94.

INDEX.

- ma propugnatur prius doctrinali explanatione, fol. 95.
 PARS 3. Sententia Scoti ex altis probationibus solidatur, fol. 101.
 PARS 4. Argumentis in contrarium pro prima & tertia sententia adductis fit satis, fol. 107.
 Quæst. 2. Cuius peccati remedium fuerit principale motuum aduentus Christi ut Redemptoris, quo deficiente, ipse non veniret ut Redemptor, fol. 110.

DISPUTATIO V.

De Incarnatione, seu vnione hypostatica secundum se considerata. fol. 114.

- Q VÆST. 1. *Virum terminus totalis ad quem unionis, seu actionis Incarnativa fuerit, vel unica natura, vel duplex persona,* fol. 114.
 Quæst. 2. *Virum propter prædictam unionem duarum naturarum in persona verbi Christi fit persona vere & proprie composita,* fol. 119.
 Quæst. 3. *Quis sit formalis terminus ad quem, & a quo Incarnationis,* fol. 121.
 Quæst. 4. *Virum per Incarnationem producat virio formalis & an ipsa sit absoluta, vel relativa, substantialis, vel accidentalis,* fol. 124.
 Quæst. 5. *An hac unio sit omnium maximam in ratione unionis, quam in ratione doni,* fol. 133.

DISPUTATIO VI.

De vnione hypostatica ex parte personæ terminantis. fol. 136.

- Q VÆST. 1. *Virum persona verbi terminaret naturam humanam ratione alicuius absoluti, An solum ratione relativa proprietatis,* fol. 137.
 Quæst. 2. *Virum plures diuina persona possint simul, & immediate assumere eandem numeratam naturam,* fol. 143.
 Quæst. 3. *Virum una persona diuina plures possit assumere naturas,* fol. 149.
 Quæst. 4. *Per quid constitutur persona*

- seu suppositum creatum in ratione personæ,* fol. 153.
 Quæst. 5. *Virum substantia totius sit simplex, vel composita,* fol. 161.
 Quæst. 6. *Virum persona creata possit ad se sumere alienam naturam,* fol. 163.

DISPUTATIO VII.

De vnione hypostatica ex parte naturæ terminatæ. fol. 166.

- Q VÆST. 1. *Virum qualibet natura sit terminabilis a persona verbi,* fol. 166.
 PARS 1. *An natura Angelis assumi potuerit a verbo,* fol. 166.
 PARS 2. *An natura substantialis irrationalis assumi potuerit,* fol. 167.
 PARS 3. *An natura accidentis possit assumi a verbo,* fol. 168.
 PARS 4. *An partes substantiales possint a verbo terminari,* fol. 169.
 Quæst. 2. *Virum natura humana existens cum propria personalitate sit assumptibilis a verbo,* fol. 170.
 Quæst. 3. *An verbum assumpserit omnes partes essentielles naturæ humanæ,* fol. 173.
 Quæst. 4. *An verbum assumpserit partes integrantes sanguinem humores, & ea, quæ iam ad ornatum, quam ad naturæ necessitatem pertinent,* fol. 176.

DISPUTATIO VIII.

Circa ordinem, quem habuit verbum in assumptione totius naturæ humanæ, & in assumptione suarum partium. fol. 181.

- Q VÆST. 1. *Virum fuerit aliquis ordo assumptionis inter totam naturam, & partes eius,* fol. 181.
 Quæst. 2. *Virum verbum diuinum prius assumpserit vnā partem, quam aliam,* fol. 183.
 Dubium, Appendix, *an organizatio corporis Christi præcesserit tempore animationem eiusdem,* fol. 185.

DISPV.

DISPUTATIO IX.

De causis Incarnationis.
fol. 187.

Q VÆST. 1. *Quanam fuerit causa efficiens Physica principalis Incarnationis, & an habuerit aliquam causam instrumentalem, vel dispositiuam,* fol. 187.

QVÆST. 2. *An humanitas Christi potuerit mereri substantiam Incarnationis,* fol. 190

QVÆST. 3. *Vtrum Christus meruerit, aut mereri potuerit substantiam Incarnationis,* fol. 193

QVÆST. 4. *Vtrum antiqui Patres meruerint, vel mereri potuerint substantiam Incarnationis,* fol. 196

QVÆST. 5. *Vtrum Christus meruerit sua Incarnationis circumstantias,* fol. 198

QVÆST. 6. *An beatissima virgo meruerit maternitatem Dei, quam habuit,* fol. 200

QVÆST. 7. *An Patres antiqui meruerint reliquas Incarnationis circumstantias,* fol. 206

DISPUTATIO X.

De unitate & pluralitate Christi.
fol. 208

Q VÆST. 1. *An in Christo fuerit unita tantum existentia,* fol. 208

QVÆST. 2. *Vtrum Christus sit aliqua duo appellandus,* fol. 211

QVÆST. 3. *Vtrum in Christo sit una voluntas, & una operatio,* fol. 213

PARS. I. *In quo sit satis tribus dubijs sortis ex quodam errore,* fol. 214

PARS. 2. *Quid sit operatio Christi theandrica,* fol. 216

PARS 3. *An in Christo fuerit contrarietas voluntatum,* fol. 218

Finis mysterij Incarnationis.

DISPUTATIO XI.

De gratia Christi prout est
quidam homo singularis.
fol. 219.

Q VÆST. I. *Vtrum in anima Christi fuerit gratia habitualis,* fol. 219

QVÆST. 2. *Ad quid fuerit necessaria gratia habitualis in anima Christi,* fol. 221

QVÆST. 3. *Qua certitudine gaudeat in anima Christi fuisse gratia habitualis,* fol. 227

QVÆST. 4. *Vtrum gratia habitualis Christi Domini fuerit infinita,* fol. 229

QVÆST. 5. *Vtrum gratia habitualis Christi potuerit augeri,* fol. 232

QVÆST. 6. *Vtrum in Christo Domino recepta fuerit gratia actualis,* fol. 236

DISPUTATIO XII.

De virtutibus, & donis atque
gratijs gratis datis, quæ
fuerunt in anima Christi.
fol. 238.

Q VÆST. 1. *Vtrum fides virtus theologica fuerit in anima Christi,* fol. 238

QVÆST. 2. *Vtrum spes virtus theologica fuerit in Christo,* fol. 241

QVÆST. 3. *Vtrum in Christo Domino fuerint virtutes morales,* fol. 245

QVÆST. 4. *Vtrum in Christo fuerint omnia omnia dona Spiritus sancti,* fol. 249

QVÆST. 5. *Vtrum in Christo fuerint omnes gratia gratis data,* fol. 253

DISPUTATIO XIII.

De gratia Christi prout est
caput Ecclesiæ. fol. 256

Q VÆST. I. *Vtrum Christus sit caput omnium hominum,* fol. 256

QVÆST. 2. *Vtrum Christus in quantum homo sit caput Angelorum,* fol. 258

QVÆST. 3. *Quæ gratia sit gratia capitis in Christo,* fol. 260

DISPV.

DISPUTATIO XIV.

De merito Christi Domini nostri. fol. 162.

Q VÆST. 1. An per omnia opera Christus Dominus meruerit, fol. 162

PARS 1. An Christus Dominus meruerit per actum dilectionis Dei super omnia, fol. 163

PARS 2. An Christus Dominus meruerit ad opera ad qua tenebatur ex precepto, an non, fol. 168

Quæst. 2. Quo tempore Christus Dominus meruerit, fol. 170

Quæst. 3. Vtrum Christus Dominus aliquid sibi meruerit, fol. 173

Quæst. 4. Vtrum Christus Dominus meruerit Angelis gratiam, & gloriam essentialem, fol. 177

Quæst. 5. Quid Christus Dominus nobis meruerit, fol. 184

Quæst. 6. De diuersi Christi Domini appellationibus, fol. 187

DISPUTATIO XV.

De scientia animæ Christi. fol. 189.

Q VÆST. 1. Vtrum in Christo fuerit scientia beata ab initanti sua conceptione, fol. 189

Quæst. 2. Que qualis, & quantas scientia beata animæ Christi, fol. 191

Quæst. 3. Vtrum in Christo fuerit scientia in proprio genere, & quod duplex fuerit, fol. 198

Quæst. 5. De obiectis scientia per se infusa, qua fuit in anima Christi, fol. 302

PARS 1. Vtrum Christus per scientiam per se infusam nouerit obiectum increatum, fol. 302

PARS 2. Vtrum Christus per hanc scientiam nouerit obiecta sensibilia, & materialia, fol. 308

PARS 3. An Christus per hanc scientiam nouerit obiecta supernaturalia, fol. 311

PARS 4. Vtrum Christus per hanc scientiam cognouerit singularia determinata sub quantis temporis differentia, fol. 312

PARS 5. Vtrum Christus per hanc senten-

tiam cognouerit futura contingentia, fol. 313

PARS 6. De numero obiectorum, qua Christus cognouit per hanc scientiam, fol. 317

Quæst. 5. Vtrum in scientia per se infusa anima Christi datur habitus distinctus à speciebus, fol. 320

Quæst. 6. De his, qua pertinent ad actum scientia per se infusa, fol. 324

PARS 1. An omnia, qua Christus cognouit per hanc scientiam, cognouerit simul unico actu secundo, fol. 324

PARS 2. Vtrum Christus potuerit uti hac scientia cum collatione & discursu, fol. 325

PARS 3. Vtrum Christus usus fuerit hac scientia cum conuersione ad phantasmatia, fol. 326

PARS 4. Vtrum actus scientia per se infusa Christi excedat actum eiusdem scientia Angelorum, fol. 327

Quæst. 7. De scientia per se acquisita anima Christi Domini, fol. 326

DISPUTATIO XVI.

De potentia Christi Domini. fol. 336.

Q VÆST. 1. An humanitas Christi uerbo unita habuerit omnipotentiam, fol. 336

Quæst. 2. Qua uirtute Christus fecerit miracula, an physica, an uero morali, fol. 338

Quæst. 3. Vtrum Christus secundum quod homo fuerit Rex temporalis omnium regnorum, fol. 341

Quæst. 4. Vtrum Christus fuerit peculiariter Rex Iudeorum, fol. 343

Quæst. 5. An homo Christus habuerit dominium rerum omnium, fol. 344

Quæst. 6. De sacerdotio Christi Domini, fol. 345

PARS 1. An sacerdotium Christi præsuerit etiam ipsi Christo, fol. 346

PARS 2. Qua ratione Christus sit sacerdos in æternum, fol. 347

PARS 3. Quare Christus dicatur sacerdos secundum ordinem Melchisedech, fol. 348

DISPV.

DISPUTATIO XVII.

De filiatione, prædestinatione,
& subiectione Christi.
fol. 349.

Q VÆST. 1. *Virum Christum in quantum homo fuerit formaliter filium Dei adoptivum, an tantum naturalis,* fol. 349

PARS 1. *Refertur sententia negans cum suis fundamentis,* fol. 350

PARS. 2. *Explanatur error felici, & Elipandi, & quid contra ipsos fuerit definitum,* fol. 353

PARS 3. *Ostenditur, quod retenta unitate suppositi divini Christus secundum quod homo est formaliter filius Dei adoptivus,* fol. 359

PARS 4. *An Christus secundum quod homo sit formaliter filius Dei naturalis,* fol. 365

PARS 5. *Fit satis argumentis contra adoptionem & pro filiatione naturali factis,* fol. 384

QVÆST. 2. *Quomodo Christus sit prædestinatus filius Dei,* fol. 384

QVÆST. 3. *Virum Christum in quantum homo verè, & stricte fuerit servus Dei,* fol. 388

QVÆST. 4. *Virum Christum in hac vita mortali verè oraverit ad Deum,* fol. 393

PARS. I. *Virum omnis Christi oratio in terris fuerit exaudita,* fol. 393

PARS 2. *Virum Christum nunc in calo existens verè oret pro nobis,* fol. 394

DISPUTATIO XVIII.

De defectibus assumptis in
humanitate à Christo.
fol. 397.

Q VÆST. 1. *De impeccabilitate Christi secundum naturam humanam,* fol. 397

QVÆST. 2. *Virum Christum assumpseris, vel assumere potueris ignorantiam,* fol. 401

QVÆST. 3. *Virum defectus corporales, quos assumpsit Christus in humanitate*

fuerint ipsi Christo voluntarij, fol. 403
QVÆST. 4. *Virum Christum assumpseris defectus corpori, & anima communes,*

fol. 405
PARS 1. *An in Christi humanitate fueris fomes peccati,* fol. 406

PARS 2. *An, & quomodo fueris in Christo tristitia,* fol. 407

PARS 3. *An in humanitate Christi fueris dolor,* fol. 411

PARS 4. *An in humanitate Christi fueris timor,* fol. 412

PARS 5. *An in Christo fueris verè & propriè actus admirationis,* fol. 413

PARS 6. *An in Christo fueris ira, & quid sit dicendum de cæteris passionibus,* fol. 414

DISPUTATIO XIX.

De modo, quo debemus lo-
qui in hoc mysterio.
fol. 415.

Q VÆST. 1. *Qua ratione idiomatica natura humana & divina ad invicem communicentur in Christo,* fol. 415

QVÆST. 2. *Qualiter dicatur Deus factus est homo & homo factus est Deus,* fol. 419

QVÆST. 3. *Virum absolute Christus, & sine additione possit dici creatura,* fol. 420

QVÆST. 4. *Qua evincutiones fieri possint cum nota reduplicationis,* fol. 422

DISPUTATIO XX.

De adoratione Christi Domi-
ni.
fol. 424.

Q VÆST. 1. *Ad quam virtutem spectet adoratio,* fol. 424

QVÆST. 2. *Per quem actum exhibeatur formalis adoratio,* fol. 427

QVÆST. 3. *Qualiter latría, qua Christum adoramus respiciat ipsum Deum, & hominem,* fol. 430

QVÆST. 4. *Virum humanitas Christi Domini per se, & præcisa à verbo divino possit adorari, & qua adoratione,* fol. 434

QVÆST. 5. *De adoratione eorum, qua specialiter referuntur ad Christum,* fol. 438

PARS 1.

I N D E X.

<p>PARS 1. <i>Qua' adoratione Virgo Maria est adoranda, ut Mater Christi,</i> Fol. 438</p> <p>PARS 2. <i>Quomodo adorandum sit nomen Iesus,</i> Fol. 442</p> <p>PARS 3. <i>An crux Christi Domini debeas</i></p>	<p style="text-align: right;">adorari, Fol. 443</p> <p>PARS 4. <i>Vtrum imago Christi debeat ado- rari, & qua adoratione,</i> Fol. 445</p> <p>QUEST. 6. & VLTIMA, <i>de adoratio- ne Christi Domini in Eucharistia,</i> Fol. 453</p>
--	--



D E V E R B O I N C A R N A T O.

P R O O E M I V M.

DE abditiſſimo Incarnationis myſterio, ineffabiliq̃ue duarum naturarum, diuinæ ſcilicet & humanæ conſortio in Chriſto Ieſu Domino noſtro, proprietatibꝯq̃ue & affectionibus à tali vnione proficiſcentibus diſputaturo, adſit ipſe altiſſimus noſtræ intelligentiæ Scopus, & huius materiei ſplendidiſſimum & nobiliſſimum obiectum; quod ſicut & rationales creaturas ſuâ diuinitate colluſtrat, ſuo pretioſiſſimo effuſo ſanguine perficit, & tamquam vnico & ſingulari remedio conſolatur & recreat; ita partem iſtam reliquas ſacræ Theologiæ partes (ea quæ de Triadis altiſſimo myſterio diſputat, excepta) grauitate antecellere facit, ſublimitate præponi, & dignitate præire. Materia quidem ſcientiæ non indigna, ſed potiꝯ ipſi ſatis proportionata, licet enim ſit contingens & ſingularis, de quibus non eſt ſcientia, quatenus tamen ſub reuelationem cadit, & quaſi vniuerſalem habet naturam hypotaticè vnien- di, materiam ſciendi continet neceſſariam. Circa cuius inueſtigationem, vtpote grauibus, ac perobſcuris inuolutam difficultatibus, cùm ſit (vt verbis vtar Cyrilli Alexand. ad Reginas) *quaſi anigma ſacraſiſſimum, quod ſummâ potiꝯ ventratione ſuſcipiendum eſt, quàm humani iudicij trutina ſubiiciendum*, ne latum (vt aiunt, vnguem ab Eccleſiæ dogmatibus, antiquorumq̃ue Patrum placitis diſcedam.

De hac materia agunt Scholaſtici cum Magiſtro in tertio Sent. ad 1. vſque ad 23. vbi Scotus noſter Theologorum omnium facilè princeps, cuius ſubtiliſſimis ſententiis inhærere,

Caſtillo de Incarn. Pars I.

A

cuius

cuius piissima scripta omni industriâ, summaque diligentia rimari in animo est: *Quosdam enim dedit Deus Doctores*, inquit Apostolus ad Ephes. 4. *ut non simus paruuli fluctuantes, & circumferamur omni vento doctrinae*, quare inter cæteros subtilissimum, pientissimum, simulque veracem Scotum seraphica elegit religio. Agunt insuper Alexand. Alenf. 3. part. à quæst. 1. vsque ad 25. vbi D. Thomas per 26. quæstiones, & 4. contra Gentes à cap. 27. vsque ad 49. Recentiores Thomistæ tomo primo in tertiam partem, Scotistæ in tertium Sent. apud quos videri possunt quamplures Patres Ecclesiæ, de hoc agentes mysterio. In cuius explicationem eam obseruabimus methodum, vt primò Disputationes proponam, sub quibus examinabo Quæstiones; & si opus fuerit, diuidam in Partes. Faxit etiam Virgo Deipara (de cuius erit immaculatâ puritate latus sermo) Catharina martyr & virgo, seraphicus Pater noster Franciscus, & B. Didacus aduocatus, negotium hoc perficientes,



DISPV.

DISPUTATIO PRIMA

DE

NOMINE INCARNATIONIS,

EIVSQUE POSSIBILITATE, EXISTENTIA,

CONVENIENTIA, ET NECESSITATE.

Vtimur in scholis nominibus pro rebus, unde prior est in qualibet materia de nominibus disputatio, ut notis terminis ad notionem reliquorum sit accessus. Postea de his quæ continentur in titulo disputationis tantquam de proœmialibus agemus; pertinent enim ad illas quæstiones, an sit, & propter quid sit, quæ inter quatuor de qualibet re assenit Aristoteles secundo post Cap. 5. esse scienda.

QVÆSTIO PRIMA.

Utrum nomen Incarnationis sit exactum.

1. **N**on defuere aliqui nimium Latini, qui vocem hanc Incarnationis, quod latina non sit, reprehendunt, imò interdum Catholici (ut refert Athanasius serm. de Sanctiss. Dei-para) illà vti formidabant, ne diuinum Verbum solam carnem sine anima assumpsisse, cum Apollinari & Arrio sentire viderentur.
2. Sed in hac re Dico primò, Non est fugienda vox Incarnationis, propter nouitatem ipsius. quod Probo primò ex Cicerone lib. 3. Academicarum quæstionum, ubi ait quòd nouis rebus noua sunt nomina imponenda, sed hoc mysterium nouum est, imò ut ait Damasc. lib. 3. de Fide cap. 1. *Est nouum omnium nouorum, & solum sub sole nouum, per quod Dei apparatus infinita virtus, bonitas, & sapientia;* ergo ad illud significandum non debemus fugere nouum nomen. Et confirmatur quia propter hoc Patres Concilij Niceni vti sunt hac noua voce *homosum*, ad significandum consubstantialitatem Patris & Filij; & tam Patres quàm Theologi Scholastici vtuntur nouo nomine *transubstantiationis*, ad Eucharistiæ mysterium significandum, ergo eodem modo hac noua voce In-

carnationis, vti possumus, ad hoc nouum mysterium significandum.

Secundò Probo, quia licet hæc vox in principio E. lesiæ noua esset, quando mysterium hoc nouum erat, tamen post tot dies, menses & annos iam notum noua, sed antiquissima existit, ergo iam modò non est fugienda, quia noua, maxime cum illà vti fuerint Ecclesiæ Patres, tam Græci, quàm Latini, qui videri possunt apud Suarez in Præfat. ad 3. partem tom. 1. Imò illà vtitur Concilium Nicenum, dicens in Symbolo fidei. *Et incarnatus est, &c.*

Dico secundò, per vocem Incarnationis, non significatur Verbum assumptisse solam carnem, sed etiam totam naturam humanam assumptibilem. Probo, per vocem carnis secundum communem modum loquendi SSæ non solum significatur altera pars naturæ humanæ, sed etiam tota natura humana; quando per vocem Incarnationis, non solum significatur Verbum assumptisse carnem, sed etiam totam naturam humanam. Antecedens patet Genes. cap. 6. *Omnis quippe caro corrumperat viam suam.* Lucæ 3. *Et videbit omnis caro Salutare Dei.* Ad Rom. 3. *Ex operibus legis non iustificatur omnis caro coram illo;* in quibus locis, & in aliis pluribus, quos breuitatis causâ omitto; caro significat totam naturam humanam: unde Ioan. Euang. cap. 1. significauit hoc mysterium, dicens: *Et Verbum caro factum est.*

4. Ex his patet ad rationes dubitandi, quia hæc vox Latina est: à Latinis inuenta de nouo, vt nouum significaret mysterium, sicut in qualibet arte contingit, quia dum nouis officia vtuntur instrumentis, nouis etiam vtuntur nominibus ad illa significanda.

5. Insuper patet hanc vocem non esse fugiendam, quia per figuram synecdochæ pars sumitur pro toto, & sic in communi vsu SS. caro significat totum hominem, & consequenter Incarnatio dicit assumptionem totius naturæ humanæ assumptibilis, quod indicauit Cyrillus in Scholiis de Incarnatione cap. 24. quare alij Patres Ecclesiæ vtuntur hac voce *corporationis*, seu *incorporationis*, quia pars sumitur pro toto. Immo hac voce *Incarnationis*, commendatur nobis hoc maximum beneficium assumendi Deum naturam humanam; sicut per vocem carnis significatur debiliior & infirmior pars ipsius, & quæ magis videbatur remouenda, & non vnienda diuinæ naturæ: vnde Paul. 3. ad Timot. ait: *Magnum est pietatis Sacramentum, quod manifestum est in carne*. Pluribus aliis nominibus significatur hoc mysterium, quæ vel sumuntur ab effectu, vel à causa, vel à conditionibus aut proprietatibus ipsius; quapropter dicitur diuina apparitio, diuina dispensatio, Dei descensus, missio Filij, Messias aduentus, exinanitio Dei, &c. de quibus latè agit, & ex Scriptura probat Matthæus Kellisonius super 3. partem D. Thom. tom. 1. in principio de nominibus Incarnationis; nobis autem sufficiat probasse nomen Incarnationis, exactum fuisse ad hoc mysterium significandum.

QVÆSTIO II.

Vtrum possibile fuerit naturam humanam vniri Verbo?

1. QVOD factum est, certum est possibile fuisse, quia alias non fuisset factum, si fieri repugnaret: vnde solum agimus in præfenti, de modo non repugnanti, quo fuit facta unio naturæ humanæ ad Verbum, siquidem de fide est fuisse factam, & quomodo nulla fuerit repugnantia, neque ex parte naturæ

assumptæ, neque ex parte Verbi assumptis, neque ex parte vnionis. Vt autem hoc ostendamus. Nota primò ex infra dicendis, quòd quilibet substantia eo ipso quod substantia est, præcipuè si sit completa, habet annexum quendam modum per se existendi; hoc est, taliter extra causas habet suum esse, quod independens omnino formaliter sit ad sui esse, & ad sui conseruationem ab alio, & sic non indiget quod ab alio sustentetur vt existat, quod aliter contingit in accidenti, nam naturaliter, & secundum propriam naturam nequit esse, nisi ab alio sustentetur, & pendeat in fieri & conseruari: vnde fit vt semper sit in subiecto, nisi interueniat potentia Dei absoluta; modus substantiæ dicitur subsistentia, modus accidentis inhaerentia nuncupatur.

Nota secundo quòd modus iste substantiæ, scilicet existere per se; & modus iste accidentis; scilicet existere in alio, realiter distinguuntur à substantia & accidenti in indiuiduo, quorum sunt modi, quia de potentia absoluta separari possunt, hoc est substantia & accidens possunt esse sine illis, quia suppleantur à Deo altiori modo.

Quibus suppositis, sic ostendo ex Scoto quæst. 1. huius 3. sent. possibilitatem hanc, quia non repugnat ex parte naturæ humanæ, cum enim substantialis & completa sit, debet terminari hoc modo existendi per se, & consequenter ei non repugnat quod singularis sit, & quod vniatur hoc modo, qui reddat illam existentem per se, quod præstat Verbum diuinum, seu personalitas Verbi, ex eo quod substantia est. Neque similiter repugnat ex parte Verbi, quia Verbum est vltimus terminus incommunicabiliter & per se existendi ex tribus, quos habet natura diuina. Præterea non repugnat ex parte vnionis, quia huius repugnantia solum oritur ex parte extremorum; ergo interueniente potentia Dei absoluta non repugnabit, sed fuit possibile naturam humanam vniri Verbo: vnde in hoc consistit mysterium Incarnationis, quod humanitas Christi careat proprio modo existendi per se; seu propria subsistentia, quam deberet habere, si non vniretur Verbo, vt existat per se, seu

sub.

subsistat ea subsistentia quâ existit per se, seu subsistit Verbum diuinum. Secundo, ostenditur hæc non repugnantia respondendo ad argumenta in contrarium

5. Sed contrà primò, quia vnio ista videtur imperfectionem ponere in diuino Verbo, ergo repugnat. Antecedens probatur: Arguit in ipso potentialitatem, compositionem & limitationem, quia modò Verbum reddit personam humanitatem Christi, quam antea non reddebat. Ex quo videtur esse actum, & formam ipsius illiq. inhaerere, quod totum arguit compositionem & limitationem & potentialitatem, & sic imperfectionem. Præterea per vnionem astringitur illi, & quasi limitatur. Ergo, &c.

6. Respondeo, quòd Verbum, quando reddit subsistentem naturam humanam, non comparatur cum illa tãquam forma informans illam, hoc enim diceret veram compositionem, cuius extrema componentia habent se vt actus & potentia, & sic inuolueret imperfectionem; sed comparatur tamquam terminus illius dependentiæ, quam habet natura humana à propria subsistentia: vnde sicut etiam si filius sit terminus patris, vt Patris, non tamen est forma patris; & etiam si Creator sit terminus creaturæ, non tamen est forma seu actus formalis creaturæ; neque propter hoc est in prædictis terminis mutatio, quæ dicat imperfectionem. Ita neque in Verbo, ex eo quod sit terminus dependentiæ naturæ humanæ in quantum personabilis: ex quo patet quòd potentialitas, mutatio & imperfectio solum verificantur de natura humana, in qua inhaeret, seu inest vnio hypostatica, non de Verbo quod solum terminat talem vnionem, per quam non limitatur Verbum, cum nihil amittat propriæ virtutis.

7. Contrà secundò, sicut de Verbo diuino dicitur incarnare, ita dicitur incarnari, quod significat passionem; & etiam dicitur esse vnibile, quod significat potentiam; ergo repugnat ei talis vnio. Respondeo ex Scoto 1. ad argumenta hæc dici grammaticaliter de Verbo, quia talis actio, passio & potentia solum verificantur realiter de natura humana, quia scilicet super eam

transseunt prædictæ mutationes, & potentia, non super Verbum; non aliter ac Deus dicitur Cognoscibilis & Cognitus, ex eo solum quòd sit terminus nostræ cognitionis possibilis & actualis, quæ mutationes & potentia transseunt & inhaerent in nostra potentia, & non in Deo, licet denominent ipsum Deum.

8. Contrà tertio, aliter se habet Verbum nunc, quàm prius, quia modò reddit naturam humanam personam, & antea non: præterea modò dicitur, & est verè & formaliter homo, & antea non; ergo mutatur. Respondeo, quòd in vera & propria mutatione, quæ in aliquo præsupposito subiecto necessariò debet fieri, aliàs non erit vera & propria mutatio, reperitur subiectum cum actu, & cum potentia, quæ perficiatur per actum, quia hoc est de intrinseca ratione motus & mutationis ex dictis in physicis, est enim actus entis in potentia secundum quod in potentia ad actum: vnde cum in Verbo non reperitur potentia vera, quæ perficiatur per actum, quia infinitum in perfectione non potest magis perfici: hinc est quod non mutetur ea mutatione, quæ est vera mutatio, & dicit imperfectionem. Quod si nimium inistes, quod aliter se habere nunc, quàm prius est mutari, etiam si non sit in subiecto potentia ad actum. Respondet benè Valencia to. 1. ad 3. partem, quæst. 3. in responsione ad argumenta, quod quæstio hæc de mutatione erit de nomine, sed vt conformemur communi doctrinæ Patrum & Scholasticorum, vox mutationis semper à Deo est releganda.

9. Contrà quartò, quia personalitas Verbi non est perfectio simpliciter simplex, vt asserit Scotus in hac Quæstione, quia non continet virtualiter omnem perfectionem cuiuscumque personalitatis creatæ; ergo nec potest præstare naturæ humanæ, quod sua propria personalitas præstaret. Et confirmatur quia in doctrina Scoti in præfenti, quæ sustinet diuinas personalitates non esse formaliter infinitas, perfectiori modo continentur personalitates creatæ in essentia diuina, quia formaliter infinita, quam in personalitatibus diuinis, & tamen nequit essentia diuina supplere personalitatem crea-

tam; ergo neque poterit supplere personalitas Verbi.

10. Respondeo ad totum hoc ex eodem Scoto rationem propter quam Verbum terminat dependentiam naturæ humanæ ad personari non esse aliquam virtutalem continentiam Verbi personalitatum creaturarum, sed esse independentiam personalem, quam formaliter habet persona Verbi, & propter huius rationem potest supplere quamlibet dependentiam personalem cuiuslibet naturæ creatæ, & propter huius defectum essentia diuina etiam si virtualiter & eminenter contineat non supplet, neque supplere potest, quia ipsa formaliter non est independentis personaliter, sicut est quælibet persona in diuinis.

11. Contrà quintò, quia etiam si non repugnet hæc vnio ex parte Verbi, repugnat tamen ex parte naturæ humanæ, quæ non in communi, sed vt singularis est debet assumi: vnde Damasc. lib. 3. cap. 1. dixit: *Quod Verbum assumpsit naturam in aeterno*, id est singularem, sed eo ipso quod natura sit singularis, existit per se, & est independentis ab alio sustentante; ergo est persona, & consequenter nequit personari ab alia.

12. Respondeo ex dicendis infra disp. 6. quæst. 4. dum agamus de eo in quo formaliter consistat personalitas & substantia, quod diuersa est formalitas (siue sit negatiua, siue positua) qua natura constituitur indiuidua, singularis ab ea, qua constituitur in esse personæ, quia illa dicit in diuisionem à se, & diuisionem à quolibet alio indiuiduo eiusdem speciei, in quo formaliter conueniunt etiam indiuidua accidentium cum indiuiduis substantiæ: hæc autem dicit incommunicabilitatem, seu non posse communicari alteri tamquam sustentanti, in quo natura substantialis completa non conuenit cum accidenti: vnde licet Verbum assumpsit naturam humanam in indiuiduo, non tamen assumpsit illam substantentem & personatam; quia non sunt idem formaliter esse naturam indiuiduam, & esse substantentem per se, seu existentem.

13. Contrà sextò, quia hæc vnio videtur repugnare ex parte vtriusque extremi, scilicet ex parte Verbi, & naturæ humanæ, quia quæ ad inuicem vniuntur,

aliquam debeat seruare proportionem, sed finiti ad infinitum nulla est proportio; ergo, &c. Et confirmatur, quia plus distant inter se Deus & creatura, quam duo contraria, scilicet albedo & nigredo; sed hæc non possunt inter se vniiri; ergo neque illa. Respondeo ad Argumentum, distinguendo de proportionem: Nulla est proportio quantitativa, quæ est dupli ad dimidium, concedo: Nulla est proportio ordinis, qualis requiritur inter naturam personabilem & substantentiam personantem, nego, propter rationem & doctrinam supradictam in ostensione veritatis eius.

Ad confirmationem respondetur, rationem propter quam non possunt vniiri contraria, non esse propter distantiam, quia magis distant (vt inquit Scotus) superficies & albedo, quam albedo & nigredo; quia illa non solum differunt specie, sicut hæc; sed etiam genere & prædicamento; & nihilominus superficies & albedo vniuntur inter se, non tamen albedo & nigredo: vnde oppositio inter illas reperta est, quæ tollit vnionem, natura autem humana & personalitas Verbi non sunt opposita, licet inter se nimis distant.

Contrà septimò, quia etiam videtur repugnare ex parte ipsius vnionis, nam vel vniiri personalitatem diuinam cum humana natura est reuera illam reddere indistantem & proximam huic, & sic omnis natura humana existens est vnita personæ diuinæ, quia nulla distat ab illa, cum persona Verbi sit vbique per præsentiam, potentiam & essentiam; vel est alio modo vtramque coniungere, qui modus non videtur perceptibilis, quia non apparet quomodo quid creatum alliget diuinum esse cum esse humano. Respondeo, vnionem formaliter non esse solum reddere indistantem naturam humanam à Verbo, vt bene probat argumentum; sed esse specialem coniunctionem, & ligaturam, quæ licet creata sit formaliter in se, tamen talis est naturæ constitutæ à Deo, quod habeat pro formali effectu vniere naturam humanam cum personalitate Verbi, vt personalitas Verbi reddat naturam humanam personam. Et non est mirum quod non satis percipiatur modus istius vnionis, cum ipsa sit ineffabilis, supernaturalis, & excedens vires nostras;

14.

15.

nostras; neque reperiatur exemplum in omnibus simile, vt possit nobis satis notificare, vt bene plures Patres.

16. Inquires pro complemento Quæstionis, quodnam sit exemplum verosimilius in naturalibus, & huic mysterio magis accommodatum, vt percipiamus illud? Et respondeo inter alia illud esse præcipuum, quod adducitur à Scoto, vbi supra §. de 1. d. scilicet de subiecto & accidenti, quod in accidenti est duplex habitudo ad subiectum, vnà tamquam forma ad materiam, quam informat, & ista habitudo includit imperfectionem in subiecto, quia arguit in eo potentialitatem ad periculi saltem accidentaliter; alia habitudo est ad subiectum tamquam ad sustentans ipsum accedens, quia hoc non existeret, neque esset in rerum natura, nisi subiectum conseruaret & sustentaret ipsum in se, & ista habitudo non dicit imperfectionem; sed potius perfectionem, quia arguit in subiecto virtutem ad substantiandum accedens, sicut arguit in accidenti indigentiam ad sustentificari, & ista habitudo est prior ex natura sua quàm illa, quia hæc causalis est vera; idè accedens petit inhzere in subiecto, & informare illud, quia sustentificatur ab illo, dependentia ergo quâ natura humana per vniõnem dependet à Verbo, est valde similis huic secundæ habitudini, & dependentiæ, quam habet accedens ad subiectum à quo dependet vt sustentificetur, licet sit differentia, quia hæc non reperitur sine priori habitudine, nam accedens non sustentificatur à subiecto, nisi inhzendo illi; at verò natura humana non inhzet Verbo, sed solummodo mirabili vnitur & coniungitur illi, quia ab illo est omnino remota omnis imperfectio, qualis est inhzentia & informatio.

17. Etiam est optimum exemplum vniõnis materiæ & formæ, non quæ vnificatur, quia hæc includit imperfectionem, cum ipsa sit informatio & receptio, sed quæ vniuntur in actu primo, vt causent totum, quia ratione huius materiæ & formæ sunt ad inuicem indistantes, & proximæ, & alligatæ, vt statim communicentur ad inuicem, vna informando, & altera recipiendo, ita quod in actu primo materia respicit tamquam terminum formam, vel econtrâ per re-

lationem extrinsecus aduenientem spectantem ad prædicamentum, *Vbi* ratione cuius formaliter prædictæ partes redduntur vnitæ, vt postea quasi vnificentur & conueniant in esse totius, per ipsas scilicet materiam & formam, & per causalitates earum constituti, quare merito Scotus 1. quæst. 3. asseruit quod totum distinguitur realiter à partibus etiam simul sumptis & vnitis, quia scilicet partes in actu secundo iam constituentes totum, includunt vnificationem, quam non habebant, dum erant vnitæ in actu primo, vt olim dicebamus in artium lectione: vnde venit intelligendum illud Athanasij exemplum in Symbolo, sicut anima rationalis, & caro, vnus est homo, ita Deus & homo vnus est Christus, id est, sicut per illam vniõnem fit ex anima rationali & carne homo, ita per hanc ex Deo & homine Christus, licet exemplum non teneat in omnibus, quia per illam vniõnem fit homo solum in actu primo, per hanc autem fit Christus etiam in actu secundo, exemplum autem arboris insertæ, quod adduci à recensioribus solet, non philosophicum est, sed humanum, & cõditionibus proportionatum.

QVÆSTIO III.

Vtrum prædicta Incarnationis possibilitas solo lumine naturali possit cognosci?

VTilissima est Quæstio hæc contra 1.
Porphirium, Celsum, Tulianum,* & alios Philosophos relatos à Medina lib. 1. de recta in Deum fide, idè negantes possibilitatem Incarnationis, quia intellectus illam capere non valet. Quare oportet inquirere quid possit intellectus creatus suis viribus relictus circa illam.

Dico primò: Non potest ratione aliqua euidenti ostendi ab intellectu creato impossibilem esse Incarnationem. hæc conclusio cõmunis est apud Theologos in præsentem. Et fidelibus ex eo patet, quia si de fide est possibilem esse Incarnationem; ergo talis possibilitas erit certa & omnino vera, ergo eius oppositum, scilicet impossibilitas incerta, & omnino falsa; ergo nõ potest demonstrari

strari ratione naturali. hæc vltima consequentia probatur, quia reliqua per se patent. Nam de ratione euidentiæ est, quod ex veris procedat, & quod verum inferat. Et confirmatur, quia licet mysteria fidei sint supra naturam, non tamen sunt contra naturam, ergo intellectus naturalis ex vi proprii luminis non potest circa illa inferre falsitatem, licet ex defectu luminis non valeat aliquando inferre veritatem ad talem cognitionem.

3. Contra infideles autem sic probatur, quia vel impossibilitas Incarnationis ostenditur ex eo quod non sufficiat intellectus creatus solo lumine naturali ad consequendam ipsius possibilitatem, vel quia euidenter ostenditur impossibilitas illius; sed neutro modo ostenditur, ergo nullo modo. Minor quantum ad primam partem sic probatur, quia euidentis est plurima etiam naturaliter esse possibilia, quæ tamen nos non assequimur: præterea euidentis est etiam diuinam potentiam superare nostram cognitionem, sicut eius natura & sapientia infinitè excedit nostram; ergo ex eo quod viribus naturæ non assequamur possibilitatem Incarnationis, non ostenditur eius impossibilitas. Secunda autem pars ex eo probatur, quia nullum sit argumentum in contrarium, cui non fiat satis, vt patet ex solutione illorum in Quæstione antecedenti; malè ergo negant infideles Philosophi, etiam si solo lumine naturali ducantur, possibilitatem huius mysterij.

- 4.º Dico secundò: Licet non possit euidenter ostendi impossibilitas Incarnationis, non tamen potest euidenter ostendi ab intellectu creato, etiam angelico viribus naturæ relicto possibilitas illius. hæc conclusio etiam est communis apud Theologos in 3. d. 1. vbi Scotus ibidem Marf. art. 2. dub. 2. Suarez tom. 1. in 3. partem disp. 3. sect. 1.

5. Et probatur primò, quia Paulus ad Ephel. 3. vocat hoc mysterium *inuestigabiles diuitias Christi, & Sacramentum absconditum à sæculis in Deo*. Et idem repetit ad Coloss. 1. & 2. ad Corinth. vbi Ambrosius ita concludit: *Abscondita est ergo Dei sapientia, dum non in verbis, sed in virtute est non humana ratione possibilis, sed spiritus efficacia credibilis; & idem dixit*

etiam de Angelis lib. 1. de Fide ad Gratianum cap. 5. & August. epist. 3. ad Bo-lus. de hoc mysterio finiens sermonem, sic ait: *Fateamur ergo Deum aliquid posse, quod non fateamur inuestigare nos posse*: quæ verba vltimè Concilium Tolentanum 11. Et addidit: *Si ratione ostendi posset, non esset mirabile, si exemplo non esset singulare*.

Secundò probatur ratione, quia ad cognoscendum euidenter istam possibilitatem deberet intellectus euidenter cognoscere potentiam obedientialem naturæ rationalis, & omnipotentiam Dei, cum ab vtraque pendeat prædicta possibilitas per se, sed neutram potest etiam angelicus intellectus euidenter cognoscere naturaliter, cum vtraque sphaeram ipsius excedat naturaliter; ergo prædicta possibilitas non potest euidenter ab ipso naturaliter ostendi.

Tertiò, quia nulla est causa naturalis, per quam à priori possit demonstrari, nec vllus effectus per quem à posteriori; ergo nullum est medium naturale per quod possit euidenter ostendi possibilitas talis.

Quartò, quia ad istam cognitionem euidentem deberet euidenter cognosci non solum vnio hypostatica in se, sed etiam vt terminata per verbum, sed verbum est obiectum voluntarium, & non naturale, vt latè in materia de visione; ergo nequit naturaliter cognosci. quæ argumenta etiam probant, vt bene vidit Suarez intellectum creatum suis viribus relicto, etiam neque probabili assensu definitè iudicare posse, Incarnationem esse possibilem; sed si fingamus in talem quæstionem incidere, scilicet an posset Deus & homo vniri, vel suspensurum fore iudicium, vel si vellet proferre sortè erraturum, iudicando esse impossibile.

Sed contra hanc secundam conclusionem argumentor primò ex prima, quia vt patet ex illa, ratio naturalis non iudicat euidenter Incarnationem esse impossibilem; ergo iudicat esse possibilem euidenter. Consequentia probatur, quia inter contradictoria non datur medium. Respondeo, concedendo antecedens, & negando consequentiam. ad cuius probationem dico, quòd etià si possibile & impossibile sint contradictoria, & etiam si in hypothesi, quod haberet

beret intellectus naturaliter iudicium hoc: Incarnatio non est impossibilis, deberet naturaliter & necessariò inferre aliud iudicium, scilicet ergo Incarnatio est possibilis: nego tamen quòd intellectui proponatur naturaliter, neque possibilitas, neq; impossibilitas Incarnationis, quia sicut Incarnatiò est entitas quoad substantiam supernaturalem, ita cognitio illius debet haberi aliquomodo supernaturaliter, & saltem per reuelationem alicui factam, & sic naturaliter nequit habere intellectus iudicium circa possibilitatem, nec circa impossibilitatem illius. quod si post propositionem huius obiecti supernaturalem vellet naturaliter proferre iudicium verum, deberet hoc modo proferre: *Incarnatio est possibilis, vel impossibilis*; quia circa affirmationem solius possibilitatis, vel solius impossibilitatis, non potest nisi iudicium suspendere, cum excederet sphaeram naturalem ipsius, ultra quam nec tenet, neque euidenter potest illud proferre; vel si iudicium vellet proferre, forte & verisimilius est quòd erraret.

10. Dixi autem notanter quod in hypothese, quod haberet naturaliter hoc iudicium: Incarnatio non est impossibilis, deberet naturaliter & necessariò inferre hoc iudicium; ergo est possibilis, quia omnino falsum existimo quod aliqui respondent, scilicet non debere inferre hoc iudicium necessariò, licet possibile & impossibile sint contradictoria, quia iudicium de prima propositione, & iudicium de secunda non sunt contradictoria, sed contraria, inter quæ datur medium, scilicet suspendere iudicium. Quia contrà est, nam alias nullam inferret intellectus còtradictionem, quia inter iudicium de vno contradicto, & iudicium de alio posset dari suspensio iudicij, semper enim intellectus versatur circa còtradictoria per actus posituios, v.g. ex hoc iudicio, *Aër non est priuatus luce*, non posset proferre hoc iudicium; ergo *aër est cum luce*, quia posset dari suspensio iudicij, licet esse priuationem lucis, & esse lucem sint contradictoria; quod est falsum, cum in istis non debeant attendi actus intellectus, quia semper sunt posituiui, sed obiecta eorum actuum, quorù alterum sit posituium, alterum priuatiuum.

Castillo de Incarn. Pars I.

11. Contrà secundò, quia Angelus comprehendit naturam humanam; ergo cognoscit in illa obedientiam, seu non repugnantiam, vt assumatur à Verbo. Respondeo comprehendere quidem illam quatum ad naturalia, scilicet quantum ad prædicata essentialia, & passionem, imò & potentiam obelientialem in ordine ad Deum, vt agentem naturalem; non tamen in ordine ad illum, vt agentem supernaturalem, quia ad huius notitiam requiritur saltem reuelatio.

12. Contrà tertio, quia euident est Angelo Deum posse efficere, quidquid non implicat contradictionem, sed etiam est euident illi non implicare contradictionem, quòd Deus fiat homo, quia naturaliter illi còstat, quòd Deus est subsistens, & independens personam, & quòd subsistentia naturæ humanæ realiter est ab illa separabilis, sic potest inferre quòd sit natura humana vnibilis de potentia Dei illius subsistentiæ & personalitati. Respondeo concedendo primam partem argumeti, & negando secundam, quia dato casu quod Angelus cognosceret naturaliter subsistentiam incommunicabilem, & independetiam personalem, tamen stado in solo lumine naturalis nesciret quomodo fieri posset talis Incarnatio, & personatio à Verbo absq; informatione & compositione, quæ repugnat Verbo. Deinde licet sciret subsistentiam creatam separabilem esse à natura humana, nesciret tamen an posset conseruari sine illa, cum sit modus intrinsecus illius, licet non essentialis, sicut nequit naturaliter cognosci, quòd quantitas possit esse sine figura, quæ tamen realiter distinguitur ab illa.

13. Contrà quartò, quia Angelus potest naturaliter euidenter cognoscere resurrectionem hominis, v.g. esse possibilem; ergo & Incarnationem. Respondeo, negando antecedens, quia licet resurrectio non sit supernaturalis quoad substantiam, sicut Incarnatio, est tamen supernaturalis quoad modum, & sic fieri ipsius pendet ab aliquo supernaturali: vnde eius possibilitas (non dico pro nunc eius existentia, quia de hoc infra) non noscitur naturaliter, sed solum reuelatione.

14. Contrà quintò, intellectus naturalis

ter potest euidenter soluere argumen-
ta contra possibilitatem Incarnationis,
vt intendit facere Scotus, vbi suprà,
& de his, quæ contrariantur cuilibet
mysterio fidei, affirmat posse fieri D.
Thomas 1. parte, quæst. 1. art. 8. ergo
poterit etiam euidenter attingere ad
eius possibilitatem. Respondeo cum
Caietano & Suare vbi suprà dupliciter
posse solui euidenter argumenta:
Primo, positum, hoc est, euidenter
ostendendo, quod principia, ex quibus
procedunt, falsa sunt, & eorum con-
tradictoria vera, & vt sic nego ante-
cedens. Secundo, negatiue, hoc est,
negando principia, quia non conuin-
cunt euidenter intellectum, & semel
negata non poterunt euidenter pro-
bati, licet non euidenter constet, quod
illorum contradictoria sunt vera, &
vt sic concedo antecedens, tamen ex
illo non sequitur quod possit euiden-
ter attingere ad possibilitatem, quia
non valet, non mihi probas euidenter,
quod sit impossibile hoc mysterium;
ergo in se est possibile, quia esse possi-
bile illius in re ipsa non dependet à pro-
bationibus euidentibus alicuius Phi-
losophi, sed à suis intrinsecis princi-
piis, sicut & esse futurum, & existens
illius.

15. *Contrà sextò, ratione naturali est
hoc mysterium euidenter credibile;
ergo & euidenter possibile. Respon-
deo: Ex diuerso Capite fumitur cre-
dibilitas & possibilitas, quia credibili-
tas fumitur ex auctoritate dicentis:
vnde propter hanc etiam res impossi-
bilis creditur, possibilitas autem fumi-
tur ex principis intrinsecis illius, quæ
in Incarnatione naturaliter non con-
stant, præterquam, quod modò non ad-
mitto, quod euidens credibilitas possit
solum ratione naturali haberi, cum su-
matur aliquando ex miraculis, aliquan-
do ex aliis notis & signis supernatura-
libus, sed hoc spectat ad materiam de
fide, vbi Disputatione quintà latior
redibit sermo.*

QVÆSTIO IV.

Vtrum Messias iam venerit?

1. *Messiam iam venisse, articulus est
fidei. Colligiturque ex verbis*

Ioan. 11. quia cùm Samaritana dixisset
Christo: *Scio, quia Messias veniet, qui di-
citur Christus, dixitq. ei Iesus, Ego sum qui
loquor tuium.* quare nullus fidelium de
hoc dubitat: dubitant tamen infideles,
& proterui Iudæi: vnde contra ipsos
præfens instituitur Questio: contra Iu-
dæos auctoritatibus noui Testamenti
non possumus vti, quia illud non ad-
mittunt, sed probanda à nobis est pars
affirmatiua auctoritatibus veteris Te-
stamenti, quod admittunt.

Neque dubium est etiam apud infi-
deles Iudæos iam venisse, & in carne
existisse illum hominem nuncupatum
Iesum, omnes enim per traditionem
certam & historiam acceperunt, & eo-
rum historiographus Iosephus lib. 18.
Antiquitatum cap. 8. memoria prodi-
dit, vbi grauissimum de illo reddidit
testimonium, sed negant illum fuisse
verum Messiam.

Contra quos sic argumentor: Ille est
verus Messias, in quo omnia, quæ Deus
per suos Prophetas prædixit, vt cog-
nosceretur, euenerunt, sed omnia hæc
euenerunt in homine illo Iesu; ergo ille
est verus Messias. Maior huius Syll-
ogismi admittitur ab omnibus. Mino-
rem probauit Christus Matth. 11. cùm
Ioannes misisset ad illum nuntios, di-
cens: *Tu es qui venturus es, an alium ex-
pectamus?* Quibus respondit: *Ceci vident,
claudi ambulant, &c.* ac si diceret: Vide-
te, quomodo in me impleantur ea quæ
per Prophetas dicta sunt, & videbitis
quod ego sum Messias.

Sed insuper patet veritas huius Mi-
noris ex adimpletione prophetiarum,
quia Genes. 49. dicitur: *Non auferendum
sceptrum de Iuda, donec veniet qui mitem-
dus erat.* quibus significatur verbis eo
tempore Christum venturum, quo sce-
ptrum & potestas regia auferentur à
tribu Iuda, cōstat autem hoc sceptrum
perseuerasse in tribu Iuda, à Dauide
vsque ad captiuitatem Babylonicam,
& in ipsa captiuitate durasse in Zoro-
babel, & post captiuitatem permansisse
vsque ad tempora Machabæorum, qui
erant de tribu Iuda secundum lineam
maternā: & postea in iudicibus & Con-
cilio Zanedrini, saltem nullus alienige-
na regnauit in Iudæa ante Herodem
Idumæum, qui abstulit illis principatū,
& regnauit inter illos: vnde factum est,

ut aliqui suspicarentur Herodem esse Messiam, qui dicti sunt Herodiani. Præterea Danielis 9. dicitur ab Angelo Gabriele post hebdomadas 70. à reedificatione templi Ierusalem fore vngendum Sanctum Sanctorum, quomodo- docunque autem hebdomadae istæ (an- norum) computentur, iam transactæ sunt: de quo legendus est Gaspar San- chius super hoc 9. cap. Danielis, & Sa- lianus tom. 5. anno mundi 3609. & to- mo 6. anno 4086. deinde Aggaei 2. promittitur post modicum tempus venturum desideratum cunctis genti- bus. Legite hæc, & plura alia apud Au- ctiores, qui contra Iudæos scripserunt, nostrum Nicolaum de Lyra in fine Glossæ ordinariæ, Paulum Burgensem in scrutinio Scripturarum, Petrum Galatianum lib. 4. de Arcanis fidei Ca- tholicæ, Porchetum 1. parte victoriæ, Suarium 3. p. tom. 1. diff. 1. per qua- tuor integras sectiones, & Hurtadum Valmaledanum tomo de Deo homine diff. 7. à sect. 2.

5. Præterea ortum Messie futurum esse ex Virgine, dicitur Isaia 7. & tali loco, scilicet Bethleem Michæas 5. & eo tempore, quo pax esset in vniuerso orbe Isaia 2. Michæ 4. Zachar. 9. Præ- nuntiatus est eius præcursor (qui fuit Ioannes Baptista) Malachia 3. & Isaia 4. prædicatione Messie, eiusque doctrinæ confirmatio magnis miraculis Isaia 35. & 61. quodd futurus erat pau- per, & tamquam Rex ingressurus Ie- rusalem super asinum dicitur Zacha- riæ 9. passio eius, mors, tenebræ solis, & alia signa, quæ in ipsa contigerunt Psal. 21. 40. 68. Isaia 53. Ieremias 11. Amos 9. Zacharias 12. & 13. & sæpè alibi, sepulchrum eius futurum glo- riosum dicitur Isaia 11. quodd descen- deret ad inferos, liberaretque iustos captiuos ibi existentes Ecclesiast. 24. Zacharias 9. Resurrectio à mortuis Psal. 3. & 15. Ascensio in cælum Psal. 67. & Michæ 2. Emisso Spiritus fan- cti Ioel 2. Vocatio Gentium Isaia 49. Reprobatio Iudæorum Ieremias 19. sed hæc omnia impleta sunt in Christo Iesu, quod negare non possunt, cum plurima viderint, alia experientia didi- cerint, reliqua miraculis confirmata cognouerint; ergo ille est verus Mes- sias; ergo iam venit.

Castillo de Incarn. Pars I.

Patet insuper veritas hæc ex Iudæo- rum captiuitate, & dispersione, quæ iam per mille & sexcentos fere annos durauit absq; Angelorum consolatione, & absque Prophetarum vaticinio, vt in aliis antiquis captiuitatibus habebant, quod est signum satis manifestum iam derelictos à Deo fuisse, & frustra expec- tare Redemptorem. Vnde eleganter Hieronymus epistola ad Dardanum, ait, *Quomodo clementissimus quondam Deus, qui nunquam tui ante oblitus fuit, nunc per tanta spatia temporum non adducit, ut soluat captiuitatem, & ut veri- rius dicam, expectatum tibi mittat Anti- christum, ob quod facinus, & tam execra- bile scelus auertis à te oculos suos? Ignoras? memento vocis parentum tuorum: sanguis eius super nos, & super filios nostros: & hic est heres, venite, occidamus eum: & nostra eris hereditas: & non habebimus Regem, nisi Casarem: habes quod elegisti, usque ad finem mundi seruaturus es Ca- sari, donec gentium intret plenitudo, & qui quondam eras in vertice, vertetur in caudam.*

Sed contra obiiciunt Iudæi, quia multa alia signa allata sunt à Prophe- tis de aduentu Messie, quæ in Chri- sto non sunt impleta; ergo ille non fuit verus Messias promissus. Antecedens probant pluribus erroribus intel- ligentia Scripturarum. Pro quibus nota duos esse præcipuos errores ip- sorum, quibus intellectus facilis est solutio eorum, quæ contra prædi- ctam veritatem obiiciunt.

Primus error eorum est, quodd mal- ta, quæ de aduentu Messie dicta sunt, vel spiritualiter, vel metaphorice iux- ta litteræ corticem intelligunt. Vnde decipiuntur expectantes Messiam diui- tem, & multas diuitias ipsis afferen- tem, qualiter depingitur ab Isaia 6. Ioel 3. Amos 9. sed hoc debet intel- ligi spiritualiter, cum alibi depingatur pauper, humilis, vir dolorum, & sciens infirmitatem. Similiter decipiuntur expectantes tunc habitaturum lupum cum agno, Pardum cum hœdo, vt dicitur Isaia 11, & templum Hierosoly- mitanum, & montem illum, in quo fun- datum erat supra omnes montes esse altius eleuandum, vt dicitur Isaia 2. quod totum moraliter, & quantum ad spiritualem pacem debet intelligi.

B 2

Quar-

9. Quartus error est quia non distinguunt duos Messias: aduentus, alium ad saluandum, alium ad iudicandum, illum in humilitate, hunc in gloria & maiestate, quare cum utroque modo prophetatur, non valent percipere prophetias, imò quidam eorum decepti sunt duos fingentes Messias, vnum pauperem, alium diuitem, &c. sed de his erroribus videatur Suarez, vbi suprà, qui citat plures Patres & Auctores latè, & ex professo agentes contra ipsos.

10. Sed obiciunt, si diuersa loca S. Scripturæ diuerso modo intelliguntur, alia scilicet iuxta literalem sensum, alia iuxta metaphoricum, alia iuxta spirituales, ergo non habetur contra infideles Iudæos efficax argumentum ex Scripturis. Cōsequentiam probō, quia ad hoc vt ex adimplēione ipsarum Messie aduentus probaretur, deberent omnia loca eodem modo intelligi, aliàs quilibet posset pro suo capta sic, vel sic intelligere, vel deberet esse aliquis locus S. Scripturæ, qui diceret talia loca esse literaliter intelligenda, & talia metaphoricè, & talia spiritualiter, sed hic non reperitur; ergo.

11. Respondeo, negando cōsequentiam, ad cuius probationem dico, quod cum non possit adimpleri vna prophetia de aduentu Messie, & non alia, aliàs in aliqua Deus esset mendax, quod nefas est dicere: hinc est, quod cum prophetiæ, quæ de tempore aduentus illius, & plures alia, quæ (Deo sic volente) semper liberaliter ab omnibus intellectæ sunt, adimplētæ sint, vt suprà diximus, & non possit vsque modò differri illarum adimplētio, quod consequenter sit necessariò dicendum reliquas esse adimplētas, quod cum non contingerit in sensu literali, fortè, quia sic parum, vel nihil vtilitatis afferrent, sequitur Deum non promississe in tali sensu, sed mysticè, vel metaphoricè, & sic fore intelligendas: vnde per scripturas literales efficaciter argumentamur contra Iudæos, ad reliquas verò per sensus, qui possunt illis accommodari, respondemus, quia nequeunt aliquæ adimpleri, & aliquæ non, quod etiam efficax est argumentum contra ipsos.

QVÆSTIO V.

Vtrum Messias verus fuerit homo, & verus Deus?

TRiplex est infidelium genus, primum hæreticorum, qui vetas & nouum Testamentum admittunt: secundum Iudæorum, qui solum credunt aliquas Scripturas ex veteri Testamento: tertium paganorum, qui solo lumine naturali rationis ducuntur: vnde diuerso modo contra ipsos veritas probanda est.

Dico primò, Messias in lege promissus, qui etiam venit, est verus homo. Conclusio hæc est de fide tenenda, neque contra Iudæos indiget probatione, nihil enim certius ab omnibus illis existimatum est, quippe omnes supradictæ prophetiæ hoc continent, & omnes alia in quibus dicitur: Messias filius David de semine Abraham, ex femore Iacob, & alia similes: indiget tamen probatione contra Manichæos, & alios hæreticos, qui eum esse verum hominem negabant, sed cum admittant etiam Testamentum nouum, facillimè id probatur ex Ioan. 8. *Quaritis me interficere hominem, qui veritatem vobis locutus sum.* Et ad Rom. 5. *Sicut per vnum hominem peccatum intravit in mundum, &c. multò magis gratia Dei in gratia vnius hominis Iesu Christi.* Et frequentia sunt alia testimonia, in quibus narratur Christi origo secundum carnem, conceptio eius, & natiuitas: dicitur Filius Virginis, comedere, ambulare, obedire, loqui & mori, & alia plurima, quæ vel falsa sunt (quod non admittent prædicti hæretici) vel tantum in verum hominem conueniunt. Denique finis ipse redemptionis hoc satis conuincit, quo argumento passim vtuntur Patres, nam si non esset verus homo, nec exemplum attulisset, neque remedium. Neque in contrarium possant aliquid obicere, nisi quod hinc fieri videtur Christum non esse verum Deum, quod iam probō.

Dico secundò: Prædictus Messias etiam est verus Deus. Est etiam articulus fidei, & illum probō primò ex veteri Testamento contra Iudæos illum negan-

negantes. Et primo argumento, quo Christus usus est contra eos, inquirens ab eis, cuius Filius debuerit esse Messias? ad quod responderunt, quod Dauid; existimantes, quod solius Dauid: unde insurrexit Christus dicens, Quomodo ergo Dauid vocat eum in spiritu Dominum dicens, *Dixit Dominus Domino meo, sede a dextris meis*; ac si clarius diceret, Quomodo Dauid, si est Pater Messias, vocat suum Filium Dominum, & ita constituit æqualem cum Deo, vt idem nomen, quod Deo præstat, dicens, *Dixit Dominus*; præstet similiter Filio, dicens, *Domino meo* (quod vt clarius intelligeretur dici de Christo paraphrasis Chaldaica, vt Galatinus refert lib. 3. transtulit, *Dixit Dominus Verbo suo*) Insuper ipsum æqualem in sede cum ipso constituit, dicens: Sede a dextris meis. quo argumento deberent tunc Iudæi obmutescere, sicut tunc illi fecerunt. Præterea Psal. 2. dicitur: *Filius meus es tu, ego hodie genui te*. Et 2. Reg. 7. *Ego ero illi in patrem, & ipse erit mihi in filium*. Et Isaia 9. *Parvulus Filius datus est nobis, &c. & vocabitur nomen eius admirabilis Consiliarius, Deus fortis, &c.* Et cap. 35. *Deus ipse veniet & saluabit nos, tunc aperientur oculi caecorum, &c.* Vnde Athanas. lib. de Incarnatione Verbi post medium, Cyprian. lib. 2. contra Iudæos cap. 7. Euseb. lib. 6. de Demoftratione cap. 21. notant, *Deus ipse*; & dicunt, *Non nuntius, non legatus, sed ipse Deus*. Et cap. 45. introducit Isaia Patrem æternum loquentem cum Messia, & dicentem: *Transibunt ad te, & adorabunt te, & in te orabunt*. Et subdit: *Quia in te est Deus, & non est Deus absque te, verè tu es Deus absconditus, Deus Israel Saluator*. Denique innumera possemus referre testimonia, quæ breuitatis causâ omitto. Et quia hæc ita clara sunt, vt nulla possint tergiversatione eclari. Legatur Medina in Introductione ad 3. partem quæst. 3. & Suarez disput. 4. sect. 3.

4. Sed possunt in contrarium obicere Iudæi ex Deuteronomio. cap. 14. vbi, cum illi petissent a Deo, quod ipse non illis loqueretur, dixit Dominus Deus ad Moysen: *Bene omnia sunt locuti, Prophetam suscitabo eis similem tui*; sed Moyses non erat Deus, & illi petebant, quod non loqueretur illis Deus; ergo cum Prophetæ iste sit Messias, vt interpretati

sunt Petrus & Stephanus Actuum 4. & 7. sequitur quod Messias non sit Deus, Respondeo ex Tertull. lib. 4. contra Martio. cap. 22. & Irenæo lib. 3. cap. 12. Aug. quæst. 16. contra Faustum cap. 15. & 18. ibi dici Messiam similem Moysi, primò in natura, quia futurus erat homo: secundò in officio, quia Propheta, Legislator, & Mediator inter homines ac Deum, non verò oportet vt in omnibus aliis conditionibus futurus esset omnino similis, aliis non fuisset redemptor, nec natus ex Virgine, nec in similibus perfectionibus Moysen superasset. Quod autem videatur annuere petitioni suæ, quod non loqueretur illis Deus, sensus est, non locuturum eo modo, quo antea, quasi per diuinitatem, signis, & prodigiis, & tonitruis illam indicantibus, sed humanâ voce per humanam naturam ex eorum genere assumptam. Deinde possunt obicere quæ Arriani obiciunt contra diuinitatem Verbi, sed hoc spectat ad materiam de Trinitate: deinde quæ argumentantur probantes eundem non posse esse verum Deum, & verum hominem; sed contra hæc iam egimus, & inferius agemus.

Secundò, probò ex nouo Testamento eandem veritatem contra Carpocratam, Cherinonem, Euionem, Theodotianos à Theodoto, vel Theodotione deriuatos, Samosam, Photinum, Artemonem, & alios hæreticos negantes Christi diuinitatem, qui sub propriis nominibus videri possunt in Prateolo & Sanderò lib. 7. de Visibili Monarchia. hæresi 8. & 13. in nostro Castro Verbo Christus hæresi 1. Et primò producam testimonia noui Testamenti, vbi ea, quæ in veteri tribuuntur Deo, asseruntur de Christo, quia Isaia cap. 6. de Vero Deo dicit: *Vidi Dominum sedentem*, &c. quod de Christo exponitur Ioan. 12. & c. 45. Isaia dicitur, *Mihi curuabitur omne genu* quod applicatur Christo ad Rom. 14. & Num. 21. Populus murmurat contra verum Deum, & tamen Paulus 1. ad Corinth. 19. dicit eam murmurationem fuisse contra Christum, & alia plura.

Secundò, producam ea testimonia noui Testamenti, in quibus expressè asseritur. Paulus enim ad Coloss. 2. ait: *In eo habitat plenitudo diuinitatis corporaliter*. Ad Rom. 1. *De Filio suo, qui factus est*

ei ex semine David secundum carnem. Et cap. 9. *Ex quibus est Christus secundum carnem, qui est Deus super omnia benedictus, & totum Caput 1. & 2. ad Hebræos hanc veritatem confirmat. Et Christus de se Ioan. 8. ait: Antequam Abraham fieret ego sum.* Et cap. 1. *Ego & Pater unum sumus.* Et idem Ioan. epist. 1. cap. 15. *Hic est verus Deus;* & tandem sufficiat, quod idem Ioan. cap. 2. postquam dixerat, quod *Deus erat Verbum*, ait: *Et Verbum caro factum est;* quod dicitur fuisse ab illo euangelizatum contra aliquos hereticos, iam tunc id negantes.

7. Sed obiicies errorem damnati Brafmi, qui negat ex prædicto loco posse probari Verbum esse Deum, ex eo quod cum asseritur Verbum esse Deum, in Græco additur articulus eleuans significationem, vt denotetur significari verus Deus; ac si latine diceretur, Verbum erat apud ipsum Deum: deinde verò cum dicitur, *Deus erat Verbum*, tollitur prædictus articulus; ergo etiam si Verbum sit caro factum, non est ipse Deus caro factus. Respondeo quod non semper, ubi est sermo de vero Deo, ponitur ille articulus, vt patet inferius in eodem cap. 15. *Deum nemo vidit umquam;* & 15. *Fui homo missus à Deo.* Præterea, quia in aliis locis, cum dicitur Christus Deus, additur articulus ille, vt Ioan. 20. ad Rom. 9. Deinde dico ibi non esse factam repetitionem articuli, ne videretur esse sermo de eadem persona, quia cum dicitur, Verbum erat apud Deum, intelligitur apud Patrem; cum autem dicitur, Deus erat Verbum, non significatur quod Pater erat Verbum, sed quod Verbum habeat eandem diuinitatem, quam habet Pater.

8. Ex his ergo satis contra hæreticos conuincitur, quod quamuis Christus sit verus homo, simul tamen sit verus Deus, quod debent fide credere, & captiuare intellectum proprium in obsequium fidei, ne ratione libertatis intellectui præstitæ facultas errandi præstetur. Neque enim in contrarium aliquid momenti ex Scripturis obiciunt, sed solum quod non capiunt hoc mysterium, quod mirum non est in hominibus, qui suas argutiunculas præferunt reuelationi diuinæ.

9. Postquam probauimus contra Iudeos & hæreticos, Messiam verum esse

hominem & Deum, inquirimus pro complemento quaestionis, quomodo hæc veritas possit probari contra Paganos, cum isti solum ratione naturali ducantur, & non attendant ad Scripturas. Respondeo quod licet non possit ratione naturali euidenter probari veritas huius mysterij, quia cum sit supernaturale, ratione solum naturali non cognoscitur, sed solum fide creditur. Vnde Irenæus lib. 4. contra Hæreses cap. 41. propterea existimat dixisse Paulum se plus omnibus laborasse, quia cum esset Apostolus Gentium, qui sacras Scripturas non admittebant, Christum esse Deum & hominem, difficultus persuaderi poterant; tamen euidenter negatiue eorum argumenta soluuntur, vt supra dixi, & insuper euidenter probari potest, quod talis veritas sit credibilis. Ratio est, quia, vt diximus in fine Quaestionis tertiæ, ex diuerso capite sumitur euidencia veritatis, ac euidencia credibilitatis, quia illa sumitur ex principiis intrinsecis rei, quæ, quia in præfenti est res supernaturalis, excedit vires naturales ingenij: hæc autem sumitur ex auctoritate dicentis, quæ auctoritas probatur dicenter in Christo Domino ex pluribus miraculis, quæ in confirmationem propriæ doctrinæ, & prædictæ veritatis ipse patrauit, & fideles eius quotidie patrantur, & patrantur nam cum procedant à virtute infinita Dei, si illa non efficeret in confirmationem testificantis, & veritatis testificatæ, sequeretur Deum contra veritatem aliqua machinari, quod nefas est dicere, & contra ipsam rationem naturalem testantem Deum, quia summè sapientem, & summè bonum, & summè veracem.

Præterea eadem credibilitas comprobatur pluribus aliis signis & notis, quibus omnes veritates fidei nostræ credibiles redduntur, vt suo loco videbimus, sed inter ea illud præcipue contra Paganos confirmat, quod hoc mysterium, sicut & alia tanto tempore, antequam fuisset Christianorum nomen, esset à Prophetis pronuntiatum, & præcipue à Sybillis, quibus si credunt, habemus intentum; si verò non credant, nequeunt tamen affirmare, quod à Christianis sint fictæ prædictæ prophetiæ, & sic cum videant illas iam adim-

adimpletas, coguntur confiteri hanc fidem esse à Deo profectam, qui nec falli, nec fallere potest, & sic euidenter esse credibilem. Vrget hoc eleganter Aug. lib. 18. de Ciuit. Dei, cap. 46. Hieron. super cap. 16. Isai. & Theod. orat. 10. de Prouidentia. Videantur Scholastici in materia de fide.

21. Sed obieciēs: Sybillæ, vt ex pluribus Patribus refert Castro lib. 4. Diuinarum cap. 15. prædixerunt hoc mysterium, & tamen illæ fuerunt Gentiles; ergo cum illud cognouerint, antequam esset, multò magis Gentiles nunc illud cognoscent, quando iam est. Respondet quòd nō prædixerunt illud ratione naturali, cum hoc mysterium pendeat à voluntate Dei, quæ absque reuelatione nō cognoscitur, antequam existat, quia vt inquit Paulus ad Rom. 11. *Quis cognouit sensum Domini, aut quis consiliarius eius fuit?* Sed prædixerunt, vel ex eo quòd legerunt libros Prophetarum, quibus fidem saltem humanam adhibuerunt, sicut in simili dixit Aug. lib. 10. de Trinitate cap. 18. de his Philosophis, qui in suis libris insinuarunt aliqua de Verbi generatione, vel ex eo quòd diuinitis instructæ sunt, quod verisimilius apparet: numquam tamen ratione naturali ductæ, quia per hanc nullus intellectus creatus ex se mysterium hoc, neque quantum ad eius possibilitatem, vt Quæstione tertiâ probauimus; neque quantum ad eius futurationem, vt in præsentī; imò neque quantum ad eius existentiam, vt iam probo, vales percipere.

QVÆSTIO VI.

Verum intellectus creatus viribus naturæ relictus valeat cognoscere mysterium hoc iam existens?

1. Pro decisione Quæstionis nota primò quòd intellectus creatus, vel est omnino separatus à materia, sicut intellectus angelicus; vel est sibi similis in operatione, vt intellectus animæ separatae, & animæ coniunctæ corpori glorioso; vel est coniunctus corpori corruptibili, quod aggrauat animam; Quæstio ergo hæc non procedit de intellectu in hac vltima acceptione, quia

eum vt sic non intelligat, nisi dependenter à sensibus & phantasmatibus, & non detur sensibile, seu phantasma representans vnionem hypostaticam, & ipsum Verbum non valet sic percipere hoc mysterium. Est ergo difficultas de intellectu in reliquis acceptionibus accepto.

Nota secundò, quòd cognitio seu intellectio huius myiterij potest esse multiplex, vel arguitiua, & mediata, quæ cognoscitur conclusio deducta ex præmissis, & hæc est euidentis aut probabilis pro qualitate præmissarum; vel immediata, quæ cognoscitur obiectum, non medio alio obiecto prius cognito, sed per se, vel per speciem sui, quæ iterum diuiditur in intuitiuam, quæ representat rem vt præsentem ipsi intellectui, & in abstractiuam, quæ representat rem, non vt potentia præsentem; & de his omnibus procedit quæstio.

Nota tertio, quòd per hoc, quod est cognoscere solum viribus naturæ, seu naturaliter non excludens alia requisita, sed includens, quæ concurrat etiam obiectum, seu species obiecti, & omnia alia ad intellectionem necessaria: vnde in præsentī dubitamus, an ea omnia, quæ ad prædictam cognitionem requiruntur, contineantur in quantum ad eam concurrunt, intra limites naturæ? an verò saltem aliquod egrediat ab illis?

Dico primò: In hac Quæstione Angelus (& eadem est ratio de anima separata, & corpori glorioso coniuncta) potuit cognoscere euidenter euidentiam morali; & in attestante, cognitione naturali arguitiua mysterium Incarnationis. ita insinuat Scotus quæst. 4. Prologi, & tenet expressè 3. dist. 20. q. vnicā 1. ad primum in fine. D. Thom. 3. p. q. 44. art. 4. vbi Suarez tom. 2. disp. 31. sect. 2. concl. 3. Hæc conclusio probatur, quia Angelus euidenter naturaliter cognoscit, quod quidquid Deus suâ auctoritate confirmat est verum; insuper eodem modo cognoscit, quòd id, quod Christus affirmabat præcipuè se esse hominem, & etiam se esse Deum & Filium Dei, Deus suâ auctoritate confirmabat: nam cognoscit, quòd vera miracula (qualia cognouit ea, quæ fecit Christus) non poterant fieri, nisi virtute diuinā;

diuina; ergo euidenter inferebat esse verum id, quod Christus affirmabat, scilicet se esse hominem & Deum, sed hæc est cognitio arguitiua euidens in attestante, vt dicunt Theologi in materia de fide; ergo prædicta cognitione, Angelus naturaliter potuit euidenter cognoscere mysterium hoc.

5. Ex hoc autem potest inferri dæmones potuisse illud sic cognouisse, nisi diuina voluntas voluerit illis occultare, quod facere potest, sicut & facit in cogitationibus cordium, & in aliis: vnde Aug. lib. 9. de Ciu. Dei, cap. 21. ait: *Christus tantum innotuit dæmonibus, quantum voluit; tantum autem voluit, quantum oportuit.* Ex quo plures Auctores, qui videri possunt apud Suarium, vbi supra sect. 3. post conclusionem primam asserunt, quod licet tempore infantie impeditus sit dæmon, ne Christum agnosceret de facto (vel ob eam causam, ne mortem eius impediret; vel ob eam, ne maturius, quam diuina prouidentia disposuerat, interficeret) tamen postquam Christus cœpit prædicare, permissus est agnoscere ipsum esse Christum, & consequenter Deum & hominem, vt illi ex Scripturis constabat, & per miracula euidenter colligebat, vnde clamabant, Marci 1. & Lucæ 4. *Quid nobis & tibi, Iesu Nazarene, venisti perdere nos? scio te, quod sis Sanctus Dei.* Et Marci 5. & Matthæi ac Lucæ 8. *Vocabant dæmones Christum filium Dei altissimi.*

6. Neque obstat, quod verba dæmonis non faciant fidem, quia potuit dicere, vel per adulationem, vel vt daret occasionem peccandi, nam licet hoc verum sit, tamen in præsentia id dixerunt dæmones, quia verè id sciebant, vt colligitur ex Scriptura dicto cap. 4. Lucæ, vbi ait: *Non sinebat ea loqui, quia sciebant ipsum esse Christum.* Ita tenet noster Lyra in prædictis locis. Abulen. in 4. Matthæi q. 22. Ambin. 1. ad Corinth. cap. 2. Aug. in quæstionibus noui & veteris Testamenti q. 66. & alij plures Ecclesiæ Patres.

7. Neque cōtradicit Scotus in 4. d. 10. q. 4. 1. ad argumenta, vbi dicit, quod *Dæmones non permittuntur videre mysteria gratiæ & mysterium Incarnationis.* Primò, quia Scotus non loquitur de cognitione arguitiua euidenti, vt nos loquimur; sed si de aliqua de euidenti intuitiua,

quia loquitur vt videre. Secundò, quia non loquitur de mysterio Incarnationis, quantum ad substantiam illius, sed quantum ad aliquas circumstantias, scilicet, quod reliquerit claustrum Virginis incorruptum. Tertiò, quia non asserit, quod semper non cognouerit; sed potiùs insinuat, quod hoc fuerit in natiuitate, & postea per multum tempus, quod & nos docuimus supra cum ipso Scoto. Quartò, quia, quantum ad actualementem cognitionem Christi, non videtur loqui Scotus ex propria sententia, sed ex sententia Magistri Barronis in margine citati. vnde vitur his verbis. hoc supponitur, & non affirmat.

Sed obieciēs illa verba Pauli 1. ad 8. Corinth. 2. *Si cognouissent, numquam Dominum gloriæ crucifixissent;* ergo illum non cognouerunt. Respondeo primò à multis non intelligi de dæmonibus, sed de principibus Iudæorum. Ita Orig. hom. 2. in Cant. Tertul. lib. 3. contra Marcion. cap. 6. & plures alij. Secundò, licet intelligatur de dæmonibus, vt intelligit Scotus in prædictis locis, & plures alij cum Suar. vbi supra sect. 3. tamen non debet intelligi, quod semper ignorauerint dæmones Christi diuinitatem, & ipsum esse Deum & hominem; sed quod ignorauerint mysterium absconditum in Christi passione & morte, scilicet salutem & reparationem hominum, euerisionem imperij ipforum, & maximam Dei gloriam in ea contentam. Vnde sic explicat Scotus in 4. Sent. *Si enim cognouissent, numquam Dominum gloriæ crucifixissent, id est, nunquam me redimi eius morte procurassent;* quia licet Sanctus de hoc loquentes vidissent, sed vsque ad euentum propter earum antiquitatem fortè non intellexerunt, & tantus erat in Christum ardor inuidiæ & superbiæ, quod cæco impetu ipsum impugnarent & expugnarent.

Quod autem per vxorem Pilati voluerit dæmon Christi mortem impedire, nō malo angelo, sed bono attribuunt plures Ecclesiæ Patres, vt causam suam magis Pilatus iustificaret, & fidem nostram magis confirmaret. Ita super 27. Matthæi, Orig. Hilar. Hieron. & Aug. serm. 121. de Tempore, si tamen malo angelo tribuamus cum Scoto in 3. citato

tato dicendum est hoc fecisse, quia diuinitatem in Christo cognoscens, timuit effectum futurum propter di. ta Scripturarum, quæ formidabat non omnimodè percipiens.

10. Maior est in præfenti difficultas de cognitione clara huius mysterij in se immediata, siue intuitiua, siue abstractiua, vel mediata euidenti, siue à priori, siue à posteriori. Et communiter tribuitur Scoto in prædicto loco pars affirmatiua, quæ tamquam temeraria, imò & erronea notatur à Cabreta in præfenti q. 1. art. 1. disp. 4. §. 1. à n. 10. sed immerito profectò, vt statim dicemus. Cuiuscumq. autem sit probatur, quia Angelus naturali lumine potest euidenter cognoscere Christi Domini humanitatem carere propria subsistentià creatà, sicut eodem lumine potest talem subsistentiam cognoscere, nam ex Arist. 2. de Anima cap. 10. textu 103. visus est luminis & tenebrarum, auditus soni & silentij, id est, ad eandem potentiam pertinet cognitio luminis, & eius priuationis. Insuper euidenter eodem lumine cognoscebat non habere aliam subsistentiam creatam, quia ipse cognosceret, sicut & propriam; ergo euidenter cognoscebat, quod hæc humanitas Christi subsisteret subsistentià increatà.

11. Dico secundo: Angelus naturali lumine, & absque reuelatione non potuit cognoscere aliquà cognitione clarà, & euidentem mediata, vel immediatà mysterium Incarnationis in se, etiam postquam existens fuit. Ita D. Thom. 1. p. quæst. 57. art. 5. vbi communiter Thomistæ, Vasquez tom. 2. disp. 214. cap. 3. Molina disp. 1. Valen. disp. 4. puncto 4. ad 3. & 4. qui omnes loquuntur ibi vniuersi de omnibus mysterijs gratiæ; & in speciali de hoc probatur. Mysterium hoc non potest in se, & quantum ad suam substantiam, naturaliter cognosci, nisi cognoscatur naturaliter natura humana, vnio, & Verbum in seipsis; sed Verbum, & quælibet persona diuina non potest solum viribus naturæ cognosci, cum sit obiectum voluntarium, & supra omnem creatam naturam; ergo, neque mysterium Incarnationis. Maior ex eo patet, quia ex illis essentialiter hoc mysterium cõstat.

12. Ad rationem in contrarium respon-

deo, quòd in sententia, quæ constituit rationem formalem personalitatis, & subsistentiæ creatæ in duplici negatione immediatè secuta ad naturam indiuiduam, Angelus non cognosceret earentiam talis negationis, quia hæc debet cognosci per positium eòtrarium. In sententia verò, quæ illam constituit in aliquo positiuo. Concedo totum antecedens, & nego consequentiam, quia eum non cognosceret naturaliter esse possibile naturam humanam vñiri personæ diuinæ, vt supra diximus, posset suspicari, quòd virtute diuinà sibi occultabatur propria & creatà subsistentià illius naturæ: numquam tamen posset cognoscere naturaliter, quod subsisteret subsistentià diuinà, quia non habebat medium naturale, vt hoc inferret, eum Verbum non esset illi naturaliter cognoscibile.

Obiicies primò, Scotum in 4. supra cito §. ad argumenta, vers. ad 3. de malis angelis, vbi ait, quòd quicumque Angelus malus, si absolute permittatur vti suà potentià cognoscitiua naturali, potest intelligere mysteria gratiæ iam existentia, quòd etiam videtur ibidem asserere de mysterio Incarnationis, & hoc expresse probat per totam illam questionem de existentia corporis Christi in Eucharistia, ergo nostra conclusio est contraria Scoto. Respondet Faber in 4. disp. 43. cap. vlt. quod loquitur de mysterijs gratiæ supernaturalibus, non tamen inuoluentibus ordinē ad aliquid increatū, vt inuoluit mysterium Incarnationis ad Verbum, de quo mysterio quantum ad substantiam non loquitur Scotus, sed de aliqua circumstantia, vt supra asseruimus in 2. solutione, & id non ex propria sententia, vt dixi in 4. quæ solutio pro nunc sufficiat, quia in reliqua mysteria gratiæ sint naturaliter ab Angelo cognoscibilia, prout naturaliter opponitur modo supernaturali cognoscēdi, an verò prout opponitur solum modo contingentī & libero, & naturaliter idē est quòd necessàrio, alibi disputabo, & mēte Scoti aperiā.

Obiicies secundo, quòd si propter aliquam rationem mysterium hoc non esset ab Angelo naturaliter cognoscibile, maxime, quia non cognoscit naturaliter Verbum, quod est terminus vnionis hypostatice, sed in sententia Scoti

in 2. d. 3. q. 9. Angelus (imò & homo in statu naturæ integræ) habere potuit naturalem notitiam claram saltem abstractivam Trinitatis; ergo etiam habere potuit notitiam Verbi, & consequenter huius mysterij. Respondeo quòd illa notitia non est naturalis, nisi pro quanto non est de his, quæ pertinent ad ordinem gratiæ & gloriæ, ut ibi Scotus se explicat, & pro quanto collata est illis specie impressa ad habendam illam notitiam, non liberè, sed naturaliter, & independentè ab obiecto motivo libero; & insuper collata est inter reliqua dona, quæ in eius creatione naturali accepit, & pertinebat ad maiorem perfectionem naturæ intelligentis, sed absolute talis notitia est supernaturalis, quia dicit ordinem ad agens supernaturale, scilicet ad speciem impressam Trinitatis, imò ad illam, ut ad agentem supernaturaliter, quod requiritur ad rationem supernaturalitatis ex Scoto in 1. quæst. 1. Prologi, §. antequam litt. n.

15. Ex his debetis inferre, quòd neque anima Christi in statu absolute glorioso, hoc est post resurrectionem, potuit ex puris naturalibus clarè cognoscere mysterium hoc in se per cognitionem abstractivam, aut intuitivam: neque euidenter per rationem à priori, vel à posteriori, sed sicut Angelus solum per arguitivam cognitionem, euidentem euidentia in attestante, ut supra diximus, benè tamen illud cognovit supernaturaliter ab instanti suæ conceptionis per visionem beatam, vel per species infusas, de quibus infra dicemus disp. 15. q. 1. 2. & 4. p. 3.

QVÆSTIO VII.

Utrum Incarnationis mysterium fuerit omnino & undequaque convenientissimum?

1. **R**es est facilis, pro cuius expeditione nota conveniens in præfata dici respectuè, quod scilicet alicui bonum est, siue utile propriè sit, siue non, sed tamen decens, aptum, & quadrans absque vilo inconuenienti, quo sensu res creatæ licèt Deo utiles propriè non sint, possunt tamen esse illi

conuenientes, quiddid contrà fortassis tantum de nomine contendat aliqui Recentiores.

Pars affirmatiua huius Quæstionis est communis & vera. Imò & certà fide Catholica, eo ipso quod fides doceat hoc mysterium à Deo fuisse peractum: *Et omnia in numero, pondere & mensura Deus disponat*, Sapientia 11. Id frequentissimè Patres Ecclesiæ testantur, qui apud Recentiores videri possunt. Nobis enim vnus pro multis August. tom. 3. lib. 13. de Trinitate cap. 10. audiendus est, ubi contrà malè sentientes de conuenientia huius mysterij, ait: *Parum est sic resillere, ut istum modum, quo nos per mediatorem Dei & hominum, hominem Christum Iesum, Deus liberare dignatur, asseramus bonum, & diuina congruum dignitatibus etiam ut ostendamus non alium modum possibilem Deo defuisse, cuius potestati cuncta equaliter subiaccens, sed sananda nostra miseria conuenientiorum modum alium non fuisse, nec esse oportuisse.* Hæc Augustinus.

Ut autem veritatem istam ratione confirmemus, distingui debent illius plures quasi partes, cum enim conueniens respectuè, seu in ordine ad aliquid accipiat, oportet modò seorsum probare, conueniens fuisse hoc mysterium diuinæ personæ, humanæ naturæ, reparationi humani generis, ac denique toti vniuerso, quibus omnibus conuenientissimum fuit.

Primo ergo conueniens fuit Deo, non quia illi propriè utile, sed quia decens & consentaneum, quod primò probatur, quia ex Dionys. cap. 4. de Diuinis nominibus, boni est diffusiuum, seu communicatiuum sui (quod debet intelligi de bono, ut sic, & in communi accepto) ergo bonum infinitum debet esse infinite diffusiuum sui; ergo Deo, qui est infinite bonus ratione talis bonitatis conuenit summè communicari, quod fit per Incarnationem, quæ fuit summa saltem intensiuè, quia perfectissima, & cum natura non irrationali (in qua aliqua appareret indecentia, ut si Verbum vniueretur cani) sed cum natura rationali, licèt extensiuè possent aliæ diuinæ personæ, & ipsa persona Verbi, similiter aliis naturis se communicare.

5. Et confirmatur, quia nullum est ens, quod scilicet vel in genere causæ efficientis, vel exemplaris, finalis, materialis, aut formalis sese alteri non communicet, sic enim Angelus (in quo videtur hæc doctrina posse deficere) aliis creaturis sese per motum localem communicat; ergo hoc etiam conuenit Deo ad extra, quod fit strictiùs, quia per Verbum, quasi in genere causæ formalis communicatur, terminando naturam humanam; vnde Paulus ad Coloss. 2. ait: *In Christo inhabitat omnis plenitudo diuinitatis corporaliter*, id est realiter, & non in vmbra, substantialiter & perfectè, & non modo imperfecto.
6. Secundò probatur (& est ratio, sicut & præcedens D. Thom. in præsentiquæst. 1. art. 1.) quia per Incarnationem diuina attributa & perfectiones maxime elucet, charitas quidem, dilectio, & beneficentia; ergo homines cum quibus ita strictam vnionem Deus inuiuit (quod est charitatis maxime proprium) vt verissimè dicatur Deum esse hominem, & hominem Deum. Item, *quia si probatio dilectionis exhibitio est operis*, vt aliquando dixit S. Gregorius in Incarnatione, sic Deus dilexit mundum, vt Filium suum vnigenitum daret. Ioan. 3. Vnde gratulabunda pariter, & admirans Ecclesiæ clamat: *O inestimabilis dilectio charitatis, vt seruum redimeres, Filium tradidisti!* Elucet sapientia, quæ per hoc mysterium diuinam iustitiam cum misericordia absque vilius præiudicio, imò (si fas est ita loqui) cum vtriusque fœnore ita composuit, vt verissimè Psal. 84. dicatur: *Iustitia & pax osculata sunt*; & D. Paulum, Christum appellantem *Dei sapientiam*, 1. ad Corinth. 1. sic expendit Anselm. lib. 2. cur Deus homo cap. 20. & in hæc prorumpat verba: *Quid misericordius intelligi valet precatori? vnde te redimus non habenti Deus Pater dicit: Accipe vnigenitum meum & da pro te.* Et paucis interiectis: *Quid etiam iustius, quam vt ille, cui datur pretium maius omni debito, si debito datur affectu, dimittat omne debitum.* Sic enim sapientia diuina vtramque fecit amplexari in Incarnatione Filij Dei.
7. Elucet similiter omnipotentia, quæ tam diffusa extrema, finitum, scilicet cum infinito, forte cum debili, cum corruptibili incorruptibile coniunxit.
8. Tertiò, conueniens fuit naturæ assumptæ, quod ex eo probatur, quia longè inde fuit, & multis in partibus meliorata natura, quatenus perfectiori terminatur substantia, summo afficitur honore, adoratur latrâ, meretur infinitum, hominum & Angelorum Caput homo ille constituitur, ac denique innumeris gratiæ donis supernaturalibus insignitur, imò & ipsam diuinitatis plenitudinem imbibit, vt ex Apostol. suprà retulimus. Quare pulchrè August. tomo 7. lib. 1. de Prædest. cap. 15. post medium inquit: *Prædestinata est ista natura humane tantæ, & tam excelsæ, & summa subiectio, vt quò atolleret alius non haberet.*
9. Tertiò, conueniens fuit toti vniuerso, sed in illo præcipuè homine, in quo reliquæ creaturæ, quantum ad suas perfectiones continentur, vt hom. 29. in Euangelia dixit Greg. quia propter microcosmos, hoc est, paruus mundus solet nuncupari. Primò, quia inde visibili Christi Domini fruuntur magisterio: secundò, quia vnus indiuidui honos in reliqua eius naturæ indiuidua non potest aliquo modo non redundare.
10. Cedit etiam in totius vniuersi utilitatem, & gloriam ad quam natiuitatis, & personandi varietas multum conducit, licet enim antea esset generatio ex viro sine semina, vt externa generatio Verbi, & ex viro & semina vt nostra, quæ communis est, & neque ex viro & semina, vt nostri protoparentis Adami, non tamen erat ex semina sine viro, quæ in Incarnatione reperta est: & licet vna persona in vna natura esset communis in nobis, & plures personæ in vna natura, vt Trinitas in indiuidua Dei substantia vniuersum collustrarent, non tamen vna æternaque persona Verbi in duabus naturis, diuina scilicet & humana decorabatur, quod per Incarnationem accepit: ac denique, quia sicut accrescit

crescit vniuersæ caritæ, ac toti regno honor maximus ex Regis præsentia, ita toti vniuerso honos, & pulchritudo accrescit, ex eo quod Christus Dominus homo & Deus *in terris visus est, & cum hominibus conuersatus est*, Baruch. 3. Vnde Paulus ad Ephes. 1. ait instaurari omnia in Christo, *sive qua in cæli, sive qua in terra sunt.*

11. Quartò, conueniens fuit generis humani reparationi & redemptioni, quòd ex dictis liquidò patet, necessum enim est illud in hunc finem fuisse conuenientissimum, in quo maximè concurrir diuinarum perfectionum manifestatio & ostensio, ad hoc enim Filius naturalis Dei à Deo datus est, Ioan. 3. *Vt omnis qui credit in ipsum non pereat, sed habeat vitam æternam.*

12. Nonnihil etiam de cōuenientia temporis, in quo executæ est Incarnatio, operæpretium est cum D. Thom. in præsentī art. 5. & 6. tractare, quæ prægi non decuit ante peccatum, quia peccati medicina est, & medicina ante morbum præberi non debuit, neque statim post peccatum, tum vt morbi grauitas, & remedij necessitas magis innotescerent, & inde audior ipsius excitaretur cupiditas, tum propter Incarnati dignitatem, cuius aduentum decuit tot retrò sæculis Prophetarum vocibus repetitis decantari, nec denique in finem mundi differri debuit, serò enim medicina paratur, cū mala per longas differuntur ætates, neque enim diuina ostenderetur virtus saluans, non solum per fidem futuri, sed etiam præsentis ac præteriti Redemptoris, neque breui tempore satis tam eximij beneficij fructus innotesceret.

13. Sed contrā prædicta sunt suo ordine argumenta. Et primò, quia indecens erat, & consequenter inconueniens est ordinare id quod perfectius est, scilicet diuinam personam Christi Domini, sanguinem & vitam in id quod minus perfectum est, scilicet peccati remedium, & mundi salutem, præsertim cū videri possit medium hoc suo fine frustratum, aut minùs plenè assequitur, cū plures homines damnentur. Et confirmatur, quia conuenientius fuisset personam diuinam naturæ angelicæ, vtpote nobiliori, & Deo simi-

liori vniri, quàm naturæ humanæ minùs nobili, tot laboribus & arumnis, imò & ipsi morti subnoxie.

Ad argumentum respondet indecens esse ordinare id quod est magis perfectum in id quod minùs tamquam in finem vltimum, non verò tamquam in finem non vltimum, vt sic enim substantia ad suas operationes ipsa imperfectiores ordinatur, quod in præsentī contingit, quia finis vltimus Incarnationis non est peccati remedium, & mundi salus; sed Dei gloria, & ostensio attributorum, & perfectionum illius, qui finis, etiamsi plures damnentur, consequitur, imò etiam & finis non vltimus, quia quodd ipsi non vltimatè consequantur salutem pro ipsis stat, non pro redemptione Christi, quæ de se sufficiens est vt saluos ipsos faceret. Ad confirmationem respondeo, idē naturam humanam & non angelicam apprehendisse Deum, vt magis eius maiestas & potentia cōmenderetur: *Quia infirma mundi elegit Deus, vt fortia confunderet*, 1. ad Corinth. 1. Item vt per eandem naturam, quæ fragilitate suā, & dæmonis impulsu corruerat, repararet, & diabolum deuinceret. Item vt omnes creaturas, tam materiales, quàm spirituales in homine materiali simul & spiritali, & non in Angelo solum spiritali honoraret, sicque totum vniuersum, vt suprà diximus. Item propter plures alias congruentias, quæ videri possunt apud Suarez disp. 4. sect. 1.

Contrā secūdò, diuina attributa per Incarnationem potius fuerunt depreffa, & (si fas est ita loqui) iniuriā affecta, tum quia bonitas & magnificentia magis commendarentur, si humani generis debitum Deus omnino remississet tum quia videtur contrā iustitiam ab innocente Christo; totiusq; culpæ expertæ satisfactionem exigere: tum quia contra liberalitatem est prodigalitas, quod in eam salutem tot labores & opera impendisset, cū minimum Dei hominis opus ad salutem integram instaurandam satis esset; ergo Deo conueniens non fuit Incarnatio. Respondeo, negando antecedens. Ad primam probationem dico, quodd magis resplenduit bonitas & magnificentia Dei, in eo quod donaret nobis Filium suum, *Cum adhuc peccatores & inimici essemus*, vt ait Paulus

QVÆSTIO VIII.

Verum Verbi diuini Incarnatio fuerit necessaria?

Relictis pluribus diuisionibus necessitatis, quantum ad præsens attinet, duplex est necessitas, alia absoluta & simpliciter talis, alia verò ex suppositione, & secundum quid. Prima est, quæ aliquid absolute nequit non esse, sicut repugnat non esse Deum: secunda est, quæ aliquid, licet absolute potuerit non esse, tamen supposito alio cum quo habet necessariam connexionem non potest non esse, qualiter homo absolute posset non moueri, sicut non currere, tamen supposito quod currat, necessariò mouetur, idè solet etiam vocari necessitas simplex ex suppositione, quia supposito cursu est simpliciter necessarium, quod moueatur. In præsentem ergo non est quæstio de prima necessitate, quia nullus fuit qui affirmaret Incarnationem fuisse sic necessariam, sed de necessitate ex suppositione.

Et primò à Recentioribus refertur Raymundus Lullius in fide discipulorum eius asserentium, quòd affirmauerit Incarnationem fuisse necessariam ex suppositione, quòd Deus voluerit efficaciter mundum creare, quia ad naturam tanti & tam maximi Opificis spectabat, vt eo ipso, quod semel intra se constituit mundum fabricare, & aliquid extra se producere, vt eligeret quod optimum erat in eo genere, qualis erat nobilissima vnio hypostatice Christi, & quasi vltimam manum perentitatem mundo imponere.

Sed contrà primò, quia non tenetur Deus res ad extra ita perfectas producere, sed potius ipse est talis naturæ, quòd semper possit producere meliores creaturas eis, quas produxit: vnde posset alios meliores Angelos, & alium meliorem mundum creare, nec enim est exhausta eius potentia in creatione istius. Secundò, quia licet id quod vult Raymundus ita eiset, tamen Verbi Incarnatio, cum sit ens omnino supernaturale, non pertinet ad naturam vniuersi; & sic ad eius perfectionem,

C 3

&

ad Rom. 5. quàm si gratis condonaret delicta. Præterea, quia si sic fieret misericordia & iustitia, non ita mutuascent, cum vtriusq; scenore sibi manus, cum non interuenisset ex parte peccatoris satisfactio Christi ad refarciendam iustitiam. Ad secundam dico esse veram, nisi à Domino vitæ, vel ab innocente voluntariè in se transferente debiti obligationem fiat, quo iure in humanis iuste à fidei iussore exigitur debitum, *Christus autem oblatiis est, quia ipse voluit.*

Ad tertiam notare oportet, quòd liberalitas & prodigalitas iuxta qualitatem personarum debent attendi: vnde donum, quod respectu hominis plebeij esset prodigalitas, talis non esset respectu Regis & Imperatoris; sed potius liberalitas ordinata, incarnati ergo Verbi & Regis maximi liberalitatem valde decuit, quòd eius donum fuerit superabundans, *Verbi abundantis delictum* (ad Rom. 5) *superabundaret & gratia.*

Contrà tertio, natura humana habet appetitum naturalem ad creatam subsistentiam, & illa priuata fuit per subsistentiam Verbi; ergo Incarnatio saltem naturæ humanæ non fuit conueniens. Respondeo in doctrina Scoti q. 1. prologi §. ad quæst. litt. m. & alibi sæpe etiam fuit in illa appetitus naturalis ad vnionem hypostaticam, sicut & ad quamlibet formam supernaturalem, & sic non mansit sub illa personalitate violenta, quia non contra principium passivum naturæ in ordine ad quod sumitur violentia ex Scoto, vt diximus 2. ph. disp. 1. q. 2. sicque non fuit illi disconueniens, sed potius conuenientissima, quia mansit subsistens subsistentia perfectissima, imò infinita, saltem materialiter.

Contrà quartò, conuenientius fuisset assumere plura humanæ naturæ indiuidua, quàm vnum, ergo non fuit conuenientissimo modo peracta Incarnatio. Respondeo, negando antecedens, potius enim sic prouisum est vnitati Capitis in Ecclesia, & maiori perfectioni monarchicæ gubernationis. Alia solent obijci, quæ probant impossibilitatem huius mysterij, & sic inconuenientiam & dissonantiam illius, sed ad illa iam diximus quæst. 2.

& ultimam manum non esset necessaria.

4. Secundò, refertur Anselmus in suo dup. lib. Cur Deus homo, & precipuè in 1. cap. 12. 16. & 17. & in 2. cap. 4. Richardus de sancto Victore lib. de Incarnatione Verbi cap. 8. Athanas. lib. de Incarnatione Verbi fol. 2. Cyril. Alex. lib. 5. thesauri cap. 7. in medio, quod omnes videntur asserere, quod supposito lapsu, & peccato primi hominis necessarium fuit Deum incarnari. Imò & mori, ad ipsius reparationem, & sedium, quæ Angelis peccantibus vacauerant restaurationem; quæ sententia hoc vnicum habet fundamentum, quia id necessarium est respectu Dei, quod indecens esset illud non facere, sed indecens esset (vt ait Athanas.) bonitati Dei, quod creatura ab ipso facta in interitum abiret ob diaboli aduersus homines fraudem, & indecens esset (vt ait Richard.) quod diabolus homini perpetuò impropere, nihil ipsum habere iuris in eo quod possideret, scilicet si iustificaretur à peccato sine villo merito & satisfactione, & similiter quod homini sic iustificato numquam deesset conscientie propriæ remorsus; ergo supposito lapsu primi hominis necessaria & non libera fuit Deo sua Incarnatio. Præterea indecens esset (vt ait Ansel.) numerum Angelorum, vtpote perfectissimarum creaturarum non reparare, quod nequibat fieri in eadem natura angelica, quia hæc nequit Deo reconciliari per poenitentiam, ratione inflexibilitatis proprii arbitrii, neque fieri poterat per alios Angelos de nouo creatos, tum quia non essent equè perfecti, ac priores, quia si perseverassent in gratia, esset, quia præuidebant vindictam in prioribus, priores autem non sic præviderunt, & sic qui perseverauerunt solum fuit amore solius Dei, non autem timore poenæ, tum quia noua creatio Angelorum repugnaret perfectioni primæ creationis, ergo cum etiam indecens esset hominem non reparare, & hæc reparatio debuisset fieri per condignam satisfactionem, quia indignum est Deo culpam relinquere absque poena, aliàs eodem modo esset apud Deum, & qui peccauerat, & qui non peccauerat, sequitur quod necessariò Verbum debuit fieri homo, vt

moriendo (quod repugnat Angelo) homines & Angelos repararet, cum absque morte nullus illorum reparari posset: totum hoc colligitur ex Anselmo in vtroque libro suprâ citato ab Auditoribus, videatur Vasquez in præsentî disp. 1. cap. 2.

5. Tertiò, referuntur alij Ecclesiæ Patres, qui videntur asserere alio modo non potuisse Deum hominem lapsum ad pristinum statum gratiæ reuocare, nisi talis mediator, nempe Verbum incarnatum existeret, licet non dicant, neque insinuent necessarium fuisse Deo hominem reparare. Ita Virgilius lib. 5. contra Eutichetem, Ambros. in illud ad Hebr. 9. *Et ideo noui Testamenti.* Leo serm. 1. & 5. de Passione, & alij plures relati à Recentioribus in præsentî.

6. In hac re dico primò, etiam supposito lapsu, & peccato primi hominis non fuit simpliciter necessarium Deo hominem reparare; itaque & liberè reparauit, & liberè posset non reparare. Hæc conclusio communis est apud omnes. Ita Scotus in 3. dist. 26. q. vnicâ, 5. ad istam quæst. Ibidem D. Bona. q. 1. Cabrera in præsentî quæst. 1. art. 2. vbi asserit, quod sit hæc conclusio Patrum, S. Scripturæ, ac fidei maximè consentanea. Vasquez vbi suprâ cap. 3. Suarez disp. 4. sect. 2. Et in conclusione secunda addit negari non posse sine temeritate, & fidei incommodo. Medina q. 1. art. 2. & dub. circa primam conclusionem ait oppositam esse temerariam & erroneam. Faber in disp. 48. cap. 2.

7. Probatur autem primò ex SS. quia Sapientie 12. dicitur: *Quis tibi imputabit, si perierint nationes, quas tu fecisti?* Et Ieremie 12. *Numquid sicut figulus istud non potero vobis facere domus Israel,* ergo liberum fuit Deo hominem lapsum reparare.

8. Sed respondet Anselmus lib. 2. *Cur Deus homo,* cap. 5. SS. testimonia intelligi de libertate antecedenti, quâ Deus liberè voluit hominem creare, & peccatum illius permittere, quo supposito necessarium fuit illum reparare.

9. Sed contrâ primò, quia si nullus potest Deo imputare, quod pereant nationes ab ipso iam factæ, vt dicitur in præcatis verbis; ergo potuerunt perire, non solum quod Deus decreuit illas fore, & permisit peccare, sed etiam post.

postquam iam sunt, & peccant. Secundo, quia figulus non solum potest formare aliquid vas liberè, sed si frangatur, liberè etiam potest non redintegrare; sed Deus vocat se figulum, ubi supra; ergo. Tertiò, quia reparatio hominis non habet necessarium connexionem cum lapsu, non enim sequitur cecidit, ergo resurgit, sicut sequitur currit, ergo mouetur. Neque ex eo quod non resurgat, sequitur aliqua positiva indecentia in Deo, cum nihil ad extra tribuat illi intrinsecum aliquod emolumentum, aut nocumentum; ergo non fuit illi necessarium, quòd hominum lapsum repararet, sed etiam post lapsum fuit illi liberum reparare, imò & posset illum punire, nullam cum illo habens misericordiam.

10. Dico secundo, dato quod fuisset simpliciter necessarium Deo hominem reparare, non tamen ad id fuit necessaria Verbi Incarnatio. Hæc conclusio est etiam communis, & habetur apud præcitos Auctores. Et probatur primò ex locis SS: in quibus opus Incarnationis commendatur tamquam opus dilectionis, misericordie, & liberalitatis Dei, quæ omnia libertatem planè sonant, aut supponunt Ioan. 3. *Sic enim Deus dilexit mundum, ut Filium suum unigenitum daret.* Et 1. Ioan. 4. *In hoc apparuit charitas Dei in nobis, quoniam Filium suum unigenitum misit Deus in mundum, ut vivamus per eum;* ergo Incarnatio fuit opus libertatis Dei, licet supponeremus, quòd reparatio hominis esset simpliciter necessaria.

11. Secundò probatur ex Patribus Athanas. serm. 3. contra Arrian. 5. ante finem foliis, sic ait: *Poterat etiam sine villo adventu Christi solummodo loqui Deus, & solvere maledictionem eternam, spectandum esset istic, quod hominibus sit utile, non quod situm sit in viribus Dei.* Et August. lib. 9. de Agone Christi, cap. 11. *Sunt (ait) stulti, qui dicunt: Non poterat aliter Sapientia Dei hominem liberare, nisi susciperet hominem.* Et plura alia habet 13. de Trinitate cap. 3. Leo Magnus, Emissimus, Greg. Bernardus, & alij plures relati à Vasq. ubi supra.

12. Tertiò probatur ratione, quia si propter aliquam causam Incarnatio esset necessaria, maxime ut hominum reparatio fieret ex perfecta iustitia; sed hæc

vel potuit fieri ab alia pura creatura, iuxta ea quæ dicemus sequenti disput. vel si non potuit sic fieri, sed necessariò ab aliqua persona diuina incarnata erat faciendâ, non erat tamen simpliciter necessaria, quia potuit Deus gratis omnino condonare debitum, cum enim sit supremus Dominus nulli faceret injuriam. Præterea cum ipse sit offensus, potest remittere offensam. Præterea cum sit supremus Legislator, potest legem illam, morte morieris, dispensare quantum ad culpam, & quantum ad poenam, imò fortassis cum aliquo sic dispensavit. Præterea posset ab unoquoque hominum aliquam satisfactionem vel poenitentiam exigere, illaque esse contentus, imò & per acceptationem antecedentem (iuxta ea quæ dicenda sunt disp. sequenti) ad æqualitatem satisfieri; ergo dato, quòd fuisset necessaria hominum reparatio, non tamen fuit necessaria Incarnatio Verbi.

Ex hoc patet non esse indignum Deo (ut supra ait Anselm.) culpam relinquere absque poena; quia cum sit supremus Dominus & Legislator, & nihil ad extra augeat vel minuat eius perfectionem, optimè id potest præstare, imò si de facto id præstaret, eo ipso esset bonum & dignum Deo: in hoc enim distinguitur Deus à creaturis, quod in creaturis bonum velle procedit ex eo quod habet aliquod bonum obiectum, tamen in Deo potiùs obiectum est bonum, quia Deus illud vult. Præterea quia condonare iniuriam omnino esset bonum, si fieret ab homine particulari, & sic multò magis si fieret à Deo. Præterea licet Iudex particularis non posset id facere, etiam remissa iniuria ab homine læso, tamen Princeps qui vices tenet cõmunitatis iustus de causis potest id facere, quantò magis Deus, præsertim in casu, quo tota cõmunitas hominum deliquerat.

Dices: Omnia opera Dei ad extra sunt misericordia & veritas, hoc est, iustitia, iuxta illud Psal. *Uniuersa via Domini, misericordia & veritas*; si autem Deus gratis remitteret offensam, licet esset misericordia, non tamen iustitia. Respondeo: In omni opere ad extra non seruat Deus perfectissimam iustitiam, neque ita sunt intelligenda prædicta verba, sed dicitur seruare iustitiam,

tiam, quia omnibus rebus dat debitum absque eo quod ipse sit debitor, quare dicitur iustitia late, ostendit enim suam misericordiam, dando esse creaturæ; & ostendit iustitiam, dando accidentia debita tali essentia. Vnde si Deus omnino gratis remitteret offensam, in quo ostenderet misericordiam, similiter ostenderet iustitiam, retribuendo ea quæ consequuntur ad gratiam, quæ remisit offensam; & si absque gratia remitteret, ostenderet iustitiam in consequendo hominem impunitum, cum iniustitia esset hominem iam non peccatorem punire.

15. Dico tertio: Licet ad talem hominis reparationem esset simpliciter necessarium Verbum diuinum incarnari, non tamen mori. Hæc conclusio etiam communis est apud præfatos Auctores. Et probatur, quia supposita Christi incarnatione una eius operatio ad satisfactionem, & generis humani reparationem sufficere poterat, vel ex se, vel ex acceptatione diuina, iuxta ea quæ in sequentibus sunt tractanda. Vnde non necessitatis, sed decentiæ fuisse dicitur hoc opus: *Decebat* (inquit Paulus ad Hebr. 2.) *cum propter quem omnia, & per quem omnia, qui multos filios in gloriam adduxerat, Auctorem salutis eorum per passionem consummari*; ergo mors Christi etiam supposita incarnatione non fuit simpliciter necessaria ad hominum reparationem, sed merè libera, & pendens solum ab ordinatione diuina.

16. Ex dictis patet ad fundamentum sententiæ contrariæ, quod nil sit eorum, quæ adducuntur, indecens positivè (vt bene ait Suarez) respectu Dei, licet negatiuè hoc non esse, ita decens posset cœdici; sed si Deus aliter faceret, etiam esset decens positivè, vt supra diximus. Neque enim horum hominum irreparatio bonitati ipsius derogabat, cum posset alios creare, & ipsos beatificare; neque Angelorum similiter sedes reparare, quia poterat vel vacuas relinquere, vel pro de nouo creatos homines implere, vel per ipsos Angelos ad poenitentiam reductos, aut liberè condonatos; vel per alios Angelos, quos gratia Dei posset ita perfectos, imò perfectiores quam primos efficere, quod non derogaret primæ creationi, sed solum horum, & Angelorum peccantium

malitiæ deputaretur, non ipsi Creatori, cui nil ad extra derogat.

Necesse ergo habemus, piè & benignè prædictos SS. Patres interpretari, vel quod loquantur de necessitate immutabilitatis, quam habet Deus supposito decreto, quo decreuit hominem reparare, & per hoc medium reparare, quia id quod est quando est, necesse est esse. ita exponit Anselmum D. Bonau. & Alexander Aletius vbi supra, quia ipse lib. 2. *Cur Deus homo*, cap. 5. & 17. non admittit in Deo aliam necessitatem, licet Valquez vbi supra hac solutione non contentus sit; vel quod loquatur de necessitate secundum quid, & ad melius esse; vel quod loquatur de necessitate & decentia more humano, in quo id quod vtilissimum & convenientissimum est, decens & necessarium dicitur, quo dicendi modo vocatur etiam Incarnatio ab aliis Patribus vniuersum & singulare medium ad nostram reparationem.

Dico quarto: Licet Verbi Incarnatio & Christi mors non fuerit simpliciter necessaria ad hominis lapsi reparationem, fuit tamen vtilissima ad illam. Hæc conclusio statuitur contra Abailard. & alios hæreticos apud D. Bernard. epist. 190. negantes diaboli potestatem in homines, quare solum asserabant fuisse vtilem, vt homines Verbi doctrinā instruerentur, non tamen vt eriperentur à diaboli potestate, quam negabant. Sed contra eos opposita veritas est fidei dogma, vt optimè supra prosequitur D. Bernardus. Et probatur ex Paulo ad Tim. 2. *A quo (diaboli) captini tenebantur ad ipsius voluntatem*. Ad Coloss. 2. *Expoliatis principibus & potestatibus, traduxit confidenter palam triumphans illos in semetipso*. Et Ioan. 12. *Nunc princeps huius mundi eiicietur foras*. Et Paul. ad Rom. 8. *Christus pro nobis mortuus est*, &c. & alibi sæpè: vnde iure optimo hæc veritas definitur in Trid. sess. 6. de Iustificatione cap. 1. & 2. & idem denique passim testantur Patres; interim videatur Valquez disp. 1. cap. 1. Valencia disp. 1. quæst. 22. puncto 1. Kellisonius de Incarnatione quæst. 1. art. 2. dub 1. & 2.

Quæres quænam sit hæc diaboli in homines potestas, à qua per Christum sunt liberati. Et respondeo breuiter non

non solum esse potestatem eos puniendi propter peccata, sed etiam cum ratione peccati homines amiserint gratiam sanctæ cogitationis, subditi ac obnoxij sunt pluribus tentationibus, & incurfibus eius, à qua potestate liberati sunt à Christo, qui illis meruit actua- lem & habitua-lem gratiam, quæ pote-

tas non imperialis, & iusto titulo ac- quisita fuit à dæmone, sed tyrannica per seductionem primorum paren- tum, & Deo permittente fuit obtenta. Ideoque Deo habenti imperialem po- testatem, & non diabolo, debuit pre- tium sanguinis à Christo nos captiuos redimente offerri.

DISPUTATIO II:

DE

SATISFACTIONE

PURI HOMINIS.

Aseruimus in præcedenti Quæstione Verbi Incarnationem, & eius mortem non fuisse simpliciter necessariam, supposito lapsu primi ho- minis ad eius reparationem, non tamen ex professo fuimus locuti de qualitate reparationis; an scilicet esset solum de congruo, an de condignio, siue æquiualens, vel an de toto rigore iustitiæ; ideo illi Quæstioni affinis est Dispu- tatio præsens, de qua Scholastici agunt in 3. d. 20. vt sciamus quid in hac re possit purus homo, vt deinde in sequenti Disputatione sciamus an fuerit simpliciter necessaria Verbi Incarnatio ad hos fines, vel solum utilis.

QUÆSTIO PRIMA.

Quid, & quod duplex sit satisfactio?

1. **R**ER plurimam diuersorum philosophandi diuersita- tem, obscura apparêt, quæ in hac & sequenti Dispu- tatione tractantur; ideo hanc doctrinalem præmittimus Quæ- stionem, vt per notitiam quidditatis, & diuisionum satisfactionis, facilis ad ea pateat aditus. De Satisfactione puri hominis agit Scotus in 1. d. 17. q. 1. §. *Sed tunc est ulterius*, & in 2. d. 27. q. 2. §. *Idem alia est operatio*, & in 3. d. 18. q. unica in ista q. & d. 19. §. in ista quæst. & in 4. d. 15. q. 1. §. *Quantum ad istum ergo artic.* & quodlibet 17. art. 2. & de Christi me- rito, quod pro nobis satisfecit, agit in 3. d. 18. 19. & 20. & in 4. d. 5. citat.

2. Satisfactio ergo in communi accepta fit definitur ab Anselmo lib. 1. *Cur Deus homo*, epist. 19 & 20. & clariùs & breuiùs à Scoto (quem communiter

Castillo de Incarn. Pars I.

sequuntur Auctores) in prædicto 4. Sent. §. Respondeo litt. A. Satisfactio est *redditio voluntaria æquiualens, aliis indebiti*, cuius definitionis particulas singulas seorsim probat sic Scotus, quod sit *redditio*, quia non est absolutè datio, seu donatio, illa enim particula *fatis*, posita in satisfactione infirmat, & denotat, quod illud quod datur, est in ordine ad illud quod fuit receptum; quod sit *voluntaria*, quia si esset imo- luntaria, non esset satisfactio, sed satisfactio, qualiter in inferno damnati pro peccato veniali satisfaciuntur in do- ctrina Scoti, sed non satisfaciunt; quod sit *æquiualens*, hoc est, quod æquiualeat illud quod redditur ad illud, quod fuit acceptum, quia aliàs non redde- ret fatis; quod sit *aliis indebiti*, id est, non alio titulo debiti, quia vnâ solutione, v. g. vt quatuor non possunt satisfieri duo debita vt quatuor, quia cuiilibet horum debetur satisfactio vt quatuor. Quæ definitio æquè accommodatur (inquit Scotus in fine prædicti §.) satisfac-

D

factioni,

factioni, quæ sit pro iniuria per peccatum illata; ac satisfactioni, quæ in commerciis & contractibus humanis sit pro lucro recepto: quod debet maxime notari prodiendis ex eius sententia in hac & sequenti disputatione.

3. Vnde à Recentioribus triplex adstruitur satisfactio: Prima, in qua omnes prædictæ differentiæ, seu conditiones (& aliæ in illis implicite contentæ, vt infra dicemus) reperiuntur, & hæc vocatur *ex toto rigore iustitiæ*. Secunda, in qua non reperitur vltima conditio, scilicet *aliàs indebiti*, & hæc dicitur *satisfactio condigna, seu ad æqualitatem*, quia licet id, quod redditur, sit aliàs debitum, est tamen æquivalens in valore debito, cui sit satis. Tertia, in qua etiam deficit quod sit æquivalens id, quod redditur, & hæc dicitur *satisfactio imperfecta, seu de congruo*, quia si acceptatur à creditore, solum est ex voluntate creditoris liberaliter remittentis partem debiti. A nobis tamen sunt solum adstruendæ duæ satisfactiones, condigna scilicet, & congrua, cum omnes conditiones præfatæ, & quas inferiùs adducemus, pertineant ad æqualitatem satisfactionis, & consequenter satisfactio condigna, & satisfactio de toto rigore iustitiæ, quod enim id, quod est æquivalens, sit aliàs pro alio debito debitum, non tollit quominùs pro hoc debito sit æquivalens, & æquale, vt in exemplo adducto, quod solutio vt quatuor sit pro duobus debitis, vt quatuor debita, non tollit quominùs sit æqualis pro vno vt quatuor: vnde merito antiqui Scholastici huius vocis non meminerunt.

4. Sed pro maiori declaratione satisfactionis secundo & tertio modo acceptæ à Recentioribus (de primo enim modo agemus in fine huius Quæstionis per duas integras partes, in quibus probabimus primam & secundam acceptionem esse eandem) Nota primò, quod æquivalentia rei, quæ redditur ad rem pro qua redditur est duplex ex Arist. 5. Ethic. alia quæ vna æquiualeat alteri secundum proportionem geometricam, quæ est proportio inter duas proportionēs, & hæc satisfactione satisfacit, qui diuidit præmia militibus, vel personis vnius reipublicæ, quia sicut se habet in præmiatione Petri respectu

Ioannis, ita à proportionem se habet in præmiatione Pauli respectu Francisci, nam sicut duplo maius præmium reddit Petro, quàm Ioanni, quia duplo maius meritum habebat, ita quadruplo maius reddit Paulo, quàm Francisco, quia respectu illius quadruplo maius meritum habebat. Alia verò est æquivalentia, quæ vna res æquiualeat alteri secundum proportionem arithmetica, quæ est proportio quantitativa, quæ, v. g. quatuor modij tritici æquivalent aliis quatuor, vel centum argentei æquivalent in valore ad 8. cados olei attentà illius æstimatione, per primam exerceatur iustitia distributiva, per hanc verò secundam iustitia commutativa, licet hæc etiam requiratur ad primam, quia per eam datur præmium iuxta quantitatem meriti, vt habet expressè Scotus in 4. d. 4. 6. q. 1. art. 1.

Sed pro intelligetia doctrinæ Scoti 5. Nota secundò, quod æquivalentia ista arithmetica potest oriri ex duplici capite, primò, ex natura rei, quæ ratione quatuor modij tritici æquivalent aliis quatuor æque perfectis in substantia & qualitate: secundò, ex acceptione, quæ se habet per modum legis & pacti, quæ ratione modò æquiualeat dimidia quantitas metalli Vellionis (propter nouam legem signatam per impressiorem noui sigilli) ad vnum panem, v. g. pro quo antea duplicata quantitas reddebatur, ita vt quod antea 8. nummi valebant, modò valent, ac si essent 16. vnde si talis acceptatio, & lex cadat super materiam nimis vilem, vt aliquando propter occurrentes necessitates solet contingere, ostenditur potentia absoluta principis; si tamen cadat super materiam magis perfectam, & aliquantulum dignam, vt argenteam, vel auream, ostenditur potentia ordinaria ipsius. Notanter dixi, quod æquivalentia ista secunda oriatur ex acceptione, quæ se habet per modum legis & pacti, quia si solum sit particularis voluntas, quæ priuata persona, vel etiam persona principis, vt particularis, vult aliquando acceptare aliquid pro integra solutione debiti, vltra id quod ex natura rei, vel ex lege, seu acceptione cõmuni habet valoris, vt, si creditor, cui debetur centum modij tritici, vel centum nummi, dimittat omne debitum pro solutione

50. numerorum, vel modiorum, potius est solutio creditoris gratuita, & misericordiosa debiti, quam æquivalens satisfactio debitoris. Vnde facilis & clara apparet distinctio inter satisfactionem perfectam, & de condigno; & imperfectam, & de congruo: Prima enim est, ubi intercedit æquivalencia arithmetica inter datum & acceptum, siue talis oriatur ex natura rei, siue ex acceptance antecedenti, & per modum legis. Secunda, ubi talis non intercedit; & si intercedat, non est ex lege, sed ex particulari voluntate, & remissione creditoris.

6. Neque obstat, si dicis, quod Princeps in tali lege non addit valorem inoperto, sed taxat id, quod valet iuxta valorem naturalem; nam contra est, primo, quia diuersi Principes pro eodem tempore, diuersum valorem præstant eisdem monetæ, vt numus argenteus, qui in Hispania valet vi 8. in aliis regnis valet vt 10. ergo, vel aliquod regnum ex illis tollitur in taxatione talis monetæ, vel possunt illi dare diuersum valorem monetæ, prout eis oportuerit, iuxta contractus & commercia regnorum. Contra secundò, quia valor moralis condignus, seu æqualis non attenditur solum iuxta entitatem physicam rei, sed etiam iuxta estimationem communem; sed hanc potest dare Princeps, vt caput communis, vt patet in taxationeatici, quæ diuersa solet esse pro diuersitate voluntatis illius; ergo. Et confirmatur, quia plus æstimatur officium æqualiter cum alio oherosum, quod magis habet beneficium, v.g. Archidiaconatus in Ecclesia maiori Tolitana, quam in Ecclesia Collegiata, vel Cathedrali minori; ergo valor moralis non solum crescit ex bonitate rei, sed etiam ex Principe communi lege acceptante, & similiter ex statuente officium cum maiori beneficio.

7. Hinc venit intelligendus Scotus in supra citatis locis, ubi ait, quod opera hominis iustitiam habentia ex obiecto, & circumstantiis, & elicita ex gratia sunt meritoria de condigno vitæ æternæ, ex acceptance, pacto, & promissione Dei; non enim vult Scotus, quod acceptatio præstet operi sic elicitò totum valorem, taliter quod etiam excludat valorem intrinsecum, vt im-

ponit illi Suarez 3. p. d. 39. sect. 1. & Vasquez disp. 4. cap. 4. & disp. 5. cap. 1. & parte 2. disp. 2. 14. cap. 5. & 6. sed solum vult, quod completiua ratio meriti sumatur ex acceptance Dei, ita expressè habet in 1. d. 17. q. 2. §. Sed tunc est ulterius, & alibi sepè vt inferius magis explicabitur; putat enim & bene Scotus, quod nulla creatura ex se sola potest Deum obligare, & adstringere, vt tentatur ad aliquod; & sic indigere eius voluntate, vt obligetur, quia sicut ex eo, quod est prima omnium causa, nullum est ens, nullum bonum à priori, nisi quia ipse vult; ita nullum est meritum à priori, nisi quia ipse vult, & acceptat aliud ad præmium, & sic à priori; ideo aliquod opus est meritorium respectu Dei, quia acceptatur ab illo, non econtra.

8. Quare obserua, quod ratio meriti se habet in opere, sicut forma absoluta in materia, & sicut relatio in fundamentato; acceptatio enim passiva, proueniens ab acceptance actiua Dei, est quædam relatio ad præmium, & ad præmiantem, quasi inherens in bonitate & rectitudine operis, & dans illi formaliter completiue esse meritorij; vnde sicut compositum absolutum & relatiuum non est completè tale, nisi à forma, hoc tamen non excludit materiam vel fundamentum; ita meritum completè habet esse ab acceptance passiva, non tamen excludit bonitatem operis meritorij, sed potius partialiter includit illam, nisi velis, quod prædicta acceptatio non comparatur tamquam forma respectu rectitudinis intrinsecæ habentis se vt materia; & fundamenti, sed quod comparatur tamquam forma partialis complens tamen & vltimatè perficiens priorem formam, sicut in corpore quanto se habet profunditas respectu superficiali, & superficialis respectu linear, & sicut in qualitate se habent gradus vt 8. ad gradus vt 4. vt sic enim tam valor intrinsecus quam acceptatio habebunt rationem formæ, & adæquatè constituent formam meriti, partialiter tamen habente se priori vt inchoatiua, & posteriori vt completiua, & vtraque vt forma respectu operis habentis se vt materia, sicut se habent supradictæ quantitates, vel qualitates cum substantia corporea.

9. Neque similiter vult Scotus, quodd acceptatio semper supponat totum valorem (vt ipsum interpretatur Lorca disp. 7. quem sequitur quidam Recentior in manuscriptis) taliter quodd acceptatio Dei solum præstet operi ex gratia factio ius, ratione cuius tenetur Deus ex iustitia reddere mercedem pro qualitate operis, supponat tamen in opere valorem condignum, & equalem præmio, quia licet hoc existimem ego esse verum, vbi id quod redditur non potest esse maius bonum, quàm id pro quo redditur, vt contingit in satisfactione Christi Domini (de qua tunc agebat Lorca) quia id quod in retributionem ipsius datur non potest excedere valorem meriti ipsius, nam licet non sit simpliciter infinitum, neque physicè, neque moraliter (vt cum Scotto in propria questione dicemus) est tamen infinitum secundum quid, & summam negatiuè, & retributio quæcumque excogitabilis sit, non potuit aliam habere infinitatem, neque excessum; sed si loquamur in casu quo retributio possit bonitatem operis meritorij excedere, vt de facto contingit in retributione, quâ Deus præmiat per visionem, & fruitionem beatam, opera nostra, supra quæ potest esse excessus in visione & fruitione, saltem in intentione, perpetuitate, & securitate; tunc dicendum assero quod in doctrina Scoti acceptatio non solum præstat ius iustitiæ, sed etiam aliquem valorem, quo æquale reddatur moraliter meritum cum præmio, imò ex eo quod præstat ius, præstat valorem, quia constituit meritum æquale cum præmio, semper enim præmium (vt inquit Scotus) est maius bonum bono meriti. Et ratio est, quia si præmiare esset reddere æquale pro æquali, præmiare potius esset commutare vnum bonum pro alio, quàm præmiare: quapropter communiter apud nos vocatur præmium in commutatione monete, aureæ, vel argenteæ, id quod ultra eius quantitatem datur in materia vellionis, vt si das centum, dantur tibi centum & triginta, quæ triginta vocantur propriè præmium propter excessum, quem habent in valore extrinseco, prouenientem ab acceptatione communi.

10. Hinc fit, quod vbi in Scriptura pro-

ponitur nobis beatitudo in præmium propriè loquendo, & non lato modo acceptum, proponitur vt superans in valore intrinseco labores nostros; ita 1. ad Corinth. 9. proponit gloriam ad similitudinem brauij eorum, qui simul currunt, vt præcurrenti conferatur, quod si in valore comparatur cum valore cursus etiam citissimi & acceleratissimi nimis excedit; nam labor efficiendi in plaza vniuius cursum etiam velocissimum, si secundum valorem intrinsecum perpendatur, non habebit valoris vnum regale, datur tamen in præmium pignus habens valoris plusquam centum regalium, in ordine ad quod acquiritur ius ex suppositione, quod sit in præmium propoluit, & ex suppositione cursus velocioris; ergo ex eo est, quod præmium sit propriè dictum, & communiter vocatum est maius bonum, quàm bonum meriti: vnde idem Paulus ibidem epist. 2. ait quodd nunquam auris audiuit, neque oculus vidit, neque in cor hominis ascendit, quæ preparauit Deus diligentibus se. Et ad Roman. 8. ait: Non sunt condigna passionibus huius temporis ad futuram gloriam, quæ reuelabitur in nobis; & nihilominus ex communi consensu Theologorum in materia de gratia, per merita facta in gratia, seu per passionibus huius temporis, vt oportet perferas, meremur illâ de condigno habentes ius ad ipsam. Et iterum: Modicum & momentaneum hoc æternum gloria pondus operatur. Perpende illud verbum pondus dictum de gloria, & quod sit æternum, & hoc per contrapositionem ad omne opus meritorium totius vitæ, quod appellatur modicum & momentaneum: quibus omnibus accedit commune proloquium Theologorum, Deus semper præmiat ultra condignum, & punit citra condignum; quod non asserunt ex eo, quod Deus semper ex mera liberalitate det aliquem gradum gloriæ ultra debitum ex iustitia; quia licet hoc aliquando efficiat Deus, sed non semper facit, sed ex eo quod, eo ipso quod Deus præmiat, id quod dat in præmium, habet maiorem valorem moralem, quàm meritum pro quo dat. Hanc autem distinctionem acceptationum, quarum altera solum præstet ius iustitiæ; altera verò non solum ius, sed etiam valorem aliquem colligo ex Scotto in 4. d. 15.

q. 1. §. quantum ad istum, ubi distinguit duplicem satisfactionem æquivalentem, aliam simpliciter æquivalentem, aliam verò æquivalentem ex diuina acceptatione, sed nulla est condigna, licet sit æquivalens secundum doctrinam Scoti (imò & plurimum aduersariorum) nisi per acceptationem diuinam, vt latè probabimus disp. sequenti, q. 1. ergo acceptatio in satisfactione condigna, & æquivalenti simpliciter, solum tribuit ius; & in satisfactione cõdigna, & æquivalenti ex acceptatione, non solum tribuit ius, sed etiam aliqualem valorem.

11. Quod autem acceptatio diuina non solum præstat ius nostræ satisfactioni, & nostris operibus meritoriis, sed etiam præstat valorem, imò ex eo quod præstat ius, præstat etiam valorem, relictis aliis locis Scoti, euidenter meo videri probo ex d. 17. in 1. q. 2. §. Sed tunc est vltimus infra, vers. In hoc est ratio meriti, ubi probat, quòd ante acceptationem diuinam opus nostrum meritorium non habet æqualem dignitatem cum præmio ex intrinseca bonitate, quam habet ex suis principiis, ex eo quod præmium semper est maius bonum merito, & iustitia stricta non reddit melius pro minus bono, sed æquale pro æquali; ex quo infert, quòd requiratur acceptatio ad constituendam talem iustitiam: vnde sic argumentor, Acceptatio ex Scoto constituit talem iustitiam, sed iustitia ex eodem Scoto non reddit melius bonum pro minori bono, sed æquale pro æquali; ergo cum acceptatio operis meritorij ad præmium non supponeret in bonitate operis, vt ait Scotus, æqualitatem etiam illo, sequitur, quòd acceptatio, quæ ex Scoto præstat iustitiam, similiter præstat æqualitatem in valore, & sic addat aliquem valorem, vt similiter cum præexistenti, meritum sit æquale in valore cum præmio.

12. Quod iterum confirmo ex eodem Scoto, quia paulò pòst ait, quòd aliquando Deus præmiat ex mera liberalitate vltra id, ad quod de communi lege esset actus acceptatus: vnde si communis lex, hoc est, acceptatio æterna, quæ Deus omnia merita nostra præmiat (vt habet Scotus paulò antè) acceptat meritum vt duo, ad præmium vt tria (semper enim præmium est ma-

ius bonum bono meriti, vt inquit Scotus) & acceptaret iterum Deus tale meritum iam exhibitum ad præmium vt quatuor, ille alius gradus esset ex liberalitate: ex quo sic infero; ergo ex Scoto duplex potest reperiri valor in opere meritorio, vtique procedens ab acceptatione Dei, alius præmiabilis ex liberalitate, vt pote quia adlitus fuit ex acceptatione speciali subsequenti more liberali; & alius præmiabilis ex iustitia, vt pote debitus ratione acceptationis antecedentis habentis se per modum legis communis & statuentis pro tanto merito tantum præmium, sed hic vltimus valor vt æqualis est cum præmio non supponitur ex parte operis, vt intendit illic probare Scotus, & tamquam cõclusionem infero communem doctrinam Theologorum, scilicet quòd semper Deus præmiat vltra cõdignum, hoc est vltra dignitatem actus habitam ex natura sua, & bonitate intrinseca ipsius, vt ipse explicat; ergo acceptatio habens se per modum legis, non solum præstat ius, sed etiam valorem.

Et si obijcias: Si opus meritorium vt duo ratione acceptationis redditur meritorium vt quatuor, sequitur quòd Deus præmiat non solum opus, sed etiam suam acceptationem. Respondeo, negando sequelam, quia acceptatio dat operi valorem in genere causæ formalis: vnde est ratio valendi, non tamen valet, sicut albedo est ratio formalis dealbandi, & tamen non est alba. Præterea, quia hoc argumentum, quod fit de valore prouenienti, extrinsecè ab acceptatione possit fieri similiter de valore intrinseco operis, ad quod eodem modo debet responderi, scilicet quòd non valeat, sed sit ratio valendi.

Vnde non debetis intelligere, quòd acceptatio antecedens præstat maiorem valorem operi meritorio, augendo intensionem, vel rectitudinem illius, quia hoc solum potest fieri à principiis intrinsecis operis, sed ex eo quod dat illi maiorem appretiationem, & estimationem, pro quanto maius præmium est illi statutum, quàm sua bonitas postularet, quia cum non sint condignæ passionis huius temporis ad futuram gloriam, quæ reuelabitur in nobis, & acceptatio Dei illas facit condignas, seu meritorias de condigno illius gloriæ,

talī acceptatio præstat illi maiorem acceptationem, quam ex se habent sine illa, & sic maiorem valorem, sicut superius diximus de officio æquali cum alio in labore, habente tamen maius beneficium; quod habet maiorem valorem, quia maiorem æstimationem.

15. Neque similiter debetis intelligere, quod acceptatio hæc sit consequens ad operam meritoriam, quā Deus in executione vult illam tantā, vel tantā gloriā præmiare, vt videtur imponi Scoto à Vasquez, vbi supra, quia hæc acceptatio consequens non complet (in sententia omnium) meritum in ratione meriti, cum sit actus, seu exercitium iustitiæ computatiuæ, quo in executione Deus præmiat iuxta æqualitatem meriti, imò & potest esse executio liberalitatis, quā Deus non attendens ad qualitatem operis vult præmiare; sed debet intelligi de alia acceptatione antecedenti æternā (vt habet Scotus 2. Sent. nuper citato) habenti se per modum legis statuentis quantitatem præmij pro quantitate meriti, quam distinctionem docet Rada super 3. Sent. contro. 13. art. 2. Byrig. d. 13. q. vnicā, art. 1. & d. 20. q. vnicā, art. 3. Faber disp. 48. cap. 3. & communiter omnes Scotistæ; sed præfata doctrina clarior apparebit ex his, quæ in sequentibus quæstionibus dicenda sunt, quod autem non detur tale pactum, seu acceptatio antecedens, habens se per modum legis (vt impugnatur Vasquez) refutabimus quæstione 2. sequenti, & ostendemus dari ex Scriptura.

PARS PRIMA

De duplici priori conditione ad rigorem iustitiæ.

16. E Gimus hucusque in communi de conditionibus requisitis ad satisfactionem congruam, & ad condignam, quæ vocatur ex iustitia, modò venit agendum de his, quæ pertinent ad satisfactionem de toto rigore iustitiæ, vt cum Recētoribus loquamur, ad quam vltra omnes illas condiciones positas in integra definitione, alij requirunt alias, & sic primò examinabimus duas in hac parte, vt in sequenti examine-

mus reliquas; prima ergo conditio est, quod satisfactio fiat ex bonis propriis satisfaciētis, hanc conditionem assignat D. Tho. in 4. d. 13. q. 1. art. 2. ad 2. & 3. vbi Cap. art. 3. ad 1. Aureoli contra primam cōclusionem, Durand. in 3. d. 20. q. 2. num. 6. ibi Richard. art. 1. q. 4. & 5. Antoninus 3. p. tit. 14. cap. 20. ante §. 1. Caiet. q. 1. art. 2. Scotus de Natura & gratia cap. 6. Medina cod. de Satisfactione, &c. 3. p. q. 1. Suarez 3. p. tom. 1. disp. 4. Sect. 6. §. secunda cōditio, Vasq. disp. 8. cap. 1. 4. & 5. Valen. disp. 1. q. 1. pun. 5. Albertin. to. 1. principio primo philosophico, q. 18. dubit. 3. Cabr. disp. 4. §. 4. n. 66. Vaga 7. in Trident. cap. 9. Lorca d. 8. num. 19.

Quod autem bona sint propria debet intelligi de proprietate acquisita, non solum ratione libertatis, quā actus liber à voluntate elicitur, sed etiam ratione iuris, & dominij moralis acquisiti aliqua lege; siue naturæ; siue diuinæ; siue humanæ. Insuper addunt aliqui, quod taliter debent esse propria, quod non sint etiam propria creditori, & sic vtrique communia. Aliqui verò id negant.

Sed hæc distinctione sic iudicandam rem censeo, quod si debitum contractum est per aliquod vtrique commune satisfiat de rigore iustitiæ, si fiat satis per aliquod vtrique commune, vt contingit inter homines habentes æquale & commune ius ad aliquam rem; v. g. habent duo homines duo mancipia ipsius communia occidit vnus vnum; ad æquatè satisfaciunt alteri pro eo, si donet absolutum & insolidum dominium alterius, & qualiter Religiosus, qui ab altero Religioso furatus fuit, v. g. librum, sufficienter satisfaciunt dando ei similem alium librum, qui eo ipso, quod ipsius esset, erat sub dominio vel communitatis, vel Pontificis, & consequenter communis vtrique; & reperitur in peccato & merito, quæ, quantum ad physicam entitatem iure naturæ sunt sub dominio hominis & Dei, cum iure naturæ taliter sint vtrique propria, vt ipsis imputentur, & possint esse conferuare, & per actum oppositum destruere, si velint, quibus signantur dominium morale. Et ratio est, quia si aliquid est ablatum in ratione dominij, &que restituitur eo modo, quo restitui debetur; tamen si debitum erat insolidum sub domi-

dominio creditoris, ut communiter contingit in contractibus humanis, & in furtis, satisfactio non potest esse æqualis, si fiat per aliquid utriusque commune, quia non restituitur ei dominium integrum, quod fuerat ablatum; & notanter dico: *Si aliquid est ablatum in ratione domini; quia reputo verum id quod ait Suarez disp. 4. sect. 6. scilicet quod in satisfactione iniuriæ non fit translatio domini, si fiat per obsequia opposita iniuriæ, tum quia hæc est impossibilis inter creaturas, nam mea actio non est tua, neque potest non esse mea, tum quia satisfactio ista non habetur ratione submissionis, & reuerentiæ, quam exhibet iniuriæ, ut satisfaciatur, non ratione translationis domini, hæc enim solum attenditur in satisfactione pecuniæ: unde conditio hæc potius spectat ad satisfactionem condignam, quæ reddit æquivalens, quam ad satisfactionem de toto rigore iustitiæ (si hæc est alia & distincta) idcirco Scotus illam non apposuit, quia implicite continebatur in illa particula definitionis, scilicet *æquivalentis*.*

19. Secunda conditio est, quod satisfactio fiat ex bonis alio titulo non debitis creditori. Hanc conditionem præter citatos pro prima assignant Anselm. lib. 2. *Cur Deus homo*, cap. 19. Ferrar. 4. contra Gent. cap. 54. Est tamen inter Auctores differentia in explicatione huius conditionis: Vasquez enim in præfati disp. 8. cap. 6. intelligit illam de indebitis quouis alio titulo, siue religionis, siue gratitudinis, &c. Suarez verò disp. 4. sect. 6. post tertiam conditionem intelligit de aliis indebitis ex obligatione iustitiæ.

20. Sed ut res explicetur, notat optimè Albertin. supra citatus conditione 3. quod aliquando nouus titulus importat nouum debitum, aliquando tamen solum addit nouam eiusdem debiti obligationem. Exemplum prioris fit, si Petrus debeat Ioanni centum ratione furti, & centum ratione mutui. Exemplum posterioris fit, si quis ex voto teneatur adire Romam, & rursus ad id accipiat suum stipendium ab alio; item si dies ieiunij sit dies Quadragesimæ, & vigiliæ, ubi non est diuersum debitum, sed noua eiusdem debiti obligatio: itaque quando nouus titulus cadit super

nouam materiam (cuius nouitas secundum prudenter rationem attentis omnibus, quæ occurrunt, debet indicari) siue contrahatur ex iustitiâ, ut si debeas ex furto decem, & ex mutuo decem, siue contrahatur ex iustitiâ, & ex voto; ut si debeas alicui decem, & sex ex furto, & alia 16. ex voto emissio dandi illi totidem elemosynæ, siue contrahatur ex aliis virtutibus, tunc semper debitum est nouum; quia sicut recta ratio iudicat debitum esse diuersam materiam, & non eandem, ita iudicat debitum esse nouum, tamen quando nouus titulus cadit super eandem materiam, ut si tenearis adire Romam ex iustitiâ, & rursus ex voto seu religione, & tenearis ieiunare in quodam determinato die ex duplici præcepto, tunc non est censendum nouum debitum, sed noua eiusdem debiti obligatio; quia tunc quasi fit vnum debitum, cum vna materia sit debita ab utroque. Ita Albertin. ubi supra, & insinuat Suarez sect. 6. & alij docti Recentiores.

Quibus præmissis respondeo, prædictam conditionem fore intelligendam de indebitis alio titulo, qui inducat nouum debitum, quia cum hoc cadat super diuersam materiam; non potest vnica & eadem materia esse utriusque æqualiter æquivalens, si tamen non inducat diuersum debitum; sed solum nouam obligationem eiusdem debiti, bene potest esse satisfactio de rigore iustitiæ: per aliquid etiam aliis debitum, quia tunc quasi identificantur debita in identitate materiæ, & per solutionem illius fit satis utrique, sed hæc etiam conditio pertinet ad æqualitatem satisfactionis, & implicita est in illa particula, quæ asserit quoddam sit *redditiu æquivalentis*, & explicita in illa, quoddam sit *aliis indebitis*.

PARS SECUNDA

De aliis conditionibus requisitis ad rigorosam iustitiam.

Tertia conditio est, quod satisfactio non supponat gratiam creditoris, si enim quis debet censum, & creditor contentus manet, si solum illi 50. soluantur, talis solutio non est de rigore

rigore iustitiæ, vel si eidem debitori creditor det gratis illa centum eâ intentione vt illi satisfaciatur: vnde non vult in illum transferre dominium, sed solam accommodare pecuniam, vt iterum ad se reuertatur, non intercedit rigor iustitiæ, vt omnes vnanimiter conueniunt.

23. Sed dissidium est inter Auctores, an si tali animo, & tali intentione, scilicet transferendi dominium, darentur debitori illa centum, scilicet gratis darentur, an posset ex illis soluere de rigore iustitiæ? Negat Vasquez disp. 8. cap. 1. quia illa gratuita donatio moraliter esset remissio debiti: alij verò ex eo quod talis solutio quomodocumque sit tandem innititur gratiæ in principio collatæ, quæ semper est contraria iustitiæ. Affirmant verò Suarez disp. 46. & Albertin. vbi suprâ, quia cum debitor verè constituatur dominus illius pecuniæ, transferendo statim pecuniam, & dominium illius in creditorem, restituitur in integrum id quod fuerat debitum.

24. Hæc vltima sententia mihi semper visa est verior propter rationem allatam, quia in rei veritate, si attendatur natura solutionis, & satisfactionis omnimodè æqualis, circa quam est nostra disputatio nihil aliud requiritur, quia duo dedit creditor debitori, scilicet pecuniam & dominium insolidum illius, quando mutuum accepit, & eadem duo præstat modò debitor creditori, & sic redintegrat in totum illud, quod accepit. Quare si creditor det debitori talem quantitatem, etiam si illam det cum desiderio & intentione, vt sibi soluatur debitum, dum modò det cum absoluta translatione dominij, adæquata & rigorosa erit postea satisfactio.

25. Vnde non obstat, quod obiicit Vasquez, quia licet gratuita donatio pecuniæ moraliter censeatur remissio debiti, quando accommodatur debitori pecunia, ex qua soluit sine translatione dominij, non tamen celsetur talis, quando simul cum pecunia etiam transfert dominium, quia moralitas non est contra rei veritatem, sed iuxta eam, est autem rei veritas, quod debitor iam constitutus verus dominus pecuniæ per illius redditionem redintegrat in to-

tum illud, quod debuerat, quandoquidem poterat referuare sibi pecuniam, vt verus dominus illius, & nõ soluere.

Neque similiter obstat, quod tandem 26. seu in radice innititur gratiæ prædicta solutio, quia cum sint diuersæ actiones, gratuita donatio pecuniæ facta à creditore, & redditio talis pecuniæ facta à debitore, licet in prima esset, & exigeretur omnimoda gratia; in secunda potuit interuenire, & interuenit omnimoda iustitia. Quod quidem confirmo duobus exemplis, quibus non possunt accommodari euasiones, quas aliis exemplis præstant aduersarij: Primum sit: Gratuitò quis conuenit cum alio circa emptionem & venditionem alicuius rei, sine qua conuentione neque esset, neque posset esse contractus (siue habeat se conuentio, vt conditio essentialis, siue vt ratio formalis completiua illius) esset autem talis conuentio gratuita, quia nullus contrahentium teneretur ad eam habendam, & nihilominus post talem conuentionem satisfactio contractus est ex rigorosa iustitia, alias non interueniret rigor iustitiæ in emptione & venditione, quæ sunt in plateis, & in mercantium tabernis, quod nullus admittit; ergo nil obstat illi, quod tandem innititur gratiæ. Secupdum sit: Pater emancipauit filium, & non solum dedit ei in re, & irrevocabili donatione suam partem legitimam rei familiaris, sed etiam ex 3. & 5. dedit illi alias partes, in qua donatione mera gratia interuenit, quia iuxta leges posset saltem huic numero filio non dare, postea mutuo accepit à patre aliquid, vel aliquid illi furatus fuit, nullus est qui possit negare, quòd illud potest ex rigore iustitiæ satisfacere ex partibus tertij & quinti gratuitò acceptis à patre, cum reddat integram rem debitam, & integrum dominium rei, & ridiculum esset dicere, quòd si accedens filius ad aream, vt solueret patri furtum, fortè acciperet pecuniam à bursa, in qua habebat partem ex 3. & 5. gratuitò acceptis, & fortè non acciperet pecuniam ab alia, in qua habebat non gratuitò accepta, talis solutio non esset de rigore iustitiæ, qualis esset, si accepisset, & soluisset ab alia; ergo nil obstat ad satisfactionem de rigore iustitiæ, quod tandem seu

seu in suo principio reducatur ad gratiam. hæc etiam conditio significata est in definitione, cum pertineat ad æquivalentiam.

27. Quarta conditio est, quod persona offensa acceptare teneatur talem satisfactionem, de qua conditione agit Suarez disp. 4. sect. 5. 1. 2. *explicare oportet*, ubi plurima congerit, & magis fusè & confusè Ragusa disp. 22. ubi duplicem distinguunt acceptationem, aliam negatiuam, hoc est, non respuere datam satisfactionem, aliam positiuam, quæ actu positiuo admittit illam, & dicunt sufficere primam, neque esse necessariam secundam, quia satis est ad rigorem iustitiæ, quod creditor non possit respuere satisfactionem, quia cognoscit illam esse condignam & æqualem debito, licet de facto non admittat, solum quia non vult admittere.

28. Sed his etiam à nobis est addendum, quod licet non requiratur acceptatio positiuæ subsequens, requiritur tamen acceptatio antecedens in satisfactione prouenienti ex contractu, quia talis acceptatio, ut suprà diximus, & inferius dicemus, est quæ saltem præstat ius iustitiæ, & sic potiori ratione requiretur ad rigorosam iustitiam. Et notanter dixi, in satisfactione prouenienti ex contractu, quia quando satisfactio fit absque illo, ut cum quis furatur, & restituit, cum non antecesserit aliqua acceptatio, vel pactum inter ipsos, de rigore iustitiæ debitor satisfacit, dummodo integrè restituat ablatum, etiam si postea positiuè non acceptetur. Præterea addimus, hanc conditionem requiri ad naturam satisfactionis in actu primo; non tamen in actu secundo, quia hæc prout in actu secundo dependet à positiuæ acceptatione subsequenti, licet in conscientia securus existat, qui sic in actu primo satisfecit. hæc conditio etiam continetur in præfata particula definitionis.

29. Quinta conditio est, quod satisfactio fiat ad alterum. Ita prædicti Auctores cum Arist. 5. Ethic. cap. 1. quia iustitia est ad alterum, & sicut nullus potest sibi esse debitor, aut iniurius, ita neque satisfactor. Solum est difficultas pro dicendis circa Christi Domini

satisfactionem, an hæc alteritas sit intelligenda absolute, de distinctione personarum ad æquata, aut saltem inadæquata? unde aliqui apud Albert. suprà citatum dixerunt sufficere quod distinguantur tamquam includens & inclusum. Pro hac conditione tenent aliqui requiri realem distinctionem naturarum, licet non personarum.

Sed clarius nobis dicendum est, quod sufficiat moralis distinctio, & alteritas fundata in diuersis dominiis & iuribus, etiam si sit omnimoda identitas personarum, imò & naturæ. Et ratio à priori est, quia iustitiæ ratio formaliter solum exigit adæquationem iuris læsi super aliquam rem, vel actionem: unde quia iam tutore possunt esse duo iura, nam forte pupillus debet illi, & sic habes ius creditoris contra pupillum, & similiter ratione administrationis, & quasi dominij est debitor, quia est tutor pupilli, etiam si sit una persona potest sibi ex iustitia rigorosa satisfacere; similiter Petrus est pars in duplici contractu ex his, qui dicuntur contractus societatis, & una pars debet alteri, potest sibi ipsi soluere, quia debitor est ex una parte, & creditor ex alia ratione diuersorum iurium. Vnde Scot. in 4. d. 14. q. 2. §. in ista q. litt. D. vers. *nec obstat*, agnoscit in vno homine poenitentem rationem ministri Dei legislatoris ad puniendum se, & similiter agnoscit, quod sit reus, seu rationem rei, qui debet puniri, quæ est diuersitas moralis personarum pro cura diuersa. Hæc autem conditio continetur in definitione in illa particula, *est redditio*, quia ibi insinuat esse ad alterum moraliter, ut diximus, distinctum.

Sexta & vltima conditio est, quod in satisfactione iniuriæ eadem debeat esse persona satisfaciens, quæ fuit iniuriæ. hanc conditionem aliqui requirunt, quia in vindictiuæ iustitiæ poena statuta reo iniurianti non potest solui ab alia persona, ut tradunt Couarr. & alij apud Suarez disp. 4. sect. 6. sed non debet intelligi, quod vindictiuæ ex natura sua aliter facere non posset, sed quod cõmuniter id debeat sic fieri, quia communiter non est alia persona, quæ velit pro reo satisfacere, etiam si possit ad æqualitatem, ut potest facere Rex, vel

E

aliquis

aliquis nobilis pro aliquo homine plebeio.

32. Vnde cum communi sententia dicendum est non esse requisitam talem identitatem, & unitatem personæ, dummodo possit iniuria reduci ad æqualitatem, quia commutativa iustitia, ex qua satisfactio rigorosa procedit, solum æqualitatem respicit, licet enim inter Scholasticos sit disputatio, an persona minus nobilis possit ipsa de condigno, & ad æqualitatem satisfacere pro iniuria commissa contra personam nobiliorem, de qua infra agemus; tamen apud omnes est cōuenientia, quod si persona satisfaciens est nobilior, vel saltem æquē nobilis cum persona offensa, quod pro se, vel pro alia possit ad æqualitatem satisfacere. Quare non fuit necessarium in definitione hanc apponere conditionem.

33. Omnes prædictæ conditiones tam satisfactionis condignæ, quàm de rigore iustitiæ (quæ una & eadem) supponunt aliam conditionem implicite ab omnibus admissam, scilicet quod inter personam debitricem, seu satisfaciensem, & personam creditoris, seu cui fit satis possit reperiri vera & propria iustitia, quam Arist. 5. Ethic. cap. 2. & 6. non admittit in filio respectu patris (intellige non emancipato) & è contrà, quia filius est pars patris, & in mancipio respectu domini; & è contrà, quia omnia quæ habet mancipium sunt domini, & in vxore respectu viri, quia vir est caput mulieris, quare solum in illis admittit iustitiam, & iniustitiam per similitudinem ad eam, quæ vera est, & reperitur inter liberos & æquales, quorum vnus non est subditus alteri, vt inter duos ciues eiusdem ciuitatis, id est iustum ciuile ab Aristotele vocatur, & hæc iustitia per similitudinem vocatur à Scholasticis iustitia potestatiua, id est inter eos, quorum vnus habet potestatem in alterum.

34. Hanc iustitiam potestatiuam solum, & non iustum ciuile admittunt in Deo respectu nostri, Vasquez 1. p. disp. 85. & 1. 2. disp. 225. & 3. p. disp. 7. Lorca disp. 8. de Incarn. Faber in 3. disp. 48. cap. 3. & in Opusculis lib. 4. disp. 43 c. 2. de iustitia fol. 8. Soto lib. 3. de iustitia & iure q. 5. art. 4. ad 1. Azor. 3. p. lib. 1. cap. 10. & Smilinch tit. 3. disp. 4. q. 4.

& 5. num. 55. quorum fundamentum est, quia nihil habemus proprium, cuius dominium non sit etiam commune cum ipso Deo. Insuper omnis nostra satisfactio nititur in gratia actuali, habituali, & acceptione ipsius. Addego: Neque potest etiam de sua potentia absoluta omnimodò transferre tale dominium in nos, quia sicut non potest non esse Deus, ita nequit non esse Dominus omnium; & addit Suarez tom. 1. de Gratia lib. 7. c. 14. à num. 54. tale dominium Dei erga nos habere se, sicut dominium veri Domini erga mancipia.

Quare dicendum nobis est, quod sicut iustitia, quæ reperitur inter patrem & filium, & inter dominum & seruum, est solum potestatiua & similitudinaria ex Aristotele, si inter se vt tales comparentur; tamen si comparentur vt æquales, siue hoc habeant ex gratia, vt contingit in emancipatione respectu filij, & in donatione absoluta alicuius rei respectu mancipij; siue non habeant ex gratia, vt contingit in dominio, quod habet filius circa bona castrensia, vel quasi castrensia; & in operibus supererogationis, quæ potest habere mancipium, tunc inter eos reperitur vera & propria iustitia, cum habeant verum & proprium dominium; ita similiter inter homines & Deum solum reperitur iustitia potestatiua, si vt domini & serui, si vt patres & filij comparentur; tamen si comparentur vt æquales, quod quidem habent homines ratione gratiæ habitualis, quæ sicut ipsos constituit amicos, ita suo modo constituit æquales, & ratione liberi arbitrij, ratione cuius habent dominium & ius morale (licet non exclusiua dependentia ab ipso Deo) in suas actiones, & ratione acceptionis aternæ habentis se per modum legis, & pacti dominantis in iustitiæ, licet totum hoc habuerint gratiosè, & ex mera liberalitate Dei, nihilominus vera & propria inter eos intercedit iustitia ad similitudinem illius, quæ reperitur inter ciues, quorum vnus nihil ab alio gratiosè recepit.

Et licet Aristoteles non ita clarè loquatur de iustitia inter hoc modo inæquales, non est mirum, quia tunc suo tempore non erat iure Athenienfium

35.

36.

rece-

receptum, quod postea iure Cæsareo fuit introductum, scilicet filius non emancipatus posset aliquid habere dominium, imò locutus fuit de filio paruo, & non separato à patre, verba sunt expressa ipsius, quæ adducit Vasquez 1. p. tom. 1. disp. 85. cap. 5. Sanchez to. 2. de Matrimonio lib. 7. disp. 24. à num. 22. Molina de Iustitia & iure tom. 1. tit. 2. disp. 38. quodd autem inter Deum & homines reperitur vera & propria iustitia, supponit Scotus in 1. d. 17. q. 2. §. hic potest dici, & in 4. d. 14. q. 2. §. in ista, quæst. paulò ante litt. G. tenet expressè Suarez disp. 4. sect. 7. ad obiectionem ultimam, & to. 4. disp. 2. sect. 3. num. 6. & de Religione tom. 1. lib. 3. cap. 7. num. 11. & in Opusculis de Iustitia Dei sect. 2. num. 9. & à fortiori debent tenere omnes, quotquot asserunt Christum satisfecisse ex iustitia speciali, & iusti in gratia decedentibus deberi gloriam, non solum ex fidelitate, sed etiam ex iustitia.

37. Ex quibus debetis deducere quod iustitia de toto rigore, seu rigor iustitiæ dupliciter potest accipi in satisfactione pecuniæ, siue iniuriæ (de vtraque enim eodem modo loquitur Scotus, & vtrique eandem attribuit definitionem, ut vidimus in principio Quæstionis) Primum, prout rigor iustitiæ excludit omnem gratiam, etiam antecedentem; & ut sic non reperitur inter homines & Deum, cum omnia sua gratiosè habeant ab illo, quare diximus solum reperiri iustitiam potestatiuam. Secundò, prout rigor iustitiæ excludit gratiam in ipsa actuali satisfactione interuenientem, quæ gratia non excluditur, quando debitor actualiter in satisfactione vel remittit partem debiti, vel adiuvat aliqua pecunia non transferens dominium illius, ut sibi adæquatè soluat debitum; bene tamen excluditur gratia actualis, quando filius satisfacit pro debito vel furto ex aliis gratiosè acceptis à patre, & seruus ex aliis gratiosè acceptis à domino, quia illa gratia solum fuit in radice; & ut sic rigor iustitiæ propriè dicitur, quia adæquatam & admissam æquivalentem satisfactionem exposcit.

38. Quare in hoc sensu, qui verus & proprius est, coincidat satisfactio de toto rigore iustitiæ cum satisfactione con-

digna siue perfecta: vnde hæc eandem poposcit conditiones, ac illa, ut vidimus in tota hac quæst. & partibus eius; quia omnes conditiones eò tendunt, ut constituent æqualitatem rei ad rem, & sic meritò in principio quæstionis non admisimus triplicem satisfactionem; sed duplicem, scilicet condignam & congruam, ut sic autem inter homines & Deum potest reperiri talis condigna seu rigotosa iustitia, cum in actuali satisfactione, ut actuali possit nulla reperiri gratia; & notanter dixi ut actuali, propter auxilium concomitans; quod solum se habet materialiter, & per accidens in ratione gratiæ (dato, quodd sit gratia indebita, quia puto quodd sit debitum voluntati iam excitatæ, vocatæ, & per auxilium existens in intellectu præuentæ) quia solum dat valorem actui, ex eo quod supernaturalis est, non ex eo quod gratia est. Legatur Albertin. tom. 1. princ. 1. philosophico, q. 18. theologica, dubit. 3. difficult. 2. Faber à disp. 43. & deinceps, & hoc sibi vult Vasquez supra citatus, & infra in quæst. sequenti citandus.

QUESTIO II.

Verum purus homo condignè possit Deo satisfacere pro proprio, & à se commissso peccato mortali?

PER purum hominem non intelligimus hominem destitutum gratiæ, & aliis donis supernaturalibus, ut malè intellexit Caietanius; sed cum communis sententia intelligimus hominem destitutum naturæ diuinæ, seu non habentem vnionem hypostaticam cum illa, sicut Christus; quare hominem sic acceptum hominem nudum appellauit Basil: & aliquando Cyril. purum & communem hominem. Notanter autem in titulo Quæstionis loquimur de condigna satisfactione ad distinctionem rigorosè excludentis omnem gratiam antecedentem, in quo sensu iustitia rigorosa communiter accipitur à Recentioribus; non ad distinctionem iustitiæ rigorosæ, quæ solum excludit gratiam creditoris actualem in ipsa satisfactione, quia, ut modò diximus, hæc eadem est cum condigna satisfactione.

2. Deinde non loquimur de quocumque actu, sed de actu satisfactorio elicitio propter motuum supernaturalium, cumque auxilio gratiæ, non de actu ex viribus naturæ, & cum auxilio ordinis naturæ, circa motuum honestum naturale. Neque enim Scotus ex eo quod sæpe dicat hominem ex viribus naturæ cum concursu generali posse se disponere ad iustificationem, debet à Suarez in præsentis disp. 4. sect. 11. & Vasquez 1. p. disp. 91. cap. 10. inuolui cum errore Pelagij, non enim ad talem dispositionem negat Scotus auxilium Dei speciale, ut Pelagius, licet illud appellet concursum generalem, id enim necessarium est de fide ex Patribus & Conciliis Milleuitano can. 5. Arausicano can. 14. Trident. sess. 6. de iustificatione cap. 5. can. 3.

3. Hoc autem auxilium speciale appellauit Scotus concursum generalem: Primò, quia communiter & omnibus hominibus datur, ut patet ex ipso in 1. d. 46. ad 1. principale, ubi explicans illam propositionem, *Deus vult omnes homines saluos fieri*, inquit, eam esse veram de voluntate antecedenti, quia Deus vult vnique homini, quantum est ex se, *illa communia adiutoria antecedentia ad salutem omnium, quibus quilibet potest sufficienter bene viuere, & saluari*. vnde patet appellasse illud communia adiutoria. Secundò, quia concursus Dei ad actum voluntatis, quo homo se disponit ad iustificationem, verè potest dici concursus generalis causæ primæ, quia licet sit gratia in radice, & indebitus naturæ, ut sic consideratæ, sicut sancta cogitatio antecedens fuit gratia, & indebita, tamen illa sancta cogitatione semel habita, debitus est voluntati talis concursus, ut se determinet, sicut debitus est illi concursus generalis ad quemlibet alium actum naturale circa obiectum ab intellectu propositum, siquæ appellandum fore, docet Faber in Opusc. lib. 4. disp. 14. q. 2. cap. 2. & 3.

4. Quod autem Scotus non neget auxilium Dei speciale, latè traditur à Scotistis in materia de gratia, pro nunc autem videatur quæst. 21. quodlibetica, ubi ponit prouidentiam Dei specialem ad merita præsentia & futura; & in 1. d. 44. q. vnicà parum post litt. E, vers. *Aduertendum tamen est*, ubi ponit gra-

tiam præuientem, ut homo non peccet, licet Rex potest aliquem præuenire, ne faciat homicidium; & in 2. d. 37. quæst. vnicà, *¶ Sed iste modus*, ubi docet, Deum nullum peccatorem, quantumcumque peccatis oppressum, suo auxilio destituere; & in 3. d. 19. q. vnicà, ait Christum meruisse omnibus, qui primam gratiam recipiunt, collationem illius, Pelagiani autem, & Semipelagiani hanc doceant conferri nobis ex meritis nostris, ex viribus naturæ elicitis, cum ergo collatio primæ gratiæ ex Scoto habeatur multis in locis per dispositiones nostras elicitas cum auxiliis specialibus, ut Patres docent; & secundum Scotum in 4. d. 2. q. 1. *¶ ex his duobus*, & *¶ id sequitur*, Christus nobis meruerit eorum collationem, falsò imputatur Scoto negasse specialia Dei auxilia ad tales dispositiones, ut conferatur nobis prima gratia.

Neque loquimur de potentia Dei absoluta, quia ut sic certissimum est apud Scotum in 1. d. 17. q. 2. *¶ de 2. art. 8.* quod potuisset Deus actum ex motu honesto merè ex puris naturalibus elicatum, tamquam meritorium de condigno vitæ æternæ, & tamquam de condigno satisfactorium pro peccato mortali acceptare (quidquid velint in contrarium aliqui Scotistæ) quia per acceptationem Dei dantis ius iustitiæ potest compleri in esse talis: ad hoc autem, ut talis actus non se habeat, ut merum signum, satis est, quod ex parte sua habeat aliquam bonitatem & dignitatem, quod enim hæc de facto debeat esse supernaturalis, solum exigitur ex ordinaria potentia Dei ordinante dispositiones eiusdem naturæ cum formis ad quas disponunt, ni aliud sit verum, scilicet sufficere, quod procedant à gratia, hoc est, à dono in debito naturæ.

Quare nil obstat, quod obiciunt, scilicet talem actum habere se, ut signum, quo posito Deus ex fidelitate orta ex sua acceptatione teneatur reddere premium, vel remittere culpam, non tamen ex iustitia, quia contrà est primò, quod merum signum non potest appellari meritum, cum possit reperiri in actione non libera; inquit autem Scotus in prædicto loco, quod potuisset Deus talem actum acceptare, ut meritorium;

torium; ergo. Confirmatur, quia ibidem asserit talem actum non acceptari à Deo (intellige de facto) quia actum ex puris naturalibus esse meritorium appropinquat errori Pelagij, & insuper requirit habitum gratiæ supernaturalem, ut acceptetur propter testimonia SS^z & Patrum; sed sic est, quod Pelagius non dicebat, actus bonos merè naturales futuros esse signa, sed vera merita de condigno, & SS^z & Patres requirunt habitum gratiæ supernaturalem; ut de facto sint talia; ergo Scotus non loquitur de tali actu, ad quem tamquam ad signum Deus teneatur ex fidelitate reddere præmium, vel remittere culpam, sed de actu ut meritorio de condigno ratione acceptationis, ad quem Deus teneatur ex iustitia.

7. ⁶ Contrà secundò, quia si actus bonus ex motiuo honesto merè naturali elicitus, v. g. dandi elemosynam propter subleuandam miseriā pauperis, fieret ab homine iusto virtualiter, vel actualiter ordinantē talem actum ad finem supernaturalem ex imperio charitatis (quæ est conditio ad meritum de condigno requisita) talis actus non solum esset meritorius de cōdigno vitæ æternæ, ratione virtualis, vel actualis ordinationis charitatis, & ratione habitualis gratiæ existentis in homine, sed etiam esset partialiter meritorius talis præmij ratione propriæ, & intrinsecæ bonitatis naturalis, quam actus haberet ex motiuo honesto naturali, ut ferè omnes in materia de gratia fatentur; ergo si de potentia absoluta Deus suppleret in actu per suam acceptationem antecedentem, & habentem se per modum legis æternæ, & pacti dantis ius iustitiæ, ut inhumanis contractibus dat pactum iuxta dicta à nobis quæst. 1. ordinationem charitatis, & respectum ad habitum gratiæ, eodem modo ac tunc, esset de condigno meritorius talis præmij; ergo nō repugnat actui ex motiuo honesto naturali elicito, quod de potentia absoluta fit ratione acceptationis de condigno satisfactorius, & meritorius.

8. Neque video, quòd contra hoc possint Thomistæ obicere, nisi quod passim Vasquez, & alij conclamant, scilicet acceptationem Dei non se habere per modum pacti, quia nullibi apud SS^z

pactum hoc reperitur, neque obligat, nisi ab vtraque parte contractus acceptetur, quæ acceptatio etiam non inuenitur in SS^z. Respondeo primò, sufficere, quòd habeat se per modum legis, ut det ius iustitiæ; neque requiritur acceptatio expressa vtriusque partis, cum imponatur à Principe, in quo omnis communis conspirat. Secundò, etiam habere se talē acceptationem per modum pacti, quod ut obliget sufficit, quòd implicite admittatur, si enim Dominus vineæ publicaret, quòd laboranti per diem integrū in vinea se tantam pecuniam daturum ad hoc vt ad id teneretur ex iustitia sufficeret, quòd aliquis ab hac alia expressa pactione pergeret ad vineam, & per diem integrum laboraret. Ita Faber in 3. disp. 48. cap. 3. hoc autem pactum passim est expressum in SS^z: vnde Exodus 14. vbi Deus dedit decem præcepta Decalogi, dixit Deus ad Moysen: *Scribe tibi verba hæc, quibus & tecum, & cum Israël pepigi fœdus, quod non potest esse, nisi de præmio reddendo pro illorum obseruatione*; & quòd ipsi populus eius essent, & ipse esset eorum Deus benefaciens, & præmia largiturus. Et Lucæ 10. *Magister quid faciendo, vitam æternam possidebo? Diliges Dominum Deum tuum, &c.* Et alibi: *Si via ad vitam ingredi, serua mandata.* Et de satisfactione habetur Bezechielis 18. *Quoties ingemueris peccator peccatū suum, non recordabor amplius.* Vnde August. serm. 18. de Verbis Apostoli dicit: *Debitior factus est nobis Deus, non aliquod accipiendo, sed quia ei placuit promittendo; illo ergo modo possumus exigere Dominum nostrum: Redde quod promissisti, quia fecimus quod iussisti.* quid clarius?

His suppositis est nobis loquendum cum omnibus Auctoribus de potentia ordinaria, secundum quam inquirimus an purus homo per actum bonum supernaturalem & elicito cum auxilio ordinis supernaturalis possit de condigno satisfacere pro suo peccato mortali? & non loquimur de omnibus actibus fidel. spei, timoris, & aliis sic elicitis, sed solum de contritione & dilectione charitatis, quia extra Sacramentum solum isti causant gratiam iustificantem, & debitum peccatorum remittentem.

Prima sententia asserit posse purum

hominem perfectè, & adæquatè, & de condigno satisfacere per talem actum pro proprio peccato mortali. hæc tribui solet Alexandro 3. p. q. 1. memb. 5. art. 1. Richardo in 4. d. 19. art. 1. q. 4. Caietano 3. p. q. 1. art. 2. dub. 1. Palud. in 3. d. 20. q. 1. art. 2. Becano Louaniensi art. 6. contra Lutherum, Scoto nostro in 4. d. 15. q. 1. art. 2. quos omnes excusat, & ab hac sententia distare asserit Lorca disp. 4. Cuiuscumque autem sit fundamentum esse potest, quia tantum bonitatis & conuersionis ad Deum reperitur in contritione & in actu charitatis, quantum malitiæ & auersionis à Deo potuit esse in actu peccati, sed hoc sufficit ad æquivalentiam satisfactionis, ex dictis quæst. 1. ergo purus homo posset de condigno pro suo peccato mortali satisfacere.

11. Secunda & communis Theologorum, & vera sententia negat posse purum hominem per tales actus adæquatè, & perfectè, seu de condigno satisfacere pro proprio peccato mortali. ita D. Thom. in præfenti q. 1. art. 2. ad 2. & q. 85. art. 3. ad 2. Suarez disp. 4. sect. 9. Valencia disp. 1. q. 1. punct. 5. §. 3. Valquez disp. 2. cap. 2. Cabrera cap. 11. 12. & 13. Pelsantius q. 1. art. 2. disp. 4. Lorca ubi suprà, & apud ipsos D. Bonauentura in 3. d. 20. art. 1. q. 3. & 4. Durand. ibid. q. 2. Capr. in 4. d. 5. q. 1. art. 1. & 3. Gabr. d. 16. q. 1. art. 1. notabili 3. Almain. d. 5. q. 1. art. 2. Ferr. 4. contra Gentiles cap. 54. Sotus 3. de Natura & gratia cap. 6. Bega. lib. 15. in Trid. cap. 4. Ioan. de Medina cod. de Pœnitentiâ tit. 3. q. 1.

12. Neque contradicit Scotus loco suprà citato, sed potius pro hac debet referri sententia, quia ibi in fine illius §. expressè decernit, quod absque gratia iustificante non potest in homine reperiri pro proprio peccato, vel alieno, satisfactio, quæ sit æquivalens, nec simpliciter, nec in diuina acceptatione; loquens enim de necessitate passionis Christi, quæ de facto est ad habendam gratiam habitualement, subdit hæc verba: *Sine qua gratia (scilicet habituali) nulla potest esse satisfactio omnino, quia neque æquivalens aliquo modo, nec simpliciter, nec in diuina acceptatione.* Ex quibus verbis sic argumentor: Cum gratia iustificante de facto iam homo non est peccator, sed iustus, sed ad hoc ut satisfactio sit

æquivalens, & condigna, requirit gratiam iustificantem; ergo homo non habens illam, qualis est peccator non poterit ex sententia Scoti pro suo peccato condignè satisfacere, sed de homine sic existentis in peccato procedit Quæstio præfens; ergo Scotus expressè conuenit cum sententia in communi.

Quod ergo ibi in illo §. intèdit Scotus, ut bene notat Hugo Cauellus, est quod de potentia Dei absoluta posset homo cōdignè satisfacere pro suo peccato mortali per gratiam iustificantem non habitam ex meritis Christi, sed solum ex mera voluntate Dei, quæ profunderetur propter actum attritionis, tamquam propter meritum de cōgruo, causaretque statim contritionis actum, essetq; talis actus condigna satisfactio (intellige in actu primo) pro peccato illi opposito, quia quantum est ex se redderet satis, quod enim ratione gratiæ inueniret culpam iam remissam est illi per accidens, sicut est per accidens quod non acceptetur positiuè satisfactio à creditore, dummodo à debitore reddat satis, ut cum Recentioribus diximus suprà parte 2. conditione 4.

Licet omnes supracitati Auctores conueniant in hac sententia, differunt tamen in assignanda ratione illius. Caiet. Soto & Ferr. ex eo probant illam, quia contritio procedit à gratia, & sic habet valorem ex gratia creditoris; satisfactio autem quæ innititur gratiæ creditoris, non est cōdigna. Sed contrā, quia si aliquid ante solutionem debiti datur gratis, si eius dominium etiam transfertur in eum, cui datur, postea fortiter rationem proprii, sicut quælibet alia propria res familiaris in eo, qui accipit, sed post collationem gratiæ, iam gratia habitualis translata est in dominium habentis illam, vnde illi, & non alteri imputatur, quod ipsam amittat, & ei computatur tamquam propria, vnde ille potest illā, sicut re familiari uti, in vsus gratiæ accommodatos, imperans, scilicet & eliciens cum illa potentiarum actus per formalitatem charitatis, & per reliqua dona illi connexa, & insuper satisfactio per contritionem est actio distincta æquivalens in reliquo valore, debito contracto per peccatum, nil autem ampliùs requiritur ad condignam satisfactionem, ut diximus

mus parte 2. condit. 3. ergo quod procedat ex gratia non tollit condignitatem.

15. Capreolus probat ex eo quod satisfactio debet fieri ex aliis indebitis, opera autem omnia nostra sunt Deo aliis debita titulo creationis, & pluribus aliis titulis. Sed contra primò, quia talis actus contritionis potest esse opus supererogationis, ad quod non tenemur, vt bene obseruauit Scotus in 4. suprà citato. Secundò, quia dato quòd teneremur, prædicta diuersitas titularum non afferret secum nouum debitum, sed nouam obligationem eiusdem debiti, quæ vt diximus parte 1. condit. 2. non tollit condignam & rigorosam satisfactionem. Tertiò, quia in tantum nouus titulus tollit condignam satisfactionem, in quantum tollit æqualitatem rei per quam fit satis ad rem pro qua fit, sed quòd contritio omnino bene circumstantiata sit aliis debita non tollit ab illa, quòd eius bonitas æqualeat malo offensæ; ergo ratione diuersi tituli nulla est repugnantia, vt sit condigna satisfactio.

16. Durandus & Almainus probant ex eo, quia sicut homo non potest condignè Deo gratias agere pro beneficiis acceptis; ex Aristotele enim 8. Ethic. cap. vlt. *Dius, parentibus atque magistris æqualem gratiam referre non possumus.* ita similiter Deo non poterit homo condignè & ad æqualitatem satisfacere.

17. Sed contra primò, quia hæc non est probatio à priori, vel à posteriori, sed ab exemplo, & tali, quod potius difficultatem auget, quàm comprobet veritatem. Secundò, quia maxima intercedit disparitas; si enim non potest quis condignè Deo gratias agere, idè est, quia in ipsamet gratiarum actione nouum à Deo recipit beneficium, pro quo tunc gratias non agit, sed constituitur de nouo debitor gratias agendi pro illo; tamen in satisfactione non contrahit nouum debitum, pro quo debeat de nouo satisfacere, quia in tali satisfactione non peccat, sed potius meretur.

18. Idè aliam constituit Durandus rationem, quæ talis est: Homo non potest Regi aut republicæ satisfacere condignè pro debito, quo merebatur corporalem mortem, quia in bonis il-

lius præstantissimum bonum est vita; ergo neque Deo pro debito, quo mortem merebatur spiritualem. Sed contra, quia hæc probatio etiam est ab exemplo. Præterea quia etiam falsum assumit, potest enim homo talia patrare facinora pro Rege, vel pro republica, v.g. liberare eos à morte, & ab inimicorum insidiis, vel tanta multiplicare & cumulare beneficia, vt non solum æquiualeant pro debito contractu, sed etiam superabundanter satisfaciat. Præterea dato, quòd pro morte corporali non posset esse adæquata compensatio, quia vita est præstantius omnibus beneficium; tamen pro vita spiritali posset ex auxilio Dei esse adæquata satisfactio, quia peractus supernaturales ab homine iusto elicitos æquiuales in dignitate & valore morali, indignitati & morti spiritali per peccatum contrahæ.

Anselmus 2. *Cur Deus homo* cap. 6. 19. Ricard. Victorin. lib. de Incarnatione cap. 8. D. Bonau. supra D. Thom. q. 1. ad 2. ex eo probant, quia persona, contra quam fit offensa, est infinita; & sic peccatum est infinitum ratione illius, pro quo non potest fieri satisfactio, nisi à persona infinita, & consequenter homo finitus non potest satisfacere adæquatè; crescit enim offensa ex dignitate personæ, contra quam fit, vt habetur, lege, *aut facta*, §. persona, ff. de pœnis; & lege, *sed sic*, §. quædam. Vnde grauior cæteris paribus iniuria est, si colaphis impingatur ab ignobili nobilibus vir, quàm si plebeius, grauior si sit Dux, grauius si Rex; & decrescit satisfactio ex indignitate personæ irrogantis iniuriam, quia principium ignobile non potest nobilem producere effectum, quod totum docuit Arist. 5. Ethic. ad Nicoma. cap. 5. in principio, vbi ait: *Si quis magistratum gerens percusserit quempiam, non decet eum repercuti; & si quispiam eum qui magistratum gerit, percusserit, non solum repercutiendus est, verum etiam supplicio afficiendus;* videatur Couarruias variarum resolutionum cap. 9. à num. 2. & Hurtado Valmasedanus, qui tom. de Incarnatione per totam Disputationem nonnam late persequitur hoc argumentum.

Thomistæ communiter hanc tradunt rationem, sed diuerso modo illam defendunt; 20.

fendunt; alij enim putant, quod peccatum, ratione personæ offensæ, sit simpliciter infinitum, sicut persona ipsa offensæ. Sed contrà primò, quia inter peccata mortalia est maxima inæqualitas, quæ non esset, si omnia essent simpliciter infinita, quia duo possumus in peccato considerare: Primum est ratio malitiæ, & hæc nō est maior, quàm bonitas opposita, scilicet rectitudo, quæ secundum rationem debet inesse actui, quæ finita est, & licet talis malitia priuet Deo, qui est infinitus simpliciter, solum priuat illo, quatenus est à nobis participabilis, est autē modo finito participabilis secundum gratiam iustificantem. Secundum est ratio offensæ, quæ vel non est formaliter distincta à ratione malitiæ, vt plures tenent; vel si est formaliter distincta, vt tenent alij, habet se vt propria passio consecuta ad rationem malitiæ, & sic caret infinitate simpliciter sicut illa; ergo ex nullo capite peccatum est simpliciter infinitum. Secundò, quia si peccatum ratione offensæ Dei est simpliciter infinitum; ergo contritio, & actus charitatis, ratione Dei amati, & dilecti; erit simpliciter infinita, quod est falsum, etiam secundum aduersarios.

21. Sed obijciunt primò, quia poena peccati mortalis est simpliciter infinita, quia in æternum durat. Secundò, quia peccatum mortale ita est Dei offensum, vt pro nulla re mundi, imò neque pro omnibus simul, si essent infinitæ simpliciter esset patrandum. Tertio, quia ita Deo aduersatur, quod quantum est ex se Deum destrueret, si posset, & infinitam in eo causaret tristitiam, si capax esset illius; ergo peccatum ratione Dei infiniti est simpliciter infinitum.

12. Respondeo ad 1. cum Scoto in 3. d. 19. q. 1. ad 3. argumentum, quod poena inferni non est infinita intensiue, sed extensiue, quia tantum debet durare, quantum peccatum perseverat & durat, & quia in damnatis semper perseverat, idē similiter poena, sed hoc non est esse simpliciter infinitum, sed secundum quid, sicut præmium in Beatis, & consequenter neque meritum cōdignum in viatoribus, quod est causa illius, est simpliciter infinitum, quia in æternum durat, circa hoc videatur

disp. 15. q. 2. vbi agimus de quantitate scientiæ Christi. Ad 2. respondeo: Etiam peccatū veniale pro nulla re mundi est committendum, quia recta ratio hoc exposcit propter reuerentiam, & obsequium debitum tanto Deo. Vnde Paulus ad Rom. 3. inquit: *Non sunt facienda mala, vt veniant bona*; & sic non probatur ex hoc capite infinitas simpliciter, sed solum quod sit contra rationem. Ad 3. respondeo, id esse falsum, qualicet qui mortaliter peccat in illa actione non constituat Deum pro ultimo fine illius, tamen affectu suo non vult Deum non esse ultimum creaturarum finem, & licet nimia malitiā aliquis expressit & directē id vellet; tamen sicut actus oppositus, quo Deum vellet esse, & amaret, esset finitus, ita similiter talis inordinata volitio esset finita, neque causaret infinitam tristitiam, quia læsio, quam habet Deus à peccatis, non est in bonis intrinsecis illius, sed in extrinsecis, scilicet in obedientia, in honore & cultu debito, quæ non sunt infinita simpliciter, & dato quod illam haberet, ab illis non periret Deus, quia cū infinita sit virtutis, etiam poterit illam tolerare.

Alij verò, vt noster Vega, & Suarez, 23, vbi suprā, non putant peccatum ratione offensæ personæ esse simpliciter infinitum propter rationes suprā positas, inquirunt tamen habere peccatum tantum pondus grauitatis, & tam magnum excessum ratione personæ infinitæ, contra quam commissæ est iniuria, quod licet non sit simpliciter infinita; est tamen infinita secundum quid, in quantum numquam potest satisfactio puri hominis, & quodcumque bonum opus illius attingere ad tale pondus grauitatis, & excessum: vnde inquirunt, quod licet iniuria non crearet ex infinitate personæ secundum mensuram arithmeticam, & secundum æqualitatem rei ad rem; crescit tamen secundum mensuram geometricam, & secundum proportionem, & sic numquam à persona finita potest compensari, quia ratione finitatis personæ compensatio illius eodem modo decrescit.

Sed contrà, quia licet ratio sic formata primo quidem aspectu sit speciosa

ciosè composita, vt inquit Vasquez disp. 2. cap. 3. & ad popularem sensum sit valdè accommodata, & licèt aliquando ratione dignitatis personæ offensæ crescat iniuria, & ratione indignitatis personæ satisfaciens decreseat satisfactio, nullus enim id negare potest iuxta supra traditas probationes ex iure ciuili, & ex Aristotele, & habet expressè Scotus in 3. d. 19. quæst. vnicâ, §. ad 1. principale, ante litt. G, tamen satisfactio & contumelia non solum crescunt, & decrescunt ex parte personarum, sed etiam ex parte obiectorum, & aliarum circumstantiarum; ergo ex istis poterit crescere satisfactio, & iniuria decrescere, taliter quòd proportionentur, & ad æqualitatem redigantur. Vnde cum Gabriele Vasquez sic argumentor, peccatum in humanis, aut irrogat alteri iniuriam propriè, & damnum, quòd ex iustitia restitui & refarciri debeat; aut non irrogat illi propriè iniuriam, sed solum quadam communi ratione, quæ iniuria communis in sola transgressione mandati Principis & Domini consistit; sed neutro modo persona offendens & satisfaciens taliter constituunt inæqualitatem, quòd refarciri adæquatè non possit; ergo peccatum in Deum infinitum adæquatè & condignè satisfieri poterit a puro homine, etiam si persona finita sit. Maior non indiget probatione; minor probatur discurrendo per singula, & primò probabimus de prima, & statim de secunda.

25. Primum probatur, quia, aut iniuria & offensa propria, & quæ per iustitiam refarciri debeat in hominibus, est *in bonis vite*, vt cum quis alterum occidit, & hæc sicut non potest satisfieri à persona superiori, sic neque ab inferiori: vnde non sumitur impossibilitas à ratione personæ, sed propter defectum boni, quo tale compensetur damnum, & propter defectum subiecti, cui compensetur, quia morte defuit; aut est *in bonis fortune*, & quæ pecuniâ æstimantur, vt sic quæuis persona etiam vilissima potest pro furto Regi ad æqualitatem satisfacere, imò quo ditior fuerit persona videtur iniuria minor; aut est *in bonis fame*, vt cum vilis persona famam Principis per falsum testimonium denigrat, sed si vi-

Castillo de Incarn. Pars I.

lis persona dicat se mentitum fuisse, & falsum dixisse, quo omnino infirmet, atque irritet falsum testimonium, vt reuerà fieri potest, nihil obstat vtilitas personæ, vt adæquatè satisfaciatur, quòd si poena talionis puniatur, hoc non est propter inadæquatam satisfactionem, sed propter populi exemplum; aut iniuria & offensa propriè est *in bonis honoris*, vt cum ignobilis nobilem fuste percutit, aut alapâ, aut verbis contumeliosis afficit, in quo casu per contrariam actionem, scilicet exhibendo signa submissionis & reuerentiae, quibus honorem præstet propter honorem ablatum non adæquatè satisficit propter personarum inæqualitatem, cum inter homines nullius momenti esse censeatur plebecium hominem, & infimæ notæ prostratum, & humiliatum apud nobilissimum existere, tamen aliqua potest offerri occasio, in qua vilis persona adæquatè, imò & superabundanter nobili satisfaciatur, vt si nobilis esset in euidenti mortis periculo, à quo cum simili periculo liberaretur à vili in satisfactionem honoris ablati, cum vita maius bonum sit, quàm hocumentum illatum; ergo nil obstat inæqualitas personarum ad cõdignam & adæquatam satisfactionem pro iniuria & offensa propriè, & quæ per iustitiam refarciri debeat, & consequenter si Deus in bonis extrinsecis illius taliter lædatur, quòd per iustitiam refarciri debeat, nil obstat infinitas, & dignitas illius, quominus ab homine finito per actum excellentissimæ charitatis adæquatè refarciri possit, iustitia enim commutatiua cum arithmetica fit, solum attendit quantitatem rei ad rem, legatur etiam Faber disp. 45. cap. 2. & disp. 47. etiam cap. 2.

- Secundum probatur, aut etiam iniuria non est propria, sed communis, & quæ solum in transgressione mandati consistit, & vt sic multò debilior est ratio contraria. Primò, quia in tali transgressione non solum non est maior iniuria ratione vilitatis personæ, sed potius est multò minor, sicut maior est, quo à magis nobili persona patrat, vt communi hominum estimatione habetur.

- Secundò, quia subditus adæquatè Regi pro transgressione mandati satisficit, 27.

F

ficit,

facit, vel luendo poenam impositam per legem, vel alio modo se in obsequium Regis offerendò, ita vt poeniteat facti, & emendationem proponat in posterum, imò & poenæ solutio non tam est pro offensæ satisfactio, quàm pro Reipublicæ, & aliorum exemplo; ergo ex quocumque capite defumatur in humanis iniuria ad æqualitatem refarciri valet, & consequenter in diuinis, non obstante inæqualitate personarum.

28. Et confirmatur primò, quia Deus per peccata, quæ communiter contrahuntur, non læditur in bonis intrinsecis illius, neque in extrinsecis expressè & directè, nisi fortè quoddam expressè contemnitur, & nomen eius blasphematur; sed hoc adæquatè refarcitur, si contemnens irritet contemptum & blasphemiam, sicut qui famam Principi falso testimonio abstulit, adæquatè compensat, si mentitum se fuisse dicat; ergo, &c.

29. Et confirmatur secūdò: Iniuria, quæ iniussu Deo constituimur, siue formaliter sit ipsa macula peccati, siue quid distinctum ab illa auferatur per formam iustificantem, qua amici & Deo grati constituimur, & constituit in nobis respectu Dei æqualitatem, vt de condigno, & absque acceptatione secundum aduersarios mereamur vitam æternam, quæ saltem ex circumstantiis maius bonum est, quàm fuit malum peccatum, v. g. blasphemix; & tamen non constituit nos infinitos, sicut Deus; sed relinquit finitos; ergo nihil obstat finitas & infinitas personarum ad condignum meritum, & consequenter neque ad condignam satisfactionem, quæ pro peccatis se habet per modum meriti.

30. Ex his patet ad rationem aduersariorum, licet enim in humanis in bonis honoris non possit esse adæquata satisfactio ex iustitia, attentà inæqualitate personarum, tamen attentà æqualitate rei ad rem, hoc est operis satisfaciens ad iniuriam pro qua fit satis (quæ æqualitas etiam inter inæquales, vt diximus, personas potest reperiri) bene potest esse adæquata: ita similiter contingit in diuinis, cum opera nostra bona, per quæ fit satisfactio, crescant in valore morali ex obiecto & circumstantiis, sicut iniuria creuit ratione personæ offensæ, quod præcipuè reperi-

tur in actibus contritionis & charitatis habentibus Deum infinitum simpliciter pro obiecto.

Tandem Vasquez ex eo probat communem sententiam, quia in satisfactione puri hominis intercedit gratia creditoris, quæ partem debiti remittit; cum enim ad illam sit per se necessarium auxilium Dei speciale, & per peccatum tam originale, quàm actuale contraxeramus (ex communi doctrina Scholasticorum & Patrum, quæ latè traditur in materia de gratia) non solum debitum carendi iustitia, & amicitia Dei, quæ habetur per gratiam habitualement, sed etiam debitum carendi omni auxilio Dei, & sanctæ cogitatione, quibus talis iustitia & amicitia acquiritur, eo ipso, quod tale auxilium nobis gratis confertur, pars debiti necessario remittitur, vbi autem in ipsa solutione interuenit actualis remissio debiti secundum aliquam partem non potest esse ex iustitia æqualis & adæquata satisfactio ex dictis in 1. quæst.

Sed contrà primò, quia in auxilio requisito ad satisfactionem duo possumus considerare: Primum, quod sit gratia, & donum indebitè datum, & hoc est verum, sed hoc non tollit condignam satisfactionem, vt etiam docet ipse Vasquez disp. 2. cap. 5. num. 51. & disp. 8. c. 3. n. 34. quia aliàs tolleretur condignam satisfactionem Christi, & in nobis meritum còdignum gloriæ, cum necessario possint auxilium. Secūdum, quod possumus considerare est, quod talis collatio auxilij sit partialis remissio debiti, & hoc est falsum: vnde probata hac falsitate, etiam manebit probatum, quod licet collatio auxilij sit gratiosa, tamen talis gratia non pertinet per se & formaliter ad condignam satisfactionem, neque auferret ab illa rationem æqualitatis, sed solum se habet concomitanter, & merè materialiter. hoc autem probabitur, si attēdamus ad debiti naturam ex peccato contracti.

Quare cum Lorca sic argumentor: Primò, debitum formale carèdi auxilio potius est poena peccati, quàm ipsum peccatū, quia incurritur, & ortū habet ex illo, sed modò nō agimus de còdigna solutione poenæ, sed de còdigna solutione culpæ, vt omnes vnanimi consensu fatentur; ergo etiam si collatio auxilij

est

esset gratuita debiti remissio quantum ad poenam, nihilominus non est partialis remissio satisfactionis, quæ solum respicit culpam. Ex confirmatur, quia post gratuitam collationem talis auxilij adhuc manet tota essentia peccati, & tota eius malitia, nam antequam per gratiam vel contritionem destruat, semper perseverat; ergo illa collatio auxilij non fuit partialis remissio talis malitiæ.

34. Vnde nihil obstat, quod discipuli eius respondeant, scilicet per collationem auxilij auferri debitum formale, seu dignitatem formalem carenti illo, ex eo quod hæc non possit consistere cū collatione auxilij, licet non auferatur debitum radicale, seu radicalis dignitas, cum hæc sit ipsa culpa: hoc, inquam, non obstat, quia licet totum hoc esset verum, tamen solum probat, quod Deus remittat partem debiti, quod sit poena; non partem debiti, quod sit culpa. Præterquam quod falsum est quod assumunt, scilicet collationem auxilij esse gratuitam remissionem debiti, quia debitum hoc non est carentia physica auxilij: aliàs homo in statu innocentie, imò & Christus Dominus quando illis actualiter non dabatur auxilium (quia forte pro tunc non operabantur) punirentur aliquā poenā, quod est absurdum; sed debitum ortum ex peccato est dignitas quædam moralis, ut priuatur peccator talibus auxiliis, quod quidem semper manet, dum peccatum, quod est causa illius, perseverat, quia sicut propria passio non auferitur, nisi ablata essentia, ita neque talis dignitas, nisi ablato peccato, quia est proprietas quarto modo illius, quare per collationem auxilij licet auferatur carentia physica illius, tamen non auferitur dignitas moralis carenti illo, sed tale auxilium confertur verè indigno, verèque indignus auxilij perseverat peccator post collationem & receptionem illius.

35. Secundo sic argumentor: Homo per peccatum contraxit non solum debitum carenti auxilio ad operationem bonam requisito, sed etiam carendi omni beneficio gratuito tam intrinsecum, quam extrinsecum in ordine ad finem supernaturalem, quia ad inimicitiam Dei totum hoc consequitur; sed Incar-

Castillo de Incarn. Pars I.

natio Verbi fuit verum beneficium hominibus collatum, ut redimerentur à peccatis (quod præcipue est verum in sententia Vasquez asserentis hoc fuisse totale motuum decreti Incarnationis) ergo in collatione huius beneficii dimissum est à Deo debitum carenti hoc beneficio; sed Christus Dominus non potuit satisfacere pro hoc debito, quia supponitur antequam posset esse satisfactio pro illo; ergo sicut neque homo, ita neque Christus Dominus potuit condignè pro mortali peccato hominum satisfacere, quod est absurdum.

Tertiò sic argumentor ad hominem, quia ipse sustinet, quod contritio est satisfactio adæquata; etiamsi elicita à gratia (quæ in sua opinione antecedit aliquā prioritate contritionem) talis gratia remiserit totum debitum; quia ad hoc, inquit, quod satisfactio sit talis, actualiter non requirit, quod de facto remittat debitum; sed sufficit, quod homo efficiat ex parte sua; quod satis esset ad remissionem debiti; ergo similiter etiā per collationem auxilij requisiti ad contritionem aliqua pars debiti esset remissa, hoc non obstat, quominus contritio esset cōdigna satisfactio, cum homo eliciens illam ex parte sua efficere, quod ad remissionem debiti satis esset. Vidit Vasquez argumentum hoc, & respondet quod contritio potest non procedere à gratia habituali, & sic potest non supponere debitum remissum; ab auxilio autem semper & necessariò procedit, & sic semper supponit debitum partialiter remissum. Sed contrā, quia argumentum factum non nititur in eo quod contritio procedat necessariò ab auxilio, vel à gratia, sed in eo quod dicit, posse esse actualiter satisfactionem, etiamsi ipsa supponat debitum iam remissum. Ex quo optime insertur nihil obstat, quod per collationem auxilij supponatur remissa pars debiti, quominus contritio sit actualiter condigna satisfactio, & sic nihil ad rem, quod contritio procedat necessariò ab auxilio, & non à gratia.

Sed obicit nobis, quia si collatio auxilij non obstat ad cōdignam satisfactionem, sequitur, quod purus homo satisfaciat cōdignè pro suo peccato mortali, quia ex nullo alio capite potest contritio desicere à ratione cōdignæ satisfactionis,

tum quia ipsa est forma iustificans, tum quia licet non esset forma iustificans ex nativitate sua virtute, nihilominus est dispositio tanti valoris, quod etiam si nova Dei actio requiratur ad infundendam gratiam habitualement, ut delectatur culpa, tamen non requiritur novus Dei fautor, quia quod de novo gratia habitualis infundatur, debetur contritionis ex iustitia, tamquam condignæ satisfactionis, cum bonitas illius æqualeat malitiæ, & deformitati peccati, & illa tantum convertatur ad Deum, quantum peccatum ab ipso auerterat.

38. Respondeo negando sequelam: Et ad primam probationem dicemus infra ex quo capite proveniat, quod contritio hominis peccatoris, seu existentis in peccato non sit pro ipso condigna satisfactio. Nego autem pro tunc, quod contritio sit forma iustificans, ut latè traditur à Recentioribus in materia de gratia; dato autem, quod hoc esset verum, implicationem infero contra Vasquez, quia ipse cum communi sententia dicit, quod satisfactio talis deberet esse per modum meriti: unde consequens est, quod respectu deletionis culpæ se habeat per modum causæ efficientis, & non per modum causæ formalis, quia præmiū comparatur cum merito, tamquam effectus cum causa sua efficienti. Præterea nego etiam, quod contritio sit dispositio talis, cui ex iustitia debeatur gratia iustificans, ut latè etiam negatur à Recentioribus in materia de gratia. Videatur ibi Lorca disp. 36. & in præsentis disp. 4. pro nunc sufficiat dictum Concilii Trid. sess. 6. cap. 8. ubi declarans verba Pauli, quibus ait, nos gratis iustificari, inquit: *Declarat sancta Synodus in eo sensu accipiendam esse, quem perpetuus Ecclesia Catholica sensus tenuit, scilicet ideò nos gratis iustificari, quia nihil eorum, quæ iustificationem præcedunt, sine fidei, sine opera ipsam iustificationis gratiam promerentur.* Ex quo inferitur, quod contritio, quæ antecedit infusionem gratiæ, non meretur illam ex iustitia.

39. His omnibus impugnatis dicendum est nobis, eam esse veram, & fundamentalem rationem, quare homo purus non possit pro suo peccato mortali satisfacere per contritionem, quia cum se habeat per modum meriti, & meri-

tum non sit condignum absque gratia habituali, quæ reddat personam habentem acceptam apud Deum, & actus eius acceptabiles, ut bene Scotus noster in 1. d. 17. q. 1. ad solutionem huius quæstionis, litt. G, & latè traditur in materia de gratia. hinc fit, quod non posset peccator, dum peccator est, & gratiæ priuatus pro suo mortali de condigno satisfacere, deficit enim illi conditio acceptabilitatis, quæ reliquas omnes conditiones habeat; contritio verò elicitur ab homine existenti in gratia iam supponit debitum peccatorum remissum per illam, quod tollit à contritione elicitur ab homine iusto, quod sit actualis satisfactio in actu secundo, non verò tollit quod sit in actu primo, & quod habeat veram naturam condignæ satisfactionis, quia ad hanc sufficit, quod reddat satis, ut ait Vasquez, & tenet Scotus in 4. Sent. sæpè cit. ubi definit satisfactionem; quod enim in actu secundo remittat debitum, pertinet ad naturam effectus, non ad naturam causæ.

Ex quibus venit necessariò dicendum, quod si de potentia absoluta in eodem subiecto simul essent gratia & peccatum, ut probabile censet Scotus, tunc homo habens gratiam, si ex illa eliceret, contritionem satisfaceret in actu secundo, & in effectu pro suo peccato mortali. ita colligitur ex Scotus in 3. d. 20. q. vnicā, *contra illud quod dicitur in fine, ubi habet hæc verba: Præterea videtur (de possibili dico) quod quilibet potest satisfacere pro se, quia si data fuisset cuilibet homini prima gratia sine meritum, sicut modò, licet quilibet sit filius iræ, cuilibet tamen data primam gratiam sine meritum propria, et tunc meretur beatitudinem igitur potuit etiam meruisse deletionem culpæ.* In quibus verbis probat Scotus, quod de potentia Dei post acceptam gratiam posset peccator mereri deletionem culpæ, sicut post acceptam gratiam meremur de facto beatitudinem; ergo supponit quod simul essent gratia & peccatum, & quod per opera elicitur ex gratia posset mereri de condigno remissionem culpæ; loquitur enim de hoc genere meriti, ut probet non fuisse simpliciter necessariā Incarnationem Christi ad nostram reparationem, quod satis subtiliter & vere dictum est, quia cum

cum gratia habitualis non præstet acceptationem apud Deum subiecto cui inhæret, & operibus eius physice, sed tantum moraliter, ratione scilicet diuinæ voluntatis libere acceptantis hominem, vel Angelum affectum tali forma, & similiter opera eius, posset optime Deus de sua potentia absoluta separare has duas acceptationes, quæ de facto, & de lege ordinaria imbibitæ sunt in gratia, & acceptare opera elicta ex tali gratia ab homine peccatore, absque eo quod pro tunc acceptaret subiectum, scilicet talem hominem, & postea mediis illis operibus sic acceptis, & consequenter æqualibus malitiæ peccati non solum in bonitate, sed etiam in valore morali propter prædictam acceptationem remittere illi peccatum de condigno, & sic acceptare subiectum in ordine ad beatitudinem, dando illi ius ad gloriam: unde tunc opera bona iniquorum probaret Altissimus, licet de facto non ita contingat, & mediis ipsis tamquam satisfactione condigna sibi à peccatoribus exhibita eos sibi reconciliaret, id est, remitteret offensam, quæ remissio est quid morale, quod superadderetur gratiæ præexistenti, sicut modò est quid morale superadditum, ut latè à Scotistis, imò & à pluribus aliis Auctoribus traditur in materia de gratia, asserentibus gratiam habitualement non iustificare physice, & ex natura rei, sed tantum moraliter.

41. Ex hoc venit intelligendum, quare de facto opera bona elicta ex auxilio gratiæ ab homine peccatore, licet ex tali auxilio elicta sint, & licet habeant æqualitatem cum peccato in bonitate morali, & licet habeant acceptationem Dei, iuxta illud loci 18. *In quantumque hora ingremieris peccator, peccatum eius amplius non recordabor*, non sint de condigno satisfactoria, & meritoria remissionis culpæ; & ratio est, quia non procedunt ab homine grato, nam iuxta illud 34. *Dona iniquorum non probat Altissimus*; unde post talia opera promittitur tamquam noua gratia, & misericordia remissio culpæ, loci 2. *Conuertimini ad me ex toto corde vestro & conuertar ad vos, quia benignus & misericors est*. Et ad Rom. 3. dicuntur peccatores iustificari gratia per gratiam Christi. quod

explicat Cõcilium Tridentinum sess. 6. de Iustificatione cap. 18. *Idè gratia iustificari, quia nihil eorum, quæ iustificationem præcedunt, sine fides, sine opera ipsa iustificationis gratiam promerentur*.

Ex hoc patet ad rationem pro prima sententia opposita; quod licet in actu contritionis reperitur tantum bonitatis & conuersionis ad Deum, quantum malitiæ & auersionis à Deo erat in peccato; tamen valor moralis, qui sumitur ex æstimatione & acceptatione, non est æqualis, quia contritio peccatoris solum est de congruo meritoria gratiæ remittentis culpam, at verò peccatum mortale est de condigno demeritorium gratiæ & gloriæ.

Sed contra obiicies primò: Satisfactio est via & medium, ut debitor cum creditore reconcilietur; ergo frustra requiritur ad hoc ut sit condigna, quod prius persona debitor sit cum creditore reconciliata per gratiam. Respondeo antecedens esse verum; ubi acceptatio satisfactionis non dependet à gratia debitoris, ut fortassis contingit in humanis; non verò ubi dependet ab illa, ut contingit nobis respectu Dei.

Contra id quod diximus, quod contritio peccatoris, seclusa illa conditione, scilicet acceptabilitatis, per gratiam habet omnes alias conditiones requisitas ad condignam satisfactionem. Obiicies, quia per collationem auxilij, licet Deus non remittat partem debiti, adiuuat tamen ad solutionem illius; quia dando auxilium confert aliquod, sine quo non posset esse integra & adæquata satisfactio: quando autem creditor dat partem debiti absque translatione domini, ut videtur contingere in donatione gratuita auxilij, ut sibi adæquata fiat solutio, non potest esse condigna satisfactio, cum in illa interueniat gratia creditoris; ergo. Respondeo quod auxilium concomitans, quod in ipsa reperitur satisfactio, & de quo potest esse difficultas (quia auxilium antecedens iam antecedit ipsam actualement satisfactio, & sic non est partialis remissio debiti) non est gratia formaliter, sed solum in radice, ratione scilicet sanctæ cogitationis, quæ fuit merò gratis data. Et ratio huius est, quia debetur voluntati ex natura rei, & ex influxu, quem causa prima debet præstare

stare secundæ, eo ipso quod ex tali sancta cogitatione mouetur ad actum circa obiectum ab ipsa propositum, & sic tale adiutorium non est formaliter indebitum, quod requiritur ad hoc, quodd sit gratia formaliter. Quare diximus in principio quæstionis cum Fabro debere appellari concursus generalem. Præterea dato quodd esset gratia formaliter, non probat argumentum, quia in quantum gratia est, non reddit condignam satisfactionem, sed in quantum talis concursus inpernaturalis est, quia hic eleuat actum, & reddit proportionatum gratiæ iustificanti: vnde prædicatum gratiæ solum se haberet merè concomitanter & per accidens, alias neque homo posset condignè mereri gloriam & augmentum gratiæ, neque Christus posset de condigno satisfacere, cum ad totum hoc requiratur auxilium; quando autem creditor coadiuuat, & dat partem solutionis debiti absque translatione domini, illa pars non concomitanter, & per accidens, sed per se spectat ad satisfactionem, & sic tollit ab illa condignitatem.

45. Contra id verò quod diximus, quodd satisfactio hominis existentis in gratia non reddit suum effectum, quia reperit debitum iam remissum per gratiam. Obiiciunt secundò, quia peccata semel concessa potest quis iterum confiteri, & ab illis iterum sacramentaliter absolui; ergo & pro peccato iam remisso potest quis per subsequentem contritionem satisfacere. Et confirmatur, nam plures Sancti, etiam habità reuelatione circa remissionem suorum peccatorum, adhuc pro illis satisfactionem offerebant, David enim per singulas noctes rigabat lacrymis lectulum, Petrus ad galli cantum peccatum negationis semper amarissimè flebat, Magdalena spatio triginta annorum pro peccatis à Christo remissis poenitentiam egit. Ad argumentum respondeo, quodd in gratia sunt duo consideranda, & quodd sit forma remissiua culpæ, & quodd sit forma actualiter remittens culpam; quando ergo absoluitur, quamuis à peccatis iam remissis, illa verba, *Ego te absoluo*, idem valent; ac, *Ego impono tibi*, Sacramentum absolutionis; seu, *Ego do tibi gratiam remissiua culpæ*, non actualiter remittentem. Ita D. Thom. 3. p. q. 84.

art. 3. ad 5. & hoc similiter suo modo contingit in contritione elicità ab homine iusto, quia illa de condigno meretur augmentum gratiæ remissiua culpæ, sed non remittentis actualiter, quia inuenit iam remissum. Ad confirmationem dico vtilem esse satisfactionem post peccata remissa, non vt actualiter remittat, sed ad remissionem poenæ, ad præseruandum à peccatis, ad augmentum gratiæ, & consecutionem gloriæ, & vt quis in posterum cautior euadat; in eo autem, cui non est facta talis reuelatio, cum nesciat an odio vel amore dignus sit, vtillior est, vt disponat se ad remissionem, si fortè non fuit dispositus. Quare Eccles. 5. dicitur: *De propitiata peccata noli esse sine metu.*

Ex dictis debetis inferre, quodd licet 46. contritio hominis puri existentis in peccato non sit pro illo satisfactoria de condigno, quia deficit illi, quodd sit æquiualens defectu acceptationis Dei proueniens ex gratia, est tamen satisfactoria de congruo pro peccato, quia ad congruentiam hanc non requiritur æqualitas valoris, vt diximus quæstione primà; sed satis est, quodd creditor acceperit illud, quod in se habet aliqualem acceptabilitatem, vt contingit in presenti. Vnde Deus inquit: *Conuertimini ad me, & ego conuertar ad vos.* Nos conuertimur ad Deum per contritionem, ille conuertitur ad nos per collationem gratiæ remittentis culpam; neque enim in humanis, vt congruum sit quodd creditor remittat debitum, requiritur aliud, nisi quodd debitor efficiat in satisfactione illius id quod potest, quod respectu Dei facit homo eliciendo contritionem.

Vnde non sunt audiendi Medina 3. p. 47. q. 1. art. 2. & alij, ita strictè de merito congruo loquentes, quodd negent illud nostris actibus elicitis cum auxilio supernaturali antecedentibus ad remissionem peccati, & consequenter negantes contritioni, quodd sit de congruo meritoria gratiæ, & satisfactoria pro culpa, cum locutiones SS^æ & Conciliorum possint saluari, & intelligi de merito condigno, quia de condigno, neque peccator ex iustitia, sed gratis iustificatur, neque opera antecedentia iustificationem promerentur illam, neque similiter merita condigna

digna Christi excludunt nostras dispositiones.

QVÆSTIO III.

Utrum purus homo possit de condigno satisfacere pro uno peccato veniali?

1. **I**N hac Quæstione non loquimur de satisfactione pro poena, sicut neque in præcedenti, sed de satisfactione pro culpa, quia tamen culpæ veniali fit satis in humanis per solutionem poenæ debitæ tali culpæ, ut si quis pro culpa leui semel debeat vapulare facta tali vapulatione fit satis prædictæ culpæ. Oritur difficultas, an in diuinis, seu in culpa veniali contra Deum commissâ, ita contingat? & hoc siue homo sit in statu peccati mortalis, siue sit in statu gratiæ.

2. Sed quia in præsentī materia Auctores communiter non agunt de hac difficultate, sed illam differunt ad materiam de poenitentiâ virtute, ubi Scotus in 4. d. 21. quæstionem, utrumque censuit probabile; putat enim quoddam homo tam in vita, quam post vitam, siue existens in Purgatorio, siue in inferno potest satisfacere pro culpa veniali non remissa, soluendo poenam temporalem ipsius, per cuius solutionem etiam remittatur culpa ipsa, quæ satisfactio non se habet per modum reconcilians, & meriti condigni, quia ad hoc indiget gratiâ iustificante, sed per modum satisfaciendi, ut ipse docet, & similiter sustinet probabiliter contrarium, quia diuersa debet esse solutio culpæ à solutione poenæ in diuinis propter dicta Sanctorum; & sic ex solutione poenæ non inferri per se solutionem culpæ, sed pendere à diuersis principiis, ideo & nos omittimus illam: interim videatur Faber in 2. part. Opusc. disp. 40. cap. 2.

3. Disputamus ergo de satisfactione hominis puri pro peccato veniali quantum ad culpam, non quantum ad poenam; & tamquam certum supponitur ab omnibus nobiscum sentientibus antecedenti Quæstione, quod pro illa non potest homo existens in peccato mortali de condigno satisfacere per sa-

tisfactionem reconcilians, & habentem se per modum meriti, quia cum ad condignitatem ipsius requiratur gratia iustificans ex supradictis, nequit haberi ab homine existenti in peccato, & nondum iustificato.

Neque modò requirimus, an satisfactio hominis iusti pro tali culpa debeat procedere ex auxilio Dei, si talis culpa fuit contra præceptum naturæ, an sit satis, quod fiat per proprium actum, honestum, naturalem; & viribus naturæ elicitum, virtualiter tamen imperatum à charitate, quia hoc pertinet ad materiam de gratia; neque an sufficiat fieri pro qualibet culpa veniali per actum virtutis oppositum, quia hoc spectat ad materiam de poenitentiâ virtute. Sed inquirimus, an contritio supernaturalis elicitâ ab homine iusto sit condigna & perfecta satisfactio pro remissione peccati venialis, quæcumque illa sit forma remittens illud, de qua in materia de poenitentiâ virtute; pro nunc enim supponimus esse distinctam ab ipso actu meritorio, per quem efficienter remittitur. In qua responde.

Prima sententia negat hominem iustum posse per contritionem pro peccato veniali satisfacere, cui sententiæ adhæsisse dicitur Cumei 1. 2. qu. 114. art. 5. disp. 2. conclus. 4. D. Thom. 3. p. q. 87. art. 4. in corpore. D. Bonauent. in 3. d. 20. q. 4. sed hic loquitur de peccato mortali, illam defendit Petrus Soto in Institutione Sacerdotum de Poenitentia Sacramentis lectione 18. addens oppositum esse magis humanum sensum minùs dignè de Deo, & eius gratia sentientem, quam sententiam Christianam dignam pietate, vult omnemque iustitiam hominis erga Deum è medio tollere, ut ostendunt sua argumenta infra in solutione illorum adducenda.

Secunda communis & vera sententia affirmat posse condignè hominem iustum pro veniali culpa satisfacere. Ita Auctores, qui, ut supra vidimus, hoc idem sentiunt de peccato mortali. Illam expressè tenent Vasquez in præsentī disp. 3. c. 3. Suarez disp. 4. sect. 11. concl. 1. Lorca disp. 5. supponit Aluarez disp. 3. post conclus. 3. n. 11. apud quos Mag. in 4. d. 21. & 26. Paludanus d. 16. q. 1. a num. 27. Richard. d. 17. art. 1.

q. 7. D. Thom. 3. p. q. 72. art. 3. ad 3. & clarius 1. 2. q. 72. art. 5. in corpore, ubi ait, quod sicut levis ægritudo reparari potest per principium vitæ, ita venialis culpa per virtutem gratiæ, quæ est vitæ spiritualis principium, citarique debet Scotus, qui, ut vidimus Quæstione antecedenti, docuit contritionem elicita ex gratia esse condignam de se satisfactionem, etiam pro mortali, nisi aliàs reperiretur remissum. unde consequens est, quod hoc multò magis sentiat de veniali.

7. Vasquez probat sententiam istam, quia in satisfactione per contritionem elicita ab homine iusto pro peccato veniali nulla intercedit gratia creditoris, cum in bonitate & valore morali sit illi quantum ad suam malitiam & iniuriam æquivalens, imò & superabundans, magis enim ad Deum conuertit, quam veniale auerterat peccatum, hoc enim non tollit ab homine gratiam, illa verò confert illam, imò est, inquit, gratia actualiter iustificans ex sua natura. insuper in collatione auxilij nulla est condonatio debiti, quia peccatum veniale nullum inducit debitum carenti auxilio ad refurgendum ab illo.

8. Lorca verò insurgit contra Vasquez, & probat non loqui consequenter, quia quælibet iniuria inducit debitum carenti auxilio ad refurgendum ab illo, quare sicut hoc dixerat, ut vidimus Quæstione antecedenti, de peccato mortali, ita debuerat dicere de veniali. Respondent aliqui pro ipso diuersam rationem, quia aliàs posset Deus ex iustitia perpetuò denegare auxilium, quo homo mundaretur à veniali, & consequenter priuare illum in perpetuum consecutione vitæ æternæ, ad quam habet ius ratione gratiæ habitualis, cum vitam æternam ingredi non possit anima cum aliqua ruga aut macula.

9. Sed contra, quia licet gratia det ius ad hereditatem, non tamen dat ius ad omnia requisita ad hereditatem, aliàs daret illud ad habendam finalem perseverantiam, quod est absurdum, quia aliàs esset Deus iniustus, si habenti gratiam habitualement denegaret auxilium efficax ad perseverandum, sine quo non perseverabit, & consequenter nullus qui reciperet gratiam, siue per baptismum, siue per contritionem posset condem-

nati; ergo ex eo quod habeat homo per gratiam ius ad hereditatem, non habet illud ad aufcendum impedimenta peccatorum venialium. Quare firma stat impugnatio Lorcæ. hoc autem quod Vasquez ait, quod collatio auxilij sit partialis remissio debiti, & quod contritio ex natura sua sit forma iustificans, Quæstione antecedenti impugnata sunt à nobis, & sic non indigent non à impugnatione.

Vera ergo huius sententiæ ratio est, 10, quia in collatione auxilij nulla creditoris intercedit gratiosa remissio debiti, cum hoc remitti non possit, nisi prius sit culpa remissa: & insuper contritio ab homine iusto elicita habeat maiorem bonitatem, quam peccatum veniale habuit malitiam, cum hæc fuerit levis, & habet maiorem valorem, quia cum sit opus amici per gratiam habuit maiorem acceptabilitatem apud Deum, quam peccatum illi displicuerat, ad condignam verò satisfactionem solum requiritur perfecta & adæquata æquivalentia. Et confirmatur primò, quia in humanis peccatum, quod non dissoluit amicitiam, soluitur per veram demonstrationem amoris; ergo similiter in diuinis per contritionem, quæ est vera amoris demonstratio. Secundò, quia contritio talis de condigno meretur augmentum gratiæ & gloriæ, quantum magis remissionem culpæ venialis.

Sed contra arguit Soto, & primò 11, quia communiter Concilia, SS: & Patres asserunt remissionem peccati esse opus diuinæ misericordiæ & gratiæ; nam ad Rom. 4. dicit Apost. *Quod ad gratiam Dei pertinet, ut Deus alicui non imputet peccatum.* Et Glossa ibi exponit de veniali, & Trident. sess. 6. de Iustificatione cap. 11. dicit: *Iustorum illa vox est, & humilis, & verax dimitte nobis debita nostra;* ergo dum venialia sibi remitti postulant iusti, planè significant gratiæ necessitatem ad illorum remissionem, sicut sæpè contra Pelagium obseruant in simili Ecclesiæ Patres; ergo talis remissio non fit à Deo ex iustitia per condignam nostram satisfactionem. Et confirmatur, quia remissio denotat condonationem absque æquali solutione debiti. Respondeo primò ad argumentum cum Lorca, quod prædictæ locutiones

tiones intelliguntur de mortali, non de veniali. Secundò, quia licèt intelligantur de veniali, loquuntur aliquando de gratia habituali, aliquando de gratia actuali, requisita ad hoc, quòd actus, quibus iusti satisfaciunt, sint condigni, ratione cuius remissio significatur quasi gratuita, sed non formaliter, & in se, quia vt sic est ex iustitia, sed in radice, sicut gloria, licèt detur ex condignis meritis, dicitur gratia in radice, quia consequenter per gratiam; & per hoc patet ad confirmationem, quia cùm solutio peccati venialis fundetur in radice in gratia creditoris, dicitur remitti, licèt ex iustitia solvatur. Tertiò, respondeo, quòd cùm incertum sit, an per alios actus imperfectiores contritione consequamur ex iustitia remissionem peccati venialis illam iusti postulent tamquam gratuitam, aut saltem petere vt verè excitentur ad eliciendam veram contritionem, quæ est peccati venialis ex iustitia remissiva.

12. Contrà secundò, quia venialis culpa est infiniti Dei offensa, ergò ita crescit ex infinitate, vt satisfactio personæ finitæ non adæquet illam in valore, cùm hæc similiter decreseat ratione suæ finitatis. Respondeo eodem modo, quo ad simile argumentum diximus in Quæstione antecedenti, quòd licèt crescat iniuria ratione personæ offensæ, & decreseat satisfactio ratione personæ satisfaciæntis, tamen actus ex obiecto & circumstantiis potest ita crescere, quòd compenset talem inæqualitatem, quod maxime apparet in contritione, cùm versetur circa obiectum infinitum, scilicet Deum.

13. Contrà tertio, quia quancumque satisfactionem pro veniali oblatam à iusto potest Deus respuere, & non acceptare, cùm sit supremus Dominus; ergo non est condigna, quia in humanis ea satisfactio, quæ est æquivalens, & condigna, non potest respui à creditore, neque non acceptari ab ipso. Respondco, quòd de potentia absoluta posset Deus respuere & non acceptare satisfactionem, vt benè Suarez disp. 4. sect. 12. post conclus. 2. quidquid incòtrarium velit Vasquez disp. 3. cap. 2. n. 11. & cap. 3. n. 4. quia cùm sit supremus Dominus posset non obligare

se, neque ad id aliquà lege vel ratione teneretur, sed id quod vellet facere, eo ipso, quod ipse vellet, esset bonum, & posset talem contritionem exigere ob alios titulos honoris, scilicet cultus & reuerentiæ sibi debitæ, & non acceptare pro peccato ex iustitia: nulla enim creatura ex se habet iustitiam erga Deum, nisi quia ipse velit, quòd creatura ex operibus sic elicitis habeat illam; sed de potentia ordinaria non potest respuere, quia eo ipso quod hominem existentem in gratia acceptavit expressè in vitam æternam, implicitè acceptavit eius opera in satisfactionem impedimentorum ad illius consecutionem, qualia sunt peccata venialia, imò hoc expressè còtinetur in Scriptura iuxta illud Danielis 4. *Eleemosynis redime peccata tua.* Et Matth. 32. dicitur mulieri peccatrici, & ad Christum iam conuerstæ, *Remittuntur ei peccata multa; quoniam dilexit multum;* & sæpè alibi. In humanis autem contractibus, qui dependent ex conuenientia & pacto eodem modo contingit, quia absolute possent non conuenire partes contractus; tamen supposità conuenientià tenetur creditor satisfactionem debitoris æqualem acceptare, si tamen non dependeat satisfactio à pacto antecedenti, sicut contingit in restitutione, vel pecuniæ, vel honoris ablati; est dispar ratio, quia in humanis non habet creditor supremum dominium, sicut Deus, & alias satisfactio est condigna ex natura suæ; & sic non potest à creditore respui. Dices: Ergo posset Deus de potentia absoluta peccatum veniale poenà æternà punire, etiam supposità contritione, quia posset illam non acceptare. Respondeo negando sequelam, quia peccato veniali solum correspondet poena temporalis, quare secundum iustum eius iudicium, etiam si non acceptaret contritionem pro satisfactione illius, tamen non puniret in æternum, sed alio modo remitteret.

Ex quibus deducitur primò, quòd homo iustus possit satisfacere, etiam de rigore iustitiæ pro suo peccato veniali; sumpto rigore, non prout excludit omnem gratiam antecedentem, sed prout excludit omnem gratiam actualem in ipsa satisfactione, quia cùm licet sit condigna, & ex se æquivalens, omnem gratiam

tiam actualem creditoris excludit, in quo sensu rigorem iustitiæ debere accipi diximus quæst. 1. p. 2. in fine: alter enim sensus non rigorem iustitiæ, sed etiam ipsam veram iustitiam destruit, & solum relinquit iustitiam potestatiuam.

15. Secundo, debetis deducere malè Solum notasse sententiam nostram tamquam humanam, & carentem Christiana pietate, cum talibus firmetur rationibus, tot, & tam grauissimis Auctoribus sit plausibilis, & nullo modo Dei gratiæ contraria.

16. Tertiò, deducitur non esse eodem modo philosophandum de satisfactione pro peccato originali, ac de satisfactione pro peccato veniali: non enim est leuius illo, ut apud Didacum Granados lib. de Immaculata Virginis Conceptione disp. 1. cap. 8. dixerunt aliqui, quibus omnino fauet Vigerius in Institutione cap. 18. §. 5. vers. 1. quæst. 1. licet originale non sit voluntarium voluntate propriâ, sed voluntate primi parentis, est tamen grauius in ratione malitiæ, ut docet Bellarm. tom. 3. lib. 4. de Amissione gratiæ cap. 10. ad 3. Salmer in 5. epist. ad Rom. disp. 52. pag. 643. Cuius ratio est, quia Dei amicitiam rescindit, & subiectum Deo inimicum constituit; sicque de ipso, sicut de mortali actuali est philosophandum.

17. Quarto, quod deducitur est, quod sicut satisfactionem condignam pro veniali solum dedimus homini existenti in gratia, loquendo de satisfactione reconcilianti, & per modum meriti; ita consequenter debet negari homini existenti in peccato mortali, etiamsi fiat per actum contritionis, quod enim aliqui fingunt: quod contritio in aliquo priori naturæ dat gratiam, & in alio posteriori condignè satisfacit pro veniali, est falsum, nam in duplici instanti naturæ non dantur duæ contradictoriæ simul veræ, quales essent, quod eadem contritio esset, & non esset meritoria de condigno remissionis peccati venialis. Videatur Lorca ubi supra.

QVÆSTIO IV.

An purus homo possit pro peccatis aliorum condignè satisfacere de potentia Dei absoluta?

PROCEDIT ergo Quæstio præsens de homine existente in gratia, non de existente in peccato mortali, cuius opera & obsequia Deo non probari, imò & paruipendi habetur pluribus SS. locis Eccles. 34. *Dona inimicorum non probas Altissimus, nec respicit in oblationibus iniquorum.* Isaïa 1. *Cum multiplicaueritis orationem non exaudi iam, manus enim vestra sanguine plena sunt.* Procedit deinde non solum de peccatis aliorum mortalibus, sed etiam de venialibus; nam ad hæc, sicut ad mortalia etiam requiritur, quod homo condignè satisfaciens constitutur à Deo caput morale aliorum, pro quibus satisfacit, saltem quantum ad collationem auxiliorum: & præterea procedit de condigna satisfactione, non de congrua & imperfecta, de hac enim in confesso est serè apud omnes in materia de gratia, posse iuitum de congruo mereri alteri in peccato mortali existenti auxilia ad contritionem & remissionem illius, & tandem gratiam iustificantem, sicut de Stephano dicitur meruisse D. Pauli conuersionem ad fidem, quando pro inimicis orauit. Et tandem Quæstio procedit de potentia absoluta, quia de ordinaria conuenit inter Doctores, quod nullus præter Dominum Iesum Christum potest alteri gratiam & gloriam mereri, & consequenter neque remissionem peccati, quantum ad culpam, quia de facto solum Deus acceptauit pro aliorum peccatis Christi opera. Vnde Isaïa 53. dicitur: *Verò languores nostros ipse tulit, & labores nostros ipse portauit.* Et 2. ad Coloss. cap. 14. *Delens quod aduersus nos eras chirographum decreti;* & alibi sæpè videatur Augustinus tomo 7. lib. 1. de peccatorum meritis, & remissione cap. 14. & tom. 9. tit. 4. & 5. in Ioannem, videatur Suarez disp. 4. sect. 7. Et notanter dixi, quantum ad culpam, quia quantum ad poenam, licet Suarez ibi dicat rem esse dubiam, tamen

tamen tom. 4. disp. 48. sect. 2. num. 4. affirmatiuam partem docet, tanquam communem omnium Theologorum, cuius ratio tradita est à Catechismo Pij V. in fine Sacramenti poenitentiae num. 61. *Ibi nec verò de hoc cuiquam fidelium dubitari locus relictus est, qui in Apostolorum Symbolo Sanctorum communionem profiteretur.* Ex quo habetur Deum acceptare hominis satisfactionem, tanquam condignam pro temporali aliorum poena (de quo ex instituto in materia de poenitentia)

2. Antequam autem sententias proponam, oportet breuiter adducere notanda aliqua dicta Suarez inter se differentia, nam in praesenti disp. 4. sect. 7. in fine negat purum hominem de potentia Dei absoluta posse condignè pro aliorum peccatis satisfacere, & in principio illius sectionis affirmat posse ex auxilio Dei aliquo modo satisfacere, & in sectione ista lib. 12. de Merito c. 16. num. 12. dicit posse de potentia Dei absoluta purum hominem mereri aliis de condigno, & ad aequalitatem gratiam tam actuale, quam habituale; dissident autem hæc duo vltima, cum primo loco, quia si per h. ly: *aliquo modo condigna*, intelligitur intercedere actuale gratiam creditoris, nullo modo erit condigna talis satisfactio, quia ad hanc requiritur, quòd nulla intercedat in ipsa creditoris gratia. Similiter si purus homo de potentia Dei potest aliis mereri gratiam actuale & habituale, cum hæc sit peccati remissio, meretur remissionem peccatorum, sed hoc est posse pro aliis condignè satisfacere; ergo videtur sibi contrarius:

3. Prima ergo sententia in hac Quæstione negat posse purum hominem de potentia Dei absoluta pro aliorum peccatis condignè, & ad aequalitatem satisfacere. Ita D. Thom. in praesenti quæst. 1. art. 2. ad 2. D. Bonauent. in 3. d. 20. quæst. 4. Medina hic quæst. 1. art. 2. fol. 52. Pefantius quæst. 1. art. 2. disp. 4. conclusionem 1. Cabrera disp. 12. §. 4. conclusionem 2. Vasquez disp. 4. cap. 3. §. 4. & 5. apud quos Durand. Capreol. & Richard. citari etiam solent Ferr. 4. contra Gentes cap. 54. Soto in 4. d. 1. q. 1. art. 4. Caiet. 3. p. q. 1. art. 2. Sed immerito, quia isti loquuntur de satisfactione ex toto rigore iustitiæ, qui rigor ex-

cludit omnem gratiam etiam antecedentem, vt nos suprà explicuimus. In praesenti autem solum loquimur de satisfactione condigna, quæ reddit æquiualens, & vt nos dicimus de satisfactione ex toto rigore iustitiæ, qui excludit gratiam actuale, non antecedentem, sed diuersi diuerso modo probant sententiam istam.

Primo enim aliqui probant; quia 4. cum peccata sint infinita ratione personæ offensæ, & satisfactio sit finita ratione personæ satisfaciens, nequit ab ipsa pro aliorum peccatis exhiberi satisfactio condigna. Ita D. Thomas, D. Bonauentura, & alij pro hoc modo dicendi Quæstione secundà relati. Deinde Suarez; & alij ibidem citati, licet non putent, quòd offensæ crescat in infinitum ratione personæ infinitæ offensæ; tamen, vt ibi dixerunt, censent ita crescere, quòd numquam possit satisfactio puri hominis esse illi æqualis; sed vtrique doctrina satis in prædicta Quæstione impugnata est, idèd hic non adducimus impugnationes. Legantur ibi:

Secundò, probant Soto, Caietanus, 5. & alij, quia prædicta satisfactio hominis puri inniteretur gratiæ creditoris, cum actus, quibus satisfaceret, essent de condigno meritorij ratione gratiæ Dei: illa autem satisfactio, quæ in gratia creditoris fundatur non est condigna. Sed similiter ibi responsum est ad rationem istam, & diximus, quòd quando gratia creditoris solum est antecedens, & translata iam in dominium debitoris, non tollit, quòd satisfactio sit condigna, quia tunc talis homo ex propriis redderet æquiualens, licet habuisset ex mera & liberali voluntate creditoris, quòd gratia, & alia dona tam supernaturalia, quam naturalia, requisita ad tales actus, essent sibi propria, sicut diximus Quæstione primà de restitutione facta à filio & seruo, ex his quæ iam sunt illi propria, licet quòd essent sibi propria, habuerint ex liberali & gratuita donatione patris, vel domini. Et modò iterum confirmò, quia si filius, vel seruus satisfaceret furtum, vel quid aliud alteri personæ, quæ non esset pater, vel dominus, ex his, quæ gratiose recepit à patre,

vel domino, si tunc redderet æquiualens iuxta mensuram arithmeticam, illa satisfactio esset condigna, & ex iustitia deberet acceptari; ergo idem est necessariò dicendum, si restitutio fieret patri, vel domino; aliàs neque respectu alterius personæ erit possibilis adæquata satisfactio, quod est falsum per se patet: unde ratio præfata aduersariorum, vt supra notauimus, solum probat talem satisfactionem non esse ex rigore iustitiæ, prout rigor excludit omnem gratiam creditoris, etiam antecedentem.

6. Tertiò probat Vasquez, quòd satisfactio hæc hominis puri pro aliorum peccatis solum posset esse merendo de condigno illis auxilia, quibus disponuntur ad remissionem illorum, & merendo gratiam iustificantem, quæ formaliter mundarentur, & iustificarentur ab illis, vt fecit Christus; sed meritum cum sit condignum, à gratia habituali non poterit esse condignum pro remissione peccatorum alterius ab ipso subiecto, in quo inhaeret gratia, quia hæc ex natura sua est semen gloriæ in subiecto, in quo est aliàs beata Virgo, & Apostoli possent pro nobis de condigno mereri gratiam primam, augmentum illius, & gloriam. Quare sicut granum tritici, quod est semen tritici, non potest esse semen alterius fructus in specie distincti, v. g. hordei, etiamsi perfectissimum, & intensissimæ virtutis sit; ita gratia, quæ solum est semen gloriæ respectu huius subiecti, non potest, etiamsi intensissima sit esse semen gratiæ, & gloriæ alterius subiecti, quia hoc esset fructus in specie distinctus.

7. Sed contrà primò, quia Christus Dominus meruit nobis prædicta auxilia, & gratiam habitualement per gratiam habitualement eandem in specie cum nostra, vt latè dicemus contra ipsum Vasquez, dum agamus de gratia Christi; ergo gratia potest esse semen gratiæ, & gloriæ aliorum. Secundò, & à priori, quia gratia & opera bona hominis iusti possunt habere dignitatem & valorem apud Deum per acceptionem ipsius; ergo possunt habere maiorem dignitatem & valorem per maiorem acceptionem; ergo licet de facto non acceptentur in beata Virgine, & Apostolis,

quia hoc referuatum est Christo Domino, qui omnium hominum constitutus est caput morale, tamen de potentia Dei absoluta non repugnat, quòd acceptentur pro remissione condigna peccatorum cuiuscumque alterius hominis.

Sed respondet Vasquez, gratiam, & merita non habere valorem ex acceptione Dei, sed ex natura sua. Sed contrà, quia iam Quæstione primà huius Disputationis probauimus hoc esse falsum, quia à priori, & tamquam à causa, idèd actus sunt meritorij apud Deum, quia acceptantur ab ipso, sicut idèd sunt entia & bona, quia Deus vult illa esse entia & bona, non econtrà: unde gratia habitualis non est ipsa acceptione Dei passiva, sed fundamentum, quare Deus hominem habentem illam, & opera eius acceptat, vt bene Scotus in 1. d. 17. quæst. 2. §. *ad solutionem*, vers. *discipulus*, litt. G. vbi duplicem distinguit acceptionem in gratia, vnam communem cum aliis creaturis, quæ vult illas esse; aliam specialem, quæ subiectum ex eo quod decoratum est illa, & opera eius acceptat ad præmium & hereditatem, & hæc superuenit naturæ gratiæ, consistitque in relatione rationis orta ab actu diuinæ voluntatis acceptante, vt habet ipse Scotus ibidem §. *sed tunc est ulterius*, litt. K.

Contrà tertiò, quia licet gratia, & merita non haberent valorem ex acceptione, tamen posset Deus de sua potentia, sicut creauit gratiam solum dantem ex natura sua ius subiecto habenti illam, vt vult Vasquez; creare aliam formam, quæ ex natura sua daret ius alicui homini, vt sibi & aliis haberet auxilia & gratiam iustificantem, nulla enim in hoc apparet repugnantia.

Contrà quartò, quia iuxta naturam gratiæ, quæ est sanctificatiua esse hominis interioris, esse reconciliatrix & redemptiua esse formaliter; ergo si daretur homo in puris naturalibus absque peccato etiam originali, vel debito contrahendi illud, in quo non posset gratia præstare talem effectum formalem reconciliandi, non esset contra naturam huius gratiæ in specie, quòd effectus iste posset aliis efficienter à Deo appli-

applicari, & consequenter quoddam talis homo mereretur auxilia & gratiam, quibus alij homines Deo reconciliarentur. Imò etiam si talem effectum reconciliandi præstaret (sicut modò præstat) his, qui iustificanti, posset hoc similiter habere. Dices: Ergo Adam si perseveraret in statu innocentie, hoc posset pro aliquo postero eius existente in peccato mortali actuali præstare: imò & quilibet alius ex his, qui modò iustificanti. Respondeo concedendo de potentia Dei absoluta, & quoddam hoc non esset contra naturam gratiæ, sed iuxta eam, quoddam est quod intendimus contra Vasquez. Vnde ad eius fundamentum respondemus primò hoc non esse concessum Virgini & aliis, quia reservatum est Christo per specialem acceptationem Dei, naturæ gratiæ supervenientem; & sic nego, quoddam ex natura sua sit semen gloriæ solum respectu habentis, sicut granum tritici respectu tritici, quia hoc solum habet ex acceptatione speciali Dei, de facto sic statuente & ordinante respectu nostri, nam de se indifferens est ad acceptationem pro vno subiecto, vel pro pluribus. Ita Faber disp. 47. cap. 2.

11. Secundò, respondeo non fore contra naturam gratiæ, quoddam ex illa homo haberet non solum ius ad reconciliandum seipsum, sed etiam alterum, vel utrumque: vnde si per gratiam non reconciliaretur quis cum Deo, quia non indiget tali reconciliatione, posset de potentia Dei habere per illam ius, ut alter homo cum Deo reconcilietur; & idem erit si reconcilietur, quia indiget reconciliatione, si, quod debitum est gratiæ formaliter, etiam velit Deus esse debitum efficienter, quia sicut formæ coloris debitum est formaliter calefacere, etiam est debitum calefacere efficienter ligna sibi applicabilia, ita suo modo respectu gratiæ in genere causæ non phylicæ, quia non est ut talis reconciliatus, sed in genere causæ moralis, sicut debitum est formaliter reconciliare, posset iuxta naturam eius esse debitum reconciliare efficienter de condigno per opera elicita ex ipsa, non solum proprium subiectum, sed etiam quodlibet aliud applicatum à Deo, tunc autem semen omnium horum effectuum esset.

Secunda & vera sententia affirmat posse purum hominem de potentia Dei absoluta pro aliorum peccatis condignè & ad æqualitatem satisfacere; & hoc quod dicimus de puro homine, dicimus etiam de Angelo. Ita expressè Scotus in 3. d. 19. §. 1. *principale, ver. unde breviter dico*, & ver. *ad 4. dico*, & d. 29. quæst. vnicà, §. *contra illud*, & in 4. d. 15. quæst. 1. §. *quantum ad istud*. Nec obstat quod aliqui respondent, quoddam loquatur de satisfactione congrua, non de condigna, quia contrà est, nam ad illam non requireret summam gratiam, neque quoddam homo esset innocens, sicut Christus, neque ferè æquipararet meritum puri hominis merito Christi, neque assereret de Adamo primo parente, quoddam potuisset maiori conatu Deum diligere, quàm illum offenderat, & Deum potuisse pro suo peccato tales acceptare actus; neque requireret maiorem bonitatem in actibus, quibus fieret satisfactio, quàm fuisset peccatorum malitia; maxime cum satisfactio de congruo pro aliorum peccatis de facto reperitur in iustis, ut supra diximus. Vnde ita cum Scoto defendunt eius discipuli: Faber ubi suprà. Pitigianus in 3. d. 20. art. 4. supponit Smiling lib. de Deo; & vno tit. 3. disp. 4. quæst. 5. num. 70. in medio, licet hic solum admittat condignitatem negativam, & ex fidelitate, non ex iustitia. Vega lib. 8. in Trid. cap. 5. & lib. 7. cap. 9. tenet illam Gab. in 3. d. 20. quæst. vnicà, & ex Thomistis Caiet. 3. p. quæst. 1. art. 2. Scotus in 4. d. 1. quæst. 5. art. 4. & lib. 3. de Natura & gratia cap. 60. circa quartam conclusionem. Ioan. de Medina eodice de Satisfactione quæst. 1. & magis se in illam, quàm in contrariam inelinat Lorca disp. 6.

Sententia hæc probatur primò à priori, quia acceptatio dat operibus ex gratia procedentibus non solum rationem meriti de condigno, seu dat ius iustitiæ, sed etiam augeat valorem iuxta dicta Quæstione primà huius Disputationis, & in hac quæst. in refutatione Vasquez, sed Deus potest acceptare opera hominis iusti pro remissione peccatorum aliorum, quia hoc est illi liberum; ergo purus homo potest de potentia Dei satisfacere de condigno pro illis.

14. Neque obstat contra istam propositionem, quod Vasquez obiicit, quod si acceptatio præstat etiam valorem, frustra requireretur, quod gratia habitualis esset ita intensa, sicut gratia Christi, & quod opera essent perfectissima ex objecto & circumstantiis, quia totum hoc posset Dei acceptatio supplere. Respondeo enim non requiri à Scoto talem intensiorem, & perfectionem ut simpliciter necessariam: posset enim suppleri per acceptationem, ut bene probat argumentum; sed illam requirere, ut acceptatio Dei sit connaturalior, & talis ipsius providentia magis suavis: sicut enim in humanis, quod pulchrior est aliqua persona, eò magis est illi connaturale (licet non debitum essentialiter) quod acceptetur ad maiorem amorem, & ad maius beneficium, & quod magis diligit, & potiora beneficia, licet non sint debita, sunt tamen illi magis connaturalia. Ita similiter, quod pulchrior coram Deo esset purus homo per gratiam intensam, tanto connaturalior esset illi acceptatio maior; & quod perfectiora essent eius opera, tanto suavior esset illi providentia specialis acceptans illa, non solum pro remissione priorum delictorum, sed etiam & pro aliorum.

15. Secundò, probant alij à simili, quia ex pacto Dei primus parens Adam posset transferre gratiam, & iustitiam originalem, si non peccaret, sicut transfuit carentiam & priuationem illius (quæ est peccatum originale) quia peccavit; ergo similiter ex pacto Dei posset purus homo per opera meritoria ipsius transferre auxilia, & gratiam iustificancem, ut alij à peccatis munderentur. Et consequenter posset de condigno satisfacere pro illis ex acceptance Dei. Hæc tamen probatio non currit in omnibus, quia Adam non transferret gratiam, ut causa efficiens meritoria, sed tantum ut conditio, sine qua non; currit tamen in eo, quod sicut ex speciali voluntate Dei potuit transferre iustitiam in posteros, ita posset & alius in genere causæ meritorie.

16. Sed obiicies primò contra nostram sententiam argumentum còmunè sententiæ contrariæ, quia si purus homo posset de condigno pro aliorum pec-

catis satisfacere, non esset necessaria Verbi divini, vel alterius personæ Trinitatis Incarnatio, quod adversari videtur pluribus Sanctorum & summorum Pontificum auctoritatibus, quas adducit Suarez in presenti disp. 4. sect. 2. & Vasquez disp. 4. cap. 3. Respondeo, quod cum Patres (ut notavit Lorca disp. 6.) nullum assignent rationem propter quam pura creatura non potuisset perfectè satisfacere præter Anselmum, de quo diximus disp. 1. quæst. 8. possumus illa explicare, quod loquantur de necessitate ex suppositione, quod Deus voluerit, vel medicinam applicare præstantiorem, quàm morbum; & quod bonitas meriti esset melior ad hoc, ut satisfactio esset maior, quàm offensa, ut vbi abundavit delictum, ibi superabundaret & gratia, ut habet Scotus in 4. dist. 15. quæst. 1. *quantum ad istum ergo artic.* vel ostendere nimiam suam charitatem, quã dilexit nos, ut habet Scotus in 3. dist. 21. quæst. vnicâ, *ad primum principale*; vel ut ei omnino teneremur, sicut enim magis quis tenetur & obligatur esse gravior ei qui genuit, curavit & educavit, quàm ei qui tantum genuit, ita magis tenemur Deo, qui non solum genuit, sed per Incarnationem & educavit, & sanavit. Ita Scotus in 3. *ad questionem dico*; vel, ut latius infra dicemus cum Scoto ex suppositione, quod Deus vellet redimere per satisfactionem ex se copiosam, & non indigentem Dei acceptance, ut valor ipsius accresceret, imò & superaret delicta; non autem loquantur de necessitate simpliciter, ut de condigno fieret satisfactio pro aliorum hominum culpis, quia hoc, ut probauimus de potentia Dei, posset pura creatura ratione acceptance præstare.

Obiicies secundò, quia illa non est 170
condigna satisfactio, quæ sit ex gratuito acceptis à creditore; sed sic se habet perfecta satisfactio puri hominis, quia habet suum valorem, saltem partialiter ab acceptance Dei; ergo. Respondeo distinguendo maiorem, vel enim acceptatio se habet per modum ordinationis, & legis antecedentis, & ut sic nego maiorem, quia licet illa ordinatio, aut lex penderet ex
mera

mera & gratiosa voluntate creditoris, tamen semel facta per ipsam acquirit debitor ius iustitiæ, vt adimplens conditionem, quæ se habet per modum meriti, sibi retribuatur merces, aut remittatur debitum: vel acceptatio est specialis, & subsequens (de qua quæstione primâ huius Disputationis) & vt sic concedo, quia tunc est gratuita partialis solutio debiti; nos autem non locuti sumus de hac secunda, sed de prima.

18. Ex quibus deducitur, quodd in casu, quo gratia, & merita condigna pro aliorum peccatis acceptarentur, talis acceptatio non esset violenta, & præternaturalis gratiæ, præcipuè summæ, quam posset habere purus homo (vt minùs benè aliqui notant Scotistæ) aliàs gratia habitualis Christi esset violenter, & supernaturaliter accepta à Deo, quod videtur falsum: quodd enim talis gratia sit in homine Deo non mu-

tat eius intrinsecam naturam, sed potius esset illi connaturalis, & iuxta eius naturam; quia, vt diximus contra Vasquez, iuxta naturam gratiæ est, quodd sit reconciliatiua formaliter, quodd habet annexum de facto ex acceptance Dei, & sic ex pacto Dei potest esse reconciliatiua efficienter, licet non physicè, vt habent formæ naturales, moraliter tamen, imò & de facto hoc habet gratia Christi dignificans eius merita, vt nobis retribuatur gratia; sicut non est contra naturam decoris, & pulchritudinis, sed iuxta eam, quodd feminæ pulchræ nimis, & decoræ ratione pulchritudinis, & decoris acceptentur earum opera, non solum in propriam vtilitatem, sed etiam in vtilitatem aliorum, si ab illis in illorum consecutionem ordinentur; gratia autem habitualis est quædam animæ pulchritudo, vt probabimus in materia de Charitate disp. 3. quæst. 4.

DISPUTATIO III.

DE

SATISFACTIONE EXHIBITA

A CHRISTO DOMINO.

Hucusque nunc egimus de satisfactione etiam possibili puri hominis, vt an fuerit simpliciter necessaria, an solum utilis Christi Domini Incarnatio ad illam cognoscamus, & solum fuisse utilem, & necessariam ex suppositione decreuimus: vnde nunc de vtilitate ipsius, quantum ad satisfactionem, quam pro nobis præstitit, venit agendum, quodd exactè persequentes examinabimur Quæstiones.

QVÆSTIO PRIMA.

Quo pacto fuerit satisfactio Christi condigna?



Vo supponit, & vnum inquit Quæstio præfens: Primò, supponit Christum Dominum pro aliorum peccatis satisfecisse. Secundò,

quodd talis ipsius satisfactio fuerit condigna; & inquit vnum, scilicet quomodo fuerit condigna, an ex natura rei,

& seclusa Dei acceptance, an potius è contrâ non ex natura rei, sed ratione acceptance diuinæ.

Primum suppositum statuitur contra vnum errorem pluribus, sed diuersimodè communem, qui negat Christi satisfactionem pro peccatis aliorum: hunc enim habent Iudæi illi, qui de peccati captiuitate & satisfactione nil recolentes, Christi Domini aduentum autumabant, eo præcisè esse futurum, vt eos è Romanorum iugo ereptos in pristinam reuocaret libertatem, similiter

liter habet Abailard. apud D. Bernardum epist. 190. qui sicut negabat diaboli in homines potestatem; ita consequenter negabat satisfactionem Christi, vt ab illa potestate eriperentur, & solum ipsius Incarnationem vt vtilem ad hoc, vt ab ipso doctrinâ suâ instruerentur, docebat. Et denique habent Pelagiani. quatenus asserentes peccatum originale ab Adam in posteros non verè, sed tantum imitatione derivari, nullam pro ipso Christi Domini, neque alterius satisfactionem requirebant, & asserentes peccatorem solius naturæ viribus posse à propriis actualibus peccatis liberari, satisfactionem Christi pro ipsis esse requisitam negabant; qui errores latè apud Recentiores referuntur, & refutantur.

3. Pro nunc autem sufficiat nobis contra Iudæos probare ex Psalmo 106. *Dicant nunc, qui redempti sunt à Domino, quos redemis de manu inimici.* Et quod redemptio hæc sit per satisfactionem, & inimicus sit peccatū, habetur Danielis 9. vbi promittitur Christi aduentus, vt finem recipiat peccatum, & deleatur iniquitas. Contra Abailard. verò probauimus iam disp. 1. quæst. 8. in fine. Cōtra Pelagianos latè probatur in materia de peccatis, & de gratia, sed modò probatur ex illo Matth. 1. *Vocabu nomen eius Iesum, ipse enim saluum faciet populum suum à peccatis eorum.* Et ad Titum 2. dicit Paulus: *Dedit semetipsum pro nobis, vt nos redimeret ab omni iniquitate.* Et 1. Ioan. 1. *Ipse est propitiatio pro peccatis nostris, non tantum pro nostris, sed etiam pro totius mundi.* Vnde totum hoc definitum est in Trident. sess. 6. & decreuit Innocent. epist. 2. ad Bernard.

4. Ex quibus non debent colligere Lutherani, quod nos non indigemus nostrâ cooperatione & satisfactione, vt à peccatis nostris mundemur, quia Christus pro nobis satisfecit condignè, nam condigna hæc Christi satisfactio fuit merendo nobis de condigno auxilia, vel sufficientia, vel efficacia, quibus disponamur ad iustificationem, & postea gratiam iustificantem, quâ interius renouemur. Quare Paulus ad Hebræos dicit de Christo, *Quod obtemperantibus illi factus est causa salutis nostræ.* Et ad Coloss. 1. dicebat: *Adimpleo ea, quæ desunt passioni Christi in carne mea;* & sic etiam

operibus nostris, & nostrâ satisfactione indigemus.

Secundum suppositum statuitur contra Durandum in 3. d. 20 q. 1. denotantem Christi satisfactionem, adhuc ex acceptance Dei non fuisse condignam & æqualem, sed solum congruam. cui adhæsisse refertur Medina codice de Satisfactione quæst. 1. 1. *resstat ergo.* Suppono ergo Christi Domini satisfactionem fuisse condignam & æqualem, imò & superabundantem debito totius generis humani; quare Suarez disp. 4. sect. 3. conclus. 3. ait oppositum non esse improbabile, sed nec pium, nec fidei satis consonum. Valquez disp. 5. cap. 2. ait, numquam sibi prebari potuisse. Hærique lib. 5. Summæ cap. 18. litt. L & M esse temerarium & impium. Alter Medina in præsentī quæst. 1. art. 2. pag. 60. col. 1. Christum & sacras Scripturas cōculcare, sicque notant quamplures alij Auctores: vnde hoc supposito nostra est communis apud Scholasticos sententia.

Ex professio autem probat Paulus illam ad Rom. 5. vbi dicit: *Sed non sicut delictum, ita & donum: sicut enim vnus delictum multi mortui sunt, multo magis gratia Dei, & donum in gratia vnus hominis Iesu Christi in plures abundauit; & sicut per vnus hominis inobedientiam peccata constituti sunt multi, ita & per vnus obedientiam iusti constituuntur multi; lex autem subintravit, vt abundaret delictum, vbi abundauit delictum, ibi superabundauit & gratia.* Et Lucæ 9. *Dicebant excessum eius, quem completurus erat in Ierusalem.* Sic acutè probauit Valencia disp. 1. q. 1. puncto 5. quæstiunculâ 5. Et Isaia 10. *Consummata abbreviata inundauit iustitiam;* quod interpretatus fuit Paulus ad Rom. 9. de Christo, vt habet ibi Hieronymus, id est, operationes Christi consummata, & abbreviata in Verbo, quod Deus fecit abbreviatum, quasi exundantem iustitiæ, & æquitatis, seu æqualitatis fontem effunderent pro expiandis peccatis sordibus cum equali & superabundanti satisfactione.

His consonant Pontifices, & Ecclesiæ Patres; Caius Papa in epist. 1. decretali super illud Pauli ad Rom. 5. supra citatum subdit: *Validum factum est donum libertatis, quam debitum seruitutis à quo eadem verba desumpit Leo I.*

in epist. 83. & ferm. 12. de Passione, & ab ipsis desumpsit Agapitus in epist. decretali, quæ habetur in 2. tom. Conciliorum post secundum Concilium Toletanum, quod notauit Vasquez cap. 7. & post ipsum Lorca disp. 7. Præterea Chrysost. tom. 4. ferm. 10. super prædictum locum Pauli ait: *Multo siquidem, plurāq; debebamur, Christus pro nobis soluit, tantōq; plura, quanto gurgulim exigui pelagus excedit immensum.* Et paucis interiectis: *Nec sollicitus inquiras, quomodo se in illa illa mortuū, ac peccatis, tantō sit donorum super indulto mari soluta & extincta.* Hæc & plura alia videri possunt apud Recentiores.

8. Iſti autem Durandus & Medina inuoluunt Scotum nostrum, quasi esset eiusdem sententiæ cum illis, sed vel ipsum oscitantur legerunt, vel percipere non valuerunt, non attendentes, quod Scotus in 3. d. 19. quæst. vnicā, §. *in ista quæst.* post litt. B. expressè dicit, quod meritum Christi ratione personæ diuinæ habuit circumstantiam infinitam, ratione cuius congruentiam habebat, vt pro infinitis acceptaretur, quæ non esset in merito alterius personæ non infinitæ; congruentia autem idem est apud ipsum, ac apud Recentiores valor, & dignitas, non autem ab ipso Scoto sic appellatur, quia cum non sit integer valor, vbi non est verum ius erga præmiantem (cum hoc non possit esse erga Deum absque acceptatione, vt ipse ibidem tenet) hinc est quod non appellet valorem, sed congruitatem. Idemque repetit Scotus dist. 20. q. vnicā, §. *ad 1. litt. F.* & §. *sume ad quæstionem dico*, vbi probat nostrum suppositum per illa verba psalmi: *Copiosa apud eum redemptio.* Et in 4. dist. 1. §. q. 1. §. *quantum ad istum ergo artic.* litt. E. habet hæc verba: *De potentia tamen ordinata non disposuit Deus sibi reconciliare inimicum, nisi per obsequium magis grati, quam offensa eius erat sibi displicens, & tale obsequium eius est passio Christi, vel meritū eius.* Vbi pōderandum est, quod loquitur de valore meritorum, quem habent ante acceptationem, quia per illā ex sententia Scoti intertio nuper citato solum possunt habere valorem æqualem cum debito, siquidem pro illo solum satisfactio acceptatur actualiter. quare cum dicat, obsequium fuisse Deo magis gra-

Castillo de Incarn. Pars I.

tum, loquitur de acceptabilitate, quam illud ante acceptationem habebat. Neque enim abundantia meriti potest esse ex acceptatione, quia hæc vel supplet valorem, vt in nobis, vel vt plurimum dat integrum ius ad præmium sibi proportionatum: vnde ab hac iniuria meritō liberatur Scotus à Lorca loco supra citato num. 3. & 19.

His duobus prælatis, modò venit vnum cōtrouertendum, scilicet an prædicta Christi satisfactio fuerit condigna & æqualis ex propria ipsius natura, an ex Dei acceptatione, hoc est, an si in balance penderent merita Christi, & debitum peccatorum tam originalium, quàm actualium ab hominibus contractum, & in vnā lance poneretur debitum, & in alio poneretur merita Christi, antequam per quamcumque acceptationem à Deo acceptentur, an esset necessarium ad hoc vt lanx meritorum esset æqualis cum lance debiti, vt superimponeretur Dei acceptatio in illa simul cum merito; an verò sine illa haberet æqualitatem, imò & propter abundantiam valoris præponderaret, & declinaret deorsum.

Prima sententia negat merita Christi ex sua natura habere æqualitatem, & præponderare ad debitum peccatorum: sed, inquit, ad hoc esse necessarium Dei acceptationem. Hæc sententia tribuitur Durando & Medina supra citatis, & illam videntur adstruere, quotquot ad condignitatem meriti cuiuscumque requirunt acceptationem, quare ante illam solum admittunt in merito congruitatem. Ita Rada in 3. controuersia 13. art. 2. conclusionem 7. & art. 3. paulò ante primam conclusionem, & conclusionem 3. Pitig. dist. 18. quæst. vnicā, art. 1. & dist. 20. art. 3. Faber disp. 46. & deinceps cum Scoto in 3. dist. 19. q. vnicā, §. *in ista quæstione*, & plures alij Auctores præcipuè nominales: quorum fundamentum est ratio tradita, quia sicut non est meritum condignum respectu Dei absque acceptatione, ita non est vera condignitas, nec verus valor ante illam; & sic videtur inferri, quod absque illa lanx meritorum Christi non potest præponderare, & grauitare deorsum.

Secunda sententia per oppositū affirmat, 11.

H

mat,

mat, merita Christi ex sua natura habere æqualitatem, & præponderare ad debitum peccatorum; neque ad hoc esse necessariam Dei acceptationem. Ita Vasquez disp. 5. cap. 2. quem alij Iuniores sequuntur, quorum fundamentum est, quia opera Christi erant hominis Dei, sicq; habuerunt valorem simpliciter infinitum, saltem moraliter, vel valorem, tamquam thesaurum inexhaustibilem, licet non esset infinitus simpliciter (quod est esse infinitum secundum quid) debitum verò omnium peccatorum, neque ex obiecto & circumstantiis fuit simpliciter infinitum, neq; fuit similiter inexhaustibile; quare merita Christi non indiguerunt Dei acceptatione, vt ipsorum lanx præponderaret. Quod confirmant pluribus SS. & Patrum testimoniis suprà adductis, & infra adducendis; excellentiam meritum Christi extollentibus.

12 Tertia sententia media duo distinguit in quolibet opere meritorio de condigno, etiam Christi: Primum quod distinguitur est valor & dignitas operis, & secundum hunc valorem tenet cum secunda sententia, quod merita Christi erant condigna & æqualia, imò & præponderabant cōparata cum debito peccatorum: cuius fundamentum est, idem quod tradidit ipsa secunda sententia. Secundum quod distinguitur est ius iustitiæ, quod reperitur in opere meritorio, ratione cuius illi ex iustitia in ratione meriti debetur præmium, & in ratione satisfactionis debetur remissio debiti, & secundum hoc ius tenet prima sententia, quod merita Christi non erant condigna, & æqualia, & superabundantia absque acceptatione. Cuius ratio duplex est: Prima à priori, quia respectu Dei nullum est meritum condignum, nisi quia acceptatum ab eo, & ordinatum ad hoc præmium. Secunda à posteriori, quia si acceptatio non esset necessaria non videtur, quare Christus non satisfecit, etiam pro debito dæmoniorum, cum eius merita essent ita excessiue valorosa, & ipse pro suis inimicis obtulisset. Ita tenent quidam Scottiæ in manuscriptis, desumpseruntq; ex Lorca, hoc tamquam probabile approbante disp. 7. citatâ.

13 Sed antequam nostram proferamus sententiam, vt cum claritate proceda-

mus, notatu dignum existimo, quod sicut duplex est ius in qualibet re, vel actione, per quâ potest fieri satisfactio, aut recipi præmium; ita duplex est valor in illa (& idem dico de dignitate seu condignitate, quia valor, dignitas, condignitas synonyma sunt in nostra sententia) primum ius est in ordine ad rem, secundum est in ordine ad personam. Ius in ordine ad rem est titulus, quem acquirit actio meritoria laborantis in ordine ad rem, seu in ordine ad pecuniâ reddendam à præmiante, & hoc ius semper habetur ratione æqualitatis huius rei ad illam; quia tamen hæc nō est semper illi æqualis ex natura rei, seu physice, vel ex cōmuni æstimatione, seu moraliter; hinc fit, quod aliquando sit necessaria creditoris vel præmiantis acceptatio, quæ talem perficiat seu cōsummet æqualitatem: vnde ius hoc originatur ex ipsa rei ad rem æqualitate, ex quocumque capite talis æqualitas illi proveniat. Ius verò in ordine ad personam est titulus, quem persona laborans ratione laboris acquirit in ordine ad personam præmiantem, & hoc ius non originatur ex æqualitate rei ad rem, licet illam supponat tamquam partialem rationem meriti, sed originatur ex voluntate præmiantis, ordinantis, seu acceptantis hoc meritum in ordine ad hoc præmium (& nunc non agimus an hæc iura sint iustitiæ, vel fidelitatis, quia de hoc quæstione 3. erit sermo) Ratio huius est, quia cum res, quæ futura est, præmium sit sub dominio præmiantis, dependet ab eius consensu iusta illius alienatio vel donatio, & sic in laborante non potest esse ius seu titulus ad illam, nisi etiam habeat ius & titulum ad personam præmiantem, ortum ex propria ipsius voluntate: vnde etiam si aliquis labore per vnum, & per plures dies in vinea aliena, dominus vineæ non tenetur reddere præmium laboris, nisi promississet reddere, vel cum illo pepigisset se pecuniam tantam pro tali labore redditurum. Et hoc in simili de contractibus tenet Suarez disp. 4. sect. 5. & cum eo plures alij.

Eodem similiter modo est de valore meriti & satisfactionis philosophandum; alius est enim valor meriti ad præmium, & satisfactionis ad remissio-

14.

nem

nem, qui est rei ad rem, & iste attenditur iuxta æqualitatem vnius rei ad alteram, siue hæc æqualitas oriatur ex natura rerum, vel ex communi æstimatione, vt contingit in humanis, & in meritis Christi, vt infra dicam; siue partim ex natura rei, vel æstimatione, & partim ex acceptatione Principis habente se per modum legis, vt etiam in humanis solet contingere, & de facto contingit nobis respectu Dei præmiantis nostra merita per augmentum gratiæ & gloriæ, quarum non sunt condigna, quia non sunt condignæ (vt inquit Apostolus) passionibus huius temporis ad futuram gloriam, &c. & tamen fiunt condignæ ex eius acceptatione, quia meremur illam de condigno, & non de congruo. Alius est valor meriti in ordine ad personam præmiantem, & satisfactionis in ordine ad personam creditoris, & iste attenditur iuxta acceptationem illius, quia nullus potest habere ius ad rem alterius, cuius est propria, nisi ipso volente, vel per acceptationem huius meriti pro illo præmio, vel per ordinationem huius meriti ad hoc præmium, vel per pactum dandi hoc præmium, si fiat tale meritum; vel remittendi iniuriam, si fiat tale obsequium, quouis modo, quo volueritis illum appellare: vnde requiri pactum ad meritum præter Scotum, & Scotistas tenent ipse D. Thomas 1. 2. quæst. 114. art. 4. Bellarminus 5. de Iustificatione cap. 14. Vega cap. 5. Valencia 2. tom. disp. 8. quæst. 6. parte 2. Guillelmus Parisiensis de merito cap. vnico, Gabriel Gregorius, & Ocham in tertio Sententiarum dist. 19. estque expressa sententia D. Augusti. ferm. de Verbis Apostoli, Fulgentij lib. ad Monimum in Prologo, Bernardi lib. de Gratia, & libero arbitrio; imò hoc satis clarè insinuat Concilium Trident. sess. 6. de Iustificatione cap. 16. & rationes adductæ veritatem istam demonstrant.

15. Ex quo infertur primò contra Thomistas admittentes acceptationem, vel pactum præcipuè in contractibus, talem acceptationem, vel pactum non se habere, vt conditionem sine qua non, vt ipsi volunt; sed habere se, vt ultimam rationem formalem completiuam meriti condigni, vt vult Scotus in 1.

d. 17. quæst. 1. suprà sæpè sæpius citata. Et ratio est, quia meritum condignum formaliter includit duplicem respectum, ad præmium scilicet, & ad præmiantem, aliàs posset esse tale meritum in actu secundo, & in executione absque eo quod in recto includeret ordinem, & ius domini, seu rectæ possessionis ad præmiantem, sicut habet ad præmium in executione redditum. Et confirmatur, quia non potest intelligi vera & formalis ratio meriti condigni; nisi intelligatur vera obligatio sibi retribuendi præmium; sed hæc formaliter non intelligitur, nisi intelligatur ille respectus ad retribuentem præmium; ergo de primo ad vltimum non intelligitur vera & formalis ratio meriti condigni absque illo respectu ad præmiantem.

Ex hoc infertur secundo, quod cum meritum condignum formaliter includat hunc duplicem respectum, si illi deficiat vltimus respectus, qui est ad personam præmiantem, etiam si habeat primum, qui est ad præmium, non potest absolute dici meritum condignum, nisi cum addito, scilicet respectu rei, quæ est præmium, sed absolute dicitur meritum congruum, & esse in statu congruitatis, quare meritò Scotus semper quado loquitur de merito etiam Christi Domini considerato ante Dei acceptationem illud appellat congruum. Legatur in primo iam citato *sed tunc est vltimus*, vers. *Respondeo in hoc est*. Et in 3. d. 19. q. vnica, *in ista quæst. vers. quantum ergo valuit*. Quibus suppositis

Dico primò: Si merita Christi, vt condigna sunt, & prout includunt duplicem respectum, ad præmium scilicet, & ad præmiantem, accipiuntur, indigent acceptatione Dei, vt ipsorum lanx sit æqualis cum lance debiti peccatorum. In quo sensu vera est prima sententia, & prout ei adhæret tertia: neque enim Auctores illarum volunt de trahere à meritis Christi abundantiam illorum, quia hæc expressa est apud SS^{os} & Patres, vt infra dicemus, & ex eorum probationibus potest inferri solum contendisse condignitatem formalem cuiuscumque meriti in ordine ad Deum, ab acceptatione eius prouenire. Ita tenet Scotus in 3. d. 18. q. 19. & 20.

18. Hæc conclusio primò probatur ex SS: & Patribus adstruentibus Dei acceptionem, & pactum ad condignitatem meritorum Christi Psal. 2. vers. 8. dicit Pater æternus ad Filium: *Postula à me, & dabo tibi gentes.* Et Isaias cap. 53. dicit: *Si posueris pro peccato animam suam, videbis semen longævum, & voluntas Dei in manu eius dirigetur pro eo quod laboravit, anima eius videbit, & saturabitur;* & huc spectat pactum, fœdus, testamentum, & iusurādum, quo passim in SS: promittitur antiquis Patriarchis fuit Christi redemptio. Vnde Ambros. tom. 2. super verba psalmi 118. *Suscipe me secundum eloquium tuum, & vivam;* dicens, *Quod nos petimus, quod suscipiamur in Christo;* subdit: *Involanda autem præsumptionis videretur dicere Domino: Suscipe me, nisi promissum eius adiungeres hoc est, ut hoc auderemus, ipse fecisti, tuo te chirographo convenimus.* Præclara verba, quibus nostra satis manet probata conclusio.

19. Secundò probatur ratione sepè tradita, quia nil creatum potest inducere obligationem in Deo, nisi ipse prius se voluerit obligare, aliàs Deus non esset supremus, & independens Dominus omnium; ergo opera Christi cum sint quid creatum non poterunt inducere obligationem, & habere ius erga Deum, ut sibi retribuatur in præmium remissionem debiti peccatorum nostrorum, nisi ipse Deus per suam acceptionem, & ordinationem ad id voluerit se obligare. Et confirmatur primò ratione tradita à tertia sententia, quia non videtur, quare Christus non satisfecerit pro debito demoniorum. Secundò, quia liberæ actiones Christi Domini, quas modò exercet in cælo, non sunt ex se minùs dignæ, quàm illæ, quas in simili exercuit in terris; & tamen illæ pro remissione peccatorum nostrorum non acceptantur, cum compleverit redemptionem nostram, quando tradens spiritum dixit: *Consummatum est;* ergo ab acceptione Dei dependet, quòd merita Christi sint in statu condignitatis. Quare conclusionem hanc præter Auctores citatos, excepto Vasquez, defendunt D. Thomas 1. 2. quæst. 114. art. 2. & 3. cum quo Conradus, & Caietanus, & plures alij ibidem, Suarez vbi suprà, & in materia de gratia lib. 12. de merito cap. 17. & 18. vbi loquitur de

meritis iustorum, Lorea in materia de gratia disp. 42.

Neque contra nostram conclusionem obstat primò, quòd merita Christi Domini sint Dei hominis, virilia sint, theandrica sint, quæ in idem reddunt iuxta sententiam Vasquez. Respondeo enim ex hoc non probari, quòd non indigeant Dei acceptione, cum sint quid creatum, & consequenter careant iure inducendi in Deo obligationem retributionis.

Neque similiter obstat, quòd secundò obiicit Vasquez cum Auctoribus secundæ sententiæ, scilicet Christum non satisfecisse ante suam Incarnationem pro antiquis Patribus, si esset aliquæ requisita acceptatio, præcipuè si hæc debeat se habere per modum pacti, quia hoc non potuit acceptari à Christo, antequam esset, & non inducit obligationem antequam acceptetur. Respondeo enim, quòd sicut Christus satisfecit in communi omnium Theologorum sententia pro antiquis Patribus per merita solum præviæ ut futura; ita per pactum solum præviisum ut futurum, & acceptandum à Christo. Et confirmatur, quia sicut in sententia Vasquez Deus dedit gratiam ex meritis Christi solum eis pro quibus Christus se obtulit, & tamen dedit illam antiquis Patribus ante oblationem Christi in re exhibitam, sed solum propter oblationem præviisam, ita similiter in acceptione contingit.

Neque tertio obstat, quòd aliàs Christi satisfactio non esset de rigore iustitiæ, cum non sit talis ea, quæ à voluntate creditoris acceptante dependet, quia dicimus, quòd quando acceptatio non est antecedens, & est aliquæ creditoris condonatio gratuita, tunc tollit à satisfactione rigorem iustitiæ; tamen quædo acceptatio est antecedens, & non est aliquæ condonatio, sed constituit ipsam naturam meriti, seu satisfactionis, ut in præsentem contingit, cum det illi respectum ad præmiætem, seu ad creditorem, sine quo respectu non esset formaliter completa & integra ratio meriti condigni seu satisfactionis, non tollit rigorem iustitiæ, de quo latius infra in propria Quæstione.

Neque quartò obstat, quòd aliàs valdus

20.

21.

22.

23.

lidius

lidius fuisset peccatum ad inducendam poenam, quam satisfactio Christi ad illius remissionem, siquidem peccatum ex se, & absque ulla acceptatione inducit poenam. Respondeo enim, quod si loquatur de peccato originali primi parentis, quo meruit nobis, quod rascamur filij iræ, est falsum; nam priuatio originalis iustitiæ, quæ deriuatur in nos, ratione pacti deriuatur, quod Deus fecit cum Adamo, quod si comederet de ligno vetito, morte (etiam spiritali) moreretur, id est, non erat transfusus in posteros talem iustitiam. Si verò loquatur de peccato actuali, & proprio, quo quis in se inducit obligationem in poenam damni, sensus similiter est falsus, quia etiam peccata nostra sunt ordinata ad prædictas poenas ex voluntate & ordinatione punientis, quod autem talis voluntas & ordinatio sit pactum, vel non sit: pactum, non præstat maiorem indignationem & valorem peccato, sicut neque præstat merito maiorem dignitatem & valorem, aliquando quia æquè valorosum esset respectu præmij meritum acceptatum ad præmij vt quatuor ex ordinatione Dei, ac si esset acceptatum ex pacto. Præterea diuersa est ratio inter meritum & demeritum, quoniam omnes Theologi tradunt, quod meritum condignum habet ius ad præmij; demeritum verò non habet ius ad poenas, sed solum habet subiectionem & obnoxietatem ad punientem seu iudicem, & consequenter ad eius poenas.

24 Dico secundò: Si merita Christi accipiantur solum prout includunt respectum ad præmij, non indigent acceptatione, vt sint in valore æqualia cum debito contracto ex peccatis tam originalibus, quam actualibus, imò sunt nimis superabundantia; ita quod lanx ipsorum in ima grauaretur, & excessiue declinaret deorsum: in quo sensu est vera secunda sententia, & tertia, prout ei adhæret; estque expressa Scoti locis in secundo supposito citatis, vbi admittit in operibus Christi maiorem congruentiam, vt acceptentur à Deo ratione personæ diuinæ, quam fuisset in eisdem operibus, si ab alia persona non infinita procederent; & asserit, quod licet de facto fuerint solum merita finita, quia pro infinitis peccatis & homi-

nibus accepta, tamen potuerunt esse infinita extensiuè, quia ratione talis circumstantiæ personæ diuinæ congruenter possent acceptari pro infinitis peccatis & hominibus extensiuè; & nos suprà reddimus rationem, quare merita sic accepta appellauerit congrua, & non condigna; & alibi iterum asserit, quod de facto disposuit Deus (hoc est, voluit per acceptationem habentem se per modum legis) sibi reconciliare inimicum per obsequium magis gratum, quam offensa erat illi displicens, & quod tale obsequium sit meritum, & passio Christi: quid clarius?

Quare meritò veniūt cōsultandi Auctores 3. sententiæ, qui ex eo probant hanc conclus. esse Scoti; quia ipse in 1. d. 17. q. 2. *1. sed tunc est vltimus, vers. potest dici, aut, actum meritorium esse dignum acceptari.* Ex quo inferunt: Ergo ante acceptationem est dignitas in opere meritorio in sententia Scoti; quia contrà est primò, nam diuersum, quod est, dignum esse acceptari, & dignum esse præmio; modò autem non agitur in hac conclusione contra Auctores tertiæ sententiæ de dignitate priori, sed de posteriori, & hæc per illa verba non probatur. Secundò, quia dignitas apud Scotum non semper significat statum meriti condigni, aut valorem æqualem cum præmio, quia ibidem vers. *Respondet in hoc est ratio meriti,* admittit in operibus dignitatem antecederet ad acceptationem, & statim requirit acceptationem, vt tale meritum dignum sit in statu meriti condigni, & habeat cum præmio æqualitatem. Tertiò, quia ibi Scotus loquitur de merito iam condigno, & accepto per acceptationem antecederet, quam habet ratione gratiæ habitualis, ratione cuius Deus acceptat subiectum, & opera eius, ad quæ gratia inclinatur; dicit tamen, quod est dignum acceptari, scilicet per acceptationem subsequentem, & in executione quando Deus præmiat de facto: vnde pro eodem vsurpat, & tale meritum acceptum, & esse acceptabile, seu dignum acceptari, quare sic habet: *Vltima hoc considera, & ipsam rationem meriti, quod est sic esse acceptum à diuina voluntate in ordine ad præmij, vel acceptabile esse, sine dignum acceptari; nam ante acceptationem Scotus non admittit absolutè di-*

gnitatem meriti in ordine ad præmium (hæc enim non potest esse completa, nisi addit illa, quæ det ius in ordine ad præmiantem) sed solum admittit illam in ordine ad acceptationem, & hæc dignitatem (quæ communiter solet vocari materia meriti, vel fundamentum meriti, congruentia meriti, seu meritum de congruo) admittit Scotus, & bene propter rationem suprā traditam, & nos vocamus primam partialem rationem meriti cum Scoto, quia acceptatio illa, quæ præbet ius in ordine ad præmiantem, dat aliam rationem formalem cōpletivam in ordine, ad quam prima potest dici materia, & fundamentum iuxta ea quæ tradidimus disp. 2. quæst. 1.

26. Hæc conclusio primò probatur ex auctoritatibus SS^æ & Patrum adductis in secundo supposito huius Quæstionis, quæ clare commendat excellentiam & abundantiam meritum Christi respectu debiti peccatorum; sed excellentia & abundantia non potest haberi, vt suprā diximus, per acceptationem, quia hæc vt in plurimum dat æqualitatem merito ad præmium, & ius ad illud, & non ampliùs; nam Deus, sicut & nullus alius ordinatè agens, acceptat meritum aliquod ad præmium non conferendum, sed omnis ordinata acceptatio meriti est in ordine ad præmium conferendum, & in executione dandum; ergo talis excellentia & abundantia valoris supponitur in operibus Christi ad illam. Et confirmatur, quia actualis acceptatio Dei non est pro indeterminato numero peccatorum & hominum, sed pro determinato, quia aliàs esset talis acceptatio frustranea; ergo illa non præstat talem abundantiam, sed illam supponit.

27. Secundò probatur ex aliis locis, vbi indicatur, rationem, quare accepta fuerint Deo opera Christi, esse diuinam personam, quæ illa nobilitabat. Ex quo inferunt ante acceptationem præcedere in illis tantam dignitatem, quanta deriuari deberet in illa ex persona diuina, & consequenter maiorem eā dignitatem, quæ in omnibus simul peccatis reperiri posset; nam ad Hebr. 5. dicitur: *Christus Dominus preces & sua opera pro nobis offerens, ex auditus est pro sua tenerentia.* Et cap. 7. *Tali enim decebat, vt nobis*

esset Pontifex, sanctus, innocens, impollutus. Et cap. 10. *Impossibile enim est sanguine tantorum & hircorum auferri peccata; idcirco ingrediens mundum, dixit: Hostiam & oblationem nolui, corpus autem adaptasti mihi.*

Præterea Clemens 6. in extranagatiōe *Vnigenitus de penitentibus & remissionibus,* ait, *non gustam sanguinis medicam, quæ tamen propter unionem ad Verbum pro redemptione totius generis humani suscepisset, sed copiose velut quoddam profusum nescitur effundisse.* Ecce qualiter Pontifex ex vnione sanguinis ad Verbum agnoscit excellentiam dignitatis in operibus Christi, & non ex acceptatione; & huc etiam spectant omnes Patres, qui Christum saluasse mundum asserunt, quia non solum erat homo, sed etiam Deus, cum tamen purus homo ex acceptatione Dei id etiam posset, sufficere pro omnibus Cyrillus, Hieron. Cathec. 13. vbi dicit: *Saluauit enim orbem, quoniam non erat simplex homo, qui passus est, sed Deus incarnatus.*

Ex quibus infero rationem cōgruentiæ, quæ (propter rationem fundamentalem traditam in secunda sententia, videatur ibi) confirmo nostram conclusionem, quia cōgruum erat, quod sicut Dei misericordia resplendat in generis humani redemptione, ita in illa Dei iustitia resplenderet, sed hæc non ita resplendisset, sicut illa, si acceptatio etiā præstaret partialem valorem, præter eum, qui in ordine ad Deum præmiantem daret, quia præferri videretur misericordia, vbi tanta resplendet gratia; ergo dicendum est, quod in redemptione Christi (vbi præfecta fuit, imò & rigorosa iustitia, vt infrā dicam) acceptatio solum dedit ius, & non valorem antecedentem.

Sed contra hæc conclusionem primò potest obijci, quia acceptatio Dei non solum potest præstare ius in ordine ad præmiantem, sed etiam valoris æqualitatem cum præmio, vt patet in acceptatione Regis per sigillum ipsius in moneta significata, & in propositione magni præmij cum paruo, sed velociori cursu. Sed Respondeo totum hoc esse verum, vt diximus disp. 2. quæst. 1. tamen in operibus Christi non requiritur acceptatio, vt det valorem, sed solum vt det ius in ordine ad præmiantem

28.

29.

30.

tem seu creditorem, & hoc non ex eo, quod acceptatio non possit talem dare valorem, sed quia hic nimis excessivus & superabundans ratione personæ divinæ supponebatur ante illam.

31. Secundò, quia personalitas Verbi non præstat operibus Christi valorem simpliciter infinitum, neque physicè, neque moraliter, ut infra cum Scoto nobis dicendum est; ergo solum habet finitum valorem; ergo si acceptatio illud non multiplicat, non est quare iudicemus fuisse superabundantem respectu indignitatis peccatorum, præcipuè cum hæc præter plurimam multitudinem & intensionem ipsorum versentur circa Deum infinitum offensum. Ex quo capite nimis crescit quælibet iniuria, licet non crescat infinitè. Respondeo hoc ex eo esse dicendum, quia SSi & Patres tribuunt valorem prædictis operibus propter unionem ad Verbum, & sic ante acceptationem; quare autem non sit simpliciter infinitum infra dicitur. Præterquam quod etiam si non sit sic infinitus, ita persona divina nobilitabat illum propter eminentissimam sui excellentiam, & trahit opera ipsius ad tam nobilem speciem valoris morales, ut nihil creatum vel creabile possit illi adæquari, etiam si omnia simul accipiantur, sicut omnes species materiales simul sumptæ non adæquant physicam entitatem hominis propter ipsius nobilitatem, neque peccatum ita vilescit propter Deum infinitum offensum, quia vilitas sit amplior, quàm privatio alicuius creati, ut probavi disp. 2. quæst. 1.

32. Tertiò, quia si Christi satisfactio ita fuisset sufficiens & exuperans, sequeretur nostram esse omnino superfluum, quod non est asserendum. Respondeo negando sequelam, quia licet sic potuisset Deus ordinare, quod absque nostra aliquali satisfactione remissionem consequeremur peccatorum, tamen noluit Deus propter plures congruentias: Prima, ut ipse, qui peccauerat, aliquantulum satisfaceret. 2. ut qui per voluntatis actus erat à Deo averfus, per alios actus ipsius ad ipsum converteretur. 3. ut nostra reluceret in tali conversione libertas. 4. ut reprimemur à vitiis, & ne laxaremur peccatis, sicut etiam inquit D. Thom. quodlibet

2. q. 1. art. 2. in corpore: *Qualibet Christi actio libera sufficeret præ adæquata hominum redemptione, tamen de facto propter plures congruentias voluit Deus nullam ipsius opus deputatum, & applicatum esse ad talem satisfactionem absque ipsius Christi redemptionis merito.*

Quartò, quia si merita Christi ita excedunt debitum peccatorum, sequitur quod non sint acceptata à Deo ad tantum præmium, quantum illis erat correspondens, & consequenter illorum valorem frustraneum. Respondeo, verum inferri, si Christus non fuisset contentus tali præmio; tamen fuit contentus, & pro eo præmio, hoc est pro remissione talium peccatorum & hominum iustificatione solum obtulit.

QVÆSTIO II.

Utrum satisfactio Christi fuerit infiniti valoris, necne?

Diximus in antecedenti Quæstione, merita Christi, & consequenter eius satisfactionem, talia esse, quod licet ad sui completam condignitatem, & ut sint respectu præmiantis valorosa, requirant divinam acceptationem, tamen ad incompletam dignitatem, seu ad eam, quæ comparantur cum præmio, seu cum remissione debiti in ratione valoris non requirant talem acceptationem, sed potius ex seipsis ratione dignitatis, quam participant à Verbo, non solum sint æqualia, sed etiam superabundantia, licet, quia non habent us ad præmiantem, non merita de condigno, sed de congruo absolute sint appellanda. Nunc inquirimus, an non solum superabundantia, sed infinita, & infiniti sint valoris, an non?

Quia tamen vox ista *infinitum* multas habet acceptationes, ita infinitus valor multipliciter potest usurpari: Primò, dicitur infinitum de magnitudine grandi, quatenus communiter dicitur infinita hominum multitudo spectaculo assistebat. Secundò, de aliquo constituto in ultimo termino vel gradu, ut gratia habitualis Christi Domini, quæ dicitur infinita, licet summa tantum sit in doctrina Scoti, & aliorum. Tertiò, dicitur de infinito in potentia, quod

ex natura sua finitum est in actu; in potentia tamen habet infinitas partes non positivè, sed negativè, diciturque infinitum secundum quid, & ad hoc infinitum pertinet quæritas continua permanens vt linea, successiva vt motus, discreta vt numerus; & similiter qualitas intensiōis, & remissionis capax, de quibus negavit Scotus 1. d. 2. quæst. 2. posse adhuc de potentia Dei esse infinita in actu, & formaliter, vt latè tradidimus nos 3. phys. disp. 2. quæst. 4. §. 1. & 2.

3. Conveniunt ergo omnes (vno excepto Durando in antecedenti Quæstione negante adhuc ex acceptatione æquivalentiam) quoddam Christi merita habuerunt valorem infinitum in his tribus acceptationibus: hoc enim ad minus significant auctoritates SSæ & Patrum suprà adductæ in prædicta Quæstione, dum superabundantiam & excessum ipsorum commendant. Quare Clemens 6. in extrauag. *Vnigenitus*, ait non esse timendum, quoddam virtutis satisfactionis exhauriatur, eò quod ex meritis Christi, & satisfactionis eius institutus fuit thesaurus inexhaustibilis; & rursus prædicta merita appellavit infinita, vt infra videbimus in probatione primæ sententiæ.

4. Quarto modo dicitur infinitum, quod est simpliciter, formaliter & actualiter tale, de cuius ratione est non habere terminum actuale, quod in prædicto loco physice diuissimum in infinitum essentiale, sicut Deus, de cuius ratione est, quod eius natura non habeat causam efficientem, neque finalem, hoc enim est ipsam non habere terminum; & in infinitum prædicamentale, vel quasi prædicamentale, de cuius ratione est non habere terminum versus intentionem & perfectionem, neque versus extensionem, quare dicitur infinitum infinite, quâ ratione, diuina substantia, & eius attributa sunt simpliciter infinita, quod quidem ex professo notauimus, quia cum de hac infinitate sit tota controuersia Quæstionis, veritas, ac mens Scoti magis ac magis patefiet, & manifestabitur.

5. Prima igitur sententia tenet, quod merita Christi habuerint valorem simpliciter infinitum. Inter Auctores autem qui hanc defendunt sententiam,

aliqui videntur in modo defendendi adstruere esse physice infinitum. Sed communiter traditur esse infinitum moraliter, sub his terminis tradunt ex Recentioribus Vasquez disp. 6. cap. 2. addens esse magis commune ab antiquioribus Scholasticis traditam, Suarez disp. 4. sect. 4. Valencia disp. 1. q. 1. puncto 5. quæstiuncula 5. §. *hinc enim*, Albertinus tom. 1. proprio primo philosophico quæst. 18. theologico, dub. 4. assertionem vnicâ, qui pro se non solum adducit Bonauent. Capreol. Alenf. Caiet. Medin. sed etiam Scotum, Raguzam disp. 11. propositione 1. & 2. Pesant. q. 1. art. 2. disp. 5. conclus. 3. Cabrera disp. 4. q. 1. art. 2. §. 4. Peltanus de Satisfactione Christi cap. 8. & cap. 11. Zumel 1. 24 tom. 2. q. 114 art. 2. disp. 6. conclus. 2. Salmer tom. 13. disp. 41. in 5. ad Rom. Lorca disp. 7. qui citat Scotum in 3. d. 19. q. vnicâ, §. *in ista quæstione*, verum quânam ad sufficientiam, cum quo tenent aliqui Recentiores Scotistæ in manuscriptis, illamque expressè tenuit D. Thomas in præfati q. 1. art. 2. ad 1. & q. 7. art. 11. ad 2. & q. 46. art. 6. & q. 48. art. 2. & apertius quodlibet 2. art. 2. vt post Suarez Raguzam notauit.

Sententia hæc probatur primò ex SSæ in meritis Christi insinuante simpliciter infinitatem; nam ad Hebr. c. 12. dicitur de Christo: *Vna enim oblatione consummansit in sempiternum sanctificator*, quasi diceret in Christi sacrificio inuisse valorem talem, quod si in æternum sanctificati multiplicarentur, in æternum posset illis effectum suæ passionis præstare; & idem repetit cap. 9. dicens: *Æterna redemptione inueniuntur*. Et cap. 7. *Vnde saluare in perpetuum potest accedentes per semetipsum in Deum*.

Secundò probatur ex definitione Ecclesiæ etenim Clemens 6. in extrauag. *Vnigenitus*, & c. apertè vocat thesaurum meritorum Christi infinitum, & subdit: *De cuius consumptione, seu minutione, non est aliquantulum formidandum, tum propter infinita Christi, vt dictum est, merita*; ergo hæc sunt infinita simpliciter. Patet consequentia, quia cum neque minui, neque consumi possunt, debent esse sic infinita; nam quæ actualiter finita sunt, minui & consumi possunt.

Tertiò probatur ex Patribus, quorum aliqui fauent, ex eo quod dicere videntur.

videntur à nulla finita persona potuisse sufficientem valorem operibus suis deriuari pro humani generis redemptione, operibus tamen Christi Domini, etiam redundantem fuisse deriuatum ex infinita personæ dignitate, quantumuis peccata numero & intentione augerentur, quos Patres retuli in secundo supposito antecedentis Quæstionis, & in probatione nostræ sententiæ. alij autem expressè tribuunt infinitatem prædictis operibus. Anselmus enim lib. 2. *Cur Deus homo*, cap. 14. in fine de morte Christi, sic inquit à discipulo: *Patrisne tantum bonum, tam amabile posse sufficere ad saluandum, quod debetur pro peccatis totius mundi.* Et respondet discipulus, quod approbat Magister: *Imò potest plus quam in infinitum.* Et Chrysostomus tom. 4. homil. 10. in illud ad Rom. 5. *Si enim unius delicto, &c.* ait Christi satisfactionem eo excessu superare nostrorum debita peccatorum, *quo debitum illud superaret, qui pro decem obolis, qua debebat, infinita penderet anri talenta.*

9. Quartò probatur ratione, quia sicut in antecedenti Quæstione diximus opera Christi esse superabundantis valoris propter respectum, quem habet ad personam Verbi, ita debemus dicere esse infiniti simpliciter valoris, quia persona Verbi est simpliciter, formaliter & actualiter infinita.
10. Quintò, quia sententia hæc magis merita Christi exaltat, quàm contraria, quod debet fieri, nulla interueniente ad hoc repugnantia, quæ non apparet. Sextò, quia si finita essent, timeri posset, quòd propter peccatorum & hominum multitudinem exhauriri possent; ergo dicendum est merita Christi fuisse simpliciter infinita.
11. Secunda sententia negat merita Christi Domini habere valorem simpliciter infinitum, seu infinite infinitum, & loquitur de infinito non solum physicè, sed etiam moraliter. Ita Scotus in 3. d. 19. q. vnicà, §. *in ista questione*, & §. *ad 1. principale*, & in 4. d. 15. q. 1. §. *de secundo dicitur*, in fine, quem sequuntur omnes antiqui Scotistæ, & ex Recentioribus Ral. a. 3. p. controu. 73. art. 2. Pytigan. d. 20. q. vnicà, art. 6. Faber disp. 45. cap. 2. & 3. & ex aliis tenent Nominales Gabriel in 3. d. 19. q. vnicà, *Castillo de Incarn. Pars I.*

art. 1. Almain. q. 1. Ioannes de Medina, codice de satisfactione, quæst. 1. qui solum admittunt infinitatem in meritis Christi per ordinem ad Dei acceptationem, quæ possit illa pro infinitis hominibus & peccatis acceptare; tamen hæc acceptatio nõ debet intelligi, quòd ex parte obiecti sit simpliciter infinita, quia vt premonuimus ex Scoto in principio quæstionis, vbi tradidimus diuersas acceptiones huius vocis, *infinitus*, adhuc de potentia Dei numerus nequit esse simpliciter, & actu infinitus, sed solum in potentia, vnde licet numerus peccatorum & hominum dicatur à Scoto infinitus, non tamen debet intelligi de infinito in actu, sed de infinito in potentia tantum.

Vnde primò non obstant verba Scoti 12. in 3. d. 19. §. *in ista quæst.* ver. *quàm ergo valuit*; vbi ait, quòd meritum Christi ex circumstantia suppositi, & de congruo ratione suppositi habuit quandam rationem extrinsecam, quare Deus potuit acceptare illud in infinitum, scilicet extensiuè pro infinitis; si autem illud meritum fuisset alterius personæ, tunc nec ratione operis, nec ratione operantis fuisset congruitas acceptationis illius pro infinitis. Ex quibus verbis deducunt Lorca, & alij Scotistæ Recentiores meritum Christi ex Scoto habuisse valorem simpliciter infinitum.

Sed isti non attenderunt, quod in ip- 13. sismet verbis apparet contrarium, quod vt cognoscatur primò sunt adducenda verba Scoti antecedentia ad ista, vbi dicit, quòd meritum Christi ex ratione sua formali, quam habuit, non potuit acceptari in infinitum, & pro infinitis, vbi duplicem distinguit acceptationem, vnam in infinitum, & aliam pro infinitis, & statim subdit præfata verba, per quæ admittit, quod ratione suppositi potuit meritum Christi acceptari in infinitum, & ne daretur libera errandi facultas, ita vt intelligeretur de acceptatione in infinitum, seu de acceptatione obiecti, tamquàm simpliciter infiniti, addit, *scilicet extensiuè pro infinitis*; ac si diceret, Ratione suppositi habuit meritum Christi congruentiam, vt in infinitum acceptaretur, non eà acceptatione, quæ infinitum in se, infinite acceptatur, sed eà, quæ acceptatur pro infinitis, quæ est acceptatio infinita extensiuè ex parte obiecti, & cõse-
1
quenter

quenter pro infinitis eo modo, quo possunt esse infinita, scilicet in potentia, non in actu, quod in merito alterius suppositi, utpote non ita excellenti non reperiretur.

14. Secundò sunt adducenda verba, quæ habet §. ad 1. *principale*, vers. ad 4. dico, ubi postquam dixit, quod bonum velle Christi, & eius passio formaliter erant finiti valoris, & quod ratione personæ diuinæ patientis potuit Deus illa acceptare pro infinitis, addit: *Quamuis autem possit acceptare passionem illam pro infinitis, non tamen infinitè, quia non potest diligere aliquod creatum à parte diligibilis infinitè, quia non est infinitum.* quid clarius? Si enim licet Deus acceptare posset meritum Christi pro infinitis ratione suppositi, non tamen infinitè ex parte meriti, quia in se non est infinitum; ergo nullo modo est infinitum, quia si esset ex parte obiecti, deberet infinitè acceptari.

15. Tertiò sunt adducenda ea verba, quæ habet in 4. dist. 15. *quest. 1. §. de secundo dicitur*, in cuius fine habet hæc verba: *Item passio Christi fuit bonum finitum, etiam accepta secundum totam rationem meriti in ea*; ergo etiam accepta secundum valorem, quem habet à persona. Probo consequentiam, quia hæc (aduersariis etiam planè concedentibus) spectat, & attinet ad rationem meriti, imò ex illa astruunt esse simpliciter infinitum. Et confirmatur ex his, quæ habet in 3. citato §. *in ista questione*, vers. *quantum ad sufficientiam*, ubi prosequitur: *Dico, quod meritum Christi fuit finitum, quia à principio finito essentialiter dependens, etiam accipiendo ipsum cum omnibus respectibus, siue cum respectu ad suppositum Verbi, siue cum respectu ad finem, quia omnes respectus isti erant finiti, aliàs fuisset velle creatum natura humana Christi, sicut velle Verbi increatum (scilicet in acceptabilitate, ut in antecedenti questione, §. in primo argumento dixerat.)*

16. Quartò sunt adducenda verba, quæ habet in prædicto 3. §. *contra hunc modum*, ubi postquam retulisset opinionem D. Thomæ & Henrici asserentium, quod vita Christi, seu eius opera habebant quamdam infinitatem, ait Scotus: *Dicitur ista, quibus dicitur, quod vita Christi fuit ita excellens, ut haberet quamdam infinitatem, videntur hyperbo-*

lica, & exponenda; sed sic est, quod si Scotus sentiret, quod merita Christi habebant infinitum valorem simpliciter non appellaret dicta hyperbolica; quia nulla hyperbola, & nulla excessus verborum ponderatio potest amplius aliquem excessum ponderare, quam appellando simpliciter infinitum; ergo cum Scoto prædicta verba de infinitate meritorum videantur hyperbolica, dicendum necesse est, quod ipse non senserit fuisse simpliciter infinitum.

Vnde secundò non obstat, quod respondent Lorca, & alij Scotistæ cum eo, scilicet quod Scotus solum negauerit in meritis Christi infinitum simpliciter valorem physicum, non autem moralem. Nam contrà est primò, quia Scotus negauit in his vltimis verbis, quod D. Thomas & Henricus citati à Marginistis illius in margine pro prima opinione §. *ad questionem dicitur*, affirmauerant; sed isti non sunt locuti de valore physico, sed de valore morali, ut omnes relati pro prima sententia vnanimiter fatentur; ergo. Et confirmatur, quia nomen hoc *valor*, in merito, non tam significat entitatem physicam, & bonitatem transcendentem operis meritorij, quam æstimabilitatem, quam tale opus habet originatam, & ortam ab ipsa bonitate physica, & ab aliis circumstantiis concurrentibus; ergo cum Scotus loquatur de valore meritorum Christi, dum alium non explicuit, potius debet intelligi de valore morali, quam de entitate & bonitate physica.

Et confirmatur secundò, quia Aduersarij tenent, quod Scotus senserit merita Christi fuisse simpliciter infinita in valore morali propter verba primo loco adducta, & explicata à nobis, & tamen eodem modo & tenore loquitur in reliquis locis; ergo loquitur de valore morali. Et confirmatur tertiò, quia minùs benè sentiuissent de Scoto, qui putant non meminisse valoris morales, dum de merito Christi loqueretur, cum iste valor in quolibet merito attendatur, etiam à quolibet Tyrone, quantum magis in merito de condigno?

Contrà secundò, quia in verbis à nobis adductis §. antecedenti, scilicet ter-

riò sunt adducenda, quæ sunt quarti Sententiarum expressè affirmat, quòd passio Christi etiam accepta secundum totam rationem meriti fuit bonum finitum, sed intra rationem meriti continetur valor moralis, vt omnibus est euident; ergo secundum valorem morale passio Christi est bonum finitum: neque poterit esse moraliter infinitum ratione personæ, quia asserit, quòd secundum totam rationem meriti est finitum: vnde includit omnes rationes, quæ ad rationem meriti in passione Christi concurrunt.

20. Contrà tertio, quia bonum velle, & passio Christi non solum sunt diligibilia & acceptabilia à Deo propter entitatem & bonitatem physicam illius, sed etiam propter moralitates & valores morales dignificantes illius; sed Scotus in verbis adductis à me §. secundo sunt adducenda, negat posse Deum diligere passionem Christi infinite ex parte rei diligibilis, quia nihil creatum potest sic diligere; ergo non fuit obiectum ex parte sui infinite diligibile, & dilectum à Deo, non solum secundum entitatem & bonitatem physicam illius, sed etiam secundum moralitates & valores morales, & consequenter neque secundum valorem morale participatum à personalitate Verbi.

21. Contrà quarto, quia si meritum Christi secundum bonitatem & valorem morale esset simpliciter infinitum, esset infinitum intensiue, & quasi in genere qualitatis moralis, quia solum potest reduci meritum ad prædicamentum qualitatis. Vnde sic argumentor: Scotus enim ad 1. principale, versi ad 2. negat quòd peccatum posset esse formaliter, & secundum intentionem simpliciter infinitum, seu infinitum infinite, quòd idem est, quod sequeretur, quòd daretur Deus Manicheorum, qui scilicet fingebant duplicem Deum, vnum bonorum infinite bonum, & aliorum malorum infinite malum; sed sic est, quòd peccatum infinite malum non esset infinitum simpliciter inesse physico, quia nequit dari malitia physica, sed solum in esse morali, & quasi in genere qualitatis malitiæ moralis, & nihilominus hoc negauit Scotus, quia esset quasi Deus malus moralis; ergo similiter debemus cum ipso ne-

Castillo de Incarn. Pars I.

gare merita Christi inesse morali simpliciter infinita, quia essent quasi plures dii boni morales iuxta eius doctrinam; ergo necessarium est negandum cum Scoto merita Christi fuisse infinita simpliciter, etiam secundum valorem: Quare vt veritas hæc magis pateat, sequentes stabili conclusiones.

Dico primo: De facto finitè tantum meruit, & satisfecit Christus Dominus, atque adeò prædictus operum valor, prout de facto fuit ad merendum & satisfaciendum applicatus; fuit finitus. Ita Scotus in 3. dist. 19. citatà, §. ad 1. versi ad 4. & supracitati Scotistæ, & alij Auctores pro secunda sententia. Lorea disp. 7. à num. 22. vbi asserit non negari ab Auctoribus pro prima citatis sententia. Probatur: Meritum Christi, sicut & cuiuslibet dependet ab acceptance Dei, vt sit completè condignum, vt probauimus supra; sed illa de facto fuit ex parte obiecti finita, quia solum fuit pro hominibus & peccatis futuris, quæ sunt determinata & finita, nam superflue & quasi imprudenter pro nunquam futuris acceptaretur; ergo meritum Christi, & eius satisfactio de facto fuerunt finita. Et confirmatur ratione Scoti ibi versi per idem patet, quia pro eis meruit Christus pro quibus suam obtulit passionem, & Deus accepit; sed hæc fuerunt finita, quia nullus offert, neque prudenter acceptat aliquid pro præmio non futuro; ergo meritum Christi fuit de facto finitum.

Dico secundò: Prædictus operum Christi valor, quantum est de se, etiam cum respectu ad diuinum Verbum, non fuit physice infinitus. In hac conclusione communiter conueniunt Doctores, illam expressit Suarez disp. 4. sect. 4. parum à principio, Valencia disp. 1. quæst. 2. punct. 5. quæstionculà 5. §. hinc enim: Pefantius q. 1. art. 1. disp. 5. coneluf. 1. Peltanus de Satisfactione Christi cap. 11. in 1. argumento, §. quod autem, vbi addit, de hoc neminem dubitare. Et ratio facilis est, quia opera Christi physice erant creaturæ; ergo finitæ. Et confirmatur primo: Principia formalia, & proxima, à quibus physice procedebant (quæ erant voluntas humana, charitas infusa, & alia dona cum ea) erant finita; ergo.

12.

Et

Et confirmatur secundò: Personalitas Verbi non còcurrerat physicè, vt principium quo. Insuper quando sic concurreret, debebat temperari cum aliis principiis creatis & finitis; ergo valor meritorum Christi nò fuit physicè simpliciter infinitus: vnde tota difficultas est, an fuerit infinitus moraliter. hic opus, hic labor est.

24. Dico tertid: Valor moralis operum Christi, etiamsi includatur in illo, quod deriuatur à persona Verbi, non fuit simpliciter infinitus de facto, neq; potuit de possibili. Hæc còclusio est Scoti, vt probauimus suprà, tenentq; cum eo Scotistæ relati, & reliqui Auctores pro secunda sententia: ad cuius probationem suppono, quòd moralitas, in præsentì casu, est æstimabilitas quædam passiuæ, quæ habetur in opere meritorio in ordine ad actiuam æstimationem, quæ actiuæ æstimatio est actus intellectus cum tanta vel tanta appretiatione de obiecto iudicantis, atque adeò passiuæ æstimabilitas infinita in meritis Christi erit appretiabilitas ab intellectu potente appretiare merita Christi propter circumstantiam personæ diuinæ, vel in ordine ad præmium infinitum, vel si non fit tale præmium, iudicare, & æstimare illa, vt digna tali præmio si esset.

25. Quo supposito conclusionem nostram sic probò: Primò, ratione Scoti, aut opus Christi & bonum velle ipsius non erat in se tantum acceptabile à Deo, sicut ipsum Verbum, seu bonum velle Verbi erat diligibile à Deo, & placens illi, aut sic. Si primùm dicas, vt videntur dicere Aduersarij; ergo non erat simpliciter infinitum secundum suam passiuam acceptabilitatem, & consequenter, vt diximus, in genere moris. Probo còsequentiam, quia Verbo & velle ipsius debetur infinita acceptatio & dilectio, & quòd Deus infinitè complaceat in illo. Si 2. dicas, sequitur quòd aliquod creatum sit ita gratum Deo, & æstimabile ab ipso, sicut increatum, & quòd æquè censeatur dignum præmio, sicut increatum, si posset præmiari, quod est absurdum.

26. Vel potest formari sic ratio: Omni diligibili & acceptabili infinitè simpliciter debetur necessariò infinitè simpliciter Dei dilectio & acceptatio, quâ

ratione hæc debita est necessariò diuinæ essentia; & idè necessariò producit Spiritus sanctus; & similiter debetur amorì diuino, & bono velle increato Verbi, & idè Pater necessariò complaceat in ipso, sed merito Christi etiam accepto cum respectu quem habet ad personam non debetur necessariò talis acceptatio Dei, seu talis dilectio, quandoquidem posset Deus absq; aliquo sui detrimento ipsum im præmiatum relinquere; ergo non est diligibile & acceptabile infinitè simpliciter; ergo non est infinitum simpliciter adhuc in esse moris. Patet consequentia, quia etiam in hoc genere infinitum debet esse infinitè acceptabile, & acceptum necessariò.

Et còfirmatur, quia id, quod mixtum est ex creato & increato, non potest esse ita acceptabile, ac illud quod est merè & purè increatum; cuius ratio est, quia tantum detrahitur à dignitate diligibilitatis & appretiabilitatis, quantum increatum magis contrahit de infirmitate creati: sed velle naturæ humanæ Christi, & eius bonum opus mixtum valorem moralem habet ex creato & increato, & quod formale est in illo, est creatum; & quod accidentale, est respectus ad Verbum increatum; ergo non potest esse ita appretiabile, sicut velle Verbi, vel sicut quodlibet Dei attributum, & consequenter non est in genere moris simpliciter infinitum.

Notanter autem dixi: Mixtum ex creato & increato non est ita appretiabile, ac illud, quod est purè increatum, ne putaretur quòd diuina natura est minùs diligibilis, ex eo quod vnita est humanæ, quia non est mixta cum illa, sed vtraque natura impermixta permansit: in operibus autem Christi in esse meriti permixtæ sunt moralitates prouenientes à Verbo increato cum moralitatibus prouenientibus à principiis & circumstantiis creatis, sicut moralitates creatæ in actu alicuius hominis, v. g. inter se permiscetur: non enim eleemosyna propter motuum charitatis est duplex actus, sed vnus est eminentior in genere moris quolibet, & accessus ad nuptam, &c.

Secundò probatur conclusio, quia in physicis, quando duæ causæ concurrunt,

runt, quarum altera sit infinita, altera finita, effectus sequitur debiliorem partem; ergo si duæ causæ morales concurrant, quarum altera sit finita, altera infinita, effectus debet in esse morali euadere finitus: sed persona Verbi infinita sic concurret, vt probauimus, scilicet moraliter, & cum voluntate humana Christi, quæ etiam est causa moralis & finita; ergo merita Christi ab illis procedentia in valore morali debent esse finita. Maior huius discursus probatur, quia, quando causa prima, quæ est infinita, concurret cum causa secunda, quæ est finita, effectus est finitus, & similiter secundum Aduersarios, quod essentia diuina immediate per modum obiecti concurret ad visionem beatam, concursus illius est finitus, quia potentia, cum qua concurret, est finita. Consequentia autem probatur, quia in modo agendi causarum sic debemus philosophari in causis moralibus, ac in physicis; aliàs pro suo libito quilibet nouam posset adstruere philosophiam moralem.

30. Et confirmatur primò, quia ex eo in physicis effectus non supit naturam vtriusque causæ, quia simul esset physicè infinitus, & physicè finitus; sed hoc idem sequitur in moralibus, quia simul esset effectus moraliter infinitus, & moraliter finitus; ergo. Confirmatur secundò, quia moralitas promanans à Verbo non est ipsum Verbum, sed aliqua æstimabilitas deriuata in meritum creatum, eò quod sit denominatiuè meritum Verbi, sed omne quod recipitur, recipitur ad modum recipientis, & non est iuxta naturam dantis; ergo illa moralitas debet esse finita, vtpote quia recepta in opere creato finito.

31. Tertiò probatur, quia meritum non est tantum in quolibet iusto, quanta est mensura dignitatis personæ, quam dignitatem recipit à gratia, sed iuxta mensuram intentionis & libertatis, & aliarum circumstantiarum actionis; alias qui gratiam haberet vt octo, & operaretur vt 2. mereretur vt octo, quod est omnino falsum, quia gratia licet det ius ad hereditatem, non tamen dat ius ad coronam, nisi iuxta mensuram laboris; ergo etiam si persona Christi sit infinita, non tam ex illa, quam ex mensura operis debet quantitas meriti compu-

tari. Patet consequentia, quia sicut in primo exemplo quantitas meriti non sequitur quantitatem dignitatis personæ, ita in secundo debet sequi. Et confirmatur, quia prædicta opera essent quasi plures dii morales, vt suprà cum Scoto diximus, quod nouum est, auri-busque dissinat.

Quartò probatur, quia persona Verbi, vel dat operibus Christi infinitatem istam moralem in genere causæ efficientis moralis, & vt sic deberet commensurari cum causa efficiendi finita morali, vt in secundo argumento probauimus, vel in genere causæ finalis, & vt sic, sicut Deus, etiam si sit infinitus, non dat infinitatem contritionis, & dilectioni charitatis, ita neque poterit in hoc genere persona Verbi; vel in genere causæ formalis, & vt sic non, quia Verbum non est forma operis creati, & si esset, cum personalitas Verbi, sicut neque Patris, & Spiritus sancti sit infinita physicè in doctrina Scoti in primo Sentent. sicut neque finita, ita nullam poterit dare infinitatem. Præterea licet ex æstimabilitate infinita naturæ diuinæ deriuetur æstimabilitas moralis infinita in quamlibet personalitatem trium personarum propter summam earum cum essentia identitatem, tamen non poterit hæc deriuari in opera creata, cum non haberent talem identitatem, vel tandem in genere causæ materialis, & vt sic non, quia præterquam quod nullus hoc dixit, repugnat quod id, quod se habet per modum formæ moraliter qualificantis, & significantis, sit moralis adhuc materia; ergo in nullo genere causæ personalitas Verbi dat istam infinitatem. Et confirmatur impugnando in sequenti parte omnes modos, quibus ab Aduersariis adstruitur.

PARS PRIMA.

Impugnantur diuersi philosophadi modi, quibus merita Christi adstruuntur esse simpliciter infinita in esse moris.

Inter Auctores, qui asserunt valorem infinitum in operibus satisfactoris ac meritorii Christi Domini de-

fumi ex ipsa Christi Domini persona, sunt diuersi, & falsi dicendi modi, quos oportet seorsim ostendere, ac refutare.

34. Primus ex eo ait, personam conferre valorem infinitum, quia physice & positiuè influit in opera Christi vulgare dictærum: *Actiones sunt suppositorum*. aquæ enim calidæ tribuitur calefacere, &c. nullus citatur Auctor expressè pro hac sententia, illam tamen impugnat Ragusa disp. 13. in 2. Senn. Suarez disp. 4. sect. 4. 5. *secundò dixerunt alij*. Vasquez disp. 5. cap. 4. Et contra eam sic argumentor primò, nam tota vis & ratio agendi, vt quo residet in natura, & eius facultatibus, & potentiis; subsistentia autem creata non influit physice, sed solum terminat naturam, vt constituatur principium *quod operatio- num*; ergo personalitas Verbi, cum solum suppleat vices subsistentiæ creatæ, non influet physice, sed solum constituat principium *quod*. Et confirmatur, quia si influeret physice infinitè, valor esset physice infinitus, quod impugnauimus suprâ conclusionè secundâ.

35. Secundo, quia sicut potentia Dei productiua ad extra vnica est in omnibus tribus personis, ita efficientia omnis ad extra est toti Trinitati communis. Vnde ortum fuit axioma commune: *Opera Trinitatis ad extra sunt indiuisa*; ergo persona Verbi non influit specialiter physice in opera Christi. Et confirmatur, quia etiam si Verbum specialem in opera humanitatis haberet influxum, adhuc deberet limitari per influxum humanæ naturæ; ergo, &c. Vnde ad rationem dubitandi respondeo cum communi sententia, actiones esse suppositorum denominatiuè, dicitur enim de aqua calida, quòd calefaciat, licet non ipsa efficiat, aut causet calorem, potius actiones sunt singularium existentium.

36. Secundus dicendi modus est valorem provenire à diuina persona, quatenus operabatur actiones, non solum per potentias naturæ humanæ, sed simul etiam per voluntatem diuinam, ita vt actus voluntatis creatæ humanitatis, & actus voluntatis diuinæ naturæ vnirentur, & vnum componerent. tribuitur Diedroni lib. de Captiuitate & redemptione generis humani tit. 2. p. 3. art. 3. pro parte 2. appellaturque ab ipso ex hac ratione Christi operationes thean-

dricæ, id est, Dei, & hominis. Sed contrà, quia vnio ista non reddit magis meritum actum voluntatis humanæ, sicut neque reddit meritum, quia meritum est actus liberè, & secundum inclinationem gratiæ elicitus, acceptus Deo, vt præmiabilis, vt inquit Scotus in 1. d. 17. 5. *sed tunc est, vers. per idem dico*; actus autem diuinæ voluntatis has non potest habere conditiones, quia non est elicitus, neque dependet ab inclinatione gratiæ, neque est præmiabilis; ergo dato quòd inter se vniuntur isti actus, vnus non potest præstare infinitum valorem in ratione meriti alteri. Præterea, quia alias in recto intraret operatio Verbi, sicut operatio naturæ humanæ Christi in merito ipsius, & consequenter quasi partialia principia, quæ meriti censcerentur, quod est error Eutichetis.

Præterea ista vnio, vel aliquæ com-
mixtio vtriusque operationis est, ita vt
ex ipsis fiat vna, & hoc est incidere in
errorem Monothemitarum, qui apud
Bellarminum tom. 1. lib. 5. de Christo
mediatore cap. 7. hoc asserbant; vel est
aliqua physica vnio relinquens vtram-
que operationem impermixtam: hæc
autem repugnat, quia aut vniuntur, vt
accidens subiecto, & hoc est falsum,
quia actio humanitatis Christi habet
subiectum creatum, cui inhæreat, aut
continuantur inter se, & hoc similiter
est falsum, quia infinitum non conti-
nuatur finito, neque apparet alius mo-
dus physicus; vel vnio ista est moralis,
& hæc nihil præstaret valoris, quia so-
lum posset consistere, vel in eo quòd
vna voluntas fuit alteri omnino con-
formis, quod etiam reperitur in volun-
tate Deiparæ Virginis, & aliorum iu-
storum, & tamen nullus admisit in illis
talem vnionem, vel in eo quòd diuina
gubernaret humanam; sed hoc est com-
mune toti Trinitati, & similiter repe-
ritur respectu Virginis. Quare tales
vniones non admittit Vasquez disp. 5.
cap. 4. & 5. Suarez vbi suprâ, & Bellar-
minus citatus, & quantum ad vnionem
physicam tenet Lorca disp. 69. in inci-
denti dubio, licet admittat quamdam
moralem; sed nos omnem impugnauimus,
tum quia falsum, tum quia superfluum,
cum absque illa operationes
Christi dicerentur theandricæ, quia
persona

persona Verbi dans illis valorem, & dignificans illas specialiter resplendet in ipsis, sicut dicuntur opera regalia, vbi maiestas Regis resplendet, dummodo supponant bonitatem, quod notanter dico, quia si Christus per possibile vel impossibile peccaret, peccatum non diceretur theandricum, quare præcipue opera miraculosa Christi, vt ambulare super aquas, &c. dicuntur, & nominantur à Patribus theandrica, quia specialiter in ipsis cum humanitate resplendebat diuinitas.

38. Tertius dicendi modus asserit valorem infinitum desumi formaliter à natura diuina, quæ extrinsecè sanctificabat humanam, cuius erat à dicere operationes, sicut ordinis altioris sunt opera elicitæ ab homine dignificato formaliter per gratiam habitualement, quàm à non dignificato. Ita Vasquez disp. 2. cap. 5. & disp. 6. cap. 2. sequitur Montess. disp. 5. quæst. 1. impugnatur autem à Suarez, & ab aliis quatenus excludit personalitatem Verbi, cum Patres (quos latè refert Ragusa disp. 12. §. ad 1. quia Patres) inferant efficacitatem, & valorem operum Christi Domini, ex eo quod propria essent diuinæ personæ operantis, vel patientis; sed soluitur à Montess. quia tam sancta est persona Verbi, quàm ipsamet Deitas. Præterea, quia vtrique est terminus extrinsecus assumptæ humanitatis.

39. Sed contrà, quia personalitas & diuinitas formaliter distinguuntur, & in sententia Scoti, non solum ratione, sed etiam ex natura rei; ergo si natura humana redditur formaliter, vel extrinsecè sancta per formalitatem diuinitatis, & ex illa deriuatur operibus Christi valor, non deriuabitur ex formalitate personæ, etiam si solà ratione distinguantur; quod est contra Patres. Præterea, contra Montesinos, personalitas Verbi sicut formaliter non est finita, neque infinita, ita neque formaliter est sanctitas, nec non sanctitas; diuinitas autem est ipsa formalis & essentialis sanctitas; ergo non est verum, quod persona sumpta formaliter sit ita sancta, sicut diuinitas.

40. Sed contra hunc modum dicendi sic argumentor: Primò, denominationes extrinsecæ sunt physicæ & reales, quia vt sunt extrinsecæ constituuntur ipsa

forma reali extrinsecæ; ergo si Christi operationes erant formaliter infinitæ per diuinitatem, tamquam per formam extrinsecam; ergo erant physicæ, & realiter infinitæ, sicut ipsa diuinitas, & non solum moraliter. Secundò, quia in merito Christi ita in recto intraret diuinitas dignificans actionem, sicut ipsa actio humana Christi, & consequenter esset principium partiale ipsius meriti, vt suprà argumentabamur de operatione creata & increata physicè vnitis, quod erat error Eutichetis.

Tertiò, quia diuinitas fuit in natura humana Christi merè concomitanter, personalitas enim Verbi supplebat substantiam creatam illius naturæ, quare propter summam idèritatem substantialem, quam habent personalitas Verbi, & diuinitas, erat hæc in natura humana, sicut propter cõiunctionem accidentalem est color simul cum sapore in pommo; ergo per se, & formaliter nihil præstabat diuinitas humanitati. Probatur consequentia à paritate, quia diuinitas nihil præstat per se, & formaliter Sacramento Eucharistiæ, ex eo quod diuinitas est in illo per concomitantiam: vnde si diuinitas esset separata à corpore Christi, posset esse Sacramentum Eucharistiæ, sicut modò est, sine illa.

Dices: Saltem per accidens, & supposità vnione substantiali natura diuina extrinsecè sanctificabat humanam. Respondeo negando, quia merè concomitanter se habebat, & sicut in Eucharistia non dicitur formaliter, adhuc extrinsecè panem conuerti in diuinitatem, sed in corpus Christi, ita natura humana, & eius operationes non dicuntur fieri formaliter diuinæ, & infinitæ adhuc extrinsecè, quare fuit necessarium vt natura humana Christi formaliter intrinsecè sanctificaretur per gratiam habitualement, vt ipsius opera acceptabilitatem apud Deum haberent, vt latiùs trademus infrà disp. 11. dum agamus de gratia Christi, vbi agemus de ipsius sanctitate. Neque exemplum adductum de gratia est simile, quia gratia ita dignificat opera, vt simul inclinet per formalitatem charitatis physicè ad illa, vt bene notauit Lorcanum. 21. & est Scoti primo suprà citato, ibi lege attentè.

Quartus dicendi modus asserit valorem 43.

rem

rem moralem simpliciter infinitum descendere in operationes humanitatis ex infinita solum dignitate personæ. Sequuntur plures Recentiores, præcipuè Suarez, & Lorca ubi supra, & Petrus Hurtado disp. 11 sub sect. 4. qui addit, quoddam etiam sublatam sanctitate personæ ab ipsa præcisâ personalitate deriuatur talis valor infinitus simpliciter. Et ratio est, quia personalitas intrinsecè includitur in operante prædictas actiones, & consequenter cum sit intrinsecè infinita, reddit illas moraliter infinitas, quia infinitè æstimabilis, sequunturque hunc modum dicendi aliqui Recentiores Scotistæ in manuscriptis.

44 Sed hic modus primò, si excludit diuinitatem, est falsus, quia personalitas formaliter non est physice finita, neque infinita, & sic non potest tribuere æstimabilitatem moralem infinitam, quia hæc originatur ab infinitate physica: unde tribus diuinis personis vna est danda gloria, vnus honor, quia vna est infinitas essentie: propter quam ipsis debetur, si verò includat diuinitatem, ita vt ab illa accipiat infinitatem, videntur incidere in modum ab ipsis impugnatum; ergo. Secundo, quia personalitas vel dat valorem in genere causæ formalis, vel in genere causæ efficientis, &c. & vt sic redeunt argumenta supra facta in fine huius Quæstionis quartæ probatur, & debet modificari à concausa finita; ergo nullo modo confirmatur, quia opera regalia in humanis adhuc in esse regaliū non sunt æqualia, quia aliqua magis ostentant maiestatem regiam, quam alia, cum tamen in persona Regis eadem sit maiestas, quod nequit provenire, nisi ex eo quoddam inter opera ab ipso facta aliqua sunt magis capacia regie maiestatis, alia minùs; ergo similiter licet sit vna & infinita dignitas personæ Verbi (etiam non inclusâ sanctitate personæ) debet nihilominus modificari ab alia concausa, & ab ipso opere in ratione valoris. Vnde respondeo ad rationem propositam, quoddam personalitas non est infinita, quare licet intrinsecè includatur in operante, vt operante moraliter, non tamen dignificat infinitè moraliter eius operationes, & dato quoddam esset infinita, adhuc infinitè moraliter

non dignificaret illas propter rationes traditas.

Quintus modus ait, valorem deriuari ex eo quoddam Christus se obtulit Patri, & consequenter Christus tamquam obiectum, totum suum valorem deriuat in sua opera. Sed contrà primò, quia opera Christi non sunt theandrica ex eo quoddam versentur circa Christum, sicut nec sunt Angelicæ operationes, quæ versantur circa Angelum, sed ex eo quoddam sunt theandrica habent talem valorem; ergo. Secundo, quia Christus non solum meruit se offerendo, sed etiam per exercitium virtutum moralium. Tertiò, quia aliàs infinitum meritum esset in Virgine, quia Christum obtulit in templo, & similiter quando Sacerdotes in sacrificio Missæ offerunt in altari, quod est falsum, quia si fortè Missæ sacrificium habet infinitum valorem, est quia principalis offerens est Christus.

Sextus dicit valorem infinitum ex eo provenire, quia Christus meruit per opera immanentia, quæ eo ipso quod inherebant humanitati, quæ erat vnita Verbo, fuerunt etiam media humanitate vnita Verbo, & sic infinita. Sed contrà, quia Christus non solum meruit per actiones immanentes, sed etiam per transcentes. Præterea immanentes non habent valorem meriti ratione subiecti in quo recipiuntur, sed ratione principij à quo eliciuntur, sicut neque sunt liberæ & vitales, quia recipiuntur in subiecto libero & vitali; quare si Deus assumeret naturam irrationalem, actus immanentes illius non haberent ex illo valorem, etiam si media illa vnirentur sibi: ex quibus manet probatum, operationes naturæ humanæ Christi ex nullo capite potuisse habere valorem simpliciter infinitum.

PARS SECVNDA.

Quid sit dicendum resoluitur, & in qua sit satis argumentis in contrarium adductis?

P Ro argumentorum solutione priùs oportet statuere quartam conclusionem, & sic dico quartò, licet merita Christi non habuerint ex persona Verbi valorem

49

46.

47.

valorem moralem simpliciter infinitū, habuerunt tamen valorem summum possibilem. Hanc conclusionē debent cum Scoto in 3. Sent. suprà citato tenere omnes Scotistæ, ubi admittit aliquem valorem, licet extrinsecum derivari ex persona Verbi, & quodd ratione illius merita Christi, licet non sint acceptabilia infinitè, sunt tamē acceptabilia pro infinitis hominibus, & peccatis, si darentur, ecce valorem summum possibilem. Et probatur, quia omnem bonitatem moralem, & omnem perfectionem possibilem debemus adscribere meritis Christi; sed summa æstimabilitas, & summus valor, & dignitas non repugnat illis, quia ut sic non reperitur ratio infinitatis; ergo. Secundò, excellentia, & superabundantia, quā astruunt Patres, non potest esse simpliciter infinita, ut probauimus ergo debemus asserere esse summam.

48. Et si inquiras à quo derivetur iste valor ex parte personæ, an à personalitate, an à diuinitate? Respondeo, quod ab utraque, sed diuerso modo, quia à diuinitate sumitur quasi à radice, & quasi à forma infinita, ex qua tamquā ex fine motiuo cuius gratia, originatur æstimabilitas formalis moralis, & derivatur in personalitatem Verbi propter summam identitatem physicam, quam habet cum illa: à persona autem quasi efficienter derivatur summa possibilis æstimabilitas, seu moralitas in actiones meritorias Christi, sicut ab æstimabilitate, quam habet persona Regis originata ex eius potentia, derivatur æstimabilitas quasi efficienter in actiones morales illius; quare magis estimaretur à Deo, quod Rex poenitens portaret crucem quàm inferior alius Christianus & magis æstimat quis, quod Rex in honorem ipsius discooperiat caput, quàm si id faceret persona minus nobilis.

49. Vnde ad primum argumentū, quod erat ex Scriptura. Respondeo, quod ibi comparat Paulus sacerdotium Christi cum sacerdotio Melchisedech, & sacrificium Christi cum sacrificijs veteris legis, & asserit, quod ille sacerdos mortuus est, & sic non potuit semper exercere Sacerdotis ministerium; iste autem semper viuit ad interpellandum pro nobis, illa sacrificia quotidie mul-

tiplicabantur propter infirmam virtutem, quam habebant ad expiandum & mundandum à quotidianis, & sæpè repetitis peccatis; sacrificium autem Christi propter eius robustam virtutem non necesse habuit multiplicari, sed semel tantum exhibitum in æternum sanctificat & mundat à peccatis futuris; non autem vult Apostolus, quod si in æternum peccata multiplicarentur, Christi sacrificium pro eis sufficeret, licet verum sit, quod sufficeret, quid adhuc peccata essent finita simpliciter, licet essent infinita secundum quid, sed solum vult commendare valorem sacrificij Christi, quia non debet repeti propter peccata, quæ in mundo futura erant.

Ad 2. respondeo, thesaurum meritorum Christi dici à Clemente infinitum, quia valor acceptus à persona Verbi erat summus, propter quod etiam dicitur infinitus, sicut gratia Christi dicitur infinita, quia summa, non tamen quia in se sit simpliciter infinita. Ad id autem quod dicit non esse timendum prædictum thesaurum minui, & consumi posse. Respondeo, hoc ex eo esse verum, quia satisfactio Christi ita fuit superabundans, quod nullus potest timere, quod vel consumatur, & sic fructus illius sibi deficiat in totum, vel minuatur, ita ut sibi deficiat in partem, ita enim immensum pelagus est, ut omnia futura pro minimo sit absorbere peccata.

Ad 3. respondeo, quod Patres illi, qui asserunt, quod à nulla persona finita potuit haberi sufficiens valor pro generis humani redemptione, loquuntur de facto secundum legem Dei ordinariam, & ex suppositione, quod ipse satisfactionem noluerit Deus acceptare pro tali redemptione. Alij vero Patres, qui operibus Christi tribuunt infinitatem, primò non explicant qualem infinitatem: secundò loquuntur, ut inquit Scotus, hyperbolicè, quod patet, quia aliàs non assereret Anselmus, quod bonū passionis Christi potuit soluere debitum peccatorum plus quàm in infinitum, quia nihil potest esse plus quàm infinitum simpliciter, & per hunc modum loquendi preterdunt summum valorem ipsorum commendare, neque enim ita metaphysicè

physicē ipsi loquuntur, vt Scholastici faciunt, sed ad modum, quo solent sermocerari concionatores.

52. Ad 4. respondeo, quod etiam si propter respectum ad personam opera Christi sint suberabundantis valoris; tamen propter hunc non possunt esse simpliciter infinita, quia ipsa persona in valore, quem præstat, debet attemperari & modificari per alias causas creatas, & per ipsa opera creata, quæ non sunt capacia infinitæ æstimabilitatis, sicut velle increatum, & reliqua Dei attributa: ex quorum infinitate physica, infinita debetur moralis æstimabilitas.

53. Ad 5. respondeo, iam nos dixisse repugnantiam, quare non debeant ita merita Christi exaltari, vt affirmetur esse simpliciter infinita, non enim fas est ipsis falsum tribuere honorem.

54. Ad 6. respondeo, non esse timendum, quod merita Christi possint exhauriri propter multitudinem peccatorum, & hominum, tum quia secundum taxationem præsentis iustitiæ, merita Christi condigna sunt, imo & superabundantia pro omnibus hominibus, & peccatis futuris, quia hæc sunt finita, & determinata; tum quia licet magis, ac magis multiplicarentur homines & peccata, necessitas satisfactionis, quam possent habere, solum posset esse summa (nec enim posset esse infinita) ad quam sufficeret satisfactio Christi, quia esset summa, imò ita summa, quod sicut excederet summum valorem possibilem ex solis principiis creatis, quia habebat admixtum aliquod increatum principium, ita excederet summam malitiam possibilem, & summam necessitatē illius, & sic semper esset superabundans ex se. Deinde respondeo cum Rada controuersia 13. art. 3. notab. 4. quod originalis iustitia Adami, & non peccauisse illius, fuisset sufficiens ad ipsam transfundendam in infinitos extensiuē homines, si essent, quia erat gratia Capitis; ita meritum Christi proueniens ex gratia ipsius, quæ erat gratia capitis, posset transfundere talem gratiam in homines infinitos, si essent, & consequenter eorum delere peccata, quare non est timendum, licet sit meritum Christi finitum, quod exhauriatur.

Sed dices primò: Ad infinitos homines, & ad infinita peccata extensiuē requiritur valor meritorum infinitus intensiuē; ergo infinitus simpliciter; ergo cum opera Christi habuerint valorem pro infinitis hominibus & peccatis extensiuē, vt supra diximus ex Scoto, sequitur, quod talis valor fuerit simpliciter infinitus. Respondeo, negando antecedens, primò, quia sufficeret valor similiter infinitus extensiuē: secundò, ex infinita extensione non arguitur infinita intentio, si enim daretur qualitas infinire extensa, non ideo esset infinitè intensa, vt late traditur 3. physic. supra citato, & per hoc patet ad primū consequens. Ad 2. respondeo ex dictis, quia sicut non potest dari infinitum in actu creatum extensiuē, ita neque in actu poterunt esse infiniti homines, & infinita peccata; quare cum Scotus asserit, quod merita Christi per respectū ad personam potuerunt à Deo acceptari pro infinitis hominibus, debet intelligi de infinito in potentia, non in actu, vt diximus, & omnium optime docuit Hugo Cauellus in 3. d. 19. in suis Scholijs.

Obijcies quod finitum est, si expendatur in satisfactionem debitorum debet consumi per partes, & hoc non solum est verum in solutione per pecuniam, sed etiam in satisfactione iniuriæ per actiones meritorias, quæ ratione si quis læditur in reuerentia sibi debita, habet ius vt exigit actionē submissionis, genuflexionis & reuerentiæ ab iniuriante, tamē si lædatur in honore ultra prædictam actionem iam consumptam in satisfactionem prioris iniuriæ, exigit restitutionem fame, sed meritū Christi non consumitur per partes in satisfactionē huius peccati, & illius peccati, sed totum simul, ita vt valet pro omnibus, ac valet pro singulis; ergo ex eo est, quia est infinitū, de cuius ratione est non habere partes consumptibiles. Respondeo concedendo maiorem, & ad minorem dico, quod cum in quolibet minimo opere Christi reperiretur rātus valor propter circumstantiā suppositi, vt posset pro debito totius generis humani superabundanter satisfacere, Deus totū meritū morte Christi consummatum accepit pro prædicto debito absq; eo quod per partes applicaret hæc numero

numero actionem pro illa iniuria, & illam pro illa, quia quælibet superabat totum debitum, non quia infinita esset, quandoquidem non erat acceptabilis infinitè, sicut velle Verbi, sed quia licet finita esset, tamen erat nimis superabundans, & idè de facto non computata per partes, neque proportionales, nec aliquotas; & si de possibili computaretur, semper superessent aliæ, & aliæ pro infinitis hominibus extensivè, & peccatis, neque debitum posset pertinere ad terminum valoris, licet talis valor per partes (vt prætendit argumentum) consummeretur; quā ratione, etiamsi bruta essent infinita, omnia simul non æquivalerent homini ex eo quod rationali, neque Angelo ex eo quod intellectuali, & tamen non habent valorem, neque æstimabilitatem simpliciter infinitum; ita ergo venit dicendum de meritis Christi Domini, de quibus meritis dicitur, quod sint thesaurus inextinguibilis.

37. Dices secundò: Posset dari aliquis homo de potentia Dei, qui cum gratia habituali summa etiam haberet summum meritum, & posset pro aliorum peccatis satisfacere, vt in antecedenti Disputatione quæst. 4. diximus; ergo esset tale meritum æqualis valoris cum merito Christi, & consequenter esset ita acceptabile ratione operis, & ratione operantis, sicut illud, quod expressè negavit Scotus in 3. d. 19. sæpè citatā. Respondeo concedendo antecedens, & negando consequentiam; cuius ratio est, quia licet meritum puri hominis esset summum ex principiis creatis, & consequenter æquivalens in valore alicuius malitiæ summæ, quæ necessariò etiam à principiis creatis debet procedere; tamen merita Christi sunt mixtiori & altioris cuiusdam ordinis, ad quem nullus potest pervenire valor, qui solum ex principiis creatis derivetur, sicut ad perfectionem naturæ rationalis omnes simul naturæ sensitiuæ nequeunt provenire; quare licet summum meritum puri hominis posset esse acceptabile pro aliqua summa malitia, tamen pro alia, & alia non esset acceptabile, neque haberet valorem, nisi fortè ex acceptatione Dei: at verò meritum Christi taliter est summum, quod etiamsi multiplicarentur toties, quo-

ties posset malitiæ creatæ multiplicari, adhuc non exhaureretur, quia non pervenirent ad summitatem illam, quam participat ex persona, idè benè docuit Scotus, quod nec ratione operis, nec ratione operantis potuit alius habere hoc ipsum.

Sed inquires pro completmēto Quæstionis, Primò, an omnia merita Christi sint æqualia? Et respondeo, quod sicut virtutes omnes non sunt æquales, ita neque merita Christi; secundum valorem autem acceptum à persona, licet omnia fuerint summa, tamen debet intelligi iuxta quantitatem illius virtutis, ita quod humilitas in esse humilitatis sit summa, & charitatis actus in esse charitatis.

Inquires secundò, an thesaurus ipsorum meritum possit crescere? Et respondeo, quod materialiter ratione plurium operum, quæ potuit Christus exercere, imò crescit thesaurus Ecclesiæ per merita B. Virginis, & aliorum Sanctorum, vt asserit expressè Clemens 6. in extrauag. *Vnigenitus*, &c.

Inquires tertio, an merita Christi Domini, licet non fuerint simpliciter infinita, sed tantum summa negativè habuerint, vel potuerint habere propriè præmium? Et respondeo, quod non, quia iuxta ea, quæ cum Scoto diximus disp. 2. quæst. 1. semper præmium propriè, & in stricta significatione acceptum est maius bonū, quàm bonum meriti; cum ergo meritis Christi non fuerit de facto datum aliquid ultra valorem ipsorum, neque potuerit dari, etiamsi daretur alia vno hypostatice, v.g. Patris, vel Spiritus sancti, nam hæc vtrplurimum esset æqualis: hinc est, quod non habeant, neque de facto, neque de possibili propriè præmium, sed solum latè acceptum, scilicet pro satisfactione, seu solutione, & hanc tantum sonant testimonia Scripturæ de ipsa loquentes: *Postula à me, & dabo tibi gentes*, &c. *Si posueris pro peccato animam suam, videbis semen longævum*, &c. *Humiliavit semetipsum*, &c. *Propter quod & Deus*, &c.

QVÆSTIO III.

Verum in satisfactione Christi intercesserit propria & specialis iustitia?

1. **S**emper Deus remunerat merita iustorum ex iustitia, iuxta illud Pauli: *Cursum consummavi, fidem servavi, in reliquo reposita est mihi corona iustitiae, quam reddet mihi Dominus in illa die iustus iudex*; quæ iustitia non est lata, ut volunt omnes, qui inter Deum & homines non reperiri veram iustitiam asserunt, sed est propria & specialis, siue sit arithmetica, siue geometrica, ut latè traditur in materia de gratia, & nos docuimus suprà disp. 2. q. 1. p. 2. in fine; quare in præfati Quæstione non inquirimus, an Deus præmiaverit ex iustitia merita Christi, & consequenter ex iustitia dimiserit debitum peccatorum nostrorum ratione satisfactionis ipsius, quia hoc supponimus tamquam verum; sed quod inquirimus est. An Christus, sicut exercebat alios actus aliarum virtutum, ita exercuisset in sua satisfactione actum propriæ & veræ iustitiæ, ut ex motivo illius suam passionem & reliqua merita offerret Patri?

2. Prima sententia negat exercuisse talem iustitiam. Ita Valquez disp. 7. Lora disp. 8. quibus fauent, qui negant inter homines & Deum iustitiam propriam, & specialiter sumptam, ex eo quod hæc respicit æqualitatem, quæ nequit (ut aiunt) ab hominibus reddi Deo, & consequenter non potuit Christus habere motiuium illius in sua satisfactione. Sententia hæc primò probatur, quia ex Aristotele 5. Ethicorum cap. 1. iustitia debet esse ad alterum, sed satisfactio Christi fuit ad seipsum, tamquam Deum; ergo non fuit ex iustitia propria. Secundò, quia ex eodem Aristotele ibi cap. 6. patris ad filium, domini ad servum non potest esse vera obligatio ex iustitia; sed Christus in quantum homo est filius, & servus Dei; ergo ex eius operationibus tamquam hominis non potuit oriri vera obligatio ex iustitia in Deo. Tertiò, quia si Christus in sua satisfactione exercuit actum iustitiæ propriæ & specialis, aut fuit iustitia legalis, & hæc non, quia respicit

solum ius communis, satisfactio autem Christi respexit ius læsum & violatum Dei, tamquam singularis cuiusdam persone, aut fuit iustitia distributiva, & hæc non, quia, ut inquit Aristoteles ubi suprà, non est vnus ad vnum, sed vnus ad plures, inter quos iuxta proportionem geometricam (de qua egimus disp. 2. quæst. 1.) bona communis distribuuntur; satisfactio autem Christi fuit vnus ad vnum, scilicet Christi ad Deum offensum; aut fuit iustitia commutativa, & hæc non, primò quia ad hanc reperiri debet contra passum cum abdicatione domini, hoc est, quod tantum detrimentum patitur quis in bonis propriis abdicando à se dominium illorum, & in alium transfundo, quantum utilitatis accepit ex alienis; sed repugnat, quod Christus abdicet à se dominium suorum operum, & illud transferat in Deum; ergo. Secundò, quia hæc iustitia supponit læsionem eiusdem iustitiæ, quam intendit resarcire; sed iustitia Dei, seu æqualitas ipsius non læditur ab hominum iniuriis, aliàs in quolibet peccato propter malitiam, quam habet ex proprio obiecto, daretur specialis malitia respectu læsionis diuinæ iustitiæ, quod est falsum, cum nullus timoratur conscientie de hac speciali malitia confiteatur. Tertiò, quia ubi non reperitur debitum, non reperitur iustitia, quæ ex natura sua reddit id, quod debetur; sed Christus non erat debitor pro nostris peccatis, sed nos eramus debitores; ergo redditio, seu satisfactio Christi pro nostris peccatis non fuit actus iustitiæ. Quartò, quia quando quis satisfacit pro suis peccatis, non exercet actum iustitiæ, sed poenitentiae; ergo neque Christus quando pro aliorum peccatis satisfacit.

Secunda & vera sententia affirmat in satisfactione Christi reperitum fuisse actum propriæ & specialis iustitiæ, quare actus omnes cuiuscumque essent virtutis obtulit Patri ex intentione satisfaciendi, seu (quod idem formaliter est) ex intentione reducendi ad æqualitatem secundum mensuram legis in æqualitatem ab hominum peccatis, in bonis extrinsecis Dei causatam, & ex intentione soluendi ad æqualitatem secundum legem, debitum peccatorum

rum ab hominibus contractum; debetur enim Deo honor, obedientia, &c. quæ ablata fuerant per peccatum; & similiter homines contraxerant debitum soluendi poenas suorum peccatorum, & Christus sua merita & suam oblatam passionem ex intentione satisfaciendi tam pro honore, obedientia, & ceteris, quæ ablata fuerāt a Deo, quā pro debito soluendi peccatorum poenas. Ita tenent Caietanus, Medina, & alij Thomistæ 3. p. q. 1. art. 2. Valencia puncto 5. Vega lib. 7. in Trident. cap. 8. Suarez disp. 4. sect. 5. Rada 3. Sentent. controuersia 15. art. 3. conclusione 1. illam debent similiter tenere, qui inter homines & Deum admittunt veram, propriam & specialem iustitiam. Quare licet Scotus, sicut & D. Thomas in propriis terminis huius conclusionis non meminerint, tamen illam debent fateri propter hanc rationem, & præcipuè Scotus, qui, ut vidimus disp. 2. quæst. 1. parte 2. in fine, inter Deum & homines admittit veram & propriam iustitiam.

4. Quia tamen hæc sententia non ita expresse asseritur à præcitis Auctoribus, sicut nos tradidimus, ideo pro ipsius intelligentia Nota primò, quòd iustitia propria, prout distinguitur contra metaphoricam, dupliciter sumitur ab aduersariis, ut videre est in Lorca ubi suprā num. 14. Nam primò sumitur pro virtute, quæ Deo reddit æquale, quæ æqualitas, sicut potest deberi à diuersis virtutibus, ita ab ipsis redintegratur, nam Deo homines reddunt gratitudinem debitam per virtutem gratitudinis, & seruant eius præcepta & leges per virtutem obedientiæ, & reddunt cultum debitum per virtutem religionis, & istæ virtutes dicuntur iustitiæ, quasi materialiter, quia reddunt Deo debitum: vnde si contra tales virtutes quis peccat, per easdem virtutes refarcitur ad æqualitatem iniuriæ, quia ad eandem virtutem pertinet amare proprium ipsius obiectum, & odio prosequi, quod est illi contrarium, & in hoc sensu tam primæ quā secundæ sententiæ Auctores conueniunt, quòd Christus satisfecerit ex iustitia, quia reddidit Deo æquale, imò & superabundans, ut suprā quæstione primā diximus.

5. Secundò sumitur iustitia propria for-

maliter, & prout specialis quædam virtus est distincta à reliquis, & hæc consistit in eo, quòd per se respiciat reddere alicui æquale iuxta id, quod illi debetur ex debito legali, hoc est ex aliqua lege: vnde, ut bene notat Lorca num. 8. debitum est duplex ex communi sententia Theologorum, vnum morale, & est illud, cuius obligatio solum oritur ex recta ratione, quatenus secundum rectam rationem necessariam est aliquid alteri præstare, & hoc debitum reperitur in omnibus virtutibus, quæ se habent ad alterum, quia rectum est secundum rationem Deo præstare obedientiam, gratitudinem, cultum, pauperi eleemosynam, &c. vnde hoc debitum per se non respicitur à iustitia formali & speciali, bene tamen per accidens, & tamquam obiectum materiale, ut infra dicemus. Aliud verò est debitum legale, & est illud, ratione cuius oritur obligatio reddendi alicui æquale ex aliqua lege, ut in contractibus, si recepisti decem, totidem reddas, sicut recepisti quantum ad valorem, & quantum ad dominium, & in iniuriis si læsisti ut quatuor in honore aut fama, satisfacias illi ut quatuor, quia lege naturali, diuina aut positua ad id teneris.

6. Ex quo Nota secundò, quod solent inter se cōfundi hæc duo debita, quando coincidit hæc virtus iustitiæ propriæ cum aliis virtutibus, quod præcipue apparet, quando debitum legale oritur ex lege naturæ, quia cum hæc lex sit dictamen rectæ rationis, tunc quasi confunditur debitum morale (quod ut diximus oritur ex ipso dictamine rationis) cum debito legali, seu cum lege naturæ, v. g. dicat ratio recta, quòd Deo tamquam supremo legislatori sit obediendum in omnibus, quæ præcipit; & sic qui contra obedientiam peccat ex eodem dictamine omnem detestatur inobedientiam, quia idem dictamen rationis dicat hanc esse illi indebitam: *Ecce debitum morale*; & dicat similiter eadem ratio recta, debitum esse ex lege naturæ, quòd reddatur Deo æqualis obedientia, ac fuit inobedientia: *Ecce debitum legale*. De ecce qualiter versantur circa idem obiectum materiale, scilicet Deo esse omnino obediendum; tamen distinguuntur ex diuerso obiecto formali, quia debitum

morale ortum ex dictamine rationis respicit Dei obedientiam æqualem debitam vt supremo legislatori, quia dictamen ex quo oritur tale debitum, hoc motuum per se respicit; tamen debitum legale iustitiæ specialis non solum per se respicit constituere æqualitatem, ita vt tantum reddatur obedientiæ, quantum illius fuit ablatum per inobedientiam, sed etiam per se respicit legem naturæ, vel aliam, quia ex eo respicit constituere æqualitatem, quia respicit debitam esse ex iustitia & lege. Quare in debito legali dictamen rationis habet pro obiecto motiuo non solum æqualitatem, sed etiam legem, seu æqualitatem ex lege: vnde si hæc est naturalis, prædictum dictamen habet seipsum pro obiecto, sed debent esse duo actus distincti, & haberi inter se tamquam actus directus & reflexus, quia censet quis per dictamen rectum suæ rationis debitam esse æqualitatem (ecce dictamen formale) & directus quia recta ratio, quæ est naturæ lex, illam dictat (ecce debitum obiectiuum, & quasi reflexum, habens se, vt lex naturæ) quando autem lex non est naturæ, sed diuina, vel humana, tunc clarissimè apparet distinctio debiti legalis à debito morali, quia debitum legale est obiectum, & formaliter respicitur à dictamine rationis, quod est morale.

7. Quibus suppositis probatur Primò: Nostra sententia ratione à priori, quia tunc aliquis satisfacit ex propria & speciali iustitia, quando per se intendit constituere æqualitatem, prout debitam ex aliqua lege, vt patet ex dictis; sed sic est, quod quando Christus sua merita, & suam passionem offerebat Patri ex intentione reddendi illi æquale pro debito ab hominibus ex peccatis contracto iuxta legem naturæ, & iuxta legem diuinam, ergo Christus satisfecit ex propria & speciali iustitia. Minor probatur, Christus fuit noster fidei iussor, ergo debuit sua merita, & suam passionem offerre ex intentione satisfaciendi. Insuper habuit quod solueret æquale, vel superabundanter; ergo debuit offerre ex intentione satisfaciendi ad æqualitatem. Insuper ad hoc tenebatur ex lege naturæ, quia cognoscebat ad hoc obligari ex dictamine rectæ rationis distans cuilibet reddi

debere id, quod ablatum, vel debitum est, imò ex lege diuina, illa scilicet, *Si posueris pro peccato animam suam*, &c. ex pacto, fœdere, testamento, iureiurando veteris Testamenti, vt diximus in hac Disputatione quæst. 1. in prima probatione, quæ omnia vim legis habebant; ergo Christus, quando sua merita, & suam obtulit passionem, hoc præstitit ex intentione reddendi Deo æquale iuxta æqualitatem præstitutam à lege, tam naturæ, quam diuina, & consequenter exercuit veram, propriam, & specialem iustitiam.

Secundò probatur eadem sententia, quia ex natura rei nos tenemur obedire Deo, non solum sicut subditi & vassalij tenentur suo Regi, sed etiam sicut serui, & vera mancipia tenentur suo Domino, quia non solum tenemur illi obedire vt gubernatori & legislatori, sed etiam vt factori & creatori, & consequenter vt vero Domino habenti ius seruitutis erga nos. Vnde pro suo arbitrio potest disponere de homine, & de omnibus rebus eius sine iniustitia, multò magis quàm possit figulus de luto fingere, quòd voluerit, vt tradit Paulus ad Rom. 9. quare non solum dicitur *Rex regum*, sed etiam *Dominus dominiarum*, Apocal. 29. Et Christus Dominus Lucæ 12. cōtra peccatores hanc protulit sententiam: *Seruus qui cognouit voluntatem domini sui, & non fecit secundum voluntatem eius, vapulabit multi*, quod proprium est mancipiorum. Vide Suarez tom. 2. de gratia, lib. 7. cap. 14. à num. 54. vbi in confirmationem istius veritatis plura congerit SS. & testimonia Patrum. Ex quo sic conficitur argumentum. Mancipia tenentur obedire suo domino debito propriæ & specialis iustitiæ, & inobedientiam tenentur resarcire non solum ex virtute obedientiæ, sed etiam ex virtute iustitiæ; ergo similiter nos tenemur resarcire inobedientiam in mandatis & præceptis Dei, non solum ex virtute obedientiæ, sed etiam ex virtute iustitiæ; ergo etiam Christus Dominus, qui satisfecit pro nobis, aliàs non faceret satis omnibus debitis per nostra peccata contractis, quod est falsum. Quare notanter in nostra sententia asserui non solum Christum satisfecisse ex iustitia pro debito poenarum, quæ pro peccatis debe-

debebantur, sed etiam pro inæqualitate in omnibus virtutibus ab hominibus causata, ad quas etiam iure seruicij tenemur, & sic ex hac intentione Deo reddidit æqualem obedientiam, ac fuit inobedientia hominum, æqualem cultum, ac fuit contemptus, vel idololatrya, &c.

9. Tertiò probatur quando quis tenetur ex vera, speciali, & propria iustitia reddere præmium, ex eo est, quia meritum illius hoc petit ex vera, speciali, & propria iustitia, sed Deus tenetur ex hac iustitia reddere Christo in præmium remissionem nostri debiti, suppositā eius promissione, & lege, quia statuit se illud daturum, ex suppositione operis condigni, seu ex suppositione, quod *posuerit animam suam*; ergo ex eo est, quia Christus ex vera, speciali, & propria iustitia illud meruit. Maior non indiget probatione, quia sicut præmium & meritum sunt correlatiua; ita præmium ex tali iustitia, & meritum ex tali iustitia. Minor probatur in quolibet contractu, etiam facto inter dominum & seruum, supposito, quod inter se conueniant, & paciscantur, quod ratione tati laboris sit dandum in recompensationem illius tantum præmium, tale præmium deinde debetur illi operi laborioso ex iustitia, licet talis conuentio fuerit gratiosa, vt diximus disp. 2. q. 1. parte 2. conditione 3. quod inter liberos apparet, quando quis conducit operarios in vineam suam, & inter dominum & seruum, quando pactum est de aliquo opere, vel proprio ex gratia domini, vel proprio ex his, quæ sunt supererogationis, vt diximus ibidem conditione vltimā; ergo Deus tenetur Christo ex eadem iustitia, supposito pacto, quod cum illo fuit, & supposito opere condigno illius. Et confirmatur iterum eadem minor, quia Deus non tenetur reddere Christo tale præmium ex gratitudine, quia hæc virtus non reperitur in Deo, nam in suo conceptu formali includit imperfectionem repugnantem Deo, respicit enim alterum tamquam benefactorem, vt ex Cicerone & Seneca late docuit D. Thom. 2. 2. q. 8. & quæst. 206. art. 1. vnde numquam SS. admonet nos, vt beneficiamus Deo, sed vt illi seruiamus, & tenetur Deus reddere tale præmium Chri-

sto plus quam ex fidelitate; ergo ex iustitia speciali. Consequentia patet, quia non est alia excogitabilis virtus, ex qua teneatur Deus præter has tres. Minor probatur, Primo à priori, quia fidelitas non respicit meritum vt obiectum motuum, sed vt plurimum tantum respicit illud vt conditionem, sine qua non obligatur Deus ad stare promissis, quod est, quod per se respicitur à fidelitate; sed *Christus ex auditu fuit pro sua reuerentia*, quando cum clamore valido, & lachrymis orauit Patrem, &c. id est, merita talis personæ diuinæ in diuinæ Trinitatis tribunali efficacia fuerunt, non ratione solius promissionis Dei, sed etiam ratione meritorum, vt redderetur ipsis præmium, quod erat remissio nostri debiti, *Y enim, pro sua reuerentia exaudiri*, denotat causam motiuam in recto, non conditionem, etiam per se, quæ solum respicitur in obliquo; ergo non tenebatur Deus solum ex fidelitate, & pro qua solum sufficeret dixisse, quod ex auditu est.

Sed obieci obiter: Ergo in nobis, 106
in quibus merita ex se non sunt æqualia cum præmio, sed solum ex acceptance Dei, vt sæpè sæpiss diximus, non tenebitur Deus illa præmiare ex iustitia, quia ad hoc requiritur, quod ipsa merita habeant ius æqualitatis cum præmio, sed solum tenebitur ex fidelitate, & consequenter non respicietur à Deo vt obiecta motiua, sed solum vt conditio. Respondeo negando sequentiam, ad cuius probationem dico, quod ratione acceptationis diuinæ tenetur Deus solum ex fidelitate dare ius æqualitatis operi meritorio, quod semel iam constitutum in esse æquale cum præmio, tenetur Deus statim ex iustitia præmiare, sicut si quis stabiliret SS. vel firma promissione aliquod beneficium Ecclesiasticum maiori stipendio, quam aliud illi simile, & habens æqualitatem laboris cum illo, tenebatur in conscientia ex fidelitate stare promissis, & ex iustitia reddere totum stipendium, vt quotidie contingit in fundatione Capellaniarum, quia promissio reddidit laborem æqualem (non in esse physico, sed in valore morali) cum stipendio, deditque illi ius iustitiæ, quo supposito iam debetur labori stipendium ex iustitia.

11. Secundò probatur, quòd teneatur Deus reddere Christo tale præmium plus quàm ex fidelitate, quia merita & mors Christi plus obligabant Deum ad iustificandum homines, quàm poenitentia hominis peccatoris, vel aliquod signum nullo modo meritòrium, ex aliquo pacto Dei, Deum obligabat, aut obligare posset ad prædictum hominem iustificandum; v. g. si sol oriatur absque nubibus crastina die, vel si talis arbor floreat, dabo homini gratiam iustificandam; sed hoc obligat Deum ex fidelitate; ergo illud obligabat plus quàm ex fidelitate. Maior probatur, quia iustificatio hominum, quæ eorum debita remittuntur, comparatur tamquam merces, & præmium debitum meritis condignis, coæqualibus, imò & superabundantibus Christi: iustificatio autem ex mero signo non respicit meritum ut meritum, & iustificatio ex poenitentia hominis peccatoris non respicit meritum poenitentiae, ut meritum in recto tamquam præmium condignum talem iustificationem, sed per se, & in recto respicit promissionem, & misericordiam Dei, quæ dixit: *In quantumque hora ingemueris peccator, peccatorum eius amplius non recordabor*; & meritum, seu dispositionem antecedentem respicit in obliquo, & si illud respicit ut meritum, tantum est ut meritum congruum; ergo Christo tenetur Deus reddere tale præmium plus quàm ex fidelitate.

12. Sed dices obiter, quare hæc promissio non dat prædictis meritis dispositiuis hominum condignitatem, & æqualitatem, sicut paulò antea diximus de acceptatione, sed relinquit talia merita in statu congruitatis? Respondet hoc nos colligere à posteriori, quia acceptatio de lege ordinaria concomitatur gratiam, nam per gratiam habitualement acceptat Deus subiectum illius, & opera eius, & sic sicut gratia constituit amicum, quandoquidem est ipsa charitas, ut dicemus in materia de charitate disp. 3. quæst. 5. ita acceptatio ei annexa constituit opera condigna & æqualia præmium dandum ab amico; tamen reliquæ promissiones, quæ hominem non respiciunt amicum, non dant ius æqualitatis & condignitatis cum præmio, sicut neque dant ius iustitiæ

ad gloriam, & sic relinquunt merita in statu congruitatis, in quo Deus respicit per se, & tamquam obiectum motuum, suam promissionem, & tamquam conditionem, & in obliquo, merita congrua gemitus & poenitentiae.

Tandem probatur nostra sententia pluribus SS^{ss} & Patrum testimoniis, de Christi satisfactione loquentibus, tamquam de satisfactione veræ, specialis, & propriæ iustitiæ, quæ debent in proprio sensu explicari, quando nullum sequitur inconueniens: possunt autem propriè intelligi, & explicari iuxta ea, quæ probauimus, quare ad Rom. 3. dicitur: *Quem proposui propitiatorem per fidem in sanguine ipsius ad ostensionem iustitiæ suæ, & sicut per unius delictum, &c. ita per unius iustitiam, &c.* Et 1. ad Corinthios 1. *Qui factus est pro nobis sapientia à Deo, & iustitia, & sanctificatio, & redemptio.* Et ad Coloss. 2. *Delens quod aduersus nos erat chirographum decreti, &c.* quæ similitudo desumpta est ex vera solutione, v. g. pecuniæ ius iustitiæ speciali postquam statim iuridicum rumputur chirographum. Vnde D. Leo sermone 2. de Natiuitate sic ait: *Hanc potissimam viam elegit, quæ ad destruendum opus diaboli non virtute vteretur potentia, sed ratione iustitiæ.* Idem ait Augustinus lib. 7. de Trinitate, cap. 13. Et Dionysius de Ecclesiastica Hierarchia cap. 3. dicit, *quòd Christus in iudicio & iustitia diabolum superauit*, quæ non possunt tergiversari, tum quia in iudicio solum agitur de iustitia secundum rationem eius formalem, scilicet attendendo ad æqualitatem ex lege, tum quia quando hæc virtus (ut in præsentia) refertur cum contrapositione ad alias, ut ad fortitudinem, misericordiam, &c. debet intelligi de iustitia speciali, quia reliquæ etiam sunt iustitiæ lato modo; ergo dicendum est, quod in satisfactione Christi Domini interuenit propria & specialis iustitia.

Ad argumenta in cōtrarium respondeo. Ad primum, quod iustitia debet esse ad alterum moraliter, non physicè, & sic debet intelligi Aristoteles, quia diuersitas iuris constituit diuersitatem requisitam ad iustitiam, ut diximus disp. 2. quæst. 1. parte 2. conditione 5. ut reperitur in tutore, qui ratione administrationis rei familiaris pupilli potest

13

14

test esse debitor, & ratione proprii iuris potest simul esse creditor. Ita Christus, quia fidei-iussor fuit debitor, & quia Deus offensus fuit creditor: unde quia in se habuit vtrumque ius, dicitur *mediator Dei & hominum*, 1. ad Corinth. 1. Et capite 5. *quod mundum reconciliabat sibi*.

15. Ad 2. respondeo, quòd etiam si inter Patrem & Filium, inter Dominum & seruum, vt sic comparatos, iustitia non fit vera & specialis, sed solum potestativa; tamen si comparantur vt æquales, licet talis æqualitas proueniat ex antecedenti gratia Patris vel Domini, vera, propria, & specialis reperitur iustitia, sicut illa quæ reperitur inter duos ciues æquales, vt etiam diximus ex Aristotele ibi conditione vltimâ, & sic dicimus repertam fuisse in Christo, qui per opera humanitatis satisfecit Deo ex antecedenti gratia Dei, translata tamen iam in proprium dominium Christi.

16. Ad 3. respondeo, concedendo non fuisse iustitiam legalem aut distributivam, vt argumentum probat; nego tamen non fuisse iustitiam cõmutatiuam, refarciuit enim Christus Dei iniuriam secundum mensurâ arithmeticam, quod proprium est iustitiæ cõmutatiuæ. Vnde ad primam probationem dico primò, quòd licet in restitutione, ex iustitia, quæ reperitur in contractibus, qui sunt per modum dati & accepti, requiratur, quòd non solum restituatur res, sed etiam dominium rei; tamen in restitutione famæ vel honoris ex eadem iustitia non requiritur translatio dominij, sed sufficit quòd tantum honoris vel famæ restituatur, quantum fuit ablatum: vnde Christus hoc superabundanter fecit respectu Dei, neque enim est necessarium, quòd vtilitas restitutionis sit in aliquo intrinseco creditoris, si id, quod ablatum fuit, extrinsecum illi fuit, sicut respectu Dei sunt cultus, obedientia, &c. illi debita.

17. Deinde dico secundò, quòd si per dominium intelligatur dominium morale (vt debet intelligi) ratione cuius Christus imputabantur sua merita, sicut cuiuslibet alteri iusto imputantur merita propria, ex eo quod ex concursu libero voluntatis procedunt, taliter quòd possint concursu contrario destrui, non esse

necessarium, quòd Christus transferat in Deum tale dominium, cum sit cum ipso commune, & vterque habeat ius in tales actiones meritorias, quia quando in humanis in duobus est æquale ius ad aliquam rem, non debet dominium vnius transferri in alterum, sed satis est, quòd cuiuslibet tribuatur, quod suum est, & ita licet Deus liberè concurrat ad Christi opera, taliter quòd possit non concurrere; tamen quia Christus eodem modo concurrat, est etiam in Christo dominium, & ius morale suorum operum ex lege Naturæ, quod in Deum non debet omnino transferri, vt diximus parte 1. conditione 1.

Ad secundam probationem cõcedo, quòd satisfactio ex speciali iustitia supponit læsionem eiusdem iustitiæ, hoc est, læsionem æqualitatis ex lege, quæ per se respicitur à speciali iustitia; nego tamen quòd nostra peccata, quæcumque sint, non læserint diuinam iustitiam, vt colligitur ex probatione prima & secunda nostræ sententiæ; ex prima, quia Deus habet ius iustitiæ circa propria bona, etiam extrinseca, quæ, si lædantur, debent reduci ad æqualitatem; ex secunda, quia Deus habet ius seruitutis erga nos, & sic si non obediatur, vt tali, debet reintegrari ex speciali iustitia. Quod autem hæc circumstantia à viris timoratis in confessione non exprimitur, ideo est, quia est communis & annexa omnibus peccatis. Insuper quia quando expresse non intenditur talem inferre inæqualitatem, solum est iniustitia materialis: vnde quando per se talis inæqualitas intenditur, debet expresse confiteri, quia mutat speciem, & est iniustitia formalis.

Ad tertiam probationem dico, vel non esse necessarium, qui debitum iustitiæ reperiat in eo, qui exercet actum iustitiæ, sed sufficit quòd ex motiuo formali iustitiæ, quod est constituere æqualitatem ex lege, inter rem, & rem exerceat, vt patet in eo, qui soluit pro alio integrum debitum, ad quod non tenebatur, sic autem fecit Christus. Dico secundò, quod in Christo fuit tale debitum, ex eo quod voluntarie acceptauit officium redemptionis & fidei-iussoris, & sic nil potuit illi deficere ad exercitium specialis iustitiæ.

20. Ad quartam probationem respondent aliqui, hominem non satisfacere pro suo peccato ex speciali iustitia, licet ad hoc, saltem materialiter teneatur, quia non potest Deo reddere æquivalens obsequium debito contracto per peccatum, & ided satisfacere inadæquatè per poenitentiam: Christus autem potuit reddere æquivalens, ided satisfecit ex iustitia. Sed contrà, quia pro peccato veniali probauimus suprà disp. 2. quæst. 3. (etiam illis concedentibus) quod possit hominem condignè, & ad æqualitatem satisfacere; ergo talem iniuriam, & peccatum possunt homines refarcire, non solum per poenitentiam, sed etiam per veram & specialem iustitiam. Præterea, vt diximus ibidem quæstione primâ, in probatione nostræ sententiæ contritio hominis iusti habet veram naturam satisfactionis, etiam si per accidens, quia inuenit culpam mortalem remissam, nõ possit esse satisfactio in actu secundo; ergo posset homo iustus elicere talem contritionem ex intentione reddendi Deo æquale iuxta legem pro culpa, ex conditione, si illa non esset remissa: in quo casu exerceret actum iustitiæ, cum virtutes potiùs in affectu, quàm in effectu consistant, sicut exercet actum elemosynæ, qui habet intentionem dandi pauperi, si ibi suppetere pecuniæ, quando enim conditio est accidentalis, in omnium sententia non tollit alicuius virtutis exercitium, quod etiam fatetur Vasquez disp. 2. cap. 4. nam tali intentioni & affectui non repugnat ex propria natura, sed solum ex accidenti esse principium operis virtuosi, vt docet ipse: sic autem cõtingit in præsentī, quia si de potentia Dei gratia & peccatum simul essent, contritio elicitæ ex gratia posset esse satisfactio in actu secundo pro peccato, vt cum Scoto ibidem diximus; quare non est contra eius naturam, & sic accidentaliter illi contingit oppositum, sicut accidentaliter contingit illi, quod non procedat à gratia.

21. Quare respondendum nobis est ad prædictam probationem, quod homines, si in peccato mortali sunt, solum possunt satisfacere de congruo per virtutem poenitentiae; si tamen sunt in gratia per virtutem iustitiæ, & per virtutem poenitentiae satisfaciunt de condigno, sed propter diuersa motiua, quia

per poenitentiam satisfaciunt ex motiuo vindicandi peccatum; per iustitiam specialem ex motiuo reddendi Deo æquale pro peccato, iuxta id quod præscribitur à lege: in Christo autem Domino hoc est multò magis verum; an autem in ipso possit virtus poenitentiae reperiri, dicemus infra.

Ex his facilis est solutio ad id, quod in præsentī inquiritur, an talis actus iustitiæ specialis procedat ab habitu poenitentiae, vel ab habitu religionis, vel ab habitu iustitiæ. Primum dixit Marfilus in 2. q. 10. qui duplicem in tali habitu agnouit actum; alium, qui sit retractatio prioris vitæ in recompensationem iniuriæ factæ per peccatum, sed non ad æqualitatem, quem actum dicit esse formaliter poenitentiae, & reperiri in nobis, non in Christo; alium, qui sit recompensatio ad æqualitatem facta pro iniuria Dei, sed non cum retractatione prioris vitæ, & hunc actum dicit esse poenitentiae tantum materialiter, & reperiri in Christo. Secundum, quod scilicet procedat ab habitu religionis, qui reddit Deo honorem debitum, & quando leditur, restituit, asserunt alij apud Suarez disp. 4. sect. 5. addentes talem habitum non esse distinctum ab habitu, seu virtute poenitentiae, & sic coincidunt cum Marfilio, quorum totum fundamentum est, ne detur in Christo aliquis habitus, seu aliqua virtus, quæ non possit in nobis ergo Deum reperiri; talem autem existimant specialem iustitiæ virtutem.

Dicendum igitur nobis est, prædictum actum iustitiæ specialis procedere ab habitu & virtute speciali iustitiæ propriæ, & specificæ commutatiuæ, quæ altioris debet esse ordinis, saltem materialiter ab habitu speciali iustitiæ commutatiuæ, quæ inter homines reperitur, quia hæc respicit diuinum ius, illa humanum, sicut etiam sunt altioris ordinis fidelitas, & gratitudo nostri erga Deum, quàm erga homines. Ratio autem huius nostræ sententiæ ea est, quia, vt diximus, iste actus respicit per se motiuum formale, quod per se non respicitur ab actu poenitentiae, vel religionis, quia actus iustitiæ respicit constituere æqualitatem requisitam ex lege; actus verò poenitentiae respicit vindicare peccatum, & actus religionis respicit reddere Deo hono-

honorem debitum, vt primò omnium rerum principio; ergo sicut isti duo vltimi actus procedunt à se à diuersis habitibus, quia diuersa obiecta formalia diuersos in specie constituunt habitus virtuosos, sicut & scientificos, vt omnes vnanimi consensu fatentur, ita actus iustitiæ per se procedit ab habitu speciali, ex eo quodd habeat motiuum per se honestum in specie distinctum.

24. Et confirmatur, quia ille qui satisficit, duo respicit, scilicet ius rei, & ius personæ, iuxta ea quæ diximus quæst. 1. huius Disputationis. Primum atteditur ex natura ipsarum rerum, vel partim ex acceptatione, & partim ex natura iuxta dicta, & hoc ab omnibus virtutibus potest respici, v. g. obedientia potest ex proprio motiuo rescificare inobedientiam iuxta quantitatem ipsius, & consequenter vt sic poterit poenitentia, & religio ex propriis suis motiuis rescificare ad æqualitatem iniurias Deo factas. Secundum attenditur ex lege, vel naturæ, vel diuina, vel humana, & hoc ius legale ratione cuius persona habet ius, vt sibi ad æqualitatem arithmeticam restituatur, non potest per se respici ab alia virtute, quam à virtute iustitiæ speciali, quia nulla alia per se respicit æqualitatem ex lege; ergo ab hac, & non ab habitu poenitentia: vel religionis processit in Christo talis actus, seu exercitium ex tali motiuo restituendi ius diuinum ad æqualitatem, & soluendi illi pro nobis debitum nostrorum peccatorum.

25. Et per hoc patet ad fundamentum Aduersariorum: Primò, quia non repugnat etiam in nobis dari specialem virtutem iustitiæ, omnes enim rationes suprà posita, etiam hoc probant, in peccati enim venialis satisfactione potest à nobis exerceri, imò & pro peccato mortali per affectum, licet non per effectum, quod sufficit, vt suprà diximus, & sic non repugnat talem assignare virtutem in Christo. Secundo, quia etiam si in nobis non posset dari, posset nihilominus reperiri in Christo, imò & de facto reperitur, non solum quantum ad affectum, sed etiam quantum ad effectum, quia sicut fides, & aliæ virtutes non reperiuntur in Christo, quæ reperiuntur in nobis, ita aliæ possent in illo

Castillo de Incarn. Pars 1.

reperiri, quæ in nobis reperiri non possent.

QVÆSTIO IV.

Virum Christi satisfactio fuerit de toto rigore iustitiæ?

VAsquez disp. 7. à cap. 2. & Lorca 1: disp. 8. n. 7. sicut in antecedenti quæstione negauerunt in Christo reperiri propriam & specialem iustitiam, ita nunc consequenter negant Christum satisfecisse de toto rigore huius iustitiæ; quia si non satisfecit ex speciali iustitia, multò minùs satisfecit ex toto rigore talis iustitiæ; tamen cum admittant in Christo (sicut & in quolibet iusto) iustitiam etiam propriam, sed latam, quæ reperitur in omnibus virtutibus, omnes enim ex eorum motiuis possunt reddere æquale pro debito iuxta dicta, ita etiam admittunt Christum satisfecisse ex toto rigore huius iustitiæ latæ, quia reddidit æquiualens, imò & superabundanter etiam infinitè pro debito; quare duo sunt in præsentī examinanda: Primum, an Christus satisfecerit ex toto rigore iustitiæ sumptæ in primo sensu, scilicet pro iustitia speciali. Secundum, an ex rigore iustitiæ sumptæ in secundo, scilicet pro iustitia lata, quæ in omnibus reperitur virtutibus.

Et quidem in primo sensu absolute 2: dicendum à nobis est Christum satisfecisse ex rigore iustitiæ specialis. Hæc conclusio communis est apud Auctores infra citandos, sicut est consequens ad nostram sententiam, quā in antecedenti quæstione diximus, in satisfactione Christi reperimentum fuisse actum specialis iustitiæ, & præter ea quæ ibi ex SS: & Patribus adduximus, & ponderauimus, modò sunt adducenda aliqua Patrum verba, quæ hunc iustitiæ rigorem expriment. Et primò ex Græcis Proclus Cicerus tom. 6. Ephesini cap. 7. sic ait: *Pro nostris peccatis eiusmodi pretium suis impensum, quod ex actum debitum ad iustitia amissum exæquaret*; perpendite vltima hæc verba. Et S. Basilus Seleuciensis hom. 1. de Incarnatione col. 4. ait: *Per mirabiles naturæ nostræ primitias, scilicet per Christum Dominum omnem iustitie rationem fuisse expletā*. nota. ly. *omnem.*

L 2

Et

Et ex Latinis S. Saluianus Marfilienf. lib. 4. de Prouidentia & iudicio Dei ait: *In illo (scilicet in Christo) iniustitia speciem ipsa magnitudo iustitia habere videtur, magnitudo iustitia*, id est, grandis adæquatio iuris attentâ lege. Et ratio huius conclusionis manifesta est, quia rigor iustitiæ specialis nullus alius potest esse, nisi quod Christus reddiderit æquiualens ex motiuo prædictæ iustitiæ (hoc est, quod in Christi satisfactione reperta sint omnia prædicata speciei iustitiæ) sed quod reddiderit æquiualens, imò & superabundanter probauimus in hac Disputatione, quæst. 1. & quod fuerit ex motiuo iustitiæ specialis, probauimus quæst. antecedenti; ergo Christus satisfecit de toto rigore iustitiæ specialis.

3. Sed dices: Rigor huius iustitiæ respicit solutionem æquiualem ex se, & non ex gratia creditoris; Christus autem satisfecit per ea, quæ innitebantur gratiæ Dei, saltem in radice, scilicet in vnione hypostatica, cui omnes gratiæ erant debitæ debito connaturalitatis. Sed contrâ, quia vel gratia interuenit, & intercedit in ipsamet satisfactione actuali, & hoc est falsum, quia aliàs non solum de rigore iustitiæ, sed neque de iustitia satisfaceret, nam non satisfaceret de condigno, sed de congruo, illa enim satisfactio est de congruo, & non de condigno, in qua reperitur creditoris gratia actualis, vt gratia, sicut diximus ex communi omnium sententia disp. 2. quæst. 1.

4. Et confirmatur, quia nullus potest exercere actum specialis iustitiæ, nisi possit habere pro obiecto motiuum talis iustitiæ; sed qui non potest habere æquiualens secundum legem, ex quo possit soluere, non potest habere obiectum motiuum illius, vt diximus in antecedenti quæstione; ergo cum Christus non possit habere æquiualens secundum legem, quia hoc ex natura legis requirit, quod tantum transferatur ex propriis, quantum fuit ablatum ex alienis, vt diximus ibi conditione 1. sequeretur ipsum non satisfecisse ex speciali iustitia, quod non admittunt Aduersarij. Vel gratia non interuenit in ipsamet satisfactione, sed est antecedens, & in radice, vt asserere videntur Aduersarij, sed hoc non tollit, quomi-

nus Christus potuerit exercere actum specialis iustitiæ, vt Aduersarij concedunt, & nos tradimus suprà parte 2. conditione 3. ergo neque auferet, quominus posset exercere rigorem huius iustitiæ.

Et ratio à priori huius est, quia iustitia specialis & rigor iustitiæ sunt idem formaliter, & adhuc per intellectum non distinguuntur: vnde in quæstione 2. doctrinali satisfactionis non admittimus triplicem satisfactionem, sed duplicem. Et probauimus solum dari congruam & condignam, quia omnes conditiones requisitæ ad rigorosam requirebantur ad condignam: hæc autem fit per specialem iustitiam; ergo. Quare non loquuntur consequenter, qui ex vna parte admittunt Christum satisfecisse speciali iustitia, & ex alia negant satisfecisse ex toto rigore iustitiæ, & per hoc patet ad obiectionem.

In secundo autem sensu quæstionis, in quo inquiritur, an Christus satisfecerit ex toto rigore iustitiæ latæ, etiam dicendum nobis est Christum satisfecisse ex toto rigore illius. Hanc conclusionem cenfeo esse Scoti, sicut cenfeo esse illius, quod Christus satisfecerit de condigno, & ad æqualitatem ex vera iustitia; illam expressè tenent Capreol. in 4. d. 25. q. vnica, art. 3. Ferrara 4. contra Gentes cap. 54. dub. vlt. Soto lib. 3. de Natura & gratia cap. 6. post primam conclusionem, Vega 7. in Trident. c. 8. & 9. Peltanus de Christi satisfactione cap. 7. Henriquez lib. 5. Summæ, c. 18. n. 2. litt. L & M, quamuis excedat in eo quod oppositam sententiam notet meritis & impietatis censura, & apud ipsum in Glossa, Penna, & Soto Maior, dum aiunt esse periculosam, impiam blasphemiam, & sacrilegam. Insuper tenet Suarez disp. 4. sect. 5. & 6. & opusc. de iustitia Dei sect. 2. num. 33. Valencia disp. 1. q. 1. puncto 5. quæstiunculâ 5. Albertin. tom. 1. proprio primo philosophico, q. 18. theologicâ, dub. 3. diff. 3. Medina q. 1. art. 2. dub. 3. conclus. 1. Peltantius ibidem disp. 6. Cabrora disp. 7. §. 3. Ragusa disp. 20. §. 2. Theodorus Smyth tit. 3. d. 6. q. 9. n. 635. Vasquez, & Lorca, locis suprà citatis, qui duo Auctores expressius loquuntur, & tenent sub prædictis verbis nostram conclusionem; reliqui verò tenent, quia expressè

presse dicunt Christum satisfecisse ex toto rigore iustitiæ, quod ad minus debet verificari in hoc secundo sensu.

7. Hæc conclusio primò probatur ex Patribus adductis in prima cōclusionē, quia ad minus probant hanc secundam, vt Vasquez & Lorca fatentur. Secundo probatur ratione à priori, quia rigor iustitiæ latè solùm requirit, quòd creditori reddatur à debitore æquivalens debito, non attendens ad legem, & à quacumque virtute id fiat; sed Christus reddidit æquivalens, imò & superabundanter; ergo etiam si non attendisset ad quantitatem prout constitutam à lege, satisfecit ex rigore iustitiæ latè. Minor iam est probata. Maior & conceditur ab omnibus, & insuper ex eo patet, quia omnes conditiones requisitæ ad talem rigorem, ed tendunt, vt constituent omnimodam æquivalentiam, vt latè probauimus, discurrendo per singulas in duabus integris partibus quæstionis primæ; ergo, &c.

8. Neque obstat, si dicas, requiri ad talem rigorem, quòd non innitatur gratiæ antecedenti, licet in actuali satisfactione nulla reperiatur gratia, sed adæquata & integra solutio. Quia contrà est, nam sequeretur quæstionem esse de solo nomine. Sequela probatur à simili, quia si quis deberet duo debita vt quatuor, & solueret vnum dando quatuor, quòd hæc solutio denominaretur aliàs debita ex alio debito, non tolleretur quominus pro vno esset satisfactio ex rigore iustitiæ, quia talis denominatio nihil ponit in re; ergo similiter, quòd id, quo quis satisfaci, denominetur aliàs gratiosum, non tolleretur rigorem iustitiæ in satisfactione, in qua nos melius vocamus rigorem iustitiæ, vbi talis adæquata solutio reperitur, vt monuimus in fine partis 2. Et confirmatur, quia aliàs innumere erunt satisfactiones ex his, quæ in contractibus, in emptione & venditione quotidie reperiuntur, quæ non sint de toto rigore iustitiæ, quia sæpissimè pecunia illa, vel saltem pars aliqua illius pecuniæ fuit aliquando illius, qui modò recipit solutionem, & ab eo gratiosè translata est in dominium alterius, vel dando ei eleëmofynam, vel liberam donationem exhibendo, vel liberè transferendo, quia liberè emendo ab eo aliquid, aut chartis ludendo, &c.

& tandem per deuolutionem pecuniæ huius domini in illum, & illius in alium ferè nullus inuenietur rigor iustitiæ, quia denominationem hanc quasi nulla pecunia poterit effugere.

Tertiò probatur, quia gratia formalis, & iustitia formalis sunt oppositæ; ergo sicut in gratia non est distinctio inter gratiam & rigorem gratiæ, ita in iustitia non erit distinctio inter iustitiam & rigorem iustitiæ; ergo in satisfactione, in qua reperitur formalis iustitia, reperitur rigor talis iustitiæ; sed hæc reperta fuit in Christi satisfactione; ergo. Et confirmatur, quia iustitia formalis cum omni sua intentione (si eam haberet, & esset rigor illius) solùm est opposita cum gratia formali, non cum radicali, sicut albedo formalis, etiam cum omni sua intentione non opponitur in pariete cum nigredine radicali, sed cum nigredine formali; ergo in satisfactione, in qua reperitur iustitia formalis, etiam si reperitur gratia radicalis, nihil obstat quominus reperitur cum omni sua intentione & rigore. Sed non defuit qui responderet ad argumentum, quod etiam in gratia inuenitur hæc distinctio, nam potest appellari rigor gratiæ, quando datur aliquod à Deo absque aliquo merito præuio, v.g. primum auxilium ad habendam contritionem, & potest appellari gratia sine rigore ipse habitus collatus homini post contritionem; sed qui sic responderet non videtur rectè perpensis, & benè calluisse argumentum nostrum, quia gratia habitualis collata post contritionem, idèd dicitur formaliter gratia, quia non est promerita de cōdigno; neque debita ex iustitia per talem contritionem, & idèd formaliter habet rationem rei indebitæ, quòd si promerita sit de congruo, vt sic neque rationem formalem gratiæ habet, sed potius habet rationem rei debitiæ (scilicet de congruo) in sua linea, & consequenter vt sic non potest comparari cum primo auxilio, quia fieret comparatio rei debitiæ cum re indebita, & modò loquimur de re formaliter indebita, quæ est definitio gratiæ, vt gratiæ, quæ cum indiuisibilis ratio sit, non admittit diuisionem in gratiam, & rigorem gratiæ.

Et confirmatur, quia aliàs sola vnio hypostatica esset rigorosè gratia, quia

reliqua dona, tam Christo, quam hominibus & Angelis collata fuerunt aliquo modo debita, & sic neque primum auxilium esset rigorose gratia. Ad confirmationem respondet, quod rigor iustitiæ non cōparatur cum iustitia formali, tamquam intentio eius, sed tamquam pars integralis illius, & sic ait quod gratia & rigor iustitiæ nō debent comparari, tamquam albedo formalis, & nigredo radicalis, quia, inquit, quod iustitia & rigor iustitiæ se habent, sicut homo truncus, & absque pedibus qui formaliter est homo, & non truncus qui integraliter & rigorose est homo; sed solutio hæc trunca est, quia quis vnamquam constituit partes integrales in iustitia? (imò potius in iudiciis reprehenduntur manus) Præterea omnis hæc pars integrans reducitur ad quamdam denominationem extrinsecam rei materialis indebitæ in radice, vt destruat quædam perfectio possibilis adscribi satisfactioni Christi. Denique ad minus habeo, quod satisfactio Christi fuerit de toto rigore iustitiæ formali, quidquid sit de integrali, de qua ego nunquam fatebor, quod fuerit sicut homo truncus, & contra totum hoc instauro argumentum suprà factum de pecunia debita pro duobus debitis vt quatuor, quod si soluat pro vno vt quatuor, non erit integraliter iustitia, ex eo quod ipsa possit denominari, scilicet debita pro alio debito vt quatuor, sed quis non videt absurdum?

11. Quartò probatur & declaratur conclusio, quia rigor respectu iustitiæ non se habet sicut intentio respectu iustitiæ, sed sicut perfectio specifica iustitiæ; per rigorem enim significamus seruari omnes apices iuris, qui necessariò requiruntur ad eius naturam, vnde formaliter consistit in eo, quod sit adequatio iuris; ergo vbicumque inuenta fuerit perfectio specifica iustitiæ, reperietur rigor iustitiæ; sed hæc fuit in Christi satisfactione inuenta, quomodo cum sumatur, quia si loquamur de specifica ratione iustitiæ specialis, iam probauimus questione antecedenti. Si autem loquamur de specifica ratione iustitiæ latæ patet, quia ex motu amicitie, charitas Christi potuit Deo reddere æquiualens pro debito contracto per peccata: vnde Apocal. 9.

dixit: Dilexit nos, & lauit nos à peccatis nostris in sanguine suo. Et Christi obedientia potuit ex proprio motu obedire ad æqualitatem omnes nostras inobedientias, iuxta illud Ioan. 14. *Sicut mandatum dedit mihi Pater, sic facio.* Et sic de reliquis virtutibus; ergo perfectio specifica, tam iustitiæ specialis, quam iustitiæ latæ, quæ transcendit per omnes virtutes, cum possit ex propriis earum motu reddere æquale, reperta fuit in satisfactione Christi, & consequenter rigor cuiuscumque iustitiæ. Et confirmatur ex solutione argumentorum.

Sed pro contraria sententia referuntur Durandus in 4. d. 9. q. 1. n. 7. Medina tit. 3. de satisfactione, q. 3. *si autem.* Rada controuersia 13. art. 3. conclusione 3. Faber disp. 46. & disp. 18. q. vnicā, cap. 2. & 3. sed pro hac sententia solum Durandus fortassis potest referri, quia non videtur admisisse æquiualentiam in meritis Christi respectu debiti; tamen reliqui Auctores potius sunt pro nostra sententia, quia admittunt æquiualentiam, & solum negant rigorosam iustitiam in sensu, quo aliqui Thomistæ illam admittunt, scilicet quia nulla intercesserit gratia, etiam in radice in meritis Christi, ex eo quod omnia auxilia, & gratia habitualis, & reliqua dona supernaturalia, & acceptatio Dei debita sint Christo, vel ratione vnionis hypostaticæ, vel ratione Verbi: id autem, quod est debitum, non est gratia: vnde admittunt rigorem iustitiæ excludendo etiam gratiam antecedentem, quod est falsum, vt ipsi latè probant, quia Christus satisfecit per humanitatem, in qua prædicta omnia habuerunt rationem gratiæ, & licet fuissent debita ratione vnionis hypostaticæ, vel ratione Verbi, tamen quod habuerit talem vnionem, vel quod assumpta fuerit ad esse personæ à persona Verbi fuit illi gratis, & omnino voluntariè concessum à Deo, & consequenter cum reliqua initerentur tali gratiæ, fuerunt gratia saltem in radice, & confirmari potest, quia Christus potuit de potentia Dei peccare, vt dicemus disp. 18. ergo prædicta dona non erant ex natura rei debita Christo, vt homini, etiam in concreto sumpto. ita expressè Faber vbi suprà cap. 3. sed vt videri potest in eodem

dem cap. n. 23. etiam expressè admittit, & probat Christum satisfecisse de toto rigore iustitiæ, quia dedit æqualitatem pretij rigorosam post acceptam gratiam, & hoc idem asserit de Filio respectu Patris, & de seruo respectu Domini, vt latè traditum est à nobis in parte 2. suprà citatâ.

13. Cuiuscumque autem sit hæc sententia probatur Primò, quia ad rigorem iustitiæ est necessarium, vt opera bona, quibus fit satisfactio, non sint sub dominio creditoris, sed operationes Christi fuerint sub dominio Dei, quia erant creatæ; ergo non fuerunt satisfactoriæ de rigore iustitiæ. Sed contrà, quia licet in satisfactione pecuniæ, vbi non solum debebatur pecunia, sed etiam dominium illius requiratur, quod pecunia per quam fit satis non sit sub dominio creditoris, tamen in satisfactione honoris, vel famæ, vbi non debetur, nisi solus honor, vel fama non requiritur, quod dominium actionis, quâ reddenda est fama, non sit sub dominio creditoris. Et confirmatur, quia fama vel honor fuerunt à Deo ablata per actiones, quarum dominium erat vtrique, scilicet Deo & homini commune; ergo sufficit, quod reddantur per actiones, quarum dominium, etiam si vtrique commune; quod autem actiones liberæ hominis sint ipsi & Deo in dominio communes, diximus parte primâ primæ quæstionis conditione primâ, & explicauimus hoc dominium esse morale, & consistere in eo quod ipsis iure naturæ imputentur tales actiones, vt propriæ, & non aliis, sicut res familiaris dicitur esse sub dominio morali alicuius, quia ipsi imputatur vt propria aliquo iure, & non alteri, & aliquæ harum rerum solent esse sub dominio duorum.

14. Secundò probatur hæc sententia, quia opera, quibus Christus satisfecit, erant Deo debita pluribus aliis titulis, scilicet titulo obedientiæ, titulo gratitudinis, &c. imò supposito, quod liberè acceptauit officium redemptoris, & fideiussoris nostri titulo iustitiæ; sed satisfactio ex toto rigore iustitiæ debet esse ex aliis indebitis; ergo non satisfecit Christus ex tali rigore. Et confirmatur, quia merita Christi non habuerunt valorem simpliciter infinitum; ergo non potuerunt satisfacere omnibus his titu-

lis de toto rigore iustitiæ. Sed contra vtrumque sic argumentor, quia quando plures tituli non inducunt nouum debitum, sed solum nouam obligationem eiusdem debiti, quia omnes cadunt super eandem naturam, vt quâdo quis pluribus titulis tenetur ieiunare die Veneris, vel adire Romam, tunc vnico tantum opere, etiam finiti valoris satisfacit de toto rigore iustitiæ; ergo cum omnes prædicti tituli caderent super eandem materiam, scilicet super eandem Christi opera potuit illis satisfacere de toto rigore iustitiæ. Antecedens probauimus parte primâ, conditione secundâ. Consequens non indiget probatione, quia sicut in nobis prædicti tituli solum possunt cadere super nostra opera, ita in Christo.

15. Tertiò probatur, quia rigor iustitiæ exigit, vt ex natura rei, & secluso pacto, creditor obligetur ad acceptandum satisfactionem, sed Christi opera non obligabant sic Deum, quia ad hoc indigebant eius acceptatione dante ius; ergo Christus non satisfecit de rigore iustitiæ. Sed contrà primò in humanis contractibus est dependentia à pacto & conuentione, & creditor obligatur etiam ratione pacti, & tamen in ipsis interuenit rigorosa iustitia; ergo. Secundo, quia non est necessarium, quod creditor obligetur acceptare posituè, loquendo de acceptatione subsequenti, sed sufficit, quod non possit refuere satisfactionem propter defectum æqualitatis, quod est acceptare negatiuè, vt diximus parte secundâ, conditione quarta; ergo cum Christus reddidit æquiualens, quantum est ex natura satisfactionis, de rigore iustitiæ satisfecit. Contrà tertiò, quia in antecedenti quæstione, probatione tertiâ, probauimus Deum teneri ex iustitia propria & speciali reddere præmium Christo; ergo ex eadem tenetur soluere debitum propter satisfactionem Christi; sed nulla creata natura inducit in Deum obligationem iustitiæ, sed solum hæc inducitur ex propria ipsius acceptatione, supposito opere meritorio; ergo hæc non tollit rigorem iustitiæ.

16. Quartò probatur, vbi interuenit & intercedit gratia, tollitur omnino rigor iustitiæ; sed Christus satisfecit ex gratuitò acceptis à creditore, scilicet à Deo,

Deo, quia satisfecit per auxilia, & per habitus supernaturales, quæ gratis & liberaliter concessa sunt, saltem humanitati; ergo non satisfecit de rigore iustitiæ. Sed contra hoc sunt argumenta, quæ fecimus post conclusionem primam, & post secundam probationem secundæ conclusionis, & in parte secundæ, conditione tertiæ. Præterea argumentor primò ad hominem contra eos, qui hac solâ ratione negant rigorosam iustitiam, quia ipsi diuidentes satisfactionem in congruam, condignam & rigorosam, seu ex toto rigore iustitiæ; primam dicunt fieri per redditionem voluntariam; secundam per redditionem voluntariam æquivalentis; & tertiam per redditionem voluntariam æquivalentis aliàs indebiti, hoc est, quòd id, quod redditur, & est proprium debitoris, non sit alio titulo debitum creditori, sed quòd in satisfactione Christi reperiatur aliqua gratia, non pertinet ad hanc particulam, *rigorosa satisfactio*; vel si pertinet, est etiam ab Aduersariis nobiscum impugnata in impugnationibus contra rationem secundam suprapositam; ergo. Contrà secundò, quia sicut gratia creditoris includit omne beneficium illius in ordine ad talem solutionem; ergo sub gratia Dei ut creditoris non solum debent intelligi auxilia & habitus supernaturales, sed etiam liberum arbitrium, & omnia alia accidentia naturalia ad talem satisfactionem concurrentia, quia hæc omnia sunt beneficia gratis concessa homini satisfaciendi, possent enim esse priuatus iudicio rationis, & consequenter libertate; sed hoc ipsi non admittent, quia infu per aliàs sequeretur, quòd cum satisfactio, in qua actualiter interuenit gratia, in hoc sensu, creditoris, sit solum de congruo, ita satisfactio Christi solum esset de congruo, cum omnia, quæ in illa actualiter interueniant, sint beneficium Dei, & dependant ab eius libera donatione, quod est absurdum:

vnde sicut naturalia beneficia, licet sint à Deo gratis concessa, tamen postea iure naturæ nostra sunt, & sub dominio nostro, ut diximus parte primâ questionis primæ, conditione primâ; ita beneficia supernaturalia licet sint à Deo gratis, & indebitè data, tamen postea iure acquisitionis nostra sunt, & sub dominio nostro; quare ut propria nobis, & non aliis imputantur, etiam à Deo, & illis possumus uti, & voluntariè priuari, & sic meritò reprehendimur, quòd perdidimus gratiam habitalem, quòd non fuimus benè vti, auxiliis supernaturalibus nobis à Deo collatis, &c. & consequenter pro illa possumus de toto rigore iustitiæ satisfacere, sicut in humanis potest debitor reddendo ex propriis bonis æquivalentia. Et per hæc omnia patet ad argumenta, quæ facta sunt, & fieri possunt in contrarium, quia prædictæ impugnationes sunt eorum solutiones.

Ex dictis in hac questione manet soluta difficultas, quam Recentiores disputant in præsentem, vtrum scilicet satisfactio nostra, ut coniuncta satisfactioni Christi (id est, ut facta à membro Christi illius meritorum influentiam participante) sit de toto rigore iustitiæ. Et respondeo, quod in his, in quibus homo potest satisfacere de condigno, qualiter potest pro peccato veniali, & pro mortali; sed in actu primo, iuxta dicta, disputatione secunda, potest similiter de toto rigore iustitiæ, & in nostro philosophandi modo ex doctrina Scoti, & aliorum deducto idem posset, si de potentia Dei non foret membrum Christi, & gratiam ab ipso non participaret, quandoquidem omnis conditio ad rigorosam iustitiam requisita, vel ad condignitatem ipsius satisfactionis spectat, vel omnino frustranea, inanis, & superuacanea censetur, & quæ questionem istam, perfectionem, similiter & dignitatem meriti reeducat ad solum nomen, quod est indignum nostro Theologo.

DISPUTATIO IV.

DE

MOTIVO, ET FINE:

CVIVS GRATIA, INCARNATIO

PRÆDESTINATA EST.

Vidimus in præcedentibus Disputationibus Verbum incarnari fuisse necessarium ex suppositione, quod Deus voluerit hominem reparare, imò fuisse simpliciter necessarium ex aliqua suppositione taliter reparandi hominem, quia tamen in Incarnatione sunt duo consideranda, scilicet & substantia Incarnationis, quæ in eo sita est, quod personalitas Verbi diuini vniretur naturæ humanæ Christi; & circumstantia, seu modus Incarnationis sistens in eo, quod hæc natura humana veniret in mundum passibilis, vel impassibilis. Hinc ortæ sunt difficultates, an talis necessitas ex suppositione incarnandi Verbum sit quantum ad substantiam, & quantum ad modum; an solùm quantum ad modum, non quantum ad substantiam. Et sic inquiritur, an veniret Christus, si Adam non peccaret, & consequenter ipse non indigeret reparatione, & quomodo veniret, an in carne passibili, vel impassibili. Ex præterea dato, quod non peccaret, & eius posteri peccarent, an veniret propter illos? de quibus omnibus agit Scotus locis infra citatis, sed ex professio in 3. d. 7. q. 3.

QVÆSTIO PRIMA.

Vtrum Incarnatio Verbi Dei, ita sit à Deo prædestinata in redemptionem generis humani à peccato originali, vt si Adam non peccaret, Christus ex vi præsentis decreti & prædestinationis non veniret?

ITA res sunt in tempore, sicut ab æterno sunt efficeret decretæ, & determinatæ à Deo: vnde merito inquirimus in hac quaestione, an Deus ita decreuerit Verbum incarnari propter redemptionem generis humani cum Adamo primo parente peccantis, vt si ipse non peccaret, & consequenter nos cum ipso, seu in ipso peccaremus, Verbum non assumeret carnem; an verò taliter decreuerit eius Incarnationem independentem à tali peccato, quod etiam si non pecca-

Castillo de Incarn. Pars I.

ret, adhuc veniret? Ex cuius examinatione lucratur cognitio, & notitia finis motiui, quem habuit Deus ad determinandum hoc maximum mysterium Incarnationis, quod intellige non de fine motiui respectu Dei, quia iste solùm est bonitas ipsius, sed de fine motiui respectu medij, quod eligitur à Deo ad consecutionem talis finis, sicut in simili obseruant ferè omnes Scholastici in materia de prouidentia & prædestinatione, circa prædestinationem gloriæ Beatorum.

Præterea præsens Quæstio procedit de fine motiui huius præsentis decreti, quod habuit Deus circa Incarnationem, quia de fine motiui alterius decreti, quod potuit Deus habere circa illam, nihil vtile possumus astruere, quia pendet ex libera Dei voluntate possibili, cuius nullam habemus reuelationem, vt bene docuit S. Thomas sect. 4. super primum caput epistolæ 1. ad Timoth. quare præsentem Quæstionem resolvere debemus ex his quæ à Deo reue-

M

reue-

reuelata sunt, prout ab Ecclesiæ Patri-
bus sunt intellecta, vt bene obseruant
Recentiores.

3. Tres sunt sententiæ in hac quæstione:
Prima docet, quod Verbum caro factum
est occasione peccati. Vnde duo ait: Pri-
mum, quod ex vi præsentis decreti car-
nem sumpsit propter redemptionem tal-
is peccati, tamquam propter finem mo-
tuum: Secundum, quod si Adamus non
peccaret, Christus non veniret in carne,
quia hoc secundum sequitur ex primo.
ita D. Thom. 3. p. q. 1. art. 3. sequuntur
Capreol. & Deza in 3. d. 1. q. vnicā, art. 1.
concl. 1. Caiet. & Medina in 3. art. cita-
tum. Ferrara 4. contra Gentes cap. 55.
Abul. in caput 4. Matth. q. 44. Arboreus
lib. 3. Theophyl. cap. 8. Vincent. in re-
lectione de gratia Christi, q. 6. concl. 4.
Azor to. 1. lib. 3. Infit. cap. 33. Maldon.
in cap. 9. Matth. Vasquez fusè & præ-
clare 3. p. disp. 10. cap. 4. & sequentibus.
Gaspar Hurtado disp. 1. diff. 25. & 26.
Kellisonus q. 1. art. 3. dub. 1. inter Au-
ctores autem huius sententiæ est aliqua
diuersitas in modo philosophandi, quæ
cum suis impugnacionibus videri po-
test apud Petrum Hurtado disp. 13. à
sect. 6. In eandem inclinant ex Anti-
quis in 3. d. 1. Richard. art. 1. quæst. 2.
Marfil. q. 1. Argentin. q. vnicā, art. 4.
Rubion d. 19. q. 2. art. 2.

4. Hæc sententia probatur Primò ex
variis locis SS. in quibus dicitur cau-
sam aduentus Christi fuisse redemptionem
nostram. Vt Matth. 18. *Veni Filius
hominis querere & saluum facere, quod perie-
rat.* Et 1. ad Tim. 1. *Veni Iesus peccatores
saluos facere.* Et in Symbolo fidei dicitur:
*Qui propter nos homines, & propter no-
stram salutem descendit de calis; & sæpè*
alibi. Quare plura adducuntur ex Ter-
tulliano lib. de Incarnat. Christi cap. 4.
Basil. homil. 15. de humana Christi ge-
neratione Hieronymo in cap. 2. Ecclef.
Cyrillo Hierosolymitano catechesi 6.
Chrysost. homil. 2. & 3. in Matth. Da-
mascono 3. de fide cap. 1. Bernardo
sermone quinto aduentus, qui omnes
prædictam causam Christi aduentus
docent.

5. Secundò probatur ex aliis Patribus
ita docentibus, quod causa aduentus
Christi sit remedium peccati, vt exclu-
dant omnem aliam causam, Nazianz.
enim orat. 4. de Theologia, quæ est 36.

num. 6. sic dicit: *Quæ autem humanita-
tis à Deo propter nos suscepta causa erit?
Profectò, vt nobis salus pararetur, quid enim
aliud causa offerri potest?* August. serm. 9.
de Verbis Apostoli in principio ait:
*Nulla causa fuit veniendi Christo Domino,
nisi peccatores saluos facere; tolle morbos,
tolle vulnera, & nulla est causa medicine.*
Cyrillus lib. 8. thesauri cap. 3. dicit: *Non
alià causà Verbum Dei homo factum est, nisi
vt nos liberaret.*

Tertiò probatur ex aliis Patribus as-
serentibus, quod si Adamus non pec-
caret, Christus non veniret. Ita Leo
Primus serm. 3. Pentecost. vbi habet
hæc verba: *Si homo in natura sua perse-
ctio, & honore, quo creatus est, perman-
sisset, Creator omnium creatura non fieret,
nec æternus temporalitatem subiret, neque
formam serui in similitudinem carnis pec-
cati assumeret.* Athanasius serm. 3. contra
Arrian. dicit: *Sublata nostra indigentia
carnem non induisset Dei Verbum.* Grego-
rius in 4. Reg. cap. 1. ad illa iuxta om-
nia opera sua sic habet: *Si Adam non
peccaret, Redemptorem nostrum carnem sus-
cipere non oporteret.* Et illius sunt illa
verba, quæ in benedictione Cerei pa-
schalis canit Ecclesia: *O verè necessarium
Ada peccatum, quod Christi morte deletum
est.* Et in quodam hymno antiquitus
Virgini cantabat Ecclesia: *Peccatores nos
abhorres, sine quibus non fores, digna tanto
Filio.* Legantur plures alix auctori-
tates hocipsum asserentes apud Recen-
tiores, præcipuè Vasquez & Azorium
vbi suprà.

Quartò probatur ratione, quia ex
his, quæ à diuina pendent voluntate,
nihil est nobis asserendum, nisi sit re-
uelatum in S. Scriptura, vel ex ipsa in-
feratur; sed mysterium Incarnationis
à sola Dei voluntate dependet, & cau-
sam futuritionis, & existentia ipsius
docent S. Scriptura & Patres fuisse re-
medium peccati, & nihil aliud; ergo
dicendum est, quod ex vi præsentis
decreti, quo prædestinata est Incar-
natio, ita fuerit propter remedium pec-
cati primi parentis, quod ipso deficien-
te Verbum non incarnaret, & Christus
non veniret in mundum.

Quintò probatur à Vasquez disp. 10. 8.
c. 9. Si Adamo non peccante, adhuc ve-
niret Christus ex vi præsentis decreti,
aut veniret passibilis, aut impassibilis,
neu-

6.

7.

8.

neutrum dici potest; ergo non veniret. Minor probatur, primò enim non veniret passibilis, quia si Adamus non peccaret, neque ipse, neque posterius eius essent passibiles; ergo neque Christus veniret passibilis. Secundò, non veniret impassibilis, quia præfens Dei decretum fuit efficax, intulitque proinde aduentum passibilem; ergo neque veniret passibilis, neque impassibilis.

9. Sextò, arguit Azor, quia omnia merita Christi Domini sunt merita Redemptoris, & consequenter supponunt captiuitatem per peccatum cõtractam, à qua redimat; sed in casu, quò primus homo non peccaret, non esset talis captiuitas, sed tota natura tunc integra mansisset in suo statu, in quo à Deo condita est absque Christo; ergo ipse non veniret.

10. Secunda sententia & ex diametro opposita affirmat Verbum non fuisse carnem factum ex primaria Dei intentione occasione peccati. Vnde duò consequenter asserit: Primum, quòd Incarnatio Verbi quantum ad substantiam non est intenta à Deo primarià suà intentione in remedium & redemptionem peccati originalis, licet sit benè intentata propter hoc motiuum Incarnatio prout includit modum passibilitatis. Secundum, quòd etiam si Adamus non peccaret, adhuc ex vi præsentis decreti veniret Christus; an autem veniret passibilis, vel impassibilis fore à Deo determinandum per aliud subsequens decretum. Ita Scotus in 3. d. 7. q. 3. *f. Sed hic sunt duo dub.* Et d. 19. q. vnicà, *f. in ista quæst.* & in reportat. d. 7. q. 4. *f. Sertiò declaramur.* Alenlis 3. p. q. 2. memb. 13. Albert. d. 20. art. 4. Mayron d. 19. q. 4. Gabriel d. 32. q. vnicà, art. 1. notab. 3. Gartaret. & Lique. d. 7. q. 3. Albert. Pygius lib. 8. de libero arbitrio cap. 3. Catherin. lib. 1. de eximia prædestinatione Christi per totum. Iacobus de Valenceia in Psal. 81. & 102. Rada in 3. controu. 5. art. 3. Faber & Pytigan. super dist. 7. quæstione 3. Smifinch tom. 1. de Deo vt vno tit. 3. disp. 6. q. 12. à n. 75.

11. Hæc sententia probatur Primò ex SS^{is} in qua aliquando dicuntur omnia, etià naturalia facta fuisse propter Christum; aliquando dicitur Christus primus in omnibus operibus Dei. Ex quibus colligitur Christum fuisse primò effici-

eiter intètum à Deo in omnibus decretis eius. Vnde 1. ad Cor. 3. dicitur: *Omnia vestra sunt, vos autem Christi, Christus verò Dei.* Et ad Coloss. 1. vocatur, *primogenitus omnis creaturæ*; & ad Rom. 8. dicitur, *primogenitus in multis* (id est in omnibus fratribus) quam primatelem explicat Paulus eodem illo cap. 1. ad Coloss. ait: *Quoniam in ipso* (id est propter ipsum) *condita sunt vniuersa, & ipse est ante omnes & omnia in ipso constant.* Et ipse est caput corporis Ecclesiæ, vt sit ipse in omnibus primatum tenens. Ad Ephel. 1. *Prædestinauit nos per Iesum Christum in ipsum*, id est, in ipsius honorem. Et ad Hebr. 2. dicitur, *Christus esse eum propter quem omnia, quem constituit hæredem vniuersorum*; quæ loca lic intelligunt Sancti, sicut & illum Prou. 8. *Dominus possedit me in initio viarum suarum*; seu vt Septuaginta loquuntur, *Dominus creauit me initium viarum suarum*; quòd de Sapientia incarnata exponunt Clemens Rom. lib. 1. Constitutionum Apostolic. cap. 19. Concilium Hispalense 2. cap. 13. Basil. lib. 4. contra Euodiu. Athanas. ferm. 3. cõtra Arrianos. Nazianz. orat. 4. theologicà. Hilar. 12. de Trinit. Ambr. lib. 2. de fide c. 12. Epiph. hæresi 99. qui fatentur cõmune esse totius Ecclesiæ expositionem cõtra Arrian. probantes ex hoc loco Verbũ æternum fuisse creaturam, cõtra quos exponunt Patres Ecclesiæ de Verbo æterno iam incarnato. Secundo probatur pluribus Patrum auctoritatibus infrà adducendis & ponderandis in expositione & approbatione huius sententiæ, quæ ipsam docent.

Tertiò probatur ratione, quia ordinatè volens prius vult finem, quàm ea quæ sunt ad finem; sed gloria Dei, quæ est finis omnium operum Dei magis ostenditur in gloria, quàm communicat Beatissimè, quàm in gratia, & in natura; ergo prius vult Deus (qui est ordinatissimè volens) illam, quàm reliqua alia; sed inter gloriam cõmunicatam Beatissimè, maior est gloria communicata Christo, & eius vniò hypostatica; ergo hæc fuit à Deo primo prædestinata & determinata.

Quartò probatur, quia secundum rectam ordinationem & dispositionem maius bonum non debet appeti propter minus bonum, sed potius e cõtrà; sed Incarnatio Christi maius bonum est, quàm redemptio hominũ à peccato; ergo non est appetenda à Deo Incarnatio Christi

Christi propter redemptionem, sed independentem ab illa. Et confirmatur, quia ita excellens mysterium, sicut mysterium Incarnationis non debuit esse occasionaliter ratione peccati intentum, & quasi per accidens, sed per se, & ex primaria & principalissima intentione. Quintò, neque Adam fuit prædestinatus ex præuisione proprii peccati, neque alius iustus ex præuisione peccati alterius; ergo neque Christus ex præuisione peccati generis humani.

Tertia sententia media inter has duas asserit Incarnationem Christi fuisse primariâ Dei intentione prædestinatam independentem à redemptione primi parentis à peccato, tamquam à fine & motiui; non tamen independentem ab ipsa, tamquam à medio vnico & necessario, per quod erat in executione ponenda: vnde asserit cum secunda sententia, quod Incarnatio Verbi fuit ex primariâ Dei intentione efficaciter volita; & cum prima sententia docet, quod si Adam non peccaret, Christus non veniret: vnde vtramque partem probat hæc sententia fundamentalis vtriusque sententiæ. Ita Suarez in presenti disp. 5. sect. 2. §. & 5. Lorca disp. 10. memb. 2. & sequentibus. Mendoza quest. 1. n. 5. vers. *Uterque has sententias*. Insinuat Valencia 3. p. disp. 1. q. 1. puncto 7. plausibilisque est eis, quibus media via semper placet.

14. Vnde Auctores isti, vt defendant hanc sententiam, notant cum Caiet. 3. p. q. 1. art. 3. in solutione ad 3. quod sicut duplex est prioritas, ita duplex est similitudo respectu alterius; alia est prioritas, quâ aliquid est prius altero causalitate, scilicet quia in aliquo genere causæ hoc influit in illud; alia verò est prioritas in subsistendi consequentia, quâ aliquid potest existere, & subsistere in rerum natura absque alio, vt animal absque homine. Vnde non valet ista consequentia: Est animal, ergo est homo, quia potest esse equus, vel quid aliud. Ita similiter duplex est similitudo; alia, quæ non habet causalitatem, vnum tamen in bona consequentia infert aliud, idè dicuntur esse simul, vt homo est simul cum animali, & infert illud, v.g. est homo, ergo est animal; alia, quæ & habet causalitatem, & vnum infert aliud, qualiter se habent essentia, & propriæ

passiones, quia istæ causantur ab illa, & simul ad inuicem prædicantur, v.g. est rationalis, ergo est visibilis; est visibilis, ergo est rationalis.

15. Quo supposito dicunt Auctores isti, quod etiam si decretum Incarnationis fuerit prius prioritate causalitatis finalis & exemplaris prædestinationis omnium aliarum rerum, & consequenter indepēdens à redemptione generis humani, vt à motiui & fine; nihilominus tamen quia prædestinata est taliter, quod executioni mandaretur per optimum & meliorem modum possibilem, qui partim per scientiam simplicis intelligentiæ, partim per scientiam conditionatam cognitus fuit à Deo esse redemptionem à peccato, quia in ipsa magis resplendebant quatuor Dei attributa, scilicet bonitas, sapientia, iustitia, misericordia, idè non fuit prius prædestinata in subsistendi consequentia, quàm redemptio à peccato, seu quàm in redemptionem à peccato (ita vt non valet hæc consequentia: Fuit Incarnatio efficaciter prædestinata independentem à peccato; ergo veniret independentem à peccato) sed fuit simul in simultate subsistentia, & sic non veniret, nisi esset peccatum, quod foret redimendum.

16. Hoc primò explicat ex communi in materia de prædestinatione, quia licet beatus primariâ Dei intentione prædestinetur ad gloriam vt coronam, non tamen consequetur illam absq; meritis, quia medium necessarium ad gloriam vt coronam est meritum. Secundò, explicat alio exemplo, quia si quis efficaciter decerneret suas impendere pecunias magis honesto modo sibi possibile, & post hoc decretum efficax sibi offerrentur pauperes, ipsis deberet erogare necessariò illas, quia ad consequendum finem intentum, nullus est alius honestior modus impendēdi pecunias; ita licet Deus efficaciter decreuerit Incarnationem primariâ intētiōne in maiorem manifestationem suorum attributorum, cum cognouisset illâ duplici scientiâ, scilicet conditionali, & simplicis intelligentiæ maiorem manifestationem solum reperiri in reparatione lapsus primi hominis depēdenter à tali reparatione tamquam ab vnico medio, licet non tamquam à fine & motiui fuit præ-

prædestinata. Non immoror hic in referendis aliorum sententiis, qui se existimant à Scoto nostro dissidere, vel (vt melius dicam) qui se simulant Thomistas Scorum ex aduerso adducentes, & ipsum vt inimicum impugnantes, in re tamen eius doctrinam sequentes, non tam oppugnant, quàm confirmant; non tam enervant, quàm nervi ei adherent; & vt moris habent in suis quæstionibus, primò referunt hereticos, secundò Durandum inuifum, postea Scorum infideliter relatum nì fortè hereticis inuolutum, deinde Gabrielem cum nominalibus solà voce cognitis, postmodum D. Thomam cum antiquis expositoribus ipsius, & denique vt veram sententiam eius explacent propositis aliquibus doctrinis notatà dignis, suas stabilunt conclusiones reuera Scoticas, incongruè aut apparenter Thomisticas, sed Angelico Doctori, Doctori sancto, Magistro vero, &c. appropriatas & adoptatas, & tali bus terminis mixtioridensis, vt nullum sit ex auctoritate argumentum, quòd non eludatur, nulla ex Thomistica doctrina ratio efficax cui non paretur effugium. O viri Elisei spiritu duplices pallium ferentes Eliæ.

18. Hæc dixi propterea, quòd aliqui horum sustinent, quod Christus non solum secundum substantiam, sed etiam secundum quod redemptor præcedit præuisus ante peccatum originale; appellant autem redemptionem pro tunc præuisam, vel medicinam in actu primo, vel redemptionem abstrahentem à redemptione subleuatua & præseruatua, vel cum ordine ad peccatum futurum sub conditione, seu cognitum in statu conditionato, quasi Scotus hoc negasset, aut non expresse dixisset, quod fuit pro tunc Christus prædestinatus vt caput morale omnium prædestinatorum, etiam Angelorum, vt Angeli non subessent puro homini: hæc enim doctrina neque est D. Thomæ, qui solum proposuit Christum decretum post peccatum originale, & dependenter ab illo non solum secundum substantiam, sed etiam secundum modum, vt patet ex locis adductis; neque similiter est sententia media inter sententiam D. Thomæ & Scoti, tum quia hæc non potest inter ipsos dari in hoc puncto, vt dicam parte sequenti in fine contra son-

tentiam mediam Suarij; tum quia hoc est expressum apud Scotum, licet quod Auctores illius appellant medicinam in actu primo, & redemptionem abstrahentem, &c. Scotus appellat caput morale, quod necessàriò debet habere potentiam ad influendum moraliter in membra, quæ potentia ad influendum moraliter his nominibus medicinæ & redemptionis abstrahentis poterit appellari; congruentius autem dicitur dignitas capitis moralis, quandoquidem tunc non agebatur de infirmitate peccati adhuc imminente, propter quam appellatur medicina, vel redemptio: vnde meritò sunt reprehensione digni propter dicta, neque eorum sententia venit referenda tamquam media; quæstio ergo hæc sita est tota in eo, an Christus secundum substantiam sit prædestinatus ante præuisionem peccati originalis, & ita præuisus per scientiam visionis, quidquid sit de scientia conditionata, ita quòd absolute veniret ex vi talis decreti.

PARS PRIMA.

Impugnatur præfata sententia media.

PRO impugnatione huius tertiæ sententiæ: Nota cum communi doctrina (quam optimè tradidit Theodor. Smifinch vbi supra num. 755.) quod quatuor modis intelligi potest eundem actum terminari ad plura obiecta, scilicet formaliter, vel virtualiter, & rursus formaliter subdividitur indirectè, vel indirectè formaliter terminatur actus ad plura obiecta, quando respicit illa secundum suas rationes formales, vt quando simul cognoscimus aurum & argentum, vel lapidem & lignum; virtualiter verò terminatur quando ita terminatur actus ad vnum obiectum, vt inde necessàriò consequatur alius actus formaliter terminatus ad aliud obiectum, vel ad plura obiecta; quo pacto assensus principij virtualiter terminatur ad conclusionem, & volitio finis vt finis infert aliam volitionem mediorum; & si solum sit vnicum medium per quod consequendus est finis, infert volitionem illius: vnde volitio finis virtualiter terminatur ad talia media, vel ad tale vnicum medium. Deinde

formaliter directè terminatur actus ad plura obiecta, quando illa respicit absq; aliqua alia connexionione, vel subordinatione, & vt obiectum quod, vt in dicto exemplo, quo quis cognoscit aurum & argentum, &c. formaliter verò indirectè terminatur actus ad plura obiecta, quando illa respicit cum aliqua connexionione, aut subordinatione, ita vt ad vnum obiectum terminetur tamquam ad obiectum quod, ad aliud verò tamquam ad obiectum ad quod, qualiter directè cognitio, aut volitio vnius relatiui, quâ talis, indirectè terminatur ad alterum sibi correlatiuum.

20. Contra tertiam ergo sententiam sit conclusio. Præfens Dei decretum Incarnationis, quantum ad substantiam, non fuit dependens à redemptione à peccato primi parētis, tamquam à medio vnico ad consequendum talem finem Ita Vasquez disp. 11. cap. 4. Petrus Hurtado disp. 13. sect. 2. & deinceps Faber disp. 20. cap. 4. à num. 32. Theodor. n. 764. & est communis inter Scotistas recentiores. Et probatur primò ex doctrina supposita, quia decretum, quo Deus formaliter voluit futuram esse Incarnationem Christi secundum substantiam, terminari etiam debuit, vel virtualiter, vel formaliter indirectè ad redemptionem à peccato primi parentis, vt supposito tali decreto efficaci substantiæ Incarnationis, adhuc non veniret Christus, nisi esset peccatum, quod deberet redimi ab ipso; sed non se habuit sic tale decretum; ergo Incarnatio Christi non fuit prædestinata dependenter à redemptione peccati, tamquam à medio vnico exequendi illam. Maior probatur, quia prima volitio circa obiectum primum solum infert necessariò volitionem; secundam circa aliud obiectum, quando hoc comparatur respectu prioris, sicut contentum in illo, vt conclusio in primis principiis; sed sicut necessariò requisitum ad illud, vt medium vnicum ad consequendum finem amatum vt talem: vnde actus formalis prior versatur circa alia virtualiter, vel formaliter indirectè; & ratione huius, decretum, vel amor circa vnum obiectum, est simul circa alia obiecta in subsistendi consequentia ad similitudinem essentiae & propriae passionis, & valet hæc consequentia: Vo-

luntas amat primum obiectum, ergo amat secundum; & è contrà, propter connexionem quam habent. Minor probatur, quia substantia Incarnationis, & maior manifestatio gloriæ Dei non habet necessariam connexionem cum remedio & redemptione peccati, quia hoc fortè est limitare diuinam sapientiam & potentiam. Prætereà quia maiori cum splendore diuinorum attributorum, præcipuè misericordiæ (de quo attributo est maior difficultas) videtur si non ad subleuandam miseriam peccatorum venisset, sed ad præseruandum ab illa, ne ab hominibus incurreretur (sicut contingit in Virgine) deniq; quia potuit venire ad nobilitandum naturam humanam; ergo non se habuit decretum Incarnationis pro tunc cum aliqua connexionione aut dependentia à peccato originali.

Secundò probatur, quia si per decretum Incarnationis intendit Deus, tamquam finem motiuum, modum magis se, & sua attributa manifestandi; vel intendit modum in communi, vel hunc modum in particulari. Non primum, quia secundum doctrinam, & ipsius Suarez disp. 41. eiusdem operis, sect. 4. vers. *Hæc sententia se expōit*; Deus non habet huiusmodi confusas voluntates, quibus velit prius quidpiam in communi, & indefinitè, quia hoc arguit in ipso imperfectionem, sed in particulari, & definitè. Non secundum, quia iam talis modus particularis (scilicet redimendi hominem à peccato) non se haberet vt medium, vt ipsi intendunt, sed vt finis motiuus, quod negant.

Tertiò probatur, quia præcisè in ipso met Incarnationis mysterio quoad substantiam, resplendet bonitas in eo quod Deus se homini coniunxerit, resplendet sapientia in inuentione talis vnions, resplendet potentia in executione illius, & misericordia resplenderet in præfato modo præseruandi, & in sententia Thomistarum, & ipsius Suarez, cum diuinâ naturâ reddat naturam humanâ impeccabilem, debet resplendere in ablatione talis miseriæ; ergo redemptio à peccato originali non est vnicum medium exequendi diuinam Incarnationem, & modum magis manifestandi Dei gloriam. Et confirmatur, quia non est certum, quod gloria Dei

21.

22.

in

in Christo manifestata sit perfectioni modo possibili Deo; ergo, &c.

23. Omitto plura alia, præcipue argumentum, quo vsus est Vasquez loco citato, scilicet quia si optimus modus manifestandi gloriam Dei est, quod Christus veniret in remedium peccati, eo ipso, quod Deus vellet efficaciter se optimo modo manifestare, deberet vellet efficaciter peccatum, vt consequeretur talem modum se manifestandi. Ad hoc enim responderi potest non esse necessarium Deum vellet peccatum, sed sufficere vellet id, quoposito infallibiliter præuideretur peccatum secuturum (scilicet permissionem) & consequenter finem intentum. Similiter omitto solutionem argumentorum huius sententiæ, prout contra nostram militant conclusionem, quia inferius accommodatior erit locus.

24. Aduerto tamen hac sententiã mediã nullo modo posse conciliari sententiã Scoti cum sententiã D. Thomæ ad eorum mentes, quia Scotus locis citatis ita adæquatè distinguit decretum Incarnationis à decreto permissiuo peccati, & à decreto redimendi ab illo, sicut distinguit prædestinationem electorum ad gloriam, à prædestinatione ipsorum ad gloriam, & vtramque à permissione nostri peccati; sed vt omnes sentiunt hæc ita ab ipso adæquatè distinguuntur, vt vnum non pendat ab alio; ergo similiter illa. Et confirmatur, quia Scotus loquitur de decreto Incarnationis quoad effectum, quem de facto haberet, si Adamus non peccasset, vt patet ex ipso modo loquendi; ergo non potest intelligi nisi de decreto absoluto & independenti à tali medio. D. autem Thomas locis similiter citatis apertè sentit Deum præuiderisse homines in massa corrupta per Adami peccatum, quando præuidit futurum fore Christum, vt eos redimeret; non ergo possunt conciliari.

PARS SECVNDA.

Scoti sententiã tamquam verissimã propugnatur prius doctrinali explanatione.

25. S Vpponit Scotus ad suæ sententiæ probationem quandam doctrinam

communem, quæ latè traditur in materia de voluntate Dei, scilicet quod etiam si Deus vnico & simplicissimo actu velit omnia, quæ pro aliquo tempore vel instanti habent existentiam, & verum esse reale, tamen distingui talem actum in diuersos actus, seu in diuersos actus, seu in diuersa decreta, quatenus terminatur ad hoc, vel ad illud obiectum, ad hanc, vel ad illam creaturam, quæ distinctio & diuersitas solum est rationis, & fit ab intellectu; quare in 3. d. 19. q. vnicã, §. *in ista quæst.* ponit quinque signa rationis, in quibus ille actus, quasi si esset quinque actus, terminetur ad diuersa subiecta, quæ Deus decreuerit circa Christum, eiusque aduentum.

Inquit ergo Scotus, quod quantum ad præsens attinet hoc modo se habuerunt signa in diuina providentiã; in primo enim signo Deus intellexit se sub ratione summi boni; in secundo intellexit omnes alias creaturas; in tertio prædestinavit hos ad gloriam & gratiam, & circa alios habuit actum negatiuum non prædestinando; in quarto præuidit illos casuros in Adam; in quinto præordinauit, siue præuidit de remedio, quomodo redimerentur per passionem Filij, ita quod Christus in carne, sicut & omnes electi, prius præuidebatur & prædestinabatur ad gratiam & gloriam, quàm præuideretur passio Christi vt medicina contra lapsum; sicut medicus prius vult sanitatem hominis, quàm ordinet de medicina ad sanandum. Hæc Scotus.

Circa quæ verba sunt plura notanda, quia quodlibet horum signorum potest subdiuidi in plura alia: Primò, Nota circa primum signum, quod cum dicit Deum se intellexisse sub ratione summi boni, debere etiam intelligi Deum se in illo signo amasse, in quo fuit perfectè beatus. Ita Scotus in 3. d. 32. q. vnicã, §. *tertium patet.*

Secundò, circa secundum signum. Nota, quod cum dicit Deum intellexisse omnes alias creaturas debere intelligi de intellectu, quæ dicitur Scientia visionis, quæ supponit volitionem Dei, & respicit creaturas vt futuras, & loqui solum de creaturis intellectualibus quoad substantiam, scilicet Angelis; & rationalibus, scilicet homi-

hominibus, quæ possunt eligi ad gloriam & gratiam, & prædestinari, ut bene obseruauit Smilinch supra n. 747. Et probatur ex ipso Scoto in 1. d. 41. q. vnicā, *s. potest aliter dici*, ubi ait, quod in primo instanti (quod in hoc ordine est secundum) Petrus & Iudas æquales in naturalibus voliti à Deo in esse existentia offeruntur Deo, & tunc Deus ita vult gloriam Petro, ut nihil velit Iudæ; ecce qualiter, antequam prædestinentur, offeruntur Deo (hoc est, cognoscuntur à Deo) voliti in esse existentia, & non tantum in esse possibili. Et in 3. d. 32. citatā inquit, Deum velle mundum in quarto signo propter hominem prædestinatum in secundo signo, ut verum sit illud secundo physico. textu 24. Homo quodammodo est finis omnium sensibilem; quare cum finis debeat prius amari efficaciter, quam media, necessariū debuit prius amari existentia hominis, quam existentia mundi in sententia Scoti. Deinde in 1. d. 1. q. 5. *s. ex his ad propositas*, vers. Respondeo quod communiter & sæpè alibi docet, quod amor amicitia terminatus ad personas, sed ad subiecta est prior, & præcedit amorem concupiscentia terminatum ad formas ipsis concupitas. Et denique satis clarè significatur in hoc testimonio, quod explicamus, quando ait, quod Christus in carne prius præuidebatur, & prædestinabatur, &c. ac si diceret: Christus iam existens in humana natura præuidebatur, ac prædestinabatur.

29. Hoc autem videtur probari in super & auctoritate, & ratione. Paulus enim ad Rom. 8. ait: *Quos præsciuit & prædestinauit*. Vnde supponit præscientiam prædestinandorum ipsi prædestinationi, & licet non probet totum ordinem naturæ præsupponi ad ordinem gratiæ (ut volunt plures Thomistæ cum Caietano) tamen probat substantiam & existentiam ipsorum præsupponi ad cuiuslibet prædestinationem. Ratio autem videtur hoc conuincere, quia subiectum debet præferri non solum in executione, sed etiam in intentione ad formam; ergo cum homo & Angelus sint subiectum respectu formarum gloriæ & gratiæ, ad quas prædestinantur, debuerunt in utroque ordine præferri. Maior probatur, & quantum ad ordi-

nem executionis omnes fatentur; quantum ad ordinem intentionis patet, quia istæ formæ (quantum ad præsens attinet) amantur à Deo ad ostendendum sua attributa, bonitatem, misericordiam, &c. sed hæc attributa non manifestantur per gratiam & gloriam in se, & in abstracto, neque subiecto possibili voluntas, sed ut communicata suo vero & existenti subiecto, quia in ipso resplendent iuxta illud Apostoli: *Ad ostendendum diuitias gloriae suae in vasa misericordiae*, id est, in subiecta, cum quibus vititur misericordia, sicut dicemus infra de vnione hypostatica, non esse in abstracto prædestinatam, sed in concreto; ergo non solum amatur gloria ut futura, & gratia ut futura, sed etiam debet præsupponi ut futurum subiectum ipsorum. Quare hanc sententiam tenet Smilinch num. 749. & tenuit quæstione 2. num. 33. & q. 5. eiusdem disputationis 6. numero 240. asseritque tam naturalem quam supernaturalem prouidentiam supponere decretum de existentia creaturæ intellectuales & rationalis, cui præuidetur, quod decretum, inquit, num. 750. non est prouidentia, sed quid prærequisitum ad prouidentiam, quæ ex natura sua incipit prouidere fini cui (scilicet creaturæ intellectuali & rationali) de gratuitis (scilicet de gloria & gratia) & non de naturalibus propter gratuita, scilicet de hoc mundo sensibili, & de eis, quæ in ipso sunt.

30. Circa tertium signum Nota primò, quod inter eos, qui à Deo prædestinati sunt in illo ad gratiam & gloriam, primus omnium fuit hic homo Christus, qui electus fuit ad summam gloriam, & ad summam gratiam, & ad vnionem hypostaticam cum diuino Verbo; quare ordine executionis, qui incipit à conuerso, & ab eo, quod in ultimo loco est ordine intentionis determinatum, prius Deus voluit vnionem hypostaticam futuram, deinde gratiam, deinde gloriam utramque coæquam animæ Christi, ut bene Scotus in 3. d. 7. q. 3.

31. Quare in præsentī Quæstione Christum quoad substantiam fuisse prædestinatum defendimus ante præuisionem peccati Adami, & diximus fuisse initium, & principium operum Domini, quia licet prius supponatur decre-

tum

tum circa existentiam huius hominis, qui fuit prædestinatus ad vnionem, tamen hoc decretum solum respicit finem *cui*, qui finis non cadit sub prouidentiam, quia hæc respicit finem *cuius gratia*, vt consequendum per media, sed supponitur ab ipsa, insuper pertinet ad integritatem Christi, qui est vna persona in duabus, & ex duabus naturis, & licet dicamus prius fuisse prædestinatam gloriam, & gratiam tali homini, quam vnionem hypostaticam; tamen cum sint in vtilitatem naturæ humanæ Christi, idè dicimus ipsum fuisse initium. Nisi etiam velis addere prius esse indirectè vel virtualiter prædestinatam vnionem, quia directè & formaliter prædestinabatur summa gloria, & summa gratia eorū, quæ connexionem habebant, & ex congruentia maxima inferebant vnionem hypostaticam, cui congruentissimè debita est talis summa gloria, & gratia. Imò multò minùs dicemus, quòd prius prædestinata fuit vnio hypostatica naturæ humanæ Christi iam existentialiter præsuppositæ, & postea huic Christo fuit prædestinata summa gloria & gratia, nam ex mente Scoti in hoc loco Christus fuit primò decretus à Deo post amorem sui, quia ipsi propinquier; ergo eius vnio fuit primò & immediatè decreta. Præterea quia quando comparat hunc prædestinatum ad gloriam & gratiam cum aliis prædestinatis appellat ipsum Christum in carne; ergo carnem seu humanam naturam cum vnione ad Verbum præsupponit iam prædestinatum, & postea hunc Christum prædestinat ad gloriam & gratiam, ita vt gloria & gratia non habeant connexionem cum vnione hypostatica, tamquam cum medio, sed tantum cum Christo tamquam cum fine *cui*, prædestinantur prædicta dona.

31. Secundo Nota, quòd post talem prædestinationem factam ordine intentionis & executionis circa Christum, antequam Deus procederet ad prædestinationem ceterorum hominum & Angelorum, prædestinavit Christum ad dignitatem Capitis moralis, hoc est, vt per eius merita, quæ non concernunt pro tunc statum passibilitatis (qualia fuerunt opera elicita à virtute

charitatis, religionis, gratitudinis, & plura alia, quæ à Theologis vocantur merita quoad substantiam) communicaret tam Angelis quam hominibus omnia dona gratiæ & gloriæ, tam sufficientia, quam efficacia, merendo efficaciter illis omnia prædicta, & quòd efficaciter eligerentur aliqui (alii relictis ad ostensionem iustitiæ) ad gloriam & gratiam; de quibus late agitur in materia de prædestinatione, & aequaliter infra disputatione de merito Christi.

Tertio Nota, quòd prædestinata & determinata iam dignitate & excellentia Capitis, quam habuit Christus, voluit Deus omnes hominès saluos fieri, iuxta illud Apostoli: *Deus vult omnes hominès saluos fieri, & ad agnitionem veritatis venire*; quæ voluntas fuit inefficax quantum ad futurizandum effectum dandi gloriam, tamen fuit efficax quantum ad dandum illis auxilia & media, quibus si benè vterentur; consequerentur gloriam, & idem dico de Angelis. Deinde voluit Deus efficaciter (tali efficacia, quæ futurizaret intentum) prædestinare hos Angelos, & hos hominès ad gloriam & gratiam, nihil peterminans circa alios, quòd post facti ex seipsis sunt reprobi, ne fortè speciali Dei misericordia, aut alicuius Sancti precibus, vel ex alio Capite aliquis ex illis postea prædestinetur, quòd non repugnat: gratia autem, ad quam pro tunc erant prædestinati Angeli, & hominès electi, non fuit gratia, prout reconcilians, quia hæc inuoluit respectum ad peccatum, quòd pro tunc non præuidebatur à Deo vt futurum, sed prout sanctificans & constituens subiectum moraliter particeps diuinæ naturæ. Vnde Christus non solum fuit causa exemplaris, ad cuius imitationem prædestinati sunt hominès & Angeli, sed etiam causa finalis, cuius gratia Deus illos prædestinavit, imò & causa efficiens moralis; cuius merita prædicta meruerunt illis talem gloriam & gratiam. Ita Pytiganus distinctione decimâ nonâ, articulo tertio, circa secundam conclusionem, quidquid in conseruium velit Smifinch quæstione decimâ, numero 663. de quo inferius latius redibit sermo.

33.

ex necessitate, ita ut aliter saluari non possit recta ratio, & ordinatio in volente ordinatæ. Et ratio est, quia in mediis secundum causalitatem subordinatis, medium proximus fini habet rationem finis respectu medij remotioris: unde sicut inordinatè procederet, qui ordine intentionis prius intenderet media, quàm finem; ita & qui prius intenderet medium remotius, quàm proximum; at si remedia accipiantur 2. modo, prædicta ratio Scoti non videtur ita efficax, & vera ex necessitate, quia illa induunt rationem finis & mediorum ex voluntate Dei superuenienti, quæ illa voluit sic inter se ordinare, non quia ex propria natura habent causalitatem finis & mediorum: unde post volitionem manifestandi suam gloriam, fortè posset Deus ad hoc absque aliqua inordinatione eligere medium minus perfectum, & postea magis perfectum licet decentius & congruentius, & propterea ordinabilius videatur, quod è contrà faciat.

40. Quo supposito Nota tertio, quod prædicta ratio Scoti applicata ad præsens institutum, scilicet ad Incarnationem Christi, quantum ad substantiam, & quantum ad modum: non solum procedit de finis & mediorum ordine secundo modo acceptis, in quo sensu ad minus probat congruentius fuisse Deum primò prædestinavisse Incarnationem quoad substantiam ante permissionem peccati, sed etiam procedit (secluso signo, quod pertinet ad finem *cui*) de ordine finis & mediorum acceptis in primo modo, quia de his implicite loquitur, dum dicit, *Ordinatè volens, prius vult finem*, &c. & explicite dum ponit pro fine gloriam Dei, & pro mediis gloriam, gratiam, & unionem hypostaticam Christi, vel ponit pro medio ipsum Christum, ut postea propter ipsum tãquam propter finem non ultimum prædestinet electos ad gloriam & gratiam, &c. quæ inter se, & ex propria natura, quam à prædictis decretis efficienter participant, habent causalitatem finis & mediorum, licet alia media possent esse ad hoc volita à Deo minus nobilia, quare prædicta ratio probat ex necessitate Christum (qui fuit caput in tertio signo ceterorum) fuisse primò prædestinatum quoad substantiam, quia pro tunc habuit causalitatem finalem in reliqua subsecuta in illo signo.

Castillo de Incarn. Pars I.

41. Neque ab hac consideratione retrahere debet; quod ex mente Scoti unio hypostatica non sanctificet formaliter, sed stare simul potest cū peccato mortali, & quod gratia habitualis non est medium ex natura rei ad consequendum gloriam, sed tantum hoc habere moraliter, & ex superuenienti acceptatione Dei; ex quibus videtur inferri, quod non comparantur tamquam media, quæ ex natura sua debeant eligi à Deo, prima ex intentione suæ gloriæ, & secunda ex intentione gloriæ Beatorum tamquam finis; nam respondeo, quod in unione hypostatica, & in gratia habituali veniunt considerata, quæ habent physicè, & ex natura rei, & quæ habent vel ex congruentia, vel moraliter, & ex superuenienti Dei acceptatione, & secundum priora etiam sunt media de facto magis conducentia ad suos fines; nam ad maiorem gloriæ Dei manifestationem in aliquo singulari opere necessario debuit eligi unio hypostatica tãquam medium in quo magis resplendunt physicè diuina attributa, ut patet ex dictis disp. 1. q. 7. etiam si postea per accedens coniungeretur cum peccato, aut destrueretur propter illud, nam hoc non derogat physicè excellentiæ prioris operis Dei, sicut non derogat excellentiæ Solis, quod obnubiletur, aut Lunæ quod deliquium patiatur, aut si non necessariò debuit eligi, ad minus debuit statim intendi post finem, ex eo quod de facto secundum propriam suam naturam fuerit magis conducent, & habuerit maiorem utilitatem intrinsecam ad illum, quàm omnia alia media, quæ de facto sunt talia ex natura propria. Similiter gratia habitualis licet habeat ex Dei acceptatione superuenienti, quod det ius ad gloriam, tamen ex natura sua habet conducere ad illam, in quantum, cum sit charitatis forma, adhuc physicè conducit ad gloriam essentialem, quæ in actu amoris nostræ voluntatis secundum mentem Scoti formaliter sita est; quapropter congruentissimè ei superuenit ius ex Dei acceptatione, quàm optimè inter se cohereant sententiæ & doctrinæ subtilissimi Doctorum, & quàm rectè asseruit quod in his, quæ se debent habere ut finis, & media debuerunt ab ordinatissimo volenti sic disponi, quod prius intenderetur Christus, seu eius

vnio secundum substantiam, postea propter ipsum electi, in quibus prius gloria, postea gratia etiam si hæc non concipiatur cum diuina acceptatione superuenienti, & dante ius ad illam, quia est accidens illius, quod non ex necessitate, sed tantum ex congruentia debuit præligi; bene tamen necessarium ex suppositione, quod versabatur circa talem electionem. Idem dico de eo, quod vnio hypostatica non coniungeretur de facto cum peccato.

42. Quapropter sic formanda venit ratio Scoti ordinatè volens ea, quæ ex natura sua se habent tamquam finis, & media, prius debet velle finem, & postea illud medium, quod propinquius est fini, & tandem illud, quod est remotius, sed de facto gloria Dei, gloria Christi, gloria Beatorum, permissio peccati, & redemptio ab illo se habent tamquam finis, & media volita à Deo ordinatissime volente, & inter hæc ad maiorem gloriam Dei, quæ est finis, propinquior est, quia magis conducit ad illam gloria Christi, quam gloria Beatorum. Deinde succedit gloria Beatorum, quia magis conducit ad gloriam Christi & Dei, quam permissio peccati: tàm hæc prior est, quam redemptio ab illo; ergo inter ea, quæ de facto amavit Deus, prius debuit amare suam gloriam, postea gloriam Christi, quæ relucet in eius vnione ineffabili, in beatitudine, & gratia summa. Deinde gloriam Beatorum (quæ præferri debet gratiæ habituali, sicut gratia vocationi ipsorum) quam amaret permissio peccati, & redemptionem ab illo.

43. Quod autem permissio peccati non sit intenta ut medium ad consequendum ea, quæ in antecedentibus signis intenta erant, nihil interest, quia permissio est privatio gratiæ actualis, quæ si danda erat, deberet dari propter merita Christi, & danda erat ad conseruandum gratiam habitualement datam per Christum; quare si Christus deberet esse causa finalis, imò & efficiens gratiæ actualis, quæ danda erat primo parenti, ut resisteret tentationi demonis suadentis mediâ muliere, quod comederet de ligno prohibito, necessarium debuit ut talis præcedere ad decretum permitteendi peccatum; etiam si hæc permissio tantum intenderetur, seu eligeretur ut

medium propter gloriam Dei, seu absoluti & independentis dominij eius in conferendis auxiliis infallibiliter efficacibus.

Ex quo retunditur solutio Vasquez, 44. qui disp. 11. cap. 6. vilipendit consequentiam illatam à Scoto, ex eo quod ordinatè volens prius velit finem, & deinde ea, quæ sunt ad finem, & consequenter primò Incarnationem Christi, quam permissionem peccati: admittit enim illam in his medijs, quæ habent causalitatem finis; non verò in his, quorum vnum est nobilius altero, quia potest Deus absque inordinatione eligere minus nobile, & sic eligere primò permissionem peccati, quam Incarnationem. Sed contrà est, quia si permissio ex natura sua debet esse carentia gratiæ actualis, quæ pro tunc danda erat Adamo, illa autem deberet esse per Christum, quia erat ex meritis eius, & ad conseruandum gratiam habitualement, seu iustitiam originalem datam propter ipsum; ergo ex suppositione quod Christus Dominus sit causa finalis & efficiens moralis gratiæ, & iustitiæ collatæ Adamo, ut in suo loco probabo, rectè sequitur, quod prædicta ratio Scoti non solum probet ex congruentia Christum fuisse prædestinatum ante præuisionem peccati, sed etiam ex necessitate. Quare hæc ratio supponit illam, quæ probat Christum fuisse causam finalem & efficientem etiam Angelorum, & primorum parentum in statu innocentie. Si autem hæc non ita suadeant efficacitatem rationis Scoticæ, quod ipsam persuadeant ad minus illa non poterit negari, loquendo de congruentissima Dei volitione: nam si voluntas aliqua versaretur circa aliqua obiecta, quorum vnum est nobilius altero, & magis conducit, seu habet maiorem vtilitatem ad ostendendam gloriam Dei, & eligeret minus nobile, censeretur imperfectio orta, vel ex imperfecta propositione intellectus, vel ex repentina determinatione voluntatis, quæ omnia non cadunt in ordinatissima Dei volitione, quæ eo ipso quod ordinatissima est, ordinem seruat iuxta ordinem nobilitatis obiectorum, & sic prius debuit velle Christum, quam permissionem peccati; iusta enim censetur reprehensio Sponsi ab Architriclino Ioannis 2. *Omnis homo primum*

Disp. IV. De motiuo, & fine cuius gratia, Incarn. predest. est. Quæst. I. 101
primum bonum viuum ponit, & postea quod
deterius est, tu autem seruasti bonum vinum
vsque adhuc; quare licet prædicta ratio
non esset efficax ratione causalitatis fi-
nalis, est tamen efficax ratione nobili-
tatis & perfectionis obiectorum con-
iunctæ cum congruentissima & ordi-
natiissima Dei volitione.

PARS TERTIA.

Sententia Scoti statuitur, & exaltis
probatioribus solidatur.

45. **D**ico primò: Incarnatio Verbi
 quoad substantiam prædestinata
 est à Deo ante præuisionem peccati
 Adami, & cōsequenter ab eius redem-
 ptione independenter vt à motiuo &
 fine. Ita Scotus cum Auctoribus pro
 secunda sententia citatis in quæstione.
 Et probatur primò: Christus Dominus
 fuit prædestinatus ante decretum pro-
 ducendi vniuersum; sed peccatum ori-
 ginale fuit præuifum post decretum
 producendi vniuersum, quia fuit præ-
 uifum in Adamo existenti iam in Para-
 diso, in quo prohibitum illi fuit, ne
 comederet de ligno vitæ, & tunc iam
 existeret vniuersum; ergo Christus
 Dominus fuit prædestinatus ante præ-
 uisionem peccati originalis, & conse-
 quenter independenter ab eius redem-
 ptione. Maior in primis est manifesta
 doctrina D. Thomæ in 4. d. 48. q. 2. art. 2.
 & in additionibus ad 3. partem quæ-
 stione 91. art. 2. & de potentia q. 5. art. 4.
 & 5. contra Gentes capite vltimo, vbi
 docet totum mundum factum fuisse
 propter prædestinatos, & præcipue pro-
 pter Christum, qui ex eius sententia
 3. p. q. 24. art. 3. & 4. fuit primus præ-
 destinatus, vt pote causa finalis &
 exemplaris nostræ prædestinationis. Ex
 quo principio colligit omnem ordinem
 generationum & productionum post
 diem iudicij cessaturum, quia ad imple-
 to numero prædestinatorum, propter
 quos factus est mundus, cessabit quan-
 tum ad ea, quæ illis vtilia crant, quod
 etiam fatentur plures alij. Sed deinde
 talis maior propositio colligitur ex sa-
 cra Scriptura, & Patribus adductis in
 probationem secundæ sententiæ.

46. Sed nunc sunt aliqua specialiter pon-

deranda. Et Primò ponderandum est il-
 lud Prouerb. 8. *Dominus possedit me in*
initio viarum suarum, cum lectione 70.
Dominus creauit me initium viarum sua-
rum, &c. quod debere intelligi de Sa-
 pientia incarnata secundum Patres di-
 ximus ibi; quodd autem debeat intelligi
 de decreto æternitatis, patet ex illis: *Ab*
æterno ordinata sum, & ex amicum. Vnde
 non obstat, quod aliqui obiciunt Pri-
 mò, quodd melius vertatur in Hebræo,
Dominus possedit, quam *Dominus creauit*,
 vt dicit Hieronymus in epist. ad Cypri-
 quæ est 136. Respondeo enim, quodd
 ea, quæ creantur, possideri dicuntur;
 imò Deus solum illorum dicitur pro-
 priè Dominus, quare ponderauit Am-
 brosius, quodd dicatur, *Dominus possedit*
me; & non, *Deus possedit me*.

Secundò obiciunt, quodd licet Chri- 47;
 stus dicatur, *Initium vniuersarum viarum*
Dei; non tamen significatur quodd sit
 primò prædestinatus, sed quodd sit pri-
 mus in excellentia & dignitate, quia
 respondeo quodd licet Christus sit pri-
 mus primitate principalitatis, tamen
 hoc in præsentī non significatur, sed
 quodd sit primò prædestinatus, quia, vt
 diximus, loquitur de decreto æternita-
 tis, & dicit quodd præcessit antequam
 terra fieret, antequam quidquam face-
 ret à principio. Vnde non ita quadrat
 expositio aliquorum Patrum, qui via-
 rum nomine intelligunt sola opera re-
 demptionis; sicut quadrat expositio
 Athanasij intelligentis omnia opera Dei
 ad extra, quæ cadunt sub eius proui-
 dentiam.

Secundò est ponderandum illud Ec- 48;
 clesiastici: *Ego ex ore Altissimi prodii prim-*
ogenita ante omnem creaturam; vbi nul-
 lam creaturam excludit, quodd exposuit
 Concilium Sardicense in epistola ad
 omnes Episcopos circa finem, de Chri-
 sto quantum ad primam partem, secun-
 dum quodd Filius Dei est, videlicet *Ego*
ex ore Altissimi prodii; & quantum ad
 secundam, scilicet *Primogenita ante om-*
nem creaturam, secundum quodd homo
 est. Idem significant verba Pauli ad Co-
 loss. 1. *Quis est imago Dei inuisibilis, primo-*
genitus omnis creature, quoniam in ipso con-
ditæ sunt vniuersa in calu, & in terra, visi-
bilia, & inuisibilia, &c. Et ipse est Caput cor-
poris Ecclesia, qui est principium, primogeni-
tus ex mortuis, ut sit in omnibus ipse prima-

sum tenens. Si ergo in omnibus supradictis primatum tenet, rectè colligitur, quodd Christus Dominus fuit prædestinatus ante decretum producendi vniuersum, quia hæc omnia non possunt verificari de Christo in tempore, sed solum in æternitate.

49. Tertiò est ponderandum cum Chrysostomo homil. 71. in Ioan. super ipsius verba capitis 13. *Deus clarificauit eum in semetipso, & continuo clarificauit eum scilicet Iesum.* Vbi Chrysostomus, *Non per Angelos, aut per Archangelos, non per aliam aliquam virtutem, sed per seipsum, quomodo autem clarificauit per seipsum? omnia ad Filij gloriam operatum, atque omnia Filius fecit.* Si ergo Deus secundum Chrysostomum omnia operatus est, vt glorificaret Iesum (qui naturam humanam sicut & diuinam includit) sequitur quodd Iesus præcesserit in intentione Dei, propter cuius gloriam reliqua fecerit.

50. Nec obstat, si restringas ad ea, quæ post præuium peccatum Pater æternus fecit, seu decreuit facere, quia contrà est primò, quodd omnia nihil excludit; secundò, quia natum subdit: *Atque omnia Filius* (scilicet æternus) *fecit;* ergo si omnia, quæ Filius æternus fecit, æternus Pater fecit simul cum eo, vt glorificaret Iesum; ergo non solum ea, quæ facta sunt post peccatum, sed etiam ante illud, quia omnia in vtroque sensu fecit Filius æternus.

51. Quartò accedat ponderatio Rupertii lib. 13. de Gloria & honore Filij hominis prope medium, super illa verba Pauli ad Hebræos 2. *Propter quem omnia, &c.* Vbi sic ait: *Religiosè dicendum, reuerenterq; est audiendum, quia propter istum Filium hominis, scilicet Christum gloriam & honorem coronandum, Deus omnia creauit.* Vide plura alia pulchrè ibidem dicta ad hoc propositum, præcipuè ponderando hæc duo verba Apostoli: *Propter quem omnia, & per quem omnia.* Et lib. 3. de Gloria Trinitatis cap. 20. dicit: *Non homo propter Angelos, imò propter hominem quemdam Angeli quoque facti sunt, sicut & cetera omnia, testatur Apostolo, cum dicit: Decebat enim eum propter quem omnia, &c.* Idem habet lib. 4. cap. 2. & Anselm. super prædictum locum, quæ verba etiam probant contra sententiam mediam Suarez & aliorum, cum afferant Christum independentem à qua-

cumque creatura esse primò prædestinatum, & consequenter independentem etiam à peccati remedio, tamquam à medio vnico.

Secundò, probatur nostra conclusio, quodd est exemplar alterius, præferri debet ad alterum; sed Christus Dominus fuit exemplar ad creationem Adam; ergo debuit præferri in intentione ad intentionem creandi Adamum, & consequenter debuit præferri ad peccatum ipsius, quod fecit, postquam creatus fuit: maiorem admittunt omnes. Minor probatur ex Tertulliano lib. de Resurrectione carnis in principio, vbi ponderans illa verba Genes. 1. *Faciamus hominem ad imaginem & similitudinem nostram;* dicit: *Limus ille tunc imaginem induens Christi futuri in carne, non tantum Dei opus erat, sed & pignus.* Et idem habet lib. aduersus praxeam prope medium. Et Athanas. Magnus serm. de Sanctissima Deipara post medium sic habet: *Potius loquendum est, quodd Deus feceris hominem secundum imaginem Dei; secundum imaginem enim & similitudinem istius modi Incarnationis, & acceptæ humanitatis, hominem Deus fecit.* Deinde Nicænus in testimoniis aduersus Iudæos ait: *Huius ad seipsum sancta atque cõsentialis Trinitatis est illud, faciamus hominem ad imaginem & similitudinem nostram, & fecit Deus hominem, secundum imaginem Dei fecit eum; formati enim sumus, prout intelligentia percipi potest ad imaginem vniuersi; & quæstione de eo, quodd sit ad imaginem Dei.* In principio postquam dixit, quodd homo est imago Trinitatis, subdit: *Neque verò id solum, sed & vniuersi ex sancta Trinitate Dei Verbi Incarnationem pronuntiat, ac fortassis ad imaginem quidem est diuinitatis nuda anima, ad similitudinem Incarnationis Verbi istud anima nostra, corporisq; compositum.* quid clarius?

Tertiò probatur: Christus fuit causa exemplaris omnium electorum; ergo in intentione debuit præferri ad ipsos. Antecedens probatur ex illo ad Rom. 8. *Quos præcinit & prædestinavit conformes fieri imaginis Filij sui, vt sit ipse primogenitus in multis fratribus.* Et ad Philip. 3. *Reformauit corpus humilitatis nostra configuratum corpori claritatis sue.* Neque valet si respondeas cum D. Thoma hæc intelligenda esse de Christo, vt Filio Dei, non vt homine. Quia contrà est primò, quodd

52.

53.

quod de ipso etiam ut homine intelligunt Chrysost. Hieron. & ferè omnes Græci, & Latini Patres. Secundò, quia Christus ut Filius Dei non dicitur propriè frater reliquorum electorum, quia ut sic est potius Pater; sed Christus ut homo est propriè frater in prædestinatione respectu aliorum, quia Filius adoptivus secundum humanitatem per gratiam sunt reliqui. Tertio, quia Christus ut Filius Dei non habet corpus clarificatum, cui nostrum corpus conformetur.

54. Quarto probatur: Christus fuit causa moralis prædestinationis nostræ; ergo debuit præferri ad eam non solum ordine intentionis, sed etiam ordine executionis, quia causa moralis non infuit ut sit, sed quia est antecedens, patet ad Ephes. 1. *Benedixit nos in omni benedictione spirituali in celestibus in Christo, sicut elegit nos in ipso ante mundi constitutionem.* Ex paulò post: *Prædestinavit nos per Iesum Christum in ipsum, ubi (per) significat Christum fuisse causam meritoriam, & efficientem moralem, & (in) fuisse causam finalem.*

55. Neque obstat quod respondet Vasquez, scilicet ex hoc solum probari Christum fuisse primò prædestinatum, non tamen ante peccatum originale. Quia contrà est, nam si fuit primò prædestinatus; ergo ante prædestinationem Adam; sed hic ante peccatum originale habuit gratiam habitalem datam ex intentione dandi illi gloriam, utpote habentem ius ad illam, sicut de facto habet; ergo & Christus ante peccatum originale fuit prædestinatus. Respondet Vasquez, talem gratiam fuisse datam Adamo ex intentione & voluntate communi, quâ vult Deus omnes homines saluos fieri, & sic non fuisse prædestinatum ad illam ante peccatum originale. Sed contrà primò, quia etiam illa gratia, quæ datur ex illa voluntate generali, est ex meritis Christi, aliàs ipse non esset Caput totius Ecclesiæ. Secundò, quia gloria, quâ modò Adamus gaudet in cælo, non solum correspondet meritis ipsius factis post peccatum originale, sed etiam ante ipsum: (sicut verior sententia sustinet de nostris meritis per peccatum actuale mortificatis, & postea per gratiam reuiuifcentibus, quam etiam tenet Vasquez

1.2. disp. 221. q. 6. & 3. p. q. 85. art. 5. dub. 2.) ergo gratia, quâ dignificata sunt talia merita, non fuit data ex illa voluntate communi, quæ non futurizatur gloriam, sed ex voluntate & prædestinatione efficaci ad gloriam.

Neque valet quod ad hoc respondet, 56. scilicet gloriam, quæ modò meritis Adam in statu innocentie correspondet, non correspondere ut primò collatis, sed ut per poenitentiam reuiuifcentibus, quæ poenitentia facta fuit ex meritis Christi. Nam contrà, quia merita illa non fuerunt præmiata, nec præmium æternum, quod illis erat debitum, fuit commutatum in præmium aliquod temporale; ergo aliquod legitimè impræmiatum maneret à Deo, quod est contra iustitiam Dei. Secundò, quia gloria non est data ibi iuxta mensuram contritionis, per quam merita prius mortificata reuiuifcunt, sed secundum totam latitudinem præcedentium meritorum, & gratiæ. Cuius ratio est, quia contritio solum se habet ut conditio, sine qua non præmiarentur gloriâ merita mortificata; non verò ut ratio formalis, ex qua sumatur meritorum valor; aliàs alium præmiarentur gloriâ nostra merita iuxta mensuram contritionis, quod non est dicendum in sua, & in vera sententia; ergo talis gratia correspondet illis meritis ut primò collatis. Legite Suarez in Opusculis disputatione 1. de reuiuifcentia meritorum.

Confirmatur deinde prædicta quarta probatio ex auctoritate Cyrilli lib. 5. thesauri cap. 8. ubi clarè videtur nostram asstruere conclusionem his verbis: *Præfundatur ante nos Christus, & in ipso nos omnes superadificamur id est, ante initium mundi in præscientia Dei, ut cum ordine diuino benedictio maledictionem antecesserit, & damnationem in mortem visa pollicitatio, seruitutem diaboli adoptionis liberet, & possit natura humana, superatâ malâ, quæ interim acciderunt, in pristinam per gratiam Christi (qui fundauit eam bonis in bonis) dignitatem recurrere talem, quam fieri, qualem Deus ex charitate per Filium suum futuram constituit; ergo si benedictio maledictionem antecessit, &c. & gratia Christi fundauit naturam humanam in bonis, sequitur quòd natura humana (quæ in primo parente fuit fundata*

data in bonis, & habuit benedictionem, & vitam per iustitiam originale ante maledictionem, & mortem per carentiam illius, seu per peccatum originale) fuerit praedestinata per Christum, seu (vt Cyrillus loquitur) superaedificata in Christo, in praescientia Dei, seu intentione Dei, & consequenter quoddam Christus fuerit ante peccatum originale praedestinatus vt moralis causa. Vnde concludit Cyrillus: *Quantum igitur ad praescientiam, & consilium, & propositum Patris; & omnino deitatis Christus ante saecula fundatus est, & tempore congruo natus ex Virgine, in quo reparati sumus, qui ante initium mundi salutis nostra fundamentum ipsum habebamus.*

58. Deinde Irenaeus lib. 5. contra haereticos cap. 14. ita aiebat futuram circa Filium Dei humani generis dispositionem: *In semetipsum Fabricator omnium Verbum praeformauerat, praedestinante Deo primum animale hominem, videlicet vt à spiritali saluaretur, cum praexistet saluans oportebat, & quod saluaretur fieri, uti non vacuum sit saluans.* Nota: ly in semetipsum praeformauerat, & ly cum praexistet saluans, & deniq; ly praedestinavit animale hominem, vt à spiritali saluaretur, &c. quae omnia manifeste declarant in praedestinatione diuina in gloriam ipsius Dei Christum vt caput morale, seu secundum dignitatem Saluatoris fuisse praedestinatum ante praedestinationem hominis, imò hunc propterea fuisse praedestinatum, vt non fuisset vacua salus, & officium Saluatoris Christo iam antecederet praesentum.

59. Quintò probatur ex excellentia huius mysterij, quae praemari debuit ante permissionem peccati, & propter alium finem principalem independentem à peccato, quod clarè docet Rupertus lib. 3. de gloria & honore Filij hominis supra citatus, vbi dicit: *Si teste Augustino (scilicet lib. de natura & gratia cap. 25.) absurdum esset dicere, Adamo non peccante, generationes hominum non fuisse futuras, ac si propter homines, ut nascerentur peccatum fuisset necessarium, quod de isto Capite & Rege omnium Electorum, Angelorum, & hominum sentiendum, nisi quoddam ipse maxime omnium necessarium non habuerit peccatum, ut homo fieret ex hominibus, deliciis sua charitatis cum illis habitum*

ruo? ergo si non fuit necessarium peccatum vt Verbum fieret homo, sicut neque ad alias generationes fuit necessarium, & hoc vt haberet delicias cum hominibus, quos nimis amat, rectè sequitur quoddam propter suam excellentiam ante prauiionem ipsius fuerit à Deo praedestinatus, & independentem a remedio ipsius. Praedictis verbis videntur explicari quae dicuntur in Symbolo fidei, scilicet, *Qui propter nos homines, & propter nostram salutem descendit de caelis;* vbi distinguit ly propter nos homines, à ly & propter nostram salutem, &c. quia si non descenderet propter nostram salutem, descenderet nihilominus propter nos homines, seu vt nobilitaret nostram naturam, & propter habendas cum illis delicias suae charitatis.

60. Vrgentiùs confirmatur ex dictis Concilij Tridentini sess. 6. cap. 7. vbi ait expressè, quoddam gloria Christi est causa finalis nostrae iustificationis, seu quoddam idem est redemptionis à peccato; ergo Christus fuit intentus ante redemptionem à peccato. Respondet Vasquez Primò Concilium non dixisse Christum fuisse finem iustificationis nostrae, sed gloriam Christi. Sed contra primò, quia eodem modo dixit gloriam Christi esse causam finalem, ac gloriam Dei, sed ex eo quod dixit gloriam Dei, colligimus Deum esse finem praedictae iustificationis; ergo ex eo quod dixit gloriam Christi esse finem, debemus colligere ipsum Christum fuisse finem. Secundò, quia licet gloria Christi sit finis cuius gratia, tamen Christus est finis cui, sed finis cui supponitur futurus cum fine cuius gratia; ergo sicut gloria Christi supponitur intenta vt finis cuius gratia, ante nostram iustificationem, ita & ipse Christus.

61. Secundò, respondet Concilium non loqui de gloria Christi, tamquam de fine primario & motiuo, propter quem principaliter res aliqua intenditur, sed de fine impulsivo secundario & accidentali, quia postquam Deus principaliter decreuerit Incarnationem propter remedium peccati, vidit quoddam ex tali remedio relutaret gloria Christi, ided voluit illi secundariò talem gloriam. Sed contra primò, quia Concilium ibi enumerat causas proprias & veras nostrae

stræ iustificationis, vt omnes sentiantur, & constet ex textu; sed finis impulsivus & secundarius non est causa propria & vera, quia est per accidens, & quâ sublatâ adhuc esset effectus ex vi finis principalis, & per se motiui; ergo non loquitur de fine impulsivo. Secundò, quia eodem modo, quo asserit gloriam Dei esse finem, asserit gloriam Christi esse finem, sed illa non est finis impulsivus; ergo neque ista. Tertiò, quia si Christus factus est propter iustificationem nostram, tamquam propter finem, vt vult Vasquez, malè Concilium assereret quòd Christus seu gloria Christi est finis etiam impulsivus nostræ iustificationis, quia potius deberet asserere, quod est medium ad eam iustificationem obtinendam.

62. Vnde sextò probatur ratione. Scoti parte antecedenti explicatâ, scilicet ordinatè volens, prius vult finem, quàm ea quæ sunt ad finem; sed Christus est causa finalis prædestinationis, & redemptionis nostræ, vt patet ex dictis; ergo fuit ante ipsam prædestinatus; ergo ante prævisionem peccati. Et confirmatur rationibus adductis à Scoto in prima parte, quæ conclusionem nostram suadent; sed immorari debemus in ratione principali, quæ non solius est Scoti, sed etiam & D. Thomæ, quâ similem materiam probauerat primâ parte, quæstione 23. artic. 4. & aliis in locis: vnde maiorem Syllogismi probo, non solum loquendo de fine & mediis sumptis secundum ordinem causalitatis, in quibus eam concedit Vasquez, sed etiam secundum ordinem dignitatis, in quo non concedit, & primò ex Patribus: Nazianzenus in oratione 3. theologica ait: *Quidquid alicuius rei causâ factum est, abiectum est eo propter quod factum est.* Et Basilii Magni lib. 4. contra Eunomium super illud, *Dominus creavit me*, sic habet: *Quod propter aliud, & non propter se factum est, vel pars illius propter quod factum est, vel eo minus est.* Loquuntur autem hi duo Patres de volente ordinatè nempe Deo. Secundò ex Aristotele, nam 1. Ethicorum cap. 8. loquendo de natura finis & mediorum, & 1. magnorum moralium cap. 1. ait, *Hic, quæ ad finem sunt,*

finem esse meliorem; vbi Nota non dixisse finem esse primum; quia ratione causalitatis hoc certum est, sed dixit *esse meliorem*, quod verificatur de dignitate & nobilitate obiecti voliti vt finis, & consequenter id venit dicendum de intermediis, quæ comparata cum aliis mediis habent rationem finis; quod assertum latè probat Aristoteles præcipuè capite illo octavo, & debet intelligi de ordinatè volente, quia volens inordinatè omnia subvertit. Tertiò ratione, quia velle ordinatè nihil aliud sonat, quàm velle obiecta amabilia, prout inter se amabilia sunt; sed obiectum, quod in se perfectius & nobilius est, amabilius est; ergo ordinatè volens, prius vult finem, deinde ea quæ propinquiora sunt fini, & tandem remota ab illo fine, cum antem mysterium Incarnationis quantum ad suam substantiam sit perfectius, & nobilius, quàm permissio peccati, & quàm redemptio ab illo, hoc debuit in intentione Dei præferri, & præsupponi. Et confirmatur, quia solidissimo fundamento deberet probari inuersio talis ordinis, vt diceremus Deum ordinatè volentem, prius amavisse ignobiliora, & minùs amabilia, quod nullo modo apparet.

Septimò probatur, quia ea præferenda tamquam verior est sententia, quæ commodius & cõgruentius componit inter se, tum ea quæ dicuntur à Scriptura, tum ea quæ dicuntur à Patribus & Conciliis, sed secundum sententiam D. Thomæ minùs literaliter, ni fortè sinistrè interpretantur Scripturæ testimonia, & tam Conciliorum, quàm Patrum, dicta nequeunt in concordiam reuocari; secundum sententiam verò Scoti peroptimè omnia componuntur, dum ea, quæ independentiam sonant à peccato, intelliguntur de Incarnatione Christi secundum substantiam, & ea quæ dependentiam dicunt ab illo, de ipsa secundum modum; ergo iuxta captum nostrum intelligentes decreta Dei, prout à Scriptura, Conciliis & Patribus nobis significantur, dicendum venit, quòd Incarnatio Verbi quoad substantiam independentem fuit decreta à peccato originali, & quòd adhuc illâ non existente Christus in mundum veniret.

O

Tandem

Castillo de Incarn. Pars I.

64. Tandem probatur octauò ab inconuenientibus, quia si Christus factus est propter nos, & nos propter ipsum, sequitur primò quòd Christus nobis gratiam debeat, non nos illi, patet, quia hoc infert Athanasius lib. 3. contra Arrianos prope medium, ex eo quòd illi asserabant, quòd Deus Filium suum creauit propter nos. Secundò, quòd Deus Christum non uoluerit, sed solum nos, patet, quia ex prædictis hoc similiter inferebat idem Athanasius contra Arrianos ibidem. Tertio, quòd nos essemus multò præstantiores, quàm Christus, patet, quia contra eisdem hoc infert Cyrillus lib. 5. thesauri cap. 3. Deinde quarto, quòd non deberet ipse heres appellari, & nos serui, & hereditas illius; sed potius è contrà, patet ex eodem Cyrillo ibi. Quintò, quòd necessarium fuisset peccatum ut esset Christus, quod in simili negat Augustinus lib. 14. de Ciuitate Dei cap. 23. Sextò sequeretur quòd tantum lætaretur Christus de hominum perditione, quantum gauderet de sua Incarnatione, patet à simili, quia Anselmus lib. 1. *Cur Deus homo*, cap. 18. improbat opinionem asserentium homines nullatenus factos esse, nisi propter restaurationem Angelorum, qui ceciderunt, & improbat ex eo quòd deberent gratulari homines de tali Angelorum perditione, non enim forent in hac opinione absque illa, sed in opinione D. Thomæ Christus non foret absque hominum perditione; ergo, &c.

65. Accipite verba prædictorum Patrum, ut non infirma illatio prædictorum inconuenientium appareat: in primis enim Athanasius lib. 3. contra Arrianos prope medium sic habet: *Si Deus uolens creaturam naturam producere, Filius in eos usus procreauit pro uestra opinione, ut per eum nos adificaret, animaduertite quam audax sit impietas in uestris uerbis, primum quia apparebit Filium propter nos, & nos propter Filium conditos esse, non enim nos eius causà creati fuimus, sed ille nostri, adeò ut ipse nobis, non nos illi gratiam debeamus.* Et statim, *Si illud conceditur, planè sequitur ut pater filium sibi noluerit, non enim uolens eum creare creauit, sed cum nos uellet, nostri gratià eum instituit.* Cyrillus lib. 5. thesauri cap. 3.

cum intulisset hanc consequentiam, *Cur ergo gratiam nobis non agit, qui propter nos est; quam, ut uidimus, intulit etiam Athanasius ex eo quòd Arriani dicebant filium propter nos factum.* Sic prosequitur argumentando, *Si propter nos factum est filius, & non propter filium nos, erimus nos multò ipso præstantiores.* Et postea, *Quare illum filium & heredem, nos uerò seruos, & hereditatem illius appellamus cum contra operaretur nos quidem heredes esse, filium uerò propter nos factum, & seruum, & hereditatem esse nostram.* Sed perge, & ostende ultima duo inconuenientia ex Augustino & Anselmo, Augustinus enim lib. 14. de Ciuitate Dei cap. 23. sic ait, *Quisquis dixit non fuisse Adam & Eum generaturus nisi peccasset, quod dixit nisi propter Sanctorum numerositatem necessarium hominis fuisse peccatum: si enim non peccando soli remanerent, quis sciat putare nisi peccasset generare non possent, profectò ut non solum duo homines iusti possent esse, sed multi, necessarium peccatum fuit, quod credere absurdum est.* Anselmus denique lib. 1. *Cur Deus homo* cap. 18. sic scribit, *Si nullatenus facti sunt homines, nisi pro restauratione perditorum Angelorum, palam est, quia nisi illi Angeli ab illa beatitudine cecidissent, homines ad illam non ascenderent; si quis ergo dixerit, qui atantum latuunt electi homines de Angelorum perditione, quantum gauderent de sua assumptione, quoniam absque dubio hoc non esset, nisi illa fuisset, quomodo poterunt ab hac peruersa gratulatione defendi?*

Propter hæc ita coniuncti sunt aliqui, ut non solum asserant Christum fuisse primarià Dei intentione prædestinatum quoad substantiam ante præuisionem peccati, sed etiam fuisse prædestinatum quoad modum, & ad esse Redemptoris, ut esset medicus, & medicina, si forte fuissent morbi, seu peccata, sicut Rex antequam in exercitu sciat esse vulnera, mittit medicum & medicinas.

Idèd dico secundò: Christus Dominus prædestinatus est ad munus Redemptoris, & ut veniret passibilis post præuisionem peccati originalis. Ita tenet Scotus, & ferè omnes Auctores in hac quaestione reperi. Et probatur primò ex locis S. Scripturæ citatis pro prima sententia, quibus adiunge illud, quod ad Hebræos 2. *Quia ergo pueri*
commu-

66.

67.

communicauerunt carni, & sanguini, & ipse (scilicet Christus) similiter participauit eisdem, ut per mortem destrueret eum, qui habebat mortis imperium, id est, diabolum, & liberaret eos, qui timore mortis per totam uitam obnoxij erant seruati. Et illud ad Galatas cap. 4. Misit Deus Filium suum factum ex muliere, factum sub lege, ut eos, qui sub lege erant redimeret. Vnde Augustinus serm. 9. de Verbis Apostoli in principio inquit, loquens de Christo: Tolle morbos, tolle vulnera, & nulla est causa medicina. Sed ante præuisionem peccati nulli erant morbi, nulla vulnera; ergo tunc non erat causa determinandi medicinam, intellige subleuatiam.

68. Secundò probatur ratione, quia vel in illo priori ante præuisionem peccati prædestinatus est Christus ad redimendum genus humanum in actu secundo redemptione subleuatia, & hoc non, quia redimere redemptione subleuatia, quâ Christus genus humanum redemit ex natura rei supponit peccatum, & captiuitatem actualiter existentem, vel prædestinatus est ad redimendum illud in actu primo, & hoc similiter non, quia actus primus intrinsecè dicit respectum ad alterum secundum; ergo si ille non est possibilis haberi in illo priori, neque ille. Et confirmatur, quia medicus & medicina non possunt rationabiliter appeti, nisi ægrotis; sed Christus secundum munus Redemptoris, & secundum circumstantiam passibilitatis fuit medicus & medicina; ergo.

69. Quare non obstat quod in contrarium adducitur, quia si Rex temporalis rationabiliter mittit medicum & medicinas in exercitum, idè est, quia coniecturaliter præsumit futura esse vulnera, tamen Deo, cui scientia coniecturalis repugnat propter ipsius imperfectionem, & quia ille certò scit omnia, etiam repugnat præparare ut futura medicamenta pro infirmitatibus pro tunc non certò futuris, & rationabilius est, quòd Deus elegerit medicum & medicinas propter eandam sanitatem infirmis in actu, quàm quòd permiserit esse infirmos, & uoluerit eorum sanitatem ex eo, quòd uoluerit medicum & medicinas; & multò minùs interest scientia conditionata, vel media, quâ cognouit Deus futurum esse peccatum

Castillo de Incarn. Pars I.

originale, quia hæc nihil conducit ad decreta Dei absoluta, aliàs verum haberet error Semipelagianorum assensum Deum prædestinare, vel reprobare homines & Angelos propter merita, vel peccata, quæ scientia conditionata præuidit, nam non est maior ratio vnius, quàm alterius.

Dico tertio: Ex vi præsentis decreti, quo Incarnatio quoad substantiam in intentione Dei fuit prædestinata, Christus veniret, etiam si Adamus non peccaret, licet non veniret passibilis, & cum munere Redemptoris. Ita Scotus, & reliqui Auctores pro sua sententia citati. Hæc conclusio habet duas partes; & prima sequitur ex prima conclusione; & secunda ex secunda. Et probatur, quia si Incarnatio quoad substantiam facta est ex vi præsentis decreti independentè à peccato, & Incarnatio quoad modum, seu secundum circumstantiam passibilitatis, & munus Redemptoris facta est ex vi præsentis decreti dependentè à peccato; ergo si Adamus non peccaret, Christus veniret quoad substantiam, & non veniret quoad modum. Patet consequentia, quia illa decreta fuerunt efficacia, & futurizabant suos effectus proprios.

PARS QUARTA.

Argumentis in contrarium & pro prima & tertia sententia adductis fit satis.

Cum tam pro Aduersariorum sententia, quàm pro nostra plura & Patrum & Scripturæ testimonia adducantur, oportet tam ipsi, quàm nobis, utraque inter se conciliare, quare congruentior conciliandi modus apparet in nostra sententia, quæ pro nobis adducta testimonia intelligit de Incarnatione quoad substantiam, & adducta pro aduersariis intelligit de Incarnatione quoad modum. Idè ad primum argumentum pro prima sententia respondeo cum Scoto, illa testimonia intelligi de Christo ut passibili, quia ex vi præsentis decreti venit passibilis in remedium peccati, & ut peccatores saluos faceret.

72. Et si cum Vasquez obiciat, ergo hæc est falsa, Christus venit propter redemptionem hominum, & solum hæc erit vera; Christus ut passibilis venit propter redemptionem hominum. Probo, quia quod est causa solius circumstantiæ aduentus, v.g. quod veniat pauper aut diues, nudus aut vestitus, non est absolute dicenda causa aduentus; sed in Christo non solum includitur circumstantia, sed principaliter eius substantia, & tamen in multis aliis testimoniis habetur talis propositio; ergo. Respondeo vtramque propositionem esse veram, licet ex primaria Dei intentione sit Christus quoad substantiam efficaciter intentus independentem à peccato, tamen postea præiusto peccato non solum fuit intentus circumstantia passibilitatis propter remedium peccati tamquam propter finem, sed etiam ipsa substantia Incarnationis fuit iterum amata eodem amore, quo fuit intentus passibilitas.

73. Sed dices: Idem effectus non potest dependere à duabus causis totalibus; ergo Incarnatio quoad substantiam non potest dependere à duplici causa finali totali; ergo Incarnatio quoad substantiam non potest intendi à Deo efficaciter propter motiui redimendi genus humanum à peccato, & alio decreto antecedenter efficaci propter motiui manifestandi Dei gloriam, vel nobilitandi naturam humanam, vel delicias habendi cum hominibus, &c. patet hæc vltima consequentia, quia quodlibet motiui vtriusque erat causa finalis totalis & adæquata, propter quam etiam alia non existeret, Incarnatio quoad substantiam esset futura. Respondet Suarez disp. 5. sect. 5. negando, quod idem effectus non possit dependere à duplici causa finali finali, quod pluribus probat exemplis, quod etiam late impugnatur Vasquez disp. 10. cap. 8. Ideo secundo respondent alij duplicem esse posse finem totalem, vnum motiui, & alium impulsui, ut si quis decreuerit ire Toletum ut ipsum videret, & postea recordatur ibi ægrotare amicum, iterum propter hoc decernit ire Toletum, prius enim erat efficaciter mota voluntas ad eundem Toletum ut illum videret, & ideo dicitur iste finis motiui, & postea infirmitas amici

impellit voluntatem ut eat, & ideo dicitur finis impulsui; aiunt ergo ad argumentum, quod etiam si Incarnatio quoad substantiam sit prius efficaciter intentus à Deo propter manifestationem suæ gloriæ, &c. tamquam propter finem motiui, tamen postea fuit iterum intentus propter infirmitatem hominum tamquam propter finem impulsui.

74. Sed hæc solutio vel non respondet argumento, vel uihil differt à prima, quia finis impulsui non est in alio genere causæ, quam in genere causæ finalis, & tunc vel est causa totalis effectus, & ut sic iam duplex causa totalis finalis est causa eiusdem effectus, ut afferit prima solutio, vel non est causa totalis, & ut sic non soluit argumentum, quod probat remedium peccati ita esse causam finalem Incarnationis Christi quoad substantiam, quod si hæc Incarnatio antecedenter non esset efficaciter intentus & prædestinatus propter alium finem totalem, nihilominus efficaciter intenderetur, imò & de facto secundum locutiones Scripturarum & Patrum intenditur propter illud remedium, & sic probat vtrumque esse finem totalem decreti Incarnationis quoad substantiam.

75. Ideo aliter respondeo negando, quod idem effectus dependeat à duplici causa finali totali, quia eadem inconuenientia & repugnantia quæ reperiuntur in hoc in reliquis causis, reperiuntur in causa finali, & principaliter quod idem effectus dependeret, & non dependeret ab eadem causa, quod est præcipuum inconueniens adductum à Scotto, & quando dicit Incarnatio quoad substantiam est effectus huius finis, & illius finis totalis. Respondeo quod non eodem modo, quia propter primum finem, qui dicitur motiui (scilicet propter manifestationem gloriæ) amatur Incarnatio formaliter, & in recto: unde efficaciter decernitur à Deo, ut sit futura: at vero propter finem secundum, qui dicitur impulsui (scilicet propter redemptionem à peccato) amatur Incarnatio materialiter, & in obliquo, & quod formaliter, & in recto amatur, est circumstantia passibilitatis; quare hic secundus amor circa Incarnationem quoad substantiam potius

potius est complacētia Dei in eo, quod iam talis Incarnatio sit ab ipso intentā, quā efficax decretum futuritionis illius; est autem complacētia talis, quod futurizaret effectum, si iam antecedenti decreto non esset futurizatus, & talis complacētia & amor materialis & in obliquo sufficit, ut vera sit illa propositio: Christus venit propter redemptionem hominum, & idem dico de exemplo adducto eundem Toletum, ubi verum esset, quod Petrus adiret Toletum, ut visitaret amicum infirmum; patet autem ex secundo physice, quod non est inconueniens duplicem causam causare eundem effectum, si diuerso modo procedat ab vna, ac ab alia.

Secundo respondeo, quod licet Incarnatio quoad substantiam sit iterum in secundo decreto volita per se, & in recto propter diuersum finem totalem, quia tamen est volita alio decreto distincto, non sequitur quod idem effectus dependeat à duplici causa finali, hoc enim sequeretur si propter duos fines totales esset vno decreto volitus vnus effectus: tamen si quilibet finis sit causa diuersi decreti, ut in præsentī cōtingit, licet decretum sit circa eundem effectum saltem inadæquatè ut secundum decretum se habet circa substantiam Incarnationis, quia adæquatè etiam respicit passibilitatem, non sequitur quod duplex finis totalis causet eundem effectum, quia decretum est diuersum.

76. Ad secundum argumentum respondeo similiter sicut ad primum, quod prædicti Patres loquantur de Christo ut passibili, non de Christo ut sic, & secundum substantiam Incarnationis, quod optimè probat Lorca disp. 10. memb. 4. ubi adducit aliqua verba eorundem Patrum antecedentia, vel subsequētia, ex quibus apertè cognoscitur Patres locutos fuisse de Christo in carne passibili, quia vel loquebantur de carne non phantastica contra aliquos hæreticos, vel de carne in similitudinem carnis peccati, vel in redemptionem peccatorum per passionem & crucem, vel de carne formam serui habenti obedientis vsque ad mortem, vel loquuntur de Christo ut sacerdote seipsum sacrificio mortis offerente, & tandem de illo ut redemptore: vnde Vir-

go Maria dicitur non abhorreere peccatores, quia sine ipsis non foret mater tanti filij, id est, filij habentis tantas dignitates, ac modò habet, quia illas, quas habet dependentes à peccato non haberet, & peccatum dicitur necessarium ut Christi morte deleteretur, non ut Christus esset, vel dicitur necessarium ex suppositione, quod Christus veniret moriturus in cruce, & postea resurrexurus, & idem verba ista canuntur in Angelica in Sabbato sancto; quare aduentus Christi vestiti circumstantiā passibilitatis asserunt peccatum fuisse solam causam, & omnem aliam excludunt, neque foret secundum talem circumstantiam, illa deficienti, quibus etiam sit satis tertio argumento.

Ad quartum respondeo, verum esse, quod ex his, quæ à sola diuina voluntate pendent, veritas est nobis desumenda ex reuelatis, & ex doctrina Patrum, vel saltem ex recta ratione illis non contraria: Nego tamen quod contraria sententia deducatur ex S. Scriptura & Patribus, imò potius, ut latè ostendimus, nostra sententia deducitur ex illis, & ex optima ratione, conciliamusque omnes locutiones S. Scripturæ & Patrum, quod & ipsi debent præstare, ut non sint inter se contrariæ, & non ita faciunt; quare argumentum hoc potius debebat fieri pro nostra sententia.

Ad quintum respondeo, quod ex vi prioris decreti, quo Christus prædestinatus est quoad substantiam, neque veniret passibilis per passionem mortis & crucis, neque impassibilis hac passione, sed abstrahens ab illa, quia illud decretum, sicut nec respexit peccatum, ita neque respexit hanc passibilitatem, neque priuationem eius (non dico negationem, sed priuationem eius) veniret tamen passibilis, & impassibilis alio modo; passibilis, quia veniret compositus quatuor qualitatibus, & elementis contrariis, hæc enim intrinseca sunt naturæ humanæ, & consequenter passibilitas, quæ est obnoxietas, & subiectio ad corruptionem orta ex illis, est illi intrinseca, ac proinde intentā ab illo primo decreto, ut dixi parte secundā in annotationibus circa quintum signum, & similiter ex vi alterius decreti veniret impassibilis, quia non erat cōgruum

vt deficiente causâ redemptionis peccatorum aliquando corrumpetur, & moreretur in actu secundo, etiam corruptione naturali, illa natura, quæ diuino Verbo fuit vnita, sed præueniretur à Deo constituyente illam in statu omnino gloriosa & impassibili, & hoc vult Scotus, quando asserit, quodd deficiente peccato veniret Christus impassibilis. Nisi velis dicere, quodd etiam veniret obnoxius morti naturali, non verò huic morti passionis & crucis, & in hoc sensu veniret impassibilis.

79. Ad sextum respondeo, quodd in meritis Christi illa, quæ concernunt passibilitatem mortis & crucis, erant merita Redemptoris etiam subleuatiui, & consequenter supponebant captiuitatem peccati, tamen alia merita habuit, vt patet ex dictis, parte secundâ, quæ illam non concernunt, & illa posset habere in statu naturæ integræ, & licet de facto hæc etiam induerint circumstantiam redemptionis, hoc est, meruerint nobis gratiam prout reconciliantem, ideo fuit, quia vt duplici disputatione antecedenti, ratio completiua meriti oritur ex acceptance Dei, quæ potuit talia merita acceptare, etiam pro remissione peccatorum.

80. Dices: Sequitur ex dictis, quodd si Adamus non peccaret, veniret quidem Christus, sed non ex vi præsentis decreti, quo prædestinata est eius passibilitas. Respondeo quodd veniret quidem Christus ex vi præsentis decreti, quo prædestinata est eius Incarnatio quoad substantiam, de quo procedit quæstio, non tamen veniret vt passibilis ex vi præsentis decreti, quo prædestinata est eius passibilitas, quia deficiente peccato tale decretum non esset.

81. Ad argumentum tertiæ sententiæ concedo vt veram totam illam doctrinam, & quodd non rectè sequatur, Christus fuit prædestinatus independentè à remedio peccati tamquam à fine & motiuo; ergo veniret deficiente peccato, & remedio ipsius, quia poterat dependere ab illo tamquam ab vnico medio, vt exempla ibi adducta probant, & sic non veniret deficiente illo: Nego tamen quodd remedium peccati fuerit vnicum medium, quia, vt diximus, hoc est limitare diuinam sapientiam, & potentiam, & fortassis magis diuinorum

attributorum gloria manifestaretur, veniret vt redemptor præseruatiuus. Præterea quia motiuum manifestandi sua attributa, scilicet sapientiam, potentiam, &c. nobilitandi humanam naturam, & habendi cum hominibus delicias, non indigebat hoc medio.

QVÆSTIO II.

Cuius peccati remedium fuerit principale motiuum aduentus Christi vt redemptoris, quo deficiente ipse non veniret vt redemptor.

PLura sunt peccata in quorum remedium Christus veniret, iuxta illud Pauli ad Titum 2. *Dedit semetipsum vt nos redimeret ab omni iniquitate.* Et 1. Ioan. 11. *Sanguis Christi emundat nos ab omni peccato.* Et cap. 2. *Ipse est propitiatio pro peccatis nostris, non pro nostris, sed totius mundi.* Inquirimus ergo in præsentem, an in omnium peccatorum remedium Christus principaliter venerit? an verò principaliter venerit propter aliquod speciale, quo deficiente Christus non veniret vt redemptor, & hoc ex vi præsentis decreti, non ex vi alterius, quia, vt diximus in antecedenti Quæstione, cum hoc dependeat à libera Dei voluntate, nihil certum potest à nobis affirmari.

Quæstionem istam non tractauit Scotus, quia licet in antecedenti Quæstione dixerit, quodd Christus fuit prædestinatus vt redemptor post præsumptum peccatum, non tamen explicuit quodd fuerit hoc peccatum. Neque similiter D. Thomas tractauit, licet enim quæstione 1. art. 4. quæserit vtrum principalius venerit Christus propter peccatum originale, quam propter actuale, & dixerit quodd aliquo modo principalius venerit propter originale, & aliquo modo principalius propter actuale, non verò inquirat an si solum esset originale, & non essent actualia, vel si solum essent actualia, & non esset originale, venisset Christus vt redemptor ex vi præsentis decreti, vel an æquè principaliter & per se in omnium simul peccatorum remissionem seu redemptionem venerit.

Pro cuius decisione Nota primò, 3. quodd

quodd peccata (quoad præsens attinet) sunt in quadruplici differētia: Primum est peccatum originale, prout in primo parente Adamo, in quo omnes peccauimus, tamquam in capite nostro mortali. Secundum est peccatum originale, prout in quolibet nostrum contrahitur, quando, & in instanti, quo anima nostra corpori coniungitur, in quo verificatur quodd aliquis sit homo & filius Adæ. Tertium est peccatum actuale mortale, quo amittit quis gratiam iustificātem, & potuit esse in statu innocentie, imò & de facto fuit in Adamo, quando peccauit originaliter, siquidem peccatum quod respectu nostri fuit originale, respectu ipsius Adami fuit actuale. Quartum est peccatum veniale, quo non amittimus gratiam, sed feruorem charitatis.

4. Nota secundò, quodd Christus Dominus venit vt redemptor dupliciter, primò redemptione præseruatiua, hoc est, per gratiam efficaciter auxiliatricem, & per gratiam iustificātem subiectum antequam peccatum esset in illo; secundò redemptione subleuatiua per gratiam, scilicet postquam peccatum fuit in subiecto: deinde potuit esse redemptor, vel per merita ipsius quoad substantiam, quæ scilicet haberet, etiam si non veniret vt passibilis per mortem, vel per merita quæ habuit vt passibilis per illam.

5. Nota tertio, plura dici ab Auctorebus in præsentī, quæ ad rem non pertinent: Primò enim dicunt aliqui Christum venturum vt redemptorem, etiam si non fuisset peccatum originale, dummodo essent peccata mortalia tanta, vt comprehenderent, aut omnes homines, aut maiorem eorum partem, secus si essent in paucis hominibus: è contrā verò alij hoc absolutè negant. Secundò alij, quodd veniret propter vnum tantum peccatum mortale, dummodo esset alicuius prædestinati, non propter vniuersa peccata reproborum. Tertio alij dicunt, quodd in hypothesi quodd non esset peccatum originale, neque fuisset similiter mortale, neque veniale, quia venialia excluduntur ratione status iustitiæ originalis, & mortalia excluderentur, quia solum nascerentur prædestinati, & hi confirmati in gratia: hæc, inquam, omnia non pertinent ad

hanc quæstionem, in qua solum inquirimus, in cuius peccati remedium ex his, quæ de facto sunt, venit Christus vt redemptor, non ex aliis quæ aliis potuerant esse, quia, vt dixi, de his nihil certum possumus affirmare, fortassis enim Christus veniret vt redemptor propter vnum solum peccatum etiam veniale.

Quibus suppositis, tota difficultas 6. pendet in eo, an Christus venerit vt redemptor ex vi præsentis decreti in remedium peccati originalis prout contracti in Adamo, an verò etiam prout contracti in nobis, & simul dicemus quomodo se gesserit circa peccata actualia.

Dico primò: Christus vt redemptor 7. redemptione subleuatiua non potuit efficaciter à Deo decerni, nisi in remedium peccati prout iam contracti, & hoc siue sit respectu peccati originalis prout in Adamo, & prout in nobis, siue respectu peccati actualis. Hanc conclusionem debent consequenter tenere, qui antecedenti quæstione parte 3. nobiscum consenserunt in conclusione secunda, vbi asseruimus Christum non fuisse prædestinatum vt passibilem ante præuisionem peccati originalis, quia si ante existentiam peccati potest Christus prædestinari vt redemptor subleuatiua per passionem crucis; ergo sic potuit prædestinari ante existentiam peccati originalis Adami, quod ibi negauimus.

Probatur hæc conclusio, quia medicus, & medicina non appetitur à Deo rationaliter, nisi agrotis non coniecturaliter futuris, sed certò & infallibiliter futuris; ergo redemptio subleuatiua Christi non potuit à Deo efficaciter intendi, nisi pro peccatis præuisis. Et confirmatur primò, quia redemptio subleuatiua in hoc distinguitur à præseruatiua, quodd illa supponit peccatum, ista non; ergo illa non potuit intendi, nisi supponeret peccatum. Et confirmatur secundò, quia non aliter intenditur redemptio Christi, vt subleuet nostras misérias actuales, quàm vt subleuaret actuale miseriam Adami, sed hæc fuit præuisa ante intentionem veniendi Christum vt redemptorem; ergo similiter & illæ debent præuideri. Et confirmatur tertio, quia finis cui debet

bet supponi ad finem *cuius gratia*, vt supra probauimus, sed homo vt infirmus est finis, cui talis redemptio intenditur, ergo, &c.

9. Dico secundò: Licet fuerit à Deo praeuifum peccatum ante intentionem praeftinandi Christum vt redemptorem subleuatium, non tamen vt praeferuatium per merita quoad substantiam. Hanc conclusionem admittunt omnes, qui in meritis Christi hanc duplicem docent redemptionem, & beatissimam Virginem redemisse à peccato originali, imò à debito contrahendi illud affirmant, & ratio pro hac conclusione ex ipfis terminis patet.
10. Dico tertio: Passio Christi Domini principaliter fuit intenta in remedium peccati originalis prout in Adamo contracti, ita vt ipso deficiente non veniret ex vi praesentis decreti vt redemptor per talem visionem. Hæc conclusio est communiter recepta inter Recentiores.
11. Et probatur Primò ex Authoribus asserentibus Christum venisse in remedium peccati; ergo cum illud Adami fuerit principale, ex quo reliqua peccata, siue originalia, siue actualia in nobis sunt consecuta, sequitur quòd primò & principaliter venerit Christus vt redemptor per passionem propter illud. Ex quo similiter infertur decretum, quòd de facto Christi mors fuit intenta, ita fuisse dependens à tali peccato, quòd ipso deficiente non veniret Christus ex vi praesentis decreti vt redemptor per passionem, licet fortassis propter alia peccata posset venire per aliud decretum.
12. Secundò probatur, quia Virgo Deipara fuit praeferuata ab originali (imò probabiliter dico) à debito proximo contrahendi illud ex meritis Christi vt redemptoris per eius passionem & mortem; ergo hæc necessariò debuit praeuideri, vt propter illam praeferuaretur: sed id, quod immediatè post peccatum Adami visum est à Deo, est peccatum originale prout in vtroquoque nostrum contrahitur; ergo iam debebat esse intenta passio Christi, vt per eam praeferuaret Deus Virginem, quando illa contrahere debebat originale, & consequenter cum ante illud non fuerit praeuifum aliud peccatum, quàm

Adami, propter illud debuit passio Christi efficaciter intendi, vt deinde à Deo applicaretur in remedium praeferuatium Virginis, & subleuatium ceterorum. Præferuatium, inquam, Virginis non solum à peccato originali, quod contractura erat in primo instanti suæ conceptionis, sed etiam à debito proximo contrahendi illud, quod in eodem instanti in prioritate naturæ præcedit, quando scilicet subiectio & obnoxietas legis & pacti cum Adamo de transfundenda iustitia erat de illa verificanda, nisi præueniretur per dispensationem Dei ex meritis Christi vt passibilis factam. Nisi velis quod debitum proximum solum contrahitur, quando Deus condidit talem legem cum Adamo, in qua Deus exclusit Virginem secundum partem odiosam, & inclusit secundum fauorabilem, & solum fuisse factam in intentione talem praeferuationem à debito, & à peccato ex meritis Christi quoad substantiam, & in executione ex meritis Christi etiam quoad modum secundum doctrinam Suarez, de qua infra, & sic venit intelligenda illa particula posita in oratione sui officii, vt sicut ex morte filij tui præuisa eam ab omni labe praeferuasti, &c. Et tunc potest consequenter & conformiter ad locutiones *Scripturarum* & Patrum dici Christum vt redemptorem per passionem & mortem fuisse principaliter intentum, non solum propter remedium peccati originalis prout in Adamo contracti, sed etiam prout in nobis, quia nihil obstat in contrarium; si enim beatissima Virgo præextiterit prædestinata ad gratiam habitalem ipsius animæ coeuiam, & hoc ex meritis Christi quoad substantiam, vt latè dicemus infra in proprio tractatu, disputatione 2. & 3. quaestione 1. optime intelligitur quòd quando postea versabatur Deus circa eandem legem de transfusione gratiæ, & iustitiæ originalis cum Adamo, & posteris eius, si non comederet ipse de ligno, quod prohibebat, secus si comederet, quod in ea tantum veniebat intelligenda beatissima Virgo secundum partem fauorabilem, non autem secundum partem odiosam, quia hæc intelligentia incompatibilis erat cum antecedenti decreto efficaci, seu prædestinatione ad gratiam animæ coeuiam, licet postea

Postea propter merita Christi quoad modum etiam præuisa id ipsum faceret Deus, & sic beatissima Virgo pluribus meritis diuersis & titulis haberet suam præseruationem à peccato originali, & probabiliter loquendo à debito contrahendi illud.

13. Sed contra primam cõclusionem sic argumentor primò: Illa enim videtur contraria tertie conclusioni, quia si Christus non potuit intendi à Deo vt redemptor subleuatiuus peccatorum actualium, nisi post præuisionem ipsorum; ergo eius passio non fuit immediatè intenta post peccatum originale prout in Adamo contractum, sed etiam prout in nobis, imò & post omnia peccata actualia, quod est contra tertiam conclusionem. Respondeo nullo modo contrariari tales cõclusiones, aliud enim est Christi mortem fuisse à Deo intentam in remedium peccati Adami, primò & principaliter, & aliud solùm fuisse intentam in illius remedium, primum est quod nos asserimus, non secundum, quia prius Deus intendit reparare peccatum illud, & sic derexit Christum mori, & postea præuidens alia peccata originalia, & actualia, accepit talem mortem etiam pro remissione illorum, & complacuit in eo quod illam decreuisset, & sic post talem præuisionem voluit ipsum venire etiam vt Redemptorem subleuatiuum ipsius, nisi iuxta doctrinam traditam velis præsupponi peccatum originale etiam in nobis.

14. Contrà secundò, peccata actualia possumus vitare per gratiam efficacem datam ex meritis Christi vt redemptoris per mortem; & quando illa non vitamus, præcedit in nobis subtractio talis gratiæ; ergo Christus vt redemptor per mortem præcedit peccata actualia. Respondeo concedendo antecedens, & distinguendo dupliciter consequens. Primò, præcedit vt Redemptor subleuatiuus, nego, quia vt sic debet supponere peccatum; præcedit vt præseruatiuus, concedo, quia vt sic merendo, scilicet gratiam actualem nobis, præseruat nos etiam à peccatis possibili-
bus. Secundò, distinguo: Præcedit vt Redemptor subleuatiuus peccati origi-

nalis Adami, & omnium miseriarum, & indigentia gratiæ actualis, quæ ab illis sunt secutæ, concedo; præcedit vt Redemptor subleuatiuus ipsorum peccatorum actualium, nego.

Contrà tertio, quia peccata crucifigentium Christum non potuerunt præuideri ante ipsam crucifixionem, quia fuerunt simul cum illa; ergo, &c. Respondeo: Benè potuit Deus decernere mortem Christi fieri absque peccato actuali crucifigentium, quia potuit velle vt sibi sacrificaretur, & quidquid sit de hoc nil obstat ad propositum, dicimus enim quod post præuisionem illorum Deus voluit illam passionem etiam acceptare pro illis, & Christus sic etiam obtulit & applicuit.

Contrà tertiam conclusionem sic argumentor: Christus vt passibilis per mortem fuit intentus post reprobationem sacrificiorum legalium, iuxta illud ad Hebr. 10. & Psal. 39. *Sacrificium & oblationem noluiisti, corpus autem adaptaisti mihi, tunc dixi, Ecce venio*, sed vetera sacrificia offerebantur pro peccatis actualibus illius populi; ergo hæc fuerunt præuisa ante Christum vt passibilem per mortem. Respondeo negando Christum fuisse intentum vt passibilem per mortem post reprobationem sacrificiorum, quia potius illa sacrificia mortem Christi significabant, & sic illam in intentione supponebant; cum ergo venerit in subleuationem talium peccatorum, illa necessario debuerunt præuideri: vnde, vt inquit D. Thomas, sensus illorum verborum est, quod Christus ingrediens in mundum in primo suæ conceptionis instanti, sciens quod vetera sacrificia non placebant Deo per semetipsa, sed ratione cruenti sacrificij, quod figurabant, dixit, *Ecce venio*, scilicet mori libenter, quia corpus aptum adaptaisti mihi, scilicet ad mortem crucis.

Hic solet tractari de conuenientia temporis, in quo disposuit Dominus aduentum Christi, sed de illa iam egimus in disp. 1. quæst. 7. vbi sicut egimus de conuenientia mysterij Incarnationis, ita similiter egimus de conuenientia temporis, in quo peracta fuit.

DISPUTATIO V.

DE

IN CARNATIONE

SEV VNIONE HYPOSTATICA

SECUNDVM SE CONSIDERATA.

Postquam explicuimus conuenientiam & necessitatem Incarnationis oportet explicare substantiam eius, quæ substantia cum consistat in vnione duarum naturarum diuinæ, scilicet & humanæ; ideo de ipsa est prius agendum, quam de quolibet alio: quia tamen hæc vnio est duplex; alia, quæ, seu in qua naturæ prædictæ sunt vnitæ, quæ est personalitas Verbi; & alia, quæ natura humana personalitati Verbi fuit vnita, quæ prioritate aliquâ præintelligitur. Ideo de hac prius agemus in hac Disputatione, postea in subsequenti acturi de alia: hæc autem dupliciter vsurpatur, primò pro actione quæ vocatur vnio; (ab aliis dicitur vsurpari ad verbum) secundò pro termino talis actionis, quo modo absolute dicitur vnio (ab aliis dicitur vsurpari vt nomen) de vtraque est nobis agendum, sed primò de ipsa vt actio est.

QVÆSTIO PRIMA.

Vtrum terminus totalis ad quem vnionis seu actionis incarnatina fuerit, sed vnica natura, vel duplex persona?

1. **I**DEO Quæstio hæc primò posita est, vt refutato duplici errore, qui circa ipsam fuit, veniamus ad notitiam Catholicæ veritatis, quare in præfenti non inquirimus de actione, quæ fuit creatio animæ Christi, neque de humanitatis Christi generatione ex purissimis sanguinibus Virginis, sed de illa actione, quæ prædicta humanitas vnita est cum diuino Verbo, quæ actio dicitur vnio: de cuius termino totali inquirimus an fuerit vel vnica natura, vel duplex persona?

2. Primus error asseruit, quodd fuerit vna natura, ita vt licet ante Incarnationem fuerit duplex, & distincta natura, humana scilicet, & diuina, tamen per illam facta est vna natura taliter, quodd per talem actionem vtraque natura

confusa est, & reducta ad vnã naturam: vnde Christus appellabat vnũ subsistens ex duabus, sed non in duabus naturis. Ita temere hæretici dicti Monophysitæ, id est vnus naturæ assertores. Cuius erroris primus auctor censetur Apollinaris Laodiceus, postea tamen illum copiosius docuit Eutiches Abbas cuiusdam monasterij Constantinopolitani temporibus Leonis Primi & Theodosij Iunioris Imperatoris circa annum Domini 441. quare hæc hæresis semper dicta fuit Eutichiana, cui adiunctus fuit Dioscorus Episcopus Alexandrinus, & secuti Severum quemdam hæretici dicti Azephani, id est sine capite, quia in suis Ecclesiis non habebant capita, vt testis est Nicephanus lib. 18. historiz cap. 45.

Apollinaris hunc docuit errorem, asserens quodd diuinitas vices animæ rationalis agebat, & sic integritatem naturæ humanæ Christi è medio tollebat. Eutiches verò dicebat humanitatem & diuinitatem confundi per conuersionem humanitatis in diuinitatem, si credimus Francisco Suarez disp. 7. sect. 2. Si autem credimus Lorca disput. 12. potius sensit confundi per conuersionem.

uerfionem diuinitatis in humanitatem. Vaquez autem disputatione 12. vtrumque negat, & ait solum errasse, quia existimauit fuisse vnam naturam in Christo compositam ex humana & diuina tamquam ex partibus. Alij verò asserunt errasse in eo quod transmutauerit vtramque naturam in tertiam aliam, sicut elementa in mixtum transmutantur; tandem alij fuisse varium in expositione sui erroris, ita vt aliquando hoc modo, aliquando alio modo ex prædictis explicuerit. Idemque sentiunt de Apollinari.

4. Sit conclusio de fide contra hunc errorem: In Christo est duplex natura, scilicet humana, & diuina, quæ inter se neque confunduntur, neque permiscentur: vnde terminus totalis actionis incarnationis non est vnica natura, sed vnum subsistens non solum ex duabus, sed in duabus naturis. Definita est hæc veritas in Synodo Calcedonensi contra Eutichetem congregatâ sub Leone Primo, & repetitur in actione 4. Synodi 6. & consulatione vltimâ Concilij Lateranensis, & in Hispalensi 2. can. 13. Toletano 6. canone 6. & Toletano 11. can. 5. impugnauerunt etiam hunc errorem ex Patribus Athanasius in epistola ad Epictetum, Epiphanius hæresi 77. Ambrosius de Incarnationis Dominicæ Sacramento cap. 6. & plures alij relati à Lorca vbi supra num. 8. Hæc conclusio probata est à nobis ex veteri & nouo Testamento disputatione 1. quæstione 5. vbi probauimus Messiam verum fuisse hominem, & verum Deum; quod non esset verum, si prædictæ naturæ inter se cõfunderentur & miscerentur.

5. Ratione probatur, quia quadruplex tantum potest esse transmutatio: Prima, quâ natura diuina transmutetur in humanam, & hæc est impossibilis, quia diuina non potest amittere proprium esse: insuper non potest mutari. Secunda, quâ humana (cui non repugnat mutari) transmutetur in diuinam; & hæc non, quia vel fieret per transubstantiationem, & sic nihil substantiæ humanitatis maneret in Christo (quod non admittunt hæretici) sicut nihil substantiæ panis manet in hostia, quando transubstantiatur in corpus Christi; vel fieret per absolutam transmuta-

tionem, & sic & diuina natura mutaretur, & humana desineret proprium esse. Tertia, quâ vtræque natura transmutetur & conuertatur in tertiam aliam, & hæc magis repugnat, quia ad eam requiritur vtriusque naturæ corruptio, & sic neque Christus esset formaliter Deus, neque formaliter homo; sicut neque elementa manent formaliter in mixto: Quarta, quâ duæ naturæ sint partes componentes tertiam aliam, & hæc idem est impossibilis, quia diuina natura, neque potest esse veluti materia, aliàs perficeretur; neque vt forma; aliàs mutaretur intrinsecè de non informante ad informantem, & reperiretur in ea potentia ad informandum; & postea actus informandi, quod est absurdum; ergo nullo modo possunt misceri, neque confundi prædictæ naturæ.

6. Sed contra conclusionem sunt verba Cyrilli Alexandrini in epist. ad Acacium, ad Valerianum & successum: *Duas naturas non oportet intelligere, sed vnam naturam Dei Verbi incarnatam*; quæ verba in fauorem hæreticorum retulit Eustachius Episcopus Vritensis in Concilio Calcedonensi actione 1. Postquam lecta fuit epistola Cyrilli ad Ioannem Antiochenum, quâ error Eutichetis manifestè confutabatur, & licet responderi possit prædicta verba non reperiri apud ipsum, imò & quod prædictum Concilium paruipenderit eorum allegationem, vt ait Lorca numero 18. tamen alia similia extant apud ipsum lib. 1. ad Reginas de rectâ fide non longè à principio; vbi ait, Non duas naturas, vnam quæ adoratur, & vnam quæ non adoratur; sed vnam naturam Verbi Dei incarnatam, & adorabilem cum carne sua vnâ adoratione; quæ verba refert ex Athanasio lib. de Incarnatione Christi, & quod magis vrget Concilium Lateranense sub Martino 1. consulatione 5. canone 5. sic definit: *Si quis secundum Patres non confiteatur vnam naturam Verbi incarnatam, anathema sit.*

Respondetur Primò Cyrillum non negare duas in Christo naturas, sed solum asserere vnam; quæ est natura Dei Verbi, fuisse incarnatam, quia humana non fuit incarnata. Ita Damascenus lib. 5. de Fide orthodoxa cap. 11.

Secundò & magis ad ipsius mentem respondetur, nomine vnus naturæ intelligi vnā subsistentiam: vnde sic se explicuit epistolâ 29. ad Acatium, & 90. ad Eudorium, & sic eum explicat Constantinus Imperator in confessione fidei, quæ habetur tom. 2. Conciliorum post decreta Ioannis 2. Papæ, quo sensu debent intelligi Athanasius & Concilium Lateranense: vnde can. 6. sequenti expressè definit in Christo duas distinctas naturas.

8. Secundò, arguunt hæretici, quia Ioan. 1. *Verbum caro factum est*; sed hoc significat Verbum mutatum fuisse in carnem, sicut cùm Ioan. 2. dicitur, *Aquam vinum factam*. Respondetur aliquid fieri aliud non semper significat mutationem, quia potest fieri aliud per acquisitionem alterius, sicut aqua fit calida per acquisitionem caloris, & homo Pontifex per electionem: vnde Christus, 1. ad Corinth. 5. dicitur factus peccatum, id est hostia pro peccato. Et ad Hebræos 7. factus Pontifex, quare Gregorius epist. 61. lib. 4. ait, Verbum carnem factum esse dicimus, non immutando quod erat, sed assumendo quod non erat.

9. Tertiò, quia si Christus habet duas naturas, videtur inferri Christum esse duos, & non vnum, quia sicut Trinitas diuina dicitur vnus Deus propter unitatem naturæ, ita è conuerso Christus potest dici duo masculinè propter pluralitatem naturarum. Respondetur quòd tam ad vnitatem, quàm ad pluralitatem concreti substantiui est attendenda significatio per se illius, & iuxta eam debet poni numerus numeralis, vnus, duo, &c. vnde Trinitas diuina dicitur vnus Deus, quia natura diuina significatur per se per hoc concretum Deus, & hæc est vna: quando autem dicitur Christum esse duos supponit pro suppositis, & sic est falsa, quia non habet nisi vnum suppositum; sed de hoc latius agemus disputatione 6. quæstione 1.

10. Quartò, sunt verba Athanasij in Symbolo, *Sicut animarationalis, & caro, vnus est homo; ita Deus, & homo, vnus est Christus*. Respondetur similitudinem solum in hoc stare, quòd sicut homo fit ex anima rationali, & carne, ita Christus ex humanitate & diuinitate, non tamen sicut illa per informationem & rece-

ptionem componunt hominem, ita hæc eodem modo componant Christum, quia hoc, vt probauimus, illi repugnat.

Quartus error licet admittat in Christo esse duas naturas inconfusas & distinctas, asserit tamen esse duas personas, vnā diuinā, & alterā humanā, solum accidentaliter vnitas, & consequenter terminum totalem ad quem actionis incarnationis non fuisse vnā personam in duabus, & ex duabus naturis, sed quoddam quasi aggregatum resultans ex vnione accidentali duarum personarum, diuinæ, scilicet & humanæ: vnde Virginem Mariam non Deiparam sed Christiparam appellabat. Ita tenet Nestorius Patriarcha Constantinopolitanus, qui fuit paulo antiquior Eutichete temporibus Innocentij Primi, cui adhæserunt Theodor. Episcopus Mofuestenus, & plures ex Græcis, inter quos fuit B. Theodoretus, qui aliquandiu in hoc errore perstitit, vt patet ex his quæ contra Cyrillum in defensionem Nestorij scripsit, sed postea errorem retractauit in Concilio Calcedonensi, actione 8. & Ecclesiæ reconciliatus est. Errorum hunc antea insinuauerant Carpocratus, Ebrihon, & Cherinthius, vt constat ex Ireneo lib. 1. aduersus hæreses cap. 25. docentes Christum fuisse purum hominem.

Fundamentum huius erroris fuit, quia non distinguebat inter naturam & suppositum vnde cùm ex ~~Scriptura~~ *Scriptura* tenebantur illius Auctores dicere Christum fuisse duas naturas, consequenter asseriebant in eo fuisse duas personas, & negabant Christum fuisse vnum substantialiter, concedebantque fuisse vnum propter plures auctoritates, sed accidentaliter, videlicet quaduplici vnione accidentali: Primò, quia Verbi persona habitabat in persona humana, tamquam in templo speciali modo, quàm in aliis iustis. Secundò, quia vtraque persona maximā vnione voluntatis mutuo amore & affectu inter se connectebatur. Tertiò, quia coniungebatur inter se tiquam causa principalis & instrumentalis, nam persona diuina utebatur humanā ad patranda miracula, & egregias operationes. Quartò, vniebatur participatione quadam honoris & dignitatis, quia Verbum contulit illi homini vt adoraretur & cole-

coleretur tamquam Deus, non propter seipsum, sed propter Verbum comun-
dum, sicut Dei imagines adorantur.

13. Sit conclusio de fide tenenda contra hunc errorem: Christus Dominus est vna sola persona in duabus naturis, humana, scilicet & diuina subsistens: vnde Virgo Maria non solum Christipara, sed Deipara est appellanda. Definita est hec veritas in Concilio Ephesino contra Nestorium congregato, quod fuit tertium generale, fuitque confirmata in Cōcilio Calcedonenſi, quod fuit quartum actione 5. & in Lateranensi 1. sub Marrino 1. consultatione vltimā, & in sexta Synodo generali actione 4. & in Hispalensi 2. & in Tolet. 6. cap. 6. ex proſeſſo autem scripserunt contra Nestorium Cyrillus Alexandrinus, qui ei constanter restitit in quibusdam opusculis, quæ habentur tomo 2. præsertim in 12. Anathematismis, & in lib. de Incarnatione Christi; Cassianus in 7. libris de Incarnatione, & in ipſo Concilio Ephesino est disputatio copioſa, & impugnatio huius erroris.

14. Hæc conclusio probatur Primò simul cum hoc quòd Christus sit verus Deus, & verus homo dicitur, & est simpliciter vnus; sed non potest dici, & esse simpliciter vnus, si simul cum duabus naturis haberet duas personas, quia tunc deberet simpliciter appellari duo, vt per se patet in aliis suppositis; ergo Christus non est duæ personæ, sed vna persona. Maior probatur ex Symbolo fidei: *Credo in vnum Deum Iesum Christum ex Patre natum ante omnia secula, qui & incarnatus est de Spiritu sancto ex Maria Virgine, &c.* Et in Symbolo Athanasij, *Qui licet Deus sit & homo, non duo tamen, sed vnus est Christus.* Quòd etiam confirmatur S. Scriptura Matthæi 16. *Quem dicunt homines esse Filium hominis?* Respondit Petrus: *Tu es Christus filius Dei viui.* Lucæ 1. *Quod enim ex te nasceretur sanctum, vocabitur Filium Dei.* Vide alia plura apud Lorcā num. 9. imò cū Cherinthius, qui fuit temporibus Apostolorum, Nestorij errorem inchoauerit, Ioannes in epistola canonica cap. 4. contra illum protulit illa verba, *Omni spiritus qui soluit Iesum ex Deo non est, & hic est Antichristus;* solutione autem Iesum est diuidere in duos, & solutione vinculum vnitatis personalis.

Secundò probatur ratione philosophicā D. Thomæ 3. p. q. 2. art. 1. & 2. quia concreta accidentalia diuersa propter diuersas formas non prædicantur ad inuicem, vel formaliter, vel identicè, nisi quando sunt inhæsiuè in eodem subiecto, vt in ista album est dulce, quòd contingit in lacte, sed concreta naturæ humanæ vt quòd sit natus, sepultus, &c. verificantur de concretis naturæ diuinæ, vt in his, *Omnipotens natus est, occisus, & sepultus, &c.* ergo solum possunt verificari, quia sunt in eadem persona & supposito.

Tertiò probatur, quia vniones illæ accidentales, quibus Nestorius vnit naturam diuinam cum humana in Christo, etiam reperiuntur in aliis iustis, nam Sancti sunt etiam templum Dei, vt patet ex Paulo 1. ad Corinth. cap. 3. & 6. vbi etiam inter eos posuit vnionem per amorem & affectum, dicens: *Qui adhæret Deo, vnus spiritus sit cum illo.* Præterea vnionem tamquam causæ instrumentalis miraculorum cum causa principali tradit, cap. 12. dicens, *Qui operatur omnia in omnibus;* & tandem iusti appellantur dii psalmo 81. & Ioan. cap. 10. quæ est vnio per participationem honoris & dignitatis; ergo cū S. Scriptura aliter de Christo loquatur, quàm de iustis, & vnitatem hominis & Dei illi tribuat, sequitur quòd sit diuina ab illis, & non accidentalalis, sed substantialis.

Sed contrā primò: S. Scriptura appellat iustos deos, non quia sint veri dii, sed participatione quadam honoris; ergo similiter Christum. Respondetur quòd licet S. Scriptura tribuat iustis nomen Dei, aut filiorum Dei, tamen Christo non solum hoc, sed etiam quæ sunt propria Deo, & Filio Dei tribuit, vt quòd sit imago inuisibilis Dei, plenitudo gloriæ, & figura substantiæ eius, quòd per eum facta sint omnia, quòd portet omnia Verbo virtutis suæ, & in eo omnia consistit, & quòd Verbum, quod in principio erat apud Deum, sit caro factum, & alia plura quæ non nisi vero Deo competunt.

Contrā secundò: Vnio, quæ fuit in Christo, infinitur in S. Scriptura tamquam accidentalalis, quia ipse se appellat templum Dei. Ioan. 2. *Soluite templum hoc, & in tribus diebus, &c.* Et Iſaia 7. non vocatur Deus, sed Emanuel, id est nobiscum

biscum Deus. Vnde Ioan. 1. *Verbum caro factum est, & habitauit in nobis*, id est in nobis, quia in Christo, vt exponunt plures Patres, sed in nobis solum habitat accidentaliter, & ad Ephes. 2. assimilatur Incarnatio Verbi ad modum quo quis induit vestimentum. Vnde Paulus ait, *In similitudinem hominum factus, & habitus inuentus ut homo*; ergo Christus non habuit vnionem substantialem in persona. Respondetur ex his locutionibus non inferri vnionem Christi fuisse accidentalem: vnde ad primum dico, quod Christus appellauit templum corpus suum, quod fuit templum respectu animæ, vt inquit Euangelista, *Hoc autem dicebat de templo corporis sui*. Præterea quia Iudæi non poterant soluere vnionem inter diuinitatem & corpus, sed inter corpus & animam. Ad secundum admitto cum pluribus Patribus Deum habitasse in nobis, quia in Christo, non tamen sequitur ex eo quod in nobis habitat accidentaler, quod etiam in Christo, quia hoc pertinet ad modum habitandi, & hic est diuersus in Christo, & in nobis. Ad tertium illa verba debere sumi per similitudinem & metaphoram, non per proprietatem; similitudo autem stat in eo quod sicut habitus & vestimentum operit corpus, ita humanitas Christi operiebat diuinitatem: vnde apparebat exteriori purus homo, cum verè esset etiam verus Deus. Ita Chrysostomus & Ambrosius super prædicta verba.

19. Contra tertio: Sunt verba Leonis 1. epist. 10. ad Flabian. vbi ait de Christo, *Aliud coruscet miraculus, aliud succumbit iniuriis*; ergo ex mente Leonis est in Christo aliud & aliud, seu duo supposita. Et confirmatur primò, quia Christus est persona diuina, & persona humana, quia verè est Deus, & verè est homo in concreto; ergo. Et confirmatur secundò, quia Patres aliquando vocant Christum, hominem Deiferum; non potest autem Deifer appellari, nisi Christus à Deo distinguatur supposito; ergo, &c.

20. Respondetur ad argumentum, quod si Leo diceret Christum esse alium, & alium conueniret cum Nestorio, quia significaret distinctionem suppositorum, tamen dicere in Christo fuisse aliud & aliud solum significat distinctionem

naturarum: vnde in Concilio Calcedonensi admissa fuerunt prædicta verba post magnam controuersiam circa illa habitam. Ad primam confirmationem dico, eandem personam Christi, quæ quatenus personat diuinam naturam dicitur persona diuina, quatenus personat naturam humanam, posse optimè dici personam humanam. Ita D. Thomas 4. contra Gentes cap. 49. in solutione ad septimam rationem, tamen absolute loquendo Christum non est dicendus persona humana, quia hoc absolute prolaturum resonat locutionem Nestorianam.

Ad secundam dico, nullibi apud Patres reperiri talem locutionem, quia licet Theodoretus illam citauerit tamquam relatum à Cyrillo in 2. Anathematismo lib. ad Euosium ex Basilio, & ex aliis Patribus, tamen nullibi apud Basilium & alios reperitur: Basilius enim vt plurimum dixit hominè in psal. 59. carnem Christi fuisse Deiferam, quod est longè diuersum, potius prædicta locutio anathematizatur à Cyrillo ibi, & à Concilio Ephesino, & 5. Synodo Constantinopolitana, actione 6. vnde est habenda vt hæretica. Tandem respondeo ad fundamentum prædicti erroris, quod cum inter personalitatem Verbi, & naturam diuinam intercedat distinctio ex natura rei, non realis, sed formalis, hæc sufficit vt vnum formaliter præstat ex natura rei, quod aliud formaliter non præstat, & sic personalitas Verbi reddit naturam humanam formaliter subsistentem, quod natura diuina non præstabat; quare non ex eo quod in Christo sunt duæ naturæ, ideo infertur in ipso duas personas fuisse.

Thomistæ autem respondent per suam distinctionem rationis adferentes, quod essentia diuina, cum eminenter contineat varios effectus, qui in creaturis diuersi sunt, in quantum continet effectum subsistentiæ creatæ, supplet ipsum in humanitate Christi, & dicitur personalitatem diuinam, & non essentiam reddere naturam humanam subsistentem, quia effectus quem præstat non adequat totam perfectionem illius essentiae, neque exhibet quidquid in eminentia & continentia eius virtuali includitur, sicut sol pro diuersis temporibus præstat diuersos effectus, quia illos

21.

22.

illos eminenter se u virtualiter continet. Sed contrā, quia continentia virtualis solum potest præstare prædictos effectus in genere: uisæ efficientis, non præstando alios; non verò in genere causæ formalis, in quo seclusis imperfectionibus, perfectio Verbi reddit naturam humanam subsistentem, quia non per productionem alicuius, sed per communicationem illi dat illi esse personam, sicut sol in genere causæ formalis & per communicationem sui non posset præstare vnum effectum, v.g. esse substantiam, quin præstaret alium, v.g. esse lucidum; sed disputatio circa has distinctiones pertinet ad materiam de Trinitate.

23. Ex his patet quomodo sit loquendum in hoc mysterio rigorose: Primum enim non debet dici, quod vnio Incarnationis facta fuerit in natura diuina, sed in diuino supposito, quia id, in quo facta est vnio, significat quod proximè & directè naturæ humanæ est coniunctum, & hoc est suppositum Verbi. ita omnes Theologi. Secundo, debet dici, quod non solum diuinum suppositum fuit vnitum & coniunctum naturæ humanæ, sed etiam diuina natura, quia licet hæc non fuerit ratio vnionis, neque in qua facta est vnio, tamen ratione proprii suppositi (quod post Incarnationem mansit sibi commune cum natura humana) est illi vnita & coniuncta, ita similiter tenent omnes Scholastici cum Ecclesiæ Patribus. Tertio, non debet dici, naturam diuinam assumpsisse naturam humanam, quia licet hanc propositionem aliqui Patres & Scholastici cõcesserint, tamen loquuntur lato modo accipientes naturam diuinam pro diuino supposito, hoc enim fuit quod ad se sumptum humanitatem, assumere enim ad se sumere significat. ita Scotus in 3. d. 5. q. 1. & plures alij cum Lorca n. 42. Et tandem quartò potest dici natura diuina incarnata, si incarnata idem significat quod carni vnita, quia per personalitatem Verbi fuit illi vnita; tamen cum incarnata potius significet quod sit carne induta, vel carne affecta, idè talis propositio est impropria, & licet admittatur; non tamen debet admitti hæc: *Natura diuina est caro facta*; vt aduertit Damascenus libro 3. de Fide, cap. 6. & 11. quia hoc

significat naturam diuinam conuerti in carnem.

QVÆSTIO II.

Vtrum propter prædictam vnionem duarum naturarum in persona Verbi Christus sit persona verè & propriè composita?

CHRISTUM propter prædictam vnionem esse personam aliquo modo compositam non potest negari, quia compositam appellant plures definitiones Conciliorum, quas referunt Recentiores; solum est controuersia inter Scholasticos, an talis compositio sit vera & propria?

Circa quam prima sententia quam tenent Antiqui, imò & plures Recentiores Scholastici, negat esse veram & propriam compositionem. Ita D. Thomas 3. p. q. 2. art. 4. Scotus d. 6. q. 3. In fine. Bonaventura art. 1. q. 2. Ricardus art. 2. q. 3. Durandus q. 3. Gabriel q. 1. Almainus conclusionem 2. quorum fundamentum est, quia vera & propria compositio est vnio ex pluribus, quorum vnum se habet vt actus, alterum vt potentia, aut vtrumque se habet vt potentia respectu tertij, vt in quanto continuè se habent partes respectu indiuisibilis continuatiui; insuper quando partes sunt substantiales, resultat ex illis vnum per se, sed vnio duarum naturarum in persona Verbi non habet hæc omnia, quia natura diuina neque se habet vt potentia respectu personalitatis diuinæ, neque vt actus respectu naturæ humanæ, neque resultat ex illis vnum per se, quia non vna natura, vt contra Eutichetem probauimus; neque vna persona, quia hæc non coalescit ex duplici natura, sed ex vna, & vna subsistentia; ergo non est vera & propria compositio in Christo, illa quæ fit ex duplici natura in vna persona.

Secunda sententia affirmat talem compositionem ex natura humana & diuina in persona Verbi esse veram & propriam. ita Vasquez disp. 16. cap. 2. & Suarez disp. 6. sect. 4. allegantque pro se D. Thomam vbi supra. Fundamentum est, quia verba Conciliorum sunt in proprio sensu intelligenda, vt ait Con-

Concilium Lateranense cōsultatione 5. can. 17. sed inter locutiones Conciliorum prædictum Concilium canone 8. damnat eum qui non confitetur verè & propriè naturarum vnionem in Christo secundum compositionem, quod etiam fatentur plura alia Concilia relata à Recentioribus, & fatentur plures Ecclesiæ Patres; ergo fuit vera compositio in Christo. Et confirmatur, quia vera & propria compositio consistit in vera & propria coniunctione plurium in aliquo vno; sed hæc definita est contra Eutichetem & Nestorium; ergo, &c.

4. In hac re sit conclusio: Vtraque sententia probabilis est, & nullum cōtinet errorem. ita Lorca disp. 13. numero 7. Et probatur, quia hæc compositio singularis & mirabilis est, & idèd non potest ad leges & regulas aliarum adstringi; ergo qui dicit non esse propriam & veram compositionem, quia ad hanc requiruntur conditiones quæ in naturalibus compositionibus reperiuntur, probabiliter loquitur; & qui dicit has non requiri ad hanc compositionem, quia est diuersi generis, sed personam Christi non personam simplicem, sed verè & propriè compositam esse appellandam, non ratione plurium personalitatum, etiamsi solum ratione distinguantur, sed ratione plurium naturarum, vt inquit Suarez suprà, §. *ad difficultatem*; ergo etiam probabiliter loquitur. Scotus autem solum loquitur de hac compositione iuxta regulas aliarum naturalium, vt videri potest, & per hoc patet etiam ad argumentum primæ sententiæ.

5. Ad argumentum secundæ sententiæ respondeo locutiones Conciliorum & Patrum solum contendere vt excludant errores extremos Eutichetis & Nestorij, quorum vnus assererat naturarum confusionem; alius verò distinctionem personarum, ad quos excludendos apta erit vox compositionis, quia in hac non cōfunduntur extrema; et si substantialia sunt, vnionem habent substantialem, non autem contendere vt explicent difficultatem metaphysicam, de qua agunt Scholastici. Neque Concilium Lateranense ibi loquitur tam de compositione, quàm de vnione, quam dicit esse veram & propriam: vnde locutiones illas debemus in primo

sensu verè & propriè intelligere & explicare, quia in sensu ab ipsis intento. Ad cōfirmationem iam diximus in fundamento nostræ sententiæ: Solum est circa præfatam compositionem obseruandum, quèd quando dicunt Concilium & Patres personam Verbi aut Christi fuisse compositam ex duabus naturis, *ly personam* non accipiendam esse pro sola subsistentia & personalitate, sed pro persona completa ex personalitate & duabus naturis, quia personalitas non manit composita, sed potius tamquam vnum extremum venit in compositionem, vel tamquam vinculum in quo. quod non aduertentes recentiores Thomistæ laborant explicantes qualiter persona dicatur composita, an per habitudines ad naturas? an per aliud? quod totum est falsum, quia hæc compositio est realis, quam non possunt causare habitudines rationis personalitatis diuinæ ad naturam diuinam, & ad humanam. Insuper non est compositio ex relationibus secundum Patres, sed ex naturis in persona.

Quia tamen in Christo non solum 6. potest considerari compositio ex duabus naturis, quæ duæ vniuntur naturæ in persona Verbi, de qua vsque nunc egimus, sed etiam compositio naturæ humanæ cum personalitate Verbi, cum qua per quamdam specialem vnionem (de qua infra) vnitur, idèd restat in hac Quæstione examinandum, an hæc sit vera & propria compositio? Circa quod prima sententia negat esse veram compositionem. Ita Rada controuersia 3. art. 3. Faber disp. 16. cap. 2. Pytiganus d. 6. q. 3. dubio vnico, conclusione 3. qui pro se citat Scotum vbi suprà. Fundamentum est, quia in omni compositione partes vel extrema compositi dicunt aliquam imperfectionem: Primo, quia vnum pendet ab alio. Secundo, vtrumq; est perfectius quolibet. Tertiò, in ipsis reperitur actus & potentia, quæ non reperiuntur in præfata compositione, nam personalitas Verbi nullum ex his habet, quia si aliquid maxime quod sit actus, & hoc non, quia non potest recipi, quod est per se necessarium; ergo, &c.

Secunda sententia affirmat esse veram compositionem. Ita Lorca vbi suprà numero 8. quod etiam fatebuntur 7. *Aucto-*

Auctores, qui in primo sensu explicato dicunt Christum fuisse verè compositum, quia præcipua eius compositio duarum naturarum provenit ex parte compositionis naturæ humanæ cum personalitate Verbi. Hanc etiam sententiam defendunt aliqui Scotistæ in manuscriptis, asserentes Scotum nil in contrarium dixisse. Fundamentum huius sententiæ est, quia in hac compositione coniungitur natura humana cum personalitate Verbi, sicut natura Petri cum eius propria personalitate seclusis imperfectionibus, & natura se habet ut potentia perfectibilis, personalitas verò Verbi ut actus perficiens absque inhæensione & informatione, & ex ipsis resultat unum per se substantiale, scilicet hic homo Christus, sicut in compositione personali Petri resultat hic homo Petrus, sed hæc est vera & propria compositio; ergo & illa. Et confirmatur; quia quatuor condiciones à Scoto requisitæ ad veram compositionem: Prima, quòd extrinseca componentia sint realia realiter distincta. Secunda, quòd realiter coniungantur. Tertia, quòd se habeant ut actus & potentia. Quarta, quòd sint substantialia, & ex eis resultat compositum substantiale quòd sit unum per se, reperiuntur in hac compositione; ergo est vera & propria.

8. Sed in hac re dicendum nobis est utramque sententiam probabilem esse, sicut diximus de præcedenti. Et ratio huius est, quia qui dixerit inhærentiam & informationem formæ esse per se requisitam ad veram compositionem, & consequenter personalitatem, quæ se habet per modum formæ respectu naturæ humanæ (licet sit modus eius) debere ipsam informare, & in ipsa recipi, quod probabile est; consequenter dicit probabiliter compositionem inter naturam humanam & Verbi personalitatem non esse veram & propriam, quia illæ imperfectiones informationis & receptionis, quas non potest habere personalitas Verbi, non fuerunt repetitæ in illa compositione. Et per hoc patet ad fundamentum & confirmationem secundæ sententiæ, quia forma, scilicet personalitas Verbi, non crit in hac sententia verus actus,

Castillo de Incarn. Pars I.

quia non verè informat; qui verò dixerit quòd licet totum hoc requiratur ad veram compositionem personalem naturalem, non tamen requiri ad supernaturalem, quæ sit ex personalitate divina, & natura humana, quia illæ imperfectiones non sunt de essentia compositionis talis, sed sufficere quòd una sit personalis, & alia verè & propriè personet saltem terminando, & ex eis unum per se substantiale resultet, etiam probabiliter loquatur; quia cum hæc compositio sit singularis & mirabilis, & nulla alia similiter inveniatur, non est unde oppositum possumus efficaciter probare, quia non est regulanda per leges aliarum compositionum naturalium; per quod etiam patet ad fundamentum primæ sententiæ, quia solum procedit de compositione naturali, non de mirabili & ineffabili, qualis est hæc: unde cum Lorca in prima difficultate censuerit utramque sententiam probabilem, ut vidimus, non fuit locutus consequenter approbans secundam sententiam ut absolute veram; cum idem fundamentum in utraque reperiatur, quia etiam in hac compositione reperitur mirabilitas & singularitas, & quòd sit ineffabilis: unde cum propter hoc in primo casu censuerit utrumque probabile, sic debuit iudicare & in hoc secundo. Scotus autem solum fuit locutus de compositione Christi secundum leges naturæ, ut supra diximus, in quo sensu est vera eius sententia; quare etiam si loquatur in prædicto loco non solum de compositione in primo sensu, sed etiam in secundo, ut sibi volunt Auctores Scotistæ in prima sententia relati nihil cōtra nos, quod etiam id ipsum fatemur.

QVÆSTIO III.

Quis sit formalis terminus ad quem, & à quo Incarnationis?

Vix attingitur hæc Quæstio ab Antiquis, à Recentioribus autem copiosius & prolixius disputatur: unde circa eam variae sunt sententiæ: Prima ait terminum formalem ad quem esse personalitatem & subsistentiam Verbi, quia hæc est præcipua ex his quæ in termino

Q totali

totali reperiuntur, & insuper se habet tamquam actus. tribuitur D. Thomae & Caiet. 3. parte, questione 2. art. 8. Capreol. in 3. d. 5. quest. 1. Scotus ibidem; sed vt bene Lorca disputatione 16. num. 2. loquitur Scotus de termino dependentiæ, quem habet natura humana ad subsistendum, non de termino Incarnationis, seu effectiõis huius mysterij.

2. Secunda affirmat esse ipsam humanitatem, quia per hanc Deus est formaliter homo, & Christus constituitur in esse hominis. hanc tenent aliqui, quos absque expresso nomine refert Suarez disput. 8. sect. 2. & Lorca vbi supra, sed illam expresse tenet Vasquez disputatione 19. cap. 2. Et fundamentum est, quia non est necesse quodd terminus formalis producat, vt in generatione hominis, & in generatione æterna Filij Dei. Et insuper per hanc actionem Deus fit homo, non autem homo Deus.

3. Tertia sententia dicit terminum formalem esse vnionem; quæ tribuitur Scoto in 3. d. 11. quest. 1. Durand. d. 5. quest. 2. & probabilior em iudicat Suarez in dicto loco. Et ratio est, quia terminus formalis est forma illa, quæ constituitur terminus totalis, vt cum Theologis & Philosophis tradit Scotus in 1. d. 5. §. *contra ipsum*; sed talis est vnio in mysterio Incarnationis; ergo hæc est terminus formalis.

4. Quarta sententia amplectitur omnes præfatas sententias, affirmatque quodd si actio Incarnationis attendatur sub diuersis considerationibus, omnes sunt veræ: Prima, si consideretur quatenus est communicatio substantiæ diuinæ, seu quatenus est assumptio naturæ humanæ ad esse personam diuinam, quia tunc terminus formalis est personalitas Verbi. Secunda, si consideretur vt est humanatio Dei, quia tunc terminus formalis est humanitas. Tertia, si consideretur vt est vnio naturæ humanæ cum Verbi personalitate, quia tunc terminus formalis est vnio. Hanc sententiam tenet Lorca num. 6. & probabilem reputat Suarez §. *in hoc nihil potest*, &c.

5. Sed pro expeditione huius difficultatis Nota, quodd Incarnatio tripliciter sumi potest: Primò, vt actio productiua est, seu vt vera actio est parti-

nens ad prædicamentum sui termini, quæ Deus vt causa efficiens producit terminum totalem, scilicet Christum, vel Verbum incarnatum. Secundò, sumi potest vt significat transitus, & mutationes quasdam diuersis nominibus explicatas, qualia sunt assumptio, humanatio, vnio. Tertiò, potest sumi secundum id quodd ex vi vocis significatur.

Quo supposito Dico primò: Si Incarnatio sumatur primo modo, & vt actio productiua est, terminus formalis illius est vnio. ita Scotus & Auctores cum eo in tertia sententia, qui in hoc sensu loquuntur. Et probatur, quia Incarnatio est actio productiua huius mysterij (quæ est terminus formalis actionis productiue) est vnio, & non alia; ergo Minor probatur, quia creatio animæ rationalis Christi solum producit hanc formam ad esse hominis, vnio inter animam & corpus solum habet pro termino formali immediatè vnionem, quæ hæc duæ partes inter se vniuntur, à qua actione non distinguitur generatio vt actio productiua est totius hominis, licet etiam includat productionem formæ corporeitatis; ergo Incarnatio, quæ habet pro termino totali Christum seu Deum hominem, si consideretur vt actio productiua est, solum habet pro termino formali vnionem, quæ hypostasis diuina vnitur cum natura humana; patet consequentia, quia hæc est forma, quæ hoc mysterium constituitur in esse de notò productum. Et confirmatur, quia licet supponeretur natura humana existens & producta, & supponeretur (vt semper supposita est) persona Verbi, non essent formaliter Christus, nisi inter se vniuerentur hac vnione; ergo Incarnatio, quæ hoc facit, habet pro formali termino vnionem.

Dico secundò: Si Incarnatio sumatur prout significat transitus & mutationes, vel quasi mutationes diuersis nominibus significatas, quartam sententiam esse veram. Et probatur, quia prædicta nomina habent diuersas significationes formales per ordinem ad diuersos transitus, qui in composito Christi reperti sunt: vnde nomen assumptio dictum est, quia ad se sumptio, seu quæ

ad personam Verbi sumpta est natura humana, vox humanatio, seu Incarnatio desumpta est ab humanitate, seu à carne; vox vnitio ab vnione, sed terminus formalis ad quem transit natura humana per assumptionem est personalitas Verbi, & terminus formalis ad quem persona diuina transit per humanationem & Incarnationem est humanitas & caro, & terminus formalis ad quem transit vnitio est ad vnionem; ergo si Incarnatio sumatur prout dicit transitus quosdam diuersis nominibus significatos, diuersos debemus assignare terminos formales, quia diuersæ sunt formæ, quæ illos terminant, & has debemus appellare terminos formales.

8. Dico tertio: Si Incarnatio sumatur secundum id quod ex vi vocis significat, terminus formalis ad quem est caro, & terminus formalis ad quem humanationis est humanitas, sic existimo fuisse locutos Auctores secundæ sententiæ præter Vasquez, qui non vult in præsentī conclusionē attendere ad voces, ne conueniat cum Nominalibus in modo philosophandi: vnde ait humanitatem esse terminum formalem, quia hæc est forma huius compositi; Christus, sicut anima est forma huius compositi, hominis. Sed contra, quia vox Incarnatio potest sumi tripliciter, vt supra diximus, & consequenter quasi æquiuocè significat plura, sicut vox cæcis, vel saltem vnum aggregatum ex omnibus supradictis mutationibus, vel quasi mutationibus; ergo necessariò debemus de ea diuerso modo loqui pro diuersitate significationis. Et confirmatur, quia quando vna vox significat plures mutationes, non possumus illi vnum solum terminum formalem ad quem accommodare, quia diuersi motus, & diuersæ mutationes diuersos habent terminos ad quos, aliàs non haberent diuersitatem, cum hanc participant per ordinem ad illos: sed vox Incarnatio plures mutationes significat; ergo, &c. Vnde meritò conuenimus cum Nominalibus, quando de vna voce diuerso modo, & diuersa significanti debemus agere.

9. Cōclusio ergo nostra probatur, quia Incarnatio ex vi vocis significat receptionem carnis, & humanatio receptionem humanitatis; ergo si accipiantur

secundum id quod ex vi vocis significant, terminus formalis ad quem est caro & humanitas; patet consequentia, quia sicut hæc vox deducta est ex carne & humanitate assumpta, & hæc fuit obiectum deducendi illum, ita fuit terminus significationis illius.

Vnde ad fundamentum primæ sententiæ respondeo, quòd licet prædicta sententia sit vera in sensu à nobis explicato, non tamen ex eo quòd id sit terminus formalis ad quem, quod est præcipuum in termino totali; quia calefactio non habet pro formali termino in composito (quod est calidum) substantiam, quæ præcipua est, sed calorem qui minus præcipuus est cum sit accidens, est autem personalitas diuina terminus formalis Incarnationis, si hæc consideretur vt assumptio est ad diuinum suppositum, & vt natura humana transit à non esse personæ diuinæ ad esse personam diuinam, quia hæc est forma, quæ constituitur hoc compositum, Christus, vt terminat Incarnationem prout significatam nomine assumptionis.

Ad fundamentum secundæ sententiæ admissa sententia in sensu explicato. Respondeo concedendo non esse necesse quòd terminus formalis actionis producatur, vt patet in exemplis adductis in generatione hominis, vbi anima rationalis, quæ est terminus, non producitur per illam; & in generatione æternæ Verbi, vbi terminus formalis est diuina essentia (vt tenet Scotus vbi supra) quæ non producitur, sed communicatur: tamen si actio consideretur vt productiua reduplicatiuè, necessariò debemus illi assignare aliquem terminum formalem productum, quia vt sic dicit relationem ad illum, quare diximus vnionem esse terminum formalem Incarnationis, vt fuit actio productiua; & non humanitas, quia hæc suppositata fuit existens ante vnionem aliqua prioritate naturæ: vnde in generatione hominis producitur forma corporeitatis, & in generatione æternæ relatio substantialis.

Ad illud quod insuper dicit, quòd per hanc actionem Deus fit homo, non autem homo Deus: Respondeo quidquid sit de hoc, de quo dicemus, cum agamus de communicatione Idiomatum, tamen licet homo non fiat Deus, fit ta-

men persona diuina: vnde sicut persona diuina transit ad esse hominem, ita homo transit ad esse personam diuinam; & sicut in primo transitu humanitas est terminus formalis ad quem, ita in secundo personalitas diuina, & sic Incarnatio quæ omnes prædictos transitus significat, non vnico, & solo termino formali ad quem gaudet, sed pluribus. Fundamenta autem aliarum sententiarum coincidunt cum nostris.

13. Diximus hucusque de termino formali ad quem, dicamus modo de termino à quo actionis incarnationis. Circa quod Prima sententia quæ est Caietani vbi suprâ ait esse humanitatem, quia hæc præcedit Incarnationem, & de ratione termini à quo est quod præcedat actionem.

14. Secunda sententia aliorum ait quod sit personalitas creata, quæ foret, quia hæc fuit per personalitatem diuinam exclusa, & terminus à quo debet excludi per terminum ad quem.

15. Tertia & communis sententia inter Auctores est nō esse aliquid positium, sed esse priuationem vel negationem termini formalis ad quem, quæ sententia multiplicari insuper potest pro diuersitate sententiarum circa terminum ad quem, de quibus egimus suprâ.

16. Denique quarta aliorum sententia absolute negat terminum à quo. Fundamentum est quia hic debet precedere in subiecto prioritate temporis terminum ad quem, nihil autem sic præcessit Incarnationem.

17. Sed hæc philosophica sunt, & parum habent vtilitatis. Vnde breuiter dico quod terminus à quo est carentia termini ad quem, quæ carentia non est priuatio, neque negatio. Primum probatur, quia secundum omnes acceptiones suprâ positas Incarnatio non est actio inter extrema positiua, quorum vnum debeat excludi; vt contingit in omni motu inter duo, vbi (per quod patet ad fundamentum Caietani, quia humanitas non excluditur per Incarnationem, sed potius includitur, & sic humanitas non est terminus à quo) neque Incarnatio est actio inter priuationem & formam, quia nullum est subiectum quod possit dici priuatum aliquo termino formali, quem habeat post Incarnationem; restat ergo quod debeat esse

carentia termini ad quem habiti post Incarnationem.

Secundum probatur, quia prædicta carentia non præcedit prioritate temporis in aliquo subiecto, & insuper non est carentia alicuius formæ ad quam subiectum habeat naturalem potestatem; ergo neque erit negatio, neque priuatio. Patet consequentia, quia vtræque dicit respectum ad subiectum, vna quatenus est carentia in subiecto dicente aptitudinem ad formam, alia quatenus est in subiecto talem aptitudinem non dicente; ergo talis carentia termini ad quem neque est negatio, neque priuatio, sed abstrahens ab vtræque, siquidem neque respicit subiectum, neque inclinationem.

Ad fundamentum secundæ sententiæ respondeo quod personalitas creata non fuit per personalitatem diuinam exclusa, quia non præexistebat, sed solum fuit impedita; quando autem terminus à quo est positium, debet non solum impedi, sed etiam excludi. Dices: Si aqua crearetur calida, dici posset factam calidam ex frigida, quia frigiditas illi erat naturaliter debita, & similiter creatura, etiam si fieret ab æterno, diceretur ex nihilo facta. Respondeo eodem modo, quia non erat frigiditas quæ excluderetur à subiecto: vnde illa propositio est falsa; creatura autem dicitur fieri ex nihilo, quia: *ex nihilo*, non significat terminum à quo, sed materiam, hoc est factam ex non materia.

Per hoc etiam patet ad quartam sententiam, quia licet requiratur quod terminus à quo præcedat in subiecto, quando subiectum transit à priuatione vel negatione ad habitum; tamen quando transit ad aliquod compositum, vel aliqua forma à non esse ad esse, seu à carentia existentie ad existentiam non requiritur, sed sufficit, quod præcedat extra subiectum, sicut contingit in creatione, quæ Deus creat aliquam creaturam: vnde si Deus aliquam ab æterno produceret, illa non diceretur transisse à termino à quo ad quem, quia ante ipsam creationem non esset formalis carentia illius creaturæ, quia non posset verificari hæc propositio: *Nunc non est creatura, & immediatè post hoc erit*. Neque hæc: *Nunc est creatura, & immediatè antea non fuit*, quia cum non esset tempus præ-

præcedens, quod requiritur ad rationem termini à quo, de quo loquimur, nullum erat antea, ratione cuius posset dici ante hoc fuit, vel non fuit; neque ad huius termini antecedentiam sufficit prioritas naturæ (vt minùs benè docet Suarez vbi suprà) quia in prædicta prioritate non possunt tales propositiones verificari, sicut neque in prioritate naturæ, quā homo est rationalis, potest verificari quòd nō sit risibilis, vel quòd sit risibilis, quia tunc neque vnum, neque aliud est, sed tantum est rationalis, vel (vt alij aiunt) concipitur rationalis.

QVÆSTIO IV.

*Utrum per Incarnationem producat-
tur vnio formalis, & an ipsa sit ab-
soluta, vel relatiua substantialis,
vel accidentalis?*

1. **P**ostquam egimus de actione incarnationis, nunc venit agendum de termino talis actionis, sed non quomodo-
cumque acceptæ, sed vt productiue; inquirimusque an vnio, quā natura humana cum personalitate Verbi coniungitur, sit aliqua forma ab ipsis realiter distincta per veram actionem producta, & qualis sit?

2. Quantum ad 1. plures tenent per actionem vniendi & incarnandi nihil realiter distinctum, & per veram actionem productum fuisse, sed solum personalitatem Verbi seipsa immediatè terminasse naturam humanam, & reddidisse illam subsistentem, & personam. Ita Greg. de Arim. in 1. d. 28. q. 2. ad 17. Rubin in 3. d. 1. q. 1. art. 2. Marfil. q. 3. dub. 2. Consentiantque cum illis D. Thomas 3. parte, q. 2. 7. & in 3. d. 1. quæst. 1. art. 2. q. 3. Caiet. 3. parte, q. 2. art. 7. & art. 10. ad 1. vbi Medina conclusione 1. & 2. Valencia pūcto 5. Aluarez disp. 13. ad 7. articulum, qui vltra primos Auctores concedunt sequi ex prædicta coniunctione relationem realem vnionis in humanitate ad Verbum; id autem, in quo omnes isti Auctores conueniunt, sic probant.

3. Primò, quia alioquin humanitas non immediatè vniretur Verbo, neque immediatè componeret cum ipso personam Christi, patet consequentia, quia

hoc fieret mediā aliquā vnione producta.

Secundò probatur, quia in humanitate est potentia obedientialis ad subsistendum substantiā Verbi, & in Verbo est virtus vt reddat illam subsistentem; ergo nihil aliud requiritur. Tertio, quia in reliquis compositionibus inter partes quæ se habent vt potentia & actus nihil aliud requiritur, v.g. materia & forma seipsis vniuntur, partes continui, & indiuisibile cōtinuatiuum, quia comparantur tamquam actus & potentia seipsis vniuntur; ergo similiter in hac compositione Christi, quia natura humana se habet vt potentia, & personalitas diuina quasi actus seipsis vniuntur, & non mediā aliquā vnione. Quarto, quia si daretur illa vnio, esset quædam forma valdè difformis: nam quatenus illa esset ex parte corporis, esset corporalis & extensa; & quatenus esset ex parte animæ, esset spiritalis & inextensa. Quinto, quia accidens non potest esse medium ad vnionem substantialem: sed præfata vnio esset accidens, & Christus est compositum substantiale, vt Patres & Concilia decernunt; ergo, &c.

Secunda opinio sustinet per actionem incarnandi seu vniendi produci quamdam entitatem absolutam in natura humana, quā Verbo diuino vniatur, sed diuerso modo à diuersis declaratur. Gabriel enim in 1. d. 30. quæst. 4. art. 2. & 3. & d. 1. q. 1. art. 1. post secundam notationem putat esse qualitatem absolutam & supernaturalem, citatque pro se Alexandrum 3. p. q. 7. memb. 2. art. 1. vbi ait, in humanitate, vt Verbo vniretur, præcessisse quamdam dispositionem, seu gratiam vnionis; sed non benè refertur, quia aliud est quòd talis qualitas sit dispositio, aliud verò quòd sit forma, scilicet vnio ad quam disponit.

Suarez autem disputatione 8. sect. 3. putat esse modum substantialem absolutum, & fundandum proximum relationis realiter distinctæ, quā humanitas vt vnita refertur ad Verbum, à quo Auctore parum differt Vasquez disputatione 18. cap. 3. solum enim differt in eo quod prædictam relationem negat esse realiter distinctam à prædicto modo substantiali, sed affirmat quòd se

habeat sicut relatio creaturæ, quæ non distinguitur realiter ab ipsa creatura, quæ cum absoluta sit, significatur per modum relatiuæ.

7. Fundamentum Gabriel est, quia non potest intelligi Incarnatio absq; aliqua mutatione, & consequenter absque aliqua forma mutante, quam non potat esse aliam, quàm qualitatem, quia non relationem, nam ad ipsam immediatè non datur motus & mutatio ex Aristotele 5. physic. neque substantiam, quia hæc deberet personari, & c. vt infra, neque quantitatem, quia hæc solum sequitur materiam; ergo debet esse qualitas. Fundamentum Suarez & Vasquez est, quia asserere prædictam qualitatem, est incidere in errorem Nestorij, qui vnionem Christi dicebat esse accidentariam, cum prædicta qualitas sit accidens, & quinta Synodus Constantinopolitana collat. 8. cap. 4. damnat eum qui dixerit hanc vnionem factam esse secundum gratiam; ergo necessarium est dicendum talem vnionem esse substantiam. Ex quo primò sequitur non posse esse relationem extrinsecus aduenientem, cum sit accidens. Secundò sequitur quòd cum vnio sit ad aliud, includit in suo conceptu formali relationem ad Verbum, quæ ex eo est realiter distincta secundum Suarez, quia fundamentum & relatio fundata sic distinguuntur, & ex eo non est realiter distincta secundum Vasquez, quia conceptus vnionis non potest intelligi absque relatione, sicut conceptus creaturæ.

8. Tertia opinio sustinet per actionem incarnandi produci vnionem, quæ est relatio extrinsecus adueniens, quia natura humana & personalitas Verbi formaliter vniuntur. Ita Scotus in 3. d. 1. q. 1. art. 3. §. *sed circa*, & d. 7. q. 2. & in 4. d. 11. q. 2. & quodlibet 19. & quod mirum est, illam tradiderat olim D. Thomas d. 5. ad Anualdum q. vnicâ, art. 3. vbi hanc vnionem appellat dependentiam naturæ assumptæ ad assumptentem, & docet esse passionem, sequuntur Ocham d. 30. q. 4. Ibi Aureolus q. 1. art. 1. Mayron q. 1. Bassolis art. 2. sub finem, Argentina d. 5. q. 1. art. 4. Nissen. tract. 3. parte 1. q. 1. Ex Recentioribus Rada in 3. controuers. 3. art. 4. Faber d. 1. disp. 3. cap. 3. Arctin. d. 1. q. 1. art. 14.

Estque communis apud Scotistas; sed vt veritas eius pateat, sequentibus explicabitur conclusionibus;

Dico primò contra primam opinionem: Incarnatio est actio productiua alicuius entis formalis in genere causæ efficientis: ita Auctores pro secunda & tertia opinione relati, & Lorea disp. 13. num. 4. Hæc conclusio probatur à Vasquez vbi suprà quâdam ratione Ochami loco citato, quia non potest esse transitus à contradictorio in contradictorium, nisi propter aliquam mutationem vel intrinsecam, vel extrinsecam, sed de Verbo & eius humanitate verificatur quòd sint verè & realiter vnita, & antea non verificabatur; ergo per aliquam mutationem; & consequenter per aliquam formam productam in humanitate, quæ potest mutari.

Sed hæc ratio meo videri non est efficax, neque contra Gregorium de Arimino, neque contra Caietanum & alios; non contra primam, quia, vt diximus cõtra Suarez in fine antecedentis Quæstionis; in eodem instanti temporis non est transitus ab vno contradictorio in aliud contradictorium, sed in nullo instanti temporis antecedenti præcessit natura humana Christi existens, absque eo quod esset subsistens subsistentia Verbi; ergo numquam potuit verificari illa propositio, *Modò natura humana non est vnita, & postea fuit vnita*. Non contra secundam, quia ille ponit aliquid de nouo superueniens natura humana subsistenti subsistentia Verbi, scilicet relationem subsequenter, quâ formaliter dicantur vnita, & ratione huius posset dici natura humana vnita, quæ antea non erat vnita.

Probatur autem præfata conclusio ratione efficaci, quia Incarnatio, prout est actio totius Trinitatis, non est productio humanitatis Christi, nam hæc posset produci absque eo quòd Verbum illam personaret, neque est sola personatio Verbi diuini, quia hæc non procedit à tota Trinitate, sed solum à secunda persona illius, quæ quasi in genere causæ formalis speciali illapsu illabitur in naturam humanam illam quam terminat, redditque subsistentem, neque est vtrumque simul, quia, vt probaui vtrumque simul, non causatur à Trinitate; ergo Incarnatio, quatenus est actio Tri-

Trinitatis, est productio alicuius entitatis distinctæ à natura humana, & à personalitate Verbi, quam entitatem nos appellamus vnionem; patet consequentia, quia non potest intelligi quòd Trinitas causet hoc mysterium; & quòd in illo in quantum tali nihil causet. Et confirmatur, quia posset intelligi naturam humanam existentem in aliquo tempore, & Verbum similiter existens, & nihilominus non intelligeretur Incarnatio, nisi videretur à Deo; ergo vnio producitur ab ipso, vt talis fiat Incarnatio: unde nota quòd hec vnio non est de intrinseco & essentiali conceptu Christi vt Christus est, sed solum est conditio sine qua non esset Christus, quia si per impossibile Verbum redderet naturam humanam subsistentem absq; eo quòd hæc vnio eam coniungeret cum illa; ita Christus esset essentialiter, sicut modò est.

12. Dico secundo contra secundam opinionem: Hæc entitas de nouo producta non est qualitas, ita contra Gabrielem tenent Suarez, Vasquez, Lorca, & alij suprà relati. Iam conclusionem probant Recentiores ratione suprà posita pro sua sententia, quia asserere vnionem esse accidens, est damnatum à Concilio, quia sequeretur vnionem humanitatis cum Verbo esse accidentalem; sed hæc ratio non vrget, quia Concilia solum contra Nestorium asserentem quòd nature humana Christi erat humana persona solo aliquo accidenti vnita persone diuinæ, scilicet vnita per affectum, vnita per inhabitationem tantum in templo, &c. definiunt non esse personam humanam, sed diuinam, non accidentaliter sed substantialiter vnitam illi, quare qui asserit personam Verbi reddere per suam subsistentiam naturam humanam Christi personam catholicè & iuxta definitiones Conciliorum loquitur, licet ad cōiunctionem nature humanæ, cum persona Verbi ponat aliquod accidens; ergo non loquuntur de vnione, quæ formaliter natura humana vnitur cum personalitate Verbi, sed de vnione in qua natura diuina & humana vniuntur, quæ est personitas Verbi, & quæ fit hoc compositum Christus constans ex istis.

13. Quare hac ratione reiecta aliter probatur nostra conclusio, quia vnio in suo

conceptu formali vel est relatio, vel intrinsece illam includit, nam totū suum esse huius vnionis est, ad aliud se habere: sed qualitas formaliter est absoluta, & nihil includit relationis; ergo qualitas non potest esse vnio, quia natura humana se habet ad Verbum cui coniungitur. Et confirmatur ratione Scoti in 3. d. 1. citatâ, 1. sed oppositum verò talis entitas, quia natura humana non indiget dispositione physica vt vnatur Verbo, quia seipsa est vnibilis; ergo nulla requiritur qualitas dispositiua in ipsa (qualiter adstruitur ab Aduersariis) vt terminetur à Verbo.

Dico tertio contra alium modum dicendi secundæ opinionis: Bontas de nouo producta non est modus substantialis, siue sit relatiuus, siue sit fundamentum relationis. ita Auctores primæ & terciæ sententiæ, & expressè Scotus loco proxime citato. Et probatur primo ratione ipsius, quia vel talis substantia est materia, vel forma, vel compositum, vel modus; sed nihil horum, quia aliàs esset aliquid compositum substantiale ex tali entitate & natura humana assumptum à Verbo, quale nullum aliud eiusdem rationis esset in alio homine, sed à Verbo solum fuit assumpta humanitas in indiuiduo, qualis est in quocunque alio homine; ergo, &c. Et confirmatur, quia talis entitas, si, vt inquit Suarez, est fundamentum relationis (quam includit vnio) ergo vnitur media ipsa relatione; ergo aliquid præter humanitatem est vnitum Verbo, quod est absurdum: si autem non est fundamentum, vt inquit Vasquez, sed entitas absoluta significata per modum relationis. Contra est, quia vnio vt vnio habet se ad aliud, & media ipsa natura humana se habet ad Verbum; ergo est vera relatio secundum esse, & non solum secundum dici. Præterea ergo superfluit in illa entitate quilibet alius conceptus absolutus.

Secundò probatur, quia si per aliquam rationem requiritur, quòd vnio ista sit substantialis, maxime, vt dicunt Auctores prædicti ad hoc vt Verbum, & natura humana secundum locationes Conciliorum substantialiter vniantur inter se, sed ad hoc non requiritur prædictam vnionem esse substantialem; ergo. Minor probatur, quia in tantum Verbum

14

15

Verbum substantialiter vnitur cum natura humana secundum locutiones Conciliorum in quantum ipsa substantia naturæ humanæ subsistit per ipsam substantialem subsistentiam Verbi, sicut natura diuina subsistit illâ, & mediâ illâ, natura humana & diuina inter se vniuntur; ergo ad hanc vnionem substantialem non requiritur prædictam vnionem, de qua agimus, esse substantiam.

16. Et confirmatur primò à simili, quia si quis diceret animam rationalem habere alium modum in corpore, ac extra corpus, non propter hoc ostenderet animam vniri corpori substantialiter, quia posset ipsi vniri accidentaliter per solam assistentiam, sicut motor assistit naui; ergo licet Aduersarij dicant naturam humanam habere in Verbo alium modum, ac sine illo, non propter hoc ostendunt vniri inter se substantialiter. Secundò confirmatur, quia metalla diuerfa, quæ in visceribus terræ gignuntur, aliquâ substantiâ per iuxta positionem vniuntur, & tamen non vniuntur substantialiter; ergo nil interest quòd natura humana & personalitas Verbi vniantur aliquo modo substantiali, vt inter se substantialiter vniantur. Tertiò, quia hæc vnio producitur efficienter à Trinitate: illa verò, quæ personalitas Verbi reddit naturam humanam subsistentem, prouenit à Verbo quasi formaliter, & à natura humana quasi materialiter; ergo ad hoc, quòd hæc sit substantialis, non requiritur, quòd illa quæ prouenit à Trinitate sit substantialis, quia Concilia, & Patres, dum contra hæreticos loquuntur, non loquuntur de hac quæ procedit à Trinitate, sed de illa quam humanitas & Verbum habent inter se.

17. Dico quartò: Entitas de nouo producta per actionem incarnationis, est quædam relatio extrinsecus adueniens, quæ informat naturam humanam, fundaturque in potentia obedienciali illius, & terminatur ad Verbum. ita Scotus vbi suprâ, & Auctores pro tertia opinione relati. Et probatur Primò, quia illud producit à Trinitate per Incarnationem, quod per se & simpliciter requiritur, vt persona Verbi det esse subsistens naturæ humanæ; sed hoc solum est, quòd natura humana se ha-

beat speciali coniunctione ad Verbum, quæ sufficienter saluatur in quadam relatione extrinsecus aduenienti, vt patebit ex solutione argumentorū; ergo hæc solum producit. Et confirmatur, quia id, quod de nouo producit, est quædam ligitura, & quoddam vinculum, quo natura humana dependet à Verbo in ratione terminantis, sed omnis dependentia ab aliquo termino est relatio; ergo cum ista sit producta, & non resultat ex extremis, erit relatio extrinsecus adueniens.

Secundò probatur, quia illa entitas non potest esse conceptus absolutus qualitatis, vt probauimus contra Auctores secundæ sententiæ; neque conceptus substantiæ absolutus, vel relatiuus secundum dici, vt probauimus contra Suarez & Vasquez; ergo debet esse conceptus relatiuus secundum esse, sed non potest esse intrinsecus adueniens, quia iste statim posito fundamento & termino resultat, & ad ipsum non potest esse per se motus; ergo debet esse conceptus relatiuus extrinsecus adueniens, cui prædicta non repugnant (sicut neque huic vnioni) vt latè tradidimus in Logica cap. 9. de actione disp. vnicâ, quæstione 1.

Tertiò probatur, quia si propter aliquam rationem non posset vniri natura humana cum personalitate diuina solâ relatione extrinsecus aduenienti, maxime, quia quæ denominantur aliqua forma relatiua accidentaliter, accidentaliter denominantur, & sic prædicta dicerentur accidentaliter vnita; sed hoc absolutè loquendo est falsum, quia duæ substantiæ dicuntur eadem substantialiter, licet sic dicantur formaliter per relationem identitatis, quæ est forma relatiua accidentalis pertinet ad primum genus relatiuorum tertij prædicamenti, quæ fundantur in vnitæte & numero; ergo etiam si natura humana vnietur cum Verbo per relationem extrinsecus aduenientem (etiã si hæc sit accidens, de qua postea) cum illæ sint substantiæ non dicuntur accidentaliter, sed substantialiter vniri.

Respondeo ergo ad argumenta primæ opinionis. Ad primum nego sequentiam, quia hæc entitas de nouo producta non intrat compositum tamquam pars illius, sed tamquam conditio sine qua non

non componerentur inter se natura humana & personalitas Verbi.

21. Ad 2. respondeo, quod licet in natura humana sit potentia obediēcialis, in Verbo sit virtus terminandi, tamen cum hæc duo debeant per actionem totius Trinitatis coniungi, requiritur quod per talem actionem producatur aliqua entitas, quā in facto esse maneant, & perseverent formaliter coniuncta.

22. Ad 3. respondeo etiam in reliquis compositionibus requiri aliquid agens extrinsecum, quod efficiēter coniungat extrema, vt patet in eisdem exemplis adductis, quia licet materia & forma in genere causæ formalis & materialis seipsius vniantur seu vnificentur, tamen in genere causæ efficiētis vniantur & coniunguntur à causa efficiēti, quæ causat quandā relationem extrinsecū aduenientem, quæ dicitur vnio vnici, & non vnificans, vt latē tradidimus 1. physic. disp. 2. q. 2. quapropter ibi diximus quod totum realiter distinguatur à partibus simul sumptis & vnitis (vnio enim vnici, quam Scotus vbi suprā appellauit approximationem, requiritur ex parte actus primi vt scilicet partes coniungantur, & sint adinuicem indistinctæ vt possint causare totum relinquēdo illas simpliciter diuersas) non tamen à partibus vnificatis, quia nihil aliud includit totum, quàm ipsas partes, & vnificationem, quam habent per receptionem materie, & informationem formæ. Et idem est de partibus continui respectu indiuisibilis continuatiui, quia si existunt separata, requiritur coniunctio causata ab aliquo efficiēti; subsistentia autem creata respectu naturæ propriæ hoc non requirit, quia ad productionem naturæ immediatē resultat, si à Deo non preueniatur alia subsistentia; tamen subsistentia Verbi, cum supernaturaliter & ab extrinseco adueniat naturæ humanæ Christi, requirit actionem agentis supernaturalis, quæ vtramque coniungat aliquā vnione, quā posita personalitas Verbi illabitur naturæ humanæ, & quasi in genere causæ formalis inluit in illam, quod subsistat.

23. Ad 4. concedo quod relatio ista ex parte corporis est materialis & extensa, quia diuersa partiali vnione vnitur caput Verbo, quā illi vniantur pedes, &

Castillo de Incarn. Pars I.

ex parte animæ est spiritalis & inextensa, quia relatio ex se neque est materialis, neque spiritalis, extensa aut inextensa, sed solum ratione fundamenti.

Ad 5. dico, quod dato casu, quod hæc relatio sit accidens, non officit compositioni substantiali Christi, quia non se habet vt pars compositi, sed vt consilio sine qua non esset compositum, sicut vnio vnici, quæ reperitur inter materiam & formam substantialem, quæ causant compositum prædicamentū substantiæ, in quo nos posuimus quæstione 4. Christum saltem reductiue.

Ad fundamentum Gabrielis cōcedo; quod non possit intelligi Incarnatio absolute absque aliqua mutatione ex parte naturæ humanæ; & similiter cōcedo, quod hæc mutatio non fiat per formam, quæ sit quantitas, vel substantia absoluta: nego tamen quod non fiat per relationem; & quando dicit quod ad relationem non datur per se motus ex Aristotele, dico debere intelligi de relatione intrinsecū aduenienti, non de extrinsecū aduenienti qualis est hæc vnio: vnde ipse admittit dari per se motum ad vbi, quod formaliter consistit in relatione extrinsecū aduenienti, nam per ipsum refertur de nouo corpus locatum ad superficiem concuam corporis locantis.

Fundamentum Suarez & Vasquez petit vt explicemus secundam partem quæstionis, quæ inquit an hæc vnio sit substantia, vel accidens. Circa quod Scotistæ communiter defendunt esse accidens, quorum fundamentum est, quia secundum Scotum est relatio extrinsecū adueniens, vt suprā probauimus. Insuper quia non repugnat dictis Conciliorum & Patrum, licet enim iuxta eorum dicta debeat hæc dici substantialis, tamen dicitur talis, vel ex eo quod facit, quod personalitas Verbi seipsa substantialiter reddat naturam humanam Christi subsistentem, vel in quantum mediā personalitate Verbi, quæ substantia est, vnit naturam humanam cum diuina.

Circa quod Dico quintò: Sufficenter saluantur locutiones Conciliorum & Patrum, etiam si dicamus prædictam vnionem esse accidens. Fundamentum huius conclusionis sunt rationes præ-

R dictæ,

dictæ, propositæ à Scotistis, quas adduximus pro conclusione tertia: vnde circa hoc solum oportet inuestigare ad quod prædicamentum ex sex ultimis, quæ his relationibus cõstituuntur, pertineat. Et quidam cum Pytigiano vbi suprà dicunt pertinere ad prædicamentum passionis, quâ natura humana tamquam transmutata refertur ad Trinitatem transmutantem. Sed contrà Primò, quia terminus actionis non est passio, cum hæc in quocumque sensu sumatur, sit simul omnimoda similitudo cum actione in quocumque sensu accepta: vnde Aristoteles 3. physic. textu 20. ait, *Passio est actus huius ab hoc, scilicet passivi ab agente*. Sed prædicta vnio est terminus actionis, seu vnitionis Trinitatis; ergo non est passio. Et cõfirmatur, quia terminus actionis productiue est terminus productus, passio autem nullius actionis est terminus productus. Insuper terminus actionis, quæ constituit prædicamentum actionis, est subiectum quod transmutatur; passio autem non est subiectum quod transmutatur; ergo nullo modo vnio est passio; patet consequentia, quia vnio est terminus vnitionis.

28. Secundò, quia vna entitas sub vno formali conceptu non potest esse fundamentum, & relatio fundata super illud; sed forma, quæ est fundamentum vt natura humana possit dici transmutata, est vnio hypostatica. Primò, quia Verbum non præcedit vnionem aliqua prioritate in natura humana, vt ratione illius possit dici natura humana transmutata, sed potius quasi adducitur à tali vnione. Secundò, etiam si præcederet, non inhæreret in illa, quod per se requiritur vt verè dicatur transmutari; ergo vnio est fundamentum proximum, vel conditio, quare natura humana possit referri relatione transmutationis, ergo non est ipsa relatio passiuæ transmutationis, sicut, v. g. lignum non potest dici transmutatum esse, nisi prius recipiat calorem, vel quid aliud; ergo cum natura humana nihil recipiat ante vnionem, non habebit fundamentum proximum vt ipsa vnio sit transmutatio passiuæ.

29. Et cõfirmatur, quia actio & passio concipiuntur in eodem nunc, sicut pro eodem nunc cõcipitur, quod iter, quod

est ab Athenis ad Tebas, sit à Tebis ad Athenas; sed vnio concipitur post vnitionem, sicut terminus post actionem; ergo & post passionem, ergo non est ipsa passio.

Meliùs ergo cum Mayrone in 3. d. 1. & Nicolao Boet libel. 1. de prædicamento habitus, dicemus hanc vnionem pertinere ad prædicamentum habitus, quorum primus hoc expressè docet; secundus verò omnes vniones reducit ad hoc prædicamentum, & suadetur breuiter, quia neque hæc vnio (sicut neq; vnio vnians materiam & formam) pertinet ad prædicamentum substantiæ, cum sint relationes, vt probauimus. Insuper non pertinet ad prædicamentum relationis intrinsecus aduenientis, quia ad has non datur per se motus, & necessariò posito fundamento & termino resultant; ergo sunt relationes extrinsecus aduenientes, in quibus prædictæ conditiones reperiuntur; inter has autem vnio non potest esse actio neque passio, vt probauimus, neque quando, neq; vbi, neque *sim*, vt per se patet; ergo à fortiori pertinebit ad prædicamentum habitus. Et cõfirmatur primò, quia hæc vnione natura humana habet Verbum, & quasi induitur illo, licet non merè extrinsecè sicut induitur vestimento, sed quasi intrinsecè, & sicut natura subsistit personalitate; ergo, &c. Secundò, quia modus istius positionis cõformior est illis verbis Apostoli ad Ephesios 2. *Et habitu inuentum vt homo*, quasi diceret: Sicut homo induit vestes, sic Verbum induit naturam humanam; ergo sicut homo formaliter dicitur vestibus & habitu indutus per relationem extrinsecus aduenientem, quæ constituit prædicamentum habitus; ita per prædictam vnionem, quæ spectat ad tale prædicamentum, Verbum habet humanitatem, & humanitas habet Verbum: neq; exstimare debetis quòd exemplum Apostoli currat in omnibus, sed solum in coniunctione, scilicet quòd sicut vestimentum per quamdã vnionem & positionem coniungitur cum corpore, ita Verbū per aliam coniunctum fuit cum humanitate; non tamen stat similitudo in eo, quòd sicut vestimentum adhæret corpori extrinsecè, ita Verbum humanitati, quia hic est error Nestorij, potius autem fuit illi substantialiter coniuncta,

iuncta, reddiditque personam diuinam: Neque similiter debetis existimare, quòd sicut relatio habitus est in vestito, & non in vestimentis, seu (vt ait Aristoteles) in loricato, non in lorica; ita hæc vnio sit in Verbo, non in natura humana, nam hæc existimatio esset falsa, nam omnia, quæ de nouo dicuntur de Verbo ratione Incarnationis, tantum dicuntur denominatiue de illo, & de humanitate formaliter & intrinsecè, quia omnes formæ denominantes inhærent in illa.

31. Sed obieciens pro contraria sententia, Per hanc vnionem dicitur natura humana transmutata; ergo pertinet ad prædicamentum passionis. Respondeo per quamlibet formam de nouo aduenientem transmutari subiectum, sed non transmutatione formali: vnde non ex eo quòd natura humana transmutetur, hoc contingit illi per vnionem formaliter, sed quasi fundamentaliter.

32. Dico sexto: Licet absolutè verum existimem, quòd prædicta vnio sit relatio extrinsecus adueniens, & probabile existimem quòd sit accidens, tamen non existimo improbabile, neque expressè contra mentem Scoti quòd sit substantia. hoc vltimum probo. Et Primò, quia nullibi apud Scotum reperitur expressè quòd sit accidens, neque ex verbis eius potest deduci; ergo prædicta conclusio non est contra mentem Scoti. Imò addo potius est illi magis conformis, nam quolib. 19. §. secundò patet. Vnde respondeo ante litteram Q, & alibi sæpè expressè affirmat, quòd prius conuenit naturæ substantiali singulari negatio, seu ratio quâ constituitur in esse personæ, quàm terminare dependentiam accidentis; ergo secundum Scotum non potest intelligi natura humana Christi affecta vnione quæ sit accidens, nisi postquam fuit constituta in esse personæ: sed vnio, de qua agimus, potius consideratur esse prior, & quasi adducens personalitatem, & coniungens Verbum cum natura humana singulari; ergo confirmatur, quia in 3. d. 1. q. 1. §. sed oppositum, expressè tenet Scotus, quòd nullum accidens est propria ratio personationis Verbi, neque istius vnionis.

33. Dices primò: Hoc intelligitur de accidenti absoluto, non de relatiuo. Sed

contrà, quia hæc solutio ad plurimum solum est probabilis. Dices secundò: Materia alicuius hac vnione vt coniungatur formæ etiam ex Scoto in 3. d. 2. quæst. 2. §. quantum ad tertium articulum; ergo prius terminat dependentiam accidentis, quàm constituitur in esse personæ. Respondeo quòd tunc materia non est nuda ab omni forma, sed potius coniungitur per vnionem vt denudetur à veteri, & introducatur noua, & sic numquam recipit accidentia antequam sit subsistens.

34. Secundò probatur, quia ex eo quòd hæc vnio sit relatio, non probatur quòd sit accidens, quia relationes diuinæ, imò & relationes creaturæ substantialis non sunt accidentia, neque similiter ex eo quòd sit extrinsecus adueniens, quia ex eo quòd vna entitas non resultat ex propriis intrinsecis, sed adueniat ex extrinsecis; non probatur quòd sit accidens, quia personalitas diuina extrinsecè aduenit naturæ humanæ, & nihilominus est substantia, neque similiter repugnat ex vtroque, scilicet ex eo quòd sit relatio extrinsecus adueniens: Primò, quia si non repugnat ex eo quòd sit relatio, neque ex eo quòd sit extrinsecus adueniens, non repugnabit ex vtroque simul. Secundò, quia relationes, quibus Filius & Spiritus sanctus constituuntur, sunt substantiæ, & nihilominus videntur extrinsecè aduenientes, quia terminant per se motum, seu quasi motum, scilicet actiones generandi & spirandi. Tertiò, quia relatio extrinsecus adueniens vt sic non constituit aliquod determinatum prædicamentum, sed potius est quid transcendens; ergo non repugnat, quòd aliqua sit substantia: vnde sicut substantia prius diuiditur in creatam & incretam, & increta statim diuiditur in absolutam & relatiuam, ita creata potest antequam sit genus generalissimum diuidi in absolutam & relatiuam, & postea relatiua in intrinsecus aduenientem, qualis est relatio creaturæ substantialis ad Creatorem, & in extrinsecus aduenientem vt vnio hypostatica, nisi velis eam in prædicamento substantiæ collocare, & dices quòd substantia alia est corporea, alia incorporea, incorporea alia absoluta, alia relatiua, relatiua vt extrinsecus adueniens.

35. Tertiò probatur, quia non solum intendunt Patres contra Nestorium asserere, quòd vnio, quæ, seu in qua natura diuina & humana vniuntur, est substantia, quia hæc est ipsa personalitas Verbi, quæ est substantia, quod non negant ipsi hæretici; ergo quod Patres contra ipsos intendunt, est, quod personalitas Verbi, quæ est substantia, vnita est substantialiter cum humana natura; ergo substantialitas intenta à Patribus, neque cadit super ambas naturas, neque super personalitatem diuinam, neque super naturam humanam, sed supra vnionem, quæ istæ duæ vniuntur, vel ad minus, si non est intenta, est occasione controuersie insinuata & significata.
36. Confirmatur primò, quia hoc modo philosophandi absolutè, & absque indigentia explicationis conformamur modo loquendi Conciliorum & Patrum. Secundò, quia Incarnatio vt actio productiua est, non est minùs actio substantialis, quam generatio: sed terminus formalis productus est vnio; ergo hæc est substantia, aliàs haberet se sicut calefactio, quæ est actio accidentalis.
37. Sed obiicies primò ea quæ adduximus supra contra Suarez & Vasquez, asserentes talem vnionem esse substantiam. Respondeo quòd nos duo ibi probauimus: Primum, quòd ille modus substantialis non sit absolutus, vt dixit Vasquez; vel absolutus & relatiue simul, vt dixit Suarez, & hoc debet dici iuxta mentem Scoti loco citato, & probatum est efficaciter. Secundum, quòd non sit substantialis, & hoc solum ostenditur probabiliter: vnde ad primum argumentum, quod contra hoc militat. Respondeo prædictam vnionem esse quemdam modum relatiuum extrinsecum substantialem non ponibilem directè in aliquo prædicamento, vel si ponibilem pertinet ad prædicamentum substantiæ, scilicet in differentia substantiæ incorporeæ. Ad secundum, quòd non cõstituatur aliquid compositum per se, neque debeat personari per substantiam Verbi, quia solum est conditio sine qua non, & ratio vt personalitas Verbi cum natura humana constituat hoc compositum Christum, cuius relationis substantialitas non requiritur nisi ex eo quòd accidens non potest in-
- hærere naturæ antequam sit subsistens. Per quod patet ad confirmationes eiusdem argumenti.
- Obiicies secundò Scotum in 3. d. 1. q. 1. §. *ad illud in oppositum*, vbi ait quòd relationes extrinsecus aduenientes constituunt sex vltima prædicamenta, & dicit hanc vnionem esse relationem extrinsecus aduenientem, sed illa sunt accidentia; ergo, &c. Respondeo quòd Scotus non asserit, quòd omnes relationes extrinsecus aduenientes pertinent ad sex vltima prædicamenta, sed quòd aliquæ tales relationes fortè pertinent ad illa: verba sunt expressa ipsius: vnde potius ex illis debet colligi quòd aliam relationes extrinsecus aduenientes non pertinent ad illa. Dices: Scotus ibidem, §. *sed oppositum*, argumentis probat quòd vnio non sit substantia. Respondeo primò: Similiter probat quòd non sit accidens. Secundò respondeo quòd loquitur de substantia absoluta, & de accidenti absoluto, non de relatiuis, vt ipse habet expressè.
- Obiicies tertiò Scotum in 4. d. 12. q. 1. §. *ad quæst. vers. ad 4. dubium litt. N.*, vbi ait quòd omnis vnio absoluti ad absolutum est respectus extrinsecus adueniens, & quòd omnis realis respectus est illi cui inest accidens per accidens. Respondeo primò quòd vnio naturæ humanæ ad Verbum non est absoluti ad absolutum, quia Verbum constituit filiationem, quæ relatiua est, licet terminet, vel non terminet sub ratione relatiua: de quo infra disputatione sequenti. Secundò respòdeo & melius quòd ibi loquitur Scotus, vt legèti constabit de omni vnione & inhaerentia, quàm habet accidens absolutum ad substantiam, & de hac verum dicit, quia accidens non potest inhaerere media substantia, non autem loquitur de vnione quæ natura humana substantialis Verbo vnitur, neque de illa meminit. Imò hæc non deberet comprehendere sub regula vniuersali, etiam si loqueretur de qualibet vnione substantiæ ad substantiam, quia singularissima & ineffabilis est, neque alia illi similis, vt fatetur Scotus: vnde argumentum ab exemplo nulum erit, per quod potest responderi ad alias locutiones similes, si fortè sint.
- Quare non obstat si dicas primò, quòd vnio materiæ ad formam est acci-

dens; ergo & hæc. Nam respondeo primò, quòd quidquid sit de hoc, tamen est dispar ratio, quia vnionem, de qua agimus, appellant substantialem sacra Scriptura & Patres. Secundo, quòd cum hæc sit singularissima, non debet esse similis illi in omnibus. Tertiò, quia vnio materiæ ad formam, quæ non creatur cum illa, sed de nouo educitur, ex illa supponit materiam cum alia forma, & compositum in esse iam subsistentis. Neque obstat si dicas secundo, quòd prædicta vnio per accidens aduenit naturæ humanæ Christi, quia posset existere absque illa; ergo est accidens: Respondeo hoc solum probare, quòd sit accidens prædicabile, non prædicamentale, & iam enim aduenit illi per accidens personalitas Verbi, & nihilominus est substantia, in quo nihil contra veritatem Catholicam adstruitur.

41. Solum est obseruandum cum Scoto in 3. d. 6. q. 1. §. ad argumenta, vers. & ad confirmationem; vnionem hypostaticam nullo modo esse appellandam accidentalem, quia Patres substantialem appellant, & esse accidentalem negant: vnde siue vnio sit accidens formaliter, siue substantia semper debet appellari substantialis, vel ratione extremorum, vt supra diximus; vel ratione sui & extremorum, vt modò probabiliter decidimus.

QVÆSTIO V.

An hac vnio sit omnium maxima, tam in ratione vnionis, quàm in ratione doni?

1. Circa primum quòd inquit præfens Quæstio, scilicet an hæc vnio sit omnium maxima in ratione vnionis? Nota cum Lorca disputatione 17. parum referre ad ipsius decisionem, an vnio sit modus distinctus ab extremis, an non; solum enim refert, an extrema in hac vnione sint magis coniuncta, & minùs diuisa, & consequenter habeant maiorem vnitatem, quàm in aliis vnionibus.

2. Circa quod prima sententia affirmat esse maximam. Ita Caietanus 3. p. q. 2. art. 9. Suarez disp. 9. sect. 1. probant ex auctoritate Bernardi lib. 5. de Conside-

ratione cap. 8. vbi ait: *Inter omnia, quæ rectè vnum dicuntur, arcem tenet vnio Trinitatis, quæ tres personæ vnâ substantia summi secundo loco illa præcedit, quæ è conuersos tres substantia vnâ personâ in Christo sunt.*

Secunda sententia ex diametro opposita est Durandi in 3. dist. 5. q. 3. qui negat hanc vnionem esse omnium maximam in ratione vnionis. Fundamentum est, quia materia & forma sunt magis vna, cum non solum habeant vnitatem in ratione personæ, sed etiam in ratione naturæ: vnio verò hypostatica non constituit in Christo vnum in ratione naturæ, quia diuina & humana manent distinctæ, sed in ratione personæ.

Tertia sententia, quam tenet D. Thomas 3. p. q. 2. art. 9. Vasquez disp. 20. c. 2. Lorca vbi supra num. 4. distinguit quòd si vnio consideretur ex parte extremorum quæ vnit, non est omnium maxima, quia maior est vnio materiæ & formæ: si autem consideretur ex parte eius in quo fit vnio, scilicet ex personalitate Verbi, est omnium maxima, adhuc secundum rationem formalem vnionis, vt benè explicat Lorca, quia de hoc procedit quæstio. Fundamentum est, quia quòd simplicius est vinculum, est formalis & magis vnum; & consequenter quòd personalitas Verbi est simplicior entitas omni alia creata, tantò naturas, quas coniungit, inseparabiliores reddit, & magis coniunctas. Approbant hanc sententiam aliqui Scotistæ in manuscriptis, si loquamur de vnione vt vniente naturam diuinam cum humana; secùs si loquamur de illa vt vniente naturam humanam cum personalitate Verbi, quia vt sic maior est inter materiam & formam.

Sed in hac re Dico primò: Si hæc vnio consideretur secundum rationem formalem vnionis (loquor de vnione inter naturam humanam, & personalitatem Verbi) non est omnium maxima. Ita Scotus in 3. d. 6. q. 1. §. ad argumenta, vers. ad aliud Bernardi, vbi ait, quòd si vnitas hæc accipiat ex priuatione distinctionis, non est omnium maxima: at priuatio distinctionis est ratio formalis vnionis. Hæc conclusio probatur ratione Durandi, quia materia & forma substantialis habent vnitatem non solum in ratione personæ, sed

etiam in ratione naturæ, quod non contingit in presenti; ergo. Et confirmatur primo, quia ea, quæ se habent vt potentia & actus, magis inter se aptantur ad compositionem, quàm ea, quæ sic non comparantur, sicut corpus concauum & conuexum ad hoc vt conglutinentur, quàm corpora vtraque concaua, aut vtraque conuexa, vt benè vidit Vasquez in fine cap. 2. sed neque natura diuina, neque personalitas diuina comparantur cum natura humana vt actus & potentia propriè; ergo; &c. Confirmatur secundo, quia illa est maior vnitas quæ habet minorem distinctionem, sed minorem distinctionem habent, quæ neque distinguuntur in persona, neque in natura, vt contingit in composito substantiali, quàm quæ solum non distinguuntur in persona, vt contingit naturæ humanæ & diuinæ in Christo; ergo si hæc vnio consideretur secundum rationem formalem, quæ in tali carentia consistit, non erit omnium maxima.

6. Dico secundò: Si hæc vnio consideretur secundum rationem materialem, quæ attenditur non solum ex parte entitatis vniuersalis, sed etiam ex parte extremorum quæ vnit, est omnium maxima. ita Scotus ibidem. Et probatur, quia vnita sunt magis perfecta omnibus aliis, quæ in aliqua compositione concurrunt, vnum enim extremum est infinitum, alterum est substantia perfecta in se, quod non reperitur in aliis compositionibus; ergo, &c. Confirmatur, quia in hoc apparet maior vnio materialiter in quo, ea, quæ magis inter se distant, vniuntur; sicut in hoc apparet maior vnio formaliter in quo, ea, quæ vniuntur, maiori carent distinctione, sed in nulla alia compositione coniungitur infinitum cum finito hypostaticè, quæ maximè distant, sicut in hac; ergo hæc est omnium maxima, si attendatur secundum rationem materialem.

7. Ad fundamentum primæ sententiæ respondetur cum Scoto vbi supra Bernardum debere intelligi de vnione secundum rationem materialem, non solum secundum rationem formalem, neque enim loquitur ita metaphysicè, sicut loquuntur Scholastici; neque obstat, si dicas, Bernardum comparasse vnionem hypostaticam cū vnione Tri-

nitatis, quæ prima est non solum materialiter, & secundum ea quæ vniuntur, sed etiam formaliter, & secundum rationem formalem vnionis. Respondeo primò paritatem non teneri in omnibus, imò vnitas Trinitatis talis est, quòd fit identitas realis; vnitas autem Christi solum est vnitas compositionis, & talis quòd relinquat extrema simpliciter diuersa. Secundò, respondeo comparasse illas duas vnitates secundum perfectionem materialem solum in qua, in qua primum locum obtinet Trinitas, quia omnia, quæ vniuntur, sunt infinita saltem identicè; & essentia, quæ illa coniungit, est infinita formaliter; non sic autem contingit in Christo, vbi natura humana est finita.

Ad fundamentum tertiæ sententiæ respondetur maiorem esse hanc vnionem Christi ex parte extremorum, seu secundum rationem materialem, quàm vnionem materiæ & formæ secundum eandem rationem, quia hæc non ita distant ad compositionem, sicut illa; quorum vnum est finitum, aliud infinitum; imò potius materia & forma comparantur ad inuicem, sicut corpus concauum & conuexum ad conglutimentum; quare illa vnio est ineffabilis & mirabilis, non hæc. Similiter respondetur minorem esse hanc vnionem Christi, quàm illam sumptas secundum rationes formales, quia licet simplicior entitas magis conducatur ad vnitatem identitatis, sicut essentia diuina identificat sibi personas realiter distinctas; tamen non conducit magis ad vnitatem compositionis, de qua agimus in presenti, quia huic præstat esse maiorem, id quod præstat maiorem carentiam distinctionis; hæc autem maior est in materia & forma, quæ non solum non distinguuntur in persona, sed neque in natura.

Circa secundum quod inquitur Questio, scilicet an hæc vnio sit omnium maxima in ratione doni, Nota quòd vnio hypostatica potest vsurpari dupliciter: Primò, secundum omnes effectus, quos præstat tam formaliter quàm radicaliter, tam immediatè quàm mediâtè, & in hoc sensu non fit comparatio cum aliis donis, sed est omnium maximum, quia includit radicaliter & mediâtè omnia dona, quæ collata sunt Christo.

Christo Domino, & nobis; & sic maius donum est, quàm quodlibet scorsum.

10. Secundò, potest vsurpari præcisè secundum effectum, quem formaliter & immediatè præstat humanitati Christi: secundum quem effectum nec reddit humanitatem formaliter sanctam sanctitate iustorum, nec beatam, vt cum Scotò dicemus in proprio loco, sed solum reddit naturam humanam Christi personam diuinam, & in hoc sensu procedit quæstio & comparatio, quæ præcipuè fit cum beatitudine supernaturali, & hanc profert Ricardus in 3. d. 2. quæst. 4. Marfil. q. 3. art. 2. Durandus quæst. 1. num. 10.

11. Verior tamen sententia affirmat, quòd vnio hypostatica sit maius donum in ratione doni supernaturalis (in quo conueniunt) quàm visio beatifica: ita Scotus in 4. d. 49. q. 2. 1. ad istam secundam quæstionem, D. Thomas 3. p. q. 2. art. 10. ad 1. & art. 11. in corpore, & q. 4. art. 1. ad 2. Sequuntur Thomistæ antiqui & recentiores, & ex nostris Faber in 3. disp. 8. cap. 3. Ouardus d. 2. q. 2. art. 1. dub. 2. Notanter autem dixi, quòd sit maius donum in ratione doni supernaturalis, in quo conueniunt, quia si considerentur secundum suas rationes específicas, vnio & beatitudo non sunt inter se comparabiles in dignitate, quia sunt diuersi generis, & sic quælibet est perfectior alià in suo genere, vna in quantum perficit in actu primo, alià in quantum perficit in actu secundo. Ita Scotus in 3. d. 2. q. 1.

12. Probatur primò nostra sententia ex August. lib. de Prædestinatione cap. 15. vbi ait, *Ita esse excellentissimam prædictam unionem, tantumq; naturæ nostræ subiectionem euentam fuisse per ipsam, ut quòd altius attolleretur, non haberet.*

13. Secundò probatur à priori, quia per hanc vnionem fuit persona diuina substantialiter communicata naturæ humanæ, quam constituit in ratione personæ, & cum qua constituit vnum per se substantiale, per visionem autem beatificam solum vnitur Deus accidentaliter, & in ratione obiecti; ergo secundum modum vniendi se naturam diuinam cum humana (secundum quem debet regulari, quòd donum sit maius, aut minus) vnio hypostatica excedit beatitudinem. Confirmatur, quia huic

homini Christo debetur ratione huius vnionis excellentior denominatio, scilicet quòd denominetur Deus, & excellentior reuerentia; quàm cuiquam alteri Beato; ergo:

Sed contrà primò: Insurgunt Auctores primæ sententiæ, quia illud donum est maius, quòd solis creaturis rationalibus potest communicari; sed vnio hypostatica potest etiam irrationalibus communicari, non verò visio beatifica; ergo hæc est maior in ratione doni. Respondetur negando maiorem, aliàs quælibet minimà sancta cogitatio, & minimum auxilium, quòd solum potest dari rationalibus, esset maius donum, quàm vnio hypostatica, quòd est falsum. Ad minorem dico, quòd etiam si irrationalibus possit communicari vnio hypostatica, non tamen in ratione doni & gratiæ, quæ solum habent locum respectu creaturæ rationalis, vel intellectualis.

Contrà secundò, quia si quis eligeret sibi aut beatitudinem, aut vnionem, potius deberet beatitudinem eligere; ergo hæc est maius donum. Respondent aliqui esse eligendam vnionem, sed melius alij, quòd esset eligenda beatitudo, non quia excellentius donum, sed quia vtilius naturæ eligentis: ponunt exemplum, sicut si in tempore famis proponeretur famelico panis, & gemmà pretiosissimà, ille potius eligeret panem, quàm gemmam, non quia excellentius bonum, sed quia vtilius.

Contrà tertio: Beatitudo est summum bonum; ergo vnio non potest esse maius illo. Respondetur, beatitudinem obiectiuam, quæ est Deus, esse summum bonum, non verò beatitudinem formalem: de cuius ratione solum est, quòd satiet nostrum appetitum. Ex quo fortassis dicitur esse summum bonum, quia reliqua alia creata non satiant.

Contrà quarto: Beatitudo Christi fuit finis suæ vnionis hypostaticæ; ergo fuit excellentius donum illa. Probatur consequentia, quia finis semper est excellentior mediis. Respondetur primò: Beatitudo Christi formalis fuit volita in intentione cum indirecta volitione vnionis hypostaticæ, sicut quando intenditur gloria vt corona, intenditur

ditur etiam indirectè & virtualiter meritum: vnde tunc non tam eligitur vnum propter aliud, quàm vtrumque immediatè: in quo casu non requiritur, quòd finis sit præstantior medio. Secundò respondetur negàdo quòd finis sit semper præstantior medio, vt patet quando amatur causa propter effectum eminenter seu virtualiter in illa contentum, quæ causa debet esse necessariò perfectior.

18. Pro exacto huius Disputationis examine solum restat inuestigare, an hæc vnio possit appellari essentialis & naturalis, & secundum essentiam, & secundum naturam. Affirmat Vasquez disputatione 17. cap. 3. quia Nazianzenus episc. 1. ad Tridonium, & Damascenus lib. 3. de Fide orthodoxa cap. 3. illam appellant essentialem, seu secundum essentiam. Sophronius autem in epistola synodica, quæ habetur in 6. Synodo generali actione 11. Cyrillus Anathematismo 3. Petrus diaconus lib. de Incarnatione capite 3. & alij illam appellant naturalem, & secundum naturam.

19. Sed melius negat Lorca disputatione 14. quia si vsurpentur secundum rigorem sermonis, sunt falsæ: dicere enim hæc vnionem esse essentialem, vel se-

cundum essentiam factam fuisse significat in essentia diuina, sicut dicere esse hypostaticam, seu secundum hypostasim significat factam fuisse in hypostasi diuina; similiter dicere hanc vnionem esse naturalem, aut secundum naturam significat, vel quòd non sit supernaturalis, vel quòd non sit facta in persona diuina, sed in eius natura, quod totum est falsum.

Vnde prædicti Patres non loquuntur secundum rigorem sermonis, sicut quando asserunt hominem fuisse à Verbo assumptum, vnā naturam esse in Christo, naturam assumptas pro hypostasi sunt improprie locutiones à nobis cauendæ. Patres verò vocant hanc vnionem essentialē, vel secundum essentiam, quia essentia naturæ humanæ & diuinæ coniuncta sunt, non per affectum gratiæ, vt dicebat Nestor, sed physice & substantialiter mediā personalitate Verbi, & vocant naturalem, seu secundum naturam, quia est vera & realis, & non phantastica, vt asserabant Manichæi, quare etiam sunt cauendæ tales locutiones, quia improprie. Hic solet disputari, an hæc vnio possit dici aliquo modo accidentalis; sed de hoc satis diximus in fine antecedentis quæstionis.

DISPUTATIO VI.

DE

VNIONE HYPOSTATICA

EX PARTE PERSONÆ

TERMINANTIS.

NOtissimum fidei principium est solam personam Filij fuisse vnitam naturæ humanæ Christi, in qua persona natura humana & diuina vnitæ sunt. Ideò postquam egimus de vnione, quæ vnit naturam humanam cum persona Filij, agimus modò de ipsa persona Verbi, in quantum vnit eandem naturam humanam cum natura diuina, seu in quantum est vinculum, quo natura humana & diuina vniuntur.

QVÆSTIO PRIMA.

Verum persona Verbi terminauerit naturam humanam ratione alicuius absoluti, an solum ratione relatiue proprietatis?

1. **M**iror Patrem Lorcam disput. 24. num. 2. asseruisse quæstionem hanc decidi posse, siue admittatur in Deo substantia absoluta & communis, siue non admittatur: cum enim Auctores, qui (vt infrâ videbimus) asserunt naturam humanam Christi terminari à Verbo ratione alicuius absoluti, sciûcet ratione substantiæ communis, quâ subsistit indiuiduum Deitatis, hoc asserant ex eo quod putent quod in Verbo (sicut neque in Patre & Spiritu sancto) non reperiatur aliqua specialis substantia relatiua distincta à substantia absoluta diuinæ essentia; quæ communis est. hinc est quod non poterit præsens Quæstio resolui contra tales Auctores, nisi prius supponatur ex his quæ dicuntur in materia de Trinitate resolutio talis quæstionis, quia si in Verbo non est substantia specialis distincta à substantia communi, non poterit specialiter dare effectum subsistendi naturæ humanæ Christi.

2. Vnde pro decisione Quæstionis Nota primum cum Scoto in 1. d. 7. quæst. 1. & expressius in 3. d. 1. quæst. 2. *ad quæstionem*, dari in diuinis substantiam absolutam (quidquid in contrarium velint Vasquez 1. p. disput. 125. & Lorca in materia de Trinitate manuscripta disput. 4. quæst. 4. & 3. parte disput. 24.) quæ substantia non est existentia essentia diuinæ, vt interpretatur Lorca, sed est vera substantia vnioca, & eiusdem proflus rationis cum substantia relatiua personæ, in hoc quod est dare vltimum actualitatem & independentiam ab alio tamquam à sustentante, duo enim conceptus in persona vel supposito reperiuntur; primus, quod personalitas sit vltimus actus constituens personam omnino independentem ab alio tamquam à sustentante; secundus, quod etiam constituat illam incommunicabilem vt quo,

Cassillo de Incarn. Pars I.

& vt quod, hoc est, quod non possit alteri communicari, vel vt forma communicatur materiæ, vel vt genus communicatur speciei per prædicationem. In primo conceptu conueniunt substantia communis & persona: vnde ratione illius essentia diuina taliter est in vltimo actu constituta independentens à personis tamquam à sustentantibus, quod si tres diuinæ non existent per impossibile, adhuc essentia diuina per se existeret, neque indigeret sustentante; quare personæ diuinæ non oriuntur ab illa vt præstent illi talem substantiam, sed solum oriuntur propter ipsius fecunditatem. In secundo autem conceptu differunt, quia etiam si essentia diuina subsistat tali substantia, adhuc manet communicabilis vt quo, & vt quod; secus autem personæ.

Nota secundò contra Durandum in 3. 1. d. 26. quæst. 1. num. 6. & in 3. d. 1. quæst. 2. Paludanum ibidem Capreolum quæst. 1. art. 3. Egidium Argent. & alios relatos à Vasque vbi suprâ, præter talem substantiam absolutam dari in Deo tres substantias relatiuas. Ita colligo ex Scoto in 1. d. 8. quæst. 3. in responsione cuiusdam dubij, vbi ait, quod Pater est subsistens generatione actiua, id est per relationem paternitatis, & in tertio citato supponit personas habere suas speciales substantias (vnde falsò imputatur Scoto opinio contraria) per quas substantias relatiuas non subsistit essentia diuina, sed subsistunt ipsæ personæ, neque enim istæ possunt subsistere adhuc secundum primum conceptum per substantiam communem, quia nihil potest subsistere per aliquid antecedens suum esse, cum substantia sit vltimus actus, & terminus talis esse; substantia autem communis nostro modo concipiendi antecedit constitutionem personarum, quæ per relationes constituuntur formaliter, in quibus plures formalitates reperies, vt in relatione Filij præter formalitatem filiationis, quod sit Verbum, quod sit imago Patris, quod sit talis persona, & sub hac comprehenditur primus & secundus conceptus suprâ positus, scilicet quod sit independentens ab alio tamquam à sustentante, & quod sit incommunicabilis vt quo, & vt quod, tam

tam actualiter, quàm aptitudinaliter; quare non sufficit quòd persona diuina & essentia in tali conceptu vniocentur vt auferatur à Deo, vel subsistentia communis, vel relatiua, vt intendit Lorca loco citato.

4. Quibus suppositis prima sententia in hac Quæstione est Durandi in 3. d. 5. quæst. 1. asserentis naturam humanam terminari à Verbo in ratione subsistentis per subsistentiam absolutam diuinæ essentia, & terminari à Verbo in ratione huius suppositi seu personæ per relatiuam proprietatem, scilicet per filiationem. Probat suam sententiam, quia persona diuina habet subsistentiam non à se, sed ab essentia diuina; & habet proprietatem personalem non ab essentia diuina, sed à se; ergo natura humana, quæ recipit subsistentiam & proprietatem relatiuam, à Verbo habebit subsistentiam ab ipsa essentia diuina, & proprietatem personalem, non ab essentia diuina, sed à Verbo. Et si dicas sequi naturam humanam vnitam fuisse tribus diuinis personis, si fuit vnita essentia, quæ communis est tribus. Respondent negando sequelam, quia magis intimè vnitur persona diuina cum essentia diuina, quàm natura humana cum persona diuina, & ex illa vniōne non sequitur quòd persona diuina, quæ vnitur essentia, vnitur etiam personaliter cum alia persona diuina, cum qua similiter est vnita essentia, & sic multò minùs sequetur quòd natura humana, quæ est vnita essentia diuinæ & personæ Verbi, vnitur etiam personaliter cum aliis personis.

5. Parum differt ab opinione Durandi Capreolus in 3. d. 1. q. vnicà, art. 1. conclusione 4. & art. 3. ad argumentum Durandi: differt autem in eo quòd ponit naturam humanam priùs terminari à proprietate relatiua Verbi, vt constituitur in esse personæ; & postea à subsistentia communi diuinæ essentia, seu ab existentia diuinæ essentia, vt constituitur in esse existentis, nam Capreolus cum multis Thomistis putat quòd priùs est vt compleatur suppositum, quàm quòd existat, quia existere, inquit, est entis completi: vnde si primò natura humana terminatur ad Verbum, nil obstat quòd secundariò terminetur ad aliquod essentiale.

Franciscus de Victoria & Dominicus de Soto referuntur dixisse rationem in Verbo terminandi naturam humanam non fuisse communem subsistentiam secundum se, neque proprietatiuam relatiuam tantum, sed subsistentiam communem prout modificatam proprietate relatiua, sicut diximus essentiam diuinam esse principium generandi Filium, non secundum se aliàs omnes personæ generarent, sed prout modificatam & determinatam proprietate relatiua Patris. Ex quo videtur fugere instantiam contra Durandi opinionem suprà positam.

Tandem Gabiell in 3. quæst. notab. 1. cum Ochamo, quem pro se allegat, quamuis in principio affirmet vniōnem non esse factam in natura diuina, nec ratione alicuius essentialis concludit ita factam esse in persona, vt non sit facta in proprietate personali præcisè, sed in tota persona, quæ ex natura & proprietate personali consistit, ita vt vtrumque simul, & ex æquo naturam humanam terminet: quorum fundamentum etiam est, quia natura diuina & eius personalitas non distinguantur adhuc ratione.

Vera ergo sententia docet personam terminasse naturam humanam, non ratione alicuius absoluti essentia diuinæ, sed solum ratione proprietatis relatiuæ personæ. Ita tenent omnes alij Scholastici. Scotus in 3. d. q. 5. §. in ista quæstione, & in solutione ad 2. & d. 5. q. 1. & quodlibet 19. §. de primo creditum est, quem sequuntur omnes eius discipuli; tenent insuper D. Bonaventura d. 1. art. 1. quæst. 2. & d. 5. art. 1. quæst. 1. Alensis 3. p. quæst. 4. memb. 1. D. Thomas ibidem quæst. 3. art. 2. & omnes Thomistæ, & Recentiores, qui contrariam sententiam tamquam suspectam erroris damnant.

Et probatur Primò ex Concilio Toletano 6. & 11. in confessione fidei, in quibus habentur hæc verba: *Solus Filius suscepit humanitatem in singularitatem personæ, non in vnitatem diuinæ naturæ, id est, in eo quod proprium est Filio, non in eo quod commune est Trinitati*; vbi notari debet hæc vltima particula exclusiua, *Non in eo quod commune est Trinitati*; idem explicuit Concilium 6. generale actione 8. vbi refert & approbat illam sententiam

Dionysij

Dionisij secundo capite de diuinis nominibus parte 2. post medium, vbi sic ait: *Illis* (scilicet quæ ad Incarnationem pertinent) *nulla ratione communicant Pater & Spiritus sanctus, nisi tantum benignissimam voluntatem*; Nota. *ly* *nulla ratione*, & *ly* *nisi benignissimam voluntatem*.

carnata; quia natura diuina est in natura humana ratione alicuius essentialis terminans illam.

Neque Capreolus effugit inconnec- 13:
tione contra Durandum propositum ex eo quod ponat naturam humanam prius terminari à proprietate relatiua Verbi, & postea à subsistentia communi essentia; quia ratione huius subsistentia communis omnes tres diuinae personae terminarent, quid enim refert quod hoc sit prius vel posterius? imò & sequeretur quod etiam terminarent naturam humanam prout personatam personalitate seu proprietate relatiua Verbi, quod est falsum, cum personalitas diuina non sit potens iterum subsistere; manifestè autem decipitur Capreolus cum aliis Thomistis, putans quod natura humana sit prius persona quàm existens, & putans quod existat existentia aliena, vt disputatione 10. ostendam.

Euasio similiter Victoris & Domini- 14:
nici de Soto nulla est. Primò, quia subsistentia communis non potest modificari à proprietate relatiua, quantum ad præstandum suum effectum subsistenti. Neque exemplum adductum ab ipsis est simile, quia si essentia diuina modificatur à proprietate relatiua vt sit principium generandi, hoc fit propter adæquationem principii cū suo principio, quodlibet enim principium absolute producit suum terminum adæquatum & totalem, & sic non potest alium producere; at verò subsistentia communis non fit modificatur à proprietate relatiua cum possit, etiam in Aduersariorum sententia, alias naturas creatas terminare. Secundò, essentia modificatur à relatione vt sit principium generandi, tamquam à conditione sine qua non, vel tamquam à ratione formali principij quod, quod est persona; at verò relatio non potest esse conditio modificans, sed ratio formalis terminans naturam humanam: vnde habet se vt principium formale quo, quia Concilia hoc significant.

Gabriel autem & Ocham non vitant 15:
inconueniens propositum, quia quod tota persona ex æquo terminet naturam humanam, non tollit quominus ratione naturæ diuinæ assumant & terminantis, reliquæ personæ assumant, &

10. Secundò probatur ratione Anselmi lib. de Incarnatione cap. 4. à quo desumpsit Scotus d. 1. q. 5. & D. Thomas 3. p. q. 3. art. 2. ad 1. & 2. quia si Verbum terminaret naturam humanam ratione alicuius absoluti communis, Incarnatio esset communis, & omnes tres personæ diuinæ essent incarnatae, nam quidquid naturæ & præcisè ratione naturæ competit, non potest non esse illis commune: hac enim ratione dicimus quod omnes tres diuinæ personæ creant, gubernant, &c. quia hoc competit illis præcisè ratione alicuius communis essentia diuinæ; ergo si ratione subsistentia communis essentia diuina terminaret naturam humanam, omnes tres personæ terminarent.

11. Ex quibus fit satis communi fundamento Aduersariorum, dicimus enim personam Verbi à se habere subsistentiam propriam, & specialem distinctam à subsistentia communi essentia diuinæ: vnde non solum subsistit, quia Deus, sed etiam quia Filius, aliàs vel dependeret in ratione talis, vel prius conciperetur independens, seu subsistens, quàm conciperetur habens esse Filij, quod implicat, quia de ratione subsistentia præcipue personalis est quod sit vltimus actus, & sic ratione illius posse terminare dependentiam naturæ humanæ ad subsistendum, taliter quod reliquæ personæ non terminent, si enim terminaret ratione subsistentia communis, reliquæ etiam personæ fuissent incarnatae.

12. Vnde non obstat sophistica solutio Durandi, quia ratio, pro nostra sententia adducta, non probat, quod vbi est natura, quæ identificatur cum persona, sit quælibet alia persona; sed solum probat, quod vbi est natura diuina reperiuntur omnia, quæ sunt, & prædicantur de tali natura; & consequenter si natura diuina fuisset incarnata, omnes tres diuinæ personæ, quæ sunt in tali natura, fuissent & dicerentur in-

vt minimum saltem concedendum est, omnes personas aliquo modo fuisse incarnatas, & habuisse specialem modum vniōis cum natura humana, à qua aliquo modo denominari possint, quod sana doctrina non admittit. Insuper fundamentum est falsum, quia omnes Scholastici in materia de Trinitate saltem distinctionem rationis admittunt inter naturam diuinam, & eius personalitates, & cuilibet proprios & diuersos effectus attribuunt: vnde natura non potest dare esse personam, quia hoc est proprium personalitati diuinæ.

16. Sed contra nostram sententiam obii-
cies primò: Ratio terminandi naturam humanam est sola proprietas personalis; ergo cum hæc sit relatio filiationis, sequitur quòd denominet ipsam filiam & relatum ad Patrem. Respondco negando sequelam: Primò, quia licet proprietas personalis terminet naturam humanam, non tamen denominat illam, quia non est forma inherens in illa, cum non sit accidens, sed substantia per se subsistens, sed solum denominat compositum quod fit ex illa, & ex natura humana: vnde hic homo Christus verè dicitur Filius Dei naturalis. Secundò & subtilius respondeo, quòd in proprietate personali Verbi, seu in relatione filiationis sunt, prout ad præsens attingit, tantum duo conceptus considerandi, qui inter se formaliter ex natura rei, vel modaliter distinguuntur, vnus quòd sit filiatio, alius quòd sit forma vltimatè personam diuinam terminans, illamque constituens in esse talis personæ incommunicabilis, & secundum hunc vltimum conceptum filiatio terminat naturam humanam, denominatque illam subsistentem, quia conceptus neque est absolutus, nec relatiuus formaliter, materialiter autem est relatiuus. Vnde obiter Nota, quòd secundum rigorem metaphysicum, hic homo Christus, qui propter primum conceptum dicitur Filius Dei naturalis, licet concomitanter propter hunc secundum, & propter gratiam habitualement existentem in anima rationali, potest similiter dici in concreto Filius Dei adoptiuus, licet enim filiatio vt forma physica terminet naturam humanam, non tamen secundum omnia sua prædicata metaphysica, & vt filiatio for-

maliter est, sicut neque terminat secundum quod Verbum, vel secundum quod imago est, vt latius dicemus disputatione 17. q. 1. sed vt subsistentia est.

Obii-
cies secundò: Natura humana constituitur persona per proprietatem personalem; ergo hic homo Christus non est vniuocè homo cum aliis hominibus; paret consequentia, quia homo non solum includit humanitatem, sed etiam supposititalitatem, quæ erit diuersa in Christo. Respondeo etiam supposititalitas est primò diuersa in omnibus hominibus, & nihilominus vniuocè conueniunt in ratione hominis; & ratio huius est, quia hæc vniuoca conuenientia sumitur ab humanitate, quam propter se significato dicit hoc concretum, *homo*, non à personalitate quam solum dicit pro connotato.

Sed inquires primò: Pro complemento Quæstionis supposito quod sola proprietas relatiua, seu personalitas Filij terminauit naturam humanam, an reliquæ personæ dici possent esse in humanitate Christi aliquo speciali modo distincto ab aliquo communi? v.g. ab eo quo per essentiam, præsentiam & potentiam est in omnibus rebus, & ab eo quo per gratiam est in omnibus iustis, & ab eo quo communiter est in aliquibus rebus?

Affirmat Suarez disputatione 12. sect. 1. Vasquez disp. 28. cap. 2. Probat ex Basilio epist. 93. vbi ait, quòd sicut, qui in catena vnus annuli summitatem apprehendit, totam apprehendit propter concatenationem & vniōem, ita qui apprehendit Filium, apprehendit & Patrem & Spiritum sanctum; ergo natura humana, quæ vnita est Filio, aliquo speciali modo est vnita Patri & Spiritui sancto.

Probat ratione, quia si per impossibile Trinitas non esset in creaturis per essentiam, præsentiam & potentiam, & persona Filij terminaret naturam humanam, reliquæ personæ essent in illa per concomitantiam; ergo aliquo speciali modo. Et confirmatur exemplo, quia diuinitas est in Sacramento Eucharistiæ per cōcomitantiam, quam habet cum corpore & sanguine Christi, vt definit Tridentinum sessione 13. cap. 3. ergo similiter duæ personæ sunt per concomitantiam in natura humana propter

propter identitatem in natura diuina cum persona Verbi terminante.

21. Negant & melius Hugo Cardinalis in Speculo Ecclesie, Rada tom. 3. controncl. 1. art. 6. Fundamentum est, quia Verbum existit in humanitate vt suppositum in natura, sed hoc non facit per aliquod commune cum aliis personis, sed per aliquid sibi proprium; ergo ex speciali vnione Verbi cum humanitate non licet inferre specialem vnionem aliquam reliquarum personarum cum humanitate; patet consequentia, quia hæc specialis vnio deberet oriri ex vnione Verbi cum humanitate per modum suppositi, at reliquæ personæ nullo modo per modum suppositi vnuntur cum natura humana Christi. Confirmatur primò, & declaratur, quia licet non vniretur persona Verbi per modum suppositi, sed alio modo, v. g. per modum existētis, vt volebant Capreo- lus & alij Thomistæ, eodem modo reliquæ personæ vnirentur per concomitantiam; ergo ex vi vnionis per modum suppositi non vnirentur modo speciali. Confirmatur secundò, quia diuinitas & personæ diuinæ etiam sunt in speciebus panis & vini per concomitantiam cum corpore & sanguine Christi in Sacramento Eucharistiæ; ergo iste modus non est specialis, & tantummodò secutus ex vnione hypostatica naturæ humanæ cum Verbo.

22. Per hæc patet ad verba Basilij, loquuntur enim de modo essendi per concomitantiam, qui licet debeat reputari vt distinctus ab aliis modis, non tamen vt specialis, quia vt sic solum posset sequi ex speciali vnione Verbi cum natura humana per modum suppositi, & hoc est falsum. Idipsum dicimus ad primam & secundam confirmationem, illas enim concedimus, sed non probant intentum, scilicet quòd ex speciali vnione hypostatica Verbi sequatur specialis vnio reliquarum personarum cum humanitate, quia vt sic deberent se habere respectu illius, aliquo modo vt supposita terminantia. Quam doctrinam optimè desumit Rada ex Scotò in 3. d. 2. q. 2. litt. A, vbi contra Henricum colligit Scotus, quòd si ex vi vnionis hypostaticæ Verbum esset præsens animæ Christi in ratione obiecti immutantis eam (sic enim doce-

bat Henricus) non posset còcludi, quòd tota Trinitas illam immutaret, sed solum Verbum. Et ratio eius est, quia ex vi talis vnionis non est ibi, id est, in Christo aliquo speciali modo tota Trinitas, quæ posset immutare; idipsum dico in præfenti.

Inquires secundo, dato quòd de facto subsistentia còmunis, qua subsistit indiuiduum Trinitatis, non faciat subsistere naturam humanam, an de potentia Dei hoc posset præstare? Negant Alexander 3. p. q. 7. memb. 1. art. 2. & 3. D. Bonauentura in 3. d. 1. art. 1. quest. 3. Valquez disp. 27. cap. 2. Lorca disp. 24. num. 16.

Probant primò, quia non datur in indiuiduo Deitatis talis subsistentia communis, nam vel præstat eundem effectum, quem præstat subsistentia relatiua, & sic iam daretur superfluitas in Deo, vel non præstat eundem effectum; sed subsistentia communis dat existere perse, & proprietates relatiua dat incommunicabilitatem, & tunc sequeretur quòd etiam de facto humanitas Christi esset subsistens subsistentiâ communi, quia ad subsistendum fuit assumpta. Secundò, quia si talis subsistentia communis datur, pertinet ad integritatem naturæ diuinæ; ergo non potest terminare aliam naturam. Tertiò, quia aliàs daretur à parte rei hic homo subsistens, qui non esset persona. Quartò, quia talis subsistentia non posset impedire propriam personalitatem, & sic illa natura humana esset subsistens in se per propriam personalitatem, & subsistens in alio per subsistentiam còmunem diuinam. Quintò, quia aliàs daretur in humanitate subsistentia aliqua ad quam non dicit capacitem, quia hæc solum est in natura ad subsistentiam personalem, quæ illam reddit incommunicabilem. Sextò, quia hæc vnio neque esset in natura, aliàs affumeretur humanitas ad vnitatem naturæ diuinæ, neque esset vnio in persona vt patet, sed daretur alia tertia contra ea, quæ docent Concilia, & Patres contra Nestorium alignantem solum has duas vniones, & exiâ deducentes, quòd si vnio humanitatis Christi non fuit in natura, quòd debuit esse in persona.

Affirmant verò & melius Scotus

in 3. d. 1. q. 2. §. *ad quæst.* Ouidius ibidem art. 2. Faber disp. 4. cap. ultimo, Rada controuerf. 2. art. 3. & omnes Scotistæ. Ex aliis Durandus in 3. d. 1. q. 2. Caiet 3. p. q. 3. art. 3. Suarez disp. 13. sect. 1. & alij plures. Et probatur ratione à priori, quia in personalitate sunt duo cōceptus, vt diximus in principio quæstionis; primus est dare independen-
tiam ab aliquo tamquam à sustentante; secundus reddere incommunicabilitatem vt quo, & vt quod; ergo cū subsistentia communis, quā indiuiduum Deitatis subsistit, possit præstare primum conceptum, poterit natura humana, in qua est inclinatio ad vtrumque, recipere illud de potentia Dei. Neque obstat Capreolus in 3. dist. 1. q. 1. vbi admittit hanc subsistentiam communem, requirit tamen, vt præstet suum effectum, quod modificetur per proprietatem relatiuam, quia hoc supra ostendimus esse falsum.

26. Ad argumenta in cōtrarium respondetur. Ad primum nego non dari talem subsistentiam communem, de qua latè agitur in materia de Trinitate. Ad probationem dico, quod licet subsistentia communis, & subsistentia relatiua conueniant vniuocè in ratione subsistentiæ, & præstent eundem effectum, non tamen eidem subiecto formaliter, quia subsistentia communis facit subsistere indiuiduum Deitatis, & subsistentia relatiua facit subsistere personam, quæ ex indiuiduo Deitatis, & relatione personali coalescit, & sic non datur superfluitas in Deo.

27. Ad secundum respondeo, quod licet subsistentia communis pertineat ad integritatem naturæ diuinæ, potest nihilominus terminare naturam creatam, quia habet prædicatum subsistentiæ ad quam natura creata dicit capacitatem, sicut propter hanc rationem persona diuina potest illam terminare, licet persona pertineat ad fecunditatem diuinæ naturæ.

28. Ad tertium dico nullum esse inconueniens dari naturam humanam à parte rei non immediatè personatam, sed solum subsistentiā comuni subsistentem, quæ natura mediatè esset tribus personis diuinis personata, sicut esset Deus propter identitatem realem subsistentiæ communis cum proprietati-

bus personalibus, & cum natura diuina.

Ad quartum respondent aliqui propriam personalitatem impediri per subsistentiam communem, licet hæc non adæquet effectum illius, sicut si in triangulari vacuo mittatur corpus rotundum, licet non adæquatè repleat illum locum, impedit tamen corpus triangulare, quod posset adæquatè repleri, sic similiter, inquit, talis natura subsistens in alio non posset habere subsistentiam propriam. Sed exemplum non est simile, quia prædicta corpora habent impossibilitatem propter impenetrationem naturalem: sed si de potentia Dei penetraretur vtraque, posset esse simul in vacuo triangulari. Vnde aliter respondeo concedendo quod non impediretur per subsistentiam communem subsistentia personalis propria vel aliena, quæ subsistentia personalis non daret effectum subsistendi, sed solum incommunicabilitatem personalem, quia illam non reperiret datam à subsistentia communi præexistente, nullum autem inconueniens est, quod vna natura sit in alio subsistens, & in se, vel in alio incommunicabilis, quia cū habeat hæc per diuersas formalitates, & rationes inadæquatas, & inter se non contrarias, nulla esset repugnantia; fortè autem esset, si in se & in alio esset subsistens, vel in se & in alio incommunicabilis, & licet de facto non dentur plures formæ in eodem subiecto, quæ conueniant in aliquo adhuc partiali effectū specifico (vt cōueniunt subsistentia communis & personalis) quia vna secundum talem effectum erit superflua, tamen de potentia Dei hoc non repugnat, sicut si darentur in homine anima sensitiua materialis, & anima rationalis, hæc non præstaret effectum illius, licet si illa non existeret, præstaret illum, sicut modò præstat, quod non repugnat de potentia Dei.

Ad quintum respondeo, quod in humanitate, & est capacitas ad subsistendum, & ad subsistendum incommunicabiliter, vtraque enim includitur in capacitate ad subsistendum personaliter.

Ad sextum respondet Scotus in 3. d. 1. q. 2. §. *sed contra* 2. quod hæc vniō non esset in natura per identitatem vel compositionem, sed esset vniō quasi personalis, quia esset similis vniōi, quæ de

de facto est naturæ humanæ: ad personam Verbi: vnde ex tali vniōe non sequeretur vnitas naturæ humanæ & diuinæ, sed vnitas vniōis vtriusque naturæ, & sic nihil dicimus contra Concilia & Patres, cum eodem modo sequatur cōtra Nestorium inconueniens ab ipsis illatum, quia si vnio Christi non fuit in natura diuina per identitatem vel compositionem; ergo debuit esse in persona, siue persona solū sit conditio talis terminationis, & subsistentia communis ratio formalis terminandi, vt voluit Durandus, & alij cum eo, vt suprà vidimus, siue persona tribuat totum effectum, vt nos diximus.

. QVÆSTIO II.

Verū plures diuina personæ possint simul & immediatè assumere eandem numero naturam?

1. **N**Otanda sunt verba propositæ Quæstionis, vt sciamus punctum controuersie illius. Nam quærimus in illa, an plures personæ possint simul terminare eandem numero naturam? quia quoddā possint successiue omnes fatentur, eadem enim ratio terminandi est in Patre, & in Spiritu sancto, ac in Filio, & sic sicut solus Filius terminauit naturam humanam Christi, ita solus Pater, & solus Spiritus sanctus, posset terminare. Solum esset differentia quoddā Pater in tali casu non diceretur missus, sicut dicitur Filius, & diceretur Spiritus sanctus, quia ad hoc requiritur etiam quoddā sit procedens ab alio, vt dicitur in materia de Trinitate. Similiter quærimus an possint plures personæ immediatè terminare, quia si possent mediatè, seu mediā subsistentiā diuinā, diximus quæstione antecedenti; itaque controuersia consistit in simultanea & immediata terminatione.

2. Circa quam prima sententia affirmat nullam esse repugnantiam, quoddā plures personæ diuinæ possint simul & immediatè assumere eandem numero naturam. ita D. Thomas 3. p. q. 1. art. 6. Caietanus, & omnes eius expositores ibidem. Valencia q. 3. puncto 3. Suarez disp. 14. sect. 1. Valquez disp. 26. cap. 2. Lorca disp. 25. qui citant Alexandrum 3. p. q. 2. memb. 4. Henricum quolibet 8.

q. 7. Ocham in 3. d. 1. Gabrielcm, Almainum, & Capreolum ibidem. Et probant Primò, quia in hoc nulla apparet repugnantia; ergo fieri potest à Deo. Antecedens primò probatur ex solutione argumentorum; secundò quia repugnantia non stat ex parte naturæ assumptibilis, quia hæc dicit potentiam obedientialem ad hanc personam, sicut ad illam; neque stat ex parte personarum, quia sicut istæ non se excludunt à consortio, quod habent in natura diuina, ita neque se excludunt à consortio naturæ humanæ.

Secundò probatur à Lorca num. 11. 3: quia licet tres diuinæ personæ personaliter differant, tamen omnes sunt eiusdem perfectionis & virtutis vt possint terminare; ergo omnes simul equaliter possunt terminare eandem numero naturam, patet consequentia, quia quando termini habent eandem rationem terminandi, non censentur quasi plures termini, sed quasi vnus terminus, sicut si Pater haberet plures filios (qui sunt termini eiusdem rationis ad terminandum relationem paternitatis) omnes filij sunt vnus terminus vnus paternitatis, quia habent vnā rationem terminandis; ergo cum tres diuinæ personæ habeant eandem rationem terminandi naturam humanam, poterunt vnā vniōem (non plures, vt notat ipse Lorca cōtra Caietanum & alios Recentiores) talis naturæ terminare per modū vniōis termini, ita vt quælibet persona totaliter terminet. Et confirmatur, quia sæpè sæpius plura agentia naturalia totalis, & eiusdem rationis, v. g. duo ignes possunt indiuisibiliter attingere productionem vnus effectus, quia non est maior ratio, quare magis huic agenti, quàm illi tribuatur; ergo similiter plures personæ poterunt eundem numero effectum seu terminationem indiuisibiliter attingere.

Tertiò probatur, quia idem corpus 4: potest suscipere duo vbi, & idem locus potest suscipere duo corpora; ergo & eadem natura poterit habere plures personas. Et confirmatur, quia Augustinus in epist. 3. ad Volusianum loquens de mysterio Incarnationis ait, quoddā *tota ratio facti est omnipotentia facientis*; ergo cum nihil sit Dei omnipotentie impossibile, nullā ratione poterit negari

gari prædicta sententia, quæ fundatur in omnipotentia Dei.

5. Secunda & verior sententia negat posse eandem numero naturam terminari simul & immediatè à pluribus personis diuinis. ita Scotus in 3. d. 1. quæstione 2. docuerat Ricardus art. 1. quæstione 4. significasse videtur D. Bonauentura art. 1. quæstione 3. Alexander Alensis 3. p. quæst. 2. memb. 4. vt latè tradit Pytig. qui hanc tuctur sententiam d. 1. q. 2. art. 1. inclinât in illam Paludanus quæstione 3. probabilem reputat Lorca vbi suprà à num. 10. Scotum sequuntur omnes eius discipuli, Liguetus & Tartaretus in prædicta d. 1. Aquila & Orbeus quæstione 3. Rada controuerf. 1. art. 4. Faber disp. 4. cap. 2. Ouandus d. 2. q. 2. art. 2. dub. 2. traditque expresse Anselmus lib. de Incarnatione cap. 4. vbi ait: *Filio incarnato non est necesse alias quoque personas incarnari, sed impossibile;* & lib. 2. Cur Deus homo, sic dicit, *Plures persona nequeunt vnum, eundemq; hominem assumere in vnitæte persona.*

6. Neque obstat solutio S. Thomæ suprà quæstione 3. art. 6. scilicet quòd Anselmus dicat non posse vnum suppositum creatum assumi à pluribus personis diuinis, quia vt sic est inassumptibile, non tamen hoc dici de natura non suppositata. Nam contrà est, quòd suppositum creatum etiam est inassumptibile ab vnica tantum persona diuina, & nihilominus concedit vnā personam diuinam posse hominem assumere; ergo loquitur de homine seu natura humana nondum suppositata.

7. Probat Anselmus hanc sententiam duplici inconuenienti: Primò, quia ex opposita sequeretur confusio personarum, nam Pater esset Filius, & Filius Pater, & vterq; Spiritus S. & è contrà; sed hoc inconueniens nullum est, quòd plures personæ assumerent eandem naturam humanam, non est quòd illam assumant ad vnitatem personæ; sicut ex eo quòd natura diuina sit à pluribus terminata personis, non sequitur ibi esse personarum confusionem. Secùdò, quia sequeretur ibi esse communicationem idiomatum, & sic sicut Christus dicitur Filius Dei vnigenitus, ita Pater posset dici Filius Dei vnigenitus, &c. sed similiter hoc inconueniens non

sequeretur in prædicta sententia Thomistarum, nam communicatio idiomatum requirit quòd suppositum de quo prædicantur sit commune, & non sufficit communicatio formæ à qua sumitur denominatio, quare non sufficeret quòd humana natura assumpta à tribus esset communis, sed esset necesse quòd suppositum esset commune, quod non reperitur.

Vrgentiùs probatur prædicta sententia à Scoto. Et primò, quia in omni dependentia essentiali, illud quod dependet, non potest dependere, nisi ab vno, quòd totaliter & adæquatè terminet eius dependentiam; aliàs si à pluribus totaliter & adæquatè terminaretur, essent causæ totales, & non essent causæ totales; essent totales, quia hoc supponitur tam à nobis, quàm ab Adversariis; non essent totales, quia cum de conceptu intrinseco causæ totalis vt totalis sit, quòd totum effectum & totaliter producat, eo ipso quòd alia causa simul cum ipsa illum produceret, sequeretur quòd vel partialiter cum ipsa produceret, & sic non esset totalis; vel totaliter produceret, & sic alia causa neque partialiter neque totaliter produceret, sed quælibet persona ex diuinis est causa totalis terminandi in ratione personæ naturam humanam, vt per se patet; ergo eadem numero natura humana terminata ab vna persona diuina non potest simul & immediatè à pluribus terminari.

In idem redit argumentum commune, scilicet quòd eadem natura dependeret, & non dependeret; dependeret, quia terminaretur ab aliqua persona; non dependeret, quia si prædicta aliqua persona auferretur, maneret natura eodem modo terminata: ex quo apparet, quòd non dependebat ab illa persona quæ fuit ablata, siquidem natura eodem modo manet & perseuerat terminata. Confirmatur, quia duæ causæ efficientes totales, & eiusdem ordinis, non possunt producere eundem numero effectum; ergo neque duæ causæ formales etiam extrinsecæ, quales essent prædictæ personæ respectu terminationis illius naturæ humanæ; patet consequentia, quia causa formalis etiam extrinseca minus extrinseca, quàm causa efficiens.

10. Prædictum argumentum Scoti varie illudere contendunt Aduersarij, Ocham, Gabriel, Valencia & Suarez negant maiorem, ex eo quòd si duo luminosa æqualia eidem spatio æqualiter applicarentur, licet quodlibet esset causa totalis, nihilominus eundem numero effectum producerent, quia non est maior ratio, quare istud producat, & non illud: vnde quòd naturaliter non producant simul, fit ex eo quod naturaliter nequeunt æquè indiuisibiliter & immediatè applicari.

11. Sed contra hoc, quia hoc esse falsum manifestè confirmat probatio illius Maioris, scilicet quòd quælibet illarum causarum esset causa totalis, & non esset causa totalis; esset totalis, quia supponitur; non esset totalis, quia de conceptu totalis est, quòd totum effectum & totaliter producat; si autem alia causa comproduceret, non totaliter produceret. Vnde ratio Aduersariorum solum probat, quòd vtrumque luminosum produceret lumen, sed vel intensius, quàm vnum solum luminosum produceret; vel si determinatum gradum deberet producere, agerent partialiter, & eorum virtus non ageret secundum vltimum de potentia, quia limitaretur non ab alia concausa, sed ab effectu, qui, vt supponimus, deberet habere gradum determinatum, numquam autem possent agere vt causæ totales.

12. Alij respondent Maior in 3. d. 5. quæstione 3. Bassolis quæstione 4. articulo 1. Vasquez 3. parte disput. 29. cap. 4. num. 27. concedunt enim illam Maiorem intellectam de dependentia essentiali, quam habet effectus à sua causa; negant autem de dependentia personali, quam habet natura à persona. Sed contrà, quia neque Scotus hanc vltimam dependentiam appellauit essentialem, sed ab exemplo dependentiæ essentialis sumit argumentum ad dependentiam naturæ à persona, & efficacia illius sic ostenditur, quia sicut in dependentia essentiali effectus, qui dependet, non potest dependere à duplici causa totali, & eiusdem ordinis, quia vna præstat totum & totaliter effectum, aliàs solum præstaret partiali-

ter; ergo alia non potest attingere illam productionem, quia non habet quod producat: vnde ablata illà adhuc effectus esset, & permanceret; ita in dependentia naturæ à persona, effectus, qui est naturam fuisse constitutam personam, non potest dependere à duplici persona, quia vna præstat totum & totaliter effectum hunc, & sic alia non potest attingere talem effectum, aliàs esset, & non esset causa totalis.

13. Alio modo respondet Lorca, asserit enim quòd si tres diuinae personæ eandem numero assumerent naturam, hoc non fieret per tres viationes, quamlibet ad quamlibet personam terminatam, sed per vnicam tantum, quæ ad omnes illas personas terminaretur: vnde si postea ad duas tantum terminaretur, deberet corrumpi illa vnio præexistens ad tres terminata, & alia diuersa in specie produci solum terminata ad duas personas. Insuper negat eundem numero effectum produci, vel causari à tribus, ac à duabus, vel ab vna persona, quia per illam vnionem ad tres terminatam constitueretur natura in esse Patris, & Filij, & Spiritus sancti; per alias verò solum in esse Patris & Filij, vel in esse tantum Patris, quod etiam dicitur à Vasquez vbi suprà.

14. Sed contrà primò, quia diuersa vnio terminatur à tribus, ac à duabus, vel ab vna persona; ergo non terminant vt diuersæ causæ totales eiusdem speciei, sed vt diuersæ speciei; & consequenter non se habent vt causæ totales, sed vt causæ partiales necessariò & per se requisitæ ad talem terminationem. Secundò, quia, vt diximus quæstione primà huius disputationis in forma physica filiationis, sunt duæ formalitates considerandæ, vna, quæ Verbum constituitur Filius, alia quæ constituitur incommunicabiliter subsistens: per primam differt filio à paternitate, & spiratione passiuà: in secunda autem vniuocè conueniunt, & per hanc constituit naturam humanam incommunicabiliter subsistentem, non per primam, quia capacitas naturæ humanæ solum est ad secundam, scilicet ad subsistere, non ad esse Patrem, vel Filium, &c.

quia hoc illi aduenit materialiter pro quanto redditur subsistens à forma, quæ sit filiatio, vel redderetur à forma, quæ esset paternitas; ergo effectus totalis proueniens à filiatione secundum hanc reddendam formalitatem non posset prouenire à paternitate, & à spiratione passiuâ secundum eandem formalitatem; patet consequentia, quia secundum has formalitates prædictæ formæ vniocantur, & quælibet formalitas ex illis est causa totalis ad præstandum naturæ humanæ hoc quod est subsistere incommunicabiliter, neque relinqueret in illa aliquam indigentiam vt posset per aliam formalitatem alterius formæ reddi subsistens incommunicabiliter.

15. Veniamus ergo ad Caietani solutionem, quæ communior est inter Thomistas: distinguit enim illam minorem, scilicet quælibet persona ex diuinis est causa totalis terminandi naturam humanam, & dicit intensiue concedo, extensiue nego, hoc est (vt benè exponit Vasquez, qui etiam vititur hac distinctione) sufficienter redditur natura humana subsistens per vnâ personam, concedo; taliter autem redditur subsistens per vnâ personam, quod inuoluat aliquod repugnans, quare non possit simul reddi subsistens per aliam personam, nego. Sed vt benè vidit Lorca numero 12. hæc solutio potius continet verba excogitata ad fugiendum argumentum, quam veritatem: non enim potest reddi ratio, quare latius pateat terminabilitas naturæ quoad extensionem, quam quoad intensionem; neque quare natura creata habeat extensionem vt terminetur à pluribus personis diuinis, & non habeat illam vt terminetur ab vna persona diuina, & ab alia creata.

16. Quare contra ipsum sic arguuntor: Natura humana sufficienter & adæquatè redditur subsistens per vnâ personam diuinam; ergo repugnat quòd simul reddatur subsistens per aliam personam; ergo vna subsistentia totalis vnus personæ secum adducit repugnantiam ad aliam, & cōsequenter non solum erit causa totalis terminandi intensiue, sed etiam extensiue, iuxta explicationem traditam à Vasquez: primam consequentiam (in qua est tota

difficultas) probo, quia si natura humana sufficienter & adæquatè redacta est subsistens per vnâ personam; ergo nulla indigentia mansit in eadem natura, quæ postularet subsistere per aliam personam, aliàs prior persona non reddidisset illam sufficienter & adæquatè subsistentem; ergo repugnat quòd simul reddatur subsistens per aliam personam; patet consequentia, quia per vnâ subsistentiam facta est natura incapax alterius subsistentiæ eodem modo se habentis, eo ipso quòd per illam satiata mansit eius indigentia.

Sed respondebis Primò, quòd nulla indigentia mansit in natura terminata per vnâ personam ad terminari intensiue, benè tamen ad terminari extensiue. Sed contrà, quia hoc est petitio principij, & iam probauimus à priori repugnantiam ortam ex vna terminatione vnus personæ ad terminationem alterius personæ, & consequenter probauimus repugnantiam ortam ex terminatione intensiua ad terminationem extensiua.

Secundò respondebis, quòd adhuc manet indigentia in natura humana terminata per Filium ad hoc vt terminetur à Patre, quia hæc sunt diuersæ terminationes, per vnâ enim constituitur Filius, per aliam verò Pater & Filius. Sed contrà, quia, vt suprà diximus, natura creata non dicit capacitatem, neque potentiam obedientialem ad formas paternitatis & filiationis, vt sunt formaliter paternitas & filiatio: sed vt sunt formaliter subsistentiæ quædam incommunicabiles, hoc enim solum petit natura creata postquam est indiuidua vt sit completa & per se existens, non illud; ergo si sufficienter & adæquatè habet hoc, quod est subsistere incommunicabiliter per filiationem, non poterit simul habere id ipsum per paternitatem.

Similiter possemus impugnare eandem solutionem Caietani argumentis, quibus 2. physic. disputatione 4. quæstione 5. impugnauimus illam disputantes; an idem numero effectus possit produci à duplici causa totali efficienti eiusdem speciei & ordinis: sed ne nimis lata fiat in præsentia nostra Disputatio, sufficiat adducere illud solum, quod mihi maximâ ingerit difficultatem, scilicet

licet quoddam ex opposita sententia sequeretur quoddam non haberemus ex naturalibus vrgens argumentum ad probandum quoddam Deus tantum sit vnus, & quoddam de ratione essentiae diuinæ sit vnitas, nam si aliquod habemus de facto, maxime illud quod concludimus ex effectibus causarum, deueniendo ad vnā primā causā, ne in ipsis detur processus in infinitum, quem ratio naturalis non admittit, quare intellectus sic format suum discursum, hic effectus procedit ab illa causā, & illa vt effectus ab illa, & illa ab illa, &c. ergo deueniendum est ad vnā primā causā, quæ non procedat ab alia, & consequenter suum esse habeat à se, & hæc est Deus: vnde Paulus ait, *Inuisibilia Dei per ea, quæ facta sunt intellecta, conspiciuntur sempiterna quoque eius diuinitas.* Sed in opposita sententia hoc argumentum nullum est, quia qui plures deos admittit, posset respondere quoddam ille vltimus effectus procedit à duplici & multiplici causā totali, & eiusdem rationis, quarum quælibet est Deus, & sic ex ratione hac naturali, quæ potissima est, non possemus cōtra ipsum concludere vnitatem Dei, & quoddam vnitas numerica sit de ratione intrinseca & essentiali diuinæ essentiae: ne igitur in hoc deueniamus absurdum, præcludamus illi viam, tenendo sententiam Scoti tam valido fundamento fulcitam. omitto alia.

20. Præterea, quia nobiscum consentit Vasquez in illa Quæstione; sed in præfenti dissentit, quia dispar illi videtur ratio, ex eo quoddam effectus dependet à causā efficienti in suo esse; at verò vnio naturæ humane solum dependet à persona, quantum ad terminari. Sed contra breuiter: Primò, quia vnio, cum sit relatio etiam quantum ad esse, pendet à suo termino, & sic à persona, non tamquam à causā efficienti, sed tamquam à causā specificante, & quasi formali, quæ comparata cum causā efficienti est magis intrinseca, quàm illa. Secundò, quia effectus iste, qui est reddere naturam subsistentem & personam, non minùs pendet in suo esse à persona, quàm ignis productus ab igne producente; ergo si iste effectus in genere causæ efficientis excludit duplicem causā totalem, ita & ille in genere causæ formalis.

Castillo de Incarn. Pars I.

Secundò probatur prædicta sententia à Scoto, quia non minùs perfectè terminat personalitas Verbi dependentiam, quàm dicit natura humana ad subsistendum, ac illam terminaret propria personalitas creata, sed terminata per hanc propriam personalitatem, etiam si non interueniat dependentia effectus à causā, & etiam si non sit eiusdem rationis specificæ cum terminatione diuinarum personarum non potest vlteriùs, neque intensiue, neque extensiue simul terminari à diuinis personis, vel ab extrinseca persona creata, vt fatentur vniuersimodè Scholastici & Patres; ergo pari ratione natura semel terminata persona Verbi nequit simul terminari per aliam personam, neque intensiue, neque extensiue.

Sed respondent Recentes rationem quare non possit natura humana terminata per propriam personalitatem terminari per aliam etiam diuinam, esse quia propria personalitas est terminus intrinsecus naturæ humanæ. Vnde, si alia personalitas, quæ esset terminus extrinsecus, similiter terminaret, sequeretur primò quoddam hæc secunda personalitas non solum terminaret naturam, sed etiam primam personalitatem, quod est impossibile. Secundò, sequeretur quoddam natura creata terminata propria personalitate haberet quoddam esset per se, & terminata aliena haberet quoddam esset in alio, & sic de eodem subiecto possent verificari duæ contradictoriæ.

Sed isti suo se iudicio iugulant: Vnde enim prouenit à priori, quoddam natura terminata per terminum intrinsecum non possit terminari per terminum extrinsecum, si præter terminationem intensiuam habet terminationem extensiuam, nisi quia per terminum intrinsecum est omnino totaliter & adæquate satiata terminabilitas naturæ, & idem iudicium est de termino extrinseco supplente vices illius. Neque inconuenientia adducta sunt alicuius ponderis. non primum, quia magis intrinseca est personalitas Patris essentiae diuinæ, quàm personalitas propria naturæ humanæ, & nihilominus essentia diuina potest iterum terminari per personalitatem Filij absque eo quoddam hæc simul terminet personalitatem Patris;

T. 2 ergo

ergo licet secunda personalitas adveniret naturæ humanæ personæ per propriam personalitatem, non personaret propriam personalitatem simul cum natura humana, sed solum ipsam naturam. Non secundum, quia quoddam natura humana sit per se terminata intensivè, & sit in alio terminata extensivè, nulla esset contradictio, quia hæc debet esse eiusdem de eodem, & in præfenti modus terminandi esset diversus.

24. Deinde non est dicendum, quoddam natura terminata per personalitatem alienam sit in alia, quia hoc significat quoddam natura vel inhæreat in alio, vel facta sit natura alterius, & sic diceretur quoddam natura humana Christi vel inhæreat in Verbo diuino, vel facta sit natura Verbi diuini, id est, natura diuina; sed solum est dicendum, quoddam natura terminata per personalitatem alienam sit existens per se, non ab intrinseca personalitate, sed ab extrinseca; & natura terminata per propriam personalitatem sit existens per se, non ab extrinseca personalitate, sed ab intrinseca: hæc autem duæ existentia per se non implicant contradictionem, si in natura creata secundum Aduersarios est capacitas ad plures existentias per se, quia causæ horum effectuum in tantum implicant, in quantum implicant ipsi effectus; ergo si implicant, ex eo est, quia vnus est adæquatus, & sufficit, & sic alius superfluit, non autem ex eo quoddam vna personalitas sit propria & intrinseca, & alia extrinseca & aliena, sicut propter eandem rationem vnum corpus organicum non posset habere duplicem animam rationalem, vnā propriam, & alteram alienam.

25. Tertiò probatur prædicta sententia à Scoto, quia si natura creata pluribus posset personalitatibus terminari, sequeretur quoddam esset infinita, quod est falsum. Sequela probatur, quia plures personæ tantum posse esse in vna natura, vel per identitatem vt personæ diuinæ in essentia diuina, & sic ratione infinitatis à qua provenit quoddam sibi illas identificet, vel per compositionem, vt dicunt Aduersarij, si assumeret naturam creatam, sed non per compositionem, vt probatum est duobus argumentis præcedentibus; ergo propter infinitatem. Vnde nota quoddam hoc argu-

mentum factum à Scoto supponit argumenta iam facta ab ipso, & habet vim virtute illorum.

Ad argumenta primæ sententiæ respondet. Ad primum, quoddam repugnantia oritur ex incōpossibilitate actuum, eo enim ipso quoddam dependentia naturæ humanæ ad subsistendum satiata manet per vnā personam, nequit iterum satiari per aliam.

Sed dices primò cum Scoto: Natura humana, antequam assumatur à Verbo, erat assumptibilis à Patre, & ab alia quacunque persona, quia erat in potentia obedientiali ad illas; ergo poterit stante terminatione à Verbo simul terminari à Patre, vel ab alia persona. Respondet quoddam potentia obedientialis erat ad posse terminari à pluribus personis, sed non ad simul terminari ab illis, quia hoc implicat propter rationes dictas.

Dices secundò: Natura prædicta æquè est terminabilis à Patre, ac à Filio, agant igitur simul prædicta duplici persona non erit maior ratio, quare ista persona terminet, & non illa; ergo vtraque terminabit. Respondet quoddam suppositum est impossibile, quia Deus non potest intendere illud quod cognoscit esse impossibile: cognoscit autem esse impossibile, quoddam duplex persona terminet eandem numero naturam, & sic non causat vnionem terminatam ad duas personas.

Dices tertiò, quoddam plures personæ possint terminare eandem naturam non est superfluum, sed superabundans, sicut quoddam plures causæ efficiētes possint causare eundem numero effectum. Respondet concedendo totum, si agant seorsim, non tamen si agant simul & immediatè, quia tunc si vna est adæquata & totalis, reliquæ superflunt. Ad illud autem quod dicitur in argumento, quoddam personæ diuinæ non se excludunt, ex eo quoddam plures sint, à consortio diuinæ naturæ; ergo similiter non se excludunt in humana. Respondet disparē esse rationem, quia subsistentiæ diuinarum personarum non præstantur diuinæ essentiæ, cum hæc habeat suam subsistentiam, vt diximus suprā, sed solum præstantur personis, quæ realiter sunt inter se diuersæ; at verò in nostro casu præstarentur natura;

turæ humanæ, quæ semel satiata per vnam, nequit satiari per aliam.

30. Ad secundum argumentum Loræ respondeo, quod sicut in quolibet indiuiduo est sua natura specifica, & diuersa ratio materialis, ita in quolibet indiuiduo est adæquata & totalis ratio terminandi relationem diuersam filiationis: quare absque fundamento sufficienti asseritur, quod multiplicatis filiis non multiplicentur relationes, cum reperiantur omnes conditiones requisite ad multiplicationem illarum, vt latè tradidimus in Logica in prædicatione relationis disputatione 3. quæstione 3. ita eodem modo asserimus in præfenti, quod cum in quolibet persona sit sua ratio formalis terminandi naturam humanam, nam in quolibet reperitur sua substantia, & insuper quilibet persona sit realiter distincta ab alia, non debent esse termini vnus vnionis; sed plurium, quas esse simul in eadem natura humana implicat, vt admittit ipse Loræ.

31. Ad confirmationem dico, quod plures causæ efficientes totales, vt duo ignes, quando simul agunt; partialiter adhibent influxum, quod non oritur ex impotentia ipsorum ignium vel causarum, sed ex impotentia effectus non potentis recipere maius esse.

32. Ad tertium argumentum respondeo cum Vasquez vbi supra cap. 4. disparē esse rationem, quia quod vnum corpus sit in duobus locis; & duo corpora sint in eodem loco non se habent quasi subiectum & forma, sed tamquam fundamentum & terminus, quia hæc omnia formaliter consistunt in quibusdam relationibus: vnde multiplicato, vel fundamento, vel termino, multiplicatur relatio: at verò personam diuinam reddere naturam humanam substantentem habet se quasi formā respectu subiecti absque inhesionē, licet ad hoc requiratur vnio, quæ sit relatio, quare si natura reddatur per vnam personam substantens, non potest simul reddi per aliam, cum satiata sit terminabilitas naturæ, seu capacitas subiecti ad substantendum. Præterea, quando duo corpora sunt in eodem loco, vnum est circumscriptiuè, aliud definitiuè, & sic non habent effectus formales impossibiles in eodem loco. Ad confirma-

tionem dico, quod ex ratione Augustini solum probatur quod omnia sunt sub potentia Dei, nisi ea quæ per locum intrinsecum repugnant; iam autem ostendimus contrariæ sententiæ repugnantiam.

QVÆSTIO III.

Vtrum vna persona diuina plures possit assumere naturas?

Conueniunt omnes vnam personam diuinam plures posse simul assumere naturas. ita omnes Scholastici cum Magistro in 3. d. 1. ibi Scotus q. 3. Alexander Aletis 3. p. q. 2. memb. 7. D. Thomas q. 3. art. 7. & vtriusque sectatores. Et ratio est, quia nulla est repugnātia ex parte personæ diuinæ terminantis, nam eius virtus ad terminandum naturam non exhauritur per terminationem alterius, neque est repugnātia ex parte naturarum, cum omnes sint terminabiles & assumptibiles; & etiam si naturæ sint specie diuersæ, nulla erit contradictio in eo quod terminatæ sint ab vna persona; ergo poterunt simul terminari.

Inquires tamen si persona diuina assumeret duas distinctas in specie naturas, v.g. humanam & angelicam, essetne inter istas communicatio idiomatica? Negant Caietanus & Medina, quia licet prædictæ naturæ essent vnitæ Verbo, non tamen essent inter se substantialiter vnitæ; sed melius D. Thomas in 3. d. 1. q. 2. & Recentiores affirmant quod homo diceretur Angelus, & è contrā. Et ratio est, quia communicatio idiomatica inter substantiales naturas prouenit ex vnitate & communicatione suppositi, sicut communicatio idiomatica inter naturas accidentales prouenit ex vnitate subiecti, idē enim album dicitur dulce, & è contrā, quia albedo & dulcedo habent idem subiectum, scilicet lac; quare in Christo homo dicitur Deus, & è contrā; ergo licet inter naturas angelicam & humanam non esset substantialis vnio (quam prætendunt Auctores contrariæ sententiæ) sufficeret quod esset talis vnio inter eas cum persona diuina.

Solum restat examinanda difficultas circa modum loquendi, an scilicet si

vna persona diuina assumeret plures naturas, v. g. plures humanitates numero distinctas, an deberet dici vnus homo propter vnitatem suppositi, vel plures homines propter pluralitatem naturarum? & idem inquiritur in casu, quo verum esset, quod aiunt Thomistæ, si plures personæ assumerent vnā numero naturam, an esset dicendus vnus homo, vel plures homines?

4. Gabriel in 3. d. 5. q. 2. affirmat pluralitatem, vel vnitatem concretorum sumendam esse ex pluralitate, vel vnitatem suppositi; & eius ratio est, quia concreta semper supponunt pro suppositis, & idem est homo, ac habens humanitatem. Durandus verò d. 1. quæst. 3. ad vnitatem, vel pluralitatem requirit vnitatem, vel pluralitatem vtriusque, scilicet tam suppositi quam naturæ, taliter quòd si vnitas, vel pluralitas alicuius deficiat concretum, non est dicendum vnum, vel plura absolutè, sed secundum quid, & cum addito explicante vnitatem secundum naturam, si natura est vna; vel secundum personam, si persona est vna; vel pluralitatem, si natura vel persona sint plures; in quam sententiam videtur incidisse Caietanus 3. p. q. 3. art. 3. circa solutionem ad 1. quatenus ait, quòd si plures personæ assumerent eandem numero naturam humanam, deberent appellari vnus homo secundum quid, scilicet ratione formæ. Sed vtraque sententia sustineri nequit: Non sententia Gabrielis, quia ex ea sequitur quòd sint plures dii cōcedendi, quia concretum, *Deus*, connotat plures, scilicet tres personas. Non sententia Durandi, quia ex ea sequitur quòd non sit concedendus vnus Deus absolutè, & plures personæ absolutè, vt fides docet, sed vnus Deus secundum quid, & plures personæ secundum quid.

5. Neq; obstat effugium Caietani, quòd concretum, *Deus*, connotat subsistentiam absolutam, quæ vna est, & sic absolutè potest dici vnus Deus absque addito, significat enim vnā naturam subsistentem, seu vnum subsistens. Quia contrà est primò, nam de fide est tres personas esse vnum Deum, & solum est opinio quòd vnus Deus sit subsistens subsistentiā communi in vna natura. Secundò saltem sequitur quòd Pater & Filius non sint vnus spirator, seu

vnum principium Spiritus sancti, quòd est absurdum; patet, quia hoc concretum *spirator*, seu principium non habet aliquam subsistentiam seu suppositi-tatem, quā supponat præter eam, quæ est in qualibet ex duabus personis.

Reliqui verò Scholastici cōueniunt quòd vnitas contreti substantiæ de prædicamento substantiæ, v. g. Deus, homo, &c. sumenda est ex vnitatem solius formæ, non attendendo ad vnitatem vel pluralitatem suppositorum; at verò si concretum est adiectiuum, v. g. sciens, prudens, &c. sumenda est ex vnitatem suppositi, non attendendo ad pluralitatem vel vnitatem formæ; & idem est iudicium, si concretum sit substantiuum de prædicamento accidentium, v. g. color, sapor, &c. quia sequitur suppositionem contreti adiectiui. Vnde si tres personæ diuinæ assumerent vnā naturam humanam, diceretur vnus homo, quia concretum substantiuum homo est de prædicamento substantiæ, & eius vnitas sumitur ab vnitatem formæ, quæ per se significatur à voce concretæ; si autem vnus homo haberet plures scientias vel filios, diceretur vnus sciens, vel vnum produciens, seu vnus pater, quia concretum adiectiuum sumit vnitatem ab vnitatem suppositi, quòd per se significatur à tali concreto. Similiter si vnum subiectum haberet plures colores vel sapores, diceretur vnum coloratum vel saporosum. Ita Scotus in 1. d. 12. q. 1. §. iuxta quæstionem istam, & in 3. d. 1. q. 3. D. Thomas 1. p. q. 39. art. 3. & 3. p. q. 3. art. 6.

Fundamentum huius doctrinæ est, 7. quia concreta substantia de prædicamento substantiæ significant formam per modum per se stantis, & sic numerus debet esse iuxta exigentiam illius, seu nomen numerale (vt verbis vtar Scoti) debet apponi iuxta numerum formarum; concreta verò adiectiua, in super & substantiua de prædicamento accidentium significant formam per modum alteri adiacentis, & sic numerus, vnus, duo, tres, &c. debet esse iuxta exigentiam suppositorum, quibus adiacent, quia, vt optimè inquit subtilis Doctor in 1. d. 12. suprà citatus, nomen numerale debet determinari per aliquod determinatum in modo significandi: illud autem dicitur esse determinatum

natum in modo significandi, quod significat per modum per se stantis, ut contingit in concretis substantialibus de prædicamento substantiæ, & in suppositis concretorum accidentalium.

8. Idem quod diximus circa unitatem concretorum adiectiuorum & substantiuorum de prædicamento accidentium, est dicendum circa pluralitatem eorum, scilicet quod pluralitas est sumenda ex pluralitate suppositorum propter rationem dictam: unde tres personæ diuinæ dicuntur tres creantes, Pater & Filius dicuntur duo spirantes, etiamsi tam actio creandi quam spirandi sit una; & si una albedo numero esset in duplici subiecto, dicerentur duo albi; & per hoc patet ad fundamentum Aduersariorum, quia non semper concreta supponunt pro suppositis, neque ad unitatem, vel pluralitatem absolutam, & simpliciter dictam, requiritur absoluta unitas, vel pluralitas in utroque, scilicet in forma & supposito.

9. Solum est differentia inter Scholasticos in assignando unde sit sumenda pluralitas in concretis substantiis de prædicamento substantiæ. D. Thomas 3. parte q. 3. art. 7. affirmat diuerso modo esse philosophandum circa pluralitatem talium concretorum, ac circa unitatem; nam unitas sumitur ab unitate formæ, non attendendo ad unitatem vel pluralitatem suppositorum, ut diximus; tamen pluralitas debet sumi attendendo ad utrumque, scilicet ad pluralitatem formarum & suppositorum, & quacumque deficiente in tali concreto, non plura, sed vnum debet appellari, v. g. si una persona assumeret plures humanitates, non plures homines, sed vnus homo deberet appellari: illum sequuntur Caietanus in prædicto loco, & 1. parte q. 39. art. 3. Marfilus in 3. questione 2. art. 3. dub. 3. Suarez 3. p. disp. 13. sect. 2. & quod magis est Faber in 1. d. 12. disput. 41. cap. 4. in fine, & in 3. d. 1. disp. 5. imò & citat Scotum vbi suprâ, & insuper in 3. d. 6. q. 1. ad 1. & quodlib. 11. art. 3. in vltimis verbis.

10. Fundamentum huius doctrinæ est, quia aliàs Pater æternus non esset dicendus vnum principium producendi ac intra, sed plura, quia producit per intellectum & voluntatem, quæ sunt plura. Præterea Christus non vnus, sed

plura in genere neutro esset appellandus, quia habet plures formas, scilicet humanitatem & diuinitatem, Faber probat deducendo ex doctrina Scoti, quia sicut tres personæ non dicuntur tres Dij, quia non multiplicatur forma, ita licet multiplicetur forma, v. g. humanitas, si non multiplicatur persona, non dicentur plures homines.

Et si ei obiicias, quod Scotus impugnat D. Thomam in 1. d. 12. Respondet Faber ibidem in fine capitis primi hoc fecisse Scotum, quia existimauit quod D. Thomas dicebat multiplicationem vel non multiplicationem concretorum substantialium esse sumendam solum ex multiplicatione vel non multiplicatione suppositorum, non attendendo ad multiplicationem formarum.

Sed Discipulus Scoti inelius diceret se non percepisse Scotum, quam dicere Scotum non percepisse D. Thomam ita clare loquentem in supracitato loco; quare dicendum nobis est, quod in re, & in ratione ipsa Scotus contrarius sit D. Thomæ in præfenti, quodque eius mens talis sit, scilicet quod concreta substantialia multiplicantur per multiplicationem illius, quod pro per se significato significatur à voce concreti substantiui de prædicamento substantiæ. ita Smifinch in materia de Incarnatione manuscripta disput. 1. quæst. 3. conclusione 2. in fine: unde si una persona plures assumeret humanitates, deberent appellari plures homines, quia quod per se significatur ab ista voce *homo*, est humanitas, & ista non esset una, at verò suppositum indirectè & de connotato significaretur, & sic non attenditur an sit vnum, vel plura, licet autem esset appellanda plures homines, non tamen esset appellanda plures personæ, sed una, quia quamuis haberet plures humanitates, tamen id quod pro per se significato dicitur hæc vox *persona*, solum est personalitas, quæ est una; humanitates verò dicuntur pro connotato, & sic non attenduntur.

Hæc est aperta mens Scoti, ut legenti patebit in illo loco primò citato, vbi propter hanc rationem docet, quod Pater & Filius, licet sint duæ personæ, non dicuntur duo spiratores, sed vnus spirator, quia id, quod per se significatur à voce *spirator*, est virtus spiratiua, & hæc est

est vna, & tres personæ diuinæ dicuntur vnus Creator, quia hæc vox significat virtutem creatiuam, quæ est vna: bene autem dicuntur duo spirantes, & tres creantes, quia ibi subintelliguntur, scilicet personæ, vel supposita, quæ per se significantur.

14. Ratio à priori Scoti ad probandum hanc doctrinam talis est, quia omne dependens dependet ad aliquod omnino & simpliciter independens: vnde quando dico a quæ dependet, neutrum est natum terminare alterum, sed vtrumque dependet ad tertium quoddam sit omnino independens: sed adiectiuum dependet ab substantiuum (quia substantiuum, cum significet per modum per se stantis, significat per modum independentis) ergo debet regulari per illud; ergo quod adiectiuum numerale, v.g. vnus, duo, tres, &c. terminat in numero aliquod concretum substantiuum, v.g. spirator, creator, &c. dependebit ab illo secundum id quod pro per se significato dicit talis vox, & consequenter si virtus spirativa est vna, & creatiua est vna, non poterunt dici duo spiratores, sed vnus; neque tres creatores, sed vnus, quia dependet veritas adiectiui à veritate substantiui. Similiter si adiectiuum numerans coniungitur cum alio adiectiuo, non potest illud determinare, neque numerare, quia vtrumque dependet ad tertium quoddam sit independens, scilicet ad substantiuum: vnde quando dicimus duo spirantes, debet subintelligi, scilicet duæ personæ, quia *ly duo* non determinat, *ly spirantes*, quia similiter est adiectiuum, sed veritas vtriusque dependet à *ly personæ*, quod concretum est substantiuum, & idem est, quando dicuntur tres creantes, scilicet quoddam subintelligantur personæ.

15. Secundò probatur, quia vnum & plura opposita sunt, & oppositorum vna est ratio; ergo sicut vnitas in concretis substantiis de prædicamento substantiæ sumitur ab vnitate for...e, quia hæc est quæ pro per se significato dicitur à voce concreti, ita pluralitas in illis debet sumi à pluralitate formæ, quæ pro per se significato dicitur à voce concreti.

16. Tertiò probatur ab inconuenienti, quia si pluralitas concreti substantiui debet sumi à pluralitate vtriusque, sci-

licet formæ & suppositi, sequeretur quoddam Deus non posset appellari tres personæ, vel triplex persona, sed vna persona, quod est hæreticum; patet consequentia, quia hoc concretum, *persona*, est substantiuum, & de prædicamento substantiæ, & forma illius est vna natura diuina.

Vnde ad fundamentum D. Thomæ respondeo, quoddam Pater æternus dicitur vnum principium, licet operetur per intellectum & voluntatem, quæ sunt plura, quia hæc conueniunt in quadam ratione generica principij, quæ est vna, & significatur per hoc concretum, *principium*, quæ ratio prædicatur de Patre, quando dicitur quoddam sit vnum principium: Christus autem optimè dicitur vnus, vt patet ex Symbolo fidei, *Et in vnum Dominum Iesum Christum*, quia licet includat plures naturas, tamen istæ non per se, sed de connotato significantur, nam quod per se significatur est vnus Dominus, vel vnus, *quis*, seu vnus aliquis (vt verbis vtar Scoti) qui habet illas naturas, vel vnum compositum consistans ex illis.

Ad fundamentum Fabri dico minimè deduci ex Scoto, quia ratio à priori propter quam tres personæ diuinæ non dicuntur tres Dij, non est quia non multiplicatur forma, sed quia hoc concretum, *Deus*, per se significat naturam diuinam, quæ est vna, & de connotato concernit personas, & sic numerus debet apponi iuxta id quod per se significat concretum: vnde si multiplicatur humanitas in vna persona, debet dici plures homines, quia concretum, *homo*, per se significat humanitatem, quæ est multiplex; quia tamen de connotato dicitur personam, numerus numeralis non debet ad illam attendere. Quando autem Scotus in 3. d. 6. & quodlib. 11. requisit ad pluralitatem multiplicationem suppositorum, loquebatur de his concretis, *simile*, *sciens*, quæ sunt concreta adiectiua, de quibus iam diximus quoddam debeant determinari à supposito, vel suppositis, quæ subintelliguntur; non verò loquebatur de concretis substantiis de prædicamento substantiæ, de quibus agimus in præsentia.

QVÆSTIO IV.

Per quid constituatur persona, seu suppositum creatum in ratione personæ

1. **P**Ræcognosci debent ea, quæ ad rationem constitutivam personæ creatæ pertinent, ut possit examinari quæstio vltima huius disputationis, quæ inquirat vtrum persona creata possit assumere alienam naturam, eius enim decisio ab hac dependet; quare nota quod hæc tria, scilicet substantia, suppositum, & persona, se habent tamquam inperius & inferius, nam bene valet esse persona, ergo est suppositum, est suppositum, ergo subsistens, non tamen valet è contrà, quia substantia ut sic solum dicit vltimam solitudinem & independentiam ab alto, tamquam à sustentante ut patet in essentia diuina, quæ est subsistens, non tamen est suppositum, neq; persona, & patet in partibus substantialibus separatis, quæ subsistentes sunt, ut dicemus quæstione sequenti, & tamen non sunt suppositum, vel persona; suppositum autem vltra subsistentiam addit incommunicabilitatem omnimodam; persona verò vltra hoc concernit necessariò pro materiali naturam rationalem vel intellectualem, quia suppositum non reperitur in natura rationali vel intellectuali, cum etiam reperiatur in natura sensitiva, bene tamen persona.

2. Vnde persona sic definitur à Boëtio lib. de duabus naturis, persona est, *Rationalis natura individua substantia*. quæ definitio admittitur à D. Thoma 1. p. q. 19. art. 3. & q. 24. & communiter à Theologis; neque reiicitur à Scoto in 1. d. 23. q. vnicà, s. *ad quæstionem*, sed quia illa particula *rationalis natura* non includit clarè naturas intellectuales Dei & Angelorum, & illa particula *individua substantia* non includit clarè incommunicabilitatem, quam per se dicit persona, idèò asserit clariorem esse definitionem Ricardi de S. Victore lib. 4. de Trinitate cap. 22. quæ talis est, persona est, *Intellectualis natura incommunicabilis existentia*.

3. Quibus præmissis ad tria capita possumus reducere opiniones huius quæstionis: Primum caput est eorum, qui

Castillo de Incarn. Pars I.

asserunt personalitatem nihil addere supra naturam intellectualem singularem, sed tantummodò naturam & personam distingui ratione, & per operationem intellectus; tribuitur Henrico de Gandavo quodlibet 4. quæstione 3. lib. 4. Durand in 1. d. 34. quæstione 1. Fundamentum est, quia apud Aristotelem, prima substantia est idem quod suppositum, vel persona; ex eo enim quod prima substantia est, habet incommunicabilitatem ut *quo*, & ut *quod* sic enim habet capite de substantia, & 4. metaphys. textu 2. & 7. metaphys. textu 27. Prima substantia est quæ neque de subiecto aliquo dicitur, neque in subiecto aliquo est; ergo natura intellectualis individua eo ipso quod prima substantia est, erit persona in re, & solum distinguitur ab illa per operationem intellectus.

Secundum caput est eorum, qui asserunt personalitatem constitui aliquo positivo addito naturæ, sed differunt Auctores in modo philosophandi; alij enim asserunt, quod illud positivum est extrinsecum naturæ, & dat illi existentiam & persicitatem: vnde ratione illius natura individua existit per se; tribuitur Capreolo 3. Sententiarum d. 3. quæst. 3. art. 3. ad 1. contra conclusionem secundam Iaculo 7. metaphys. quæstione 17. Fundamentum est, quia putant quod existentia distinguitur à natura singulari realiter, neque includitur in natura intrinsecè, ita quod natura sit indifferens ad existere, & non existere. Alij verò asserunt quod illud positivum non est existentia, sed quædam realitas formaliter constituens personam, cui realitati debetur modus essendi per se. ita Caietanus 3. p. quæstione 4. art. 2. Medina ibidem. Fundamentum est latius adducendum infra, & parum differt ab hoc modo dicendi Suarez in metaphysica disputatione 34. sectione 4. cum pluribus aliis Recentioribus, quorum opinio est antiqua, dicentibus quod hoc positivum sit ipsa substantia.

Tertium caput est eorū, qui asserunt personalitatem constitui per negationem, in quo sunt etiam duo modi dicendi: Primus dicit, quod constituitur per vnicam tantum negationem actualem communicabilitatis ut *quo*, & ut *quod*; tribuitur

V

402222

Ioanni de Neapoli 1. p. quæst. 4. art. 2. Fundamentum est, quia per carentiam actualis communicationis constituitur perfectitas, & omnis incommunicabilitas. Secundus ait, quod constituitur persona per duplicem negationem communicationis vt *quo*, & vt *mod*, æqualem, & aptitudinalem. Ita Scotus pluribus in locis infrà adducendis cum suo fundamento, & pluribus aliis Auctoribus. Sed vt veritas pateat.

6. : Dico primò: Personalitas dicit ali-
quid reale in suo conceptu formali, &
realiter distinctum à natura indiuidua.
Hęc conclusio communis est apud Au-
ctores Thomistis & Scotistas. Et pro-
batur, quia si personalitas solum ratio-
ne distingueretur à natura indiuidua,
sequeretur quod Verbum assumpsisset
naturam humanam in re ipsa personata,
quod est hæreticum; patet conse-
quentia, quia ex Damasceno lib. 3.
de Fide cap. 11. Verbum assumpsit na-
turam humanam in athomo, id est, in
indiuo; ergo si ab hac, non in re, sed
solum ratione distingueretur persona-
litas creata, assumeretur à Verbo natu-
ra humana in re ipsa personata.

7. Vnde ad fundamentum primæ opi-
nionis respondeo primò fortasse Ari-
stotelem non agnouisse distinctionem
inter naturam indiuiduam, & perso-
nam, sed solâ fide diuinâ fuisse nobis
acquisitam notitiam illius. Secundò re-
spondeo verum esse primam substan-
tiam esse, quæ neque de subiecto dici-
tur, neque in subiecto aliquo est, vt in-
quit Aristoteles, tamen prædictas ne-
gationes esse realiter distinctas ab ea,
licet necessariò & naturaliter consecu-
tas, vel ab ea, vel à modo positivo il-
lius, nisi ab extrinseco impediatur.
Tertiò respondeo quod dupliciter stat
de subiecto non dici, scilicet vel de
subiecto indiuiduo, vel de subiecto
persona: primum horum est de ratione
intrinseca substantiæ primæ, quia eo
ipso quod substantia prima est, impræ-
dicabilis est de indiuiduis, non tamen
de personis: vnde valet, *Pater est Deus,
Filius est Deus, Filius naturalis Dei est hic
homo*. Similiter stat dupliciter non esse
in subiecto, videlicet vel per modum
informantis, vel per modum substanti-
ficati: primum est de ratione intrinseca
indiuidui substantialis, non secundum;

dico ergo quod quando Aristoteles ait,
quod substantia prima neque de sub-
iecto dicitur, neque in subiecto est, ve-
nit intelligendus duplici modo priori
ex dictis, non autem posteriori.

Dico secundò: Probabile est, quod
personalitas creata constituitur aliqua
entitate posituâ modali, ad quam ne-
cessariò sequatur, duplex negatio com-
municationis, actualis, & aptitudina-
lis, de qua infrà. ita Scotus in 3. d. 1.
quæstione 1. 1. *ideo propter istud*, vbi
hanc sententiam reputat probabilem,
& vt talem defendit illam Pytiganus
ibidem art. 11. conclusione 1. sed etiam
vt magis veram amplectuntur Liche-
tus in 1. d. 28. quæst. 2. & in 3. d. 1,
quæst. 1. Rada tom. 1. controuers. 22.
& tom. 3. controuers. 1. art. 3. tenent
Thomistæ cum D. Thoma 3. p. quæ-
stione 2. art. 2. ad 2. & 3. & quæstio-
ne 5. art. 1. vbi Caietanus quæstione 4.
Ferrara 4. contra Geates cap. 43. Sua-
rez vbi suprâ, Vasquez 3. p. disp. 31.
cap. 6. Lorca disp. 25. memb. 2. qui vi-
deri possunt circa varios modos suprâ
relatos explicandi hanc entitatem po-
situiam diuersorum Auctorum, de qui-
bus modò non curamus, satis sit præ-
monere contra Capreolum & Iaue-
lum, quod existentia naturæ indiui-
duæ non est extrinseca, neque realiter
distincta ab ea, vt latius infrâ dice-
mus disputatione 10. quæstione 1. Hęc
conclusio non aliter probatur, quàm
soluendo argumenta Aduersariorum,
quia modo isto posito redditur natu-
ra omnino incommunicabilis per
ipsum.

Et Primò impugnatur, quia si perso-
nalitas creata consisteret in positiuo,
sequeretur quod non posset assumi à
Verbo, quod videtur inconueniens;
primò, quia aliqua entitas creata non
esset in obedientia Creatoris; secundò,
quia secundum Damascenum lib. 3. de
Fide cap. 6. quod non fuit assumptum
à Verbo, non potuit ab ipso curari, sed
illa entitas non fuit assumpta, quia per-
sonalitas est inassumptibilis; ergo quæ-
cumque persona creata, vt persona
creata est, non fuit curata. Respondeo
admittendo sequelam, & ad primum
inconueniens dico nullum esse, quod
aliqua entitas non sit in obedientia ad
id quod sibi repugnat, sicut neque
nigredo

nigredo est in obedientia ut possit esse alba, quia hoc sibi ab intrinseco repugnat, ita similiter repugnat ab intrinseco personalitati, quod assumatur. Ad secundum dico quod ibi Damascenus loquebatur contra quosdam hæreticos asserentes Verbum non assumpsisse animam, sed tantum carnem, contra quos colligit Verbum assumpsisse animam, quia quod non assumitur (intellige ex his quæ sunt capacia assumptionis) non curatur, quia assumptio fuit medicina peccati: unde sicut personalitas creata non est infirma per peccatum, nisi ratione naturæ, quam reddidit personam, ita non indiget medicina nisi ratione illius, & sic assumpta natura creata & personalitas curata manet.

10. Secundò impugnatur, quia aliàs Christus non esset perfectus homo, cum illi deficiat aliqua entitas positiva, quæ est in aliis hominibus, & sic Christus non esset per omnia similis aliis hominibus absque peccato, ut inquit Apostolus. Respondeo quod illa entitas positiva non spectat formaliter ad esse hominem, sed ad esse personam: unde nil obstat, quod illa deficiat ut sit omnino perfectus homo, & per omnia illi similis in esse hominis absque peccato, licet dissimilis sit in esse personæ, quod etiam debet dici, licet personalitas consisteret non in positivo, sed in negativo.

11. Tertiò impugnatur. Entitas positiva non potest de novo sine aliqua actione produci, sed si natura assumpta à Verbo dimitteretur, maneret persona absque aliqua actione, quia non est agens à quo procedat; ergo non consistit in positivo, sed in negativo. Respondetur quod in tali casu non esset actio propria alicuius efficientis, sed esset quædam emanatio, qualiter punctum terminatum lineæ pullulat per divisionem illius (sic se habet personalitas respectu naturæ individua) & qualiter pullulant passionibus ab essentia, etiam si in sententia Thomistarum sint ab ea realiter distinctæ.

12. Quartò impugnatur, quia aliàs posset Deus naturam individuum conservare absque propria personalitate non concurrente ad eius emanationem, & absque aliena personalitate non uniendo naturam ad alienum suppositum.

Respondetur primò hoc nullum esse inconueniens de potentia absoluta, quia posset Deus sic conservare naturam. Secundò, dico non posset Deum impellere emanationem propriæ subsistentiæ, si non præueniatur ab aliena, & sic nequit esse naturam individuum absque aliqua subsistentia, sicut nequit impedire resultantiam propriarum passionum ab essentia, & puncti terminatiui à partibus diuisis, & resultantiam relationis ab extremis à parte rei positus.

13. Quintò impugnatur, quia non appareret quod esse possit hæc entitas positiva modalis, non enim est accidens, ut de se patet, neque substantia cum non sit materia, forma, vel compositum; ergo non est admittenda. Respondetur omittis variis sententiis circa hoc, quæ videri possunt apud Recentiores citatos, quod est quidam modus substantialis realiter distinctus à natura individuali (cum possit ab ea separari) constituensque cum illa vnum per se, non in genere metaphysico, quia non se habet ut genus & differentia, neque in genere physico, quia non se habet ut materia & forma propriæ, sed in genere personali seu suppositali, quia ex tali modo seu personalitate, & ex natura individua fit per se hoc concretum, *persona*. Ex quibus apparet satis probabilem esse prædictam conclusionem, meritoque esse ex his nostris temporibus ita plausibilem.

14. Dico tertiò: Non minùs est probabile, quod personalitas creata consistat formaliter in duplici negatione, actualis scilicet & aptitudinalis communicationis seu dependentiæ ad alienum suppositum, tam ut *quo*, quam ut *quod*. In hanc conclusionem magis inclinat Scotus, quàm in præcedentem, ut videri potest in tertio citato. Vbi licet appellet probabiles sententias secundæ & quartæ conclusionis infra statuendæ, tamen illas impugnât, & *non asserendo*, hanc statuit & confirmat, & quoties de hac re habet sermonem, illam supponit, ut patet ex eodem tertio, d. 6. quæst. 1. & quolibet 19. art. 3. ut absolute veram, & de mente Scoti tenent inter Scotistas, Tartaret. & Bafol. in 3. d. 1. quæst. 1. art. 1. Mayor q. 11. Ouand. art. 3. dub. 2. Faber disp. 2. c. 3.

Pythagoras verò vt probabilior, & magis de mente Scoti defendit art. 12. tribuitur similiter D. Thomæ 1. contra Gentes c. 22. *¶ sed ad hoc*, vbi declarans quid sit perfectas personæ dicit, *Hoc non videtur importare, nisi negationem tñum*, & hoc expressius habet in 3. d. 6. q. 1. art. 3. ad 5. docuerat Hêricus clarè quodlib. 5. q. 8. litt. M. sequuntur Oham in 1. d. 23. q. 1. litt. C. & in 3. d. 1. q. 1. litt. B. Mayor ibid. q. 1. Gabriel q. 1. Rubion d. 2. q. 2. art. 1. Molina 1. p. q. 29. art. 1. disp. 3.

15. Sed pro intelligentia huius conclusionis debet prius notari, quòd communicatio & depèndentia in præfenti idem sunt, quia pro tanto aliquid dicitur depèndere ab altero, pro quanto illi communicatur, si actu, actu, si aptitudine, aptitudine, & consequenter negatio communicationis (seu incommunicabilitas) & independentia idem sunt. Quare Scotus non est sibi contrarius, dum in primo Sententiarum d. 2. q. 4. & d. 23. q. vnicà asserit quòd persona formaliter est incommunicabilis vt *quo*, & vt *quod*; & in 3. d. 3. q. 1. art. 3. dicit quòd persona formaliter est independentis duplici independentiâ, actuali scilicet & aptitudinali ad alienum suppositum, quia hæc omnia idem sunt, vt patet ex modo explicandi, quem habet quodlibet 19. *¶ de 3. articulo*; imò, vt benè inquit Faber cap. 3. hoc secūdum explicat illud primum, quia incommunicabilitas, seu independentia vt *quo*, & vt *quod*, quæ est de ratione formali personæ, debet esse actualis & aptitudinalis.

16. Pro cuius explicatione Nota secundò, quòd communicabilitas est duplex, quantum ad præfens attinet: Prima est, quâ aliquid comunicatur alteri vt forma, vel vt pars, qualiter anima communicatur corpori, humanitas Petro, & brachium toti integrali, & hæc dicitur communicabilitas vt *quo*, quia quod sic comunicatur, est quo aliquid est tale, v. g. corpus animatū, Petrus homo, &c. & carentia, seu negatio tam actualis quàm aptitudinalis huius communicationis est prima, quâ constituitur persona in ratione personæ, quare anima separata non est persona, quia licet actualiter non comunicetur, est tamen aptitudinaliter communicabilis vt *quo*, & humanitas Christi non est persona crea-

ta, quia licet sit actualiter & aptitudinaliter incommunicabilis, & incommunicata vt *quod* (cū non possit prædicari de multis, vt statim dicam) est tamen communicabilis & comunicata vt *quo*, tamquam forma totalis supposito diuino.

Secunda communicabilitas est duplex: Vna, quâ aliquid comunicatur alteri per identitatem, quæ identitas notificatur per prædicationem formalem & essentialē, qualiter homo comunicatur Petro & Francisco, & Essentialia diuina tribus personis; & hæc dicitur comunicabilitas vt *quod*, quia quod sic comunicatur est id quod est alterum, cui sic comunicatur, vt Petrus est homo, quia humanitas illi comunicatur. Pater est Deus, &c. quia deitas comunicatur per identitatem, quæ notificatur per tales prædicationes, & carentia seu negatio tam actualis quàm aptitudinalis huius communicationis non est, quâ constituitur persona in ratione personæ, licet præsupponatur, quare indiuiduum Deitatis, licet sit subsistens nō est persona, quia est actualiter comunicata personis, non solum vt *quo*, sed etiam vt *quod*, & natura specifica, v. g. hominis, existens in Petro non est persona, quia quantum est ex se est aptitudinaliter communicabilis vt *quod* Ioanni & Francisco.

Alia est communicatio, quâ aliquid comunicatur alteri, vel pluribus existentibus in esse personali, quæ communicatio explicatur per prædicationem, quam liceat nobis appellare merè personalem, qualiter Deus, etiam si indiuiduum sit, comunicatur tribus diuinis personis, & de ipsis prædicatur in his. Pater est Deus, Filius est Deus, &c. & si vna natura creata indiuidua assummeretur à tribus etiam personis creatis, diceretur, Franciscus est hic homo, Petrus est ille homo, &c. & carentia tam actualis quàm aptitudinalis huius communicationis est quæ constituit formalem personam: vnde Pater non prædicatur de Filio, neque Spiritus sanctus de ambobus; neque in creatis Franciscus prædicatur de Ioanne, neque Ioannes de Petro & Paulo: tamen natura indiuidua ex se non habet hanc negationem, vt patet in natura humana Christi, quæ, etsi indiuidua sit, adhuc est prædicabilis de

17.

18.

de pluribus personis, quia posset prædicari de propria persona, si eam haberet, & prædicatur de persona Verbi, quam habuit, & sic successiue de aliis personis quas assumeret, vel de pluribus simul, si pluribus simul vniretur secundum sententiam Thomistarum: vnde diceretur, Hic homo est Pater, hic homo est Filius, &c. imprædicabilitas ergo *vt quod personalis* est secunda negatio, quæ constituit subsistentiam personalem.

19. Nota tertio quod ex istis duabus negationibus vna oritur ex ipsa indiuiduatione naturæ specificæ, quia ex eo persona non est communicabilis *vt quod* pluribus indiuiduis actualiter & aptitudinaliter, quia per hæc ceteritatem contracta est ad esse hanc, vt humanitas ad esse Petrum, & hæc negatio ex necessitate naturæ consequitur naturam indiuiduam: vnde etiam si hæc sit personata aliena personalitate, vt contingit in Christo, habet secum hanc negationem, quia tamen alia negatio deficit, non est persona creata; hæc autem secunda negatio communicationis *vt quod* oritur, seu sequitur ex negatione communicationis *vt quo*, nam eo ipso, quod natura sit carens communicatione ad suppositum, quasi pars, similiter caret prædicatione respectu illius suppositi, siue proprii, siue alieni, siue vniti, siue plurium. Altera verò negatio scilicet communicationis *vt quo* oritur non ex aliqua entitate positiua indiuidui vel personæ, sed ex defectu actionis agentis extrinseci, vnientis ad personam; ex eo enim quod aliquod agens extrinsecum non causauerit vnionem inter naturam indiuiduam cum aliqua personalitate extrinseca, manet natura indiuidua cum carentia seu negatione personalitatis extrinsecæ: vnde manet in se personata propria personalitate.

20. Quia tamen hæc carentia vnionis cum alieno supposito potest esse triplex, scilicet actualis, aptitudinalis, & potentialis. Nota quarto cum Scoto vbi supra, quod prædicta negatio constitutiua personæ solum debet esse actualis & aptitudinalis, non verò potentialis; & ratio huius desumitur ex declaratione horum terminorum, *aptitudo & potentia*, nam aptitudo est illa quæ oritur ex inclinatione innata, sicut lapis

violenter quiescens in trabe dicitur habere aptitudinem ad esse in centro, quia naturaliter inclinatur ad illud; potentia verò est illa quæ oritur ex mera non repugnantia, qualiter superficies parietis albi dicitur esse in potentia ad habendum nigredinem, non quia habet inclinationem ad illam, sed quia nigredo non repugnat illi, superficies enim est in potentia neutra ad habendas formas oppositas, non simul, sed successiue. Ex quo apparet, quare negatio, seu carentia vnionis cum alieno supposito, quæ constituit personam creatam (& à Scoto appellatur negatio nuda) debet esse actualis, quia si actualiter natura indiuidua esset vnita cum alieno supposito, non esset existens per se, sed existens in alio, seu existens per se per existentiam per se alterius, vt de facto existit in Verbo natura humana Christi, ideò actualiter debet habere talem carentiam vt per se existat; similiter apparet quare talis negatio debet esse aptitudinalis, seu aptitudinis, quia cum propria natura non inclinatur naturaliter ad alienum suppositum, ideò quando actualiter personatur propria personalitate, seu suppositualitate, debet habere, seu habere negationem talis aptitudinis, sicut lapis quando existit in centro caret aptitudine, quam habebat dum erat in trabe, non tamen debet esse talis negatio potentialis, seu carentia potentia, quia cum hæc sit ad id quod non repugnat naturæ indiuiduæ, & natura indiuidua nullam habeat repugnantiam vt à Deo vniantur cum alieno supposito (habet enim potentiam obedientialem vt Deus possit efficere quicquid sibi non repugnat per locum intrinsecum, quo modo non repugnat sibi alienum suppositum) hinc fit, quod talis negatio non debet esse potentialis, quia hæc potentia semper perseuerat in natura, etiam personata propria personalitate creata, sicut potentia ad esse nigrum in pariete albo.

Quibus necessariò suppositis prædicta tertia conclusio probatur, similiter sicut secunda per solutionem argumentorum, & Primò contra illam sic arguitur: Quia aliàs sequeretur quod natura indiuidua personata personalitate creata posset personalizari personalitate Verbi; patet sequela, quia sicut aer prius

21.

uatus luce potest illuminari, ita natura carens personalitate Verbi poterit per illam personari: sed natura personata propria personalitate caret personalitate alicui; ergo per illam poterit personari. Respondeo quod poterit personari in sensu diuiso, non verò in sensu composito, quia sicut aer, qui est priuatus luce, potest illuminari, non tamen ut est priuatus luce, ita natura indiuidua, quæ caret personalitate alienâ Verbi, potest per illam personari, non tamen ut caret personalitate alienâ, & sic vt est persona creata reduplicatiuè non potest esse persona diuina.

22. Secundò arguitur: Negatio semper oritur ex aliquo positio; ergo predictæ negationes oriuntur ex aliqua entitate positua, sed hæc non datur nisi personalitas consistat in positio; ergo. Respondeo distinguendo antecedens: Negatio oritur semper ex aliquo positio, si negatio sit repugnantia; concedo; si verò sit non repugnantia, nego: v.g. irrationalitas quæ est negatio rationalitatis, & aliæ similes negationes semper oriuntur in subiecto ex entitate intrinseca ipsius, & sic ex entitate positua (& has appellat Scotus negationes repugnantia) vnde si consideret personalitas in positio, non duplex, sed triplex negatio deberet oriri, quia etiam oriatur carentia potentia ad communicari alieno supposito, hoc enim repugnaret illi, sicut rationali esse irrationale: at verò si negationis sint non repugnantia (quæ scilicet oriuntur ex defectu actionis agentis extrinseci, qualiter aer est priuatus luce, quia agens extrinsecum, sicut Sol non induxit lucem, & qualiter accedens separatum caret inhaerentiâ, quia agens extrinsecum non inducit illud in subiectum) non oriuntur ex entitate positua subiecti; negationes autem in quibus constituit Scotus personalitatem creatam, sunt negationes non repugnantia, quia simul cum illis stat in natura indiuidua potentia ad communicari, nam illi hoc non repugnat.

23. Tertiò arguitur: Persona creata est prima substantia, & consequenter vnum per se substantiale; ergo consistit in positio. Respondetur: Est prima substantia pro materiali, quia ut sic est substantia indiuidua concedo, pro for-

mali nego, quia ut sic est duplex negatio.

Dices primò: Est vltimum complementum naturæ substantialis; ergo est substantialis; ergo positua. Respondetur: Est vltimum complementum in esse naturæ substantialis nego, quia hoc habet per indiuiduationem, quæ fit per entitatem substantialem posituiam; at verò in esse naturæ subsistentis personaliter concedo, ad quod sufficit duplex dicta negatio.

Dices secundò: Ergo persona creata solum pro coniunctio ex materiali & formali non est vnum per se substantiale. Respondetur concedendo, quia nullum est inconueniens; nam satis est, quod pro materiali sit vnum per se substantiale.

Quartò arguitur: Persona diuina consistit in aliquo positio addito naturæ diuinæ; ergo & persona creata. Respondetur primò concedendo antecedens, & negando consequentiam. Et ratio disparitatis est, quia natura diuina multiplicatur primò & immediatè per personas propter ipsius sceunditatem, & sic est necessarium ponere aliquam entitatem posituiam per quam multiplicetur; non contingit autem sic in natura creata. Secundò respondetur negando antecedens, quia licet personæ diuinæ dicant aliquod positium pro materiali præter naturam indiuiduam, scilicet paternitatem, filiationem, &c. tamen pro formali dicunt negationes, quæ ex tali materiali consequuntur, vt videtur velle Scotus in 1. d. 23. vnde potest dari conceptus vniuocus personæ abstractus à personalitate diuina & creata, quia conueniunt in hoc quod sint incommunicabiles.

Quintò arguitur: Si persona creata formaliter consistit in prædicta duplici negatione communicationis ad alienum suppositum, sequitur quod anima rationalis separata sit persona creata, quia licet hæc sit comunicabilis ut quo proprio supposito, non tamen alieno, quia etiam si alieno communicetur ut anima Christi separata immediatè fuit vnita Verbo diuino, non tamen ut forma quæ esset, sed ut quædam natura integra in suo genere; & sicut natura integra, dum actualiter non communicatur, est personata propria personalitate, ita anima sepa-

separata. Respondeo negando sequen-
tiam, quia quando dicimus, quod natura
ad hoc ut constituitur persona debet
habere duplicem negationem, & inde-
pendentiam, ad alienum suppositum de-
bet intelligi de natura integra, non ve-
rò de natura partiali, qualis est anima,
quia ut hæc non sit persona, sufficit
quod sit communicabilis ut *quo* proprio
supposito, licet sufficiat ad hoc quod sit
subsistens subsistentiæ propriæ partis
separatæ (ut infra dicemus) quod actuali-
ter illi non communicetur.

23. Dico quartò: Similiter est probabile,
quod persona creata constituitur for-
maliter vnicā tantum negatione com-
municationis ut *quo*, ita ut actualiter neque
aptitudinaliter communicetur ut *quo*
alieno supposito, debet tamen pro ma-
teriali concernere naturam substantia-
lem integram indiuiduam, & consequen-
ter concernere negationem communi-
cationis ut *quod* ad indiuidua, & de con-
sequenti debet dicere negationem com-
municationis ut *quod* ad personas; nam
hæc negatio necessariò sequitur, ut di-
ximus, ad negationem communicationis
ut *quo*. Hæc conclusio non minus
est Scoti, quam tertia, quia sicut illam
Scotus appellavit probabilem, ita &
hanc videatur. *ideo propter istū tertium
articulum, ubi habet hæc verba, Alia via
quod per solam negationem addit am naturā
sui personæ. Et infra, Et ultra hanc (scilicet
hæccitatem) non esse nisi negationem ali-
quam. Et per hoc ad argumenta, respon-
dendo ad tertium argumentum, habet
hæc verba, Ad tertium dico, quod negatio
potest dici propria, quia non est communica-
bilis multis ut quod, & ista negatio in crea-
turis est propria per istā entitatem positivam,
qua natura est hæc, cui repugnat communi-
cari multis ut quod, vel potest intelligi pro-
pria, id est, non communicabilis alijs ut quod,
& sic non est in creaturis. Ecce qualiter
Scotus concedit negationem communi-
cationis ut *quod*, notificatam nobis
per prædicationem ad indiuidua esse
propriam naturæ creatæ ut indiuiduæ,
& illam sequi, aliam verò scilicet com-
municationis ut *quo* esse propriam non
naturæ, sed personæ; quia tamen hæc
diuiditur in actualem & aptitudina-
lem, solet appellari à Scoto duplex: vn-
de Scotistæ istam non approbantes, be-
nè tamen illam non loquuntur iuxta*

mentem Scoti. hunc defendit Basolis
in 3. d. 1. q. 1.

29. Probatur, quia alia negatio commu-
nicationis ut *quod* ad indiuidua perman-
et, non permanente personalitate pro-
priā; ergo non pertinet per se, sed so-
lū suppositiue ad rationem forma-
lem personæ creatæ. Antecedens patet
in natura indiuidua Christi, quæ non
erat prædicabilis de multis, quia ut sic
non erat multis communicabilis, cū
eius hæccitas ex qua oritur (ut suprà
diximus) talis negatio, illam determi-
naret ad esse hanc. Consequentia pro-
batur, quia quod non opponitur alienæ
personalitati, non pertinet per se ad
propriam. Et confirmatur, quia si per-
sonalitas in positio cōsisteret, negatio
communicationis ut *quod* non oriretur
immediatè ab illa, quia iam supponere-
tur orta ab hæccitate; ergo idem est,
etiam si consistat in negatio; ergo non
pertinet per se ad rationem personæ,
sed supponitur ad illam, non aliter ac
supponitur ipsa hæccitas. Deinde nega-
tio communicationis ut *quod* ad perso-
nas, quæ nobis notificatur per impræ-
dicabilitatem personalem, necessariò
subsequitur ad negationem communi-
cationis ut *quo*, nam eo ipso quod natu-
ræ singularis non est communicabilis,
aut communicata, alieno supposito, ne-
que potest prædicari, neque prædicatur
de illo, sed quod subsequitur non est
constitutum formale, sed vel propria
passio, vel accidens inseparabile; ergo
in vnicā tantum negatione actuali &
aptitudinali communicationis ut *quo*,
consistit formaliter personalitas creatæ,
& non in duplici.

30. Ad hoc argumentum tenemur re-
spondere probabiliter pro secunda &
tertia conclusione, & sic pro secunda
respondeo solū probare prædictas
negationes oriri ex diuersa entitate po-
sitiva, quia negatio communicationis
ut *quod* ad indiuidua oritur ex hæccita-
te, & negatio communicationis ut *quo*,
ad quam sequitur negatio communica-
tionis ut *quod* ad personas, oritur ex en-
titate positiva, quæ in prædicta conclu-
sione constituit personam creatam, quod
non contingit in personalitate diuina,
quia ibi omnes prædictæ negationes
emanant à sola entitate positiva consti-
tuente personam, non tamen probare
quod

quodd non pertineat per se ad rationem personæ creatæ.

31. Dices: Ergo subsistentia totalis est composita ex hæccitate, & ex positiva entitate subsistentiæ. Respondetur concedendo de subsistenti, sed non est de hoc quæstio, sed de ipsa subsistentia, vt dicam quæstione sequenti. Pro tertia conclusione respondeo quodd negatio communicationis vt *quod* ad indiuidua permanet, non permanente personalitate propria, & sic non opponitur personalitati alienæ, non tamen permanet negatio communicationis vt *quod* ad personas, tamen hoc non tollit, quominus vtraque negatio per se pertineat ad rationem formalem personalitatis creatæ, quia negatio communicationis vt *quod* non constituit personam absque negatione communicationis vt *quo*, & licet sit propria passio illius, non est propria passio personæ, quia si per impossibile separarentur, prior non constitueret personam.

32. Sed obiicies primò pro secunda conclusione cōtra tertiam & quartam, quia personalitas formaliter dicit perfectionem; ergo non in negatiuo, sed in positiuo debet constitui. Respondetur quodd personalitas creata pro materiali dicit perfectionem, non pro formali, sicut in simili debet responderi in opinione constituyente duplicem negationem.

33. Obiicies 2. aliquos Patres Ecclesiæ asserentes, quodd in Christo aliquid assumitur à Verbo, & aliquid non, sed hoc non potest dici de negatione, quia illa non est assumptibilis; ergo. Respondetur: Similiter non potest dici de illa entitate positiva, quodd sit assumptibilis; quare dicendum est, Patres loqui de ratione personalitatis creatæ, quam dicunt non fuisse assumptam, siue consistat in positiuo, siue in negatiuo, quia solum contra Nestorium volebant excludere à Christo personalitatem creatam.

34. Tandem obiicies pro tertia conclusione cōtra hanc quartam, inconueniens illatum à Scoto 1. contra secundam viam, quia scilicet sequeretur quodd anima separata esset persona, quod est contra Ricardum 10. de Trinitate cap. 23. patet sequela, quia illa caret communicatione vt *quo* ad alienum suppositum. Respondetur dupliciter quodd licet anima

separata careat communicatione vt *quo* actualiter & aptitudinaliter ad alienum suppositum, non tamen caret communicatione vt *quo* aptitudinaliter ad proprium suppositum, & hoc sufficit vt supra diximus. Secundò respondeo quodd prædicta negatio communicationis vt *quo* debet supponere pro materiali naturam substantialem integram indiuiduam, vt notanter diximus in conclusione quarta, & negatio quam habet anima separata hoc non supponit.

QVÆSTIO V.

Vtrum subsistentia totius sit simplex, vel composita?

Non loquimur in præsentī de subsistentia totius merè spiritualis vt Angeli, qui solum componitur ex genere & differentia, sed de subsistentia totius materialis, quod componitur ex materia & forma, siue forma sit spiritualis vt in homine, siue materialis vt in equo. Inquirimusque, an sicut totum est compositum ex suis partibus, vel essentialibus, si totum sit essentialē, vel integralibus si totum sit integrale, ita subsistentia totius sit composita ex partibus subsistentiis ipsarum partium: quæ difficultas solum habet locum in sententia quam probabiliter defendimus, quodd subsistentia sit entitas quædam positiva, neque loquimur de compositione, quæ fit ex subsistentia & hæccitate, quia hanc omnes admittunt, sed de compositione, quæ fit per solas subsistentias.

Circa quam difficultatem tenet, & latè defendit partem affirmatiuam Suarez 2. tom. Metaphys. disp. 34. sect. 5. qui non solum partibus, sed etiam quibuscumque modis substantialibus, & vnionibus suam specialem assignauit subsistentiam in toto, ex quibus subsistentia totalis coalesceret, fuitque plausibilis hæc opinio, licet noua aliquibus Recentioribus.

Et probatur Primò, quia animæ rationali non videtur posse pegari propria subsistentia, cum illam habeat, quando est separata, aliàs non esset vnita Verbo, quando in triduo existit à corpore separata. idem argumentum fieri potest

potest de corpore; ergo subsistentia totius componitur ex prædictis subsistentiis partium. Et confirmatur, quia secundum D. Thomam 1. p. quæst. 75. art. 2. & 1. contra Gentes cap. 68. quem ibi sequuntur Caietanus & Ferrara, anima rationalis distinguitur ab aliis formis materialibus, ex eo quod hæc sit forma subsistens, cum habeat proprias actiones, & hæc sint supposito- rum.

4. Secundò probatur, quia experimur in entibus homogeneis, v. g. in aqua, quod si diuidantur ex vno ente subsistenti resultant duo entia per se subsistentia; ergo ex istis duabus subsistentiis componebatur illa totalis, quia non videtur, quare tunc in singula parte producatur noua subsistentia.

5. Tertio probatur, quia per subsistentiam totius materialis non solum subsistit ipsum totum, sed etiam immediate subsistunt partes; ergo prædicta subsistentia est extensa, & consequenter non simplex, sed composita ex partibus, non secus, ac est ipsum totum quod subsistit.

6. Quarto probatur, quia secundum omnes Theologos Verbum assumpsit humanitatem mediis suis partibus; ergo assumpsit partes; ergo illæ suam partialem subsistentiam habent, aliàs Verbum non assumeret, cum solum posset assumere illud, quod est capax subsistentiæ.

7. Sed sicut hæc opinio est noua, ita etiam non est vera: vnde omnes Theologi negant partibus subsistentiam, non distinguendo completam aut incompletam, partialem aut totalem, vt videre est in S. Thoma, & eius expositioribus 1. p. quæst. 25. art. 1. & 3. p. quæst. 2. art. 2. & in Scholasticis in 1. d. 23. & in 3. d. 5. tenent expressè Vasquez in præsentia disp. 32. Lorca disp. 29.

8. Quare dicendum nobis est primò, quod partes non habeant partialem subsistentiam in toto, neque subsistentia totius componatur ex subsistentiis partium, sed potius quod partes tam essentielles quam integrales subsistant in toto subsistentia totius.

9. Prædicta conclusio probatur Primò, quia propria ratio subsistentiæ totalis est ita esse per se, vt non sit in alio, non solum vt accidens, quia hæc est per-

scitas substantiæ vt substantiæ, sed non esse in alio tanquam in sustentante, sed omni parte intrinsecum est, vt sic, esse in alio; ergo subsistentia totius non componitur ex subsistentiis partium, aliàs componeretur ex rationibus sibi oppositis.

Secundò probatur, quia compositio, quam facit subsistentia totius, est cum natura indiuidua immediate, & mediatè cum partibus; ergo est actus propriæ naturæ completæ, & non conueniens partibus. & hinc est quod Verbum diuinum (secundum omnes de quo infra) assumpsit naturam, & eà mediante partes, & non è conuerso.

Tertio probatur vrgentiùs, quia si subsistentia totius componeretur ex subsistentiis partium, sequeretur quod sicut totum compositum ex partibus habet prædicata deducta ex prædicatis illarum, qualiter homo dicitur rationalis, quia habet animam rationalem, & dicitur materialis, quia habet materiam, &c. ita prædicata subsistentiæ totius deducerentur ex prædicatis subsistentiarum partium: sed nulum deducitur, quia quoddam sit incommunicabilitas vt quod ad indiuidua deducitur ex hæccitate, quod sit incommunicabilitas vt quo, & consequenter vt quod ad personas non solum deducitur ex partibus, sed etiam est oppositum, quia partes sunt communicabiles vt quo; ergo subsistentia totius non componitur ex subsistentiis partium.

Quarto probatur, quia partes intrinsecæ sunt partes compositi vt indiuidui, & extrinsecæ compositi vt subsistentis: vnde materia & forma in Christo, licet sint & dicantur partes personæ diuinæ, non tamen sunt, neque dicuntur partialiter persona diuina, quia persona diuina non potest diuidi in partes, sed hoc etiam est verum de persona creata; ergo sicut solum conuenit illis esse partes totius, ita solum conuenit illis subsistere subsistentia totius.

Dico secundò: Partes substantiales siue materiales sicut vt forma & materia equi, siue spirituales sicut vt anima rationalis, quando separatæ existunt, habent suam propriam & specialem subsistentiam. hæc conclusio

est communis, illamque tenent Recentiores citati cum Suarez ubi supra. Et probatur primò, quia ex diuisione continui subsistentis fiunt duo continua per se subsistentia; ergo partes separatae habent suam subsistentiam. Secundò, in triduo, quando anima Christi mansit à corpore separata, tam corpus Christi quam anima fuerunt Verbo unita, ut fides docet; ergo ex eo, quia separatae habere poterant suas speciales subsistentias, si sibi relinquerentur; patet consequentia, quia Verbum solum fuit unitum, ut terminaret in ratione subsistentis, sicut propter hanc solam rationem terminauit integram naturam humanam. Tertiò, quia partes separatae sunt actualiter independentes ab alieno supposito ut quo, & ut quod; ergo licet sint aptitudinaliter dependentes à proprio supposito, non tollit quoddam habeant aliqualem rationem subsistentiae, & consequenter quoddam possint habere, dum separatae existunt, suam propriam & specialem subsistentiam, quam nequeunt habere, dum actualiter sunt in toto: unde malè Caietanus ubi supra asseruit, quod anima rationalis, quando post resurrectionem reuniatur corpori, non perdet in illo subsistentiam, quam habebat separata, quia hoc esse falsum patet, cum sit actualiter dependens à proprio supposito, & antea non erat.

14. Dices primò: Ergo anima rationalis separata, cum sit subsistens, erit persona, quia erit eius subsistentia, intellectualis naturæ incommunicabilis existentia, sicut substantia Angeli. Respondetur negando, quia non erit existentia incommunicabilis naturæ intellectualis, sed alicuius partis, quia anima rationalis ex natura sua est pars naturæ rationalis. Dices secundò: Partes quando separantur, non habent agēs à quo producat entitas positua subsistentiae, & quando reuniuntur à quo corrumpatur; ergo non habent proprias subsistentias. Respondetur, quod sicut, quando quantum continuum diuiditur, puncta terminatiua resultant naturaliter; & quando reunitur, puncta continuatiua producuntur à partibus proximioribus, & terminatiua per expulsionem definiunt esse; ita contingit in subsistentiis partium, quod ab ipsis resultant, & per

subsistentiam totius corrumpuntur. Dices tertiò: Accidens, quod est separatum, est actualiter independens, & nihilominus non est subsistens; ergo similiter partes substantiales separatae. Respondetur quod accidens neque aptitudinaliter est dependens ab aliquo, à quo recipiat subsistentiam per se; insuper eius dependentia est ab aliquo, tamquam à subiecto in quo debet naturaliter inherere, non sic autem contingit in partibus substantialibus separatis.

Sed faciamus satis argumentis, quæ militent contra primam conclusionem. Ad primum concedo antecedens, & nego consequentiam, quia anima rationalis, licet separata habeat propriam subsistentiam, non tamen coniuncta, quia tunc subsistit subsistentia totius, cuius est pars propter rationem dictam. Ad confirmationem dico, alias formas etiam materiales esse per se subsistentes, quando separatae existunt: dicitur tamen anima rationalis per se subsistens, & non aliae formæ, quia illa ex natura sua est incorruptibilis, & semper existens, & licet in proprio supposito haberet proprias actiones independentes ab illo, non sequitur quod in illo habeat aliquam supposititalitatem, quia actiones solum dicuntur esse suppositorum, ex eo quod cum sint accidentia, earum esse supponit naturaliter esse completum naturæ integræ substantialis, & consequenter esse suppositorum, quia prius est esse, quam operari, non tamen quia actiones dicant per se habitudinem ad subsistentiam, absque hac enim (dummodò aliquod ens habeat singularitatem existentem) potest operari, quare actiones per se & elicitiue sunt singularium existentium, concomitanter autem suppositiue & denominatiue sunt singularium subsistentium.

Ad 2. respondet Lorca ubi supra n. 3. 16. quod partes non habere suas subsistentias in toto, debet intelligi de partibus essentialibus, & modis essentialiter differentibus; non verò de partibus integranibus & homogeneis, quia cum diuisibiles sint ratione quantitatis, ita habent diuisibilem subsistentiam, non aliter ac substantia est diuisibilis.

Sed cōtrā, quia substantia habet partes entitatiuas, quæ extendi possunt ad extensionem quantitatis; subsistentia verò

verò est quidam modus, sed modò nullus attribuit partes entitativas; ergo. Et confirmatur iussuper, quia hæc subsistentia est eiusdem rationis in composito ex partibus essentialibus, & in composito ex partibus integralibus; ergo sicut ibi est indiuisibilis, ita & hic. Antecedens patet, quia utrobique est ratio incommunicabiliter existendi; quare dicendum nobis est, subsistentiam compositi homogenei non componi ex subsistentiis partium, sed esse indiuisibilem, denominareque totum compositum incommunicabile, quod compositum si diuidatur ex natura rei resultant aliz subsistentiæ, sicut resultat indiuisibile terminatiuum in diuisione lineæ. hæc sententia præter rationes assignatas ex eo patet, quia compositum essentialia etiam habet suas partes essentielles extensas, & nihilominus eius subsistentia est inextensa; ergo similiter compositum integrale.

18. Ad tertium concedo, quòd per subsistentiam totius subsistant minimæ partes; ergo est extensa, & consequenter composita, distinguo consequentiam extensione intrinsecâ nego, extrinsecâ concedo, sicut enim humanitas quæ est extensa subsistit per subsistentiam simplicem & indiuisibilem secundum omnes, quæ solum dicitur extensa extrinsecâ ratione extensionis humanitatis, non ratione sui, & sicut anima rationalis est extensa ratione corporis, ita subsistentia totius homogenei, & cuiuscumque compositi integralis est extensa non intrinsecâ, sed extrinsecâ.

19. Ad quartum respondeo potius Verbum assumpsisse partes mediâ humanitate secundum Theologos, quàm e contrâ; quare inferius disp. 7. quæst. 3. & disp. 8. per totam latè explicabimus aliquas locutiones Conciliorum, & Patrum, dicentes assumpsisse humanitatem mediis partibus, pro nunc sufficiat illam locutionem sic explicare, scilicet assumpsisse humanitatem mediis partibus, hoc est, non siue partibus naturæ humanæ, scilicet animæ & corpore, quas habuisse Christum negarunt aliqui hæretici, contra quos hoc fuit stabilitum.

QVÆSTIO VI.

Utrum persona creata possit ad se sumere alienam naturam?

Postquam egimus de personalitate creata, inquirimus præsentem questionem, quia circa illam diuerso modo debemus loqui pro diuersitate opinionum circa rationem formalem personalitatis creatæ, quare ad decisionem illius, nota non esse questionem de actione assumptionis, an scilicet aliqua persona creata possit in genere causæ efficientis; ut causa principalis vel instrumentalis; ad se sumere alienam naturam, quia hoc spectat ad disputationem de causis Incarnationis, sed esse questionem de terminatione, seu de assumptione formali; an scilicet sicut Verbum terminauit naturam humanam, ita persona aliqua creata possit terminare alienam naturam; quia tamen personalitas creata secundum præfatas opiniones questionis quartæ formaliter constituitur entitate positinâ, & constituitur negatione, idè est prius examinanda, supponendo quòd consistat in positiuo.

Prima sententia in hac questione negat posse personam creatam terminare alienam naturam. ita D. Thomas 3. p. quæst. 3. art. 1. sequuntur Suarez disput. 13. sect. 4. Vasquez disp. 25. Lorca disput. 23. ex aliis Durandus in 3. d. 1. quæst. 5. Paludanus quæst. 1. art. 2. Gabriel quæst. 2. art. 3. dubitatione 5. & adducitur Scotus quæstione 4. putans illam probabilem absque eo quòd distinguat an personalitas consistat in positiuo, an in negatiuo, quare tenemur in utroque sensu sententias oppositas estimare probabiles, sicut secundum mentem eius existimauimus quæstione illâ sententias illas probabiles circa rationem formalem personæ. ita Faber dist. 1. disp. 6. cap. 1. unde hanc sententiam ut probabilem defendo, & probo per solutionem argumentorum.

Et sic impugnatur, quia persona creata est omnino independents, cum sit incommunicabilis ut *quo*, & ut *quod* alieno supposito; ergo potest terminare alienam naturam. Probo consequentiam, quia non aliâ ratione Verbum diuinum

X 2 termin-

terminauit naturam humanam, nisi quia fuit omnino independens & incommunicabilis. Respondent supradicti Auctores concedendo antecedens, & negando consequentiam; ad cuius probationem diuersimodè respondent, Caietanus 3. parte q. 3. art. 1. dicit Verbum diuinu terminasse naturam humanam, non solum quia fuit omnino independens & incommunicabilis, sed quia personalitas illius est infinita, continetque virtualiter omnes perfectiones, & terminare dependentiam dicit perfectionem, quare non potest competere personæ creatæ. Sed contrà arguit Scotus §. respondeo, quia sequeretur quoddam aliquid perfectio deesset in Patre, & in Spiritu sancto, quæ de facto est in Filio. Insuper quia hoc latè impugnatur in materia de Trinitate, ubi à Scotistis negatur, quoddam personalitates diuinæ dicant perfectionem & infinitatem.

4. Secundò respondent Vasquez & Lorca quoddam Verbum terminauit naturam humanam, quia cum sit persona supernaturalis habet virtutem intrinsecam ad terminandum aliquam naturam, cuius terminatio possit per actionem supernaturalem reduci in actum: at verò persona creata neque ex virtute sua, neque ex virtute supernaturali potest reduci in actum vt terminet naturam alienam, non ex virtute sua, quia aliàs esset agens naturale, à quo efficienter posset reduci in actum, nam cuiuscumque potentia passiuæ naturali correspondet potentia actiua naturalis, & hæc non datur vt persona creata possit terminare naturam alienam; non ex virtute superaddita, quia neque potest esse accidens, vt apparet, neque substantia alia, quia erit communicabilis, neque subsistentia, quia hæc non potest recipi in alia subsistentia, neque potest esse aliquis specialis Dei concursus, quia hic spectat ad genus causæ efficientis, persona autem solum terminat in genere causæ formalis.

5. Sed contrà primò, quia persona diuina non terminat in quantum supernaturalis, sicut neque quantum infinita, sed solum in quantum incommunicabilis, quia sola incommunicabilitas est quæ desideratur à natura indiuidua vt sit persona; præterea quia personalitas diuina non est supernaturalis, neq; na-

turalis intrinsecè, sed extrinsecè & denominatiuè pro quanto Deus dicitur Auctor naturæ vel gratiæ. Secundo, non sequitur ex eo quoddam personalitas creata possit terminare virtute propria alienam naturam, quoddam posset reduci in actum per agens naturale, primò quia anima separata virtute propria potest informare corpus, & non informabit absque virtute supernaturali causante resurrectionem seu reunionem; secundo quia licet posset aliquod agens naturale causare vnionem inter naturam alienam, & personam creatam, tamen hoc non sufficit, sed insuper requiritur quoddam esset aliquod agens naturale potens impedire resultantiam naturalem propriæ personalitatis ab aliena natura, quæ personanda erat per personalitatem naturæ propriæ, quod nequit reperiri, & sic sicut natura indiuidua non est naturaliter in potentia passiuæ proxima vt personetur alienæ personalitate, quia naturaliter non est agens impediens propriam, ita non est necesse quoddam sit naturaliter potentia actiua, quæ possit causare hanc vnionem.

Dico ergo probabiliter cum Scoto §. *sitenetur*, vnde & ad confirmationem, quoddam persona creata non potest terminare alienam naturam, quia non est nata esse actus vel potetia respectu alterius, bene tamen diuina, quia nata est esse actus, seu terminus; sed cum adhuc desideretur ratio huius, illam assignant Suarez optimè, quia scilicet persona creata est modus creatus, de cuius ratione est solum modificare subiectum in quo est, sicut sessio, figura, &c. quod non contingit in persona diuina. Dices hoc esse verum de modis accidentalibus, vt sunt prædicti; non tamen de substantialibus, vt sunt subsistentia diuina & humana. Sed contrà, quia non est ratio, quare modi accidentales non possint de potentia Dei modificare naturam extrinsecam, & modi substantiales possint, cum vtrumque fiat extrinsecè, & per terminationem cuiusdam vnionis.

Sed vt ampliùs declaretur solutio Scoti & Suarez, debet attendi quoddam modus subsistentiæ creatus non est natus esse actus respectu alienæ naturæ, bene tamen subsistentia diuina personalis (de subsistentia absoluta non lo-

quor

quor eum sit infinita, continensque omnem perfectionem & rationem subsistenti) nam modus creatus per simplicem emanationem emanat à propria natura: unde solum pertinet ad naturam à qua emanat, sicut quia punctum terminatum lineæ resultat ab illa solum potest illam terminare, non aliam, & hoc ex natura sua; subsistentia verò diuina non emanat, nec resultat à natura diuina, sed per veram productionem producitur: unde non ita spectat ad naturam diuinam, quod non possit esse actus naturæ alienæ, & illam terminare: per hoc patet quàm probabilis sit hæc sententia.

8. Secunda sententia opposita affirmat posse personalitatem creatam terminare alienam naturam: hanc sententiam probabilem censuit Scotus vbi suprâ, Gabriel, similiter & Ocham in 3. d. 1. q. 1. Basolis q. 6. Almain. q. 2. dub. vlt. Faber disp. 6. cap. 1. Vnde sic impugnatur Primò, quia si personalitas creata posset aliquam alienam naturam terminare, posset similiter infinitas, sed hoc arguit infinitam perfectionem, quæ repugnat puræ creaturæ; ergo persona creata non potest terminare alienam naturam. Respondetur concedendo quod posset terminare infinitas naturas, si darentur; sed hoc non arguit infinitatem, sicut non arguit in albedine infinitatem, quod posset terminare infinitas similitudines, si darentur.

9. Secundò impugnatur, quia vna natura creata non potest simul terminari à pluribus personis; ergo neq; vna persona creata potest simul assumere plures naturas. Respondetur rationem disparitatis esse claram, quia vna natura creata non potest simul terminari à pluribus personis, nam quælibet earum est causa totalis personandi seu terminandi naturam, & sic nequeunt causare eundem numero effectum: at verò vna persona creata respectu diuersarum naturarum non causat eandem personationem, seu terminationem, sed diuersam, quod non repugnat, sicut neque repugnat quod vna causa efficiens producat diuersos effectus, vel quod vnus terminus terminet diuersas relationes.

10. Tertiò impugnatur per ea quæ adduximus pro prima sententia. Sed re-

spondeo illa iam esse impugnata per argumenta in contrarium adducta. modò solum videtur vrgere id quod adduximus cum Suare, scilicet quod modus creatus solum modificat propriū subiectum, non alienum, & consequenter quod persona creata non potest terminare naturam alienam. Sed responderi potest id esse verum de modificatione intrinseca, non de extrinseca, qualis est hæc; insuper de modis accidentalibus, & non de substantialibus, præcipue de his quæ sunt ratio per se subsistendi, & quando dicis non esse rationem huius. Respondeo rationem esse, quod modi accidentales, vt sessio, figura, indiuisibile terminatum, &c. præstant suum effectum inhærendo, cum sint accidentales, & sic extrinsecè, & vbi non inhærent non possunt illum præstare; at verò modi substantialis subsistentiæ non præstant suum effectum inhærendo, & sic possunt extrinsecè terminare alienam naturā, sicut personalitas Verbi, quæ se habet vt modus in probabiliiori sententia extrinsecè terminauit naturam humanam; quare manifestè constat hanc etiam sententiam esse probabilem.

Restat ergo vt quæstionem examinemus, supposito quod personalitas creata constitutiuo entitate negatiuā, & duplicem inuenio similiter in hac sententiam, vnā, quæ negat, & supponitur à Thomistis, amplectiturque ab aliquibus Scotistis: cuius fundamentum est, quia in relationibus ratio formalis terminandi debet esse positua, sicut & ipsa relatio, & consequenter, cum vnio naturæ alienæ cum personalitate creata sit relatio, non poterit terminari formaliter à personalitate creata, cum consistat in negatiuo. Altera verò sententia affirmat, defenditurque à Fabio vbi suprâ, & ab aliis Scotistis; & ratio pro ipsa est, quia relatio solum requirit extrema positua, & non requirit quod rationes formales extremorum sint posituæ (ita respondet Pytigianus supra quæstionem 4. art. 2. & citat Lichetum, & Basolis pro hac solutione) sicut relationes diuersitatis, quæ pertinent ad primum genus relatiuorum, fundantur in carentia vnitatis, quæ est ratio formalis terminandi illas; quare cum prædicta vnio fundetur in aliqua

natura positiua, & terminetur ad alteram naturam positiuam, vt affectam personalitate creatâ. hinc est quodd etiam si hæc consistat in negatiuo possit terminare illam, & per hoc patet ad fundamentum oppositum. Vtramque sententiam probabilem iudico, & pri-

mò potest respondere ad hoc argumentum, hoc esse speciale in relationibus diuersitatis propter earum naturam; secus autem contingere in aliis relationibus, præcipuè vnionis, quæ postulant in termino formalisationem positiuam, cum sint rationes positiuæ vnionis.

DISPV TATIO VII.

DE

VNIONE HYPOSTATICA

EX PARTE NATVRÆ

TERMINATÆ.

Postquam explicuimus omnia, quæ ad rationem personæ Verbi attinent, venit agendum de natura assumpta à Verbo, & circa hoc de omni natura assumptibili ab ipso, de quibus agit Scotus per totam distinctionem secundam, & aliqua attingit distinctione primâ & quintâ.

QVÆSTIO PRIMA.

Vtrum qualibet natura creata sit terminabilis à persona Verbi?

1. **N**ATURA creata alia est purè spiritualis vt Angelus, alia corporalis & rationalis vt homo, alia irrationalis vt leo, alia substantialis vt lignum, alia accidentalis vt albedo, alia totalis vt compositum, alia partialis vt caput; & quidem si de natura corporali, & rationali, & totali sermo fiat, certum est terminabilem esse à persona Verbi, quia quod de facto fit in natura humana Christi Domini, quæ est corporalis, rationalis & totalis, certum est possibile fuisse, & consequenter id ipsum censendum esse de qualibet alia simili natura. Difficultas ergo huius questionis solum est circa alias naturas, de quibus suo ordine agendum est.

PARS PRIMA.

An natura angelica assumi potuerit à Verbo?

2. **P**artem affirmatiuam docent Scholastici cum Magistro in 3. d. 2. ibi

Scotus, D. Thom. 3. p. q. 4. art. 1. ad 3. & eius expositores, & aliquiliter colligitur hæc veritas ex Paulo ad Hebr. 2. *Numquam Angelos apprehendis, sed semen Abrahæ.* vbi videtur supponere potuisse Verbum illos apprehendere, seu ad se sumere. Et ratio huius est, quia Angelus habet suam rationem personæ distinctam realiter ab ipsa natura angelica; ergo sicut propter hanc rationem Verbum assumpsit naturam humanam, ita potuit assumere naturam angelicam.

Albertus in 3. d. 2. censuit oppositum, ex eo quodd in Angelis idem sit natura & persona iuxta illud Arist. 7. metaphys. cap. 6. *In his quæ sunt per se* (explicat ipse Albertus, id est, in substantiis separatis) *idem est quod quid est, & id cuius est* (id est natura & persona) sed natura non potest assumi simul cum persona; ergo neque natura angelica, quæ non distinguitur à sua persona. Respondetur Aristotelem diuerso modo explicari à Scholasticis: Primò, *In his quæ sunt per se* (id est in substantiis) *idem est quod quid est, & id cuius est, id est, idem est definitio & definitum*, nam in definitione accidentium, cum definiantur per ordinem ad aliquod extrinsecum, scilicet per ordinem ad subiectum, nõ est idem quod

quod quid est, & id cuius est, quia non est idem accidens, & subiectum illius. Secundò, *In hū quā sunt per se* (hoc est in substantiis) *idem est quod quid est, & id cuius est*, hoc est, natura & suppositum sunt eiusdem prædicamēti ad differentiam accidentium, quæ sunt in substantiis, quæ non sunt eiusdem prædicamēti, quia subiectum ponitur in prædicamento substantiæ, & accidens (quod inheret illi propter quod dicitur esse illius) habet suum prædicamentum distinctum: vnde noluit Aristoteles dicere, quòd in substantiis separatis idem sunt natura & persona.

4. Dices: Persona angelica est incorruptibilis: at si Verbum assumeret illius naturam, deberet eius personalitas corrumpi; ergo. Respondetur primò, quòd si assumeretur à Verbo in instanti, quo natura angelica fuit creata, & deberet personari, tunc talis personalitas non corrumpetur, sed solum nō oriretur, quando naturaliter deberet oriri, sicut contingit in natura humana Christi Domini. Secundò, etiā si assumeretur à Verbo postquam propriā personalitate fuit natura angelica personata, in quo casu talis personalitas corrumpetur, non sequitur inconueniens, quia entitas angelica non est corruptibilis ab agente creato & naturali, benè tamen à Deo, qui annihilare & corrumpere potest per suspensionem concursus, quo illam conseruat. Præterea Angelus non est corruptibilis per actionem & reactionem, sicut substantia corporalis.

5. Sed inquires quare Verbum non assumpsit naturam angelicam, sed humanam, cum illa sit nobilior istā, & illa assumi potuerit sicut ista. Respondetur de hoc latè nos egisse disputatione 1. quæstione 7. ubi diximus hoc fuisse, vt in assumptione naturæ humanæ aliquo modo omnis assumeretur natura, nam homo habet viuere cum plantis, sentire cum animalibus, intelligere cum Angelis, &c. Præterea vt nos redimeret ex speciali iustitia, in qua congruum est, vt idem satisfaciatur, qui fuit offensor; & sic si natura humana in Adamo fuit offensus, ipsa in Christo fuisset satisfaciens. Præterea vt dæmon vinceretur ab illa natura, quam vicerat.

PARS SECVNDA.

An natura substantialis irrationalis assumi poterit?

6. Negarunt aliqui Verbum diuinum assumere potuisse naturam irrationalem, v.g. leonis, equi, &c. ita Henricus quolibet 13. q. 5. Carthusian. in 3. d. 2. q. 2. Reus Mirandulanus in Apologia in defensione quartæ propositionis, & quia eius sententia nota erroris fuit ab aliquibus adusta propter corpus Christi in triduo, quod mansit vnitum Verbo, illam limitauit ad naturas irrationales, quæ non dicunt ordinem, sicut corpus hominis ad animam rationalem. Hanc sententiam reputant probabilem Ricardus in 3. d. 2. art. 1. q. 4. Gabriel d. 1. q. 2. art. 1. & 2. & tribui solet D. D. Bonauenturæ d. 2. q. 1. art. 1. sed solum negat fuisse congruum, non verò quòd fuerit possibile, & tribuitur A. lenfi 3. p. q. 7. memb. 1. quatenus ait non posse naturam assumi à Deo, nisi mediā gratiā iustificante, cuius creatura irrationalis non est capax. hæc sententia probabitur argumentis postea soluendis.

7. Vera tamen & communis sententia docet, Verbum assumere potuisse quantumque naturam irrationalem, substantialem, & totalem. ita Scotus in 3. d. 2. q. 1. §. ad 2. argumentum. D. Thom. 3. p. q. 4. art. 1. ad 1. & clarius in 3. d. disp. 2. q. 1. art. 1. & 4. contra Gentes cap. 5. Durand. Almayn. & alij plures, quos citant Recentiores in presenti. Et probatur Primò ex Patribus, nam Nissenus in Oratione magna, quæ est 27. ait, *Omnes naturas creatas eiusdem rationis esse, quantum ad assumptionem à Deo, & differentiam vnus ab altera, quantum ad hoc nullius esse momenti.* Et Tertullianus lib. de carne Christi contra Marcionem capite 4. dicit, *Non fuisse indecens quòd Verbum assumpsisset verum corpus terrestre, nam & potuit si voluisset assumere corpus de lupis aut vacca.*

8. Secundò probatur à priori, quia natura prædicta irrationalis habet propriam substantiam; ergo capax est, quòd substantia Verbi suppleat illam, & consequenter cum sit in potentia obedientiali quòd possit assumi à Verbo.

bo, in quo casu talis natura subsistens per subsistentiam Verbi non diceretur persona, sed suppositum, quia persona solum est intellectualis naturæ incommunicabilis existentia, vt patet ex dictis disputatione antecedenti, quæst. 4.

9. Sed contrā sunt argumenta primæ sententiæ: Primò, quia esse est sicut operari ex Arist. 4. Meteorum, & ex Damasc. lib. 3. de Fide cap. 18. sed natura irrationalis non potest habere operationes diuinas, videlicet visionem beatam, fruitionem, &c. ergo neque esse diuinum, scilicet esse subsistens, vel suppositum. Et confirmatur, quia maius est vniri Deo in persona, quam ipsum videre, sed hoc est naturæ irrationali impossibile; ergo & illud. Respondetur ad argumentum, quod principium prædictarum operationum est intellectus, vel voluntas, non autem supposititas; & sic solum probat argumentum, quod natura irrationalis non potest eleuari ad illa principia, non vero ad supposititatem. Ad confirmationem dico, quod quidquid sit an maius esset vniri Deo in persona, quam ipsum videre in natura capaci vtriusque, tamen in natura capaci visionis non est maius, neque minus, quia comparatio solum fieri potest in natura, in qua vtrumque potest reperiri.

10. Secundò, vnio hypostatice est forma sanctificans, sed sanctitas non potest reperiri in natura irrationali; ergo. Et confirmatur, quia quod est indecens & incongruum non potest fieri à Deo ex Anselmo lib. 2. *Cur Deus homo*; sed indecens esset, quod Deus diceretur musca, canis, &c. ergo non potest vniri naturæ irrationali. Respondetur ad argumentum, quod duplex est sanctitas, vna quæ res, quæ à virtute religionis collatur, dicuntur sanctæ; alia quæ anima est sancta in ordine ad beatitudinem. primam haberet tunc illa natura irrationalis assumpta à Verbo, vnde adoraretur adoratione latræ, sicut in triduo fuit corpus Christi adoratum. secundam non haberet, quia in sententia Scoti talis vnio non est sanctitas formalis in ordine ad gloriam, & in sententia D. Thomæ, licet sit talis sanctitas, tamen reddere sanctum est effectus secundarius, qui potest non oriri propter incapacitatem subiecti, quia effectus primarius

illius est vnire naturam cum persona Verbi. Ad confirmationem dico, quod duplex est indecentia, vna negatiua, scilicet non congruentia, seu non ita congruum & decens, & vt sic concedo quod esset indecens Verbum assumere naturam irrationalem, neque illæ denominationes ponerent imperfectionem, quia sunt extrinsecæ, & proueniunt ex communicatione idiomatum, sicut neque istæ, *Deus moritur*, *Deus conspuitur*; alia est indecentia positiua, seu contraria, quæ ponit imperfectionem in Deo, & hanc relegat Anselmus à Deo.

PARS SECUNDA.

*An natura accidentis possit assimi-
lari Verbo?*

Negant communiter Recentiores 11. Suarez disp. 14. sect. vltimā, Vasquez disp. 30. cap. 5. Lorca disp. 27. & aliqui Scotistæ in manuscriptis cum Basolis in 3. d. 2. q. 2. sed multò melius affirmat Almainus ibidem Marfilus quæst. 3. art. 1. & tamquam sententiam probabiliorē defendunt ex nostris. Pytiglianus quæstione 1. art. 8. Faber disputatione 6. cap. 2. Cuius fundamentum est, quia ex Scoto in 3. d. 1. q. 1. *1. de 1. dico*, & quolibet 19. art. 2. litt. M, accidentis dicitur duas habitudines ad subiectum. primam tamquam substantificati ad substantificans, quæ caret omni imperfectione. secundam tamquam inhaerentis ad id in quo inhaeret, & hæc dicit imperfectionem. sed primam potest Verbum terminare, quia habet rationem substantificantis; ergo natura accidentis separata à subiecto poterit assumi immediatè (de quo procedit difficultas) à Verbo. Et confirmatur, quia Verbum, vt assumat naturam humanam, non informat illam, neque natura humana recipitur in Verbo, sed solum quasi extrinsecè terminatur ab illo; ergo licet accidens non inhaereat in Verbo, poterit quasi extrinsecè terminari ab illo.

12. Sed contrā obiciunt Aduersarij, quia Verbum non potest sibi vnire naturam accidentalem in existentia, quia posset essentia actualis accidentis absque propria existentia manere, quod est falsum, neque potest sibi vnire illam in substantia,

stentia, quia accidens non est capax subsistentiæ, sicut neq; subsistentia est capax inhærentiæ; ergo. Respôdetur concedendo quòd non potest sibi vnire accidens in existentia, nego tamen quòd non possit vnire in subsistentia, quia licet accidens sit incapax efficiendi per se subsistentiæ, sicut subsistentia est incapax efficiendi in alio accidentis, tamen esse per se subsistentiæ est diuersum ab esse per se substantiæ, nam hoc dicit carentiam inhærentiæ; illud verò dicit independentiā ab alio, iquam à sustentante, vt latè diximus disputatione 6. & huius pericitatis est capax natura accidentis, non intrinsecè, sed extrinsecè, quia à subiecto à quo sustentificatur illi recipit.

13. Sed dices primò: Esse per se subsistentiæ supponit esse per se substantiæ; ergo non potest in accidenti reperiri. Respôdetur quòd antecedens est verum non solum de ipsa substantia, sed etiam de ipso accidenti, quia accidens non potest esse per se pericitate subsistentiæ, quam recipit à subiecto, nisi præsupponat quòd subiectum sit per se pericitate substantiæ; si enim subiectum non est substantia non possit sustentificare naturam accidentis, tamen hoc nihil concludit contra nos.

14. Dices 2. Saltem subsistentia est modus proprius substantiæ; ergo non potest competere accidenti. Respondeo quòd subsistentia intrinseca est modus proprius substantiæ: vnde posita à parte rei substantia statim ab illa oritur subsistentia, tamen subsistentia extrinseca quam habet accidens à subiecto vel supposito, à quo sustentatur in quantum extrinseca est, non est modus proprius substantiæ, sed accidentis.

15. Dices 3. Prædictæ duæ habitudines accidentis ad subiectum inhærentis & sustentificati sunt eadem realiter, & solum formaliter distinctæ; ergo nequit vna ab altera separari. Respondetur negando antecedens, quia licet naturaliter & de facto simul recipiantur, tamen de possibili hoc non repugnat, & sicut de facto datur in Eucharistia accidens actuale absque inhærentia actuali (in quo Deus non supplet sustentificantem subiecti, aliàs accidens esset illi hypostaticè vnitum, sed solum conseruat per suum consensum existentiam accidentis) ita posset dari accidens actuale

sustentificatum à Verbo absque inhærentia actuali, & cum oppositum non probetur non est diuinæ omnipotentiae denegandum.

PARS QUARTA.

An partes substantiales possint à Verbo terminari?

Hæc difficultas tam procedit de 16. partibus essentialibus, quæ sunt materia & forma, quàm de integralibus, quæ sunt caput, manus, &c. & quidem si sermo sit de illis vt separatis à suo toto, cuius sunt partes, quæ scilicet possunt naturaliter existere separatæ, vt anima rationalis, corpus organicum, &c. conueniunt omnes Verbum diuinum posse illas terminare, quia de fide est terminasse in triduo corpus separatū, & animam eius separatam, habent enim partes separatæ suam specialem subsistentiam, vt probauimus disp. antecedenti quæst. 5. quare duo sunt in præfenti examinanda. 1. an partes materiales separatæ, v. g. materia prima, forma equi, & aliæ similes (quæ nequeunt naturaliter cōsistere separatæ) possint terminari à Verbo. 2. an omnes partes tam materiales quàm spirituales non separatæ, sed existentes in toto possint terminari à Verbo.

Circa primum Vasquez disp. 30. c. 5. 17. & aliqui Recētiore negant partes materiales separatæ posse terminari à Verbo. Fundamentum, quia putant materiam primam & formas materiales non habere propriam subsistentiam, neque subsistere alia subsistentia, quàm subsistentia totius; & consequenter si ab illo separentur, non posse subsistere subsistentia Verbi. Sed contrà ad hominem, quia in sententia Vasquez etiam anima rationalis & eius corpus non habent separatam propriam subsistentiam, & tamen habuerunt illam anima Christi & eius corpus acceptam à Verbo in triduo; ergo etiam si materia prima & formæ materiales separatæ non habeant propriam subsistentiam, poterunt tamen illam habere à Verbo.

Quare nobis dicendum est, partes 18. substantiales, materiales separatæ posse terminari à Verbo. ita Suarez disp. 14. sect. 3. hæc cōclusionem probant aliqui, quia

quia licet prædictæ partes separatæ nō habeant propriam subsistentiam, tamen sunt capaces subsistentiæ, siquidem habent in toto illam; ergo etiam poterunt illam habere separatæ. Sed hæc ratio meo vidēri nulla est, quia partes in toto solum sunt capaces subsistentiæ totius, solum enim per illam subsistunt, quæ subsistentia non est composita ex subsistentiis partium. vt contra Suarez probauimus disp. antecedenti, q. 5. sed partes prout separatæ non sunt capaces subsistentiæ totius, aliis eadem formaliter esset subsistentia totius, & partium; ergo ex eo quod partes sint in toto capaces subsistentiæ totius, non rectè colligitur quod separatæ sint capaces subsistentiæ. Et confirmatur, quia subsistentia totius esset incommunicabilis vt *quo* & vt *quod* actualiter & aptitudinaliter; sed subsistentia partis non est incommunicabilis vt *quo* aptitudinaliter, quia dicit inclinationem, vt tiquam pars cōmunicetur toti; ergo separata non potest subsistere subsistentia totius; ergo si subsistit, est quia non repugnat illi specialis subsistentia partis, licet repugnet subsistentia partialis.

19. Ratio ergo vera pro hac sententiā est, quā Suarez vbi suprà & plures Recentiores cum eo tradiderunt, quia licet de facto prædictæ partes materiales nō habeant propriam subsistentiam, sicut neque existētiā, quia si separantur, corrumpuntur, tamen si de potentia Dei cōseruentur in sua existētia illis est cōnaturaliter debita specialis subsistentia, non aliter ac est debita animæ rationali, corpori humano, & his similibus, quæ naturaliter cōseruantur separatæ, quia omnes rationes, scilicet subsistentiæ, & independentiæ, quæ conueniunt istis, propter quæ separatæ existunt per se, & subsistunt, conueniunt & illis, & sic debent subsistere, sūt enim actualiter independentes vt *quo*, & vt *quod*; & consequenter Verbi quod potest propriam subsistentiam supplere, poterit & illā, quam possunt habere partes separatæ. Et per hoc patet ad fundamentum Aduersariorum.

20. Circa secundam affirmat Suarez ibidem, posse diuinum Verbum terminare aliquam partem ex illis, quæ actualiter sunt in toto, non assumptā aliā, neque assumptā ipso toto. Fundamentū est, quia partes in toto (in eius sententia) habent

suas speciales subsistentias partiales, ex quibus componitur subsistentia totius, & consequenter Verbum poterit supplere subsistentiam vnus partis, non supplendo subsistentiam alterius, vel subsistentiam totius. Sed hoc iam est à nobis impugnatum illā quæstione 5.

Quare dicendum nobis est quodd Verbum non possit terminare partem aliquam actualiter existentem in toto. Et ratio huius est. 1. quia partes in toto solum subsistunt per totius subsistentiam; ergo nō sunt capaces alterius subsistentiæ. patet consequentia, quia duplex causa totalis non potest simul & immediate causare eundem numero effectum, sed hoc contingeret, si aliqua pars, quæ subsistit per subsistentiam totius, simul subsisteret per subsistentiam Verbi.

Et confirmatur, quia subsistentia totius consistit in indiuisibili; ergo nequit corrumpi quātum ad hoc quod est dare esse subsistens illi parti; ergo. vel Verbum nō potest supplere hanc partialem subsistentiam, vel duplex causa totalis causaret eundem numero effectum. 2. dato casu quod subsistentia totius sit composita ex subsistentiis partium, vt vult Suarez, sequeretur quod similiter posset componi ex subsistentia ereata, quæ daret esse subsistens aliis partibus; & increata, quæ daret esse subsistens huic parti, quod videtur falsum. Omitto alia argumenta, quæ adduci solent, quia vel falsa sunt, vel parum vrgent.

QVÆSTIO II.

Verum natura humana existens cum propria personalitate sit assumptibilis à Verbo?

TRipliciter potest natura actualiter personata propriā personalitate assumi à personalitate Verbi: Primò, taliter quod destruat propriā personalitas per nouam Verbi aduenientem, & in hoc sensu cōueniunt omnes, quod natura humana sit assumptibilis à Verbo, quia semper est in natura potentia obediēcialis vt assumatur à Verbo, dūmodo non sit vtrique persona diuina, scilicet & humana simul terminās naturam creatam. Secūdò, taliter quod non destruat propriā personalitas, sed potius etiā ipsa assumatur cū natura, quod nullus admittit posse fieri, quia personalitas de formali vel de cōsequenti dicit duplici-

duplicem negationem actualis & aptitudinalis communicationis: unde non poterit alteri personæ communicari, & præterea quia aliàs ultimus naturæ terminus qui est personalitas posset terminari. Testis, taliter quod licet non destruat personalitatem, tamen non assumatur, sed sola natura terminata per ipsam assumatur à Verbo. In quo sensu refert Suarez disputatione 4. sect. 1. aliquos dixisse posse assumi à Verbo: tamen contraria sententia est vera, & late à nobis probata disputatione antecedenti, quæstione 2. ubi probauimus plures personas non posse simul assumere eandem numero naturam; quare in hac quæstione solum desideratur solutio aliquarum obiectionum.

2. Prima obiectio est, quia id potest fieri quod factum est de facto, sed de facto Verbum assumpsit hominem secundum plures locutiones Conciliorum & Patrum, quæ videri possunt apud Recentiores, homo autem in concreto significat naturam humanam personatam; ergo assumpsit personam. Respondetur prædictas locutiones non esse veras de rigore sermonis, ut malè asseruit Ludouicus Viues in Annotat. in libros D. Aug. de Ciuit. Dei cap. 17. sed potius esse pie interpretandas & intelligendas, taliter quod *ly homo* sumatur pro humanitate, vel non pro extremo assumpto à Verbo, sed pro termino assumptionis, qui fuit, quod humanitas fieret per talem assumptionem, homo in concreto, quia per talem assumptionem Verbum dedit humanitati esse personam, & sic hominem in concreto. hanc sententiam habet Magister in 3. d. 6. cum quo Scholastici omnes, & D. Thomas 3. p. quæst. 4. art. 3. & Ioannes Maxentius in Dialogo primo contra Nestorium dicit: *Ego à Deo susceptum hominem nullatenus dicere audeo, sed Deum sine diminutione diminutis suis factum hominem fateor, ne si susceptum hominem dixero duas videar in Filio Dei prædicari personas.* Quare de facto Verbum non assumpsit hominem, sed humanitatem, & consequenter argumentum hoc factum de actu ad potentiam nullum est.

3. Secunda obiectio est, quia si Verbum assumpsit naturam humanam absque propria personalitate, esset perpetuo violenta, quia violentum est, quod est à

principio extrinseco contra naturalem inclinationem, carentia autem propriæ personalitatis proueniens à principio extrinseco, scilicet à Deo, vel à Verbo esset violentia facta humanitati: quæ obiectio, ut benè docuit Suarez disputatione 34. quæstione 1. solum procedit in casu, quo personalitas creata formaliter consistat in positio, quia si consistat in negatio nulla erit violentia, nam ad negationem nulla datur inclinatio positio.

Respondetur cum committitur sententia negando quod natura humana existat in Verbo violenta, quia nulla violentia debet esse perpetua, sed in assignanda ratione huius differunt Auctores; Caietanus 3. p. art. 3. ex eo negat manere violentiam, quia natura humana ita satiatur personalitate Verbi, ut auferatur ab ea inclinatio, & appetitus naturalis ad propriam, sicut appetitus elicitus cognito maiori bono non fertur minus bonum. Sed contra, quia inclinatio & appetitus innatus ad propriam personalitatem est propria passio naturæ; ergo nequit à natura humana separari, sed semper debet perseverare (qui appetitus est desiderij si fertur in bonum possibilibiter futurum, & est complacentiæ si fertur in bonum præsens) exemplum autem non est simile, quia appetitus elicitus sequitur cognitionem, & sicut deficit deficiente cognitione, ita mutatur mutata cognitione; at verò appetitus innatus non sequitur cognitionem, sed naturam, imò est ipsa natura prout dicit inclinationem & pondus ad suam perfectionem, ut patet in materia prima, quæ adhuc existens, & informata animi rationali dicit inclinationem; & appetitum desiderij ad alias formas; & sic non potest deficere, neque auferri, nisi deficiat ipsa natura.

Vasquez disp. 34. cap. 4. ex eo negat violentiam, quia hæc debet esse contra inclinationem actiuam illius, quod illam patitur, natura autem humana Christi non habet inclinationem actiuam ad propriam personalitatem, sed solum passiuam. Sed benè impugnatur Lorca disputatione 30. numero 8. quod hæc solutio supponit vnum dubium, & admittit quoddam falsum. Supponit dubium, quia incertum est, an inclinatio naturæ sit purè passiuæ, an etiã actiuæ

Et verisimilius affirmat communior sententia Theologorum & Metaphysicorum, quam tenuimus disputatione antecedenti, quaestione 4. in responsione cuiusdam argumenti, quod sit actius, & quod personalitas procedat actiue non ab agente, sed à natura, sicut passionnes fluunt ab essentia actiue, & non ab agente extrinseco producente essentiam: vnde ad minus sequeretur, quod in sententia horum natura humana esset violenta in Verbo. Admittit quoddam falsum, quia vt bene Lorea in praesenti, & nos latè 2. physicorum quaestione 2. violentum est, quod sit non cōtra principium actiuum, sed contra principium passiuum, quia hoc est de ratione naturae definitae ibidem ab Aristotele cap. 1. scilicet quod sit *principium motus & quietis*, &c. quidquid in contrarium velit Vasquez, etiam 1. 2. disp. 25. ibidem allegatus, vbi probauimus materiam primam esse veram naturam, licet solum habeat principium passiuum, & inclinationem passiuam ad formas.

6. Aliam adducit rationem, quare non sit violenta, Suarez disp. 8. sect. 3. scilicet quod ad violentiam non solum sit requisita carentia propriae perfectionis, sed etiam quod hoc proueniat à forma contraria, & repugnante ipsi appetitui, quod non contingit in praesenti, quia personalitas Verbi non est contraria, neque repugnat appetitui, sed tribuit supernaturalem quendam modum existendi, ad quem natura dicit potentiam obedientialem. Sed contra insurgit Vasquez, quia corpus graue quiescit violenter sursum, & tamen quiescit per solam priuationem motus deorsum; ergo violentia non prouenit etiam à forma repugnante & contraria. Sed haec instantia nulla est, quia potest dici quod quiescit violenter sursum, non solum per priuationem motus deorsum, sed etiam per formam contrariam, scilicet per vbiificationem sursum, quae contraria est vbiificationi deorsum. Melius ergo impugnatur à simili, quia si daretur materia prima absque omni forma esset violenta, & tamen non per formam contrariam, sed solum per priuationem formae, ad quam naturalem dicit inclinationem.

7. Respondendum ergo nobis est cum Lorca vbi supra num. 9. naturam huma-

nati Christi non esse violentam in Verbo, quia ad violentiam non solum requiritur carentia propriae formae, sed etiam quod propria forma non suppleatur per aliam perfectionem formam eminentiori modo continentem effectum illius, quod non contingit in praesenti, quia personalitas creata, quam natura humana Christi deberet habere, suppleta est per personalitatem Verbi, quae est perfectior forma, & modo eminentiori praestat effectum personandi, quem praestaret propria personalitas creata. Itaque licet maneat & persequeret appetitus in natura humana innatus ad propriam personalitatem, quia nequit auferri, vt contra Caietanum diximus, tamen natura humana non manet violenta, quia eminentiori modo manet personata, sicut etiam si materia prima habeat appetitum ad formam aequi, quando habet animam rationalem, tamen non manet violenta, quia perfectiori modo est informata: vnde priuatio propriae substantiae in natura humana Christi non causat violentiam.

8. Hanc sententiam nostram confirmo ex doctrina Scoti, quam latè tradidi disputatione antecedenti, quaestione 4. quia personalitas diuina perfecte supplet personalitatem creatam, quam natura humana Christi deberet habere; ergo supplet negationem communicationis aptitudinalis, hoc est cum aptitudine seu inclinatione ad aliud suppositum, vt ipse Scotus locis ibi adductis hoc explicat; ergo per personalitatem Verbi est negata hac inclinatione; ergo non manet violenta. Patet consequentia, quia si adhuc natura humana vt supposita in Verbo haberet inclinationem ad aliud suppositum, & illi maneret aptitudinaliter comunicabilis, non maneret perfecte personata personalitate Verbi, nec personalitas creata, quam aliàs haberet perfecte suppleta, quod est falsum; ergo dicendum venit, quod natura humana Christi medià personalitate Verbi habet negationem communicationis cum inclinatione ad alienam personam, & sic quod sub illa non manet violenta.

9. Similiter potest confirmari haec sententia ex alia doctrina Scoti, quae docet quod ad formas supernaturales datur

In natura creata appetitus naturalis, quæ doctrina latè traditur in materia de beatitudine, & alibi sæpe; ergo sub personalitate diuina non manet secundum genuinam Doctoris subtilis mentem natura humana Christi violenta.

QVÆSTIO III.

*An Verbum assumpsit omnes partes
essentiales naturæ humanæ?*

DVplex est pars essentialis naturæ humanæ, corpus scilicet & anima rationalis, sicut & cuiuslibet compositi substantialis materialis, est materia & forma. Circa primam partem, scilicet circa corpus, referuntur duo errores: Vnus assererat Christum non habuisse verum corpus, sed solum apparens & phantasticum. ita asseruit Cedron circa tempora Apostolorum, vt refert Tertullianus lib. de Præscriptionibus c. 51. August. hæres. 21. Epiphanius hæres. 41. & eundem errorem secuti postea sunt Marcion, Lucanus, Manichæi, & Proclianæ, seu Proclianæ, vt refert Loran, ex Patribus disputatione 33. quorum fundamentum erat, quia constituebant duos Deos, vnum bonorum, alium malorum, inter mala verò referebant corpora, & idè inferebant corpus verum, quia malum est, non potuisse assumi à Filio Dei. & eidem errori consensit Apelles, vt habet August. hæres. 23. nisi quod ampliùs explicuit corpus Christi fuisse compactum ex elementis ad modum corporum, quæ assumuntur ab Angelis, & in morte fuisse in elementa resolutum.

2. Alius error asseruit, quòd licet corpus Christi non fuerit apparens, sed verum, non fuit tamen humanum, neque ex materia terrestri, nec simile aliis corporibus, sed ex materia cælesti. ita asseruit Valentin. vt referunt Tertullianus in prædicto lib. cap. 49. & lib. de Carne Christi cap. 15. August. hæres. 11. Irenæus lib. 1. cap. 5. eundem errorem tenuerunt Gnostici Apollinaris, qui & addidit corpus Christi non solum fuisse cæleste, sed & diuinum, & Deo consubstantialia, & de eius substantia. Fundamentum erat illud ad Corinthios 15. *Primus homo de terra terrenus, secundus de celo cælestis.*

Contra vtrumque errorem semper docuit Ecclesia, & definiuit Christum Dominum habuisse verum corpus humanum terrestre, & simile in omnibus, ac eiusdem naturæ cum aliis hominum corporibus. ita definitur in Anathematismis Cyrilli approbatis à pluribus Conciliis, præcipuè Anathematismo 2. & 5. idem definiunt plura Concilia, Calcedonense actione 5. Constantino-politanum 5. actione 8. can. 4. & 11. Synodus 6. generalis actione 11. Concilium Toletanum 1. & 11. in confessione fidei: Hispalense 2. cap. 11. & plura alia: definit Leo epist. 11. & 83. Eutichianus epist. ad Episcopos Beticæ. Damasc. in confessione fidei. Et probatur ex **S. Scriptura** Ioan. 1. *Verbum caro factum est.* Ad Hebræos 2. *Quia pueri communicauerunt carni & sanguini, & ipse Dominus participauit eisdem.* Et rursus: *Deiuit per omnia fratribus assimilari.* Luc. 24. *Palpate & videte, quia spiritus carnem & ossa non habet, sicut videbitis me habere;* & tamen sublato vero corpore Christi tota fides eius, & suæ Incarnationis ruit, quia non potest esse verus homo, verè conceptus, passus, & mortuus, &c. legatur Ambrosius lib. de Sacramento Dominiæ Incarnationis cap. 7. Cyrillus lib. de Fide ad Theodosium August. epistola 146.

4. Ad fundamentum primi erroris respondet lumine solo naturæ constare, quòd tantum sit vnus Deus. Sed obijciunt primò illud ad Philippens. 2. *In similitudinem hominum factus;* ergo non fuit verus homo, sed similis. Respondetur primò similitudinem non excludere proprietatem; sicut Genes. 5. dicitur, *Adam genuisse filium ad imaginem & similitudinem suam.* Secundò quòd licet excludat proprietatem, vt putauerunt Ambrosius & Chrysostomus. tamen loquitur de Christo, vt Deo, qui apparuit in carne similis aliis hominibus, ac si esset purus homo, sicut illi, cum tamen esset verus Deus.

5. Obijciunt secundo illud 2. ad Corinth. cap. 5. *Et si cognouimus Christum secundum carnem; sed iam non nouimus.* vbi Faustus ait, Paulum mutasse sententiam prius existimantem habuisse Christum veram carnem, postea non. Respondetur quòd iste blasphemauit, putans quòd Apostoli habuerunt errorem, quem deberent

retractare. Sensus ergo huius loci est, quòd Apostoli prius cognouerūt Christum in carne præsentem, postea absentem ab oculis carnalibus, intendebant enim allicere fideles ad vitam spiritualem, quæ habetur per cognitionem fidei, non per visionem oculorum.

6. Obiicies tertio Marcion: *Corpus non est particeps redemptionis*; quia 1. ad Corinth. 15. dicitur, *Caro & sanguis regnum Dei possidere non possunt*; ergo Christus solum redemit animas, & consequenter non indiguit corpore. Respondetur negando antecedens. Et ad probationem dico per carnem & sanguinem non intelligi ipsas substantias carnis & sanguinis, sed corruptionem ipsarum per prauos affectus. Vnde statim subdit Paulus: *Neque enim possidebit corruptio incorruptionem*. Et ad Galat. 5. *Omnia genera peccatorum dicuntur opera carnis*.

7. Ad fundamentum secundi erroris dico plures Patres explicare prædictum locum de diuinitate, ratione cuius dicatur, *Christus homo de calo caelestis*. ita Nazianzenus epist. 1. ad Eltodorum, August. 13. de Ciuit. Dei cap. 23. D. Thomas 3. p. q. 5. art. 2. ad 1. alios verò explicare de Christo secundum humanitatem propter modum mirabilem conceptionis factæ virtute Spiritus sancti, sed literalis & germana expositio est Chrysostomi ibidem, ubi dicit debere intelligi de ipso corpore Christi comparato cum corpore Adami, secundum quod differebant, non in substantia, sed in qualitate, quia primus homo trāstulit in nos corpus terrenum, hoc est terrenis affectibus obnoxium; secundus verò homo, scilicet Christus, transfert in nos corpus cæleste, hoc est glorificatum post resurrectionem, de qua tunc agebat Paulus proponens quæstionem, qualia corpora futura sint post illam, & respondens futura esse spiritualia, hoc est ornata dotibus propriis Spiritus, quia Christus fuit nobis causa & principium habendi simile corpus, luce, impassibilitate, agilitate, & aliis dotibus præditum.

8. Circa secundam partem essentialem, scilicet circa animam rationalem, etiam est duplex error. Primus negat in Christo fuisse animam rationalem, & dicit loco ipsius Verbum fuisse illius animam. ita tenuit Arrius, vt refert Aug. hæc. 49.

Epiphan. hæresi 69. Secundus error licet concedat in Christo animam viuentem & sentiētem, negat tamen habuisse mentem, id est animam rationalem. ita Apollinaris, qui in principio conuenit cum Arrio, postea tamen aliquibus contriūctis argumentis, solum negauit animam rationalem, quam dicebat suppleri à Verbo. ita referunt Athanas. in epist. ad Epictetum, Vincentius Lirens. lib. aduersus hæresim nouitates cap. 17. & plures alij. Fundamentum est vt refert Athanas. lib. de Incarnat. quòd anima rationalis sit capax peccandi; ergo est releganda à Christo.

Sed Veritas Catholica à pluribus stabilita Conciliis & summis Pontificibus, est quòd Christus Dominus habuit veram animam rationalem, sicut & ceteri homines. ita Concilium Calcedonense & Ephesinum actione 1. Synodus 5. generalis actione 8. can. 4. & 11. & in 6. actione 11. Toletanum 1. 6. & 11. Carthaginens. 4. cap. 1. Leo 1. epist. 11. Athanas. in Symbolo fidei: *Perfectus Deus, perfectus homo ex anima rationali & humana carne subsistens*. Et probatur Primò ex S. Scriptura Matth. 26. *Tristis est anima mea usque ad mortem*; & quòd hæc sit spiritualis cap. 27. *In manus tuas Domine cōmendo spiritum meum, & inclinato capite dimisit spiritum*; & quòd hæc sit rationalis probatur ex effectibus, quia Lucæ 7. dicitur, *Miratus Iesus fidem illorum*; & c. 2. *Proficiebat sapientia eorum hominibus*; admiratio autem & sapientia propria sunt animæ rationalis.

Secundò probatur ratione physica, quia in homine eadem est anima vegetatiua, sensitiua, & rationalis, vt in libris de anima tradunt Catholici; ergo malè Apollinaris negauit vnā, & concessit aliam. Tertiò, ratione theologica, quia Deus non potest informare corpus; ergo Verbum non potuit esse forma corporis Christi. Præterea quartò, quia non minùs indigebat remedio & medicinā anima rationalis, quā corpus; ergo fuit etiam assumpta à Verbo, aliàs non curaretur, vt colligit Damascenus lib. 3. de Fide cap. 6. & Augustinus vbi supra.

Ad fundamentum prædicti erroris respondetur quòd licet anima rationalis sit capax peccati, tamen in supposito Verbi potuit à peccato præseruari, &

à peccatis fomite, sed ex quâ parte hoc illi proueniat, dicemus infra disputatione 18. q. 1. & q. 4. parte 1.

12. Sed inquires duo, quæ huic sunt annexa quæitioni: primum, an Verbum assumpserit vniōnem animæ & corporis? seu vt melius dicam, an assumpserit prædictas partes essentiales prout vnitas inter se vnione, quæ sit accidens, vel substantia secundum diuersas sententias, licet talis vnio non sit pars essentialis naturæ humanæ, sed conditio sine qua non. Secundum, an possit dici Christum cōstare ex tribus substantiis.

13. Circa primum fuerunt quidā Theologi temporibus Alexandri Tertij, quorum sententiam refert Magister in 3. d. 6. & 7. non tamquam errorem, sed tamquam opinionem, qui assererebant quod Verbum non assumpsit animam & corpus inter se vnita, sed separata & diuisa: quem errorem prius retulit & impugnauit Hugo de S. Victore in Apologia de Incarnat. Christi, quæ habetur tom. 3. & postea Scholastici in prædicta d. 6.

14. Vnde Veritas Catholica est, quod Verbum assumpserit corpus & animam non separata diuisa, sed vnita. Et probatur primò ex decretis suprâ citatis, vbi habetur Christum habuisse corpus animatum. legatur præcipue epistola 8. Cyrilli approbata in Concilio Calcedonenſi & Ephesino, & epistola Sophronij, quæ habetur in 6. Synodo generali actione 11. Secundò probatur, quia in eisdem decretis habetur quod Christus fuerit verus homo, sicut & verus Deus, sed homo non est verè talis, nisi habeat corpus & animam inter se coniuncta; ergo. Et confirmatur, quia quomodo posset mori, cum mors sit separatio animæ à corpore; & quomodo posset resurgere, cum resurrectio sit restauratio eiudem vnionis. Tertio probatur, quia hic error in speciali damnatur (vt benè probat Lorca à num. 16.) ab Alexandro Tertio in Concilio Lateranensi sub illo celebrato, vt refertur in cap. *Cum Christus de hæreticis*, & in eodem Concilio parte 49. cap. 2. Verba autem Concilij talia sunt, *Ne quis de cetero audeat dicere Christum non esse aliquid* (S. Thom. art. 6. legit, non esse quid) *secundum quod homo, quia sicut Christus verè est Deus, ita est verus homo ex anima rationali, & humana*

carne subsistens. Ex quibus verbis habetur quod Christus sit aliquid, seu quid secundum quod homo, hoc est quod sit substantiale in esse hominis, & non quale, hoc est accidentaliter homo. Præterea quartò habetur quod sit verus homo subsistens & anima rationali, & carne; *ly autem ex vnione inter se significat*.

Sed contrà est fundamentum erroris, quia scilicet sequeretur quod esset quaternitas in personis diuinis; nam si Christus est verus homo, efficitur quartam personam cum tribus diuinis. Sed friuolum argumentum, quia licet Christus sit verus homo, eius personalitas non est quarta, sed est vna ex tribus, quæ cum diuina essentia efficiunt Trinitatem.

Circa secundum plures ex Patribus concedunt fuisse in Christo tres substantias, diuinam scilicet subsistentiam, corpus & animam. ita August. 13. de Trinit. cap. 17. Gelasius lib. de duabus naturis circa finem, & alij. quorum fundamentum erat, vt aduerfarentur erroribus, qui fuerunt circa quamlibet ex istis substantiis.

Sed hanc propositionem reprobant expressè Damascenus lib. 3. de Fide cap. 16. Paulinus Archilerensis in sacro Syllabo, & displicuit Benedicto 2. in confessione fidei Patrum Hispaniæ, vt constat ex Concilijs Toletano 4. & 15: sed non reprobatur ab his Patribus prædicta propositio tamquam falsa & contraria fidei, sed tamquam minùs propria, & quæ aliquam occasionem præbeat hæreticis: Primò, quia nomen *substantia* non solet significare naturam incompletam, sed completam in vsu Patrum: vnde communi vsu conceduntur in Christo ab ipsis duæ substantiæ, & vna hypostasis: quare concedendo tres substantias videntur inducere tres naturas. Secundò, quia numerando partes diuiniſim videmur significare, aut non fuisse inter se vnitas, aut non esse partes, & sic non liceret plures alias partes, videlicet integrales corporis humani Christi multiplicare, vt caput, manus, &c. quæ differunt essentialiter.

Quare conuenientior loquendi modus est, vt concedamus alias tantum substantias, sicut & duas naturas, licet nullum sit inconueniens, quod tres sub-

substantias concedamus, dummodo loquamur cum addito, scilicet duas partiales vnum totalem naturam efficientes, & similiter tollitur ratio erroris, si dicendo tres substantias, illas expresse explicemus, dicendo personalitas, corpus, & anima.

QVÆSTIO IV.

An Verbum assumpsit partes integrantes sanguinem, humores, &c. ea quæ tam ad ornatum, quàm ad naturæ necessitatem pertinent?

1. **R**egula communis & certa Theologorum est, Verbum diuinum omnes eas partes integrantes assumpsisse, quæ veræ partes substantiales sunt corporis humani tam simpliciter necessariæ, & siue quibus consistere corpus non potest, vt caro, ossa, caput, cor, quàm secundum quid, & ad perfectionem requisitæ, vt oculi, manus, pedes, &c. ita vt non solum fuerint vnita corpori assumpto, sed etiam ipsum diuinum Verbum participauerint. Cuius ratio est, quia assumpsit verum corpus humanum; quare eatenus dubitari potest de his, quæ sūt in titulo quæstionis, an sint assumpta à Verbo, quatenus dubitatur an sint corporis humani partes.
2. Primò ergo dubitatur, an sanguis sit vera corporis pars? & consequenter an fuerit assumptus à Verbo? Circa quod prima sententia negat fuisse partem, & consequenter negat à Verbo diuino fuisse assumptum. ita Durandus in 4. d. 10. quæst. 1. Gabriel super canon. lectione 53. Ricard. in 3. d. 2. quæst. 1. allegatur Abulensis in paradoxa 2. c. 40. & 43. sed solum negat sanguinem in triduo mansisse Verbo vnitum, antea verò, & post, potius dicit oppositum. Probatur primò hæc sententia ratione physica, quia sanguis est alimentum aliarum partium, sed alimentum non est pars in actu, sed in potentia, vt fatentur Philosophi & Medici cum Aristotele lib. de partibus animalium cap. 3. ergo sanguis non est actualis pars corporis humani. Et confirmatur, quia sanguinem non informat anima; ergo non est humani corporis pars.
3. Deinde probatur rationibus theolo-

gicis, & sit secunda probatio in ordine, quia si sanguis esset pars & vnitus Verbo, sequeretur primò quoddam cum separatus fuit à corpore in triduo mortis, posset tunc dici, *Deus est sanguis, Deus est effusus*, per communicationem idiomaticum; sicut dicitur, *Deus est homo*. Secundò sequeretur non esse verum illud axioma, *Quod semel assumpsit, nunquam dimisit*; nam in terris manlit aliquid sanguinis Christi post resurrectionem, quod probat Siluester in Rosa aurea quæstione 32. ex quadam epistola Pij Secundi missa ad Abbatem S. Mariæ Diocesis Xantonensis, in qua approbat quamdam reliquiam sanguinis, quæ in illa Ecclesia colebatur; & Platina refert in Vita Leonis III. ipsum approbasse cultum alterius sanguinis, qui Mantuæ asservabatur; & Nicephorus lib. 1. c. 30. refert B. Virginem, & B. Ioannem, dum assisterent Christo in cruce patienti, collegisse aliquid sanguinis eius, & conseruasse in vasculo; & idem Siluester in Rosa aurea tractatu 2. in sermone 2. feriæ 5. hebdomadæ resurrectionis refert se vidisse Mariliæ in sepulcro Mariæ Magdalene terram sanguine permixtam in vase, quam traditio ferebat Magdalenam seruasse tempore passionis. Et Faber disp. 42. in fine ait, Venetiis in Conuentu Fratrum Minorum Conuentualium seruari ampullam viream, in qua est balsamum, & vna gutta sanguinis, quæ fertur esse Christi, & ita rubicunda, ac si esset recenter emissa: hic autem omnis sanguis non potest esse Verbo hypostaticè vnitus, quia nihil est vnitum post resurrectionem, quod non sit in ipsa Christi humanitate; ergo sanguis non est pars corporis, nec vnitus Verbo.

Tertiò probatur vrgenter, quia illa est vera corporis pars, & vnitur Verbo, quæ per se significatur sub hoc nomine *corpus*: sed sanguis non significatur per se sub hoc nomine *corpus*; ergo. Maior est clara. Minor probatur, nam si sanguis per se significaretur à nomine *corpus*, poneretur per se, & ex vi verborum consecrationis panis; sed non ponitur per se, & ex vi verborum, sed concomitanter, vt tradit Concilium Tridentinum scilicet 13. cap. 3. ergo non significatur per se, sicut significantur aliæ corporis partes.

Secunda

5. Secunda sententia distinguit in corpore duos sanguines, vnum nutritivum, & de hoc negat esse veram corporis partem propter rationes dictas; alium de veritate naturæ, qui est perfectè decoctus, & de hoc affirmat esse veram partem, & unitum fuisse Verbo, re-assumptumq; ab ipso in resurrectione. ita Caietanus, & alij vbi supra, & hæc distinctio sanguinum desumpta est à S. Thoma quodlib. 5. art. 3. Silvestro loco allegato, qui vnum sanguinem, scilicet illum, qui est de veritate naturæ, asseruit fuisse necessariò reunitum; alterum verò non ita. Sed tam Philosophi & recentiores Theologi, quàm Medici non agnoscunt aliquam substantialem differentiam inter sanguines, quia neque loco, neque qualitate, neque officio potest hæc substantialis differentia notificari. quare non videtur admittenda, licet differentia accidentalis ratione quantitatis posset admitti; sed si vera esset talis differentia substantialis, libenti animo esset admittenda hæc sententia, quia per eam clara esset solutio ad argumenta prædicta.

6. Tertia certa & inoblitata sententia affirmat sanguinem fuisse veram corporis partem, & consequenter verè hypostaticè unitum Verbo. ita D. Thomas quodlib. 5. art. 5. & 3. p. quæst. 54. art. 2. Caietanus & Thomistæ ibidem, Capreolus in 4. d. 11. quæst. 1. art. 5. Scotus d. 10. quæst. 1. art. 2. Silvester in Rosa aurea tit. 3. quæst. 30. Turrecremata super capita inuitat de consecratione d. 2. Albertus Magnus tit. de Sacrificio Missæ. Noster Lyra super epistolam ad Hebræos cap. 2. in illa verba, *quantò magis sanguis Christi*. Suarez disp. 15. sect. 6. Vasquez disp. 36. cap. 4. Lorca disp. 3. num. 22. Faber vbi supra superponit Pytigan. in 3. d. 9. quæst. 1. art. 4. neq; in contrarium habet aliquid Scotus in 4. d. 10. quæst. 4. vel 2. parte distinctionis quæstione 2. vbi solum distinguit partes corporis: Primum, vt animabiles per animam rationalem, quæ ratione disponitur per formam corporeitatis, vt sic enim est animabilis, in quo sensu negat sanguinem esse partem corporis, & hoc etiam negant Vasquez cap. 5. & alij Thomistæ, qui admittunt unitum fuisse Verbo, licet non anime-tur, nec vivat. Secundò, vt partes sunt

aliquid corporis, ipsarumque componen-tes, seu vt corpus sumitur pro tota ho-minis materia, & vt sic admittit Scotus sanguinem esse partem: vnde non est contra ipsius mentem, quòd vt sic san-guis fuisset unitus Verbo hypostaticè, sicut & alia corporis partes.

Hæc sententia probatur Primò ex Aristotele 1. de partibus animalium cap. 2. & 3. & lib. de Historia animalium cap. 19. vbi dicit sanguinem esse partem, sicut cerebrum & medullas, quod non solum debet intelligi, quan-tum ad consistentiam vitæ, sed etiam in ratione partis. Seneca lib. 2. questionum naturalium, Damasc. 2. de Fide cap. 12. hoc idem asserunt. Et confirmatur, quia omnium Philosophorum cōsensu compositio ex quatuor elementis intrinseca est homini; compositio autem ex qua-tuor humoribus, quorum vnus est san-guis respondet compositioni ex ele-mentis; ergo. vnde homo appellatur *microcosmos*, id est mundus abbreviatus, quia consistit quatuor elementis, vel formaliter, vel virtualiter contentis.

Secundò probatur ex sacra Scriptura, quæ sanguini Christi tribuit esse pretium nostræ redemptionis; ergo fuit Verbo unitus ratione cuius unionis posset habere valorem & efficacitatem in ratione pretij. Antecedens patet Matth. 26. *Qui pro vobis effundetur in remissionem peccatorum*. Et 1. Ioan. 1. *Sanguis Christi filij eius emundat nos ab omni peccato*. Et Paulus ad Hebræos 9. *Quantò magis sanguis Christi emundabit conscientias nostras*.

Neque obstat obiectio Vasquez, sci-licet ex his testimoniis nō probari, quia cum remissio facta sit per modum me-riti, in quo conditio offerentis attenditur, non poterit sanguini Christi attri-bui, sed debere intelligi de ipso Christo effundente sanguinem, alias sudori & lacrymis Christi posset eodem modo attribui. Quia contra bene obicit Lor-ca, nā sanguis Christi fuit pretium, sicut & humanitas. Vnde 1. Petri 1. dicitur, *Non corruptibilibus auro vel argenteo redempti estis, sed pretioso sanguine Agni immaculati*, ergo non solum est atten-denda ratio meriti, & conditio offeren-tis, sed etiam ipsum pretium, quòd fuit sanguis, licet ytrumque simul re-periatur, vel vt melius dicam, atten-dendus

dendus est maior valor meriti ex ratione pretij voliti à Christo Domino solui; quare redemptio nostra dicitur facta per modum meriti, & per modum sacrificij, & veræ satisfactionis, in quibus res oblata, & eius valor attenditur, sudori autem & lacrymis non tribuitur in S. Scriptura redemptio, fortassis, quia sunt excrementa, & consequenter non sunt vnita Verbo.

10. Deinde alia sunt S. Scripturæ testimonia, in quibus aliquando sanguis significatur vt pars hominis, cum per ipsum (per figurā Synedochen in qua sumitur pars pro toto) significatur homo Matthæi 16. *Caro & sanguis non reuelauit tibi, id est homo. Et ad Ephes. 6. Non est nobis colluctatio aduersus carnem & sanguinem, id est aduersus hominem.* Aliquando verò significatur tamquam pars vnita Verbo ad Hebr. 2. *Quia pueri communicauerunt carni & sanguini, Christus similiter participauit eiusdem.* vbi eodem modo asserit participasse sanguinem & carnem, quo etiam modo loquuntur plures Patres Cyrillus anathematiz. 7. & ep. 8. Nazianz. orat. 7.

11. Tertiò probatur efficacissimè ex duobus decretis Clemētis 6. primum habet in Extrauag. *Vniuersis de penitentis & remissionibus*, vbi dicit vnā guttam sanguinis Christi fuisse sufficientem ad nostram redemptionem propter valorem, quem habuit ex vnione ad Verbum. 2. habetur in Directorio inquisitorum 2. p. q. 10. *Quis meminit Siluester supra q. 3. in quo præcipitur inquisitoribus Barchinonæ, quod damnent vt hereticam propositionem cuiusdam prædicatoris, qui dixerat sanguinem non mansisse vnitum Verbo, & deificatum in triduo, qui & fecerunt illā propositionem retractare, & refert Siluester Pium II. confirmasse hoc decretum, sed circa veritatem huius decreti secundi, & circa historiam hanc legatur Dormilius Thadei in Nitela Franciscana à folio 443. vbi oppositum manifestè concluditur, & sic hoc argumentum ex primo Clemētis decreto desinit suam vim.*

12. Vnde quartò probatur ratione theologicā, quia secundum Concilium Tridentinum vbi supra sanguis Christi continetur sub speciebus panis per concomitantiam propter connexionem cum carne, sed si nō esset pars corporis, nulla esset connexio, sicut nulla est connexio

vestis, quam in coena habebat corpus Christi, & cibi non digesti existentis in stomacho Christi, & excrementorum, quæ omnia non sunt in Sacramento aliquo modo; ergo. Et confirmatur primo, quia eadem adoratione videtur debere adorari sanguis in calice, qui per se adoratur, cum contineatur primo & per se sub speciebus vini, ac adoratur corpus Christi in hostia: sed hoc adoratur adoratione latræ propter vnionem ad Verbum; ergo & sanguis propter eandem rationem. Secundo confirmatur, quia omnes Theologi in 4. d. 44. affirmant sanguinem futurum esse in corporibus resurgentium; propterea quod fuerit, quo membra in hac mortali vita fouebantur, spiritus vitales & animales elaborabantur, quibus potentia habiles reducuntur ad suas operationes, eratq; ad eas instrumentum generale: vnde Augustinus epistola 146. dicit fuisse in corpore Christi resurgentis; ergo quia est vera pars corporis.

Ad argumenta primæ sententiæ respondeo. Ad primum probare, quod sanguis, ex eo quod est alimentum, non est pars viuens & animata, quia alimentum conuertitur per nutritionem substantialem in substantiam aliti, & alitum in præsentem est viuens; non verò probare, quod non sit pars integralis, pertinet per se, & non accidentaliter ad hoc compositum corpus; neque intendendo negare aliquam partem animatam non esse aliquando alimentum, quod iterum conuertatur in aliam substantiam aliti, quia ad hoc sufficit diuersitas in formis partialibus corporis, sed solum quod ex natura sua non sit vt sit commune alimentum, sicut sanguis.

Dices: Si in triduo consecraretur hostia, esset in illa corpus exangue, & consecratio esset eiusdem rationis, ac præsens; ergo sanguis non est per se pars corporis. Respondetur concedendo antecedens (quod est expressum apud Scotum vbi supra) & negando consequentiam, quia corpus quod significatur per verba consecrationis, est illud quod verè est à parte rei, quando verba proferuntur, & sicut in triduo fuit exangue, ita ante & post fuit cum sanguine, qui sanguis est vera pars corporis vt viui, licet non in se viua.

Ad confirmationem respondeo magis

gis esse receptum à Philosophis & Theologis sanguinem non animari. ita tenet Scotus suprà §. hic duo sunt videnda, neque est necessarium quòd sit pars viuens, vt assumatur à Verbo, sufficit enim quòd sit pars per se corporis viui assumpti à Verbo.

16. Sed obiicies Primò Aristotelem lib. de Historia animalium cap. 19. vbi dicit, Sanguis, quando vita conseruatur; semper vnus animatur & feruct. Respondetur primò, quòd animatur, hoc est, continuè per nutritionem animatur, non tamen in se; secundò, quòd calor ab Aristotele 2. de partibus animalium cap. 7. vocatur anima animalis, quia viuificat membra eius, licèt ibi dicat potius esse animæ instrumentum, sicut ascia est instrumentum fabri, & calor est in sanguine, & in problematis sect. 28. quæst. 10. calorem vocat quasi animantem, & sic sanguis in sententia Aristotelis est animatus calore, non anima rationali.

17. Secundò obiicies, quia per emissionem sanguinis deliquim patitur homo, & moritur; ergo est pars animata. Præterea solà imaginatione sanguis mouetur circa cor; ergo quia habet animam. Respondetur ad primum, quòd moritur homo per emissionem sanguinis, quia est instrumentum vitæ, quo deficiente cessant operationes viuētis efficientis illas medio sanguine. Ad 2. quòd sanguis non mouetur à se, sed à partibus viuētibus immediatis, quæ imaginatione mouentur mediis spiritibus vitalibus, sicut si ab eisdem partibus foras emittuntur excrementa, licèt non sint partes viuētis, præcipuè propter timorem. Sanguinem non viuere ex eo patet, quia eadem forma substantialis & indiuisibilis, vt anima rationalis non potest informare partes discretas ab aliis partibus viuētibus, cum quibus nulla est continuatio, & sanguis est discretus. Præterea, quia alias sanguis extractus, & continuatus cum eo, qui est in venis, effert animatus, quod patet esse falsum, & tandem sanguis neque vegetatur per intus susceptionem, sed solum per iuxta positionem, neque sentit, neque habet aliquem effectum vitæ; ergo non viuīt.

18. Ad primum inconueniens secundæ rationis respondeo, quòd idiomata non

communicantur secundum partes naturæ: vnde non dicitur, *Verbum est anima*, vel *est corpus*; & sic non dicitur, *Est sanguis*, vel *est effusum*, sed communicatur secundum totam naturam, quare dicitur; *Deus est homo*.

Ad 2. respondeo illud axioma debere intelligi, quòd ex his partibus in quibus saluatur ratio humanitatis numquam dimisit aliquam; benè tamen dimisit quamplures, quæ per decretionem deperduntur, sicut deperduntur à reliquis viuētibus; imò in triduo dimisit humanitatem, licèt non partes eius, & in circumcisione præputium; quare licèt in triduo sanguis emissus à Christo fuerit à Verbo vnitus, vt dicitur ex Clemente in illa extrauaganti, tamen in resurrectione potuit aliqua pars dimitti, & totus alius reuniti, quod videtur necessarium dicendum de eo sanguine, qui crucem, læcam, & clauos intinxit, cuius hodie in illis extat vestigium, & fortassis poterit similiter dici de aliqua particula sanguinis ex his quæ adduximus in argumento, & ex aliis, licèt cōmunior sit antiquorum opinio, vt refert Syluester sanguines, qui venerātur esse cuiusdam imaginis Saluatoris Berithi à Iudæis contumeliis eisdem affectæ ac fuit Christus Dominus; ex qua profuxit copia sanguinis seruati ab Episcopo in magna veneratione, & aliis Ecclesiis missi, & ex aliis imaginibus quas historie referunt. ita tenet S. Tho. quæst. 14. art. 2. ad 3. & quodlibet 5. art. 5. secutus Athanasium in quodam sermone de passione imaginis Christi, vbi prædictam refert historiam, & in præsentī tenent similiter Recentiores. neq; contraria opinio est censenda vt terrena, vt Turrecremata volebat, sed potius standum est veritati historie suprà citatæ ex Nitela Fræscana circa vniōnem sanguinis cū Verbo in triduo mortis Christi, vbi accuratissime veritas facti manifestatur, & quod, & qualiter tenendum sit, ostēditur. Neq; similiter est necessarium asserere id quod ait Vasquez, scilicet prædictos sanguines reliquisse esse substantialiter sanguines, & sic non esse Verbo vnitos, quia licèt hoc fortassis sit verum de aliquibus, non tamen de omnibus, cum aliqui habeant verum sanguinis colorem.

Ad tertium argumentum respondeo.

tur non negari à Concilio ibi sanguinem esse partem, sed potiùs concedi, cum dicat adesse in hostia per concomitantiam, quod solum contingit in his, quæ partes sunt, sed sumit ibi corpus, prout abstrahit à mortuo & viuo, quia eisdem verbis posset consecrari in triduo, & est certum quodd sanguis non sit pars corporis mortui, quare sanguis vt diximus est per se pars corporis viui, non viua, non tamen corporis abstractentis à viuo & mortuo.

21. Hoc quod resolutum est de sanguine, est similiter asserendum de aliis humoribus, scilicet de pituita, biliatra, & flaua; nam eodem modo, quo sanguis, ad corpus humanum pertinent: vnde cum corpore Christi resurrexerunt, vt inquit Augustinus epist. 146. & cum eo Siluester, Caietanus, & Recētiore alij relati, imò nomine sanguinis mixtio omnium humorum intelligenda est, humores enim si sunt in naturali dispositione cum sanguine permixti sunt, & cum eo diffusi in totum corpus, nam quando sunt à corpore separati potiùs sunt excrementa, in quo statu vocauit eos excrementa Aristoteles 4. de partibus animalium cap. 1. & 1. de generatione animalium cap. 18.

22. Idem censeo dicendum de spiritibus vitalibus & animalibus, quia multò magis necessarij sunt ad vitam, quàm sanguis. Idem similiter dico de rore & cambio, quæ sunt quidam sanguines cum diuersis, & fortassis substantialibus transmutationibus, vt fiant partes corporis viuientis propter eandem rationem. Neque obstat quodd citò euanescent & amittant formas substantialles, quia sicut citò amittant illas, ita citò amittunt vnionem ad Verbum, ita Vasquez cap. 7. contra Suarez sect. 7. & Lorcam n. 41. quorum fundamentum est, quia putant quodd generentur

ex cibo, priusquam sanguis. Sed hoc esse falsum, & priùs generari sanguinem, probat Vasquez ex Philosophis & Medicis: vnde Chilus, qui ante sanguinem generatur, non est Verbo vnitus, neque saliuæ & sudor, quia sunt excrementa, & ided non sunt futura in corporibus gloriosis.

De his autem, quæ pertinent ad naturæ necessitatem, quales sunt dentes & vngues, aliqui censent quodd non sint partes integrantes, & consequenter non fuisse vnitas Verbo: sed nullo firmo nituntur fundamento. Ided probabilius censeo quodd sint partes, imò & quodd informetur animà, quia continuantur cum aliis partibus animatis, & crescunt more animalium per intus suceptionem, & consequenter quodd fuerint vnitz Verbo. Et si dicas, Non sentiunt. Respondetur hoc idem esse de ossibus, vel fortassis sentiunt in remisso gradu.

Maiores est difficultas de his, quæ pertinent ad ornatum vt capilli, sed licet non sint ita necessarij: Censeo dicendum etiam esse partes, quidquid sit an viuant, necne, & consequenter Verbo vnitas, reperiuntur enim ad debitam conseruationem aliarum partium, & ad pulchrum ornatum totius compositi, non secùs, ac folia respectu arboris: vnde certissimum est, quodd capilli sint futuri in corporibus gloriosis, quæ omnia videntur probari ab Ambrosio lib. de Incarnationis Dominicæ Sacramento cap. 6. & Athanasio epist. ad Epictetum, cuius meminit Epiphanius hæres. 77. in quantum (contra hæreticos asserentes, quodd diuinitas in Christo fuerit conuersa in carnem) inferebat sequi fuisse conuersa in vngues & capillos, ergo quia supponebant Verbum fuisse hypostaticè vnitum vnguibus & capillis.

DISPUTATIO VIII. CIRCA ORDINEM, QVEM HABVIT VERBVM

IN

ASSVMPTIONE TOTIVS NATVRÆ HVMANÆ,
ET IN ASSVMPTIONE SVARVM PARTIVM.

EXactis disputationibus de vnione hypostatica secundum se ex parte Verbi terminantis, & naturæ terminatæ, venit agendum de ordine quem habuit Verbum medio ipso terminandi naturam, & partes; quare duo sunt in presenti examinanda. 1. an fuerit aliquis ordo assumptionis inter totam naturam, & partes eius. 2. an prius assumpserit vnā partem, quā aliam, de quibus agit Scogus in 3. d. 2. quest. 2.

QVÆSTIO PRIMA.

Vtrum fuerit aliquis ordo assumptionis inter totam naturam, & partes eius?



SUPPONO Primò pro hac & sequenti quæstione, quòd si sermo sit de ordine temporis nullum fuisse ordinem inter assumptionem totius naturæ, & partium, quia in pluribus Conciliis definita est hæc propositio, humanitas Christi non prius extitit, quā assumpta fuisset à Verbo. ita definitur in Concilio Ephesino can. 13. & in epist. Cyrilli contra Nestorium approbata in Concilio Calcedonensi actione 1. vnde cum partes sint de intrinseca ratione naturæ, consequens est quòd nullā prioritate temporis possit assumi natura, quin assumantur partes.

2. Similiter nulla fuit prioritas temporis, in qua à Verbo assumerentur partes absque toto. Colligitur hæc veritas ex his, quæ contra Origenem definita sunt quintā Synodo generali, & referuntur à Nicephoro lib. 7. cap. 27. & 28. à Leone 1. epistolā 11. decretali ad Iulianum; asserēbat enim Origenes lib. 1. Teriarchon, quòd animæ rationales fuerunt ab initio mūdi cum Angelis productæ,

& propter earum demerita corporibus inclusæ; & de anima Christi dicit lib. 2. cap. 6. quòd ex eo quòd Deo adhereret inseparabili charitate, meruit vt illi hypostaticè vniretur longè ante assumptionem corporis ex Virgine. Et ex canone 3. eiusdem Synodi colligitur dixisse carnem Christi formatam fuisse, & præcessisse antequam vniretur Verbo: definitur autem in dicto Concilio vtrumque esse falsum, scilicet quòd anima non prius fuerit existens, quā vniretur corpori & Verbo; & quòd corpus non fuerit prius existens, quā vniretur animæ & Verbo: quare questio hæc solūm procedit de prioritate naturæ, vel rationis.

Prima sententia solūm constituit ordinem rationis inter assumptionem naturæ & partium, & negat ordinem realem; itaque asserit simul, & semel, & secundum naturam fuisse assumptas, sed secundum rationem prius fuisse naturam assumptam à Verbo, quā partes propter duo. 1. propter dignitatem, quia hæc est maior in tota natura, quā in qualibet eius parte. 6. in fine à Deo intento, quia ad redemptionem humani generis magis conducebat natura, quā eius partes, & sic prius à Deo fuit intenta, sed in tempore non fuit prius executā, ita tenet Durandus in 3. dist. 2.

4. Secunda sententia non solum constituit ordinem rationis, sed etiam realem naturæ, & asserit prius natura fuisse partes à Verbo assumptas, quàm totum, & quodd mediis illis assumpsit totum. ita tenet Caiet. 3. p. q. 6. art. 1. 2. & 5. & tribuitur D. Thomæ art. 5. asserenti quodd licet in intentione prius à Deo fuerit tota natura humana assumpta, quàm partes, sed quodd in executione prius assumpsit partes. referuntur pro ea Ricardus in 3. d. 2. art. 2. q. 1. Abulenensis paradoxà 2. cap. 42. Herbeus re-latus à Capreolo in 2. d. 15. q. 1. art. 3. *9. ad illud quod tangitur.* amplectitur illam Suarez disp. 7. sect. 1. & 2. quia cum sustineat partes in toto habere partiales subsistentias, ex quibus subsistentia totius componatur, ita consequenter dicit partes prius fuisse à Verbo assumptas, quàm totum: unde docet tres fuisse uniones, duas quibus duæ partes essentielles fuerunt Verbo unitæ, & aliam quâ tota humanitas fuisset assumpta. Hæc sententia probatur primò ex Augustino lib. de Agone Christiano c. 18. ubi dicit: *Incommutabilis veritas per spiritum agnum & per animam corpus, & sic deum totum hominem assumpsit;* ergo prius assumpsit partes, quàm totum. Secundò probatur à Caietano, quia ordo resolutionis, seu decisionis indicat ordinem compositionis, seu inceptionis, illud enim quod in compositione fuit primum, in resolutione manet ultimum, sed in resolutione seu morte Christi partes ultimò manserunt unitæ; ergo in compositione fuerunt unitæ primò. Tertiò probatur, quia prius natura existunt partes, quàm totum; ergo prius fuerunt assumptæ. Neque obstat (inquit Caietanus) quodd in unico temporis instanti fuerint tam totum, quàm partes assumptæ, quia si in vno temporis instanti Deus crearet Domum, prius intelligitur fecisse fundamentum, quàm parietes.

5. Tertia & vera sententia loquitur cum distinctione, & ait, quodd dupliciter potest aliquid assumi. Primò ut medium quod, id est, quod verè & immediate assumitur, & mediante ipso assumitur aliud, v. g. vas in quo portatur aqua, est medium quod, quia est quod in se assumitur, & medio ipso assumitur aqua, & in hoc sensu negat partes fuisse

prius assumptas à Verbo, quàm totum, sed potius è contrà, quia quodd prius fuit assumptum à Verbo, est totum constans ex partibus, & mediante ipso fuerunt assumptæ partes (quod prius debet intelligi de prioritate rationis, non de prioritate reali, ut ait Durandus, & tenet Lorca disp. 33. n. 13.) Secundò potest aliquid assumi ut medium quo, id est, non quod verè & immediate assumatur, sed quodd sit ratio, quare aliud assumatur, & iterum subdividitur in medium quo ex necessitate naturæ, id est, quodd sit ratio orta solum ex necessitate naturæ, quare aliud assumatur, & in medium quo ex congruentia, id est, quodd sit ratio orta solum ex congruentia, quare aliud assumatur, & in hoc sensu partes fuerunt prius assumptæ prioritate naturæ reali, quàm totum. Hæc sententia sic explicata deducitur manifestè ex Scoto ubi suprâ quest. 2. *1. id est quantum.* Sequitur Capreolus ubi suprâ, Lorca num. 11. quia tamen habet duas partes, sunt seorsum probandæ. Prima pars, scilicet quodd partes non sint prius assumptæ, ut medium quod, sed potius totum.

6. Probatur Primò ratione Scoti, quia illud est primò assumptibile à Verbo, ut medium quod assumitur, quod est in se primò personabile; sed totum est primò personabile, & non partes in se; ergo. Maior probatur, quia Verbum supplevit personalitatem creatam; ergo tunc supplevit, quando personalitas creata deberet adesse. Minor probatur, quia ex dictis disp. 6. quest. 5. partes non habent in toto propriam subsistentiam, sed potius subsistunt per subsistentiam totius. Et per hoc patet ad fundamentum Suarez, & ad aliud dubium, quod ab ipso inquiritur, scilicet an partes ut unitæ assumantur, an verò ante unionem? quia si non assumuntur, nisi mediante toto, ut unitæ debent assumi.

7. Secundò probatur, quia non videtur veritati, & dictis Conciliorum & Patrum consentaneum adstruere plures in Incarnatione uniones, quia in Symbolo fidei illam hoc modo confitemur: *Et incarnatus est de Spiritu sancto ex Maria Virgine, & homo factus est.* Incarnatio autem, quâ Deus factus est homo, requirit totam naturam, nam quælibet pars seorsum non facit hominem. Insuper fides docet

docet Incarnationem factam fuisse in plenitudine temporum, quando Christus ex Virgine conceptus est; ergo excludit omnem Incarnationem anteriorem.

8. Quod autem hæc prioritas, in qua totum est prius à Verbo, assumptum, quam partes, sit rationis, & non realis; ex eo patet, quia totum intrinsecè & essentialiter includit partes, & nequit intelligi sine illis; ergo nequit intelligi quòd assumatur totum, quin eadem indivisibili assumptione assumantur partes. quare solum poterit illis omnibus convenire prioritas & posterioritas per distributionem accommodam intellectus applicantis personalitatem prius composito, & deinde ratione illius partibus, & licet totum realiter distinguatur non solum à partibus disjunctis, sed etiam ab illis vt simul sumptis & unitis, sed non vt vnificatis, vt explicui 1. physic. disp. 2. quæst. 3. tamen est quid posterius illis, & intrinsecè includit illas, & sic nequit subsistere, & personari absque illis.

9. Secunda pars, scilicet quòd partes sint prius natura assumptæ, vt medium *quo* ex necessitate naturæ, quam totum. Probatum facile, quia illud est medium *quo* ex necessitate naturæ, quod non assumitur, sed solum est causa, & ratio vt aliud assumatur, vel fiat assumptibile; sed partes sunt causæ vt compositum sit, ita sunt causæ vt sit personabile & assumptibile; ergo sunt medium *quo* ex necessitate naturæ, sed causa est prior prioritate reali naturæ suo effectu; ergo hac prioritate sunt partes vt medium *quo* prius assumptæ, quam totum.

10. Ad argumenta respondeo. Ad ea, quæ sunt Durandi, dico benè probare de medio *quod*, quia vt sic tota natura fuit prius prioritate rationis assumpta, quam partes, non prioritate reali, non tamen probare de medio *quo*, nam vt sic è contrario accidit, vt probatum est. Neque obstat, quòd fuerit vnica & indivisibilis assumptio totius & partium, quia ordo non constituitur inter assumptiones ipsas, sed inter extrema assumpta, inter quæ vnum extremum dicimus prius natura assumptum vt *quo*, quam aliud.

11. Ad primum secundæ sententiæ ex verbis Augustini respondeo loqui de medio *quo* congruentiæ, vt dicam quæ-

stione sequenti. Ad 2. dico ex ordinis resolutionis non sumi efficax argumentum ad ordinem compositionis, præcipue si vtique sit miraculosa, quia potest fieri compositio vna simplici productione totius compositi. Præterea quia partes non fuerunt vltimate unitæ Verbo, quando separatæ sunt in morte à toto, sed potius tunc primò debuerunt vñiri ea vñione totali in suo genere, quæ partibus separatæ semper debetur. Ad 3. responderet Lorca n. 15. negando partes prius natura existere, quam totum. Sed contrà, quia causa saltem hæc prioritate est prior, quam effectus, sed partes sunt causa totius; ergo. Quare respondeo secundò concedendo, quòd partes existunt prius; ergo assumuntur prius, distinguo, vt medium *quo* concedo, vt medium *quod* nego: quia sicut anima rationalis (inquit Scotus) est medium *quo*, seu ratione cuius homo fit risibilis, non ipsa est risibilis, sed quod est risibile est ipse homo, & non aduenit risibilitas vsquedum sit completa, & integra humanitas, ita licet partes sint medium *quo*, homo sit subsistens, & priores natura illo, tamen non sunt in se prius subsistentes, sed quod est subsistens est homo, cui non aduenit subsistentia, seu personalitas vsquedum sit completus in esse totali.

QVÆSTIO II.

Verum Verbum diuinum prius assumpsit vnā partem, quam aliam?

EX dictis in antecedenti quæstione manet probatum Verbum non assumpsisse prius prioritate temporis vnā partem, quam aliam, quia si omnes sunt assumptæ medio toto nulla fuit prius alia assumpta. Similiter propter eandem rationem manet probatum nullam fuisse assumptam prius alterā personalitate naturæ, vt medium *quod*, quia contra Suarez ostendimus partes non esse in se immediate assumptibiles à Verbo, nisi post separationem ipsarum à toto. Restat ergo solum difficultas in hac quæstione, an aliqua pars sit prius à Verbo assumpta, quam alia prioritate reali naturæ, vt medium *quo*.

Huic quæstioni occasionem præbent aliqua dicta Conciliorum & Patrum,

trum, nam Nazianzenus epist. 1. ad Cleodonium expresse dicit carnem assumptam fuisse à Verbo mediâ animâ, quod etiam repetit in aliis locis, cuius sententiam imitatus est Damascenus lib. 3. de Fide cap. 6. & habetur in edicto fidei Constantini imperatoris, quod refertur & approbatur in 6. Synodo generali actione 18. & in epistola ad ipsum Imperatorem Leonis secundi, quam locutionem approbât etiam omnes Scholastici cum Magistro 2. Sentent. cum alia locutione Augustini relata à nobis quæstione antecedenti dicentis quod Verbum assumpsit carnem mediâ animâ, & animam medio spiritu. Alij Patres mediâ mente

3. Durandus ubi supra, sicut solum admittit ordinem & prioritatem rationis inter totum & partes, ita solum admittit ordinem & prioritatem rationis inter partes ipsas: unde admittit & explicat prædictas locutiones, quod anima sit prior carne secundum rationem, quia intellectus considerat maiorem perfectionem, & dignitatem in ea, quam in carne, & quia magis participat fructum redemptionis: propter quæ dico fuit prius assumpta, sed non prioritate naturæ, quia omnium partium sicut & totius fuit una & indivisibilis assumptio.

4. Sed contrâ, quia sic loquitur de anima ut medium quod, falsum, & contra se dicit, quia anima in se immediatè non prius assumpta fuit, quam caro; si loquatur de illa ut medium quo, parum dicit, quia anima fuit causa in genere causæ formalis, ut de facto assumeretur à Verbo caro, sicut & caro fuit causa in genere causæ materialis ut assumeretur anima, & sic anima fuit in illo genere prior prioritate naturæ reali, quam corpus ex necessitate naturæ, & non solum per intellectum. Insuper anima fuit causa congruentiæ ut assumeretur caro, quia licet hæc sine anima posset assumi à Verbo, tamen non fuit congruum ut absque illa assumeretur, imò fuit necessarium suppositâ ordinatione & volûtate Dei, quæ voluit satisfactionem Christi fieri per modum meriti, quia hoc nequit fieri absque libertate, & consequenter absque anima. quare partes prius prioritate naturæ fuisse à Verbo assumptas ut medium necessa-

rium, & congruum defenditur à Recentioribus, præcipuè Vasquez disp. 37. Lorca disp. 35. & deducitur clarè ex doctrina Scoti ubi supra. quare propter prædicta est à nobis defendendum. Neque Durandus debet reprehendi à Vasquez cap. 5. quia ponit prioritatem dignitatis in anima, nam ut optimè probat Lorca contrarium asserere est contra D. Thomam, & contra rationem, quia sicut magis nobile est corpus animatum animâ rationali, quam non animatum, ita maior est dignitas in anima ut assumatur à Verbo (non dico maior potentia obediencialis) quam in corpore. Quare ad fundamentum Durandi respondeo sicut supra, quod licet non sint plures assumptiones inter partes, sed una solum, tamen hic ordo, & prioritas non ponitur in assumptionibus, sed inter ea quæ assumuntur, inter quæ una pars est medium quare alia assumatur, & sic est prior non ut medium quod assumitur, sed ut medium quo, seu ut ratio quare alia pars assumatur.

Hoc ipsum, quod diximus de hac locutione, Verbum assumpsit carnem mediâ animâ, est dicendum de alia locutione Augustini, Verbum assumpsit carnem mediâ animâ, & animam mediâ mente, seu spiritu. Solum est difficultas quid veniat intelligendum per spiritum & mentem ad distinctionem animæ? Medina 3. p. q. 6. art. 2. Suarez ibidem, & disp. 17. sect. 4. dicunt nomine animæ intelligi ipsam substantiam animæ secundum gradum vegetatiuum & sensitivum; nomine autem spiritus aut mentis eandem animam secundum gradum rationalitatis. Sed contrâ, quia licet hoc possit esse verum in sententia Scoti, quæ inter prædictos gradus admittit distinctionem formalem ex natura rei, tamen in eorum sententia, quæ solum admittit distinctionem rationis, non potest esse verum, quia quod ex natura rei non est distinctum ab alio, quomodo poterit à parte rei esse medium in ordine ad illud. Vasquez disp. 38. c. 2. dicit nomine animæ intelligi ipsam substantiam animæ rationalis, & nomine mentis & spiritus potentiam intellectivam. Sed contrâ, quia si Verbum assumpsit animâ medio spiritu, seu mète; ergo prius assumpsit mentem & spiritum, seu potentiam intellectivam: sed

in sententia Thomistarum potentia intellectiva, & aliæ potentia: sunt accidentia; ergo prius Verbum assumpsit accidentia animæ, quàm substantiam animæ, quod negant omnes, & meritò, non solum de accidentibus supernaturalibus, quæ supponunt unionem, quia dantur intuitu illius à Deo, sed etiam de naturalibus, quia prius completur natura in esse substantiali, quàm in esse accidentali, & substantia pertinet ad complementum naturæ in esse substantiali: unde accidentia potius assumuntur mediâ substantiâ, quàm è contrâ.

6. Dices sufficere ad verificationem prædictæ locutionis, quòd anima sit ultimè disposita ad recipiendam mentem. Sed contrâ, quia hoc non est assumere animam mediâ mente, sed mediâ dispositione ad mentem. Præterea, Apollinaris, contra quem Patres profecerunt prædictis locutiones, primò dixit Verbum deseruisse loco animæ. Contra quam propositionem Patres statuerunt primam propositionem supradictam, scilicet Verbum assumpsisse carnem mediâ animâ. Secundò dixit argumentorum vi oppressus, Verbum assumpsit carnem mediâ animâ, non tamen mediâ mente, seu spiritu. Contra quam propositionem statuerunt Patres hanc propositionem: Verbum assumpsit carnem mediâ animâ, & animam mediâ mente, seu spiritu. Sed si Apollinaris per animam intelligeret substantiam animæ rationalis, intelligeret animam dispositam ad habendam mentem, quia ex se est talis secundum sententiam Thomistarum; ergo ad verificandam talem Patrum locutionem non sufficit quòd sit ultimè disposita.

7. D. Thomas 3. p. q. 6. art. 2. ad 3. Cajetanus, & communiter Expōitores eius ibidem nomine animæ non intelligunt ipsam substantiam animæ, sed potentias inferiores, videlicet vegetativam & sensitivam, & nomine spiritus & mentis intelligunt potentias superiores, scilicet intellectum & voluntatem. Sed contrâ primò, quia si tales potentia: in eorum sententia sunt accidentia, solum assumuntur mediâ substantiâ animæ, & non è contrâ. Secundò quia Apollinaris non tam loquebatur

Cassillo de Incarn. Pars I.

de potentiis, quàm de ipsa substantia animæ, quia Patres illum impugnantes dicunt solam animam fuisse medium inter divinitatem corporis, & crassitatem. Præterea dicunt eam esse similiorem & propinquiorem divinitati. Præterea mentem unitam fuisse hypostaticè. Præterea quam vocant mentem, vocant etiam animam rationalem, quæ omnia de sola potentia non possunt verificari, ut benè probat Lorca num. 8. sed de ipsa substantia animæ rationalis, quamvis postea approbet omnes prædictas explicationes.

Quare prior expositio Medinæ & 8. Suarez approbatur tamquam verior à nobis, scilicet quòd homine animæ intelligant substantiam animæ secundum gradus vegetandi & sentiendi, & nomine spiritus & mentis ipsam substantiam animæ secundum gradum rationalitatis, secundum quem competit animæ, quòd sit spiritualis ut sic, & quòd habeat mentem seu intellectum; & hoc mihi persuadeo ex eo quòd Apollinaris primò intendebat auferre à Christo substantiam animæ, & loco ipsius ponere Verbum; postea verò argumentis convictus, confessus fuit substantiam animæ, sed ad vegetandum & sentiendum, non tamen ad intelligendum seu ratiocinandum: & hoc voluerunt Patres destruere, & adstruere quòd etiam habuerit substantiam animæ rationalis & discursivæ, quare Verbum assumpsit animam secundum inferiores gradus medio gradu superiori rationalitatis, id est, assumpsit substantiam animæ secundum quòd habet gradus inferiores, non sine substantia animæ secundum quòd habet gradus superiores ratiocinandi & volendi; inter quos gradus superiores & inferiores in eadem anima nulla intercedit physica prioritas.

Dubium appendix an organizatio corporis Christi præcesserit tempore animationem eiusdem?

AD ordinem quo Verbum assumpsit partes humanitatis aliquo modo attinet explicatio huius dubij, quia si organizatio præcedit tempore animationem illius, & consequenter

A a vno.

vnionem hypostaticam, sequitur quodd corpus Christi fuerit prius in se subsistens, quàm assumeretur à Verbo. Insuper sequitur, quodd Virgo Maria non fuerit vera mater Christi. primum scilicet quodd fuisse in se subsistens prius, patet, quia in illo tempore fuisse ens per se actualiter non communicatum. 2. scilicet quodd Virgo non fuerit mater Christi, patet, quia qualibet mater ex eo concurret actiue ad generationem hominis in sententia nostra probabiliori, quia suà virtute educit formam corporeitatis, & quando sic educit statim corpus informatur animà rationali, & sic fit homo. quare illa est vera Mater hominis, sed si organizatio (ad quam Virgo attingit) præcedit tempore animationem, & consequenter vnionem ad Verbum, solùm posset Virgo esse mater illius corporis, non verò Christi, qui includit integram humanitatem & vnionem ad Verbum; ergo non potest organizatio præcedere tempore animationem.

10. Ex alia parte vrget difficultas, quia organizatio includit motus locales, quibus sanguis, vel semen ducitur in matricem, vbi formatur corpus, & includit motus alterationis, quibus prædicta materia condensatur vt fiant ossa, cartilagine, &c. & rarefit vt fiant alia, scilicet caro; &c. sed motus non potest fieri in instanti, sed in tempore; ergo organizatio præcedit tempore animationem. Præterea, quia virtus creata non potest agere in instanti.

11. Ad explicationem huius D. Thomæ 3. p. q. 33. art. 1. distinguit in organizatione & congregationem sanguinis in matricem, & ipsam formationem corporis, quæ in receptione condensationis & raritatis consistit. primam dicit fieri in tempore, quia includit motum localem, de cuius ratione est successio temporis. secundam verò dicit fieri in instanti. Sed contrà quia etiam secunda includit motum, de cuius ratione est successio temporis.

12. Scotus verò in 3. d. 2. q. 3. distinguit vtrumque motum ab educatione formæ corporeitatis, per quam formaliter constituitur corpus in sua sententia, vel ab

informatione animæ, per quam in sententia D. Thomæ. & de primo dicit, posse dici, quodd fuerit in tempore breuissimo, scilicet in illo, quo Virgo Maria pronuntiauit illa verba, *Ece ancilla Domini*, &c. & similiter posse dici, quodd Deus suppleuerit vtrumque motum, ponens absque illo terminos motus, scilicet sanguinem in matricem, & partes densas & raras (in quibus Virgo non potuit concurrere, nisi fortè passiuè, si non est neceffe ad hoc, quodd fiat per solam creationem sanguinis, & partium dispositarum, quia tunc neque passiuè) De secundo verò dicit, quodd necessariò fuit in instanti, sicut contingit naturaliter, quia educio formæ substantialis corporeitatis semper fit in instanti, & ad hanc concurrissè Virginem naturaliter in quo instanti corpus informatur animà, & vtrumque vnitur Verbo.

Quare Virgo dicitur vera mater Dei 13. & Christi, & saluantur locutiones Conciliorum & Patrum, quæ magis vrgent in præsentia, & adducuntur à Suare tomo 2. supra 3. partem disp. 11. sect. 2. in quibus dicitur, quodd in eodem instanti fuit caro Christi concepta, animata, & vnita Verbo. ita docet 6. Synodus generalis actione 11. Damasc. lib. 3. de Fide cap. 2. Basiliius homil. 25. de humana Christi generatione, Fulgentius de fide ad primum cap. 18.

Et per hoc patet ad argumenta in contrarium. Ad 1. negat, quodd corpus fuerit in se subsistens, quia in instanti in quo educita est forma corporeitatis, & fuit corpus, in illo fuit animatum & vnitum Verbo. Ad 2. quodd fuerit vera Mater Christi propter eandem rationem, scilicet propter educationem formæ corporeitatis in instanti quo fuit corpus animatum, & Verbo vnitum, siue suà virtute præcesserint motus illi, siue non iuxta diuersas sententias probabiles. Ad 3. quodd virtus creata, licet non possit supplere motus, & ponere terminos illorum, quia si hoc fortè fit, est solùm virtute diuinà, tamen attingit naturaliter ad educationem formæ substantialis, quia hæc semper fit in instanti, quicquid sit de dispositionibus antecedentibus.

DISPUTATIO IX.

DE

CAUSIS INCARNATIONIS.

Incarnatio cum sit actio necessario debet habere causam efficientem, quæ scilicet potest esse multiplex, principalis, instrumentalis & dispositiva (quæ ab aliquibus reducitur ad materialem, quia disponit materiam; ab aliis verò ad efficientem, quia verò influxu producit suum effectum) & similiter moralis, quæ liberè & meritorie influit. De quibus omnibus est agendum, quia de causa finali Incarnationis iam egimus disputatione 4. de materiali certum est quòd sit ipsa humanitas Christi, quæ est capax mutationis; de formali verò iam diximus, quòd si Incarnatio sumatur pro actione, pertinet ad diuersa prædicamenta iuxta qualitatem ipsius; si verò sumatur pro re acta, & quatenus vniò est, quòd dicat relationem extrinsecus aduenientem de quibus omnibus, & de extremis huius relationis, seu respectus egimus per omnes antecedentes disputationes.

QVÆSTIO PRIMA.

Quenam fuerit causa efficiens physica principalis Incarnationis, & an habuerit aliquam causam instrumentalem vel dispositiuam?

CONVENIUNT Scholastici cum D. Thoma 3. p. q. 3. art. 1. & Scotò in 3. dist. 5. 4. ad primam, quòd causa efficiens physica principalis Incarnationis sit tota Trinitas, licet hæc sententia non sit de fide, ut bene probat Lorca disputatione 18. numero 4. est tamen verissima, quia opera Trinitatis ad extra sunt indiuisa, & vniò relatiua est opus ad extra, ut contra Caietanum negantem aliquid interuenire inter naturam humanam, & personalitatem Verbi probauimus suprâ. Præterea tamquam certum apud omnes supponit Lorca ibidem, quòd virtus ad causandum hoc mysterium ita sit propria Trinitati, ut nulla creatura fuerit, vel esse potuerit causa illius, cuius ratio potest esse, quia vniò est supernaturalis, & quia per illam Verbum diuinum alligatur humanitati.

Castillo de Incarn. Pars I.

Sed sicut mihi videtur non repugnare rationi, neque esse contra mentem Scoti, sed potius ex ipsius doctrina deduct, quòd potest Deus aliquam creare creaturam, quæ habeat virtutem ad producendum aliquam formam substantialiter supernaturalem (non dico ad creandum, neque an talis creatura sit substantia vel accidens) sicut de facto datur causa secunda partialis supernaturali, v.g. lumen gloriæ, &c. cuius effectus non aduenit supernaturaliter tali causæ, quia respectu ipsius naturalissimus est, sed est supernaturalis propter insufficientiam virtutis aliarum causarum naturalium, ita non video esse oppositum rationi, neque Scotò posse dari aliquam creaturam de potentia Dei, quæ habeat virtutem ad producendum prædictam vniònem relatiuam, quæ non erit supernaturalis respectu illius, sed respectu virtutis insufficientis aliarum causarum spectantium ad ordinem vniuersi: vnde eius supernaturalitas non obstat, sicut neque obstat ad hoc, quòd effectus aliquis supernaturalis solum habeat causam partialem, quæ minor est ad talem supernaturalitatem præstantiam.

A 2 2

Neque

3. Neque obstat quod alliget diuinum Verbum, quia hoc habet de facto ipsa vnio, quæ est creatura, & nulla est repugnantia, quod sicut hoc habet hæc creatura formaliter, alia possit illud habere efficienter. ita arguit Scotus loquendo de charitate in 4. d. 1. quæst. 1. §. *ideò dici potest*; in fine verò, *sed ista rationes*, vbi dicit, quod sicut caritas est formalis ratio acceptationis Dei, ita non est repugnantia, quod sit ratio effectiua. An verò hoc habuerit de facto Virgo Maria non disputo, licet fatear hoc non esse necessarium vt conceperit & peperit Deum & hominem, & vt sit vera mater eius.

4. Circa 2. Suarez disp. 10. sect. 1. (cum quo aliquantulum consentit Lorca n. 7.) (scilicet quantum ad possibilitatem) censet aliquam creaturam potuisse esse instrumentum seu causam instrumentalem Incarnationis, imò & censet tamquam probabile sic se habuisse B. Virginem, quamuis hoc non sit necessarium vt verè fuerit Dei mater, & similiter se habuisse humanitatem Christi non ad primam vnionem, sed ad vniones partium, quas per nutritionem acquirebat, imò & ad vnionem totius, quæ reparata est in resurrectione. Quod probatur Primò ex Isichio hom. 2. de B. Virgine, quæ habetur tomo 6. Bibliothecæ Patrum, vbi eam vocat instrumentum Incarnationis. ex Ambrosio epist. 82. vbi dicit, *Per mulierem caro celsa est de Paradiso, per Virginem tamen vnita est Deo*. Bernard. hom. 4. super missus est, & lib. 5. de Consideratione circa finem, vbi ait, Mariam fuisse illam Euangelij mulierem, quæ tria fata farinae miscuit, ex quibus fermentata est vna massa, quia coniunxit tres substantias, animam, carnem, & Verbum.

5. Secundò probatur, quia creatura potest esse instrumentum physicum ad causandum aliquos effectus supernaturales, vt sunt Sacramenta in opinione Thomistarum; ergo similiter potest esse instrumentum ad producendum hunc effectum vnionis.

6. Tertiò, quia instrumentalis virtus creaturæ quodammodo infinita est, quia non est naturalis potentia, sed obedientialis, cuius efficacia non mensuratur ex naturali perfectione creaturæ, sed ex infinita Dei omnipotentia; ergo poterit

attingere hunc effectum, licet supernaturalior sit reliquis.

Vera tamen sententia negat creaturam esse instrumentum physicum ad Incarnationem, & consequenter negat B. Virginem & humanitatem Christi sic se habuisse. Fundamentum est à priori, quia causa instrumentalis, vel est illa, quæ nullam virtutem habet in actu primo, & in esse quieto, sed solùm causat effectum in actu secundo per incompossibilitatem formalem, vt serra scindit lignum, quia eius durities fit incompossibilis cum quantitate ligni, & sic mota serra à principali motore expellit quantitatem à loco in quo est, vt habet Scotus in 3. d. 1. q. 5. §. *ad primam ergo* infra litt. F, & nos docuimus 2. physic. disp. 4. quæst. 1. in quo sensu sumitur propriè causa instrumentalis, & vt sic nulla est creatura, vel potest intelligi, quæ habeat virtutem ad vnionem hypostaticam; vel causa instrumentalis est illa, quæ aliquam virtutem habet in actu primo, & in esse quieto, tamen non omnimodam & sufficientem, sed quæ indigeat compleri in actuali motione, & in actu secundo, in quo sensu sumitur ab aduersariis (& in sententia Scoti appellatur vera causa principalis partialis, quia sicut in actu secundo potest compleri, ita in actu primo, & in esse quieto completur per aliam concausam, siue inhaerentem, siue assistentem) & vt sic fateor, quod de potentia Dei possit intelligi aliqua creatura habens inchoatam virtutem ad vnionem, sicut dixi in principio quæstionis, quod possit dari causa principalis Incarnationis, & consequenter B. Virginem & humanitatem Christi potuisse illam virtutem habere, nego tamen illam habuisse de facto.

Ratio huius est, quia nullum est firmum fundamentum vt prædictam virtutem tribuamus alicui creaturæ, nec sufficit, vt bene ait Lorca num. 7. quod appareat facere ad dignitatem Virginis & humanitatis Christi, nam multa ad id faciunt, quæ non conceduntur, v.g. quod Virgo esset causa instrumentalis omnis gratiæ, quod humanitas Christi esset instrumentum ad creationem omnium animarum, & sicut in Sacramento de facto non admittitur à Scotto in 4. d. 1. Vasquez disp. 25. quia

in illo nulla apparet virtus physica in actu primo respectu gratiæ, vel effectus gratiosi, imò nec de possibili omnibus permanentibus, sicut modò se habent, ita neque debemus admittere in nostro casu, quandoquidem absque tali superaddito est vera & perfectissima Mater Christi.

9. Ad argumenta in oppositum respondetur. Ad primum prædictas locutiones Patrum non debere intelligi de vera causa instrumentali, cum non loquerentur in rigore scholastico, sed pro tanto dici instrumentum Incarnationis pro quanto genuit, & concepit humanitatem, quæ Verbo vnita est, non tamen quia habuerit immediatam causalitatem in vnionem. Ad 2. respondetur quòd creatura non est, neque potest esse de potentia Dei causa instrumentalis ad effectum supernaturalem, si de causa propriè instrumentali, & in primo sensu supradicto loquamur: si verò loquamur in secundo sensu, iterùm distinguo de creatura, quæ de facto est, & vt sic nego quòd sit, vel possit esse causa instrumentalis, vel de creatura possibili; & vt sic concedo, quòd possit esse causa instrumentalis huius effectus supernaturalis, licet magis propriè & veriùs debeat appellari causa principalis partialis, sicut intellectus respectu visionis beatificæ ad quam concurrat lumen supernaturale gloriæ. Ad 3. nego quòd virtus instrumentalis sit infinita, neque eius probatio placet, quia potentia obediens non est actiua, sed quòd sit actiua non solum est attendendum ex omnipotentia Dei, sed etiam ex virtute innata, & capacitate creaturæ, quæ semper est finita, sed hoc nihil interest ad propositum.

10. Circa 3. Alexander 3. p. q. 7. memb. 1. art. 1. Gabriel in 3. d. 2. q. vnicà, art. 2. Paludanus q. 2. art. 3. & videntur consentire D. Thom. q. 2. art. 2. quæstionculà 1. D. Bonau. art. 3. q. 2. & d. 18. art. 2. q. 1. affirmant de facto præcessisse ad vnionem hypostaticam in humanitate Christi prioritate naturæ gratiam habitualement ipsam adornantem & disponentem ad vnionem, quæ gratia adstruitur tamquam omnino necessaria ab Alexandro & Gabriele, ex eo quòd nulla natura est capax subsistentiæ Verbi, nisi quæ est capax gratiæ, quare hæc

debet esse medium & dispositio. A Paludano verò, & ab aliis adstruitur non tamquam necessaria, sed tamquam congrua, ex eo quòd, quæ infinitè distant vt natura humana & Verbum appropinquantur medià aliquà dispositione, sicut propter eandem rationem disponitur intellectus lumine gloriæ, vt possit attingere Deum.

Sed vera sententia docet nullam gratiam habitualement, aut aliam similem dispositionem præcessisse in natura humana Christi ante vnionem ad Verbum, neque ex necessitate, neque ex congruentia. ita Scotus in 3. d. 2. q. 2. 1. *quantum ad 2. articulum principalem*. D. Thomas 3. p. q. 2. art. 10. & quæst. 6. & 7. art. 13. vbi retractauit id quod supra dixerat. Sequuntur Scotistæ & Thomistæ. Rada controuers. 4. art. 6. Faber disp. 9. cap. 5. Suarez disp. 10. sect. 2. Valquez disp. 4. Lorca disp. 19. Et probatur Primò ratione Scoti, quia tunc fuit à Verbo natura humana personata, quando in se per creatam personalem debet personari: sed ante receptionem cuiuscumque accidentis personatur natura, quia priùs perficitur in esse substantiali, quàm habeat perfectionem accidentalem; ergo nulla antecessit gratia, aut dispositio accidentalis ad vnionem.

Et confirmatur, quia vt diximus ex 12. Scotto disp. 4. natura humana Christi ordine intentionis fuit priùs prædestinata ad gloriam, postea ad gratiam, & postea ad vnionem hypostaticam; ergo ordine executionis priùs habuit vnionem hypostaticam, quàm gratiam, sicut gratiam priùs quàm gloriam.

Secundò probatur ratione D. Thomæ, quia gratia vnionis pertinet ad esse Christum, gratia verò habitualis ad eius operationem; ergo prior est illa, quàm ista, quia priùs est esse, quàm operari.

Ad fundamenta Adversariorum respondetur. Ad primum Alexandri nego, quòd nulla alia natura sit capax subsistentiæ diuinæ præter eam, quæ est capax gratiæ, nam vt supra latè dictum est disp. 7. etiam qualibet natura substantialis & irrationalis, quæ non est capax illius, potest assumi à Verbo. Ad 2. Paludani dico eodem modo manere distantia Verbum, & naturam humanam prout ornatam gratià, quare

magis congruum est, quod seruetur ordo dininæ providentiæ in eo quod prius natura fiat persona, quam grata Neque lumen gloriæ requiritur in intellectu ut dispositio ad Deum videndum, sed ut comprincipium requisitum ut possit videre.

15. Sententia autem nostra solum debet intelligi de facto, quia de possibili reputo verum, quod posset natura humana prius existens ornari gratiâ, quam vnione hypostatica, quia personalitas solum est prior accidentibus secundum ordinem naturæ, & ordinem non ita intrinsecum, ut sit ratio formalis, vel conditio essentialiter prærequisita, sed tantum secundum aptiorem ordinem naturæ.

QVÆSTIO II.

An humanitas Christi potuerit mereri substantiam Incarnationis?

1. IN præcedenti quaestione egimus de causis physicis Incarnationis. Nunc iam incipimus agere de causis moralibus, quæ agunt per meritum vel imputationem. Et primò inquirimus de humanitate Christi, non de Christo, qui iam includit vnionem, de quo agemus in sequenti quaestione, sed de ipsa humanitate ante vnionem. Et titulus quaestionis procedit de possibili, quia de facto supposito cum communi sententia, quam Lorca disput. 20. reputat esse de fide, nullo modo illam meruisse. ita habet Augustinus lib. de dono perseuerantiz cap. 15. & alibi sæpè, vbi probat nostram electionem ad gloriam, & ad gratiam esse sine meritis, sicut prædestinatio humanitatis Christi ad vnionem hypostaticam. Præterea plures Patres nullam in humanitate Christi agnoscunt actionem nisi theandricam, id est Dei & hominis; ergo nullam, quæ non procedat ab humanitate vnita Verbo. Præterea in rebus magni momenti, & quæ sunt supra naturam non est loquendum absq; sufficienti fundamento S. Scripturæ, vel Patrum: vnde etiam si oppositum fuisset possibile, non est asserendum fuisse de facto. Et ratio est, quia de facto tunc natura humana assumpta est à Verbo, quando fieret (si sibi relinqueretur) subsistens per sub-

sistentiam creatam: sed prius fieret subsistens, quam operans, quia priora sunt, quæ pertinent ad esse substantiale, quam ad accidentale; ergo de facto natura humana Christi non meruit vnionem.

Neque obstant aliqua S. Scripturæ locutiones, vbi vnio hypostatica tribuitur meritis Christi, quæ non poterunt esse, nisi sint humanitatis, ut patet ex psalmo 44. *Dilexisti iustitiam*, &c. *propterea vnxit te Deus oleo latitiæ*; nam vnctio illa secundum plures Patres est quæ natura humana sanctificata est diuinitate & supposito Verbi. Et ex Apocalypsi cap. 5. *Dignus est Agnus, qui occisus est, accipere diuinitatem*. quod etiam indicat Basiliius homil. de humana Christi generatione, vbi ait de humanitate: *Digna fuit vniuenti diuinitati coniungi*. Respondetur enim, quod in primis verbis, *lex propterea*, secundum aliquos non denotat causam meritoriam, sed finalem, ut non sit sensus propter meritum iustitiæ vnxit te Deus; sed potius, *Idcirco vnxit te Deus, & in hunc finem facta est vnctio, ut diligeres iustitiam*, &c. Secundum alios verò licet denotet causam meritoriam, tamen per nomen vnctionis non intelligunt vnionem, sed gaudium de exercitio regni, dominij in creaturas, victoriæ & triumphi contra hostes, &c. gaudium autem nomine olei solet in Scriptura significari, & in illo vngebantur Reges, quando eligebantur. In secundis verbis, *in dignitas Agni*, vel non significat meritum, sed proportionem naturæ; vel si significat meritum, *accipere diuinitatem*, sumitur pro ostentatione ipsius. Basiliius lege *digna* non accepit propriè, sed pro eo quod est decens & congruum, sicut domus dicitur *digna*, ut à Rege habitetur.

Difficultas ergo solum procedit de possibili. Circa quam nota, Primò, quod si aliquod meritum est concedendum humanitati Christi in illo priori naturæ, quo est existens ante vnionem non esse concedendum operibus elicitis solum ex viribus nature absque gratia, quia si propter improprietatem non conceditur illis ratio meriti respectu primi auxilij, multò maiorem improprietatem habebunt respectu vnionis hypostaticæ, quod debet intelligi attentè providentiâ Dei, quæ de facto datur circa merita, non verò de potentia

tentia Dei absoluta, quia tunc actum purè naturalem ex motu honesto elicere posset Deus, ut condignè meritorium acceptare, ut diximus disputatione 2. quæstione 2.

4. Secundò est notandum nullà prioritate temporis præcessisse humanitatem Christi ante vnionem ad Verbum, ut contra aliquos hereticos statuimus disputatione 8. quæstione 1. sed solum præcedere prioritate naturæ, in qua potest reperiri meritum, & in subsequenti præmium, nam ex communi sensu Philosophorum solum quoddam prioritate naturæ præcedat agens ad actionem, quæ statim potest premiari.

5. Notandum est tertid, quòd si in humanitate Christi daretur talis actio, siue procedens ex auxilio gratiæ, siue mere naturalis, non solum posset esse meritoria de congruo vnionis hypostaticæ, sed etiam de condigno, quia ut latè diximus disputatione 2. & 3. acceptatio Dei addit valorem & dignitatem merito de se non æquali, & constituit proportionem cum præmio.

6. Circa hanc difficultatem duplex est sententia: Prima negat posse naturam humanam Christi adhuc de potentia Dei mereri suam vnionem hypostaticam. est communis apud Thomistas. Et probatur primò à Caietano super 3. partem quæstione 2. art. 11. quia actiones sunt suppositorum, sed humanitas ante vnionem non est suppositum; ergo nullam potest habere actionem, ac per consequens nullum meritum. Secundò probat Vasquez disputatione 21. cap. 8. quia gratia humanitatis, quæ mereretur, vel esset illi data intuitu vnionis, & sic iam vnio deberet præcedere; vel ex affectu adoptionis, & sic iam humanitas Christi esset filia Dei adoptiua, & non naturalis, quod est falsum. Tertid probat Faber in 3. disp. 44. cap. 5. quia non potest natura humana existere in rerum natura, quin sit supposita; ergo neque potest operari absque supposito. Præterea, quia prius est esse, quàm operari, substantia autem pertinet ad esse.

7. Secunda sententia per oppositum affirmat naturam humanam Christi posse de potentia Dei mereri suam vnionem hypostaticam. tribuitur Caietano vbi supra, & similiter possent defendere,

qui antecedenti quæstione dixerant humanitatem Christi præcessisse ad vnionem per gratiam habitualement dispositam, quia consequenter possent asserere præcessisse cum merito, quare sicut ibi in fine quæstionis confessi sumus illud fuisse possibile de potentia Dei, ita in præsentia fatemur hoc non repugnare. Et probatur Primò ex Aristotele 1. Metaphys. vbi ait, quòd actiones sunt singularium: sed natura humana Christi ante vnionem esset singularis; ergo.

Secundò probatur, quia humanitas tunc non consideratur in abstracto metaphysico (ut quidam putat) aliàs tantum esset natura specifica, sed in concreto, quatenus concernit singularitatem, sicut accidentia separata à subiecto in Eucharistia, quæ solum sunt abstracta abstracto physico; ergo sicut hæc accidentia exercere possunt suas actiones, ita illa natura humana singularis poterit exercere suas actiones & operationes, præcipuè eas quæ sunt per intellectum & voluntatem, & consequenter mereri præmium vnionis hypostaticæ à Deo stabilitum in tali casu: vnde non solum reperiretur agens ut *quo*, id est ratio agendi, sed etiam agens ut *quod*, licet non vltimatè completum, quale est singulare non subsistens.

Tertid probatur, quia id est concedendum Dei potentia, quod non implicat contradictionem, sed in hoc nulla est implicatio, ut patebit ex solutione argumentorum; ergo, &c.

Ad argumenta respondetur. Ad primum, quòd actiones sunt suppositorum de lege ordinaria, quia secundum leges naturæ natura prius constituitur in esse completo substantiali, quàm exerceat aliquam operationem; non tamen de potentia Dei, quia subsistentia non est principium essentialiter influens, neque conditio essentialiter requisita, sed tantum naturaliter (in quo sensu debent accipi omnia, quæ adducuntur à Lorcanum. 13. ex Arist. 1. de anima textu 64. & ex Damasc. lib. 3. de Fide cap. 15. & lib. 4. cap. 7.) quare adhuc illa ablata poterit natura operari, & reperietur in illa agens ut *quo*, & ut *quod* incompletum, inadæquatum, ut probauimus. Neque consideratur tunc natura purè in abstracto, quia ut sic equinitas tantum est equinitas, non tamen operans, sed

sed aequaliter in concreto, licet non ultimè.

11. Neque obstat primò, quòd Ioannes Theologus in Concilio Florentino sessione 18. dicat, quòd diuina Essentia non generat, bene tamen Pater, quia actiones sunt suppositorum. Respondetur enim loqui secundum ipsius sententiam, quæ adittebatur fortè ab Aduersariis, scilicet à Græcis, cum quibus disputabat. quare ratio prædictæ veritatis est, quia si Essentia generaret inter Filium genitum, & Essentiam generantem esset relationis oppositio, & per consequens Essentia & Filius realiter distinguerentur, sicut Pater & Filius distinguuntur.

12. Neque obstat secundò, quòd sublatà prædictà propositione, scilicet *actiones sunt suppositorum*, primò auferretur valor infinitus operibus Christi Domini, quia illum participant à supposito. Respondetur enim quòd in casu nostræ quæstionis actiones humanitatis non haberent valorem infinitum, sicut habent illæ de facto, in quibus influit suppositum, quæ influentia, vt latè diximus disputatione 3. non est physica, sed moralis, pro quanto procedunt à tali, vel à tali persona: vnde tunc indigerent acceptatione Dei, vt æquivalent præmio vnionis. Secundò auferretur quòd Virgò Maria esset mater Dei, quia si generatio solum terminatur ad naturam, & non ad Deum, solum esset mater naturæ, non Dei. Respondet etiam: Generatio hominis non terminatur ad animam rationalem, quia hæc à solo Deo creatur, & tamen homo generat hominem, quia generat substantiam constantem anima rationali, & dispositam ad illam, ita licet Virgò Maria non attingat suà actione, nisi ad solam humanitatem singularem, quia tamen talis humanitas genita est, vt petrus subsistentiam ultimam, quam Deus seipso præstare voluit, idèd verè dicitur genuisse Deum, & sicut homo generat hominem, licet non generet subsistentiam, ita Virgò generat hominem Deum, licet non generet Deitatem: vnde benè explicari possunt prædicta mysteria absque tali propositione.

13. Ad 2. argumentum respondeo, quòd prædicta gratia, data humanitati in illo

casu, potuit dari intuitu vnionis hypostaticæ, tamquam propter finem motuum, qui licet præcedat in intentione, non tamen in executione, & potuit dari ex affectu adoptionis, quia non repugnat quòd Christus secundum humanitatem sit Filius Dei adoptiuus, vt infra dicemus. Præterquam quòd tunc non consideratur vt Christus, sed tantum vt humanitas Christi.

Ad 3. quod est Fabri, respondeo primò quòd in præsentia solum consideramus humanitatem in illa prioritate naturæ, quæ antecedit ad vnionem, & tunc neque est persona, nec non persona, sicut humanitas in prioritate naturæ neque est risibilis, nec non risibilis. Secundò, quòd si loquamur de humanitate vt de potentia Dei potest præcedere prioritate temporis ante vnionem, non potest non esse suppositata, si ratio supposititalitatis consistat in negatio, si autem consistat in positio, vtrumque dici probabiliter, & si non suppositaretur, nihilominus posset operari. Ad illud, quod dicit, quòd prius est esse, quàm operari; ergo prior subsistentia, quàm operatio. Respondetur antecedens omnino esse verum, consequens verò solum esse verum naturaliter, & secundum congruam dispositionem, quam habent ea, quæ reperiuntur in natura, non verò secundum potentiam Dei, quia subsistentia non est intrinseca naturæ, neque conditio essentialis ad operationem.

QUESTIO III.

Vtrum Christus meruerit, aut mereri potuerit substantiam Incarnationis?

IN præcedenti quæstione locuti fuimus de merito humanitatis Christi ante vnionem, nunc verò loquimur de ipso post vnionem, quare notanter diximus in titulo quæstionis, vtrum Christus, qui dicit humanitatem iam vnitam, & quantum ad primam partem, scilicet an meruerit de facto Incarnationem; conueniunt omnes, Christum non meruisse suam vnionem hypostaticam. Fundamentum est, quia vnio hypostatica fuit principium valoris infiniti, quem opera Christi habebant; ergo talia opera non poterant talem vnionem

nem mereri, patet consequentia, quia secundum omnes principium meriti non potest cadere sub merito, aliàs homo posset mereri suam iustificationem, & similiter primum auxilium, quod est absurdum. Et confirmatur, quia in his, quæ à diuina solùm voluntate dependent, nil certum possumus affirmare, nisi sufficienti confirmetur auctoritate, & nullam in præsentī habemus ad affirmandum oppositum, imò Augustinus locis citatis in præcedenti quæstione negat absolutè respectu Incarnationis aliquod in humanitate præcessisse meritum; ergo multò minus in humanitate iam vnita, si autem aliqua in contrarium possunt obici ibidem soluimus.

2. Licet autem Christus non meruerit substantiam Incarnationis, benè tamen meruit de cōdigno illam restaurare per resurrectionem, & similiter meruit partiales incarnationes, quæ per nutritionem quotidianam fiebant, nam eodem passu, quo alimentum in propriam humanitatem Christi substantiam conuertebatur, vniebatur diuino supposito, sicut & præexistens substantia. Fundamentum huius est, quia opera Christi Domini habebant valorem infinitum syncategorematicè; ergo poterant mereri omne præmium Christo possibile, & congruum sibi dari, sed tam resurrectio, quàm omnis partialis incarnatio poterat dari illi in præmium, & aliàs cōsentaneum est, quòd de facto illud adeptus fuisset; ergo illas meruit, ita tenet Suarez disp. 10. sc. 4. Neque obstat, si dicas, quòd restauratio vnionis habita per resurrectionē debebatur ex vi primi decreti, quo humanitas Christi prædestinata est ad vnionem hypostaticam sibi coaueam, & sic independentè à meritis. Respondetur enim, quòd ordine intèntionis solùm gratia, & gloria fuit animæ Christi prædestinata vt coeua, vt videri potest apud Scotum in 3. d. 7. q. 3. non verò vnio hypostatica humanitati, aliàs in triduo non esset dissoluta humanitas, vt perseueraret vnita, quod paret esse contra fidem, quandoquidem Christus verè mortuus est, quare licet partes verè fuissent in triduo vnite, & ipsis coeua fuerit vnio hypostatica, non tamen humanitati, quæ dicitur totū compositū ex prædictis partibus, & sic quòd eius vnio per resurrectionem restaura-

Castillo de Incarn. Pars I.

retur, bene potuit à Christo promereri.

Circa quæstionem de possibili Suarez disp. 10. sc. 4. loquitur cum distinctione, & ait, quòd Incarnatio & potest sumi in intentione secundum quàm à Deo est prædestinata, & in executione vt in tempore, & in re posita est, & executi. Si primo modo sumatur Incarnatio non potuit mereri à Christo, benè tamen in secundo, & quidem quantum ad primum ex eo probat, quia ante primum decretum, quo hypostatica vnio est intenti, non præsupponebatur Christus, neque præsupponebatur eius merita in esse existentia, sed solùm in statu possibilitatis; vel conditionato; ergo neque præsupponebatur causa physica (scilicet Christus) quæ mereretur, neque causa moralis, scilicet merita, quibus mereretur præmium. patet consequentia, quia in præmium existens non possunt influere realiter causæ non existentes, vt est apud omnes manifestum. Quantum ad secundum ex eo probat, quia Christus, & eius merita præcedunt vt futura per decretum intentionis, & præuisa scientia visionis à Deo ante executionem Incarnationis; ergo potuerunt in illam influere. patet consequentia, quia non aliter influxerunt merita Christi in gratiam antiquis Patribus collatam, nisi vt præuisa in intentione futura, non in executione. quod totum confirmatur duplici exemplo, primò quia ex communi doctrina prædestinatio nostra in intentione est facta ante præuisionem meritum, & in executione ab illis dependet, ita contingit in Incarnatione. 2. dux militi potest dare equum, & arma per modum anticipatæ solutionis in præmiis eorum, quæ, vtrens armis, & equo strenuè acturus est in militia, ita Deus potest dare executionem Incarnationis Christo per modum anticipatæ solutionis eorum, quæ cū ipsa Incarnatione & eius meritis strenuè postea erit acturus.

Contraria verò sententia est cōmunis & vera, & affirmat absque distinctione quòd Incarnatio Christi non potuit adhuc de potentia Dei mereri à Christo; non solùm in intentione, sed neque in executione. ita tenet Vasquez disp. 21. cap. 5. & 6. Lorca disp. 20. n. 33. Et probatur primò ex Aug. vbi sup. in antec. quæstione, & præcipuè in Enchiridio

B b

cap.

cap. 26. & ferm. 8. de Verbis Apostoli, ubi ex eo probat non potuisse hominem Christum mereri suam Incarnationem, quia homo Christus prius tempore fuit, quam eius meritum: quæ ratio non valeret, si in intentione posset mereri executionem. Secundò probatur, quia, ut obicit Vasquez, si hoc esset verum, non relinquitur firmum fundamentum, quare Christus de facto illam non meruerit, cum hoc non minùs conducatur ad excellentiam meritorum Christi, quam quòd meruerit incarnationem in resurrectione, & incarnationes parciales in nutritione, ad quas pie credit Suarez, merita Christi esse à Deo ordinata, tamquam ad pramium. Omitto aliam impugnationem Vasquez, scilicet quòd non dentur diuersi ordines intentionis & executionis in decretis Dei, quia hoc supponimus ex sæpè sæpius dictis esse falsum.

5. Tertiò probatur à priori, quia principium meriti non potest cadere sub merito, sed Incarnatio Christi non quomodocumque, sed ut est executà, est principium meritorum Christi; ergo non potuit cadere sub illis. Maiorem probo, quia aliàs duo essent sibi ad inuicem causæ, & consequenter idem esset causa suiipsius, quia v. g. si ego possem esse causa Patris mei, qui fuit causa, ut ego existerem, ego fuisset causa meiipsius; ita similiter si illud quod est per se principium meriti in genere causæ efficiētis moralis in eodem genere causæ posset causari à merito, idem esset causa suiipsius. Minor probatur, quia vnio hypostatica ut intentà (hoc est ut decreta decreto intentionis) solum dedit valorem meritis Christi ut intentis: sed merita Christi ut intēta non habent valorem, quia sunt (& in genere causæ efficiētis, in quo genere deberent illum habere) sed solum habent valorem ut sint (seu in genere causæ finalis) ergo Incarnatio non quomodocumque, sed ut executà, est principium meritorum Christi. patet consequentia, quia merita Christi, sicut & cuiuilibet alterius iusti, solum habent ex parte merentis executionem causalitatem efficientem: causa autem efficiens tantum influit, quando iam est, vel in actu, si effectus est realis, vel in apprehensione, & præscientia, quæ supponat actualitatem realem, saltem

pro sua temporis differentia, si effectus est moralis; ergo quòd Deus præmet prædicta merita (quod est effectus moralis) supponit præscientiam meritorum, seu scientiam visionis meritorum pro sua temporis differentia existentium, quæ habeant valorem in actu participatum ab vnione in actu, & non ab vnione hypostatica in intentione.

Vnde non valet solutio Suarez, quæ 6. cōmuniter utitur in argumentis, quòd principium meriti nō potest cadere sub merito in eodem statu, benè tamen in diuersis, v. g. merita in intentione non possunt mereri vnionem in intentione, neq; merita in executione vnionem in executione, benè tamen potuisse mereri merita in intentione vnionem in executione, quia sunt diuersi status. Nam contrà est, quia si merita in intentione non exercent causalitatem meritorum, quæ est causalitas causæ efficientis, sed solum exercent in executione, habemus intentum contra ipsum.

Omnia prædicta cōfirmantur exemplo, quia licet à medico intēdatur potio 7. amara propter sanitatem, & emissio sanguinis propter potionem amaram, tamen in illo statu sanitas & potio amara non respiciuntur à medico; quia sunt, sed ut sint; nam ut sit sanitas, intendit potionem amaram; & ut sit conueniens potio amara, intendit emissionem sanguinis; ita eodem modo, licet ordine intentionis propter suam gloriam manifestandam intendat Deus gloriam, gratiam, & infinita merita Christi, & propter merita intendat vnionem, non poterunt merita ut sic influere, quia sunt, quia tunc solum respiciuntur à Deo ut sint. quare circa illa verba Pauli ad Ephes. 1. *Elegis nos in ipso ante mundi constitutionem, ut essemus sancti*, notarunt Hieronymus & Augustinus, & Concilium Arausican. 2. can. 27. D. Paulum non dixisse, *quia eramus sancti*, sed *ut essemus sancti*, ut sic aduerteretur, & notaretur sanctitatem nostram non fuisse causam meritorum nostræ electionis, quia hoc denotaretur per particulam, *quia eramus*, sed solum fuisse causam finalem, quæ denotatur per particulam, *ut essemus*.

Ex quo etiam inferitur, quòd neque 8. potuit dari vnio hypostatica per modum anticipatæ solutionis, ut secundò respon-

respondet Suarez, quia contrā est; nam ad hoc etiam requiritur, quod merita præuideantur, quia sunt, hoc est vt diximus in genere causæ efficientis moralis.

9. Sed dices: Merita Christi in intentione iam sunt, quia sunt efficaciter volita à Deo, & vt sic sunt obiectum diuinæ visionis, quæ supponit existentiam obiecti; ergo influunt, quia sunt. Respondetur quod ordo intentionis diuersus est ab ordine executionis secundum cōmuniorem sententiam, quam tenet ipse Suarez: sed hæc diuersitas (siue sit rationis, siue sit realis) non potest esse alia, nisi quod decretum intentionis solum præstet futuritionem, & existentiam virtutalem, pro quanto ex vi illius decreti Deus tenetur habere aliud decretum executionis actualitatis, & decretum executionis præstat, seu respicit ipsam actualitatem & existentiam, aliās non essent hi duo ordines multiplicandi; ergo vsquedum accedit decretum executionis circa merita, non poterunt influere, quia sunt: nam vt sic requirunt existentiam, & actualitatem formalem, sed ad hoc decretum executionis circa merita, iam præcedit decretum executionis circa vnionem, vt patet; ergo nullo modo influunt in illam, quia sunt. Nam merita, & omnia alia, prout concipiuntur ordine intentionis, non habent esse reale actuale formale, quia hoc habent à decreto executionis, sed solum habent esse virtuale & intentionale, seu esse volitum à diuina voluntate, vel habent esse in actu signato (vt alij expli- cant) non tamen in actu exercito, & vt sic etiam cognoscuntur à diuina visione, quatenus habent virtutalem existentiam intentionalem, & quasi in actu signato, vel habent actum entitatum, seu in esse Entis, non tamen habent actum existentialem, seu productionis extra causas, sed sine hoc non operantur, quia sunt, aliās aliquod creatum verè esset, & non extra causas, quod est falsum.

10. Tertio probatur, quia intentio efficax infert executionem efficacem; ergo intentio efficax gratuita infert saltem aliquam executionem gratuitā, sed Deus ordine intentionis efficaciter, & gratuito intendit vnionem hypostaticam; ergo & in executione. Et confirmatur exem-

Castillo de Incarn. Pars I.

plo, quia ex hac doctrina cōmuniter colligitur, quod ex eo quod Deus efficaciter & gratuito intendit dare gloriam prædestinatis, dat in executione gratuito primam vocationem efficacem; ergo similiter in nostro casu, cum vnio hypostatica sit primum quod in executione datur, debet dari gratis, & non ex meritis. Respondet Suarez nullum esse incōueniens prædestinatos posse mereri primam vocationem. Sed contrā putant cōmuniter Auctores, nam aliās hoc posset esse euasio Pelagianorum & Semipelagianorum, nam possent dicere quod possent mereri per merita subsequētia primam vocationem, & sic licet hæc sit necessaria, tamen non dari nobis gratis, sed ex nostris meritis iam præiis, quod impugnant Ecclesiæ Patres, qui licet loquantur de meritis antecedentibus, tamen hoc est, quia non veniebant in mentem merita subsequētia, vt pote impossibilia ad exercendum causalitatem efficientem.

Ad argumentum Suarez respondetur, 11. quod licet merita Christi futura præcedant in intentione ad vnionem hypostaticam in executione, tamen non præcedunt cum actualitate, & existentia formali, & in actu exercito, sed virtuti, & in actu signato quod non sufficit vt probauimus, ad hoc vt possint influere per modum causæ efficientis. Ad probationem consequentiæ dico, quod merita Christi influxerunt in gratiam antiquis Patribus collatam antequam existerent merita in sua temporis differentia, non tamen antequam præiuderentur à Deo, vt determinata non solum per decretum intentionis, sed etiam per decretum executionis, vt enim diximus disput. 4. q. 1. ordo executionis immediatus est ad ordinem intentionis, & vterque antecessit ad decretum cōferendi gratiam primis parentibus ex meritis Christi.

Ad exemplum respondetur. Ad primum 12. quod nostra prædestinatio dependet in executione à meritis, non solum intentis, sed etiam executis, & sic exemplum non est ad propositum. Ad 2. dico, quod in donatione equi & armorum sūt duo consideranda. 1. substantia ipsorum. 2. relatio dominij, quam acquirit miles. primum inluit efficiēter in pugnam, & pugna non inluit meritorie in substantiam equi & armorum, sed in secundum,

B b 2

scilicet

scilicet in relationem dominij, quæ non est causa per se pugnat, sed per accidens omnino: unde potest dari prædicta relatio per modum anticipatæ solutionis, ab eo, qui possit prævidere merita vt executi (saltem coniecturaliter) antequam sint; at verò merita Christi non per accidens, sed per se deberent influere in substantiam Incarnationis secundum Suarez: unde duo essent sibi adinuicem causæ, & consequenter vnum esset causa sui ipsius, vt supra explicuimus, quod est falsum.

13. Sed inquires pro maiori claritate huius quæstionis, supposito quoddam merita Christi vel hominis iusti aliquando influunt in genere causæ finalis, & aliquando in genere causæ efficientis, quâ ratione distinguantur hi duo modi influendi in ipsis meritis, vt sic clariùs constet quoddam merita Christi accepta ordine intentionis non potuerunt mereri substantiam Incarnationis. Et respondeo quoddam quando merita influunt in genere causæ finalis, non influunt in aliquid tamquam in præmium, quia cum solum moueant voluntatem Dei, vt ipsamet merita habeant esse, non postulant vt aliquid sibi detur in præmium, sed tantum postulant id vt sit eorum principium, & causa dans illis esse, quare postulant quoddam detur voluntas in actu primo libera, dignificata per gratiam, & per personam diuinam, si sint valoris infiniti, & quoddam hæc habeat obiectum honestum debitè circumstantionatum, quæ sunt principia, quæ dant esse merito, non tamen præmia ipsius; at verò quando influunt in genere causæ efficientis, non fluunt in aliquid, tamquam in retributionem seu præmium, quia non postulant illud vt ipsa merita sint, sed quia ipsa merita sunt, unde id quod postulant non se habet tamquam principium, sed tamquam effectus, & sic licet vtroque moueatur volûtas Dei ad aliquid agendum amore, seu gratia ipsorum meritorum, sed non eodem modo, vt patet ex dictis, sed in genere causæ finalis, vt sint ipsa, vult esse alia; in genere causæ efficientis, quia sunt propter ipsa, vult esse alia per modum præmij & retributionis: quâ ratione non voluit Deus vnionem hypostaticam, quando ordine intentionis voluit Deus quoddam darentur

merita Christi infiniti valoris; & vt hæc talia essent, voluit esse vnionem hypostaticam, quia non per modum præmij, sed per modum principij voluit esse ipsam, & sic merita non influxerunt in genere causæ meritoria.

QVÆSTIO IV.

Vtrum antiqui Patres meruerint, vel mereri potuerint substantiam Incarnationis?

Quantum ad quæstionem de facto 1.
Patres antiqui, qui præcesserunt aduentum Christi, non meruerunt substantiam Incarnationis. Cuius ratio est, quia cum Christus sit omnium caput morale & redemptor, nulla fuit gratia requisita ad meritum, quæ non proueniret ab illo, & consequenter quæ non supponeret Incarnationem quoad substantiam præuisam, quare solum potest esse quæstio de possibili.

Circa quam notandum est, quoddam gratia, per quam Patres potuerunt de potentia Dei mereri substantiam Incarnationis, posset esse duplex: Vna, quæ non esset ex meritis Christi Patribus concessa, sed ex mera Dei liberalitate, quod non repugnat. primò quia potuit Deus hanc illis conferre, antequam decerneret esse Christum. 2. quia licet præcederet Christus, & eius merita potuit Deus illa non acceptare in ordine ad prædictam gratiam, tamquam ad præmium, nam licet hoc exigerent ex condignitate in ordine ad rem, & ex congruentia in ordine ad creditorem, tamen non obligabant Deum ex iustitia, nisi accedente eius acceptatione, quæ potuit non accedere, & per hanc gratiam certum est potuisse Patres mereri substantiam Incarnationis. Cuius ratio est, quia si præmium erat supernaturale, similiter erat & meritum, & insuper erat ex gratia Dei, & ex hominibus in amicitia Dei existentibus, & potuit ordinari à Deo ad tale præmium (quæ sunt conditiones per se de facto requisitæ ad meritum) ergo, &c. & hoc meritum SS. Patrum non solum posset esse de congruo (quod concedunt, qui asserunt acceptationem non posse augere valorem) sed posset, & esset de

con-

condigno, si fieret per acceptationem Dei antecedentem, quæ ut diximus disp. 2. & 3. potest non solum dare ius iustitiæ, sed etiam augere valorem, & reddere meritum æquiualens cum premio.

3. Alia gratia posset esse, sicut ea, quæ est de facto, scilicet ex meritis Christi, & per hanc affirmant aliqui antiquos SS. Patres potuisse mereri substantiam Incarnationis. ita Valencia disp. 1. q. 2. puncto 8. Suarez disput. 10. sectione 6. Alexander 3. p. q. 8. memb. 3. art. 2. adducitur S. Thomas q. 2. art. 11. in quantum asserit quod Patres meruerunt de congruo substantiam Incarnationis, tum quo Caietanus, & plures Expositores ipsius. Ratio huius sententiæ est, quia non repugnat; & insuper credibile est, petitiones SS. Patrû fuisse apud Deum non vacuas, sed meritorias, cum essent rationabiles, & Deo gratæ; sed in illis petitionibus postulabant Incarnationem, ut patet Isaia 16. *Emitte Agnum, Domine, dominatorem terra.* Psalmo 105. *Visita nos Domine in Salutari tuo,* &c. ergo meruerunt substantiam Incarnationis.

4. Sed verior & communior est contraria sententia, quæ asserit antiquos Patres non potuisse mereri substantiam Incarnationis in recto, adhuc de congruo per gratiam concessam illis ex meritis Christi. ita Scotus noster in 4. d. 2. q. 1. §. ad 1. argumentum. D. Bonauent. in 3. d. 4. art. 2. q. 1. Marfilus, Ricardus, Sotus, & alij relati à Vasquez disput. 22. cap. 4. Feuarden. noster in caput 2. libri 5. Irenej. Et fundamentum est, quia sicut in antecedenti questione diximus quoddam principium meriti caderet sub merito, si merita Christi meruissent substantiam Incarnationis, quæ erat principium valoris ipsorum, ita in præsentis contingeret, nam merita SS. Patrum meruissent substantiam Incarnationis, quæ erat principium per se valoris ipsorum meritum Patrum, quia gratia dignificans prædicta merita Patrum procedebat ex meritis Christi, & hæc merita habent valorem ex substantia Incarnationis, & consequenter de primo ad vltimum, idem esset causa sui ipsius. Et confirmatur, quia si consideramus merita Patrum, ut causam Incarnationis, debuerunt præuideri ante illam scientiâ visionis: si verò conside-

remus talia merita, ut effectus gratiæ acceptæ à Christo, & ab eius Incarnatione non debuerunt præuideri, sed potiùs Incarnatio esset præuidentia; ergo idem secundum substantiam præuideretur, & non præuideretur, quod est falsum.

Neque obstat primò solutio Suarez de meritis Christi prout consideratis in ordine intentionis, in quo præcedunt ad merita SS. Patrum; & prout considerata Incarnatione ordine executionis, in quo subsequitur prædicta merita Patrum, quia satis superque est impugnata in præcedenti questione:

Neque obstat secundò solutio aliorum Recentiorum, qui asserunt merita Christi esse causam finalem meritum SS. Patrum, at verò merita SS. Patrum esse causam efficientem moralem substantiæ Incarnationis, & nullum esse inconueniens, quoddam duo sint ad inuicem causæ in diuerso genere causarum. Quia contrà est, nam tam merita Christi, quàm antiquorum Patrum influunt in genere causæ meritoria; ergo utraq; vel in genere causæ efficientis, vel in genere causæ finalis. Præterea quia merita Christi non influunt in merita SS. Patrum, nisi quia sunt; ergo in genere causæ efficientis, ut latè vbi supra.

Quare in hoc apparet distinctio causæ efficientis moralis à causa finali, quoddam licet utraque causa influat mouendo & attrahendo voluntatem, tamen diuerso modo, ut diximus questione antecedenti, quia causa finalis attrahit voluntatem ad hoc ut eligat media, ipsa causa, quæ solum est in apprehensione, sit realiter, & à parte rei; ut sanitas respectu medic; at verò causa efficiens moralis attrahit voluntatem ad aliquod efficiendum, non ut ipsa sit, sed quia iam ipsa est, v. g. delictum iam factum à reo attrahit voluntatem Iudicis ad punitionem, & meritum iam exhibitum, vel à Deo iam præsum cum actualitate attrahit ad premium, in qua doctrina conueniunt Scholastici, inter quos est D. Thomas questione 29. de Veritate cap. 6.

Ad fundamentum oppositæ sententiæ iam ostendimus repugnantiam illius, idem enim esset causa sui ipsius in eodem genere causæ. Ad illud quod dicit de orationibus Patrum, respondeo

cum Vasquez primò non esse necessarium semper illas impleri. 2. dico non petiisse Incarnationem, quia hanc tamquam certissimam ex promissionibus factam supponebant, sed illius accelerationem (de cuius merito infra dicemus) vel petiisse Christum propriis oculis videre. 3. potest dici cum aliquibus Iunioribus meruisse Incarnationem, quia hæc fuit iterum intentà à Deo propter orationes Patrum, tamquam propter finem impulsivum. itaque non meruerunt ipsam substantiam Incarnationis (vt bene notavit Lorca disputatione 21 in fine, quia similiter sequeretur quòd principium meriti caderet sub merito) sed quòd iterum intenderetur à Deo, seu quòd complaceret se in decreto facto. Ex quo non debet deduci meruisse illam, & effectus illius, scilicet redemptionem totius generis humani, vt Aduersarij coacti sunt confiteri, quia aliàs meruissent sibi gratiam, quâ dignificabantur & eliciebantur eius merita, & sic principium meriti caderet sub merito, & meruissent sibi primum auxilium, &c. quod est expressè contra mentem Augustini & Patrum.

9. Vnde ex vi præsentis decreti non primi, sed secundi (quod fuit quasi quædam complacentia efficax, quia futurizaret effectum, si non inueniret futurizatum) Christus venit dependenter à meritis Patrum, non tamen per se, & in recto, sed per accidens, & in obliquo, merita verò eorum per se, & in recto dependebant ab aduentu Christi, seu ab Incarnatione vt executà.

QVÆSTIO V.

Vtrum Christus meruerit sue Incarnationis circumstantias?

1. **T**Riplex est differentia circumstantiarum, aliæ enim sunt circumstantiæ antecedentes Incarnationem, vt quòd Christus fuerit prænuntiatus à Prophetis, annuntiatus ab Angelo, conceptus à Virgine præseruata ab originali, descendens à David, &c. & has circumstantias iterum subdividinguo, quia aliæ sunt, quæ directè respiciunt, siue immediatè, siue mediatè substantiam Incarnationis, quales sunt, quòd procedat à Maria, &c. aliæ sunt, quæ non

respiciunt directè substantiam Incarnationis, sed laudes, prærogatiuas, & honores debitos huic substantiæ, quales sunt, quòd procedat à Maria, vt virgine, vt præseruata ab originali, quòd Incarnatio sit prædicta à Prophetis, annuntiata ab Angelo, &c. præterea aliæ sunt circumstantiæ concomitantes, vt quòd executio Incarnationis fuerit in tali tempore, in tali loco, sine opere viri, &c. & tandem aliæ sunt subsequentes Incarnationem in executione, vt laudes Pastorum, cantus Angelorum, adoratio Magorum, &c.

Et ab his vltimis incipiendo conveniunt omnes Christum illas meruisse. ²⁴ Fundamentum est, quia Christus (vt inferius dicemus) à primo instanti suæ conceptionis coepit mereri merito infinito syncategorematico, vt supra diximus; ergo meruit quidquid congruenter potuit habere rationem præmij: sed prædictæ circumstantiæ congruenter possunt induere rationem præmij, cum sint specialia beneficia Dei, cedantque in honorem Christi, & sint duratione posteriores; ergo meruit illas. Controversia ergo huius quæstionis solum procedit de duabus prioribus.

^{3.} Circa quam prima sententia distinguit de illis circumstantiis, vel vt fuerunt beneficia aliorum hominum, qualiter fuit beneficium Mariæ, quòd esset virgo, & præseruata ab originali; & Gabrieli, quòd esset nuntius destinatus ad tale mysterium, & in hoc sensu ait Christum illas meruisse, vel vt dicunt ordinem, & respiciunt Incarnationem ipsam, & vt sic illas non meruisse. ita Suarez disp. 10. sect. 4. Fundamentum ipsius est, quia licet de possibili omnia prædicta possent cadere sub merito Christi, sicut in quæstione 3. dixerat de executione Incarnationis, tamen quòd de facto cadant ea, quæ respiciunt illam, non est connaturale naturæ rerum, cum sint antecedentia & concomitantia, & id quod meretur debeat esse subsequens. vnde esset multiplicare miracula absque necessitate. Sed contrà, quia etiam illæ circumstantiæ prout sunt beneficia Mariæ, Gabrielis, &c. sunt antecedentes & concomitantes. Præterea, quia merita Christi in intentione non sunt sufficientia, vt latè diximus in prædicta quæstione 3.

Sc:

4. Secunda sententia asserit Christum de facto meruisse omnes illas circumstantias antecedentes & concomitantes, quæ non dicunt ordinem essentialem, & per se ad Incarnationem, taliter quod meruerit omnes circumstantias per accidens quoquo modo consideratas, & hæc sententia appellat causas per se solas illas, quæ ita essentialiter requiruntur, quod effectus non erunt, nisi ipsæ sint, unde dicuntur causæ per se per seitate se tenente ex parte effectus. ita Vasquez disp. 21. cap. 8. Fundamentum est, quia id, quod non est per se requisitum ad Incarnationem, neque erit per se requisitum ad meritum Christi; ergo attenda natura rei poterit optimè cadere sub merito illius, solum enim implicat quod principium per se meriti cadat sub illo, non verò principium per accidens, semel autem admissa non repugnantia debet similiter admitti de facto Deum ordinasse Christi merita ad prædicta præmia, quia omne præmium possibile petitur ab ipsis ex congruitate, quod aliter contingit in meritis creaturarum, quæ solum exposcunt gratiam & gloriam.

5. Dico primò: In hac quæstione Christus Dominus non meruit eas circumstantias Incarnationis antecedentes, quæ directè respiciunt Incarnationem, siue habeant se ut causæ per se per seitate se tenente ex parte effectus, siue per seitate se tenente ex parte causæ. Hæc conclusio colligitur ex his, quæ à nobis dicenda sunt in sequentibus quæstionibus cum Lorca, & aliis Auctoribus. Hæc conclusio probatur à priori, quia quodlibet principium, quod de facto est principium alicuius rei (licet potuerit non esse) non est, imò nec potest esse, supposito quod sit principium, effectus ipsius rei in quocumque genere causæ, sed circumstantiæ, quæ directè respiciunt Incarnationem secundum esse physicum, sunt de facto principia, & causæ ipsius, has enim appellamus directè respicientes Incarnationem, licet de possibili possent non esse, & ratione huius dicantur causæ per accidens; ergo nequeunt esse effectus Incarnationis. Maior probatur à priori, quia quodlibet principium etiam illud, quod posset non esse principium, quando actualiter est principium, antecedit aliquam

prioritate naturæ in suo esse ante effectum, cum sit causa illius; ergo nequit subsequi, & esse causatum ab illo, aliàs darentur duæ contradictoriæ, scilicet quod antecederet in suo esse in prioritate naturæ, & quod non antecederet in suo esse in prioritate naturæ. Minor iam patet, quia loquimur de illis circumstantiis, quæ de facto sunt causæ, & influunt efficienter in effectum, licet de possibili possent non influere. Et confirmatur conclusio pluribus argumentis, quæ in sequenti quæstione adducemus circa maternitatem Virginis, quæ hoc ipsum probant.

Dico secundò: Christus Dominus 6: meruit eas circumstantias antecedentes & concomitantes, quæ non respiciunt directè substantiam Incarnationis, sed laudes, prærogatiuas, & honores. hæc conclusio est communis. Et probatur, quia in his saluatur, quod principium meriti non cadat sub merito, nam prædictæ circumstantiæ non sunt principia, neque per se, neque per accidens Incarnationis, quæ est principium meriti, cum non influant in illam; sed in laudes & honores ipsius. Insuper non repugnat, quod antecedit, vel concomitentur Incarnationem ad hoc, ut Christus illas meruerit, nam etiam antecesserunt & concomitabantur gratiæ iustificantes Patrum & iustorum, & tamen illas meruit Christus, & tandem congruum erat ut Deus ordinaret Christi merita ad talia præmia; ergo ex nullo capite repugnat, quod Christus meruerit tales circumstantias.

Respondeo ergo ad fundamenta Adversariorum. Ad Suarez dico, quod licet circumstantiæ considerentur non solum ut sunt beneficia hominum & Angelorum, sed etiam ut respiciunt aliquo modo Incarnationem; in quantum sunt prærogatiuæ, & honores ipsius, possunt mereri à Christo, quia quod sint antecedentes & concomitantes non repugnat, ut patet in gratia iustorum, qui fuerunt tempore Incarnationis, & SS. Patrum, qui antecesserunt Christum, nec fuit miraculum illam mereri, imò potius esset miraculum illam non mereri, cum meritis Christi propter eorum infinitatem secundum quod deberentur omnia præmia possible & congrua.

Ad

8. Ad fundamentum secundæ sententiæ dico nos non negare Christo, quòd meruerit circumstantias, quæ sunt causæ per accidens illius, ex eo quòd non sit congruà Dei ordinatio ad illas tamquam ad præmium, sed propter repugnantiam ortam ex natura rei, quia principium licet sit de per accidens, tamen eo ipso, quod de facto est principium, non potest esse principium ab eo, quod est effectus illius, ut supra probauimus. quare illas circumstantias, quæ de facto sunt causæ Incarnationis (licet de possibili ipsa Incarnatio & vnio hypostatica possit existere per alias causas, & non dependeat taliter ab his causis, quas habet de facto, quòd ipsis non existentibus non existeret, quare dicuntur causæ per accidens illius) licet per se non influant per se tenente ex parte effectus, nihilominus eo ipso quòd de facto sunt causæ illius, de facto non potuit illas mereri.

9. Dices: Potuit Christus decerni etiam decreto executiuo, antequam decerneret Deus prædictas circumstantias, quæ sunt causæ; ergo potuerunt eius merita præuideri scientiâ visionis ante illas; ergo & consequenter potuit Deus ordinare prædicta merita ad illas, ut ad præmium. Respondetur negando antecedens, quia decretum executiuum includit actionem non solum pro materiali, & pro re acta (quæ identificatur cum termino) sed etiam pro formali, & prout est relatio producentis ad productum, quia totum hoc reperitur per se in executione, ut latè dicam in quæstione sequenti, & sic necessariò hæc numero executio includit determinatè hanc numero causam, licet alia esset possibilis: unde eius merita non potuerunt præuideri ut executi ante totalem causam, & consequenter neque potuerunt ordinari ad prædictas circumstantias, tamquam ad præmium.

QVÆSTIO VI.

An beatissima Virgo meruerit maternitatem Dei, quam habuit?

1. Hæc quæstio procedit de facto, quia de possibili, sicut diximus quæstione 4. quòd SS. Patres potuerunt mereri substantiam Incarnationis

per gratiam non collatam illis ex meritis Christi, sed ex sola liberalitate Dei, ita possumus dicere quòd potuisset Virgo mereri esse matrem Dei ex gratia collata non ex meritis Christi, sed ex liberalitate Dei, sed quia si hoc esset de facto, esset detrudere à Christo excellentiam Capitis morales, ratione cuius omnis natura humana recipit ab ipso gratiam actualement & habitualem, idè quæstio præfens solum controuertitur de facto, & de gratia collata ex meritis Christi.

Circa quam prima sententia affirmat B. Virginem meruisse maternitatem Dei. Inter Auctores autem huius sententiæ, primò dicunt aliqui illam meruisse de condigno. tribuitur Mayorì in 3. d. 4. q. 4. & probabile censet Gabriel q. vnica, art. 3. dub. 3. & absolutè docet Abulenensis paradoxà 1. cap. 34. Almain. d. 4. q. vnica in fine. Secundo dicunt alij non meruisse illam de condigno, neque de congruo, sed alio merito medio maiori quàm secundo, & minori quàm primo, & vocant illud meritum dignum. tribuitur de Marfilio in 3. q. 5. art. 3. dub. 1. tenet D. Bonau. in 3. d. 4. art. 2. q. 2. & probabilem censet Vega quæstione 4. de Iustificatione. Tertiò dicunt reliqui hoc meritum fuisse solum de congruo. ita S. Thomas in 3. d. 4. q. 3. art. 1. ad 2. Ricard. art. 3. Caiet. supra 3. partem, quæst. 2. art. 11. Suarez disp. 10. sect. 8. Vasquez disputatione 23. cap. 4.

Quæ diuersæ sententiæ fundantur in pluribus Patrum locutionibus, quorum aliquæ dicunt Mariam propter vitæ sanctitatem & puritatem effectam fuisse matrem Dei, quod insinuat meritum còdignum. Aliæ locutiones, quòd fuerit dignum Filij sui habitaculum, ut dicitur in Collecta Ecclesiæ, ubi adstrui videtur meritum dignum; & tandem aliæ, quòd meruerit portare & gignere Dominum Christum, quod ut minimum debet intelligi de merito de congruo, quas locutiones refert Vasquez cap. 2. & nos omittimus, tum quia eas admittimus, tum ne videamur nimietate diffusì in eas referendo.

Id autem in quo conueniunt omnes, scilicet Virginem meruisse maternitatem Dei, probant à priori, quia omnis dignitas, & perfectio non repugnans, debet

debet tribui B. Virgini; sed quodd meruerit suam maternitatem, est perfectio, & dignitas non repugnans mereri ab illa; ergo, &c. Minor probatur, nam circumstantia hæc, scilicet quodd Christus sit genitus ex hac Virgine, non est intrinseca, & per se, quia ipsemet Christus esset, licet non esset ex hac Matre, causa enim efficiens extrinseca omnino est ad rationem indiuiduam effectus (quod & nos docuimus 2. phys. disp. 1. q. 6. cum Scoto in 2. d. 20. q. 2.) ergo potuit decernere Christum & eius merita de facto, & intuitu illorum dare Virgini Mariæ gratiam actualem & habituales, quibus mereretur maternitatem Dei, quam poterat habere, & non habere, & potuerunt prædicta merita accipere in ordine ad tale præmium. Deinde probant à posteriori, & ab effectu, quia de facto maternitas Virginis fuit dependens à cōsensu illius; si enim non diceret illa verba, *Eccē Ancilla Domini*, &c. dicunt Patres Christum non fuisse in illa incarnatum ex vi præsentis decreti, sed ille consensus & illa verba fuerunt meritoria; ergo de facto meruit Christi maternitatem.

5. Secunda sententia & magis vera à nobisque defendenda asserit B. Virginem de facto non meruisse munus maternitatis, non solum de condigno, & de digno, sed neque de congruo. hanc sententiam colligo ex Scoto in 4. d. 2. q. 1. §. ad 1. argumentum, vers. *posset dici*, ubi negat Virgini Mariæ de facto habuisse merita respectu Incarnationis, ex quo debet desumi, quod neque respectu maternitatis, similiter tribuitur D. Thomæ 3. p. q. 2. art. 11. ad 3. & Scoto lib. 2. de iustitia & iure q. 1. art. 4. docet, & tenet Lorca disp. 22.

6. Probatur primò ex Patribus asserentibus hanc dignitatem maternitatis aduenisse Virgini non ex meritis propriis, sed ex gratia. ita docet Hieronymus in Dialogo contra Pelagianos, Fulgentius lib. 1. de Incarnatione cap. 7. Bernardus in Sermone de Natiuitate.

7. Dices hoc debere intelligi de meritis naturalibus. Sed contrà, quia merita naturalia de facto non sunt merita, sed Patres vtuntur voce meritorum; ergo debet intelligi de operibus, quæ de facto sunt vera merita. Præterea quia Patres absolute loquuntur, & hanc expli-

Castillo de Incarn. Pars I.

cationem non addunt; ergo conuenientius intelliguntur de quocumque merito.

Secundò probatur à priori: Virgo non potuit mereri de congruo munus maternitatis; ergo neq; de digno, neq; de condigno: Consequentia est manifesta, quia meritum congruum est minimum inter prædicta merita, vt omnes fatentur; & nos diximus latè disput. 2. q. 1. ubi similiter refutauimus dari meritum dignum distinctum à condigno: Antecedens, in quo tota est difficultas, probatur ex his quæ diximus quæstione antecede cōclusionē 1. quia principium, quod de facto est principium alicuius rei, licet potuerit non esse principium de possibili, tamen supposito quodd sit de facto principium, non est, neque potest esse effectus illius rei, cuius est principium: sed quodd Virgo fuerit mater Christi, fuit de facto principium Incarnationis; ergo maternitas, nec fuit, nec potuit esse effectus Incarnationis prout de facto executæ, sed si Virgo meretur maternitatem, esset effectus illius mediātē, quia, vt supponimus, merita ipsius Virginis procederent ex gratia collata ex meritis Christi, quæ merita Christi dignificatur per Incarnationem & vnionem hypostaticam prout de facto executam, ergo nō potuit illam mereri: probatio verò antecedentis, in quo est tota difficultas, satis liquet in prædicta antecede quæstione, in cuius fine fecimus satis obiectioni, quæ fit contra istam rationem à contraria sententia.

Tertiò probatur, quia decreta executionis de facto respiciunt ea, quæ in executione rei reperta sunt, tamquam per se requisita prout de facto; sed de facto in executione generationis, quæ Virgo Maria genuit Christum, non solum reperitur Incarnatio Verbi, quæ posset fieri per aliam matrem (hoc est actio Incarnationis materialiter sumpta) sed etiam reperitur Verbi Incarnatio prout ab hac Matre; & secundum rationem formalem actionis dependentis ab hac causa producente; ergo decretum executionis, quod de facto reperitur in Incarnatione includit per se non solum respectum ad Incarnationem secundum rationem materialem, sed etiam secundum rationem formalem, & prout ab hac Matre; ergo

C c

ergo de facto non potuit in executione prævideri Incarnatio, nisi prout ab hac matre tamquam à causa, & consequenter hæc causa, seu hæc causalitas non potuit de facto esse effectus Incarnationis, esset autem effectus si Incarnatio influeret in merita Virginis, per quæ Virgo mereretur maternitatem.

10. Neque obstat, si dicas, quòd respectu Incarnationis de facto reperiuntur in Deo duo decreta executiua, vel vnum cum duplici respectu, quorum vnum terminetur ad substantiam Incarnationis, etiam prout est actio, & fieri materialiter secundum omnem rationem indiuiduam, & hoc præcedit præuisionem meritorum Christi, & Virginis futurorum in executione; aliud verò terminetur ad circumstantiam maternitatis, & ad Incarnationem secundum rationem formalem huius actionis, scilicet prout causatam ab hac Virgine, & hoc fuit post præuisionem meritorum Christi, & cōsequenter potuit esse post præuisionem meritorum Virginis, & potuit illis dari in præmium. Quia contrà est, nam decretum executionis respicit suum obiectū vt executum, imò ratione illius habet quòd sit executum, aliàs non distingueretur à decreto intentionis, sed non potest obiectum in se esse formaliter executum, nisi sit formaliter effectum & causatum ab hac numero causa, quam habet in executione; ergo Incarnatio non potest decreto aliquo executionis, vel per aliquem respectum ipsius respici vt executum secundum rationem materialem, & non secundum rationem formalem executionis & causationis.

11. Confirmatur primò, & declaratur, quia à parte rei non exequitur, seu causatur res formaliter, nisi per causationem exequentem & causantem. vnde nequit res formaliter esse executum, nisi sit principium aliquod exequens & causans; ergo decretum executiuum, quod ex natura sua respicit rem, vt sic in hoc statu, nequit formaliter respicere rem absque executione; ergo neq; Incarnationem in executione, nisi in conceptu ipsius intret executio, seu causatio, per quam formaliter est exequenda: sed hæc fuit illa actio Virginis; ergo in decreto Dei executiuo non possunt admitti illi duo respectus distincti, & adinuicem

distantes, & illæ præcisiones, sed necessariò debet includere causationem Virginis, & consequenter quòd non possit supponi Incarnatio ad merita Virginis.

Et confirmatur 2. & vrgentissime, 12. quia per hoc numero decretum executiuum, decreta sunt hæc numero existentia, sed ista non est, quòd Christus sit extra has vel illas causas creatiuas vel educiuas vagæ, sed quòd sit extra hanc numero & determinatam causam generatiuam à qua, vel ad quam hæc numero existentia, similiter & decretum suam individuationem; ergo hæc includitur in hoc numero decreto executiuo. patet consequentia, quia per decretum etiam executiuum, quòd Christus existat, nō existit in re, nisi accedat aliud, scilicet quòd sit extra hæc vel illam causam determinatam, præterquam quòd decretum de existentia vt sic est confusum, & in genere, quod non admittitur in Deo, debet enim esse de hac determinata existentia, & sic de hac essentia & indiuiduo extra has causas.

Et confirmatur 3. & declaratur amplius, 13. quia si Deus decerneret, quòd Christus existeret per hæc vel per illam causam (quas præcognoscebat posse influere in existentiam ipsius) nō assignando aliquam determinatam adhuc non esset Christus determinatus decreto executionis requisito vt absolutè existeret à parte rei; ergo decretum executionis necessariò requirit determinationem alicuius causæ & causalitatis in indiuiduo. Antecedens probatur, quia absoluta existentia à parte rei, quā indiuiduum existit extra causas, debet non minùs esse indiuidua & determinata, quàm ipsa entitas indiuidui, quæ per talem existentiam formaliter existit, sed indiuidualitas existentie sumitur in ordine ad determinatas & indiuiduas causas & causalitates, sicut indiuidualitas entitatis sumitur ex veriori sententia & doctrina ex indiuidualitate materie & formæ; ergo decretum vt Christus existeret per hanc vel illam causam non determinando aliquam non constitueret Christum absolutè à parte rei existentem, sed expectaretur aliud, quod causam determinaret; ergo decretum executionis, quod de facto fuit circa Christum, inclusit tãquam causam determinatam, eam quā habuit de

de facto, scilicet Virginem Mariam, & suam causalitatem, scilicet suam generationem.

14. Quartò probatur prædicta sententia, quia SS. Patres non potuerunt mereri substantiam Incarnationis ex gratia collata ex meritis Christi, licet prædictæ gratiæ conveniret per accidens, quòd esset ex meritis Christi, non aliâ ratione, nisi quia principium meriti caderet sub merito, vt cum Auctoribus contrariæ sententiæ diximus quæstione 4. ergo licet Incarnationi sit per accidens procedere ab hac numero matre, non poterit cadere sub merito ipsius, vel sub meritis Virginis dependentibus ab ipsa, quòd procedat ab illa, & consequenter neque Virgo poterit mereri maternitatem Dei.

15. Quintò probatur, quia implicat quòd aliquis mereatur relationem prædicamentalem, nisi mereatur positionem vel fundamentum, vel terminum, sed beata Virgo non meruit fundamentum vel terminum relationis maternitatis; ergo non meruit maternitatem. Maior probatur, quia potius extremis necessariis confurgit relatio ex natura talis relationis; ergo quando per operationes liberas mereretur talem relationem, pro tanto illam Virgo mereretur, pro quanto mereretur à Deo, quòd ponatur fundamentum vel terminus ex quibus confurgit. Minor probatur, quia cum terminus maternitatis non sit sola humanitas (aliàs non esset dicenda Mater Dei) sed Christus, qui de facto non potuit cadere sub merito, cum sit principium meriti, vt latè probauimus quæstione 4. etiam cum Aduersariis, & insuper non potuit mereri fundamentum proximum, quod fuit actio generatiua, vel potentia generatiua connotans talem actionem, ratione cuius fundat Virgo relationem maternitatis, nam actio ita connexa est ex natura sua cum termino, vt ad positionem ipsius ponatur terminus, & non ad positionem ipsius, non ponatur terminus; ergo qui non meretur terminum, non potest mereri actionem, aliàs posset aliquis non mereri calorem, & mereri calefactionem, quod videtur impossibile, cum calefactio in suo conceptu intrinseco includat pro materiali ipsum calorem in fieri. Præterea, quia actio pro-

ductiua est ita essentialiter connexa cum termino in fieri (vel cum actione pro re acta (vt loquebar in Logica in prædicamento actionis, & lib. 5. phylis.) vt nequeat adhuc de potentia Dei absoluta intelligi formale actionis absque illo materiali; ergo ita est essentialiter connexa hæc actio cum hoc termino in fieri, vt si sit impossibile quòd mereatur terminus, similiter sit impossibile quòd mereatur actio, sed actio indiuidua & determinata dicit necessariam & essentialem connexionem cum causa indiuidua & determinata; ergo & hæc numero generatio cum hac numero matre.

Sed dices primò: Peccator ex auxilio gratiæ meretur de congruo fieri Filium Dei adoptiuum, & nihilominus non meretur Deum esse, qui est terminus talis filiationis; ergo similiter Virgo, licet non mereatur Christum esse, seu esse Incarnationem, potuit mereri maternitatem ad illam. Respondeo quòd quæcumque filiatio ex natura sua non est productiua termini, sed supponit potius illum, materitas autem potius supponit producere terminum, & sic est dispar ratio.

Dices secundò: Virgo licet non potuit mereri terminum suæ maternitatis quoad substantiam, & quoad entitatem, bene tamen prout proueniret ab ipsa, & consequenter potuit mereri actionem & causalitatem, quæ est fundamentum, vel conditio ad maternitatem terminatam ad terminum sub illa ratione. Respondetur quòd terminus maternitatis fuit Christus quoad entitatem & substantiam, non secundum illam reduplicationem prout proueniens ab ipsa, quia hoc, vel est ipsa actio, quæ Christus prouenit seu producit à matre, & sic fundamentum & terminus maternitatis esset idem; vel est relatio filiationis, quæ Christus refertur ad matrem, ex eo quia prouenit ab illa, maternitas autem non terminatur ad filiationem, sicut neque filiatio terminatur ad maternitatem, sed ad extrema absoluta in quibus fundantur, quia tamen iste terminus Christus prout de facto fuit executus includit hæc actionem seu causalitatem, idè hæc actio non potuit de facto cadere sub meritis Christi, & consequenter neque sub meritis Virginis, vt iam diximus.

18. Sed omitamus plura alia argumenta, quæ sunt à Lorca, & ab aliis pro hac sententia, quia vel debilia, vel omnino falsa sunt, & faciamus satis argumentis pro prima sententia adductis. Ad primum, quod est ex auctoritatibus Sanctorum, in quibus Virgo appellatur digna, condigna, & congrua ad maternitatem Dei. Respondetur cum D. Thoma citato pro nostra sententia Virginem dici meruisse maternitatem, non quia illam meruerit propriè, sed quia meruit cum puritatis gradum ut congruè esset mater Dei, quare SS. Patres in illis locutionibus meritum, dignitas, condignitas solum significant quamdam coaptationem & correspondentiam puritatis Virginis cum maternitate Dei, qui modus loquendi communis est apud Patres. vnde Ecclesia in benedictione Cerei paschalis ait, *O Felix culpa, quæ talem ac tantum meruit habere Redemptorem*; & Cyprianus epist. 8. dicit, *Puerulos meruisse ut assumerentur ad aternam beatitudinem*.

19. Neque obstat quòd meritum ibi tribuatur operibus; ergo debet sumi propriè. Respondeo enim: Etiam tribuitur operibus dignitas & condignitas à Patribus, & nihilominus plures ex Adversariis explicant de condignitate impropria, seu de dignitate & condignitate se tenente ex parte personæ, quæ potest esse absque omni merito, sicut domus dicitur digna ut à Rege habitetur; ergo similiter possumus nos explicare nomen *meritum* in prædictis locutionibus. ita respondet Lorca.

20. Sed addo quòd licet Virgo non meruerit maternitatem Christi, ne principium meriti caderet sub merito, & propter alias rationes suprà dictas, pie tamen credo meruisse reliqua omnia munera maternitatis, videlicet nutritiones omnes secutas ad generationem, quæ nimirum possent fieri à solo Deo, vel ab alia causa, portationem in utero per nouem menses, quæ poterat non esse, quia poterat statim ac concepit parturire, lactationem tempore infantie, & omnia alia obsequia, quæ pueris præstantur, quæ possent fieri ab alia nutrice, quæ omnia cum independentia sunt à primâ conceptione, similiter sunt independentia à maternitate, quæ solum fundatur in generatione, & terminatur

ad Filium ut primò productum, & consequenter supponunt Incarnationem, & sicut de Christo diximus quæstione 3. quòd licet non potuerit mereri substantiam Incarnationis, benè tamen partiales vñiones inuentas in nutritione, & totalem inuentam in resurrectione, quia principium meriti, quod est prima Incarnatio, non caderet sub merito, ita similiter possumus dicere de Virgine, quòd potuit mereri supradicta obsequia matris ex meritis Christi, & de facto meruit, non solum merito congruo, sed etiam condigno, quod potuit acceptatio Dei præstare, & eius opera ordinare, tam ad gloriam, quàm ad præfata, tamquam ad inadæquata præmia: & in hoc sensu intelligo Patres propriè locutos fuisse de meritis Virginis, nam prædicta omnia à maternitate, seu à femina habente rationem matris promanebant, & maternitas vulgariter & cōmuniter possunt appellari, licet non scholastico modo, quia hæc tantum consistit in prima geniti conceptione. videantur ea, quæ inferius dicemus disput. 20. de Adoratione quæstione 7. parte 1. circa adorationem Virginis ut matris. vnde ponderanda sunt verba, quibus communiter vtuntur, *quia quem meruisti portare*, portare permanentiam, & generationem, quasi habitualement, sicut similiter dicit habitaculum in illis verbis, *dignum Filij tui habitaculum* (& *ly. dignum*, videtur denotare meritum fuisse condignum) & Lucæ 1. dixit illi Elisabeth, *Beata, quæ credidisti, quoniam perficientur in te, quæ dicta sunt tibi*, &c. Nota *ly. perficientur*, vbi notat beatitudinem Virginis ex perfectione maternitatis, non ex ipsa maternitate, quæ perficitur, cum autem Patres Ecclesiæ videantur loqui sine distinctione de maternitate, & de perfectione maternitatis, quæ perfectio etiam maternitas appellatur, debent explicari secundum istum sensum.

Nec meo videri deficit pactum saltem implicitum Dei cum Virgine, ut Virgo mereretur prædicta in illis verbis Lucæ 1. *Quomodo fiet istud, &c. Spiritus sanctus superueniet in te*, &c. Et respondet Virgo: *Eccè ancilla Domini fiat mihi secundum verbum tuum*; vbi licet tam loquatur de prima Christi generatione à Virgine, quàm de perfectione

& muneribus maternitatis, & respectu prioris non posset habere rationem pacti ad valorem meriti, quia vt diximus principium meriti caderet sub merito, bene tamen potuit habere rationem pacti respectu posterioris; illa autem verba Isaïæ 1. *Eccce Virgo concipiet, &c.* & cap. 11. *Egredietur virga de radice Jesse, &c.* solum continere videntur prophetiam, & loqui de prima Christi generatione.

22. Ad probationem à priori respondeo primò concedendo pro nunc Virgini esse tribuendam omnem perfectionem, & dignitatem non repugnantem; nego tamen, quòd ei non repugnet mereri maternitatem, quia licet hic numero Christus secundum entitatem posset esse ab alia numero matre, vel à Deo per creationem producente, non tamen secundum hanc numero existentiam indiuidualem, quia cum hæc habeatur per talem productionem indiuiduam, quæ indiuiduatur etiam ab agente à quo promanat & dependet, non potest concipi, quòd ea perseuerante posset procedere ab alia causa efficiendi.

23. Vel respondeo secundò, quòd licet possit procedere hic numero Christus, & quantum ad essentiam, & quantum ad existentiam ab alia numero matre, non tamen prout subiicit de facto presenti decreto Dei executiuo, quia hoc secundum suam indiuiduationem & hæccitatem respexit hanc numero causam, scilicet Virginem, à qua de facto processit Christus genitus.

24. Et si cōtra primam solutionem obijcias, quòd essentia & existentia sunt realiter indistincta; ergo non potuit Christus secundum essentiam procedere ab alia matre, & non secundum hanc numero existentiam. Respondeo quòd etiam in sententia Scoti natura, quæ est communis negatiuè, potest quantum est ex se contrahi per hanc vel per illam hæccitatem & indiuiduationem, & nihilominus realiter identificantur inter se; & ratio est, quia conceptus tantum præcisui non auferunt identitatem realem; idem ergo dico in presenti casu, quòd licet realiter identifificentur essentia & existentia numerica Christi, tamen essentia quatenus est ex se abstrahit ab hoc, quòd contra-

hatur per hanc vel per illam existentiam, quæ vel modaliter, vel formaliter distinguitur ab illa.

Ad rationem à posteriori respondeo primò Incarnationem dependere ex vi presentis decreti à consensu Virginis, non tamquam à causa meritoria maternitatis prout primò terminata; ad Christum, sed tamquam à conditione sine qua non, quæ conditio erat meritoria vitæ æternæ, in quo sensu sunt vera omnia testimonia Patrum. Secundò respondeo quòd propter dictum consensum meruit Virgo maternitatem, non prout primò terminatam ad primam Christi generationem, sed prout terminatam ad perfectionem illius, & ad reddendum Christo obsequia matris, & sic debere explicari Ecclesiæ Patres.

Ex quibus patet non esse necessarium resoluerè aliam quæstionem, scilicet an meritum maternitatis Virginis fuerit dignum, condignum, vel congruum, liquidem negamus aliquo merito adhuc de congruo illam meruisse. Similiter non est necessarium resoluerè aliam quæstionem, an meruerit Virgo electionem ad maternitatem, quia sicut negamus quòd de facto meruit maternitatem, ita consequenter debemus negare meruisse electionem ad maternitatem, & locutiones Patrum hoc indicantes, explicamus, sicut suprà adductas.

Et si inquiras quibus operibus meruit de cōdigno beatissima Virgo exhibere Christo omnia munera & obsequia matris, & perficere (vt ita dicam) generationem Christi primò factam? Respondeo meruisse quibuslibet operibus supernaturalibus elicitis à Virgine post pactum illud à nobis assignatum, *Quomodo fiet istud, &c.* ex quo ius & valorem acceperunt, & præcipuè propter aliquem actum dilectionis Dei tunc elicium, & insuper meruisse de congruo hoc ipsum per opera antecedentia ad illud pactum, quia ad meritum de cōgruo non requiritur pactum antecedens, vt latè diximus disputatione 2. & gratia, quæ requiritur ex meritis Christi, solum potest respicere Incarnationem vt factam in Christi generatione, non tamen in nutritionibus. Neque obstat quòd gratia solum sit

semē gloriæ, vt obiicit Vasquez, quia hoc debet intelligi de factō, & communiter, & secundū actūalem Dei acceptationem communem, non autem de potentia Dei, & secundū acceptationem Dei specialem, quam sicut admittimus in Christo vt redimat genus humanum, admittere possumus in Virgine vt mereatur exhibere Christo obsequia matris.

28. Hoc ipsum quod diximus de meritis B. Virginis circa maternitatem, dicendum est de meritis SS. Patrum, qui fuerunt Christi progenitores, & habuerunt promissionem illius, scilicet quod non meruerunt de factō, quod essent progenitores illius, sicut neque Virgo quod esset illius mater, quia quod hæc causalitas sit mediata, vel immediata, non tollit quod principium alicuius sit principium ab ipso, & cōsequenter quod idem sit causa & effectus sui ipsius, bene tamen potuerunt mereri progenituram, sicut & Virgo maternitatem propter finem impulsium, sed sicut quæstione 4. huius disputationis, & disp. 4. quæstione 1. in simili notauimus, hoc non tam est mereri progenituram & maternitatem, quam mereri quod Deus complacat in decretis, quæ habuit dandi illis progenituram & maternitatem, in quo sensu debent intelligi testimonia S. Scripturæ, quæ eorum meritis tribuit has dignitates, vt Genes. 22. dicitur Abraham: *Quia fecisti rem hanc, & non peperisti filio tuo propter me, in semine tuo* (id est in Christo, vt explicat Paulus ad Galat. 3.) *benedicentur omnes gentes.* Et Psal. 131. dicitur Dauid: propterea quod voluerit Deo edificare templum: *De fructu ventris tui ponam super sedem tuam.* id est Christum, vt omnes explicant. Et Lucæ 1. dicitur Virgini, *Inuenisti gratiam apud Deum ecce concipies.* quare ex istis non probant Aduersarij Virginem absolutè & directè meruisse maternitatem, neque progenitores progenituram, sed vel quod in Christo benedicantur omnes gentes, vel quod Christus ponatur spiritualiter super sedem regni Dauidis.

QVÆSTIO VII.

An Patres antiqui meruerint reliquas Incarnationis circumstantias?

DE duplici circumstantia est iam difficultas: Prima est circumstantia temporis, quam Theologi vocant accelerationem, scilicet an meruerint Patres, vt hoc tempore potius, quam in alio longiori facta fuerit Incarnatio? Secunda est visio corporea, & annuntiatio Christi per verba demonstratiua illius. De prima circumstantia, est prima sententia, quæ affirmat quod antiqui Patres illam meruerint. ita D. Bonauent. in 3. d. 4. art. 2. q. 1. D. Thomas ibidem q. 3. art. 1. & 4. Gabriel, Rupert, Almain. & plures alij, quos referunt, & sequuntur Suarez disp. 10. sect. 6. & Vasquez disp. 22. cap. 4. & sub dubio affirmat Scotus in 4. d. 2. q. 1. in solutione ad 3. litt. M. Et probatur primò ex eo quod non repugnet illam meruisse, cum sit circumstantia non solum per accidens, sed etiam extrinseca Incarnationi; ergo hæc numero Incarnatio potuit à Deo prædefiniri absque meritis, & postea quod esset in tali breuiori tempore ex illorum meritis.

Secundò probatur ex pluribus sacre Scripturæ locis, nam Psal. 11. habetur, *Propter miseriam inopum, & gemitum pauperum, nunc exurgam, dicit Dominus*, id est non amplius differam remedium, sed accelerabo salutem. vbi Hieronymus & Augustinus explicant de aduentu Christi in carne. Et Psal. 78. dicit Dauid: *Veni Domine, & noli tardare, citò anticipent nos misericordie tue.* Et Daniel. 9. dicitur: *Septuaginta hebdomades abbreviata sunt super populum tuum, vt vngatur Sanctus Sanctorum.* vbi videtur significari propter orationes Danielis abbreviatum fuisse tempus aduentus Christi.

Secunda & vterior sententia negat antiquos Patres meruisse circumstantiam temporis, seu accelerationem Incarnationis, prout acceleratio significat abbreviationem temporis iam efficaciter statuti à Deo. ita defendit Lorca disp. 22. à num. 3. & colligitur primò ex communi sententia, quæ asserit (vt vidimus disp. 1. q. 8.) tempus Incarnationis statutum fuisse determinando illud,

illud, quod erat conuenientius ad finem Incarnationis, & ad communem salutem hominum; cum ergo propter finem communem, & tanti momenti statum sit, non decuit propter finem particularem; & propter consolationem aliquarum personarum inuerti decretum habitum à Deo circa tempus, dato pro nunc quod non repugnet immutabilitati Dei, quod decretum eius efficax mutetur propter diuersum finem de nouo cognitum, à qua difficultate modò superledeo.

4. Ad argumenta contrariæ sententiæ, respondeo. Ad primum dico, quod non repugnat, quia est circumstantia extrinseca. vnde idem Christus, & eadem opera eius essent, licet veniret in alio tempore, & dato quod non repugnet ex alio capite, sed nihilominus non decuit mutari decretum temporis statuti propter finem communem, & tanti momenti, propter alios fines particulares. Ad 2. Scripturæ testimonia respondeo. Ad primum ibi non loqui de aduentu Christi, sed de remedio opportunè collato iustis in tribulationibus & persecutionibus, quas patiuntur ab iniustis, vt patet ex contextu totius psal. & licet intelligatur cum Hieronymo & Augustino de aduentu Christi, tamen prædicta verba non significant accelerationem, sed causam aduentus Christi, quæ fuerit in remedium miseriæ inopum, & gemitus pauperum. Ad 2. testimonium dico prædicta verba esse desideria Patrum prolata more humano, quæ sunt à Deo executi more diuino.

5. Ad 3. quod est difficilior, respondet Lorca, & benè, quod Daniel non petebat accelerationem aduentus Christi, sed libertatem sui populi à captiuitate Babylonica; vnde licet reuelata simul fuerit Incarnatio, hoc supererogationis fuit, non concessio petitionis. Præterea, quia verbum illud, *abbreviate sunt*, in Hebræo non significat diminutionem & accelerationem temporis, sed definitionem & determinationem illius. Præterea si in proprio & riguroso sensu accipitur, reddit hunc sensum: Daniel confortare, quia tēpus, in quo adueniet Messias, iam est breue, & non multum superest, nam solum superest 70. hebdomades, intellige annorum.

Inquires; Dato quod Patres non potuerint mereri accelerationem Incarnationis, prout acceleratio significat abbreviationem temporis iam statuti & determinati, potuerint nec mereri, quod Christus veniret in hoc tempore, & non in alio longiori, determinabili, & definibili à Deo? Respondeo quod sic, in quo sensu reputo esse veram primam sententiam, & locutum fuisse Scriptum, licet sub dubio, quia loquebatur in speculati de B. Virgine, cuius merita saltem de congruo meo videri meruerunt, quod in illo tempore fieret Incarnatio, & hoc probant rationes & testimonia adducta pro prima sententia, non tamen quod meruerint tempus prout acceleratum, ita vt postulet mutationem digni decreti iam facti. Neque contra hoc est ratio pro nostra secunda sententia adducta, quia optimè potuerunt coincidere, imò & coincidentur fines communes Incarnationis cum fine particulari præmiandi Virgini & Patribus eorum merita per aduentum Christi in tali tempore, & sic propter illos omnes fines potuit decerni Incarnatio in tali tempore, non tamen propter fines communes primò decerni, & decerni tempore propinquiori.

De secunda circumstantia, quæ est visio Christi, & annuntiatio aduentus illius, per verba demonstratiua conueniunt omnes, ita extrinsecam esse Incarnationi, vt possit cadere sub meritis antiquorum Patrum, imò de facto cecidisse in Abraham, iuxta illud Ioan. 8. *Abraham exultauit, vt videret diem meum; vidit, & gaudens est.* exultauit, id est vehementer concupiuit. Et in S. Simone, cui promissum fuerat, *non visurum semetipsum, nisi videret Christum Domini.* & idem sentit de Anna prophetissa Ambros. lib. 1. in Lucam cap. de Simone & Anna.

Sed ex hac doctrina infert Vasquez 8. disp. 23. cap. 7. dicendum fore prædictos Patres etiam meruisse accelerationem Incarnationis, quia si meruerunt videre Christum, ergo aliquid eis fuit concessum, quod aliàs non fieret; ergo vel quod prolongaretur miraculose eorum vita, & hoc non videtur admittendum sine necessitate; vel quod acceleraretur Christi Incarnatio ad hoc, vt ab ipsis

ipsis videretur. Respondeo primò facilius esse concedendum primum ex his duobus, quàm quòd acceleraretur Christi Incarnatio. Respondeo secundò hoc non esse necessarium admittere, quia quod specialiter fuit eis datum propter sua merita nullum ex prædictis fuit, sed quòd viderent, cognoscerent,

& constanter prædicarent Christum, ad quod fuit requisita specialis reuelatio, & instructio Spiritus sancti, quam si non haberent, licet viderent, non viderent vt Christum, quia nõ cognoscerent ipsum, neque consequenter prædicarent, ad hoc autem non fuit requisita aduentus Christi acceleratio.

DISPUTATIO X.

DE

VNITATE ET PLURALITATE CHRISTI.

IAm diximus contra Nestorium in Christo non fuisse duas personas, sed vnā; & contra Eutichetem non fuisse vnā naturam, sed duplicem, diuinam scilicet & humanam. Nunc venit agendum, an fuerit in illo duplex existentia, vel vna? an duplex voluntas, & totidem operationes? de quibus agit Scotus in 3. distinctione 6.

QUESTIO PRIMA.

An in Christo fuerit vnica tantum existentia?

1. **R**IMA sententia affirmat, quòd sicut in Christo tantum est vnica substantia Verbi, quā natura humana etiam subsistit, ita tantum est in ipso vnica existentia Verbi, quā natura etiam humana habet actualitatem à parte rei, & existit extra causas, & extrā esse possibile, & consequenter negat hanc sententiam existentiam creatam naturæ humanæ. est communis inter Thomistas. ita Capreolus in 3. d. 6. q. 1. Caietan. 3. p. q. 17. art. 2. Ferrar. 4. contra Gentes cap. 25. & 42. Et probatur primò ex verbis Sophronij in Epistola Synodica approbata in 6. Synodo generali actione 11. & 13. *Natura humana in illo* (id est in Verbo) *& non in seipsa habuit existentiam vnā cum Verbo.* Et ex Damasc. lib. 3. cap. 22. referuntur hæc verba: *Natura humana per existentiam Verbi existit.*

2. Secundò probatur, quia existere

competit supposito, sicut & esse, & operari, nam reliqua non sunt, *quod est*, hoc enim tantum dicitur de supposito, sed *quo aliquid est*; ergo sicut in Christo est tantum vnū suppositum, ita & vnū existens, & consequenter & vna existentia, sicut & vna suppositalitas.

Tertiò probatur ex duplici inconuenienti: Primò quia vnio hypostatica non esset substantialis, neque efficere vnū ens per se, nam si Verbum existens adueniret naturæ humanæ iam existenti ex duobus entibus in actu non potest fieri vnū per se. Secundò quia Virgo Maria non esset Mater Dei, nam generatio terminatur ad esse actuale illius, quod generatur; ergo vel generatio Virginis debet terminari ad existentiam diuinam, vel si terminatur ad existentiam creatam non erit Mater Dei.

Secunda sententia est opposita & 3. *verior*, secundum quam dicendum nobis est, naturam humanam in Christo habuisse propriam existentiam creatam, & non extitisse existentia increata Verbi. ita Scotus noster in 3. d. 6. q. 1. 1. *concedo*, Durandus q. 3. Gabriel q. 2. art.

art. 2. Almainus quæstione 2. & ex Thomistis Paludanus quæstione 3. in fine, & refertur Herbeus quæstione 1. articulo 3. Estque communis inter Recentiores Suarez disputatione 36. sectione 1. Vasquez disputatione 71. capite 2. Valentiam tomo 4. disputatione 1. quæstione 17. puncto vnico; Lorcam disputatione 54. numero 4. Ex nostris Rada controuersia 7. articulo 3. conclusionem 8. Pytiganus super 3. Scoti distinctione 6. quæstione 1. artic. 2. Faber ibidem disputatione 14. capite 2. & coguntur tenere quotquot asserunt existentiam non distinguere realiter ab essentia actuali & singulari. Hæc sententia probatur à diuersis pluribus rationibus, quas adducit & relucit Lorca ubi supra à numero quinto.

5. Sed omisiss illis probatur Primò à priori: Existentia non distinguitur realiter ab essentia actuali (imò neque formaliter ex natura rei, vt tradidi 1. Phisic. disputatione 7. quæstione 3.) sed essentia naturæ humanæ Christi est diuersa ab essentia Verbi; ergo & eius existentia est diuersa. Minor est de fide, maior latè traditur à Scotistis ubi supra, quare in præsentia sufficit illam breuiter probare ex eo quòd in illo priori, quo concipitur humanitas Christi ante vnionem, non est intra causas formaliter, aliàs sola causa formalis esset, quæ præconceperetur ad vnionem, homo enim conceptus in Sole, qui est causa eius, formaliter tantum est Sol; ergo est extra causas; ergo existens, sed non existens per existentiam Verbi, quia præconcepimus humanitatem ante illam; ergo per existentiam propriam. Et confirmatur, quia si existentia dat esse existens essentia per modum formæ intrinsecè informantis, vt asserit contraria sententia, cum Verbum licet possit terminare naturam humanam per modum subsistentis, non possit illam informare per modum formæ intrinsecè informantis, vt omnes concedunt, sequitur quòd natura humana non possit existere per existentiam Verbi.

6. Secundò probatur similiter à priori, & per causam ratione Scoti, quia natura humana Christi extrahitur extra causas à tota Trinitate tamquam à causa

Cassillo de Incarn. Pars I.

efficienti, nam actiones ad extra sunt indiuisæ; ergo habet propriam existentiam distinctam ab existentia Verbi. Probo consequentiam; quia extrahi extra causas habet pro termino existentiam, tam in fieri, quam in facto esse; sed non existentiam Verbi, quia hæc est increata, & non potest produci per existentiam propriam.

Tertiò probatur à posteriori, quia si diuina existentia communicatur naturæ humanæ; ergo vnio hypostatice facta est in aliquo essentiali & communi tribus personis; quod est falsum.

Ad hoc argumentum nequit responderi, nisi dicatur quòd in Deo dantur quatuor existentia, vna absoluta & communis, & tres relatiuæ. Sed hæc solutio destruit fundamentum suæ sententia, quia ex eo debent dari quatuor existentia, vt quælibet entitas actualis distincta habeat suam distinctam existentiam, quod est, quod nos intendimus, & quod Aduersarij negant; nam natura humana Christi est entitas actualis distincta ab entitate Verbi; ergo habet distinctam existentiam ab illo.

Quartò probatur, quia natura Angeli existens modò potest assumi à Verbo, sed modò est existens per propriam existentiam, & ista non destrueretur per assumptionem Verbi, quia eodem modo maneret extra causas, & eodem æuo mensuraretur, sicut antea; ergo. &c. Et confirmatur, quia existentia Verbi mensuratur æternitate, sed tam existentia prædictæ naturæ angelicæ, quam naturæ humanæ Christi non mensuratur æternitate, sed æuo, vel tempore; ergo hæc præstat existere, & non illa. Patet consequentia, quia essentia non mensuratur duratione, nisi ratione existentia & actualitatis extra causas.

Quintò probatur, quia homo propriis oculis, & Angelus virtute naturali intuitiua videbant naturam humanam Christi extra causas existentem, quando Christus cum hominibus conuersatus fuit, sed existentia increata Dei non potest oculis corporeis videri, imò neque intellectu solùm viribus naturæ relicto, præcipuè in Aduersariorum sententia; ergo videbatur

D d tur

tur ratione existentie propriæ. Probo consequentiam, quia sicut essentia non est actualis nisi per existentiam, ita non est visibilis & cognoscibilis intuitu nisi per existentiam, quod experientia confirmat, quia ex eo Antichristus modò non videtur, neque intuituè cognoscitur ab intellectu, quia non existit. quæ argumenta probant nostram sententiam, etiam si existentia sit realiter distincta ab essentia, vt voluit Thomistæ.

11. Ad argumenta in contrarium respondendo. Ad primum respondent aliqui, quòd Sophronius per existentiam intelligit subsistentiam, & hanc dicere esse vnam cum Verbo; sed contradicit huic solutioni Lorca numero 15. quia iuxta lectionem Græcam debet legi, *existentia*, vel *vita*. quare ipse melius respondet, quòd addita est illis verbis illa vltima particula, *vnam cum Verbo*, quæ non reperitur in illis, & vt sic vera sunt, quia natura humana non existit priùs (scilicet tempore) in se, & postea in Verbo, sed eodem instanti temporis, quo existit in se, assumpta fuit à Verbo; verba autem Damasceni non inueniuntur apud ipsum, vt asserit ipse Lorca.

12. Ad 2. respondeo, quòd existentia in abstracto competit naturæ actuali in abstracto, & existeret in concreto naturæ in concreto, & sic de supposito dicitur existeret, sicut de natura existentia, quare actiones dicuntur denominatiue de supposito, sicut & reliqua alia, vt sæpe sæpius diximus: vnde de Verbo diuino dicitur, quòd producat, quòd generetur à Virgine, quòd existat per existentiam creatam non simpliciter, sed in esse hominis.

13. Ad 3. respondeo, & ad primum inconueniens, nihil referre, quòd Verbum diuinum adueniat enti in actu constituto, si nondum est completo, cum autem natura humana Christi licet esset existens, nondum esset subsistens, potuit optimè vnum per se substantiale in esse personæ constituere cum diuino Verbo; vt autem sit vnio substantialis, solum requiritur quòd sit vnio substantiarum habentium se per modum actus & potentie.

Ad secundum inconueniens dici-

mus, quòd neque Virgo posset actin-gere efficienter existentiam increatam Verbi; ergo ratione huius non potest dici Mater Dei, sed hoc dicitur de Virgine per communicationem idiomaticum; & sicut dicitur homo nomen generare, licet non producat animam rationalem, quia in instanti, quo eius actio finitur, est homo constans corpore & animâ: ita Virgo dicitur Deum generasse, quia in instanti terminatio generationis fuit Christus, seu homo Deus.

Sed superest vnum dubium, an Christus sit vnum esse, vel plura? quod debet resolui per explicationem huius vocis *esse*, quæ quadrupliciter potest accipi, vt insinuat Scotus vbi suprâ, 1. respondeo, *lit. A.* primò pro esse essentia. 2. pro esse subsistentia. 3. pro esse, quod significat copulam, quâ intellectus componit & vnit affirmando vnum de alio, vt in hac propositione, *homo est animal*. 4. pro esse existentia. Primum cum solum differat in modo concipiendi ab essentia, tot sunt esse in Christo, quot essentia. ita Scotus expressè ibidem. 2. cum esse sit actus subsistentia, & hæc solum sit vna in Christo tantum est concedendum vnum esse subsistentia. 3. multiplicatur iuxta multiplicationem Prædicatorum, quæ de Christo possunt verâ enuntiatione prædicari. 4. sicut duplex est existentia, ita duplex habet existeret; & sic Christus existit homo, & existit Deus.

Dices: In Christo sunt plures essentia, scilicet humana, & diuina; ergo Christus non est vnum esse, sed plura. Respondent Aduersarij, quòd esse supponit pro existentia; & consequenter sicut vnam tantum concedunt in Christo existentiam, ita & vnum esse. Sed iam patet ex dictis, qualiter *esse* potest multipliciter accipi, verum est tamen quòd *esse* absolute prolato supponit pro actu entis, seu pro essentia in actu, & sic redit in idem, ac existentia, quia hæc est actus entis, seu essentia; & consequenter sicut in Christo sunt plura entia, & plures essentia in actu, ita & plura *esse*: si tamen velis, quòd esse supponat pro actu entis in concreto (quod verius reputo) vt sic est dicendum, quòd in Christo est vnum esse

sim-

simpliciter, quia est vnum suppositum, & plura secundum quid, hoc est, plura dicuntur de Christo in concreto, scilicet quod sit homo, quod sit Deus, non tamen quia plura concernant supposita, quare dicuntur plura secundum quid, aliis simpliciter dicerentur, neque. *Id secundum quid* significat accidens, sed substantiam incompletam alicuius, sic intelligo & explico Scotum §. concedo, verò 2. dico, & deinceps.

QVÆSTIO II.

Verum Christus sit aliqua duo appellandus?

1. **M**ULTUM refert in mysteriis nostræ fidei non tantum rectè sentire, sed etiam sincerè loqui, quare præfens quæstio non est contemnenda, quia de vocibus, in qua primò certum est quod Christus possit dici vnus masculinè, quia si duo masculinè diceretur, esset locutio hæretica, nam significaret duas personas. ita definitur in Epistola Concilij Alexandrini, quæ est decima apud Cyrillum, & in 5. Synodo generali collatione §. can. 1. & in 6. can. 4. & idem habetur apud plures Pontifices, & Patres relatos à Recentioribus. Ratio huius est, quia vnus & duo in masculina acceptione personam significant, sicut vnum & duo in significatione neutra significant naturam. ita expressè Damasc. lib. 3. de Fide cap. 7. in fine, Nicænus lib. 3. Theauri cap. 25. & plures alij apud Vasquez disp. 70. cap. 1. quos sequuntur Scholastici cum D. Thoma in 3. d. 6. q. 2. art. 2. Scotus q. 2. §. ad 1. *argumentum.* vnde non licet dicere, Pater, Filius & Spiritus sanctus sunt vnus, sed sunt tres; nec licet dicere, sunt tria, sed vnum. quare tota difficultas est, an Christus possit dici duo in significatione neutra, an debeat dici vnum?

2. Circa quam prima sententia (quam sine nomine Auctoris refert Durandus quæstione 1. & quæ aliquibus Recentioribus non apparet improbabilis) affirmat Christum debere dici duo, & non vnum. Et probatur primò ex alijs quibus locutionibus Patrum, quæ hoc videntur significare. 2. quia prædictæ voces in neutra significatione referuntur ad naturas, sed in Christo sunt plu-

res naturæ, & non vna, quia est diuina & humana; ergo debet dici duo.

Secunda sententia negat, quod propriè loquendo possit Christus dici duo, neque vnum. ita Durandus in 3. d. 6. q. 1. Cuius fundamentum est, quia adiectiua secundum regulas Grammaticæ, quando prædicantur de substantiis, debent sequi genus subiecti substantiini, sed Christus est generis masculini, & vnum & duo sunt generis neutrius; ergo hæc adiectiua nequeunt prædicari de illo substantiuo, scilicet Christus.

Tertia communis & vera sententia affirmat, quod Christus non debeat dici duo neutraliter. ita ferè omnes Scholastici cum D. Thoma, & Scoto vbi supra. Hanc conclusionem probant aliqui testimonio Cyrilli epistolâ citatâ, vbi ait: *Sed neque Deum, vel Dominum Christi Verbum Dei nominamus, ne aperte in duo vnum Christum diuidamus.* Sed hæc verba (sicut & alia similia) nihil probant, quia *Id duo* potest sumi in significatione masculina, præterquam quod (ait Lorca) aliter habetur in omnibus codicibus, scilicet, *ne in duos diuidamus, & sic* nihil probat. Similiter nulla est probatio Vasquez cap. 3. videlicet, quia si diceremus, Christus est duo, diuideremus Christum in duo, quod est contra prædictum Cyrillum. Responderi enim potest nullum esse inconueniens diuidere Christum in duo in neutra significatione, quia vt sic refertur ad naturas, & istæ sunt duæ in Christo; & similiter potest responderi, quod Cyrillus locutus fuit masculinè.

Præterea ipse Vasquez & Lorca 5. disputatione 67. probant hanc sententiam, quia duplex natura, quæ est in Christo, habet vnionem cum personaritate Verbi, & consequenter sunt vnum in persona; ergo de Christo non potest prædicari, quod est duo, sed vnum. Sed contrâ primò, quia duo concernit suppositum in genere masculino, non tamen in neutro; quia vt sic solum respicit naturam, & hæc est duplex; ergo licet aliàs vnietur cum supposito, tamen prout concernitur à voce *duo* in genere neutro non respicit suppositum, & cōsequenter non impeditur Christus, vt dicatur *duo*, cum eius natura sit duplex, & distincta vna ab alia.

Secundò, quia etiam tres diuinæ personæ vniuntur in essentia, & tamen tres dicuntur in concreto, quia vt sic referuntur ad supposita (vt benè ait Scotus quæstione 1. §. ad argumenta, & malè citatur à Lorca pro sua probatione) & sumuntur in significatione masculinæ; ergo in eadem, & eodem modo sumitur *duo*, si referatur ad naturas Christi, prout concernunt suppositum, in qua acceptatione est propositio falsa. Tertiò, quia ipsi fatentur Christum posse dici *duo*, dummodo ponatur aliqua particula denotans dualitatem naturarum, sed eo ipso quòd accipitur in significatione neutra, hoc denotatur; ergo quòd illæ vniantur cum persona Verbi non tollit veritatem huius propositionis, *Christus est duo*, in significatione neutra.

6. Quare prætermisiss his rationibus. Probatur ratione Scoti, §. ad questionem, quæ plures alij probant extendendo ipsam, quia *duo* refertur ad ipsas naturas Christi, prout inter se sunt distinctæ, vt sic enim sunt duo; ergo eodem modo potest prædicari de Christo, sicut ipsæ naturæ prout inter se distinctæ, sed prout inter se distinctæ sumuntur in abstracto, quia prout vnitæ, & coniunctæ sumuntur in concreto, & in abstracto non possunt prædicari de Christo, quia hæc est falsa, *Christus est natura humana, seu humanitas; Christus est natura diuina, seu diuinitas*; ergo similiter hæc, *Christus est duo*. Ex quo patet, quòd neque possit dici, *Christus est vnum*, quia hæc vox in significatione neutra concernit naturas, quæ non sunt vna, licet vniantur in persona Verbi, omnes tamen conueniunt, quòd in obliquo, vel in recto, additā aliquā particulā restringenti ad naturas, possit Christus dici duo, vt in his, *Christus habet duo, in Christo sunt duo*, scilicet humanitas, & diuinitas.

7. Ad argumenta primæ sententiæ respondeo. Ad 1. dico Patres numquam locutos fuisse sine aliquo addito restringenti ad naturas, vel in obliquo, quod ex professo probat Lorca referens numero 8. eorum verba, vbi videri possunt. Ad 2. dico, quòd eo ipso, quòd prædicta vox *duo* refertur ad naturas, non potest prædicari de Christo, quia debet sumi in abstracto, sicut & ipsæ naturæ, quatenus distinctæ, & sicut

prædictæ naturæ in abstracto non possunt prædicari in recto de Christo, ita neque *duo*.

Ad argumenta secundæ sententiæ 8. dico, quòd licet prædicta sententia sit aliquid vera, vt patet ex dictis, non tamen propter fundamentum cui ninitur; & sic respondeo, quòd licet verum sit, quòd adiectiua debent sequi genus substantiui, quando adiectiue prædicantur de illo, non tamen quando substantiue, vt patet in hac propositione, quæ habetur Ioan. 10. *Ego & Pater vnum sumus*, vbi ly *vnum*, quod est adiectiuum, & prædicatur de Patre & Filio, qui sunt masculini generis, ponitur non in genere masculino, sed in neutro, quia non sumitur adiectiue, sed substantiue: vnde in grāmatica deficit, qui ex grāmatica argumentabatur; talis autem propositio est vera, quia natura diuina propter infinitatem etiam in abstracto prædicatur de personis, vt in his, *Pater est Deus, Filius est Deus*; & consequenter hæc est boua, *Ego & Pater vnum sumus*.

Vasquez cap. 3. n. 14. licet fateatur, quòd Christus non possit dici *duo* sumpto *duo* neutraliter, & in recto, affirmat tamen posse dici, *Est aliud & aliud, est hoc & illud, est aliquid & aliquid, est vnum & aliud, est vtrumque*, quæ sunt Synonyma. quod probat primò, quia tales locutiones habentur apud Patres, quos referunt. 2. quia secundum Damascenum lib. 3. cap. 7. Christus non est tantum homo, nec tantum Deus; ergo est aliud quàm homo, & aliud quàm Deus, & consequenter aliud & aliud.

Sed contraria sententia est vera, & 10. expressa apud Scotum, §. ad 1. argumentum, tenet Lorca n. 9. & citat D. Thomam q. 17. art. 5. in solutionibus argumentorum. Et probatur eodem fundamento, quia si ex eo quòd vox *duo* sumitur in abstracto, ex eo quòd significet naturas in abstracto, non potest in recto absolute prædicari de Christo; ergo quia *aliud & aliud*, & reliquæ voces eodem modo debent sumi, non poterunt propter eandem rationem de Christo prædicari in recto, sed vel cum addito, vel in obliquo, sicut vox *duo* vnde Patres sic loquuntur, vt probat Lorca; vel sic aliter, debent explicari benignè: & per hoc patet ad primum.

Ad

Ad 2. respondeo, concedendo antecedens, & negando consequens, quia solum infertur; ergo in Christo est aliud, seu aliquid, quod non est Deus, scilicet natura humana; & aliud, quod non est homo, scilicet natura diuina.

21. Dices: Christus est Deus, Christus est homo, sed aliud est Deus, aliud est homo; ergo Christus est aliud, & aliud. Respondetur quod sicut minor propositio solum est vera in abstracto, & non in concreto, ita & consequentia euadit falsa; & sic sicut minor facit hunc sensum, aliud est Deus, aliud est homo, id est, alia est natura diuina, alia humana: in quo sensu est vera, & sumitur in abstracto, & falsa si faciat hunc sensum, aliud est suppositum nature diuine, aliud nature humane, in quo sumitur in concreto, ita consequentia euadit falsa, quia mutat suppositionem vocis, nam in maiori *homo* & *Deus* sumuntur in concreto, & in consequentia in abstracto, & facit hunc sensum; ergo Christus est aliud, & aliud, id est, ergo Christus est natura humana, & natura diuina, quæ propositio est falsa, vt patet ex dictis.

QVÆSTIO III.

Vtrum in Christo sit vna voluntas, & vna operatio?

1. **P**ostquam explicuimus unitatem substantialem Christi, agimus de unitate & pluralitate potentiarum & operationum, & non quaerimus de aliis potentiis & operationibus à voluntate & eius operatione. 1. quia obiter de illis erit sufficienter sermo, dum de his egerimus. 2. quia de his fuit contentio cum hæreticis, quæ modò est examinanda.

2. Et omisso errore Eutichetis, & hæreticorum, qui dicuntur Minophitæ, qui sicut vnam tantum naturam mixtam seu compositam ex duabus constituebant in Christo, ita vnam tantum voluntatem & operationem in ipso constituebant. Et omisso errore Nestorij, qui sicut Christum purum esse hominem asserbat, solum per affectum unitum diuinitati, ita consequenter distinguebat eorum voluntates & operationes. Et omisso errore Apollinarij, &

aliorum, qui asserabant Christum assumpsisse carnem sine anima, aut animam sine mente: vnde dicebant voluntatem substituisse diuinam loco voluntatis humane. Omisissis, inquam, his erroribus, de quibus latè egimus suprà disp. 51. q. 1. fuerunt alij hæretici dicti Monotelitæ, quasi reliquiæ præcedentium, qui etiam si fatentur in Christo duas naturas distinctas, & unitas in vna persona Verbi, tamen negabant quod natura humana Christi habuisset voluntatem humanam, incepit error iste anno 621: & vexauit Ecclesiam præcipue orientalem 60. annis, cuius auctores fuerunt Sergius Patriarcha Constantinopolitanus, & Cyrus Patriarcha Alexandrinus, Paulus & Petrus successores Sergij, & Macharius cum Stephano discipulo, qui interfuerunt in 6. Synodo generali, vbi condemnatus & extinctus fuit:

Hæretici isti variè & inconstanter (vt motis est) loquebantur, vt asserit Agato Papa in Epistola relatà à 6. Synodo generali art. 4. & licet tantum admitterent in Christo voluntatem & operationem diuinam, & negassent humanam, tamen an solum loquerentur de potentia, an de operatione? Et si de operatione, de qua operatione? Et si de operatione voluntatis, an etiam negarent operationem intellectus? dubitatur. Quem errorem non fuisse relatum fideliter à Scholasticis, asserit Vasquez disp. 73. cap. 1. se autem fideliter collegisse ex Conciliis, in quibus fuit damnatus, sed neque ab ipso fuisse exactè explicatum, sicut neque ab Auctoribus illius, optimè probat Lorca disp. 69. à num. 4. vterque autem continet in eo quod ad exactam notitiam erroris ad nullam aliam partem potest melius recurri, quàm ad 6. Synodum, vbi plura verba illius referuntur:

Dicendum ergo nobis est in hac re, tanquam de fide certum, quod in Christo fuerit duplex voluntas, similiter & duplex operatio. Hæc conclusio probatur auctoritate Agatonis Papæ to. 3. Conciliorum in 6. Synodo generali actione 4. vbi ex Agatone habentur hæc verba, *Et vnamquamque eius naturam, proprietatem naturalem habere confitemur, & habere diuinam, omnia, quæ diuina sunt; & humanam, omnia, quæ humana sunt*

sunt absque ullo peccato. & infra. Nec tamquam separatas in duabus personis, vel subsistentiis. Ex quibus verbis patet omnia esse duplicata in Christo, quæ pertinent ad naturas, exceptâ personalitate in qua facta est unio; admittit ergo duas naturas, duas potentias intellectus & voluntatis, duas operationes, quarum una sit diuina, altera humana. Idem constat ex eadem Synodo actione 11. in Epistola Sophronij agentis de Incarnatione, & probantis contra Eutichetem omnia pertinentia ad naturam esse duplicata in Christo. & hoc ipsum constat ex Concilio Calcedonensi actione 5. & ex Symbolo Athanasij, *Perfectus Deus, perfectus homo ex anima rationali, & humana carne subsistens.*

PARS PRIMA.

In qua fit satis tribus dubiis ortis ex hoc errore.

5. **P**rimum dubium est, quid nomine voluntatis intellexerint supradicti hæretici Monothelitæ, an potentiam, an operationem? utrumque enim potest intelligi eodem nomine. S. Thomas 3. p. q. 18. art. 1. indicare videtur eos, non solum intellexisse operationem, sed etiam potentiam; quod exponens Caietanus ait, quod licet hæretici solum loquantur de actu, tamen consequenter inferunt negauisse potentiam, ne maneret perpetuo otiosa.
6. Dicendum igitur nobis est cum Lorca disp. 69. quod solum actum negauerunt, non potentiam. Et probatur primo, quia Agato Papa ubi supra definit voluntatem (de qua ipsi agebant) definitione Augustini dicentis, quod sit *motus animæ*, sed motus animæ est operatio, & non potentia; ergo, &c. Secundo, quia si negarent potentiam, incidere in errorem Apollinarij affectis, quod in Christo non fuit mens humana, intelligens nomine mentis vel animam prout rationalem, & sic prout intellectiuam & volitiuam, vel ipsas potentias animæ rationalis, at prædicto errori ipsi non acquiescebant, ut patet ex dictis in principio quæstionis. Tertiò, quia Natalis hæreticus in Actione 8. expressè concedit appetitum animæ rationalis in Christo, & negat actum il-

lius his verbis, *Numquam animata rationalis Domini caro diuisa, atque ex proprio appetitu naturalem sui fecit mentionem;* ergo habuit voluntatem, cuius in tantum Christus oblitus fuit, in quantum nulum ipsius habuit actum.

Secundum dubium est, quid intelligerent nomine operationis; posset enim intelligi, quod non solum negarent actum voluntatis elicitedum, sed etiam imperatum, & consequenter omnes actus aliarum potentiarum, quæ à voluntate imperantur. tamen pro explicatione huius Nota cum S. Thomas q. 19. art. 1. quod prædicti hæretici vocabant actus imperatos opus, vel operatum, aut potius (ut sapius legitur in 6. Synodo) passiones, & actum imperantem vocabant operationem.

Quo supposito dicendum est solum negauisse actum voluntatis humanum imperantem alias potentias, non verò actus aliarum. Et ratio est, quia has potentias vocabant passiones, & eorum actus opus, seu operatum, quod totum admittebant in Christo, ut patet ex actione 4. 8. 10. & 11. Concilij, & præcipue ex Confessione Macharij actione 8. ubi ait: *Si autem passio de eo dicatur per humanitatem, quæ per omnia passionis est capax, hæc operatus est, operatur enim verè diuinitas per corpus, quod circa eam est, omnium salutem, ut corporis quidem sint passiones, Dei verò operatio.*

Tertium dubium est, an excluderint operationem intellectus humani, sicut & voluntatis? & dicendum est quod sic, quod patet ex pluribus verbis Concilij, & patet ex fundamento sui erroris, scilicet quia si in Christo fuisset voluntas humana (hoc est operatio) sequeretur in eo fuisse peccatum. Ex quo fundamēto etiam debuerant colligere non fuisse operationem intellectus diuinitatis de opere peccaminoso.

Sed Veritas Catholica contra prædictum errorem est, quod in Christo fuerit voluntas humana, & consequenter intellectus, non solum sumptis pro potentiis, sed etiam sumptis pro operationibus. ita 6. Synodus, & omnes Ecclesiæ Patres, & illius fit mentio passim in S. Scriptura Matth. 26. *Non sicut ego volo, sed sicut tu;* & Lucæ 22. *Non mea voluntas, sed tua fiat.* Et insuper Christo tribuitur tristitia, & obedientia, quæ sunt

sunt actus voluntatis, & nequeunt conuenire diuinæ. Et ratio suadet, quia prædictæ potentia, & earum operationes pertinent ad perfectionem naturæ humanæ; ergo sicut hanc habuit Christus, ita & illas. Et confirmatur, quia ratio meriti non potest stare sine his operationibus intellectus & voluntatis, sed Christus meruit pro nobis remissionem peccatorum, & gloriam, &c. ergo Christus Dominus non solum habuit reliquas potentias, & earum operationes, sed etiam intellectum & voluntatem cum omnibus suis operationibus non dicentibus repugnantiam vel indecentiam cum vnione hypostatica, de quibus infra. ita Scotus d. 14. q. vnicā, D. Thomas vbi supra.

11. Solum est aduertendum, quod quando Concilia definiunt in Christo esse duas voluntates naturales, vel in Christo esse voluntatem naturalem, *hæ naturalem* non sumi prout opponitur contra liberum, neque contra supernaturale, neque in eo sensu, quo Theologi vocant voluntatem *vt natura* ad distinctionem voluntatis *vsuatio*, de quibus fit in materia de actibus, sed sumi pro exigentia naturæ: vnde volunt definire voluntatem humanam & diuinam in Christo iuxta exigentias talium naturarum, & loquuntur de voluntate humana secundum quod est appetitus cum ratione liber, non secundum quod est appetitus vt sic, & sub ratione communi, quia in hac consideratione non est in Christo tantum vnus appetitus, sed plures, scilicet sensituius, qui statim diuiditur in quinque sensus, & rationalis animæ, & intellectualis diuinæ naturæ, vt bene obseruauit Scotus vbi supra.

12. Ad fundamentum erroris adductum in dubio tertio. Respondeo negando sequelam, quia optime potuit voluntas humana Christi habere operationes non peccaminosas, à quibus à Deo potuit præseruari, vel per manutenentiam, vel per quid aliud, de quo in proprio loco.

13. Sed præterea obiciunt auctoritatem Honorij Papæ, qui in duabus Epistolis, quæ lectæ sunt in 6. Synodo actione 13. & 18. definiuit in prima, in Christo tantum esse vnā voluntatem; & in secunda, non esse dicendum in

Christo fuisse vnā, vel plures operationes. Sed respondetur quod propter prædictas Epistolas fuit in prædicta Synodo ibidem, & in Epistola Leonis II. damnatus Honorius, & reputatus inter Monothelitas; controuertitur tamen inter Auctores in materia de potestate Papæ, an iure damnatus sit, & alij defendunt, alij accusant.

Lorca tamen in præsentī duo asserit: 14. Primum, quod necessarium sit defendere Honorium, quia prædictæ decretales factæ sunt ab ipso, in quantum Papa, & non distinguuntur ab aliis sic factis; & consequenter posset de eo dici, quod errauit in quantum Papa, quod est hæreticum. Secundum, quod Honorius nullo modo errauit, quia nil dicit Catholicæ fidei contrarium in illis Epistolis malè intellectis ab hæreticis; nam quod in prima dicit, scilicet in Christo fuisse vnā tantum voluntatem, loquitur de vnitāte morali, hoc est de conformitate, quam habuit voluntas humana cum diuina, quia fuit semper illi vniformis, non de vnitāte physica; quod colligitur ex antecedentibus & consequentibus. & patet ex testimonio S. Maximi Episcopi in Dialogo quodam cum Pyrrho Monothelita, qui seruatur in Bibliotheca Vaticana, vt refert Bellarminus lib. 4. de Romano Pontifice cap. 11. in quo Dialogo Maximus testatur hunc fuisse sensum Honorij. Et confirmat testimonio Ioannis secretarij Honorij, cuius manuscripta fuit Epistola, & tunc vieuebat, asserentis hunc fuisse sensum Pontificis.

Quando autem Honorius in secunda 15. Epistola prohibet ne dicatur vna, vel plures operationes tantum respicit ad modum loquendi, & prohibuit vsum harum vocum ad sedandas contentiones, & quia obscuræ & improprie utebantur ab hæreticis; at verò quantum attinet ad rem ipsam, definit, quod de fide dicendum est, inquit enim, *Non oportet dicere vnā, vel duas operationes, sed vnum operantem, & duas naturas operatrices; diuinā, quæ Dei sunt operantes, & humanā, quæ carnis sunt exequentes, & vtrāque, quæ propria sunt operantem.* quare prohibere voces, seruato Catholico sensu, nullum fuit peccatum, sed fortassis pro eo tempore conueniens, postquam autem hæretici perseuerauerunt

runt inafferendo vnam operationem, Ecclesia condemnauit, & præcepit affirmari duas.

16. Vnde ad obiectionem suprà positam ex condemnatione Honorij Respondet Lorca, primò falsò insertam fuisse à hæreticis prædictam condemnationem, à quibus vitati sunt codices sextæ Synodi, & Leonis; quod colligit ex aliquibus coniecturis, scilicet ex odio Græcorum contra Romanum Pontificem, quorum mos erat corrumpere Conciliorum & Patrum codices. Ex quo Auctor Latinus & Catholicus ponit nomen Honorij in Epistola prima Agatonis Papæ, & in originali hoc non reperitur, sed potius asseritur ab ipso omnes suos antecessores prædicto errori restitisse. Secundò, admittit talem condemnationem factam fuisse à Synodo, tamen asserit quòd Synodus errauit, condemnando Honorium, in hoc enim Synodus & Pontifex potuerunt errare, quia non erat causa fidei, sed causa facti, & iudicium de particulari persona.

17. Præterea obiciunt hæretici pro suo errore testimonium D. Dionysij in Epistola ad Caium, vbi Christi operationes appellat græcè *Theandricas*, latinè *Dei-uiriles*, id est, quæ non sint Dei tantum, nec hominis tantum, sed Dei & hominis. his verbis. Ceterum non secundum Deum diuina faciens, sicque secundum hominem humana, sed Deo homine facto, nouâ quâdam Dei & hominis operatione, nobiscum conuersatus est; ergo operatio humana (inferunt) non erat distincta ab operatione diuina. Pro cuius solutione & explicatione sit sequens huius Questionis Pars.

PARS SECVNDA.

Quid sit operatio Theandrica?

18. EX prædictis verbis Dionysij sumitur occasio disputandi, quid sit operatio Theandrica? hæretici enim ex eo quòd Dionysius non appellabat Christi operationes plures, sed vnam Theandricam, quæ simul esset Dei & hominis, deducebant non esse in Christo operationem, quæ solius esset Dei; & operationem, quæ solius esset hominis. Sed contrà primò, quia neque de-

ducere poterant, quòd operatio Christi solius esset Dei, vt ipsi asseriebant, nam operationes humanitatis, passionis, vel operatum appellabant. Secundò, quia hæc explicatio est condemnata à 6. Synodo, & expressiùs à Concilio Lateranensi consultatione 5. canone 13. quare referam diuersos Scholasticorum philosophandi modos circa hanc difficultatem.

Et primò explicarunt aliqui apud Damascenum lib. 3. cap. 14. quòd operatio Theandrica idem sit, quòd operatio vna composita ex operatione diuina & humana; non aliter ac Eutichetes dixit, quòd Christi natura erat composita ex duabus tantum partialibus, vnam aliam totalem causantibus. Sed explicatio ista est heretica, sicut simile in quo fundatur: vnde 6. Synodus actione 17. in definitione fidei asserit esse duas operationes in Christo inconfusè & inseparabiliter; sicut enim fides docet esse in Christo duas naturas distinctas, & non confusas, & simul cum hoc inseparabiles propter vnionem ad Verbum, ita asserit hoc ipsum de operationibus, quòd sint distinctæ, & habeant inter se vnionem.

Quæ autem sit hæc vnio? non explicant Concilia, & idèd aliqui explicant de vnione per influxum, quia diuina influit in humanam operationem, quatenus illa est operatio agentis principalis, ista agentis instrumentalis, quâ ratione operationes Christi miraculosæ dicuntur *Theandricæ*, quia in eis ostendit se esse hominem & Deum, vt in deambulatione per aquas, ambulare est humanum, & consistere est diuinum. Hæc explicatio Catholica est, sed nimis restringit operationem Theandricam.

Idèd alij explicant etiam de vnione morali, quia operatio humana accipit valorem à diuina natura. ita Vasquez disput. 5. cap. 5. quare, inquit, merita Christi fuerunt infiniti valoris.

Alij verò explicant de vnione morali, quia accipiebant valorem non à natura diuina, sed à personalitate Verbi iuxta dicta à nobis disputatione 3. quæstione 2. de merito Christi infinito parte 1. & 2. vnde per communicationem idiomatum dicuntur de Deo, quæ hominis sunt; & de homine, quæ Dei sunt. ita Lorca vbi suprà in dubio incidenti de

19

20

21

22

de operatione Theandrica. Vtraque explicatio Catholica est, & approbatur, sicut & præcedens à Damasceno lib. 3. cap. 19.

23. Sed duo mihi displicent, primò quia vt sic humana operatio non est vnita operationi diuinæ, & è contrà in quo sensu videntur appellari Theandrica à Dionysio, qui asserit, quòd ex eo quòd Deus factus est homo, conuersatus est nobiscum, *non à Dei & hominis operatione.* vnde videntur operationes inter se debere vniri, vt quælibet sit vna Dei & hominis operatio. 2. quia secundùm hunc modum dicendi solum videntur appellari Theandricæ operationes meritoria, nam solum istæ participant valorem infinitum, siue à natura, siue à persona, & excludi, quæ operabatur Deus, v. g. creatio animarum, conseruatio vniuersi, & quæ operabatur secundùm partem vegetatiuam, vt nutritio, &c. quod videtur contrarium illis verbis eiusdem Dionysij, *Non operabatur diuina secundum Deum, neque humana secundum hominem.*

24. Quare saluo meliori iudicio dicendam existimo operationem Christi dici Theandricam propter conformitatem, quam inter se habebant operatio diuina & humana, prout talis conformitas erat illis (non ex natura rei, sed ex congruentia) debita ratione vniõis hypostaticæ, in quo sensu omnis operatio Christi dicitur Theandrica, & simul cum distinctione reali & physica ipsarum operationum reperitur vnitas moralis, quæ solum possit reperiri in ipsis, quia licet operatio Virginis & aliorum Sanctorum habuerit conformitatem cum operatione diuinæ voluntatis, non tamen erat talis conformitas debita ratione vniõis hypostaticæ, sicut in Christo, neque ex illis fit vna physice ex duabus, tamquam ex partibus, vt asserbat error suprâ refutatus, sed vna moraliter.

25. Hæc conclusio probatur Primò ex dictis, quia Dionysius, ex eo quòd Deus homo factus sit, duplicem eius operationem, scilicet humanam & diuinam, vnam & nouam appellauit; sed hæc vnitas, & nouitas non potest consistere in vnitate, & nouitate physica; ergo in morali, quæ ita noua sit, sicut ipsum mysterium Incarnationis, & in hoc sen-

su videtur intelligi à Damasceno, quando post supradicta asserit, *Hoc enim ostendit Dei virilis operatio, quòd sit operatio Dei viri facti, & humanati.* Et confirmatur, quia hic modus dicendi includit omnem actionem Christi, tam diuinam, quàm humanam, dici Theandricam, quia sicut voluntas diuina conformabatur cum appetitu partis vegetatiuæ Christi volendo nutritionem carnis, &c. ita voluntas humana conformabatur diuinæ volendo creationem animarum, conseruationem mundi, &c.

Secundò probatur, quia Concilium Lateranense consultatione 5. can. 13. condemnatum, qui dixerit hanc vocem, *operatio Theandrica*, significare vnam operationem, & non duas, his verbis, *Si quis secundum sceleratos hæreticos Dei virilem operationem, quam Græci dicunt Theandricam, vnam operationem insipienter suscipit, aut non esse duplicem confitetur secundum SS. Patres, aut ipsam Dei virilitatem, quæ posita est, nonam vocabuli distinctionem vnius esse designatiuam, & non vtriusque mirificæ operationis vniõis demonstratiuam, anathema sit;* ergo operatio Theandrica ex vi vocis debet significare vtramque operationem, sed non per modum pluri, vt patet ex vltimis verbis, *vtriusque mirificæ operationis vniõis demonstratiuam;* ergo per modum vnius, sed non physice; ergo moraliter.

Et confirmatur, quia ratione communicationis idiomatum quælibet operatio Christi seorsum sumpta, & vt distincta ab alia, & sine inclusione illius poterit dici Theandrica, sed hoc reiecit Concilium; ergo. Respondet Lorca concedendo, sed asserit Concilium solum approbauisse hanc vocem in priori sensu de operibus miraculosis & meritoriis, quia pro tunc periculum erat fauendi hæreticis in quacumque alia, modò autem non est, quia sufficienter constat de sensu Catholico. Sed contrà, quia Concilium regulam tradidit generalem circa significationem prædictæ vocis, & excludit quancumque non significatiuam vtriusque operationis; ergo non est vnde colligamus solum loqui de priori. Per hoc autem patet ad fundamentum hæreticorum, concedimus enim Christi operationem dici Theandricam, negamus tamen esse vnam physice,

sed duplicem; propter conformitatem tamen, seu unionem moralem debitam ratione physicae unionis hypostaticæ, significatam per modum vnus, dicitur vna, & significatur per modum vnus.

28. Sed iterum obijciunt hæretici, quia si in Christo essent plures operationes, reperiretur contrarietas voluntatum: ita argumentantur Macharius, & eius discipuli; imò vt hoc negaret Apollinarius, affirmavit fuisse à Verbo carnem assumptam sine anima, aut saltem animam sine mente, sed pro hoc dubio sit tertia huius Quæstionis Pars.

PARS TERTIA.

An in Christo fuerit contrarietas voluntatum?

29. **E**Xcitant hoc dubium tum obiectio facta in fine Partis antecedentis, tum testimonia S. Scripturæ, quæ adduximus in hac Quæstione in probatione Catholicæ veritatis, in quibus videtur esse aliqua contrarietas, tam inter voluntatem humanam Christi, & diuinam, quam inter voluntatem humanam, & humanam ipsius. Et primò non vrget illud Ioan. *Non veni facere voluntatem meam*, quia non continet sensum aduersarium, sed comparatiuum; quasi diceret, Non veni præcisè & principaliter vt facerem voluntatem meam, sed voluntatem Dei, per quam mea voluntas semper regulatur. Sed vrget illa testimonia Matthæi & Lucæ, *Tristis est anima mea usque ad mortem*, quæ tristitia contraria erat voluntati diuinæ, quòd moreretur, imò & humanæ, quæ acceptauit mortem. Similiter vrget illa verba, *Transat à me calix iste*.

30. Sed omiſſis variis Patrum expositionibus, quas adducit Lorca disp. 70. & quæ aliquam violentiam inferunt textui. Vera & communis sententia tenet, Christum fuisse tristaturum de sua morte, & aliquo affectu refutasse illam, vt ostenderetur in eius humanitate non solum fuisse affectus insignis fortitudinis, sed etiam affectus infirmitatis, tamen in his voluntatibus nulla fuit contrarietas, neque inter se, neque cum voluntate diuina, vt definitur in 6. Synodo actione 17. in decreto fidei, & in

Concilio Lateranensi sub Martino 1. consultatione 5. can. 16. sed quâ ratione contrarietas non sit, est dubium.

Circa quod primò explicant aliqui in eo consistere, quia voluntas Christi tristiari voluit, & quia voluntas diuina idipsum voluit, vt ostenderetur infirmitas naturæ humanæ, & sic non fuerunt contrariæ, sed conformes, imò & voluntas humana secundum rationem superiorem hoc voluit: vnde etiam illi fuit conformis. ita D. Thomas art. 5. D. Bonau. in 3. d. 17. art. 1. q. 3. Ricard. ibidem, Gabriel q. vnicâ, Carthuzian. q. vnicâ, Durandus q. 1. & desumitur ex Damasceno lib. 3. de Fide cap. 19. Sed licet hæc ex parte explicet conformitatem tristitiæ cum voluntate diuina & humana, non tamen explicat conformitatem voluntatis humanæ non patiendi, seu tranſeundi calicem cum voluntate tum humana, tum diuina, volente efficaciter quòd moreretur.

Ideo secundò explicant alij, quòd prædictæ voluntates non dissentiant in volito formali, seu in ratione volendi, sed solum in volito materiali, nam appetitus sensitiuus Christi, & eius voluntas, vt est portio inferior, recusabant mortem vt disconuenientem naturæ, voluntas autem diuina & humana secundum portionem superiorem acceptabant illam vt necessariam ad salutem generis humani. Ad contrarietatem autem requiritur, vt affectus sint non solum circa idem volitum materiale, sed etiam sub eadem ratione, quæ explicatio vera & tenenda est.

Præterea non erant hi affectus contrarij, quia vnus erat simplex & efficax, alius verò efficax & absolutus: vnde etiam in volito materiali non dissentiebant, quia efficax respiciebat mortem cum executione, inefficax verò non ita, qualiter in homine naufragium patiente reperitur voluntas inefficax retinendi merces, & efficax proiciendi in mare; & in Deo inefficax, quâ vult omnes homines saluos fieri; & efficax, quâ vult quòd non omnes saluentur, quæ voluntates non sunt contrariæ, ita explicant D. Thomas articulo 6. Scotus distinctione 15. quæst. vnicâ, s. de ultimo. Ricardus, Gabriel, & D. Bonauentura. Carthuzianus vbi suprâ, & alij Auctores.

34 Sed obiicies, quia Agato Papa in Epistola Synodica relata in 6. Synodo actione 4. & ipsa 6. Synodus actione 10. ex voluntate humana recusandi mortem, colligunt in Christo esse voluntatem humanam distinctam à diuina; ergo illa fuit efficax, aliàs non colligeretur distinctio voluntatum, sicut neque colligitur in homine, & in Deo, ex eo quodd habeat vnam efficacem, & aliam inefficacem. Ad hoc argumentum concedunt aliqui argumentum Pontificis &

Synodi esse inefficax; sed hæc solutio solum est bona, quando alia non suppetit. Ideò respondeo consequentiam esse bonam, quia Pontifex non infert illam ex voluntate recusandi mortem precisè, sed ex eo quod Christus de hac voluntate dixit ad Patrem: *Non mea voluntas, sed tua fiat.* Ex quo infert, quodd aliqua voluntas sit in Christo, quæ non sit in Patre; & Synodus infert, quia illa recusatio mortis fuit per modum orationis; quæ naturæ diuinæ nõ potest cõpetere.

Finis Mysterior.

DISPUTATIO XI.

DE

GRATIA CHRISTI,

PROVT EST QUIDAM

HOMO SINGVLARIS.

Postquam egimus de Mysterio Incarnationis, venit agendum de his omnibus, quæ accepta sunt a Verbo diuino cum humanitate: & primò de his, quæ pertinent ad perfectionem gratiæ, quia tamen gratia diuiditur in gratiam gratis datam, quæ primò ordinatur in bonum communis, aut totius Ecclesiæ, & in gratiam iustificantem, quæ ordinatur in bonum subiecti habentis illam, & hæc iterum subdividitur in habitalem & actualem; illa est forma, quâ aliquis constituitur iustus; ista est auxilium, quod Deus tribuit vt quis se disponat ad iustitiam; ideò primò est agendum de gratia habituali, deinde de reliquis.

QVÆSTIO PRIMA.

Vtrum in anima Christi fuerit gratia habitualis?

NOTA primò in hac quæstione ex materia de gratia, quodd ratione gratiæ habitualis redditur quis gratus Deo, sanctus, & iustus. Primò dicitur gratus Deo, quia est obiectum diuinæ dilectionis, quæ diligitur, & amatur ab ipso ad vitam æternam, & beatitudinem supernaturalem. 2. dicitur sanctus, quia est impollutus

non habens maculam peccati saltem mortalis, nam illa maior sanctitas, quæ dicit carentiam etiam venialium, est propria Beatorum, & etiam fuit per speciale priuilegium in Virgine dum fuit viatrix. 3. dicitur iustus, & quia habet ius ad vitam æternam, & quia est rectus, seu rectè dispositus in ordine ad Deum.

Nota secundò, quodd hæc tria fuerunt in anima Christi perfectissimo modo. Primò fuit dilectus à Deo, Matth. 3. & 17. *Hic est meus Filius dilectus.* & loquitur de Christo secundum humanitatem, vt patet ex contextu. Secundò

E e 2 fuit

fuit sanctus, Lucæ 1. *Quod enim ex te nascetur sanctum, vocabitur Filius Dei.* Ioan. 10. *Quem Pater sanctificauit & misit in mundum,* ubi loquitur de sanctitate creata secundum Hilarium 7. de Trinitate, Athanas. orat. de natura humana assumpta, Chrysostomum homil. 60. in Ioannem. Tertiò, fuit iustus, Isaías 45. *Et nubes pluant iustum,* &c. Difficultas ergo quæstionis est, an hæc tria conueniant animæ Christi ratione gratiæ habitualis? an verò ratione alterius formæ?

3. Et primò videtur, quòd non conueniant ratione gratiæ habitualis, quia Christus est Deus per essentiam; gratia autem habitualis facit Deum per participationem, nam vt ait D. Petrus in Epistola 2. cap. 1. *Per illam reddimur confortes diuinæ naturæ;* ergo non fuit in Christo. Præterea etiam si in Christo non fuisset ista qualitas, anima eius esset grata, sancta, & iusta coram Deo ratione vnionis hypostaticæ; ergo non fuit.

4. Sed certa conclusio est, quòd in anima Christi sit gratia habitualis. Conueniunt omnes Scholastici cum Magistro in 3. d. 13. ubi hoc supponit Scotus, & quærit quæstione 2. an illa gratia fuerit summa? Et probatur primò ex supra adductis locis Scripturæ. Infuper & confirmatur ex Psalmo 44. *Propterea vnxit te Deus Deus tuus oleo latitiae pro confortibus tuis;* sed confortes vnguntur gratiâ habituali, quæ est oleum lætitiæ, lucis, & claritatis æternæ; ergo. Et Isaías 11. *Requiescet super eum Spiritus Domini,* &c. Ioan. 1. *Vidimus gloriam eius plenum gratiæ & veritatis;* quod esse intelligendum de Christo, & non de Ioanne Baptista (vt asserebant Erasmus, & Caietanus) probat Lorca disputatione 37. & patet ex contextu. Præterea Lucæ 2. dicitur, quòd *gratia Dei erat in illo;* ibidem dicitur, *Quod enim ex te nascetur sanctum, vocabitur Filius Dei.* ecce qualiter distinguit sanctitatem nati, & filiationem Dei nati: sed hæc sanctitas prout distincta à filiatione Dei naturali prouenit à gratia habituali; ergo. Et confirmatur pluribus aliis locis adducendis in tota hac Disputatione.

5. Deinde secundò probatur ex Augustino 15. de Trinitate cap. 26. ubi ait: *Dominus ipse Iesus non solum Spiritum san-*

ctum dedit vt Deus, sed etiam accepit vt homo, & propterea est plenus gratiâ, quia vnixit eum Deus Spiritu sancto non vniue vnique visibili, sed dono gratiæ, quod visibili significatur vnguento, quo baptizatos vngit Ecclesia. Et confirmatur ex Concilio Tridentino sessione 6. can. 7. ubi generaliter definit iustos iustificari per infusionem gratiæ & charitatis; ergo prædicti effectus conueniunt Christo ratione gratiæ habitualis.

Sed expressè de Christo Domino habetur hæc veritas in Concilio Ephesino 2. tom. Conciliorum parte 1. in Epistola 2. Cyrilli ad Monachos Egypti, ubi habentur hæc verba: *Nomen hoc itaque Christus neque soli Emanueli, neque propriè quoque Emanueli conuenit, sed ceteris omnibus qui Spiritus sancti gratiâ vincti sunt, derivata namque est vox hac ab ipsa, ab eo siquidem quòd inuincti sumus Christi appellamur, quod autem nos quoque hoc tam illustri, tamq. amplectende gratiæ dono verò locupletemur id sapiens ille Ioannes eiusmodi oratione cõfirmat: Et vos, inquit, vñctionem habetis à Sancto. De ipso porro Emanuele, ita scriptum extat (Act. 10.) Iesum à Nazareth quemodo cum vnxit Deus Spiritu sancto, & virtute. Sed & D. quoque Vates David eundem alicubi (Psal. 44.) ita assertur: Dilexisti iustitiam, & odisti iniquitatem, propterea vnxit te Deus, &c. Et quid ergo eximium præ ceteris, &c. Et numero 15. in fine colligit, quòd ex eo quòd Emanuel dicatur sanctificatus, non loquatur de ipso vt Deo, sed vt homine, quia Deus per naturam sanctus est.*

Iterum confirmatur hæc veritas ex psal. 132. ubi de Christo secundum Patrum expositionem intelliguntur illa verba, *Sicut vnguentum in capite quod descendit in barbam barbam Aaron, quod descendit in oram vestimenti eius;* ergo sicut vnguendum quidem in barba & in ora est gratia habitualis, ita quod est in capite; ergo sicut per priora intelliguntur membra Christi, ita per vltimum ipse Christus secundum quod homo: vnde D. Ambros. lib. de Spiritu sancto cap. 11. circa illa verba, *Christum natum & renatum,* ait, *quem natum de Spiritu sancto cõfitemini, quia negare non potestis renasci negatis? magna insipientia est, vt quod est singulare hominum cõfiteamini, quod commune est hominum denegetur;* ergo ex Ambrosio insipientia est negare Christo

Do-

Domino gratiam habitualement.

8. Ad primam rationem in contrarium respondeo, quod quamuis Christus ratione naturæ diuinæ sit Deus per essentiam, tamen ratione naturæ humanæ potest esse Deus per participationem ratione gratiæ habitualis, quia simul cum vnitæ personæ stat distinctio naturarum.

9. Sed dices: Reliqua accidentia naturæ humanæ Christi denominant suppositum diuinum, v. g. Christus moritur, Christus est albus, &c. ergo & gratia; ergo sicut potest dici de Christo in concreto simpliciter, & absolute, quod sit gratus, ita poterit dici quod sit Deus per participationem. Respondetur negando hanc vltimam consequentiam propter metum hæreticorum callide diuidentium in Christo supposita prætextu filiationis adoptiue, vt latè dicemus disputatione 17. quæstione 1. Et ratio est, quia esse gratum, est effectus, qui non repugnat Christo; tamen constituere Deum per participationem, repugnat quantum ad denominationem, quia denotat ipsum non esse verum Deum: vnde sicut de ipso absolute non potest dici quod sit Filius adoptiuus, ita neque quod sit Deus per participationem, bene tamen cum addito, scilicet secundum naturam humanam, quia vt sic ratione gratiæ habitualis habet ius ad participandum naturam diuinam per modum hereditatis per visionem & fruitionem beatam, quod est esse Deum per participationem. Secunda ratio dubitandi petit Quæstionem sequentem.

QVÆSTIO II

Ad quid fuerit necessaria gratia habitualis in anima Christi?

1. **P**Rætermisâ sententiâ requirente gratiam habitualement in humanitate Christi, vt esset disposita ad vñionem hypostaticam, quam refutauimus in proprio loco. Duæ inueniuntur sententiæ in hac Quæstione: Prima affirmat, quod Christus Dominus vt homo est, non indiguit simpliciter & necessariò gratiâ habituali ad hoc vt esset gratus, iustus & sanctus, quia totum hoc habuit ex vñione hypostatica ad Ver-

bum diuinum. vnde inquit solum fuisse gratiam habitualement necessariam secundum quid, & ad melius esse. Hanc sententiam probasse videtur Dominicus de Soto in 4. d. 19. q. 1. art. 2: sed expressè tenet Suarez 3. p. disp. 18. sect. 1. Vasquez disp. 41. cap. 3. Palatius in hac distinct. disp. 1. Vincentius de Gratia Christi q. 1. fol. 93. Valent. 3. p. q. 7. punct. 1. Toletus in caput 1. Lucæ annot. 104. Bannez 2. 2. q. 24. art. 3. dub. 2. 4. vlt. Pesantius 3. p. q. 7. art. 1. disp. 1. Lorca disp. 36. Leon 1. p. variarum relectione de hac re Montefinos in materia de gratia Christi manuscripta quæstione 2.

Ceterum inter prædictos Auctores aliqui huic sententiæ ita adherent, quod Vasquez doceat contrariam aduersari expressè doctrinæ Patrum & Conciliorum, & esse absurdum. Et Vincentius dicat neque cum probabilitate, neq; cum securitate affirmari posse: Sed priusquam proponam huius sententiæ fundamenta, Nota diuerso modo declarari ab Auctoribus sanctitatem Christi, quam omnes illi appellant substantialem ad distinctionem gratiæ habitualis, quam vocant accidentalem, nam Vasquez, Toletus, & Turr. deitati tribuunt sanctificationem, & reliquos effectus. Valencia, Lorca, & Leon personalitati Verbi, Montefinos tribuit vtrique, & tandem alij tribuunt vñioni, quæ est forma creata, & inheret vel informat humanitatem, quia in hoc non inueniunt inconuenientia, quæ reperiuntur in illis.

Hæc sententiâ probatur primò ex locis sacre Scripturæ in antecedenti quæstione adductis pro sanctitate Christi, quia tamen potius videntur loqui de gratia habituali, idè adducuntur plura testimonia Patrum, quæ ad tres classes possunt referri: In prima eorum, qui asserunt Christum fuisse vñctum, seu sanctum per naturam, & sanctitatem illius fuisse naturalem, & non acquisitam operibus aut labore, neque fuisse externam, aut gratis collatam, sicut in aliis hominibus. ita Hieronymus in Psal. 44. Ildephonf. in Sermone de Purificatione Virginis, Concilium Francforense in Epist. ad Episcopos Hispaniæ, Dionysius Alexand. in Epistola contra Paulum Samosatenum, vbi

comparans Christum cum Ioanne Baptista probat antecessisse in sanctitate, *Quia in Ioanne quidem erat opus, & labor iustus, in Iesu verò natura.* Et inferius, ut ostendat quo pacto sit Christus natura iustus, & non labore, sic ait: *Christus enim non solum nomine, sed veritate est Christus Iesus, qui est ante secula Verbum, ipse factus est homo ex Maria incarnatus, non enim sortitus est vocationem externam, sicut nos sortiri sumus, qui ante non vocabamur Christi, ipse verò Christus Dominus deus qui est.* ita alij Patres, sed hoc testimonium pro omnibus retulisse sufficiat.

4. In secunda classe referuntur testimonia eorum, qui asserunt Christum in ipsa conceptione fuisse vñctum, seu sanctificatum, ita Cyrillus de fide ad Theodosium. Anselmus super 1. caput ad Hebræos, Gregorius lib. 9. Registri epistola 61. Damascenus lib. 4. de Fide cap. 6.

5. In tertia classe referunt testimonia eorum, qui asserunt humanitatem Christi fuisse vñctam & sanctificatam ipsa diuinitate. Ita Nazianzenus oratione 2. de Paschate, & orat. 4. de Theologia, ubi habet hæc verba: *Christus propter diuinitatem* (scilicet dicitur) *ea enim humanitatis vñctio est non operatione, ut in alijs Christis sanctificans, sed totius vnguenti presentia, cuius hic effectus est, ut id quod vngit homo vocetur, & quod vngitur Deus fiat.* Et Damascenus lib. 5. cap. 15. non solum dicit Christum ut hominem fuisse deitate vñctum, sed etiam Deitatem ipsam appellat vñctionem humanitatis. Idem habet Athanasius oratione contra Arrianos, allegatur enim 6. Synodus generalis, sed non dicit humanitatem fuisse sanctificatam deitate, sed fuisse deificatam. Alij verò allegantur, sed falsò, ut probat Lorca disp. citatà, num. 7. & tandem alij comparantes humanitatem Christi vñctam Verbo ferro ignito.

6. Secundò probant ratione, quia eo ipso quòd humanitas fuit vñta Verbo, in primis erat obiectum diuinæ dilectionis, quâ ordinat ad beatitudinem. 2. erat impeccabilis, repugnabatque illi quælibet macula peccati. 3. illi debebatur gloria, & erat rectè disposita in ordine ad operationes, quæ circa Deum versantur; ergo non indiguit gratià habituali ad prædictos tres effe-

ctus, sed illos habuit vel ex diuinitate vñta, vel ex personalitate Verbi, vel ex vñtione ipsa.

Ex quo consequenter duo inferunt. 9. primum gratiam habitualem non esse simpliciter necessariam, ut Christus mereretur, & satisficeret, quia sicut erat sanctus per prædicta, ita merens, & satisfaciens. Et confirmant ex eo quòd valor infinitus, vel saltem fumenus aduenit Christi operibus ex Diuinitate, vel ex Verbo; ergo ad rationem merendi infinitè, vel summè, non indiget gratià habituali. Et si inquiras ad quid requiritur hæc? Respondent ad hoc ut Christus non solum sit substantialiter sanctus per vñtionem, sed etiam accidentaliter, & per formam intrinsecè inhaerentem, qualis est gratia habitualis, & sic sit omni modo sanctus. Secundo inferunt humanitatem Christi non potuisse de potentia Dei absoluta manere in puris naturalibus, quia eo ipso quòd esset vñta hypostaticè, esset sancta sanctitate substantiali, licet posset esse absque sanctitate accidentali.

8. Secunda sententia opposita asserit, quòd Christus Dominus indiguit simpliciter & necessariò gratià habituali ad prædictos tres effectus sanctitatis, quare licet vñtio hypostatica tribueret illi sanctitatem, quæ sumitur pro dignitate morali in ordine ad cultum & adorationem, siquidem ratione illius debet adorari adoratione latræ, & ratione illius dicatur, & sit Filius Dei naturalis, tamen non constituit eius humanitatem gratam, iustam, & sanctam formaliter, & actu, sed solum radicaliter, & in potentia. Hęc sententia communior videri debet, quàm præcedens, in primis quia nullus ex Antiquis agnoscit sanctitatem (quæ est propria iustorum, de qua agimus) provenire ab vñtione hypostatica, sed à gratià habituali. Vnde D. Thomas 3. p. q. 7. art. 1. ad 1. ait, quòd cum anima Christi non sit diuina per essentiam, oportet quòd fieret diuina per participationem, scilicet per gratiam (intellige habitualem, de qua agebat) & Scotus in 3. d. 2. q. 1. *contra istam opinionem*, & d. 12. q. vñicà ad 1. & d. 19. q. vñicà, *contra hunc modum*, ubi agit de impeccabilitate Christi, & de filiatione adoptiua ipsius secundum humanitatem, supponit humanitatem non

non esse sanctam per vnionem, quare vt sententiam magis conformem doctrinæ ipsius defendunt Faber super 3. disp. 28. cap. vnico, Ouandus d. 13. q. 2. dubitatione 3. & cõmuniter Scotistæ. Ex alijs Palud. d. 13. q. 72. Ricardus, Taper. art. 8. Marfilius q. 10. conclusione 1. & plures alij.

9. Ex qua sententia dico similiter inferuntur, sicut in prima contra illam. Primum, quodd gratia habitualis fuerit Christo simpliciter necessaria ad merendum, & satisfaciendum. ita tenet expressè D. Bonauent. in 3. d. 13. q. 1. Ouandus ibidem num. 8. Secundum, quodd de potentia Dei posset assumi à Verbo natura humana, & manere postea in parjs naturalibus, hoc est sine peccato, & sine gratia iustificante, licet cum vnione hypostatica, quæ supernaturalis est. ita Durandus d. 12. quæst. 2. Capreolus d. 13. q. 2. art. 3. Medina 3. p. q. 7. art. 1. quam sententiam vtpote vniorem probo sequentibus conclusionibus.

10. Dico primò: Christus secūdum quod homo non fuit formaliter & actu gratus Deo, sanctus, & iustus ex vi vnionis hypostaticæ, hoc est, neque ex deitate, neque ex personalitate Verbi, neque ex vnione ipsa. Et probatur primò, quia non ex deitate tamquam forma, quia sicut neque recipi potest in humanitate, ita neque potest illam informare, ex quo argumento probat Scotus in 1. d. 17. contra Magistrum, quodd neque Spiritus sanctus, neque Diuinitas potest esse causa formalis sanctificans animam: Scotum autem sequuntur in hoc omnes Scholastici.

11. Sed dices primò cum Aduersarijs, Non est forma, sed quasi forma extrinseca. Contrà primò: Ergo non sanctificat, sed quasi sanctificat extrinsecè; & tunc inquiri quid sit, quasi sanctificare extrinsecè? patet consequentia, quia humanitatem sanctificari non potest intelligi, nisi in genere causæ formalis, & per donum intrinsecè nobis inhaerens, vt docet Concilium Tridentinum sessione 6. de iustificatione. Contrà 2. Ergo si humanitas non fuit intrinsecè sancta per deitatem, debemus assignare aliam formam tamquam simpliciter necessariam, per quam sit intrinsecè sancta, alias reliqui iusti essent magis

ab intrinseco sancti, quàm Christus vt homo. Contrà 3. quia diuinitas solùm præstare potest ius in ordine ad hereditatem increatam formaliter loquendo, quod solùm potest conuenire humanitati per cõmunicationem idiomatum; vel si præstare potest respectu huius subiecti ius ad hereditatem creatam, hoc similiter facit gratia habitualis; ad quid ergo recurrendum est ad vnionem, seu ad diuinitatem, si hoc habet gratia ex natura sua, vel ex lege Dei respectu cuiuscumque subiecti, quantò magis respectu istius?

Dices secundò: Licet non sit forma intrinseca, non tamen est forma omnino extrinseca, quia est vnita realiter cum humanitate ratione personalitatis Verbi. Sed contrà, quia etiam albedo est realiter vnita cum dulcedine in pomò, & vna non comparatur tamquam forma, neque quasi forma cum altera; ergo neque similiter diuinitas cum humanitate, etiam si sint in eadem persona. Præterea, quia si est vnita realiter ratione personalitatis, ergo sicut ipsa personalitas non sortitur rationem formæ, sed rationem termini, ita & ipsa diuinitas; ergo non est in ratione formæ sanctificans adhuc extrinsecè.

Secundò probatur conclusio, quia deitas vel se habet vt forma physica sanctificans humanitatem, vt asserunt Lorca & Montess. vel vt forma moralis, vt docent Vasquez & alij, sed neutro modo; ergo. Minor probatur quantùm ad primam partem, primò quia deitas esset pars ordinata ad componendum, quod est imperfectio. 2. quia humanitas esset dea, non aliter, ac est personata personalitate Verbi, & tunc essent formaliter & actu duo Dij. patet consequentia, quia effectus formalis & primarius deitatis esset deificare. 3. quia si Verbum assumeret naturam irrationalem, illam cõstitueret sanctam sanctitate iustorum. Neque obstat, si dicas, quodd natura irrationalis est incapax talis effectus, quia contrà est, quodd etiam repugnat creaturæ esse sanctam sanctitate diuinà, nam ipsa deitas est ipsa sanctitas essentialis; ergo vel præstabit necessariò suum effectum, vbi-cumque ponatur per vnionem hypostaticam; vel si non præstat, est ex eo quodd repugnet illi esse sanctitatem alicuius

cuius creaturæ. quare vnum ex duobus deberet dici, vel quoddam Verbum non potest assumere naturam irrationalem, quod est contra ipsos, vel quoddam diuinitas ex eo quoddam vniatur, non acquirit esse formam sanctificatiuam illius cum quo vniatur. Minor ipsa probatur, quantum ad secundam Partem, primò quia forma moralis est formaliter ali-quod ens rationis; ergo licet ortum habeat ab aliqua forma reali, scilicet à diuinitate, tamen formaliter non erit ipsa diuinitas; ergo diuinitas non est forma sanctificans. 2. quia aliàs nostra sanctitas esset forma perfectior, quàm sanctitas Christi, quia nostra est realis, illa rationis, scilicet denominatio extrinseca proueniens à Deitate. 3. quia Concilium Tridentinum scissione 6. cap. 7. can. 11. loquens de sanctitate iustorum definit non consistere in aliquo extrinseco, quales sunt formæ extrinsecæ, scilicet iustitia Dei, & Christi, à quibus sumerentur denominationes iustitiæ, & sanctitatis hominum iustorum; (vt asserabant hæretici) sed ait, consistere in aliqua forma nobis intrinsecè inhaerente; ergo diuinitas non est forma moralis, à qua sumatur, & deriuatur in humanitatem Christi denominatio sanctitatis.

14. Dices primò: Loquebatur Concilium de sanctitate iustorum contra hæreticos, non de sanctitate Christi. Contra primò, quia sanctitas Christi, de qua disputamus, est sanctitas, quæ est propria iustorum, & præstat prædictos tres effectus. 2. quia propter quod vnumquodque tale, & illud magis; sed nostra iustitia est propter iustitiam Christi, quia ille deriuat in nos suam iustitiam; ergo si nostra iustitia esset forma realis, & non moralis, multò magis iustitia Christi erit per formam realem, & non moralem. 3. quia si per impossibile humanitas esset cum peccato, quando fuit assumpta à Verbo, non posset per Deitatem sanctificari, & mundari à macula habituali peccati, præcipuè in sententia Vasquez 1. 2. disp. 207. asserentis non posse deleri absque intrinseca mutatione, à iustitia actuali, vel habituali prouenientibus; ergo Christus secundum quoddam homo non habet prædictos tres effectus sanctitatis ratione diuinitatis, tamquam ratione formæ.

Dices secundò: Opera Christi Domini habuerunt valorem moralem, vel infinitum simpliciter, vel secundum quid, secundum diuersas sententias, prouenientem ex Deitate, vel ex persona Verbi, vel ex vtraque; ergo similiter potuit prouenire effectus sanctitatis in esse moralis ab illis. Respondeo quoddam est dispar ratio de sanctitate, ac de valore morali operum, quia illa debet prouenire à forma intrinsecè inhaerente, quæ sit sanctitas realis; hic verò ab æstimatione extrinseca, quæ solum deriuat in rationem æstimatam quid rationis. præterquam quod iam diximus disp. 3. q. 2. p. 2. quomodo valor moralis proueniat à persona Verbi, quasi in genere causæ efficientis, & à Deitate tamquam à causa finali.

Tertiò probatur conclusio; quia diuinitas per se & formaliter solum præstat ius in ordine ad hereditatem increatam; sed hoc non potest conuenire primò & per se naturæ humanæ Christi, sed solum per communicationem idiomatum; ergo humanitas Christi neque physice, neque moraliter potuit esse sancta per sanctitatem increatam Dei, sed solum potuit sanctificari per sanctitatem creatam, quæ præstat ius in ordine ad hereditatem creatam, qualis est visio, & fruitio Beatorum: hoc autem ius de facto solum habetur ratione gratiæ habitualis, propter quam sumus heredes quidem Dei, coheredes autem Christi.

Eadem argumenta, quæ facta sunt contra hunc modum philosophandi, militant contra alium dicentem, quoddam humanitas sanctificetur per personalitatem Verbi, quia neque similiter potest esse forma physica, neque moralis, cum solum se habeat vt terminus extrinsecus terminans dependentiam naturæ humanæ ad subsistendum. Et confirmatur, quia personalitas Verbi non terminat in quantum sancta, sed tantum in quantum personalitas; ergo non sanctificat, sed tantum personat.

Præterea modus vniionis non potest esse forma sanctificans, primò quia hoc absque fundamento dicitur, cum locutiones Sanctissima: & Patrum in tantum loquantur de vniione, in quantum respiciunt dignitatem Christi, prout prouenientem, vel à Diuinitate, vel à perso-

personalitate Verbi, vel ab vtraque; non verò loquuntur de ipsa vnione formali, quæ est quid creatum, & in opinione positum an detur, vel non, vt diximus in proprio loco. Secundò, quia effectus huius vnionis est vnire, non sanctificare, quare eadem esset, si Verbum vniretur naturæ irrationali. Tertiò, quia si ad hanc formam creatam recurritur, quare non recurretur melius ad gratiam habituales, quæ in omnium sententia est forma sanctificatiua, & illa quantum est ex se non poterit magis sanctificare, quam ista. Quartò, quia talis vnio se habet vt causalitas, & via secundum Thomistas; sed sanctitas Christi debet esse perfecta, & in facto esse; ergo, &c.

19. Dico secundò: Christus secundum quod homo potuit de potentia absoluta sanctificari per aliam formam, quæ non esset gratia habitualis, quæ de facto reperitur in iustis. vnde hæc non est ita simpliciter, & per se necessaria, quod repugnat Christum sanctificari sine illa. hanc tenet Scotus in 1. dist. disputatione 17. quæstione 1. articulo 2. de omnibus creaturis capacibus sanctitatis, & loquendo de Christo tenet Faber vbi supra numero 7. Et probatur primò ex communi doctrina Theologorum, quia Deus non alligatur causis secundis, & quod potest mediantibus illis, potest sine illis; ergo quidquid potest mediâ gratiâ habituali, potest sine illa. Secundò, quia gratia habitualis physicè solùm habet, quòd sit decor animæ, moraliter autem habet prædictos tres effectus illi annexos ex voluntate diuina (secundum ea quæ dicuntur in materia de gratia ex doctrina Scoti) ergo de potentia Dei potuerunt esse annexi visioni beatæ, vel vnioni, quæ relatio est ad hypostasim, vel habitui infuso castitatis, verbi gratiâ, vel alteri formæ creatæ, & mediâ illa anima Christi sanctificari, sicut mediâ gratiâ habituali.

20. Dico tertiò: Christus secundum quod homo de facto, & secundum legem Dei ordinariam indiguit gratiâ Dei habituali simpliciter & necessariò, vt haberet prædictos tres effectus sanctitatis. Hæc conclusio sequitur ex prima,

Castillo de Incarn. Pars I.

quia si ex vi vnionis hypostaticæ humanitas Christi non potuit formaliter sanctificari, nec ratione naturæ diuinæ, nec ratione personalitatis Verbi, nec ratione modi. Insuper non constat nobis, quòd fuerit sanctificata de potentia Dei, vel per fauorem extrinsecum, vel per aliam formam creatam; ergo dicendum est, quòd fuit sancta per gratiam habituales, & consequenter hanc esse simpliciter necessariam de facto ad hoc vt esset sancta, iusta, & grata Deo.

Ad argumenta primæ sententiæ respondendo. Et primò ad testimonia Patrum primæ classis dicimus appellare vnctionem, seu sanctificationem Christi naturalem, vel à natura. Primò, non quia fuerit à natura diuina formaliter, vel à persona, sed quia habuit à principio conceptionis illam, qualiter nos dicimur *natura filijre*, quia concepti sumus tunc in peccato originali. Secundò, quia gratia habitualis, quâ humanitas Christi sanctificatur, debita erat debito, quasi connaturalitatis ratione vnionis ad Verbum propter magnam congruentiam: vnde non fortiebatur absolutè rationem gratiæ, hoc est rationem indebitæ, neque data est ratione operum, sicut contingit iu nobis, in quibus gratia recepta datur intuitu operum Christi. Tertiò, dicunt vnctionem Christi non fuisse externam, vel ad excludendum eam, quæ olim fiebat Regibus & Sacerdotibus, & nunc fit nobis in baptismo, ratione cuius dicimur Christiani: hic autem homo dicitur Christus ab vnctione interna diuinitatis vnitæ; vel ad excludendum nostram iustificationem, quæ superuenit nobis, cum nati sumus in peccato, & non in gratia, & sic hæc aduenit rebns, quasi externæ: Christus autem nunquam fuit non vnctus, seu non sanctus.

Vnde ad verba Dionysij respondendo Ioannem Baptistam indiguisse ad suam sanctificationem opere aut labore, quia saltem indiguit merito Christi illi applicato: Iesus verb ex natura fuit iustus, quia hoc habuit in primo instanti, & in conceptione suæ naturæ independentè à quocumque merito, neq; sortitus est vnctionem externam

F f gratiæ

gratiæ habitualis, sicut nos sortiti sumus per baptismum, vel per sacerdotium, sed fuit Christus, id est vnctus internè, quia habuit vnctionem gratiæ debitam ratione vnionis, quæ illi erat intrinseca, & hoc ipsum confirmant auctoritates secundæ classis. vnde potius sunt pro nobis.

23. Ad testimonia tertiæ classis respondeo, quodd quando Sancti asserunt, quodd humanitas Christi fuit vncta, & sanctificata per diuinitatem, debet intelligi causaliter, non verò formaliter, quia fuit causa, origo, & fons, vnde fuit deriuata sanctitas gratiæ habitualis in humanitatem; non verò fuit forma, quâ formaliter sanctificaretur, quia esse formam repugnat, vt probauimus, quæ solutio optima est, sicut illa communis apud omnes Auctores, quando asseritur, quodd Spiritus sanctus est nostra iustificatio, & quodd nos vncti sumus Spiritu sancto, & quodd Christus sit nostra sanctificatio, iustitia, & redemptio, quas locutiones esse veras in sensu causali, non verò in formali, licet præ se ferant sensum formalem, fatentur omnes, & necessariò. quia tamen testimonia Nazianzeni, Damasceni, & Athanasij dicunt humanitatem fuisse Deitate delibutam, & Deitatem fuisse vnguentum, chrisma, & vnctionem, quæ verba in rigore sermonis videntur significasse causam, & causalitatem formalem. Ad maiorem abundantiam dico debere intelligi de vnguento, chrismate, vnctione, & sanctitate, quæ præstat cultum, & adorationem, quæ in Christo reperta est ratione Deitatis, vel tamquam formæ, vel tamquam termini formalis specificatiui relationis ad illam, ratione cuius adoratur adoratione latræ iuxta ea quæ dicuntur in materia de adoratione; non verò debere intelligi de sanctitate, quæ est propria iustorum, & præstat tres prædictos effectus, vnde in verbis adductis Nazianzeni assignatur pro effectu vnionis, quodd ille (scilicet homo) qui vngitur, Deus fiat: hoc autem est deificari, & fieri dignum, vt tamquam Deus adoretur, quam duplicem sanctitatem in Christo distinguunt Cyrillus epistolâ ad solitariam

vitam, quæ habetur in Concilio Ephesino tom. 1. & in declaratione septimi Anathismi ibidem tom. 5. cap. 8. Bernard. homil. 4. in *Missu est*, & serm. 16. in Cantica; Chrysost. homil. de Sancto & venerando Spiritu; Hieron. in illud Abacuc, *Egressus est in salutem*, &c. Ambros. 1. de Spiritu sancto cap. 8. Et hoc etiam significat humanitatem esse, quasi ferrum ignitum, neque enim ignis informat partes ferri, sed extrinsecè illis adhæret existens in poris illius, & sic exemplum non tenet in omnibus.

Ad secundum argumentum ductum ex ratione Respondeo primò humanitatem ratione vnionis esse gratam, sanctam, & iustam causaliter, non verò formaliter, quia ratione Verbi, cum quo vniebatur, erat illi debita gratia habitualis, quâ de facto humanitas redditur formaliter grata, sancta, & iusta; quare asseruimus disputatione 4. quæstione 1. parte 2. quodd vnio hypostatica, gratia habitualis, & gloria Christi se habent sicut finis & media, & quodd vnio sit primum medium, quia in executione est causa quare detur humanitati Christi gratia, sicut gratia est causa quare detur gloria. Secundò respondeo, & in idem redit, quodd humanitas ratione vnionis est obiectum diuinæ dilectionis, quâ ordinat ad beatitudinem, est impeccabilis, est debita illi gloria ex iure, & est rectè disposita in ordine ad operandum supernaturaliter, quia totum hoc debetur illi mediâtè ratione vnionis, non verò immediâtè, nam vt sic totum hoc debetur gratiæ habituali, itaque est obiectum diuinæ dilectionis, quâ vult dare gratiam habitualement, cui hæc omnia sunt debita immediâtè. Et per hoc patet ad argumentum, quod fuit causa huius Quæstionis, & similiter patet immeritò notari aliquâ censurâ hanc sententiam, imò necessariam duximus scientiam, seu opinionum percipere probabilitatem, ne censere-mus aduersam, & idèd sit Quæstio sequens.

24.

QVÆSTIO III.

Quâ certitudine gaudeat, in anima Christi fuisse gratiam habitualem?

1. IN primis conueniunt omnes esse temerarium, qui negant in Christo gratiam habitualem, quia in re graui absque vrgenti ratione se opponeret torrenti Scholasticorum. Dubium ergo est, an hoc sit de fide? & partem affirmatiuam tenent Lorca disputatione 37. & Suarez disputatione 8. sectione 2. licet differant in hoc, quod Lorca solum admittit esse de fide, quod habuerit gratiam, non verò vt habitua-lem; Suarez verò admittit vtrumque: Et probat Primò, quia in Christo fuit charitas, 3. ad Ephes. sed charitas vel est ipsa gratia habitualis, vel saltem inseparabilis ab illa; ergo. Et quòd sit habitualis colligitur ex verbis Ioan. 15. *Sicut ego diligo Patrem, & maneo in eius dilectione*, vbi manere significat permanentiam habitus, quæ non reperitur in actu.

2. Secundò probat ex Tridentino sessione 6. cap. 7. vbi generaliter definit de omnibus iustis, iustificari per iustitiam inhaerentem, & per charitatem diffusam in cordibus nostris, & de fide est, quòd in ceteris iustis, ista iustitia, & charitas sit habitus; ergo & in Christo. Tertiò, quia id quod omnes sancti Patres docent tamquam de fide, est de fide: sed communis consensus illorum est, quòd sit de fide in Christo esse gratiam habitualement; ergo, &c.

3. Partem negatiuam teret Vasquez disputatione 41. capite 1. & addit neque Scripturam, neque sanctos Patres aliquam mentionem fecisse gratiæ habitualis, aut aliquo modo illam indicasse, quod probat adducendo omnes auctoritates, & illas explicando vel de sanctitate accepta ex vnione hypostatica, vel de aliis gratis gratis datis.

4. Pro explicatione nostræ sententiæ Nota quòd in ceteris iustis est de fide, quòd gratia, quâ iustificantur, est aliquid inhaerens, quia ita habetur apud Concilium vbi supra, non verò est

C. ystilo de Incarn. Pars I.

de fide, quòd sit habitus, primò quia posset esse tam in pueris, quàm in adultis relatio extrinsecus adueniens. 2. posset esse in adultis actus perseuerans, non retractatus, vnde non esset erroneus, vel errori proximus, qui gratiam vt habitualement negaret; quia non colligitur per euidentem consequentiam ex Scriptura, vel ex Conciliis.

In hac ergo Quæstione Dico primò: 5. De fide est, quòd in Christo Domino præter vnionem hypostaticam fuerit aliquod donum creatum pertinens ad eius sanctitatem, quod nos appellamus gratiam. Hæc conclusio probatur ex locis adductis in prima Quæstione, vbi asseritur, quòd Christus fuerit vnctus Spiritu sancto, hoc est gratiâ, quia Spiritus sanctus non fuit vnitus hypostaticè cum natura humana Christi vnde Patres Ecclesiæ super illud Psal. 132. *Sicut vnguentum in capite, quod descendit in barbam barbam Aaron*; & alibi sæpe asserunt eodem vnguento (hoc est eadem gratiâ) vngi Christum; ac nos vngimur, iuxta illud Lucæ 2. *De plenitudine eius omnes accepimus gratiam pro gratiâ, &c.* sed nos vngimur per aliquid creatum, vt de fide tradit Concilium Tridentinum vbi supra; ergo & Christus. Legantur Patres supra citati ferè in fine præcedentis Quæstionis.

Dico secundò: De fide est, quòd 6. hoc donum sit aliquid permanens in Christo, siue sit actus, siue habitus, siue relatio, siue quid aliud. Probatur ex capite 11. illa: *Requiescet super eum Spiritus Domini*. Ioan. 2. *Super quem videritis Spiritum sanctum descendentem, & manentem in ipso*. Lucæ 3. *Iesus autem plenus Spiritu sancto regressus est à Iordane*. quæ verba exprimunt esse quid permanens illud, quò Christus est Spiritu sancto plenus. Et confirmatur, quia Lucæ 2. dicitur de Christo, quòd *gratia Dei erat in illo*; sed illud erat significat permanentiam, vt ex se patet; ergo, &c.

Dico tertiò: Non est de fide, quòd 7. hoc donum permanens sit habitus. Et probatur, quia nullâ testimonia adducuntur, neque sunt magis vrgenti, quàm citata, quæ solum probant hoc

F f 2 donum

donum esse quid permanens: sed non solum habitus, sed etiam relatio, imò & actus possunt esse permanentia; ergo. Ex quo patet primò neque esse erroneum, vel errori proximum, qui negaret esse habitum. Et ratio est, quia hoc non potest inferri per euidentem consequentiam. Secundo patet, quia etiam si loquamur de iustificatione Christi, sicut de iustificatione hominum loquitur Concilium (quod negat Vasquez) imò & sicut de iustificatione paruulorum per baptismum, in quibus non reperitur aliquis actus ab ipsis elicitus; & etiam adultorum, qui solum iustificantur per Sacramentum baptismi cum sola attritione, quæ formaliter non est gratia. Nihilominus non inferri gratiam illorum esse habitum, quia licet aliquis diceret, quòd non iustificantur per habitum, neque per actum, posset absque errore defendere, quòd iustificarentur per relationem extrinsecus aduenientem ex illis, quas docuit Scotus, & licet in hoc erraret, tamen non erraret contra fidem.

8. Dico quartò: Licet non sit de fide, quòd sit habitus, est tamen de fide, quòd hoc donum permanens sit gratia. ita Lorca ubi supra. Et probatur ex supra adductis **S. Scripturæ** locis; nam Ioan. 1. dicitur, *Et Verbum caro factum est, & habitavit in nobis plenum gratia & veritate.* habitare enim dicit permanentiam cum plenitudine gratiæ, sicut cum plenitudine veritatis. Et Lucæ 2. *Gratia Dei erat in illo;* ergo id erat permanenter in Christo, ut homine (in quo sensu debet intelligi Euangelista) erat, seu vocatur gratia; & epist. 1. 1. dicitur, quòd *Iesus proficiebat aetate, sapientia, & gratia apud Deum & homines;* quæ verba iuxta Patrum intelligentiam significant, quòd crescebat in sapientia, & in gratia quantum ad ostensionem & manifestationem illarum, quas ab initio suæ conceptionis habebat coram Deo & hominibus, sicut crescebat aetate. legatur Barrad. in Evangelia tomo 1. lib. 10. & quæ dicturi sumus questione 5. cap. 14. sed crementum, seu accretio supponit id, tantquam quid perseverans in quo quis crescit, & illud dicitur gratia; ergo de fide constat, quòd hoc donum permanens Christi sit, & vocetur gratia.

Ad primum argumentum in contrarium Respondeo concedendo quòd in Christo fuit charitas, quæ vel est gratia, vel est inseparabilis ab ipsa. Insuper concedo, quòd hæc maneat in Christo, & quòd totum hoc sit de fide. Nego tamen, quòd sit de fide esse habitum, quia non solum habitus est quid permanens, sed etiam actus & relatio.

Dices: Christus manet in dilectione Dei, sicut nos manemus, ut patet ex illis verbis Ioan. 15. citatis in principio questionis, sed nos manemus per gratiam habitualement; ergo & Christus. Respondeo quòd minor est vera, sed non de fide, quia posset quis dicere, primò quòd nos manemus in dilectione Dei, in quantum mandata eius non violamus, & non violatio praeceptorum non est habitus. 2. quòd nos manemus in dilectione Dei passiva, quia dum iustificati sumus semper diligimur à Deo, & utroque modo Christus manet in dilectione Dei, & quia non violat eius praecepta, & quia semper diligitur à Deo. 3. quia hæc permanentia in dilectione Dei potest referri ad statum Beatorum, qui semper permanent in dilectione Dei, sicut Christus, qui fuit simul beatus & viator, & sic refertur ad actum, & non ad habitum.

Ad 2. respondet Vasquez ibi Concilium solum agere de iustificatione impij contra hæreticos, non verò de iustificatione Christi, sed quidquid sit de hoc respondeo quòd neque Concilium definit esse habitum id, quo impij iustificantur, sed esse quid inhaerens, & esse charitatem diffusam in cordibus per Spiritum sanctum, qui datus est nobis, quod etiam potest verificari de actu charitatis, & de relatione, ut diximus.

Ad 3. respondent aliqui, Patres Ecclesiæ numquam tradidisse tamquam de fide, quòd Christus sit sanctus per gratiam habitualement, imò plures ex re-latis videntur asserere quòd sit sanctus per unionem hypostaticam, & licet ex eorum SS. Scripturæ testimoniis colligeretur quòd sit sanctus per gratiam habitualement, dum tamen hoc innuitur discursui, eo ipso non erit de fide, sed numquam hoc tradunt tamquam de fide. Respondeo tamen, quòd cum licet Patres numquam disputarunt hanc

Quæ-

Questionem, vtrum scilicet fuerit de fide, quodd gratia reperta in Christo fuerit habitus; & licet de fide existimaerint, quodd fuerit aliquod donum creatum permanens, sicut in reliquis iustis, tamen numquam tradiderunt tamquam de fide, quodd fuerit habitus.

QUESTIO IV.

Vtrum gratia habitualis Christi Domini fuerit infinita?

IN hac Questione agimus de infinitate in actu, non de infinito in potentia, quia de hac erit sermo in subsequenti Questione. Et in primis Recentiores communiter distinguunt duplicem infinitatem actualem: Alia (inquiunt) est moralis, quam habet gratia habitualis, quia est in humanitate vniuersali Verbo diuino, a quo participat infinitam dignitatem moralem, sicut & opera eius infinitum simpliciter valorem, sed nos, sicut negauimus hunc valorem in Disputatione 3. questione 3: ita consequenter negamus in gratia hanc infinitatem moralem. Alia (inquiunt) est infinitas physica, quae actualiter est infinita intentione graduum, & de hac procedit difficultas Questionis.

1. Prima sententia affirmat, quodd gratia habitualis Christi sit infinita in actu: ita tenent Mayor in 3. d. 13. q. 3. probabiliter reputat Almaynus quest. 1: qui dicit suo tempore fuisse sententiam communem Doctorum Parisiensium, fauet Gregorius in 1. d. 44. q. 4. quatenus ait non repugnare de potentia Dei & videtur fauere D. Thomae 2. 2. questione 24. art. 7: vbi dicit, quodd gratia Christi potest crescere in infinitum: Ex quo sumitur primum argumentum, quia si gratia habitualis potest crescere in infinitum; ergo creuit de facto in Christo Domino. Et confirmatur, quia gratia haec fuit in natura humana Christi ad exornandum illam propter vniuersalem hypostaticam: sed haec fuit infinita in actu; ergo & illa, quia dispositio concomitans sequitur gradum naturae ad quam disponit, sicut calor ad ignem.

3. Secundò probatur, quia gratia habitualis fuit principium gratificandi infinitos homines, si darentur; ergo fuit

actu infinita, non enim posset gratificari, si in se non haberet infinitum valorem.

Secundà sententia est aliquorū Thomistarum assentientium, quodd gratia potest considerari & in esse qualitatis seu habitus, & in esse gratiae. Si primo modo consideretur, est finita, quia est quiddam creatum. Si secundo modo, est infinita in Christo, quia reddebat Christum infinitè gratum, & principium merendi pro infinitis hominibus. Citantur pro hac sententia Victoria & Sotus in manuscriptis super tertiam Partem questionis 7. art. 1: in quo articulo videtur illis fauere D. Thomas, & explicant exemplo monetæ, quae quantum ad materiale est aurea, vel argentea; at vero quantum ad formale, scilicet quantum ad valorem potest esse ita valorosa, sicut voluntas Principis voluerit.

Tertia sententia communis & vera tenet, quodd gratia habitualis Christi Domini neque in esse qualitatis, neque in esse gratiae est physice infinita in actu. Primam partem huius sententiae tenent Scholastici ferè omnes cum Magistro in 3. d. 13. ibi Scotus 1. ad primam questionem, & 1. ad argumenta, Durandus, Capreolus & Paludanus questione 1. D. Bonauentura art. 1. quest. 2: Probabilem reputat Almaynus vbi supra, Ricardus art. 1. q. 2. Expositores D. Thomae loco supra citato, Suarez disp. 224. sect. 1. Vasquez disp. 46. cap. 2. Valencia q. 7. puncto 3. Lorca quest. 42. Montessorinus disp. 3. q. 2. & ferè omnes praedicti Auctores, praecipuè Recentiores habent secundam partem huius sententiae ibidem cum D. Thoma de veritate questione 29. art. 3. Altissiodorensis lib. 3. tractatu 1. cap. 5.

Prima pars huius sententiae non eodem modo probatur ab omnibus, aliqui enim, licet supponant gratiam habitualement posse de potentia Dei esse actu infinitam, probant non fuisse sic in Christo, ex eo quodd non fuit necessaria, nec ad finem redemptionis, quia licet haec sit infinitè valorosa: sed valor provenit ex persona, cui humanitas est vnita, non verò ex gratia habituali, nec fuit necessaria ad vniuersalem hypostaticam, quia haec fuit quiddam creatum, & finitum. Sed contra primò ergo neque gloria essentialis, neque scientia infusa

fuerunt in Christo ab instanti suæ conceptionis. patet sequela, quia istæ formæ neque fuerunt necessariae ad finem redemptionis, neque erant per se debita ratione vnionis, sed solum ex quadam congruentia; ergo si gratia infinita est possibilis in Christo, debuit esse de facto, sicut & istæ formæ. Secundò, prædicta dona, sicut & reliqua alia non sunt data Christo ratione modi vnionis, qui est quid creatum & finitum, sed ratione personæ diuinæ; ergo nulla est ratio, quam assignant. ita impugnat Suarez vbi suprâ.

7. Inter Audtores, qui negant posse dari gratiam habitualement, sicut & quamcumque aliam qualitatem infinitam in actu, probant Suarez ibidem, & Valencía 1. p. q. 7. art. 2. quia in his, quæ sunt per se subordinata, non est processus in infinitum ex Aristotele 2. Metaphys. cap. 2. sed gradus gratiæ, & cuiusvis qualitatis sunt per se subordinati; ergo, &c. Et confirmatur, quia si Deus vellet auferre vnum gradum, necessariò deberet auferre vltimum, quia ita sunt inter se concatenati & connexi, vt si auferret eum, qui in medio est, necessariò auferret reliquos omnes versus sursum: sed potest illum auferre; ergo necessariò debet assignari vltimus gradus.

8. Sed contrâ primò, quia hæc doctrina de dissimilitudine & subordinatione graduum est dubia, & in veriori sententia (de qua egi primò de generatione disputatione 2. quæstione 5.) est falsa, quia gradus inter se comparati sunt æquales: vnde solum causant maiorem intentionem per maiorem eorum multiplicationem absque aliquo ordine inter se, & potest Deus destruere quem voluerit. Secundò, quia Aristoteles loco citato solum agit de subordinatione causarum: vnde colligit esse vnâ primam causam, non de subordinatione graduum. ita impugnant Vasquez & Montefinos. Tertiò, quia non assignant rationem à priori, quare etiam si gradus sint subordinati, debeat assignari vltimus gradus determinatus secundum verba citata Aristotelis, imò & ipsi in sectione 2. non admittunt gradum vltimum determinatum, quia asserunt, quòd potest augeri gratia Christi.

9. Secundò probat Suarez, quia si gratia habitualis Christi fuisset actu infinita, etiam fuisset actu infinitum lumen gloriæ, quia ista duo sibi inuicem correspondent, & proportionantur; & tunc sequeretur, quòd visio elicita à tali lumine esset infinita in actu, & consequenter comprehensua, quod repugnat Deo, quia vnum ex attributis eius est incomprehensibilitas. Neque obstat, si dicas, quòd qui haberet claritatem infinitam habitualement, non haberet infinitum amorem, quia vt respondet Montefinos, charitas modificatur à voluntate, quæ est potentia libera, & vititur tali habitu, tamen intellectus non est potentia libera, & sic lumen agit secundum vltimum de potentia.

10. Sed contrâ primò, quia etiam quodlibet agens finitum, et ipso quòd finitum est, modificat infinitum, vt patet in causa secunda, quæ modificat primam; ergo intellectus creatus (qui in veriori sententia Scoti concurrat actiue, & non solum virtute luminis, vt asserunt Thomistæ, sed propria virtute) modificabit lumen infinitum. Secundò, quia gratia habitualis, prout distincta est à charitate, non datur ad agendum in genere causæ efficientis, sed ad perficiendum in genere causæ formalis: at verò lumen datur ad agendum, & sic debet attemperari cum concausa; ergo non currit eadem ratio ad hoc vt lumen sit infinitum, sicut gratia. Contrâ tertiò (insurgit Montefinos) quia intellectus ad minus concurrat vt instrumentum; ergo indiget auxilio Dei vt agens principalis, sed repugnat quòd auxilium sit infinitum, quia est concursus identificatus cum concursu causæ finitæ; ergo si daretur lumen infinitum, non ageret infinitè.

11. Tertiò probat Vasquez, quia si daretur gratia habitualis infinita secundum intentionem, sequeretur quòd non posset augeri, quia hoc est proprium entis finiti, sed nulla potest dari gratia habitualis, quæ non possit vel bonis operibus, vel ex diuina voluntate augeri, cum sit participatio diuini esse, quod est infinitè participale; ergo. Confirmat Montefinos, quia nulla est debilis qualitas actu infinita, aliàs potentia Dei ad extra esset exhausta, saltem in ordine ad illum, quod repugnat Deo conf.

considerato in ordine ad creaturas; ergo neque est stabilis gratia infinita.

12. Sed contrā primò, quia hæc ratio infert inconueniens maximè controuersum, de quo in sequenti Quæstione, scilicet an quælibet gratia possit semper augeri. Secundò, quia vel nihil infert, vel est mera petitio principij, quia gratia Christi vel potuit de facto augeri bonis operibus, aut ex voluntate Dei, vel non, si potuit, vel potuit ex natura rei, aut ex congruentia, & tunc sequitur quòd de facto sit aucta in Christo ex utroque capite, quia habuit operā bona, & optimè circumstantionata, & in opinione ipsius infinita; cum autem hoc sit falsum; etiam in eius sententiā nihil infert prædicta ratio, si non potuit, tunc inquiri, quare non potuit? vel quia est infinita, vel quia non est augmentabilis, & sic est petitio principij. Ad confirmationem dicemus in sequenti Quæstione.

13. Quartò probant aliqui Scotistæ ex differentia, quæ versatur inter gradus extensionis quantitatiuæ, & gradus intensiōis qualitatiuæ, quia illi non differunt perfectione quantitatiuā: vnde non est magis perfecta quantitas bipedalis, quàm pedalis, secus verò isti, quia magis perfecta entitatiuè est qualitas vt octo, quàm qualitas vt quatuor, licet gradus non differant specie, sed in indiuiduo, & materialiter: vnde sequeretur posse dari qualitatem entitatiuè infinitam, quod est falsum, cum solum Deus, & eius attributa sint entitatiuè infinita.

14. Sed contrā, quia duplex est infinitum in sua entitate, aliud extra genus, & constituitur per hoc, quod est esse perfectionem non habentem principium, neque finem in suo esse, & hoc solum potest conuenire Essentiæ diuinæ, & non ponitur in prædicamento, ideo dicitur extra genus: aliud verò est infinitum intra genus, & constituitur per hoc quod est esse perfectionem non habentem principium, neque finem in gradibus, & hoc conuenit attributis Dei in sententiā probabili, & Aduersarij fatentur, quòd de potentia Dei possit etiam dari in creaturis; ergo quòd sit entitatiuè (hoc est secundum propriam entitatem) infinitum, non tollit in eorum sententiā, quòd possit conue-

nire gratiæ Christi, quare aliundè debet probari, quòd hoc infinitum entitatiuè repugnet.

Quare eis rationibus nobis est probanda prædicta sententiā, quibus lib. 1. Physic. disp. 3. quæstione 2. probauimus, qualitatem habere ex natura propria maximum quod sit. quarum prima ex Aristotele 8. Physic. vbi latè probat, quòd motus alterationis non possit ire in infinitum, sicut potest ire motus circularis, sed gratia est terminus motus alterationis; ergo. Secunda, quia dato aliquo gradu determinato summo, inquiri an ascendit in intentione sit status, & sic iam habeo intentum, vel non, sed potest intendi magis ac magis; & tunc primò sequitur quòd requirat æternitatem Dei ad sui productionem, & quòd mensuretur illa, quod solum conuenit Deo, patet cōsequentiā, quia nulla est repugnantia, vt illud, quod habet gradus, successiue producat: vnde si gradualiter est infinitum, consummet totam Dei æternitatem in sua productione. 2. sequitur quòd si qualitas sit actiua (etiamsi producat in instanti) possit producere aliquem effectum actu infinitum, v.g. calor calorem, quod nullus concessit creaturæ: 3. sequitur quòd eodem modo, quo qualitas gratiæ posset produci infinita in actu, posset simul produci aliqua substantia infinita in actu, & consequenter ita perfecta, sicut Dei substantia, præcipue attributalis, patet sequela, quia si hoc illi non repugnat ex prædicato creaturæ; multò minus illi repugnabit ex prædicato substantiæ; ergo gratia Christi Domini in esse qualitatis nequit adhuc de potentia Dei esse infinita in actu.

Secunda pars sententiæ, scilicet quòd qualitas gratiæ in esse gratiæ non sit physice infinita: Probatur primò optimè à Montefinos; quia albedo ex eo reddit subiectum finito modo album, quia in esse qualitatis est finita; ergo gratia in ratione gratiæ reddit finito modo gratum, quia in esse qualitatis est finita. Et confirmatur, quia esse gratiæ se habet, vt gradus specificus; & inferior respectu esse qualitatis, qui est genericus, & superior; ergo si secundum vnum gradum, gratia est finita, ita & secundum alterum. Secundò sic probet, quia

quia ex finito & infinito non potest fieri vnum per se; ergo ex ratione qualitatis finitæ, & ex ratione gratiæ infinitæ non poterit fieri vnum per se, sed gratia secundum totum suum esse est vnum ens per se; ergo si secundum gradum qualitatis est finita, ita & secundum gradum gratiæ.

17. Ad argumenta primæ sententiæ respondeo. Ad primum iam probauimus impossibilem esse qualitatem physicè infinitam in actu, neque D. Thomas locutus fuit de infinito in actu, sed de infinito in potentia. Ad confirmationem respondet Montefinos, quod etiam si creaturæ ordinentur ad Deum, tamquam ad finem, non dicunt infinitatem, ita neque gratia, licet ordinetur ad vniōem hypostaticam. Secundò, dico, quod vnio hypostatica per se terminatur ad personalitatem Verbi, & sic neque ratione sui (quia est finita) neque ratione personalitatis Verbi (quæ in sententia Scoti neque est finita, neque infinita) requirit dispositionem infinitam. Tertiò, dico, quod prædicta conseruatiua dispositio solum requiritur ex congruentia, non ex natura rei, quia benè potest conseruari vnio absque illa, argumentum autem procedit de dispositionibus ex natura rei requisitis.

18. Ad secundum argumentum respondeo, quod gratia habitualis Christi de facto fuit principium gratificandi Angelos & homines solum in numero finitos, & etiam si de possibili fuisset principium pro infinitis, non requiritur quod principium *quo*, scilicet gratia, sit infinitum, sed principium *quod*, scilicet persona Verbi, à qua deriuatur valor infinitus. Secundò, dico esse effectum moralem prouenientem ab acceptatione Dei, hoc quod est, gratiam esse principium gratificandi homines & Angelos, quod non arguit, gratiam habitualement esse physicè infinitam.

19. Ad argumenta secundæ sententiæ respondeo, quod gratia constituit naturam humanam Christi finito modo gratam, & habuit à voluntate Dei gratificare homines, vt benè probat exemplum de moneta, tamen hic valor de facto fuit finitus in actu, vt probauimus disputatione 3. & posset esse in potentia infinitus de potentia Dei, quia posset acceptari pro infinitis homini-

bus sine cathegorematicè & in potentia, tunc autem talis infinitas esset moralis, non physica, & hoc est quod sibi vult Scotus in 3. d. 19. quando hoc asserit de operibus Christi, quod habebant ratione suppositi diuini acceptabilitatem infinitam. quare gratia habitualis potest dici infinita in ratione gratiæ à D. Thoma, quia continet quidquid pertinet ad rationem gratiæ, scilicet virtutes omnes, gratias gratis datas, dona supernaturalia, &c. & quia est principium ad gratificandum infinitos homines si darentur, quâ ratione dixit quod lux Solis potest dici infinita in genere lucis, quia habet quidquid pertinet ad rationem lucis, & potest illuminare infinitos homines, si darentur. ita Montefinos in præsentī.

QVÆSTIO V.

Vtrum gratia habitualis Christi potuerit augeri?

Inquirimus de gratia habituali, non de gratia vniōis, quia sicut illa non potuit augeri in bonitate termini, ita neque potuit in se augeri; & supponimus ex dictis quæstione antecedenti idem esse dicendum de gratia habituali in ratione gratiæ, ac in ratione qualitatis. vnde si ratione huius potest recipere augmentum, ita & ratione illius, & è contrà; & quæstio potest procedere de potentia ordinaria, & de potentia absoluta; & quidem si loquamur de ordinaria potentia, conueniunt omnes gratiam habitualement Christi non posse augeri. ita Scotus in 3. d. 13. in responsione ad 3. quæstionem, S. Thomas 3. p. q. 2. art. 12. & vtriusque Expositores ibidem, vbi referuntur plures Ecclesiæ Patres. Et ratio est, quia Christus fuit beatus ab instanti conceptionis, sed in Beatis non augentur gratia & dona, Deo sic ordinante, vt itatus ille sit inuariabilis, & immutabilis; ergo, &c. Præterea Christo debet dari omnis perfectio sibi non repugnans, & alijs sibi congrua, sed summa gratia illi non repugnat. Et insuper fuit congruum illam habere; ergo debuit dari.

Solum videntur virgere verba Lucæ 2. cap. 11. *Puer Iesus proficiebat atate, sapientia, & gratia apud Deum & homines*; ergo
cuius

eius gratia habitualis augebatur de facto. Respondet dupliciter Damascenus 3. de Fide cap. 22. primò hæc verba debere intelligi de augmento gratiæ, non in persona Christi, sed in corpore eius mystico, quod est eius Ecclesia. Sed cōtrā, quia ita videtur loqui de augmento gratiæ, sicut de augmento ætatis, sed hoc fuit in propria persona; ergo & illud. Secundò & meliùs respondet debere intelligi, non de augmento gratiæ, & sanctitatis internæ, sed externæ, hoc est de operibus, quibus quotidie magis ac magis demonstrabat exteriori suam gratiam & sanctitatem, sicut quotidie crescebat in ætate. quæ expositio est communis apud SS. Patres, quos referunt Suarez, & alij Recentiores in expositione articuli 12. citati D. Thomæ; & Toletus super prædictum locum ait: S. Scriptura solet per habitus internos opera externa significare. Et Lucæ 11. dicitur, *Reginam Saba venisse videre sapientiam Salomonis*, id est verba, & opera, quæ ab eius sapientia originantur.

3. Si verò loquamur de potentia absoluta, hæc quæstio eadem est cum illa, quæ 1. Physic. inquiritur an qualitas habeat maximum quod sic, seu terminum præfixum, & summum, ultra quem non possit esse ascensus; an verò non solum sit finita in actu, sed etiam in potentia, ita ut perveniendo ad summum gradum determinatum non possit esse ascensus adhuc de potentia Dei, sed ne lapidem intactum relinquamus, hanc difficultatem breviter attingam.

4. Prima sententia in hac Quæstione affirmat gratiam habituales Christi per potentiam Dei absolutam potuisse augeri, & consequenter non fuisse summam possibilem. tribuitur D. Thomæ ubi suprā, & infrā q. 10. art. 4. ad 3. & 2. 2. q. 24. art. 7. & de Veritate q. 23. art. 3. tenet Molina 3. p. q. 7. art. 12. Suarez disp. 22. sect. 2. Vasquez disp. 47. cap. 3. Valencia q. 7. puncto 2. Montefinos q. 3. 1. 3. qui citant Capreol. in 3. d. 13. quæst. 1. art. 3. ad 3. contra secundam conclusionem, Gregor. Gabriel. & Ocham.

5. Fundamentum est primò, quia quantitas molis non habet terminum, & maximum quod sic; ergo neque qualitas gradualis, ut est gratia Christi. Secundò,

Castillo de Incarn. Pars I.

quia ex triplici capite potest provenire quoddam gratia habitualis non possit augeri aut ex parte efficientis, & hoc non, quia est infinitum, & sic non solum infinita, sed etiam infinitè potest agere; aut ex parte subiecti, & hoc non, quia capacitatis ipsius mensuratur per potentiam obedientialem, quæ est ad omne id, quod non implicat contradictionem; aut ex parte formæ, & neque hoc, quia gratia habitualis est participatio divinæ naturæ, quare cum hæc sit infinita, erit infinitè participabilis per gratiam. Tertiò, quia gratia habitualis augetur per opera meritoria; siue per remissa, siue per intensa secundum diversas sententias, siue habeantur de lege ordinaria, siue de potentia Dei; ergo assignata gratia in superiori gradu potest adhuc augeri per opera, aliàs hæc non essent ex natura sua augmentativa illius.

Secunda sententia modificat primam, 6. & asserit quoddam licet gratia de se sit infinitè augmentabilis, tamen ratione subiecti, & propter defectum capacitatis illius non potest augeri. unde ait, quoddam in Angelo est maior capacitas ad habendum maiorem gratiam, quam in anima Christi. ita D. Bonaventura in 1. d. 17. in 2. p. art. 1. q. 4. Ricardus eadem d. art. 2. Driedo lib. de Captivitate, &c. tit. 2. cap. 2. puncto 3. art. 6. sent. 8. Et probatur: Deus potest producere naturam cum maiori capacitate in infinitum (quia natura capaxior est; quo perfectior est) quam naturam humanam Christi; ergo gratia, quæ est in Christo, implet totam eius capacitatem, de se augmentabilis est, licet non augeatur in hoc subiecto, quia impleta est eius capacitas. Et confirmatur exemplo, quia calor maior est in igne, quam in aëre; ergo augmentum formæ debet attendi iuxta capacitatem subiecti, quia de se semper forma est augmentabilis.

Tertia sententia absolute negat gratiam habituales Christi potuisse augeri de potentia Dei, quia fuit summa possibilis, non ratione subiecti, sed ratione formæ. ita expressè Scotus in 3. d. 13. 1. ad primam quæstionem, & 1. ad secundam quæst. Liqueus & Gataretus ibidem, Quandus quæst. 1. art. 1. dub. 1. Faber disp. 29. cap. 2. Pytig. q. 1. art. 5.

G g

Ex

Ex alijs Caietanus super tertiam partem quæstione 7. art. 11. & 2. 2. quæstione 14. art. 3. Lorca disputatione 43. & 2. 2. disp. 19. qui citat pro se D. Thomam aliquibus in locis. Hæc sententia, quæ vera est, habet duas partes, quas sequentibus conclusionibus declaro.

8. Dico primò: Gratia habitualis Christi Domini non modificatur ratione subiecti ad hoc vt augeatur. In hac conclusione conueniunt Auctores primæ sententiæ; & probat primò Scotus *1. ad primam quæstionem*, vers. *secundum quod magis est*, litt. F. Idem aqua, vel aer non potest recipere calorem in quocumque gradu, quia si, v.g. vltra sex gradus receperisset, eorum natura corrumpeteretur, & conuerteretur in naturam ignis, sed etiam si natura humana Christi receperisset alium gradum ex possibilibus de potentia Dei, vltra eos quos habet, non corrumpeteretur, neque conuerteretur in naturam Angeli, vel alterius creaturæ; ergo ex eo est, quia gratia nō modificatur ratione subiecti.

9. Secundò probatur, quia capacitas naturæ humanæ ad gratiam est potentia obedientialis, sed hæc per se respicit quiddid non repugnat; ergo si aliàs non repugnet maior gratia, quàm de facto est, vel ex parte gratiæ, vel ex parte alterius, non repugnabit ex capacitate subiecti. Et confirmatur primò, quia potentia obedientialis est potentia neutra, sed hæc sicut non determinat formam, ita neque determinat gradum formæ, vt patet in materia respectu formæ substantialis, & in parte respectu albedinis: vnde posset habere magis ac magis intensam albedinem; ergo. Et confirmatur secundò, quia licet vnum vas sit aureum, & aliud luteum, possunt esse æqualis capacitatis; ergo licet anima Christi, & Angelus sic differant, possunt esse æqualis capacitatis, maxime cum comparentur tamquam receptiua eiusdem rationis in ratione receptiuorum, sicut gratia recepta in eis est eiusdem rationis. Omitto alia plura argumenta.

10. Dico secundò: Gratia habitualis Christi Domini fuit summa negatiuè, quia non potuit esse alia maior, licet potuerit esse alia illi æqualis, neque potuit augeri adhuc de potentia Dei. ita Auctores 3. sententiæ. Hæc conclusio de-

bet probari ex eo quodd nō sit possibilis alia maior, quod solet probari ab aliquibus ex eo quodd gratia sit creatura; ergo finita. Sed hæc ratio nulla est, quia etiam si gratia sit infinita in potentia, & possit augeri, manet creatura, & finita in actu; debet ergo probari sic ratione Scoti, quia magis intensa qualitas petit magis perfectā potentiam productiuam; ergo determinata qualitas, v.g. vt octo, petit determinatam potentiam vt octo; ergo cum potentia productiua gratiæ, quæ est potentia diuina, sit infinita in actu, & non in potentia, gratia poterit esse infinita in actu, & non in potentia; ergo si per ordinem ad potentiam Dei potest fumi infinitas effectus, vt concludunt Aduersarij, magis probaretur quodd posset dari gratia infinita in actu, quàm infinita in potetia; sed quodd sit infinita in actu, negat etiam ipsi; ergo similiter debent negari, quodd sit infinita in potetia.

In idem redit illa probatio Scoti, quæ sic se habet. In his quæ sunt vnus potentie demonstratæ tantum contingit in actu esse, quantum contingit esse in potentia, vt asserbat Aristoteles 3. Physic. textu 69. hoc est, in his quæ petunt potentiam determinatam ex parte causæ, quia si sunt effectus, v.g. vt quatuor, debet demonstrari virtus ex parte causæ vt quatuor (quod nō reperitur respectu quantitatis, quia potentia vt duo potest quantitatem vt quatuor facere, vt sex, & vt octo, &c.) sed qualitas est ex his, quæ sunt vnus potentie demonstratæ, quia si sit vt sex, petit potentiam vt sex, &c. ergo tantum contingit, seu contingere potest esse in actu, quantum contingit, seu contingere potest esse in potentia; ergo potest Deus ponere in actu tantam qualitatem, quāta ponibilis est; ergo hæc nō est infinita in potentia. patet cōsequentia, quia hoc infinitū numquam habet omnes suas partes in actu.

Dices. Hoc dictum Aristotelis intelligitur etiam de quantitate molis, vt ait Scotus *1. ad 1. quæst. vers. dico ergo*; ergo idem est de quantitate molis, ac de qualitate. Respondetur cōcedendo totum secundū sensum Aristot. qui intellexit quantitatem solū augeri per ablationem partium ab alio quāto: vnde cum omne quantū, quod de facto datur, habeat partes finitas, poterit in quāto quodd augeatur, esse tantū in actu, quantum in potetia.

sed

sed tunc potentia non sumitur pro potentia productiua, sed pro potentia passiuā, seu logica, quam habent partes vnus quanti ad esse in alio quanto. ita Scotus ibidem, tamen in sensu Theologorum, qui admittunt quantitatem posse augeri per alias partes creabiles à Deo, non est ita dicendum de omni quantitate, ac de qualitate, quia non procedit à potentia demonstrata.

13. Et confirmatur prædicta ratio Scoti, quia Deus cognoscit omnes gradus gratiæ producibiles à sua potentia, & tunc inquirio an gratia componibilis ex illis sit finita, aut infinita? si finita habeo intentum, si infinita; ergo potest à Deo produci simul, & vnica factione, quia gradus inter se neque petunt successionem, neque habent incompossibilitatem, & tunc qualitas gratiæ esset actu infinita, quod negant Aduersarij. Et notanter dixi, quia neque petunt successionem, neque habent incompossibilitatem propter partes quantitatis successiuæ, quæ propterea est infinita in potentia.

14. Ad fundamentum primæ sententiæ respondeo. Ad primum dicunt aliqui Scotistæ, quòd sit dispar ratio de quantitate, ac de qualitate, quia qualitas quando augetur, perficitur entitatiuè, secus verò quantitas: vnde qualitas nequit esse infinita in potentia, bene tamen quantitas. Sed contrà, quia licet quantitas per augmentum non perficiatur intensiuè, perficitur tamen extensiuè, & consequenter entitatiuè in proprio genere, quia propria quantitatis entitas est extensio; ergo sicut repugnat dari infinitum entitatiuè in potentia, quia posset à Deo produci simul, & vnica factione, & consequenter esset infinitum in actu in proprio genere, ita repugnabit dari quantitatem infinitam in potentia, quia posset dari in actu, licet ad ipsam non requiratur potentia demonstrata.

15. Ideò aliter respondeo cum Scoto in 3. d. 13. 4. ad primam questionem, vers. Respondeo secundum Auerroem, quem sequitur Faber disputatione 29. cap. 2. & in 2. disputatione 47. num. 42. quod distinguendum est de quantitate continua & discreta, permanenti & successiuā; si enim loquamur de successiuā,

debemus asserere, quòd hæc sit infinita in potentia, quia cum in sua ratione formali includat successionem, numquam potest etiam de potentia Dei habere omnes suas partes simul, sed semper debent restare aliæ, & aliæ in potentia producibiles. Ex quo fit, quòd numerus, qui causatur ex diuisione continui, sit infinitus in potentia, quia continuum semper potest diuidi successiuè, & multo magis hoc est verum de motu, & tempore propter successionem ipsius intrinsecam; at verò si loquamur de quantitate continua permanenti, v. g. lineā, corpore, &c. debemus asserere, quòd non sit infinita in potentia, & quòd illius sit assignandus terminus, qui sit maximum quod sit, sicut in qualitate, quia potest à Deo simul produci vnā productione, cum non includat successionem, neque habeant partes inter se incompossibilitatem, & cum non sit infinita in actu (aliàs daretur infinitum actuale in esse entis, quod est proprium Dei) deberet esse actu finita, & per hoc patet ad primum.

Ad secundum respondet Scotus 1. ad 16. argumenta, vers. ad tertium, quod ex illo triplici capite prouenit, quòd gratia non sit infinita in potentia, quia efficiens infinitum non potest ad extra agere infinitum in actu, licet agat infinite, in eo quòd producat ex nihilo, quod nequit facere efficiens finitum, & similiter subiectum finitum non habet capacitatem ad formam infinitum, & tandem forma nequit esse infinita, quia licet sit participatio diuinæ naturæ, eo ipso est finita, nam reliquæ creaturæ sunt participationes diuinæ naturæ, & sunt finitæ, quòd enim gratia sit specialiter participatio diuinæ naturæ primò prouenit ex eo quòd ratione acceptionis diuinæ sibi adiuncta dat ius ad participandum illam per visionem, & fructum beatam: secundò ex eo quòd ratione sui constituit subiectum in statu supernaturalitatis, quod etiam præstant alij habitus supernaturales, licet sint finiti actu & potentiā, fides enim infusa est participatio diuini luminis, sicut charitas diuini flaminis, sicut Deo dante dicemus in propriis earum materiis.

17. Ad tertium respondeo; quod gratia, quando est in summo gradu, non potest augeri; & iam per opera bona elicita ex illa, quia etiam prædicta opera habeant aliquem valorem & dignitatem, non tamen valorem completum, & condignitatem, quia hoc prouenit ab acceptatione speciali Dei, quæ deficit, quando gratia est in summo gradu, sicut deficit quod possit esse alius gradus superior ad præmiandum prædicta opera, quod etiam est dicendum ab Aduersariis in Christo Domino, & in Beatis, qui habent bona opera elicita à gratia, & non meritoria alicuius præmij, quia sicut isti non merentur ex eo quod perueniunt ad statum non merendi ex voluntate Dei, ita & ille, qui haberet summam gratiam, non meretur ulteriorem in propria persona.
18. Ad fundamentum secundæ sententiæ iam patet ex dictis in prima conclusionem, quod nulla est maior capacitas ad gratiam ratione subiecti, quia solum respicit illam per potentiam obedientialem, & non per perfectionem naturæ: unde tanta capacitas est in anima Christi, quanta in Angelo, & è contrà: ex quo sequitur, quod de potentia Dei posset purus homo habere tantam gratiam habitualem, quantam habuit Christus, licet non maiorem, quia illa fuit summa negatiuè. Similiter diximus ad exemplum caloris respectu aëris, & respectu ignis, quod respiciat subiectum, quia est dispositio naturalis corruptiua vnius, & conseruatiua alterius; at verò gratia est qualitas supernaturalis, quæ neque est corruptiua, neque conseruatiua alicuius formæ substantialis.
19. Dices: Virgo Maria fuit *gratia plena*, & Lucæ 11 & Stephanus similiter actione 4. sed non habuerunt tantam gratiam, sicut Christus; ergo gratia debet modificari ratione subiecti. Respondeatur concedendo, quod de facto non habuerunt tantam gratiam sicut Christus, tamen de potentia Dei potuerunt illam habere, & sic non modificatur ex natura rei, sed solum ex voluntate Dei ratione subiecti, seu propter congruentiam ortam ex subiecto. Et si inquiras, quare Virgo Maria & Stephanus dicuntur pleni gratiâ, siquidem non habuerunt summam gratiam, sicut Christus. Respondeo: In sacra Scriptura so-
- let per plenitudinem significari, quod nimium & superabundans est, qualiter Lucæ 4. dicitur, *Repleti sunt omnes in synagoga vtrâ. Et Actorum 5. Repleti sunt vtroque*, &c. Et quia Virgo Maria & Stephanus habuerunt munera, & superabundantem gratiam, ideo dicantur repleti gratiâ, sed non sicut Christus, qui habuit omnem plenitudinem, & summatem negatiuam gratiæ, non enim potuit produci alia maior, secundum quod natura vnita Verbo congruenter postulabat, & significatur in illis verbis Lucæ 2. *De plenitudine eius omnes accepimus gratiam pro gratia.*
- Dices: Ergo posset homo, dum est in via, peruenire ad eum statum, ut eius gratia non posset augeri, quod est damnatum in Concilio Viennensi, & refertur in Clementina ad nostrum de hæreticis, patet sequela, quia homo, qui haberet summam gratiam, non posset recipere augmentum illius. Respondeo concedendo sequelam de potentia Dei, Concilium autem loquitur de facto contra Begardos & Beguinas asserentes, quod homo potest in via peruenire ad illum statum, in quo haberet summam gratiam sicut Christus, contra quos definit Concilium oppositam, quia ad Ephes. 4. *Vnicuique nostrum data est gratia secundum mensuram, quæ mensura non adimpletur, nisi in fine vitæ, seu in ultimo actu meritorio*; Christo autem non qualiscunque mensura, sed sine mensura, ut ait Ioan. 3. data est gratia, id est non modificata, sed summa data est in primo conceptionis instanti, neque potest cadere à gratia de facto, sicut homo cadit per peccatum.

QVÆSTIO VI.

Vtrum in Christo Domino reperta fuerit gratia actualis?

PRO hac Quæstione Nota primo, quod etiam si humanitas Christi fuerit Verbo vnita, indiguit gratiâ actuali ad operationes supernaturales, quia mansit creatura, & potentia illius in statu naturali, unde indigebant formis, & concursibus sibi indebitis ex vi præcisæ suæ naturæ, quæ gratia proueniebat non à solo Verbo, sed à tota Trinitate, quia est opus Dei ad extra.

Nota

2. Noti secundò ex materia de gratia, quòd gratia in communi diuiditur à Scholasticis in habitualem, & actua-
lem; habitualis est non solum qualitas, quâ formaliter iustificatur, sed etiam omnis virtus per se infusa, scilicet fides, spes, caritas, &c. quæ nobis in iustificatione infunditur; actualis verò (de qua nunc agimus) est quedam motio diuina, quæ à Deo datur in ordine ad operationem supernaturalem, quæ transacta non permanet, idè etiam solet appellari speciale auxilium, & hæc gratia actualis diuiditur iterum in gratiam antecedentem seu excitantem, & in concomitantem seu adiuuantem. Prima, est quedam sancta cogitatio, quæ nobis proponitur, vt prosequendum bonum honestum, & vt fugiendum malum inhonestum, media quâ propositione excitatur voluntas; similiter est subitus quidam motus voluntatis amoris, vel timoris, quæ excitat diuinus Spiritus in ordine ad hoc ipsum. Secunda, est quidam concursus Dei specialis concomitans concursum nostrum; imò identificatus cum illo, medio quo Deus adiuuat potentias naturales, vt supernaturaliter operentur, & de hac duplici gratia procedit Quæstio.

3. Circa quam asserit Suarez, quòd licet Christus de possibili indigerit gratiâ actuali adiuuante ad quamcumque operationem supernaturalem, sicut quælibet creatura, tamen de facto non indiguit gratiâ excitante, quia hanc supplebat visio beatifica; si autem visionem beatificam non haberet, indiguisset similiter illâ.

4. Sed in hac re Dico primò: Anima Christi non indiguit gratiâ excitante actuali ad operationes beatificas, quales sunt fruitio & amor Dei. Fundamentum est, quia istæ operationes consequuntur ad visionem beatificam, quæ sufficienter proponit obiecta supernaturalia earum, & efficaciter mouet ad amorem. Insuper non computatur inter gratias actuales, quia quasi habitualiter perseverat, & constituit statum beatificum; de ratione autem gratiæ actualis est citò transire, & non constituere statum, vt supra diximus ex communi sententia. In hac conclusione conueniunt supracitati Auctores:

Dico secundò: Ad alias operationes liberas supernaturales pertinentes ad statum viatoris, indiguit Christus gratiâ excitante, v.g. ad amorem Dei vel proximi, ad actus virtutum moralium, obedientiæ, humilitatis, &c. ita Montesinos vbi supra. Et probatur, quia prædicti actus non consequuntur per se ad visionem beatificam, sed ad alios actus intellectus, quibus debet motus ad operandum vt viator, licet enim de facto mereretur per fruitionem beatam, vt infra dicemus disputatione 14. de merito Christi quæstione 3. parte 1. tamen talis actus per accidens fuit viatoris, sicut per accidens fuerunt coniuncti isti duo status in Christo: vnde vt seruetur connaturalis & proportionatus ordo cognitionum pro statu viatoris, sunt in ipso admittendi alij actus, tum intellectus, cum voluntatis; ergo eorum initium debet sumi ex diuersa sancta cogitatione, ac est visio beatifica. Et confirmatur, quia ab huiusmodi actibus poterat Christus cessare; ergo vt inciperet velle, debuit præcedere iudicium intellectus, quo iudicaret hic & nunc esse amandum, obediendum, &c. & ad iudicium sancta cogitatio, quæ fortassis non fuit distincta à scientiâ infusa ex parte excitationis, nisi etiam sit necessaria aliqua specialis attractio ad bonum superaddita cognitioni, ratione cuius talis excitatio dicatur etiam actualis, & per modum transeuntis; & notanter dixi *etiam*, quia excitatio, etiam si multum duret, vt in Virgine, semper computatur inter gratias actuales; quia non constituit aliquem statum, vt visio beata.

6. Dices: Etiam Christus posset cessare ab amore, seu fruitione beata. Respondeo hoc esse verum ex natura voluntatis, non tamen ex natura beatitudinis, & ex speciali Dei providentia.

7. Dico tertio: Ad seruandum omnia præcepta, & vitandum omne malum morale, & operandum omne bonum sine defectu indiguit anima Christi hac gratiâ excitante. Hæc conclusio est contra Montesinos. Et probatur, quia anima Christi non est facta impeccabilis ex vi vniõis hypostaticæ præcisè, vt infra dicemus disputatione 18. quæstione 1. ergo absque gratia prædicta non habebat vires ad seruandum omnia

præcepta, & vitandum omnia peccata, &c. sicut neque sunt in aliis hominibus sine illa. Et confirmatur, quia propter hoc ponimus in anima Christi habitus per se infusos, & alia dona supernaturalia, inter quæ præcipua sunt gratia excitans, & gratia adiuuans: vnde si de facto non fuit tentatus ex suggestione appetitus, neque habuit inclinationem ad malum, fuit propter prædicta dona; tamen de possibili potuit tentari, & ad malum inclinari, imò de facto fuit tentatus à dæmone.

- B. Dico quartò: Prædicta sancta cogitatio, seu gratia excitans fuit animæ Christi debita ratione vniõis ad Verbum, non ex natura rei, sed ex cõgruentia, & ideo in rigore non est dicenda

gratia formalis, sed in radice, quia prædicta fuit data gratis. Et probatur, quia gratia habitualis, & alia dona hoc habent; ergo & hæc gratia, nisi velis quòd debitum ex congruentia non destruit formalem rationem gratiæ, quæ solùm videtur opponi debito iustitiæ, qualiter seruat rationem gratiæ, quæ datur peccatori contrito.

Inquires an habuerit Christus in humanitate motus indeliberatos & subitos? Respondet Montefinos, quòd fortassis non habuit illos, quia videntur inuoluere aliquam imperfectionem, nisi dicatur quòd ipsemet Christus deliberatè voluerit habere illos, sicut voluit deliberatè habere mortis metum quasi naturalem.

DISPVTA TIO XII.

DE

VIRTVTIBVS ET DONIS.

ATQVE GRATIIS GRATIS DATIS,

Q V Æ

FVERVNT IN ANIMA CHRISTI.

Postquam egimus de gratia habituali, & actuali animæ Christi, venit agendum modò de virtutibus, quæ sunt quædam qualitates inclinantes tanquam causæ, & principia in actus studiosos, seu in operationes bonas ex obiecto, & circumstantiis, quarum aliquæ possunt esse per se infusæ, vt virtutes Theologales; alia, vel per se infusæ, vel per se acquisitæ secundum diuersas sententias, vt virtutes morales. Similiter venit agendum de donis, quæ sunt specialia beneficia Spiritus sancti in ordine ad operationes extraordinarias: & tandem de gratiis gratis datis, quæ dantur in ordine ad bonum commune.

QVÆSTIO PRIMA.

Vtrum fides virtus Theologica fuerit in anima Christi?

1.



QUADRUPLICITER accipitur fides, primò prout est gratia gratis data, & de hac non agimus, quia de illa erit sermo, dum sit de gratiis gratis datis. 2. prout fides idem est, quod fidelitas, & neque de hac agimus,

quia dicemus, dum agamus de virtutibus moralibus. 3. prout fides sumitur pro fiducia, quæ est fides cum spe, & de hac dicemus quæstione sequenti. 4. prout fides est crudelitas, seu assensus de non visis, & hæc est duplex, vna humana, quæ nititur testimonio humano (& non fuit in Christo, quia fallibilis est talis fides: vnde si præbebat assensum his, quæ ab aliquo homine dicebantur, non nitebatur testimonio humano, sed quia aliundè certò sciebat) alia

alia est diuina, quæ nititur testimonio diuino, ideoque dicitur Theologalis, & de hac procedit quæstio.

2. Circa quâ vnanimis cōsensus Theologorum asserit in Christo non fuisse fidem, neque actuaalem, neque habituaalem. De actuali probatur, quia repugnat cum visione beata circa idem obiectum, nam ex ratione sua formali includit quoddam sit cognitio eorum, quæ non apparent; quare licet sit actus positivus, imbibit intrinsecè priuationem apparentiæ, seu claritatis (intellige claritatis obiectiue) vt probat Scotus in 3. d. 31. q. vnicâ, §. Respondet; ergo de obiecto, quod apparet per actuaalem cognitionem claram, non potest esse fides actualis; & sic Apostolus ad Corint. 13. ait, *Cum veneris quod perfectum est, euacuabitur, quod ex parte est.* id est, cum venerit visio clara, euacuabitur fides: sed in Christo fuit visio clara & beata, etiam circa omne cognoscibile ab instanti suæ conceptionis, vt infra probabimus disputatione 15. quæstione 1. ergo non fuit in eo fides actualis.

3. Quoddam autem non fuerit habitualis patet, quia habitus, licet non repugnet cum actu visionis, est tamen otiosus, vbi actus ipsius est de facto impossibilis; sed actus fidei, vt probavi, est de facto impossibilis in Christo; ergo. Notanter autem dixi non posse de facto esse fidem actuaalem circa idem obiectum, circa quod est cognitio clara, quia circa aliud obiectum potest esse: vnde Scotus vbi supra §. ad 1. argumentum, vers. *ad tertium potest dici*, litt. H, loquendo de Beatis, admittit in illis fidem actuaalem circa aliqua credibilia, quæ non pertinent per se, neque concomitanter ad visionem beatam; tamen prædicta fides non admittitur in Christo, quia licet per visionem beatam, vel per scientiam infusam cognouit clarè tam possibilia, quàm omnia, quæ habent existentiam pro quavis temporis differentia, vt infra dicemus disputatione citatâ; sed, sicut de potentia absoluta potuit non cognoscere omnia per prædictas cognitiones claras, ita de potentia Dei potuit habere fidem circa aliqua obiecta clarè non cognita.

4. Dices primò: Licet in Christo non fuerit fides actualis, potuit tamen esse habitualis: Primò, quia hæc non repu-

gnat cum habitu luminis gloriæ, sicut neque repugnat quoddam vna potentia sit ad opposita contrariè & contradictoriè, sicut est voluntas. Secundò, quia potentia nutritiua, generatiua, & aliæ potentiae manent in Beatis, & tamen semper sunt otiosæ; ergo neque repugnat, quoddam habitus fidei sit in illis, licet sit otiosus. Respondetur concedendo, quoddam non repugnet esse in Christo propter primum, sicut neque repugnat esse in reliquis Beatis propter eandem rationem; nego tamen quoddam non repugnet propter secundum, quia illæ potentiae ex eo manent, quia pertinent ad integritatem naturæ, habitus autem fidei non pertinet ad integritatem naturæ, & insuper est otiosus.

Dices secundò: Licet fides per se infusa non fuerit in Christo ad operandum, fuit tamen ad integritatem formæ iustificantis, nam iuxta Concilium Tridentinum sess. 6. de Iustificatione c. 7. in iustificatione, hæc simul infusa accipit homo fidem, spem, & charitatem. Respondetur primò, quoddam fortè propter hoc est probabilis contraria nostra sententia. Secundò respondetur & melius, quoddam ibi Concilium loquitur de prima hominis impij iustificatione, & sic debet per tres prædictos habitus reparari, licet non omnes sint forma iustificans, quia ex eodem Concilio ibidem vnica est causa formalis nostræ iustificationis, & hæc est charitas, vel identificata cum charitate.

Dices tertio: Caput & membra in physicis relatiuè se habent, & habent eandem formam corporeitatis; ergo idem contingit in capite, & membris metaphoricis: sed membra Christi sunt ipsius membra propter fidem, tàmquam propter formam, vt dicemus disputatione sequenti; ergo hæc debuit esse in Christo, tàmquam in capite. Respondetur primò sicut ad præcedentem objectionem, quoddam fortassis propter hoc admitti potest in Christo fides infusa, licet aliàs perpetuò quantum ad operationem fuerit otiosa. Respondetur tamen & melius secundò, quoddam cum hæc locutio sit metaphorica, non debet in omnibus vniuocari, sed sufficere quoddam infuat in membra per modum principij, & quoddam habeat formam excellentiorem fidei, eius notitiam emi-

nentia.

mentaliter continentem, qualis est lumen gloriæ, & visio beata, per quam possit esse etiam caput hominum beatorum, & Angelorum, qui non sunt membra Christi per fidem, sed per lumen & visionem.

7. Sed inquires an saltem fuerit in Christo ex parte voluntatis pia affectio ad credendum? & si fuit, an etiam esset in eo habitus ad connaturaliter elicendam piam affectionem? Et supponimus, quod hæc in nobis saltem aliquo modo supernaturalis est, & procedit ex gratia. ut definitur in Concilio Arausicano secundo. Circa quod Suarez questione 7. S. Thomas in Commentario articulo 3. affirmat, quod licet in Christo non fuerit credulitas, seu actus credendi, fuit tamen in illo non solum pia affectio ad credendum, sed etiam habitus ad talem piam affectionem. de habitu probat, quia hic ponitur ad connaturaliter elicendum actum, & de actu probat etiam ex his, quæ dicit D. Thomas in prædicto articulo Respondendo ad 2. argumentum, scilicet quod in Christo fuerit meritum fidei: sed meritum hoc consistit in actu piæ affectionis, quæ voluntas Christi determinabatur ad credendum diuino testimonio, si proponeret aliqua credibilia; ergo in Christo fuit actus, & habitus piæ affectionis. Sed tam actum piæ affectionis, quam habitum negant Lorca disp. 38. §. de fide, num. 7. Montefinos art. 3. q. 2. Fundamentum Lorca est, quia actus fidei non datur in Christo; ergo neque pia affectio, & consequenter neque habitus, quia iste ministerialis est, & subseruiens habitui fidei. Montefinos probat, quia pia affectio vel est actus efficax, & hic non est de re impossibili de facto, vel inefficax, scilicet conditionatus, quo, v.g. Christus vellet credere, si proponeretur à Deo aliquid credibile, & hic non, quia potest oriri ex virtute obedientiæ. Addit tamen quod sit probabile dari talem actum elicatum ex motu fidei, quod est credendi Deo, si diceret tamen propter hunc actum conditionatum non debere poni specialem habitum.

8. Sed in hac re Dico breuiter primò, quod licet in Christo daretur actualis assensus fidei diuinæ infusæ, non esset simpliciter necessarium quod habuerit

piam affectionem positiuam, sed sufficeret quod habuerit non contramotionem voluntatis, sicut de reliquis hominibus credētibus traditur à Scoto in 3. d. 25. q. 2. §. *ideò dico*; & consequenter dico habitum non esse simpliciter necessarium. Fundamentum prædictæ conclusionis est, quia pia affectio est necessaria, ut actus fidei diuinæ sit liber, sed non per contramotionem voluntatis manet liber, quoad exercitium. & insuper ad actum negatiuum non requiritur habitus; ergo neque simpliciter requiritur pia affectio, neque habitus. Et confirmatur, quia posset intellectus, & voluntas Christi esse determinata ad credendum per fidem acquisitam, diuinam, vel humanam idem obiectum; ergo pia affectio, & habitus naturalis, quæ sufficerent ad hoc, sufficerent similiter ad actum fidei supernaturalis & infusæ.

Dico secundò: Pia affectio fuit in Christo, imò maior, quam in aliquo alio, & hæc ex motu fidei. ita Suarez vbi supra. Et probatur, quia non repugnat proponi Christo hoc obiectum, si Deus mihi reuelaret aliquod mysterium, deberem credere, quia est summè verax; ergo neque repugnat, imò congruentissimum fuit, quod circa tale obiectum sibi propositum eliceret actum, quo vellet credere, si Deus reuelaret. Et confirmatur, quia sicut habuit promptitudinem animi circa bonitatem Dei, ita debuit illam habere circa veracitatem; sed hæc promptitudo est pia affectio ad credendum; ergo habuit piam affectionem elicitam propter Dei veracitatem, & sic propter motum honestatis fidei.

Dico tertio: Si in reliquis hominibus sit assignandus habitus ad connaturaliter elicendum actum piæ affectionis (de quo non est modò locus disputandi, sed erit in materia de fide) etiam debet assignari in Christo, ut actus licet conditionatus sit connaturaliter elicitus ab ipso. Probatur, quia sicut conditio non detrahit ab actu, quod versetur circa motum illius virtutis; ita non debet detrahère, quod elicitiuè procedat ab illa virtute, seu ab habitu, qui versatur circa motum illius virtutis, ut connaturaliter eliciatur, quia non est maior

maior ratio vnius, quàm alterius. Et per hæc fit satis fundamentis Loræ & Montefinos, dicimus enim quòd hic habitus, & actus potest etiam deferuire obiecto fidei conditionato, quod non est impossibile, & licet actus circa actum fidei sit inefficax, non tamen circa actum piz affectionis circa Dei veracitatem, & sic ex motiuo fidei.

QVÆSTIO II.

Utrum spes virtus theologica fuerit in Christo?

1. **A**ctus spei est actus voluntatis, quo desideramus aliquod bonum adipiscendum, cuius adeptio est ardua; ad hoc autem, vt procedat à virtute theologali, debet respicere bonitatem Dei: vnde aliqua in præfenti se offerunt supponenda ex materia de spe; & aliqua disputanda. Primò suppono, quòd actus spei dicitur actus desiderij, quia versatur circa obiectum futurum, hoc est, apprehensum vt futurum; distinguitur tamen à desiderio etiam efficaci, quia respicit arduitatem in consecutione obiecti futuri.

2. Secundò suppono, quòd tam actus spei, quàm desiderij pertinent ad amorem concupiscentiæ, qui distinguitur ab amore amicitiae in eo quòd amor amicitiae respicit bonitatem personæ, cui volo bonum, quæ bonitas personæ dicitur absoluta, quia illam non refero ad aliud; at verò amor concupiscentiæ respicit bonitatem obiecti, quod alicui personæ amatae (per amorem amicitiae) concupisco, & hæc bonitas obiecti dicitur relata, quia illam refero ad personam, cui illam volo, siue hæc persona sit persona amoli, siue sit persona propria. Ita Scotus in 2. d. 6. q. 2. 1. circa primum; & in 4. d. 49. q. 5. 1. ad questionem. Notanter autem dixi, siue persona sit propria, siue amici, quia ex eodem Scoti ibidem, & præcipuè in 3. d. 26. q. vnicâ, 1. ad istam questionem, vers. hoc etiam probatur. Voluntas habet duplicem affectionem, aliam commodi, aliam iustitiæ: quarum prima respicit bonum, vt mihi conueniens, licet in me non sit bonitas, neque sint merita propter quæ illud mihi amem. Secunda respicit necessariò bonitatem personæ,

Castillo de Incarn. Pars I.

vel merita illius cui concupisco aliquod bonum, & quia hæc bonitas seu merita fortassis possunt esse maiora in me, quàm in alio, idè affectu iustitiæ possum concupiscere aliquod bonum, non solum amico, sed etiam mihi.

Ex quo supposito tertio, quòd affectus commodi, & affectus iustitiæ non sunt idem, ac amor concupiscentiæ, & amor amicitiae, quia vterque affectus respicit bonum relatum; & per hoc distinguitur ab amore amicitiae, qui non respicit bonum relatum, sed absolutum, & vterque affectus respicit personas, & per hoc distinguitur ab amore concupiscentiæ, qui non respicit personas, sed bonum concupitum, quæ omnia videbuntur Deo dante in materia de spe.

Quarto supposito, quòd bonitas increata Dei (quæ necessariò debet respici à virtute theologali) diuerso modo attingitur ab amore amicitiae, & ab amore concupiscentiæ, quia ab amicitia respicitur vt obiectum cui, & à concupiscentia vt obiectum quod, nam per amicitiam attenditur Deus, quasi esset vna persona, cui ex amore, & complacentia suæ infinitæ bonitatis volumus, & amamus tam bona intrinseca ipsius, vt sunt eius attributa, quàm extrinseca, vt sunt honores, & gloriæ, &c. quæ creaturæ ipsi exhibent. Per concupiscentiam verò (& consequenter per actum spei, qui est actus amoris concupiscentiæ, vt diximus) attenditur Deus, seu bonitas eius de se bona mihi, vel alteri (neque isti respectus mihi, vel alteri sunt à parte rei aliquod distinctum ab ipsa bonitate Dei, quia ipsa bonitas de se est bona mihi, vel alteri) vnde ex affectu commo- di possumus illam desiderare, & amare nobis, & ex affectu iustitiæ nobis, & aliis.

Quibus suppositis primò queritur an Christus habuerit actum spei veræ & propriæ, qui actus sit theologalis, circa gloriam sui corporis? Et notanter dico, veræ, & propriæ spei, quia quòd habuerit expectationem lato modo, seu desiderium, patet ex illo plal. 17. *Deus meus sperabo in enim.* quod Paulus ad Hebræos 2. interpretatur de Christo. Similiter dixi circa

Hb gloriam

gloriam corporis; quia non potuit habere circa gloriam animæ, nam vt dicemus disputatione 15. quæst. 1. fuit beatus ab instanti fuit conceptionis, & spes non est de his, quæ habentur, nam ex Paulo ad Rom. 8. *Spes quæ videtur non est spes.* Similiter dixi, quod sit theologalis, quia in quantum talis petit speciale obiectum, scilicet increatum.

6. Prima sententia affirmat, in Christo fuisse actum theologalem veræ & propriæ spei circa gloriam sui corporis. ita Suarez 3. p. quæst. 7. art. 4. & disputatione 1. de Spe sect. 8. num. 5. Egidius Coninch disp. 19. de Spe dub. 11. Vasquez 3. p. disp. 43. cap. 3. Pytignus in 3. d. 3. quæst. 2. art. 5. Fundamentum est, quia in gloria corporis Christi reperiuntur omnes conditiones requisitæ ad hoc vt sit obiectum actus spei, nam erat bonum futurum, arduum, seu acquisitu difficile, vel quia erat in potestate alterius (in quo Vasquez 1. p. disp. 84. cap. 1. ponit arduitatem) vel quia erat acquirendum per labores scilicet mortis & crucis; (in quo plures alij) ergo habuit actum spei. Insuper quod sit theologalis, probatur, quia sperabatur à Deo omnipotente, & promittente, tamquam à ratione formali sub qua speratur; ergo eius obiectum formale erat theologale.

7. Neque obstat primò, quod Christo esset debita gloria corporis ratione gloriæ animæ, quia arduitas non stat in contingentia, sed in eo quod consequatur id quod speratur per labores.

8. Neque obstat secundò, quod id quod speratur non sit quid increatum, quia sufficit quod ratio sub qua speratur sit increata. vnde fides humana non est theologalis, etiam si per eam credatur Deus vt trinus, quia ratio formalis sub qua, scilicet testimonium humanum non est quid increatum.

9. Secunda sententia opposita & vera negat in Christo fuisse actum veræ spei theologicæ. ita Caietanus, Medina & Bannez 3. p. quæst. 7. art. 3. Durandus in 3. d. 26. quæst. 3. num. 6. Lorca 2. 2. disput. 7. de Spe num. 15. & disput. 9. num. 7. & 8. & tomò de Incarnatione disp. 38. *f. de Spe*, num. 13. & alij Auctores qui non eodem modo probant il-

lam. Et primò aliqui ex eo probant, quia beatitudo corporis naturaliter & necessariò, seu physicè debebat suo tempore procedere à gloria animæ; ergo non fuit respectu Christi ardua, & consequenter neque obiectum spei: sed hæc ratio, licet vera sit in doctrina Scoti in 3. d. 18. q. vnicà in fine asserentis quod gloria corporis resultat necessariò ex gloria animæ (quidquid in oppositum velit cum aliis Egidius vbi supra num. 144.) tamen non absolutè probat, quia amotio impedimenti, quo impediatur resultantia gloriæ corporis à gloria animæ, pendeat à voluntate Dei, & consequenter cōsecutio prædictæ gloriæ corporis erat ardua.

Secundò probant alij, quia licet spes circa gloriam animæ habeat pro obiecto bonitatem Dei cōsequendam tamquam obiectum videndum per visionem beatam (vnde respectu spei Dei bonitas se habet vt finis *qui*, & visio beata vt finis *quo*) tamen gloria corporis nullo modo attingit ipsum Deum, quia neque tamquam medium, neque alio modo habet connexionem cum visione beata, vt specificari possit ab obiecto ipsius: sed hæc ratio, licet optimè probet, quod in Christo, aut in alio non possit reperiri actus spei circa gloriam corporis, in quantum est amor theologalis, quia vt sic debet habere pro obiecto bonitatem Dei increatam, vt diximus in 4. supposito, & habet Scotus in 3. d. 26. q. vnicà, tamen non probat quod nō possit habere actum spei, licet prædictus actus non sit theologalis. quare hoc restat nobis probandum.

Ratio ergo fundamentalis huius sententiæ est, quia de ratione intrinseca arduitatis (quæ ex parte obiecti spei se tenet, vt conditio essentialis) est contingentia, seu quod obiectum proponatur vt aliquo modo contingens speranti: sed Christo non proponebatur gloria corporis, vt aliquo modo contingens, quia certò sciebat se illam consecuturum; ergo non habuit circa gloriam corporis spem. Maior in qua est tota difficultas probatur Primò ex differentia, quæ apparet inter desiderium efficax, & spem, quia qui desiderat, cum efficaciter moueatur à bonitate obiecti futuri, non habet timorem non consequendi, sed solum desi-

desiderat id quod consecuturus est; at verò qui sperat, habet desiderium admixtum cum timore, an fortè non consequatur, & sic respicit contingentiam.

12. Secundò probatur eadem maior à priori, quia qui desiderat bonum arduum ex eo quod contingens, & qui desiderat bonum arduum, sed non ex eo arduum, quia contingens, habet diuersas condiciones obiectionis; igitur sufficientes ad causandum distinctionem specificam actuum. patet consequentia, quia diuersa conditio causat diuersum modum tendendi in obiectum, aliàs nullum esset argumentum in aliis actibus, quòd distinguantur sponte sumptum ex diuersa conditione: sed non potest negari ab aliquo, quòd qui respicit bonum arduum, quia contingens, habeat actum verè spei; ergo qui contingentiam non respicit, etiam respiciat arduum ex alio capite prouenientem, non habet actum verè spei.

13. Tertiò probatur, quia arduum, quod est molestum, & laboriosum est obiectum audaciæ, seu fortitudinis: sed hæc virtus est distincta à spe. vnde illa erigit animum ad sustinendum labores, hæc ad patienter sustinendum dilationem consequendi id, quod cum timore ne veniat speratur; ergo spes non est circa id, quod est arduum, quia molestum & laboriosum, sed quia contingens & dubium.

14. Quartò, quia eodem modo se habet spes circa bonum, ac timor circa malum, cum sint opposita: sed timor oppositus spei non est de malo futuro necessario, sed contingenti, quia de necessario non habetur timor oppositus spei, sed oppositus fortitudini: vnde Christus timens mortem, asseruit, *Spiritus quidem promptus est, caro autem infirma*; quasi diceret, Spiritus habet fortitudinem, & sic non timet mortem, quia est obiectum necessarium; bene tamen caro, quæ ut humana talem fortitudinem non habet; ergo & spes est de bono contingenti.

15. Per hoc patet ad fundamentum contrariæ sententiæ, quia spes non respicit obiectum ex eo arduum, quia est in potestate alterius, nam quòd cras priatur Sol est in potestate Dei, & tamen non

speratur, & Beati non habent spem de gloria corporis, licet sit in potestate Dei, aliàs in illis esset spes, quod videtur contra Paulum 1. ad Corinthios 13. vbi dicens, quòd *Charitas numquam excidit*, insinuat quòd fides & spes excidant in patria, vt etiam ad aliud propòsitum admittit Vasquez, quare immeritò admittit in Beatis actum spei circa prædicta: Neque respicit spes obiectum arduum, quia per labores, nam vt sic est obiectum solius audaciæ, seu fortitudinis, vt diximus. vnde quândo aliquid laboriosum speratur non est, quia laboriosum, sed quia contingentia solet interuenire in superando labores: sed hæc non fuit reperta in Christo Dominò.

Ad aliud respondetur negàdo, quòd prædictus actus sit theologalis, quia licet verum sit, quòd in quantum talis debet specificari ab obiecto formali increato, & non à materiali, tamen obiectum formale spei non est id à quo speratur, nam hoc solum est conditio obiectionis, vt docet Scotus in 3. d. 26. citatà s: *ad questionem*, quia, non mouet ad sperandum bonum persona à qua speratur, sed mouet id quod speratur, & hoc in amore theologali est bonitas increata Dei, quia vt sic allicit voluntatem ad eam sperandam & desiderandam, licet non desideraretur efficaciter, nisi esset promissa: vnde ex eodem Scoto ibidem charitas & spes habent idem formale obiectum, licet diuerso modo attingatur, ex eo quòd ex parte obiectionis habent diuersas conditiones.

Ex quibus infero, quòd etiam in Christo fuerit desiderium efficax circa gloriam corporis, exaltationem proprii nominis, consummationem Sanctorum (siue Sancti còsiderentur in quantum sunt aliquid Christi, scilicet membra corporis eius mystici, siue vt quid distinctum) non tamen circa hæc habuit spem, quia non respiciebat illa vt obiecta contingentia, sed sicut certò futura. Præterea neque aliis potest sperare beatitudinem, siue animæ, siue corporis, quia licet illa apprehendatur ab ipsis vt contingens, tamen Christus non sic apprehendit, nam certò scit, quorum gloria erit futura. Similiter neque animæ Purgatorij, quæ cognoscunt se esse in Purgatorio, possunt

possunt habere spem circa gloriam, nisi fortassis circa abbreviationem temporis ad consequendum illam. Insuper neque viator cui facta est reuelatio propriæ prædestinationis, benè tamen potest prædictus viator aliis sperare beatitudinem ex affectu iustitiæ. Neque obstat quòd anima Purgatorij expectat beatitudinem magno conatu. Respondetur enim quòd conatus habet rationem desiderij efficacis; sicut Christus desiderio desiderauit manducare pascha cum discipulis, non tamen ratione spei veræ & propriæ.

18. Secundò quæritur, an licet in Christo non reperiaturs actus spei, reperiaturs tamen habitus spei, partem affirmatiuam debent tenere illi, qui non distinguunt habitum spei ab habitu amoris concupiscentiæ, quia licet in Christo non reperiaturs actus spei, reperitur tamen desiderium efficacis, tentio, & gaudium de Deo vt possessio per gloriam essentiæ, qui actus procedunt ab amore concupiscentiæ, vnde procedunt ab habitu spei, licet non sub nomine spei, quia vt sic requirit absentiam & suritionem in obiecto, sed sub nomine amoris concupiscentiæ, ita tenent Salas 1. 2. tract. 2. disp. 7. sect. 6. Suarez & Egidius supracitati, loquentes de actu desiderij, & de actu tentionis, & gaudij Beatorum.

19. Secunda sententia communis etiam inter eos, qui in Christo admittunt actum spei, negant habitum. ita Auctores supracitati in prima sententia, sed diuerso modo probatur aduersis. Primò Valquez cap. 2. num. 10. probat, quia desiderare proprium bonum, & gaudere de bono adepto non est supra naturam, sed nobis valde naturale; ergo ad hoc non est ponendus habitus supernaturalis. Præterea dato quòd hoc esset supernaturale, non est fingendus alius habitus theologalis, quia non attingit obiectum formale virtutum theologalium. Denique licet habuerit actum spei, non debuit habere habitum, quia actus fuit, quasi in transitu; & sic (inquit) ad eliciendum illum sufficiebat auxilium supernaturale.

20. Sed contrà primò, quia si sperare bonum supernaturale petit habitum per se insusum spei, cur non petet desiderare, & tenere? Secundò, quia licet cir-

ca obiectum supernaturale possit esse actus naturalis, tamen quando actus tentionis & gaudij habent rationem dotis sunt supernaturales, sicut matrimonium cuius sunt dotes, scilicet beatitudo; ergo prædicti actus sunt supra naturam nostram. Tertiò, quia non fingitur alius habitus theologalis, si habitus circa desiderium, tentionem, & gaudium est ipsemet habitus spei, licet induat diuersas denominationes. Quarto, quia magis in transitu est spes nostra circa gloriam essentiæ, quàm spes Beatorum circa gloriam corporis, quia minùs durat, & tamen propter nostram ponitur habitus spei; ergo, &c.

Secundò Lorca disp. 7. de Spe, n. 13. & 3. p. disp. 18. licet admittat habitum supernaturalem ad eliciendum prædictos actus, tamen probat non esse habitum spei, sed charitatis, ex eo quòd in patria voluntas absorpta est in Deum, ita vt nihil possit amare, nisi propter ipsum. Sed contrà primò, quia actus amoris concupiscentiæ circa Deum vt bonum nostrum honestus est ex obiecto & circumstantiis, & non est impossibilis cum amore charitatis; ergo licet admittamus hunc, non debemus excludere illum, quia nullam imperfectionem aut indecetiā includit. Contrà secundò, quia ex opposita sententia sequeretur quòd Beati non haberent exercitium aliarum virtutum, quod est absurdum.

Tertiò alij Recentiores ex eo probant, quia actus tentionis & gaudij spectat ad amicitiam moralem, quam quis habet circa seipsum, quia sicut hæc datur circa amicos, ita circa nos. Sed contrà primò, quia amor amicitie moralis respicit quòd sit inter duas personas, & quòd sit mutus, vt Deo dante late dicemus in materia de Charitate disp. 2. quæstione 1. vbi fit distinctio amicitie, beneuolentiæ, amicitie, & charitatis. Secundò, quia hic amor non est theologalis, nisi forte inter personas diuinas, modò autem agimus de desiderio, tentione, & gaudio comprehensoris erga Deum.

Sed in hac re dicendum vobis est, quòd si ponamus in Beatis, & in quocumque alio habitus propter rationes genericas, & non propter rationes specificas diuersorum actuum; fuisse in Christo

Christo habitum spei, quia habuit actus supernaturales desiderij, intentionis, & gaudij circa gloriam animæ, qui habitus est theologalis, in quantum elicit intentionem & gaudium, non verò in quantum elicit desiderium circa gloriam corporis; quia illi actus habent obiectum theologicum, non verò isti, & omnes habent pro obiecto rationem genericam, nam conveniunt in ratione amoris concupiscentiæ, quæ respicit obiectum ut bonum referibile (intellige per affectum commodi referibile ad nos, per affectum verò iustitiæ ad nos, & ad alios) & consequenter ab illa ratione specificatur unus habitus inclinandus ad unum actum in genere, & ad plures in specie.

Si autem ponamus diversos habitus propter diversas rationes specificas, tunc dicendum est quod in Christo non fuit habitus spei, quia neque habuit actum spei, quia ut ex supradictis patet, distinguitur in specie ab actu desiderij efficacis, & multo magis ab actu intentionis & gaudij; & utramque partem huius sententiæ censeo probabilem in doctrina Scoti, quia primam partem tenet expressè in 3. d. 31. q. vnicâ, §. sed adhuc restat, litt. D. & in 4. d. 49. q. 5. litt. C; ubi ait, quod ab eodem habitu charitatis eliciuntur diversi actus in specie, in via, & in patria propter diversum modum tendendi ortum ex diversa conditione, scilicet ex fide, & ex visione. Et fundamentum est, quia tunc habitus habet se ut potentia; unde sicut hæc elicit diversos actus in specie, ita habitus. Secundam verò partem tenet eisdem in locis in 3. §. viso de fide, litt. F. Et fundamentum est, quia sicut diversus actus in genere petit diversos habitus, ut connaturaliter eliciatur, ita diversus actus in specie, sicut diversæ potentia in specie propter diversos actus in specie.

45. Dices: Ex hac secunda parte sequitur, quod multiplicentur habitus theologales, quia multi sunt actus in specie diversi circa Deum, quod videtur falsum, quia tres tantum numerantur, scilicet fides, spes, charitas. Respondetur quod ex eo solum numerantur tres, quia solum numerantur magis perfecti ad quos ceteri reducuntur, vel quia solum numerantur sicut virtutes cardi-

nales, quæ cum sint plures, non numerantur nisi quatuor, quia ad illas plures alia, licet in specie distinctæ reducuntur. Et ex dictis patet ad fundamenta contrariorum sententiarum.

Restabat agere an in Christo fuerit 26: charitas, sed hoc non disputatur; sed supponitur tamquam de fide ex illo ad Ephes. 5. *Ut possitis comprehendere, & scire supereminentem scientiam charitatem Christi*, quod ad minus debet intelligi de charitate actuali; sed de habituali colligitur ex his; quæ disputatione antecedenti diximus, scilicet quod habuerit Christos gratiam habitalem, quia charitas, vel non distinguitur realiter ab illa, ut docent Scotistæ; vel si distinguitur, ut docent Thomistæ, est tamen inseparabilis ab illa.

QVÆSTIO III:

Utrum in Christo Domino fuerint virtutes morales?

Virtutes idè dicuntur morales, 1. quia versantur circa componendos mores; quatuor autem sunt principales, seu cardinales; prima est Temperantia, quæ versatur circa passionès concupiscentes. 2. Fortitudo circa passionès irascibiles. 3. Iustitia, quæ respicit operationes in ordine ad alterum. 4. Prudentia, quæ versatur circa materias omnium virtutum, quia primò dirigit omnes operationes illarum dirigendo mediocritatem in materiis, & in reliquis aliis requisitis; quapropter licet pertineat ad intellectum, nihilominus dicitur, & est virtus moralis, quia versatur circa componendos mores.

2. In hac re Dico primò: In Christo fuerunt aliquæ virtutes morales. est conclusio de fide, si loquamur de actibus, quia Matthæi 11. dicitur, *Minus sum, & humilis corde*; & ad Philipp. 2. *Factus obediens usque ad mortem*; Sec. quod ad minus debet intelligi de actibus; sed de habitibus harum virtutum non est ita certa conclusio, sed non debet negari.

3. Dico secundò: In Christo fuerunt omnes virtutes morales, quæ non repugnabant, aut cum statu beatifico; aut cum unione hypostatice. Est communis sententia Theologorum in 3. d. 26. Et probatur, quia virtus est dispositio per-

fecta

scilicet ad optimum, id est, perficit potentiam in ordine ad optimum, id est, actum eliciendum; ergo debuit esse in Christo, sicut est in ceteris Beatis, dummodo non habeat repugnantiam.

4. Neque obstat, si dicas cum Medina 3. p. q. 7. art. 2. quoddam quamvis Christus non habuisset habitus virtutum, potuisset elicere actus ita perfectos, & ita intensos, sicut cum illis. Respondetur distinguendo de perfectione actuum, alia enim est essentialis, & ut sic concedo quoddam posset elicere ita perfectos, id est, eiusdem speciei cum illis, qui procedunt ab habitibus, imò & ita intensos: alia verò est perfectio connaturalis, quam habent actus in eo quoddam eliciantur ab habitibus, & si acquisiti sunt non solum hoc, sed etiam quoddam faciliter eliciantur, & ut sic nego quoddam ita perfectos elicere sine habitibus virtutum, ac cum illis.

5. Sed antequam examinemus aliqua dubia, quæ se offerunt in hac Questione, Nota dissidium quod versatur inter Auctores circa qualitatem harum virtutum; nam D. Thomas 1. 2. quest. 63. art. 1. & 2. & cum eo Thomistæ omnes asserunt dari virtutes morales per se infusas propter fines supernaturales, quæ solum deferuntur ad connaturaliter operandum. Scotus verò in 3. d. 36. q. vnicā, *1. contra hoc*, vers. *licet de istis*, videtur solum admittere virtutes morales per se acquisitas ut respiciunt propria obiecta; nam ut respiciunt illa, non accipiunt supernaturalitatem ab illis, supernaturaliter tamen ordinari in finem supernaturalem ex imperio charitatis ab homine viatore, eadem autem esse in Beatis per accidens infusas, quamvis ibidem vers. *vel secundo videtur*, etiam probabiliter admittere virtutes morales per se infusas, ut patebit si attentè legatur: Imò hoc confirmatur ex distinct. 34. antecedenti, *1. ad istam questionem*, ubi non distinguit dona Spiritus sancti, quæ non sunt per se acquisita, sed per se infusa ab aliquibus virtutibus moralibus. Unde Scotistæ, qui ex Scoto negant dari virtutes morales per se infusas, non bene capiunt Scotum in præsentia, ubi tantum vult quoddam prædictæ virtutes non petunt per se infusionem ex obiecto, sicut Thomistæ hoc volunt de virtutibus theologicis:

insuper quoddam neque illam petant, ex eo quoddam potentia debeant operari super-naturaliter, quia hoc possunt habere extrinsecè ex imperio charitatis, quare si supernaturales & per se infusæ possunt esse, hoc illis advenit ex alio capite, scilicet, vel ex aliquo prædicato essentiali, vel ex aliqua differentia individuali, ut in sententia Scoti dicemus de virtutibus theologicis, siquidem ipse admittit fidem divinam acquisitam: sed de hoc agitur in materia de virtutibus, & modò non est locus disputandi.

Quidquid tamen sit de hoc certum est debere esse in Christo virtutes perfectiori modo possibili, & non solum in gradu remisso & communi, sed in gradu heroico & summo secundum ea quæ disputatione antecedenti diximus ex Scoto. Unde si virtutes morales sunt per se acquisitæ, debuerunt per accidens infundi Christo Domino in primo instanti conceptionis, sicut infusæ fuerunt Adamo, ne aliquando Christus careret aliquâ perfectione possibili ad operandum; quare meritò asserunt Recentiores numquam in Christo fuisse continentiam, sed semper habuisse temperantiam, quia illa versatur circa passionem & motus inordinatos insurgentes, quæ numquam fuerunt in Christo (unde Aristoteles 7. Ethicor. cap. 9. dixit, quoddam continentia non est virtus) hæc verò circa conservationem motuum ordinatorum. totum hoc insuper patet ex eo quoddam Christus habuit fontem peccati extrinsecè extinctum ratione virtutum & donorum: sed hoc habuit à principio suæ conceptionis; ergo non fuit in eo continentia, sed temperantia.

Sed primum dubium est, si cum Thomistis admittamus virtutes morales per se infusas, an simul cum illis essent in anima Christi alia per se acquisita, quibus operaretur ex motivo & dictamine rationis naturalis? Negant Capreol. in 3. d. 33. q. 1. art. 1. concl. 4. Ricard. q. 6. Lorca *1. de virtutibus acquisitis*, num. 20. Fundamentum est primum, quia S. Thomas q. 1. art. 4. negat illas in Beatis; ergo neque sunt in anima Christi. Secundò, quia licet dictamen rationis naturalis non repugnet Christo, tamen multò perfectius est operari ex motivo supernaturali virtutis infusæ,

fusæ. Tertiò, quia virtus moralis acquisita solum requiritur vbi est contrarietas, & repugnantia ex parte appetitus: sed hæc non fuit in Christo; ergo. Quartò, quia omnia operantur Beati ex motiuo charitatis; ergo non operantur ex dictamine rationis naturalis.

8. Sed melius affirmant Suarez disp. 19. sect. 2. Vasquez disp. 42. cap. 2. Montefinos disp. 2. de Gratia, quæstione 1. Lorca etiam vbi suprà hoc admittit tamquam probabile. Et probant primò, quia D. Thomas 3. p. quæst. 7. art. 2. ad 3. admittit, quod Christus ex electione voluerit mediocritatem in victu & potu ex dictamine rationis. Secundò probant, quia per hoc dictamen indicabat Christus, quod esset conueniens in omnibus virtutibus; ergo operabatur ex virtute acquisita: vnde operabatur ex prudentia acquisita. Tertiò, quia virtutes acquisitæ numerantur inter maxima bona ab Aristotele; ergo illas habuit Christus: vnde Scotus vbi suprà admittit illas infundi hominibus in beatitudine, si iam non infusæ sunt. quæ probationes pro nunc sufficiant nobis, quia quæstio illa, an virtutes morales sint per se acquisitæ ex eo quod sequantur dictamen rationis naturalis, an ex eo solum quod procedant & acquirantur per actus naturales (quod videtur conformius his, quæ à nobis sunt dicenda cum Scoto circa scientiam per se infusam, & per se acquisitam) non est huius loci.

9. Ad primum respondet Suarez, quod D. Thomas in secundo loco retractauit primum; sed quidquid sit de hoc, dicendum nobis est quod sit dispar ratio de Christo, & de Beatis propter excellentiam capitis, quam habebat; & sic si possibiles sunt, admittendæ sunt in Christo Domino. Deinde respondeo ad secundum argumentum, quod quantum perfectius sit ex motiuo supernaturali operari, tamen non est imperfectio positua operari ex motiuo naturali, sicut & operari actum inferioris virtutis, & non superioris, aliàs nunquam exercuisset actus fortitudinis & temperantiæ, quia sunt inferiores charitate. Adde quod & prædictos actus semper operabatur ex extrinseco imperio charitatis. vnde quartum argumentum nil concludit contra nos, quia

imperium extrinsecum procedens à charitate non tollit, quod actus fortitudinis v. g. procedat à virtute fortitudinis. Ad tertium respondetur, quod sufficit contrarietas, & repugnantia possibilibus, vt in Adamo, ad hoc vt ponantur prædictæ virtutes. Aliter respondent Thomistæ, quia non admittunt in Christo de potentia Dei peccatum, aut motum inordinatum.

Secundum dubium est, an virtus prudentiæ per se acquisitæ fuerit infusa in Christo Domino cum reliquis virtutibus in primo conceptionis instanti? Negat Vasquez, quia prudentia præsupponit scientiam naturalem speculabilem: sed hæc acquisita fuit à Christo decursu temporis; ergo & prudentia.

Sed melius affirmant reliqui Recentiores. Fundamentum est, quia omnes virtutes morales habent necessariam connexionem cum prudentia; ergo in instanti non potuit illas habere, nisi tunc haberet prudentiam. Et confirmatur, quia in quolibet actu virtutis moralis requiritur actus prudentiæ directius, qui dicitur mediocritatem circa quam est virtus; ergo ad hoc vt quilibet actus prudentiæ eliciatur cōaturaliter præsupponit habitum, aliàs careret suâ perfectione sibi debitâ. vnde Dionys. Alexandrinus epistolâ ad Paulum Samosatenum ait, *Quod in Christo neque fuit labor propter prudentiam, neque abstinentia cibi propter temperantiam.* id est, neutra virtus istarum fuit acquisita ex frequentatione actuum.

Ad fundamentum oppositum respondetur, quod actus prudentiæ solum præsupponit actum scientiæ, quare licet quantum ad habitum acquisita fuisset à Christo decursu temporis, quia dependebat à phantasmatibus (quod negabo inferius) tamen prudentiæ habitus non ita, quia potuit per accidens infundi in primo instanti; sed vsus tam prudentiæ, quam reliquarum virtutum fuit decursu temporis subsequens, neque enim potuit Christus habere omnes actus illarum in primo conceptionis instanti absque miraculo, quod sine necessitate non debet admitti. Et si inquiras an ex tali frequentia & exercitio prædictæ virtutes infusæ susceperint augmentum? Respondet Suarez

& bene quòd non, quia datæ sunt absolute perfectæ, sicut decebat Christum. Addit etiam & summæ negatiuè, sicut diximus de gratia.

13. Tertium dubium est, an in Christo fuerit virtus liberalitatis & magnificentiæ, & videtur quòd non, quia versatur circa diuitias, tiquam circa propriam materiam, quas non habuit Christus. Sed omnes Recentiores illam admittunt in Christo cum S. Thoma art. 2. quæst. citatâ. Fundamentum est, quia liberalitas, & magnificentia non debet negari Christo quantum ad actus interiores. Secundò, quantum ad aliquos exteriores, scilicet quantum ad abdicationem domini diuitiarum sibi debiti ratione alicuius tituli (non est necesse, quòd habuerit omnes actus, sicut neque virtus iustitiæ habuit in eo actum restitutionis) Præterea fuit liberalis in his, quæ sibi dabantur. Præterea in saturatione quinque millium hominum in deserto, quia non solum pecuniæ, sed quælibet materia grandis sufficit ad hanc virtutem, & per hoc patet ad rationem in contrarium.

14. Quantum dubium est, an in Christo fuerit virtus poenitentiæ? Negant communiter Thomistæ tam de actu, quam de habitu. Quorum fundamentum est, quia poenitentia inclinat ad detestandum peccatum cum retractatione vitæ præteritæ, & proposito emendæ: sed in Christo nec fuit, nec potuit esse peccatum; ergo neque poenitentia. Suarez verò disputatione 19. sect. 1. cum Caietano affirmat fuisse in Christo talem virtutem, sed non secundum rationem formalem, sed secundum rationem materialem. Fundamentum ipsius est, quia non assignat specialem virtutem poenitentiæ distinctam à virtute religionis, sed asserit quòd sit eadem virtus, & idem habitus, quo reddimus Deo debitum pro beneficiis acceptis, & pro peccatis commissis; cum ergo in Christo fuerit virtus religionis, erit poenitentia, licet non secundum rationem formalem, quæ respicit reddere debitum pro peccatis commissis. Idem tenentur asserere, qui dicunt poenitentiam esse actum iustitiæ, vel charitatis.

15. Sed melius Scotistæ communiter assignant in Christo virtutem poeni-

tentiæ secundum rationem formalem ipsius. Fundamentum est, quia Scotus in 4. d. 14. q. 2. in solutione tertij argumenti admittit illam in statu innocentiae, & in Beatis, quia eius præcipuus actus est velle vindicare peccatum contra Deum commissum propter recompensandam Dei iniuriam: quòd autem hoc peccatum sit commissum à se, vel ab alio non pertinet ad rationem formalem poenitentiæ, sed ad materialem, & est quid accidentale, imò cum actus poenitentiæ sit actus iustitiæ, quæ ex natura sua est ad alterum, quando reus illam exercet in seipsum taliter exercet, quasi exerceret in alterum, quia se habet vt minister indicis, qui castigat reos; ergo potuit Christus velle vindicare peccatum cõtra Deum commissum propter recompensandam Dei iniuriam, licet non esset commissum à se.

Et per hoc patet ad fundamentum oppositæ sententiæ, quia non requiritur detestatio proprii peccati, & retractatio propriæ vitæ, sed sufficit quòd sit alterius, quod Christus potuit exercere, imò & de facto exercuit, quando pro nobis satisfecit; at verò quando quis poenitet efficaciter de peccato à se commissio, tunc debet habere propositum emendæ, quia hoc sequitur ad veram poenitentiam de proprio peccato, aliàs talis poenitens non verè & efficaciter doleret. Ad Suarez responderetur debere admitti specialem virtutem poenitentiæ propter speciale motiuium quod habet, nam virtus religionis exhibet cultum Deo in recognitionem supremæ eius excellentiæ, & in diuini domini manifestationem, & obsequium; at verò poenitentia vindicat peccatum propter recompensandam Dei iniuriam, & reducendum ad equalitatem inæqualitatem, quam peccatum constituerat. ita docent Scotus dictâ questione 2. *i. in ista questione, vers. hoc supposito.* D. Thomas in 4. d. 14. q. 1. art. 1. & 3. p. q. 85. art. 2. vbi docent hoc esse speciale motiuium poenitentiæ, cum quibus plures alij tradunt Auctores. de quo in propria materia.

QVÆSTIO IV.

Verum in Christo fuerint omnia dona Spiritus sancti?

1. **S**upposito primò quòd donum in præfenti non fumitur pro quolibet beneficio Dei gratis concessio, sed specialiter pro virtute aliqua, quâ quis operatur ex motione, ductu, & instinctu Spiritus sancti, secundum illud ad Roman. 8. *Qui spiritus Dei agunt*, &c. unde septem numerantur ab Isaia cap. 11. quorum tria, scilicet intellectus, scientia, consilium, pertinent ad intellectum; tria ad voluntatem, scilicet fortitudo, pietas, & timor; aliud scilicet sapientia secundum mentem D. Thomæ pertinet ad intellectum, quia fumitur pro sapere; secundum Scotum vers. *infra* pertinet ad voluntatem, quia fumitur à sapore, quo nobis sapit Deus, & quem desumit fides à prædicto dono sapientiae.

2. Suppono secundò quòd licet inter Scholasticos sit disputatio, an hæc dona sint virtutes, seu habitus distincti ab habitibus virtutum. Circa quod D. Thomas, & plures Thomistæ, quos citat, & sequitur Suarez 1. tom. de Gratia lib. 2. à cap. 17. vsque ad 21. affirmant quòd sint habitus realiter distincti. è contrà verò Srotus in 3. d. 34. q. vnicâ, *f. ad istam quæst.* Gabriel art. 2. Mayor q. 1. & plures alij id negant: tamen omnes unanimiter fatentur, quòd prædicta dona, si non sunt ipsæ virtutes, dantur in adiutorium prædictarum virtutum, nam in adiutorium fidei datur intellectus, cuius est capere & penetrare eius diuina mysteria; & datur scientia, cuius est capere ea mysteria, quæ pertinent ad res creatas; vel aliter & verius intellectus est notitia primorum articulorum, & scientia articulorum qui deducuntur ex illis, sicut in scibilibus naturalibus, intellectus dicitur esse principium, & scientia conclusionis. ita Scotus litt. O. Sapientia datur in adiutorium fidei secundum D. Thomam, quia penetrat eius mysteria propter rationes diuinas, v.g. quòd Deus permittat peccata propter ostensionem suæ iustitiæ, sicut dixerat de scientia, quòd penetret mysteria fidei propter rationes creatas,

Castillo de Incarn. Pars I.

v.g. quòd permittat peccatū vt saluetur libertas, &c. Secundum Scot. verò sapientia datur in adiutorium charitatis, vel spei, quia per sapientiam, hoc est, per saporem Spiritus sancti nobis sapit Deus, vel vt est bonus in se, vel vt est bonus nobis. Consilium correspondet prudentiæ, pietas misericordiæ erga proximū; vel quod verius est, correspondet religioni, quia piè afficit voluntatem circa eum quem colit. Fortitudo datur ad superandum labores propter Deum contingentes. Timor correspondet aut charitati, aut humilitati, iuxta ea quæ statim dicam.

Sed circa propositam quæst. scilicet an in Christo fuerint hæc dona? sunt aliquæ rationes dubitandi. Prima est, quia Christus non indigebat motione Spiritus sancti, qui propter hypostaticâ tenebatur perfectè operari; ergo nō habuit eius dona. Secundò non potuit habere intellectum & scientiam, quia vel sunt ipsa fides, vel dantur in eius adiutorium, & Christus non habuit fidem. Tertiò arguit Durandus in 3. d. 34. q. 3. quia in Beatis nō possunt dari consilium, pietas, fortitudo, & timor; ergo neque in Christo, qui in primo cōceptionis instanti fuit beatus. Antecedens probatur, nam consilium fit cum dubitatione, pietas subleuat miseriam aliorū, fortitudo datur ad aggredienda pericula, timor ad fugienda mala: sed in beatitudine nulla est dubitatio, nulla miseria, nulla pericula, nulla mala; ergo neque sunt prædicta dona, præcipue quoad actus illorum est:

Sed absque errore negari nequit in Christo fuisse septem prædicta dona Spiritus sancti. ita omnes Scholastici in 3. d. 34. Et probant primò ex suprâ adducto Isaia testimonio, *Requiescet super eum spiritus Domini, spiritus sapientia, & intellectus*, &c. quod debere intelligi de Christo docent plurimi Ecclesiæ Patres, qui videri possunt apud Suarez & Vasquez in præfenti, & deducitur ex textu, quia postquam Isaia dixit, *Egredietur virga de radice Jesse, & flos de radice eius ascendet*; immediatè subdit, *Et requiescet super eum spiritus Domini*, &c. nomine autem floris absque dubio Christus intelligitur. Secundò probatur ratione D. Thomæ 3. parte, quæst. 7. art. 5. quia Christus perfectissimo modo mouebatur à Spiritu sancto,

& sequebatur ductum eius, iuxta illud Matthæi 4. *Ductus est Iesus à spiritu in desertum*, &c. & Lucæ 4. *Agebatur à spiritu*; ergo operabatur ex donis illius. Tertiò, quia prædicta dona sunt quædam perfectiones nullam includentes repugnantiam, aut cum vnione hypostatica, aut cum statu beatifico; ergo non sunt Christo deneganda.

5. Ad rationes dubitandi Respondeo ad 1. quòd sicut Christum indiguit virtutibus ad eliciendum perfectè actus illarum, ita indiguit donis ad perfectè sequendum ductum Spiritus sancti, quia vnio hypostatica non tribuit formaliter effectus virtutum & donorum. Et si dicis quòd de ratione doni Spiritus sancti est nescire à quo proueniat, iuxta illud Ioan. 3. *Spiritus ubi vult spirat, & vocem eius audis, sed nescis unde veniat*, &c. Christus autem cognouit se moueri à Spiritu sancto; ergo. Respondetur hoc non esse de ratione doni, sed in nobis prouenire ex defectu subiecti, non in Christo, qui non habuit hanc imperfectionem. vnde hæc verba dicta fuerunt nobis in Nicodemo. Ad 2. respondetur cum communi sententia, quòd in nobis in quibus est habitus fidei non distinguitur ab illa, vel dantur in adiutorium illius intellectus, & scientia, tamen in Christo in quo non est fides, sed scientia infusa, prædicta dona non distinguuntur à tali scientia, vel si distinguantur, dantur in adiutorium illius, eo modo, quo inferius dicitur.

6. Ad 3. Durandi, & ad 1. de consilio dico, quòd eodem argumento probaret in Christo non fuisse prudentiam, nam hæc est cum consilio, quod in nobis inuoluit dubitationem, consultationem, & inquisitionem, quæ sunt imperfectiones, quia tamen de ratione essentiali consilij non est dubitatio, consultatio, & inquisitio, licet in nobis viatoribus reperiantur propter dependentiam discursus à phantasmatibus, sed solum est de ratione illius quòd sit iudicium directiuum circa res faciendas, idèò in Beatis, & in Christo debet admitti. Ad 2. de pietate dico, quòd pietas piè afficit habentem erga eum, quem colit, vt ipsum magis colat. ita D. Thomas 2. 2. quæst. 121. & sic non repugnat Christo, sicut neque repugnat habitus religionis ad quem spe-

ctat. Præterea licet in Beatis non reperiatur miseria, reperitur tamen in viatoribus, quibus Beati possunt subuenire. vnde Christus Actorum 10. *pertransiit beneficiando, & sanando omnes*, quare licet pietas pertineret ad misericordiam, reperiretur in Christo. Ad 3. de fortitudine respondetur quòd Christus aggressus est magna pericula in vita, in passione, præcipue & in morte, post resurrectionem tamen habet complacentiam de tali aggressu, imò est in animi præparatione ad iterum aggrediendum, si fuisset necessarium. vnde hæc firmitas, & animi perseverantia ad eandem virtutem spectat. idem dicimus de Beatis.

Magis difficile est illud 4. quod adducit Durandus de timore, an scilicet sit in Beatis? & quomodo fuerit in Christo. Pro quo Nota quòd timor sumitur quadrupliciter: Primò pro timore mundano, quo quis peccat ex metu alicuius mali temporalis, qualiter Petrus negauit Christum, & hic timor non fuit in Christo. Secundò pro passione appetitus, quo quis timet mortem, qualiter illam Christus timuit, licet in Christo talis timor fuerit imperatus à ratione, in nobis autem illam præuenit, & committit conturbat. Tertiò pro timore seruili, qui iterum subdividitur in timorem seruilem seruiliter habitum, & in non seruiliter habitum. per primum quis desinit peccare propter poenam, taliter quòd si poena non esset, in præparatione animi haberet peccare, & non dolere peccauisse, & hic timor est malus. per secundum desinit quis peccare propter poenam, & dolet de peccato propter illam, non tamen habet præfatam animi præparationem, & hic timor est bonus: sed non fuit in Christo, quia non imminet illi periculum peccandi. Quartò sumitur pro timore filiali, quo quis vel timet separari à Deo propter peccatum, vel Deum permittere sibi peccare, vel reueretur ipsam Dei maiestatem, & hic est donum Spiritus sancti, & procedit de ipso quæsitio, an fuerit in Christo.

Albailardus relatus à D. Bernardo 8. epist. 190. à Castro verbo *Christus* hæresi 9. Sanderò 7. de Visibili monarch. cap. 146. negauit in Christo fuisse hunc timorem. Sed refutatur ex prædictis verbis

verbis Isaïæ 11. *Replevit eum spiritus timorâ Domini.* vnde damnatus fuit iste error ab Innocentio Primo, vt constat ex rescripto ipsius ad Bernardum, & habetur inter eius Epistolas, epist. 194. & à Concilio Remensi cui interfuit Bernard. quare Durandus licet non admittat in Christo actum huius timoris, admittit tamen habitum. Sed contrâ primò, quia Albailardus non negauit habitum timoris, sed actum. Secundò, ad quid esset habitus, si non erat futurus, imò neque possibilibus actus? Tertiò, quia timor simpliciter dicitur actus; ergo si non fuit actus, neque timor. vnde parum vel nil differre videtur Durandus à prædicto errore.

9. Propter hæc alij dixerunt, quòd in Christo fuit actus timoris (idem dico de Beatis) tamen talis actus non erat dicendus proprius, sed metaphoricus. quod probant primò ex Greg. 7. Moral. cap. 17. vbi explicat illud Iob, *Columna cali contremiscunt, & pauent.* intelligendo per columnas Angelos, & per timorem & pauorem stuporem admirationis. Secundò, ex Augustino lib. 14. de Ciuitate Dei, cap. 9. vbi explicans illud psal. 18. *Timor Domini sanctus permanet,* &c. intelligit permanere timorem, non quantum ad actum, sed quantum ad præmium, sicut permanet (inquit) patientia pauperum, iuxta illud psal. 9. *Patientia pauperum non peribit in finem.* Sed contrâ, quia verba facræ Scripturæ non sunt metaphoricè accipiendi, quando nullum est incoeuiens accipere cum proprietate. Sed de Christo ait Isaïas, quòd *repleuit eum spiritus timorâ Domini;* & de Beatis asserit Psalm. quòd *timor Domini sanctus permanet,* &c. ergo si nullum sit incoeuiens, debent intelligi de timore in proprio sensu.

10. Sed reiciunt repugnantiam oriri ex eo quòd Christus certus erat quòd non erat peccaturus; ergo non potuit habere timorem filialem. patet consequentia, quia hic solum respicit malum imminens. Et confirmatur, quia hic timor non est sine quadam animi anxietate, quæ non habet locum in Beatis, neque in Christo, præcipuè post resurrectionem. Quapropter Ricardus in 3. d. 34. art. 2. quæst. 4. in

Castillo de Incarn. Pars I.

quit, quòd in tantum in Beatis manet timor, in quantum in illis manet gaudium de hoc, quod est timuisse dum erant in via; elicatum ab habitu timoris. Sed contrâ, quia gaudium non est timor: idèd Castro vbi suprà ait, quòd Christus habuit timorem in carne passibili, non tamen post resurrectionem. Sed contrâ primò, quia Christus semper fuit certus quòd non erat peccaturus; ergo idem fuit antea, ac post resurrectionem. Secundò, quia si in Beatis, timor Domini sanctus permanet in æternum; ergo in Christo.

Sed pro vera intelligentia Nota ex D. Thoma art. 6. quòd timor iste duo respicit, primò maiestatem, & potestatem Dei, qui potest permittere malum culpæ, & infligere malum poenæ. Secundò, respicit ipsum malum, non aliter, ac reus. primò timet potestatem Principis, aut Iudicis, qui potest punire; & secundò ipsam poenam.

Quo supposito fit prima conclusio: In Christo Domino fuit actus timoris, prout respicit maiestatem Dei, & in sententia Scoti saltem de potentia Dei absoluta, potentem permittere malum culpæ, & infligere malum poenæ, quâ ratione hic timor dicitur Reuerentialis, præcipuè in sententia Scoti. ita communiter Scotticæ Scholastici (forte non ita clarè) cum Magistro in 3. d. 34. D. Bonauent. art. 2. quæst. 3. Gabriel quæst. vnicâ, art. 3. dub. 2. & aliis Auctoribus apud Suarez disp. 20. sect. 2. Vasquez disp. 44. cap. 2. Loricam disp. 39. qui cum Thomistis non admittunt in secunda conclusionis parte sententiam Scoti. Et probatur, quia certum est, quòd dum anima Christi considerabat supremam Dei maiestatem, habebat actum reuerentiæ circa illam, & quòd possêt sibi permittere peccatum, de potentia Dei considerabat humanitas Christi, iuxta ea quæ cum Scoto dicemus, dum loquamur de impeccabilitate Christi; ergo & habuit actum timoris reuerentialis circa Deum potentem sibi permittere peccatum de sua absoluta potentia. Et confirmatur, quia potentia Iudicis est obiectum timoris reuerentialis; ergo & potentia Dei respectu Christi. Et idem dico de Beatis. Vnde Gregorius vbi suprà de Angelis ait, quòd stupent,

Ii 2 &c

& admirantur in conspectu illius. Et D. Thomas in art. 6. citato explicat illud ad Hebræos 5. ubi dicitur de Christo, quod cum oraret in cruce, *Exauditus est pro sua reuerentia*. quod loquatur de isto timore reuerentiali.

13. Maior est difficultas, an Christus habuerit hunc timorem, prout secundò respicit malum culpæ & pœnæ? Affirmat Caietanus supra prædictum articulum D. Thomæ, imò addit quod primus actus istorum sine secundo non sit propriè timor, in quo consentit Valenciana quæstione 7. puncto 4. subdit tamen Caietanus, quod aliter sit iste actus in viatoribus iustis, & aliter in Christo, & in Beatis, quia in istis est cum anxietate, in illis verò sine illa, quia certò cognoscunt se non peccaturos; & addit Victoria apud Medinam articulo citato, quod Beati licet habeant scientiam certam se non peccaturos durante in ipsis beatitudine, & Christus durante sibi vnione hypostatica, tamen timent peccatum, quia si sibi relinquerentur, possent peccare.

14. Sit secunda conclusio: In Christo non fuit hic timor, prout respicit malum culpæ & pœnæ. Et idem dico de Beatis. ita communiter Recentiores Lorca ubi supra num. 7. Montesinos disp. 2. quæst. 4. Et probatur, quia ad hunc timorem non sufficit quod malum sit possibile de potentia Dei, sed de facto, unde quod sit imminens: unde nullus timet cælum ruere, vel quod cras non oriatur Sol; ergo cum Christus, & Beati sic non respiciant malum culpæ & pœnæ, non erit in eis hic timor. quare dicitur de Beato Prouerb. 1. *Abundantiâ perfructur, malorum timore sublato*; & Apocalypf. 21. *Mors ultra non eris, neque dolor, neque clamor*, &c. id est, nullum malum erit, quod timeri possit. Et confirmatur, quia actus timoris, circa malum cōtingenter imminens, vel apprehensum vt futurum, non est sine anxietate: sed hæc repugnat Beatis; ergo in hoc sensu intelligendus est Augustinus supra citatus, quando asserit quod in Beatis manet timor, & perseuerat patientia in æternum, scilicet quantum ad præmium, quia loquitur de hoc secundo timore respiciente malum.

15. Dices: In Christo, & in Beatis est fu-

ga circa malum culpæ; ergo est iste secundus actus timoris. Respondetur negando consequentiam, quia non quæcumque fuga peccati est timor, siquidem in Deo etiam est fuga, seu odium peccati, & non est timor, quia vterius requiritur quod sit fuga mali contingenter vt futuri & imminens, habet igitur pro obiecto prædictus timor reuerentialis potentiam & eminentiam Dei, à cuius scrutatione mirabilium iustus se retrahit tamquam si esset à quodam malo. unde hic timor est actus prosecutionis, in quantum per illum iustus se summittit Deo. Ex quo sequitur quod sit similiter in sententia Scoti actus fugæ, in quantum retrahitur à malo possibili, scilicet peccato possibili, & flagello possibili ex Dei permissione & potentia, per primum est actus virtutis humilitatis, per secundum charitatis, quia respicit illum quasi malum propter peccatum & flagellum, quæ connotantur. Legatur Scotus dicta distincta. 44. litt. O.

- Sit tertia conclusio: Ille prior actus respiciens maiestatem Dei, & potentiam permittendi peccatum, & flagellandi absque isto secundo respiciente malum culpæ & pœnæ contingenter imminens de facto est verus actus timoris reuerentialis, licet inadæquatus. ita tenent supra citati Auctores contra Caietanum. Et probatur primò ex Dionysio cap. 3. de Cælesti Hierarchia, ubi super illud Isaiæ 6. *Seraphim velabant facies suas*. vocat istam venerationem plenam horroris. Secundò probatur, quia hoc, quod est Angelos, & creaturas reliquas se contrahere coram Deo, non audere respicere maiestatem eius, &c. sunt effectus formales timoris reuerentialis: sed totum hoc non respicit malum culpæ aut pœnæ imminens, sed solam maiestatem, & omnipotentiam Dei; ergo hic actus absque illo est verus timor, & eiusdem speciei cum timore filiali iustorum, qui sunt in via, licet hic insuper habeat alium respectum ad malum, quod imminet non inuitabiliter, sed contingenter, miscetur enim cum spe euasione à tali malo. tamen in primo respectu sunt eiusdem speciei, quare timor secundum primum respectum non est adæquatè timor, sed inadæquatè.

Dices:

17. Dices: Ergo iste timor non est eiusdem rationis cum timore filiali viatorum, qui habet vtrumque actum. Respondetur negando sequelam, quia solum sequitur quod in viatoribus sit aliquis actus circa malum, qui non est in Christo, neque in Beatis, sicut in nobis, & in Christo est virtus temperantiae eiusdem speciei, quia per eam volumus mediocritatem cibi & potus; insuper nos habemus per eam actum reprimendi passiones, quem non habuit Christus, quia non indiguit habere.

18. Inquires: Si anima Christi non fuisset beata, possetne habere actum timoris cum hoc secundo respectu? Respondetur sub distinctione: Si aliunde certò sciebat se esse vnitam cum Verbo, & quod non erat deferenda ab illo in collatione auxiliorum efficacium, non posset habere hunc timorem, quia cognouisset quod de facto non posset peccare; si tamen hoc ignoraret, posset habere illum, quia posset apprehendere peccatum vt malum sibi imminens. Per hæc fit satis ad rationem repugnantiae suprà adductam. Respondetur quod optimè probat, quod neque in Christo, neque in Beatis possit esse hic actus secundus timoris; non tamen probat, quod non possit esse primus. Ad confirmationem respondetur, quod anxietas est de ratione actus secundi timoris, qui respicit malum culpæ & poenæ, sicut in reo reperitur propter malum poenæ sibi imminens. Et per hoc patet ad quartum argumentum Durandi.

QVÆSTIO V.

Vtrum in Christo fuerint omnes gratiae gratis datæ?

1. Nota quod est distinctio inter gratiam gratum facientem, & gratis datam. illa enim inuat ad salutem animæ propriæ: hæc verò ad salutem totius Ecclesiæ, vel aliquorum fidelium. Et conueniunt ferè omnes in Christo fuisse omnes gratias gratis datas. ita Scholastici in 3. d. 13. D. Thomas 3. p. art. 7. quæst. 7. Suarez disp. 21. sect. 2. Montefinos q. 5. Lorca disp. 40. Fundamentum est, quia nullam inuoluunt repugnantiam, vel cum vnione hypostatica, vel cum visione beatifica. Insu-

per est caput, vt infrà dicemus, in quo resident omnes gratiæ, iuxta illud Ioan. 1. *plenum gratia*, &c. vnde Augustinus epist. 57. ad Dardanum ait, quod sicut in capite sunt omnes sensus, ita in Christo omnes gratiæ. Præterea quia istæ gratiæ dantur in vtilitatem fidelium, & debent esse in Doctore & Magistro fidei; ergo & in Christo. Et confirmatur primò, quia Christus est dispensator illarum, vt dicitur ad Ephes. 4. ergo debuit habere illas. Secundò, quia eius humanitas erat instrumentum diuinitatis; ergo sicut habet illas causa principalis; ita suo modo causa instrumentalis.

Et patet si discurremus per singulas 2. prout referuntur à D. Paulo 1. ad Corinth. cap. 12. Alij datur sermo sapientiæ, alij sermo scientiæ, &c. habuit enim sermonem sapientiæ, per quem declarantur per causas supernaturales & superiores, quia fuit principalis fidei Magister; & sermonem scientiæ, per quem declarantur mysteria fidei per causas inferiores; habuit gratiam sanitatum, cum tot curauerit infirmos; habuit gratiam virtutum, cum tot operatus fuerit miracula; habuit discretionem spirituum, cum cogitationes cordium declarauerit, & differentias spirituum intellexerit; habuit gratiam interpretandi sermones, cum non solum habuerit intelligentiam diuersarum linguarum ad hoc requisitam, sed etiam interpretatus fuerit Scripturas, vt facit disputando cum Doctores in templo, & sæpè cum discipulis, præcipue cum euntibus in castellum Emaus. De reliquis est aliqua difficultas.

Prima difficultas est, an vsus aliquando fuerit gratia linguarum, quia quod illam habuerit, omnes conueniunt propter dicta. Negat S. Thomas suprà artic. 7. ad 3. & 2. 2. quæst. 176. art. 1. ad 3. Fundamentum est, quia solum prædicabat Hebræis. vnde Matthæi 13. dixit, *Non sum missus nisi ad oues, quæ perierunt in Israel*; ergo solum utebatur linguâ Hebræâ.

Sed contraria sententia verior mihi 4. apparet cum Recentioribus vbi suprà. Et ratio est, quia cum Samaritana fuit locutus, Ad Romanos, & ad alios alienigenas prædicabat, & verofimilius est, quod loqueretur illis proprio idiomate

eorum, vt posset percipi, & credibile est in Ægypto locutum fuisse linguâ Ægyptiacâ, verum est quòd hanc potuit discere, sumpto discere improprie, & excludendo à Christo fidem humanam, de qua infra, dum inquiramus, an Christus aliquid didicerit?

5. Et confirmatur primò, quia de illo loquentes Iudæi asserabant quomodo hic litteras scit, cum non didicerit. Ex quo videtur colligi, quòd tum prædicans, tum disputans cum Doctoribus & aliis utebatur linguâ Latinâ, Græcâ, &c. sicut & illi vti debebant ad eruditionem & declarationem mysteriorum. Secundò, quia si credimus Eusebio 1. Historiæ cap. 15. Christus linguâ Syriacâ scripsit Epistolam ad Regem ciuitatis Esdræ, qui vocabatur Agabarius. Ad fundamentum D. Thomæ, quòd licet non fuerit missus ad alias gentes nisi ad Hebræos, tamen ibi aliquando fuit vsus idiomate diuerso.

6. Secunda difficultas est, an habuerit gratiam fidei, cum nullam habuerit cognitionem obscuram? sed omnes tenent quòd sic. Fundamentum est, quia hæc gratia non est ipsa fides, sed vel quædam fiducia, quâ quis fidei Deo, quòd ad confirmandum eius doctrinam facturus sit hoc, aut illud miraculum, & sic pertinet ad voluntatem; vel si pertinet ad intellectum, est assensus, quo quis credit, vel certò scit, quòd hic & nunc auxiliabitur Deus, & faciet miraculum si oportuerit, qui assensus annexam habet maiorem quamdam certitudinem mysteriorum fidei, exteriusque illa magis credibilia reddit & suadet, & licet in nobis proueniat ab habitu fidei, quia credimus propter veracitatem Dei reuelantis, in Christo prouenire poterat ab habitu scientiæ infusæ, quia non includit intrinsecè credulitatem, sed esse quamdam notitiam excellentem rerum fidei, quâ aliquis non solum illas capit, sed potens est declarare aliis, & contra impugnantes defendere.

7. Tertia & præcipua difficultas est, an Christus habuerit gratiam prophetiæ? illam enim negauit habuisse Abulenensis in caput 2. Numerorum questione 64. vbi ait, quòd non erat Prophetæ, sed solum dicebatur & existimabatur vt talis à vulgo. videtur illi fauere

Tertull. 4. contra Marcionem cap. 22. num. 23. S. Thomas 2. 2. quæst. 174. art. 2. ad 3. quatenus ait, quòd prophetia importat quamdam obscuritatem. quæ repugnat cum visione beata. quod probatur ex Paulo 1. ad Corinth. 13. *Cum veneris quod perfectum est, euacuabitur quod ex parte est, siue prophetia euacuabitur*, &c. sed in Christo fuit perfectissima & clara cognitio omnium; ergo. Et confirmatur, quia Baptista fuit plusquam Prophetæ; ergo & Christus, ergo non Prophetæ.

Nihilominus opposita sententia est vera & communis, taliter quòd Vasquez in Commentariis ad articulum 8. notet primam temeritatis celsura. Suarez sect. 2. nota falsitatis, licet Valencia quæst. 22. puncto 5. dicat questionem esse de solo nomine. Probat hæc sententia ex descriptione prophetiæ tradita à D. Thoma 3. p. q. 7. art. 8. scilicet, *Est cognitio eorum, quæ procul sunt, siue secundum locum, siue secundum tempus*; sed Christus habuit hanc cognitionem, vt patet in prædictione destructionis Ierusalem, in reuelatione cogitationum cordium, &c. ergo. Maior probatur à D. Thoma, quia idem est Prophetæ, quod procul fans, si sumatur à verbo Latino (vt inquit Lorca) si verò sumatur à verbo Græco, idem est, quod prædicens, sed hæc in vnum redeunt. Et confirmatur, quia non est de ratione prophetiæ, quòd eius cognitio sit obscura, sicut neque quòd sit clara, sed abstrahit ab vtraque; nam sicut Prophetæ antiqui obscurè cognoscebant mysteria futura fidei, quæ prædicabant, ita Eliseus cognitionem habuit claram, quando prophetauit se vidiſſe seruum suum Giezi accipientem pecunias à Naaman Syro.

Deinde sunt plura S. Scripturæ testimonia, in quibus Christus appellatur Prophetæ; nam Samaritana, Ioan. 4. dixit, *Domine vt vides Prophetæ estis*; & Lucæ 7. *Propheta magnus surrexit in nobis*. Neque obstat quòd hoc solum probat Christum haberi à populo vt Prophetam. quia contra est primò quòd Deuteronom. 18. dicitur, *Prophetam suscitabis vobis Deus, sicut me*, quòd esse intelligendum de Christo est de fide, quia tradit D. Petrus Actuum 3. & D. Stephan. act. 17. sed Moyses fuit verus

Pro-

Propheta, & non solum à vulgo existimatus; ergo & Christus. Secundò, quia Matth. 4. dixit Christus de se, *Non est Propheta sine honore nisi in patria sua*, sed loquebatur de vero Propheta; ergo. Tertiò, quia August. tract. 15. in Ioan. ait quòd Samaritana non male sentiebat de Christo, dicens ipsum esse Prophetam.

procul à cognitione illorum quibus reuelabat, sed etiam à cognitione illa, quæ ipsi erat debita secundum statum viatoris, quare post resurrectionem, quando fuit solum comprehensor, non habuit gratiam prophetiæ.

Et si obicias, Ergo Christus erat Propheta extrinsecè ratione status. Respondetur negando sequelam, quia licet ipsa cognitio sit prophetica extrinsecè ratione status, tamen Christus intrinsecè erat Propheta ratione cognitionis prædictæ intrinsecè inhaerentis.

Secundò inferunt, quòd in animabus Limbi & Purgatorii potest reperiri prophetia, quia eius notitia potest esse procul à prophetante, & ab illis quibus prophetat. vnde D. Thomas 2.2. q. 174. art. 5. ad 4. dicit animam Samuelis prophetasse Sauli successum belli, & mortem eius dic sequenti.

Tertiò inferunt, quòd licet in reliquis Prophetis prophetia sit per modum actus citò transuentis, & circa aliqua futura, vel præsentia, sed non sensibus, vel præterita, tamen prophetia Christi fuit per modum habitus, & circa omnia præterita, præsentia, & futura. ita colligit Suarez sect. 1. ex Hieronymo epist. 125. ad Damascum de tribus questionibus S. Scripturæ quest. 3. Et ratio est, quia erat ipse habitus scientiæ infusæ, & ipse habitus luminis gloriæ, per quos omnia clarè cognoscebat. Idem dicunt de ceteris gratiis, sapientia, scientia, fide, discretione spirituum, quia erant prædicti habitus secus est de gratia miraculorum & sanitarum, quæ consiliebant in actuali motione speciali Dei, licet pro libito habuerit illam quandocumque volebat. Ad confirmationem argumenti respondetur, quòd Baptista verè & propriè fuit Propheta, sed dicitur plusquam Propheta, quia perfectissimè prophetavit Christum, quem digito ostendit: & ita Christus verè & propriè fuit Propheta, & etiam plusquam Propheta, quia clarissimè nouerat quæ prædicebat.

10. Per hoc patet ad argumenta appositæ. Ad primum respondeo non esse de ratione prophetiæ obscuritas, vt idem D. Thomas tenet 3. p. art. 8. citato, licet ipse admittat concomitanter, & per accidens obscuram cognitionem in phantasia. Ad probationem ex verbis Pauli respondeo non debere ibi intelligi per prophetiam gratiam prophetiæ, sed gratiam interpretandi sacras Scripturas, quæ gratia tunc appellari solebat prophetia, & Prædicatores interpretes S. Scripturæ (imò & viri sancti) appellabantur Prophetæ, & hanc gratiam dicit Paulus cessaturam in patria. Secundò dico quòd licet loquatur de vera prophetia, quæ est gratia dicendi ea quæ sunt procul, loquitur de illis in quibus non sunt simul status viatoris, & status comprehensoris, sicut in Christo.

11. Ex quo tria inferunt communiter Recentiores: Primò quòd vnus Beatus non potest alteri prophetare, licet vnus accipiat reuelationem ab alio, quia hoc non est procul cognoscere in eorum statu, sed ordinarius modus cognoscendi illorum, sicut in viatoribus, quòd vnus alteri reuelet mysteria fidei; nam de ratione prophetiæ est, quòd ea, quæ cognoscit Propheta, sint procul non solum à cognitione eorum quibus reuelat, sed etiam à cognitione illius qui prophetat, saltem secundum statum quem habet. vnde licet ea, quæ Christus prædicabat, non essent procul ab eius cognitione infusa, & visione beata (per quas prophetat, vt asserit Caietanus 3. p. q. 7. super art. 8. & Suarez disp. 23. sect. 1.) tamen non solum erant

DISPUTATIO XIII.

DE

GRATIA CHRISTI,

PROUT EST CAPUT

ECCLESIAE.

DE gratia Christi egimus prout ad eius singularem personam attinebat, nunc venit agendum de ipsa gratia prout respicit ipsos fideles, quorum Christus est caput. de qua tractat Scotus in 3. dist. 13.

QVÆSTIO PRIMA.

Vtrum Christus sit caput omnium hominum?

1. **I**OTA hæc Disputatio procedit de Christo vt homo est, nam in quantum Deus nulla est difficultas, est enim Dominus, & caput omnium rerum, non per aliquod donum gratiæ, sed iuxta naturam suam, nam iuxta illud Actorum 17. *In ipso vivimus, movemur & sumus.* Neque in præfenti inquirimus an Christus sit caput Ecclesiæ, quia hoc est de fide ex illo ad Ephes. 1. *Et ipsam dedit Caput super omnem Ecclesiam;* & cap. 4. *In adificationem corporis Christi, quod est Ecclesia;* & cap. 5. *Quoniam vtr caput est mulieris, sicut Christus Ecclesiæ;* & loquitur de Christo vt homine, nam de illo hoc asserit, de quo in eodem textu dicit, *quod suscitaverit eum à mortuis,* &c.

2. Quia tamen hæc appellatio capitis metaphorica est, & sumitur ex similitudine corporis humani, & inde transferatur ad caput morale. hinc oritur difficultas huius Quæstionis, scilicet quorum hominum Christus sit caput? an omnium? Et quidem vt verum fatear, cum similitudo non debeat currere super quatuor pedes, satis est quod Christus aliquo modo assimiletur capiti naturali, & quodcumque genus hominum aliquo modo assimiletur membris corporis naturalis, vt dicatur eorum caput: sed quia hæc excellentia, sicut

& quælibet alia debet esse in Christo perfectissimo modo, idèd communiter cum S. Thoma q. 8. art. 3. assignantur tria requisita ad esse perfectè caput morale, primum quod sit in primo loco secundum dignitatem, sicut caput naturale secundum positionem naturalem. 2. quod sit perfectissimum, qualiter in capite naturali residet omnis perfectio sensuum, & spirituum tam vitalium, quàm animalium. 3. quod gubernet cetera membra per influxum spirituum & motuum, quæ omnia reperiuntur in Christo ad esse caput Ecclesiæ.

3. Ex quo principio facile explicari potest, quorum hominum Christus sit caput? Nam primò certum est, quod sit caput eorum fidelium, qui sunt in Ecclesia tam militanti, quàm triumphanti, quia est primus in dignitate respectu eorum. Insuper est primus in perfectione, quia in eo residet omnis perfectio supernaturalis, & omnia quæ sunt principia motuum supernaturalium; nam, vt latè probauimus disputatione antecedenti, habuit plenitudinem gratiæ, donorum & virtutum, & tandem influit in eos prædictas gratias, virtutes, & dona.

4. Sed obiciunt primò: Hoc quod est influere etiam est proprium cordi, quia influit principia motuum. Respondetur ex hoc solum probari, quod Christus non solum sit caput, sed etiam cor, quod etiam concedo, sed principalius accommodatur Spiritui sancto, quod sit cor Ecclesiæ, quia interius influit,

&c

& non visibiliter, sicut caput: unde Christus per mortem visibilem, & per Sacramenta visibilia influit gratiam.

5. Obiicies secundò: Fideles, qui sunt in Ecclesiâ triumphanti, non habent fidem, quæ est forma Ecclesiæ; ut traditur in materia de Ecclesiâ; ergo non sunt membra Christi. Respondetur quòd sicut fides est forma Ecclesiæ militantis, ita visio, seu fructio beata est forma Ecclesiæ triumphantis, & hanc influit Christus, sicut illam.

6. Obiicies tertio: Fideles, qui sunt in peccato mortali, non participant influxum gratiæ à Christo, & tamen sunt membra Ecclesiæ; ergo. Respondetur quòd participant fidem, & etus gratiam actualem, scilicet auxilia, licet non participant habituales iustificantes, quapropter dicuntur membra mortua.

7. Secundò, certum est quòd Christus non sit caput eorum hominum, qui sunt actu infideles. Fundamentum est, quia neque actualiter participant, neque aliquando participant fidem, & sub his nominibus comprehenduntur pueri, qui absque baptismo discesserunt ex utero matris, unde licet à D. Thoma ubi supra dicantur membra in potentia, quia saltem habent auxilia sufficientia remota ad fidem, tamen sicut non habent actu fidem, ita neque actu, neque simpliciter sunt membra Ecclesiæ, neque Christi.

8. Tertio, certum est quòd Christus non sit caput hominum damnatorum. Fundamentum est, quia ad hoc, quòd Christus sit caput, debet influere vitam in membra: sed in homines damnatos non influit Christus ad vitam aliquod auxilium; ergo. Dices: Influit in eos fidem, quia ex Epistola D. Iacobi *Demonies credunt & contremiscunt*. Respondetur primò, Non est fides supernaturalis, neque habet influxum à Christo. Secundò, etiamsi haberet, tamen cum talis fides non solum mortua sit, sed etiam numquam ordinetur ad habendam vitam supernaturalem, non constituit membrum Christi.

9. Quarto, certum est, quòd cum Christus sit caput omnium hominum, qui sunt membra Ecclesiæ, si catechumeni,

Castillo de Incarn. Pars I.

heretici, schismatici, & excommunicati sunt membra Ecclesiæ (de quo modò non est locus disputandi, sed videri potest Luisius de Torres disp. 14. de Ecclesiâ) consequenter Christus erit eorum omnium caput. Fundamentum est, quia caput & membra relativi se habent, quare solum potest venire in controuersiam, an primi parentes in statu innocentiae fuerint membra Christi? quia de reliquis hominibus, & de ipsis primis parentibus post illum statum non est dubium, cum saluati sint per fidem Christi, & per gratiam datam ex meritis Christi præiis. Sed quia hæc controuersia eadem est cum subsequenti, ubi disputabimus an Christus sit caput Angelorum, ideò omittimus in præsentia.

In calce huius quæstionis sunt duo dubia: Primum, an Christus sit caput hominum non solum secundum eorum animas, sed etiam secundum eorum corpora? & an hoc conueniat Christo ratione animæ, an ratione corporis, an ratione vtriusque. Respondent aliqui, quòd Christus secundum corpus est caput corporum, & secundum animam animarum. Sed hoc solum est verum per accommodationem, quia reuera Christus secundum vtrumque simul est caput hominum etiam secundum vtrumque, quia per merita sua, quæ habent dependentiam à corpore & anima, meruit animabus hominum gratiam & gloriam essentialem, & corporibus resurrectionem, gloriam, & dotes.

Secundum dubium est, an sicut Christus dicitur caput Ecclesiæ, ita possit dici membrum? Ratio est, quia in animalibus caput etiam dicitur membrum corporis. quare hanc locutionem admisit Turrecremata libro 1. Summæ capite 23. Vasquez disputatione 48. capite 1. & Lorca disputatione 44. licet affirmant non posse appellari absolute membrum Ecclesiæ, sed cum modificatione, scilicet præcipuum membrum Ecclesiæ, fauet diuus Thomas in 4. distinct. 49. quæstione 4. art. 3. & insinuat Paulus 1. ad Corinthios cap. 12. ubi ait, *Vos estis corpus Christi, & membra de membris*. Hanc sententiam existimo esse veram cum prædicta modificatione assignata

K k

à Vaf.

à Vasquez & Lorca, & propter eamdem rationem, licet non propter verba Pauli, quia habent diuersum sensum, vt exponit D. Thomas in præfenti, nam vel significant quòd Corinthis sint corpus Christi mysticum, & membra de membro, id est, de ipso Christo secundum humanitatem, respectu cuius Deus est caput 1. ad Corinth. cap. 11. *Caput Christi Deus*; vel vt explicat Anselmus, estis membra de membro, id est (inquit Paulus) de me ipso, qui etiam sum membrum Christi, & per Euangelium ego vos genui; vel vt explicant Græci, & est expositio communis, estis membra, id est, singuli ex vobis estis membra, non totum corpus Ecclesie, *de membro*, id est, de vestra Ecclesia partiali, quæ comparata cum omni Ecclesia membrum est, & pars illius totius.

12. Dices primò: De ratione membri est quòd participet aliquam influentiam à Capite, sed Christus nullam participat; ergo nullo modo debet appellari membrum. Respondetur primò quòd humanitas Christi participauit influentiam à Deo, & sic respectu ipsius potest dici membrum, si tamen comparatio fiat respectu Ecclesie, quæ est corpus. Respondetur non esse de ratione omnium membrorum, quòd participent influentiam; vel non esse de ratione præcipui membri, quòd participet influentiam, quia Caput potius illam præstat; quare diximus non esse absolutè appellandum membrum, sed membrum præcipuum, nisi dicas quòd etiam participat influentiam honoris & defensionis in ratione crediti & adorati, vt patet in Martyribus, sicut caput defenditur à manibus, & propter ipsum exponuntur gladium iustis.

13. Dices secundò: Secundum regulam Tyconij prædicata propria capitis dicuntur de corpore, & e contra; & secundum Augustinum, ea, quæ sunt sponsæ, possunt enuntiar de sponso: sed de Ecclesia dicitur absolutè, & sine modificatione, quòd est membrum Christi; ergo & de Christo potest dici. Respondetur, regulam Tyconij, & verba Augustini habere verum in his, quæ significant vnitatem: vnde Christus Psal. 21. peccata hominum vocat pec-

cata sua, scilicet propter vnionem amoris circa illos. Non tamen habet verum in his, quæ indicant distinctionem, & diuisionem: vnde sicut de Ecclesia non potest dici quòd sit Redemptor, & de Christo quòd sit redemptus, quia significat distinctionem inter redimentem & redemptum; ita neque potest absolutè dici quòd Christus sit membrum, quia indicat distinctionem à capite, sicut neque de Ecclesia quòd sit caput. Quare multò minùs Christus potest dici membrum sui ipsius, ex eo quòd Ecclesia, quæ est corpus, includit Christum tamquam caput, vt minùs benè dixit Anthifiodorensis lib. 1. Summæ, tit. 1. cap. 4. quæst. 6. quia contrà est, nam vt diximus hæc prædicata supponunt distinctionem: vnde Christus non potest dici caput sui ipsius, etiam si sit caput Ecclesie.

QVÆSTIO II.

Vtrum Christus in quantum homo sit caput Angelorum?

DE fide est Christum Dominum 1. esse caput Angelorum ex locis S. Scripturæ statim citandis: vnde prima difficultas quæstionis est, an hoc cōueniat Christo ratione humanitatis? an ratione solius diuinitatis? Anthifiod. loco citato in fine antecedentis quæstionis, Driedo 2. de Captiui. cap. 2. p. 3. art. 5. proposuit. 4. Sotus in 4. d. 49. q. 4. art. 2. asserunt solum fuisse caput ratione diuinitatis. Fundamentum est, quia ad rationem capitis requiritur conuenientia inter naturam, inter caput, & membra: propter quod etiam illis acquiescit ex parte Caiet. in præfenti articulo 4. docens, quòd licet Christus secundum humanitatem sit caput Angelorum, sed quòd hoc non habeat ratione corporis, sed ratione animæ, secundum quam conuenit in natura cum illis, quibus videtur fauere Chrysof. hom. 1. ad Ephes. Theophylactus ibid. August. tract. 28. in Ioann. asserentes Christum secundum diuinitatem esse caput Angelorum.

Sed communis sententia affirmat 2. Christum Dominum secundum humanitatem prout constantem corpore & animà esse caput Angelorum. ita expressè

prescè Scotus in 3. dist. 7. quæst. 3. 6. *secundum dubium*. Et probatur ex capite ultimo Matth. *Data est mihi omnis potestas in calo, & in terra*, vbi loquitur de seipso secundum quod homo est; & ad Ephes. 1. loquens Paulus de Christo secundum humanitatem ait, *Suscipiens cum à mortuis, & constituens eum ad dexteram suam in excelsis super omnem potestatem, & principatum, & virtutem, & dominationem, & omne nomen, quod nominatur in hoc seculo, & in futuro, & omnia subiecit sub pedibus eius*, &c. & ad Hebræos 1: *Tanto melior Angelis effectus, quanto differentius præ illis nomen habedians*: vnde hanc veritatem docuerunt Dionysius 7. cap. de Cælesti Hierarchia, Augustinus enarrat in Psal. 36. Hilarius in Psal. 139. in illa verba, *Caput circuitus eorum*. Ratione probatur, quia superioritas, & externa gubernatio sufficit ad hoc, vt Pontifex sit caput Ecclesiæ; ergo & ad hoc, quodd Christus sit caput Angelorum.

3. Ad fundamentum oppositum responderetur, quodd licet sit de ratione capitis naturalis conuenientia in natura cum membris, non tamen de ratione capitis moralis, aliàs neque Christus secundum diuinitatem posset esse caput hominum & Angelorum, sed ad hoc sufficit excellentia, superioritas, & externa gubernatio, quæ in capite reperiuntur respectu membrorum, quod totum reperitur non solum in anima Christi respectu Angelorum, sed in tota eius humanitate, quia de hac verificantur prædicta sacræ Scripturæ testimonia.

4. Neque Patres suprà citati aliquid eis fauent, quia loquuntur secundum quamdam accommodationem, scilicet quia in Christo, qui est caput, est aliquid spirituale, & aliquid corporale; spirituale accommodatur spiritibus, scilicet Angelis; & corporale corporalibus, scilicet hominibus: tamen sicut neque Christus est caput hominum solum secundum corporale, sed etiam secundum spirituale; ita neque est caput Angelorum solum secundum spirituale, sed etiam secundum corporale.

5. Secunda difficultas est, an Ecclesia Angelorum sit eiusdem rationis cum nostra? & consequenter an Christus sit

caput eorum eà ratione, quā est caput hominum? Circa quam omnes conueniunt Recentiores esse eiusdem rationis cum nostra, ita Suarez disput. 23; sect. 1: Vasquez disput. 48. cap. 3. Lorca disput. 45. num. 4. Montefinos disput. 4. q. 3. quæ sententia adeo vera est, vt contraria iudicetur temeraria. Et probatur duplici Scripturæ testimonio. Primum, quia Lucæ 15. comparatur Christus pastori relinquenti 99. oues, & quærenti aliam perditam, vt reducat ad idem ouile; & aliqui Patres per 99. oues intelligunt 9. ordines Angelorum; & per vnā perditam, naturam humanam: sed hoc testimonium non probat efficaciter, quia alij Patres illud explicant de hominibus iustis, & peccatoribus, quia concludit, Non veni quærere iustos, sed peccatores secundum, quia Paulus ad Hebræos 12. asserit de venientibus ad fidem, quodd accedunt ad ciuitatem Dei vinentis Ierusalem, & multorum millium Angelorū frequentium; sed hoc solum probat, quodd Deus sit caput hominum, & Angelorum, qui sunt in illa Ciuitate cælesti, non tamen quodd Christus in quantum homo.

Meliùs ergo mihi videtur probari ex 6. suprà adductis testimoniis in prima difficultate, vbi Christus dicitur vnū caput, vt Angelorum, & hominum, ex quo videtur deduci, & quodd ipsi comparentur tamquam vna Ecclesia respectu ipsius, & consequenter vtraque eiusdem rationis respectu illius, sicut omnes mundi Ecclesiæ dicuntur vna Ecclesia, & eiusdem rationis respectu vnus Capitis, scilicet summi Pontificis. vnde cum nostram sententiam doceat expressè Augustinus sermone 3. in Psal. 36. reddit rationem, *Et vna ciuitas sit sub vno Rege, & vna provincia sub vno Imperatore*; & Bernardus serm. 27. in Cantica de Christo inquit, *Ad sponsam veniebat, & absque sponsa non veniebat, quærebat sponsam, & sponsa cum ipso erat, an due erant? absit, vna est enim columba mea (ait) sed sicut de diuersis ouium gregibus vnū facere voluit, vt sit vnū ouile, & vnus Pastor, ita cum haberet sponsam sibi adherentem à principio multitudinem Angelorum placuit ei de hominibus conuocare Ecclesiam, atque illi vnire, quæ de calce est, vt sit vna sponsa, & sponsus vnus. quid clarius?*

7. Denique ratio hoc suadet, nam homines & Angeli habent eundem finem, scilicet visionem & fruitionem beatam, eandem legem scilicet charitatem, eandem formam scilicet fidem in via, visionem in patria; & insuper habent commercium, & communicationem inter se, nam illi custodiunt in via, isti vnerantur & colunt; ergo constituunt vnum corpus mysticum. Secundò, quia Christus eisdem habet conditiones respectu Ecclesie Angelorum, ac respectu Ecclesie hominum; ergo illa Ecclesia est eiusdem rationis cum hoc. Antecedens patet, quia primò habet excellentiam in dignitate supra Angelos ratione vnionis hypostaticæ, sicut supra homines. 2. habet plenitudinem omnium gratiarum, quæ sunt in illis. 3. influit in illos gratiam & gloriam essentialem non solum in genere causæ finalis & exemplaris, vt concedit Lorca cum aliis vbi supra num. 11. sed etiam in genere causæ efficientis meritorie, vt contra ipsum, & contra Vasquez dicemus disp. sequenti; & ad minus, vt ipsi fatentur, influit gratiam accidentalem secundum aliquas illuminationes, vt cum Dionysio cap. 7. de Cælesti Hierarchia concedunt isti, sufficiat illa Isaia 63. vbi interrogantibus Angelis beatis, *Quis est iste qui venit de Edom?* Respondetur, Christus ego propugnator & saluator, &c. ergo habet omnes illas tres conditiones antecedenti quæstione acquisitas, vt Christus esset perfectum & vnum caput Ecclesie hominum & Angelorum, & quòd vtraque sit eiusdem rationis.

8. Tertia difficultas est, an Christus sit dicendus caput ceterarum creaturarum? à qua difficultate facilius me expediam. Respondetur quòd loquendo secundum proprietatem, & secundum tres conditiones supra requisitas ad rationem capitis moralis. Christus non est caput creaturarum, quæ sunt infra hominem, eo sensu, quo est caput Ecclesie. Et ratio fundamentalis est, quia non sunt capaces tertie conditionis, scilicet gratiæ & gloriæ, bene tamen potest absolute dici caput ipsarum non solum propter principatum & dominium, quod habet circa illas, in cuius signum imperauit ventis & mari, & obediunt, sed etiam quia influit in il-

las esse naturale ipsarum in genere causæ finalis, quia vt supra diximus dispositione 4. Christus fuit primò prædestinatus, & gratiæ ipsius fuerunt omnes creaturæ productæ, quod diximus contra plures alios negantes. qui solum propter hoc negant in presenti Christum esse caput reliquarum creaturarum, imò & propter ipsum iam existentem secundum decreta executionis, tamquam propter causam meritoriam & efficientem fuit mundus productus, vt dicitur in disputatione 4. quæstione 1. parte 2. vnde hanc nostram sententiam expresse tenent Galatinus lib. 7. de Arcanis fidei, Catherinus opusc. de Eximia Christi prædestinatione, & D. Hilarius lib. de Synodis refert ex Concilio Sirinienfi quòd Christus sit caput omnis creaturæ, sicut Christi est Deus; & Origenes homil. 2. in Psal. 63. dicit, *Totius creatura vniuersitatem esse corpus Christi.*

QVÆSTIO III.

Quid sit gratia Capitis in Christo?

Vidimus in præcedentibus tria esse requisita ad rationem capitis moralis, scilicet excellentiam in dignitate, perfectionem in gratiarum plenitudine, & tandem influxum gratiarum in membra. Et circa primum conueniunt omnes, quòd conueniat Christo Domino ratione vnionis hypostaticæ, quia illa constituit ipsum super omnes homines, & Angelos in dignitate, nulli enim Angelorum aliquando dixit Deus, filius meus es tu, &c. Circa secundum etiam conueniunt, quòd conueniat Christo non solum ratione vnionis, sed etiam ratione gratiæ habitualis summe, & totius gratiæ gratis datæ, & omnium donorum, habuit enim plenitudinem totius gratiæ: vnde tota difficultas huius quæstionis est circa tertium, scilicet ex qua gratia istarum proveniat quòd Christus non influit, vel possit influire in omnia ipsius membra gratiam, gloriam, &c.

- Circa quam prima sententia affirmat, quòd hoc conueniat Christo ratione gratiæ habitualis. ita D. Thomas 3. p. quæst. 8. art. 5. Caietanus ibidem, Alexand. quæst. 11. Bonau. in 3. d. 13. art. 2.

art. 2. quæst. 2. Ricardus art. 3. quæst. 2. Gabriel quæst. vnicâ, art. 3. dub. 3. Almainus quæst. vnicâ in fine. Paludanus quæst. 1. art. 4. Faber disp. 48. num. 11. & alij plures. Fundamentum est, quia hæc constituit humanitatem Christi formaliter sanctam; ergo hæc est gratia capitis in Christo.

3. Secunda sententia hoc tribuit gratiæ vnionis. ita Suarez disput. 23. sect. 2. Vasquez disp. 48. cap. 4. Montefinos disp. 4. quæst. 5. & communiter Recentiores, qui citant D. Thomam etiam quæst. 8. art. 4. & art. 6. Fundamentum est, quia gratia capitis est principium ad gratificandum homines, & Angelos: sed Christus præcipue hoc habuit præter vnionem, quia per illam reddebatur eius humanitas formaliter sancta, & eius opera infiniti valoris. Insuper etiam admittunt, quod gratia habitualis sit gratia capitis, quia fuit principium merendi nobis, seu eliciendi connaturaliter actus meritorios: sed dicunt, quod illi conueniat hoc primò & per se, seu ex sua specie, quia gratia vnionis est, quæ sicut constituit humanitatem Christi sanctam, ita constituit & Caput, sed secundariò & per accidens, scilicet ratione subiecti in quo est, quia etiam si non esset in Christo, nihilominus Christus esset caput.

4. Sed in hac re dicendum nobis est, quod tam gratia vnionis, quam gratia habitualis æquè primò immediatè & per se sint gratia capitis in Christo. Fundamentum desumitur ex his, quæ latè disputauimus suprà disputatione 11. quæstione 2. vbi probauimus contra Auctoritates secundæ sententiæ, quod forma sanctificans humanitatem Christi de facto non erat vnio hypostatica, sed gratia habitualis; & similiter diximus cum illis, quod valor moralis operum Christi (summus in doctrina nostra, & infinitus simpliciter in doctrina ipsorum) non solum sumebatur à gratia habituali, sed etiam ab vnione; imò quod ab hac acceperat, quod opera acceptarentur vt condigna pro omni debito generis humani sine eo quod indigerent vt acceptio Dei adderet valorem.

5. Ex quo sic probò nostram conclusionem, tria per se requiruntur ad hoc vt in Christo gratia capitis influat gra-

tiam, gloriam, &c. in membra. primò, quod sanctificet formaliter eius humanitatem. 2. quod efficienter influat in eius opera, quibus meruit. 3. quod causet valorem, quem merita Christi habuerunt. ita tenent omnes suprà citati Auctores, sed, vt in prædicta quæstione probauimus, gratia habitualis formaliter sanctificabat Christi humanitatem, & non vnio hypostatica, similiter erat principium influens elicituè in quantum charitas in opera ipsius meritoria, & tandem præstabat illis valorem non se sola, sed simul cum vnione hypostatica; ergo gratia habitualis, & vnio hypostatica æquè primò & per se pertinent ad gratiam capitis in Christo. Hoc quod diximus de gratia capitis in Christo in quantum meritoria, & in genere causæ efficientis moralis influit in membra gratiam & gloriam, &c. est similiter verum si loquamur de Christo in quantum influit vt causæ exemplaris & finalis, quia ex eo quod Christi humanitas fuit prædestinata ad gloriam, gratiam & vnionem, fuit exemplar ad prædestinationem aliorum. Insuper fuit finis omnium prædestinatorum, & totius vniuersi, quia hoc habuerunt gratiâ ipsius, quare gratia, quæ est caput, in hoc duplici genere causæ non solum est gratia habitualis, sed etiam gratia vnionis.

Ad fundamentum primæ sententiæ 6. respondetur quod gratia habitualis sola non fuit de facto gratia capitis in Christo, quia eius opera, quibus meritorie influebat in membra, habebant suum valorem, non solum ab illa, sed etiam ab vnione. Et notanter dico de facto, quia de possibili bene poterat, nam valorem quem opera accipiebant ab vnione, poterant accipere à gratia habituali, simul cum acceptione Dei non solum dante ius iustitiæ, vt de facto orabat, sed etiam augente valorem operibus. vnde disputatione 2. quæstione 4. probauimus, quod purus homo posset satisfacere pro peccatis aliorum, & esse caput illorum, merendo illis gratiam & gloriam.

Ex quo resoluitur alia difficultas, 7. quæ in præsentī inquiritur, scilicet an conueniat soli Christo esse caput morale Ecclesiæ? Respondetur enim ex dictis, quod absolute loquendo hoc non est illi proprium, taliter quod de

potentia Dei non possit alteri competere; tamen si loquamur secundum quod eius opera non indigebant acceptatione augente valorem, & secundum quod gratia habitualis, & omnes aliæ sibi erant connaturaliter debitæ, &c. ut sic omnes concedunt, quod taliter conveniat Christo esse caput Ecclesie, quod non possit aliis competere.

8. Ad fundamentum secundæ sententiæ respondeo duo continere falsa: Primum est, quod gratia unionis sit formalis sanctitas, quod latè impugnauimus prædictâ disputatione 11. quæ-

stione 2. & idèd in præsentibus non impugno. Secundum & quod sequitur ex hoc primo est, quod gratia habitualis non pertineat per se primo & immediate ad gratiam Capitis, sed per accidens, & solum ratione subiecti. quia contrà est, nam, sicut ibidem probauimus, hæc est formalis sanctitas humanitatis Christi, cum formalis sanctitas per se primo pertineat ad gratiam Capitis ex communi omnium sententia, consequenter debet dici quod gratia habitualis per se primo pertineat ad gratiam capitis Christi.

DISPUTATIO XIV.


DE

MERITO CHRISTI DOMINI NOSTRI.

DE hac Disputatione agunt Thomistæ cum D. Thoma à quæstione 19. tamen quia meritum est effectus gratiæ, idèd postquam egimus de gratia Christi, agimus statim de Christi merito, de quo videri debet Scotus cum Scholasticis à distinctione 18.

QVÆSTIO PRIMA.

An per omnia opera Christus Dominus meruerit?

1. UPPONO primò tamquam de fide certum Christum Dominum in statu viatoris habuisse aliqua opera quibus meruit, nam ut dicitur in Tridentino sess. 6. cap. 7. ipse fuit causa meritoria nostræ iustificationis: unde Ecclesia, & omnes eius Doctores hoc vnanimiter consentiunt, & docent, & licet expressè non continetur in S. Scriptura, habet tamen verba æquivalentia, scilicet *Humiliavit semetipsum*, &c. *Propter quod & Deus exaltauit illum*, &c. & alia similia.

2. Et ut hoc ampliùs patefiat discurrendo per conditiones requisitas ad rationem meriti Suppono secundò ex materia de gratia ad tria genera reduci:

Primæ enim conditiones requiruntur ex parte operis, quales sunt, quod actus sit bonus, seu honestus ex obiecto & circumstantiis, quod sit liber saltem quoad exercitium; an autem debeat proportionari cum præmio ex natura propria, an simul cum acceptatione Dei, est ibi sua disputatio, & has conditiones reperiri in operibus Christi Domini, patet, quia semper operabatur perfecte, & consequenter ex motiuo honesto virtutis. quod autem operabatur liberè patet, quia habebat libere arbitrium; an autem illud exercuerit in omnibus suis actibus statim examinabimus. Tandem eius opera proportionabantur cum præmio, quia si illud erat supernaturalia, similiter & illa erant supernaturalia.

Secundæ conditiones requiruntur 3. ex parte personæ merentis, scilicet quod sit in statu gratiæ (quæ conditio an requiratur solum de facto, an etiam de

de potentia Dei ibidem controuertitur?) Præterea requiritur quod sit in statu viatoris, seu in via, id est, sine omni illa perfectione ad quam tendit, quæ conditio solum requiritur ex voluntate Dei, quia ex natura rei etiam comprehensores possunt mereri, dummodo eorum operationes habeant reliquas conditiones per se requisitas. In Christo autem repertas similiter fuisse has conditiones, patet, quia fuit semper in statu gratiæ, & insuper fuit viator, licet simul cum hoc fuerit comprehensor.

4. Tertiæ conditiones requiruntur ex parte eius apud quem meremur, scilicet acceptatio Dei antecedens, quæ vult, seu promittit præmium, quæ, si præmium est maius bonum, quàm bonum meriti, augeat ipsis operibus valorem, eo ipso quod pro ipsis promittit maius præmium, quàm ad ipsa secundum mensuram arithmeticam pertineret: si autem est minus bonum, vel æquale non augeat, sed solum dat ius iustitiæ. Requiritur similiter, quod ratione operis, & ratione acceptationis obligetur Deus ex iustitia reddere præmium; & has conditiones fuisse in Christo repertas, patet ex illa promissione facta Isaïæ 53. *Si posuerit pro peccato animam suam, videbit semen longæuum*; & iuxta illud Pauli, *Delens quod aduersus nos erat chirographum decreti*, cuius indelctio erat conditionata, scilicet, nisi Christus pateretur, de quibus conditionibus latè egimus disp. 2. q. 1. p. 1. & 2. quare difficultas in hac questione solum inquit an actus dilectionis Dei, & opera ad quæ tenebatur ex præcepto Christus, habuerint omnes præfatas conditiones, quia de reliquis actibus & operibus omnes Catholici fatentur habuisse.

PARS PRIMA.

An Christus Dominus meruerit per actum dilectionis Dei super omnia?

5. **T**riplex est sententia in hac re: Prima negat Christum meruisse per actum dilectionis Dei, siue ille actus sequatur ad visionem beatam, siue ad cognitionem habitam per scientiam infusam. ita Vasquez disp. 74. cap. 3. qui citat Alexandrum in 3. q. 17. num. 1.

ad 2. & 5. Antisiod. lib. 3. tract. 1. c. 74. D. Bonauent. in 3. d. 18. art. 1. quæst. 2. ad 2. imò & Scotum quæst. vnicā, §. *in ista questione*, vbi licet oppositam iudicet probabilem, tamen quia illam vocat difficilem, hanc iudicat (inquit Vasquez) probabiliorē. Fundamentum huius sententiæ est, primò quia Beatus non potest mereri, sed dilectio supernaturalis Dei est actus Beati in quantum Beati; ergo per illam non potest mereri. 2. quia hic actus erat omnino necessarius non solum quoad specificationem; sed etiam quoad exercitium, nam qui clarè videt Deum, ita ei coniungitur per affectum charitatis, vt omnino necessariò eum diligit; ergo deficit ei libertas requisita ad rationem meriti. 3. quia per scientiam infusam non cognouit Christus Deum, vt est in se; ergo neque amauit dilectione charitatis secuta ad scientiam infusam. Et confirmatur primò, quia dato quod per talem scientiam cognosceret Deum in se, non posset sequi actus dilectionis Dei in se, quia darentur circa idem obiectum formale in eadem potentia duo actus solum numero distincti, nam cognitiones antecedentes, cum solum sint conditiones requisitæ, non diuersificant in specie actus secutos in voluntate. Et confirmatur secundò, quia dato quod actus dilectionis Dei essent specie distincti, tamen vterque esset omnino necessarius, quia versaretur circa finem vltimum clarè visum, & certè cognitum.

Secunda sententia opposita asserit 6. Christum Dominum meruisse per actum charitatis & dilectionis Dei, est expressè Scoti vbi suprà, ibi enim asserit quod Christus non solum potuit mereri, & de facto meruit per actus portionis inferioris, quibus volebat aliquod contra affectum commodi, & secundum affectum iustitiæ, vt sunt ieiunare, orare, pati, &c. sed etiam & præcipue per actus portionis superioris, quibus diligebat Deum, & fruebatur illo, & diligebat mortem, & alios electos propter Deum, & prout relucebant in Verbo, seu in Deo viso. Scotum sequuntur Pytiganus disp. 18. q. vnicā, art. 3. Faber disput. 44. cap. 3. Gabriel q. vnicā, art. 2. conclusione 2. Almainus quæst. 1. Mayor quæst. 2. Ex Thomistis Caic-

Caietanus 3. p. q. 11. art. 1. Ferrar. 3. contra Gentes, & plures alij, quos refert, & sequitur Suarez disp. 39. sect. 2. ubi eandem sententiam tribuit D. Thomæ 3. p. q. 19. art. 3. in solutione ad 1. & q. 34. art. 3. sed ex istis aliqui loquuntur de dilectione secuta ad visionem beatam, alij de dilectione secuta ad scientiam infusam, omnes tamen conveniunt quod meruerit Christus per actum dilectionis Dei super omnia. Fundamentum est, quia hic actus non solum est præcipuum meritum, sed etiam est radix totius meriti; ergo cum sit certum Christum meruisse, ita debet esse certum habuisse hanc radicem. Insuper non repugnat dari, ut constabit ex solutione argumentorum; ergo, &c.

7. Tertia sententia distinguit inter duo genera bonorum, quæ Deo volumus per actum charitatis, alia enim sunt bona intrinseca ipsi Deo, v. g. sapientia, omnipotentia, misericordia, &c. alia verò sunt extrinseca, & ab extrinseco ei convenientia, ut obedientia, laus, & honor, quæ à creaturis exhibentur, &c. per actum ergo charitatis, quatenus versatur circa Deum amando illi priora bona, negat hæc sententia Christum posse mereri. Fundamentum est, quia ille actus neque est liber quoad specificationem, neque quoad exercitium, quia tam obiectum cui, quam obiectum quod amatur, est summum bonum, & sic necessitat voluntatem: at verò per actum charitatis, quatenus versatur circa bona secundi generis, affirmat hæc sententia meruisse Christum, siue prædictus actus sequatur ad visionem beatam, siue ad scientiam infusam. Fundamentum est, quia actus est liber secundum istum respectum, non solum in nobis, sed etiam in ipso Deo, qui potuit sibi non amare, seu velle talia bona extrinseca, ita Lorca disputatione 72. conclusionem 2. & 3.

8. Sed ab hoc ultimo incipiendo Dico primò: Dilectio Dei meritoria non solum debet esse libera, prout respicit bona extrinseca, quæ Deo amantur à creaturis, sed etiam prout respicit ipsum Deum, & consequenter si dilectio Christi non potuit liberè respicere Deum in se, neque potuit mereri per illam, etiam si liberè respiciat bona extrinseca. Hanc conclusionem contra

Lorcam (quam existimo communem) sic probò, quia actus charitatis meritorius debet esse liber in quantum actus charitatis est, quia ut sic est meritorius: sed actus charitatis in quantum actus charitatis respicit Deum, quem diligit, & specificatur ab ipso; ergo ut sit meritorius, debet respicere liberè ipsum Deum; ergo etiam si liberè respiciat alia à Deo, dummodo non respiciat liberè Deum, non erit charitatis actus meritorius. Et confirmatur, quia dilectio Dei, quæ imperat omnes actiones & operationes, & est radix omnis meriti, est illa quæ versatur circa Deum propter seipsum amabilem, & amat ipsum, quia in se bonus est; ergo si hæc non sit libera, neque ipsa, neque reliqua quæ pendunt ab ipsa erunt meritoria, & consequenter si dilectio Christi secundum hunc respectum non erat libera, etiam si esset secundum aliam, scilicet prout respiciebat bona extrinseca, non erit meritoria, in quantum dilectio charitatis est.

Dico secundò: Christus Dominus 9. potuit mereri, & meruit per actum dilectionis Dei secutum ad scientiam infusam, ita Caietanus, Ferrar. Suarez supra citati. Et probatur primò, quia in doctrina Scoti per scientiam infusam potuit Christus evidenter abstractivè cognoscere ipsum Deum, ut latius infra probabimus disputatione 15. ergo potuit liberè ipsum amare propter seipsum. patet consequentia, quia hæc cognitio, cum non sit intuitiva, non est beata, & consequenter neque extrahit hominem à statu viatoris; ergo neque aufert libertatem voluntatis, neque rationem merendi per actum subsequutum amoris Dei.

Secundò probatur, quia licet hæc 10. doctrina non sit vera in via D. Thomæ, tamen negari non potest quod in eius doctrina per hanc scientiam infusam à posteriori, & per effectus supernaturales Christus cognovit Deum esse in se finem supernaturalem: sed ad hæc cognitionem potuit sequi amor Dei in se; ergo potuit mereri per hunc actum dilectionis Dei in se, patet consequentia, quia hic actus esset liber, & Christi non ut beati, sed ut viatoris.

Dico tertio: Christus Dominus 11. potuit mereri, & de facto meruit per actum

actum dilectionis Dei secutum ad visionem beatificam. ita Scotus, eius discipuli, & alij suprà citati pro secunda sententia. Et probatur à priori, quia ex duplici capite posset prouenire, quòd illa dilectio Dei non esset in Christo meritoria, vel quia non est actio viatoris, vel quia non est libera, sed ex nullo capite obstat; ergo. Minor probatur, & quantum ad hoc, quòd non sit actio viatoris, patet primò quia licet in alijs hoc sit verum, tamen in Christo qui simul fuit viator & comprehensor est falsum, nam sicut in ipso viatoris actiones fuerunt alicuius comprehensoris actiones, ita similiter actiones comprehensoris fuerunt actiones viatoris. 2. quia licet hæc actio non esset viatoris, tamen hoc nil obstatet vt esset meritoria, nam hæc conditio solum est requisita ad meritum ex voluntate diuina, non ex natura rei secundum communio-rem sententiam, de quo in materia de gratia; ergo ex voluntate diuina posset in Christo esse actio meritoria, licet non esset actio viatoris.

12. Quantum ad secundum, scilicet quòd non sit actio libera, patet esse falsum ex his quæ docet Scotus in 1. distinct. 1. quæst. 4. vers. *quantum ad tertium articulum*; & latius in 4. dist. 49. quæstione 6. litt. D & F, vbij ait quòd etiam si Beatus sit necessitatus in fruitione, seu in dilectione Dei quoad specificationem, non tamen quoad exercitium; & quòd licet in exercitio propter specialem manutentioniam Dei non possit cessare ab actu dilectionis, tamen quantum est de se voluntas eius libera est, & liberè diligit Deum, de quo modò non disputo, quia hoc supposito contra Thomistas ex materia de beatitudine.

13. Sed obiicies contra hanc doctrinam, quòd ex duplici capite sit falsa, primò quia si Beatus non est liber in fruitione & dilectione Dei quoad specificationem, neque erit quoad exercitium, quia sicut non reperit in Deo rationem mali, seu defectum boni ad ipsum odio habendum, ita neque illam reperit ad ipsum non amandum. 2. quia si per manutentioniam Dei determinatur Beatus ad amandum; ergo

non est liber libertate exercitij, siquidem non potest cessare ab actu.

Ad primum argumentum respondent aliqui, quòd Beatus licet non reperiatur rationem mali, neque defectum boni ad non amandum Deum, reperit tamen bonitatem illam, quæ inuenitur in exercitio suæ libertatis, scilicet in volitione & cessatione, & sic dicunt hanc cognitionem præcedere ad hoc quòd volûtas Beati suspendat amorem. Sed contrà primò, quia bonitas hæc est obiectum actus amoris, quo bonitas prædicta reperta in exercitio suæ libertatis amatur; ergo solum potest mouere ad illum, & consequenter solum mouebit ad velle suspendere amorem, non tamen ad solam suspensionem amoris. 2. quia non potest proponi vt obiectum bonum, exercitium libertatis suspensiuum actus circa Deum visum visione beata.

Sed quidquid sit de hoc, aliter respondet, scilicet quòd ad negationem actus non requiritur aliud obiectum, quàm illud, quod est obiectum actus positiui, quia cum prædicta negatio non moueat voluntatem, sed solum terminet illam (voluntas enim non mouetur, nisi quando attrahitur; tunc autem attrahitur, quando venit per actum volitionis; neque dimouetur, nisi quando distrahitur, seu fugit, & hoc sit per actum nolitionis) Hinc est quòd non debeamus assignare, neque Scotus aliquando assignauit ad actus negativos aliquod obiectum diuersum ab obiectis actuum positiuorum; quare circa eandem bonitatem obiecti, circa quam voluntas posset elicere actum volitionis, potest suspendere hunc actum, seu habere actum negatiuum non volitionis, & circa malitiam obiecti (seu defectum boni, quod idem est) circa quam potest elicere actum positiuum nolitionis, circa eandem potest habere actum negatiuum illius, idè Beatus habens cognitionem suæ libertatis, siue cognoscat bonitatem illius, siue non cognoscat, potest suspendere actum amoris circa eandem bonitatem increatam Dei, quam potest amare, quia hoc est de natura intrinseca libertatis exercitij.

16. Sed obiicies: Non potest aliquis actus esse demeritorius, nisi proponatur obiectum ut malum, saltem quia prohibitum; ergo neque poterit esse meritorius, nisi proponatur obiectum, ut malum fugiendum; ergo si in Deo non apparet aliqua ratio mali, non poterit circa illum versari actus meritorius. Respondetur primò sufficere, quòd proponatur ut mala cessatio ab actu amoris, ad hoc ut actus amoris sit meritorius: unde benè compatiuntur, quòd in Deo clarè apprehenso non appareat aliqua ratio mali, & consequenter terminet aliquem actum liberum libertate exercitij, & quòd actus iste sit meritorius, quia proponitur voluntati bonitas amanda (scilicet Dei) & malitia fugienda (scilicet cessationis ab actu amoris Dei) quia in hoc distinguuntur actus liberi specificationis & exercitij, quòd in prioribus ipsum obiectum, quòd proponitur ut malum, debet proponi ut bonum apparenter; in posterioribus verò non ita, sed ut bonum obiectum, & cessatio ut mala, vel è contrà; tamen hoc debet intelligi de actu ut meritorio. Idèd respondeo secundò aliam esse propositionem obiecti requisitam ad hoc ut actus euadat meritorius vel demeritorius, aliam verò esse ad hoc ut euadat liber libertate exercitij, nam ad primam est requisita propositio obiecti in ratione boni vel mali, vel obiecti ut boni, & cessationis ab actu ut malæ; aut è contrà, quare si propter ignorantiam malitiæ vel honestatis obiecti definit actus esse meritorius vel peccaminosus; ad posteriorem verò sufficit propositio obiecti ut boni, vel ut mali, & fortè adiuncta cognitio propriæ & intrinsecæ libertatis, absque eo quòd cessatio ab actu proponatur vel ut bona, vel ut mala, ad hoc autem ut fruitio Beati sit libera libertate exercitij, hoc sufficit; & cum hac responsione salua perseuerat solutio nostra, contra quam facta est præfata obiectio, quantum ad saluandum doctrinam illius, quia tamen obiectio etiam loquitur de requisita propositione obiecti ad hoc ut actus euadat meritorius, standum est doctrinæ responsionis.

17. Ad secundum argumentum quod

per manutenentiam Dei determinatur voluntas Beati ad amandum Deum, non aliter ac voluntas viatoris per auxilia efficacia, quare si hæc (siue consistant in qualitate physica prædeterminante, siue in efficacia morali antecedenti, siue physica, & morali concomitante) non lædunt libertatem, ita neque manutenentia Dei lædit illam, sed relinquit voluntatem potestatem cessare ab actu, licet non cessabit.

Sed aduerte obiter quod ex hac doctrina Scoti, quæ docet quòd voluntas Beati sit determinata & necessitata quoad specificationem, necessariò & euidenter infertur quòd voluntas non possit velle malum sub ratione mali, & nolle bonum sub ratione boni. quod sic probo, quia si voluntas potest habere nolitionem circa bonum sub ratione boni, ergo potest habere volitionem & nolitionem circa bonitatem Dei; ergo non est necessitata, sed libera quoad specificationem. patet consequentia, quia hæc libertas est in voluntate respectu nolitionis & volitionis, & sicut bonitas obiecti non inducit necessitatem in actum volitionis, ita neque induceret in actum nolitionis.

Quare dicimus, quòd licet Scotus in 1. distinct. 1. quæstione 4. aliqualliter hanc difficultatem attigerit, & in 3. dist. 43. quæst. 2. illam exagitaauerit, & quasi pro vtraque parte probabilem reliquerit, tamen in 4. dist. 49. quæstione 7. §. ad quæst. vers. præmississe, expressè tenet oppositum, dicens, quòd nolle habet pro obiecto per se malum sub ratione mali; & quæst. 10. §. quantum ad secundum, vers. nec sequitur, habet hæc verba, *Tamen sicut circa malum ostensum non possum elicere actum voluntatis nisi nolle, ita circa bonum oblatum, non possum elicere actum voluntatis nisi velle*: magis hoc propositum probat testimonium Scoti in 2. dist. 6. quæst. §. circa 1. ubi abstrahendo de amore amicitie & concupiscentie assignat pro obiecto volitionis bonum & conueniens; & pro obiecto nolitionis malum & disconueniens, & postea diuidit volitionem & nolitionem in amorem amicitie & concupiscentie; ergo

ergo species istæ participant rationem generis; ergo si actus genericus volitionis est, non potest habere pro obiecto nisi bonum; & si nolitionis est, non potest habere nisi malum, ita neque actus harum specierum.

20. Neque obstat, si dicas, quòd loquitur ibi Scotus de amore ordinato, quia contrà est, nam loquitur de amore prout abstrahit ab ordinato & inordinato; nam ex hac doctrina infert, quòd primus actus, per quem Angelus peccauit, non fuit nolitio, quia omnis nolitio supponit volitionem, sed fuit volitio inordinata amicitiae, quia seipsum amauit, ex quo appetiuit sibi beatitudinem obiectiuam, acquirendo eam scilicet viribus propriis. Et confirmatur, quia si voluntas posset nolle bonum sub ratione boni, ergo non est necessarium quòd primus actus voluntatis sit volitio, vt ait; secus ergo contra Scotum est, quòd voluntas possit velle malum sub ratione mali, vnde dicendum ex eo Beatum non posse habere actum nolitionis circa Deum, quia nullam inuenit in eo rationem mali, neque defectum boni, quod est per se obiectum nolitionis, secundum verbum citata Scoti.
21. Et si dicas, quòd in odio inimicitiae non possumus negare, quòd voluntas posset velle malum sub ratione mali, quia homo ex odio inimici vult illi malum, quia malum. Respondetur quòd hæc volitio licet versetur circa malum, quia malum, tamen totum hoc se habet vt obiectum materiale; nam ratio formalis, ob quam homo vult malum, quia malum, est bonum vtile, seu vtilitas, quam inuenit in malitia obiecti voliti ad destructionem inimici, quem odio habet: itaque amat malum vt malum inimico, quia malum vt malum inimico est sibi bonum & vtile ad consequendam destructionem inimici, quem odio habet, & sic numquam volitio mouetur à malitia sub ratione malitiæ, tamquam sub ratione formalis motiua, quia hoc repugnat per locum intrinsecum.
22. Neque valet dicere, quòd quando Scotus dixit voluntatem posse velle malum sub ratione mali, loquebatur de amore concupiscentiæ, non de amore amicitiae, quia contrà est, quòd Scotus semper assignauit pro obiectis per se vtriusque amoris bonitatem, nam cou-

cupiscentia respicit pro obiecto bonum prout relatum seu referibile, & amicitia prout bonum alicui, seu prout bonum absolutum. videatur in 4. d. 49. q. 5. §. ad quest. verſ. *Respondeo viator*; & in 3. d. 26. §. ad 1. verſ. *ad 4. dico*, & §. *ad argumenta*. legantur quæ dixi disputatione 12. quæſtione 2. Præterea quia in Beato etiam reperitur obiectum amoris concupiscentiæ, & tamen non reperitur in ipſo libertas ſpecificationis, seu poſſe odio habere bonum ſub ratione boni, vt cum communi ſententia diximus; ergo neque amore concupiscentiæ poteſt voluntas velle malum ſub ratione mali.

Per hæc patet ad argumenta oppoſita. 23. Ad primum primæ ſententiæ reſpondetur, quòd Beatus, etiam ſi non eſſet viator, poteſt mereri, quia conditio ſtatus viatoris non eſt requiſita ad meritum ex natura rei, ſed ex voluntate Dei: Chriſtus autem potuit mereri etiam per actiones pertinentes ad beatitudinem, quia fuit etiam viator (reſpectu præmiorum, quæ ipſi erant à Deo concedenda ex meritis eius, non verò reſpectu ipſius beatitudinis, quia reſpectu huius iam erat in termino) & tales actiones fuerunt liberæ; & dilectio Dei fuit principium in Chriſto omnis meriti ipſius, ſicut contingit in nobis. Ad ſecundum iam patet quomodo dilectio Dei fuerit libera non libertate ſpecificationis, ſed exercitij.

Ad tertium iam dixi conſuſione 2. 24. quòd per ſcientiam inſuſam clarè & abſtractiue cognoscitur Deus vt eſt in ſe, & ſic poteſt amari ſuper omnia. Inſuper quòd etiam ſi clarè non cognosceretur, tamen per effectus ſupernaturales cognosceretur ſufficienter, vt poſſet terminare actum dilectionis ſupernaturalis. Ad primam confirmationem dico dilectionem ſecutam ad ſcientiam inſuſam, & dilectionem ſecutam ad viſionem beatam non ſolum numero diſſerre, ſed etiam ſpecie, vt probabiliter ſuſtinet Scotus in 4. d. 49. q. 5. litt. B. loquendo de charitate ſecuta ad fidem & viſionem, quia vt ipſe docet in 3. d. 26. q. vnicà, & alibi ſæpè, actus non ſolum diſtinguuntur ſpecie per diuerſa obiecta formalia, ſed etià per diuerſas conditiones, vel ex parte principij, vel ex parte obiecti: vn. poſſunt eſſe in

eadem potentia prædictæ dilectiones. Insuper dico, quod etiam si solum numero differant, adhuc possunt esse in eadem potentia, quia accidentia tantum numero differentia solum se excludunt ab eodem subiecto, quando sunt omnino similia, ut duæ albedines, tamen quando habent aliquam dissimilitudinem materialem possunt esse simul, ut patet in duplici relatione paternitatis ad diuersos filios, & in duplici cognitione, quâ cognosco Petrum & Paulum. ita contingit in præsentī ob diuersas conditiones requisitas. Ad secundam confirmationem dictum est iam quod circa finem clarè cognitum potest voluntas exercere libertatem exercitij. Per quod etiam patet ad argumenta tertiæ sententiæ, quæ solum probant circa bona intrinseca Dei non posse esse libertatem specificationis, non verò exercitij.

PARS SECVNDA.

An Christus Dominus meruerit per opera ad quæ tenebatur ex præcepto, an non?

25. **H**ÆC difficultas non disputatur ex professo à Scholasticis antiquis, sed a Recentioribus, & tota consistit in explicando, quomodo Christus fuit impeccabilis, & simul cum hoc potuit mereri per opera ad quæ tenebatur ex præcepto, quia si non fuit in Christo libertas ad peccandum, similiter neque fuisset ad opera, quæ si non faceret, peccaret, qualia sunt illa ad quæ ex præcepto tenebatur, deficiente autem libertate, deficit meritum, & demeritum.
26. Et quidem in sententia D. Bonauenturæ in 3. d. 18. q. 2. art. 1. Thomæ de Argentina quæst. 1. art. 3. ad 3. Marfil. quæst. 2. asserentium quod Christus secundum humanitatem fuit impeccabilis, non ratione diuini suppositi, neque ratione beatitudinis, sed solum ex eo quod erat confirmatus in gratia, faciliter saluatur in Christo libertas ad merendum, sicut saluatur in eis, qui sunt confirmati in gratia, qui non possunt peccare, quia auxiliis efficacibus adiuuantur, quæ non lædunt libertatem, ut latè traditur in materia de gra-

tia, & sic voluntas manet libera ut possit mereri.

Similiter in sententia Scoti (de qua 27. infra disputatione 18. quæstione 1.) & omnium Sectatorum eius asserentium, quod Christus sit impeccabilis ratione beatitudinis, quod explicant aliqui, quia necessitabat eius voluntatem ad non posse velle bonum apparens, nam cum visio beata ostendat obiecta sicut sunt in se, ita non potest ostendere esse bonum id quod verè non est bonum, tamen non necessitabat illam ad posse suspendere actum, & consequenter relinquere liberam libertate exercitij. Ex quo asserunt, quod rectè compatiuntur inter se impeccabilitas Christi, & libertas ad merendum requisita.

Sed contrà, quia libertas requisita ad merendum est sufficiens ad peccandum, & per suspensionem actus potest violari præceptum non minus quam per actum positium; suspensio autem actus non requirit obiectum malum, seu apparenter propositum ut bonum, sed circa obiectum bonum in se, & ut sic propositum potest esse cessatio peccaminosa, ut suprà parte antecedenti diximus; ergo ob dictam rationem non saluatur impeccabilitas Christi cum libertate ad merendum.

Quia e dicendum existimo, quod licet ratione beatitudinis Christus sit impeccabilis, hoc tamen non prouenit, nisi quia beatitudini est annexa per se manutentia Dei, quæ excludit omne peccatum, licet non excludat libertatem ad peccandum, & consequenter relinquit illam ad merendum, & per hanc libertatem, quæ est exercitij meruit Christus in adimplerione præceptorum, quia quatenus est ex parte voluntatis, poterat non adimplere præcepta, sicut poterat suspendere dilectionem beatificam non solum in primo instanti suæ conceptionis, sed etiam postea semper: unde Christus fuit impeccabilis non simpliciter, sed ex suppositione manutentia Dei, quæ suppositio cum non sit antecedens, sed consequens non lædit libertatem ex sententia Anselmi opusc. de Concordia liberi arbitrij, & predestinatione, quem omnes Scholastici sequuntur, & hanc existimo esse veram mentem Scoti in 3. d. 12. quæst. 1.

Quare

30. Quare tota difficultas huius rei est in sententia Thomistarum antiquorum & recentiorum asserentium Christum fuisse impeccabilem præcisè ex vi vnionis hypostaticæ, & vt plurimum ex visionis beatificæ auferentis libertatem in eorum sententia, non solum quoad specificationem, sed etiam quoad exercitium. Circa quam mirum est eos videre in varias distrahì sententias, & in non stabiles distorqueri doctrinas: nam primò P. Lorca disputatione 73. distinguit diuersa præcepta naturalia, diuina & positiua, & licèt de naturalibus assermet fuisse vera præcepta, quæ Christum in conscientia obligarent, v.g. subuenire indigenti, &c. tamen de positiuis qualia fuerunt legalia legis Moyssis, & de diuinis qualia fuerunt decalogi, & de subeunda mortè pro redemptione generis humani, asserit quòd non fuerunt vera præcepta respectu Christi, sed in tantum dici præcepta, in quantum per illa ostendebatur diuina voluntas: vnde asserit quòd Christus hæc liberè adimplebat, quia poterat non adimplere, non tamen illa. Et si ei obicias, quòd Christus fuit verus obediens, iuxta illud, *Factus obediens*, &c. Respondet quòd materia obedientiæ non solum est illa quæ cadit sub præcepto, sed etiam quæ est iuxta voluntatem superioris: est enim (inquit) magis perfectus obediens, qui ad solam inlinationem superioris voluntatis operatur, quàm qui ad præceptum.

31. Alij verò (vt refert Lorca à num. 21. & Valquez disput. 74.) diuersas fugas inuenerunt. Primò dicunt aliqui, quòd licèt opus Christi cadens sub præcepto fuerit liberum in sensu composito, non tamen in sensu diuiso. Secundò alij, quòd suppositio præcepti non est intrinseca in voluntate, sed solum extrinseca, & sic non auferit libertatem. Tertiò alij, quòd licèt opus præceptum non habeat libertatem, bene tamen voluntas illa, quæ admittit præceptum. Quartò alij, quòd præceptum solum cadit super opus externum, & ante ipsum Christus liberè volebat prædictum opus efficere, & talis volitio appellatur adimpletio materialis præcepti. Quintò alij (& probabilius est inter Recentiores) quòd licèt substantia operis cadentis sub præcepto non esset libera,

benè tamen plures circumstantiæ illius, scilicet tempus, intentio, motuum extrinsecum, & sic tota actio exercebatur liberè.

Sed cõtrè omnia hæc difficulta sunt ne dicam falsa, nam verum non videtur explicare plura S. Scripturæ testimonia in sensu improprio, quæ asserunt Christum habuisse præcepta solum propter auferendam libertatem exercitij in dilectione beata, quæ est eorum doctrina: Ioan. 1. *Hoc mandatum dedit mihi Pater*; & cap. 14. *Sicut mandatum dedit mihi Pater, sic facio*; & cap. 15. *Sicut & ego Patris mei præcepta seruari*. Et licèt aliqui Patres videantur negare præceptum respectu Christi, loquuntur de ipso ratione diuinitatis, non verò ratione humanitatis. Insuper à prædictis Auctoribus negatur in Christo obedientia, quæ respicit præceptum, in quo vera obedientia videtur consistere, quia si alia, quæ non respicit illud, acclamatur tamquam maior, non est, quia obedientia per se non respiciat præceptum, sed propter promptitudinem animi, quæ apparet in eo quòd non spectet præceptum, & tandem sententia, quam Lorca tenet, noua & particularis est etiam inter Thomistas, vt ipse fatetur.

Deinde concordare libertatem cum necessitate orta ex præcepto, sicut alij concordant nullam habet firmitatem, non primus modus concordæ ex recitatis, quia si supposito præcepto opus non erat liberum; ergo neque meritum, modò autem loquimur in sensu composito, scilicet supposito præcepto; non in sensu diuiso, scilicet illo non existente, quia etiam non supposita visione beatifica electio Dei esset libera, vt omnes fatentur. Non secundus, quia scilicet suppositio præcepti sit extrinseca voluntati, intrinsecè tamen eam determinat, nam inducit talem conditionem in obiectum quòd sit necessariò amandum, aliàs perderetur diuina amicitia. Non tertius, quia excludit meritum ab opere præcepto, & solum ponit in actû voluntatis admittente præceptum, & sic nihil dicit ad propositum. Præterquam quòd etiam illa voluntas debet esse necessaria, cum sit orta ab amicitia & dilectione Dei in eorum sententia omnino necessaria. Non quartus, quia si volitio interna non est

formalis adimpletio præcepti, quandoquidem ipsum antecedit; ergo effectio operis externi non erit formaliter obedientia, quia hæc debet esse formaliter libera, & opus externum non erit adimpletio formalis obedientiæ, si ut liberum non cadit sub præcepto. Non quintus, quia ex illo sequitur, quod Christus non meruerit per substantiam operis; sed per illius circumstantias: unde non diceretur quod Christus nos redemit, quia mortuus est, sed quia sic, vel sic mortuus est, nam circumstantia libera non reddit substantiam, cuius est liberam, & S. Scriptura Isaia 53. ait, *quod si posuerit animam suam, videbit semen longævum*; non verò dixit, quod si taliter posuerit, sed absolute *si posuerit*; & ad Philippenf. 2. *Factus obediens usque ad mortem, propter quod & Deus exaltavit illum*, &c. hæc sufficiant breuiter attigisse, ut veritas nostræ sententiæ firmiter appareat.

QVÆSTIO II.

Quo tempore Christus Dominus meruerit?

1. **A**liqua dubia se offerunt in hac questione circa principium temporis vitæ Christi, aliqua circa finem, & aliqua circa medium. Circa principium quaeritur, an Christus meruerit in primo instanti suæ conceptionis? Negant plures, sed non eodem fundamento, quia Alexander 3. p. quaest. 17. memb. 2. art. 1. negat ex eo quod operatio non potest esse in eodem instanti in quo res producit. reputatque hoc magis probabile D. Bonaventura in 3. d. 18. art. 1. quaest. 1. Alij negant, quia in primo instanti non potest esse libertas, quia nec deliberatio, quæ requirit tempus in quo fit consultatio, & electio: unde asserunt Angelos in primo instanti non meruisse, quod etiam debent dicere de Christo. Et insuper Henricus quodlib. 8. quaest. 10. Hugo de S. Viç. in Sūma Theologiæ tract. 2. cap. 2. hoc idem asserunt de Christo, & tribuitur Alber. dist. 3. art. 14. & de Angelis idem asserunt Ricardus art. 2. quaest. 2. Capreolus dist. 4. q. 1. art. 1. sed alio fundamento, scilicet ex eo quod prima operatio in illis debet esse natu-

ralis, sed in Christo fatentur esse liberam. Durand. tamen in 3. d. 18. quaest. 2. solum probabiliter negat de Christo, nam opinatur Christum non habuisse usum rationis in primo instanti, quia organa corporis non fuerunt disposita, nisi post multum tempus, sicut in reliquis pneris.

Sed communis & vera sententia affirmat, Christum incepisse mereri in primo instanti suæ conceptionis. ita Magister in 3. d. 18. Scotus q. vnicā, §. est igitur. Ricardus art. 1. q. Paludanus quaest. 1. art. 1. Carthus. quaest. 2. Gabriel q. vnicā, art. 2. Almainus q. 1. S. Thomas 3. p. q. 19. art. 3. & q. 34. art. 3. Driedo lib. de Captiuit. & redemption. tract. 2. cap. 2. p. 3. art. 3. conclus. 3. Vasquez disp. 75. cap. 4. Suarez disp. 39. sect. 3. Lorca disp. 74. num. 5.

Probat Suarez ex illo ad Hebræos 10. *Ingressi in mundum dicit, Sacrificium & oblationem nolui, corpus autem adaptasti mihi; tunc dixi, Ecce venio, in capite libri scriptum est de me ut faciam voluntatem tuam*; ergo ingrediens in mundum (quod fit in primo instanti) dixit, *Ecce venio*, &c. hoc est libenter admitto facere voluntatem tuam Deus; ergo meruit in primo instanti. Hanc rationem impugnat Lorca, quia nullus Patrum vel Expositorum intelligit hoc testimonium loqui de primo instanti, sed indefinite de tempore vitæ Christi, imò iuxta contextum videtur loqui de tempore passionis. Sed contrā, quia illa verba, *ingrediens in mundum*, non de tempore passionis, sed de primo instanti conceptionis, si litteraliter intelliguntur illa, *ecce venio*. Primum in carne passibili aduentum satis clarè significant quidquid sit, an in aliis verbis eiusdem textus fiat mentio de tempore passionis.

Probat ergo Scotus ubi supra efficaciter ex eo quod nulla appareat repugnantia, quia omne agens habens actum primum perfectum, & obiectum præsens in ratione obiecti, si non impeditur, & actus eius secundus non sit successivus, sed permanens potest agere pro quocumque instanti: sed hæc omnia fuerunt in Christo in primo instanti conceptionis, quia habuit voluntatem perfectam cum charitate, & obiectum (ut sunt Trinitas, nostra redemptio, &c.) præsens

præfens tam per scientiam beatam, quàm per scientiam infusam, quæ non dependet ab organis, & actus quo diligeret Deum, & vellet nostram redemptionem non est per se successivus, sed permanens; ergo illo potuit mereri in illo primo instanti.

5. Ad primam rationem in contrarium respondetur, quòd sicut Sol in eodem instanti, quo fuit, illuminavit; ita in eodem instanti, quo humanitas Christi fuit, potuit operari, quæ prioritas quæ requiritur inter esse & operari, solum est prioritas naturæ. Ad secundum respondetur, quòd quando suppletur discursus in consultatione, deliberatio fit in instanti; consultatio autem nihil aliud est, quàm syllogismus practicus, cuius conclusio est quòd debeat eligere voluntas hic & nunc; quando ergo hæc conclusio habetur abique discursu, ut reperitur in Deo, in Angelis, & in Christo per scientiam beatam & infusam, electio libera fit in instanti. Neque est necessarium in Angelis, quòd prima voluntatis operatio sit naturalis, sicut contingit in intellectu, nam primo potest proponi obiectum cum indifferentia, & sic actio secuta erit libera. Ad tertium respondetur Christum habuisse usum rationis secundum scientiam beatam & infusam (quæ non indigent organis) in instanti, iuxta illud Isaïæ 8. *Antequam sciat puer vocare patrem & matrem, auferentur spolia Samariæ.* id est operabitur Christus salutem antequam perueniat ad statum in quo, sicut alij pueri sciant vocare patrem & matrem. Insuper aliàs sequeretur Christum neque circumcisione, neque his quæ passus est in natiuitate aliquod meruisse, quod est contra Patres Ecclesiæ. quare non solum ut temeraria, sed etiam ut erronea notatur sententia Durandi.

6. Circa finem vitæ Christi conveniunt omnes Christum meruisse vsque ad mortem, iuxta illud ad Hebræos 10. *Per proprium sanguinem introiit semel in sancta æterna redemptione inuenta.* Et capite 11. *Pro oblatione consummanit in sempiternum sanctificatos.* Et ratio est, quia vsque ad mortem fuit viator, quæ est conditio requisita ex voluntate Dei ad meritum. legantur Recentiores ubi supra.

7. Sed circa hoc prima difficultas est,

an hoc debeat intelligi vsque ad instanti mortis inclusivè, ita ut in illo instanti in quo fuit mors esset meritum, an non? & videtur quòd sic, quia Christus morte suâ nos redemit; ergo meruit in illo instanti, in quo fuit mors. Ex alia parte videtur quòd non, quia in instanti, quo est mors, non est vita; ergo neque status viatoris ad meritum requisitus.

Hæc difficultas pendet ab illa questione philosophica, quæ inquit in viuentia desinant per instanti intrinsecum vel extrinsecum. Et qui asserunt quòd desinant per intrinsecum, consequenter debent asserere quòd meruit Christus in illo instanti in quo fuit mortuus, quia sicut de illo verificaretur nunc est Christus, & immediatè post hoc non erit (aliàs non esset instans intrinsecum) ita posset verificari, nunc meretur Christus, & immediatè post hoc non merebitur.

Tamen in veriori & communiori sententia, quæ docet quòd viuentia desinant per instanti extrinsecum, consequenter debet dici quòd non meruit in instanti mortis, quia sicut tunc verificatur, nunc non est Christus, & immediatè antea fuit (aliàs non esset instans extrinsecum) ita verificatur, nunc non meretur Christus, sed immediatè antea merebatur, & hoc probat ratio pro parte negatiua. Ad rationem pro parte affirmatiua respondet D. Thomas quest. 50. art. 6. in corpore & ad 2. Christum uos redemisse suâ morte in fieri, non in facto esse, id est per passionem, non per priuationem vitæ formaliter.

Sed ex hoc oritur secunda difficultas, quia si priuatione vitæ non meruit Christus, quia tunc non erat; ergo neque meruit similiter vulnere lanceæ recepto in latere, quia tunc Christus non erat, neque habebat statum viatoris, iuxta illa verba Ioannis 19 *Cum viderent eum iam mortuum, non fecerunt ei crucem, sed unus militum lancea latere eius aperuit;* & quòd iam esset mortuus, definitur in Concilio Viennensi contra hæreticum vocatum Petrum Ioannes, cuius meminit Castro hæresi 10. asserentem Christum pertulisse vulnus lateris ante mortem, & Euangelistam retulisse post illam per recapitulationem, sic

seu per figuram præoccupationis. Circa quam difficultatem aliqui asseruerunt illud vulnus nullo modo fuisse meritorium; alij quoddam non fuerit opus redemptionis, sed Redemptoris.

11. Sed in hac re Dico primò: Vulnus lanceæ pertinuit ad nostram salutem, & fuit opus nostræ redemptionis, quod videtur de fide certum, nam in Clementina Prima de summa Trinitate habentur hæc verba, *Et quod in hac assumpta natura ipsum Dei Verbum pro omnium operanda salute non solum affigi cruci & in ea mori voluit, sed etiam emissio iam spiritus perforari lanceæ latus eius sustinuit.* Nota ly *pro omnium operanda salute.* Et Ecclesia in Hymno de Cruce canit: *Quo vulneratus insuper mucrone dira lancea, ut nos lauaret crimine, manauit unda sanguine.* Difficultas ergo est quomodo pertinuerit ad nostram salutem.

12. Lorca ubi supra num. 16. asserit quoddam pertinuerit per modum redemptionis, satisfactionis, & sacrificij: negat tamen numero antecedenti quoddam pertinuerit per modum meriti. Sed contrà, quia licet meritum, redemptio, satisfactio, & sacrificium habeant diuersos respectus, seu diuerificentur per ordinem ad diuersos terminos, tamen in ratione operandi nostram salutem conueniunt, ita quoddam satisfactio, redemptio, &c. sint per modum meriti; ergo si vulnus lateris non pertinuit per modum meriti ad nostram salutem, sequitur quoddam neque pertinuerit per modum satisfactionis, &c.

13. Vasquez disp. 76. cap. 2. asserit quoddam pertinuerit per modum fontis applicantis per Sacramenta (in ipsis aqua & sanguine effusis significata) passionem Christi antecedentem, non tamen per modum meriti. Sed inquiri quomodo fons fuit opus redemptionis? & quomodo applicuit Sacramenta, an per modum meriti, an alio modo? Et sic difficultas indissoluta manet.

14. Tandem plures alij asserunt quoddam pertinuerit per modum actus exterioris meritorij. Sed contrà, quia actus exterior, quando exercetur, vel debet habere actualiter libertatem, ita ut patienter sustineatur, & posset similiter respici, & non sustineri (ut vult Vasquez) vel si sufficit libertas virtualis, seu antecedens, ad minus requirit quoddam

fit operatio vitalis (ut vult Lorca) & trumque autem deficiebat, quando vulnus Christi laterale fuit receptum ab ipso; ergo non fuit meritorium.

Quare dicendum existimo secundò, quoddam vulnus lateris Christi pertinuerit ad nostram redemptionem per modum meriti non formaliter, sed obiectiue, id est, prout in re exhibitum, fuit obiectum voluntatis Christi, quod sicut voluit meritorie crucifigi, ita voluit in latere vulnerari post mortem, & ita illa voluntas fuit meritoria formaliter, quia adhuc fuit viuente Christo; vulnus vero ex eo quoddam obiectum illius fuit solum obiectiue, nam ad hoc quoddam esset non solum obiectum actus interioris meritorij, sed etiam formaliter meritorium tamquam actus exterior, deberet esse opus vitale, cum deberet esse opus morale. hanc sententiam in quantum negat vulnus lateris fuisse formaliter meritorium cum aliis tenet nouissimè Gaspar Hurtado disp. 13. de Incarnatione, difficult. 5.

Per hunc modum dicendi facilius explicantur locutiones supra positæ, & plures alie, quas ex Patribus adducit Vasquez, quæ docent quoddam sustinuit vulnus lanceæ ut nos lauaret crimine, & propter operandam nostram salutem: dicimus enim quoddam hoc meruit Christus per plagam illam non formaliter, sed obiectiue; & similiter explicatur id quod communiter clamant Patres, scilicet quoddam noua Eua scilicet Ecclesia fuit formata ex latere noui Adami dormientis, id est, Christi mortui, & quoddam ab illo vulnere Sacramenta Ecclesiæ manarunt: dicimus enim quoddam fuit formata Ecclesia, & quoddam Sacramenta manarunt ab illo vulnere tamquam à causa meritoria non formaliter, sed obiectiue, voluit enim Christus ante mortem ut post mortem latus suum perforaretur, & ab illo aqua & sanguis profunderent, ut in fontem significaret se esse Ecclesiæ Adamum, quæ Ecclesia formata fuit ex illo, sicut Eua ex primo Adamo; & in aqua & sanguine significaret Sacramenta, quibus repararetur, & pulchritudinem acciperet: vnde merito Cyprianus lib. de Passione & resurrectione Christi circa finem asserit, quoddam de hoc vulnere tamquam de fonte emanarunt aqua & sanguis

quis ad complementum & perfectionem iustitiae in aeternum duratura. dicimus enim quoddam fuerit hoc vulnus, & mysteria seu Sacramenta significata in aqua & sanguine, obiecta voluntatis Christi antecedentis in vita fuerunt complementum & perfectio totius iustitiae Christi, seu redemptionis illius per modum obiecti.

17. Circa medium temporis vitae Christi conveniunt omnes Christum durasse in actuali merito absque cessatione ab instanti conceptionis usque ad finem vitae, quod patet in sententia Scoti, quia duravit in actuali dilectione beatifica, quae in sententia illius fuit meritoria. Insuper duravit in dilectione & operibus, quae sequuntur ad scientiam in proprio genere, scilicet ad scientiam inusam, & licet ab illis superfedere possit, tamen ut aduertit Caietanus quaestione 31. art. 2. non est concedendum quoddam aliquando cessauerit: unde & dormiendo meruit, quia etiam tunc fuit in vigilia ratione praedictae scientiae.

18. Sed inquires: Si hoc est verum, cur redemptio nostra & fructus eius tribuuntur passioni Christi, & morti eius? Respondent Recentiores (omissis aliis solutionibus) cum Soto in 4. d. 1. q. 3. hoc provenire non ex eo quoddam omnia alia Christi opera non fuissent sufficientia ad nostram redemptionem, fuerunt enim propter infinitum valorem, quem habebant, sed quia ex voluntate Dei passio Christi, & mors eius fuit complementum & consummatio meritorum eius, taliter quoddam omnes operationes simul cum passione & morte, quasi vnum totum integrabant; ac si esset (ait Scotus) unica actio habens latitudinem, & varios gradus, & hoc totum Christum obtulit Deo, & per illud meruit nostram salutem, non autem meruit plus pluribus meritis, quam vno, neque vno merito vnum praemium, & alio aliud, sed omnibus meritis simul sumptis totum praemium, licet quodlibet seorsim esset sufficiens & superabundans ad omne praemium, si à Deo ordinaretur ad illud, & Christus offerret.

19. Nos tamen qui distinguimus merita Christi de facto quoad substantiam à

Castillo de Incarn. Pars I.

meritis ipsius quoad modum non debemus ex illis omnibus efficere vnum meritum (nisi respectu gratiae prout reconciliatricis, quae nobis confertur ad emundationem nostram à peccato) sed debemus efficere duo genera meritorum, neque debemus dicere vnum dependere ab alio in esse meriti, quia scitis si dicamus nil de facto dari hominibus ex meritis quoad substantiam, quoddam non detur etiam ex meritis Christi quoad modum: unde merita Christi solum dependent à passione & morte sua tamquam à termino terminante statum viatoris. ita ex parte tenet Gaspar Hurtado disputatione citata de Incarnatione, difficult. 6.

QUESTIO III.

Vtrum Christus Dominus aliquid sibi meruerit?

IN hac re sunt duae extremae sententiae, in quarum media veritas consistit. Caluinus & alij ex nouis haereticis dixerunt Christum nil sibi meruisse, sed totum nobis. Et probant, quia in S. Scriptura absolute dicitur pro nobis natus, passus, &c. ex alia parte aliqui Scholastici affirmant Christum sibi etiam gloriam essentialem meruisse tribuitur Alberto in 3. d. 18. art. 4. & quibusdam ex Nominalibus. & videtur deduci ex D. Thoma 3. p. q. 34. art. 1. ubi ait Christum meruisse in primo instanti, in quo sanctificatus fuit, quia sanctificatus fuit per proprium actum, seu per propriam dispositionem. Fundamentum est, quia praestantius & magis dignum est acquirere gloriam ex meritis, quam sine illis; ergo hoc debemus Christo concedere.

Sed communis & vera sententia media affirmat Christum aliqua sibi meruisse, & aliqua non. ita Scholastici cum Magistro in 3. d. 18. Scotus q. unica, s. est igitur; D. Bonaventura artic. 2. quaest. 1. Ricardus ibidem; Gabriel quaest. unica, art. 2. Durandus quaestione 3. Alexandrinus 3. p. quaest. 17. memb. 3. art. 1. S. Thomas art. 3. quoniam sententiam sequentibus conclusionibus declaro.

Dico primò: Christus Dominus non meruit gratiam habitualement, & alios

M m habitus

habitus, qui infunduntur cum ipsa. Fundamentum est, quia principium meriti non potest cadere sub merito, sed in sententia Scoti gratia habitualis de facto est principium meriti; ergo illa & habitus, qui illam simul comitantur, non poterunt cadere sub merito. Notanter autem dixi *de facto*, quia de potentia Dei, ut supra diximus, quod posset aliquis mereri per actus non elicitos à gratia, sed bonos moraliter ex obiecto & circumstantiis, dummodo acceptentur à Deo. Insuper diximus, quod de potentia Dei forma iustificans posset esse vnio hypostatica, vel alia forma creata distincta à gratia habituali, licet non ita connaturali modo, sicut illa: unde in sententia Thomistarum, qui asserunt quod vnio hypostatica de facto fit forma iustificans humanitatem Christi, multo minus potuit illam Christus mereri, etiam de potentia Dei, quia antecedit omnem Christi operationem.

4. Dices: Potuit Deus dispensare cum Christo, ut absque gratia habituali cum solo auxilio supernaturali operaretur, & mereretur gratiam habitualement. Respondetur concedendo quod potuit, sed non congruebat quod ita faceret, quia congruentius erat quod operaretur connaturaliter, quod fit quando actus procedunt à potentiis cum habitibus perfectis in actu primo. Præterea quia sicut repugnat quod mereatur gloria essentialis ut hereditas, ita repugnat quod mereatur gratia habitualis propter necessariam connexionem, quam inter se habent, sed repugnat de facto in Christo quod mereatur gloria essentialis quocumque modo sumatur, ut iam iam dico; ergo, &c.

5. Dico secundò: Christus Dominus non meruit gloriam essentialem suæ animæ, quæ in fruitione diuinæ Essentiæ consistit. Hæc conclusio communis est apud supracitados Auctores pro nostra sententia, sed diuersi diuerso modo probant: Primò aliqui, quia si illam meruisset, caruisset illam pro aliquo instanti: sed Christus illam habuit in primo instanti conceptionis; ergo illam non meruit. Sed contrà, quia sufficit prioritas naturæ inter meritum & præmium, sicut inter causam & effectum; ergo utrumque potuit habere

in eodem instanti. Secundò probant alij, quia gloria erat illi debita ratione vnionis. Sed contrà, quia etiam gloria corporis erat illi debita ratione vnionis, & nihilominus illam meruit, bene enim aliquid potest esse debitum pluribus titulis, præterquam quod solum erat debita ex congruentia. Tertiò alij, quia si illam sibi meruisset, meruisset gloriam infinitam, quia eius merita erant infinita. Sed contrà, ergo neque nobis meruit gloriam, siquidem gloria nostra non est infinita. Quartò alij, quia non haberet gloriam, nisi post finem vitæ, nam non consummavit Christus eius meritum, nisi morte suâ. Sed contrà primò, quia hoc solum pendebat ex voluntate Dei, quæ potuit dispensare cum Christo, ut per solum primum actum mereretur. 2. quia solutione anticipatâ potuisset dare Christo præmium ex propriis meritis, sicut fecit cum antiquis Patribus dando ipsis gratiam per merita Christi. quod argumentum præcipuè habet vim in sententia Aduersariorum. Quintò alij, quia aliàs posset Christus habere spem præmij. Sed contrà, quia spes est de obiecto futuro, & in vno instanti, in quo esset meritum & præmium, non potest esse futuritio.

His ergo reiectis probatur vnicâ ratione Scoti *s. hoc visò*, quia ordinatè volens prius vult finem, quàm ea quæ sunt ad finem, & perfectissimè volens perfectissima si potest, vult talem finem; ergo Christus, qui debuit ordinatè & perfectissimè velle, prius debuit velle finem, quàm ea quæ sunt ad finem ordinata & perfectissima: sed volitio finis in Christo fuit fruitio, seu actus charitatis secutus ad visionem Dei, in quo beatitudo essentialis consistit; ergo debuit esse prior, quàm actus virtutum moralium, qui versantur circa finem, imò & quàm actus amoris secutus ad scientiam infusam propter minorem perfectionem, vel ad minus debuit non esse posterior, & consequenter prior fuit actus, qui est præmium, quàm actus, qui est meritum. Et confirmatur à Scoto duplici congruentia: Prima, quia sicut Deus ut auctor naturæ creauit aliquas naturas dependentes à causis secundis, sicut

sicut nostras, & creauit alias independentes, propter earum perfectionem, ab illis, vt angelicas, ita vt Auctor gratiæ debuit creare gloriam non solum dependentem à meritis, sicut nostram, sed etiam independentem ab illis, sicut Christi. Secunda, quia hoc pertinebat ad perfectionem status Beatorum, quia ibi est gradus gloriæ illorum, qui nunquam fuerunt inimici per peccatum actuale, vt innocentes; & gradus illorum, qui fuerunt inimici per actuale peccatum, & postea resipuerunt vt poenitentes; & gradus Virginis, quæ licet non fuerit inimica, neque per actuale, neque per originale peccatum, fuisset tamen si non præseruaretur; igitur fuit decens, quod esset gradus gloriæ, & beatitudo alicuius, qui fuisset præuentus ipsâ visione & fruitione beatâ, ita vt ante illam neque posset peccare, neque mereri.

7. Dices: Per scientiam infusam potuit Christum habere actum dilectionis circa finem; ergo per illum potuit mereri actum beatificum, & sic iste non erit primus. Respondetur concedendo antecedens, & nego consequentiam, quia licet Christus posset habere dilectionem secutam ad scientiam infusam, non tamen debuit habere ante dilectionem secutam ad scientiam beatam. Et ratio est duplex, Prima quia ordo eorum, quæ infunduntur, est contrarius ordini eorum, quæ acquiruntur, quia hic incipit ab imperfectioribus, & procedit ad perfectiora: at verò ille semper incipit à perfectioribus; cum autem inter ea, quæ Christo infusa sunt, magis perfecta sint, quæ pertinent ad statum comprehensoris, quam ea, quæ pertinent ad statum viatoris, ab illis debuit incipere, & sic à visione & dilectione beata. Secunda, quia sicut qui ordinate vult, prius vult finem, ita qui non solum ordinate, sed etiam perfectissime vndeque vult, debet vndeque perfectissime prius velle finem, quare licet Christus de potentia Dei posset velle Deum per dilectionem secutam ad scientiam infusam, priusquam per secutam ad scientiam beatam, tamen de facto debuit velle prius, vel ad minus non posteriùs per beatam, quia est magis vndequeque perfecta, quam infusa.

8. Per hæc patet ad rationem in consilio de Incarn. Pars I.

trarium adductum pro secunda sententia in principio, quia repugnat quoddam actus sit meritum & præmium respectu eiusdem, & meritum in Christo non potuit antecedere ad præmium, vt iam probauimus: Insuper illud esset verum, si cetera sint paria, non verò si interueniat aliquod maioris momenti, vt in præsentia.

Dico tertio: Christus Dominus meruit sibi gloriam corporis, & omnia dona, quæ ad eam reducuntur, scilicet resurrectionem, dotes corporis gloriosi, sessionem ad dexteram Patris. Hæc conclusio est de fide, iuxta illud Lucæ 22. *Nonne hæc oportuit pati, & ita intrare in gloriam suam;* & ad Hebræos 2. *Vidimus Iesum propter passionem mortuam gloriâ & honore coronatum.* Et ratio est, quia caruit Christus his perfectionibus, vt pro nobis pati posset; ergo potuit illas mereri.

Sed dices: Gloria corporis physice & naturaliter resultat ex gloria animæ, & si hæc resultantia non fuit in Christo, est quia fuit impedita à Deo per miraculum, vt pro nobis pati posset, & mori; ergo sicut gloria animæ non potuit cadere sub merito, ita neque gloria corporis, quia ex natura rei est annexa illi. Respondet Egidius cum aliis disp. 19. de Spe, dub. 11. num. 144. negando antecedens, ex eo quod solum habeant conuexionem prædictæ gloriæ ex voluntate Dei, non ex natura rei: sed melius Scotus 1. hæc visio, vers. *sed nunquam meruit.* Respondet cōcedendo antecedens, & negando consequentiam, quia sicut potuit Christus directe mereri, quod auferretur impedimentum, quo impeditur resultantia gloriæ corporis, ita potuit mereri indirecte, & de consequenti, quod resultaret gloria corporis.

Sed obiecit primò Suarez disp. 40. sect. 3. quod hæc propositio, *Christus meruit indirecte gloriam corporis*, est contra testimonia S. Scripturæ supra adducta, & cōtra Patres expresse asserentes, quod Christus meruerit gloriam corporis: vnde est temeraria. Respondetur S. Scripturam & Patres hanc difficultatem non attigisse, solum enim docent quod Christus meruerit gloriam corporis, an autem directe, an indirecte, nil dixerunt, & sic non est temeraria.

12. Sed obicit secundò, quia vix intelligitur quid sit hoc impedimentum, nam vel est naturalis conditio passibilis corporis, & hæc non aufertur, sed potius per ipsam gloriam corporis perficitur, vel est aliqua diuina ordinatio, quâ statuit impedire resultantiam gloriæ corporis à gloria animæ, & Christum mereri, quòd hæc ordinatio mutetur, seu aufertur, nihil est aliud, quàm mereri ipsam gloriam corporis per quam aufertur; ergo hæc directè meretur à Christo. Et confirmat, quia si hoc modo loquendi deberemus vti, potius esset dicendum quòd Christus directè meruit gloriam corporis, & indirectè ablationem impedimenti, sicut qui redimit captiuum, directè meretur eius libertatem, & indirectè vt amoueantur vincula quæ sunt impedimentum libertatis.
13. Respondeo ad argumentum, quòd impedimentum hoc est diuina ordinatio simul cum illo miraculo, quo suspendit resultantiam gloriæ corporis à gloria animæ, tamen ablatio huius impedimenti non est formaliter ipsa positio gloriæ corporis, licet sequatur ad illam: vnde qui directè meretur ablationem ordinationis & miraculi, indirectè meretur positionem gloriæ corporis, quia ex merito ablationis ordinationis & suspensionis concursus sequitur meritum ordinationis contrariæ, & positionis concursus, quo corpori communicatur gloria eius. Ad confirmationem respondetur, quòd si libertas, quæ emitur, quando quis redimitur, esset solum liberare à vinculis, vt posset vti libertate naturali ambulandi, quod directè deberet emi, esset ablatio impedimenti vinculorum, quia ex illa ablatione naturaliter sequeretur libertas ambulandi indita à natura (sic contingit in nostro casu) quia tamen non emitur hæc libertas, sed illa quæ omnimodam seruitutem in ordine ad dominium tollit, & hæc non emanat necessariò ab alia forma, idèò hæc directè emitur, tamen in nostro casu cum gloria corporis necessariò & physicè dimanet à gloria animæ, & hæc dimanatio auferatur per impedimentum miraculi & ordinationis, quod directè debet mereri, est auferri hoc impedimentum & ordinationem, quia corporis gloria statim sequitur, sicut liberè ambulare sequitur ex ablatione vinculorum.
- Dico quartò: Christus Dominus meruit sui nominis exaltationem, scilicet vt ab omnibus cognosceretur & coleretur vt Deus, Saluator, Redemptor, &c. quod patet ex illo ad Philip. 2. *Propter quod & Deus exaltauit illum, & donauit illi nomen, quod est super omne nomen, &c.* Et Apocal. 5. *Dignus est Agnus, qui occisus est, accipere diuinitatem, &c.* id est, quia occisus est. Dices: Hæc omnia debita erant Christo ratione vnionis hypostaticæ; ergo non potuit illa mereri. Respondetur quòd eadem res potest diuersis titulis esse alicui debita: vnde hæc etiam potuerunt Christo deberi titulo meritorij.
- Dico quintò: Christus Dominus meruit sibi iudiciariam potestatem, scilicet vt esset vniuersalis iudex viuorum & mortuorum. Hæc conclusio non est ita expressè in S. Scriptura, sicut præcedens, sed colligitur ex illo Iob cap. 36. *Causa tua, quasi impij indicata est, iudicium causamq. recipies.* quasi diceret, Deus, idèò eris iudex, quia fuisti iniuste iudicatus. vnde hæc iudiciaria potestas optimè respondet illi merito, quo passus est se iniuste iudicari, quòd testimonium coniunctum cum illo Matthæi 9. *Dedit ei potestatem iudicium facere, quia filius hominis est,* magis veritatem ostendit huius conclusionis. colligiturque ex Augustino in lib. de Verbis Domini serm. 6. consentiuntque omnes Theologi cum S. Thoma 3. p. quæst. 59. art. 3.
- Hic solet inquiri, an Christus meruerit perseuerantiam & continuationem vnionis hypostaticæ, & gratiæ, & gloriæ essentialis? & respondeo quòd licet de potentia Dei hæc potuissent cadere sub merito, tamen de facto non ceciderunt sub illo, quia non est fundamentum in S. Scriptura vt hoc asseramus. Insuper quia primum decretum, quo Incarnatio, gratia & gloria prædestinata sunt, videtur fuisse, vt hæc omnia essent perpetua & coæua, prædestinabantur enim ad exornandam moraliter & physicè naturam vnicendam hypostaticè Verbo diuino, & sic congruebat vt fieret independenter à meritis, & iam patet quòd illud decretum non potuit

potuit de facta cadere sub merito. Ad fundamentum Caluini & aliorum respondetur quòd illa testimonia S. Scripturæ doceant Christum venisse in nostrum remedium, tamen alia quæ adduximus, docent quòd meruerit sibi aliqua. Insuper dico quòd illa testimonia solum exprimunt merita Christi in quantum Redemptoris, & ut sic referuntur ad nos, non ad Christum. Prætereà solum adstruunt finem principalem & primum, non secundarium.

QVÆSTIO IV.

Utrum Christus Dominus meruerit Angelis gratiam & gloriam essentialem?

1. **I**N hac Quæstione prima sententia negat Christum meruisse Angelis gratiam & gloriam essentialem. ita Vasquez disp. 49. cap. 2. qui citat Alexand. 3. p. q. 12. memb. 2. art. 2. §. 5. D. Bonavent. in 3. d. 13. art. 2. q. 3. tam in corpore, quàm ad 1. Palud. q. 1. art. 3. Durand. q. 2. num. 7. Almain. d. 19. q. 1. Mayor ibidem q. 3. Dried. de Captiuit. tract. 2. cap. 2. punct. 3. art. 5. post 4. conclusionem. tenent nouissimè Lorca 3. p. disp. 76. num. 5. Lessius in disp. de Prædestinatione Christi sect. 1. num. 4. & ij; Alvarez lib. 5. de Auxiliis disp. 40. num. 2. Molina 1. p. q. 63. art. 3. memb. 5. circa 7. conclusionem; Hurtado tract. de Incarnat. disp. 14. difficult. 12. n. 56. Becanus cap. 14. q. 9. Faber disput. 48. Smifinch lib. de Deo ut vno tract. 3. disp. 6. q. 10. num. 663. qui pro se non solum citat D. Thomam in 3. d. 13. q. 2. art. 2. & de Veritate q. 29. art. 4. & 7. ad 5. argumentum, sed etiam Scotum in 3. d. 7. q. 3. §. *sed hic sunt duo*, in quantum asserit quòd ante peccatum Deus elegit homines & Angelos ad gratiam & gloriam; & d. 19. q. vnicà, §. *in ista quæstione*, asserit quòd meritum Christi fuit ordinatum post præuissum hominis lapsum.
2. Hæc sententia Primò probatur ex parabola Christi Matthæi 18. & Lucæ 15. de Pastore, qui reliquit 99. oues, & quæsiuit vnā perditā, quam explicant plures Ecclesiæ Patres ab iplis relati, taliter quòd per 99. oues intelligantur naturæ angelicæ, & per vnā

onem naturā humanā. Secundò probatur ex illo ad Hebræos 2. *Qui sanctificat, & qui sanctificantur ex vno omnes*, scilicet ex vno Adam nati.

Tertiò probatur ratione à Lorca, quia sanctificatio, & glorificatio Angelorum fuit prius præuissa, quàm Incarnatio Christi ad minus quantum ad modum, licet in plurimorum sententia etiam quoad substantiam: sed merita Christi, quæ de facto habuit, dependent à Christo quoad modū, hoc est à Christo passibili; ergo Christi merita non potuerunt à Deo præuideri oblata pro gratia & gloria Angelorum. Maiorem probat, quia Incarnatio quoad modum fuit posterior peccato primi parentis; & iustificatio, & glorificatio Angelorum fuit prior, quia iam supposebatur Angelus peccator, & amittens gratiam, siquidem fuit tentator primorum parentum: Minorem probat (& hæc probatio est potissimum aliorum fundamentum) quia omnia Christi merita consummata sunt morte Christi, ita ut ante illam opera Christi non censentur esse completè meritoria. Et confirmatur, quia Christus non est mortuus pro Angelis.

Secunda sententia, & quæ mihi probabilior apparet, affirmat quòd gratia & gloria essentialis Angelorum fuerit ex meritis Christi Domini. Pro hac sententia primò referri debet Scotus in 3. d. 5. q. 3. & d. 17. q. 3. & d. 19. q. vnicà, cum omnibus aliis Auctoribus disp. 4. quæst. 1. citatis, in quantum dicunt, quòd Christus veniret, Adam non peccante, quòd tunc eius opera fuissent meritoria pro sanctificatione hominum & Angelorum, licet non crucifigeretur, & moreretur. Sed meo videri hanc sententiam magis expressit Scotus in prædicta dist. 7. q. 3. §. *secundum dubium*, vbi postquam dixit quòd natura humana Christi fuit primò prædestinata ad gloriam, ut ostenderet Deus quòd non oporteret ei conferre gloriam secundum ordinem naturarum, & sic quòd primò voluit gloriam naturæ non summæ (intellige naturæ humanæ, non naturæ angelicæ, quæ inter creatas de facto à Deo fuit summa) subdit, quòd *secundò voluit illam naturam esse in persona Verbi, & sic Angelus non subest puro homini*, ergo insinuat quòd Angelus subest.

M m 3 Cluisto,

Christo, in eo quod Deus dederat Christo, scilicet in gloria. Et confirmatur, quia ibidem intendit Scotus Christum constituere caput totius curiæ cælestis hominum & Angelorum; ergo per triplicem influxum assignatum ad rationem capitis disp. 13. quæst. 1. ergo per influxum meritum.

5. Deinde debent citari pro hac sententia omnes Patres & Scholastici, qui asserunt quoddam quævis Christum non veniret, Adam non peccante, tamen fuit prædestinatus ante prædestinationem hominum & Angelorum, & ante visionem peccati originalis. unde male Lorca denegat Christo hanc excellentiam, quam in sua sententia poterat conferre. Sed in terminis habent illam Catherin. lib. 1. de Eximia Christi prædestinatione, & opus. de Gloria Angelorum; Viguerius de Institutionib. theolog. cap. 20. §. 1. vers. 4. Valencia in Psalmum 81. & in Psalmum 102. Galatinus lib. 3. de Arcanis cap. 4. Ricard. Tapcr. art. 2. citatur Albertus in 3. d. 13. art. 2. Ioannes Arboreus lib. 3. suæ Theosophiæ cap. 13. tenet expressè Suarez disp. 42. sect. 1. Valencia q. 8. puncto 3. Caietan. q. 7. art. 11. Montess. disp. 4. de gratia Christi q. 4. §. 2. Pytigan. in 3. d. 19. q. vnicâ, art. 5. circa 2. conclusionem citatur D. Thom. 3. p. q. 7. art. 9. & q. 19. art. 1. & 4. & super primum caput Ioan. circa illa verba, *De plenitudine eius omnes accepimus.*

6. Hanc sententiam probat Suarez pluribus S. Scripturæ testimoniis Ioan. 14. *Nemo potest venire ad Patrem, nisi per me.* Marci 11. *Nemo bonus, nisi solus Deus.* Ioan. 17. *Hæc est vita æterna ut cognoscant te Deum verum, & quem misisti, &c.* Sed hæc vel non loquuntur de Angelis, vel si loquuntur, facile explicantur de cognitione & aduentu per fidem Christi, tamquam obiecti cogniti & crediti. Similiter probatur ex Patribus, nam Bernard. serm. 22. in Cantica ait, *Christum esse sanctificationem & redemptionem Angelorum.* Sed videtur loqui de Christo secundum diuinitatem, nam explicat illud 2. ad Corinth. 8. *Qui factus est pro nobis sanctificatio, &c.* & dicit, *Nobis factus est, sed Angelis non est factus sanctificatio quia in principio erat Verbum.* Et Gregorius lib. 1. Reg. cap. 2. in illa verba, *non est alius extrate* (scilicet Sanctus)

dicat, *Extra Dominum non est Sanctus, & loquitur etiam de Angelis, quia absque deo v. nigeniti nemo habet sanctitatem.* Sed etiam videtur loqui de Christo secundum diuinitatem, nam homil. 14. in Ezechiel. super illa verba cap. 40. *Et erat murus forissecus, inquit, quid Christus est murus, quia secundum quod sussumest* (id est secundum diuinitatem) *firmitas est Angelorum, & secundum quod deorsum est* (id est, secundum humanitatem) *est redemptio hominum.* Si autem obiciat hæc Patrum testimonia contra nostram sententiam, in quantum videntur excludere, quoddam Christum secundum humanitatem influat sanctitatem in Angelos. Respondetur quoddam loquuntur secundum quamdam accommodationem, nam cum in Christo sit diuinitas quæ est spiritualis, & humanitas quæ est materialis, primam accommodant Angelis, utpote spiritualibus; secundam hominibus tamquam materialibus: tamen sicut quando dicimus quoddam Christum secundum humanitatem influat gratiam in homines, non excludimus quoddam illam influat secundum diuinitatem, ita quando dicunt Patres quoddam illam influat in Angelos secundum diuinitatem, non excludunt humanitatem.

Meliùs ergo (etiam cum ipso Suare) probatur nostra sententia ex Cyrillo Alexand. tom. 2. in illud Isaie 54. *Letare sterilus quæ non paris;* ubi ait, *Christum tam hominibus, quam Angelis fuisse causam sanctitatis;* & explicans illud Ioan. 1. *De plenitudine eius omnes accepimus,* inquit, *tam homines, quam Angeli, Cherubim, &c.* ubi loquitur de Christo secundum humanitatem, quia de Christo, ut sic loquitur Ioannes.

Neque obstat quod Vasquez cap. 5. 8. obicit, scilicet Cyrillum debere intelligi de Christo secundum diuinitatem, quia dixerat Christum ante mortem esse Sanctum Sanctorum. Respondetur primò per hoc non tolli, quoddam secundum humanitatem fuerit causa sanctitatis Angelorum, quia ante mortem, & post mortem fuit Sanctus Sanctorum. Secundò, quia per hoc insinuat, quoddam merita Christi applicata Angelis per se non dependebant à morte Christi, ut dicemus infra, nam in eius sententia lib. 5. Thesauri cap. 8. Christus fuit præ-

prædestinatus ante præuifum peccatum, & sic potuerunt præuideri ante mortem eius merita quoad substantiam.

9. Sed magis expresse doctrina nostra probatur ex Laurentio Iustiniano sermone de Ascensione Christi dicente, *Christum fuisse parietem hominum & Angelorum*; & sermone de Assumptione B. Virginis Mariæ loquens de choris Angelorum, supra quos omnes ascendebat Virgo Maria, dicit, *Nemo illi inuidebat, fructus quippe ventris eius, totam ciuitatem illam replenerat sanctitate*; & ex Hieronymo explicando illud ad Ephes. 1. *Omnia subiecisti sub pedibus eius*, inquit, *crux Christi purgavit omnia, quæ in cælis, & in terris sunt*. Neque obstat quod obiicit Vasquez Hieronymum conuenire cum errore Origenis dicentis Christum venisse ad redimendum malos Angelos. nam contra primò, quia Hieronymus non dixit, quod purgauit ea quæ sunt in infernis, sed quæ in cælis: vnde purgare sumit pro *sanctificare*. Secundò, quia ipse Vasquez asserit, quod Origenes potest explicari in bono sensu.

10. Deinde probatur ratione quasi à posteriori, quia primi parentes ante peccatum (& consequenter Angeli in statu viæ) habuerunt fidem Christi, vt colligitur ex Genesi 2. *Hoc nunc os ex ossibus meis*, &c. quod Paulus ad Ephes. 1. explicat de mysterio Incarnationis. vnde hanc sententiam docet Augustin. 5. de Genesi ad litt. cap. 19. & Bernard. sermone 27. in Cant. & D. Thom. 1. 2. p. q. 64. art. 11 ad 4. & 3. p. q. 3. ad 5. ergo habuerunt gratiam & gloriam ex meritis Christi. probo consequentiam, quia nulla alia apparet ratio, quare illis proponeretur ad credendum hoc dicendum, scilicet Christus, qui constitutus erat à Deo caput eorum, nisi ad hoc vt in illo totam suam spem & fiduciam collocarent, & ab eo vellent participare influentiam meritorum tamquam à suo Capite morali.

11. Vnde valde probabile est, quod primum Angelorum peccatum fuerit inordinatus appetitus vnionis hypostaticæ, & inuidia excellentiæ Christi, & nolle se illi submittere (in quo fortassis fundatur quod destituerentur demones à meritis Christi vt Redemptoris,

ita vt non moreretur pro ipsis, & reuiuiscerent per poenitentiam) ita Bernardus serm. 22. in Cant. vbi ait, *Inuidisse Angelos illam olei infusionem, quæ humanitas est delibata & vnita in Christo*. legatur Suarez tom. de Angelis lib. 7. cap. 13. & 14. imò quod peccauerint habendo inuidiam nominis IESV, seu (quod idem est) muneris Saluatoris; quia sibi videbatur magis congruum hoc munus, vt potere habentibus naturam perfectiorem, totum enim hoc includebatur in obiecto quod Angelus inuidit: vnde inuidia nominis IESV se habet quasi partialis illius totalis inuidiæ. legatur Velsq. tom. super Epistolam ad Philipp. annot. 8. super illa verba, *In nomine Iesu*, &c. à folio 758. num. 8. & 9. vbi hoc latè probat, & notat quod nomen IESVS non est nomen Redemptoris, sed Saluatoris: vnde Matthæi 2. dicitur, *Vocabis nomen eius Iesum, ipse enim saluum faciet populum suum à peccatis eorum*; Saluator autem idem est ac sanctificator stando in proprietate vocis, nam Saluator sumitur à salute, quæ siue corporalis, siue spiritualis sit, non supponit necessariò præfuisse in subiecto infirmitatem; Redemptor vero includit per se respectum ad peccatum, quod vel præuenit, vel curat: quare antequam Christus esset prædestinatus vt passibilis, iam erat decretum vocandi illum Iesum.

Neque obstat quod obiicit Vasquez, 12. primò quod prædicta consequentia (habuerunt fidem Christi per gratiam & gloriam ex meritis Christi) non sit necessaria. 2. quod dum extollimus Christi merita, attenuamus eius charitatem erga homines, siquidem non solum propter illos; sed etiam propter Angelos venit. nam respondeo ad primum, quod illa consequentia est saltem valde probabilis, imò taliter fundatur in congruenti ratione, quod appareat necessaria, non enim in hac Quæstione suppetunt alia principia ad melius philosophandum. Ad 2. nego, quod attinetur charitas Dei erga homines, siquidem hæc maxime elucet in eo quod pro redimendis illis voluerit ignominiam mortis pati, & crucifigi.

Magis vrgenter probatur ex his, quæ etiam cum Aduersariis tradidimus disputatione 13. quæst. 2. scilicet quod Ecclesia

Ecclesia Angelorum & hominum sit eiusdem rationis, & Christus eorum caput. Ex quo sic argumentor: Angeli constituuntur membra suae Ecclesiae per fidem in via, & per visionem & charitatem in patria, sicut homines; ergo sicut Christus est actuale hominum caput, quia influit per suam humanitatem & merita, has formas, quibus formaliter & actu constituuntur membra, & referuntur ad caput, ita contingit respectu Angelorum, imò & quoddam hæc fides sit tam in Angelis quam in hominibus fides Christi saltem implicita, videtur eodem argumento probari. Et confirmatur à simili, quia licet homo genitus & homo creatus sint eiusdem speciei secundum rationes absolutas, scilicet secundum materias & formas, tamen secundum rationes relatiuas, scilicet prout genitus, & prout creatus distinguuntur specie, quia per se petunt terminos sic distinctos: sed membra Ecclesiae vnus non solum dicuntur talia per formas absolutas, scilicet per fidem in via, & per visionem in patria, sed etiam per relatiuas, hoc est per connexionem, & dependentiam, quam habent ab vno capite, qualiter omnes Ecclesiae mundi dicuntur vna Ecclesia militans, non solum ratione fidei, sed etiam in quantum pendet ab vno Summo Pontifice; ergo tam Ecclesia hominum quam Angelorum debet ad vnum terminum scilicet Christum eodem modo referri, vt constituent vnam Ecclesiam, aliàs essent diuersae propter diuersum modum, quo caput terminaret relationes illius; ergo sicut terminat Ecclesiam hominum in quantum causa meritoria gratiae & gloriae essentialis, ita terminat Ecclesiam Angelorum.

14. Tandem vltimò probatur, quia quoddam Christus meruerit Angelis gloriam & gratiam est excellentia Christi, quae illi non repugnat, quia iuxta ordinem decretorum, quam in sententia Scoti statuimus disp. 4. quæst. 1. p. 2. (vbi videantur ne prolixior quam par est, fiat hæc quæstio) Christus non solum fuit ante Angelos prædestinatus ad gratiam & gloriam essentialem (ratione cuius fuit eorum caput in genere causae finalis, & in genere causae exemplaris, quia gratia ipsius, & ad instar

ipsum illi prædestinati sunt, idem dico de hominibus) sed etiam speciali decreto ante ipsorum & hominum prædestinationem fuit constitutus eorum caput morale, quia cum fuerit specialis Christi dignitas debuit illi concedi speciali decreto in intentione, & in executione; ergo eorum gratia & gloria essentialis debuit illis dari, tam in intentione, quam in executione ex meritis Christi.

Hæc consequentia patet Primò, quia esse caput morale hoc modo nihil aliud est, quam esse caput in genere causae efficientis moralis, nam ante hoc decretum erat caput in genere causae finalis & exemplaris (quæ causae minus propriae, & quasi metaphoricè influunt) vt patet ex dictis: sed vt causa efficiens moralis potest influere gratiam & gloriam Christus, quia pro tunc Angeli illas non habebant; ergo influxit.

Secundò, si propter aliquam rationem hoc non admittit Valquez cum aliis, est quia vel non admittit Christum fuisse prædestinatum ante peccatum Adami, vel etiam si hoc admittat vt admittit Lorca) non tamen admittit merita Christi, quæ de facto habuit, fuisse præuisa ante præuisionem peccati Adami, & mortis Christi, quia omnia dependebant ab illa, sed vtrumque est falsum iuxta ordinem nostrum in decretis Dei, quia Christus fuit ante peccatum prædestinatus, & eo ipso quoddam constitutus fuit caput morale, eius merita, quæ tunc præuidebantur (quæ dicuntur merita quoad substantiam) fuerunt à Christo oblata, & à Deo acceptata pro collatione gratiae & gloriae essentialis Angelorum & hominum, quorum erat caput, nam hoc est influere efficienter moraliter; ergo influxit. Tertiò, quia in Aduersariorum sententia influxit gloriam accidentalem Angelis; ergo & essentialem, siquidem merita Christi erant ad hoc valerosa, & præuidebantur. Et denique confirmatur solutione argumentorum.

Ad primum respondeo primò, quoddam etiam plures Ecclesiae Patres intelligunt illam parabolam de hominibus, & non de Angelis, ita vt per 99. oues intelligantur iusti, & per vnam ouem homo peccator, vt ostenderet diligentiam, quam circa salutem peccatoris adhi-

15.

16.

17.

adhibet, ipse qui est pastor, ita ut si opus esset pro vno solo homine moreretur, dicitur autem reliquisse 99. oves, non quia non redemerit, sed quia non ita indigebant speciali diligentia, sicut peccator. ita Iansenius in Concordia cap. 94. Maldonat. Matth. 18. & fateatur etiam Vasquez. Secundò admitto quòd etiam intelligatur de Angelis, sed tunc argumentum est pro nobis, quia probat quòd Christus etiam eos pascat pastu quo pascit homines, scilicet gratia, & gloria essentiali. quod autem venerit solum propter hominem, & relinquat Angelos, significat quòd venerit passibilis principaliter primò & per se propter peccata hominum, non propter Angelos.

18. Ad secundum testimonium. Ad Hebræos 2. *Qui sanctificat, & sanctificantur ex vno omnes.* Respondetur primò, intelligitur ex vno Deo. ita Anselm. Ambros. & D. Thom. in hunc locum. sic autem comprehenduntur Angeli. Secundò alij legunt in singulari, scilicet *qui sanctificat & sanctificatur*, ita ut sensus sit: Christus qui secundum diuinitatem sanctificat, & secundum humanitatem sanctificatur ex vno omnes, id est ex vno Patre aeterno, quia secundum utramque naturam in supposito diuino subsistentem est eius Filius naturalis. ita Dionys. 4. de Cælesti Hierarchia. Tertio admitto lectionem vulgatam, & quòd intelligatur ex vno A¹ dam esse qui sanctificat; & qui sanctificantur. Respondeo tamen quòd loquitur de sanctificatione per modum redemptionis, nam antecederet loquebatur de Christo secundum quod per passionem & mortem erat gloria & honore coronatus; Angeli autem non fuerunt redempti, sed sanctificati.

19. Ad argumentum quod adducit Lorca cum aliis respondetur optimè probare contra illos, qui omnia opera Christi tam quoad substantiam (qualia sunt opera elicita à charitate, religione, gratitudine, &c. quæ non dicunt connexionem per se, & ex natura sua cum statu passibilitatis) quam quoad modum (qualia sunt ea, quæ Christus passus est per mortem & passionem, non solum crucis, sed etiam frigoris, caloris, fatigationis ex itinere, & omnium illorum, à quibus status gloriosus

Castillo de Incarn. Pars I.

(quem posset habere si homo non peccaret) posset illum eripere & liberare) efficiunt vnum meritum perfectum & consummatum, quia secundum hunc modum philosophandi diuina opera Christi, quæ de facto habuit, nullo excludo, debebant à Deo præuideri ad hoc ut Christus mereretur Angelis gratiam, & gloriam essentialem, quia si Christus non habuit nisi vnum meritum, quod prædicta omnia opera includeret, non poterat præuideri ut causâ meritoria, & consequenter nisi præuideretur mors Christi, quæ nequibat præuideri ut facto fuit ante peccatum Adami: tamen in nostra sententia asserenti, quòd Christus de facto habuit opera quoad substantiam, & opera quoad modum, & quòd illa non dependebant ab istis tamquam ab vltima ratione completiua omnium operum in esse vnius meriti (nisi respectu gratiæ prout reconciliatricis) sed tamquam à termino terminante, quia mors Christi terminauit omnia merita ipsius, ita ut non mereretur amplius, facilis est solutio, quia dicimus, quòd licet sanctificatio, & glorificatio Angelorum fuerit prius præuisa, quam passio Christi, & merita quoad modum, non tamen prius quam merita quoad substantiam, quia hæc ut completè meritoria fuerunt præuisa in intentione, & in executione ante sanctificationem & glorificationem Angelorum & hominum; & sic potuerunt ut causâ influere in illas, & hoc sibi voluit Scotus in 3. distincti. 19. questione vnica, §. *sed hic sunt*, ubi asseruit, quòd passio Christi præuisa à Deo non potuit esse ratio prædestinandi homines, quia iam erant prædestinati, intellige per merita quoad substantiam.

Dices: Ex hoc sequitur, quòd mors Christi nihil profuerit Angelis, imò neque hominibus ad eorum prædestinationem, quod videtur contra plura sacre Scripturæ testimonia, præcipuè cōtra illud Pauli ad Hebræos 5. *Vnde epini oblatione consummatis in semetipsum sanctificatis.* Respondetur negando sequentiam, quia gratia hominum prout reconcilians ipsos cum Deo, dependet primò & per se à morte Christi, ut diximus in

N n illa

illa disp. 4. tamen gratia prout sanctificans, & gloria essentialis tam hominum, quàm Angelorum dependent à morte Christi, & meritis quoad modum, non primò & per se, sicut à meritis quoad substantiam, sed secundariò, & per accidens; nam postquam decreuerat Deus hæc dare Angelis & hominibus per merita Christi quoad substantiam, tam in intentione, quàm in executione facta, præuidens quòd etiam veniret passibilis propter peccatum hominum, voluit alio decreto nouo non solum dare aliquas illuminationes & glorias accidentales propter hæc merita passionis, sed etiam eandem gratiam & gloriam iam concessam ex antecedenti decreto, & ex meritis prioribus vt pluribus titulis diuerso modo applicatis illà haberent, quia totum hoc cedit in gloriam & in excellentiam Christi, vt omnibus suis meritis esset eorum caput; & hoc etiam tenebant asserere, qui affirmant, quòd B. Virgo Maria ex meritis Christi fuerit præseruata ab originali cōtracto in Adamo, & à debito proximo contrahendi illud, solum exempto Patre Salazar in lib. de Conceptione Virginis asserente Deum huius creaturæ existentiam non cognouisse, seu meminisse, quando fecit pactum cum Adamo, & postea cognouisse, quando Christus iam præuidebatur passibilis pro peccato, & tunc ex meritis quoad modum præseruauit, sed hoc impugnandum est in proprio tractatu.

21. Sed obijciens primò: Ergo duplex causa totalis producit eundem numero effectum. probo cōsequentiam, quia merita Christi quoad substantiam, & merita quoad modum, vel decretum habitum ex illis, & decretum habitum ex istis causant eandem collationem gratiæ & gloriæ essentialis in Angelis, & eandem præseruationem in Virgine. Responderi possit, quòd vna causat per se, alia per accidens. Sed contrà, quia si vna immediatè causat per se vt causa totalis, alia neque per se neque per accidens potest immediatè causare eundem numero effectum, quia excludit à consortio suo quacumq; aliam causam. Quare dicendum nobis, quòd non causent eodem modo illum effectum, quia merita quoad substantiam, & decretum habitum ex illis causant imme-

diatè, explicitè, & per effectum: merita verò quoad modum, & decretum habitum propter illa causant mediatè, implicitè, & per affectum, idè illa dicuntur causa per se, hæc verò per accidens. Et ratio est, quia secundum decretum, quo Deus voluit ex meritis Christi quoad modum dare Angelis gratiam & gloriam essentialem iam datam ex alio primo & antecedenti decreto, quo illam voluit dare (idem dico de Virgine) ex meritis quoad substantiam, non tam fuit absoluta voluntas, quâ futurizaret, seu vellet esse futurum illi effectum, quàm complacentia de decreto antecedenti à se habito circa prædictam collationem gratiæ & gloriæ, & vt sic illam mediatè, implicitè, & per affectum respiciebat, quia qui complacet, & gaudet de decreto habito, complacet, & gaudet de obiecto voluto per illud; erat tamen complacentia talis, quòd futurizaret prædictum effectum, si antecedenti decreto non esset futurizatus. Et ratio est, quia ex natura sua respicit obiectum futurizans effectum, quale est decretum efficax, quo voluit causare illud: vnde non debet appellari simplex cōplacentia, quæ nullo modo respicit futuritionem effectus, sed efficax, mediata tamen vt dixi: non repugnat autem quòd idem effectus causetur à diuersis causis totalibus, dum tamen causetur hoc diuerso modo, neq; quòd causetur ab vna causa per se, & immediatè, & ab alia per accidens, & mediatè, quia quod dicitur in obiectione suprâ posita, quòd si vna causa totalis causat effectum per se, alia nequit illum, neque per se, neque per accidens causare, intelligitur quando vtraque immediatè causat, non tamen quòd vna immediatè & per effectum, & alia mediatè & per affectum.

Sic veniunt intelligenda diuersa sacre Scripturæ testimonia, quæ hunc modum dicendi confirmant, & pro omnibus sit illud ad Ephes. 1. *Proposuit insinuare omnia in Christo, quæ in cælis, & quæ in terra sunt*, id est proposuit Deus recapitulare (ita legunt alij) & iterum confirmare per Christum Angelos in cælis, & homines in terra, quia quos primò per merita quoad substantiam in gratia & gloria stabilierat, per merita quoad modum iterum confirmaret, imò in hominibus repararet; nam illud verbum,

verbum, *instantare*, nouam confirmationem significat, quæ in Angelis fuit noua propter nouum titulum, propter quem habuerunt suam gratiam & gloriam, & in hominibus propter nouum titulum, & nouum modum gratiæ, quia non solum fuit sanctificatiua; sed etiam reconciliatrix.

43. Obiicies secundò: Ex his sequitur, quòd Christus fuerit mortuus pro Angelis, & consequenter quòd redemerit eos, quod est error Origenis homil. 1. & 2. in Leviticum, asserentis quòd Christus redemerit Angelos, qui saluati sunt, sicut & homines. Fundatur in illo ad Coloss. 1. *Pacificans in sanguine suo, quæ in calis, & quæ in terris sunt*; & Apocal. 2. ubi dicitur, *quòd boni Angeli vicerunt draconem per sanguinem Agni*. Respondetur negando sequelam, quia aliud est, quòd mors Christi profuerit Angelis; aliud verò, quòd mortuus fuerit pro Angelis. Prima locutio est vera, quia solum significat quòd mors Christi cauauerit in Angelis aliquos effectus, & vt sic etiam est vera respectu Christi, licet non fuerit mortuus pro se, neque redemerit se, quia propter mortem suam meruit gloriam sui corporis, exaltationem sui nominis, &c. Secunda verò locutio est falsa, quia significat mortem Christi in quantum fuit sacrificium, expiatio, & satisfactio pro peccatis, iuxta illud 2. ad Corinth. 5. *Si unus pro omnibus mortuus est, ergo omnes mortui sunt*: sic autem non fuit mortuus pro Angelis, quia non fuerunt mortui in peccato: vnde secundum Augustinum in Enchirid. cap. 61. Bernard. in feriam 4. hebdomadæ sanctæ Christus non debet dici Angelorum redemptor.

24. Dices: Eo ipso quòd Christus Angelos sanctificauit, eos præseruauit à peccatis; ergo fuit redemptor præseruationis eorum, non aliter ac Virginis. Respondetur negando sequelam, quia redimere in rigore, est iterum emere à seruitute, quæ habetur actualiter si redemptio est subleuatiua, vt contingit in nobis, vel quæ necessariò debet haberi si redemptio sit præseruatiua, vt contingit in Virgine, Angeli autem boni numquam fuerunt in seruitute, neque debuerunt necessariò esse, licet in via contingenter potuerint peccare.

Castillo de Incarn. Pars I.

re, & sic non debent dici redempti ad hoc præseruatiue. quare hæc locutio, quæ apud Bernardum serm. 22. in Cantica, & Dionys. cap. 8. de diuinis nominibus reperitur, piè debet explicari sumendo redemptionem pro sanctificatione.

Sed obiter inquires; an Christus possit dici Redemptor, quantum ad sufficientiam respectu dæmonum. Respondet Montefinos & benè quòd non, tum quia eius merita non sunt oblata à Christo, neque acceptata à Deo pro ipsis, tum & præcipue quia non dantur illis aliqua auxilia sufficientia, licet merita Christi habeant valorem ad illa præstanda, quòd totum hoc debet intelligi in statu quem modò habent dæmones, quia in statu viæ data sunt illis prædicta auxilia ex meritis Christi, sicut dantur hominibus, qui damnantur ex illa voluntate generali, quæ vult Deus omnes homines saluos fieri, quia hæc voluntas etiam fuit ex meritis Christi quòd substantiam, vt diximus in illa disputatione 4. quæstione 1.

Ex dictis in hac quæstione resolutæ manent aliæ duæ: quarum prima est, an primi parentes habuerint ex meritis Christi gratiam originalem in statu innocentie? nam eodem modo philosophandum est sicut de gratia & gloria Angelorum, & sicut de hac diximus, quòd primò fuerit in intentione & executione data ex meritis Christi quòd substantiam, & secundò fuerit confirmata ex meritis Christi quoad modum, ita ex eisdem meritis, & eodem modo fuit in re exhibitæ iustitiæ originalis, quam primi parentes in statu innocentie acceperunt, quia tamen homines peccauerunt, ianua cælestis fuit illis clausa, & consecutio gloriæ protrahita vsque ad mortem Christi: at verò Angeli boni, cùm non habuerint hoc impedimentum, statim post suam viam consecuti sunt gloriam.

Secunda est, an Christus meruerit prædestinatis illi electione inefficacem, quæ in sententia Scoti & D. Thomæ ordine intensionis omnes prædestinati sunt efficaciter electi ad gloriam in primo signo prædestinationis ante præuisionem eorum merita (quidquid dicant in contrarium Vasquez, & alij Recitiores hoc negantes) nam consequenter dicendum est, quòd

quod hæc electio efficax fuerit ex meritis Christi quoad substantiam præuulsi à Deo vt futuris, tam in intentione, quam in executione, hoc enim spectat ad excellentiam meritorum Christi, & multum ipsis detrahatur, si prædicta electio non esset facta propter illa, quia cum sit initium prædestinationis, & quæ nequit non fortiri effectum, vix aliquod prædestinati deberent Christo, siquidem illa voluntas ex eo quod efficax deberet impleri, si non per hoc medium meritorum Christi per aliud medium: postquam autem Deus vidit eorum peccatum, prouidit de remedio per passionem Christi: vnde per merita quoad modum non solum complacuit de eorum efficaci electione ad gloriam, & gratiam sanctificationis, vt diximus de Angelis, sed etiam voluit efficaciter reparare per gratiam reconciliatricem, & hoc est speciale quod debent homines morti Christi, sed de his omnibus latius agitur in materia de prædestinatione.

QVÆSTIO V.

Quid Christus Dominus nobis meruerit?

1. **S**uppono ex his quæ dixi disputatione 4. quod Christus Dominus venerit propter nostram salutem, & consequenter quod nobis meruerit secundum omnium sententiam gratiam prout reconciliatricem, & remissionem peccatorum, & omnia quæ post hanc gratiam conferuntur. quare in præsentem solum est difficultas, an meruerit nobis dispositiones, & dona, quæ ad hanc gratiam præcedunt, qualia sunt vocatio efficax ad fidem, & ad poenitentiam, fides ipsa, & ceteri actus, quibus disponimur, etiam si sint dispositio vltima, & similiter auxilia, quæ ad eliciendos ipsos nobis conferuntur, & applicatio Sacramentorum quibus gratiam consequimur.

2. Negat Capreolus in 3. d. 18. q. vnicâ, art. 1. conclusionem 4. & art. 3. in argumentis Scoti sequitur Driedo lib. de Captiuitate & redemptione, &c. tract. 2. cap. 2. art. 4. Adamus in Commentariis ad Roman. 8. ad Philip. 2. & 1. Petri 2. Franciscus Somnius lib. 2. Demonstrationem Euangelicæ legis

tract. 3. cap. 18. & 19. licet fateantur omnes, quod postquam homo ex meritis Christi accepit gratiam, illa omnia si perseuerent, habet etiam ex eisdem meritis. Fundamentum huius sententiæ desumitur primò ex illis Ioannis 6. *Nemo potest venire ad me, nisi Pater meus traxerit eum*: sed quis trahitur per supradicta dona; ergo prius illa habemus à solo Patre absque meritis Christi. Et confirmatur ex Augustino lib. de Prædestinatione Sanctorum cap. 5. vbi ait, *Homo quisque ex gratia ab initio suis Christianus, quâ homo ille ab initio saluus est Christus*: sed homo Christus non est factus Christus ex meritis ipsius; ergo neque Christianus fit talis per merita Christi.

Secundò probant ratione, quia concursus generalis nobis non datur ex meritis Christi; ergo neque auxilia specialia, quæ omnibus dantur. Confirmatur primò, quia si Christus non veniret, non negaret diuina prouidentia hæc auxilia; ergo. Secundò, quia prædicta auxilia dat Deus de facto infidelibus, qui non sunt de facto membra Christi per fidem.

Tertiò probant specialiter de fide & spe, quia Christus non venit, nisi solum vt repararet, quæ Adamus amiserat: sed ille non amisit fidem, neque spem, sed solum charitatem; ergo. Quartò, quia statim ac nobis applicatur Christi merita, nos iustificamur; ergo ante iustificationem nihil nobis datur ex meritis Christi.

Quintò, quia Christi meritum fuit quasi vniuersalis causa ex se indifferens ad omnes homines, & pro omnibus oblatum; ergo debuit determinari & applicari ad determinatum subiectum: sed causæ particulares determinatiuæ & applicatiuæ meritorum Christi sunt dispositiones & vsus actualis Sacramentorum; ergo hæc non sunt ex meritis Christi.

Sed Veritas Catholica, & communis Theologorum sententia affirmat omnia prædicta dona, & omnes dispositiones tam proximas, quam remotas, nulla excepta, ad iustificationem conducentes dari nobis ex meritis Christi, seu per merita Christi. Antiqui Scholastici hoc non expresse runt, quia neque dubitauerunt, exprimunt tamen

Recen-

Recentiores, noster Vega lib. 4. in Tridentinum cap. 5. Vasquez disput. 77. cap. 2. Lorca disp. 75. & reliqui Recentiores agentes de merito Christi: Et probatur expressis S. Scripturæ testimoniis, nam ad Ephes. 1. dicitur, *Benedixit nos omni benedictione spirituali in celestibus in Christo*. Et de fide dicitur ad Philip. 1. *Vobis autem donatum est pro Christo* (id est per merita Christi) *non solum ut in eum credatis, sed etiam ut pro illo pati amini*. Et de prima vocatione dicitur 2. ad Timoth. 1. *Vocavit nos vocatione sancta sua, quæ data est nobis in Christo Iesu*. Et vniuersaliter de omni gratia dicitur Ioan. 2. *De plenitudine eius omnes accepimus & gratiam pro gratia* illud enim *gratiam pro gratia* quomodocumque sumatur, significat omnem gratiam provenire à nobis per Christum. vide Lorcanum. 5.

7. Secundò probatur Ecclesiæ doctrinæ & definitione, nam gratiam quam Ecclesia definit contra Pelagianos, necessariam esse ad omne opus bonum conducent ad vitam æternam ab initio fidei, usque ad donum perseverantiæ declarat esse gratiam per Christum, ut patet ex canone 4. Concilij Mileuitani, ex toto Concilio Arausiano, præsertim canone ultimo, vbi fit expressa mentio fidei, baptismi, & aliorum bonorum operum, & ex Concilio Tridentino sessione 6. & ex Epistolis Innocentij, Socii, & Cælestini, quæ habentur in Tomis Conciliorum, & ex Epistola Patrum Concilij Mileuitani, quæ est 95. inter Epistolas Augustini. Ex Patribus sufficiat (nam de his latus fit sermo à Recentioribus in materia de gratia) adducere Ambrosij. supracitatum locum ad Ephes. 1. *Benedixit nos, &c.* vbi ait, *Omne donum gratia in Christo est, & si quis spreto Christo benedici se à Deo putat, errare se sciat*. quare decepti sunt Auctores contrariæ sententiæ, & minùs piè loquuntur.

8. Tertio probatur ratione, quia in hac re quid de facto factum sit, nobis debet innoscere per S. Scripturam & Patres, sed secundum eorum testimonia adducta omnia dona, quæ ad iustificationis gratiam conducunt, dantur per Christum; ergo illa habemus ex meritis Christi; quod enim ex meritis ipsius datur, per Christum dari dici-

tur, & refertur. Et confirmatur, quia si omnes dispositiones ad iustificationem subtrahantur à meritis Christi, tamquam à causa meritoria illarum, magna pars nostræ iustificationis illis subtrahitur, & multum eorum excellentia minuitur. quare licet potissimum quod nobis meruit Christus fuerit grætiæ reconciliatrix, quæ non coniuncti Deo, illi coniungerentur, ut inquit Scotus in 3. d. 19. q. vnicæ, *in ista questione, verè sed quod & quibus*, tamen dona antecedentia etiam meruit, licet non fuerint ita potissima.

Ad argumenta in oppositum respondeo. Ad primum, quod ex eo quod Pater trahat, non sequitur quod Christus per propria merita non trahat ad iustificationem per vocationes, &c. sicut ex eo quod Christus per sua merita iustificet, non sequitur quod Pater non iustificet, imò ibidem in eodem loco ait quod omnes suæ vocem suam audiunt, in quo satis explicat excitationem & vocationem ad fidem esse per Christum. Ad confirmationem ex Augustino respondetur illam comparationem non esse in ordine ad merita Christi, sed in ordine ad merita nostra: vnde sensus Augustini est, quod eadem gratia homo fit Christianus, quæ ille homo factus est Christus, quia sicut ille non est factus Christus per propria merita, ita neque nos facti sumus Christiani per propria merita nostra ex propriis viribus habita, ut asseriebant Pelagiani, contra quos hoc dicit Augustinus.

Ad secundum respondetur diuersam esse rationem de concursu generali, & de auxilio speciali, quia ille debetur nobis dono creationis, & Christus non est mortuus ut nos creemur, sed ut impetraret nobis gratiam iustificationis, & rectè viuendi, ut inquit Augustinus in Epistola 105. longè à principio; auxilium verò speciale non debetur, sed datur nobis dono reparationis. vnde pertinet ad merita Christi reparantis, quæ per peccatum perdidimus. Ad primam confirmationem respondeo cum Vasque, quod si non veniret Christus, sicut non daretur nobis gratia reconcilians, quæ datur ex vi præsentis decreti, ita neque darentur prædicta auxilia ex vi præsentis decreti: quod autem fieret à diuina prouidentia ex vi alterius

rius decreti non curamus, quia modò solum agimus de eo quod de facto contingit. Ad secundam respondetur, quòd Christus etiam extendit manus suas ad populum non credentem & contradicentem sibi. vnde illis infidelibus etiam meretur auxilia, vt quæ sunt membra in potentia, fiant membra in actu per fidem.

11. Ad tertium respondetur primò cum pluribus Ecclesiæ Patribus, quos adducit Vasquez cap. 4. quòd Adamus perdidit fidem, vel dubitans, vel credens serpenti, mediâ muliere, quòd non erat morte moriturus si comederet de ligno, contra id quod sibi dixerat Deus, quòd erant morte morituri. Nec obstat quod Paulus 1. ad Corinth. 2. ait, *Es Adam non est seductus, mulier autem seducta est*; nam respondemus secundum expositionem Glossæ, & aliorum Patrum, sensum esse, quòd non fuerit deceptus primus, sed post mulierem, exhortatur enim ibi Paulus ne mulieres dominentur viris, quia mulier non fuit primò creata, & primò fuit decepta. Secundò respondetur, quòd non perdidit fidem sibi, quia non credidit quæ serpens dixerat mulieri, sed peccauit attractus amore mulieris; perdidit tamen nobis illam, quia ita attenuatum nobis reliquit liberum arbitrium, vt nec possit in Deum credere, nec operari propter ipsum, sicut oportet. ita propter Patres citatos definit Concilium Arausicanum 2. can. 27.

12. Ad quartum respondetur negando antecedens, quia quoties nobis datur aliquod auxilium supernaturale applicantur nobis merita Christi, & non solum in ipsa iustificatione formali.

13. Ad quintum concedo, quòd merita Christi fuerint causa vniuersalis, & pro omnibus oblata; & similiter concedo, quòd quatenus talis debuit determinari ad iustificationem, nego tamen quòd causæ particulares determinatiuæ fuerint dispositiones & vsus Sacramentorum ex sola gratia Dei, quia etiam hæc habentur ex gratia per Christum, seu ex meritis Christi.

14. Sed inquires quænam fuit causa particularis determinans vniuersalem? Et respondetur primò cum communi sententia, quòd ipsa merita Christi vtrumque munus exercent, quia habent se vt causa vniuersalis, nam quantum est ex

se, & ex voluntate inefficaci Christi omnibus possunt ad iustificationem & glorificationem prodesse, quia pro omnibus habent sufficientem valorem, tamen quantum est ex parte voluntatis Christi efficacis, quâ solum efficaciter obtulit pro illis solis, quos Pater æternus efficaciter prædestinauit, vt sic exercent munus causæ particularis, quia vt sic determinant causam vniuersalem ad hoc vt iste homo congruè vocetur, proximè tribuatur, & tandem iustificetur, & glorificetur, & non ille.

Et si rursus inquiras quare Pater æternus voluit hunc congruè vocari, proximè disponi, & tandem iustificari, & glorificari, & non illum? Respondetur in hoc reperiri mysterium prædestinationis, neque in eo assignanda est alia causa, nisi quòd illi, qui saluantur, gratiâ & voluntate Dei saluantur; illi verò, qui condemnantur, propriis suis demeritis condemnantur: vnde istis solum profunt merita Christi quantum ad sufficientiam, illis verò quantum ad efficaciam: sed de his omnibus latius agitur in materia de prædestinatione & gratia.

Sed aliqua sunt in fine huius quæstionis examinanda. 1. an Christus meruerit antiquis Patribus ab Adamo post peccatum vsque ad ipsum, qui suum aduentum præcesserunt auxilia, gratiam, &c. Et respondetur cum communi sententia quòd sic: nec Catholicus, neque hæreticus de hoc dubitauit; id enim sæpius in S. Scriptura explicatur ad Roman. 8. *In ostensionem iustitiæ suæ in remissionem præcedentium delictorum*; & 1 ad Corinth. 10. *Omnēs sub nube fuerunt*, vsque ad illa verba, *Bibebant autem de spiritali consequente eos Petra, Petra autem erat Christus*. quare Apocal. 5. dicitur Christus *Agnus occisus ab origine mundi*: profuerunt autem illis merita Christi quoad substantiam, & quoad modum per anticipatam solutionem, quia fuerunt à Deo præuisa futura à Christo oblata, & à Deo acceptata.

Sed dices: Si merita Christi habuerunt effectum ante eius aduentum, cur eorum effectus tribuuntur morti Christi, & dicuntur tunc contigisse? tunc enim dicitur, quòd *solianis potestates & principatus, quòd traxerunt confidenter palam triumphans de illis, quòd deleteret, quòd aduersus*

15.

16.

17.

aduersus nos erat chirographum decreti, &c. Respondetur primò, quòd dicantur tunc contigisse, quia tunc mors Christi, & eius merita (propter quæ illa facta sunt, etiam ante mortem Christi) fuerunt in re exhibita. Secundò, quia licet redemptio multorum præcesserat, tamen non completè, & quantum ad omnem effectum, quia ianua cæli non erat aperta, neque iusti liberati à captiuitate Limbi.

QVÆSTIO VI.

De diuersis Christi Domini appellationibus.

1. **D**iuersæ appellationes conueniunt Christo ratione suorum meritum, nam ratione illorum dicitur merens, satisfaciens, redemptor & mediator; merens dicitur in ordine ad præmium, satisfaciens in ordine ad debitum; quare cum sibi meruerit, & pro se non satisfecerit, latius patet ex parte termini meritum, quam satisfactio, licet ex parte actionis eadem actio, quæ est meritoria, sit satisfactoria, & è contrà, neque satisfactio ex parte rei oblatæ (id est ratione vulneris lateralis, quod suscepit post mortem) excedit meritum, quia sicut susceptio illius vulneris non fuit meritoria formaliter, sed solum obiectiue, vt diximus dispositione antecedenti, quæstione 2. ita non fuit satisfactoria formaliter, sed solum obiectiue.

2. Redemptor solum distinguit à satisfaciente penes hoc, quòd satisfaciens soluendo debitum respicit personam pro qua satisfaciunt, quia facit satis loco illius: at verò Redemptor respicit personam cui fit satisfactio, à cuius potestate liberatur & redimitur captiuus. Hic solet inquiri, an hæc duo, scilicet satisfacere, & redimere, ita sint propria Christi, vt nulli alij competere possint, & procedit dubium de satisfactione pro culpa, non pro pœna. Sed de his latius egimus disp. 1. 2. & 3. vbi diximus, quòd licet de potentia Dei alia persona Trinitatis potuerit æquè satisfacere & redimere, imò & persona humana, vel angelica, licet non per meritum ita circumstantionatum ex circumstantia personæ, tamen quod de

facto nulli alteri competit, sed solum Christo Domino immediatè, & toti Trinitati remotè.

Mediator respicit vnâ personam inter alias duas, quas inter se conciliat: dicitur autem in humanis quadrupliciter, primò quando quis constituitur iudex arbiter ad componendum aliquam litem. 2. quando mittitur legatus. 3. quando pro vno impetrat precibus aliquid ab alio. 4. quando non solum precibus impetrat reconciliationem, v. g. vel relaxationem debiti, sed etiam ipse soluit pro illo, & exhibet pretium, quæ omnia ferè complexus est Chrysostomus homil. 16. super Epistolam ad Hebræos, loquens de mediatione Christi, vbi dicit, *Quomodo factus est mediator Christus? sermones deuulsi, & attulsi, ea qua à Patre mittebantur perferens: addidit etiam mortem, in offensione quippe earum, & mori nos oportebat, mortuus est pro nobis.* vnde absolutè dicitur 1. ad Timoth. 2. vnus mediator Dei & hominum homo Christus Iesus. Verum est quòd alicui inferiori à Christo potest conuenire nomen Mediatoris, vt Moyse, qui populo dedit legem à Deo acceptam, & ad eum pro ipso orauit, & Sancti etiam hoc modo dicuntur Mediatores, sed non omni modo sicut Christus: vnde in ipso idem fuit officium Mediatoris, ac Redemptoris, merentis, & satisfaciens, quia his modis omnibus mediavit.

Difficultas ergo est in hac quæstione, secundum quam naturam ex duabus, quas habet Christus, conueniant illi prædictæ denominationes, & appellationes (idem inquiri de nomine Sacerdotis, de quo infra disp. 16. quæst. 6.) an secundum humanam, an secundum diuinam, an secundum vtramque, seu (quod idem est) secundum humanam prout coniunctam cum diuino Verbo?

Circa quam difficultatem Bellarminus tom. 1. lib. 5. de Christo cap. 2. & 3. refert duos errores: primus est Stancharij assertentis conuenire Christo præcisè secundum naturam humanam, & hoc duplici modo, primò excludendo suppositum ab actione redimendi, satisfaciendi, &c. vnde appellatur naturam humanam redemptricem, mediatricem, &c. 2. excludendo valorem, quem à persona participat. Secundus error est

est Caluini, & aliorum, qui in his actionibus & passionibus distinguunt substantiam earum, & efficacitatem ad salutem nostram. primam tribuunt naturæ humanæ præcisè. secundam naturæ diuinæ præcisè, non in sensu Theologorum, qui in eadem actione & passione hæc duo admittunt, ex prædictis duabus radicibus provenire, quia illi hæretici contentur se à Scholasticis dissentire, sed taliter quòd hæc conueniant diuersis actionibus, & diuersis agentibus *ut quod* completis & adequatis: vnde de sacerdotio asserunt, quòd sola humanitas sit victima, & solus Deus sacerdos.

6. Sed indubitata & Catholica sententia tenet prædictas denominationes competere & conuenire Christo secundum vtramque naturam simul, seu (quòd idem est) tantum naturam humanam prout vnitam personæ Verbi, taliter quòd idem suppositum, quòd est Deus & homo, mereatur, satisfaciatur, redimat, vel medicetur. Et probatur, quia Christus non potuit esse mediator secundum naturam diuinam præcisè, nam secundum illam non potuit mereri, neque esse persona media inter duas, neque similiter potuit esse mediator secundum naturam humanam præcisè, quia hæc non influit in opera valorem requisitum de facto, neque secundum vtramque naturam si se habeant tamquam duo agentia totalia & diuisa, quia hæc sapit Nestorianismum constituendo in Christo dup. supposita distincta; ergo dicendum est, quòd conueniat Christo secundum naturam humanam, prout vnitam Verbo. ita ut actiones & passionibus sint suppositi Verbi *ut quod*, & humanitatis *ut quo* illius denominatione; huius formaliter ab illo participat valorem infinitum, & simul ab hac substantiam: vnde S. Scriptura in his actionibus semper loquitur de Christo in concreto ad Roman. 8. *Proprio Filio suo non peperit*, &c.

7. Ad errores oppositos respondetur, quòd si Stancharus excludit suppositum

diuinum à natura humana, quia putat esse personatam personalitate humanam, errat cum Nestorio; si non excludit, falsò asserit, quòd natura humana sit mediatrix, quia actiones sunt suppositorum saltem denominatiue: vnde etiam falsò excludit valorem in actionibus Christi participatum à diuino supposito, siquidem eo ipso quòd denominantur esse, illius participant valorem moralem. Secundus verò error sapit Nestorium eo ipso quòd concedit duo agentia *ut quod* diuisa, completa & adequata, & quòd agant per diuersas actiones, nam supponit esse duo supposita, aliàs non possunt esse duo agentia *ut quod*, & per diuersas adequatè actiones.

Neque contra hoc est, quòd reliqui Patres, quos refert Lorca disp. 77. in dubio incidenti num. 14. prædictos effectus & actiones tribuunt Christo ut homo est, nullà factà mentione Deitatis, imò distinguendo ab illa. Respondetur primò, non ita clarè loquuntur. 2. solum significare intendunt, quòd noster mediator non solum debet esse Deus, sed etiam homo, & in natura humana pati, & alibi eorum intentio verè declaratur ab ipsis.

Solum relict in fine huius questionis explicare ex dictis modum loquendi in hac re; primò ergo hæc est vera; *Christus in quantum homo est mediator*, siue ly. in quantum homo sumatur reduplicatiue, siue specificatiue, quia semper sumitur homo in concreto, & consequenter concernit personam; & similiter hæc est vera, *Christus est mediator in quantum Deus & homo*, sumptà ly. & copulatiue, quia vtraque hæc propositio continet, quòd actiones Mediatoris conueniant Christo secundum vtramque naturam iuxta supradicta. Secundo hæc est falsa, *Christus est mediator in quantum Deus*; & similiter hæc, *Christus est mediator secundum solam naturam humanam*, quia in prima propositione excluditur diuina, vel diuinum suppositum.

DISPUTATIO XV.

DE

SCIENTIA

ANIMÆ CHRISTI

Non loquimur in presenti de scientia in quantum Deus est, sed in quantum homo, quam videntur negare hæretici, non minus, quam operationem voluntatis create, sed illam habuisse Christum est de fide, vt habetur sexta Synodogenerali: hæc autem scientia creata duplex est, alia beatifica, & alia in proprio genere. Primam subdividunt Auctores in duplicem, vnā, quæ secundum omnium sententiam terminatur ad Essentiam diuinam, vt obiectum beatificum; & aliam, quæ terminatur ad creaturas, quatenus earum cognitio debetur statui beatifico, siue hæc cognitio sit ipsa visio beata, siue non secundum diuersas sententias. Secundam subdividunt in per se infusam, & in per se adquisitam: de quibus omnibus agit Scotus in 3. dist. 14. per totam.

QUESTIO PRIMA.

Verum in Christo fuerit scientia beata ab instanti suæ conceptionis?

1. **S**UPPONO primò in hac

Questione, quòd Christus non fuerit secundum humanitatem beatus per increatam operationem Dei, vt malè asseruerunt Ripa & Hugo de S. Victore relati à Recentioribus. Et ratio est, quia cognitio quæ creatura cognoscit, vel consistit in actione intellectus, tamquam causæ efficientis, vel in termino talis actionis recepto in ipso intellectu secundum diuersas sententias, sed increata Dei operatio non potest effici, neque recipi ab intellectu creato; ergo, &c. Vnde non sufficit, quòd de potentia Dei operatio increata ipsius vniretur hypostaticè cum intellectu creato, quia si hoc esset possibile solum terminaret illum, sicut Verbum terminat naturam humanam, non tamen redderet intelligentem, quia ad hoc vt dixi requiritur actio, vel receptio ipsius, vt latè tradunt Philosophi lib. 3. de Anima.

2. Suppono secundò, quòd Christus *Castillo de Incarn. Pars 1.*

non solum fuit beatus à tempore ascensionis, iuxta illud Marci ultimo, *Dominus Iesus assumptus est in calum, & sedet à dextris Dei*; sed etiam à tempore suæ mortis, iuxta illud Lucæ 2. *Hodie mecum eris in Paradiso*; & sanè gloria corporis, quam à tempore resurrectionis Christus habuit, fuit euidentis indicium gloriæ pro eo tempore animæ. Difficultas ergo est, an anima Christi in vita mortali ab instanti conceptionis fuerit beata, & Deum clarè viderit.

Dico primò: Anima Christi fuit beata, & vidit Deum in hac vita mortali. Hæc conclusio est communis & indubitata apud Catholicos. Et probatur primò S. Scripturæ testimoniis; nam 1. Ioan. 4. dicitur, *Deum nemo vidit vnquam Vnigenitus, qui est in sinu Patris ipse enarrauit*, id est ipse enarrauit qui vidit eum; & Ioan. 1. *Vidimus gloriam eius*; & cap. 8. *Ego quæ vidi apud Patrem loquar*, quæ testimonia iuxta communem intelligentiam explicantur de Christo etiam vt homo est.

Dico secundò: Anima Christi fuit beata, & Deum clarè vidit etiam ab instanti suæ conceptionis. Hæc conclusio ita communis est, vt eam negare sit temerarium. ita Scholastici omnes in 3.

O o

d. 14.

d. 14. §. Thomas 3. p. q. 14. art. 4. & q. 15. art. 10. & q. 34. art. 4. & videtur colligi ex illis verbis psalmi 64. *Beatus quem elegisti, & assumpsisti*, id est quando elegisti, & assumpsisti, fuit beatus. quæ expositionem habent communiter Patres, & loquuntur de Christo, de quo etiam multi Rabini & Patres explicant illud Hieremias 31. *Femina circumdabit virum*, quia hoc erat mirabile, quod cum Christus in utero matris esset infans, nihilominus erat vir, id est, videns Deum, iuxta illud Pauli 1. ad Corinthios 3. *Vi autem factus sum vir enacuavi, quæ erant parvuli, nunc cognosco ex parte, sicut autem cognoscam, sicut & cognitus sum*. unde Bernard. homil. 2. super Misellus est, ait, *Vir erat Dominus Christus, sed sapientiæ in ætate, neque enim minus sapiens fuit Christus conceptus, quàm natus; parvus, quàm magnus*.

5. Virgilius meo videri probatur ex illo psal. 15. *Providebat Dominum in conspectu meo semper, quoniam à dextris est mihi ne commovear, propter hoc latatum est cor meum, & exultavit lingua mea; in super & caro mea requiescit in sepe, quoniam non derelinques animam meam in inferno, nec dabis Sanctum tuum videre corruptionem, notas fecisti mihi vias vitæ, adimplebis me latitiam cum vultu tuo, delectationes in dextera tua usque in finem*. quod testimonium intelligi de Christo probant D. Petrus Actorum 2. & D. Paulus Actorum 13. & licet posset exponi de corpore Christi, quod est Ecclesia, ut exponunt Augustinus & Hieronymus, tamen de ipso testatur Christo intellexit Petrus, & resurrectionem ipsius à mortuis per illa verba probavit, *quoniam non derelinques animam meam in inferno, nec dabis Sanctum tuum videre corruptionem; & ascensionem in cælum probant illa, notas mihi fecisti vias vitæ; & gloriam corporis, & quod seculum ad dexteram Patris probant illa, adimplebis me latitiam cum vultu tuo, delectationes in dextera tua usque in finem*, quibus accesserunt Petrus illa verba psal. 109. *Sede à dextris meis*, quasi in confirmationem præcedentium: sed ante hæc omnia inquit David in persona Christi, quod providebat Dominum in conspectu suo semper, id est, semper præ oculis, seu ante oculos mentis suæ habebat Dominum ipsum conspiciens; ergo visione beatæ. patet cōsequenter, tum quia hæc

sola est perpetua, tum quia hæc habet Dominum pro obiecto, tum quia providere, & Dominum in conspectu suo semper habere, non tam significat contemplari, quàm habere perpetuam visionem claram & facialem; tum quia hanc habuisse probat quasi à posteriori per manutentionem Dei annexam visioni beatæ, quæ significant illa verba subsequenter, *quoniam à dextris est mihi ne commovear*; tum quia propter ipsam visionem dicit, quod latatum est cor eius; tum denique quia hic loquitur de aliquo specialiter reperto in Christo Domino distincto à reliquis quæ subsequenter, quæ iam explicavimus quæ sint, & quod semper fuerit in intellectu Christi Domini; si ergo hoc habuit per visionem beatam; ergo tam habuit ab instanti suæ conceptionis, quia eam semper habuisse fatetur.

Deinde satis probatur videtur ex illo 6. Pauli ad Coloss. 2. *In quo* (scilicet in Christo Iesu de quo loquebatur) *sunt omnes thesauri sapientiæ, & scientiæ absconditi*, &c. quæ verba non determinant tempus, sed omnem circumscriptionem illius præ se ferunt sicut illa alia verba inferius posita, *In ipso inhabitat omnis plenitudo divinitatis corporaliter*; ergo pro omni tempore habuit thesauros sapientiæ & scientiæ, sed scientia beata præfertur aliis scientiis, sicut aurum argento, & aliis metallis; ergo hæc in ipso debuit esse ab instanti conceptionis, non minus, quàm divinitas, quam semper hypostaticè habuit sibi unitam.

Deinde probatur ex Patribus, Eusebius enim lib. 10. Demonstrationis Evangelicæ cap. 21. *Quoniam tu es qui extraxisti me de ventre*, dicit in persona Christi, *cum anima mea adhuc intra cellum gestantis me, in utero laterem te unum Deum meum videbam*. Et Ricardus de S. Victore lib. 2. de Emanuele cap. 22. ait, quod nos acceptus i sumus in vita futura, ille (scilicet Christus) accepit in vita ista; quod nobis dabitur in consummatione, illi est datum ab initio suæ conceptionis.

Tandem probatur ratione, quia gratia 8. divina visionis debebatur in ornatum & perfectionem illius naturæ humanæ; ut esset congruè in diuino supposito, ratione cuius habuit gratiam habi-

habitualement, & reliqua dona de quibus supra; ergo sicut vnio hypostatica fuit in primo instanti conceptionis, ita & gratia diuinæ visionis. Et confirmatur ex dictis, quia in Christo non fuit fides, & insuper à primo instanti meruit per actum dilectionis beatificæ; ergo habuit Dei beatificam visionem.

9. Ex his duo debetis inferre. primam, quodd visio beata solum fuit debita Christo in primo instanti debito congruentiæ, non ex natura rei, etiam supposita vnione hypostatica: vnde de potentia Dei possent separari, quia vnio hypostatica non vnit Deum naturæ humanæ in esse intelligibili, sed in esse reali subsistentiæ. Secundum, quia à prædicto instanti fuit prædicta visio Christi summa negatiue, quia alia maior non potuit esse in humanitate aliqua, etiam de potentia Dei, sicut supra diximus de gratia habituali, quod significat illud Psal. quodd sedeat ad dexteram Patris, intellige post ascensionem. Et similiter hoc voluit Isidorus lib. 1. de summo bono cap. 3. vbi ait, *Trinitas sibi soli nota est integrè, & homini assumptor* *by integrè* significat iuxta capacitatem vtriusque quæstionis Trinitati infinitè, & Christo summè.

10. Contra nostram & communem sententiam solum videtur aduersari hæretici recentiores, in quantum asserunt Christum à principio habuisse ignorantiam rerum multarum. ita Lutherus, Caluinus, &c. quos referunt Suarez disp. 25. sect. 1. sed expressius illam in dubium reuocauit Erasmus in Annotationibus ad Luca 2. & videtur negauisse Buzerus, vt refert Canus lib. 2. de locis cap. 14. Sed contra priores agemus in sequenti quæstione, modò autem pro posterioribus adducemus aliqua S. Scripturæ testimonia, & soluemus. Et primò est illud Ioan. 17. *Clarificame Pater claritate quam habui apud te metipsum antequam mundus fieret*; ergo tunc non habebat prædictam claritatem, id est visionem claram. Respondetur hic non esse sermonem de visione clara, sed de sui nominis exaltatione, scilicet quodd cognosceretur vt Deus, qualis fuit ab æterno, quæ ratione pro tunc non cognoscebatur à Iudæis circumstantibus. Secundò est illud Luca 23. *Opertuit Christum pati, & ita intra* *Castillo de Incarn. Pars 1.*

reingloriam suam. Respondetur, Loquitur de gloria corporis, & de gloria exteriori, quā visibiliter ascendit & penetravit celos. Tertiò est illud ad Hebræos 3. *Decebat enim per passionem mortis consummari.* Respondetur non loqui de consummatione per assecutionem gloriæ animæ, sed gloriæ corporis; & præcipuè loquitur de consummatione in officio & mihere Redemptoris, quia per diuinum decretum statutum erat, quodd illud consummaret per mortem.

Hic possunt duo disputari. Primum, An Christus indiguerit lumine gloriæ ad videndum Deum, sicut reliqui Beati. Sed respondetur quodd sic, quia propter vnionem ad Verbum anima eius non est formaliter eleuata ad superna naturaliter operandum, & sic eius potentia indiguerunt habitibus supernaturalibus. Secundo, quomodo potuit compati tristitia, quam Christus in vita, & in passione sustinuit, cum summa eius beatitudine. Sed de hoc ex professo inferius modò sufficiat dicere, quodd habuit tristitiam interueniente diuinā dispensatione nolente talem beatitudinem communicari corpori.

QVÆSTIO II

Quæ, qualis, & quanta sit scientia beata anima Christi?

Quæ quærit substantiam, qualis qualitatem, quanta quantitatem, vt commune dixerim habet. Et circa duo priora facilis est solutio, circa substantiam enim duo possunt inquiri. Primum, An visio beata Christi sit eiusdem speciei cum scientia beata, seu cum visione beatifica aliorum Beatorum. Et respondeo cum communis sententia quodd sic, quia præcedit à potentia & lumine eiusdem speciei, & versatur circa idem obiectū formale, vnde ad Roman. 8. dicimur *heredes Dei, & coheredes Christi.* quia hereditas illius, & nostra est eadem; & eiusdem speciei. Secundum, An sit eiusdem speciei cum scientia beata Angelorum? & similiter respondeo quodd sic, non solum quia habeant idem obiectum formale, & idem lumen, sed etiam quia non distinguantur specie intellectus Angeli, & intellectus hominis in ratione intelle-

ctus, vt cum Scoti in 2. d. 1. q. 6. 1. p. rest etiam addi, dixi lib. 2. de Anima disp. 2. quæst. 2. difficult. 8. idem habet Scotus in reportatis in 3. dist. 13. q. 3. 1. ad tertiam quæstionem; loquendo de fruitione beata; sequuntur ibidem Liquetus & Tartaretus ibidem, & Montepilosus de Visione disp. 24. art. 3. Fundamentum est, quia licet intellectus hominis vt discursiuus est, sequatur vt propria passio ad differentiam infimam & specificam hominis, scilicet ad rationalitatem, tamen vt intellectiuus est, vniuocè conuenit cum Angelis, & vt sic sequitur tamquam propria passio ad differentiam subalternam, quæ hominem constituit in esse substantiæ intellectualis, sed respectu visionis beatificæ (etiāsi hæc non sit simplex apprehensio) intellectus animæ Christi, sicut & cuiuscumque alterius Beati, non se habet vt discursiuus, quia non discurret, sed vt intellectiuus; ergo est eiusdem speciei cum angelico intellectu.

2. Et confirmatur, quia si essent diuersæ speciei, angelica esset perfectior, taliter quod etiāsi intensissima esset visio Christi nunquam tangeret perfectionem illius, sicut magna quantitas argenti nunquam tangit perfectionem etiam minimæ quantitatis auri, & consequenter membrum Christi, quale est Angelus excederet perfectionem præcipuam sui Capitis, & sic in gloria, quod non est dicendum.

3. Circa qualitatem verò præter id, quod antecedenti quæstione diximus, scilicet quod visio beata Christi fuerit summa negatiuè, solum debet notari quod hoc est intelligendum respectu visionum beatarum hominum, quia nulla alia earum potuit etiam de potentia Dei vltra magis intendi. An autem hoc etiam sit verum respectu visionum beatarum Angelorum respondeo quod de facto est certum, quod habuerit Christus visionem beatam magis intensam, quàm illi, iuxta illud ad Ephes. 1. *Constituens eum super omnes principatus & potestates*, &c. De potentia verò Dei dicendum existimo, quod non fuerit negatiuè summa, quia visio beata secundum doctrinam Scoti in 3. d. 13. q. 4. 1. ad tertiam quæstionem; & alibi sæpè crescit ratione maioris perfectionis intellectus, ratione cuius posset crescere

visio beata Angelorum, quia lumen gloriæ, & cetera requisita possunt esse æqualia in Angelis, & in Christo, & intellectus est perfectior in Angelo, etiāsi sit eiusdem speciei cum intellectu Christi, sicut ratio animalitatis perfectior est in homine, quàm in equo, licet sit eiusdem rationis.

Tota ergo difficultas est circa quantitatem scientiæ beate Christi, id est, circa extensionem, seu ad quot obiecta creata extendatur: circa quam difficultatem plures sunt sententiæ: Prima docet Christum neque in Verbo, neque extra Verbum cognoscere omnia, sed aliqua ignorasse. Pro hac referuntur hæretici Ignoræ, seu Agnoræ, & Themistiani; & videtur deduci ex illo Marc. 13. *De die illa autem, vel hora (scilicet iudicii) nemo scit, neque Angeli in calo, nec Filius, nisi Pater*: imò addunt hæretici nostri temporis (vt refert Canisius lib. 3. de Deipara cap. 82.) quod Christus in pueritia communem nescientiam cum aliis pueris habuerit, & alfabetum sub ferula præceptoris didicerit. videtur deduci ex Lucæ 2. *Iesus autem proficiebat astate & sapientiâ*, &c.

Secunda sententia docet Christum cognouisse in Verbo aliquas creaturas possibiles, & omnes existentes pro quauis temporis differentia, sed non per visionem beatam, quam habuit, sed per cognitionem earum in proprio genere, quia tamen hæc cognitio debita fuit ipsi, sicut & debetur cuilibet Beato, dicitur illas cognouisse in Verbo, seu per visionem beatam. ita Vasquez 1. p. disp. 50. Becanus 2. p. cap. 9. q. 1. 3. Gaspar Hurtado de Incarnat. disput. 8. difficult. 5. & 6. Sed diuerso modo probatur ab ipsis: Aliqui probant, quia si Christus omnes creaturas possibiles cognosceret, cum illæ sint infinitæ, etiam erit infinita, & comprehensua cognitio creata Christi: nam ex Augustino in Enchirid. cognitio comprehensua est, quæ nihil latet cognoscentem; ergo solum cognoscit aliquas creaturas possibiles. Alij verò probant, quia licet cognitio hæc non sit infinita, neque comprehensua, etiāsi esset omnium creaturarum possibilium, tamen hoc nullo firmo fundamento asseritur, & in re graui non est sine fundamento loquendum.

Quod

6. Quod autem Christus cognoscat omnes existentes probant, quia Beatus cognoscit omnia quæ pertinet ad suum statum, sed Christus est omnium dominus, auctor naturæ & gratiæ, & iudex creaturarum intellectualium; ergo tam naturalia quam supernaturalia, tam occulta quam manifesta, quæ aliquando habebunt existentiam, cognoscit. Quod autem non cognoscat hæc per ipsam visionem probant, quia non continentur formaliter in diuina Essentia, & licet contineantur eminenter, non dicit respectum realem ad ipsam, neque habet connexionem necessariam cum illis; ergo non cognoscuntur per visionem diuinæ essentiz.

7. Tertia sententia concedit Christum cognouisse omnes creaturas tam possibiles quam actuales, etiam existentes pro quavis temporis differentia: sed diuerso modo, nam possibiles cognoscit per eandem cognitionem, quæ cognoscitur Verbum; actuales verò per diuersam. unde ait, illas cognosci in Verbo, has autem extra Verbum. ita Durand. in 3. d. 14. q. 2. & 3. Fundamentum est, quia creaturæ possibiles representantur in Deo naturaliter, cum sit causa earum naturalis, quia cognita cognoscuntur; secus autem contingit in actualibus, quia earum esse dependet à voluntate libera, & decreto Dei; & ideo non cognoscuntur ex vi cognitionis Essentiz, sed aliâ cognitione.

8. Quarta sententia conuenit cum secunda circa cognitionem creaturarum possibilium & actualium, differt tamen ab illa, & à tertia sententia, quæ asserit quod prædictas creaturas Christus cognoscat in Verbo, seu per ipsam visionem, quæ videt Deum, & non per distinctam cognitionem in proprio genere. ita D. Thomas 3. p. q. 10. art. 2. & 3. expositores eiusdem ibidem, Capreol. in 3. d. 14. q. 2. art. 1. Paludanus q. 2. art. 3. Ricard. q. 3. Ferrara 3. contra Gentes cap. 56. Lorca disp. 58. Suarez disp. 26. sect. 3. id autem in quo differunt probant, quia creaturæ possibiles habent necessariam connexionem cum essentia vel omnipotentia Dei, & creaturæ actuales cum Dei decreto, vel cum Essentia diuina habente se per modum speciei impressæ; ergo visâ Essentia, aut decreto, ex vi prædictæ vi-

sionis videntur creaturæ. Secundò, quia si cognitio creaturarum esset merè concomitans cum visione essentiz, non magis diceretur creaturas cognosci in Verbo, quam Verbum cognosci in creaturis; ergo dicendum est quod videntur per ipsam Dei visionem.

Quinta sententia concedit cum præfenti, quod creaturæ cognoscantur in Verbo eadem cognitione, quæ videtur Verbum; differt tamen ab illa in duobus. primò, quia concedit quod Christus cognoscat non solum omnes actuales, sed etiam omnes possibiles. 2. quia non admittit quod omnes cognoscat actualiter, sed habitualiter, non per aliquid creatum (vt dixerunt aliqui) quos reprehendit Scotus infra citandus 1. contra istud, sed per Essentiam diuinam permanentem se habentem, tamquam per obiectum primum, & speculum voluntarium, vt quoties voluerit Christus aliquas creaturas cognoscere, statim ipsa essentia repræsentet illas, & hoc siue per eandem visionem beatificam, siue per numero diuersam, iuxta diuersas circa hoc sententias. ita tenent D. Bonauent. in 3. d. 14. art. 2. q. 3. Marfil. q. 10. probabile reputat Scotus q. 2. 1. sed si ista via; & in reportatis 1. dico igitur ad questionem. Faber disp. 35. cap. 3. Smifing lib. de Deo & vno, tract. 2. disp. 6. q. 8. num. 194. & num. 203.

Primum probant, quia per visionem beatam potest Christus (sicut & alius Beatus) cognoscere aliquam creaturam tam possibilem quam actualem (supposita ex vi decreti eius existentia) sed sicut potest vnâ, potest aliâ, & aliam, quia non magis repugnat vnâ, quam alia; ergo potest omnes cognoscere. Maior patet ex probatione quartæ sententiz. Et confirmatur, Christo est tribuenda perfectior cognitio possibilis; ergo, &c. Secundum verò probant primò, quia experimur quod intellectus finitus quod plura attendit obiecta, eò imperfectius ad singula tendit; ergo in actu secundo non potest attendere ad infinita, sed solum habitualiter, & in actu primo. Præterea secundò, quia visio infinitarum creaturarum continet eminenter perfectionem infinitarum visionum, sed repugnat visioni creatæ quod sit in perfectione actu

infinita; ergo Christus non habet illum

11. Alio modo (& ferè in idem redit) formant alij hanc rationem, quia si partes infiniti in potentia simul essent, constituerent vnum infinitum in actu; ergo tam ille actus, quo prædictas creaturas infinitas simul cognosceret, quàm intellectus, & lumen, quibus causatur talis actus, habent simul virtutem infinitam representatiuam & causatiuam, non aliter ac si causarent infinitos actus pro singulis creaturis, sed hoc repugnat intellectui creato, & intellecti illius propter ipsius finitatem; ergo, &c.

12. Sexta sententia, quam existimo esse veram, conuenit cum præcedenti in eo quod asserit, quòd anima Christi ab instanti conceptionis cognouerit in Verbo per eandem visionem, quâ videtur Verbum omnes creaturas tam possibiles quàm actuales in seipsis, differt tamen ab illa, quia asserit illas, semper cognoscere in actu secundo, taliter quòd scientia Christi ex parte obiectorum considerata æquiparetur scientiæ Dei, licet excedatur ab ipsa in modo cognoscendi, in claritate, & aliis conditionibus, quæ se tenent ex parte cognoscentis. ita docent Magister in 3. d. 14. Albert. art. 1. Mayor q. 4. Bafol. q. 2. art. 2. probabiliorum reputat Pytygian. q. 2. art. 4. paginâ 373. probabilem Rada controuersia 9. art. 3. conclus. 5. Sixtus Senensis lib. 5. Bibliothecæ annot. 29. Glossa in illud Apocal. 5. *Dignus est Agnus*, &c. & plures alij, & est magis de mente Scoti, quia licet solum probabilem reputet vbi supra §. *tertio modo*, vbi illam latè probat, & §. *poteſt dici*, vbi pro defensione ipsius ponit duos modos, quorum vnum approbat, & alium reprobat, tamen in 2. d. 3. q. 11. §. *contra ex hisdem*, vers. *confimiliter etiam*, illam absolute tenet his verbis, *Confimiliter etiam pates in Christo, qui licet omnia viderit in Verbo ab instanti sua natiuitatis, in vtero tamen fuit in eo intellectus agens & passibilis, alias non fuisset perfectus*, &c. & licet in prædicto tertio sententiarum q. 2. §. *tertio modo* in fine illius dicat, quòd si soluantur rationes, quas pro hac sententia adducit, sit remenda opposita, tamen nullibi illas soluit.

13. Id autem, in quo differt hæc senten-

tia à quinta, sic probatur primò, quia nõ videtur quomodo intellectus creatus animæ Christi potuerit in actu secundo cognoscere aliquam creaturam ex his quæ habitualiter & in actu primo cognoscit, quia vel hoc dependet à voluntate Christi, vel à voluntate Dei, vel à creaturis: non primò, quia voluntas Christi non potest ferri in incognitum, nam nil volitum, quin præcognitum, sed per nullam cognitionem anre beatificam, posset sibi proponi Antichristus, v.g. vt vellet illum videre per visionem beatam, quia nulla datur cognitio in Christo ante beatam; ergo hoc non dependet à voluntate Christi. Non secundò, quia hoc etiam conuenit aliis Beatis, quibus à voluntate diuina proponuntur videndæ in Essentia diuina diuersæ creaturæ pro beneficio Dei, neque aliquid speciale tribueretur Christo, nam etiam illi possunt ordinatè appetere videre (si Deus velit proponere) omnes creaturas. Non tertium, quia omnes creaturæ eodem modo & æqualiter representantur in illo diuino, in quo, vel per quod cognoscuntur; ergo dicendum est, quòd anima Christi non cognoscit illas solum habitualiter & in actu primo, sed actualiter & in actu secundo.

Secundò, quia si habere simul & actu infinitas visiones circa creaturas repugnat, quia daretur infinitum in actu, ita repugnat vel dari simul infinitas potentias ad habendum illas visiones, vel vnam potentiam pro illis, quia similiter daretur infinitum in actu; ergo non minus repugnat, quòd Christus habitualiter & in actu primo cognoscat omnes creaturas, quæ sunt numero infinitæ, quàm actualiter & in actu secundo.

Tertio, quòd Christus in actu secundo omnia cognoscat, est excellentia ipsius, & tribuitur ipsi ad Coloss. 2. *In ipso sunt omnes thesauri sapientiæ & scientiæ Dei*; & Ioan. 16. *Scimus quia omnia nõstis*. quod minus verè dicitur de eo, qui potest omnia cognoscere; de hoc enim nequit dici, quòd omnia nouerit; sed debet dici de eo, qui omnia verè & in actu secundo cognouit. Insuper hæc excellentia non repugnat illi, vt patet ex solutione argumentorum; ergo datur in Christo.

Ad fundamentum primæ sententiæ, 16. quæ

quæ est hæreticorum respondetur, quodd dicitur Christum nescisse diem iudicii, non quia illum ignorauit, sed quia illum non sciebat ad reuelandum aliis, sicut Pater æternus poterat reuelare, vel quia illum nesciebat in suis membris, quæ sunt Ecclesiæ fideles, nam iuxta regulam Ticonij, quæ sunt capitis tribuuntur corpori, & e contra; similiter dico, quodd Christus crescebat sapientiâ, quantum ad exteriores demonstrationes, & verba sapientiora, quæ loquebatur, vel si in sapientia interiori crescebat, sicut in ætate, non erat hoc in sapientia beata, vel infusa, sed in acquisita, seu experimental, neque didicit alfabeta, sicut alij pueri, cum potius admirarentur Legis Doctores, quodd litteras sciret, cum non didicisset.

17. Ad fundamentum secundæ sententiæ respondeo, quodd cognitio creaturarum est eadem, quâ cognoscitur Verbum, hoc est, quâ cognoscitur Essentia diuina, quæ propterea dicitur cognitio Verbi, quia illi tribuuntur ea, quæ pertinent ad sapientiam, sicut Spiritui sancto, quæ pertinent ad amorem, non autem est distincta, vt latè traditur in materia de visione. Et breuiter probatur in secundâ probatione quarta: sententiæ huius quæstionis, illa autem cognitio etiam si sit omnium creaturarum possibilem & actualiam, neque est infinita, neque comprehensua.

18. Sed hoc iam probò primò ad hominem, quia sicut in prima sententiâ cognitio creaturarum actualium, quæ sunt infinitæ in potentia non facit cognitionem Christi actu infinitam; ergo neque cognitio possibilem, quæ etiam sunt infinita in potentia. Secundò, quia ex infinitate extensua non colligitur infinitas intensua; ergo neque cognitio Christi erit intensiue infinita, ex eo quodd respiciat infinitas creaturas. Et confirmatur, quia ex eo, quodd in quanto sunt infinitæ partes in potentia diuisibiles ab aliquo diuidente, non inferitur, quodd diuidens habeat virtutem actu infinitam ad diuidendum illas; ergo neque in Christi intellectu virtus actiua ad videndum infinitas in potentia creaturas. Tertiò, quia etiam si per visionem beatam videatur ipsa infinitas intensua Dei, non est visio actu infi-

nita, quia non videtur infinite ab homine beato; ergo multo minùs etiam si videat infinitatem extensiuam Dei, hoc est, creaturas ad quas extenditur eius virtus.

Quodd autem non sit comprehensua patet, quia ad hoc non solum requiritur, quodd nihil lateat cognoscentem ex his quæ pertinent ad cognitionem, sed etiam ex his quæ pertinent ad intensiorem, ita vt prædicta intensio appareat in modo cognoscendi: Christus autem videndo creaturas, non penetrabat intensiorem Dei, etsi penetraret, non intensiuo modo, & infinito, quia creaturæ non videntur ex vi penetrationis essentia, vt contendunt Aduersarij, aliàs daretur possibilitas passiuæ creaturarum, seu producibilitas ipsarum (vt ita me explicem) ita intensiue infinita, sicut est intensiue infinita virtus actiua omnipotentia Dei, quod est falsum, nam hæc solum ostenditur in eo quodd producat creaturas ex nihilo, non verò in eo quodd illæ sint producibiles magis ac magis perfectæ in infinitum, quia hæc maior earum perfectio habet terminum, cum sit creata, seu creabilis, aliàs daretur aliquod creabile ita simpliciter infinitum ex parte sua, sicut virtus actiua ex parte Dei, & consequenter non repugnaret dari aliquam creaturam substantialem simpliciter infinitam, sicut Deus, quod omnes negant, imò & de creatura accidentali gratia negauit communis sententia disputatione 11. de Gratia Christi quæstione 4.

Et ratio à priori huius est, quia infinitæ actu entitati correspondet actu infinita intelligibilitas, vt sit entitas omni modo etiam infinito cognoscibilis; ergo ad hoc vt actus intellectus adæquate correspondeat prædictæ entitati, debet esse infinitus in actu, tam in esse entis, quàm in esse intellectus; hoc autem repugnat creaturæ; ergo & quodd sit comprehensua Dei.

Ad secundum fundamentum prædictæ sententiæ iam patet ex nostro, & quomodo nostra sententia probatur ex S. Scriptura Patribus, & ratione.

Ad id autem, quo probant, quodd cognitio creaturarum non sit ipsa visio beata, quia non contingitur formaliter in Essentia diuina; & si contingatur emi-

eminenter, non dicit respectum realem ad ipsas. Respondeo concedendo, quod non contineantur formaliter, licet formaliter, & in seipsis cognoscantur; & similiter concedendo, quod etiam si diceret relationem realem ad illas, non cognoscerentur per talem relationem, quia relatiua, seu extrema actualis relationis sunt simul tempore, naturâ, & cognitione; ergo relatio non potest cognosci in vno extremo, scilicet in Essentia diuina, & postea ducere intellectum Christi, aut Beati in cognitionem alicuius extremi, scilicet creaturarum, sed simul cognoscitur in vtroque, quare aliunde sunt cognoscendæ creaturæ, quia relatio non est prima ratio, seu primum medium cognoscendi eas, imò ad cognitionem relationis vt talis; est necessarium præcognoscere vtrumque extremum.

23. Dico ergo cum Smising vbi supra disp. 6. quest. 7. num. 174. quod aliqua ratio absoluta visa per visionem beatam est ratio cognoscendi in Deo creaturas: hæc autem est ipsi Essentia diuina, prout est obiectum voluntarium, quæ repræsentando seipsam, repræsentat, tam ex possibilibus, quam ex existentibus eas creaturas, quas vult, & Christo vult omnes repræsentare.

24. Et si inquiras quare essentia potest illas repræsentare. Respondeo, quia sicut earum entitates eminenter continentur in illa in esse entis; ita earum intelligibilitates in esse repræsentationis.

25. Et si rursus inquiras; An habeat se, sicut species impressa. Respondeo quod licet habeat se ad modum speciei impressæ, in eo quod sicut species impressa causat cognitionem obiecti, ita Essentia diuina, seu voluntas Essentie diuinæ causat illam per se, vel per speciem productam à se repræsentatiuam sui, non tamen habet se per modum speciei non cogniti; sicut se habent communiter species impressæ, quia cum ipsa Essentia sit obiectum beatificum debet cognosci, in eo propter hoc dicuntur creaturæ cognosci in Verbo, seu in obiecto beatifico, quia simul est cognita, & ratio cognoscendi per eandem visionem, etiam si non esset ratio cognoscendi in quantum cognita; à qua difficultate modò supersedeo, quia non est huius loci.

Ad fundamentum tertiæ sententiæ 26. respondeo ex dictis, quod creaturæ possibiles non videntur in Verbo propter necessariam connexionem, quam habent cum illo, aliis omnes videntur à quocumque Beato, sed tam illæ, quam creaturæ actuales, licet liberò producantur, possunt videri per Essentiam diuinam, tamquam per speciem impressam. An autem creaturæ actuales possint videri in decreto non secundum id quod decretum habet ad extra, scilicet secundum relationem, sed secundum id quod habet ad intra non curo, nec modò est locus disputandi.

Ad fundamentum quartæ sententiæ 27. etiam patet ex dictis, quod creaturæ non cognoscuntur ex penetratione essentie, nam potest aliquis Beatus plures creaturas videre, quam alius, ex eo quod pertineant ad suum statum, & nihilominus magis remissè videre diuinam Essentiam; reliqua autem, quæ ibi adducuntur, sunt probationes nostræ sententiæ, vt supra dixi.

Sed obiicitur, quia secundus error 28. Arnoldi de Villanova, inter eos, qui damnantur ab Inquisitoribus Tarraconensibus in Directorio Inquisitorum 2: p. quest. 11. docet quod anima Christi ab ipso instanti conceptionis sciuit omnia, quæ Deus scit; ergo hoc non est dicendum, si refertur tamquam error. Respondetur quod damnatio illa facta fuit absque consensu Summi Pontificis, & eo inconsulto, vt ibi notatur. Insuper non videtur facta propter sententiam Arnoldi, sed propter eius fundamentum, quia absque hac scientia non putabat posse visionem hypostatice consistere: vnde indicabat, quod scientia animæ Christi erat ipsa scientia Verbi, & quod humana natura non haberet scientiam creatam, quod est error Monothelitarum negantium duas operationes, humanam scilicet, & diuinam in Christo.

Ad fundamentum quintæ sententiæ 29. respondetur, quod primum, quod asserit, scilicet quod Christus cognoscit omnes creaturas, tam possibiles, quam actuales in Verbo; est pro nostra sententia. Secundum verò, scilicet quod non cognoscit illas actualiter, sed habitualiter solum est contra eam. Ideo ad primum argumentum, quo hoc secundum

dum probant, respondeo quòd ratio, propter quam noster intellectus quòd plura attèdit magis defatigatur, sit propter conuersionem ad phantasmata, quæ conuersio non reperitur in visione beata; tamen insuper respondeo, quòd virtus intellectiua est limitata non solum intensiue, sed etiam extensiue si respiciat obiecta in seipsis per diuersas species & cognitiones, vnde in plurimum attentione consumitur, tamen si respiciat obiecta non per diuersas species, sed per vnā in qua omnia relucent, scilicet per Essentiam diuinā, & non per diuersas cognitiones, sed per vnā, scilicet per visionem beatā non consumitur, & ideo potest omnia simul videre, tum quia non minus repugnat videre infinitatem extensiua, quā intensiua, & hanc videt Beatus in diuina Essentia, tum quia ad hanc visionem est supernaturaliter Beatus vel in actu primo, vel ad minus in actu secundo.

30. Ad secundum respondeo, quòd in infinitis numero visionibus possibilibus circa infinitas numero creaturas est duplex perfectio consideranda, vna extensiua quā attingit prædictas creaturas, alia intensiua quasi ex omnibus (per impossibile coniunctis) fieret vna visio, quæ esset in se & intensiue multò maior, nam cum intensio solum fiat per additionem gradus ad gradus tantummodò numero distinctos; si ex omnibus fieret vna, esset intensiue & in genere qualitatis multò maior, ita vt plures dicant esse actu infinitam, sed in mea sententia negandum est, vt colligitur ex dicendis in fine huius quæstionis. Dico ergo quòd visio beata Christi eminenter continet perfectionem extensiua infinitarum numero visionum, non tamen intensiua, tum quia hæc repugnat visioni creatæ, nam sicut repugnat per locum intrinsecum, quòd ex infinitis visionibus possibilibus fieret vna visio, ita repugnat quòd vna visio contineat perfectionem intellectiua illarum, tum quia sicut ex perfectione extensiua non colligitur intensiua, ita ex eo quòd visio Christi habeat infinitatem extensiua, non colligitur habere intensiua: vnde negandum est antecedens, quòd visio infinitarum creaturarum contineat eminenter perfectionem intensiua infi-

nitarum numero visionum, neque poterit prædictum antecedens probari, nam licet vna visio possit eminenter continere plures, non tamen infinitas, sed finitas, quia sit argumentum à possibili ad impossibile.

Clarius hoc exprimo, quia aliud est 31. contineri in illa vna visiones omnes illas secundum intensiua quod habent, scilicet secundum quod quælibet est qualitas in aliquo gradu intensiua determinato; aliud verò secundum extensiua, scilicet secundum quod quælibet dicit relationem & habitudinem ad suum obiectum. hæc duo distingui patet, quia vna visio potest esse intensa vt tria, & repræsentare tantum vnum obiectum, licet contineat intensiua trium visionum intensarum vt vnum, & potest esse alia visio tantum intensa vt vnum, & se sola repræsentare tria obiecta representabilia per tres visiones intensas, quas omnes hæc vna continet quantum ad extensionem, licet non contineat quantum ad intensiua. ecce qualiter visio Christi potest continere infinitas visiones quantum ad extensionem, & non continere illas quantum ad intensiua.

Per hoc patet ad alium modum, quo 32. formatur prædictum argumentum; nam dicimus primò fieri per aliquid repugnans per locum intrinsecum, scilicet quòd infinitæ partes in potentia sint simul in actu, neque visio Christi continet eminenter infinitas numero visiones, quia has dari simul repugnat, cum virtus intellectiua sit limitata in ordine ad eas intensiue, hoc est, quantum ad gradus; & extensiue, hoc est, quantum ad earum numerum; & dato quòd contineret perfectionem extensiua earum, non colligeretur cognitionem & intellectum cum lumine continere perfectionem intensiua earum, quia ex extensiua non colligitur intensiua (vt diximus) vnde merito diximus disputatione 3. quæstione 2. quòd merita Christi in doctrina Scoti etiam si ex circumstantia personæ haberint valorem infinitum intensiue, scilicet pro infinitis hominibus, si essent, non tamen intensiue; vnde Scotus asseruit quòd erant acceptabilia pro infinitis, sed non infinite; & sic qui

hanc doctrinam in præfenti tradunt, & in illa quæstione negant, non loquuntur consequenter.

33. Inquires pro complemento Quæstionis, An ex eo quod Christus in Verbo videat infinitas creaturas, debet dici quod videt infinitum in actu. Affirmat Vasquez disputatione 51. Aluarez disputatione 55. Fundamentum est, quia infinitum in potentia in hoc differt ab infinito in actu, quod in primo ab accipiente partes illius possunt assumi prima & vltima determinatè, licet post illam semper restant partes aliæ, & aliæ accipiendæ, tamen in secundo non potest assumi vltima determinatè, sed sine vltima accipiuntur aliæ, & aliæ sine fine, at in illa multitudine infinita creaturarum, quam similiter videbat Christus, non poterat assignari aliqua vltima determinatè; ergo videbat infinitum in actu.

34. Negant & melius Suarez disput. 66. quæst. 3. Ragusa disp. 79. Fundamentum est, quia creaturæ tam possibiles quam existentes non sunt infinitæ in actu, sed in potentia; ergo quamvis omnes simul videat Christus, non tamen videt infinitum in actu. Confirmatur & declaratur, quia quando dicimus, quod videt infinitum in actu, *ly in actu* non appellat *super videret*, quia certum est quod vno actu finito visionis videt infinitum, sed appellat *super* ipsum infinitum quod videt, sed hoc non est infinitum in actu, sed in potentia; ergo, &c.

35. Per hoc patet ad fundamentum contrariæ sententiæ, concedo enim illam doctrinam tamquam veram; imò propter eandem respondeo, quod si velimus numerare partes infiniti cogniti, possumus accipere primam & vltimam determinatè, v. g. in cognitione alicuius Angeli ex possibilibus & futuris; possumus accipere primam quam habuit in creatione, & vltimam quam modò habet, licet post hanc restant aliæ & aliæ in infinitum accipiendæ, quare per *ly ab accipiente partes illius* non debet intelligi, id est, ab intelligente partes, quia ut sic certum est quod intelligens vno actu intelligit omnes illas, & non primò vnas, & postea alias, sed debet intelligi sic ab accipiente, id est, à volente illas numerare: Scotus autem diuersis in locis aliquando hoc asserit, aliquan-

do illud, quia loquitur secundum diuersas sententias probabiles, de quibus latè egimus in materia scientiæ Dei disputatione 7. quæstione 2.

QVÆSTIO III.

Vtrum in Christo fuerit scientia in proprio genere, & quotuplex fuerit?

Scientia in proprio genere dicitur 1. illa cognitio, quæ non habetur in Verbo, sed per virtutem obiecti creati, quod cognoscitur, vel per propriam ipsius obiecti speciem impressam, quia tamen hæc species impressa potest dupliciter haberi, aut à Deo infundente, aut ab obiecto virtute intellectus agentis causante, idè hæc scientia diuiditur in infusam & acquisitam. Rursus quia species, quæ infunditur, potest esse talis conditionis, quod solum petit ex natura sua à Deo produci, vel si non petit hoc ex natura sua, tamen Deus præueniens obiectum causat speciem, quam ipsum obiectum causaret, idè subdividitur scientia infusa, & prima quæ à solo Deo petit produci, dicitur per se infusa; secunda verò, quæ licet à Deo producatur, tamen non petit produci ab ipso, quia poterat ab obiecto, & ab intellectu agente per se acquiri, dicitur per accidens infusa.

Quo supposito conueniunt omnes, 2. quod Christus præter scientiam beatam habuerit scientiam in proprio genere. Et probatur primò, quia ad Coloss. 2. dicitur, *In ipso sunt omnes thesauri sapientiæ & scientiæ Dei*; ergo debuit habere omnes scientias sibi possibiles haberi à Deo, sed scientia in proprio genere non repugnat cum scientia beata, imò illas simul ponit in Beatis Augustinus de Genes. ad litt. cap. 11. & 12. & scientiam beatam appellat matutinam, & scientiam in proprio genere vespertinam; ergo. Secundò, quia Christus non solum fuit comprehensor, sed etiam viator; ergo non solum debuit habere scientiam in Verbo, sed etiam in proprio genere. Et confirmatur, quia fuit excellentissimus Doctor, & Magister hominum & Angelorum; ergo debuit habere omnes scientias sibi possibiles. Et si dicas quod hæc scientia superfluit, quia quod per

per eam Christum cognouit, etiam cognouit in Verbo per scientiam beatam. Respondetur negando esse superfluum, quia decebat ut omnibus modis possibilibus omnia cognosceret, & quia hæc scientia est magis proportionata & connaturalis naturæ humanæ circa creaturas, quam scientia beata, quandoquidem habetur per species creatas.

3. Prima ergo difficultas huius questionis est, An ex diuisionibus factis huius scientiæ in proprio genere Christus habuerit scientiam per se acquisitam, id est, quæ viribus propriis & per propriam speciem potest acquiri acquirendo species per intellectum, & sensum ex obiectis; & conueniunt omnes, quoddam sic, neque absque errore potest negari, de fide enim est quoddam Christus habuerit naturam humanam cum omni proprietate & perfectione sibi connaturali, posse autem acquirere scientiam est vna ex proprietatibus & perfectionibus illius, & hoc debet intelligi de scientia, quomodocumque sumatur, siue pro intellectu, siue pro habitu primorum principiorum, siue pro sapientia, & scientia, quæ est cognitio conclusionis, & videntur deductæ per lumen naturale ex præmissis, siue pro prudentia quæ est rectum dictamen rationis, siue pro arte quæ dirigit ad usum factibilem, licet ab illo in exercitio essentialiter non dependeat, de illis autem, de quibus naturali lumine non potest haberi cognitio evidens, non habuit Christus quicquid est possibile haberi ex opinionibus verosimilioribus & probabilioribus (ut aliqui aiunt) quia alias posset assentire falsò quod repugnat, sicut & quoddam habeat fidem humanam, ut infra dicemus.

4. Secunda difficultas est, An hæc scientia per se acquisibilis fuerit in Christo propriis actibus acquisita? An verò per accidens infusa? quia verò de illa commodius agemus in fine huius Disputationis, ideò in præsentia omitimus.

5. Tertia ergo & præcipua huius Questionis difficultas est, An Christus habuerit scientiam per se infusam? Et ratio dubitandi est, quia per scientiam beatam habet Christus actum correspondentem eius potentiae obedi-

tiali, & per scientiam per se acquisitam actum correspondentem potentiae naturali; ergo superfluit quaecumque alia. Et confirmatur primò, quia per has duas scientias habet omnem cognitionem, & perfectionem, quam ex S. Scriptura, ex dignitate personæ, ex munere Redemptoris & Iudicis, ex capacitate intellectus, aut ex quolibet alio capite potest habere. Et confirmatur secundò, quia nullum est obiectum circa quoddam non possit esse scientia per se acquisibilis, nisi obiectum diuinum; ergo nullum est circa quoddam possit esse scientia per se infusa; circa diuinum autem obiectum est visio beata. Propter hæc negant scientiam per se infusam in Christo, Alexandr. 3. parte, quæst. 13. memb. 1. & 2. Bonauent. in 3. d. 14. art. 1. cap. 1. Durandus quæst. 4. Gabriel quæst. vnicâ, art. 2. Almainus quæst. 1. art. 2. refertque communiter Scotus noster quæst. 3. *contra conclusionem*; quos omnes excusat Lorca disp. 49. num. 9.

Sed vera sententia concedit scientiam per se infusam in Christo Domino. ita D. Thomas 3. p. quæst. 2. art. 1. estque iam communis inter Scholasticos, tenent Suarez disput. 25. sect. 3. Vasquez d. 52. cap. 2. Lorca ubi supra. Faber disput. 36. cap. 2. & 3. & absolute eam tenet Scotus locis statim citandis, quia tamen verbis expressis non concedit, imò potius videtur negare, ideò pro declaratione & manifestatione mentis ipsius sequentes stabili conclusiones.

Dico primò: Scotus concedit species infusas in Christo Domino. hanc conclusionem expressè habet in tertio dist. 14. quæst. 3. *ad questionem*, ubi admittit in Christo scientiam habitualem, seu species infusas circa vniuersalia, seu circa quidditates, & infra circa singularia, per quas abstractione cognoscantur. idem habet *ad argumenta*, vers. *ad illud primum*, & quæst. 4. sequenti, & idem habet loquendo de cognitione in proprio genere Angelorum, & in 2. d. 3. q. 10. *ad questionem igitur*, quia tamen tota huius rei difficultas est an secundum mentem Doctoris prædictæ species sint per se, an solum per accidens infusæ, sit secunda conclusio.

8. Dico secundò: Scotus concedit in Christo Domino species per se infusas. Hæc conclusio non est expressa apud ipsum, ex verbis tamen eius deducitur. quod sic probo primò, nam quæst. 1. prologi, §. *antequam hæc*, verba ad propositum dico, docet quòd pro statu isto intellectus possibilis solum est natus moveri naturaliter ab intellectu agente, & phantasmate; ergo cum Scotus ubi supra concedat species infusas in Christo constituto in statu viatoris circa omnia vniuersalia & quidditates, & circa plurima singularia, à quibus minimè potuit per intellectum agentem, & phantasmam habere naturaliter species, necessariò sequitur quòd prædictæ species sint per se infusæ. Secundò, quia in secundo Sententiarum citato quæst. 9. concedit speciem abstractiuam Trinitatis, quæ viribus naturæ non potest acquiri; ergo, &c.
9. Tertiò & vrgentiùs probatur, quia Scotus in 3. citato quæst. 4. assignat in Christo species infusas ita perfectissimas in summo gradu, quòd sint summæ negativè, sicut gratia habitualis ipsius. Insuper & quòd tantò excedant species alterius intellectus creati superioris (v.g. Angeli) quantò intellectus Christi excedit in perfectione ab illo intellectu superiori. Ex quo sic argumentor cum Suare: Illæ species sunt per se infusæ respectu intellectus Christi Domini, quæ non possunt acquiri à virtute intellectus agentis ipsius Christi; sed species, quæ tantum excedant perfectionem virtutis intellectus agentis Angeli, quantum intellectus Angeli est superior intellectu Christi, non possunt acquiri virtute naturali intellectus agentis Christi (imò neque virtute intellectus agentis Angeli) ergo sunt per se infusæ, sed has concedit Scotus fuisse in Christo; ergo concedit species per se infusas in illo.
10. Sed obiciunt quòd Scotus ibidem quæst. 3. §. *contra conclusionem* impugnât D. Thomam in quantum admittit cognitionem per se infusam, & per se acquisitam circa idem obiectum. Vnde communiter Scotistæ Faber & Lorca ubi supra exponunt Scotum, asserentes quòd solum negauerit scientiam per se infusam circa obiectum, circa quod potest esse per se acquisita. Respondeo tamen quòd Scotus solum impugnât D. Thomam ex dictis eius, ubi expressè habet, quare cum S. Thomas solum admittat distinctionem specificam actuum per ordinem ad obiecta, quæ respiciunt (videlicet 1. 2. quæst. 109. art. 2. & quæst. 100. art. 10.) optimè arguit Scotus contra ipsum, quòd si circa idem obiectum daretur scientia per se infusa, & per se acquisita (idem dicit de matutina, & vespertina) essent solum numero distinctæ, & solum different per ordinem ad causas efficientes, quæ differentia solum est numerica in sententia etiam D. Thomæ, sicut ea quæ reperitur inter hominem genitum & creatum, & tunc etiam sequeretur quòd duo accidentia numero distincta essent in eodem subiecto, quod D. Thomas negat 3. p. q. 35. art. 5. & alibi, itaque totum argumentum procedit ex dictis D. Thomæ.
- Scotus tamen aliter sentit, quia cum in sententia ipsius circa idem obiectum possit dari actus naturalis & supernaturalis, non sumit distinctionem specificam solum in ordine ad obiectum, ut latè in materia de gratia dicitur, neque similiter sumit distinctionem specificam solum in ordine ad efficiens, sed sumit ex natura effectus, qui ex se postulat solum Deum vt insunderent & causantem supernaturaliter, vt etiam dicitur in materia de fide loquendo de supernaturalitate disp. 7. quæst. 2. quare existimo quòd in hoc loco non expressè docuerit Scotus distinctionem specificam inter species per se, & per accidens infusas, quia cum hæc distinctio sit eadem cum distinctione supernaturalitatis quoad substantiam, & quoad modum, hanc iam docuerat in prologo q. 1. §. *ad questionem* in fine, & sæpe alibi. Vnde solum vsus fuit alià distinctione scientiæ, scilicet abstractiue & intuitiue, quæ magis congrua erat, vt explicaret an anima Christi nouerit omnia in genere proprio, vel non; & hoc idem fecerat in secundo citato questione 11. vt explicaret an Angelus potuerit proficere accipiendo cognitionem à rebus.
- Quare non est dicendum, quòd in doctrina Scoti non possit esse scientia per se infusa, & per se acquisita circa idem obiectum, quia hoc solum negat Scotus

Scotus arguendo ad hominem contra D. Thomam ex dictis eius, sed potius hoc est concedendum in eius doctrina, quia ipse ex vna parte admittit species naturaliter, & per se acquisitas circa vniuersalia in via, & circa singularia; & ex alia parte admittit species infusas magis perfectas, quàm in Angelis posse esse circa eadem obiecta, quæ vt probauimus sunt per se infusæ, & admittit scientiam acquisitam per discursum circa obiectum præcognitum per scientiam infusam. ita habet verſ. *ad tertium dico, §. ad argumenta.*

13. Dices: Scotus etiam impugnât sententiam, ex eo quodd si habet Christus vnâ scientiam; ergo alia superfluit. Respondeo quodd argumentum fit solum contra D. Thomam, quia si inferatur contra ipsum, quodd scientia infusa, & scientia acquisita solum distinguantur numero, & quodd dentur duo accidentia solo numero distincta in eodem subiecto, etiam inferatur quodd vna ex illis scientiis superfluit.

14. Tamen licet Scotus admittat cum D. Thomâ species per se, & per accedens infusas, sed non sicut D. Thomas, quia hic adstruit illas esse vniuersales in representando, ita vt vna species quodd magis perfecta est, eodd plures creaturas representat. vnde in Angelo superiori, in quo perfectiores sunt species (inquit D. Thomas) sunt numero pauciores, quàm in Angelo inferiori. Scotus tamen in prædictis locis pro quolibet obiecto tam in specie, quàm in indiuiduo docet esse assignandam specialem speciem, quia habet distinctam intelligibilitatem. vnde in Angelo superiori admittit plures species, quàm in inferiori, & multo plures in Christo. Deinde differunt, quia D. Thomas asserit de illis, quodd species, quæ representant obiectum secundum existentiam, sunt intuitiue; Scotus verodd quodd sint abstractiue, quia eodem modo representant illud, siue actualiter existat, siue non. vnde de ratione speciei intuitiue est quodd respiciat obiectum, taliter vt existens actualiter seu vt præsens, quodd ad absentiam ipsius, evanescat species, vt infra dicitur.

15. His ergo præhabitis faciliter probatur conclusio, quia si species est per se infusa, ex eo quodd viribus propriis non

possit ab obiecto acquiri, quia obiectum est super naturam, vt videtur dicendum in sententia D. Thomæ, vel si est per se infusa, quia licet possit ab obiecto haberi naturaliter aliqua species, non tamen hæc, nam hæc vt hæc propter suam perfectionem postulat solum agens supernaturale, vt supernaturale, vt dicendum est necessariò in sententia Scoti, optime sequitur, quodd cum Christus plura obiecta in proprio genere cognouerit, à quibus, vel virtute propria non potuit habere species, vel si potuit, non verodd talis naturæ, & perfectionis, sicut has, quæ solum possulant à Deo produci, quodd talis cognitio & scientia sit per se infusa. Et confirmatur, quia hæc scientia debeatur Christo, vtpote præcipua, tamquam præcipuo Doctori omnium, & Magistro; ergo, &c.

Sed dices: Quænam est perfectio tanta harum specierum per se infusarum Christi, quæ nequeat attingi à virtute angelica? Et respondeo quodd est quædam virtus ita viuax & penetratiua obiecti, quodd multo magis participat de perfectione scientiæ comprehensivæ Dei, quàm quælibet species Angelorum, ita vt vel faciat ipsas inter se differre specie, vel ad minus indiuiduo.

Ad rationem dubitandi pro parte contraria respondetur, quodd potentia obedientialis non solum est capax vt actuetur per scientiam beatam, sed etiam per scientiam per se infusam. Ad primam confirmationem dico, quodd non habet Christus notitiam requisitam ad suam perfectionem per solam scientiam beatam & acquisitam, quia ad eius excellentiam spectat habere omnes scientias sibi possibiles, & scire res omnibus modis sibi possibilibus, nam in ipso sunt omnes thesauri sapientiæ & scientiæ Dei, & ipse omnia nouit, &c.

Ad secundam confirmationem respondetur, quodd etiam si in sententia Scoti circa omnia obiecta possit esse scientia per se acquisita, vt patet in 4. d. 10. q. 8. §. respondeo ad questionem, vbi ait, quodd supposita existentia entis, etiam quoad substantiam supernaturalem, potest Angelus, & in statu separationis homo, per intellectum agentem naturaliter acquirere speciem & cognitionem illius. vnde nullum obiectum

creatum excluditur à cognitione naturali, tamen in eius sententia etiam potest esse scientia per se infusa, non aliter ac circa idem obiectum actus naturalis & supernaturalis. unde non infertur, quod si potest habere scientiam acquisitam, quod non possit habere scientiam per se infusam, quia utramque potest habere.

19. Inquires pro complemento questionis, quantæ certitudinis sit nostra sententia. Medin. in 3. p. 9. art. 6. notat temeritatis censura illam in Christo negantes. Sed meritò reprehenditur à Suare ubi suprà, tum propter auctoritatem Auctorum quos retulimus, qui videntur contrariam sentire sententiam, tum quia nullum est testimonium S. Scripturæ & Patrum, quod multum urgeat, præsertim si admittatur ab instanti conceptionis scientia per accidens infusa, quare nostra sententia solidum est magis probabilis, & magis vera.

QVÆSTIO IV.

De obiectis scientiæ per se infusæ, quæ fuit in anima Christi.

1. DVÆ sunt differentię obiectorum de quibus in presenti disputatur, an cognoscantur à Christo per scientiam per se infusam; quedam enim sunt obiecta increata, vt diuina Essentia, & eius personalitates; quædam verò creata, quorum aliqua sunt materialia, quæ sensibus exterioribus cognoscuntur; aliqua immaterialia: hæc autem diuiduntur in naturalia, vt Angeli, & animæ separatae, vel corpori glorioso coniunctæ; & in supernaturalia, vt mysteria gratiæ: v. g. gratia habitualis, præsentia corporis Christi in Sacramento Eucharistiæ, vnio hypostatica, &c. quæ omnia non dependent à sensibus. Rursus hæc omnia considerari possunt, vel vt habent esse necessarium, vel vt habent esse contingens, item vt habent esse actuale, vel vt esse possibile, sed vt de singulis distinctè tractemus diuidam Quæstionem in Partes.

PARS PRIMA.

Verum Christus per scientiam per se infusam nouerit obiectum increatum?

TRIA sunt in præsentī disputanda. 2.
Primum, An per hanc scientiam Christus cognouerit. Deum vt vnum, quantum ad an est? Secundum, An cognouerit vt trinum, etiam quantum ad an est? Tertium, Vtrum cognouerit vt vnum, & trinum, quantum ad quid est? Et quidem quantum ad primum conueniunt omnes Christum cognouisse per scientiam per se infusam euidenter abstractiue Deum vt vnum, quantum ad an est. Ratio est clara, quia ex effectibus cognitis per hanc scientiam colligitur euidenter, quod detur aliquod vnum principium eorum; ergo cognoscitur Deus vt vnus, auctor naturæ & gratiæ, quare vt sic cognitus potest etiam amari amore supernaturali, vt diximus disput. 14. de merito, quæst. 1. parte 1.

Quod ergo controuertitur circa hoc 3.
est, An hæc cognitio Dei vt vnus habita sit per ipsam scientiam per se infusam formaliter? Et procedit difficultas de hac cognitione deducta ex effectibus, non de alia clara & immediata, quæ potest haberi, Dei vt vnus, sicut Dei vt trini per speciem abstractiuam, vt infrà dicam. Negat Vasquez disp. 53. Siluius 3. p. q. 11. art. 1. Gaspar Hurtado de Incarnatione disp. 8. difficult. 11. Fundamentum est, quia cognitio infusa est, quæ habetur immediate per species per se infusam, & non est discursiua, sed cognitio habita per effectus Dei vt vnus, habetur per mediatas, & per discursum; ergo, &c. Affirmant verò Suarez, Aluarez, Ragusa, Becanus postea citandi, quorum sententia mihi videtur verior. Fundamentum est, quia hæc cognitio habetur per cognitionem per se infusam creaturarum; ergo formaliter est per se infusa. Et confirmatur, quia scientia per se infusa est discursiua, vt probabo infrà, dum quæstione 16. agam de actu scientiæ per se infusæ, & per hoc patet ad fundamentum contrariæ sententiæ.

Quantum ad secundum, An Christus 4.
cogno-

cognouerit per hanc scientiam Deum ut trinum, quantum ad an est, prima sententia negat. ita Vasquez vbi supra, Lorca disput. 50. Hurtado diff. 12. citantque D. Thomam quæst. 11. art. 1. & 1. p. q. 32. art. 1. vbi potius videtur negare cognitionem claram quoad quid est. Probatur hæc sententia primò, quia creaturæ non dicunt connexionem per se cum Deo ut trino, sed tantum per accidens, quia possent esse effectus illius, etiam si non esset trinus, sed solum vnus, sed effectus non ducit in cognitionem causæ per accidens, sed causæ per se; ergo.

5. Secundò probatur, quia aut hæc cognitio Dei ut trini esset obscura, & hoc non, quia non compatitur cum visione beata in Christo circa idem obiectum; aut esset clara, & hoc non, quia cognitio clara præter beatificam, aut habetur per speciem impressam Trinitatis, quam Scotus admittit, & hæc non datur (ut probant inferius) insuper si daretur, non solum cognosceretur Trinitas quantum ad an est, sed etiam quantum ad quid est; aut habetur per cognitionem alicuius creaturæ, quæ dicat connexionem per se cum Deo ut trino, ut visio beata, actus fidei, quo creditur Deus ut trinus, &c. & hoc non, quia hæc connexio non est effectus ad causam, aut è contrà, & sic nequit evidenter cognosci, nam evidens cognitio solum reperitur in cognitione quia, vel in cognitione propter quid; aut esset clara per euidentialiam in attestante, & hoc non, quia ex euidentialia in attestante non habetur euidentialia rei testificata; ergo nullo modo cognouit Christus per scientiam per se infusam Trinitatem, quantum ad an est.

6. Secunda & vera sententia affirmat, quod anima Christi cognouerit clarè per hanc scientiam per se infusam Deum ut trinum, quantum ad an est. ita tenent Caietanus & Medina quæst. 11. art. 1. Suarez disp. 27. Aluarez disp. 52. Raguza disp. 54. Becanus cap. 9. quæst. 3. Sed diuersimodè probatur à diuersis: aliqui enim probant ex eo quod creaturæ dicant ordinem ad Trinitatem, quia actiones & effectus illius sunt suppositorum; sed hæc sententia nulla est, quia etiam si Deus non esset trinus, creaturæ eodem modo producerentur

ab illo: alij verò ex eo quod ex euidentialia in attestante colligitur euidentialia rei; sed similiter hæc probatio est falsa, quia reuelatio Dei non est productio specierum propriarum & quidditatarum rei reuelatæ, sicut locutio nostra solum est præsentatio specierum alienarum, quibus communiter vtuntur illi, quibus committere illas res, quæ nobis dicuntur. idem dico de locutione Angelorum, sed reuelatio Dei est productio specierum; quibus communiter vtuntur illi, quibus reuelat, siue Angeli, siue homines sint, ut docet Scotus in 4. d. 1. quæst. 7. §. contra opinionem istam, litt. B. quare ex eo quod fit euidentialia, quod Deus reuelat, non habetur euidentialia rei in se, neque similiter potest deduci, quia etiam si deducatur quod non fit falsitas & mendacium in eo quod Deus dicit, tamen propter hoc non cognoscitur clarè res ipsa reuelata in se.

7. Sic ergo probanda est hæc sententia cum Suarez, & aliis, quia per hanc scientiam potest cognosci visio beata; ergo & mysterium Trinitatis quantum ad an est (addo ego, imò & quantum ad quid est) Hanc igitur probationem sic declaro & confirmo, quia licet verum sit quod visio beata ut cognita non sit ratio representandi suum obiectum intellectui in quo non inest, bene tamen intellectui cui inest; ergo potuit Christus Dominus habere speciem impressam suæ visionis, & per actum reflexum cognoscere immediatè suam visionem, & mediatè Trinitatem in se, vel etiam immediatè ipsam Trinitatem ut representata erat, & relucebat in ipsa visione illam representantem. Et confirmatur quadam doctrinâ Scoti in prædicto 3. Sententiarum d. 14. q. 3: §. ad questionem, litt. C, vbi sicut admittit in memoria actum recordationis, qui habeat pro obiecto immediato cognitionem præteritam, & pro obiecto mediato illud obiectum, quod fuit obiectum cognitionis præteritæ, ita hoc idem admittit in intellectu, loquendo de cognitione intuitiua perfectâ, quæ est circa obiectum præsens, & de intuitiua imperfectâ, quæ post perfectam sequitur circa idem obiectum iam absens, quod hæc secunda representat primam & obiectum eius, & hoc ipsum tenet loquendo in 2. d. 3. quæst. 9. de illa

illa cognitione Trinitatis, quæ derelicta est in D. Paulo, quia recordabatur visionis Dei præteritæ, quam habuit in tertio cælo; ergo etiam secundum doctrinam Scoti debemus dicere, quod Christus potuit habere cognitionem claram mysterij Trinitatis, quantum ad an est, imò & quantum ad quid est per hanc scientiam, quod de facto habuit, siquidem hoc cedit in excellentiam ipsius.

8. Ad argumenta contrariæ sententiæ respondetur. Ad primum concedo totum, quod Trinitas non cognoscitur per relationem creaturæ ad Creatorem. Ad secundum concedo similiter, quod hæc cognitio non sit obscura, sed clara, & quod non habeatur per illos modos, quos ibi refert & refutat (superfedeo modò à specie impressa Trinitatis, quia de hac statim fuit disputatio) nego tamen quod non habeatur per speciem repræsentatiuam visionis, quia hæc potest à Deo infundi, & per actum reflexum, quo repræsentetur ipsa visio, potest Trinitas visa cognosci; hæc autem cognitio reflexa non est demonstratio quia, vel propter quid, sed cognitio quasi intuitiua, quæ cognoscit contentum, scilicet Trinitatem in continente, scilicet in visione. Dices: Supposita visione iam existente in intellectu Christi naturaliter potest habere speciem illius, quia in doctrina Scoti super citata, cuiuscumque entis, etiam supernaturalis potest haberi cognitio naturalis, quia viribus intellectus agentis Angeli, vel hominis in statu glorioso, aut separationis potest ab obiecto accipere speciem impressam. Neque obstat solutio, quod Scotus ibi secludit obiecta supernaturalia, quæ intrinsicè includunt ordinem ad aliquod increatum, vt visio beata includit, quia dicimus quod supposita cognitione obiecti increati eodem modo se habet obiectum cum ordine ad increatum ad hoc vt cognoscatur, nam ex eo non poterat cognosci, quia non cognoscebatur terminus ordinis, seu relationis, semel autem cognito termino iam relinquitur cognoscibilis ille ordo, & consequenter obiectum cum ordine ad illud increatum. Respondeo ergo concedendo, quod possit haberi naturaliter species impressa, & cognitio visionis, etiam

prout in actu secundo refertur ad Trinitatem; nego tamen sequelam, quia iuxta supradicta, quæstione antecedenti, etiam circa obiectum naturaliter cognoscibile potest dari species per se infusa, quæ nequeat, nisi à Deo produci.

Quantum ad tertium, An Christus clarè cognouerit Trinitatem quoad quid est per hanc scientiam per se infusam. communiter tenetur pars negatiua à Thomistis. videantur Vasquez & Hurtado vbi supra. Fundamentum est, quia vel non datur species infusa clarè & quidditatiuè repræsentans Trinitatem; vel si datur, non est abstractiua, neque distincta ab intuitiua, per quam videtur beatificè Trinitas. Ratio est, quia Deus semper & vbique est præsens realiter per essentiam, præsentiam, & potentiam; ergo non requiritur species impressa, quæ solum est vicaria obiecti, & substituit quando obiectum non adest, vel si datur species talis, cum non solum repræsentet Essentiam, sed etiam præsentiam realem Dei, non poterit esse abstractiua. Confirmatur & declaratur ampliùs, quia ad cognitionem intuitiuam duo requiruntur (idem dico de specie impressa intuitiua) primum, quod per eam repræsentetur obiectum vt existens, & præsens realiter. Secundum, quod ipsum obiectum sit non solum præsens potentie in specie intentionandi, sed etiam realiter, & in seipso, sed hoc totum reperitur in cognitione per speciem abstractiuam Trinitatis, quia non solum est præsens Trinitas in specie intèntionaliter, sed etiam in seipsa realiter propter suam immensitatem; ergo si datur talis species, tam ipsa, quam cognitio producta ab ipsa, non differunt ab intuitiua.

Secunda & vera sententia communis inter Scotistas admittit speciem impressam clarè & quidditatiuè, insuper & abstractiuè repræsentatiuam Trinitatis. vnde Scotus in 2. d. 3. q. 9. illam concedit in Angelis in statu viæ, imò insinuat esse in primo parente in statu innocentie, licet magis remissam.

Quare consequenter est nobis dicendum, quod detur in Christo Domino, & quod per eam cognouerit mysterium Trinitatis quoad quid est; & notanter dico per eam, quia existimo, quod

9.

10.

11.

quodd Thomistæ, qui nobiscum admittunt in Christo scientiam per se infusam circa Trinitatem quantum ad an est, ex eo quodd eam cognoverit actu reflexo in visione beata, non loquuntur consequenter modò negantes in Christo scientiam per se infusam circa Trinitatem quoad quid est, quia in visione beata non solum reluctet & repræsentatur Trinitas quoad an est, sed etiam quoad quid est; sed modò solum est nobis agendum de cognitione immediatâ habitâ per hanc speciem abstractivâ, & sic probatur sententia, quia hæc species, & cognitio non repugnant, quodd dentur in Christo. insuper est congruens excellentia illam habere; ergo, &c.

12. Ad fundamentum primæ sententiæ respondeo negando, quodd non detur species abstractivâ Trinitatis. Ad probationem dico, quodd duplex est præsentia in Deo, sicut in quolibet obiecto, vna realis, quam habet in se, & est vnum ex eius attributis, scilicet immensitas; alia intentionalis, quam habet in ipsa specie impressâ, & propter hanc ponitur talis species abstractivâ, & eodem modo se habet, siue obiectum adsit, siue non adsit. vnde per accidens est illi quodd Deus semper adsit, sicut per accidens est etiam speciebus abstractivis aliorum obiectorum, quodd obiecta sint præsentia. Maior est difficultas quomodo species hæc sit distincta à specie intuitiva Trinitatis.

13. Ad hoc respondent aliqui in eo distinguere, quodd species intuitiva repræsentat Trinitatem vt præsentialiter existentem, & sic terminatur ad eius existentiam & præsentiam: at verò species abstractivâ solum terminatur ad essentiam, non verò ad essentiam vt existentem & præsentem. Sed contrâ, quia existentia & præsentia obiecti etiam cognoscitur abstractivè (Adversariis etiam cōcedentibus) vt quando Compluti cognosco existentiam & præsentiam alicuius hominis, quem vidi Madriti; imò si adirem Madritum, hæc cognitio abstractivâ perseveraret, obiecto etiam præsentem realiter intra sphaeram potentiae potentis intueri, quia non repugnat vt simul sit cum cognitione intuitiva, vt postea ostend-

Castillo de Incarn. Pars I.

dam. vnde Scotus in 2. d. 3. quæst. 11. §. respondeo, vers. tertio dico, & quolib. 7. §. secunda conclusio, & quolib. 13. art. 2. §. circa secundam concedit cognitionem abstractivâ circa obiectum etiam existentem & præsens potentia. Idem secundo respondent alij non dari speciem intuitivâ, per quam visio beatifica causetur, quia de ratione cognitionis intuitivæ est, quodd immediatè causetur ab ipso obiecto, & in hoc distinguere à cognitione abstractivâ, quodd hæc causatur à sola specie, etiam si obiectum aliâs præsentialiter existat coram potentia. ita videtur docere Scotus in 2. dist. 5. quæst. 11. §. respondeo, & dist. 9. q. 2. ad 3. & in 3. dist. 14. q. 3. §. ad quæst. vers. & si dicatur; & in 4. dist. 45. q. 2. §. ad quæst. & dist. 49. q. 11. §. respondeo, vers. præterea. Et probat, quia impossibile est, quodd cognitio intuitiva habeatur per aliquod eodem modo se habens, siue obiectum existat, siue non, sed sic se habet cognitio habitâ per speciem; ergo intuitiva cognitio non habetur per speciem, sed per obiectum.

Sed contrâ, quia Scotus non negavit, quodd cognitio intuitiva possit fieri per speciem impressam obiecti. Primo, quia ubicumque docet & admittit cognitionem sensuum externorum, docet & admittit fieri per speciem impressam. ita habet in 1. dist. 5. quæst. 6. aliâs 7. §. contra istam opinionem, & quæst. 7. aliâs 8. §. conclusio istarum, vers. sed contra secundam; & in 2. dist. 9. q. 2. §. ad quæst. vers. post hæc tria, & dist. 13. q. vnicâ per totam; & in 4. dist. 44. q. 3. quodd autem cognitio sensuum sit maximè intuitiva habet in 2. dist. 3. q. 9. §. ad quæstionem, vbi etiam habet, quodd prima cognitio, quam intellectus habet de aliquo sensibili, sit intuitiva illius, & per speciem impressam deductam ab intellectu agente & phantasmate, & idem dicit quolibet 15. & in aliis locis. Præterea secundò, quia Scotus numquam negavit speciem impressam ad visionem beatam propter eius impossibilitatem (quod erat propriissimum medium ad eam excludendam) sed propter eius superfluitatem. legitur in 4. dist. 49. quæst. 11. §. respondeo, vers. præterea visio.

Respondeo ergo ad prædictam doctrinam secundæ conclusionis cum

Q. q.

Smi;

Smiling lib. de Deo vt vno, tract. 2. disp. 6. quest. 2. num. 13. quodd in prioribus locis Scotus loquitur de specie impressa, quæ nata sit æquæ, & eodem modo manere absente, ac præsentem obiecto, & de hac probat illud argumentum ibi factum à Scoto, & optimè negat per eam fieri cognitionem intuitiuam, quia hæc ita debet pendere à præsentia obiecti, quodd ipsa deficiente, etiam cognitio intuitiua deficiat, quare species intuitiua petit connaturaliter vt producat ab ipso obiecto vt præsentem, & petit dependere ab illo in fieri & conseruari.

16. Per hæc patet ad argumentum contrariæ sententiæ, & dico quodd species ista abstractiua Trinitatis, licet repræsentet illam & præsentiam eius, tamen ex natura sua, & connaturali modo suæ productionis non petit produci ab obiecto vt præsentem, neque ita alligari eius præsentia, quodd si hæc deficeret, species etiam deficeret, sicut contingit in intuitiua, quia eodem modo perseuerat species abstractiua, siue obiectum sit præsens, siue non. Dices: Si Deus deficeret, etiam illa species deficeret. Sed respondeo quodd hanc dependentiam habet secundum rationem communem creaturæ, non verò secundum rationem specificam speciei impressæ abstractiue; modò autem loquimur de hac ratione specifica, per quam differt à specie intuitiua.

17. Ad confirmationem concedo, quodd requirantur ad speciem intuitiuam illæ duæ conditiones, sed illa secunda conditio taliter debet intelligi, quodd obiectum non solum sit præsens intentionaliter in specie, & realiter in seipso, sed etiam quodd taliter se habeat species intuitiua dependenter ab hac præsentia, quodd ipsa deficiente, etiam deficiat. vnde Scotus in quolibet 13. citato, & in aliis locis in cognitione abstractiua solum admittit in ordine ad suum obiectum relationem, quæ dicitur mensuræ & mensurabilis, & in intuitiua præter hanc relationem requirit relationem actualis dependentiæ.

18. Dico ergo quodd etiam si Trinitas vt præsens denominetur cognita per cognitionem causatam per hanc speciem abstractiuam, & sic secundum realem

præsentiam terminet illam, tamen hoc conuenit illi de per accidens, quia si per impossibile hæc præsentia realis desineret esse in obiecto, adhuc perseueraret illa species abstractiua, & repræsentaret Trinitatem, & præsentiam eius secundum quodd relucet intentionaliter in ipsa specie, imò hoc videtur fuisse de facto in specie impressa D. Pauli, quæ recordabatur illius, quodd vidiisset, non tamen videbat.

Sed obieciens: Ergo de ratione cognitionis abstractiue est, quodd cognoscatur obiectum, non præsentialiter existens; ergo nequit stare cum cognitione intuitiua circa idem obiectum. patet consequentia, quia de ratione huius est, quodd per eam cognoscatur obiectum vt præsentialiter existens. Et confirmatur exemplo, quia ex eo repugnant simul in eodem intellectu actus fidei, & actus visionis circa idem obiectum; nam cum de ratione fidei sit respicere obiectum non apparens, sed obscurum, eo ipso non potest respici per visionem, quia per hanc appareret obiectum, cum sit clara; ergo similiter eo ipso quodd obiectum sit præsens intuitioni, non potest esse non præsens abstractiue cognitioni.

Ad obiectionem respondeo quodd non repugnat cognitioni abstractiue, quodd obiectum præsentialiter existat; imò quando sic existit, sic cognoscitur, sed ratio eius intrinseca hanc præsentiam non petit, sicut petit cognitio intuitiua. vnde nego quodd non possit simul stare cum cognitione intuitiua, quia aliud est, quodd intrinsece non petat præsentiam obiecti; aliud verò, quodd repugnet talis præsentia illi; homo enim intrinsece non petit albedinem, tamen albedo non repugnat illi. Ad confirmationem respondeo disparem esse rationem, quia fides in intrinseca ratione inuolutam habet priuationem apparentiæ obiecti; quare in instanti, quo obiectum incipit clarescere, & apparere per visionem, in eodem instanti definit esse obiectum fidei, quia ad hoc debet esse non apparens, & non apparentia est conditio obiectiua requisita ex parte ipsius, respectu eiusdem intellectus; tamen cognitio abstractiua non petit quodd obiectum sit priuatum præsentia reali, sed solum

solum petit illud cognoscere, etiam si priuatum sit tali præsentia. vnde Scotus admittit cognitionem intuitiuam, & abstractiuam esse simul, & circa idem obiectum, ita habet in 2. d. 3. q. 9. §. *ad questionem*, litt. G, & clarius quolib. 13. art. 2. §. *circa secundum in responsione ad 2. argumentum*, & sententia communis inter Recentiores.

21. Sed inquires quare cum species abstractiua Trinitatis representet omnia (etiam existentiam, & presentiam) quæ representat intuitiua, hæc intuitiua per se dependeat secundum rationem specificam à præsentia obiecti, illa vero non, siquidem vtrique dependet in fieri, & conseruari à voluntate Dei, quæ est sententia Scoti in 1. dist. 33. quæst. vnicâ, & quolibet 24. §. *hic intelligendum*, vbi probat quod Essentia diuina non mouet secundum se, sed vt voluntas, itaque ex parte efficientis conueniunt, & ex parte Trinitatis, quæ est obiectum idem ipsum representant. quare hæc dependet per se à præsentia obiecti, illa non. Respondeo quod cum Deus sit auctor naturarum etiam earum, quæ respiciunt ipsum vt obiectum, sic voluit has species cum diuersis dependentiis creare, licet enim nulla creatura possit subterfugere dependentiam per se à Deo, tamquam à causa efficienti, tamen tamquam à causa obiectiua non implicat subterfugere dependentiam efficientem, vt tenentem se ex illa parte obiecti, quas dependentias ipsæ naturæ specierum intrinsicè conseruant, vnde huius rei non potest reddi alia ratio à priori, nisi quia hæc species est hæc, & illa illa.

22. Neque video quod contradiçta possit obici, nisi quod aliqui asserunt, scilicet quod prædicta species Trinitatis non sit supernaturalis quoad substantiam, quia Scotus in 2. dist. 3. quæst. 9. §. *ad questionem*, litt. T, illam adstruit ad hoc quod Angelus habeat beatitudinem naturalem; ergo nequit esse per se infusa. Sed ad hoc respondeo primò, quod possit in Christo admitti alia species abstractiua Trinitatis distincta in specie ab illa, quam Scotus admittit in Angelo

23. Sed secundò respondeo quod ibidem litt. D ipse Scotus se explicat, & dicit, quod talis species est naturalis,

Castillo de Incarn. Pars I.

primò quia est vna ex perfectionibus, quæ datæ sūt Angelo in prima sui creatione. 2. quia non computatur inter habitus, qui pertinent vel ad ordinem gratiæ, quales sunt fides, spes & charitas, religio, & reliquæ virtutes morales; vel ad ordinem gloriæ, quales sunt lumen gloriæ, charitas, &c. 3. quia per hanc speciem est in potestate naturali intellectus vt eà circa obiectum voluntarium, videatur §. *ad rationes principales*, litt. Q. Propter hæc enim asserit, quod species prædicta constituit beatitudinem Angeli naturalem; tamen ibidem expressè affirmat, quod sit supernaturalis, primò quia ad eam habendam non est virtus in intellectu Angeli. 2. quia neque aliquâ actione naturali potest haberi, ita habet litt. C. & tandem 3. quia postulat produci à causa supernaturali, & supernaturaliter agentis. ita habetur §. *ad rationes* ante & post litteram O, quare necessariò talis species debet esse in doctrina Scoti naturalis extrinsecè, & supernaturaliter intrinsecè, & quoad substantiam, vtpote quia non exigitur ab aliquo principio physico naturali, neque produci potest per aliquam actionem naturalem, sed non solum debet produci ab aliquo agente supernaturali, sed etiam per aliquam actionem supernaturalem, ex quo desumitur supernaturalitas quoad substantiam ex Scoto in prologo q. 1. §. *ad questionem*, & in 1. dist. 10. q. 8. §. *ad quæst.* neque enim in tali productione species supplet aliquid principium physicum Deus, sed supplet in restitutione visus, quæ est supernaturalis quoad modum, neque attendit ad aliquam physicam exigentiam, sicut attendit in creatione animæ rationalis, quæ est naturalis quoad substantiam, aliàs semper maneret violenta natura Angeli, imò & natura hominis absque illa specie, sicut corpus maneret dum est vltimâ organizatione dispositum absque anima, de cuius animæ creatione nullus dicit quod sit supernaturalis, neque ab agente supernaturali, sicut Scotus dixit de specie illa, sed omnes dicunt quod sit omnino naturalis & creata à Deo tamquam ab auctore naturæ.

PARS SECVNDA.

*Utrum Christus per hanc scientiam
nouerit obiecta sensibilia & mate-
rialia?*

24. **I**NTER obiecta creata primò venit dis-
putandum de scientia propriè infusa
circa obiectum materiale. Circa quod
prima sententia negat, quòd Christus
per hanc scientiam cognouerit obie-
ctum sensibile & materiale. ita Duran-
dus in 3. d. 14. q. 4. Pytig. q. 3. art. 1.
Faber disp. 36. & tribuitur Scoto q. 3.
ex eo quod 1. *contra conclusionem*, ait,
quòd scientia per se acquisita & infusa
circa idem obiectum sunt eiusdem spe-
ciei. unde inferunt ergo secundùm Sco-
tum, Non datur scientia per se infusa
circa obiectum, circa quod datur per se
acquisita, quia istæ sunt distinctæ in
specie.

25. Sed non attendunt prædicti Aucto-
res, quod ibi Scotus loquitur, & arguit
ex dictis opinantis, ut ibi expressè ha-
bet; id est, ex dictis D. Thomæ, & ar-
guendo ad hominem; nam S. Thomas
1. 2. q. 109. art. 1. & 2. & q. 100. art. 10.
& sæpè alibi negat actum naturalem,
id est viribus naturæ acquisitum; &
actum supernaturalem, id est, à viribus
à solo Deo habitis circa idem obie-
ctum, quia non possent non esse eius-
dem speciei, cum sint circa idem obie-
ctum. Et ex hoc desumit argumentum
Scoti, quia si circa idem obiectum da-
retur scientia per se infusa, & per se ac-
quisita essent ex mente D. Thomæ eius-
dem speciei, & consequenter duò acci-
dentia solo numero distincta essent in
eodem subiecto, quod etiam negat D.
Thomas 3. p. q. 33. art. 5. & pro maiori
claritate huius obiectiōis Scoti, ipse
Scotus replicat pro D. Thoma, quòd
prædictæ cognitiones non sint numero,
sed specie distinctæ, sicut cognitio ma-
rutina & vespertina circa idem obie-
ctum, quam replicam impugnat Sco-
tus, quia tunc sequeretur quod solum
differrent (intellige in sententiâ D. Tho-
mæ) in specie per ordinem ad causas
efficientes, sed talis ordo solum atten-
tus ut sic, tantum causat distinctionem
numericam, sicut homo genitus, homo
creatus; ergo semper perseverat pri-

um argumentum cōtra D. Thomam,
quòd differant ut duò accidentia eius-
dem speciei, & sint in eodem subiecto.

Cumque autem sit hæc senten-
tia probatur, quia species obiecti mate-
rialis & sensibilis potest viribus naturæ
acquiri ab homine, & ab Angelo; ergo
circa illud species impressa non potest
esse per se infusa, sed per accidens. Et
confirmatur primò, quia si circa obie-
ctum naturale posset dari species per se
infusa, posset similiter dari per accidens
infusa, seu per se acquisita, seu acquisi-
bilis circa obiectum supernaturale, sed
hoc repugnat; ergo & illud. Et confir-
matur secundò, quia si daretur species
per se infusa circa obiectum materiale
non apparet, quomodo distinguatur in
specie à specie impressa per se acquisi-
ta, & à specie impressa per accidens in-
fusa, quæ species etiam debent dari
circa illud.

Secunda & vera sententia concedit,
quòd Christus Dominus cognouerit
obiecta materialia etiam per scientiam
per se infusam. ita D. Thomas 3. p. q. 11.
art. 1. & reliqui Thomistæ ibidem, Sua-
rez disp. 27. sect. 1. Vasquez disp. 53.
cap. 2. & absolute est de mente Scoti
in 3. d. 14. q. 3. 5. *ad quæst.* tum quia ibi
indistinctè concedit in Christo cog-
nitionem abstractivam cuiuscumque; quòd-
ditatis, & uniuersalis intelligibilis, & ut
suprà diximus, loquitur de cognitione
per se infusa [imò conveniunt nobis-
cum in hoc suprà citati Scotistæ, lo-
quendo circa alia obiecta naturalia, ut
infra dicemus] certum est autem quòd
obiecta materialia & sensibilia etiam
sunt intelligibilia, tum quia loquendo
de cognitione intuitiva (*vers. loquendo
tamen*) ponit exemplum in sessione Pe-
tri. Ex quo sic argumentor, de eo con-
cedit Scotus cognitionem abstracti-
uam, de quo negat intuitivam, ut patet
ex contextu, sed de sessione Petri ne-
gat cognitionem intuitivam infusam;
ergo de illa concedit abstractivam in-
fusam, sed sessio Petri est obiectum ma-
teriale & sensibile; ergo Scotus de ob-
iecto materiali & sensibili concedit
scientiam abstractivam infusam, quæ
ex aliis dictis à Scoto iam suprà relatis
est per se infusa.

Hæc sententiâ probatur primò: Chri-
stus Dominus à primo instanti suæ
con-

26.

27.

28.

conceptionis cognouit abstractiue hæc obiecta materialia & sensibilia, non solum multò perfectiùs, quàm alius homo possit cognoscere, sed etiam per species multò perfectiores, quàm Angelus etiam supremus (legite Scotum quæstione 4. breuissimà) ergo per species per se infusas. Probo consequentiam, quia species per accidens infusæ Christi non possent esse multò perfectiores, quàm species per se acquisitæ Angelorum, nisi intellectui agenti angelico inferretur à Deo violentia in eo quòd non eliceret & hauriret ab obiecto ita perfectas species vt postulat sua virtus naturalis, sed hanc violentiam Deus perpetuò non facit, quia nullum violentum est perpetuum; ergo vt species Christi sint magis perfectæ, quàm species hauribiles ab Angelo etiam supremo, debemus dicere esse per se infusas. Addo hoc esse verum, etiam si Angelus habuerit species per se infusas circa eadem obiecta, quia comparatio non fit cum illis, sed cum acquisitis, quas habuit, vel potuit habere. antecedens autem patet ex eo quòd cum Christus ab illo instanti fuerit omnium Doctor Angelorum, & hominum Magister supremus, debuit habere scientiam multò perfectiorem illis.

29. Secundò probatur, quia scientiæ in specie diuerse non repugnant in eodem intellectu, etiam si sint circa idem obiectum, vt patet in cognitione matutina & vespertina. Insuper est necessarium secundum omnes quòd reperiantur de facto in intellectu Christi, tamquam in supremo Magistro & Doctore; ergo circa obiectum materiale non solum habuit scientiam per se acquisitam, sed etiam habuit scientiam per se infusam.

30. Ad fundamentum primæ sententiæ respondeo, quòd illa species, quæ in Christo fuit per se infusa, licet sit circa obiectum materiale, non potuit viribus naturæ acquiri, licet alia posset, quia hæc species per se infusa petit per se infundi à Deo, non quomodocumq; agenti, sed agenti vt Auctore supernaturali. vnde Scotus in 4. d. 49. quæst. 12. & quolibet 13. art. 2. etiam distinguit scientias in specie per ordinem ad efficiens, hoc est per diuersam in specie efficientiam in ordine ad idem obiectum,

An autem prædicta distinctio in ordine ad efficiens sit à priori, vel sit à posteriori propter aliquod scilicet intrinsecum prædicatum non petitum ab obiecto, sed à modo tendendi, quòd posset efficiens supernaturale non curò pro nunc. legatur Smising tract. 2. disput. 6. quæst. 1. n. 6. & 7. quare Scotus in 3. iam citato *contra conclusionem*, vbi solum colligit distinctionem numericam in ordine ad efficiens, est ex dictis D. Thomæ, quia si ex sola distinctione specifica obiecti est venanda distinctio specifica scientiarum, vt inquit D. Thomas, vbi hæc non intercedit solum inuenietur distinctio numerica per ordinem ad efficiens in eius sententia.

Ad primam confirmationem distinguo sequelam, vel loquitur de obiecto supernaturali non includendo ordinem ad aliquod increatum, & vt sic concedo quòd possit dari species per se acquisita, & consequenter per accidens infusa circa obiectum supernaturale, quia in sententia Scoti in 4. d. 10. q. 8. *ad argumenta*, lit. R, semel existente obiecto supernaturali, v. g. præsentia Corporis Christi in Eucharistia, gratia iustificante in anima rationali, &c. intellectus agens Angeli & hominis in statu separationis potest viribus propriis abstrahere speciem impressam ab illo, vel loquitur de obiecto supernaturali includente ordinem ad aliquod increatum; & tunc iterum distinguo, vel illud increatum est aliàs cognitum clarè; & tunc concedo, quòd etiam potest acquiri naturaliter species impressa illius, vt latè dicemus infra parte sequenti, vel illud increatum non est aliàs clarè cognitum; & tunc nego, quòd possit naturaliter acquiri species, & clarè cognosci cum illo ordine, quia obiectum increatum numquam potest naturaliter notificari; & sic neque per species naturaliter acquisitas, aut acquisibiles.

Circa solutionem secundæ confirmationis variant Thomistæ, quia Vasquez disp. 52. cap. 2. ait, quòd per species per se infusas cognoscitur obiectum materiale quidditatiue & sicut est in se, non autem per species acquisitas, aut per accidens infusas, quia per has solum per effectus & extrinsecas accidentia cognoscitur. idem dicit de re-

liquis substantiis naturalibus. Sed contra primò, quia licet homines in hoc statu propter dependentiam ab organis paucas substantias & quidditates clarè & in se cognoscant, tamen non est illis denegandum absolute quòd cognoscant naturaliter substantias, & in Adamo & Salomone solùm videtur fuisse scientiam per accidens infusam. Secundò, quia scientia naturæ suæ acquisibilis est hominibus connaturalis, sed hæc est cognitio quidditatum per passiones, & è contrà; ergo. Tertio, quia saltem Angeli & animæ separatæ possunt naturaliter cognoscere obiecta materialia in se; ergo in illis non distinguuntur species per se infusæ à speciebus per se acquisitis, quod est falsum, quia est id quod intendit inferre prædicta secunda confirmatio.

33. Caietanus verò, & alij respondent, quòd distinguuntur prædictæ species in eo quòd per se infusæ est ex illis, quas Deus dat Angelis, & animabus separatim; at verò per se acquisita, aut per accidens infusæ est ex illis, quas Deus dat hominibus in hoc statu. quæ differunt primò, quia Angeli non possunt acquirere species per se infusas, benè tamen acquisitas, seu acquisibiles. 2. quòd tam Angeli, quam homines non possunt uti speciebus per se infusis cum conuersione ad phantasmata, benè tamen acquisitis. 3. quia species per se infusæ sunt vniuersales in repræsentando, & quælibet est ratio repræsentandi plures species reales, & sub illis plura indiuidua, imò & eorum accidentia: scilicet verò per species per se acquisibiles, quarum vnaquæque solùm repræsentat suum obiectum, siue vniuersale, siue particulare.

34. Sed contra primam differentiam sic argumentor argumento Scoti in 2. d. 3. q. 11. quia non oportet remouere ab aliqua natura nobiliori, quòd posset acquirere suam perfectionem, si eam non haberet, quam posset acquirere natura minis nobilis, sed homo potest ab obiecto materiali acquirere species & scientiam; ergo Angelus, qui est nobilior in natura, si eam speciem & scientiam non haberet infusam, posset acquirere; ergo habet intellectum agentem, sicut homo, quo possit acquirere has species, & scientiam. vnde ita tenent

Rada 3. p. controuerf. 9. art. 3. Faber in 2. disp. 26. & reliqui Scotistæ.

Contra secundam sic argumentor, quòd Angeli, & animæ separatæ non conuertantur ad phantasmata, est quia non habent corpus, neque organa; ergo ex hoc non potest sumi efficiens differentia. Prætereà quia homo si habeat species per accidens infusas, non necesse habet, quando vtitur illis, quòd conuertatur ad phantasmata, quia sunt omnino indepēdentes ab illis, & possunt uti nullā antecedenti habitū sensatione obiecti, sicut vtēbantur Salomon & Adam, etiam circa ea quæ nunquam experimento cognouerant. Prætereà quia D. Thomas 1. p. q. 89. art. 5. & 6. docet quòd anima separata maneat in alio statu cum eadem scientia habituali, & cum eisdem in numero & specie, speciebus, quas hic acquisiuit, anima autem separata non potest conuerti ad phantasmata.

Contra tertiam sic etiam argumentor argumento Scoti ibidem quest. 10. quia quodlibet obiectum siue vniuersale, siue particulare, siue sit accidens, siue sit substantia, habet diuersam entitatem; ergo & diuersam intelligibilitatem, sed species impressa debet proportionari & commensurari suo obiecto in esse intelligibili; ergo species, quæ est ratio repræsentandi obiectum vniuersale, non est ratio repræsentandi particulare, & quæ substantiale, non accidentale; ergo etiam si species per se infusæ sit, non est vniuersalis in repræsentando; ergo per hoc non differt à per se acquisita, aut per accidens infusæ.

Et confirmatur, quia non datur aliud obiectum præter diuinum, quòd eminenter aut virtualiter contineat entia materialia aut creata; ergo neque datur aliqua species impressa, quæ contineat eminenter aut virtualiter intelligibilitatem eorum, sed de his latius in materia de Angelis fit sermo à Scotistis.

His ergo omnis respondéo ad secundam confirmationem, quòd species per se infusæ distinguuntur in specie à per se acquisitis (seu per accidens infusis) sicut distinguuntur cognitio naturalis, & cognitio supernaturalis circa idem obiectum, scilicet ex eo quòd per se infusæ ex natura sua petit produci à Deo, ut agenti supernaturali, & supernaturali.

naturaliter agenti, & datur vt scientia habita per eam sit supernaturalis quoad substantiam; at verò per se acquisibilis non petit produci supernaturaliter, quia naturaliter potest haberi, & scientia habita per eam est naturalis, si autem ipsa est per accidens infusa, est solum supernaturalis quoad modum, quæ differentia latè traditur in materia de gratia, præcipuè à Scotistis; ex quo non solum debet inferri, quòd circa obiectum supernaturale potest dari cognitio naturalis & supernaturalis quoad substantiam, sed etiam circa obiectum naturale & materiale, & ita de facto contigisse in Christo.

dei, &c. aliud eorum quæ prædictum ordinem includunt, vt mysterium Incarnationis, visio beatifica præcipuè in actu secundo, &c.

Circa primum genus conueniunt Scotistæ suprà citati cum Thomistis, & meritò, quòd Christus Dominus habuerit scientiam per se infusam eorum. Fundamentum eorum est, quia de his omnibus non poterat Christus viribus naturæ habere species, sed ad eius excellentiam conueniebat habere scientiam in proprio genere eorum; ergo species, quas habuit ad habendam hanc scientiam, fuerunt per se infusæ.

Sed hoc fundamentum falsum est in sententia Scoti in 4. d. 16. q. 8. §. ad argumenta, litt. R, vbi docet, quòd de obiecto supernaturali non includente ordinem ad aliquid increatum, potest viribus naturæ haberi species ab intellectu angelico, & ab anima separata, vel corpori glorioso coniuncta; ergo species horum obiectorum non fuerunt per se, sed per accidens infusæ in Christo, siquidem in eorum sententia circa obiectum circa quod potest esse scientia per se acquisita, non potest esse scientia per se infusa, sed solum per accidens. Neque obstat, si dicas, quòd anima Christi in hoc statu non fuit corpori glorioso coniuncta, & consequenter neque potuit habere scientiam per se acquisitam circa obiectum supernaturale. Sed contrà, quia licet hæc doctrina vera sit, tamen ex modo defendendi illam, sequeretur quòd ad minus in transfiguratione, & postea in resurrectione, quando anima Christi fuit coniuncta corpori glorioso, illæ species circa hæc obiecta, quæ in statu viæ erant per se infusæ, transirent ad esse per accidens infusæ, quod est falsum, quia diuersi status non mutant diuersas naturas, cum quælibet natura sit immutabilis; ergo vel prædictæ species in doctrina Scoti fuerunt per accidens infusæ, vel assignandum est aliud fundamentum pro doctrina Scoti.

Fundamentum ergo pro nostra sententia est idem quod suprà questione 3. cum Scoto tradidimus, scilicet quòd in Christo sint assignandæ species ita perfectæ, quæ neque ab homine, neque ab Angelo etiam superiori possint viribus naturæ haberi, vt Christi scientia superet

39. Ex his quæ diximus in hac Parte manet soluta alia difficultas, scilicet, An per hanc scientiam per se infusam Christus cognouerit entia immaterialia, & spiritualia naturalia, qualia sunt Angeli, animæ separata, &c. Et respòdeo quòd sic propter eandem rationem fundamentalem nostri sententiæ: ita tenent omnes Thomistæ, imò & Scotistæ, qui negauerunt scientiam per se infusam circa obiecta materialia, contra quos argumentor primò quia inconsequenter loquuntur, cum idem sit fundamentum. 2. quia species per se infusa, quam homo in hoc statu haberet de Angelo, aut de anima separata, in alio statu esset per accidens infusa in eorum opinione. Probo còsequentiam, quia non possunt negare in doctrina communi & Scoti suprà tradita, quòd in alio statu separationis possit homo naturaliter habere cognitionem de Angelo, vel de anima; ergo si circa idem obiectum nò possunt dari species per se infusæ, & per se acquisita, sequeretur quòd circa obiectum hoc spirituale non possit dari species per se infusæ, vel quòd si daretur prædicta species transiret de per se infusa ad per accidens infusam, quod est falsum.

PARS TERTIA.

An Christus per hanc scientiam nouerit obiecta supernaturalia?

40. **D**Vo sunt genera entium supernaturalium, vnum eorum quæ non includunt ordinem ad aliquid increatum, vt gratia habitualis, habitus fi-

superet in perfectione omnium scientiam, sed species huius conditionis sunt per se infusa; ergo per scientiam per se infusam cognouit Christus prædicta obiecta supernaturalia absoluta.

44. Circa secundum genus obiectorum Alvarez disp. 61. Raguza disp. 92. negant quòd Christus per hanc scientiam cognouerit obiecta supernaturalia, quæ includunt ordinem ad aliquid increatum. Fundamentum est, quia habitudo non potest quidditatiuè & quoad quid est cognosci per hanc scientiam, nisi per illam cognoscatur terminus, sed terminus increatus non cognoscitur per hanc scientiam, sed solum per beatam; ergo. Maior probatur exemplo, quia quomodo potest cognosci, quòd aliqua pictura sit vera imago Cæsaris, nisi alias cognoscatur ipse Cæsar. Minor probatur, quia cognitio relationis inuoluit cognitionem termini; ergo qualis fuerit cognitio relationis, talis debet esse cognitio termini; ergo si illa est per se infusa, & ista similiter debet esse per se infusa.

45. Suarez verò disp. 27. sect. 3. Hurtado disp. 8. diff. 1. affirmant (& meritò) Christum cognouisse per hanc scientiam prædictas creaturas relatas ad aliquid increatum. Fundamentum est, quia licet in prædictis creaturis sit imbibita talis relatio, & huius cognitio dependeat à cognitione termini, scilicet Dei, tamen earum cognitio intuitiua non est formaliter intuitio Dei, quia Deus est extra totam essentiam earum, & solum se habet quasi terminus extrinsecus, & sic ad summum solum requiritur aliqua cognitio clara Dei concomitans, siue hæc sit per scientiam beatam, quam omnes admittunt in Christo, siue per speciem, & scientiam abstractiuam, quam admittunt Scotistæ.

46. Addo ego, quòd supposita quacumque cognitione clara Dei, & supposita existentia visionis bestificæ, aut scientia abstractiuæ circa obiectum increatum posset Angelus vel homo naturaliter cognoscere in sententia Scoti prædicta obiecta, etiam secundum relatiuas rationes, quia termino cognito per prædictas cognitiones nihil remanet in obiectis, scilicet mysterio Incarnationis, &c. à quo intellectus agens non possit acquirere species per pro-

priam virtutem, sicut si quis per visionem beatam, aut scientiam per se infusam cognosceret Cæsarem, posset naturaliter cognoscere, quòd aliqua pictura sit vera illius representatio.

Ad fundamentum oppositum concedo maiorem, & nego minorem, tum quia in nostra sententia etiam Christus habuit scientiam per se infusam abstractiuam mysterij Incarnationis, Trinitatis, &c. tum quia licet non haberet illam, non requiritur per se, quòd cognitio, quæ inuoluitur de termino increato, sit eiusdem rationis cum cognitione, quæ habetur de relatione, quia cum terminus sit extra totam essentiam relationis, etiam cognitio termini potest esse extra totam cognitionem relationis, licet prærequiratur ad ipsum, imò sufficeret cognitio clara naturalis termini, si hæc esset dabilis ad habendam cognitionem per se infusam creaturæ supernaturalis, in quantum relatiuæ ad aliquod increatum propter rationem dictam.

PARS QUARTA.

Utrum Christus per hanc scientiam cognouerit singularia determinata sub quauis temporis differentia?

DVplex potest esse scientia, seu cognitio circa singulare existens in aliqua temporis differentia, vniuersali, quæ terminatur per se ad existentiam; alia verò abstractiuæ, quæ per se non petit terminari ad existentiam, & de vtraque concedunt Thomistæ, quòd habeatur à Christo scientia per se infusa circa singulare pro quacumque temporis differentia existens. Fundamentum eorum est, quia species per se infusæ sunt vniuersales in representando, & non solum representant vniuersalia, sed etiam singularia, & eorum accidentia, sed vnum ex accidentibus est coexistentia temporis; ergo singulare etiam in quacumque coexistentia temporis potuit à Christo cognosci, & consequenter de facto cognouit.

Scotus verò in 3. dist. 14. quæst. 3. ad questionem concedit cognitionem & scientiam infusam abstractiuam circa singularia (intellige etiam existentia pro quacumque temporis differentia, licet

47.

48.

49.

licet non actualiter, sed præsentialiter respectu potentia:) negat tamen omnem cognitionem intuitiuam tam perfectam, quam imperfectam circa illam. Hæc sententia est vera, illamque tenent Rada ubi supra art. 4. Faber disput. 36. & habet duas partes: Prima probatur, quia licet species per se infusæ non sint vniuersales in representando, ut probauimus parte 2. tamen dari possunt diuersæ species per se infusæ, quarum vna representet singulare existens, & alia præsentiam illius pro tali tempore, sed hæ species eodem modo representant, siue obiectum sit præteritum, præsens, aut futurum; insuper sunt ex illis quas habebat Christus, quæ nequibant produci virtute ipsius naturali; ergo per illas potuit Christus cognoscere singulare sub quauis temporis differentia.

50. Secunda pars probatur ex dictis questione antecedenti parte 1. quia cognitio intuitiua in sententia Scoti, est illa, quæ habetur per speciem, quæ connaturaliter petit dependere in fieri & conseruari ab obiecto ut actualiter existenti, & intra spheram potentiaæ præsentis; sed species, quæ connaturaliter petit dependere in fieri & conseruari ab obiecto, non est per se infusa, quia hæc potius petit non produci ab illo; ergo cognitio intuitiua, quæ habetur de singulari existenti, non solum pro quacumque temporis differentia (ut volunt Thomistæ) sed etiam pro tempore præsentis (ut volunt aliqui Scotistæ) non potest esse per se infusa. Ex quo debetis colligere, quod etiam si verum sit, quod Deus possit producere speciem intuitiuam circa obiectum præsens, illa tamen non est per se infusa, neque potest esse, sed solum per accedens, quia ut diximus ex natura sua semper postulat produci ab obiecto præsentis, & consequenter à causa sola creata, non à sola virtute Dei, ut postulat species per se infusa. Vide Scotus vers. & *sed dicatur*, absolute negat species per se infusas intuitiuas, & docet, quod Christus habuerit naturaliter cognitionem intuitiuam perfectam & imperfectam, & quod profecerit in scientia intuitiua, quia hanc paulatim acquirebat.

51. Ad fundamentum Thomistarum re-

Castillo de Incarn. Pars I.

spondeo primò, quod species per se infusæ non sunt vniuersales in representando. Secundò, etiam si essent, non deferuissent ad cognitionem intuitiuam, quia nulla potest dari cognitio intuitiua per se infusa, sed ut plurimum solum potest dari infusa per accidens. Præterea etiam si daretur per se infusa (quod iam negauimus) taliter alligaretur obiecto ut actualiter existenti & præsentis, quod ablata actuali existentia, & præsentia illius, deberet statim euanescere & deficere species intuitiua: ex quo apparet non esse per se infusam, siquidem eius esse dependet ad minus quantum ad conseruari ab aliquo creato. Dices: Species, quæ infunditur ad visionem beatam, est per se infusa, & nihilominus est intuitiua. Respondeo primò, quod licet sit per se infusa, producitur ab ipso obiecto cuius est, & à sola virtute Dei. 2. quod hæc species non computatur cum speciebus scientiæ per se infusæ, sed scientiæ beatæ, de qua modò non loquimur.

● PARS QUINTA

Utrum Christus per hanc scientiam cognouerit futura contingentia?

52. IN hac re duas inuenio sententias oppositas, sed meo videri inter se non disidentes: Prima sententia affirmat, quod Christus Dominus per hæc scientiam cognouerit futura contingentia. ita D. Thomas 3. p. q. 11. art. 1. ibidem omnes eius Expositores, videatur Gaspar Hurtado diff. 10. Et probatur primò, quia Christus Dominus fuit Propheta, & reuelauit plura futura contingentia, v.g. Ioan. 17. *Hoc dixi vobis, priusquam fiat, ut cum factum fuerit credatis*, &c. sed scientia propter quæ ceteri Prophetæ prædicunt futura, est per se infusa; ergo & in Christo. 2. quia in nullo capite hoc repugnat Christo, insuper pertinet ad eius perfectionem; ergo, &c.

53. Secunda sententia negat, quod Christus per hanc scientiam nouerit futura contingentia. ita prius docuerat D. Thomas in 3. d. 14. quæst. 1. art. 3. quæst. 2. & de Veritate quæst. 20. art. 6. tenet Scotus etiam in 3. quæst. 3. §. *ad questionem*, vers. *loquendo tamen*, & loquendo de Angelis in 2. dist. 3. q. 11. §. *respon-*

R r

deo, vers. secundò dico ibidem; Faber in 3. disp. 37. Rada controuers. 9. art. 4. Et probatur, quia futura contingentia non possunt cognosci in causa, cum sit indifferens, neque magis determinata ad futurum; quàm ad non futurum; neque possunt cognosci in effectu, quia nullum habent, antequam sint existentia; neque possunt cognosci, quia sint præsentia in æternitate, tum quia non sunt illi præsentia, tum quia licet essent, nihilominus actus cognitionis Christi non mensuratur æternitate, in qua futura essent, & sic non posset terminari ad illam, sicut terminatur diuina cognitio; neque quia cognoscantur in diuino decreto, nam hoc solum potest spectare ad scientiam beatam, non ad per se infusam, neque ex reuelatione diuina, vt tradunt Rada & Faber, quia tunc sequeretur quòd in Christo esset fides. Et non valet solutio, quòd habuit euidentiam in attestante. Nam contrà est, quòd hæc euidentia rem testificatam relinquit obscuram, & obiectum fidei.

54. Neque similiter cognouit Christus prædicta futura per proprias illorum species, vt docet Caietanus 3. parte, quest. 11. art. 1. Suarez disp. 27. sect. 2. Vasquez disp. 53. cap. 2. num. 18. Hurtado vbi suprà, tum quia non dantur vniuersales species in representando, & consequenter non possunt per eas cognosci futura contingentia cum suis accidentibus, scilicet existentia, duratione, contingentia, &c. tum & præcipue quia prædictæ species solum sunt rationes cognoscendi extrema complexionis contingentis, sed ad cognoscendum futurum contingens, etiam est necessarium ipsam complexionem contingentem cognoscere; ergo. Et confirmatur, quia aliàs nulla erit ratio propter quam non possit Angelus conaturali modo cognoscere futura contingentia, sed hoc non tribuitur ipsi; ergo Christus Dominus solum cognouit illam in Verbo, non in genere proprio per hanc scientiam per se infusam.

55. Sed claritas gratia, & vt nostra sententia (in qua existimo Scotum conuenire cum Thomistis, licet non propter idem fundamentum) aperiatur, Nota quòd futurum contingens potest tripliciter accipi. primò, vt est in sua cau-

sa, quæ contingenter illud producit. 2. prout consideratur in seipso, non reduplicatiuè, vt futurum contingens est, sed specificatiuè, scilicet illa substantia, qualitas, &c. quæ contingenter habebit esse. 3. prout consideratur reduplicatiuè vt futurum contingens est, v. g. sessio Petri prout crastinà die contingenter est futura, contritio Ioannis prout liberè est elicienda à Ioanne post tres dies, &c. ita vt cognitio non solum terminetur ad obiectum, sed etiam ad futuritionem & contingentiam eius.

Hoc supposito Dico primò: Futurum cōtingens primo modo acceptum, scilicet prout in causa, non cognoscitur à Christo per hanc scientiam per se infusam, imò neque per scientiam per accidens infusam (idem dico de Angelo) in hac conclusione conueniunt cum Scoto Thomistæ. Et probatur primò & à priori, quia causa contingens non est magis determinata ad illum effectum contingenter futurum, quàm ad oppositum; ergo non est magis ratio cognoscendi illum, quàm oppositum. 2. quia etiam futurum necessarium non cognoscitur secundum suam rationem formalem in sua causa, quia in illo solum relucet virtus ad illum producendum, vt diximus suprà (non loquor de causa scientiali, vt sunt præmissæ respectu conclusionis, de qua Scotus in præsentia, & sæpe alibi docet quòd sit ratio cognoscendi veritatem effectus, hoc est, conclusionem, sed loquor de causa simplici, vt producat respectu productionis) ergo multò minùs cognoscetur in se, & formaliter futurum contingens in sua causa.

Dico secundò: Futurum contingens secundo modo acceptum, scilicet prout in seipso specificatiuè, & non reduplicatiuè consideratum, potuit à Christo (idem dico de Angelo) cognosci per hanc scientiam. Hanc conclusionem existimo non negare Scotum, vt infra ostendam, illam tamen tradunt Thomistæ citati. Et probatur primò à priori, & præcipue in sententia Scoti, quæ communis est, quia per speciem impressam potest non solum cognosci essentia alicuius obiecti, sed etiam existentia illius, etiam si prædictum obiectum actualiter non existat,

existat, quando actualiter cognoscitur; ergo si Deus infundat Christo species diuersas, quarum vna repræsentet essentiam, alia existentiam, vel solum vnam hæc omnia determinatè repræsentantem alicuius entis futuri contingentis (quod non repugnat Deo, quia eius omnipotentia non alligatur existentia actuali obiekti futuri, sed potest producere speciem entis, antequam producat ens) poterit Christus per eas species cognoscere obiectum, quod aliàs respectu temporis præsentis dicitur futurum, & respectu suæ causæ indifferentis dicitur contingens, sed excellentia Christi est cognoscere hæc futura, v. g. Antichristum futurum; ergo illa cognouit. Insuper per species excellentissimas; ergo per species per se infusas ex dictis.

58. Secundò probatur, quia licet futurum contingens non habeat in se in hoc tempore præsentem intelligibilitatem realem, vtpote quia neque entitatem (idem dico de obiecto præterito) tamen in specie impressa habet intelligibilitatem intentionalem, vt patet in specie abstractiua, & in specie obiekti præteriti, sed hæc intelligibilitas sufficit ad scientiam per se infusam; ergo per hanc cognouit Christus futura contingencia specificatiue accepta.

59. Tertiò probatur, quia aliàs sequeretur, quod Christus per nullam scientiam in proprio genere cognosceret futurum aliquod contingens, imò neque futurum necessarium ex sua causa secunda immediata. Primum patet, quia scientia per se infusa excedit reliquas, non solum in intensiōe, sed etiam in extensiōe; ergo si per illam non cognoscitur, neque per aliquam aliam cognosceretur. Secundum patet, quia etiam futurum necessarium ex causa secunda immediata est contingens ex causa prima, imò actualiter, quando conseruatur, contingenter conseruatur, quia posset non conseruari à Deo.

60. Quarto probatur, quia sequeretur, quod Christus neque cognosceret præterita, neque præsentia, quæ non sunt, vel fuerunt cognita à Christo intuitiua. patet quia hæc omnia habuerunt esse contingenter, & insuper non habent intelligibilitatem realem respectu huius potentia, quia possunt esse

extra sphæram ipsius, sed hæc omnia sunt falsa, quia aliàs scientia Christi in proprio genere solum posset versari circa existentia, quæ aliquando fuerunt præsentia potentiis sensitiuis Christi; reliqua autem nullo modo cognoscerentur per scientiam in proprio genere, quod est contradicta, etiam cum Scotistis circa entia naturalia, & supernaturalia spiritalia, imò obiecta existentia, quæ sunt, & fuerunt præsentia Christo, non cognoscerentur per scientiam per se infusam, sed per acquisitam, vt supra diximus, & consequenter in doctrina Scoti circa nulla obiecta existentia daretur in Christo scientia per se infusa, quod est falsum.

Dico tertiò: Futurum contingens tertio modo consideratum, scilicet prout futurum & contingens, etiam fuit cognitum à Christo per hanc scientiam. Et probatur, quia ad cognoscendum futurum contingens reduplicatiue solum requiritur, quod præter cognitionem, quæ habetur de ipso futuro contingenti specificatiue accepto, habeatur alia, quæ cognoscatur ipsa futuritio & contingentia, sed hæc omnia sunt cognoscibilia (vtpote quia entia, siue realia, siue rationis) per species immediatas, vel mediatas, quæ possunt esse excellentissimæ, & summæ, sicut reliquæ, quæ sunt in Christo; ergo per species per se infusas potuit à Christo cognosci futurum contingens reduplicatiue vt futurum contingens. Maior non indiget probatione. Minor probatur ibi, quia quodcumque ens intelligibile est, futuritio autem est relatio temporis futuri ad præsens, sicut præteritio est relatio temporis præteriti ad præsens; contingentia autem est relatio effectus ad causam, prout in actu primo indifferentem; ergo tam futuritio, quam contingentia sunt entia cognoscibilia.

Prædictas autem relationes existimo esse de mente Scoti, nam in 3. Sentent. dist. 14. quæst. 3. §. 1. ad questionem, *verf. quod si alicui*, habet hæc verba, *Hæc anima* (scilicet Christi) *nonit habitualiter aliqua singularia per proprias species infusas*, &c. Sed dices: Hæc singularia potuerunt esse ex possibilibus, vel ex existentibus necessariis.

Sed contrā primò, quia statim subdit, quòd potest alia cognoscere per scientiam acquisitam & intuitiuam, si fiant in existentia reali; ergo priùs loquebatur de omnibus aliis, quæ non potuerunt habere existentiam realem requisitam ad cognitionem intuitiuam; ergo non solum de possibilibus & existentibus necessariis, sed etiam de contingentibus, præterquam quod vt supra diximus nullum est necessarium, quòd non sit aliquo modo contingens. Secundò, quia vers. *loquendo tamen*, negat cognitionem per se infusam intuitiuam circa obiecta de quibus concesserat infusam abstractiuam, sed ponit exemplum in hoc, quòd Petrus currat, quod est quid contingens, quando negat intuitiuam; ergo de hoc concedit abstractiuam.

63. Sed obiicies primò, Scotus vers. & si dicatur, vbi negat, quòd per species infusas cognoscatur futurum contingens. Respondeo loquitur de cognitione intuitiua, quam dicit (& optimè) non posse haberi per species infusas, quia istæ eodem modo repræsentant obiectum, siue existat, siue non existat, vt patet ex textu. Imò ex hoc desumo argumentum, species infusæ eodem modo repræsentant obiectum, siue existat, siue non existat ex mente Scoti; ergo ex illa habemus, quòd etiam si futurum contingens non existat, potest per species per se infusas cognosci, non solum ipsa substantia futuri, sed etiam futuritio & contingentia ipsius, & consequenter non solum specificatiuè, sed etiam reduplicatiuè.

64. Obiicies secundò Scotum in 2. d. 3. q. 11. s. *respondeo*, vers. *confirmatur*, vbi probat, quòd Angelus per species infusas non potuit cognoscere futurum contingens. Et ratio eius est talis, quia vel species horum terminorum, *me sedere cras*, repræsentant determinatè hanc veritatem, vel non, si determinatè; ergo per hos terminos non habet notitiam, quòd hoc sit contingens, si non determinatè; ergo numquam per cognitionem terminorum, scilicet Angelus, quòd ego determinatè sedeam cras.

65. Respondeo: Ibi loquitur Scotus contra D. Thomam, & eius sequaces ponentes species vniuersales in repræ-

sentando, vt patet ex textu, contra quos optimè militat hoc argumentum, quia vel vnica species, *A*, repræsentat determinatè hanc veritatem me sedere cras, vel non. si determinatè; ergo non repræsentat illam, cum contingentia ipsius. patet consequentia, quia species, quæ est de obiecto determinato, non potest simul esse de indeterminato, quale est contingentia, aliàs si haberent eandem intelligibilitatem ens determinatum, & ens indeterminatum, haberent eandem entitatem. Si non determinatè, numquam per hanc scientiam, *A*, determinatè cognoscetur obiectum contingens, quia componitur ex aliquo determinato, scilicet ex terminis, *me sedendi cras*, & ex indeterminato, scilicet ex contingentia, quæ illi termini inter se vniuntur, non tamen loquitur Scotus de cognitione futuri contingentis per diuersas species proprias & particulares, tam terminorum, quàm contingentiar, quæ vniuntur, vt nos ponimus cum iplo ibidem, vers. *præterea secundò*, vbi petit aliam speciem singularitatis futuri cogniti, aliam existentiar, aliam talis temporis, & aliàs aliorum accidentium. quare in prædicto argumento non infert Scotus hanc consequentiam, *ergo Angelus non potest habere cognitionem futuri contingentis*; sed hanc, *Oportet igitur quòd accipiat aliundè certam notitiam huius*, scilicet, *me sedendi cras*. Ex quo sic desumo argumentum; ergo ex mente Scoti, aliundè potest haberi ab Angelo certa notitia futuri contingentis, sed non à scientia beata, quia tunc Angelus erat viator, non ab intuitiua, quia respectu huius obiectum non potest esse futurum, sed præsens; ergo ab abstractiua infusa, siue per se, siue per accidentem.

- Ad fundamentum primæ sententiæ 66. respondeo, quòd omnia, quæ ibi adducuntur, sunt pro nostra sententia; neque per illa probatur, quòd cognoscatur futura contingentia in causa, quia hoc etiam Auctores illius sententiæ negant. Ad fundamentum secundæ sententiæ dico, quòd nullo ex illis modis cognouerit Christus futura contingentia, sed solum per species proprias illorum, diuersas pro diuersitate obiectorum, quæ in futuro contingentia concurrunt, nam dari debet alia species

eius substantiæ ipsius futuræ, alia existentia illius, alia temporis in quo existit, alia futuritionis respectu temporis præsentis, alia contingentia ipsius futuri, non verò vna pro omnibus his, vt intendunt Thomistæ, & idipsum dico de Angelis, siue species illæ sint per se, siue per accidens infusæ, quare si omnia futura contingentia non cognoscunt connaturaliter, est quia non dantur illis species infusæ omnium, sed aliquorum.

67. Neque video quomodo consequenter loquantur prædicti Scotistæ ex vna parte negantes cognitionem futurorum contingentium, & ex alia parte concedentes (videatur Faber cap. 2.) species abstractiuas plurium singularium, quia species abstractiuæ non deferuiunt ad cognitionem intuitiuam perfectam, vel imperfectam; ergo neque ad cognoscendum obiectum præsens, neque ad præteritum, quod aliquando fuit præsens; ergo deferuiunt ad cognoscendum obiecta præsentia, non præsentia potentia. Præterea ea, quæ numquam fuerunt præsentia potentia, & præterita, & tandem obiecta futura, & contingentia eorum, quia de his omnibus currit eadem ratio, cum solum potuerint habere in potentia Christi vel Angeli intelligibilitatem intentionalem.

PARS SEXTA.

De numero obiectorum, quæ Christus cognouit per hanc scientiam.

68. **P**rimò est nobis in præsentia agendum de numero obiectorum possibilium, & secundò de numero obiectorum actualiter existentium pro quauis temporis differentia, & pro omnibus nota id quod sæpè diximus, quòd duplex est cognitio, alia abstractiua, quæ non respicit per se in obiecto existentiam actualem; alia verò intuitiua, quæ per se illam respicit, imò & talem, quòd sit præsens potentia cognoscenti.

69. Circa primum prima sententia absolute negat Christum per hanc scientiam cognouisse omnia possibilia. ita Suarez disp. 27. sect. 4. & existimari esse communem. Fundamentum est primò, quia

licet nullum appareat caput, ex quo repugnet, quòd Christus per hanc scientiam cognouerit omnia possibilia, tamen non omne id quòd non repugnat, est statim concedendum & tribuendum Christo. Secundò, quia per scientiam beatam, cum sit superior, non cognouit Christus omnia possibilia (vt latè probauit hic Auctor suprà in propria quæstione) ergo multò minùs per scientiam per se infusam, cum sit inferior.

Secundà & verior sententia distinguit de possibilibus, quia vel illa sunt species & quidditates, & sic concedit omnia cognouisse Christum per hanc scientiam, vel sunt indiuidua harum specierum, & omnia illa negat cognouisse, sed solum aliqua, licet plura, imò plura, quàm Angelus superior. ita Scotus in 3. dist. 14. quæst. 3. & 4. sequuntur omnes eius discipuli, Rada controuers. 9. art. 4. conclus. 2. Pytiganus in 3. citato, art. 5. & 6. Faber disp. 36. cap. 2. Prima pars huius sententia probatur, quia species & quidditates sunt numero finitæ, & in illis est deueniendum ad vnàm vltimam, vt probat optimè Scotus 2. Metaphys. quæst. 4. & 5. & aliàs necesse est, quòd supremus omnium Magister omnes quidditates quidditatiue cognosceret in proprio genere; ergo omnes illas cognouit Christus per hanc scientiam. Et confirmatur; quia in illo sunt omnes thesauri sapientiæ & scientia Dei; ergo quidquid non repugnat, cognouit.

Secundà pars probatur ab aliquibus, 71. quia sequeretur quòd cognitio infinitorum indiuiduorum possibilium esset infinita, similiterque intellectus, & lumen, quibus deberent cognosci. Sed hæc probatio nulla est, quia solum sequeretur infinitas extensiuæ, quam admisimus quæstione 2. huius Disputationis in actu beatifico, in intellectu & lumine Christi circa infinitas in potentia creaturas tam possibiles, quam actuales; non autem sequeretur infinitas intensiuæ, quæ repugnat creaturæ. Secundò ab aliis probatur, quia talis cognitio infinitorum indiuiduorum possibilium esset comprehensiuæ omnipotentia Dei. Sed contrà, quia omnipotentia non solum habet extensionem infinitam, sed etiam intensionem; ergo

ex eo quoddam cognoscitur extensio, sen ea ad quam extenditur, non cognoscitur intensio, quæ deberet etiam cognosci ut comprehenderetur omnipotentia Dei, ut ibidem diximus, loquendo de visione beata Christi, imò & infinite intensiue deberet cognosci ut comprehenderetur.

72. Sic ergo à nobis est probanda primò, nam pro quolibet indiuiduo est assignanda una species, ut ex mente Scoti supra probauimus, sed infinitorum indiuiduorum in potentia repugnat dari omnes species in actu, nam infinito in potentia solum correspondet infinitum in potentia in speciebus, non in actu, itaque non repugnat, quia si infinitum in potentia daretur in actu, esset infinitum in actu, sed repugnat ex eo quoddam cum sit infinitum in potentia, ponatur in actu, nam ex eo quoddam est in potentia infinitum repugnat per locum intrinsecum quoddam sit in actu, sicut repugnat quoddam potentia ut potentia sit actus; si ergo non dantur prædictæ species in actu, non habebit Christus in actu scientiam per se infusam omnium indiuiduorum possibilem.

73. Secundò probatur alia ratione Scoti quæst. 2. 1. potest dici, quia intellectus creatus (idem dico de lumine & cognitione) si non habeat pro obiecto Essentiam diuinam, in qua refulcent omnes creaturæ, ut in visione beata, non solum habet terminum, seu determinationem quoad intensiorem, sed etiam quoad extensionem, ut patet in aliis potentiis; ergo per scientiam in proprio genere, qualis est per se infusa non potest tendere in infinita indiuidua possible, sed in aliqua determinatè.

74. Ad fundamentum primæ sententiæ Respondeo ad primum, quoddam iam apparet repugnantia ratione cuius Christus non cognouerit omnia indiuidua possible, quia tamen hæc non apparet in cognitione specierum & quidditatum, & insuper est excellentia Christi habere scientiam illarum, idè concessimus hanc, & negauimus illam, non quia non appareat repugnantia, ut Suarez intendit, sed quia apparet, ut probauimus.

75. Ad secundum respondeo negando, quoddam Christus non cognouerit per visionem beatam omnia possible, ut

contra Suárez & alios supra quæstione 2. ostendimus. Ratio autem, quare per infusam non cognoscantur, est quia ad hanc requiritur multitudo actualis specierum, quæ repugnat dari de facto ex dictis; ad illam verò non requiritur, sed solum cognoscuntur in diuina Essentia, in qua sicut non repugnat cognosci infinitas intensiua illius, ita multò minus repugnat cognosci infinitas extensiua suæ omnipotentia.

Circa secundum, quod est in presenti examinandum, scilicet, An Christus cognouerit per hæc scientiam omnia existentia pro quauis temporis differentia, siue vniuersalia, siue indiuidua. Prima sententia affirmat cognouisse, imò & quoddam talis cognitio eorum sit intuitiua, ita D. Thomas quæst. 11. art. 1. Caietanus, Medina, & alij Expositores ibidem, Vasquez disp. 35. cap. 8. Suarez disp. 27. sect. 2. Probant primò, quia species per se infusæ sunt vniuersales in representando; ergo non solum quidditates omnes, sed etiam omnia indiuidua, & eorum existentias representant. quoddam cognitio eorum sit intuitiua patet, quia representat existentias, neque reperitur aliud representabile in obiecto, quando eius existentia est actualiter præsens potentia. 2. quia alias Christus haberet ignorantiam eorum obiectorum, quorum non habuit cognitionem aut per se infusam, aut acquisitam. 3. quia cognitio omnium singularium existentium pro quauis temporis differentia pertinet ad prudentiam vniuersalem, quæ reperitur in Christo, cum sit Dominus & Iudex omnium; ergo per hanc scientiam cognouit Christus omnia existentia pro quauis temporis differentia, & talis cognitio fuit intuitiua.

Secunda autem & vera sententia distinguit de cognitione abstractiua & intuitiua circa obiecta existentia pro quauis temporis differentia; nam, ut supponimus ex dictis, non solum per intuitiuam, sed etiam per abstractiuam potest cognosci obiectum ut existens, & tam de abstractiua, quam de intuitiua negat hæc sententia, quoddam Christus cognouerit omnia existentia pro quauis temporis differentia, sed diuerso fundamento, de vna, ac de alia. ita existimo esse dicendum ex mente Scoti

ex his quæ tradit in 2. & 3. Sentent. citatis. Quod autem non cognouerit omnia existentia per cognitionem intuitiuam, probatur primò, quia cognitio intuitiua non potest esse per se infusa, cum causetur à specie, quæ per se petit produci, & dependere in fieri & conseruari ab ipso obiecto creato. 2. licet esset per se infusa, deberet dicere ad obiectum vt actualiter & realiter præsens, non solum relationem mensuræ, & mensurabilis (quæ etiam reperitur in cognitione abstractiua) sed etiam relationem actualis dependentiæ (vt reperiri potest in cognitione intuitiua per species per accidens infusas, sed omnia existentia pro quauis temporis differentia non fuerunt actualiter præsentia Christo per præsentiam realem, sed solum aliqua; ergo de illis omnibus non habuit cognitionem per se infusam, sed solum de aliquibus.

78. Quod autem Christus non cognouerit omnia existentia pro quauis temporis differentia, etiam per cognitionem abstractiuam, probatur eodem fundamento, quo suprà probauimus non cognouisse omnia possibilia, quia omnia existentia, quæ erunt, sunt infinita in potentia, v.g. omnes cogitationes angelicæ futuræ, sed infinitum in potentia non potest à Christo in proprio genere cognosci; ergo non cognouit Christus per hanc scientiam omnia existentia pro quauis temporis differentia, sed solum aliqua.

79. Et si inquiras, Quæ obiecta ex existentibus cognouerit abstractiue? Respondeo cognouisse ea quæ à voluntate diuina illi fuerunt concessa secundum eius excellentiam iudicaturæ, magisterij, & maximi doctoratus, & sic existimo cognouisse quæ fuerunt, sunt, & erunt ex naturalibus & supernaturalibus à principio mundi vsque ad finem illius, & postea à multò plura alia, quàm quilibet Angelus, imò quàm omnes simul.

80. Ad fundamentum primæ sententiæ responderetur. Ad primum, iam diximus esse falsum, quod species per se infusæ sint vniuersales in representando, vna enim & indiuisibilis species non potest plura & diuersa representare; similiter nego, quod prædicta cognitio sit intuitiua, tum quia cognitio abstra-

ctiua potest representare rem existentem, & omne representabile per cognitionem intuitiuam, vt habet Scotus in 2. dist. 3. quæst. 9. vbi admittit cognitionem abstractiuam Trinitatis, & quæst. 11. §. respondeo, verf. *tertiò dico*, vbi expressius hoc docet, & alibi sæpè, imò & Aduersarij concedunt; tum quia cognitio intuitiua non potest esse per se infusa, vt habet Scotus in 3. dist. 14. quæst. 3. §. *ad questionem*, verf. & *si dicatur*, & rationem huius reddit, quia licet posset esse infusa, postularet tamen vltra cognitionem abstractiuam, relationem actualis dependentiæ ab obiecto vt actualiter existenti & præsentī, & consequenter species dependeret ab illo in fieri & conseruari, quæ relatio & dependentia non reperitur in scientia per se infusa Christi, quia hæc independens est à præsentia reali obiecti, & eodem modo representat illud, siue existat, siue non existat.

Ad secundum, Nego quod Christus habuerit ignorantiam illorum obiectorum, quæ non sciebat per hanc scientiam, quia aliunde sciebat per scientiam beatam, nec est inconueniens quod non sciret per scientiam per se infusam, sicut nec est inconueniens non scire omnia per scientiam intuitiuam & acquisitam.

Ad tertium, Dico sufficere ad prædictam vniuersalem repertam in Christo scientiam omnium beatam, quæ licet non esset practica (vt volunt aliqui) sufficit tamen ad hoc vt habeatur praxis, seu iudicatura, & exercitium domini; præterquam quod ad iudicaturam iam præcedit cognitio per se infusa omnium eorum quæ sunt à principio vsque ad finem mundi, quando est futurum vltimum iudicium, neque enim ista obiecta sunt infinita in actu, vel in potentia, idem dico de exercitio domini, & si postea habuerit aliquod exercitium, etiam habebit ad illud scientiam per se infusam antecedentem, quia circa plura alia obiecta habet illam, vt iam diximus.

QVÆSTIO V.

Vtrum in scientia per se infusa animae Christi detur habitus distinctus à speciebus?

1. **T** Res inuenio sententias in hac re. Prima asserentium quòd detur habitus supernaturalis distinctus à speciebus; sed Auctores huius sententiæ diuerso modo de hoc habitu loquuntur, nam quidam, quos refert Suarez infra, asserunt quòd hic habitus constet ex duplici qualitate, quarum vna illuminet obiectum, alia illuminet potentiam, sicut contingit in obiecto visibili; alij verò solum concedunt qualitatem se tenentem ex parte potentiae, & illam eleuantem, inter quos alij docent esse vnam simplicem qualitatem circa obiecta tam naturalia, quam supernaturalia; alij verò esse compositam vel ex numero tot qualitatum, quot sunt species, vel saltem ex duplici qualitate, quarum vna sit per se infusa, & versetur circa obiecta supernaturalia, alia verò per accidens infusa, & respiciat obiecta naturalia. Inter eos autem, qui concedunt esse vnam qualitatem, vel si duplicem, vnam esse supernaturalem quoad substantiam, alij aiunt non esse distinctum in Christo ab ipso lumine gloriæ, alij verò & probabilius esse diuersum ab illo, quam sententiam tenent & referunt hos diuersos modos dicendi Suarez disput. 29. Ragusa disput. 110. Becanus cap. 9. quæst. 4. Lorca disput. 51. qui dicit esse expressam D. Thomæ 3. p. quæst. 11. art. 4. & 6. & clarius in 3. d. 14. quæst. 1. ad 3. quæstiunculâ 4. Fundamentum huius sententiæ à priori est, quia effectus non potest esse præstantior sua causa, sed scientia per se infusa cum fuerit excellentissima in proprio genere possibilis, fuit supernaturalis quoad substantiam circa obiecta supernaturalia, & circa naturalia supernaturalis ad minus quoad modum; ergo non solum fuit supernaturalis in sua causa ex parte obiecti per species infusas, sed etiam ex parte potentiae per habitum infusum illam eleuantem.

2. Neque obstat dicere, quòd sufficit supernaturalitas reperta in speciebus.

Nam contrà est, quia species & potentiae sunt diuersæ causæ, & causant diuerso modo; ergo requirunt diuersam qualitatem supernaturalem. Et confirmatur primò, quia etiam ex parte intellectus ponetur habitus infusus non esset sufficiens principium ad actum supernaturalem, nisi etiam ex parte obiecti per se ipsum, aut per speciem infusam concurreret; ergo neque è contrà sufficit supernaturalitas obiecti absque supernaturalitate potentiae. Secundò confirmatur, quia in actu naturali obiectum non est tota ratio agendi, sed etiam virtus naturalis potentiae; ergo similiter in actu supernaturali obiectum supernaturale, seu species illius non est tota ratio agendi, sed etiam virtus supernaturalis potentiae.

Deinde probant à simili, quia visio beata præter speciem obiecti requirit lumen gloriæ ex parte potentiae, à qua elicitur & actus fidei; præter species articuli crediti requirit habitum fidei, & actus theologales & morales eliciuntur à voluntate eleuata per habitus supernaturales, etiam si obiecta illis proponantur per cognitiones supernaturales; ergo similiter scientia per se infusa præter species infusas requirit habitum in potentia.

Secunda & vera sententia negat reperiri habitum per se infusum distinctum à speciebus ad actus scientiæ per se infusæ. tenent Vasquez disp. 54. c. 2. sicut loquendo de visione beata negauerat lumen gloriæ esse habitum distinctum à specie impressa 1. p. disp. 43. Hurtado diff. 21. Valentia quæst. 11. punct. 1. & inclinât Medina ibidem art. 6. & meo videri est necessariò tenenda hæc sententia in doctrina Scoti, quia de hoc habitu est philosophandum, sicut de habitu luminis gloriæ distincto à specie impressa obiecti beatifici, vt omnes fiteantur, & habitum luminis gloriæ distinctum à prædicta specie, vel à concursu obiectiuo negauit expressè Scotus in 3. d. 14. q. 2. §. ad primum argumentum, vers. ad tertium dico; & in 4. d. 49. q. 11. §. respondeo ergo, vers. ex hoc sequitur corollarium infra litt. H. & hanc sententiam tenet Theodorus disp. 6. quæst. 4. num. 69. vnde si in aliis locis referendis in materia de charitate disp. 3. q. 2. admittit Scotus habi-

habitu ad visionem beatam, illum non appellauit lumen, sed tamquam conditio ab illo debet appellari habitus visionis, vt latè explico ibi.

5. Hæc sententia probatur, quia idè multiplicamus causas partiales alicuius actus, quia in ipso sunt aliqua prædicata, quæ per se petant illas, sicut ex eo petimus speciem impressam, quia actus est representatio obiecti; & petimus potentiam vitalem, quia actus est vitalis; & si faciliter elicitur actus, ponimus habitum, seu facilitatem acquisitam; si faciliter non elicitur, non ponimus hunc habitum, &c. sed in actu scientiæ per se infusæ non sunt aliqua prædicata, quæ non correspondent soli intellectui cum specie per se infusæ, quia si aliquid, maximè supernaturalitas, & hanc etiam participat à specie infusæ, vt Aduersarij etiam fatentur; ergo frustrà ponitur alius habitus per se infusus.

6. Neque obstat dicere, quòd sic habitus ponitur propter supernaturalitatem repertam in actu correspondentem supernaturalitati potentiæ. Nam contrà est primò, quòd potentia vt potentia reduplicatiuè non est supernaturalis, neque in ratione potentiæ supernaturaliter eleuata, nam concursus ille partialis, quem potentia exhibet, emanat ab ipsa natura, & naturali virtute potentiæ, licet requirat alium concursum partialem concomitantem, prouenientem ex parte speciei; & alterius causæ, si datur: ita Scotus pluribus in locis, præcipuè in 2. dist. 3. quæst. 8. §. ad 1. vers. ad 2. & ad 3. quare nota duo, primum quòd si per impossibile species per se infusæ, & habitus supernaturalis si daretur; operaretur simul cum potentia absque eo quòd in actu primo informaret potentiam, nihilominus euaderet actus ita supernaturalis, sicut modò, quia potentia in sua propria virtute naturali nullam recipit intentionem aut virtutem ab illis ad hoc vt operetur suo partiali concursu. Secundum, quòd causa quare species, & habitus, si datur, informant potentiam, non est vt adiument illam, licet dent illi virtutem aliquam ad se pertinentem; sed solum ex eo quòd sunt accidentia, & nequeunt naturaliter esse

sine subiecto, & debent esse inhæsiuè in potentia, vt potentia vtatur illis; præcipuè ad imperium voluntatis. vnde quando dicimus, quòd potentia secundatur per species, non est quòd potentia recipiat aliquam virtutem, quæ pertineat ad rationem potentiæ vt potentiæ, sed quòd recipiat aliam concausam, vt constituatur causa totalis, & adequata in actu primo; ergo non requiritur habitus propter supernaturalitatem potentiæ vt potentiæ.

Contrà secundò, quia si in actu distinguimus duas supernaturalitates, vnā ex parte obiecti, & aliam ex parte potentiæ, eodem modo possemus distinguere duas vitalitates, vel duas operationes; & si faciliter elicitur, duas facilitates, vnā ex parte obiecti, & aliam ex parte potentiæ, quod non cōceditur, quia falsum; ergo.

Contrà tertio vrgentissimè, quia si ex eo quòd potentia est naturalis, ponitur habitus supernaturalis, vt eleuetur; ergo similiter in actu fidei supernaturali, quia nobis habetur per species rerum creaturarum, quæ naturales sunt, deberet poni non solum habitus supernaturalis fidei, vt ponitur ex parte potentiæ, sed etiam habitus supernaturalis se tenens ex parte specierum vt eleuentur, & vt actus fidei euaderet supernaturalis non solum ex parte potentiæ, sed etiam ex parte obiecti, sed consequens est falsum, est enim multiplicare entitates absq; necessitate.

Ad fundamentum primæ sententiæ respondetur cum communi sententia, quòd effectus non debet esse præstantior suā causā totali & adequatā, bene tamen potest esse præstantior causā partiali, & sic actus scientiæ per se infusæ est præstantior, quā sola potentia, quia hæc non est supernaturalis, sicut ipse actus.

Neque obstat id quod dicitur, scilicet quòd potentia & obiectum sunt diuersæ causæ, & diuerso modo operantur; nam respondeo quòd propter hanc diuersitatem non est ponenda diuersa supernaturalitas, sed potius excludenda, quia sufficit illa supernaturalitas existens in potentia; non in ordine ad potentiam, sed in ordine ad actum, hoc est, non in ordine ad eleuandam virtutem potentiæ in actu primo.

S f sed

sed ad eleuandam virtutem potentiam in actu secundo.

11. Sed dices primò: Ad visionem beatam non solum datur species, seu concursus obiectiui ex parte obiecti, quem Scotus vocat lumen gloriæ, sed etiam datur habitus ex parte intellectus, quem habitum visionis vocamus; ergo similiter ad scientiam per se infusam debet dari non solum species infusa ex parte obiecti; sed etiam habitus infusus ex parte potentie. Respondeo disparem esse rationem, quia habitus visionis succedit habitui fidei: unde sicut hic in via pertinet ad iustificationem, ad sanitatem, & reparationem potentie intellectiue, vt dicemus in materia de fide disp. 7. quæst. 2. parte 3. & de charitate disp. 3. quæst. 2. ita habitus visionis in patria, etsi actus ex illo procedens habet illud speciale prædicatum, scilicet quod sit omnino certus & elicitus à potentia vt sana; at verò scientia, per se infusa non habet hoc prædicatum per se, non enim spectat ad seriem iustificationis, sicut loquendo de scientia abstracta mysterij Trinitatis dixerat Scotus, vt vidimus parte 1. quæstionis 4.

12. Dices secundò: Talis supernaturalitas etiam est in ordine ad potentiam, quia ex habitu infuso, & ex potentia fit vnum compositum operans & produciens vt quod actus supernaturales. Respondeo: Etiam fit tale compositum ex potentia & specie per se infusa inharrente in ipsa potentia, & tamen supernaturalitas speciei non est in ordine ad potentiam, sed in ordine ad actum; neque ex illis efficitur tamquam ex materia & forma vnum operans vt quod, sed tamquam ex duplici causa partiali efficiendi. unde vt supra diximus eodem modo esset actus supernaturalis, si species, vel habitus non inhareret potentie; dum tamen operaretur cum illa, quia in doctrina Scoti, vbi supra, potentia, species, & habitus (si datur) produciunt actum, tamquam causæ partiales in genere causæ efficientis, & non in alio genere causæ. Et ratio à priori huius rei est, quia ex ente per se & substantiali, quale est intellectus, & ex ente per accidens, quale est species, habitus, & lumen (si darentur) non potest fieri vnum principium

naturale vel supernaturale, substantiale vel accidentale operatum vt quod; quare ex hoc principio negat Scotus in 4. dist. 12. quæst. 3. quod accidentia possint attingere productionem substantie, quia ex substantia & accidenti non potest fieri vnum principium vt quod proxime operatum & productum alicuius substantie. unde accedens (adhuc virtute substantie, quæ non sit substantia, vt inquit Thomistæ) nequit producere substantiam. idem contingit à contrario de vno agente vt quod proximo & immediato respectu productionis alicuius accidentis, & sicut calor in igne producit calorem, vel si ignis producit illum non virtute participatà à calore, sed virtute propria ipsius ignis, ita quod quævis potentia produciat actum supernaturalem, virtute propria illum producat, & non virtute luminis vel habitus, in quantum ipsa potentia consideratur, vt principium quod substantiale, proximum & immediatum.

Et per hoc patet ad primam confirmationem, dicimus enim quod si ex parte potentie poneretur habitus supernaturalis, non esset necesse ponere speciem supernaturalem ex parte obiecti ad hoc vt actus esset supernaturalis, vt ponitur de facto, & excluditur habitus, vt obiectum excellentissimo modo representetur (qualiter representatur per species per se infusas) & consequenter in vna specie reperiantur duo munera necessariò requisita, scilicet representatio excellentissima ex parte obiecti requisita, & supernaturalitas necessariò requisita ex parte actus. Ad secundam confirmationem respondeo quod actus naturalis sufficienter euaderet naturalis ex parte potentie naturalis, vel ex parte obiecti naturalis, de facto tamen procedit ex vtroque, non quia id necesse sit illi, sed quia si aliquod principium ex his duobus esset supernaturale, actus non euaderet naturalis, sed supernaturalis.

Sed inquires, Destruiturne naturalitas per supernaturalitatem? Respondeo quod non, sed potius perficitur; dicitur tamen, quod actus supernaturalis non euadit naturalis, ex eo quod non euadit destitutus illa perfectione supernaturali.

Ad

15. Ad aliam probationem à simili respondeo esse confirmationem nostræ sententiæ, nam lumen gloriæ non est distinctus habitus à specie impressa diuinæ Essentiæ, si datur, vel ab influxu diuinæ Essentiæ, si talis species non datur, quia vt optime Scotus in 4. citato hæc locutio est metaphorica, desumitur enim ab obiecto luminoso, scilicet à Sole, ex quo potius colligitur, quoddam species impressa sit lumen, quia vt docet ipse Scotus in 2. dist. 13. q. vnicā; species Solis & corporis luminosi est ipsum lumen rectum reflexum, vel reflectum: quare merito species diuinæ Essentiæ, quæ est diuus Sol, est lumen requisitum ad visionem beatam (idem dico de influxu) quod est necessarium vt videatur, non aliter ac virtus obiecti ad actum: si autem Sol creatus non potest à nobis attentè aspicī, non est quia sit necessarium aliud lumen ex parte potentiæ, nam quantò obiectum est magis luminosum, tantò minùs requiritur de lumine ex parte potentiæ, vt ait Scotus, sed quia causatur distemperies in organo ab aliis qualitatibus obiecti luminosi, indiget non lumine, sed virtute confortante, quam non præstat obiectum supernaturale, cum mittit lumen, hoc est, speciem impressam supernaturalem, non enim causatur ab ipso distemperies aliqua cum visio beata non fiat in organo sensus, sed tantum in intellectu; habitus autem, qui ponitur ad visionem beatam, non dicitur lumen, sed habitus visionis, vt supra diximus, & hic requiritur ad iustificacionem & sanitatem potentiæ, sicut in via habitus fidei ex parte intellectus, spei ex parte voluntatis secundum affectum concupiscentiæ, & charitatis ex parte eiusdem secundum affectum iustitiæ. legatur Scotus in 3. dist. 23. §. ad questionem, & expressius dist. 36. §. quantum ad 4. articulum, vers. respondeo, & habetur de penitentia dist. 3. cap. si quid.

16. Actus autem fidei requirit habitum supernaturalem, non ad eleuandam, hoc est, augendam virtutem potentiæ vt potentiæ, sed ad hoc vt actus sit supernaturalis, & vt habeat certitudinem veræ fidei, quia non potest supernaturalitatem participare, neque talem certitudinem à nuda potentia, neque à speciebus, quia hæc omnia sunt natu-

ralia & fallibilia. Actus verò theologales & morales non possunt physice participare supernaturalitatem à cognitione supernaturali cognoscente obiecta, quia est quid extrinsecum voluntati, cuius sunt actus; neque ab obiecto, quia non concurret physice cum potentia voluntatis, neque à voluntate nuda, quia est potentia naturalis; quare vt habeant supernaturalitatem physicam; prædicti actus indigent aliquo principio physico supernaturali: secus autem contingit in scientia per se infusa, quæ per se producitur à specie per se infusa, & hæc eo ipso quoddam est per se infusa, est supernaturalis quoad substantiam.

Sed inquires pro complemento questionis, An si Deus infunderet Christo aliquam speciem per accidens infusam (puta speciem intuitiuam circa obiectum existens præsentialiter, à quo illam posset acquirere virtute naturali) An tunc indigeret habitu per se infuso? Et respondeo indigere habitu ad hoc; vt scientia esset supernaturalis quoad substantiam.

Rursus inquires, An illa scientia absque habitu diceretur per se infusa? an verò infusa per accidens? Et respondeo distinguendo de scientia actuali, qualis esset ille actus, & de habituali, & de hac iterum subdividinguo, quia vel esset species impressa simul cum potentia, vel esset etiam simul cum habitu per se infuso. De scientia actuali concedo, quoddam dicatur per se infusa, quia per se habetur non posse produci à virtute naturali, quia per se dependeret ab habitu per se infuso. De habituali si sumatur primo modo, scilicet pro specie simul cum potentia, solum dicitur per accidens infusa, quia illa species intuitiua, licet producta sit à Deo, potuit tamen produci virtute naturali. De secundâ verò, scilicet de scientia habituali sumpta pro habitu, dicenda est per se infusa, quia prædictus habitus est per se infusus. Rursus si talis habitus esset per accidens infusus, taliter quoddam esset aliqua facilitas impressa à Deo ad faciliter operandum, tunc talis scientia esset omnino per accidens infusa, quia habitus ille per accidens infunditur, & similiter species intuitiua.

QVÆSTIO VI.

De his quæ pertinent ad actum scientiæ per se infusæ.

1. **V**Sque modò disputauimus de his quæ pertinent ad scientiam per se infusam in actu primo, scilicet de specie, de potentia, de habitu, & de obiectis circa quæ versatur; modò autem venit agendum de actu secundo huius scientiæ, eiusque affectionibus, & proprietatibus. Neque est agendum de illis quæ communes sunt cuicumque actui secundo alterius scientiæ, scilicet de vitalitate, de repræsentatione, de supernaturalitate, &c. sed solum de illis quæ speciales & particulares sunt huic actui secundo scientiæ per se infusæ, de quibus potest esse ratio dubitandi; & controversia, quam per subsequenter diuisionem huius quæstionis explicabo.

PARS PRIMA.

An omnia quæ Christus cognouit per hanc scientiam cognouerit simul & vnico actu secundo?

2. **N**Otanter dixi in titulo, *Verum omnia simul & vnico actu secundo cognouerit*. quia quod cognouerit omnia in actu secundo per plures saltem actus est in confesso apud omnes, qui in Christo admittunt scientiam per se infusam. Et ratio huius est, nam frustra esset scientia in actu primo, & infunderetur species, si non reduceretur ad actum secundum. Neque datæ sunt species Christo propter actum primum, sed propter actum secundum; tota ergo controversia est, An simul vnico actu omnia cognouerit?
3. **P**rimam sententiam tenent Vasquez disp. 53. cap. 2. Gaspar Hurtado diff. 16. asserentes, quod in primo instanti vnico actu omnia cognouerit, licet postea solum aliqua. Fundamentum est, quia aliàs Christus haberet ignorantiam aliorum obiectorum, quæ per illum actum non cognosceret (vel simpliciter in sententia asserentium, quod Christus non cognouit creaturas in Verbo, vel se-

cundum quid, in sententia eorum, qui concedunt, quod nouerit) probatur sequela, quia licet ignorantia non opponatur actuali cognitioni (huic enim opponitur solum inconsideratio, seu inaduertentia) opponitur tamen scientiæ habituali, non quomodocumque acceptæ, sed ut dicit relationem ad scientiam actualem præteritam, non enim dicitur ignorans, qui habuit actum scientiæ, modò non habet, cum permaneat illa scientia habitualiter, sed qui numquam habuit actum scientiæ. unde nec habet hunc actum per modum habitus. Confirmatur à quodam Neothetico, quia in primo instanti non fuit maior ratio, quare Christus cognouerit prius hoc obiectum, quam illud (idem dicit de actu angelico) ergo omnia obiecta simul & vnico actu cognouit.

Secundam & veram sententiam tenent Scotus in 3. dist. 14. quatit. 3. *ad quæstionem*, vers. *quod si alicui*, Suarez disp. 28. Lorca disp. 51. Ragusa disp. 98. & plures alij negantes, quod Christus tam in primo instanti, quam in alio omnia simul & vnico actu secundo cognouerit. Fundamentum omnium est, quia hoc excedit virtutem animæ in cognoscendo iuxta modum connaturallem, quia licet miraculosè fieri posset, sed non est admittendum miraculum absque vrgenti necessitate. Præterea sic probo, nam sicut oportuit quod Christus haberet excellentissimas species, ita oportuit quod habuerit actum excellentissimum circa quodcumque obiectum, sed si omnia simul & vnico actu cognosceret, non responderet cuicumque obiecto tanta excellentia in actu, quanta corresponderet, si ipsum solum cognosceret vnico actu, quia attentio huius actus. solum versaretur circa hoc tantum obiectum; at verò attentio illius versaretur circa plura obiecta per modum plurium, quasi relacerent in aliquo vno infinito, ut contingit in visione beata Christi; ergo omnia non cognouit Christus simul & vnico actu scientiæ per se infusæ.

Ad fundamentum Vasquez respondetur negando, quod Christus habuerit ignorantiam eorum obiectorum, quæ in primo instanti non cognouit in actu secundo. Ad probationem dico primo, quod illa obiecta cognoscebat per scientiam.

scientiam beatam, & sic non habebat ignorantiam simpliciter eorum. Secundò, quòd illa nouerat per scientiam habitualement, quæ licet non dicat respectum ad scientiam actualement, seu ad cognitionem præteritam, tamen hic respectus solum est de ratione scientiæ habitualis per se acquisitæ, nam cum hæc scientia non acquiritur nisi per actus per se dicit respectum, saltem ad aliquem actum præteritum, tamen scientia habitualis per se infusa non acquiritur hoc modo, sed absque actu antecedenti infunditur, & sic non dicit respectum ad illum. vnde sufficit hoc ad excludendam ignorantiam in proprio genere, seu secundum quid.

6. Ad confirmationem respondetur, quòd licet habeat vim in sententiâ Contrariorum, qui non concedunt quòd Christus cognouerit in Verbo creaturas, & quòd Angelus per cognitionem claram & abstractiuam Trinitatis etiam non cognouerit eas (quæ solet appellari cognitio earum matutina) quia tunc voluntas non potest ferri in incognitum, non tamen in nostra sententiâ, quæ admittit has cognitiones, & consequenter quòd voluntas potuerit eligere, quòd intellectus per scientiam per se infusam cognosceret secundò hanc creaturam, & postea illam. Sed respondent illi, quòd licet sit verum, quòd omnes equaliter posset cognoscere, quia tamen hoc deberet fieri cum miraculo, idèò dici quòd prius cognouit illa, quæ ei magis erant intrinseca (putà animam, potentiam, &c.) quibus cognitio postea liberè se determinauit ad cognoscenda alia, sicut contingit in nobis, quòd postquam cognouimus aliquas rationes vniuersales, voluntas applicat intellectum ad cognitionem rerum possibilem, quæ solutio mihi videtur probabilis iuxta eorum sententiam.

PARS SECVNDA.

Verum Christus potuerit vti hac scientiâ cum collatione & discursu?

7. Nota primò, quòd discurrere, est ex cognitione vnius deducere cognitionem alterius, quare duo requirit, primum quòd habeat duas cogni-

tiones, vnam terminatam ad principia, & alteram ad conclusionem. 2. quòd vna sit causata per illationem ab altera: quòd autem inter prædictas cognitiones interueniat mora, aut successio non est de ratione discursus, quia vt probat Scotus primo posteriorum cap. 1. ex Aristotelis doctrina ab omnibus recepta, si prædictæ cognitiones darentur in eodem instanti cum præfatis cognitionibus, esset in illis discursus, quia causa sufficit, quòd prioritatem naturæ præcedat effectum.

Nota secundò non esse de ratione discursus speculatiui ex notis ad ignota procedere, quia licet hoc contingat in primo discursu, quando de nouo fit, non tamen quando iterum facimus eundem discursum, quia tunc ex notis ad iam nota procedimus: in discursu autem consultiui, qui est practicus, idem contingit, quia quando primò fit, procedit ex notis ad ignota, non verò quando secundò fit, licet tunc non ita propriè appelletur consultiuius, secundum quam appellationem sumitur à Damasceno 1. de fide cap. 22. vbi ait, quòd qui illum facit, aliquid ignorat.

Quibus suppositis ex communi doctrina, prima sententiâ negat hanc scientiam vti posse cum discursu, siue à Christo, siue ab alio. ita Vasquez disp. 52. & Suarez disp. 28. Probat Vasquez primò, quia tam veritas principij, quam veritas conclusionis attingitur à Christo per vnam speciem vniuersalem in representando, & consequenter per vnam cognitionem, sed ad discursum requiritur duplex cognitio; ergo. Secundò probat etiam Suarez, quia licet duplici cognitione cognoscatur veritas principij, & veritas conclusionis per diuersas species, tamen vna cognitio debet inferri & causari ex alia, sed scientia per se infusa non attingit vnam veritatem ex alia, sed vtramque immediatè attingit in se; ergo non est discursiua.

Secunda & vera sententiâ affirmat, quòd hæc scientia possit fieri, aut vti cum discursu tam à Christo, quam ab alio. ita expresse Scotus in 3. dist. 14. quæst. 3. 1. ad argumenta, verè ad tertium dico. S. Thomas, Caietanus, Albert. Raguzza quæst. 11. art. 3. Lorca disput. 51. memb. 2. Becanus cap. 9. quæst. 5. Et probatur primò, quia Christus Domi-

nus ex causa cognita per speciem per se infusam potuit deducere cognitionem euidenter effectus, & è contrà; sicut ex eo quoddam cognoscebat hominem esse rationalem; cognoscebat esse risibilem, & è contrà, etiam si aliàs per eandem scientiam cognosceret in se euidenter causam & effectum; ergo cum discursu. Secundò, quia illa cognitio conclusionis inferebatur ex priori cognitione principiorum, & non fiebat per diuersas species, nisi per illas per quas causata fuit prior cognitio principiorum, sicut contingit in scientia acquisita, & discursu naturali: sed illæ species sunt per se infusæ, & secunda cognitio causatur ex prima, quæ est per se infusa; ergo est cognitio discursiua per se infusa. Et confirmatur à simili, quia per se acquisita est illa cognitio, quæ mediàte causatur à speciebus per se acquisitis, & à prima cognitione acquisita illarum circa principia; ergo similiter.

11. Vnde nulla est concordia, quam inter has sententias intendit Hurtado diff. 15. scilicet quoddam prima solum dicat quoddam cognitio per se infusa non est illatiua: secunda verò solum dicat, quoddam anima Christi ex obiectis cognitis potuit inferre diuersas conclusiones. nam inquiri quid aliud est inferre conclusionem ex obiectis cognitis per hanc scientiam, quam inferre conclusionem ex cognitione per se infusa obiectorum, siue enim conclusio causetur ab obiectis connotando cognitionem, siue causetur à cognitione connotando obiecta, totum reductur ad scientiam per se infusam, sicut diximus in exemplo de scientia per se acquisita. Et confirmatur, quia illa cognitio conclusionis non est per se acquisita, quia non procedit ex principiis acquisitis; ergo est per se infusa, si quidem procedit ab infusis.

12. Ad argumenta in contrarium respondetur. Ad primum nego, quoddam solum interueniat una cognitio, tum quia species non sunt vniuersales in representando, vt supra diximus; tum quia licet essent, tamen cognitio conclusionis non fit immediatè per eas, sed mediatè, scilicet per eas quæ immediatè causauerunt cognitionem principiorum, ex qua cognitione deducitur

cognitio conclusionis, nam etiam si conclusio possit immediatè cognosci per proprias species, non tamen vt immediatè deducitur ex cognitione principij, quia tunc solum cognoscitur per illas, in quantum causant cognitionem principij, & sic mediatè.

Ad secundum respondetur, quoddam dupliciter potest veritas aliqua cognosci, vel per immediatas species, vel per mediatas. primo modo cognoscitur veritas absque eo quoddam deducatur ex veritate alterius. secundo modo cognoscitur veritas, prout deducitur ex veritate alterius; concedo ergo, quoddam veritas illa, quæ manifestatur in conclusione, potest aliàs cognosci in seipsa per species per se infusas immediatas; nego tamen quoddam non possit etiam cognosci, prout infertur ex principio iam cognito per species mediatas, quæ habent simul cum intellectu veritatem illatiuam, non aliter, ac species per se acquisitæ principiorum habent etiam virtutem inferendi conclusionem.

Quod diximus de discursu per species per se infusas est similiter verum (quidquid in contrarium dicant Suarez, Vazquez & Hurtado vbi supra de compositione & diuisione) quia non solum poterat Christus cognoscere Petrum esse album per species Petri albedinis, & inherentiæ albedinis in Petro, sed etiam per eandem species Petri, eius intellectus poterat quasi conatu proprio, & propria attributione mentali affirmare ipsum esse album, & per speciem nigredinis negare ipsum esse nigrum, sicut contingit in apprehensione acquisita primorum principiorum, v.g. quia cognosco, seu apprehendo totum esse malum suâ parte, postea possum habere hoc iudicium per propriam intellectus affirmationem, *totum est* (intellige non solum apprehendendo, vt volunt Aduersarij, sed etiam affirmando) *malum suâ parte*.

PARS TERTIA.

Vtrum Christus vsus fuerit hac scientiâ per se infusâ cum conuersione ad phantasma?

V Nanimenter concedunt omnes Theologi, qui nobiscum admi-
tunt

tunt scientiam per se infusam circa obiecta materialia in Christo Domino, quod ad actum huius scientiæ non indiguerit conversione ad phantasmata, quia cum species infusæ non sint acquisitæ per sensus, sed independenter ab illis, non indiget earum operatio, quod comitetur ab operatione phantasia, quæ solum operatur per species acquisitas per sensus. unde conveniunt quod Christus Dominus utatur hac scientiâ per se infusâ in somno, sicut in vigilia.

16. Differunt tamen Theologi, An animâ Christi Domini potuerit uti scientiâ per se infusâ, contendendo se ad phantasmata. Et conveniunt, quod bene poterat simul cognoscere per species per se infusas obiectum materiale sensibile, & per alias acquisitas à phantasia, imaginari idem obiectum. Solum est differentia, An ratione huius simultaneæ operationis debeat intellectus dici cognoscere cum conversione ad phantasma? quare tota hæc controuersia reducitur ad modum loquendi.

17. Circa quæm Medina & Alvarez cum S. Thoma q. 11. art. 2. & 3. affirmant: melius verò negant Vasquez, Lorca & Becanus ubi supra, quia intelligere cum conversione ad phantasma propriè loquendo est intelligere cum dependentia à phantasmatis prout cognitis à phantasia, quia cum intellectus agens simul cum phantasia producat species spirituales, adiuuatur ad hoc per imaginationem, quia phantasia obiecta illorum phantasmatum apprehendit; ergo cum omnino independenter ab operatione intellectus agentis & phantasmatis, & ab operatione phantasiæ intellectus possibilis intelligat obiectum materiale per species per se infusas, nullo modo dicitur propriè intelligere cum conversione ad phantasma.

PARS QUARTA.

Verum actus scientiæ per se infusæ Christi excedat actum eiusdem scientiæ Angelorum?

18. Quatuor sunt in quibus potest esse excessus, primo in perfectione specifica. 2. in modo cognoscendi. 3. in numero obiectorum. 4. in perfe-

ctione intensiva, scilicet in certitudine & claritate. Circa primum dicendum erit, quod habeat eandem perfectionem specificam? quia in specie conveniunt rationes specierum, quæ sunt per se infusæ, & similiter ratione intellectus, nam ut diximus in hac disputatione cap. 2. intellectus rationalis in ratione practica intellectus, non distinguitur ab intellectu Angeli specio, licet distinguatur ut discussus dependenter à phantasmatis; ergo & cognitio per se infusa Angeli, & per se infusa Christi non differunt in perfectione specifica.

Circa secundum, isti Auctores, qui, ut vidimus, asserunt quod Christus utatur hac scientiâ cum conversione ad phantasma, dicunt modum cognoscendi in Christo esse imperfectiorem modo cognoscendi Angelorum, qui non utantur hac scientiâ cum conversione ad phantasma. tamen prædictum fundamentum est falsum, ut vidimus parte antecedenti. unde in præfati est dicendum, quod non sit differentia in modo cognoscendi.

Circa tertium dicendum est cum communi sententia, quod numerus obiectorum fuit maior in Christo Domino, quàm in Angelis, quia supremus omnium Doctor fuit & Magister, quod non debet intelligi respectu unius actus, quia hoc solum disputari potest in sententia Thomistarum admittit species magis & minus uniuersales in representando, sed debet intelligi tam in Christo Domino, quàm de Angelis respectu plurimum actuum.

Circa quartum, quod inquiritur de maiore perfectione intensiva, Scotas in 3. dist. 14. quæst. 4. distinguit cognitionem actualem in abstractuam & intuitiuam, & loquendo de prima concedit eam communi sententiâ quod scientia per se infusa anime Christi excedat in intensione, certitudine & claritate scientiam Angelorum, quia species per se infusæ Christi exsuperant in hac intensiva perfectione super species Angelorum. insuper magis quàm in illa perfectione deorsum intellectus Christi respectu intellectus Angeli, quia sic conveniunt supremo omnium Magistro. Loquendo verò de secunda negat quod excedat cognitionem intuitivam vel

vel abstractionem ex intuitiva relictam Angelorum, quia cum in intuitivam obiectum non vt in specie agat, sed vt in se præfens (verba sunt Scoti) id est; obiectum non cognoscatur per species per se infusæ, quæ à Deo possunt accipere maiorem intensiorem, sed per speciem, quæ causatur ab obiecto (Scotus enim numquam negavit speciem intuitivam acquisitam, vt supra diximus) & aliàs intellectus Christi sit minor, quàm intellectus Angeli, consequenter Christi cognitio intuitiva erit minùs perfecta, quàm cognitio intuitiva Angelorum.

22. Solùm contra hoc possunt obiici tria. Primum, quòd Thomistæ communiter dicunt, scilicet quòd per species per se infusæ etiam cognoscatur intuitivè obiectum, quia sunt vniuersales in representando, & sic etiam tepræsentant existentiam, & consequenter non solùm cognitio per se infusa abstractione Christi est magis perfecta intensivè, sed etiam eius cognitio intuitiva cum proveniat hæc ab eisdem principiis, ac illa. Respondetur tamen ex his quæ diximus in hac disputatione quæstione 3. & 4. parte 1. & aliis in locis, quòd species per se infusæ non sunt intuitivæ.

23. Secundum est, quòd ex hoc, quòd cognitio intuitiva Christi sit minùs perfecta, quàm cognitio intuitiva Angelorum, sequitur nostram sententiam detrahere multum à Christi Domini perfectione: & vt exaggerat Caietanus contra Scotum 3. p. quæst. 11. art. 4. est ponere in cælum os suum. Ad quod respondent aliqui Scotistæ, quòd duplex fuit in Christo Domino cognitio intuitiva (idem dicunt de Angelo) vna, quæ habetur per speciem acceptam ab ipso obiecto, & in hac Christus Dominus exceditur ab Angelis, quia licet cognitio sit æqualis ex parte speciei, est tamen inferior ex parte intellectus; alia, quæ habetur per speciem per se infusam, sed taliter dependenter ab obiecto vt existenti, & præfenti, quòd si non existat, vel sit præfens, species similiter annihilatur & evanescat, & in hac est superior.

24. Sed contrà, quia Scotus in 3. dist. 14. quæst. 3. *ad questionem*, vers. *& si dicatur*, probat, quòd Christus Dominus

naturaliter acquisierit scientiam intuitivam, quia hanc non poterat habere per species infusæ. idem habet loquendo de Angelo in 2. dist. 3. quæst. 11. sed hæc probatio nulla esset, si in Christo posset assignari duplex cognitio intuitiva, vna per se infusa, altera per se acquisita, nam Contrarij dicunt quòd non proficiebat Christus in acquisita, quantum ad cognoscendum intuitivè aliquod obiectum de nouo, quia iam nouerat per scientiam per se infusam intuitivam: hoc autem negat Scotus ibi; ergo necessariò in doctrina Scoti debemus asserere, quòd cognitio intuitiva non potest esse per se infusa, sed solùm per se acquisita, aut per accidens infusa. ita tenent omnes Scotistæ, Faber disp. 38. cap. 1. Rada controuers. 9. art. 6. conclus. 4. Pytiganus d. 14. q. 4.

Quare aliter respondendo ad prædictam secundam obiectionem, & concedo quòd cognitio intuitiva Christi sit minùs perfecta, quàm cognitio intuitiva Angeli, nam licet Christus secundum gratuita dona animæ sit super Angelos, tamen in his, quæ per sensus, & naturalia accepit, est paulò minùs ab Angelis. vnde Scotus non ponit in cælum os suum concedendo veritatem Catholicam, sed potiùs *lingua Caiet. transit in terram*, id est, cum deberet moderatè loqui cõtra Catholicissimum humillimumque Doctorem, non fuit repressus, sed audacter effræuari permissus. videatur potiùs ipse quomodo ex vna parte admittit scientiam per se infusam animæ Christi esse magis perfectam, quàm Angelorum, si ex alia parte docet speciem esse minùs perfectam, & minùs vniuersalem in Christo Domino (quia attemperatur naturæ humanæ ipsius) quàm in Angelis, quod etiam deberet dicere de habitu distincto à speciebus, si illum admittit, & consequenter loquitur: Ex quibus manifestè sequitur, quòd scientia per se infusa animæ Christi sit minùs perfecta quoad intensiorem & claritatem, quod est omnino falsum.

26. Tertium est, quòd species infunduntur ad connaturalem modum operandi; ergo illæ quæ fuerunt Christo infusæ, & quæ infusæ sunt Angelis, debuerunt proportionari eorum naturis, sed natura humana Christi est inferior quàm

quàm angelica; ergo & species. Respondetur, quòd species, quæ datæ sunt Christo, non solum sunt datæ intuitu naturæ, sed etiam unionis hypostaticæ, quare licet secundum primam rationem sint inferiores speciebus Angeli, tamen iuxta secundam sunt multò excellentiores, imò sunt excellentissimæ, sicut gratia habitualis Christi fuit in intentione summa negatiua, ita expressè Scotus quæstione 4. litt. A, quare eius cognitio abstractiua per se infusa fuit summè perfectior, quàm angelica. Notanter dico, eius cognitio abstractiua, tum quia hæc solum est per se infusa, tum etiam quia licet cognitio intuitiua possit per accidens infundi, tamen hæc semper est inferior, quàm cognitio intuitiua Angeli, nam per infusionem per accidens solum haberi potest species, quæ aliàs acquiri possit ab obiecto creato per vires naturales, & consequenter non potest esse æqualis in perfectione intuitiua cum cognitione intuitiua Angeli, quia hæc superat ad minus ratione virtutis intellectus illius.

QVÆSTIO VII.

De scientia per se acquisita animæ Christi Domini.

1. **H**æc est scientia, quæ per se dicitur in abstractiua & intuitiua, quam alij vocant experimentalem; & vtrique fuit in Christo Domino, & absque errore negari non potest; cum haberet naturam humanam, sicut alij homines; & cresceret in sapientia, sicut ætate crescebat: sed circa eam tria sunt examinanda (sicut de per se infusa) scilicet obiectum, habitus, & actus. Circa primum certum est, quòd obiectum quodcumque materiale & sensibile sit obiectum huius scientiæ, tantum est difficultas, an reliqua obiecta spiritualia, licet possint cadere sub hac scientia: negant communiter Thomistæ cum aliquibus Scotistis. Fundamentum est, quia reliqua obiecta vel sunt spiritualia, & sic non possunt cadere sub sphaera sensuum, vel sunt supernaturalia, & sic non possunt cadere sub sphaera po-

tentiæ intellectiue naturalis.

Nobis autem disendum est, reliqua obiecta siue spiritualia, siue etiam supernaturalia, dummodò non includant ordinem ad aliquod increatum, & etiam si includant, dummodò illud increatum sit aliàs clarè cognitum, sint obiecta scientiæ per se acquisitæ. ita Scotus in 2. dist. 3. quæst. 9. §. ad rationem in fine dicens, quòd Angelus omnia naturaliter cognoscit præter Essentiam diuinam. Fundamentum huius sententiæ est, quia aliud est quòd obiecta sint entia quoad substantiam supernaturalia, aliud verò quòd supernaturaliter attingantur, hæc enim non sunt connexa, nam supernaturalitas obiecti sumitur in ordine ad efficiens, pro tanto enim aliqua res est supernaturalis, pro quanto ex naturalia petit produci ab aliqua virtute diuina tantum, & non creata, ex his quæ habet natura huius vniuersi; cognoscibilitas verò obiecti sumitur in ordine ad intellectum, & eius virtutem intellectiuam, quare non valet consequentia, gratia habitualis petit produci supernaturaliter, ergo intelligi supernaturaliter, quia entitas & intelligibilitas, licet sint in eadem re realiter identificate, sumuntur tamen in ordine ad diuersa principia. vnde eadem res in esse entis potest esse supernaturalis, quia petit produci à principio supernaturali diuino; & in esse obiecti potest esse naturalis, quia cadit intra sphaeram potentiæ naturalis; sphaera autem potentiæ intellectiue est tantum sub ratione entis, hoc est, sub ratione intelligibilis, explicationem huius doctrinæ videbis latam in materia de fide disput. 7. quæst. 2. parte 1.

Ad fundamentum oppositæ sententiæ respondetur, quòd entia naturalia spiritualia semper habent esse obiecta naturalia respectu potentiæ intellectiue creatæ, sed non semper sunt intellecta naturaliter à Christo propter dependentiam, quam habebat à phantasmatibus, seu à speciebus materialibus, bene tamen aliquando, scilicet quando fuit transfiguratus, quia tunc habuit animam corpori glorioso coniunctam, & consequenter intelligentem, sicut Angelus, & anima separata;

T t obiecta

obiecta autem supernaturalia licet ut proportionaliter intelligantur petant cognitiones supernaturales, bene tamen possunt cognosci naturaliter, quia cadunt sub obiecto adæquato intellectus, quod est ens, & alias non sunt obiecta voluntaria, sicut Deus: quod maxime nota, nam supernaturalitas obiecti in esse entis sumitur ex diuerso capite, ac supernaturalitas obiecti in esse intelligibilis in doctrina Scoti, nam prima sumitur absolute in ordine ad efficiens in esse efficientis supernaturale: secunda verò sumitur in ordine ad obiectum in esse obiecti liberum, & voluntarium omnino, sicut Deus.

4. Neque obstat, si dicas, quod pro statu viatoris non poterat Christus naturaliter cognoscere seu acquirere species obiectorum spiritualium & supernaturalium. Respondeo enim hoc esse de per accidens respectu ipsius scientiæ in quantum acquisibilis, quia diuersi status non mutant naturas scientiarum & obiectorum, alias scientia, quæ pro hoc statu esset per se infusa, v.g. circa obiecta spiritualia, in alio statu esset infusa per accidens, quod esse omnino falsum superius sæpe diximus, & congruenti exemplo potest hæc doctrina probari, quia ab obiectis insensibili, quod longe distat à sensibus, & non est intra sphaeram potentiae, non potest sensus & intellectus naturaliter habere species, & nihilominus sunt obiecta naturalia eorumdem; ergo similiter est dicendum de obiectis spiritualibus, quæ pro nunc distant ab intellectu incluso in corpore, quod aggrauat animam: quare scientia, quæ habetur in hoc statu, licet dependeat à phantasmatibus, perseverat in alio statu; quapropter Ioannes Baptista dixit Patribus Limbi Christum esse iam in mundo, & citò discensurum ad illos. ita Scotus in 4. dist. 45. quæst. 2. §. ad questionem in fine.

5. Circa secundum, quod inquitur quæstio, scilicet de habitu, in primis dicendum est, quod habitus acquisitus non consistit in solis speciebus intelligibilibus, sed potius in quadam qualitate faciliante potentiam ad intelligendas conclusiones, & ad intelligenda principia (si fortè prima principia petunt habitum) & consequenter quod

predictus habitus fuerit in Christo perfectissimè; hic autem tam in esse qualitatis, quam in esse scientiæ fuit multiplex in Christo, sicut fuit multiplex scientia acquisita Christi, quia circa diuersa in specie obiecta, sicut contingit in nobis. Ratio huius est, quia prædicta scientia acquisita non includit repugnantiam, neque cum visione clara Dei, neque cum vnione hypostatica Verbi, & alias est connaturalis homini; ergo est in Christo admittenda.

Ex hoc oritur præcipua in hac quæstione difficultas, scilicet, An scientia per se acquisita fuerit in Christo per accidens infusa; id est, An illi habitus, & illæ species, quæ potuerunt à Christo naturaliter acquiri, fuerint illi infusæ per accidens ab instanti conceptionis. Nec disputamus de habitu aliquo, qui posset per se infundi de potentia Dei (quem debemus admittere ut possibilem, sicut circa obiecta naturalia admittuntur species per se infusæ, sed non ponimus de facto, quia redderet actum huius scientiæ per se acquisitæ per se infusum) sed solum de illo habitu, qui possit solum per accidens infundi, sicut species istæ intelligibiles.

In hac re prima sententia docet, quod scientia per se acquisita fuerit in Christo per accidens infusa in primo conceptionis instanti. hanc sententiam tenent inter Auctores, qui non admittunt scientiam per se infusam, D. Bonauentura in 3. dist. 14. art. 3. quæstione 2. Gabriel quæst. vnicâ artic. 3. Durandus quæstione 2. inter eos autem, qui admittunt illam, citatur D. Thomas art. 3. quæst. 3. & 5. & tenent Ricardus quæst. 2. art. 3. Suarez disp. 30. quæst. 2. Probatur primò, quia non deicit quod anima Christi aliquid à creaturis realibus didicerit; ergo multò minùs deicit à creaturis sensibilibus scientiam abstrahere & accipere, 2. quia scientia per se acquisita fuit Adamo in primo instanti per accidens infusa; ergo & in Christo. 3. quia virtutes morales per se acquisite fuerunt animæ Christi per accidens infusæ, & ut nos etiam diximus disputatione 2. quæstione 3. ergo similiter scientia per se acquisita fuit illi per accidens infusa. 4. quia si hanc scientiam quotidie acquireret Christus, primò sequeretur quod

quodd proficeret in scientia, quod negant Patres. 2. ante acquisitionem perfectam illius esset imperfecte sciens, imò superaretur ab alio homine, qui magis incumbisset studio, & scientiæ acquirendæ, quod non dicendum. hæc sententia tribuitur Scoto in 3. dist. 14. quæst. 3. 1. ad quæstionem, sed ibi potius expresse habet oppositum.

8. Secunda sententia docet quodd scientia per se acquisita non fuerit Christo per accidens infusa, sed proprio labore paulatim acquisita. ita S. Thomas, Caietanus, & Medina 3. p. quæst. 9. art. 4. Alvarez disp. 53. Ragusa disp. 103. Vasquez disp. 55. qui probat primò ex pluribus Patribus, qui concedunt in Christo scientiam nouâ sensatione & experientia acquisitam; deduciturque ex illo ad Hebræos 5. *Didicit ex his, quæ passus est, obediuntiam.* Secundò probatur ratione, quia supposito quodd Christus habuit scientiam per se infusam omnium obiectorum actualium, & plurium possibilem, solum ponitur scientia per se acquisita, vt non deficiat illi modus magis connaturalis animæ, dum est corpori immersa, vt connaturaliter sciat: sed hic haberetur per scientiam paulatim acquisitam; ergo hæc fuit in Christo paulatim acquisita.

9. Tertia sententia docet quodd hæc scientia per se acquisita partim fuerit in Christo proprio labore acquisita, partim verò fuerit per accidens infusa. ita tenet Gaspar Hurtado tomo de Incarnat. disp. 8. diff. 22. & probat quia maxime fuit conueniens quodd in Christo non deesset modus connaturalis acquirendi propria industria & labore scientiam eorum obiectorum, in quorum notitiam ex sensibilibus potuit deuenire per experientiam; ergo eorum habuit scientiam paulatim acquisitam. Insuper fuit conueniens, quodd eorum obiectorum, in quorum notitiam non potuit deuenire per sensationem, & experientiam, non deficeret illi scientia possibilis per se acquisita, quia hæc non solum debet admitti propter modum connaturalem acquisitionis illius, sed etiam propter ipsam, quia est perfectio connaturalis animæ immerse corpori; ergo horum obiectorum habuit scientiam à primo instanti per accidens infusam.

Castillo de Incarn. Pars I.

Sed ab hac vltima sententia incipiendo Dico primò: Scientia per se acquisita Christi Domini non fuit partim acquisita, & partim per accidens infusa. ita Vasquez vbi supra cap. 3. num. 15. Probat primò, quia hæc sententia amplectitur omnia inconuenientia, quæ pro duabus sententiis adducuntur; ergo non est sustinenda. Secundò, quia ex illa sequitur quodd Christus Dominus habeat circa vnum obiectum tres cognitiones in proprio genere, vnam per se infusam, aliam per accidens infusam, tertiam per se acquisitam; vel si non admittat has tres scientias, saltem debet concedere, quodd ab instanti conceptionis habuit carentiam cognitionis acquisitæ illorum obiectorum, quorum debebat habere cognitionem experimentalem pro diuersis temporibus occurrentem: si autem non reputat inconueniens hanc carentiam admittere circa hæc obiecta, cum similiter tam scientia, quam modus sciendi illorum sit connaturalis Christo Domino: neque similiter debet reputari inconueniens illam admittere circa alia obiecta, cum non sit maior ratio de vna carentia, ac de alia, sicut nec de scientia circa vna obiecta, ac de scientia circa alia.

Dico secundò: Scientia per se acquisita non fuit per accidens infusa Christo Domino in primo conceptionis instanti, sed propriis actibus paulatim acquisita. ita Auctores pro secunda sententia relati, & absolute illam docet Scotus loco citato, nam vers. *quodd si alicui* absolute affirmat quodd anima Christi aliqua nouit habitualiter per species infusas, & aliqua non nouit: potest tamen illa noscere, si illa sunt in existentia reali, sicut dictum fuit in 2. (scilicet distinctione 3. quæstione 9.) quodd Angelus potest acquirere notitiam aliquorum obiectorum per actionem illorum in intellectu suo: quod etiam prosequitur Scotus de cognitione intuitiua perfecta & imperfecta, & tandem concludit quodd hoc modo dicitur Christus per experientiam didicisse multa, & ne posset interpretari de scientia experimentalis sensitiua, quæ solum manet in parentis sensitiuis,

T t 2

&

& non progreditur ad potentiam intellectivam, quam scientiam sensitivam Aduersarij concedunt Christo, & per eam explicant Patres pro secunda sententia adductos. Addit Scotus hæc verba, *Hoc est per cognitiones intuitivas, id est illorum obiectorum cognitorum, quantum ad existentiam, & per memoriam de relictis ab eis.* quod totum procedit de cognitione intellectiva per se acquisita, vt patet.

12. Neque obstat primò, si dicas, quòd quando Scotus in hoc loco dicit quòd aliqua nouit habitualiter, & aliqua non nouit habitualiter, sed potest illa noscere, si fiant existentia: loquitur in utraque parte de eadem scientia habituali acquisita; ergo conuenit cum tertia sententia, quæ hoc docet. Respondetur negando quòd loquatur de scientia acquisita, quia solum loquitur de scientia abstractiua vt sic, prout abstrahit ab infusa & acquisita. Et quando dicit quòd aliqua nouit habitualiter, addit per species infusas, quas esse per se infusas iuxta ea quæ docet in sequenti questione 4. iam probauimus, & optimè dicit aliqua, nam in eius sententia non possumus dicere quòd per hanc scientiam per se intulim cognouit Christus obiecta existentia vt præsentialiter existentia, vt supra diximus. Quando autem dicit quòd aliqua obiecta non nouit habitualiter, sed illa potest noscere, expresse loquitur de scientia per se acquisibili, vt patet ex verbis allatis: vnde non docet tertiam sententiam, quia illa loquitur de scientia sola per se acquisita: Scotus verò de sola scientia abstractiua vt sic, quæ insuper diuiditur in per se infusam, & per se acquisitam. quare meritò Scotus in eadem questione 1. *sed contra ex dictis opinanti*, hanc diuisionem scientiæ in abstractiuam & intuitiuam prætulit diuisioni scientiæ in per se infusam, & per se acquisitam, quia prima diuisio est multò magis apta ad cognitionem scientiæ, quæ fuit in Christo, quàm diuisio secunda.

13. Neque obstat secundo, si dicas, quòd 1. *contra conclusionem*, verè ex his instans, dicat Scotus, quòd si potentiæ perficiantur ab alio in actibus suis, non possunt illos habere, quia iam præuentæ sunt per terminos perfectos ea-

rum, & loquitur de intellectu agente & passibili: vnde concludit, quòd si anima Christi habet à Deo species per se infusas, non poterit habere acquisitas à se, quia iam est præuenta. Respondetur quòd in toto illo 1. (vt sæpe dixi) Scotus loquitur ex dictis D. Thomæ, & contra ipsum procedit ad hominem prædicta doctrina, quia si species impressæ, & actus illarum sumunt speciem ab obiecto in doctrina D. Thomæ, sequitur quòd species per se infusæ, & species per se acquisitæ circa idem obiectum non erunt specie distinctæ; & consequenter si intellectus agens & passibilis habent species per se infusas, iam est præuentus, vt non possit habere acquisitas, aliàs accidentia numero distincta essent in eodem subiecto, quòd est contra D. Thomam, tamen in doctrina Scoti & nostra, in qua concedimus, quòd circa idem obiectum possunt esse actus, & species impressæ diuersæ speciei, & fortè diuersi indiuidui, non ex eo quòd habeat per se infusas, est præuentus vt non habeat acquisitas, quia istæ sunt diuersæ in specie ab illis, vel ad minus diuersi indiuidui propter minorem naturalem earum perfectionem, & sic non possunt acquiri à potentia, etiamsi habeat illas.

14. Probatur ergo prædicta conclusio secunda primò, quia modus connaturalis operandi non solum est quòd sensus exteriores acquirant species ab obiectis præsentibus, & causent sensationes, tam in illis, quàm in interioribus, sed etiam vt intellectus agens accipiat species à phantasia, & illas spiritualiter, cum quibus, & in quibus intellectus passibilis causet intellectiones; sed ad perfectionem naturæ humanæ Christi pertinet, quòd omnes eius potentiæ connaturaliter operentur; ergo Christus non solum habuit scientiam experientialem sensuum ultra sensus non progredientem, sed etiam habuit scientiam per se acquisitam intellectus, & paulatim acceptam, sicut ceteri homines, assimilatus est enim eis in omnibus absque peccato.

15. Secundo probatur præcipuè in doctrina Scoti, quia etiam Deus posset infundere in sensibus species sensibiles obiectorum, imò & actus secundos, & in potentia intellectiua species, & actus secun-

secundos, qui possent elici à scientia habituali acquisita, & nihilominus nullus censuit quodd hoc fuerit de facto, ne auferret Deus id quod connaturaliter petunt potentie in Christo, sicut in quocumque alio; ergo nec censeri debet infundi de facto scientiam habitua-lem, & species per se acquisibiles propter eandem rationem.

16. Tertiò, quia non possumus negare cognitionem intuitiuam non infusam per se, nec per accidens in Christo (quantum ad secundum concedit Scotista relatus) ergo nec possumus negare cognitionem abstractiuam fuisse per se acquisitam. pater, quia omnis abstractiua cognitio connaturaliter procedit ex aliqua, vel ex aliquibus intuitiuis.

17. Dico tertiò: Licet scientia hæc fuerit in Christo paulatim acquisita, quantum ad species impressas, & quantum ad actus secundos, non tamen quantum ad habitum, seu facilitatem, quæ acquiritur ex frequentatione actuum (non enim admitto alium habitum se tenentem ex parte potentie, vt supra dixi, loquendo de habitu per se infuso) sed prædictus habitus fuit in Christo per accidens infusus ab instanti conceptionis. Hæc conclusio est contra Vasquez cap. 3. infra numero 16. illam tamen ex parte docet prima sententia, & expresse Hurtado vbi supra.

18. Probat, quia licet connaturaliter acquiratur hic habitus ex frequentatione actuum, tamen aliàs inducit maximam indecentiam, & imperfectionem, quod Christus Dominus difficulter operaretur suas actiones, & quodd superaretur in hoc ab alio homine dedito studio scientiarum, non enim constat nobis quodd ex proposito Christus incumbere studiis, bene tamen orationi, prædicationi, &c. imò potiùs colligi videtur contrarium ex illo testimonio, *Quomodo hic litteras scit, cum non diceret?* Infuper hic habitus non posset esse per se infusus, quia vt suppono loquimur de illo, qui non extrahit scientiam ab esse acquisitam; ergo cum sit supremus omnium Magister, & Doctor, dicendum est, quodd licet paulatim acquirat hanc scientiam quantum ad species & actus, non tamen quantum ad habitum, sed quodd illum habeat ad faciliter intelligendum, &

promptè loquendum, & operandum.

Dices primò: Ex frequentatione actuum acquiritur hic habitus; ergo Christus illum acquisiuit ex frequentatione suorum; frustra ergo ponitur per accidens infusus ante suos actus. Respondetur negando quodd Christus Dominus ex frequentatione suorum actuum acquisierit aliquem habitum, quia si hic iam supponitur propter congruentiam dictam, frequentatio actuum impeditur ad illum causandum, nam (vt inquit Scotus vbi supra) potentie iam præuentæ non possunt in actus suos, ita similiter potestæ iam præuentæ per habitum acquisibilem, sed de facto infusum non possunt mediâ frequentatione suorum actuum illum habitum sibi causare, bene tamen possent, si non haberent.

Dices secundò: Hæc indecentia, & imperfectio, quodd Christus Dominus difficulter operaretur, non est priuatiua, sed negatiua, sicut quodd non habeat simul omnes species & cognitiones acquisibiles, quia hoc oritur tum ex eo quodd oblecta omnia non sunt simul præsentia potentie iuxta ordinem communem naturæ, tum quia potentia intellectiua est limitatæ virtutis; ergo sicut negamus fuisse hæc scientiam in Christo per accidens infusam quantum ad species & actus, ita debemus negare quantum ad habitum. Respondetur esse disparem rationem, quia carentia habitus, licet attentata natura humana sit negatiua, quia illum non petit semper habere, tamen attentata dignitate magisterij, & dignitate huius naturæ vnitæ Verbo est priuatiua, quia ex illa dignitate oritur debitum habendi prædictum habitum faciliter intelligendi & operandi; at verò carentia scientiæ acquisitæ quantum ad actus, & specierum, neque quantum ad naturam, neque quantum ad dignitatem magisterij inducit priuationem, quia nequè in natura, neque in magisterio reperitur debitum habendi simul omnem scientiam actualem acquisitam, & species illius in Magistro, in quo reperitur scientia per se infusa, vt reperta fuit in Christo. vnde ex eo admittimus, quodd paulatim acquireret scientiam quantum ad actus & species, quia in hoc seruatur connaturalis modus operandi,

randi, & aliis non inducitur in Christo aliqua imperfectio priuans ipsum aliquā perfectione sibi debitā, & per hoc patet ad obiectionem Vasquez, qui eodem modo inquit esse de utroque philosophandum.

21. Ad argumenta primæ sententiæ respondetur, Ad primum concedo, quod non decuerit Christum aliquid à creaturis rationalibus discere, quia omnium erat magister; nego tamen, quod non decuerit accipere species à creaturis sensibilibus, quia hoc non est discere aut illuminari, docere enim est dirigere potentiam, ut benè utatur speciebus, quod non præstant ipsæ species.
22. Ad secundum respondeo quod probat, quod si Christus non haberet scientiam per se infusam, deberet habere infusam per accedens, multò melius, quàm Adamus; quia verò habet illam, quæ est multò magis perfectæ, non indiguit habere hanc, sed potius per acquisitionem istius exercebat perfectionem suæ naturæ humanæ in coordinati modo operandi.
23. Ad tertium respondeo primò disparatam esse rationem de virtutibus moralibus per accedens infusis, etiam si simul cum illis habeat Christus per se infusas (quod reputo verum in doctrina Scoti, ut ibi dixi) ac de scientia per accedens infusam, quia illæ virtutes constituent perfectum in esse morali, quæ perfectio si aliquo tempore deesset Christo, esset priuatus aliquā perfectione morali sibi debitā ratione summe sanctitatis moralis Christi: incongruitas est autem maxima, quod Christus habeat priuationem istam: carentia verò pro aliquo tempore scientiæ acquisitæ non inducit priuationem, sed negationem alicuius perfectionis sibi possibilis, sicut habet negationem specierum sensibilibus per accedens infusarum, quas posset habere, sicut & actuum secundorum, tam potentiæ sensitivæ, quàm intellectivæ, ut dixi in probatione secundæ conclusionis, quia hæc omnia non debentur Christo aliquo titulo. Secundò respondetur solum probare, quod scientia per se acquisita sit per accedens infusam quantum ad habitum, quia in hoc æquiparatur habitibus virtutum moralium, quod

concedimus iuxta dictā conclusionem 3. non verò quantum ad species, quia in hoc nulla est paritas & similitudo. Ita Hurtado in solutione huius argumenti.

Ad quartum respondetur, & ad primum inconueniens dico quod Patres solum negant quod Christus proficeret in scientia simpliciter, hoc est, quod de nouo sciret quod non sciebat; non verò in scientia secundum quid, hoc est, quod per diuersam scientiam ab infusa sciret quod non sciebat per illam diuersam scientiam; imò hoc modo explicant illud Isaia, *Antequam scias puer vocare patrem & matrem*; & illud, *Butyrum & mel comedit, ut scias reprobare malam*, &c. & illud, *Iesus autem crescebat atate & sapientia coram Deo & hominibus*, hoc est (ut explicat Ambrosius lib. de Incarnationis Dominicæ Sacramento cap. 7. post medium) crescebat sapientia, sicut atate. videatur Vasquez vbi supra. Ad secundum inconueniens dico, quod non esset Christi imperfectio, sed perfectio sciens, siquidem habebat scientiam per se infusam; neque superaretur ab homine studiis dedito, siquidem habebat habitum, seu facilitatem per accedens infusam à primo suæ conceptionis instanti.

Ad fundamentum terciæ sententiæ, in quantum militat contra nostram, respondetur, quod licet verum sit, quod scientia per se acquisita ponatur non solum propter modum connaturalem operandi, sed etiam propter ipsam scientiam, tamen hoc debet intelligi in subiecto non habente scientiam in proprio genere perfectiorem istā, qualem habet Christus habendo scientiam per se infusam, non tamen in habente illam. Insuper sicut in Christo non fuit imperfectio non habere antecederet scientiam acquisitam aliquorum obiectorum, quorum postea erat acquirenda per experientiam, & hoc non solum propter modum connaturalem operandi, sed neque propter ipsam scientiam, ut Aduersarij tenent concedere in sua opinione, ita neque erit imperfectio non habere illam per accedens infusam circa reliqua alia obiecta, neque propter modum connaturalem operandi, neque propter ipsam scientiam.

Circa

26. Circa tertium, quod inquitur questio, breuiter dicendum est, quod actus huius scientiæ per se acquisita, si sit circa obiectum materiale, dependeat à phantasmatibus, neque distinguendum est de actu abstractiuo & intuitiuo quantum ad hoc, tum quia connaturaliter loquendo actus abstractiuus dependet semper à speciebus sensibilibus obiectorum intuitiuè cognitorum, siue species sint propriæ, siue alienæ: unde qui admittunt cognitionem intuitiuam per se acquisitam, necessariò debent admittere cognitionem abstractiuam per se acquisitam in Christo, tum etiam quia species alicuius cognitionis abstractiue vel posset acquiri virtute propriâ ab obiecto, vel non, si non, ergo non potuit per accidens infundi; sed per se, si potuit virtute propriâ acquiri; ergo si obiectum illius præsentaretur potentie ab illo, posset de facto haberi à Christo alia species similis illi per accidens infusæ; ergo per illam posset etiam cognoscere abstractiuè obiectum; ergo non solum per scientiam per accidens infusam, sed etiam per se acquisitam, posset de facto cognoscere abstractiuè obiectum: tunc autem vna superfluit.

27. Similiter est dicendum, quod hæc scientia sit discursiua, & quod non sit ita perfecta, sicut scientia Angel. Et ratio huius est tradita à Scoto questione 4. quia obiectum eodem modo se habet immisione speciei. Insuper intellectualitas Christi est inferior, quàm intellectualitas Angel. quia natura eius est inferior naturâ Angelorum; ergo & scientia hæc est inferior. Dices: Potest crescere ex parte habitus. Respondetur negando primò, quia habitus angelicus potest ad minus esse equalis cum habitu Christi, quia utique est per se acquisibilis. 2. quia hic habitus non datur ad substantiam, neque ad intensiorem actus, vt omnes concedunt, sed ad modum, scilicet ad promptitudinem & facilitatem producendi illam. Insuper est dicendum, quod hæc scientia dicatur experimentalis, non solum quia reperitur in potentijs sensitivis, quarum operationes improprie dicuntur scientiæ, sed etiam quia reperitur in intellectu agente producente simul cum phantasmate species intelli-

gibiles, & in intellectu possibili producente actus intuitiuos & abstractiuos, in quos proprie diuiditur hæc scientia.

Sed inquires pro complemento questionis, An Christus aliquid didicerit ab homine, vel ab Angelo. Et ratio dubitandi est, quia tinguam videtur didicisse à parentibus, & plures historici & demonstrationes illi fuerunt propositæ, quas ipse aliàs per suam scientiam non sciebat. 2. quia Lucæ 3. fuit in medio Doctorum eos interrogans; ergo ab eis discens. 3. quia Lucæ 22. in herbo apparuit ei Angelus confortans eum; ergo proponens illi aliquas rationes, quas ipse non sciebat, vt illis persuaderetur ad parandum.

Conueniunt tamen Theologi, quod Christus nihil didicerit ab homine, vel ab Angelo. Ratio est, quia vt constat Isaia 45. & Ioan. 28. erat omnium magister maximus, & illuminator etiam Angelorum, vt docuit Dionysius de Celesti Hierarchia cap. 7. ergo non debuit doceri & illuminari ab illis. Confirmatur primò, quia habuit scientiam per se infusam, quâ sciebat quicquid alij sciebant: sed ad hoc vt illuminaretur & doceretur, deberet illa nescire; ergo nihil didicit ab homine, vel ab Angelo. Confirmatur secundò, quia si diceret aliquid ab homine, haberet fidem humanam, sine qua non est discere ab homine, sed hæc fides repugnabat Christo ex supradictis, quia poterat subesse falsò, ergo.

Ad rationem dubitandi respondetur. Ad primum, aliud esse acquirere linguam parentum; aliud verò discere à parentibus. primum est verum, quia sicut de nouo proponebantur illi verba, de sono acquirerebat species illorum, & hoc sibi volunt illa verba suprà relata, Antequam puer sciat vocare patrem & matrem. Secundum est falsum, quia requirebat fidem humanam in Christo, quâ crederet, quod hoc vel illud verbum haberet hoc vel illud significatum, & hæc, vt diximus, non erat in illo, quia aliàs certò sciebat illas significationes non solum in verbis, sed etiam per scientiam per se infusam. Idem dico de historiis, & alijs demonstrationibus. Ad secundum respondetur, quod interrogatio non semper fit ad discendum, sed etiam ad magis manifestandum propriam scientiam.

tiam: unde ibidem dicitur, quod *superbant omnes super prudentia & responsis eius.*

31. Ad tertium respondet Vasquez disput. 56. quod Angelus laudabat Christum suam fortitudinem, & hoc aliquantulum etiam significari per verbum *confortare*, non verò accipiebat rationes, quas nesciret, ut confortaretur. Lorca verò disp. 51. respondet, quod verè fuit illam consolatus, quia proponebat illi rationes desumptas ex gloria Patris, & suâ, ex utilitate redemptionis, quibus linebat eius tristitiam, & confortabat, licet illas aliàs sciret. Hurtado autem diff. 24. dicit quod absque instructione consolabatur illum Angelus per verba confortationis, sed Christum cum effectu non fuisse consolatum, nec acquiescisse consolationi, ut magis pateretur, quæ omnia sufficienter satisfaciunt difficultati: sed insuper addo quod Chri-

stus verè & in effectu fuit confortatus, non quod secundum portionem superiorem fuerit instructus, quia ut sic teneret argumentum contrarium, neque per verba consolatoria, licet Angelus illa adhibuit, sed secundum portionem inferiorem sensuum per visionem speciosissimi Angeli, & auditionem suavisissimæ consabulationis illius, quæ demulcerent & linirent tristitiam, quam etiam sensus habebant, sicut consolaretur Christus, si tangeretur illi cythara; nulla est autem repugnantia, quod per sensus acciperet aliquam confortationem vitrà non progredientem, quæ autem carebat. Vel aliter, quod Angelus confortabat Christum, quia forte aliquo linteo abstergebat sanguinis sudorem, quem pro orationis vehementia usque ad terram guttatim effudit, & si loqueretur cum ipso, tamen confortatio ad desudationem expectabat.

DISPUTATIO XVI.

DE

POTENTIA

CHRISTI DOMINI

Postquam egimus de Christi scientia, agemus de eius potentia, quæ est virtus quædam productiva, vel effectiva alicuius effectus in se, vel in alio, de qua nonnihil dicit Scotus disputatione 16. questione 2. in secundi argumenti solutione.

QUÆSTIO PRIMA.

An humanitas Christi Verbo unita habuerit omnipotentiam?

1. **H**ic agimus de omnipotentia simpliciter, quæ est virtus ad omne possibile, & non implicans contradictionem; & non agimus de omnipotentia, quæ est diuinæ naturæ attributum, quia de hac duo docent Auctores. primum, quod per communicationem idiomatum Christus in quantum homo fuit omnipotens, sicut fuit Deus. secundum, quod

per illam non potuit humanitas Christi formaliter, seu tamquam ex forma denominari omnipotens, sicut nec vt sic potest denominari Deus, quia hoc requirit receptionem & informationem, quæ repugnant Diuinitati & omnipotentia Dei: solum ergo potest esse difficultas in hac questione, an habuerit omnipotentiam participatam, seu per participationem, sicut aliqui volunt eternitatem non per essentiam, sed per participationem, per quam creature mensurentur.

Communis & vera sententia negat 2. humanitatem Christi post unionem habuisse omnipotentiam participatam.

ita

ita Scotus in 3. dist. 6. q. 2. in solutione secundi argumenti. D. Thomas 1. p. quæst. 13. art. 2. ibi Caiet. & Medina, Valentia q. 1. 3. punct. 1. Suarez disp. 30. sect. 1. Valquez disp. 57. cap. 1. Lorca disp. 52. Hurtado disp. 9. diff. 1. Et ratio à priori est, quia repugnat per locum intrinsecum, quoddam omnipotentia possit esse aliud creatum, nam de ratione intrinseca omnipotentia est, quoddam sit virtus productiva cuiuscumque; producibilis; ergo si ipsa potest creari, sen produci, ipsa poterit seipsam producere, quod implicat: unde optimè intulit D. Thomas ibidem art. 1. quoddam Deus erat omnipotens, quia suum esse erat increatum. Confirmatur, quia repugnat aternitas per participationem, quia creatura mensurentur ab aeterno, ut latè traditur in materia de scientia Dei; ergo similiter repugnat omnipotentia per participationem.

3. Sed contrà sunt aliqua testimonia S. Scripturae & Patrum, nam Matth. ultimò dicit Christus de se in quantum homo est, *Data est mihi omnis potestas in calo, & in terra, &c.* Respondetur non loqui de omnipotentia simpliciter, sed de potestate excellentia circa iustificationem hominum: unde statim concludit dicens, *Videntes ergo docete omnes gentes, &c.* Et Ioan. ultimò: *Quorum remissio peccata remittuntur eis*: dicitur tunc collata Christo talis omnipotentia, quia licet illam habuerit à principio conceptionis, merita tamen ob quæ illi fuit data, fuerunt crucis passionis cõsummata: unde postquàm mortuus fuit, & resurrexit, hoc manifestavit, dicendo: *Data est mihi omnis potestas in calo, & in terra, &c.*

4. Præterea Ambrosius lib. 1. in Lucam cap. de Salutatione Angelica, super illa verba, *Hic eris magnus*, ait, *non quia ante partum Virginis magnus non fueris, sed quia potentiam quam Dei Filius naturaliter habuit homo in tempore accepturus, ut una sit persona homo & Deus.* Rursus Damasc. lib. 3. de Fide cap. 18. in fine de voluntate humana Christi sic habet: *Et naturaliter quidem non omnipotens erat, ut autem Dei Verbum secundum naturam & veritatem facta est, omnipotens est.*

5. Ad 1. testimonium Ambrosij respondetur, quoddam loquitur de omnipotentia Dei simpliciter, quam humanitas Christi habet per communicationem Idio-

matum, ut patet ex ratione huius, quam tradit in illis ultimis verbis, *ut una sit persona homo & Deus.* Ad 2. respondet benè Lorca, quoddam non loquitur de omnipotentia Dei simpliciter, sed de omnipotentia quoad executionem propriæ voluntatis, quia omnia quæcumque vult facit, non ex seipsa, sed quia semper conformis est voluntati diuinæ, & voluntas diuina ipsi: unde facit opera propria omnipotentia Dei, ut viuificare mortuos, &c.

Dices; Christo in quantum homini 6. tribuitur omnis scientia; ergo debet etiam tribui omnipotentia. Respondetur cõcedendo antecedens ex dictis disputatione antecedenti, nego tamen consequens propter disparitatem inter scientiam & omnipotentiam, quia scientia solum constituit & producit res in esse quodam intentionali & diminuto, qualiter sunt in cognoscente: unde intellectus imperfectus potest sibi multò perfectiores res producere in hoc esse: at verò potentia producit illas in esse reali & vero, quare indiget virtute perfectiori, vel saltem æquè perfectâ, sicut sunt ipsæ res productæ: unde sicut ex maiori scientia non sumitur argumentum ad maiorem potentiam, ita ex omni scientia non sumitur ad omnipotentiam. Insuper scientia potest esse scientia sui ipsius: at verò omnipotentia non potest esse omnipotentia sui ipsius, quia esset virtus productiva sui ipsius.

Ex his debetis deducere, quoddam 7. potentia humanitatis Christi per vnionem hypostaticam non fuerit physice maiores, seu potentiores, quàm forent, si essent in proprio supposito creato, ita tenent supracitati Auctores. Probat, quia natura humana per vnionem ad Verbum non fuit physice mutata, nec variata; ergo nec eius potentia. Si quid ampliùs possunt per illâ, quantum ad immutationem creaturarum, vel proprii corporis, hoc erit ratione virtutis diuinæ, non verò ratione sui.

Sed obicies cum Ricardo contra- 8. rium sentienti in 3. distinct. 14. art. 5. quæst. 2. nam operari sequitur esse, sed humanitas Christi per vnionem habuit perfectius esse, quia existit existenti Verbi; ergo & perfectius operari; ergo habuit perfectiores potetias. Respondetur ad maiorem, quoddam ope-

V u rari

rari sequitur esse naturæ, non personæ formaliter, quia esse personæ solum se habet ut conditio, non verò ut ratio formalis agendi. Ad minorem iam supra probauimus esse falsam, quia humanitas Christi non existit existentia increata Verbi, sed creata & propria; imò etiam si existeret existentia increata, non esset ratio agendi, quia hæc solum esset natura prout distincta ab eius actuali existentia extrinseca.

QVÆSTIO II.

Quæ virtute Christus fecerit miracula, an physica, an verò morali?

1. **R**elicta Iudeorum calumnia, quòd Christus non propriâ, sed demonis virtute fecerit miracula, quam Christus reiecit Lucæ 11. Matth. 12. & relictâ aliquorum infidelium dementia afferentium, quòd virtute naturali corporis Christi, scilicet per mixturem ad pondus, seu per temperamentum æqualitatis qualitarum efficiebat miracula, quam latè impugnât noster Medina lib. 2. de recta in Deum fide cap. 7. & Lorca disputatione 53. Supponimus primò humanitatem Christi non fuisse causam principalem miraculorum, sed solum instrumentalem iuxta locutiones Patrum; nam Damascenus lib. 3. de Fide cap. 15. Theodoretus in Dialogo, qui scribitur immutabilis, vocant humanitatem Christi in his operibus organum, & instrumentum Diuinitatis; & Cyrillus lib. de Fide ad Reginas cap. quòd *vinificus fuit Christus*, dicit carnem Christi fuisse viuificatricem propter vnionem ad Verbum: Sophronius Epistolâ quæ habetur in 6. Sydonio actione 11. docet, quòd hæc opera fuerunt facta per carnem, & non sine carne Christi: vnde in præsentia inquirimus, An Christi humanitas fuerit instrumentum physicum, an solum morale.

2. Supponimus secundò, quòd instrumentum physicum est illud quod physico & reali influxu operatur effectum, ita ut inter causam & effectum possit fundari relatio producentis ad productum. Instrumentum verò morale est illud quod operatur inducendo, seu ex-

citando aliud ut operetur, & idèd remotè tantum & mediatè attingit effectum, scilicet mediante causa principali, quam moraliter mouet ut operetur & producat.

Prima sententia affirmat, quòd fuerit instrumentum physicum. ita Calertanus & Medina q. 12. art. 2. Siluius q. 13. Suarez disp. 31. Aluarez disp. 66. Probant primò ex testimoniis Patrum, dum absolutè docent humanitatem Christi fuisse instrumentum Diuinitatis, & deduci videtur ex illo Lucæ 2. *Virtus de illo exibat, & sanabat omnes*; & Lucæ 8. *Ego sensi virtutem de me exiisse*, quia hæc testimonia nequeunt commodè intelligi de virtute morali, sed physica.

Secundò probatur ratione, quia homo Christus faciebat miracula potestate & imperio, non oratione; ergo non ut instrumentum morale, sed ut physicum. Antecedens patet Lucæ 1. *Surge, tolle lectum tuum*; Matth. 8. *Volo, mundare*; Ioan. 11. *Lazare, veni foras*. Tertiò probant, quia Christum adhibebat tactum manus absque vilo verbo, ut quando Matth. 8. *Sanauit scutum Simonis, & per saltum sinioria vestimenti Christi*; Marci 5. & Lucæ 8. *Sanata est mulier patiens fluxum sanguinis*. Quartò, quia maior est perfectio Christi, quòd sit instrumentum physicum, & aliàs non repugnat; ergo, &c.

Secunda & vera sententia negat, quòd humanitas Christi fuerit instrumentum physicum ad patranda miracula. ita Vasquez disp. 57. cap. 5. Ragusa disp. 106. Becanus cap. 10. Hurtado disp. 8. diff. 4. Durandus in 3. d. 14. q. 5. ad 2. neque dissentit D. Thomas ibid. disp. 16. q. 1. art. 3 & 2. q. 178. art. 1. ad 1. & necessariò illam fateri debent Scholastici omnes, qui cum Scoto in 4. d. 1. q. 5. negant Sacramenta esse instrumenta physica gratiæ, quia de vtraque est eadem ratio, saltem quantum ad aliquam miracula. Probatur ergo hæc sententia sic ab aliquibus Auctoribus: De ratione instrumenti physici est, quòd natuà suâ virtute attingat ipsum effectum, vel præuiam operationem physicam ad effectum simul cum causa principali, sed in humanitate Christi nulla apparet virtus innata, quæ possit hoc præstare respectu miraculorum; ergo.

Respondent Aduersarij, hanc rationem

nem instrumenti physici admittentes, quòd hoc solum requiritur ad instrumentum physicum naturale, non verò ad instrumentum physicum supernaturale, quia hoc potest à Deo assumi, etiam si nullam habeat virtutem propriam: quod probant exemplo Sacramentorum, nam Deus assumit aquam in baptismo, etiam si nullam habeat virtutem ad producendam gratiam sacramentalem. Sed contrà, quia similiter asserit nostra sententia, quòd Sacramenta non sunt instrumenta physica, sed moralia, quia non habent virtutem naturam, quâ attingant effectum, vel præuiam operationem ad effectum, sed solum virtutem moralem ratione institutionis diuinæ.

7. Quia tamen prædicta ratio videtur supponere, quòd de ratione instrumenti physici sit aliqua virtus naturalis inchoata in ipso, in actu primo existens in ordine ad effectum: quod in vera doctrina Scoti in 4. distinctione 1. reputo falsum: idèo aliter probò hanc nostram sententiam, quia duo per se requiruntur ad hoc, ut aliquid sit instrumentum physicum: primum, quòd in actu primo nullam habeat naturam virtutem physicam (non dico formalem, sed effectivam) in ordine ad effectum, aliàs esset causa principalis ad minus partialis: secundum, quòd illam participet in actu secundo à principali agente: sed humanitas Christi Domini non solum non habuit aliquam virtutem physicam in actu primo, sed neque illam habuit participatam à principali agente in actu secundo in ordine ad patranda miracula: ergo humanitas Christi non fuit instrumentum physicum in ordine ad illa. Maior probatur primò, quia causa instrumentalis non distingueretur à causa principali partiali. Insuper intellectus, v. g. modò esset causa principalis, scilicet quando eleuatur in ordine ad visionem in actu primo per lumen gloriæ, seu per speciem impressam; & modò esset causa instrumentalis, scilicet quando eleuatur in actu secundo, quòd est falsum, quia semper adhibet proprium influxum in effectum non minus quàm generans respectu prolis.

Castillo de Incarn. Pars I.

Secundò probatur à paritate serræ, 8. quæ est verum instrumentum physicum, nam in actu primo nullam habet virtutem effectivam, quia quantitas ratione cuius scindit lignum hoc facit in genere causæ formalis per impossibilitatem partium, sed sola virtus physica effectiva est impulsus sibi impressus à principali agenti in actu secundo, seu actuali motione: unde effectus secutus, scilicet scissio ligni tribuitur in genere causæ formalis quantitati serræ, & in genere causæ efficientis toti serræ, quæ in actu secundo habuit virtutem in genere causæ efficientis à principali agente. Minor probatur, quia nulla apparet virtus, quam humanitas Christi participauerit à Deo, quia si fuit materialis, non potuit operari effectus spirituales; si spiritualis, non potuit recipi in subiecto materiali.

Ad hoc argumentum conantur respondere Contrarij, sed numquam satis explicant, quæ sit hæc virtus. Primò respondent Scholastici antiqui, quòd Deus impressit humanitati Christi quandam qualitatem citò transcurrentem, & aliqui vocant quasi intentionalem, quia se habet sicut species impressa. Sed inquiri, An sit materialis, vel spiritualis? & perseverat argumentum factum. Præterea quæ qualitas potest esse, quæ mortuos resuscitet, tempestates sedauerit, &c. Idèò secundò respondet Caietanus, quòd absque impressione qualitatis eleuauerit Deus humanitatem Christi solam impressione cuiusdam motus. Sed inquiri, An iste motus habeat terminum productum in humanitate Christi, sicut impulsus in serræ? & tunc redit idem argumentum; si verò non habet, quid facit in humanitate Christi, vel quid applicat ex his, quæ sunt in humanitate Christi, ut producat & agat miraculum?

Præterea motus alterationis cum sit fieri rei, vel ipsum comitetur, solum recipitur, ubi recipitur res facta: sed sanitas, v. g. solum recipiebatur in infirmo sanato, & non in Christo; ergo in Christo nullus motus (quantumvis virtuosus appelletur) recipiebatur ratione cuius operaretur, ut instrumentum physicum.

V u z

Quæro

11. Quare tertio respondet Suarez disputatione 31. sectione 5. non esse necessarium humanitatem Christi aliquid recipere per prædictum influxum, & motu virtuosum, quia ratione potentiae obedientialis actiuae, quam quaecumque creatura (etiā si non sit physice actiua, vt quantitas, & relatio) habet in ordine ad hoc, vt sit Dei instrumentum ad quemcumque effectum concurrat humanitas Christi vt causa instrumentalis. Sed contra quia vel aliquid agit humanitas Christi per istam potentiam obedientialem actiuam, vel nihil, si aliquid, ergo habet aliquem influxum proprium, & consequenter sequuntur plura. primum. 2. quod possit compleri in actu primo, sicut completur intellectus per lumen in ordine ad visionem. 3. quod aliquod prædicatum debeat correspondere illi in effectu. 4. quod idem miraculum, v.g. expulsio dæmonis, quæ fieret ab humanitate Christi, posset fieri à quantitate ligni, & à relatione similitudinis inter duo alba, quæ videntur falsa. si nihil agit, ergo per illam obedientialem potentiam non habet rationem instrumenti physici.

12. Quarto respondent alij humanitatem Christi habere se vt instrumentum, licet non concurrat per potentiam obedientialem actiuam, neque recipiat motum aut qualitatem, quia Deus illi physice assistit, & sic solum per extrinsecam Dei assistentiam habet rationem instrumenti physici. Sed contra quia de ratione physici instrumenti est quod assumatur à principali agente, & medio illo operetur: sed si nihil physicum recipiat Christi humanitas à Deo, non assumitur ab ipso, vt instrumentum physicum; ergo per solum extrinsecam assistentiam non erit instrumentum physicum. Et confirmatur, quia per hanc assistentiam solum recipit nominationem extrinsecam, quæ non est virtus physica, sed quid rationis; ergo, &c. manet ergo probatum, quod humanitas Christi non possit se habere vt instrumentum physicum respectu miraculorum.

13. Tandem probatur nostra sententia, quia quæ virtus potest habere physicam actiuitatem ad extrahendas ani-

mas ab inferis vt corporibus vniantur, præcipue cum in sententia D. Thomæ 1. p. quæst. 8. ita sit necessaria presentia agentis ad passum, vt existimet hanc consequentiam esse formalem, *Deus ubique operatur, ergo ubique est presens*. Præterea si miraculum ambulandi super aquas consistit in subtractione concursus Dei, quo non finit ipsas dilabi in ordine ad illam, nulla potuit esse adhuc in Christo virtus positiua; ergo nullo modo Christus operatus fuit miracula, vt instrumentum physicum: non nego quod per qualitatem agilitatis potuisset hoc miraculum operari, sicut reperitur in Beatis, sed tunc agilitas se haberet vt causa principalis.

Ad argumenta primæ sententiæ respondetur. Ad primum dicimus Patres solum voluisse significare quod humanitas Christi non erat causa principalis miraculorum, & idem eam appellant instrumentalem, non tamen quia existiment quod sit verum instrumentum physicum; quando verò testimonia S. Scripturæ dicunt, quod *virtus de illo exibat*, per virtutem non intelligunt fluxum ab aliqua qualitate physica in Christo existentem, sed intelligunt ipsum miraculum factum à Christo, iuxta phrasim S. Scripturæ Matthæi 11. Marci 6. Lucæ 10. *Si in Tyro & Sidone facta essent virtutes*, id est miracula, & licet per exitum seu fluxum virtutis soleat significari causalitas physica, etiam potest intelligi causalitas moralis, quia verba, quibus in causa, fluxu, & effectu morali communiter vtimur, desumuntur à physicis.

Ad secundum respondetur, quod etiam Iosue imperio detinuit Solem, & D. Petrus Ananiam & Saphiam interfecit, & non deprecatione & etiam secundum D. Thomam 2. 2. quæst. 178. hæc fuerunt vt causæ morales, & non vt physicae. Et ratio est, quia quod per amicos deprecatione, & per seruos imperio possumus (quæ sunt causalitates morales) dicimus nos posse, præsertim quia credibile est nullum miraculum fecisse Christum absque oratione expressa aut implicita (orta aut à scientia beata, vel ab infusa, in quibus semper vigilabat) iuxta illud Ioan. 11. *Ego autem sciebam, quia semper me auditis*; & hoc modo factum fuisse resurrectionem

DEM

nem Lazari constat ibidem ex illis verbis, *Gratias ago tibi, quoniam exaudisti me.*

16. Ad tertium respondetur, quòd si quando adhibebat tactum manus ad praeferendam aliquam sanitatem, hoc faciebat aliqua oratione (quod reputo falsum) adhuc tamen non operabatur tunc per aliquam virtutem physicam, sed per moralem: unde nota, quòd virtus moralis quasi permanens, quæ erat in humanitate Christi ad miracula patranda, fuit illa dignitas, quam habebat ex vnione ad verbum, & derivabat in actus illius, consistebatque in quadam denominatione extrinseca, ratione cuius dignitatis movebat Deum ad hoc, vt ad imperium, ad tactum, & ad alias operationes illius efficaciter illa miracula, quæ volebat natura humana fieri, & per hanc virtutem permanentem & moralem operabatur illa.

17. Ad quartum respondetur, quòd iam ostendimus repugnantiam in eo quòd Christi humanitas sit instrumentum physicum, & etiamsi hæc non adesset, non idèò statim erat illi prædicta perfectio tribuenda, non enim debet tribui omne possibile, solum ex eo quod possibile.

18. Ad ipsum quod diximus de virtute humanitatis ad faciendum miracula, dicimus similiter ad producendam gratiam in sua membra, quia id ipsum concludunt probationes pro nostra sententia. Insuper non est caput ipsorum physicum, sed morale. Præterea gratia de facto (in quo sensu loquimur in præfenti non de possibili, quia in hoc aliquid attigi hanc difficultatem disputatione 9. quæstione 1.) est creata, & sic non potest produci, nisi à solo Deo. Præterea quia data fuit antiquis Patribus & Angelis per merita Christi. Unde si physice in illam influunt, sequeretur quòd antequam in executione reali existeret, operaretur, quod repugnat.

19. Hic solet inquiri, Vtrum Christus in quantum homo habuerit omnipotentiam quâ ad executionem propriæ voluntatis, id est, si facta sunt omnia quæ Christus voluit, ad hoc faciliter respondetur cum communi sententia, quòd facta sunt omnia quæ

efficaciter voluit fieri, siue per se, siue per alios, & non sunt facta quæ inefficaciter voluit. unde sicut Deus dicitur omnipotens, licet non fiant quæ inefficaciter vult, ita Christus. ita S. Thomas quæst. 13. art. 4. in corpore Caietanus, & ceteri Expositores ibidem; & probatur ex Augustino quæstione 77. noui & veteris Testamenti, vbi sic habet, *Impossibile est Salvatorem voluisse id quod non est adimpletum, sed quod factum est id voluisse Christum dicendum est, neque potuisse velle id quod sciebatur fieri non debere;* & ratio etiam suadet, quia Christus nouerat decreta diuina; ergo debebat velle efficaciter quæ Deus decreuerat efficaciter, & solum inefficaciter quæ non decreuerat efficaciter, & hoc siue vellet fieri per alios, siue per se (quidquid in contrarium velit Vasquez disputatione 58. cap. 2.) ad testimonia S. Scripturæ & Patrum, quæ ipse adducit; iam diximus disputatione 10. quæstione 3. parte 3. quia de omnibus currit eadem ratio. Neque obstat asserere, quòd aliqua voluit efficaciter quæ non eueniunt, quia non voluit illa efficaciter vt instrumentum Dei, sed solum ex viribus naturæ, vt ostenderet imbecillitatem naturæ humanæ, & sic non eueniunt, nam respondetur hæc ipsa voluisse inefficaciter, siquidem potuit vt omnibus suis viribus tam naturalibus, quàm supernaturalibus vt euenirent, & noluit.

QVÆSTIO III.

Vtrum Christus secundum quòd homo fuerit Rex temporalis omnium regnorum?

Non loquimur in hac quæstione de potestate, & iurisdictione indirecta circa regna temporalia, quæ oritur ex potestate directa circa spiritualia, quia temporalia seruiunt spiritualibus, & propter spiritualia mutari possunt temporalia, quatenus ad bonum spirituale necessum fuerit, quia certum est apud omnes Christum Dominum illam habuisse, imò & communicasse Ecclesiæ, & Summo Pontifici, sed loquimur de potestate, & iurisdictione temporali regia directa, eo modo quo ceteri Reges illam habent.

2. Prima sententia negat Christum Dominum secundum naturam humanam illam habuisse. ita Victoria relect. 1. de potestate Ecclesiæ quæst. 5. Medina quæst. 59. art. 4. Valentia quæst. 22. p. 6. Bellarminus lib. 5. de Pontifice cap. 4. Becanus cap. 24. & probant primo ex illo Ioan. 18. *Regnum meum non est de hoc mundo.* 2. probat quia nullo titulo fuit Rex omnium regnorum, quia non iure hereditario, nec electione populorum, nec iure belli, ut patet, nec institutione aliquâ Dei, quia de hac non constat; ergo. 3. quia Christus nullum actum Regis exercuit; ergo in eo frustrâ esset potestas regia. 4. quia si Christo talis potestas competeret, eam abdicasset, quia hoc esset perfectius, sicut & abdicare usum talis potestatis. 5. quia aliâs ceteri Reges non essent veri Reges, cum non haberent dominium suorum regnorum in solidum, sed tantum essent vicarij Christi. 6. quia sicut Pontifex est vicarius Christi, esset similiter Rex totius vniuersi.

3. Secundâ & vera sententia affirmat, quod Christus Dominus secundum naturam humanam fuit Rex temporalis omnium regnorum, & habuit potestatem directam, & iurisdictionem temporalem in omnia mundi regna supremam, & altioris cuiusdam ordinis, ac sunt reliquæ potestates aliorum Regum. ita tenent Antoninus 3. p. tit. 3. cap. 2. Waldensis lib. 2. doctrinæ fidei cap. 29. Molina tom. 1. de Iustitia tit. 2. disp. 28. Suarez disp. 48. Vasquez disp. 87. Raguza disp. 25. Lorca disp. 83. memb. 2. Fundamentum huius nostræ sententiæ est, quia ut aliquis sit Rex temporalis, sufficit quod habeat potestatem supremam ad præcipiendum in his, quæ ad politicam reipublicæ gubernationem spectant, & ad ferendas leges pro ea gubernatione, & ad lites temporales dirimendas: sed humanitas Christi ex eo solum quod fuit Verbo substantialiter vnita ita excellens, & omnibus superior effecta est, ut ipsi debeatur non solum omnis perfectio spiritalis, sed etiam omnis corporalis, præferrim moralis, videlicet reuerentia, obedientia, adoratio, potestas, & imperium, cum hæc naturæ humanæ vnitæ non repugnent; ergo habuit potestatem ad præcipiendum, ad ferendas

leges, &c. pro gubernatione omnium regnorum. Et confirmatur, quia incongruum, indecorum, & contra rationem esset non obedire naturæ humanæ Verbo diuino vnitæ præcisè ex hoc titulo, quia vnita erat; ergo etiam si non habeat alios titulos ratione huius solutionis, habet prædictam potestatem.

Ad primum argumentum contrariæ sententiæ respondeo, quod in illo loco, sicut & in aliis loquitur de actu & exercitio regnandi, quia nihil madauit Christus in quantum Rex temporalis, nec aliquando fuit usus tali potestate; nos verò loquimur de sola potestate quasi in actu primo, quam dicimus habuisse.

Ad secundum dicimus, quod habuit hanc regiam potestatem titulo vnionis hypostaticæ, qui titulus excellentior est illis omnibus ab argumento relatis. Ad tertium concedo antecedens, & nego consequentiam, quia licet eius potestas nullum habuerit exercitium non fuit frustrâ, quia vnio ex qua proveniebat non erat frustrâ, quia dignificabat naturam humanam, & ipsam constitutebat dignam obedientiâ, cultu, & adoratione regiâ: insuper deserviebat tamquam materia humilitatis, quæ refulcet in eo quod habens potestatem regiam non exerceret illam. Ad quartum respondetur, quod non potuit à se abdicare talem potestatem, sicut neque vnionem hypostaticam ex qua oriebat. Ad quintum dicimus, quod argumentum cõcluderet, si potestates aliorum Regum essent eiusdem ordinis cum potestate regia Christi, quia non possunt dari duo Reges in solidum aliquius regni, tamen potestas Christi fuit superioris & excellentioris ordinis: unde sicut non repugnat regia potestas hominum simul cum regia potestate Dei, cui humana subordinatur, ita neque respectu regiæ potestatis Christi, cui humanæ subordinabantur potestates, quæ non sunt vicariæ Christi potestates. Ad sextum respondetur, quod Romanus Pontifex non est vicarius Christi quoad regiam potestatem directam, sed quoad spiritualem, imò nec habet omnem potestatem spirituales, quia nequit constituere Sacramenta.

QUESTIO IV.

Verum Christus fuerit peculiariter Rex Iudæorum?

1. **I**N hac quaestione inquiri, An præter regiam potestatem communem & supremam, quam quaestione præcedenti diximus habuisse Christum super omnia regna, habuerit peculiarem potestatem temporalem Regis Iudæorum, ita ut regia potestas illius regni conveniat eius humanitati, sicut convenit super sua regna aliis Regibus. Lorca disput. 83. memb. 1. & Gaspar Hurtado disp. 19. diff. 11. referunt pro affirmata sententia Armacanum lib. 4. questionum Armenorum cap. 15. & 16. Bachonium in quarto, quaestione 1. prologi art. 2. Burgensem in 1. caput Matthæi additione 2. & probant ex illo Lucæ 1. *Dabit illi Dominus sedem David Patris sui*; Ioan. 2. *Benedictus qui venit in nomine Domini Rex Israel*; Michææ 5. *Et tu Bethleem terra Iuda, &c. ex te enim oritur Dux, qui regat populum meum Israel*; & Pilato interroganti Christum Matth. 27. *Tu es Rex Iudæorum?* Christus annuens respondit, *Tu dicis*; & Machabæorum cap. 54. quando Principes Iudæorum elegerunt Simonem Machabæum in Ducem & Principem Sacerdotum, ut perseveraret in eius familia addiderunt, donec resurgat Propheta fidelis, id est Messias; ergo, &c.
2. Secundò probatur, quia non aliâ ratione fuit Davidi promissa possessio perpetua, & successio regni Israelitici, nisi quia per filium eius Christum continuandum & confirmandum; ergo. Tertio, quia Virgo Maria erat ex progenie David, & mulier succedebat in iure hæreditario, ut patet Numero 27. & licet non descendat Virgo ex Dauide per lineam regiam, scilicet per Salomonem, sed descendebat per Nathan, ut communior tenet sententia. Præterea fuit Christus filius adoptivus Iosephi, quod sufficit ad habendum ius ad hæreditatem regni.
3. Verior tamen opinio negat Christum fuisse peculiariter Regem Iudæorum iure hæreditario, vel alio titulo. hanc tenet Waldensis lib. 2. doctrinæ fidei cap. 76. Sotus de Iustitia art. 1. Vaf-

quez disp. 87. Ragusa disp. 26. Becanus cap. 24. & communiter Theologi. Hæc sententia breviter probatur, quia regnum Iudæorum non fuit Christo debitum iure belli, ut patet, nec electione populi, quia de prima constat, imò Ioan. 6. constat Christum fugisse in montem, quando post saturationem quinque millium hominum voluerunt ipsum Regem facere, & populus ipse in passione eius Cæsarem adamavit in Regem, negans Christum, & dicens, *Nos non habemus alium Regem, nisi Cæsarem*. Insuper non fuit illi debitum titulo successione, seu iure hæreditario, quia Virgo Maria quamvis fuerit ex familia David, non tamen per Salomonem ad cuius successores solum pertinebat regnum. Præterea quamvis pertinuisse ad Virginem, non tamen ad Christum, quia ante Virginem mortuus est; & quamvis pertinuisse ad Iosephum (quod non constat, quia nec constat quoddam eius parentes fuissent immediati successores regni; & etiam si fuissent, non constat quoddam Ioseph fuerit eorum primogenitus) multò minùs pertinuisse ad Christum, quia non fuit eius filius naturalis, sed putativus; & si sufficeret quoddam esset adoptivus, id non sufficeret existentibus aliis legitimis descendentes ex Salomone, præterquam quoddam etiam prædictum regnum in domo David, & Iuda non fuerit finitum: in Iaconia, ut bene probat Lorca ubi supra, quidquid in contrarium dicat Ragusa, sed quoddam permansit in eadem domo, etiam post transmigrationem Babylonis, tamen postea electione populi fuit datum Machabæis descendentes ex Iuda per lineam semineam, & ex Levi per virilem; ergo nullo titulo regnum Iudæorum conveniebat Christo Domino.

Dices: Quamvis regnum Iudæorum non conveniat Christo prædictis titulis, conveniebat tamen ratione institutionis diuinæ, nam quando Deus dedit regnum Iudæ & Davidi, instituit ut perveniret ad Christum, in quo acciperet firmitatem & perpetuitatem. Respondetur quoddam licet prædicta successio promissa fuerit Christo, sed non fuit ut regnaret regno temporali, sed ut regnum temporale elevarer, & transferret in regnum spirituale Ecclesiæ: unde appell-

appellatur regnum David, quia ad illud successit, quod patet, ex modo quo testimonia S. Scripturæ promittunt prædictum regnum Christo, quia non solum promittunt ius regni, sed etiam vsum, & actuale gubernationem, & regnationem: *Regnabit* (inquit Ieremias) & *sapiens erit*, &c. quod non habuit Christus secundum temporalia, sed secundum spiritualia, & ita docent omnes Ecclesiæ Patres, & intelligere de regno temporali redolet iudaicum sensum.

5. Ad primum argumentum ex testimoniis S. Scripturæ respondetur ex dictis, quod loquuntur de regno spirituali Christi Domini, non de regno temporali; id autem quod additur in Machabæis, *donec resurgat Propheta fidelis*, solum continet prophetiam de eo quod duratura erat Machabæorum potestas. Ad secundum dicimus similiter, quod regnum David erat continuandum, & confirmandum in perpetuum per Christum, sed non in quantum regnum temporale, sed in quantum regnum spirituale. Ad tertium iam diximus qualiter nec sufficit quod Virgo Maria fuit ex progenie David, neque quod Christus esset filius Iosephi adoptiuus ad hoc ut habuerit ius prædicti regni temporalis.

QUESTIO V.

An homo Christus habuerit dominium rerum omnium?

1. Sicut questione 3. diximus quod est duplex potestas regia, vna infima, & communis, quam habent Reges in sua regna; alia suprema, & excellens, quam habet Deus super eadem regna, & Christus suo modo: ita in præsentem notamus quod duplex est dominium super rem aliquam, vnum commune, & humanum, quod habent homines superiores sibi proprias; aliud supremum, & excellens, quod habet Deus, quæ dominia inter se non cōtrariantur, quia vnum subordinatur alteri, ut fatetur Hurtado disp. 19. diff. 12. non verò querimus in præsentem, An Christus secundum quod homo habuerit dominium infimum & commune super omnes res mundi? quia de hoc omnes fatentur

quod non, licet verum sit, quod habuerit super aliquas res, ut statim dicemus: sed querimus, An habuerit dominium excellentiæ modo sibi proportionato? sicut diximus habuisse potestatem regiam.

Medina quæst. 59. art. 4. Vasquez 2. disp. 89. cap. 6. Hurtado ubi supra, partem negatiuam tenent. Et probant primo, quia Ioan. 22. in Extrauaganti, *inter nonnullos*, & in Extrauaganti, *quia quorundam de religiosissimis dominibus*, definit Christum interdum habuisse dominium, & proprietatem aliquarum rerum; ergo supponit non habuisse dominium omnium. Secundo, quia si habuisset dominium omnium titulo aliquo, maxime titulo vnionis, sed hoc non, quia licet ratione huius constituitur humanitas superior omnibus, & consequenter habens superioris, cui debet præstari obedientia, non tamen constituitur domina omnium rerum, quia titulus dominij non sequitur ad regiam potestatem, quia ceteri Reges ex eo quod tales non sunt domini rerum omnium suorum regnorum; ergo etiam si Christus fuerit Rex titulo supremæ potestatis ratione vnionis, non fuit dominus rerum omnium.

Suarez verò disp. 48. Cabrera q. 22. 3. art. 1. Lorca disp. 83. & Ragusa disp. 24. partem affirmatiuam docent, & meritò, non ex eo quod Christus arefaceret ficulneam alterius domini, neque ex eo quod miserit dæmones in porcos, qui præcipitauerunt se in mare, cum essent alterius hominis, hæc enim potuisset Christus, sicut & alter propheta facere, ex eo quod sibi nota erat diuina voluntas, quando operabatur hæc miracula, sed ex eo quod supremum ius super vniuersa regna, & ius supremum super vniuersas res vniuersorum sunt quædam dominia super illa; ergo sicut vnum oritur ex vi vnionis hypostaticæ, ita aliud. patet consequentia, quia nulla est disparitas, nec diuersa ratio, quare Christus ratione vnionis sit rex & dominus supremus omnium regnorum, & ratione eiusdem non sit supremus dominus rerum omnium, & nota quod non dicimus quod hoc secundum dominium sequatur ex primo, sed quod sicut primum habetur à Christo ex vi vnionis hypostaticæ, ita

ita & secundum, quia argumentum nostrum solum procedit à paritate.

4. Ad argumenta in contrarium adducta respondetur. Ad primum dicimus, quod Pontifex loquitur de dominio communi & humano, quod habuit Christus solum super aliquas res, non super omnes; non verò loquitur de dominio excellentiæ, de quo nostra procedit difficultas: quod autem Christus Dominus habuerit dominium commune super aliquas res, & hoc ut condescenderet inermis, tractat peroptime Derrnitus Thadæi in sua Nitela Franciscana cap. 6. art. 1. cum quo tamen stat, quod in exemplum perfectorum habuerit paupertatem, non solum in particulari, sed etiam in communi videatur idem Auctor.

5. Ad secundum concedo maiorem, & nego minorem, quia sicut ratione vniuersalis fuit illi debita obedientia, &c. ita ratione eiusdem vniuersalis fuerunt illi debite omnes res mundi, præcipue in nostra sententia asserenti, quod ipse fuit primus prædestinatorum, & omnia propter ipsum prædestinata & creata sunt: vnde debuit esse Dominus omnium, non ex eo quod Rex, quia ad regiam potestatem non sequitur dominium rerum cuiuscunque regni, ut probat bene argumentum, sed ex eo quod est homo vultus hypostaticè ipsi Deo, quare ut supra notauimus, nostra ratio fundamentalis procedit à paritate, quia sicut vnum debetur illud, ita & aliud.

6. In calce huius questionis solet inquiri, An Christus, sicut dicitur Rex temporalis, & Dominus omnium, ita possit dici Rex spiritualis Ecclesiæ. Et respondeo cum Hurtado disp. 9. quod sic fundamentum est, quia si propter supremam potestatem super regna dicitur Rex temporalis, & propter dominium super vniuersas mundi res dicitur supremus Dominus temporalis; ita propter supremam potestatem, quam ad condendum leges habuit in Ecclesia, iuxta illud Isaïæ 33. *Ipsè est Legifer noster*, & ad imponenda alia, quæ pro gubernatione requiruntur, debet nominari & dici Rex spiritualis Ecclesiæ.

QVÆSTIO VI.

De sacerdotio Christi Domini.

Postquam egimus de potestate regia, venit modò agendum de potestate & dignitate sacerdotali, & continentur omnes Catholici Christum fuisse verè & propriè Sacerdotem, quod expressit Paulus ad Hebræos: *Habentes ergo Pontificem magnum Iesum Christum Filium Dei*, &c. & definitur in Concilio Ephesino can. 10. & Tridentino sess. 22. can. 1. & 2. Et ratio huius est, quia ad rationem propriam Sacerdotis, sufficit ut aliquis sit publicè auctoritate constitutus ad duo munera sacerdotalia, scilicet ad orandum & sacrificandum pro populo, sed Christus non solum pro nobis orauit, ut constat ex Paulo ad Hebræos 5. vbi concludit quod pro sua reuerentia exauditus fuit, sed etiam seipsum obtulit in sacrificium cruentum in cruce, & incruentum in nocte cenæ in pane & vino, & ad utrumque munus fuit à Deo institutus Sacerdos, qui, eius humanitas fuit delibuta virgulto sacerdotali Diuinitatis, ut docet Cyrillus lib. posteriori de recta in Deum fide cap. de eo quod Christus; Nazianz. orat. 4. & plures alij Patres, qui possunt videri apud Recentiores; ergo fuit verè & propriè Sacerdos.

Sequitur obiciens primò. Nam de ratione Sacerdotis est quod sit quid distinctum ab ipso sacrificio, nam sacrificans & sacrificatum non possunt esse idem, sed Christus fuit sacrificium pro nobis oblatum; ergo, &c. Respondetur rectè Christum esse Sacerdotem & sacrificium, quia nō est de ratione Sacerdotis, quod physicè occidat sacrificium, sed sufficit quod moraliter, & hoc Christus fecit se voluntariè offerendo morti in cultum & reuerentiam Dei tamquam auctoris vitæ & mortis; vnde Ioan. 17. dixit Christus, *Et pro eis ego sanctifico meipsum*, id est sacrificio me; vnde Nazianzenus orat. 30. dicit Christum dici quem, quia fuit victima, & Pontificem, quia fuit oblator, & Ambr. 1. Comment. in Lucam ait, *Idem vitulus est, & Sacerdos*. Idem argumentum posset fieri de eo quod Christus secundum quod homo non posset esse templum & altare: sed eadem est

solutio, nam sufficit moralis distinctio: unde est templum, quia in ipso exoratur, & laudatur Deus, & in ipso offertur sacrificium, licet hæc fiant ab ipso, & est altare propter eandem rationem, & quia aspersum est sanguine, sicut aspergebantur altaria in lege veteri, quando consecrabantur. quodd fuerit templum dicit Hieronym. In Michæam cap. 1. Fulgent. lib. 1. de Fide ad Petrum cap. 2. quodd fuerit altare docet Epiphanius heresi 55. & Cyrillus Alexandr. lib. 9. de Adoratione, & licet ad hoc sacrificium melius approprietur quodd crux fuerit altare, quia Concilium Trident. sess. 22. cap. 1. ipsam vocauit aram, & quodd templum fuerit vniuersus mundus, quia Christus passus est in monte extra portam ciuitatis. ita Lorca disp. 82. num. 5.

3. Obiicies secundò ex hoc sequi etiam Martyres fuisse functos officio Sacerdotis in suo martyrio, quia martyrium potuit esse verum sacrificium, nam potuit esse actio deputata in cultum & honorem solius Dei tamquam auctoris vitæ & mortis, & Martyres se voluntariè obtulerunt. Respondetur ex duplici capite deficere martyrium à ratione veri & proprii sacrificij, primò quia occisio Martyris non est mactatio victimæ facta ex virtute religionis, scilicet in cultum & honorem Dei tamquam auctoris vitæ & mortis, sed facta ex virtute fortitudinis, vel ex virtute charitatis, ne quid contra fidem, vel contra legem Dei committat Martyr. Secundò, quia licet ex virtute religionis & propter suum motiuium faceret, desideret tamen, quia non fit ab homine deputatò publicà auctoritate ad offerendum sacrificium, seu ab homine habente munus sacerdotale, quare licet aliquandò Martyres fuerint Sacerdotes, sed non in ordine ad sacrificandum seipsos, sed in ordine ad sacrificium Christi offerendum incuruentum.

PARS PRIMA.

An sacerdotium Christi profuerit etiam ipsi Christo?

4. **A**liqua sunt disputanda circa sacerdotium Christi, vt exactè explicetur. Et idè primò inquirimus, An

Christus sicut participauit fructum sui meriti, ita participauit fructum sui sacrificij, & non procedit difficultas de participatione fructus orationis, quæ est ministerium, seu munus minus perfectum ex duobus quæ sunt in Sacerdote, nam hoc certum est, quia pro se brauit vt glorificaretur à Patre Ioan. 12. & consecutus statim fuit, sicut postulat: sed procedit difficultas de participatione sacrificij; quod est munus magis præcipuum:

Prima sententia negat quam tenet Vasquez dispnt. 84. cap. 2. tribuitur D. Thomæ quæst. 22. art. 4. in corpore; & ad 2: & probatur primò ex Concilio Ephesino tom. 1: cap. 14. vbi asseritur quodd Christus non obtulit pro se sacrificium; quia peccato caruit. 2. quia duplex est tantum sacrificium, vnum expiatorium, scilicet ad emundandum à peccatis; aliud gratificatorium, scilicet in gratiarum actionem: sed Christus non potuit pro se offerre sacrificium expiatorium, quia nullum habuit peccatum, neque potuit offerre in gratiarum actionem, quia Christus non subiit mortem, vt Deo gratias ageret, sed vt nos redimeret; ergo licet oblatio sui ad mortem sibi profuerit in ratione meriti, non tamen in ratione sacrificij.

Secunda sententia affirmat quam veram existimo, & tenet Suarez, Cabrera, Ragusa super quæstionem 12. S. Thomas art. 4. quos sequitur Lorca vbi supra num. 8. & Hurtado disp. 19. diff. 8. Fundamentum est, quia sacrificium potest offerri in gratiarum actionem, & ad obtinendum noua beneficia: vnde posset fieri in statu innocentie; ergo absque fundamento negatur Christus etiam eo fine se obtulisse in sacrificium, neque enim denegandum est Christo id quod laudaret, & fieret laudabile in quolibet alio homine.

Confirmatur & declaratur, quia sicut per sacrificium expiatorium representatur, quodd nos deberemus occidi propter nostra peccata in Deum commissa, sicut occiditur illa victima, ita per sacrificium gratificatorium representatur Deum esse Dominum omnium quæ ab illo accipimus, in cuius significationis honorem prædicta victima destruitur: sed

sed licet Christus non potuerit se offerre in sacrificium expiatorium, quia nulum habuit peccatum, potuit tamen se offerre in obsequium diuini dominij, quia omnia, quæ habebat, & etiam ipsa vita erant Dei; ergo dicendum est, quod sic fecit, siquidem cedebat in maiorem honorem, & cultum diuinum.

8. Ad argumenta in cōtrarium dicimus. Ad primū, quod Concilium loquitur de sacrificio expiatorio, ut patet. Ad 2. nego, quod non potuerit sibi proficere, & pro se offerre ut sacrificium gratificatorium, quia licet verum sit quod Christus subierit mortem primò & principaliter ut nos redimeret, tamen secundariò & tamquam propter finem impulsium etiam subiit mortem in protestationem quod Deus est Dominus omnium quæ habebat, & præcipuè suæ vitæ, pro quibus omnibus agebat gratias, & similiter ut impetraret à Deo noua beneficia ratione prædicti sacrificij, scilicet gloriam sui corporis, exaltationem sui nominis, &c. & licet eadem impetrauerit per eandem oblationem, in quantum actionem meritoriam, quia ut sæpe notauimus in hac materia nihil obtinuit Christus, quod non obtinuerit in genere causæ meritoriae.

9. Sed licet verum sit quod sacrificium Christi profecerit ipsi Christo, tamen debetis notare non esse simpliciter & absolute proferendum Christum scipsum pro se sacrificasse, tum quia sacrificium absolute prolatum supponit pro sacrificio propitiatorio seu expiatorio, tum quia ut diximus non fuit sacrificium pro se tamquam propter rationem motiuam, sed tamquam propter accessoriam seu impulsuam.

PARS SECVNDA.

Quæ ratione Christus sit Sacerdos in æternum?

10. Sypponimus Christum Dominum esse Sacerdotem in æternum secundum ordinem Melchisedech, iuxta illud psal. 109. *Tu es Sacerdos in æternum secundum ordinem Melchisedech.* quod Paulus in Epist. ad Hebr. præcipuè cap. 7. intelligit & explicat de Christo. Difficultas ergo est inter Auctores, An talis perpetuitas, seu æternitas sumatur

Castillo de Incarn. Pars I.

pro tota æternitate Dei? An pro duratione vsque in finem mundi? qua ratione illud, quod diu perseuerat secundum phrasim S. Scripturæ, dici solet æternum.

Valentiā disp. 1. puncto 4. & Ragusa 11. disp. 22. docet sacerdotium Christi dici æternum, quia duraturum est vsque ad finem mundi. Fundamentum est, quia sacerdotium sumitur in ordine ad sacrificium, iuxta illud Pauli, *Omnis enim Pontifex ad offerendum munera & hostias constituitur.* vnde & necesse est hunc habere aliquid, quod offerat. sed sacrificium Christi incruentum solum durabit vsque ad finem mundi, & ratione huius sacrificij incruenti Christus dicitur Sacerdos in æternum, iuxta expositionem Concilij Trident. sess. 22. cap. 1. vbi hæc verba habet, *Sacerdotem secundum ordinem Melchisedech esse in æternum, declarans corpus & sanguinem suum sub speciebus panis & vini Deo Patri oblati, & successoribus, ut offerrent, præcepit;* ergo Christus non dicitur Sacerdos in æternum sumptâ æternitate pro æternitate Dei, sed sumptâ pro duratione vsque ad finem mundi.

Medina verò, Suarez q. 22. art. 5. 12. Vasquez disp. 85. & Hurtado diff. 3. docent æternitatem sumi pro æternitate Dei. Probant primò ex Paulo ad Hebr. 7. vbi dicit de Christo, *Hic autem eo quod maneat in æternum, sempiternum habet sacerdotium,* sed Christus manet in æternum æternitate sumptâ pro æternitate Dei. Secundò, quia sacerdotium noui est nudum mysterium actus sacrificandi, sed est potestas & licentia ad orandum & sacrificandum pro populo, ut docet Tridentinum sess. 23. can. 1. sed hanc habuit Christus ratione vnionis hypostaticæ; ergo cum hæc duret non solum vsque ad finem mundi, sed per totâ æternitatem Dei, sacerdotium Christi ratione illius dicitur æternum.

Sed in hac re dicendum existimo, quod si sacerdotium Christi sumatur in ordine ad actum sacrificandi, dicitur æternum æternitate sumptâ pro duratione vsque ad finem mundi: si verò sumatur pro dignitate sacerdotali, dicitur æternum æternitate sumptâ pro æternitate Dei; & sic dico quod utroque modo possit dici; & dicatur æternum, hanc existimo esse mentem P. Loræ disp. 82. n. 1. Et fundamentum est,

X x 2

quia

quia Sacerdos dicitur, & ab actu sacrificandi, & à dignitate sacerdotali; ergo & poterit dici Sacerdos in æternum in ordine ad actum sacrificandi, & in ordine ad dignitatem sacerdotalem, sed si sumatur in ordine ad actum non potest dici in æternum æternitate sumptà pro æternitate Dei, sed pro duratione vsque in finem mundi; & si sumatur in ordine ad dignitatem, potest dici etiam in ordine ad æternitatem Dei; ergo, &c. Per hoc patet ad fundamenta vtriusq; sententiæ, quia prima probat de sacerdotio in ordine ad actum sacrificandi, & de illo in hoc sensu loquuntur verba Pauli & Concilij: secunda verò probat de sacerdotio in ordine ad dignitatem personæ, de qua loquuntur tam Paulus, quàm Concilium.

PARS TERTIA.

Quare Christus dicatur Sacerdos secundum ordinem Melchisedech?

14. **C**onueniunt omnes, & etiam hæretici, quod sacerdotium Christi non dicatur secundum ordinem Melchisedech, quia fuit sacerdos eodem ritu, seu institutione, vel ab eo consecratus & ordinatus, sed quia fuit expressior figura sacerdotum Melchisedech sacerdotij Christi, quàm sacerdotium Leuiticum: hæc autem consistit in quatuor similitudinibus, quarum tres adducit & probat D. Paulus ad Hebr. 7. quartam verò adducit Tridentinum sess. 22. supra citatâ.

15. Prima similitudo est, quod sicut Melchisedech fuit maior & dignior quàm Leui à quo Sacerdotes Leuitici originem ducebant, quod patet, quia ipsum benedixit, quando in lumbis Abrahami continebatur, & minor benedicitur à maiori: ita Christus fuit sacerdos maior, quàm Sacerdos Leuiticus. Secunda, quia Melchisedech vnam tantum oblationem legitur obtulisse, Leuitici verò plures, ita Christus vnam tantum oblationem cruentam obtulit in patibulo crucis, à qua differunt sacrificia Missæ, quia solum sunt incruentæ repræsentationes illius, vt latè in Tractatu de Sacrificio Missæ. Tertia, nam sicut Melchisedech fuit Rex saltem, id est Rex pacis, & Melchisedech

idem significat quod Rex iustitiæ, & inducitur in S. Scriptura sine patre, & sine matre, & sine genealogia, nec refertur principium aut finis vitæ illius, ita Christus dicitur Rex pacis & iustitiæ Isaiæ 9. & ratione naturæ diuinæ non habet principium & finem, nec habet matrem & genealogiam, nec ratione naturæ humanæ habet patrem. Quarta similitudo est in re oblata, quia obtulit panem & vinum Genesis 14. Leuitici autem hoc simul numquam obtulerunt, vtrumque autem simul obtulit Christus in nocte coenæ.

Sed contra hanc vltimam similitudinem duo obiciunt hæretici, primum quia in prædicto loco Genesis non dicitur quod obtulit panem & vinum, sed quod protulit; proferre autem non est idem, quod offerre: secundum, quia Paulus cum accuratè ostenderet in quo figuraretur Christus in Melchisedech, non fecit mentionem huius similitudinis. Respondetur ad primum quod ex verbis sussequentibus colligitur, quod *ly protulit* sumitur pro *obtulit*; sic enim habet textus: *Melchisedech proferens panem & vinum* (erat enim Sacerdos Dei altissimi) *benedixit eum*: ecce reddit causam quare protulerit panem & vinum, quia erat Sacerdos Dei altissimi: vnde non solum Patres Ecclesiæ, sed etiam plures Rabini, quos refert Vasquez disp. 86. & Ragusa disp. 23: legunt *obtulit*, & sic cānt Ecclesia in festo corporis Christi, & docet Tridentinum vbi supra.

Ad secundum respondetur dupliciter: Tunc Paulus solum intendebat ostendere, quod sacerdotium Christi excederet sacerdotium Leuiticum, in oblatione autem panis & vini sicut Melchisedech, aut in oblatione animalium sicut Leuitici, non erat excessus. 2. quod sacrificium, quod à Christo fuit factum in pane & vino, non erat distinctum à sacrificio cruento crucis, & sic non retulit Paulus, quia iam implicite retulerat in secunda similitudine in qua figurauit, in eo quod tantum obtulerat vnum sacrificium. Ex quibus patet, quod licet sacerdotium assimiletur Leuitico, sed quod multò magis assimiletur sacerdotio Melchisedech, & hac ratione dicatur, *Tu es Sacerdos in æternum secundum ordinem Melchisedech*.

DISPV.

DISPUTATIO XVII.

DE

FILIA T I O N E,

PRÆDESTINATIONE,

ET SVBIECTIONE CHRISTI.

DE his attributis Christi dicendum, quæ relationem dicunt ad Deum, se offert in præsentī Disputatione, de qua non est parua difficultas, cui annexa est alia, de modo quo Christus orauerit ad Deum, de quibus disputat Scotus dist. 7. & dist. 10.

QVÆSTIO PRIMA.

Utrum Christus in quantum homo formaliter fuerit filius Dei adoptiuus, an tantum naturalis?

1. **N**OTANTER dixi in titulo quæstionis, *An tantum naturalis*, quia quoddam fuerit naturalis ad minus materialiter ratione suppositi diuini, quod homo in concreto sumptus concernit est de fide, ut patet ex Symbolo Apostolorum, *Et in Iesum Christum filium eius unicum Dominum nostrum, qui conceptus est de Spiritu sancto, natus ex Maria Virgine, &c.* & ex Symbolo Athanasij, *Est ergo fides testis ut credamus & confiteamur, quia Dominus noster Iesus Christus Dei filius, Deus & homo est;* & Ioannis 1. *Verbum caro factum est, & habitauit in nobis, & vidimus gloriam eius, gloriam quasi Vnigeniti à Patre;* & Pauli ad Hebræos 1. *Nonisimè diebus istis locutus est nobis in Filio, quem constituit heredem vniuersorum, per quem fecit & secula;* & passim hæc veritas reperitur in sacra Scriptura.

2. Notanter similiter dixi, *in quantum homo*, propterea quoddam homo capax est filiationis Dei adoptiuæ, cuius adoptionis sæpè meminit sacer Textus ad Roman. 8. *Acceperitis Spiritum adoptionis, in quo clamamus, Abba (Pater);* & infra, *quod sumus filij Dei: si autem filij & heredes, quod Galatas 4. Ut adoptionem filiorum reciperemus, quoniam autem estis filij. Ad*

Ephes. 1. *In adoptionem filiorum per Iesum Christum in ipsum.* Ad Roman. 8. *Qui sunt Israelita, quorum est adoptio filiorum:* hæc autem 1. Petri 2. dicitur *regeneratio;* ab Augustino sermone Domini in monte, *gratia spiritalis;* & tandem definitionem accepit à Concilio Trident. sess. 6. de iustificatione, ubi ait, *Iustis proponendam esse vitam æternam, & tamquam hereditatem filijs & tamquam mercedem bonè operantibus;* quærit ergo quæstio præsens, An hæc adoptio conueniat etiam Christo, ut homini.

Pro qua nota primò, quoddam adoptio, 3. si prout ad præsens attinet, definiatur, nihil est aliud, quàm *gratuita assumptio alicuius persone extraneæ ad hereditatem*, quidquid sit, An hoc eueniat personæ ratione personalitatis, vel ratione naturæ, vel ratione vtriusque: hac ratione Mardocheus adoptauit in filiam Esther, quæ non erat filia sua, sed fratris; & filia Pharaonis Moysem adoptauit in filium alienum ab ea, & generatione, & sanguinis affinitione, ut inquit Liber Sacerosyllabus inferius sæpè referendus eolum. 4. folio mihi 146.

Quare nota secundò, quod adoptio 4. requirit tres cōditiones. primam, quoddam persona, quæ adoptatur, sit extranea, hoc est, non habeat ex natura sua ius ad hereditatem ad quam adoptatur, ut si adoptetur ad ius filij non sit filius, & si ad ius nepotis quoddam non sit nepos, &c. 2. quoddam talis adoptio sit gratuita, id est, quoddam adoptans non necessitetur aliquo, vel adstringatur aliquâ lege ad adoptandum.

X x 3

tandum. 3. quodd in adoptione interueniat mutui consensus adoptantis & adoptati, si adoptatus est adultus, & tutoris si sit pupillus. ita cauetur lege in adoptionibus, & lege infans, ff. de adoptionibus.

5. Denique nota tertio, quodd alie conditiones reperiuntur in adoptione humana, quæ quia accidentales sunt, & imperfectionem dicunt, repelluntur ab adoptione diuina. Prima est, quodd adoptatus non accipiat esse naturale ab adoptante, sed hæc conditio per accidens se habet ad adoptionem, tum quia extraneitas requisita in adoptato solum est respectu iuris ad hæreditatem, tum quia nepos potest adoptari in filium, etiam si saltem mediata accipiat esse ab adoptante atq; tum denique quia tantum requirit, quodd non accipiat esse ex vi generationis.

6. Secunda conditio est, quodd adoptio fiat in solatium adoptantis, quia scilicet orbatus est filiis, vel impotens ad illos habendos: sed etiam hæc conditio est per accidens, quia etiam potens habere, imò & habens filios potest adoptare: vnde quotidie pueri expositi adoptantur ab habentibus filios naturales.

7. Tertia, quodd adoptatus non succedat in hæreditatem, nisi post mortem adoptantis: sed conditio ista vel est falsa, quia etiam in vita adoptantis, ex cuius voluntate possunt filij adoptiui constitui veri domini bonorum ipsius, & sæpè cum tali dominio & possessione in matrimonium traduntur; vel si vera sit, proueniret ex imperfectione hæreditatis humanæ, quæ nequit à duobus æquè possideri, nisi velis dicere, quodd adoptans, scilicet Deus decedit in esse obiecti fidei adoptati, vt exponit Augustinus lib. 83. quæstionum quæst. 67. vel quodd Christus per mortem decedens dereliquit nobis pacem suæ charitatis & gratiæ, iuxta illud, *Pacem relinquo vobis, pacem meam do vobis*, vt ibidem docuit Augustinus.

8. Quarta est, quodd adoptio nihil ponat intrinsecum, sed solam denominationem adoptionis: sed hæc conditio similiter dicit imperfectionem, quia si adoptio ponat aliquid reale inhærens, vt adoptio Dei, quæ ponit gratiam habitalem, erit multò magis perfecta: præterquam quodd si adoptio Dei formaliter

simè vsurpetur, etiam ponit denominationem extrinsecam, nam licet simul cum ea ponat gratiam habitalem, cui gratuita Dei electio ad beatitudinem est annexa de facto, tamen gratia talis exclusa præfata Dei gratuita electione non constituit formaliter, sed tantum quasi fundamentaliter Filium Dei adoptiui.

Ex his debetis deducere, quodd omnes iusti, qui accepti sunt ad gloriam, siue homines sint, siue Angeli non solum dicuntur, sed verè sunt filij Dei adoptiui, iuxta illud Epistolæ 1. Ioan. cap. 3. *Videte qualem charitatem dedit nobis Pater, vt filij Dei nominemur, & simus.* quare quod Alex. 3. p. q. 10. memb. 6. dixit de hominibus iustis veteris Testamenti, quodd scilicet non essent filij Dei adoptiui, venit exponendum cum Augustino sup. ad Roman. 8. videlicet ex vi legis, quæ ratione pertinebant ad vetus Testamentum; tamen ex auxilio gratiæ, ratione cuius pertinebant ad Testamentum nouum, iustificabantur, constituebanturque filij adoptiui, qui omnes sic debent appellari, dum sunt in statu gratiæ, siue prædestinati, siue reprobi sint. quiddquid Almainus in 3. d. 10. dicat in contrarium.

PARS PRIMA.

Refertur sententia negans cum suis fundamentis.

Prima igitur in hac quæstione sententia negat quodd Christus secundum quod homo fuerit filius Dei adoptiui. ita D. Thomas 3. p. q. 23. art. 4. ibi Suarez disp. 49. Valquez disp. 89. Gaspar Hurtado tom. de Incarnat. disp. 17. diff. 3. Petrus Hurtado ibidem disp. 83. Lorca disp. 84. & communiter Thomistæ, docent Magist. Sentent. in 3. d. 10. D. Bonauent. art. 2. q. 1. Palud. d. 4. q. 3. Gabriel & Almain. q. vnicà, Ricard. art. 2. q. 1. eam Scotus noster defendere videtur quæstione vnicà, probabilemque sententiam censuit in reportatis in 3. d. 10. q. vnicà; tenet Pyrigianus quæst. 1. art. 3. Philip. Faber disp. 23.

Hæc sententia probatur primò ex eo quodd definita expressè sit contra Felicem Episcopum Vrgelitanum, & Elipandum

bandum Archiepiscopum Toletanum in Epistola ad Episcopos Hispaniæ edita ab Adriano Papa à Concilio Francfordiensi in Libro Sacrosyllabo compacto à D. Paulino lecto in eodem Concilio, ab ipsoque approbato, & denique in Epistola Imperatoris Caroli Magni scripta ad ipsum Elipandum, quæ omnia coniuncta extant 3. tom. Conciliorum p. 2. vnde ab Epistola Adriani incipiens hæc habet verba non longè à principio, *Nomen paternum tunc manifestavit hominibus, cum se Patris Filium verum, & non putativum; proprium innotuit, & non adoptivum. & intra, Ascendo ad Patrem meum, & Patrem vestrum, distinctè enim dixit meum, & vestrum eius videlicet, non per gratiam, sed per naturam, nosse verè per gratiam adoptionis; loquebatur autem Pontifex de Christo ut homine, quia de Christo, ut tali dicebant Felix, & Elipandus, quod erat filius adoptivus, ut patet ex illis verbis ipsius Adriani habitis columnà 4. Quam adoptionem pravisimo sensu, qui scripsit Epistolam (scilicet Elipandus) ad Christi voluit transferri humanitatem.*

12. Deinde probatur ex Libro Sacrosyllabo columnà 2. fol. 145. hæc habet verba: *Afferunt igitur (scilicet Felix, & Elipandus) sed falsis assertionibus irretiti, Dominum nostrum Iesum Christum adoptionis Dei filium, de Virgine natum; quod divinis nequeunt approbare documentis: hæc igitur dicentes, aut in vtero Virginis cum suscipiantur adoptivum; quod dici hesus est, quia de Virgine inenarrabiliter submisit, non adoptavit carnem, aut certè parum eum hominem, sine Deo natum, quod cogitare impium est; necesse est fateantur: ac per hoc postea quasi egerit adoptione à patre in filium sit adoptatus; cum nihil Deus egerit, qui erat in eo non per gratiam, quemadmodum in ceteris sanctis purisq. hominibus, sed essentialiter per naturam. Deus, inquit Apostolus, erat in Christo, mundum reconcilians sibi. Et columnà 4. folio 146. hæc habet: *Hoc idè posuimus ut patenter daretur intelligi, cum dici adoptivum, qui nondum prius fuerat proprius filius adoptans: vnde in Dei Filium non cadit nomen adoptionis, quia semper verus filius, semperq. Dominus, ac per hoc, & post assumptum hominem veri filij vocabulum non amisit, qui nunquam verus desit esse filius, sed Christus secundum quod homo priusquam haberet**

gratiam habitalem ratione cuius adoptaretur in filium, erat proprius filius; ergo in eum non cadit nomen adoptionis.

Deinde accedat Concilium Francfordiense, folio enim 150. dicit hæc testimonia, *Idè posuimus ut cognoscatis Deum, & Dominum nostrum Iesum Christum in utraque naturæ esse & unigenitum, & primogenitum, non adoptivum, sed magnum Deum. ecce qualiter negat quod in aliqua Christi natura sit filius Dei adoptivus, & fol. 153. dicit: Adoptivum siquidem non habet aliam significationem, nisi ut Iesus Christus non sit proprius filius Dei, nec ex Virgine ei in filium genitus, sed nescio ex quo sermo adoptatus in felicitatem, ut vos dicitis; & vers. hinc igitur, ait: Vnitas personæ, quæ est in Dei Filio, & Filio Virginis adoptionis tollit iniuriam; si ergo Deus verus est, qui de Virgine natus est, quomodo tunc potest adoptivus esse, vel servus? Deum enim nequaquam audetis confiteri servum, vel adoptivum. ecce qualiter vnitas personæ reperta in Christo destruit filiationem adoptivam etiam in natura humana. Præterea paulò antè dicit Concilium de adoptione: *Vbi hoc nomen didicisti ostende. Patriarcha nescierunt, Propheta non dixerunt, Apostoli non prædicaverunt, sancti tractatores hoc nomen tacerunt, Doctores fidei nostra non docuerunt, fortè in tertium calum raptus fuisti? ergo Concilium excludit à Christo Dominio etiam ut homine adoptionem filij etiam ut inauditam nomine. quæ habet Epistola Imperatoris in eius confessione æquivalent dictis.**

14. Ex his ergo omnibus confecta manet prima probatio, quia tam Adrianus Papa, quàm Liber Sacrosyllabus, quàm Concilium Francfordiense duo definiunt; & quod Christus non solum secundum quod Deus, sed etiam secundum quod homo sit filius naturalis Dei, & similiter quod non sit filius eius adoptivus: imò hoc probant ex vnitate personæ à Nestorio negata, ex qua inferunt negationem adoptionis, & ex affirmatione adoptionis colligunt contra Elipandum errorem Nestorij, scilicet dualitatem personarum; ergo adoptio explosa est in omnibus his verbis relatis tamquam hostis vnitatis personæ, & tamquam comes individui Nestorianismi. Et confirmatur, quia si Pon-

Pontifex & Concilium excluderent dualitatem personarum, quæ inveniuntur in filio adoptiuo, & naturali ex viuitate personæ, esset ridicula illatio, quia non esset alia, quàm hæc, *est vna persona, ergo non sunt dua*; ergo si aliquam non ridiculam consequentiam inferunt, ex eo euenit, quia filiatio adoptina, & filiatio naturalis arguunt dualitatem personarum, & sic contra dictum Elipandi Christus est adoptiuus, & seruus, ait Concilium Christus est Deus, & vna persona; ergo non est adoptiuus, quia vt sic esset duplex.

15. Secundò probatur hæc sententia, quia qui adoptatur in filium, debet esse extraneus, & non naturā, sed solo affectu coniunctus adoptanti: sed Christus secundum quod homo non erat extraneus, & solo affectu coniunctus adoptanti, sed potius erat coniunctus cum natura diuina ratione suppositi Verbi terminantis ipsam humanam naturam, & hoc ab instanti suæ conceptionis, ita vt nullum dicitur instans temporis in quo non fuerit sic coniuncta; ergo Christus secundum quod homo non fuit filius Dei adoptiuus. Maior huius argumenti propositio expressa est in Concilio Francfordiensi *vers. item sanctus*, vbi habet hæc verba, *Quid est adoptio, nisi charitatis copulatio, qua Pater adoptione sibi copulat Filium, quem proprium non habet*? Minor propter dicta est de fide.

16. Tertiò probatur, quia Christus etiam secundum quod homo est filius Dei naturalis; ergo non est adoptiuus. Antecedens probatur à diuersis diuerso modo, vt patebit infra, dum specialiter agamus in hac quæstione de hac diff. nam ratione vnionis hypostaticæ terminatur à persona Filij ratione cuius vel formaliter dicitur Filius ab illa, vel est aliquid cum quo Christus non solum secundum diuinitatem, sed etiam secundum humanitatem specialiter & naturaliter refertur ad Patrem, siue hæc sit essentialis vt tota Trinitas, siue notionalis vt prima persona. consequens autem patet, ex eo quod filius naturalis est filius intraneus respectu Patris, filius verò adoptiuus non est intraneus, sed extraneus; ergo eo ipso quod Christus secundum quod homo sit filius Dei naturalis, nequit esse filius eius adoptiuus.

Hanc sententiam ita veram existimant Auctores aliqui, vt oppositam novent censurā: vnde iecerunt Gabriel & Almainus censentes non posse dici securè Christum esse filium Dei adoptiuum, nec absolutè, nec vt hominem. Gaspar Hurtado de ea ait, quod sit notā digna. Petrus Hurtado vbi supra §. 29. sub sect. 4. eam notauit errore; & sub sect. 1. §. 23. ait, quod prædicta sententia, verbis, & ratione est ipsissimus error Felicis. Et denique ipse Vasquez cap. 6. inquit vt hæresim damnatam esse contra Felicem, & Elipandum in Conciliis Ratisponensi, & Francfordiensi, & sic damnat Scotum, Durandum, & alios Auctores eam defendentes. Sed non miramur, quod qui semel & iterum Sanctos inuoluit Ecclesiæ Patres cum hæreticis, idipsum faciat cum Scholasticis. quare vt benè vidit Hugo Cauellus in Scholiis ad 3. lib. Sentent. d. 10. q. vnicā. Vasquez non didicit à Paulo illud: *Modestia vestra nota sit omnibus hominibus. unde arbor mala, &c.*

PARS SECVNDA.

Explanatur error Felicis & Elipandi, & quid contra ipsos fuerit definitum?

ITa ignobilem quamlibet doctrinam reddit minima in fide nota, & ita aduersa licet exigua censura sententiam quamlibet denigrat, vt nihil sit quod magis coram insipientibus eam deturpet vt fugiant, & coram sapientibus Catholicis vsquedum benè calcant retardet vt teneant; ideo nihil est quod magis pungat animum Auctoris Catholici, quàm sanam videre iniuri doctrinam; quid si moribus dilaceretur caninis?

Idèò antequam progressum faciamus ad ostendendam sententiam affirmantem, oportet prius in hac Parte specialiter ostendere errorem Elipandi & Felicis, & quid fuerit contra ipsos definitum, vt doctrinæ Scoticæ veritas patet, & in fide nota non minima, sed vt videmus maxima pro merito damnetur exilio, & quia totum hoc ex Epistola Adriani Papæ ex Libro Sacrosyllabo, & ex Concilio Francfordiensi

fatis

latis superq; colligitur ipsis etiã Aduersariis concedentibus ab ipsis per cõclusiones petẽda venit explanatio prædicta.

20. Sed in primis veniet non contemnenda disceptatio. circa auctoritatem Concilij Fræcfordiensis, & consequenter Epistolæ Adriani Libri Sacrosyllabi, & Epistolæ Imperatoris, quod Concilium non multis abhinc annis euulgauit Surius, in quem aliqui Scholastici fuerunt inuecti, tum propterea quodd illud ediderit leui fundamento, cum tot sæculis delituerit, ita vt à Scholasticis illustribus fuerit ignotum, tum propter stylum, redolet enim elegantiam fucatam, tum & præcipue quia sanctos Eugenium, Ildephonsum & Iulianum Archiepiscopos Toletanos quos pro se Elipandus citauerat notat hæresi, & tamquam cæcos cæcorum duces, dicit enim ex talibus parentibus tales filios exortos, & tandem concludit eos ignotos fuisse ab Ecclesia vniuersali, cum tamen sint ab ea in Sanctorum numerum relati, & maxime ipsi plausibilibs. vide Concilium folio 149. omitto an verum sit, quod hæretici recentiores præclamant, scilicet quodd in hoc Concilio desinitum fuerit contra adorationem imaginum definitam in secunda Synodo Nicæna, quorum sententiæ assentiunt Baronius in Notis Concilij Nicæni, & Bellarminus lib. 2. de Imaginibus cap. 14. vt refert Surius in Notis super hoc Concilium 1. Nicenam Synodum fol. 160. quia hoc peius omnibus dictis esset, quia tamen de pignoribus nois est tristis, qui fidelis stat promissis (vt commune apud Hispanicos dicitur proloquium) his non inhæreamus, sed admittimus ipsilum tamquam verum & legitimum congregatum Concilium Prouinciale, hæreamusq; Recentiorum auctoritati, imò potius ex ipso intendimus cõtra Aduersarios ostendere veritatem.

21. Dico igitur primò: Felix & Elipandus duas in Christo adstruunt personas, seu duo supposita, iuxta duas naturas, humanam scilicet & diuinam, quas habuit. hanc cõclusionem tenent Suarez disp. 49. sect. 3. Valentia q. 20. puncto vnicò, Raguzà disp. 30. §. secundò, Lorca disp. 84. mensib. 2. ita docuerunt Cæsar Baronius tom. 9. anno Christi 783. n. 5. & 6. item anno 794.

Castillo de Incarn. Pars I.

n. 5. Mariana lib. 7. de rebus Hispaniæ c. 8. D. Antoninus 2. p. Historiæ tit. 14. c. 1. f. 6. Naclerus generat. 27. Feuardetius in addit. ad Calstro cõtra hæreses Verbo Christum, Sandorus 7. de visibili monarchia anno 772. Paulus Emil. lib. 2. prope finem, Laurent. Surius in Annotationibus super hoc Concilium, Hugo Cauellus in Scholiis super 3. Sentent. dist. 10. q. vnicà, & plures alij, quos infra pro sententia Scoti referemus.

Conclusio ita probatur primò ex variis testimoniis tum Epistolæ Adriani, tum Libri Sacrosyllabi, tum Concilij Francfordiensis. Ex Epistola Adriani accipe verba, quæ habet fol. 142. col. 4. eloquentissimus vir S. Gregorius Nazianzenus ad Clidonium ita scribit: *Si quis introducit duos filios, vnum quidem qui ex Deo & Patre, secundum verò qui ex matre, & non eundem vt adoptionis excedat gratiam, quæ promissa est his qui rectè credunt; alienum eum à nostro consortio iudicamus, natura verò duo, Deus & homo, filij verò non duo, &c.* quibus verbis refutat Pontifex errorem Felicis & Elipandij, ergo quia ipsi duos filios admittebant alium naturalem, & adoptiuum alium. Expressius hoc habetur in Sacrosyllabo, pagina enim 146. in fine 2. columnæ sic ait: *Dei ergo Filius, quæ ratione credi potest adoptiuus, qui inseparabiliter assumpto homine, in vna persona coeunte utraque natura, non duo filij, alius Dei, & alius hominis (sicut illi errando existimant) adoptiuus sit hominis Filius, & sine adoptione Dei Filius, sed in vna persona vnus idemq; Dei & hominis Filius.*

Non minùs clarè habetur in Concilio folio 150. *Quod autem dictum in Epistola fidei vestra (loquitur cum Elipando) ex Patre vniogenitum sine adoptione, primogenitum verò in fine temporis verum hominem assumendo de Virgini carne adoptione, vniogenitum in natura, primogenitum in adoptione & gratia, scimus enim Deum Dei Filium ex utraque natura & vniogenitum esse & primogenitum, vniogenitum quia solus sine initio ex Deo Patre genitus, & solus ex initio temporis ex matre Virgine genitus: ideoq; in utraque natura vniogenitus, etiam & primogenitus, quia omnium vniogenitus primogenitus est, licet secundum humanam generationem non omnium primogenitus sit vniogenitus.* Ecce quæ

Y y

hæc

liter hæretici præfati distinguebant in Christo inter vnigenitum & primogenitum, quam distinctionem impugnat Concilium; ergo distinguebant supposita.

24. Sed quid immoror? accipe vndeque expressum testimonium, folio enim 152. ex Paschasio hæc refert Concilium verba: *Itaq; in Deo & homine gemina substantia, sed non gemina persona est, quia persona personam consumere potest, substantia vero substantiam non potest, siquidem persona res iuris est: substantia res natura, &c.* vnde contra Elipandum sic ex dictis à Paschasio concludit Concilium, da vnâ in Redemptoris Dei hominisque personam. quid clarius?

25. Secundo probatur eadem conclusio testimonio fidei dignissimo Auctoris illius temporis, quo viguit hæresis Elipandi, scilicet Alcuini, qui tunc magister fuit Imperatoris Caroli Magni; lib. enim 3. de Trinit. cap. 9. sic ait: *Ideo cum Patre & Spiritu sancto vnus est Deus, non nuncupatus, sed Hispanica hæresis impia temeritate affirmare præsumpsit, asserens Dei Filium in diuina natura Deum esse verum, in humana nuncupatum; similiter in diuina natura proprium Filium Dei, in humana adoptiuum, diuidens vnâ personam Filij cum Nestorio in duas personas, id est veri Filij & adoptiui, cum certissime constet in illam personam, quam habuit æternaliter genitus, Dei Filium humanam assumpsisse naturam, quam nemo Catholicus fide confirmatur adoptiuum esse ausus sit dicere: Deus Dei Filius humanam assumpsit naturam, non personam.* ergo ex Alcuino Elipandus (cuius hæresim vocat Hispanicam) diuidebat cum Nestorio vnâ personam Filij Dei in duplicem, aliam quæ esset veri filij, & aliam quæ esset filij adoptiui, & quod prima assumebat secundam, quod execratur Alcuinus, quia Deus Dei Filius humanam assumpsit naturam, non personam.

26. Neque valet si respondeas cum Petro Hurtado vbi suprà sect. 2. sub sectione 2. §. 19. quod illa verba, *diuidens vnâ personam*, Alcuinus dixit de suo. Respondeo enim quod omnia illa verba dixit de suo secundum ea quæ tunc videbat dici ab hæreticis, seu le-

gebat ex Epistola Elipandi missa ad Imperatorem. Præterea quid mirum, quod hoc inferret ex antecedentibus verbis, scilicet, *Dei Filium in diuina natura Deum esse verum, in humana nuncupatum.* hæc enim illatio non est ex vna re ad aliam diuersam, sed in eadem re ex vna locutione ad aliam, vt postea magis explanabo. Idem quod Alcuinus sensit sibi contemporaneus Ioannes Aurélianensis lib. 1. de cultu imaginum, & plures alij Auctores; quos refert Lorca vbi suprà memb. 2. num. 19.

Tertio probatur, quia hæretici isti 27. considerabant primò Christum secundum humanitatem tamquam hominem purum, imò & seruum & leprosum, & postea adoptatum in Dei Filium, & tandem coniunctum Filio Dei, nuncupatiueque talem; sed hæc non possunt stare, nisi esset in Christo dualitas personarum, ergo illam supponebant, vel prætendebant. Antecedens probatur primò ex nupèr dictis de Alcuino. Secundo, ex his quæ habet Adrianus folio 142. Tanta nimirum vos temeritate dementia deludit, vt aquare eum nubibus, & legislatoribus non erubescatis adoptiuum eum filium, quasi purum hominem calamitatis subiectum humana, & (quod pudet dicere) seruum eum impij & ingrati tantis beneficiis liberatorem nostrum non perimiscitis venenosa fauce susurrare. Et folio 144. columna 7. ait: *Patris testimonio de Filio perhibentis non creditur, qui dixit, Hic est Filius meus dilectus? Spiritus sancti ostensionem specie columba, quia ipse esset dilectus Filius, nihil pendit? super quem putatus Spiritus sanctus in specie columba descendisse? super Deum, an super hominem? an propter vnâ personam Christi, superq; hominis Filium, &c.* Ecce qualiter Adrianus Pontifex reprehendit hæreticos quod non credant Scripturæ de Christo perhibenti testimonium tamquam de Filio Dei etiam secundum quod homo, & improbat dualitatem personarum ex descensu Spiritus sancti in specie columbæ, quasi diceret, Super quam personam descendit? super Deum, an super hominem? id est, super personam purè humanam, aut super personam purè diuinam? & concludit dicendo quid deberent affirmare, scilicet propter vnâ

personam Christi, super Dei hominisq;
Filiū descendisse.

argumentum præfatum impostura ef-
fret, non veritas.

18. Præterea idem antecedens probatur
ex Sacrosyllabo fol. 145: columnā 2:
*Afferunt igitur, sed falsis assertionibus irre-
sistit, Dominum nostrum Iesum Christum adop-
tium Dei filium de Virgine natum: quod
diuinus nequeunt approbare documentis, hac
igitur dicentes, aut in vtero Virginiū eum
suscipiantur adoptatiū: quod dici nefas est,
quia de beata Virgine inenarrabiliter sum-
psit, non adoptauit carnem: aut certe purum
eum hominem sine Deo natum, quod cogi-
tare impium est, necesse est fateantur.* Ecce
qualiter ex eo quod hæretici asser-
bant quodd Christus secundum quod
natus ex Virgine erat filius Dei adop-
tius, quaerit ab eis, An loquantur de
natiuitate intra vterum? id est, de con-
ceptione, aut de natiuitate extra vte-
rum? id est, de partu, & de vtraque
cōqueritur quid dicant fuisse sine Deo
natum, id est sine filiatione Dei, pro-
pterea quodd Filius Dei de beata Virgi-
ne sumpsit, non adoptauit carnem, id
est vniuit sibi realiter, & non tantum
per affectum; ergo quando hæretici di-
cebant esse Filiū Dei adoptiū, vt
natum de Virgine, loquebantur de eo
tamquam de puro homine; aliā argu-
mentum factum non esset ad proposi-
tum, possent enim facilliter respondere
quodd neque in vtero, neque extra vte-
rum Christus secundum quod homo
fuerit sine Deo natus.

19. Confirmatur hoc ex eodem Sacro-
syllabo fol. 146. columnā 4. vbi sunt ista
verba: *Propter quod & Deus exaltauit il-
lum, & donauit illi nomen, quod est super
omne nomen. Si igitur iuxta hæreticos adop-
tino nomine censetur, vis nos puri & ingrati
homines: quo ergo pacto Apostolus eum no-
men perhibet super omne nomen habere? ad-
optius etenim nomen non est super omne no-
men, sed commune, & infra nominum tene-
tur mensuram. quid clarius? Ecce qualiter
hæretici censabant Christum vt homi-
nem solo gaudere nomine filij adop-
tius, & contra ipsos opponit Aposto-
lum dicentem eum gaudere nomine
super omne nomen, quale non est filij
adoptius, quia hoc est commune, & in-
fra mensuram nominis veri & naturalis
Filij Dei; ergo loquebantur de eo tam-
quam de puro homine, quia si loque-
rentur de eo tamquam homine Deo,*

30.
Probatur denique idem antecedens
ex Concilio Francfordiensi fol. 149:
non longè à principio: *Inuenimus enim
in libelli vestri principio scriptum, quod vos
posuistis, confitemur & credimus Deum Dei
Filiū ante omnia tempora sine initio ex
Patris genitum, coeternum, & consubstan-
tialē non adoptione, sed genere. Item post
paucā in eodem loco legebatur, confitemur, &
credimus eum factum ex muliere, factum sub
lege, non genere esse Filiū Dei, sed adop-
tione: non naturā sed gratiā: ecce scriptum in-
ter pomifera Paradisi latitans ligna. ergo
ex confessione hæreticorum relata à
Concilio idipsum quodd affirmabant de
Christo vt Deo, negabant de Christo
vt homine; & sicut negabant de Chri-
sto vt Deo quodd esset filius adoptionē
& gratiā, negabant de Christo vt homi-
ne quodd esset filius genere & naturā;
& confitebantur eum non esse filium
Dei per naturam & generationem, seu
genere (vt ipsi loquebantur) qui factus
fuit ex muliere, & factus sub lege. Et
folio 193. dicit: *Adoptiuus si quidem non
habet aliam significationem (intellige vt
hæretici Christum adstruebant) nisi vt
Iesus Christus non sit proprius filius Dei, nec
ex Virgine ei in filium genitus, sed nescio ex
quo seruo adoptatus in filium atern, vt vos di-
citis; ergo hæretici prius eum reputa-
bant seruum, & postea adoptatus in fi-
lium, & tandem nuncupatus fuit filius
Dei naturalis; ergo verum stat ante-
cedens nostri tertij argumenti; ergo;
&c.**

31.
Quartò denique probatur nostra
conclusio, quia non negat communica-
tionem Idiomatum, qui admittit vni-
tatem suppositi, seu personæ in Christo
Domino: sed Felix & Ellipandus illam
negabant; ergo ex eo quia vnitatem
suppositi seu personæ non admitte-
bant. Maior conceditur ab omnibus
Catholicis, & est definita veritas in
Concilio Lateranensi sub Martino 1:
consultatione 5. can. 4. & 6. Et ratio id
suadet, quia idiomata accidentium com-
municantur ad inuicem propter vni-
tatem subiecti in quo inhaerent, qualiter
in pomo album dicitur dulce, & e con-
trā; ergo & propter vnitatem suppositi
idiomata naturarum diuersarum sub-
stantialium cōmunicantur ad inuicem.

Minorem probò ex verbis Concilij Francfordienfis fol. 151. contra modum loquendi Elipandi & Felicis: *Mansit verò persona Filij in sancta Trinitate, cui persona humana accessit natura, ut esset, & una persona Deus & homo, non homo deificus, & humanatus Deus, sed Deus homo, & homo Deus.* Ecce qualiter non admittebant in Christo has propositiones, *est Deus homo, est homo Deus*, in quibus communicatio Idiomatum reperitur, sed tantum admittebant istas, *est homo deificus, est humanatus Deus*, quas negat Concilium propter diuisionem quam faciunt in supposito: vnde concludit Concilium his verbis, *Propter unitatem persone vnus Dei Filius, & idem hominis Filius, perfectus Deus, perfectus homo.*

34. Et confirmatur, quia vt patet ibidem solum concedeabant vnã personam per adglomerationem, quæ compositionem sine vnione, sicut acruum lapidum significat, & erat Nestoriana locutio.

33. Neque obstat obiectio Vasquez asserentis quoddam Elipandus concedebat hanc communicationem: vnde dicebat, *Quem (scilicet Dei Filium) sacra Scriptura testatur pro salute humani generis, Deitate exinanitã hominem factum, circumcissum, &c.* Non inquam obstat, tum quia hoc est argumentari contra Concilium condemnans in suprã habitis propositionibus talem negationem Idiomatum, tum quia in propositione adducta latere potest æquiuacatio magna, nam Filium Dei factum esse hominem potest explicari, imò & explicatur à Nestorianis de factione accidentali habita per coniunctionem accidentalem vtriusque, quam ipsi adstruebant: vnde plures ex illis in hoc sensu admittebant (vt dicemus disputatione 19.) communicationem Idiomatum; tum denique quia Elipandus assererat de Christo vt homine, vt vidimus testimoniis suprã adductis, quoddam transibat ex seruo, & ex filio purè adoptiuo ad esse Filium Dei, inuocatiuè tamen, non verè, & realiter; ergo cum dicit Filium Dei pro salute humani generis Deitate exinanitã hominem factum, circumcissum, &c. tantum vult has denominationes, & hanc factionem debere intelligi nuncupatiuè tantum (vt ipse loquebatur) non verè, & realiter; nos autem loqui-

mur cum Catholicis de communicatione Idiomatum, non tantum secundum nomen, seu voces, & quantum ad dici, sed de vera & reali, & quantum ad esse, & fundata super veram & realem vnionem, quam quia negat Elipandus, idèd vbi suprã reprehenditur à Concilio.

His præhabitis dico secundò: Felix & Elipandus erant hæretici Nestoriani non illatiuè in re, sed directè, primò & per se. hanc conclusionem tenent Auctores adducti pro prima, & notanter dixi non illatiuè, vt ex diametro me opponam Auctorebus relatis in fine quæstionis ante hanc primam partem, quibus magis congruum visum fuit hæreticos excusare, quàm grauissimos & illustres Scholasticos Catholicos infrã referendos cum hæreticis non inuoluerè; dixerunt autem quoddam Felix & Elipandus non fuerunt Nestoriani, sed quoddam Adrianus Papa, Sacrosyllabus, & Concilium ex ipsorum sententia inferebant, quoddam consensuri forent Nestoriano errori adstruendi duas in Christo personas.

Et similiter notanter ad illatiuè addidi in re, propterea quoddam duplex potest esse illatio, vna ex vna re ad aliam, siue res sit realitas, siue formalitas, vt contingit in illatione à priori, quæ habetur ex causa ad effectum, & in illatione à posteriori ab effectu scilicet ad causam, v. g. *est homo, ergo est risibilis*; vel è contrà, *est album, ergo est diseregiatum visus*, &c. Alia potest esse illatio ex vna voce ad aliam eandem rem significantem, seu ex vna re significata per aliquod nomen; ad ipsammet rem significatam per aliud, siue sit synonymum, siue non, v. g. *est ens, ergo est gladius*; vel aliter, *Fundator Vniuersitatis Complutensis deualauit Mauros, & cepit Oramus ergo F. Franciscus de Cisceneros hoc fecit*, quia scilicet ipsemet fuit qui fundauit & erexit prædictam Vniuersitatem. *Messias natus fuit in Bethleem; ergo Iesus Christus Dominus noster natus fuit in Bethleem.* consequentia enim tantum petit, quoddam inferat vnum ex alio, siue vnum & aliud differant in re, siue differant solum in voce, & secundum hanc existimo consequentiam à definitione ad definitum, & è contrà, v. g. *est animal rationale, ergo est homo; est homo, ergo est animal*

34:

35:

animal rationale, quia per diuersas voces significantur conceptus expliciti & impliciti diuersi, sed de eadem prorsus re; hoc ergo modo Concilium infert errorem Nestorij ex errore Elipandi, *est duplex filius, ergo est duplex persona*. non primo modo de quo nostra procedit conclusio.

36. Sed antequam probemus conclusionem nostram, nota cum Auditoribus præfatis pro ea, quod cum fuerit ab Ecclesia vniuersali pro tempore Felicis & Elipandi iam definitum contra Nestorij, quod in Christo non sit duplex persona, vna humana pro humana natura, & alia diuina pro diuina, & contra ipsum acriter actum obiurgationibus, & execrationibus, vt oportebat, acerrimis, Felix & Elipandus cum essent cordialiter Nestoriani non sunt ausi palam adstruere in Christo duas personas expressis verbis, sed latenter illas nimia calliditate & fraudulentia volebant introducere sub prætextu duplicis filiationis in Christo, vnius secundum quod homo, & alius secundum quod Deus. vnde dicebant, vt vidimus, in Christo Domino duplex est Filius Dei, alius adoptiuus secundum carnem, seu secundum quod homo, & alius secundum diuinitatem, seu secundum quod Deus, quia si semel admitteretur ab Ecclesia duplex in Christo filius habebant intentum, vt admitteretur duplex in Christo persona. Ecclesia tamen calliditatem & fraudulentiam aperuit, & cum ipsomet quod occultabant impugnauit.

37. Hoc supposito probatur conclusio primò ex supra adductis pro prima conclusione, ex quibus patet modum loquendi horum hæreticorum esse Nestorij, quia *alius & alius filius in Christo*, & quod alius sit secundum quod homo, & hic adoptiuus, & alius secundum quod Deus, & hic naturalis expressè denotant, vt infert Concilium (& non illatione de vna re ad aliam, sed de vna voce ad aliam significantem eandem rem) dualitatem personarum, quia *alius & alius* sumuntur in significatione masculina, & vt sic significant personas, sicut *aliud & aliud* sumpta in significatione neutra significant naturas, vt est apud omnes Ecclesiæ Patres & Scholasticos manifestum; ergo non il-

latiue in re (sed tantum in significatione) Felix & Elipandus directè, primò & per se erant Nestoriani. patet consequentia, quia directè, primò & per se fatetur in re duas personas, qui fatetur duos filios, licet voces sint diuersæ.

Secundò probatur expressis testimoniis, quorum primum sit Libri Sacrosyllabi, folio enim 145. columna 2. contra hos hæreticos habet hæc verba, *Sed quia supra firmam petram fundata est* (scilicet Ecclesia) *portæ inferi non præualebunt aduersus eam. huius nimirum vestigiis serpentis insinuat f. lissys, p. c. n. o. debriatur quidam, quorum nomina non sunt in calculo candido agni scripta, hæresim veterinosam illustrium fortium. scilicet virarum calcibus mirabiliter inculcatam, Catholicæq. sulce olim funditis detritam, videlicet contra Nestorium* *sp. n. o. moluntur redimere radicem suscitare de stirpe*. Ecce qualiter asseritur, quod isti hæretici moliebantur suscitare hæresim veterinosam Nestorij iam funditis euersam, quo redderant viuam radicem sui erroris, hoc est, reuiuiscere faciebant hæresim Nestorij, in qua suus fundabatur error; nam asserere quod in Christo sint duo filij, alius adoptiuus; alius naturalis, est reddere viuam hæresim Nestorij de dualitate personarum, supra quam tamquam supra radicem spinosum germen sui erroris faciebant oriri: vbi ponderari debet, quod radix & fundamentum sui erroris erat hæresis Nestoriana; ergo qui eum tenebant, debebant directè, primò & per se esse Nestoriani.

Secundum sit eiusdem Libri fol. 148. 39: vbi Elipandum & Felicem appellat *nonos hostes Ecclesiæ, sed veterinos: face perfidia pollutos*: itaque non ait (vt intendit Vasquez cum discipulis sequacibus) quod ex suo errore sequatur veterinosa face perfidiæ Nestorij, sed ait quod ipsi erant polluti veterinosa face perfidiæ Nestorij; ergo directè, primò & per se & non illatiue in re erant Felix & Elipandus Nestoriani. quod autem appellantur *noni hostes Ecclesiæ*, ex eo est, quia de nouo modo dicendi, & quasi fide diuerso pallio inuoluti voluerunt introducere eandem Nestorij dualitatem personarum: vnde in Epistola Concilij versus finem dicitur, *Nonne olim eadem vestra hæresis in Nestorio ab vniuersali Ecclesiâ refutata est, etiam & damnata?* ergo

non est diuersa hæresis hæc Elipandi & Felicis ab hæresi Nestoriana, licet in modo loquendi diuersificetur, sed eadem & eisdem argumentis refutata, & eodem damnata anathemate. Neque valet solutio Vasquez hoc dici à Concilio, quia prædicta hæresis infert hæresim Nestorianam, quia contrà est, quia eandem eorum hæresim vocat Nestorianam, nota ly *nonne eadem vestra hæresis*; habent... ergo intentum nostrum secundæ conclusionis, scilicet quoddam Felix & Elipandus non illatiuè in re, sed directe, primò & per se erant Nestoriani.

40. Tertiò probatur ratione, quia si isti non essent primò & per se Nestoriani, maximè quia fatebantur duas filiationes in Christo oppositas, scilicet adoptionem & naturalem in vna tantum persona, vt vult Vasquez, sed ex asserto isto non sequitur dualitas personarum; ergo si hæc debet à Felice & Elipando concedi, erit quia non tantum ipsi ponunt duas filiationes oppositas, sed etiam quia ponunt duos filios, seu duas filiationes personaliter oppositas. Minorem, in qua est difficultas, probo, quia non minùs opponuntur creata filiatio & increata, temporalis & æterna, quàm filiatio Dei adoptiua & naturalis, nam non minorem extraneitatem in natura requirit vna, quàm alia, sed Christus secundum quod homo etiam in concreto sumptus est filius Virginis filiatione creata & temporalis, & secundum quod homo etiam est filius Patris filiatione increata & æterna, vt vtrumque est de fide certum, & tamen non constituunt duos filios, sed vnum propter vnitatem personæ Verbi, cui naturæ diuersæ sunt vnitæ; ergo ex asserto duplicis filiationis oppositæ in eadem persona non sequitur dualitas personarum.

41. Sed dices diuersam esse rationem, quia filiatio creata naturalis non requirit intraneitatem in persona, sed tantum in natura, & sic potest compati cum filiatione naturali increata; at verò filiatio Dei adoptiua non solum requirit extraneitatem in natura, sed etiam in persona, nam adoptio est gratuita assumptio personæ extraneæ ad hæreditatem. Sed contrà primò, quia ad minus hæc doctrina secundum to-

tam Metaphysicam quam continet non est expressè definita in hoc Concilio, neque in aliquo, neque ex illo euidenter deducitur. Contrà secundò, quia persona in concreto sumpta claudit sub se non solum personalitatem, sed etiam naturam; ergo si sola natura esset extranea, etiam si personalitas non foret extranea, adhuc verificaretur, quoddam si admitteretur gratis ad hæreditatem, esset assumptio personæ extraneæ.

Et confirmatur ab opposito, quia de lege ordinaria filius naturalis non solum est intraneus in natura, sed etiam in persona, si enim persona generans est creata, persona genita est creata, & si increata increata est enim *origo viuientis à viuente*, & nihilominus datur in Christo filiatio naturalis ad Virginem, etià si secundum personalitatem non sit intraneus, propterea quod hæc est increata, & sufficit quoddam sit intraneus secundum naturam humanam; ergo etiam si Christus secundum personalitatem non sit extraneus à Patre, dummodo sit extraneus secundum aliquam naturam, secundum eam poterit esse filius adoptiuus, & propter eam poterit dici gratuita assumptio personæ extraneæ ad hæreditatem. Contrà tertiò, quia si per possibile vel impossibile crearetur à Deo aliqua natura humana existens, & conseruaretur absque aliqua personalitate propria vel aliena, posset adoptari in filium ab aliquo homine, quia esset sufficienter extranea ad ius hæreditatis; ergo non est de ratione adoptionis, quoddam non solum natura, sed etiam personalitas sit extranea.

Denique dico tertiò: Error Felicis & Elipandi fuit constituere in Christo duos filios personaliter oppositos, alium secundum quod homo, & hunc adoptionem; & alium secundum quod Deus, & hunc naturalem; & oppositum huius fuit ab Ecclesia definitum in Epistola Adriani in Libro Sacrosyllabo, & in Concilio Francfordiensi hanc conclusionem similiter tenent Auctores prima sententia relati, & faciliter probo primò ex dictis, quia si ex prima conclusione habemus quoddam duas adstruebant personas in Christo, & ex secunda quoddam illas non adstruebant per accidens, quia scilicet sequerentur & inferrentur ex suo errore, sed primò directe

41.

43.

directè & per se tamquam veri Nestoriani, licet palliati, & sub prætextu duplicis filiationis; ergo error ipsorum non erat ponere duas filiationes in una tantum persona, sed duas filiationes personaliter oppositas, & duos filios personaliter distinctos, quorum unus esset purus homo, adoptivus filius, & nuncupatiue naturalis, & alius foret coæternus Patri, consubstantialis ipsi, & sine initio genitus ab ipso, & sic illi naturalis, ut oppositum huius definitur, ubi supra; ergo, &c.

44. Secundo probó, quia omnia scripta, quæ sunt pro hoc Concilio, eodem modo probant filiationem Christi ut hominis ex Deitate inexistente in Christo, sicut ex personalitate Filij: unde Adrianus Papa fol. 143. contra hæreticos adducit confessionem D. Thomæ Apostoli, quæ dixit, *Dominus meus, & Deus meus*; & eòs reprehendit, quia non confitentur diuinitatem cum Apostolo; ergo diuinitas, quam hæretici fatebantur, non erat in eodem Filio; sed in diuerso, quia si in eodem faterentur, neque essent reprehensibiles, neque argumentum ex diuinitate concluderet, quia Christus ut homo non est formaliter filius propter diuinitatem.

45. Ex his omnibus liquet cõstat quàm longè sint ab errore Felicis & Elipandi auctores infrà referendi, qui non distinguendo; nec diuidendo in Christo supposita, admittunt in ipso secundum naturam humanam filiationem adoptiuam ratione gratiæ habitualis in ipsa inhærentis; & filiationem naturalem ratione suppositi diuini; quod est Filius Dei naturalis ipsammet naturam terminantis; & realiter constituentis in ratione personæ diuinæ: imò nec defuit, qui iudicaret Aduersarios notantes sententiam istam dignis fore ignorantie, falsitatis & impietatis censuram; ignorantie, quia tam expressa testimonia qualia sunt adducta non capiunt; neque perpendunt; falsitatis, quia oppositum est manifestè ostensum, & lucè clarius apparet sincerè legenti omnia quæ sunt in Francfordiensi Concilio; impietatis tum si perpendunt, & capientes non excusant viros Catholicos, sed cum hæreticis inuoluunt, tum quia eorum sensum verum detorquêt, & pro tantis viris omnem euasione

viam superficialiter præcludunt, tum denique quia doctrinæ Catholicæ statim demonstrandæ speciem præstant erroris & perfidiæ, quod impietatis species est manifesta: nos autem ab omni abstinemus censura, ne iudicemur ad propriam vindictam procliuēs; sed potius omittimus, ut unusquisque in suo sensu abundet.

PARS TERTIA.

Ostenditur quòd retentâ unitatē suppositi diuini Christus secundum quod homo est formaliter filius Dei adoptivus.

46. **P**RAHIBITA iam explaratione erroris Elipandi & Felicis, & ostenso quòd fuerunt Nestoriani; loquendo cum distinctione & diuisione personarum accedit ostendenda sententia, quæ affirmat quòd retentâ unitatē suppositi Christus secundum quòd homo fuit formaliter filius Dei adoptivus. hanc sententiam expressè docuit Durandus in 3. d. 14. q. 1. Scòtus autem noster eam censuit probabilem in reportatis lib. 3. d. 10. q. vnicâ, sicut & oppositam; in 3. autem Sentent. magis in hanc inclinauit, nam §. *respondeo* art. quòd si filiatio accipiat a natura Christum secundum humanitatem ratione gratiæ habitualis fuisse adoptiuum, non autem si sumatur à personâ; dixerat autem ipse d. 8. anteced. §. *ad questionem dico*, litt. C: contra D. Thomam 3. p. q. 23. art. 4. & contra D. Bonauenturam eadè d. 8. q. 2. art. 2. loquendo de filiatione naturali, quòd non sumitur in creatis à personâ; sed à natura: deinde, ut postea probaret quòd in humana Christi natura non reperiatur extraneitas requisita ad esse filium adoptiuum, hoc probauit; quia fuit innocens; & statim contra hoc insurgit, quia B. Maria non fuisset adoptiua filia, quia fuit innocens: unde recurrit ad innocentiam ortam etiam ex carentia debiti ad peccandum, quam non habuit Virgo Maria; sed oppugnat, quia ad minus Adam & Angeli in sua primâ creatione hanc cum carentia debiti innocentiam habuerunt, & sic non fuissent filij adoptiui; sed ut hoc neget, fatetur Christum

stum etiam secundum naturam humanam omnino innocentem secundum eam fuisse filium Dei adoptiuum.

47. Et licet postea vt probabilem relinquat sententiam oppositam, adstruat aliam viam, quæ etiam secundum naturam humanam Christum non censeatur extraneus, quia scilicet in primo instanti fuit vnita Verbo, & ex tunc de congruo illi debita gratia, tamen statim impugnat Scotus, quia extraneitas requisita tantum sit in eo quod in tali natura detur absolute carentia iuris ad hæreditatem, quam habuit humanitas etiam vnita, vel ad minus in primo instanti quando vniebatur: vnde tunc quasi conuictus proprio argumento dicit, *responsionem quare*, & hoc non solum semel, sed bis, scilicet primò in fine citati §. & secundò in fine §. *ad argumenta*. quare Scotum hanc tenuisse sententiam censent, non solum antiqui Scottistæ Tataretus, Maior, & Basolis in 3. d. 4. art. 2. & nouissimè Hugo Cauellus præcipue in reportatis vbi supra, sed etiam Thomistæ moderni, videatur Vasquez cap. 5. & sic immeritò huic opponuntur veritati Pytiganus in 3. d. 10. & Philip. Faber disp. 23. cap. 1. censentque hanc sententiam probabilem plures, & præter supra citatos Rubion in eadem distinctione, Rada 3. p. controuersi. 3. art. 2. Ricard. d. 10. art. 2. q. 1. estque communis apud nostros Scottistas in hac Vniuersitate Complutensi, & ego eam sæpe sæpius in actibus generalibus publicisque concertationibus defensiui, & defensare vidi.

48. Neque obstat primò quod Scotus in hoc tertio, in argumento *sed contra*, resoluit cum Magistro negante, & ad argumenta opposita respondet. Respondeo enim hoc fecisse Scotum vt ostenderet probabilitatem illius sententiæ communis, tamen tam in corpore questionis, quam in fine solutionis argumentorum se ostendit argumento conuictum, quod est signum manifestum, quod senserit oppositum. Neque similiter obstat secundò quod Scotus in 3. d. 2. q. 1. §. *ad argumenta* ante litt. H habet hæc verba, *Imò nec conceditur quid Christus sit filius Dei adoptiuus*. Respondeo enim primò, quod non loquitur absolute ex propria sententia, 2. quia loquitur de Christo ab-

solute, de quo non est absolute concedendum quod est filius adoptiuus, sed tantum cum addito, scilicet secundum naturam humanam. 3. quia statim ipse respondendo addit quod comparatio à minori ad maius, quam argumentum faciebat ex Augustino, non petit hoc subiectum determinatū, scilicet Christum, sed hoc vel illud quod sit filius Dei adoptiuus.

Hanc ergo sententiam probò primò 49. ex S. Scriptura, quia retentā vnitatem suppositi debent in concordiam reuocari hæc duo testimonia Ioannis 14. *Ego & Pater vnum sumus, & Pater maior me est*, sed ex priori adstruitur in Christo filiatio æterna, quæ vnitatem habet, & æqualitatem cum Patre, nam ex eo quod ponitur *ly. ego* per correlationem ad Patrem, facit hunc sensum, *Ego Filius & Pater vnum sumus*; ergo ex posteriori testimonio adstrui debet in Christo respectu Patris aliqua filiatio temporalis, quæ diuisionem & inæqualitatem habet respectu Patris, nam ex eo quod ponitur *ly. me* per correspondentiam & correlationem ad Patrem, facit hunc sensum, *Pater maior est me Filio*, sed non est alia filiatio ad Patrem diuinum, quæ secum inuoluet inæqualitatem, nisi filiatio adoptiua, quia naturalis, quæ non habet æqualitatem, eū merum figmentum, vt infra probabo ex professo; ergo vult dicere, *Pater maior est me Filio adoptiuo*; ergo in Christo secundum quod homo datur formalis filiatio Dei adoptiua.

Sed statim obieciß hæc argumentum fecisse Elipandum, & ad ipsum Concilium respondisse illa verba, *Pater maior me est*, non fuisse à Christo dicta propter adoptionem, sed propter formam serui, quam Christus vt homo habuit, & fol. 142. habet hæc verba, *Nam Deus & homo erat, qui secundum Deum dicebat, Ego & Pater vnum sumus, & secundum hominem, Pater maior me est, &c.* Ecce qualiter dicta sunt propter minoritatem, quam respectu Patris Christus habet vt homo. Sed contra primò, quia Elipandus non faciebat argumentum retentā vnitatem suppositi, vt nos facimus, sed potius ex ipso volebat inferre, quod in Christo essent duo filij, alius æqualis cum Patre, & alius minor Patri, ad quod optimè respondet Concilium.

lium, quodd minoritas, & aequalitas non dicitur respectu personae, neque respectu adoptionis personalis, sed respectu naturae diuinæ, & naturae humanæ, seu formæ serui. Contrā secundo, quia si retenta vnitate personalis hoc diceret Concilium, vel nihil diceret, vel si aliquid, non ad propositum; nihil, quia soluere argumentum (dicendo illam inaequalitatem debere intelligi de Christo secundum quod homo, seu secundum formam serui, erat respondere id ipsum quod haeretici intendebant probare; nam illi non intendebant probare quod Christus secundum naturam diuinam foret filius Dei adoptiuus; sed secundum naturam humanam, seu secundum formam serui; vel si aliquid, non ad propositum, quia intentum argumenti est, quodd detur filiatione in Christo ad Patrem, tamquam ad maiorem; & hoc colligi ex ipsa filiatione significata in concreto per illa verba, *Pater maior est me Filio*; & dicere Concilium hoc dici secundum hanc vnitatem; nihil est ad propositum; quia humanitas non filiatione est, sed fundamentum filiationis; neque constituitur cum *Iy me*, deberet enim dicere *mea*; & si accipiat humanitatem in concreto, id est, *me hominē*; tunc *Iy me* non sumitur correlatiue ad Patrem, quodd est intentum arguenti; vnde si ad propositum (ut fas est dicere) loquitur, est pro me, quia vult dicere, quodd retenta vnitate suppositi in Christo est humanitas, quæ capax est fundamentum filiationis ad Patrem, quæ secum inuoluit inaequalitatem; ergo filiationis adoptiuae; quia hæc; & non alia eam inuoluit; & sic faciat hunc sensum, *Pater maior est me Filio* secundum quodd homine; & sic maior me Filio adoptiuo; non distinctio ratione suppositi; sed ratione humanæ naturæ, & gratiæ habitualis; vnde Augustinus tract. 80. in Iohannem ait Christum in quantum vitam comparari ut minorem ad Patrem tamquam ut agricolam, & ut Verbum comparari ut æqualem; & sic in concordiam reducit hæc duo testimonia, sed humanitas præcisè considerata sine gratia, & donis supernaturalibus non potest esse vitis vera, de qua loquitur Iohannes c. 15. quæ det tamquam

viridis fructum; ergo ex Aug. Christus secundum quodd homo ornatus gratia habituali comparatur ad Patrem ut filius minor illo, ergo ut filius adoptiuus.

Secundo probatur ad Rom. 8. *Non enim accepisti spiritum seruitutis, iterum in timore, sed accepisti spiritum adoptionis filiorum in quodd clamamus Abba (Pater) ipse enim spiritus testimonium reddit spiritui nostro, quodd sumus filij Dei: si autem filij & haeredes: haeredes quidem Dei, cohæredes autem Christi: si tamen compatimur, ut & exaglorificemur.* quodd testimonium manifeste probat, quodd Christus est cohæres noster, sed non secundum naturam diuinam; ut patet, ergo secundum humanam, cui exhortamur ut simus conformes in passionē, ut similiter simus in glorificatione; ergo est consilius noster. patet consequentia, quia loquitur Paulus de filiatione; quæ nobis præstat ius hæreditarium ad beatitudinem; & sic ait, *si autem filij & haeredes*; at nos sumus filij adoptiui, iuxta illud, *sed accepisti spiritum adoptionis filiorum*; ergo Christus, qui secundum quodd homo in vnitate suppositi diuini cohæres noster & consilius est; debet esse adoptiuus. ut confirmatur, quia iusti non sunt cohæres Christi respectu beatitudinis increatæ, nam illius non sunt capaces; ergo respectu hæreditatis creatæ; ergo ius quodd illam ad ipsam non minus constituit Christum secundum quodd homo filium, quam nos; & consequenter eodem modo.

Præterea inferius in eodem capite vers. 29. dicit, *Nam quos præscitis & prædestinatis conformes fieri imaginis Filij sui, ut sit ipse primogenitus in multis fratribus.* vbi duo veniunt pōderanda. 1. quodd electi prædestinantur à Deo ut fiant conformes imaginis Filij sui, non enim dicit ut sint cōformes Filio suo, sed imaginis Filij sui, cum enim ad imaginem Dei factus sit homo; vult Deus prædestinatos fieri cōformes Christo secundum quodd homo est, scilicet constitutus in gratia, & in gloria, & sic secundum quodd filius & hæres est propter ista. 2. quodd rationem huius reddidit; ut sit ipse Christus secundum quodd homo primogenitus in multis fratribus, id est, in omnibus filiis & prædestinatis; ergo primus in omnibus filiis adoptiuis ratione gratiæ & gloriæ: vnde Glossa Interlin. sic habet, *Conformis ita ut iure hæreditatis Patri obtinens,*

& alii differtiens quod primogenitorum est; & Glossa ordinaria dicit, Et quia primus sine peccato, & primus impassibilis resurgens, in quo habet fratres, nam secundum id quod unigenitus est, non habet fratres; secundum id autem quod primogenitus est, fratres dignatus est vocare omnes; qui per eius primatum in Dei gratia renascuntur; at qui Dei gratia renascuntur, sunt filii adoptiui; ergo si horum dignatus est esse primogenitus, erit primus filius adoptiuus.

- §3. Et si obiicias ex Concilio, quod idem ipse, qui primogenitus est, similiter est unigenitus. Respondeo materialiter verum est, & hoc intendit Concilium, quia refutat dualitatem personarum, formaliter autem est falsum, nam ut bene inquit Glossa, *secundum id quod unigenitus est* (id est, secundum rationem unigenituræ) *non habet fratres*, sicut eos habet secundum quod primogenitus est, scilicet ex genitura predestinationis: vnde optime stat, quod eadem persona Verbi, quæ secundum generationem æternam est unigenitus Filius Patris, secundum generationem spirituales quam ut homo habet ratione habitualis gratiæ denominetur, & sit filius adoptiuus primogenitus in multis fratribus; ex quo patet quod Concilium sit pro nobis, nec posse alium habere sensum. Et confirmatur, quia primogenitus in fratribus proprie loquendo est confrater in generatione.

- §4. Tertiò probatur ex illis verbis Pauli ad Hebræos cap. 1. *Multifariam multisque modis olim Deus loquens Patribus in Prophetis, nouissimè diebus istis locutus est nobis in Filio, quem constituit heredem vniuersorum, per quem fecit & sæcula, qui cum sit splendor gloria, &c.* vbi de Filio, in quo Deus locutus est nouissimè diebus istis, duo dicit, scilicet quod ipsum constituit heredem vniuersorum, & quod per ipsum fecit & sæcula; ergo loquitur de eodem Filio prout se tenet ex parte naturæ diuinæ, & prout se tenet ex parte naturæ humanæ. patet consequentia, quia per primum, & non per secundum fecit sæcula (cum autem dico primum & secundum, non intelligas duos filios, sed eundem prout terminantem naturam humanam, & prout terminantem naturam diuinam) lex enim per dene-

tat causam efficientem, sicut alibi in Euangelio Ioan. cap. 1. dicitur quod omnia per ipsum facta sunt, & similiter secundum, & non primum constituit heredem vniuersorum, nam constituere est decreto, seu statuto comitibus aliis diuinis personis statuere; scilicet dare illi hereditatem vniuersorum; ergo loquitur de Christo ut homine, filio, heredem vniuersorum; ergo de filio ut sic adoptiuo: Probo consequentiam, quia Filius naturalis Dei non indiget Dei decreto ut constituatur heres, nam ipse ex vi generationis est talis.

Quartò probatur ex Patribus, nam Irenæus lib. 3. contra hæreses cap. 21. dicit, *Propter hoc enim Verbum Dei homo, & qui filius Dei filius hominis factus est; mixtus homo Verbo Dei, ut adoptionem percipiens fiat filius Dei; & Marcus Victorinus lib. 1. contra Candidum Arrianum sic habet; Nos adoptione filij, ille naturæ, etiam & adoptione quadam filius & Christus, sed secundum carnem; & D. Hilarius 2. de Trinit. post medium ait, Potestatis dignitas non amittit, dum carnem humanitatis adoptatur.* Neque obstat responsio, quod improprie loquantur, cum expressè distinguant filiationem prouenientem ab adoptione à filiatione proueniente à natura.

Quintò probatur, quia si propter aliquam rationem nostra sententia esset falsa, maxime propter ea quæ Adrianus Papa in supra citata Epistola, Liber Sacrosyllabus & Concilium Francfordiense dicunt; sed hæc dicta non obstant; ergo, &c. Maior conceditur ab Aduersariis. Minor probatur; quia totum argumentum Adriani, Sacrosyllabi & Concilij consistit in hoc, si Christus non est extraneus personaliter, quomodo potest esse personaliter secundum quod homo adoptiuus? nam ut probauimus Parte antecedenti contra diuidentes personas fuit actum; & contra filiationes diuersas constituentes duos filios, alium naturalem, alium adoptiuum, seu vnum Christum adglomeratum (vox est ipsius Elipandi) ex filio adoptiuo, & ex filio naturali, quod carentiam vniōnis realis, & multipliciter personarum sonat, sicut acerruus lapidum

hoc autem argumentum non est contra nos, qui neque duos filios, neque duas personas, neque vnum Christum adglomeratum admittimus; ergo.

57. Sextò, quia in probabilissima plurimum sententia humanitas Christi primò fuit prædestinata ad gloriam, postea ad gratiam (sicut contingit alijs prædestinatis secundum D. Paulū ad Roman. 8. *Quos prædestinavit hos & vocavit; quos vocavit, hos & iustificavit, &c.*) & tandem ad vñionem hypostaticam; ergo antequam prædestinaretur ad filiationem naturalem, præcessit prædestinata ad filiationem adoptiuam. patet consequentia, quia post electionem ad finem sequitur electio mediorum, sed gratia in tantum est medium ad gloriam, in quantum dat ius ad gloriam, tamquam ad hæreditatem; ergo ante prædestinationem ad vñionem, quæ dedit filiationem naturalem, etatiam prædestinata ad gratiam, quæ dat filiationem adoptiuam, præcipuè naturæ humanæ pro illo priori non vnitæ; ergo & postea hoc habet ordine executionis, licet præcedat vñio ad gratiam, aliàs frustraretur decretum efficax antecedens intentiuum. Nec valet si respondendas quòd gratia Christi solum fuit decreta vt sanctificaret animam; quia contrà est, quòd anima posset esse sancta, & non habere ius ad vitā æternam; ergo si gratia fuit electa vt mediū conducentis vel ex natura sua, vel ex diuina ordinatione ad vitam æternam, debuit eligi vt dans ius ad illam, quia sine tali iure non foret medium.

58. Septimò probatur & à priori, quia adoptio est *gratuita assumptio personæ extraneæ ad hæreditatem*, sed totum hoc reperitur in Christo secundum quod homo est, &c. Maior non indiget probatione, quia est definitio ab omnibus admissa filiationis adoptiuæ. Minorem, in qua est difficultas, sic probò, quia ex parte fundamenti tam radicalis, quàm formalis est gratuita assumptio; nam subiectum, in quo inhæret gratia, est humanitas, cui indebita est omnino gratia, si attendatur ex parte sui; ergo ex parte fundamenti radicalis est gratuita & libera talis assumptio ad hæreditatem. Præterea ipsa gratia habitualis est donum omnino liberaliter concessum, ita vt non sit debita ex iustitia

Castillo de Incarn. Pars I.

humanitati; ergo ex parte fundamenti proximi est gratuita similiter talis assumptio. Deinde persona est extraneæ tam ex parte naturæ humanæ, quàm ex parte personalitatis, ex parte naturæ, nam vt probauimus non habet ius ad gloriā; ex parte personalitatis, quia diuina personalitas non habet ius ad hæreditatem creatam, sed ad increatam, cuius humanitas non est capax, neque similiter ex parte ipsius personalitatis diuinæ, vt terminat naturam humanam, primò quia si non habet ius ratione sui, neque ratione naturæ humanæ, neque similiter habebit ratione vtriusque. 2. quia personalitas vt terminat neque est filiatio Dei naturalis formaliter, sed tantum materialiter, sicut est Verbum, & est imago Patris; neque est sanctitas iustificans, vt latè probauimus disp. 11. de gratia Christi, sed tantum est quædam subsistentia personalis diuina terminans naturam humanam; ergo formalissimè loquendo est gratuita assumptio personæ extraneæ ad hæreditatem.

Sed obijcies primò, quòd ius ad gloriam habebat Christus ratione vñionis hypostaticæ. Sed contrà primò, quia vt infra probabimus Parte sequenti, Christus secundum quod homo non fuit formaliter, sed tantum materialiter filius naturalis Dei. Contrà secundò, quia vñio ex dictis vbi supra non est sanctitas formalis, & dato quòd esset, deberet attemperari subiecto, cui applicatur, sicut cōkursus diuinus, qui qua talis deberet esse infinitus, attemperatur concursui creaturæ, & redditur finitus; ergo cū humanitas nequeat esse terminus generationis diuinæ, neque habere ius ad hæreditatem increatam filij naturalis, non erit capax sanctitatis increatæ vt talis, sed debet attemperari, & modificari, & reddere idipsum, quod potest reddere gratia habitualis creata summa; tunc autem superfluit, quod non est dicendum. Contrà tertio, quia ex dicendis infra: Christus secundum quòd homo, & supposita vñione posset peccare de potentia Dei absoluta; ergo ratione illius non habet ius formale (de quo loquimur) ad gloriam tamquam ad hæreditatem.

Obijcies secundò: Licet hoc ins non

59. Z z 2 fit

fit in vnione formaliter, benè tamen radicaliter, quia ratione illius erat debita naturæ humanæ Christi de congruo gratia habitualis. Sed cōtrā etiam homini supernaturaliter contrito debetur de congruo habitualis gratia, & nihilominus sola ipsa gratia illum constituit habentem ius formale ad gloriam, & sic sola ipsa ipsum constituit formaliter Filium Dei adoptiuum; ergo etiam si Christo ratione vnionis hypostaticæ debeatur de congruo gratia habitualis; hæc constituit ipsum formaliter Filium Dei adoptiuum. patet consequentia, quia debitum de congruo non aufert insufficientem extraneitatem requisitam ad filiationem adoptiuam, quandoquidem illa extraneitas solum aufertur per debitum ex iustitia naturali, seu ex natura.

61. Obijcies tertid: Extraneitas requisita ad filiationem adoptiuā neque attenditur ex parte iuris ad hereditatem, neque ex parte ipsius hereditatis, quia si sic accipitur, certum est quod Christus secundū quod homo neq; habuerit de condigno ius ad gloriā, neq; gloria fuerit illi debita ex iustitia exclusā gratia habituali, sed attēditur extraneitas ex parte personæ, scilicet quod hæc nō sit Filius naturalis, quia eo ipso quod talis est, extranea persona nō est.

62. Sed cōtrā primò, quia si stat quod sit gratuita assumptio personæ ad hereditatem sibi non debitam ex iustitia, cum hoc quod persona non sit extranea. Inquiri quomodo debet appellari persona habens tale ius ratione prædicti iuris? vel ergo appellatur hæres adoptiuus, vel hæres naturalis, vel alio modo, sed non hæres naturalis, quia hereditas naturalis non habet ortum à gratia, sicut ista, sed alius modus non apparet, nisi quod sit hæres adoptiuus; ergo Christus secundū quod homo formaliter erit hæres adoptiuus: & tūc vltṛā inquiri vel hæres adoptiuus respectu Dei debet appellari filius eius adoptiuus, vel non? si debet sic appellari, habeo intentum; si non, ergo tota hæc quæstio reducitur ad solum nomen, & tam grauis disputatio redacta est ad solas voces, in qua exclusā vocatione ex synonimis vocibus habeo illam consequentiam Pauli, *Quod si filius & hæres, hæres quidem*, &c.

63. Cōtrā secundò, quia persona, quæ debet esse extranea, vel assumitur formaliter in quantum extranea pro toto concreto, vel pro parte concreti; si pro parte concreti, natura humana Christi, quæ est pars huius concreti, est formaliter extranea tam à iure, quàm à filiatione naturali; si pro toto concreto, etiam personalitas Verbi, vt terminat formaliter hanc humanam naturā, tantū est subsistentia hæc personalis, & non formaliter filiatio naturalis, & cōsequenter est extranea negatiuè, id est, secundū talem formalitatem non est intranea, nam non est formaliter personalitas, quia in illa forma filiationis Dei reperiuntur plura prædicata formalia, scilicet quod sit subsistentia incommunicabilis, quod sit filiatio, quod sit Verbum, quod sit imago Patris; natura autem humana non terminatur ab hac forma secundū omnia ista prædicata, quia tantū habet ab ipsa id quod haberet à propria personalitate creata si eam haberet, & sic tantū habet subsistentiam incommunicabilem, non reliqua prædicata; ergo licet reddatur materialiter & concomitanter filius naturalis, sicut imago, & Verbum, non tamen formaliter (sumpto formaliter à formalitate de qua modo loquimur non à forma) aliās hæc prædicatio esset optima, *Christus secundū quod homo formaliter est Verbum, Christus secundū quod homo formaliter est imago Patris*. Si ergo istæ sunt falsæ, & omnino absurde prædicationes formales, similiter & ista, *Christus secundū quod homo formaliter est filius Dei naturalis*, & solū ista erit vera formaliter *Christus secundū quod homo formaliter est persona Verbi, vel est subsistens subsistentia Verbi diuini, Filij, & imaginis Patris*; ergo ex quacūque parte sumatur extraneitas formalis, persona Christi secundū quod homo est, est formaliter extranea; ergo secundū quod homo retentā vnitatem suppositi diuini optimè quic ei conuenire filiatio adoptiua.

64. Octauò probatur, quia maiore oppositionem habet mortalitas cum immortalitate, quàm filiatio adoptiua cum filiatione naturali, vel ad minus cum minore, neque minorem extraneitatem requirit vna ab alia, sed Christus secundū quod homo formaliter est

est mortalis, licet personalitas Verbi sit immortalis, & talis propositio non infert personarum separationem, neque distinctionem, quia ratione naturæ humanæ capax est mortis; ergo similiter Christus secundum quod homo est formaliter adoptivus filius, licet secundum personalitatem sit naturalis, neque video rationem quare per communicationem Idiomatum immortalis possit dici mortalis absque illatione diversarum personarum, & filius naturalis non possit dici adoptivus propter eandem communicationem absque illatione diversarum personarum: unde dato casu, quod incapax esset ratione personalitatis, filiationis adoptivæ, ratione tamen naturæ humanæ capax esset filius, & hoc sufficeret ut diceretur adoptio personæ extraneæ.

65. Et confirmatur alio simili, quia Christus ut homo in concreto est membrum respectu Dei, iuxta illud Apostoli, *Caput Christi Deus*, & nihilominus suppositum Verbi non est membrum, licet concernatur ab humanitate Christi accepta in concreto, imò suppositum habet extraneitatem à ratione membri propriè accepti, quia est caput propriè acceptum; ergo etiam si suppositum Verbi habeat extraneitatem à filiatione adoptivâ, poterit nihilominus ratione humanitatis sibi unitæ, etiam si hæc accipiatur in concreto, esse filius adoptivus, nulla enim in hoc apparet disparitas, quia membrum ut contra distinctum à capite dicit negationem ad esse caput.

66. Nonò probatur, quia si propter aliquam rationem Christus secundum quod homo non sit filius Dei adoptivus formaliter, maxime quia est naturalis, sed potest peroptime filius per generationem naturalis adoptari; ergo, &c. Minor in qua est difficultas probatur ex iure civili lege *qui liberatus* 12. ff. de adoptionibus, ubi dicitur quod *qui liberatus patriâ potestate honestè redigi non potest, nisi adoptione*; ergo filius aliàs naturaliter genitus, & à patriâ potestate per emancipationem liberatus (ut inquit Iuriconsultus) potest redigi per adoptionem, seu per filiationem adoptivam ad habendum ius ad hæreditatem, sicut alij filij naturales qui sunt sub patriâ potestate.

Decimò denique & ultimò probatur, quia Christus secundum quod homo etiam in concreto sumptus non est formaliter filius Dei naturalis; ergo est formaliter filius adoptivus. cōsequentiā patet, quia si propter aliquam rationem non esset formaliter filius Dei adoptivus, maxime ut fatentur Aduersarij, quia esset formaliter filius Dei naturalis, nam quod sit filius Dei naturalis materialiter non opponitur neque contrariè, neque contradictoriè, neque relativiè filiationi Dei adoptivæ, quandoquidem adest extraneitas formalis à filiatione naturali, super quam fundari possit filiatione Dei adoptivæ, & hæc nullam ponit indignitatem aut indecentiam in natura humana Christi, imò maximum affert honorem & perfectionem physicam & moralem, aliàs natura humana Christi formaliter loquendo esset peioris conditionis, quam quilibet alius homo, qui formaliter est filius Dei adoptivus, siquidem ipsa adhuc terminata à supposito diuino neque esset formaliter filius Dei naturalis, nec formaliter Dei filius adoptivus: Maior enim, in qua est difficultas, quia longum exigit examen, oportet per segregatam sequentem partem ex proposito disputare.

PARS QUARTA.

An Christus secundum quod homo sit formaliter filius Dei naturalis?

Prima sententia affirmat, & est 68. communis inter Thomistas; motus tamen defensionis non est apud illos communis, sed potius in varias excogitationes distrahuntur: unde notant, quod hoc concretum, *homo in quantum homo*, si attendatur in Christo, potest accipi & reduplicatione suppositi, & reduplicatione naturæ, id est, quod lex *in quantum* vel solum significat suppositum Verbi terminans naturam humanam, non autem ipsam naturam, licet eam concernat, vel quod per se significat non solum suppositum, sed etiam ipsam humanam naturam: quo præsupposito aliqui alunt, quod Christus secundum quod homo est formaliter filius Dei naturalis, si solum significetur per se ipsum suppositum, & concernatur

cernatur natura humana: alij etiam si utrumq; significetur per se, inter quos aliqui explicant filiationem naturalem, non solum propter personalitatem Verbi, sed etiam propter ipsam humanam naturam formaliter loquendo, quia secundum hanc Christus procedit similis generanti ex vi generationis: alij vero hoc non explicant, sed omittunt, & tandem inter ipsos alia exoritur controversia, An dicendus sit filius naturalis Trinitatis, necne? sed oportet ut breviter per singula discurremus.

69. Primus ergo dicendi modus ait, quod Christus in quantum homo est filius Dei naturalis accepta reduplicatione supra suppositum, & concernendo naturam per ipsummet æternam filiationem Verbi, tamquam per formam. ita docet D. Bonaventura in 3. d. 10. art. 2. q. 1. ad 3. Caietanus 3. p. q. 23. art. 4. vers. nota. Almainus in 3. d. 10. Raguza disp. 28. §. 1. Philip. Faber in 3. disp. 23. n. 10. & cap. 2. Lorca disp. 84. num. 47. & 48. & novissime tenet Basilius Ponce de Leon 1. p. variarum select. 4. vers. *sed mihi*, qui eam fuisse sententiam communem latetur & probat. in eandem est Petrus Cabrera 3. p. q. 23. art. 1. disp. 1. num. 117. Fundamentum huius sententiæ est à priori, quia Christus secundum quod homo non est formaliter filius Dei adoptivus, & tamen est filius verè & propriè, ut S. Scriptura, Concilia, & Patres doceant; ergo est filius naturalis, sed filius naturalis nequit esse ratione humanitatis, quia nulla alia filiatio naturalis datur, neque agnoscitur à Philosophis, nisi qui filius ex vi processionis evadit similis in natura, & Christus secundum humanitatem non evadit talis; ergo tantum est filius naturalis in quantum homo, si lex in quantum cadat supra suppositum Verbi terminans naturam humanam, non supra humanitatem: at illa filiatio est æterna; ergo, &c.

70. Secundò probari potest, quia natura humana non solum denominatur, sed verè est subsistens per subsistentiam personalem Verbi; ergo non solum denominatur, sed verè est filius per filiationem increatam Verbi. patet consequentia, quia eademmet indivisibilis forma, vel quasi forma, quæ est subsistentia personalis Verbi, ipsa est filiatio

æterna & increata Verbi; ergo sicut Christus secundum quod homo formaliter tamquam per formam est subsistens personaliter per personalitatem Verbi, ita per eandem est personaliter formaliter filius naturalis Dei; ergo licet humanitas non sit pars filiationis, neque intrat in recto in rationem formalem filij; est tamen subiectum quod non solum denominetur quasi extrinsecè, sed potius quasi intrinsecè filius Dei naturalis per filiationem formalem & increatam Verbi.

Tertiò probatur, quia Concilia dum impugnant filiationem Dei adoptivam in Christo ut homine propter filiationem, quam habebat naturalem, solum impugnant per solam filiationem increatam, & realiter identificatam cum diuina natura; ergo hæc, & non alia est, quæ formaliter opponitur filiationi adoptivæ. Antecedens patet ex ponderatione aliquorum testimoniorum, & sit primum ex Epistola Adriani colum. 4. fol. 142. vbi habentur hæc verba: *Nam Deus, & homo erat, qui secundum Deum dicebat, Ego & Pater unum sumus*, &c. ergo lex ego, scilicet Filius per ordinem ad increatam paternitatem sumitur, siquidem habent unitatem in diuina Essentia. Sit secundum ex Sacrosyllabo colum. 4. folio 146. vbi sic habetur: *Hoc ideo possumus, ut patenter daretur intelligi eum dici adoptivum, qui nondum prius fuerat proprius filius adoptivus: unde in Dei Filium non cadit nomen adoptionis, quia semper verus filius, semperq; Dominus, ac per hoc, & post assumptum hominem veri filij vocabulum non amisit, qui nunquam verus desistit esse filius; ergo filiatio, propter quam dicitur Filius homo assumptus à Verbo, fuit ipsamet, quæ præexistebat ante ipsam assumptionem: sed hæc non est alia, quam æterna. Tertium sit ex Concilio Fræcfordienfi, nam fol. 150. habentur ista verba: *Scimus enim Deum Dei Filium ex utraque natura, & unigenitum esse & primogenitum, unigenitum quia solus sine initio ex Deo Patre genitus, & solus ex initio temporis ex Matre Virgine genitus; ideoq; in utraque natura unigenitus etiam, & primogenitus, quia omnis unigenitus primogenitus est*, &c. ecce qualiter in utraque natura est unigenitus: propterea quod solus sine initio est ex Deo Patre genitus; ergo non solum secundum*

dum quod Deus, sed etiam secundum quod homo est filius naturalis formaliter propter filiationem naturalem increatam & æternam; non ergo natura humana intrat in recto tamquam similis ex vi generationis, sed sola filiatione increata & æterna concernens seu denominans tamquam subiectum naturam humanam, neque extogitabilis est alia naturalis filiatione.

72. Secundus dicendi modus est Christum esse filium Dei naturalem per filiationem Verbi, sed non sub formali conceptu filiationis, sed sub conceptu communi personæ diuinæ, ut homini, v. g. est sensitibus, quia homo est, non tamen ex præcisa differentia hominis, sed ex conceptu communi animalis: itaq; Auctores huiusmodi distinguunt filiationem naturalem, quæ est per generationem, & eam quæ non est per generationem, sed per donum vnionis ad propriam personam diuinam, & primam excludunt à Christo vt homine; & admittunt secundam. ita Suarez disput. 49. sect. 2. Vasquez disput. 89. à num. 80. Becanus 3. p. cap. 18. q. 5. num. 6. Gaspar Hurtado de Incarnat. disp. 17. diff. 3.

73. Probant autem primò, quia Christus vt homo est persona, sed non extranea; ergo propria Dei, item est capax hæreditatis diuinæ, quæ ratione vnionis illi debetur ex natura rei; ergo Christus vt homo est filius naturalis Dei: patet consequentia, quia etiam si non concipiatur personalitas Verbi sub expresso conceptu filiationis, sed sub ratione vniuersali personæ diuinæ habet propter eam Christum vt homo, quod sit persona propria Dei, quod sit hæres, & quod sit hæres naturalis; ergo est filius naturalis, quia hæres & filius conuertuntur adinuicem.

74. Secundò probatur, nam ex eo filius est alicui naturalis, quia habet in se formaliter aliquid Patris, à quo oritur vt à principio coniuncto; item est participes bonorum eiusdem, & hæres, quæ bona illi debentur titulo naturali, sed in his omnibus assimilatur Christus vt homo ipsimet vt Deb; quia habet in se personalitatem Verbi, quæ est aliquid Patris; & ratione huius est hæres titulo naturali bonorum eiusdem Patris, id est, titulo spectante ad eius naturalem

constitutionem; ergo conuenit filiatione Dei naturalis per vnionis donum cum filiatione eiusdem per naturalem generationem; ergo hæc analogica conuenientia sufficit vt verè dicatur Filius Dei naturalis non per generationem, sed per vnionis donum.

Tertiò probatur, quia personalitas Verbi etiam in communi accepta est sanctitas increata, quæ humanitatem Christi reddit sanctam; non minùs quàm reddit personam; ergo dat illi ius ad hæreditatem, non minùs quàm gratia habitualis; ergo constituit Filium, sed non adoptiuum; quia ille non est sanctus per sanctitatem increatam, ergo naturalem. Primum antecedens probatur; quia quælibet diuina & increata formalitas est ab omni labe immaculata puritas, at ex D. Dionysio de cælesti hierarchia hæc est formalis sanctitas; ergo, &c. Alij autem alio modo formant hoc argumentum; quia scilicet per personalitatem Verbi habet humanitas Christi increatam sanctitatem Deitatis; ergo Christus vt homo est sanctus per naturam, ergo per sanctitatem naturæ diuinæ habet ius ad hæreditatem diuinam, sed propter hanc Verbum est filius naturalis; ergo propter eandem Christum vt homo est filius, & hæres naturalis.

Si autem ab his Auctoribus inquiras duo, primò, An si Spiritus sanctus, vel Pater carnem humanam assumerent; sicut Verbum diuinum, dicerentur filij naturales Dei; necne? Respondent quoddam decerentur & essent filij naturales propter eandem rationem, quàm Christus vt homo, quia haberent personalitatem diuinam, & essent hæres per aliquid naturale. 2. respectu cuius Christus vt homo dicatur filius Dei naturalis? Respondent quoddam respectu totius Trinitatis, quia personalitas Verbi non concipitur sub conceptu ipsius specifico, sed sub conceptu generali & vniuersali: vnde humanitas eum ipsa non refertur ad Patrem notionaliter, sed ad totam Trinitatem. Hæc Deus, quantum, & quàm difficulta excogitauerunt Auctores isti ad defensionem opinionis propriæ.

His ergo solis non contentus Petrus Hurtado disp. 83. de Incarnat. sect. 9. sub sectionem 16. n. 100. coarctat prædictæ

dictæ sententiæ aliquid inexplicatum fuisse; non enim satis explanat (inquit) conceptum filij in Christo secundum humanitatem, quia non est deferenda communis ratio, quam Philosophi recognoscunt in Filio: Scriptura enim cum loquitur, supponit vsum per se notum in verbis; & cum loquitur de homine, supponit essentiam hominis binibus per se notam; nec quaerenda est alia ratio, hominis; & sicut cum Scriptura iustos appellat filios adoptionis, hæc significatio adoptionis; ita cum Christum filium naturalem appellat, tenenda est definitio filij naturalis: præfatus autem modus dicendi non præstat hbc; quia non explicat qualiter secundum humanitatem; secundum quam dicitur Filius naturalis, evadat Christus similis in natura; quandoquidem filiatio naturalis est *origo viventis a vivente ex principio coniuncto in similitudinem naturæ*, secundum Philosophos.

78. Quare tertius modus dicendi est ipsius Petri Hurtado sect. 5. sub sect. 11. qui ait, quod Christus ut homo non solum reduplicando suppositum, sed etiam reduplicando humanam naturam est filius Dei naturalis secundum supra traditam definitionem, etiamsi persona Verbi non terminet sub conceptu specifico filiationis, sed sub universali: quod probat, quia Christus ut homo procedit à Deo, *ut origo viventis à vivente*, nam Christus ut homo vivens est, & originatur à Deo vivente, tamquam à principio, posita natura divinâ in recto, & tribus personis in obliquo connotatis: præterea procedit ab ipso tamquam à principio coniuncto humanitati, quia divinitas est incorporata, & plenitudo eius habitat corporaliter in Christo ut homine, cui multo magis est intrinseca propter identitatem immediatam cum supposito Verbi, quam Pater creatus est coniunctus proli per semen à se decedum: & denique procedit *in similitudinem naturæ*, quia homo est similitudo & imago Dei, iuxta illud Genesis, *Faciamus hominem ad imaginem & similitudinem nostram*; ergo Christo ut homini etiam reduplicando naturam convenit esse filium naturalem Dei secundum omnem rationem definitionis filiationis naturalis. Et confirmat, quia

Deus & homo conveniunt in aliquibus prædicatis, iam uterque est natura substantialis intellectualis; ergo homo est similis Deo in natura; ergo Christus ut homo ex visuæ processionis procedit similis in natura; ergo, &c.

Secunda tamen & vera sententia negat quod Christus secundum quod homo, siue tantum reduplicetur suppositum; siue etiam reduplicetur humana natura, sit formaliter filius Dei naturalis. ita consequenter ad dicta tenere debent Auctores, quos Parte antecedenti pro sententia adoptionis retulimus: unde quando Scotus in 3. dist. 10. q. vnicâ ait, quod si filiatio adoptiva attendatur præcisè ex parte suppositi, Christus non est dicendus filius Dei adoptivus: non propterea censendus est, quod asserat quod formaliter sit secundum quod homo filius Dei naturalis, quia aliud est; quod non conveniat Christo ut homini ratione suppositi præcisè, quod sit filius adoptivus; aliud verò, quod ei conveniat esse filium naturalem; potest enim neque unum, neque alterum ei convenire ratione suppositi præcisè; quare quando nos ubi supra asseruimus, quod Christus secundum quod homo sit formaliter filius Dei adoptivus, non reduplicamus supra suppositalem præcisè; sed supra naturam humanam connotando suppositum divinum, quia tamen hæc sententia nostra plures continet partes, quibus omnes dicendi modos Aduersariorum repellit, idè sequentes stabili conclusiones.

80. Dico igitur primò contra primum modum dicendi primæ sententiæ: Christus secundum quod homo adhuc in concreto sumptus, non reduplicando humanam naturam, non est formaliter filius Dei naturalis. ita Auctores secundæ sententiæ, & plures ex prima, quos refert, & sequitur Petrus Hurtado ubi supra sub sect. 3. num. 72. Et probatur primò, quia cotrouersia cum Felice & Elipando non erat, An Christus in quantum Deus, neque An Christus in quantum persona divina sit filius Dei naturalis? sed An Christus in quantum homo sit talis? quod negabant ipsi, & definitum est ab Adriano & Francfordiensi contra ipsos, ut vidimus Parte secundâ; ergo definitio debet intel-

intelligi de Christo vt homine includendo etiam ipsam humanitatem vel in recto, & vt sic falsò excluditur reduplicatio supra naturam, vel in obliquo (quod aiunt Aduersarij) & tunc sequitur quòd persona Verbi in quantum connotans & terminans naturam humanam sit Filius Dei naturalis, quod est falsum, quia si per impossibile illa persona non esset Filius naturalis, terminaret eandem naturam. Et confirmatur, & declaratur, quia si per possibile vel impossibile personalitas creata Ioannis terminaret seu suppositaret naturam Petri, eodem modo hoc faceret siue Ioannes esset filius Francisci, siue Pauli; ergo Petrus non diceretur formaliter filius Francisci, etiam si suppositaretur à Ioanne; qui est filius Francisci; quandoquidem posset suppositari ab eodem, illo non existente filio Francisci, sed alterius; imò nullius, quia creati immediate à Deo; at eodem modo se habet persona Verbi in suppositando naturam humanam Christi; ergo Christus vt homo, etiam si ly *vs* non reduplicetur; sed tantum connotet humanam naturam, non est dicendus formaliter Filius Dei naturalis ratione filiationis in creatæ Verbi.

81. Secundò probatur argumento supra facto Parte 2. quia persona Verbi non minus est formaliter imago Patris, & Verbum Patris, quam est filius naturalis, & increatus Patris, sed Christus in quantum homo propter reduplicationem suppositi & personæ non est formaliter imago Patris, neque Verbum Patris, quia propter hanc reduplicationem tantum hoc habet specificatiuè & materialiter, id est, illa persona; quæ terminat hanc naturam, habet esse Verbum Patris, & imaginem Patris; ergo Christus in quantum homo non est formaliter, sed tantum materialiter Filius Dei naturalis Patris. Et confirmatur; quia si propter aliquam rationem Christus in quantum homo est formaliter filius naturalis Patris, maxime quia Pontifex, Concilia, & Patres Ecclesiæ sic definiunt, sed in his omnibus nullibi reperitur hoc Verbum *formaliter*, sed tantum inuenitur quòd sit Filius naturalis Patris, quod

optime saluatur in eo quòd specificatiuè & materialiter sit talis; ergo, &c.

Dices quòd Adrianus & Francor- 82.
diense definiunt contra supra dictos hæreticos admittentes tantum vnum suppositum in duabus naturis, & consequenter quando definiunt quòd Christus vt homo est Filius Dei naturalis, est intelligendum in sensu
13
formali, quia in sensu materiali etiam ipsi hoc concedebant propter vnitatem suppositi. Sed contra primò, quia ipsos non admisisse vnitatem physicam & realem suppositi latè probauimus Parte 2. imò plures ex Auctoribus oppositæ sententiæ hoc docent. Contra secundò, quia diminutè processissent Pontifex & Concilium in non apponendo hoc Verbum *formaliter*, quando contra hæreticos inferebant dualitatem personarum; quia ex hoc antecedenti, *Christus vt homo est filius Dei adoptiuus, Christus vt homo est filius Dei naturalis*, non sequitur hæc consequentia; *ergo est duplex persona*, nisi ponatur ly *formaliter*, nam concessio antecedenti negarent consequentiam, quia ex eo quòd Christus vt homo materialiter sit Filius Dei naturalis, & formaliter sit Filius Dei adoptiuus, tantum habetur quòd materialiter non sit extraneus; & formaliter sit extraneus, quæ non sunt contradictoria; ergo diminutè processissent, quod non est dicendum.

83. Tertiò probatur; quia nullus Philosophorum agnouit filiationem naturalem, quæ non haberet pro fundamento, vel conditione essentiali generationem naturalem; & quòd Filius procedat per originem viuientis à viuente ex principio coniuncto in similitudinem naturæ, sed persona Verbi vt terminat naturam humanam, non reduplicando supra ipsam naturam hoc non habet; quia ipsa natura, & non personalitas deberet esse similis ex vi processionis, & ab Aduersariis excluditur in recto talis natura; ergo vt homo non est formaliter Filius Dei naturalis. Respondent Aduersarij, quòd duplex est filiatio Dei naturalis, vna, quæ Filius æternus

procedit ex vi generationis similis Patri æterno in natura; alia verò, quâ Filius æternus vnitur naturæ capaci dilectionis, & amicitie, & hereditatis; licet ergo Christus vt homo non sit filius naturalis per similitudinem naturæ, quia hoc est proprium primæ filiationis, benè tamen modo posteriori.

84. Sed contrà primò, quia vel filiatio naturalis per talem vnionem tantum denominat formaliter hominem Filium absque eo quòd fundetur in generatione, vel non? si denominat tantum, ergo Christus vt homo tantum est denominatiuè filius naturalis, & hoc etiam assererebant hæretici, vt videmus ex Alcuino vbi suprâ; si non denominat tantum, inquiri quid efficit illa vnio vt constituatur homo formaliter Filius naturalis? nam quòd humanitas sit capax dilectionis, & amicitie, & hereditatis, totum hoc haberet, etiamsi non esset Filius naturalis, eo ipso quòd est natura intellectualis, & in finem supernaturalem à Deo ordinabilis; ergo frustra fingitur tale genus filiationis naturalis.

85. Contrà secundò, quia eodem fundamento possemus dicere, quòd nepos est filius naturalis aut; possemus enim dicere dupliciter posse vniri Filium cum generante, primò immediatè per generationem naturalem immediatam, & secundò mediatè per generationem mediatam, qualem habet nepos; imò de hac melius posset verificari quòd esset *origo viuientis à viuente in similitudinem naturæ*, licet hoc fieret mediatè: at hoc est inuertere naturas, & rerum essentias; ergo neque admittendum est illud duplex genus filiationis naturalis.

86. Contrà tertio, quia sicut filiatio adoptiua Dei transfertur ex filiatione adoptiua humana, vt exempla, quæ adducit Concilium Francfordiense de Moyse respectu filie Pharaonis, & de Ester respectu Mardochei demonstrant, ita filiatio naturalis Dei transfertur ex filiatione naturali humana, aliàs non quæreremus in processione Verbi diuini qualiter esset *origo viuientis à viuente*, &c. ergo sicut in humanis nulla est filiatio naturalis, quæ non fundatur in generatione naturali, quâ Fi-

lius procedit ex vi processionis similis in natura generanti, ita neque in diuinis, neque in Christo, vt in ipso vt homine hæc non datur formaliter; ergo, &c.

Quartò denique probatur nostra conclusio, quia si Pater, vel Spiritus sanctus vniretur alicui humanitati, sicut Filius fuit vnitus humanitati Christi, ille Christus vt homo non esset formaliter Pater, neque formaliter Spiritus sanctus; ergo neque hic Christus vt homo est formaliter filius naturalis. Antecedens probatur, quia illè Christus vt homo nullum posset generare Filium æternum in ordine ad quem Pater æternus formaliter est Pater naturalis, neque ille Christus vt homo esset formaliter spiratus vt nexus, & vinculum vtriusque personæ; quòd enim sint Pater & Spiritus sanctus, non conuenit illis vt terminarent naturas illas humanas, sed vt terminant naturam diuinam, & realiter identificantur cum illa; neque etiam adueniret illis de nouo per nouam terminationem humanæ naturæ, quòd essent nouiter Pater naturalis, & Spiritus: dicendum ergo est, quia sicut illi Christi vt homines tantum essent materialiter Pater, & Spiritus sanctus, & non formaliter; ita hic numero Christus vt homo tantum est materialiter filius Dei naturalis, & non formaliter specificatiuè, & non reducatiuè.

Dico secundò: Contra secundum dicendi modum eiusdem primæ sententiæ Christus in quantum homo reduPLICANDO etiam naturam non est filius Dei naturalis formaliter per donum vnionis ad personam diuinam in comuni. ita docent Scotus noster in 3. dist. 10. quæst. vnicâ, §. *ad argumenta*, vers. *contrà ista negatio*, vbi ait, quòd negatio extraneitatis in Christo vt homine, requisita ad filiationem naturalem Dei, non habetur per solam vnionem personalem. tenent expressè Petrus Lorca disp. 84. & Basilius Ponce vbi suprâ relect. 4. qui meritò aiunt huc dicendi modum esse cōtra antiquorum Theologorum assensum, siquidem omnes negant Christum vt hominem esse filium naturalem totius Trinitatis. videtur Alcuinus contemporaneus Felici &

& Elipandi, qui lib. 3. de Trinitate cap. 3. ait, quod nullus dicere audebit, quod Deus homo factus, duos habuisset Patres, unum diuinitatis, alterum humanitatis. ecce hoc dicunt Recentiores, quod non fuit ausus dicere Alcuinus, quando definita fuit in Christo vt homine filio naturalis. Præterea D. Thomas 4. contra Gentes cap. 47. habet hæc verba: *Spiritus sanctus non potest dici Pater Christi secundum generationem humanam. sicut Virgo dicitur Mater eius: Spiritus enim filius non produxit humanam naturam in Christo ex sua substantia*; ergo D. Thomas non agnouit aliam filiationem naturalem, nisi ortam ex generatione, aliàs malè probaret quòd Christus secundum quod homo non sit filius Spiritus sancti, quia posset esse ex vnionis dono: vnde meritò Ferrara vers. aduertendum ait: *Hæc ratio procedit ex hoc supposito, quòd Filius generatur de substantia generantis, id est, ex semine*. Alia plura circa hoc dicemus inferiùs. Neque referri debet ab Aduersariis Albertus in 3. d. 10. art. 3. (quidquid velit Petrus Hurtado num. 91.) quia filio naturalis, quam adstruit ex dono conuenire Christo, est ipsa filio eterna Filij vniti materiali humanitati Christi, tamen numquam dixit quòd sit formaliter filius naturalis propter ipsam, neque propter aliam.

89. Aliqua ex argumentis factis contra primum modum dicèdi militant etiam contra hunc, sed in speciali sic probò primò nostram conclusionem, quia vnio ad personam in communi vel est filio formalis, vel filio fundamentalis; sed non est formalis, quia hæc terminari debet ad Patrem, vnio verò terminatur ad personam Filij; sed neque est filio fundamentalis, quia tam personalitas in communi, quàm hæc humanitas in particulari, quæ vniuntur, & ipsamet vnio, non magis fundant relationem Filij, quàm relationem nepotis; imò qui Filius diceretur ratione filiationis diuinæ tamquam termini (quem habet vnio hypostatice) potius nepos deberet appellari, quia nepos est filius filij, respicit enim Patrem non vt Patrem (quia vt sic dicitur Filius) sed vt Filium Aui; ergo ratione vnionis non habet Christus vt homo, etiam includendo naturam hu-

manam, filiationem Dei naturalem.

Secundò probatur, quia si hæc vnio 90. hypostatice fieret ad personam Patris, vel Spiritus sancti, eodem modo ille Christus diceretur Filius Dei naturalis, sicut dicitur hic homo Christus. sequela patet, quia prædicta vnio terminatur ad personam Verbi, non sub ratione specifica filiationis, sed sub ratione communis vniuersali, at hoc ipsum haberent illæ naturæ vnitæ personalitatis Patris & Spiritus sancti, ergo eodem modo diceretur filij Dei naturales. Respondent Aduersarij admittendo sequelam. videntur Petrus Hurtado sub sect. 8. num. 87. Sed contrà, quia si hæc ita se habent, ergo nullum est argumentum, vel ad minus deficit præcipuum deductum ex S. Scriptura, propter quòd inferatur distinctio trium personarum. probò consequentiam, quia si aliquid maximè quæ dicuntur de Christo vt filio Dei, & quæ ipse de se ipso dicit in ordine ad Patrem, sed omnia hæc nullam habent efficaciam, si responderetur ab hæreticis, quod ratione vnus personæ, quæ aliàs appellatur Pater, & Filius, & Spiritus sanctus secundum diuersa officia (vt aiebat Arrius) dicitur Filius naturalis ex dono vnionis, & non ex filiatione æterna, & sic quòd nomen Pater sumi debet essentialiter, non notionaliter, & sic venirent intelligenda illa testimonia Iohannis 14. *Tantum tempore vobiscum sum, & non cognouistis me. Philippe, qui videt me, videt & Patrem meum: non creditis, quia ego in Patre, & Pater in me est, ego & Pater vnus sumus*, &c. nam si Pater & Spiritus sanctus vniti humanitati in ipsa in concreto accepta dicerentur Filius Dei naturalis, ergo ex filiatione Dei naturali in Christo Domino reperta non inferretur distinctio trium personarum, quia non acciperetur relatiuè ad Patrem notionale, sed ad Deum, qui in Aduersariorum sententia est terminus prædictæ filiationis naturalis; at in S. Scriptura, quando fit expressa mentio de Filio Dei naturali sub hoc expresso nomine communiter est sermo de Christo Domino; ergo ex illo nullum esset efficax, vel ad minus præcipuum deficeret argumentum ad distinctionem personarum.

91. Et confirmatur primò, quia Ecclesiæ Patres, ex eo quòd Christus dicatur filius Patris æterni, colligunt eum habere eandem naturam cum Patre, & distinctam personam, videatur Gregor. Illiberitanus lib. de Fide, lib. de Trinitate satis laudato à D. Hieronymo; Hilarius, Cyrillus, Chrysostomus, & alij plures relati à Recentioribus vbi suprà, ex quibus Scholastici hoc acceperunt argumentum. legatur S. Thomas q. 23. art. 3. Scotus in 1. dist. 2. q. 6. in principio, & q. 7. §. *quia sicut dicitur*, vbi ait, quòd pluralitas personarum sumitur ex pluralitate productionum; & in 3. dist. 10. q. vnicà citatà, §. *respondet*, litt. A, solum agnoscit filiationem naturalem, quæ fundetur in generatione naturali, & quòd ratione illius habeat ius ad hæreditatem; ergo est contra communem sensum Scholasticorum & Patrum hæc filiatio naturalis solum procedens ex dono vnionis.
92. Et confirmatur secundò, quia si non repugnant inter se prædicata filij naturalis Dei cum prædicato creaturæ, inæqualitatis, &c. ergo ex filiatione naturali Dei non inferretur consubstantialitas Filij cum Patre, neque æternitas, & æqualitas illius cum illo.
93. Tertiò probatur argumento Scoti ibidem vcrf. *contra ista negatio*, quia negatio extraneitatis in Christo vt homine non est nisi propter gratiam habitualement Christi, quia propter illam solum habet ius ad hæreditatem, quidquid sit An talis gratia debita sit vnioni debito congruentiæ, in aliquo tamen priori naturæ præcedit vnio hypostatica absque negatione extraneitatis; ergo ex vi vnionis hypostaticæ Christus vt homo non est formaliter filius Dei naturalis. patet consequentia, quia si non est negatus extraneitate, vsquedum accedat gratia habitualis; ergo ante infusionem ipsius præcedebat extraneus, & tamen præcedebat vnio; ergo vnio non dat carentiam extraneitatis, quæ carentia est propria Filij naturalis. quare hoc argumentum ita visum fuit efficax Scoto, quòd statim diceret, *responsionem quare*.
94. Aduersarij tamen, vt illi respōdeant, triplicem inuenerunt solutionem: primò enim respondent aliqui, quòd personalitas diuina sanctificat humanita-
- tem, & sic dat illi ius ad hæreditatem antequam accedat gratia habitualis. 2. alij, quòd Deitas vnita per personalitatem sanctificat, & sic tale ius oritur ex natura. 3. denique alij, quòd quidquid sit An personalitas sanctificet, tamen est aliquid diuinum pertinens ad complementum naturale hominis, & est aliquid substantiale magis proprium Patris, quàm semen decisum à generante, & sic titulo naturali, & iure naturæ debetur hæreditas homini Christo, ius autem fundatum in natura est proprium Filij naturalis.
95. Sed contra primum & secundum latè probauimus disp. 11. quæst. 2. quòd nulla alia forma præter gratiam habitualement sanctificat humanitatem Christi, & sic nulla alia dat ius ad hæreditatem. Præterea, quia si hoc sufficeret, multò potiori ratione diceretur de Spiritu sancto quòd sit filius, quia est sanctus vel per personalitatem, vel per Deitatem, vel per vtramque. Et si respondcas cum Petro Hurtado sub sect. 9. num. 97. quòd Spiritus sanctus non habet personam ex dono, quia hoc est liberum beneficium Dei; neque est hæres, quia hæreditas est de his, quæ dari possunt, & auferri. Contrà ex hac solutione potius sequitur intentum, ergo hæc filiatio, quam adstruis in Christo, tota fundatur in gratia, scilicet in dono gratuito, & in hæreditate gratuita; ergo coincidit cum ea, quæ fundatur in gratia habituali; ergo non est naturalis. patet consequentia, quia naturalis ex eo dicit carentiam extraneitatis, quia dicit carentiam gratiæ; qui enim habet ius naturale, non est extraneus ad hæreditatem, neque hæreditas est illi merè gratiosa.
96. Contra tertium sequitur idipsum quod Auctores huius modi dicendi negauerant contra Auctores primi modi, quia iam homo Christus esset filius naturalis per ipsammet personalitatem. Præterea hæc personalitas non est intrinseca humanitati, sicut semen est proli. Deinde licet sit, tamen non dat ius, quandoquidem de potentia Dei posset stare cum peccato. Præterea licet non posset stare cum illo, adhuc non dat ius, quia cum tantum supplet vices personæ creatæ, sicut hæc posset stare sine gratia, & sine peccato in pura natura,

tura, ita illa, & consequenter absque iure ad hæreditatem Dei, quia in statu puræ naturæ non esset tale ius. Denique quia si humanitas vniretur subsistentiæ communi indiuidui Deitatis, aliquid diuinum substantiale haberet, & magis intrinsecum Patri, seu Deo, quam est ei intrinseca personalitas, & pertineret similiter ad complementum naturæ, & tamen hic homo non esset Filius, tū quia in eorum sententia vno debet esse ad personalitatem saltem in communi & subsistentia indiuidui Deitatis non est personalitas; tum quia si propter eam esset Filius, multo magis indiuiduum Deitatis propter eam esset Filius; tum denique quia Deus est Pater essentialis *ut quod* propter talem subsistentiam, sicut Pater notionalis est Pater *ut quod* propter subsistentiam personalem; ergo propter eamdem formalitatem subsistentiæ indiuidui Deitatis homo esset Filius naturalis, & Deus esset Pater naturalis. hæc omnia absurda satis apparent; ergo, &c.

97. Quartò probatur, quia hæc filiatio naturalis, quæ ex prædicto dono vnionis adstruunt Aduersarij, habet omnes iniurias & imperfectiones, quas habet filiatio Dei adoptiua; ergo vel nihil dicunt, vel in re grauissima quæstionem faciunt de solo nomine. Antecedens probatur, quia hæc filiatio naturalis intraneam & intrinsecam habet inæqualitatem inter Patrem & Filium, vt & ipsi fatentur; item refertur ad Patrem essentialiter, non notionaliter; item habet pro termino hæreditatem creatam; deinde procedit ex prædestinatione, electione, & effectu; & denique natura humana, cui hæreditas est conferenda, quantum est ex se, est extranea, quidquid sit, An prout cōiuncta cum personalitate per vnionē non sit extranea, quod nihil officit, quia etiam prout cōiuncta cum gratia habituali non est extranea, & maxime in eorum sententia, quæ tenet, quòd gratia habitualis ex natura sua sanctificat, estque impossibilis cum peccato, & dat ius ad hæreditatem, & consequenter in sensu composito accepta habet ius naturale, & nihilominus constituit Filium Dei adoptiuium. consequentia autē patet, quia sub prætextu filiationis naturalis admittunt filiationem adoptiuam in re-

ipsa, & solū differunt à nobis, quòd nos fundamus filiationem super gratiā habitualement, illi verò super vnionem, & mirum est, quòd per hoc solū ita acriter impugnarentur & anathematizarentur Felix & Elipandus ab Adriano Papa, & à Concilio Francfordiensi, quod nec credo, nec persuasum mihi habeo, sed potius oppositum manifeste ostendi.

Quintò probatur ab inconuenienti, 98. quia aliàs Christus esset formaliter filius Virginis Mariæ non solū secundum naturam humanam, sed etiam secundum naturam diuinam, non tantum terminatiuè, vt omnes Catholici fatentur, sed etiam formaliter, & intrante natura diuina in recto, quòd est omni absurdo absurdius propter intrinsecā repugnantiam, quam diuina Essentia habet ad filiationem respectu creaturæ. sequelam probò, quia si non repugnat quòd secundum naturā humanam Christus sit formaliter filius naturalis Virginis, & formaliter filius naturalis Dei, licet talis natura humana non sit à Deo genita; ita non repugnabit, quod secundum naturam diuinam sit formaliter filius Dei naturalis, & formaliter filius naturalis Virginis, licet talis natura diuina non sit à Virgine genita.

Et si reddas disparitatem, quod natura diuina, vel suppositalitas, quæ vnitur, est sanctitas formalis, & sic præstat ius ad hæreditatem, & consequenter constituit filiationem naturalem: at filiatio Christi ad Virginem terminata non se habet ita. Contrà primò, quia aliqui ex vobis nō recurritis ad personalitatem tamquam ad sanctitatē, sed tamquam ad semen à Patre decisum. Contrà secundò, quia talis relatio dat Christo ius ad hæreditatem Virginis, & ad omnia bona, seu res familiares ipsius quascūq; habuisset, & potuisset habere, & similiter maternitas Virginis dat illi ius naturale ad bona Christi; ergo si Christus secundū naturam diuinā posset esse & denominari formaliter filius naturalis Virginis per hanc filiationis relationē, etiam posset esse & denominari heres Virginis, licet talis filiatio non sit formalis sanctitas. Contrà tertio, quia etiam personalitas diuina non est intrinseca naturæ; & si

aliquo modo est intrinseca, tantū concipitur per modum termini naturæ, & hoc sufficit ut sanctificet, & per modū sanctitatis det ius, sed omnia hæc concipiuntur in illa filiatione Christi ad Virginem, quia in eisdem fundatur, & in maternitate Mariæ ad Christū, quæ similiter terminatur personalitate Verbi immediate, & mediata ipsa diuinitate; ergo haberet quidquid esset requisitū ad rationem sanctitatis, & ad habendum ius per formā, quæ sit sanctitas in eorum sententia. Ex quo tandem sequeretur, quod beatissima Virgo titulo naturali maternitatis absque gratia habituali formaliter sit hæres Christi, nō solum secundum quod homo est, sed etiā secundum quod Deus est, quod nullus hucusque dixit.

100. Sexto & vltimo probatur, quia si Christus secundum quod homo sit formaliter filius Dei naturalis ex dono vocationis; ergo est filius naturalis Trinitatis. patet consequentia, quia à tota Trinitate habet prædictum donum vocationis. Respondent Recentiores admittendo consequentiam. ita Suarez disp. 49. sect. 2. à vers. *sexam rationem*; Vasquez disp. 89. cap. 14. à vers. *tertio colligitur*; Martinus Becanus 3. p. c. 18. q. 5. a. 8. Galpar Hurtado de Incarnatione diff. 17. n. 18. Petrus Hurtado vbi suprà sect. 6. sub sect. 3. Et probant primo ex Adriani Epistola suprà citata, vbi explicans illud Matthæi 3. *Hic est Filius meus dilectus in quo mihi bene complacui*, habet hæc verba. *Si secundum diuinitatem dixisset, nequaquā diceret, In quo mihi bene complacui, sed tūmodo in quo mihi bene placuit: sed dum dicit complacui, totam simul Trinitatem comprehendit, quia in homine Christo tota complacuit Trinitas*; ergo Trinitatis est filius dilectus Christus ut homo, siquidem de ipso ut tali complacet tota Trinitas. Probant secundo, quia accedente nouo fundamento fundari potest noua relatio, quare relatio filiationis ad Mariam in Christo cadit super suppositum simul cum humana natura; ergo cum personalitate Verbi accedens humanitas potest fundare nouam relationem filiationis distinctā à filiatione increata Verbi, ergo nulla est repugnantia, quod noua oriatur relatio filiationis naturalis ad totam Trinitatē distinctā ab illa,

quam habet ad solam personam Patris persona Verbi coniuncta cum humana natura.

Sed contrā, quia hæc sententia est contra communem sententiā Scholasticorum quidquid velit, & in oppositum contendat Petrus Hurtado, quia Durandus & D. Bonauentura, & alij Auctores, quos pro se citat, quod vel concedant, vel ex aliorum placitis referant aliquam Christi filiationem terminatam ad Trinitatē, loquuntur vel de filiatione adoptiua ut Durandus, vel de filiatione naturali sumpta in lata & impropria metaphoricaque locutione sumpta scilicet pro creatione, & pro concursu, quo scilicet tres persone simul cum Virgine Maria produxerunt Christum ut hominem, tamen ipsimet Auctores impugnant omnem aliam filiationem Christi naturalem præter eam, quam habet notionalem increatam, & æternam terminatam ad solam personam Patris, vel quia appropinquat errori, vel quia confusionem ponit in relationibus diuinis, &c. hanc sententiam expressè docent Magister in 3. d. 4. Scotus q. vnicā § ad argumenta, vers. *ad illud dico*, litt. K. D. Bonauentura art. 2. q. 2. & 3. Gabriel q. vnicā, art. 3. dub. 2. Thomas de Argentina art. 4. Albertus ibidem art. 4. Alexander Aletius 3. p. q. 8. memb. 3. art. 4. S. Thomas in 3. q. 1. art. 2. & 4. & contra Gentes cap. 47. & 3. p. q. 32. art. 3. ex Recentioribus Medina q. 3. art. 3. Cabrera q. 23 art. 4. disp. 1. num. 47. Lorca disp. 84. num. 39. & Pontius de Leon relect. 4. citatā.

Et probatur ex Patribus, quos adducit Magister Sentent. in litt. sed pro omnibus sufficiat Augustinus tom. 3. in Enchiridion cap. 38. 39. & 40. circa illa verba, *Spiritus sanctus superueniet in te* habet ista: *Namquid tamen id eo dictum sumus Patrem hominis Christi esse Spiritum sanctum, ut Deus Pater Verbum genuerit, Spiritus sanctus hominem. ex qua utraque substantia Christus vnus esset & Dei Patris filius secundum Verbum, & Spiritus sancti filius secundum hominē: sed quasi eum Spiritus sanctus tamquam Pater eius de matre Virgine genuisset? nec opus est ostendere disputando, quanta alia sequantur absurda: cum hoc ipsum ita sit absurdum, ut nulla fideles aures id viderent sustinere. idem habet*

bet Augustinus tom. 3. lib. 1. de Trinitate cap. 4. & lib. 2. cap. 10. vnde Suarez disp. 49. sect. 3. *verf. responderi potest.* compulsus est fateri Augustinus sic fenfille. Neque aliquid valet solutio Petri Hurtado sect. 6. sub sect. 5. quod loquatur de generatione & filiatione naturali, quæ sit per commixtionem seminum Patris & Matris, quia contrà est quod Augustinus nec verbum de hoc dixit, neque ex antecedentibus & cõsequentibus valet colligi, quod enim Sententiarum Magister ait, explicans quomodo conceptus & natus dicitur Christus de Spiritu sancto, scilicet *non quod Spiritus sanctus fueris Virgini pro semine, non enim de substantia Spiritus sancti semen parvus accepit*, non loquitur Magister explicando testimonium Augustini, sed explicando illa verba, *conceptus & natus*, quæ significant naturalem generationem, & quia nullam putat esse veram & propriam generationem in homine producto, nisi fiat per seminum commixtionem, ided præcauet talem locutionem; & illam explicat, non Augustini verba; secundum quæ nostra sententia euidenter probatur, & ostenditur; & si explicaret, idipsum dico de Augustino, quod de Magistro, scilicet quod non cognoscant aliam filiationem naturalem creatam, nisi eam, quæ fiat ex seminum commixtione; propter cuius defectum denegatur Spiritui sancto quoddam sit Pater naturalis hominis Christi.

103. Præterea Concilium Toletanum XI. in confessione fidei cap. 10. sic definit: *Nam Christus Iesus nullomodo Spiritus sancti filius credi vel intelligi potest.* & addidit Augustinus lib. de Trinit. cap. 10. à quo Concilium desumpsit prædicta verba, *nec suus.* Respondet Vasquez, quod loquitur de Christo vt Deo: Sed contrà & bene insurgit Lorca, quod loquitur de Christo vt incarnato; ergo de Christo secundum naturam humanam. Probatur antecedens tum quia loquitur de Iesu, quo nomine appellatur Christus secundum quod homo, iuxta illud Lucæ 1. *Et vocabis nomen eius Iesum;* tum ex verbis immediate subsecutis in Concilio; *Pro eo quod beata Virgo Maria eodem Spiritu sancto obumbrante genuit, ne duos Patres Filij videamur concedere, quod nefas est dictum.* Vnde mi-

nus valet solutio Hurtadi, quod loquatur de Filio Spiritus sancti ex seminum commixtione, tum quia nullum est de hoc verbum, tum quia illa verba, *nullomodo Spiritus sancti Filius credi vel intelligi potest*, omnes filiationes naturales absolute excludant, est enim negatio malignantis naturæ (vt Sūmulitæ aiunt) quod omnia post se secuta destruit; tum denique quia inconueniens, quod infert Concilium, scilicet, *ne duos Patres Filij videamur concedere*, perseverat etiam si generatio non fiat ex seminum commixtione, & licet Concilium dicat quod hoc nefas est dictum, Auctores aduersi hanc deglutunt censuram.

Sed vt ostendam quàm longè ab eorum sententia sit Francfordiense Concilium, aliqua ex ipso in medium proferant ponderatione digna. In Libro Sacrosyllabo fol. 145. colum. 3. hæc habentur verba: *Igitur cum ad Iordanum aluam, Ioanne comite, qui Christum à populo existimabatur, appropinquaret, & vt sanctificaretur aquatum natura medijs sese Iordanis intinxisset in vndis, vt manifestius inter adoptivum & proprium Filium discerneret, & quia inseparabilia sunt semper opera Trinitatis, calis aperti sunt super eum, & Spiritus sanctus sine quo nunquam erat Filius corporali specie, sicut columba de descendis super eum, & mansit super eum, quia in ipso complacuit omnem plenitudinem diuinitatis habitare corporaliter, statimq; vox Patris in tonnis, dicens, Hic est Filius meus dilectus in quo mihi bene complacuit; ac si diceret, Iste est super quem Spiritus sanctus in specie columba descendit, & Filius est, & dilectus est, & meus est, & hic est quem Spiritus sanctus proprium esse meum Filium singulariter demonstravit.* Ecce qualiter Liber hic Sacrosyllabus distinguit tres Trinitatis personas; & tribuit Spiritui sancto, quod determinaret inter Filium adoptivum & naturalem, scilicet inter Ioannem Baptistam, & Christum, descendendo in forma columbæ super Christum, & non super Ioannem Baptistam; & tribuit personæ Patris, quod loqueretur, & diceret, quod ille Filius sic à Spiritu sancto signatus, determinatus, & demonstratus erat Filius, erat dilectus, erat suus, & quod Spiritus sanctus sic demonstrasset; ergo non Trinitatis, sed solius Patris. Sit aliud testimonium ex eodem folio 148. *Nos autem* (inquit) *Domini,*

104.

Domini, & charissimi fratres sequentes præcedentium Patrum sanam fidei doctrinam, respuentes per omnia deliramenta negantium hominum, corde credamus ad iustitiam, ore autem confiteamur ad salutem Domini nostri Iesum Christum verum Dei filium non putativum, proprium in utraque natura, non adoptivum, æqualem, & coeternum Patri sanctoq. Spiritui; ergo filiatio quam in confessione fidei Patres in Concilio Francfordiensi congregati confessi sunt Christo Domino in utraque natura, non est filiatio hæc inæqualis, & temporalis, quam vt relatam ad totam Trinitatem adstruunt, sed est illa æterna solum ad personam Patris terminata, quam habuit ab æterno diuinum Verbum. Præterea Concilium Francfordiense fol. 150. dicit: Scimus enim Deum Dei Filium ex utraque natura & unigenitum esse, & primogenitum: unigenitum, quia solus sine initio ex Deo Patre genitus, & solus ex initio temporis ex matre Virgine genitus; ergo filiatio naturalis, secundum quam Christus secundum quod homo & unigenitus est, & primogenitus, est illa quam habuit sine initio genitus, & solus ex initio temporis ex matre Virgine genitus; ergo hæc non est diuersa ab illa.

105. *Ratione probatur, quia hæc Christi productio ex Virgine & Spiritu, vel hæc vnio personalis cum natura humana nullo modo participat definitionem generationis naturalis; ergo neque filiationis naturalis ad Trinitatem. Deinde probatur, quia aliàs plurimos posset Deus habere filios naturales, patet consequentia, quia Verbum (& idem dico de aliis duabus personis Trinitatis) pluribus potest vniri naturis; ergo Christus posset dici primogenitus, non solum quia vnigenitus est, vt intellexit Concilium, & est communis Patrum Ecclesiæ consensus, sed etiam quia respectu aliorum subsequen-
tium primus est, quod negat Concilium his verbis subsequen-
tibus ad pau-
lò antea adducta: Ideo, in utraque natura vnigenitus etiam & primogenitus, quia omnis vnigenitus primogenitus est, licet secundum humanam generationem non omnis primogenitus vnigenitus sit; ergo nullo modo Christus secundum quod homo est Filius naturalis Trinitatis.*

106. *Vt autem verba Adriani ab Aduer-*

fariis adducta non habeant eam intelligentiam, quam ipsi adstruere conantur, oportet contextum cum aliis anterioribus proponere; sic enim fol. 144. in principio habentur: Patris testimonio de Filio perhibentis non creditis, qui dixit, Hic est Filius meus dilectus? Spiritus sancti ostensionem specie columba, qui esset ipse dilectus Filius, nihil penditis? super quem putatis Spiritum sanctum in specie columba descendisset super Deum, an super hominem? an propter vniam personam Christi super Dei hominisq. Filium? &c. de eo ergo; id est, de hominis filio, super quem Spiritus sanctus descendit. velut vnus sit Dei hominisq. Filius, vox Patris intonuit, Hic est Filius meus dilectus, in quo mihi bene complacuit; si secundum diuinitatem diceret, nequaquam diceret, In quo mihi bene complacuit, sed tantummodo in quo mihi bene placuit: sed dum dicit complacuit, totam simul Trinitatem comprehendit, quia in homine Christo tota complacuit Trinitas. itaq; in his verbis intendit contra hæreticos Concilium, quod Christus non solum sit Filius Dei secundum quod Deus, sed etiam secundum quod homo, & vult quod filiatio talis ostendatur per complacentiam totius Trinitatis, non in quantum Patris, vt Aduersarij intendunt, sed quia opera Trinitatis ad extra sunt indiuisa, vt aliàs diximus ex Sacrosyllabo, & sic ostensio, & manifestatio talis placiti, quia fuit opus ad extra, debuit fieri à tota Trinitate, & sic facta est à Patre vocem ferenti, à Filio homine audiente & consentiente, & à Spiritu sancto in specie columbæ determinatè significante subiectum, de quo vox Patris foret intelligenda; & consequenter debuit appellari complacentia, quia omnium trium personarum placencia. Vnde nota, quod quando Pontifex loquitur de testimonio Patris, illud ponit sub illis verbis, Hic est Filius meus dilectus; & quando loquitur de testimonio Spiritus sancti, illud ponit sub his, quia ipse esset dilectus Filius; non enim ait meus vt Pater, sed quia non suus, ait, Ipse esset dilectus Filius, quia scilicet erat Patris Filius dilectus: vnde tantum distat, quod hoc testimonium sit pro Aduersariis, quod potius manifestet clarè sententiam nostram.

- Ad rationem respondeo, quod nulla est repugnantia, quod oriatur noua relatio*

latio etiam filiationis naturalis ex nouo fundamento, vt patet in exemplo adducto filiationis naturalis ad Virginem, dum tamen illud fundamentum coniungatur tamquam cum conditione cum generatione naturali, de cuius ratione est, quod sit origo viuacis à viuentē, &c. & quia conditio hæc deficit, vt postea ostendemus in impugnatione tertij modi in productione Christi factæ à Trinitate, idè meritò negari debet tamquam quid repugnans quod Christum secundum quod homo sit Filius SS. Trinitatis.

108. Sed inquires, An præfata sententia sit digna aliqua censura? Respondeo quod auctoritas Auctorum illius, præcipuè Suarez continet valde animum à censura, quia tamen in mea sententia testimonium adluctum ex Concilio Toletano expresse militat contra istam, & in ipso dicitur quod concedere duos Christi Patres *neque est dictum*, idè non possum id ipsum non proferre, & cum Concilio assentire.

109. Dico tertio contra tertium dicendi modum: Christum secundum quod homo reduplicando non solum supra suppositum, sed etiam supra naturam, quæ similis debeat esse generanti, non est formaliter Filius Dei naturalis. ita certa est hæc conclusio, vt oppositum nullus hucusque dixerit, nisi Petrus Hurtado. Eam igitur probo primò, quia si alicuius deberet esse Filius naturalis maximè Trinitatis, sed hoc non vt probauimus; ergo.

110. Secundò probo specialiter præter argumenta alia iam adducta, quæ etiam militant contra hunc dicendi modum, quia natura humana non est similis Deo cā similitudine, quæ requiritur ex parte illius ad filiationem naturalem; ergo Christus vt homo non est formaliter Filius Dei naturalis hoc genere filiationis, quæ petat similitudinem in natura. Antecedens probatur, quia ex eo quod Ecclesiæ Patres in illis verbis, *Faciamus hominem ad imaginem, & similitudinem nostram*, non inueniunt propriam & veram similitudinem filiorum, recurrunt ad varias & diuersas interpretandi rationes: vnde Hugo de S. Victore in Annotationibus in Genesim, & habetur in Glossa ordinaria cap. 1. Genesim obseruauit

Castillo de Incarn. Pars 1.

quod facer Textus dixerit, *ad imaginem*; & reddens rationem huius sic habet, *Quia non est ei vsquequaque similis, Filius est imago Patris, nō ad imaginem quia quidquid habet Pater, totum habet Filius per naturam; homo verò ita est imago Dei, quod ad imaginem non per naturam, sed participatione vel imitatione habet ea qua Dei sunt.* ergo imago, & similitudo Dei, quæ reperitur in Christo vt homine, non est ea quæ est propria filiorum. Præterea Glossa Interlinearis explicat imaginem *in ratione quæ contemplanda veritatis inheret*, & D. Augustinus eam dupliciter assignat, vno modo 9. de Trinit. cap. 4. & deinceps, in quantum scilicet in vna anima hominis sunt mens, notitia, & amor; alio modo 10. de Trinit. c. 10. in quantum scilicet est in ea memoria, intelligentia, & voluntas; & de hac loquens lib. 15. de Trinit. cap. 2. dicit quod est euidentior priori. de quibus optimè ait tom. 1. lib. 2. Retractionum c. 24. quod non omnino extinctæ sint per peccatum, sed taliter deformes, vt reformatione opus haberent. & denique Tertullianus lib. de Resurrectione carnis in principio, & magnus Athanasius sermone de Sanctissima Deipara post medium, & Nicenus quæstione de eo, quid sit ad imaginem Dei, idè dictum censent, *Faciamus hominem ad imaginem, & similitudinem nostram*, quia factus fuerit homo ad instar Christi, habente se humanitate Christi vt prototypo & exemplari, & idem fit ad similitudinem nostram, ac ad similitudinem nostri; non ergo venit in noticiam Patrum hæc similitudo filiorum, quam adiuuenit Hurtado.

Secundò probatur, quia similitudo siue specifica, vt inuenitur inter homines Patrem & Filium, siue generica, vt inter equum & mulum (quæ reperiuntur in creatis) originem ducunt à commixtione seminum, ita vt illorum materia per diuersas transmutata dispositiones transferatur ad esse partem intrinsecam & essentialē geniti, sed in homine Christo non reperitur aliqua materia propria Patris, neque aliqua similitudo, quæ originem ducat ex illa, neque personalitas habet rationem materiæ, nec quasi materiæ, sed tantum est terminus naturæ humanæ, & hæc non est similis Deo,

ergo sicut illæ non denominant formaliter Christum vt hominem, neque de illo formaliter prædicantur, ita neque ista; ergo non alio modo quàm materialiter est Filius Dei naturalis, quia reliquæ filiationes à diuina & æterna de nouo à Recentioribus inueniuntur, omnino falsæ, & commentitiæ sunt.

115. Dico denique quintò supposito quòd necessariò tenendum foret, quòd Christus secundùm quod homo sit formaliter Filius Dei naturalis sic philosophandum censeo, scilicet quòd filiatio æterna & increata Verbi realiter & materialiter accepta sit fundamentum ex quo confurgat ius ad hæreditatem creatam, sed summam qualem habet Christus vt homo, quòd ius sit quædam habitudo moralis ad illam, formaliter constituens ipsum hæredem, non in lata significatione quæ competere potest non filiis, sed in ea quæ synonimè accipitur hæres pro filio vel vnigenito, vel primogenito: in hac enim significatione idem erit formaliter hæres quod filius, & confurgente hac habitudine à filiatione naturali tamquam à fundamento, siue confurgat ex natura rei, siue tantùm de congruo dicenda est naturalis, & consequenter sicut constituet Christum vt hominem formaliter hæredem Dei naturalem, ita & constituit formaliter Filium Dei naturalem, non sumptà filiatione pro eo quod ex vi vocis significatur, sed pro hæreditate naturali: itaque in hac nostra sententia filiatio formalis non est forma realis, sed tantùm moralis, licet fundata in forma reali, neque cadit supra suppositum, sed ex ipso oritur, & cadit supra humanam naturam, quæ est quæ per se significatur ab hac voce, *homo*; nec requirit similitudinem in natura, sed tantùm capacitatem, tum ad personari per filiationem Dei increatam, tum ad recipiendum dona gratiæ & gloriæ; nec perit carentiam extraneitatis formalis ortam ex generatione naturali, sed tantùm ortam ex ipsa positione filiationis naturalis positæ pro fundamento; nec denique requirit pro termino talis habitudinis aliquem Patrem siue notionalem, siue essentialem, sed sufficit quòd pro fundamento habeat filiatio-

Castillo de Incarn. Pars I.

nem Dei increatam de se terminatam ad Patrem notionalem. sic mihi venit intelligendus Scotus in reportatis 3. lib. dist. 10. quæst. vnicâ, vbi expressius quàm in 3. Sentent. defendit tamquam probabilem sententiam de filiatione naturali & formali Christi vt hominis.

Hanc sic probò conclusionem primò, quia non minùs est capax humanitas Christi Domini ad participandum ex Verbo tamquam ex fundamento aliquem respectum moralem ipsam dignificantem, quàm opera ipsius fuerunt capacia, sed opera Christi Domini fuerunt summè dignificata moraliter à Verbo tamquam à fundamento, & ab habitudine tamquam à ratione formali; ergo similiter. Secundò, quia ex tali filiatione naturali, licet materialiter accepta oritur carentia formalis extraneitatis ad dignitatem, & ad hæreditatem; ergo formaliter non est extraneus hæres; ergo est hæres intraneus: sed hæres intraneus meritò dicitur hæres naturalis; ergo & filius naturalis. patet consequentia, quia si synonimè accipiantur hæres pro filio, & filius pro hærede, necessariò hæres intraneus, filius intraneus, & naturalis debet appellari.

Sufficiant hæc pro probabilitate huius sententiæ; quia tamen carentia extraneitatis, quæ ad filiationem naturalem exigitur, communiter accipitur pro carentia orta ex generatione, & non pro carentia orta ex iure, neque ex dignitate iuris, seu habendi tale ius: quapropter sic communiter interpretatur à Iuristis, & à Theologis, vt vidimus in principio huius Quæstionis, quòd adoptio debet esse personæ extraneæ à generatione naturali adoptantis; & filiatio naturalis, quæ ab omnibus quæritur in præsentia, debet esse vera & propria, & ad verum & proprium terminatam Patrem; idèd compellimur, vt argumenta contra adoptionem, & pro filiatione naturali ab Aduersariis facta dissoluamus.

PARS QUINTA.

Fit satis argumentis contra adoptionem, & pro filiatione naturali filiis.

118. **F**acile erit modò argumentis contra adoptionem factis satisfacere, postquam in secunda Parte huius Quæstionis explicuimus errorem Felicis & Elipandi, & mentem Concilij Francfordiensis cum Adriano Papa contra ipsos definientes aperuimus, & sic ad primam probationem ex his omnibus adductam in Parte prima huius Quæstionis dicimus verum esse Pontificem, & Concilium duo definisse. primum, scilicet quòd Christus non solum secundum quod Deus, sed etiam secundum quòd homo erat Filius naturalis Dei. 2. quòd vt sic non sit Filius eius adoptiuus, notamus tamen quòd tantum, quàm aliud fuit definitum in in sensu quo contrariabantur sensui hæreticorum; cum ergo illi circa primum assererent quòd Christus solum erat Filius Dei secundum naturam diuinam, non secundum quod homo, quia hic non verè & realiter, sed tantum putatiuè & nuncupatiuè erat talis. idè definitum est primum, quod verum habet, si personam Filij concedimus realiter & physicè vnitam cum humana natura, ita vt ratione personæ hic homo Christus sit verè & propriè Filius Dei naturalis, licet hoc tantum habeat materialiter & identicè, non formaliter & reduplicatiuè. Et cum circa secundum assererent quòd Christus vt homo erat Filius Dei adoptiuus, tamquam purus homo, alius, & distinctus ab ipso Christo vt Filio Dei, fuit in hoc sensu definitum contra ipsos, quòd adhuc in Christo non sit Filius Dei adoptiuus, intellige tamquam purus homo, alius, & distinctus ab ipso Christo vt Filio Dei, nam aliàs significatur & dicitur diuersitas & dualitas personarum, & de Christo vt homine negatur diuinitas. vnde Pontifex & Concilium omnem suam curam & sollicitudinem applicarunt in probando tum vnitatem personæ Christi Domini, tum dualitatem naturarum, & sic argumenta ex sacra Scriptura & Patribus, quæ acci-

piunt omnia, eò tendunt, vt probent quòd Christus vt homo est ipsamet Filij naturalis Dei persona, vnigenitus & primogenitus Patris, & in ipso vera Dei inest & reperiatur diuinitas, sicut vera inest & repetitur humanitas: nullo autem modo curarunt; neque de hoc ali-quod est verbum in Concilio, an retentà vnitatem suppositi sit formaliter Filius Dei adoptiuus secundum quod homo, necne?

119. Quare ad testimonia ibi in oppositum adducta facilis erit responsio. Ad primum ex Adriano Papa dico, quòd cum ait, *proprium, & non adoptiuum*, explicari debet per verba antecedentia; *verum, & non putatiuum*, negat enim quòd non sit Filius adoptiuus personaliter distinctus à proprio, qui verus Filius est Dei, & non putatiuus, seu nuncupatiuus, vt hæretici adstruebant, vt duos Filios realiter distinctos faterentur, quorum vnus scilicet adoptiuus, diceretur putatiuè illo alius, scilicet nuncupatiuè Filius Dei. Ad secundum ex eodem, cum ait, *quòd non fuit Filius per gratiam adoptionis, sicut & nos, sed per naturam*. Respondeo hoc solum negare in distinctis suppositis, id est, non fuit vnus Filius per gratiam, sicut & nos, & alius per naturam tamquam Deus. imò etiam si hoc absolutè proferret, non esset absolutè intelligendum quòd negaret adoptionem ex gratia, sapè enim contingit quòd Patres Ecclesiæ vt omnino discedant à sensu hæreticorum, & se illis opponant, negant aliqui absolutè, quod non est absolutè negandum, quod omnium optimè probauit Scotus in reportatis vbi suprà ex D. Damasceno, qui lib. 3. cap. 12. & 58. negauit de beatissima Virgine quòd esset *Christotocum*, id est, genitrix Christi, sed tantum concedit quòd esset *Theotocum*, id est, Mater Dei, vt se opponeret hæreticis, qui negabant fuisse Matrem Dei, & concedebant quòd solum esset Mater Christi. vnde non negauit Damascenus quòd esset Mater Christi, sed negauit quòd esset Mater Christi non Dei, seu Christi non habentis sibi vnitatem diuinitatem. ita dicimus in præsentem, quòd licet Pontifex & Concilium dicant absolutè, *quòd Christus secundum quod homo non est Filius Dei adoptiuus, quòd non est Filius per gratiam adoptionis*

nionis sicut nos, &c. non sunt ista absolute intelligenda ut sonant, sed tantum ut se omnino opponant sensui hereticorum; quare cum iste sit cum distinctione suppositorum, in eo veniunt intelligenda verba, quæ apparenter & superficialiter militant contra nostram sententiam.

120. Ad primum ex Sacrosyllabo facilis est expositio, nam cum Felix & Elipandus dicerent quod Iesus Christus erat de Virgine natus adoptivus, sic arguit contra eos Concilium, Aut hæc adoptio fuit, quando fuit per conceptionem natus in utero Virginis, & hoc est falsum, quia Deus de Virgine inenarrabiliter assumptus, non adoptavit carnem, id est, assumpsit ad realem unitatem personæ, non ad solam unionem per affectum & gratiam; aut hæc adoptio fuit quando per partum natus est ex utero Virginis, ita ut natus fuerit ut purus homo, & sine unita sibi divinitate, & tamquam indigens divinâ unionem, eguerit ut viiretur post partum per adoptionem, & hoc similiter est falsum, quia Deus erat in eo per naturam, *Nam Deus*, inquit Apostolus; *erat in Christo mundum reconcilians sibi*, & sic non indigebat ut tantum esset in eo per gratiam, sicut reliqui homines puri, & sine Deo nati, quia in originali peccato concepti, & in utero non sanctificati indigent gratiâ ut aliquam habeant unionem cum Deo.

121. Ad secundum ex eodem Sacrosyllabo dico loqui de Filio adoptato secundum extraneitatem, non solum secundum naturam, sed etiam secundum personam, quia secundum popularem ac communem acceptionem non distinguunt inter naturam & personalitatem, sed utramque tamquam unum individuum accipientem idem est adoptare naturam, ac adoptare personam, & in hoc sensu (qui erat similiter hæreticorum, nam prætextu illius duas volebant iterum introducere personas coram laicis & insipientibus populis, quibus hoc sollicitè prædicabant) optimè dicitur, *cum dici adoptatum, qui nondum prius fuerat proprius filius, & sic in Dei Filium Iesum Christum non cadit nomen adoptionis, quia semper fuit verus Filius, verusque Dominus*: tamen in sensu docto distinguente naturam à personalitate, &

consequenter in unionem mirabili & singularissimam Verbi divini ad naturam humanam separante tum naturam à personalitate, tum in ipsa personalitate plures distinctas personalitates, nomen adoptionis non sumitur ab extraneitate tam personæ, quam naturæ, & si ab extraneitate utriusque, tamen non secundum omnes eius formalitates, sed secundum eas quæ per se constituunt personam, & idem optimè queit cadere nomen adoptionis super Christum ut hominem retentâ unitate suppositi, neque hunc sensum excludit Concilium, quia propter eum *Filius naturalis Dei post assumptum hominem veri Filij vocabulum non amisit, qui numquam verus desit esse Filius*.

- Ad alia testimonia Concilij Francfordiensis patet, quod in primo in illis verbis, *in utraque natura esse unigenitum & primogenitum, non adoptivum, sed magnum Deum*, est ipsa explicatio & intelligentia, quia dum adoptioni opponit quod sit *magnus Deus*, patenter datur intelligi quod excludat adoptionem, quæ aufert à Christo ut homine unitam divinitatem. In secundo manifestatur, quod loquitur de adoptione accepta in ea significatione, quam ipsi hæretici populariter & insipienter intelligebant, scilicet ex aliquo servu adoptionem in Filium, & sic adoptivus non habet aliam ex eorum intelligentia significationem, quam istam. Unde in tertio testimonio meritò inquit Concilium, *quod unitas personæ, quæ est in Dei Filio, & Filio Virginis adoptionis tollis iniuriam*, scilicet adoptionis diuidentis personas, quæ est indocta ac popularis acceptatio. In tertio denique testimonio reprehenduntur hæretici, non quia usurpauerunt nomen adoptionis, quia ad habendam scientiam illius non diceretur contra Elipandum irrisoriè, *Forè in tertium calum raptus fuisse nam Patriarchæ, Prophetæ, Apostoli, & sancti tractatores hoc nomen tacerunt*, quandoquidem ipse illud probat aliquibus Patrum testimoniis, & sub expresso nomine adoptionis adducebat pro se dicta ab Eugenio, Iuliano & Ildephonso, sed reprehenduntur, quia usurpauerunt illud taliter, quod dicerent, quod alius erat Filius Dei adoptivus in Christo, & alius naturalis, quæ acceptio nullibi reperitur,

tur, neque in sacra Scriptura, neque in Prophetis, &c. per hæc patet ad auctoritates adductas, ex quibus formatum fuit argumentum primum, seu prima probatio pro prima sententia.

123. Ad confirmationem respondeo, quod non est ridicula consequentia, quam infert Concilium ex vnitate personæ reperta in Christo Domino, quia consequentia talis est, *Est vnitas personæ in Christo; ergo non est alius filius adoptiuus, & alius filius naturalis*; & tunc ultra, *Non est alius filius adoptiuus, & alius naturalis; ergo non est in eo duplex persona*, quam Felix & Elipandus volunt introducere: istæ autem consequentiæ nihil continent ridiculum. Vnde Concilium non arguit dualitatem personarum ex dualitate filiationis adoptiue & naturalis, aliàs non minis inferretur ex dualitate filiationis naturalis, æternæ & temporalis, sed ex dualitate filiationis, quarum vna sit puri hominis, & alia veri Dei.

124. Ad secundum argumentum respondeo, quod adoptiuus filius debet esse extraneus, scilicet secundum generationem naturalem, & secundum naturam secundum quam est filius, vt sic autem Christus fuit extraneus, quia nec genitus secundum naturam humanam, nec secundum eam habens filiationem naturalem Dei. Addo ego, Imò fuit extraneus, id est, non intraneus præcisius loquendo secundum formalitatem subsistentiæ personalis, secundum quam terminauit naturam humanam Christi, quia illa formalitas præcisius sumpta neque est formalitas filiationis, nec formalitas generationis, præcipue vt terminat naturam humanam, licet aliàs realiter identificetur cum illis, sed tantum est subsistentia personalis: Concilium autem loquitur de adoptione in eodem sensu quo hæretici illam accipiebant, & sic merito dixit, *Quid est adoptio, nisi charitatis copulatio, quæ Pater adoptione sibi copulat Filium, quem proprium non habet?* in quo sensu merito excludit adoptionem à Christo etiam vt homine. Secundò respondeo negando requiri extraneitatem à generatione, sed sufficere extraneitatem à iure ad habendam hereditatem. vnde ex iure ciuile, lege, *qui liberatus* 12. ff. de adoptionibus, supra p. 2.

adducta, vidimus quod filius naturalis potest etiam adoptari.

Ad tertium argumentum respondeo 125: negando quod Christus vt homo sit formaliter Filius Dei naturalis, licet concedi debeat secundum fidem, quod materialiter ratione suppositi, & solum reduplicando suppositum fuerit Filius Dei naturalis. vnde ad argumenta, quæ pro filiatione naturali secundum diuersos philosophandi modos adducta sunt parte 4. huius quæstionis, respondeo. Ad primum primi modi nego quod Christus vt homo non sit formaliter filius Dei adoptiuus; concedo tamen quod sit etiam Filius Dei naturalis, & quod habeat hoc per filiationem increatam Verbi, tamen vt sic non est formaliter Filius, sed tantum materialiter & identicè ratione suppositi diuini. Ad secundum nego, quod sicut est formaliter subsistens natura humana per subsistentiam Verbi, ita sit formaliter Filius per filiationem Verbi, quia personalitas Verbi in tantum denominat formaliter humanitatem, in quantum adæquatè illam reddit incommunicabilem personaliter: vnde cum hoc faciat per solam formalitatem subsistentiæ personalis, reliquæ formalitates cum illa identificate non denominant ipsam formaliter, aliàs hæc esset vera, *Christus vt homo formaliter est Deus, vel est imago Dei, vel est Verbum Dei, vel est genitus notionaliter à Patre*, quod est falsum, quia tantum sunt veræ materialiter. Ad tertium concedo totum, scilicet quod dicatur Filius naturalis propter filiationem æternam; tamen, vt dixi, non in sensu formali, neque hoc probant aliquantulum auctoritates Adriani, Sacrosyllabi, & Concilij adductæ pro eo.

Deinde ad prima argumenta pro secundo modo dicendi respondeo, quod 126: Christus vt homo est persona extranea attendendo ad naturam humanam, quæ est quæ per se significatur à voce concreti *homo*, licet non sit positiuè extranea attendendo ad personalitatem; & notanter dixi, *positiuè extranea*, quia præcisius loquendo extranea est negatiuè, nam vt dixi secundum formalitatem subsistentiæ incommunicabilis non est intranea, id est, non habet rationem formalem filiationis, neque gene-

generationis, licet materialiter intranea sit: præterea est extranea existens, quia in humana natura non debetur ex iustitia illi ius ad hæreditatem: præterea, quia nihil magis extraneum à personalitate diuina, quam ius ad hæreditatem creatam, nam ius ipsius ad hæreditatem increatam est: vnde propter eam non constituitur humana natura formaliter hæres naturalis. Ad secundum, quod Filius creatus dicitur Patri naturalis, quia proprium esse habet per veram generationem, & per seminalem propagationem, super quam fundatur ius naturale ad participationem bonorum Patris: Christus autem vt homo nihil horum habet, sed ex gratia fuit particeps bonorum creatorum, licet talis gratia debita illi fuerit titulo congruentiæ, illæ autem metaphoriæ solum deservire possunt ad Filium metaphoricum, non ad formalem, & verum, de quo agimus; imò & communiter noui, quod similes allusiones sunt veritatis illusiones. Ad tertium nego, quod personalitas, siue Deitas sit sanctitas respectu naturæ humanæ (quidquid sit respectu personæ diuinæ, de quo non est disputationis locus in præfenti) vt latè probaui disputatione 11. de gratia Dei. Deinde dato quod esset sanctitas, non redderet Filium naturalem, sicut ipsæmet formalitates licet sanctificent Patrem & Spiritum sanctum, non reddunt filios ipsos Dei naturales:

non dicitur imago, vel similitudo, per quod patet ad confirmationem. Ex his omnibus constat, quod Christus vt homo non sit formaliter Filius Dei naturalis; & consequenter, quod hæc non obstant vt sit Filius Dei adoptiuus retenta vnitatis suppositi.

Sed obieci: Numquam in S. Scriptura, Conciliis, & Ecclesiæ Patribus Christus vt homo appellatur Filius adoptiuus, sed semper appellatur naturalis; ergo non est dicendum quod sit talis. Respondeo primò negando antecedens, tum quia iam adduximus aliqua Patrum testimonia, qui sic appellant, & possent similiter referri testimonia D. Eugenij, Iuliani, & Ildephonsi, sed non in sensu, quo pro se illa referebat Elipandus, scilicet innuendo & significando diuisionem personarum, in quo meritò reprehenduntur & paruipenduntur à Concilio Francfordiensi, sed in sensu Catholico, scilicet retentâ vnitatis suppositi; tum quia in æquivalentibus verbis hæc appellatio continetur in S. Scriptura, scilicet in eis in quibus Christus respectu Patris appellatur Filius *minor*, *insuper coheres noster, primogenitus in multis fratribus, prædestinatus ad gloriam & ad gratiam*, &c. vnde quando in Concilio asseritur quod talis locutio non reperitur in Scriptura; intelletur scilicet, vel sub homine expresso filiationis adoptiue, vel quia in sensu adhuc Catholico inuenitur rarò. Secundò respondeo concedendo antecedens, & negando consequentiam, quia quando aliqua persona habet plures dignitates, quarum vna maior est altera, non vocatur nomine dignitatis minoris, sed maioris, vt v. g. Comes, Dux, & Rex est; semper appellatur Rex, quia rationabile est, quod titulus nobilior præferatur: cum ergo in Christo sit filiatio adoptiua, & naturalis, quæ non duos filios, sed vnum propter vnitatem suppositi constituunt, non debuit nomine filiationis adoptiue appellari, quæ communis est omnibus Sanctis, sed titulo excellentiori Filij naturalis, ad cuius fidem habendam tota Christi & Apostolorum prædicatio propendit, vt ipsius diuinitatem, excellentissimum amorem, firmam fidem doctrinam, & passionis valorem indefinitum commendaret.

127. Deinde ad argumenta pro tertio modo dicendi respondeo quod licet Christus vt homo procedat à Deo vt *origo viuens à viuentis*, tamen non vt immediato principio & proprio, sed vt vniuersali supplemto caulam secundam. Præterea non procedit vt à principio *communis intrinsecus*, quia personalitas neque inhæret, neque intrinsecè informat humanitatem. Denique non procedit *in similitudinem naturæ*, tum quia non processit ex principio determinato ad vnum (qualiter Scotus in 1. Sentent. explicat hanc particulam huius difficultatis) sed tamquam effectus ad extra processit per voluntatem liberam; tum quia imago, & similitudo hominis respectu Dei neque est indiuidua, neque specifica, neque generica, quæ reperiuntur in genitis: vniuersalis autem

129. Pluribus coniecturis utitur Vasquez ut intendat Elipandum non fuisse Nestorianum, sed nostræ sententiæ Auctorem, sed frustra laborat, ubi opposita veritas est ita manifesta, ut vidimus Parte secundâ. Sed sit prima, quia non auderet Elipandus hæresim Nestorianam docere, & scribere ad Imperatorem, cum ita acriter esset ab Ecclesia damnata. Respondetur primò, hanc esse imprudentiam hæreticorum, ut patet in Lutero, qui palam docuit plures errores, & Principibus suasit. Secundò, quòd non ita palam illam docebat, quin simulasset prætextu filiationis adoptivæ. Secunda coniectura est, quia aliàs non appellaretur à Patribus prædicta hæresis noua & inaudita. Respondetur: Etiam appellatur antiqua, & in Nestorio refutata, est autem noua ratione noui modi adstruendi illam. Tertia est quia Concilium & Adrianus non vtuntur testimonio sacræ Scripturæ & Patrum, quæ sunt contra Nestorium; deberent autem uti, si Elipandus Nestorianus esset. Respondetur, multa ex argumentis tam S. Scripturæ quàm Patrum solum habere vim contra sententiam Nestorij, & consequenter contra Elipandum, ut supra vidimus: præterquam quòd propter nouum modum talis hæresis debuerunt nouo modo formari argumenta, & nouis uti auctoritatibus S. Scripturæ & Patrum. Præferenda tamen est (ut ait Lorca) ea coniectura, quæ cognoscimus, quòd cum sententia Elipandi fuit publicata, statim tota Ecclesia opposuit se illi, & congregata fuerunt Concilia contra illam, & asperitimis verbis contra eam clamarunt Patres & Auctores; at verò nostræ sententia non solum caruit his omaibus, sed potiùs pluribus & grauissimis Auctoribus Catholicis fuit plausibilis: illud tamen nota, quòd semper est caute, & cum reduplicatione secundum naturam humanam, Christus appellandus Filius Dei adoptiuus, ne suspicionem erroris Arrij vel Nestoriani inducamus.

130. In calce huius Quæstionis illud obseruandum venit, quod in casu, quo in Christo reperiri non possent omnes conditiones requisitæ ad filiationem adoptiuam, cum aliàs multò minùs inueniantur in natura humana condi-

tiones requisitæ ad filiationem Dei naturalem, consequenter multò minùs esset Christus secundum naturam humanam dicendus formaliter Filius Dei naturalis: quam sententiam tenet Faber ubi suprâ in fine primi Capituli, & satis probant rationes, quas pro nostrâ sententia adduxi contra D. Thomæ sententiam.

QVÆSTIO II.

Quomodo Christus sit prædestinatus Filius Dei?

1. Christum prædestinatum esse Filium Dei tradit Paulus ad Rom. 1. his verbis: *De Filio suo, qui factus est ei ex femine David secundum carnem, qui prædestinatus est Filius Dei in virtute secundum Spiritum sanctificationis, ex resurrectione mortuorum Iesu Christi.* ubi loquitur Paulus de prædestinatione ad hoc ut Christus sit Filius Dei naturalis secundum explicationem Patrum tam Græcæ quàm Latinæ Ecclesiæ, ut videri potest apud Lorcam disp. 85. memb. 1. apud Hurtad. disp. 18. diff. 8. sufficiat pro omnibus Augustinus tract. 105. in Ioannem, ubi ait: *Rectè dicitur prædestinatus non secundum id, quòd est Verbum Dei, Deus apud Deum, ut quid enim prædestinaretur, cum iam esset, quòd erat, illud enim prædestinatum erat, quòd nòdum erat. Prædestinatus est Filius Dei in virtute: illud enim prædestinatum ut sic suo tempore fieret, quemadmodum ante omnia tempora prædestinatum erat ut fieret.* difficultas ergo est quomodo debeat intelligi talis propositio.

2. Modus primus illam explicandi talis est, scilicet ut totum hoc complexum, *Christus sit Deus, Filius, & homo*, significetur per prædictam propositionem, & in hoc conueniunt omnes quòd totum hoc complexum potuit esse obiectum diuinæ prædestinationis, nam sicut hoc fuit in tempore, scilicet Deus, Filius & homo in Christo, ita potuit ab æterno prædestinati & determinari à Deo, quòd daretur quidam Christus in tempore, qui esset Deus, Filius, & homo.

3. Secundus modus explicandi talis est, quòd supponatur aliquod subiectum, de quo prædicetur illud, quòd fuit obiectum diuinæ prædestinationis, ita ut filio

filiatio Dei naturalis, quæ fuit obiectum diuinæ prædeſtinationis, dicatur, & prædicetur de aliquo ſubiecto præexiſtente: & hic modus difficiliſſimus eſt, quia de triplici ſubiecto poteſt diſputari, ſcilicet, vel de Chriſto vt ſic, taliter quoddam ipſe dicatur prædeſtinatus à Deo ad eſſe Filium Dei naturalem; vel de homine, ſeu de hoc homine in indiuiduo, & in concreto; & tandem de humanitate, ſeu de hac humanitate in abſtracto: & licet in primo ſenſu ſufficienter ſaluetur veritas prædictæ propoſitionis, tamen etiam eſt diſputanda à nobis in hoc ſecundo, ſicut reliqui Scriptores diſputant.

4. De primo ſubiecto, ſcilicet de Chriſto, affirmant Medina, & Valencia quæſtione 24. fuiſſe propriè, & in rigore prædeſtinatum, vt eſſet Filius Dei: quod probant primò ex ſuprà citatis verbis Pauli, ſed quia in primo ſenſu ſuprà dicto ſufficienter verificantur; ideò ſecundò probant ratione; quia Chriſtus vt homo prædeſtinatus fuit, vt eſſet Filius Dei; ergo etiam Chriſtus abſolutè, quia quæ conueniunt huiusmodi Chriſto, etiam attribuuntur Chriſto abſolutè, & abſque addito.

5. Suarez verò diſputatione 50. Lorca vbi ſuprà, Ragusa diſputatione 31. Becanus cap. 19. quæſt. 2. negant, quorum ſententia mihi videtur vera, & magis de mente Scoti in 3. diſtinct. 7. quæſt. 3. vbi in fine quæſtionis aſſerit hanc propoſitionem, *Chriſtus in quantum homo prædeſtinatus eſt*, eſſe impropriad. Fundamentum huius ſententiæ eſt, quia Chriſtus includit in ſuo conceptu ſubſiſtentiam Verbi, ratione cuius habet, quoddam ſit Filius Dei naturalis filiatiōe æternaliter producta, & quoddam ſit Filius Dei naturalis per ſanctificationem pronenientem vel à perſonalitate, vel à natura diuina in ſententia Thomiſtarum; ergo Chriſtus ratione ſui, & tamquam ſubiectum præconceptum non potuit prædeſtinari à Deo, vt eſſet Filius eius naturalis. patet conſequentia, quia id, ad quod aliquis prædeſtinatur, non debet præſupponi ex parte ſubiecti, aliàs haberet illud per prædeſtinationem, & non haberet illud per prædeſtinationem.

Caſtillo de Inq. ann. Pars I.

Ad fundamentum oppoſitæ ſententiæ reſpondetur, quoddam neque Chriſtus vt homo propriè & in rigore potuit prædeſtinari ad filiatiōem Dei naturalem, quia cum homo propriè & in rigore ſumatur in concreto, concernit ſuppoſitalitatem diuinam, & ſic ipſam filiatiōem Dei naturalem: ſi autem impropriè ſumatur homo, ſcilicet pro humanitate in abſtracto, vera eſt prædicta propoſitio, ſed non propria, vt inquit Scotus vbi ſuprà. Vnde eſt idem dicendum de hac propoſitione, *Chriſtus vt homo eſt prædeſtinatus ad eſſe Filium Dei naturalem*; ac de iſta, *Chriſtus abſolutè eſt prædeſtinatus ad eſſe Filium Dei naturalem*, quia in vtraque ex parte ſubiecti includitur filiatio diuina, ad quam eſt prædeſtinatio: ita tenent Durandus, & Paludanus in 3. diſt. 7. quæſt. 3. Lorca vbi ſuprà, Becanus cap. 2. & per hoc patet quid ſit dicendum in noſtra ſententia de hoc ſubiecto *homo*, ſeu *hic homo*.

Sed contrà obicit Vaſquez diſputatione 90. Aluarez diſputatione 77. Suarez & Ragusa vbi ſuprà; qui contrariam ſuſtinent ſententiam, primò quia in prædicto teſtimonio Pauli hic homo ex ſemine David dicitur prædeſtinatus Filius Dei: ſecundò, quia vt homo accipitur in concreto, ad hoc vt illi aliquid conferatur ex decreto prædeſtinatio Dei, non eſt neceſſe quoddam concernat hanc ſuppoſitalitatem ſingularem Verbi, ſed ſatis eſt quoddam prout concipitur ab intellectu diuino concernat hanc, vel illam ſuppoſitalitatem diuinam, vel humanam vagè, & quaſi in communi; ergo Chriſtus vt homo etiam propriè, & vt concernens ſuppoſitalitatem, potuit prædeſtinari ad eſſe Filium Dei.

Ad primum reſpondetur, prædictam propoſitionem ſumptam in rigore ſolum eſſe veram in primo ſenſu. Ad ſecundum reſpondetur primò, quoddam dato quoddam *homo*, ſeu *hic homo* in concreto poſſet præconciipi ab intellectu diuino, concernens aliquam ſuppoſitalitatem vagè, & in communi, antequam talis ſuppoſitalitas ſit contracta ad hanc in particulari, tamen hoc non ſufficit ad hoc vt prædeſtinetur ad filiatiōem

C c c natu.

naturalem, quia cum prædestinatio sit actus intellectus vel voluntatis factius, debet habere pro subiecto aliquid reipfa distinctum à termino, seu ab eo ad quod prædestinatur, aliàs cum illud subiectum posset non prædestinari ulterius ad filiationem Dei, præsupponeretur (imò & perseverari) in concreto ex vi illius decreti antecedentis ad prædestinationem absque filiatione Dei, cum qua realiter identificatur illa suppositalitas in communi, quod est falsum. patet consequentia, quia aliquod subiectum reale est subiectum illius prædestinationis, sed non datur aliqua suppositalitas in communi realis; ergo illud subiectum non potest præconciipi à Deo in concreto, ut posset esse subiectum prædestinationis. Secundò, quia suppositalitates sunt, sicut hæcitates à quibus non potest abstrahi aliquis verus, & positivus conceptus communis, & quasi genericus, ut dixi in Logica disputatione vnicà de specie, quæstione 4. de indiuiduo.

9. Ex dictis quinque inferenda sunt.

Primum, ea multò magis esse vera de hac propositione, *Filius Dei prædestinatus fuit ut esset Filius Dei*, quia multò magis expresse & directè supponitur ex parte subiecti illud, quod est terminus prædicati. Secundum, minùs verè dixisse Hurtado diff. 4. hanc propositionem esse veram & propriam, *Filius æternus genitus in quantum homo fuit prædestinatus ut esset Filius Dei naturalis per sanctificationem naturalem humanitatis à Verbo, vel à Divinitate*. Nam contrà est, quia dato quòd talis filiatio daretur (quam impugnavi quæstione antecedenti) adhuc ex parte subiecti includitur id quod est terminus prædicati, quia si homo in concreto concernit suppositalitatem divinam (ut diximus, & consentit ipse Hurtado) consequenter non concernit illam, nisi quatenus dat naturæ humanæ suum effectum formalem suppositandi, sed hunc effectum naturalem consequitur effectus formalis sanctificandi in natura capaci; ergo ista sanctificatio in qua formaliter consistit ista filiatio Dei naturalis, quæ ab Hurtado ponitur ex parte termini prædicati, præsupponebatur ex parte

subiecti; ergo non poterat ad illam prædestinari.

Tertium, debet inferri Christum ut hominem propriè dici prædestinatum ad gratiam, & ad gloriam, quia licet ordine intentionis non præsupponatur prius unio hypostatica, quam gratia, & gloria, ut infra dicitur, tamen ordine executionis prius fuit prædestinata humanitas Christi ad unionem; consequenter iam præsupponebatur Christus ut homo in concreto ut prædestinabilis ad gratiam & gloriam, tamquam ad dona distincta. Neque obstat, quòd prædestinatio sit, vel debeat esse ad donum, quia contrà est, nam etiam potest esse ad minimum, non enim minùs dicitur quis prædestinari ad aliquam gratiam actualem, quam ad visionem, & fruitionem beatam.

Quartum, inferri debet contra Durandum, Suarem, & Lorcam, Filium Dei absolutè, & sine hoc addito, secundum quod homo, potuisse dici prædestinatum. ita Vasquez disputatione 92. cap. 2. Hurtado diff. 5. Fundamentum est, quia quæ conveniunt Christo, etiam conveniunt Filio Dei, saltem per communicationem Idiomatum, sed de Christo verè dicitur quòd fuerit prædestinatus ad gratiam, & ad gloriam; ergo de Filio Dei etiam absolutè potest dici quòd fuerit prædestinatus, sicut qui est Petrus, est homo, ita qui est prædestinatus ad gratiam, & ad gloriam est prædestinatus.

Quintum, inferri debet Filium propriè & in rigore fuisse prædestinatum ut esset homo. ita Vasquez & Suarez ubi suprà, & citant Paludanum, Ricardum, & alios. Fundamentum est, quia Filius Dei præsuppositus fuit reipfa ad assumptionem humanitatis, & insuper ex decreto Dei eam assumpsit; ergo interuenit totum illud, quod requiritur ut Filius Dei dicatur prædestinatus ad esse hominem. Neque obstat quod obiciunt Auctores contrariæ sententiæ, scilicet Durandus, Lorca, Reginaldus, & Becanus ubi suprà, ad rationes non sufficere accipere aliquid ex decreto Dei, sed insuper requiri quòd accipiatur gratis, & tamen quoddam donum,

10.

11.

12.

num, quod non contingit in proposito, quia nulla fuit facta gratia Filio Dei in eo quod fuisset homo; nam respondet primò, quia quidquid non est debitum ex natura gratis dicitur concedi, & ut sic non erat debitum Filio Dei esse hominem: secundò, non requiritur quod sit gratia id ad quod sit prædestinatio, nam secundum Concilium V. lentinum cap. 3. etiam reprobi dicuntur prædestinati ad poenam.

13. De re tertio subiecto, scilicet de humanitate Christi in individuo, sed in abstracto, & non contracta per supposititalitatem, verior sententia affirmat, quod fuerit prædestinata ad vniorem hypostaticam. ita Suarez vbi supra sect. 4. Becanus cap. 19. quæst. 3. Et ratio est clara, quia ex decreto & præfinitione Dei fuit humanitas Christi reipsa vnita Verbo, & talis vniò fuit illi gratiosa (si hæc conditio requiritur ad prædestinationem) ergo, &c.

14. Sed in contrarium arguit oppositum afferens Medina quæst. 24. arr. 1. conclus. 4. quia prædestinari ad vniorem, est prædestinari ad filiationem diuinam, sed hæc non competit naturæ in abstracto, sed naturæ in concreto; ergo humanitas Christi non fuit ad vniorem prædestinata. Respondet Hurtado, quod licet humanitas Christi prædestinetur ad sanctificationem formalem, quam habet à personalitate diuina, vel à diuina Essentia, quas habet per vniorem, tamen non prædestinari ad denominationem filiationis, quia hæc non denominat abstractum, sed concretum. Sed contrà, quia in eorum sententia nihil est aliud filiatio Dei, quam sanctificatio. Idèò respondeo, quod humanitas, quæ prædestinatur ad vniorem, prædestinatur ad denominationem filiationis Dei consequenter, non tamen formaliter, quia personalitas cui humanitas vnitur non est formaliter filiatio Dei naturalis, licet cum illa realiter identificetur, ut supra diximus, & sic non denominat naturam filiam in abstracto, sed semper in concreto, quia iam supponit vnitam personalitati.

15. De hæc humanitate in abstracto etiam inquiritur, An fuerit prædestinata ad gloriam? Negant Medina & Castillo de Incarn. Pars I.

Suarez vbi supra, qui probant ex eo quod gloria formaliter consistit in actione aliqua intellectus vel voluntatis, sed actiones sunt suppositorum, & non solius naturæ; ergo solà natura non potest ad gloriam prædestinari à Deo. Scotus vbi supra, Hurtado diff. 7. multò verius affirmant quod natura fuerit ad gloriam prædestinata, quod debet intelligi ordine intentionis. Fundamentum est, quia ordo executionis contrarius est ordini intentionis, sed in illo prior est vniò hypostatica, quàm gloria; ergo in isto prius fuit intenta gloria, quàm vniò, & consequenter solà humanitas fuit prædestinata ad gloriam. ita probat Scotus §. secundum dubium, & nos latè ex mente ipsius tradidimus diff. 4. quæst. 1. §. 2. vbi videatur ordo intentionis & executionis circa Christum, & eius gloriam, gratiam, & vniorem.

Deinde probatur, quia actiones formaliter & primariò competunt naturæ singulari, supposito verò solùm denominationi: vnde quando accedens est separatim in Sacramento Eucharistiæ eodem modo operatur, ac quando est coniunctum, & idem contingeret si natura substantialis existeret separata à propria supposititalitate; ergo ordine intentionis quando non intelligitur coniuncta illi, bene potest prædestinari in ordine ad aliquam operationem; & per hoc patet ad fundamentum Aduersariorum.

Ratio autem Scoti solet impugnari 17. ex eo quod maximum bonum, quale est vniò hypostatica, non potest ordinari in minus bonum, quale est gloria, etiam si sit summa; ergo non potuit à Deo prius intendi gloria, & postea vniò, sed potius debuit intendi vniò, & tamquam propria passio ipsi debita omne donum gratiæ & gloriæ. Sed respondeo quod sæpè minus bonum potest ordinari intentionis prius appeti, & postea maius bonum in ordine ad illud, ut contingit quando appetuntur potentie propter actus qui sunt accidentia, & illæ substantiæ quæ ordinantur propter illos. Neque prædicta dona consequuntur tamquam propriæ passionis, cum de potentia Dei possit esse vniò absque illis.

18. Deinde impugnatur à Vasque, quòd prædicta vnio appelletur à Scoto medium congruum in ordine ad summam gloriam, quia gratia habitualis est forma minùs digna, & nihilominùs est medium condignum. Respondetur tamen quòd condignitas in gratia habituali prouenit ab acceptance Dei dante ius iustitiæ in ordine ad gloriam tamquam ad hæreditatem, & meritis tamquam ad coronam, & hanc acceptance non habet vnio hypostatica, non quia repugnet illi, vt diximus disputatione 11. de gratia Christi, sed quia de facto iustificatio prouenit à forma inherenti in subiecto, & hoc modo non inheret vnio sumpta pro personalitate Verbi, vel diuinitate, vt ab Aduersariis sumitur, & idèd à Scoto appellatur medium congruum: si autem comparatio fieret inter gratiam habitualement secundum suam naturam, exclusà acceptance, & vnionem hypostaticam, tunc dicendum existimo quòd licet magis connaturalis sit acceptatio ad summam gloriam in summa gratia, tamen maior congruentia esset in vnione vt acceptaretur ad summam gloriam, quàm in summa gratia, connaturalitas enim & congruentia sumuntur ex diuerso capite, illa enim sumitur ex natura aliqua, hæc verò sumitur ex dignitate nature. quare disp. 2. quæst. 4. in fine diximus gratiam summam in puro homine non fore violentam, si acceptaretur vt esset principium satisfaciendi pro aliis, sed potiùs talem acceptance non fore illi connaturalem, vtpote quia conformem naturæ gratiæ habitualis; in persona verò diuina, quæ habetur per vnionem, maior dignitas ad talem acceptance non inuenitur.

19. Ex dictis sunt duo inferenda. Primum est, quòd de humanitate Christi vt sic absolute & simpliciter potest dici quòd fuerit prædestinata nullo posito termino ex parte prædicati, id est, non explicando ad quod sit prædestinata. ita Hurtado vbi suprà. Et ratio est, quia ipsa supponitur existens ex parte subiecti, & insuper illi fuerunt ex decreto prædefinitiuo Dei collata vnio hypostatica, gratia habitualis, & gloria; ergo sicut potuit dici prædestinata ad has formas, ita absolute po-

tuit dici prædestinata, quia in ratione specifica prædestinationis ad has formas includitur ratio generica prædestinationis.

Secundum est, quòd hæc humanitas, quæ supponitur tamquam subiectum huius prædicati, prædestinata est ad gloriam, gratiam, vnionem, & consequenter ad filiationem, de quibus hucusque modò disputamus, non est humanitas in statu possibilitatis, vt minùs benè docet quidam Scotista in manuscriptis, quia vt sic non solum humanitas in abstracto, sed etiam in concreto poterat prædestinari ad filiationem Dei naturalem, quod etiam nobiscum ipse negauerat in suprà dictis: & ratio est manifesta, quia non solum natura, sed etiam vnio suppositi, quando sunt in statu possibilitatis, sunt materia ad hoc, vt per decretum diuinum extrahantur ab illo statu, & constituantur in statu actualitatis & existentie; ergo non solum natura humana vt sic, sed etiam Christus in statu possibilitatis prædestinari potuit ad statum futurationis, imò ratione huius veritatis est vera propositio D. Pauli in primo sensu suprà dicto in principio Quæstionis. quare nobis dicendum est id quod disput. 4. quæst. 1. §. 2. ex professo probauimus, quòd humanitas supponebatur ad prædestinationem tamquam subiectum actualiter existens, & quòd non pertineat per se ad ordinem providentiæ supernaturalis, sed solum suppositiuè.

QVÆSTIO III.

Vtrum Christus in quantum homo uerè & strictè fuerit seruus Dei?

NOta primò pro intelligentia Quæstionis, quòd hæc tria, minor, subiectus, & seruus, distinguuntur inter se, quia minor dicitur qui est inferior in entitate & bonitate physica, & vt sic certum est quòd Christus secundum humanitatem fuit minor Deo, iuxta illud Ioan. 14. *Pater maior me est*; imò fuit minor Angelis, iuxta illud psal. *Mimisti eum paulò minùs ab Angelis*. Subiectus verò dicitur qui tenetur parere alteri, & vt sic conueniunt Theologi quòd Christus secundum quod homo fuerit subiectus, & Deo subditus, quia tenebatur

batur parere & obedire legibus & præceptis diuinis, sicut ceteræ creaturæ rationales, quæ eo ipso quòd tales sunt, & iure creationis tenentur illi obedire. tolligitur ex pluribus S. Scripturæ testimoniis, sufficiat illud, *factus obediens usque ad mortem*; & illud, *factum ex muliere, factum sub lege*; & licet non potuerit incurrere culpam, neque poenam de facto, benè tamen de potentia Dei, ut inferius. Seruus autem dicitur qui non est sui iuris, sed alterius, saltem quoad suas actiones.

2. Nota secundò, quòd hæc seruitus est, quæ opponitur ingenuitati & libertati, & est duplex, alia humana, quæ mancipia subduntur hominibus vel ratione captiuitatis in bello, vel ratione emptionis, vel alio titulo; alia diuina, quæ creaturæ rationales titulo creationis non sunt sui iuris, sed Dei, ita ut Deus illas possit absque iniustitia annihilare, & omnes suas actiones in proprium sui obsequium accommodare, ratione cuius Deus non solum dicitur *Rex regum*, sed etiam *Dominus dominantium*, ut cum Suare diximus disput. 2. quæst. 1. parte 2. sicut autem est maxima differentia inter bonitatem conditionis Domini diuini, & Domini humani, ita magnum intercedit discrimen inter seruitutem humanam & diuinam, quòd illa trahit secum vilitatem in honorem, & cõtumeliam maximum; at verò seruitus diuina potius augeat honorem: vnde in Officio S. Agathæ dicitur in quadam Antiphona: *Summa ingenuitas est ista, in qua seruitus Christi comprobatur*. Insuper cum ipsa seruitute comparitur dignitas amicorum & filiorum Dei, imò & excellentissima dignitas maternitatis Dei, ad quam se præparauit beatissima Virgo Maria, dicendo: *Eccæ Ancilla Domini*, &c. Et tandem cõmune proloquium habet, quòd seruire Deo, regnare est.

3. Quibus suppositis prima sententia docet, Christum ut hominem non esse propriè seruum Dei hac seruitute, quæ sunt serui homines. ita Vasquez disput. 80. Becanus cap. 16. quæst. 2. Hurtado disp. 15. diff. 3. Probant primò ex Damasceno 3. de fide cap. 21. ubi ait: *Illud quoque sciendum est eum ne seruum quidem dicere nobis licet, sanè seruus ordinis esset caro, nisi Deo copulata esset; at cum*

semel ei unita personaliter est, quoniam iam pacto in seruilem classẽ redigatur, appellatione dumtaxat, ac nomine seruum dicitur cum hac minime sit; verum nostra causa serui formam susceperit, ac seruus nobiscum vocatus sit. Alia testimonia adducuntur Chrysost. homil. in Epist. ad Hebræos, Cyrilli in expositione Symboli, Niceni circa medium, quæ hoc ipsum significant.

Probant secundò, quia hoc est definitum in Concilio Francfordiensi, & ab Adriano I. in sua Epistola ad Episcopos Hispaniæ, in qua totis viribus conatur Pontifex omnem à Christo excludere seruitutem; & probant auctoritate negatiuâ, quia in nouo Testamento numquam Christus appellatur seruus Dei, neque aliquando Christus suum Patrem appellauit suum dominum: vnde de Christo sic ponderat Adrianus, *Quis (scilicet Christus) secundum Deum dicebat, Ego & Pater unum sumus; & secundum humanitatem, Pater maior me est; & tamen non ait, Pater Dominus meus est; ergo secundum humanitatem non fuit propriè seruus. Et confirmatur, quia prædicta definitio Concilij & Adriani fuit contra Elipandum, sed Elipandus solum docebat seruitutem in Christo ut homine; ergo in illo ut sic non fuit seruitus vera & propria.*

Tertiò probant ratione à priori, quia de ratione proprii serui est, ita esse sub dominio & potestate alicuius quoad opera, seu quoad actiones, ut etiam cum eo non communicet in bonis, nec in honore, nec in fede, sed Christus secundum quod homo, licet fuerit sub dominio & potestate Dei quoad sua opera, tamen participauit in bonis Deitatis se illi vniendo substantialiter; participauit honores, siquidem adoratur adoratione lætiæ; participauit in fede, siquidem sedet à dextris Dei; ergo. Et confirmatur primò, quia Filius naturalis, & seruus seruitute propria non possunt in eadem conuenire persona; ergo necque in humanitate Christi. Et confirmatur secundò, quia ancilla eo ipso quòd à Domino suo ducitur in uxorem absque alio iure positivo, solo iure naturali coniugij definit esse ancilla, & sit libera, quia ratione coniugij euehitur ad honorem mariti: vnde si Rex est, euehitur ad honorem Reginæ, sed

humanitas Christi per vnionem hypostaticam fuit desponsata & copulata Verbo diuino; ergo, &c.

6. Secunda & vera sententia affirmat Christum vt hominem fuisse propriè & strictè seruum Dei seruitute opposita libertati, sicut respectu Dei sunt serui ceteri homines puri. ita docent Suarez disp. 44. Lorca disp. 78. Aluarez disp. 74. Ragusa disp. 16. & tenere debent, quotquot asserunt in Christo compati filiationem adoptiuam in humanitate, cum filiatione naturali. Et probatur primò ex S. Scriptura, nam Isaia 42. & 43. & Zachar 3. & Psal. 115. & pluribus aliis locis Christus dicitur Dei seruus, quia tamen respondetur quòd in veteri Testamento sic appellabatur per figuratam locutionem, idèd probatur ex nouo, vbi Matth. 12. refertur locus Isaia 42. & applicatur Christo, scilicet, *Ecce seruus meus quem elegi*; & quamuis Matth. non dixerit *seruus meus*, sed *puer meus*, tamen puer æquiualeat seruo in phrasi S. Scripturæ; & idem habetur Actorum 3. *Conuenerunt in ista ciuitate* (dixit D. Petrus) *aduersus puerum tuum Iesum*. Idem est autem referri hanc locutionem in nouo Testamento, ac appellari in nouo Testamento, quia tamen seruus in sacra Scriptura solet appellari obediens, & non seruus seruitute opposita ingenuitati; vt Genes. 18. appellauit Sara Abraham dominum suum, cuius non erat ancilla, sed coniux, idèd probanda est hæc sententia Patrum testimoniis, & ratione.

7. Secundò probatur innumeris Patrum testimoniis, qui absolute, intrepidè, & absque modificatione Christum in quantum hominem appellant seruum Dei. legatur Lorca vbi supra num. 14. sufficiat referre Athanasium serm. 3. contra Arrianos. vbi ait, *Omnes ista vocula* (scilicet seruus, & aliæ similes) *in rationem humanitatis verè & propriè competunt*; & August. epist. 178. dicit, *Sed & seruum eundem euidentissimè confitemur*; & Cyril. in Libro thesauri sic habet, *Sicut in forma Dei perfectus est Deus, ita in forma serui perfectus est seruus*. vnde excludendæ sunt explicationes Aduersariorum dicentium quòd Patres loquuntur improprie & metaphoricè. Nam contrà est, quia ipsi Patres

in prædictis verbis omnem proprietatem, euidentiam, & perfectionem seruitutis humanitati Christi attribuunt, tum quia dicunt quòd serui ratio verò & propriè competat Christo, tum quia aiunt quòd ita sit perfectus seruus in forma serui, sicut est perfectus Deus in forma Dei, sed in hac est proprius & perfectissimus; ergo & in illa.

Tertiò probatur ratione à priori, 8; quia Christus secundum humanitatem non erat sui iuris, sed Dei; ergo secundum humanitatem erat verè & propriè seruus. patet antecedens, quia titulo creationis humanitatis exigere poterat Deus ex iustitia omnes suas operationes, & actiones, præcipere poterat, & annihilare poterat absque aliqua iniustitia, & Christus ex iustitia parere & obedire tenebatur; ergo etiam post vnionem humanitas Christi non erat sui iuris, sed Dei. Et confirmatur primò, quia Deus adhuc de potentia absoluta non potest transferre dominium supremum, quod habet in creaturas; ergo neque creatura humanitatis, quam erat in Christo, potuit excludi à seruitute creaturæ. patet cõsequentia, quia dominium & seruitus, dominus & seruus relatiuè se habent ad inuicem. Confirmatur secundò, quia Christus secundum humanam naturam fuit formaliter Filius Dei adoptiuus, licet esset materialiter naturalis; ergo similiter secundum humanitatem fuit formaliter seruus, licet ratione vnionis fuisset dominus.

Quartò probatur, quia posito termino, & fundamento relationis seruitutis, necessariò resultat talis relatio; sed Deus in quantum per ipsum *vinimus, monemur & sumus*, est terminus, & creatura in quantum talis, & in quantum minor Deo, & in quantum ipsi subiecta, vt teneatur obedire quidquid præcipiat, & in quantum obligata ad præstandum illi adorationem tamquam suo vero Domino est fundamentum; ergo reperitur vera relatio seruitutis inter prædicta extrema, sed ab his non excluditur Christus in quantum homo; ergo neque excluditur à relatione seruitutis.

Ad argumenta opposita ex prima 10; sententia respondeo. Ad primum dico ibi Damascenum loqui de seruo puro, qui

qui secum simul non compatitur esse Dominum: Christus autem etiam secundum humanitatem sit servus, tamen per unionem est Dominus, quia est Deus, quod patet ex illis verbis eiusdem Damasceni. *At cum semel ei unita personaliter est (scilicet caro) quoniam iam pacto in servilem classem (intellige ceterorum hominum) redigatur, & appellatione dumtaxat, ac nomine servum dici.* Nota. ly *dumtaxat*, ac si diceret, quare dumtaxat debet appellari nomine servi, quia ratione unionis etiam est Dominus.

11. Pro testimoniis aliorum Patrum nota quod aliquando negant servitutem in Christo respectu Verbi, quia ipsum appellando servum Verbi inducitur distinctio suppositorum: unde merito observat Lorca num. 26. hanc locutionem, *Christus est servus Dei*, esse cauzendam, & solum posse loqui cum adfinito (quidquid in contrarium velit Hurtado ubi supra) scilicet, *Christus in quantum homo est servus Dei*: aliquando verò Patres negant servitutem Dei in Christo ortam ex peccato, nam ratione peccati contrahunt homines vilitatem mancipiorum, & subduntur gehennalibus, & dæmonum poenis, & in hoc sensu fuit locutus Cyrillus ubi supra: Chrysostronus autem solum dicit, quod Christus modò in cælo non est servus, quia regnat, non loquebatur de ministerio temporali, quod exercebat in vita serviens suis discipulis, iuxta illud Lucæ 22. *Ego autem in medio vestri sum, sicut qui ministrat*; & Matthæi 20. *Filius hominis non venit ministrare, sed ministrare*; & dicit quod hoc ministerium non exercetur modò à Christo in cælo, quia regnat ibi; quare potius est pro nobis.

12. Ad secundum respondetur, quod Concilium Francfordiense & Adrianus solum definiunt Christum in quantum hominem non fuisse servum in sensu intento ab Elipando, qui, ut supra diximus, fuit Nestorianus, & diuidebat in Christo supposita: quapropter hoc improbanit Adrianus primò excludendo omnem in Christo servitutem, tam respectu aliorum hominum, quia cum illorum esset Dominus, etiam secundum naturam humanam non poterat eorum esse servus aliquo titulo, quam

respectu Dei, vel ratione peccati, vel ratione distinctionis in suppositis, quia utramque servitutem dicebant hæretici, primam appellando Christum captivum, leprosum, &c. quæ non possunt intelligi, nisi ratione peccati: secundam appellando Christum absolute, & sine addito, Filium Dei adoptivum, purum hominem, & servum, sicut ceteros homines, &c. Secundò probavit Adrianus auctoritate negativa S. Scripturæ, non quia aliquando non reperta fuerit talis locutio in S. Scriptura, nam iam adduximus aliqua ipsius testimonia pro nostra sententia, sed quia rard invenitur, vel quia non reperitur in sensu quo hæretici loquebantur, & per hoc patet ad confirmationem.

Ad tertium respondetur in hoc distinguere servitutem diuinam ab humana, quod illa potius induit rationem ingenuitatis & libertatis, cum servus Dei tantis nobilitetur honoribus, quod patet in pura creatura beatæ Virginis Mariæ, quæ affecta fuit excellentiæ & dignitate maternitatis Dei, & etiam patet in aliis servis Dei qui pluribus honorantur, & sic non mirum quod humanitas Christi ad tam supremos euecta sit honores. Dices: Actiones sunt suppositorum; ergo suppositum diuinum non potuit habere actiones servi. Respondetur primò: Actiones sunt suppositorum denominatiue, formaliter autem naturarum; & sicut non repugnat supposito diuino habere actiones hominis, ita neque actiones servi. Secundò, servitutem non fundari in actione actuali, nam servus est aliquis, etiam quando nihil operatur, sed sudatur in debito & obligatione actionum, & licet actiones convenirent supposito, debitum autem conveniebat nature.

Ad primam cõfirmationem respondetur, quod filiatio naturalis orta ex propria natura traducta per generationem, & servitus non possunt compati in eadem persona creata; tamen filiatio naturalis habita solum per communicationem Idiomatum, sicut eam habet humanitas Christi, & servitus orta ex creatione bene possunt compati in eadem Christi humanitate, quia inter se nullam habent oppositionem cõtradictoriam.

Dices:

15. Dices: Ad minus repugnat prædicta seruitus Dei cum filiatione adoptiua Dei, quia in humanis secundum leges filius adoptiuus non potest esse seruus, seu mancipium. Respondetur quod in humanis mancipatus potest destrui per leges humanas, quia dependet ab illis; at verò seruitus Dei non dependet ab aliqua lege positua, quæ possit aboleri etiam à Deo, sed dependet ex naturis rerum, scilicet quia Deus eo ipso quod est Creator, est Dominus; & humanitas eo ipso quod est creatura, est Dei serua, & ancilla: vnde sicut reperiuntur in alio puro homine filiatione adoptiua Dei, & seruitus, ita reperiuntur in humanitate Christi.

16. Ad secundam confirmationem respondetur similiter, quod sicut lege humana stabilita est seruitus, ita eadem lege stabilitum est, quod ancilla ducta ex voluntate viri in vxorem fiat libera, vtraque autem lex dicitur ius naturale, quia secundum rectum dictamen rationis vtrumque stabilitum est; & sicut recta ratio iudicat quod aliquæ personæ non sint sui iuris, sed alterius, propter diuersos titulos, de quibus aliàs, ita similiter recta ratio iudicat, quod persona, quæ sit vna caro cum alia ratione coniugij, fiat similiter libera cum illa. at verò seruitus diuina non pendet ab aliqua lege adhuc diuina, quæ possit deficere: vnde etiam si humana natura coniuncta sit cum persona Verbi, semper manet serua, præterquam quod hæc seruitus non adducit secum vilitatem, quæ petat aboleri, sicut illa, sed potius ingenuitatem maximam, vt diximus.

QVÆSTIO IV.

*Vtrum Christus in hac vita mortali
verè orauerit ad Deum?*

1. **A**ffinis est & annexa quæstioni de seruitute hæc quæstio de oratione, nam statui serui conuenit exhibere suo Domino cultum, & reuerentiam debitam, quæ per actum orationis exhibetur: vnde suppono id in quo omnes Theologi cōcuniant, scilicet Christum vt Deum non orasse, nec orare potuisse, quia oratio propriè est *actus intellectus manifestantis desiderium rei,*

quam petens cupit obtinere ab aliquo, tamquam à superiori, saltem quoad id quod à Deo impetrare cupit, quia respectu Dei nullus potest esse superior, etiam quoad aliqua.

Et si dicas, quod ipse Spiritus postulat pro nobis gemitibus inenarrabilibus, ad Roman. 8. Respondetur quod *ly Spiritus* vel intelligitur Spiritus gratiæ, vel auxilij actualis; vel si intelligitur tertia Trinitatis persona, est paralis S. Scripturæ, quæ significat idem, quod postulare nos facit gemitibus inenarrabilibus. ita exponit Augustinus epistola 121.

Loquendo ergo de Christo secundum quod est homo, ratio difficultatis pro parte negatiua desumitur ex Damasceno 4. de Fide cap. 18. & ex Chrysostomo homil. 63. in Ioannem, qui dicunt Christum non verè & propriè orasse, sed simulasse orationem, loquentem cum Patre æterno more humano: vnde dicunt, quod prædicta simulata oratio fiebat à Christo, vt nos doceret orare.

Nihilominus Theologi omnes cōcuniant Christum vt hominem verè & propriè orasse Deum, dum erat viator. ita Scholastici in 3. d. 17. & in 4. d. 15. S. Thomas & eius Expositores quæst. 21. art. 1. Fundamentum est primum, quia Christus sapissimè orabat, vt passim S. Scriptura testatur, sufficit testimonium Lucæ 6. *& erat pernoctans in oratione Dei*: sed oratio, quæ solùm fieret in exemplum aliorum, deberet esse publica, & vt nota esset, saltem aliquibus, & non ita secreta, sicut oratio noctis: ergo dicendum est, quod non solùm fuit oratio in exemplum aliorum, sed etiam quia erat vera & propria petitio, &c. Secundo & à priori, quia Christus secundum naturam humanam erat minor Patre, & potuit desiderare obtinere ab eo aliqua beneficia sibi & nobis; ergo potuit habere actum intellectus, qui illi manifestaret hæc desideria, sed hæc manifestatio est oratio; ergo. Et confirmatur, quia nullum inconueniens ex opposito sequeretur; ergo, &c.

Dices: Frustrà quis petit vt fiat, vel vt non fiat id quod certum scit futurum, vel non futurum; sed Christus à primo cōceptionis instanti certò sciuit quæ

quæ futura, vel non futura erant; ergo. Respondetur frustrà petere aliquem id quod scit futurum, vel non futurum independentem à sua oratione, minimè tamen id quod scit futurum, vel non futurum dependenter ab illa, & sic potuit Christus orare, quia cognoscebat suam orationem esse medium ad consequendum illa, vel suæ orationi fore illi deneganda, sicut in simili dicitur de actibus eius liberis, quòd etiam si antequam essent, sciret Christus ad quid erat eius voluntas determinanda, nihilominus erant liberi, quia cognoscebat fieri dependenter ab eius voluntate in actu primo indeterminata, & omnino libera.

6. Ad testimonium Patrum, quæ pro parte negatiua sunt adducta. Respondet Patres prætendisse in hoc se opponere Arrianis, qui ex oratione Christi inferebant Christum non esse verum Deum, quia oratio est inferioris ad superiorem; & prædicti Patres asseriebant, quòd talis oratio respectu Christi ut Dei non esset vera & propria, sed simulata, & vt nos doceret, non tamen quia hoc dicerent de oratione respectu naturæ humanæ, quæ verè erat inferior, quia de hac non erat disputatio & controuerfia, sed etiam alij Patres cum Arrio disputantes fecerunt, admittendo illud Ioan. 14. *Pater maior me est*, intelligi de Christo ut Deo ob solam prioritatem originis, quâ Pater est prior Filio, sed pro adæquata explicatione orationis Christi sint Partes sequentes.

PARS PRIMA.

Vtrum omnis Christi oratio in terris fuerit semper exaudita?

7. **F**aciliter me expediam ab hac difficultate, quia soluta manet disputatione 16. questione 2. in fine, vbi sit dubium, An omnis Christi voluntas humana fuerit adimpleta? tamen ne intactum lapidem relinquamus, conueniunt omnes Theologi Christi orationem, & petitionem efficacem semper fuisse à Deo exauditam, qualis fuit illa, quam fecit pro resurrectione Lazari. Ioan. 11. & alix plures. Et ratio est, quia nihil efficaciter petiuit, & nulla fuit oratio efficax, quæ in quantum talis

Castillo de Incarn. Pars I.

non redacta sit efficax absolutè & simpliciter per consecutionem effectus intenti per orationem. Neque est difficultas in præfenti de oratione inefficaci, seu conditionata, quâ, v.g. Matth. 26. dixit: *Pater, si possibile est, transeat à me calix iste*; verumtamen non quod ego volo fiat, sed quod tu. quia certum est hanc orationem non fuisse exauditam. Est ergo difficultas, An præfata oratio inefficax & conditionata sit vera oratio, necne? quæ vt benè inquit Hurtado disp. 16. diff. 2. potius est quæstio de nomine, quàm de re.

Circa quam prima sententia negat esse veram orationem, & consequenter affirmat omnem Christi orationem esse exauditam, quia de ratione orationis est quòd sit efficax. ita Vasquez disput. 82. cap. 5. Becanus cap. 17. quæst. 3. Silvius quæst. 21. art. 4. & probant. illa tantum esse vera oratio, quæ est petitio, quâ aliqua eo animo insinuamus, & proponimus, vt nobis fiant, & concedantur; sed sic est, quòd Christus ea; quæ sciebat non faciendâ à Deo, non poterat ab ipso petere animo, & desiderio, vt fierent; ergo oratio conditionata & inefficax non est vera oratio. Et confirmatur, quia Ioan. 11. dicitur: *Ego autem sciebam, quia semper me audis*; & idem videtur sensisse Martham, dum eodem capite dixit, *Scio quia quacumque poposceris à Deo, dabit tibi Deus*; ergo omnis oratio Christi fuit exaudita, & tamen non fuit audita oratio inefficax; ergo hæc non est vera oratio.

Secunda tamen & vera sententia affirmat orationem Christi inefficacem fuisse veram orationem, & consequenter omnem Christi orationem non fuisse à Deo exauditam. ita tenent omnes Scholastici antiqui, noſter Alexander Alensis 3. p. quæst. 16. memb. 1. art. 1. D. Bonaventura in 3. dist. 17. art. 2. & alij, quos citant & sequuntur Suarez, & plures recentiores Thomistæ quæst. 21. art. 4. Valencia puncto 2. Lorca disputatione 80. Fundamentum est primò, quia de ratione orationis non est consecutio rei, sed manifestatio veri desiderij illius, quod petitur; sed Christus ve è desiderabat, v.g. quòd ab eo calix passionis transiret: vnde pronus in terra prolixius ora-

D d d bat,

bat, *Pater si possibile est, transeat calix iste* ergo oratio inefficax est etiam vera oratio. Maior per se patet. Minor iterum confirmatur, quia omnes Ecclesie Patres inferunt veritatem naturæ humanæ Christi ex illa oratione orta ex timore mortis, quam recusabat, sed hæc non bene infertur ex oratione apparenti & simulata, sed ex vera & affectuosa, imò & taliter affectuosa, quod propter illa sudor sanguinis promanaret; ergo, &c.

10. Secundo probatur, quia si propter aliquam rationem oratio inefficax non esset vera oratio in Christo, maxime quia sciebat se non fore consecuturum effectum, sed sic est, quod sciebat fieri dependenter à sua oratione efficacissime proposita, quantum erat ex parte humanitatis, quia ex eo sciebat Deum fore denegaturum, quia sciebat se petiturum, & oraturum; ergo antecederet ad scientiam, quæ sciebat suam petitionem non consecuturam fore effectum, sciebat se efficaciter ex parte sua manifestaturum fore talem petitionem Deo, licet prædicta oratio redigeretur inefficax ex eo quod Deus eius non annuebat votis propter alios fines suæ diuinæ providentiæ, quibus cognitis Christus se conformabat. Et confirmatur à simili, quia illa voluntas, quæ Deus vult omnes homines saluos fieri, est in Deo vera, imò & vehemens voluntas persecutionis, ut latè traditur in materia de voluntate contra Vasquem, licet alias sit inefficax; ergo Christi oratio inefficax est vera oratio, licet non consequatur effectum. patet consequentia, quia nulla est disparitas.

11. Ad rationem pro prima sententia adductam respondetur, quod quælibet Christi oratio etiam inefficax facta fuit à Christo eo animo, ut rem, quam postulabat, consequeretur à Deo, nec quod sciret se non fore consecuturum aliquid efficiebat, quia id sciebat se non fore consecuturum postquam affectuosè vehementerque petisset: unde de illo communiter intelligitur illud psal. 21. *Deus meus clamabo per diem, & non exaudies*, &c. imò per hoc magis manifestabatur eius humanitas, quæ in consecutione suæ voluntatis dependebat à diuina. Ad confirmationem re-

spondetur, quod illa testimonia S. Scripturæ loquuntur de oratione efficaci, quam exhibebat Christus attentis omnibus circumstantiis, & cognita voluntate diuinā, quæ ferè semper Christo quasi subordinabatur ad faciendum quod ipsi placuerit, nam quando aliter determinabat voluntas diuina, tunc statim ei se subdebat voluntas humana Christi; non verò loquuntur de omni oratione tam efficaci, quam inefficaci.

PARS SECUNDA.

Vtrum Christus nunc in calo existens verè oret pro nobis?

NOtante dixi verè oret, quia quod 12.
oret interpretatiuè & improprie ostendendo diuino cōspectui suam humanitatem cicatricibus & vulneribus insignitam, ut moueat eius pietatem circa homines, fatentur omnes. quare tota controuersia est de vera oratione & manifestatione proprii desiderij circa consecutionem alicuius boni à Deo pro hominibus.

Prima sententia negat Christum in 13.
cælo verè nunc orare. ita Rupert. lib. 9. de diuinis officiis cap. 3. Adelmanus in cap. 8. ad Rom. Medina, & Aluarez q. 21. art. 1. Aragon 2. 2. q. 83. art. 11. Vasquez disp. 81. Becanus cap. 17. q. 4. Et probant primò ex Theodoro, Hieronymo, & aliis Ecclesiæ Patribus, qui locutiones S. Scripturæ, quas infra pro nostra sententia adducemus, explicant de oratione Christi impropria, in quantum ostendit Patri sua vulnera. Secundo, quia Christus suis meritis meruit nobis nostram redemptionem, & salutem, ita ut nostram inueniret redemptionem, ut dicitur ad Hebræos 9. imò & morte sua consummauit nostram sanctificationem, ut dicit cap. 10. ergo post mortem nihil meretur nobis, & consequenter nec verè orat.

Tertiò probat Hurtado, quia si modò 14.
petit in cælo Christus, vel obtinet id quod petit merito ipsius orationis, & hoc no, aliàs Christus modò mereretur in patria; vel obtinet per orationem, tanquam per applicationem meritum, quæ habuit in via, & hoc modò non, tum quia talis applicatio cum sit per opus Deo gratum & dignum conse-

quendi id quod petit, esset meritoria; tum & præcipue quia ridiculum esset relinquere redemptionem nostram, aut secundum se totam, aut secundum partem orationi Christi, tamquam applicationi nudæ; nã cum hoc fieret veluti loquente Christo, quando fuit viator suo Patri, *Pater obsecro te, ut hæc; aut illa dona, quæ nunc à te postulo, ut conferas mihi, aut illis hominibus, ea conferas illis*, quando ego in calo existens, iterum illa postulem: hoc autem videtur ridiculum, quia si tunc illa dona postulabat Christus, ad quid erant iterum in patria ab ipso postulanda? Quartò probatur, quia si nunc in patria orat, ergo liceret dicere, *Christe ora pro nobis*, quod non est in usu Ecclesiæ; sed solum *Christe miserere nobis*.

15. Secunda & vera sententia affirmat Christum de facto in calo verè orare. est expressa sententia D. Thomæ in 4. dist. 15. quæst. 4. art. 6. quæstiunculâ 2: ad 1. D. Bonaaventuræ opusculo 39. de Vita Christi cap. 89. de Ascensione, ubi introducit Filium æternum, dum ascendit in cælum, orantem Patrem, ut mittat Spiritum sanctum; Abulensis in 14. Matth. quæst. 142. Toleti in 16. Ioan. à num. 35. & communiter tenent Recentiores, Suarez disp. 45. sect. 2. Valencia quæst. 21. puncto 1. Lorca disp. 81. Raguza disp. 18. Et probatur primò ex pluribus S. Scripturæ testimoniis: Ad Rom. 8. *Iesus qui est ad dexteram Dei, qui etiam interpellat pro nobis*. Ad Hebræos 7. *Semper vivens ad interpellandum pro nobis*. Et 1. Ioan. 2. *Si quis peccaverit, advocatum habemus apud Patrem Iesum Christum iustum*, &c. Sed ubi nulla est repugnantia, verba S. Scripturæ sunt in proprio sensu accipienda secundum regulam Augustini; ergo eum prædicta verba significant veram orationem, sic debent accipi.

16. Secundò sic probant, quia interpellationes illæ, quas Christus facit per orationem suæ humanitatis, & suorum vulnerum, sunt in demonstrationem alicuius, quod desiderat Christus obtinere à Patre; sed hæc demonstratio est vera oratio, quia est manifestatio alicuius desiderij, & cum animo obtinendi id quod desideratur; ergo Christus in patria nunc verè orat. Et confirmatur primò, quia humanitas Christi

sti, & eius vulnera semper sunt, & fuerunt præsentia conspectui diuino, neque ut recordaretur illorum Deo, deberent de nouo representari ipsi; ergo quòd dicantur à Patribus de nouo representari est, & significat quòd postuletur à Christo, ut merita sua, & valor illorum applicentur ad consecutionem alicuius boni; ergo verè orat. Et confirmatur secundò, quia Christus adhuc in patria habet prouidentiam nostri; ergo vult fieri ea, quæ pertinent ad nos, sed plura ex illis indigent virtute diuinâ ut fiant; ergo eius humanitas postulat à Patre, quòd fiant.

Ad argumenta in contrarium respondetur. Ad primum, prædictos Patres implicite explicasse veram Christi orationem in patria per illas explicitas demonstrationes, & ostensiones humanitatis, & vulnerum illius; quia ridiculum apparet, quòd putemus Christum facere de nouo tales ostensiones suo Patri, & quòd non sit ad indicandum illi suam voluntatem circa consecutionem alicuius boni; quare plures Ecclesiæ Patres, qui videri possunt apud Recentiores, expresse tenent Christum verè orare nunc in calo pro nobis; & si aliqui contrarium insinuant, id etiam dicunt de Christo in via: unde debent explicari, sicut ipsos explicuimus in principio Quæstionis, scilicet quòd loquerentur contra Arrianos; & si non loquuntur de Christo, ut in via, sed ut in patria, solum debent intelligi quòd Christus habeat orationem per tales demonstrationes cum anxietate & angore sicut communiter oratur, & ipse orauit in via, non tamen quia negant veram & propriam orationem.

Ad secundum respondeo, quòd circa merita Christi possumus considerare & ipsa merita in esse talia, & applicationem illorum pro aliquo subiecto, vel pro alicuius boni consecutione. Dico ergo quòd si primo modo considerentur omnia fuerunt operata in via, & nostra redemptio fuit consummata in Christi morte, & ut sic benè probat argumentum quòd Christus nihil mereatur nobis post mortem etiam per orationem;

si tamen considerentur secundo modo, dico quòd dependent ab oratione vera Christi, tamquam ab applicatione, quia Christum sua ostendere vulnera, &c. nihil est aliud, quàm quòd Christus posset à Patre, quòd dignetur illa merita applicari pro consecutione alicuius boni ab illo subiecto pro quo orat.

19. Ad tertium respondeo, quòd Christus obtinet per orationem id quod modò petit, non tamquam per meritum, siue condignum, siue congruum, quia licet talis oratio sit opus laudabile & dignum obtinere id quod petit, tamen deficit illi esse in statu merendi ad hoc ut sit meritum, sed obtinet per orationem, & tamquam per applicationem eorum meritorum, quæ habuit in via, & tamquam propter impetrationem sine ordine ad aliqua merita antecedentia, quæ impetratio licet in via sæpè reperiatur coniuncta cum ratione meriti, tamen in patria non habet esse æterioria: unde sic reperitur in aliis Beatis nobis à Deo per orationem impetrantibus plura beneficia. Neque est necessarium, quòd Christus orauerit illo modo, quo dicitur ab Hurtado, sed quòd solùm obtulerit Christus in generali suam passionem efficaciter pro consecutione omnium beneficiorum, quæ Pater voluerit efficaciter hominibus concedere, & quòd postea in cælo oret pro consecutione huius, & pro consecutione illius beneficii, quia licet sciat Christus quòd beneficium sit consecuturum, & quòd non, tamen scit se consecuturum, vel non consecuturum per orationem dependenter ab illa, non tamquam à merito, sed tamquam ab applicatione, vel deprecatione.

20. Ad quartum respondetur, quòd etiam si Christus in patria pro nobis oret, non tamen licet in deprecationibus di-

cere, Christe ora pro nobis, sed misere-
re nobis, quia in oratione erga Christum eodem modo nos gerere debemus, ac in adoratione, in qua licet possimus adorare adoratione dulci propter solam sanctitatem humanitatis, numquam tamen sic debet adorari, sed adoratione latræ propter Verbi personam, quia cuiusque personæ tri-
buendus est maior honor, cuius est capax.

Dices: Christus habet eandem potestatem in cælo, & in terra; ergo non indiget oratione ad consecutionem cuiuscumque beneficii. Et confirmatur, quia B. Virgo Maria, & Sancti omnes petitiones suas exhibent coram Christo; ergo quia Christus seipso potest præstare prædicta beneficia; ergo non indiget oratione ad illa præstanda. Respondetur ad obiectionem, quòd etiam si Christus in via habuit omnimodam potestatem, & nihilominus verè oravit in via, ut Aduersarij concedunt. Dico ergo quòd Christus habet omnimodam potestatem, quia fit quidquid vult efficaciter fieri, quæ volitio efficax per orationem exprimitur à Christo. unde talis potestas non aufert orationem. Ad confirmationem dico, quòd Virgo, & Sancti suas petitiones exhibent coram Christo, tum quia est Deus, tum etiam quia quidquid ipse efficaciter postulauerit per humanitatem à Patre infallibiliter fiet.

In fine huius Partis duo obseruare debetis: primum, quòd quando Christus aliquid à Patre postulat, non necesse habet vocali oratione suas exprimere petitiones, sed satis est quòd mentali 2. quòd eius oratio in patria non fit cum anxietate, & angore, sed summâ alacritate, quia vtrumque eodem modo contingit in reliquis Beatis.

DISPUTATIO XVIII.

DE

DEFECTIBVS

ASSVMPTIS A CHRISTO

IN HVMANITATE.

Defectus ad humanitatem pertinentes vel pertinent ad animam; vt peccatum, & ignorantia; vel ad corpus, vt morbus, fames, mors, &c. vel pertinent ad vtrumque, vt affectiones irascibiles, & concupiscibiles: de quibus omnibus est agendum in hac Disputatione, & disputat Scotus in 3. dist. 12. 15. & 16.

QVÆSTIO PRIMA.

De impeccabilitate Christi secundum naturam humanam.

1. **D**E fide est nullum fuisse peccatum, neque originale, neque actuale in Christo. ita definitur in Concilio Ephesino cap. 10. Et probatur ex S. Scriptura, nam peccatum originale excludunt illa verba Lucæ 1. *Quod enim ex te natus est sanctum.* Et ratione probatur, quia peccatum originale solum contrahitur ab his qui descendunt ex Adamo per seminalem propagationem, sed Christus non fuit secundum humanitatem genitus ope viri; ergo, &c. Peccatum autem actuale excludunt illa verba Ioan. 8. *Quis ex vobis arguet me de peccato.* Et 1. Petri 2. *Qui peccatum non fecit,* &c. Et ratio similiter suadet, quia qui factus est homo vt nos redimeret à peccatis, & vt nobis præberet exemplum, non debuit assumere peccatum.

2. Dico enim quod non defuit quidam Apostata monachus præmonstratensis (vt refert Prateolus verbo *Præmonstratensis*) qui asseruit Christum desperasse in cruce, quando Matth. 27. dixit, *Deus, Deus meus, vt quid dereliquisti me;* ideoq; damnatum fuisse. & idem docuerunt Antichristiani (vt refert idem Prateolus verbo *Antichristiani*) cuius erroris initium fuit Caluinus (vt refert Bellar-

minus lib. 4. de Christo cap. 8.) qui quamuis non dicat quod Christus desperauerit, dixit tamen quod emisit vocem similem desperationi, quæ necessarii debuit esse peccatum. Respondetur tamen in prædictis verbis nullo modo desperationem contineri, primò quia hæc non compatitur cum illa dulcedine, quam præ se ferunt illa priora verba, Deus, Deus meus, sed solum fuerunt verba maxime dolentis, & significant quod permissum fuerit à Deo ita vehementer angere. 2. quia non compatitur cum aliis verbis, quæ eodem tempore Christus protulit, *Pater in manus tuas commendo spiritum meum.*

Sed inquires primò, quid significant illa verba 2. ad Corinth. 5. *Cum qui non noverat peccatum, pro nobis peccatum fecit.* Respondetur, id est, factus est nobis hostia pro peccatis, quæ solet appellari peccatum, iuxta illud Osee 4. *Peccata populi mei comedunt Sacerdotes,* id est, hostias pro peccatis.

Inquires secundò, quid significant illa Psal. 21. *Longè à salute mea verba delictorum meorum;* & Psal. 39. *Comprehenderunt me iniquitates meae;* & Psal. 68. *Domine tu scis insipientiam meam, & delicta mea à te non sunt abscondita.* In quibus psalmis semper fit sermo de Christo, vt receptum est apud omnes. Respondetur primò, quod à nonnullis exponitur negatiue, quasi diceret Christus, Ita nulla habeo delicta vt longè sint à salute mea. 2. quod sua delicta appelleret

Ddd 3

pellet Christus, quæ sibi falsè fuerunt imposita. 3. & communiter vt peccata nostra appellet sua, tum quia pro eis satisfecit, tum quia secundum regulam Anthiconij, quæ sunt membrorum dicuntur de corpore, & è contrà. Non tamen propterea licuit August. de Roma Archiepiscopo Nazareno dicere quoddam quotidie Christus peccat, quoddam hoc absoluto modo loquendi significatur Christum in se peccare: vnde meritis fuit damnatus in Concilio Vasilienfi.

5. Difficultas ergo huius Quaestionis non est de actu, sed de potentia, ita vt repugnet humanitati Christi assumptæ posse peccare. Et suppono primò non procedere de humanitate prout ornata gratiâ habituali, quia vt sic certum est quoddam potuerit peccare, sicut de facto contingit in homine iusto; & similiter est magis probabile, quoddam gratia, & peccatum saltem de potentia Dei possint esse simul. Suppono secundò neque procedere de humanitate prout ornata gloriâ, quia vt sic certum est quoddam non potuerit peccare etiam de potentia Dei, quia cum per beatitudinem fuerit coniunctus Deo per affectum iustitiæ, stante illa non potuit disiungi per affectum iniustitiæ, seu peccati, aliis posset simul amare, & non amare Deum. Procedit ergo difficultas de humanitate præcisè prout Verbo diuino vnita, An non repugnet peccare, siue peccatum possit simul perseuerare cum hypostatica vnione in humanitate, siue ex commissione, siue ex patratione peccati proueniat, quoddam statim destruat prædicta vnio, sicut ad commissionem peccati mortalis in homine puro destruitur gratia habitualis.

6. Circa quam prima sententia negat Christum potuisse peccare. ita tenent Magister in 3. d. 12. D. Thomas q. 2. art. 1. & 2. D. Bonauent. & Ricardus art. 2. q. 12. Paludanus q. 2. Capreolus q. 1. Almaynus d. 1. q. 2. Alensis 3. p. q. 14. memb. 1. Henricus quodlibet 6. q. 6. Suarez tomo 1. in 3. partem disputatione 33. sect. 2. Valquez disp. 61. cap. 3. Ragusa disp. 14. Hurtado disp. 6. diff. 7. Non tamen omnes Auctores isti probant hanc sententiam eodem fundamento. Nam Alensis duo asserit falsa: primum, quoddam Verbum non potue-

rit sibi vnire naturam humanam, nisi ornata gratiâ habituali, quod refutauimus disputatione 9. Secundum, quoddam gratia habitualis, & peccatum non possint esse simul, quod latè impugnatur à Scotistis in materia de gratia, & non respondet quaestioni, quia licet non possint esse simul, sed necessariò debeat excludi per peccatum, tamen non constituit subiectum impeccabile, vt manifestè constat in hominibus iustis, in quibus per peccatum excluditur gratia.

Henricus autem defendit hanc sententiam, ex eo quoddam putet Verbum non potuisse assumere naturam humanam, nisi ornata visione & fruitione beata, cum qua in sententia eorum, & etiam Scoti impossibile est peccatum, vt supra dixi. Sed hic modus dicendi primò non tribuit impossibilitatem peccandi proximè & immediatè vnioni hypostaticæ, sed visioni & fruitioni beatæ. Secundò, falsè asserit Verbum non potuisse assumere humanitatem, nisi ornata visione & fruitione, quia secundum Scotum in 3. d. 2. q. 1. quem sequuntur omnes Theologi, nulla est implicatio in tali assumptione absque actuali visione & fruitione, licet illi esset debita, non enim debitum, hoc est debitum iustitiæ, sed congruentiæ, & decentiæ connaturalis, quod licet de lege ordinaria sit adimplendum, de potentia tamen absoluta nullam implicationem inuoluit quoddam non adimpleatur, & quoddam inueniatur vnio hypostatica absque visione & fruitione beatæ; cum ergo in hoc nulla sit implicatio, supponamus sic factum; quod ergo de impeccabilitate Christi ratione vnionis, quæ solùm venit in examen.

8. S. Thomas, & eius sequaces supra citati ex eo probant impeccabilitatem in Christo ex vi vnionis, quia si stante vnione humanitas peccaret, peccatum attribueretur ipsi Deo, cum longè sit ab ipso, & quod audire pias aures offendit, exaggerantque hoc nimio verborum strepitu. quod dupliciter probatur à diuersis, primò ab aliquibus, quia actiones sunt suppositorum; ergo Verbum peccaret, vel diceretur peccare. 2. à Suare, & ab aliis, quia Verbum diuinum tenebatur taliter regere suam humanitatem, eo ipso quoddam erat sua,

sua, ut ipsi imputentur peccata illius, si aliqua patraret tamquam Auctori, & causæ morali, sicut patet in Prælato cui imputantur peccata subditorum, quia sunt aliquid eius; & patet in homine, cui imputantur peccata suarum manuum, & suorum pedum, quia sunt eius.

9. Sed contra primum sic argumentor, quia non minus repugnat Verbo conspui, flagellari, crucifigi, mori, &c. quam peccare, sed per unionem Verbum patitur illas denominationes; ergo & hanc. Neque enim actiones sunt elicitive suppositorum, sed denominatione solum; imò ex parte est maior repugnantia in prioribus denominationibus, cum sint physicae, quam in hac, quæ solum est moralis: unde prædicta denominatio non debet pias aures offendere, si aures ita sunt doctæ, sicut pias.

10. Respondent aliqui Verbum posse denominari per priores denominationes, quia illarum rerum potest Deus esse causa, cum sint entia physica, & non mala simpliciter, sed solum secundum quid: secus verò per posteriorem, quia Deus non potest esse causa peccati, cum ut malum simpliciter & morale. Sed contrà, quia hoc non est ad propositum, primo quia denominationes istæ non respiciunt habitudinem effectus ad causam, sed denominati ad formas denominantes: unde si per impossibile Deus non esset causa mortis, nihilominus in Christo denominaretur mortuus; ergo quòd sit, vel non sit causa, non tollit denominationem. Secundo, quia flagellantes & crucifigentes Christum peccabant in his actionibus; ergo denominabatur Verbum peccaminosè flagellatum, crucifixum, &c. & tamen Deus non erat auctor formæ peccaminosæ per quam denominabatur; ergo potest denominari ab aliqua forma, cuius non est auctor; ergo & si humanitas Christi peccaret, Verbum posset denominari peccans, licet non posset esse auctor peccati in genere causæ efficientis adhuc moralis.

11. Contra secundum sic argumentor, quia impedire peccata, est actio Dei ad extra; ergo non convenit Verbo vito præcisè, sed toti Trinitati; ergo etiam si humanitas, quæ est aliquid

Verbi, peccaret, non imputaretur Verbo, tamquam causæ morali. Et confirmatur, quia absque iniustitia posset Trinitas non cōferre humanitati Christi Verbo vitæ omnia dona supernaturalia gratiæ & gloriæ; ergo & posset non conferre auxilium ethicæ ad non peccandum. patet consequentia, quia tam hoc auxilium, quam illa dona non confert Deus titulo iustitiæ, sed titulo congruentiæ, & decentiæ. Exempla autem à Contrariis adducta nihil probant, quia Prælati ratione officij tenetur ex iustitia vitare peccata subditorum. unde si non vitat, imputantur ei tamquam causæ morali, peccata autem manuum & pedum, non ex eo præcisè quòd sunt aliquid hominis imputantur eis, sed quia taliter sunt eius, quòd omnino physicè subduntur eius imperio, & voluntati, quomodo non subdebatur humanitas Verbo, sed solum subdebatur illi, sicut reliquis personis Trinitatis.

Vasquez autem cap. 6. aliter defendit hanc sententiam, ex eo enim asserit humanitatem vnitam non posse peccare, quia ex vi unionis sanctificabatur fortiori ac excellentiori, ac nos sanctificamur per gratiam habitualem.

Per quod respon. let ad obiectiones, quæ sibi obijci possunt, scilicet quòd in nobis possunt in probabilissima sententia esse simul de potentia absoluta, quia non habent, neque inferunt contradictionem; ergo & peccatum, & vnio hypostatica. Præterea, quia licet gratia & peccatum non possint esse simul, nihilominus gratia non constituit subiectum impeccabile, quia homo iustus potest peccare, licet quando adest peccatum excludatur gratia; ergo vnio licet constituat humanitatem sanctam, non constituit impeccabilem, quia accedente peccato destrueretur vnio hypostatica. Ad hæc ergo omnia respondet esse vera respectu nostræ gratiæ habitualis, non verò respectu naturæ divinæ, quæ est sanctitas essentialis ita excellens & fortis, ut non solum excludat peccata mortalia, sicut nostra gratia, sed etiam venialia omnia, quod non facit nostra gratia, & insuper ita est suprema, ut nullis subdatur operibus, ac per consequens illi repugnat, quòd per opera peccaminosa possit destrui. ita Hurtado

tado cum aliis ubi suprà diff. 7. placet-
que Suari, & aliis Recentioribus.

14. Sed contrà, quia hic modus dicendi plus verba continet, quàm veritatem, quod primò ostendo sic, nam dato casu quòd Verbum, vel diuina natura sanctificaret formaliter humanitatem (quod esse falsum probaui disputatione 11.) Inquiro quare non est magis fortis in ratione sanctitatis formalis, quàm gratia habitualis in eodem genere? nulla enim est forma, etiamsi perfectissima sit, quæ si habeat contrarium, non excludatur, vel sit exclusibilis ab ipso; cùm ergo sanctitas essentialis habeat pro contrario peccatum, nam est munditia animæ excludens immunditiam peccati, etiamsi perfectissima & infinita sit, excludetur, vel exclusibilis erit à peccato.

15. Secundò supponamus quòd Verbum assumeret naturam humanam aliquo peccato foedatam, tunc sic per talem assumptionem præcisè non expelleretur peccatum præexistens; ergo vnio non est impossibilis de potentia Dei cum peccato. Supposito probatur simul cum antecedenti, quia natura illa esset capax subsistentiæ, neque peccatum auferebat ab ea hanc capacitatem; ergo esset assumptibilis à Verbo. Minor probatur ad hominem, quia Vasquez 1. 2. diff. 206. cap. 6. constanter defendit, quòd peccatum habituale non expellitur adhuc de potentia Dei, nisi per sanctitatem intrinsecam physicè & intrinsecè inhærentem & mutantem naturam, & hoc modo non se habet Verbum, aut Essentia diuina respectu naturæ humanæ, quia solum erit eius sanctitas extrinseca, vt etiam ipse habet tomo de Incarnatione diff. 41. cap. 4.

16. Tertiò, quia sancti Patres potuerunt mereri de condigno hanc vnionem hypostaticam, non ex meritis Christi per gratiam collatam, sed ex mera liberalitate Dei, vt latè diximus cum communi sententia diff. 9. ergo non repugnat quòd prædicta vnio obnoxia & subiecta sit quantum ad suam existentiam operibus creatis; ergo similiter eius annihilatio, seu non existentia potest dependere ab operibus de condigno demeritoriis illius; ergo non repugnaret, quòd si Christus peccaret, Deus de-

strueret & annihilaret talem vnionem, sicut in homine iusto peccante destruit gratiam; malè ergo asserunt Aduersarij, quòd talis vnio est ita fortis, quòd repugnet illi dependere à quibuscumque operibus creatis.

Quartò & vrgentissimè, quia si ex vi vnionis formaliter humanitas redditur impeccabilis; ergo tollitur eius libertas ad peccandum, & consequenter ad merendum, quod est absurdum in omni sententia. Probo sequelam à paritate in sententia Vasquez, quia ex eo negat voluntatem manere in actu primo liberam ad operandum, si in ea ponatur illa qualitas prædeterminans, quam adstruunt Dominicani, quia prædeterminaretur voluntas per aliquod antecedens, cui omnino resistere non potest, sed similiter eo ipso quòd voluntas per vnionem formaliter redderetur impeccabilis, constitueretur voluntas per aliquod antecedens operationem taliter determinata, quod illi determinationi resistere non potest omnino; ergo destrueretur eius libertas, non minùs ac destruitur in eius sententia per qualitatem prædeterminantem. Neque hic habet locum eorum scientia conditionata, nam siue talis scientia esset, vel non esset vera, semper erit verum quòd humanitas vnita neque peccauit, neque poterit peccare ratione vnionis tamquam formæ antecedentis prædeterminantis voluntatem ad bonum, imò neque relinquentis indifferentiam ad malum.

Ad fundamentum ergo Vasquez respondet idèò sanctitatem Christi fuisse excellentem & fortem; ergo ratione vnionis debebatur eius humanitati non titulo iustitiæ, sed titulo cōgruentiæ, & decentiæ, quòd haberet sanctitatem creatam, tam habitualement, quæ excluderet non solum peccata mortalia, sed etiam venialia, quàm actualement efficaciter auxiliatricem, quæ excluderet in actu secundo actiones peccaminosas, non tamen in actu primo potentiam ad peccandum.

Obicit Vasquez Operationes Christi dicuntur Theandricæ, quia sunt Dei & hominis, sed actio peccaminosa non posset sic appellari; ergo nec potest in Christo reperiri. Respondetur quòd de facto omnes Christi operationes

tionos

tiones dicuntur Theandricæ propter conformitatem quam habent omnis operatio voluntatis humanæ, & omnis operatio voluntatis diuinæ, vt dixi disput. 10. q. 3. §. 2. tamen si de possibili Christus peccaret, talis operatio peccaminosa, licet denominaret Verbum, tamen non esset operatio Theandrica, cum deficeret illi vnio moralis, seu cõformitas cum operatione diuina, per quam vnionem cõstituitur formaliter operatio in esse Theandrica, vt ibi dixi, & probaui.

20. Secunda & vera sententia affirmat Christum potuisse peccare adhuc in sensu composito, & supposita vnione ad Verbum. hanc puto esse mentem Scoti in 3. d. 12. q. 1. vbi solum admittit Christum de facto fuisse impeccabilem ratione beatitudinis, & non ratione alterius, sequuntur eius discipuli, tenet Durandus q. 2. Gabriel q. vnicâ, & Marsilius q. 19. art. 3. & q. 3. art. 2. Fundamentum est, quia humanitas non est physice & intrinsece mutata per vnionem hypostaticam, sed humanitas ex se est peccabilis cum habeat intellectum proponentem bonum & malum voluntati, & voluntatem liberam & indifferentem ad prosequendum tam malum, quàm bonum; ergo adhuc suppositâ vnione perseuerabit peccabilis. Et confirmatur, quia impeccabilitas non probatur aliquo modo, vt patet ex resolutione eorum, quos pro contraria sententia adduximus; ergo, &c.

21. Sed contraria sententia notat nostram temeritatis & impietatis censurâ, & vt illam confirmet, cõgregant maximam Ecclesiæ Patrum cateruam ita excludentium à Christo peccatum, vt simul peccabilitatem excludant, & hoc ex vi vnionis. Respondetur tamen quodd potius deberent notare modestiam huius sententiæ Auctorum, qui cum videant plures sectatores illius, & ex contraria sententia, & de medio tolli veram naturam humanam Christi non audent eam aliquâ censurâ inurcere. Respondemus igitur ad testimonia Patrum, quodd loquantur de facto, & suppositis omnibus donis, quæ modò habet Christus, præcipue fruitione beata, in quantum talia dona erant illi debita debito decentiæ & congruentiæ vnionis.

22. Ex quo debetis inferre Christum de facto non esse dicendum simpliciter &

absolutè quodd habuerit potentiam ad peccandum, quia quando potentia est impedita, non est simpliciter & absolute vocanda potentia, sed cum addito, scilicet remota, vel proxima impedita, & idcò tam Patres, quàm Scholastici abstinerunt ab hac voce.

QVÆSTIO II.

Vtrum Christus assumpserit, vel assumere potuerit ignorantiam?

DVplex est ignorantia, vna positia, quæ est error, seu deceptio exiens in intellectu; alia negatiua, quæ est defectus scientiæ; quia tamen scientia potest esse debita, vel non debita huic subiecto, idcò ignorantia negatiua diuiditur in priuatiam, quæ est defectus scientiæ debita huic subiecto, & in purè negatiua, quæ est defectus scientiæ non debita illi. Duo ergo in præcui disputantur: Primum, An sit de fide, quodd in Christo non fuerit ignorantia priuatiua, quia quodd sciuerit omnia, quæ ad omnia sua munera pertinebant, fatentur omnes tamquam certum, sicut fateritur quodd habuerit ignorantiam negatiua, saltem in proprio genere plurium obiectorum saltem ex indiuiduis possibilibus, quia eorum cognitio in proprio genere erat humanitati Christi impossibilis, vt latè diximus disput. 15. quæst. 4. §. 4. 5. & 6. Præterea secundum, quod disputatur, est, An de potentia absoluta potuerit esse error, seu ignorantia positia in intellectu Christi?

Circa primum est difficultas pro parte affirmatiua, quia Gregorius Magnus lib. 8. Epistolarum cap. 42. Sophronius Epistolâ synodica, quæ habetur actione 11. sextæ Synodi, & plures alij Patres referunt tamquam hæreticos, qui appellantur Gnostici, ab alijs Agnoitæ, ab alijs Ignoitæ, quasi ignorantes, asserentes Christum vel didicisse alphabetum sub serula præceptoris, vel nesciuisse diem Iudicij: sed partem negatiua reputo veriorem cum Lorca disput. 59. Vasquez disput. 51. cap. 2. Fundamentum est, quia nullo Concilio generali aut particulari inuenitur definitum, quodd Christus secundum naturam humanam sciuerit omnia

quæ ad sua pertinebant munera, & officia; ergo non est de fide, quod in Christo non fuerit ignorantia priuatiua.

Ad fundamentum primæ sententiæ respondetur quod Gnostici referebantur tamquam hæretici, quia vel negabant Christum tamquam Deum scire omnia cum Arrio, vel tamquam hominem purum plura nescire cum Nestorio: vnde prædicti Patres asserunt quod non possit esse Ignorista, qui non sit Nestorianus; ad illud de nescientia dei Iudicij, dixi iam disp. 15. q. 2.

3. Sed dices: Christus Ioan. 11. interrogauit de Lazaro, *Vbi posuisti eum?* & Ioan. 6. interrogauit Philippum, *Vnde ememus panem, ut manducent hic?* Respondetur cum Damasceno in his locutionibus nullam fuisse ignorantiam, sed simulationem quamdam prudentem, vt occasione acciperet aliquid docendi, aut faciendi, quia ex occasione interrogationis & responsionis aliquando aliquod declarabat mysterium, aliquando verò suam manifestabat potentiam.

4. Circa secundum Suarez disp. 34. sectione 3. Ragusa disp. 116. docent in Christo non potuisse adhuc de potentia absoluta habere errorem positium. Et probant primò, quia in errore nulla potest esse honestas, nec ad finem honestum conducere, sed Verbum non potest assumere id quod sic non se habeat; ergo. Secundò, quia si illi non repugnat error, non haberet auctoritatem ad fidem faciendam in his quæ testificarentur; ergo.

5. Vasquez verò disp. 61. & Lorca disp. 59. multò verius existimant non repugnare de potentia Dei reperiri in Christo errorem: à nobis autem facilliter probatur hæc sententia, quia in Christo potuit reperiri peccatum; ergo & error. A Thomistis verò probatur primò: Verbum in tali casu non esset auctor erroris, sed tota Trinitas, cui hoc non repugnat, sicut neque quod concurrat ad materiale peccati. Secundò probatur, quia prædictus error potuit esse inculpabilis, nec Verbum teneretur impedire illum in natura humana, quia hæc licet sit natura Christi, non tamen est natura Verbi; ergo ex nullo capite repugnat.

6. Ad primum contrariæ sententiæ respondetur, quod in errore, qui non est

peccatum, nulla est honestas, nec inhonestas; & licet non conducatur ad aliquem finem honestum, sufficit quod non conducatur inhonestè ad aliquem finem.

Ad secundum respondetur, quod duplex potest considerari auctoritas in Christo, vel in quantum est organum Spiritus sancti, & vt sic concedo quod repugnat illi error, tamen de potentia Dei poterat non esse organum ipsius; vel in quantum præcisè attenditur secundum naturam humanitatis, & vt sic non est infallibilis auctoritatis, & potuit habere errorem, imò & habitus vitiosos.

In fine quæstionis obserua cum Vasquez, Lorca & Ragusa contra suos, quod de facto patitur Christus in sensibus deceptionem illam, quæ nobis contingit, quando res distantes apparent nobis minores, quàm in se sunt, quia hoc spectabat ad connaturalem modum operandi, & mirum esset quod non videret ibidem, corrigebat tamen prædictas deceptiones per scientiam interiorē tam beatam, quàm infusam, per quas cognoscebat res sicuti sunt in se à parte rei.

QVÆSTIO III.

Vtrum defectus corporales, quos assumpsit Christus in humanitate, fuerint ipsi Christo voluntarij?

HÆC Quæstio supponit Christum assumpsisse aliquos defectus naturales, nam iuxta cōmunem Scholasticorum sententiam assumpsit omnes illos, qui naturales & communes sunt naturæ humanæ post peccatum Adami, non tamen assumpsit aliquos speciales, qui vel ex imperfecta virtute seminū, vel ex imperfecto regiminē corporis promanant. Et ratio est, quia sicut decuit vt assumeret pœnalitates vt pro nobis satisfaceret, & esset nostrū exemplum, ita non decuit assumere illos, qui vel ipsi possunt imputari ad culpam, vel ad nullam vtilitatem redemptionis, vel alterius finis conducunt: vnde Niceus 3. thesauri cap. 25. ait in Christo nullam à cōmuni lege factam fuisse exceptionem, nisi in coceptione & partu.

Ex

2. Ex quo tria debetis inferre. Primum, Christum assumptis se corpus naturaliter subiectum passionibus, quod negauerant Iulianus Alicarnasius & Hærianus, ut refert Nicephorus lib. 17. cap. 29. licet aliàs concederent corpus verum humanum contra alios hæreticos, quos refutauimus disp. 7. quæst. 3. imò hic error ita placuit Iustiano Imperatori aliàs pio & catholico, ut propterea iuberet exulare Athanasium, quia contrarium docebat, imò Valquez disp. 59. cap. 1. illum tribuit Hilario 10. de Trinitate, & sæpe alibi, sed Bonauentura in 3. d. 16. art. 1. q. 1. ad 1. refert se audiuisse Guilielmum Parisiensem dicentem se legisse librum in quo Hilarius id retractant, & seclusa hac retractatione D. Bonauentura illum aliter excusat, scilicet quòd loquatur de Christo secundum naturam diuinam, quia contra Arrianos probabat, quòd defectus, quos assumptis, non potuerunt esse secundum naturam Verbi, vel loquitur de necessitate contrahendi defectus ex peccato, sicut nos, vel de necessitate contrahendi illos, ita ut non liberè & voluntariè contraheret, sed assertum nostrum habetur Isaia 53. *Verè languores nostros tulit, & dolores nostros ipse portauit*, & Ioan. 19. *Sitio*; & 1. Petri 2. *Christus passus est pro nobis vobis relinquens exemplum*, &c. & definitur in Concilio Ephesino Anathematismo cap. 2. & 3. Synodo actione 8. & in pluribus aliis Conciliis, & in Symbolo Apostolorum Niceno, & Athanasij. Sed obiciunt hæretici illud Psalmi 15. & Actor. 15. *Non dabo Sanctum tuum videre corruptionem*. Respondetur quòd non loquitur de morte, sed de putrefactione, & vltima resolutione corporis in vermes, & in cineres, quia hæc præuenta fuit per resurrectionem.
3. Secundum, quòd debetis inferre, est Christum non assumptis se morbum corporalem propter rationem supra dictam. ita Scholastici cum Magistro in 3. d. 15. D. Thomas q. 14. art. 4. ubi Suarez ait quòd contrarium asserere est temerarium, & pias aures offendit; imò Concilium Francfordiense Epistolâ ad Episcopos Hispaniæ defendit contra Elipandum, quòd non habuerit morbum lepræ.
4. Sed obiciunt primò illud Isaia supra

relatum, *Verè languores nostros ipse tulit*, &c. Respondetur cum Suarez & Lorca duplicem habere sensum litteralem: primus, quia illos sanauit, & abstulit, ut exponi videtur à Matthæo cap. 8. Præterea secundus, quia suscepit poenas corporales, quas pro nostris peccatis nos merebamur suscipere, quæ poenæ communiter solent appellari nomine doloris & infirmitatis.

Obiciunt secundò Isaia in eodem capite dicentem, *Et nos reputauimus eum quasi leprosum*. Respondet Concilium Francfordiense Isaia non absolute dixisse *leprosum*, sed *quasi leprosum*, quia scilicet Iudæi eum cauebant, huc cauebant leprosum.

Tertium est corpus Christi fuisse pulchrum, & non deforme, ut voluit Michael de Medina lib. 2. de recta in Deum fide cap. 7. quòd videtur tradidisse Tertull. lib. de Carne Christi c. 9. sed contraria sententia est omnium Scholasticorum & Patrum. legantur Recetiores, & patet ex illo Psalm. 44. *Speciosus forma præ filiis hominum*, quòd licet Cyrillus & Basil. explicet de pulchritudine Diuinitatis, & Theodoretus eum aliis de pulchritudine gratiæ, tamen de pulchritudine corporis explicant August. & Casiodorus, ibidem Bernardus serm. 1. de omnibus Sanctis, & Chrysostomus homil. 18. in Matthæum; & ratio id conuincit, quia Christi corpus habuit optimum temperamentum, omniumq; membrorum integram & optimam dispositionem, ex quibus non potuit non provenire maxima pulchritudo.

Et confirmatur primò, quia corpus Christi fuit fabricatum opere Spiritus sancti ex Virginis Mariæ purissimis sanguinibus, & aliàs ad nihil potuit esse vtile corpus indecorum & deforme; ergo cum opera Dei sint perfectissima in hoc opere, debuit potissimè resplendere virtus diuina.

Et confirmatur secundò, quia Christus fuit destinatus ad prædicandum ad quòd potius bona dispositio corporis, quàm horribilitas conducit: præterea fuit à Deo constitutus caput regni cælestis, & totius curiæ triumphantis; ergo non deuit quòd aliquis alius haberet magis venustum & speciosum corpus adhuc in donis naturalibus, quàm ipse. Præterea quia eius

humanitas fuit primogenita ante omnem creaturam ex dictis d. 4. sed quæ congruentia potuit esse vt opus proximum à Deo intentum fuisset horribile; ergo mihi videtur dicendum illud suprâ dicti psalmi, *Speciosus forma, &c.*

9. Debetis tamen obseruare, quòd licet corpus Christi quantum ad suam dispositionem sit ita venustum, graue, & omni pulchritudine pulchrius, tamen tenui vultu, aspero vestitu, & pluribus totius vitæ laboribus, vigiliis, ac ieiuniis fuisse multò diminutum, imò in passione nimis deformatum. Per quod patet ad testimoniũ Isaiæ 53. quod adducit Medina, *Non est species ei, neque decor*, quia loquitur de tempore passionis, vt ibi explicat Cyrillus, & Chrysostomus vbi suprâ, & Vigilius lib. 5. contra Eutichetem. Dices: Virum aded sanctum, & Euangelij prædicatorem non decebat pulchritudo. Respondetur hoc esse verum de pulchritudine, quæ pronocaret ad peccandum, non verò de ea quæ modesta & maestrosa est, & potius honestè attrahit imprimens affectum puritatis & candoris. Imò mihi videtur verum illud quod Auctor Iosephinæ asserit his verbis. *Ioseph Christo fuit simillimus, ac per consequens formosissimus.* quod ego multò melius dicam de beatissima Virgine, ex qua pulchritudo humanitatis Christi fuit desumpta.

10. His ergo tribus præhabitis quæstio nostra solum habet locum in illis defectibus corporis, qui in aliqua actione vel passione consistunt, quos videtur Damascenus 3. de fide cap. 20. appellasse voluntarios, ait enim, *Neque enim in eo quidquam coactum consideratur, sed omnia voluntaria, volens enim fame, volens siti, volens metu, volens morte affectus est.* quo etiam modo loquitur Sophronius Epistolâ Synodicâ 6. Synodi actione 11. & licet aliquando appellent prædictos defectus naturales, sed non prout opponuntur liberis, sed phantasticis, & apparentibus; & ex alia parte idem Damascenus lib. de Hæresibus hæresi 84. numerat inter errores Aliarnasij suprâ relati, & aliorum, quòd dixerit prædictas passiones & defectus non fuisse in Christo, sicut in nobis, quia in nobis sunt necessarii, & in Chri-

sto voluntarij. Difficultas ergo huius quæstionis est, quomodo hæc duo sint inter se concilianda.

Dico primò: Prædicti defectus fuerunt Christo necessarii attentâ eius naturâ, & virtute naturali ad impediendum illos, attentisque causis naturalibus, & naturali dispositione sui corporis. ita Magister d. 17. Scotus q. 1. & 2. D. Thomas q. 14. art. 2. Alexander q. 17. memb. 1. & omnes Scholastici cum illis. Hæc conclusio probatur, quia Christus assumpsit veram naturam humanam in omnibus similem nostræ absque peccato, sed nostrâ hæc patitur necessarii ergo. Et hoc sibi voluit Damascenus, quando condemnat Alicarnasium, quia cum iste hæreticus negasset corpus Christi fuisse passibile, consequenter dicebat non subditum fuisse necessario passionibus naturæ passibilis: vnde si applicaretur igni, non calciferet, quod merito condemnat Damascenus. Dices: Christus ieiunauit 40. diebus, & 40. noctibus. Respondetur hoc ieiunium numerari à Patribus inter eius miracula.

Dico secundò: Simul cum hac necessitate orta ex natura fuerunt Christo voluntarij prædicti defectus non solum in quantum Deo, quia vt sic certum est, & etiam ex suppositione, quòd hominem vellet redimere de condigno, nam id poterat sine passionibus, sed etiam in quantum homini. ita Scholastici. Et probatur, quia tam per scientiam visionis, quàm per scientiam infusam erant illi defectus præuisi, & insuper habebat potentiam saltem vt instrumentum diuinitatis ad illos euitandos, & non euitauit, sed potius acceptauit in primo conceptionis instanti, secundum illa verba psal. 39. *Corpus autem adoprasti mihi, tunc dixi, Ecce venies in capite libri scriptum est de me, Vt facerem voluntatem tuam Deus meus volui*, &c. ergo fuerunt illi voluntarij tam obiectiue, quia fuerunt voliti, quàm causaliter, quia fuerunt expressâ volitione voliti (inquam) acceptati, & hac ratione ipsos defectus appellauit voluntarios Damascenus vbi suprâ, & cum ipso reliqui Scholastici. Et confirmatur, quia dato quòd Christus non posset illos euitare, poterat illos libenter admittere. hoc actu conditionato volentes

tales passiones sufferre, etiam si possem non sufferre; ergo.

13. Dico tertio: Prædicti defectus non fuerunt Christo simpliciter coacti. Probatur, quia id quod est voluntarium, non potest esse coactum, sed tales defectus fuerunt voluntarij; ergo: Probatur consequentia, quia coactum, & spontaneum, seu voluntarium opponuntur. Dices primo: Etiam refugiebat Christus mortem saltem inefficaciter; ergo erat illi coacta. Respondetur quod à voluntate inefficaci solum sumitur coactio secundum quid, non verò simpliciter, quæ solum sumitur ab efficaci, ut traditur ab Aristotele Ethic. cap. 1. in materia de actibus. Dices secundo: Mors Christo fuit violenta, quia fuit ab agente extrinseco passo non conferente vim; ergo fuit simpliciter coacta. Respondetur quod violentia solum opponitur contra appetitum naturalem, non contra elicium contra quem tantum opponitur coactio.

14. Dico quarto: Christus assumpsit radicalem necessitatem aliquorum defectuum corporalium, quos actu non assumpsit. Probatur: Habuit necessitatem moriendi more naturali, si non moreretur violenter; nam, ut inquit Augustinus 2. de peccatorum meritis, & remissione cap. 29. *Naturali necessitate perveniret ad senectutem, & tandem senio confectus moreretur.* Præterea habuit necessitatem conuertendi se in cineres, si per resurrectionem non impediretur.

15. Difficultas ergo est, An habuerit necessitatem contrahendi aliquam infirmitatem? cuius solutio pendet ex eo, An aliquis posset mori naturaliter absque aliquo morbo? negat Valeſius cum aliis medicis lib. 6. contronerſiarum medicinarum cap. 1. quia nulla forma expellitur à materia absque contraria dispositione & intemperie, sed in hac consistit infirmitas; ergo.

16. Melius verò affirmat Medina & Cabrera quæst. 14. art. 4. Suarez disp. 32. sect. 2. Raguza disp. 111. Et fundamentum est, quia mors potest provenire ex sola remissione caloris naturalis, & humiditatis radicalis requisiti ad conservationem vitæ, sed hæc remissio non necessario cansatur à contraria dispositione & intemperie, sed quotidie na-

turaliter fit, aliàs semper essemus infirmi, & pro illo statu senectutis ille tenuis, & remissus calor est naturalis; ergo mors naturaliter potest causari absque infirmitate.

Ad fundamentum primæ sententiæ respondetur ex dictis, quod pro diverso statu potest naturaliter forma expelli à materia absque contraria dispositione.

Sed inquires, An possit dici Christum contraxisse hos defectus, sicut nos? Respondetur duplicem causam esse in nobis ad contrahendos illos, alia physica, quæ est naturalis compositio corporis ex quatuor humoribus contrariis, quæ semper inter se pugnant; alia moralis, quatenus per peccatum originale fuit remota iustitia originalis, quæ illos impediabat. Dicimus ergo quod primo modo Christus illos contraxit, sicut nos; non verò secundo modo, quia non contraxit peccatum originale, ut patet ex dictis: unde melius loquemur, si dicamus illos assumpsisse, & non illos contraxisse.

QVÆSTIO IV.

Utrum Christus assumpsit defectus corporis & animæ communes?

Per defectus corporis & animæ intelligimus affectiones appetitus sensitivi, quæ habent pro principio animam secundum gradum sentiendi, & dependent ab organis, & partibus corporis, quæ ad 11. capita reductæ sunt à D. Thoma 1. 2. à quæst. 22. vsque ad 48. sunt autem amor, concupiscentia, delectatio, odium, fuga, tristitia, spes, audacia, desperatio, timor & ira: circa quas duo sunt certa: primum, quod in Christo fuerint aliquæ ex prædictis affectionibus. ita definitur à Leone I. in Epistola 11. quæ est ad Iulianum, & passim traditur in 6. Synodo actione 408. Et ratio est clara, quia appetitus sensitivus non fuit in illo otiosus: præterea quia eius voluntas operabatur in illo modo sibi connaturali, sed hic petit ut excitet appetitum ad similem & proportionatum actum, ac ipsa habet; ergo. Secundum, quod in tribus differunt affectiones appetitus nostri ab affectionibus appetitus

titus Christi, primò ex parte obiecti, quia in nobis sapè tendunt circa obiecta illicita, secùs in Christo. 2. ex parte effectus, quia in nobis aliquando turbant rationem, sed numquam in Christo. 3. ex parte principij, nam omnes in Christo fuerunt voluntariæ, & imperabantur à ratione, in nobis autem antecedunt sapè rationem. ita omnes Scholastici, videatur Lorca disp. 60.

2. Solùm hic est resoluendum dubium, An tales affectiones in Christo possent appellari passiones, an propassiones? Et ratio dubitandi est, quia secundum Hieronymum (in illa verba Matthæi cap. 26. *Capit tristari*, &c.) & Stoicos, quos sequitur Cicero 4. Tullianarum, affectiones inordinatæ, & contrariæ rationi dicuntur affectiones appetitus; illæ verò, quæ rationem antecedunt, & non sunt consummatæ, dicuntur propassiones; ergo in Christo non debuerunt dici passiones, sed propassiones. vnde notat Hieronymus, Euangelistam solùm dixisse de Christo, quòd cœpit tristari, non quòd tristatus fuisset. Sed contraria sententia communis est apud Scholasticos, & Patres, qui videri possunt apud Lorcam, quòd prædictæ affectiones possint passiones appellari, quia de ratione passionis non est inordinatio, & contrarietas rationi, sed quòd fiat cum dependentia ab organo corporeo cum alteratione & passione ipsius, quæ non semper est contra rationem. vnde sic appellantur à tota Schola Peripathetica & Platonica. Acceptio autem Hieronymi non est in vsu; & si esset, adhuc in Christo non esset propassio, quia cùm fuerint omnes affectiones illi voluntariæ non antecesserunt rationem, neque Euangelista voluit quòd Christum habuerit solùm initium tristitiæ, sed solùm voluit declarare tempus in quo incepit eius tristitia. De aliquibus autem affectionibus in particulari sunt speciales difficultates, quas oportet per partes explicare.

PARS PRIMA.

An in Christi humanitate fuerit fomes peccati?

3. *S*uppono ex aliis Theologiæ materiis quòd fomes peccati neque est

morbida qualitas, neque ipse appetitus sensitivus adhuc prout inclinans ad motus seu appetitiones contra rationem (vt quidam volunt) sed esse, vt optimè vidit Vasquez disp. 61. & 118. motum seu appetitionem ipsam appetitus sensitivus præuenientem rationem, & allicientem voluntatem ad id quod ex obiecto est contra rationem, quia fomes peccati idem est quod fomentum ad peccandum; inclinatio autem nativa appetitus non excitat ad peccandum, sed immoderata appetitio illius, v.g. vt appetitio libidinosa, quæ ex obiecto insurgit inhonestæ, vel ex alia aliqua causa.

Quo supposito conveniunt Scholastici in 3. d. 15. in Christo non fuisse fomitem peccati, quod etiam tradiderunt Leo 19. epist. 11. Damascenus 3. de fide cap. 22. Augustinus lib. 1. contra duas Epistolas Pelagianorum capite 11. & in 5. Synodo collat. 8. canone 12. damnatur quidam Theodorus, qui dixit Christum molestias & rebellionem carnis passum fuisse, & sanè non parum indecens esset prædictos motus admittere in humanitate Christi, vt pote ex obiecto contra rationem, licet non sint formaliter peccata. Difficultas ergo est in explicando quomodo fomes non solùm fuerit in Christo ligatus & impeditus, sed etiam omnino ablati & extinctus.

S. Thomas q. 15. art. 2. indicat id factum fuisse mediis virtutibus moralibus, quas habebat in summo gradu, & perficiebant partem sensitivam, sed quidquid sit, aut dentur ibi virtutes prædictæ, tamen dato quòd sint, non possunt extinguere fomitem, sicut neque etiam si darentur ibi habitus vitiosi in summo gradu, extinguerent in appetitu inclinationem ad bonum, vt bene obiicit Vasquez disp. 61. cap. 8. verum est quòd multum iuvant, non tamen quòd omnino extinguunt.

Alij verò prædictam extinctionem tribuunt vnioni hypostaticæ, aut quia ratione vnionis incumbit Verbo obligatio impediendi eos motus, aut quia sunt impossibiles cum sanctitate proveniente ex vnione. Sed contrà insurgit Vasquez suprà cap. 5. & Hurtado disp. 10. diff. 8. quia prima ratio non concludit, nam ex eo quòd Verbum

terminet naturam humanam, actio humanitatis non est peculiariter actio Verbi, sed solius humanitatis, sicut neque humanitas fuit natura, neque pars Verbi, sed Christi; ergo ratione unionis non incumbit Verbo obligatio impediendi eos motus. Neque concludit secunda ratio, quia etiam si humanitas sanctificetur per unionem, tamen prædicti motus non sunt peccata; ergo neque sunt contra talem sanctitatem.

7. Dicendum ergo nobis est, quod ablatio, & extinctio fomitis proveniat in Christo, tum ab extrinseco, scilicet à perpetua vigilia, quam habebat, tam ratione visionis & fruitionis beata, quam ratione scientiæ infusæ, insuper & ratione protectionis specialis, & mantenentiæ Dei, quibus omnibus non sinebat eos motus insurgere. ita Medina q. 15. art. 2. cum quo Vasquez, Lorca, & Hurtado locis citatis, tum etiam ab intrinseco non solum per prædictas virtutes morales, sed etiam per aliquod donum speciale, quod omnino retraheret appetitum à prædictis motibus ex quacumque causa aliàs provenientibus, quia cum appetitus sit potentia organica multum dependet eius inclinatio à complexione & qualitatibus corporis. ita Lorca ubi suprà, & idipsum dicendum existimo de beatissima Virgine saltem post conceptionem Christi, imò & de beato Ioseph postquam sanctissimæ Virginis sponsus factus est, quod habuerint fomitem extinctum, vel saltem religatum.

8. Sed obiicies primò illud ad Hebræos 4. *Christus fuit tentatus per omnia absque peccato*; ergo habuit rebellionem & teutationem carnis. Respondetur quod omnis Christi tentatio fuit ab extrinseco, scilicet à dæmone, à quo nulla proveniebat deordinatio in potentis, non ab intrinseco, quia talis tentatio indecens erat. Sed contrà, Christus renuebat mori; ergo etiam fuit tentatus quantum ad appetitum intrinsecum: unde dicebat, *Spiritus quidem promptus est, caro autem infirma*. Respondet Vasquez quod illa renuentia non proveniebat ex fomite, quia obiectum quod appetebat non erat intrinsecè malum, sed extrinsecè, solum quia erat contra decretum Dei esse mortem Christi. Sed contrà, quia

etiam appetere comestionem carnis in die Veneris, est contra obiectum malum extrinsecè, scilicet quia prohibitum, & nihilominus provenit ex fomite; ergo similiter. Respondet ergo quod renuentia illa non fuit inordinata, neque contra rationem, cum potius fuerit imperata à voluntate humana, prout sequebatur rationem tendentem in mortem, præcisè ut erat malum naturæ, & ex fine honesto, scilicet demonstrandi veritatem naturæ assumptæ infirmæ, quod significant illa verba, *Spiritus quidem promptus est, caro autem infirma*.

Obiicies secundò Cyrillum 10. thesauri cap. 3. ubi sic habet, *Et ita singulas passiones carnis fuisse in Christo absque peccato commotus invenis non ut ab ipso homo ille separetur, sicut & nos, sed ut cuncta vincerentur virtute inhabitantis Verbi*; ergo habuit Christum passiones carnis quas vinceret. Respondetur Cyrillum noluisse ponere pugnam inter passiones carnis & spiritus, sicut in nobis, sed solum voluisse ponere victoriam non formaliter prout dicit ordinem ad pugnam, sed materialiter, hoc est, quod effectus, qui in nobis solet esse victoria post pugnam, in ipso repertus fuit absque illa, quia eius omnes passiones fuerunt omnino subditæ rationi. Præterea dico, quod licet tales passiones dicantur à Cyrillo commotæ, non debeat intelligi de commotione interna appetitus, sed de externa per suggestionem dæmonis, ut quando obtulit lapides ut converteret in panem.

Ex dictis potest inferre, quod de potentia absoluta Verbum potuerit assumere humanitatem cum fomite peccati, ut contra Suarez disp. 34. sect. 2. notat Vasquez loco citato quod multò magis est verum in nostra sententia, quæ docet quod humanitas Christi potuerit de potentia Dei peccare.

PARS SECUNDA.

An & quomodo fuerit in Christo tristitia?

Suppono contra Thomistas, quod tristitia non consistit in illo actu, qui ab illis appellatur fuga vitalis, seu discessus à malo apprehenso, ut pre-

mente, & inexistente, sed quoddam consistat in aliqua qualitate recepta, vel in appetitu sensitivo, vel in voluntate causata tanquam ex duplici causa partiali ex prædicta fuga vitali circa prædictum obiectum, & ex cognitione illius mali, ut prementis, & inexistens. quo supposito omnes Catholici fatentur tanquam de fide, quoddam in Christo fuit tristitia, ut patet ex illo Matth. 26. *Tristis est anima mea usque ad mortem;* & Paulus ad Hebræos 5. dicit, quoddam Christus orabat cum lacrymis; & ratio id suadet, quia mors proponebatur naturæ humanæ ut malum, etiam instans; ergo habuit obiectum tristitiæ, & causas illius.

12. Sed contra obiicitur primò illud Isaia 42. *Non eris tristis, & turbulentus.* quod ad litem intelligitur de Christo. Respondetur cum D. Hieronymo significari his verbis communem aspectum exteriorem Christi fuisse serenum, & non horrendum, & rugatà fronte non tantum per hoc negatur aliquando habuisse tristitiam.

13. Obiicitur secundò: Summum gaudium expellit omnem tristitiam, ex Aristotele 7. Ethic. cap. ultimo: sed Christus habebat summum gaudium ratione visionis & fruitionis beatæ; ergo non potuit aliquam habere tristitiam. Respondent aliqui, quia gaudium & tristitia non sunt contraria, quæ inferant contradictionem, & sic de potentia Dei potuerunt simul reperiri in Christo, etiam si sint in gradibus summè intensis. Sed contra, quia circa idem obiectum se habent tanquam accessus & recessus, & obiecta gaudij & tristitiæ se habent ut bonum & malum, quæ per se contradictionem inuoluunt; ergo sunt contraria, quæ circa idem obiectum inferunt contradictionem.

14. Propter hæc alij respondent, quoddam in Christo fuerunt gaudium & tristitia circa diuersa obiecta. Sed contra, quia omnia obiecta, quæ potuerunt Christo causare tristitiam, causabant similiter summum gaudium, siquidem videbantur visione beatâ, in qua omnia obiecta cognita lætificant; ergo neque ex diuersitate obiecti oriebatur, quoddam Christus haberet tristitiam. Respondetur, quoddam gaudium, quod dependenter à corpore causatur etiam in intellectu &

voluntate, non potest compati cum tristitia, quæ ab eodem corpore dependet, qualis fuit tristitia Christi, & de his locutus fuit Aristoteles, quia loquebatur de his quæ quoridie experimur: at verò gaudium, quod est independentes à phantasmatis, & à corpore, quale est illud quod habetur per visionem & fruitionem beatam, si suspendatur à Deo quoddam non communicetur corpori, bene potest compati cum tristitia quotidiana, quia non sunt eiusdem ordinis, nec habent inter se oppositionem contradictoriam aut contrariam, quod magis patet in qualitatibus quas causant.

- Inquires, An verum sit quod Canus 12. de locis dixit tanquam probabile, scilicet delectationem, & gaudium proveniens à visione & fruitione beatâ habuisse suspensionem tempore passionis. Respondeo mihi videri probabile, sed non ex eo quoddam talis suspensio gaudij sit necessaria, ut daret locum tristitiæ, nam ut diximus non opponuntur ex natura rei gaudium supernaturale à visione proveniens, & tristitia corporalis vel naturalis, & in hoc habent verum alij hoc negantes, sed ex eo quoddam magis conducat ad redemptionem nostram habere Christum non solum tristitiam positivam naturaliter causatam à passione & morte, sed etiam tristitiam negativam, hoc est, carentiam lætitiæ provenientis à visione beatâ, quæ bene potest à Deo impediri, siquidem potest non causare illam qualitatem, vel annihilare præexistentem, quæ est realiter distincta à visione, & habet se per modum accidentis inseparabilis illius, in cuius receptione diximus consistere delectationem & gaudium, & hoc videtur deduci in illo Matth. 27. *Deus, Deus meus, ut quid dereliquisti me?* nam Deus non dereliquit eum auferendo ab illo unionem, gratiam, & gloriam; ergo probabile est quoddam ipsum dereliquit auferendo gaudium, & lætitiâ, quæ consequitur ad gloriam; & ex illo Psal. 15. *Non dabis Sanctum tuum videre corruptionem* (ubi ipse loquitur de morte Christi) *adimplebis me lætitiâ cum voluntu tuo, delectationes in dextera tua usque in finem;* quasi diceret Christus, Duo dabis mihi post mortem. primum, quoddam corpus meum non videat corruptionem.

nem. 2. quodd cum vultu tuo, quem nunc in mea passione possideo pervisionem beatam, postea adimpleas me latitiâ & delectationibus in dextera tua vsque in finem, quas letitias & delectationes tunc non habebat in passione, siquidem eas desiderabat.

16. Sed duo se offerunt in presenti examinanda. 1. An tristitia positiva, quæ fuit in Christo circa suâ mortem, fuerit solum in appetitu illius sensitivo. 2. An etiâ in rationali, scilicet in voluntate? Caietan. q. 46. circa art. 7. negat quodd fuerit in voluntate, & probat, quia si ratione alicuius; maximè ratione alicuius volitionis inefficacis, quâ refugeret mortem, sed hæc non potuit esse in Christo, aliâs haberet pro obiecto non solum aliquid disconueniens huic subiecto absolutè considerato secundum naturalem eius inclinationem, sed etiam considerato in hoc statu beatifico: quæ duo per se requiruntur ad causandâ tristitiam, & actum fuge inefficacem; & propter defectum posterioris, etiam si primû reperitur, Beati nō tristantur de damnatione suorum filiorum: cum ergo volûtas Christi habuerit statum beatificum, non potuit habere volitionem de sua morte adhuc inefficacem, & consequenter neque tristitiâ.

17. Sed hæc sententia nec vera est, nec tuta; quare dicendû nobis est cum cōmuni sententia, quâ tenet Scotus dist. 15. q. vnicâ per totam ibidem Philip. Faber præcipuè c. 2. & 3. Lorca disp. 61 n. 4. quodd Christus nō solum habuerit tristitiam in appetitu sensitivo, sed etiam in rationali, scilicet in voluntate circa suam mortem. Et probatur, quia hoc expressè traditur in pluribus locis sextæ Synodi, dum ex hac voluntate, quâ Christus recusabat mortem inefficaciter dicens, *Pater si possibile est, &c. sed non mea voluntas, sed tua fiat.* colligitur quodd in Christo fuerit volûtas humana, sed ex volitione inefficaci sequitur tristitia in eadem potentia, vt patet in illo, qui nollet projicere merces in mare, & tamen projicit; ergo, &c.

18. Ad fundamentum Caietani respondetur non esse illa duo per se requisita ad nolitionem inefficacem tristantem, sed sufficere primum; ratio autem quare Beati etiam si habeant nolitionem inefficacem circa damnationem suorum

filiorum, non tridentur inquit aliqui, est quia habent summum gaudium cōiunctum cum voluntate efficaci de eorum damnatione à Deo volita. Sed contrâ, quia etiam Christus habebat summum gaudium (præcipuè in eorum opinione) coniunctum cum voluntate efficaci moriendi, vt adimpleretur voluntas Dei; ergo similiter non haberet tristitiam in voluntate. quare dicendum nobis est, quodd ratio quare Beati non habent tristitiam de damnatione suorum filiorum, etiam si habeant actû inefficacem circa illam, quia Deus suspendit causalitatem illius qualitatis tristantis, ne in statu felici comprehensionis sit aliqua tristitia; at verò cum etiam Christus fuerit in statu viatoris, in quo merebatur per tristitiam circa mortem, non suspendit Deus causalitatem illius.

Secundum, quod se offert examinandum, est, An hæc tristitia, quæ, vt diximus, fuit in voluntate, fuerit in ea, non solum secundum portionem inferiorem, sed etiam secundum portionem superiorem. D. Thomas 3. p. q. 15. art. 6. cum pluribus alijs solum existimat fuisse secundum portionem inferiori: Scotus verò dist. 15. q. vnicâ existimat quodd etiam fuerit secundum portionem superiorem. aduertit tamen quodd controuersia ista solum sit de nomine secundum diuersas acceptiones portionis superioris, & inferioris, sed vt mentem eius satis difficilem, & obscuram, propter plura, quæ inuoluit, & adducit, aperiam, breuiter pono sequentia notabilia ex verbis eius deducta.

Noto primò, quod de tribus obiectis posset Christus tristari tamquam de obiectis sibi disconuenientibus, quæ est ratio, vt diximus, propter quâ causatur tristitia. Primum est carentia visionis, & fruitionis beatæ, & hac non fuit tristatus Christus in morte, quia non caruit, nec timuit carere visione, quia vt optime Scotus per illud per quod Christus meruit alijs coniungi suo fini (scilicet per passionem & mortem) non erat congruum vt ipse non coniungeretur illi fini, & sic semper habuit hanc coniunctionem per visionem & fruitionem. 2. est peccatum, & de proprio non fuit tristatus, quia non habuit; de alieno verò fuit tristatus,

Efff quia

quia vellet non esse, & plurima patrata sunt ab hominibus 3. est passio, & mors Christi, imò & omnia mala ipsi disconuenientia, & de his est difficultas an fuerit tristatus secundum portionem superiorem.

21. Nota secundò, quòd tribus etiam modis potest de aliquo obiecto disconuenienti tristari voluntas, quæ diuiditur in voluntatem vt naturā, & in voluntatem vt liberam, hoc est, in appetitum innatum, & in appetitum elicatum. Tristat primò in quantū est simpliciter disconueniens voluntati vt natura est, & hoc modo passio, mors, &c. tristauerunt Christum, quia sicut eius voluntas naturaliter appetit conseruationem in suo corpore, ita separatio, seu dispositio ad separationē illius tristabant naturaliter. Secundò, in quantum erat disconueniens appetitui sensitui, & consequenter voluntati in quantū habenti colligantiam cum illo, & hoc etiam modo fuit tristatus Christus, quia sicut verè in appetitu sensitui habuit dolorem, ita in appetitu rationali, seu in voluntate habuit tristitiam. Tertiò, in quantum erat disconueniens voluntati vt liberæ, quia liberè nolebat mortē, & sicut velle, vel nolle liberū diuiditur in efficacem, & in inefficacem, ita hic tertius modus diuiditur in disconuenientiam obiecti efficacem, & secundum hanc Christus non fuit tristatus de sua morte, & passione, quia potius efficaciter voluit pati & mori & in disconuenientiam inefficacem, secundum quam Christus fuit tristatus de sua passione, & morte, quia nollet eam ferre. Difficultas ergo est, An secundum prædictos tres modos, secundum quos Christus fuit tristatus, tristitia pertineat ad voluntatem secundum portionem superiorem, an solum secundum aliquam?

22. Pro qua nota tertiò quòd ista diuisio portionis superioris & inferioris tradita est ab Augustino varijs in locis, sed præsertim lib. 12. de Trinitate cap. 2. & 4. & 14. & quòd pro eius declaratione multa dicat Scotus tum in 3. dist. 15. & in reportatis ibidem, tum in 2. dist. 24. & primò aduertit quòd portio superior & inferior non est duplex potentia in anima, sed sunt diuersæ rationes, quas per ordinem &

comparisonem ad diuersa obiecta habent intellectus, volūtas, & memoria. Secundò aduertit quòd duplex sumitur ab Augustino portio superior, & inferior: primò strictè in quantū portio superior solum respicit obiecta æterna (id est, quæ pertinent ad intrinsecam Dei) & inferior respicit obiecta temporalia. 2. largè portio superior prout respicit quæcumq; obiecta, sed referenda ea ad æterna; seu regulanda ea per regulas æternas, hoc est, per madata, & decretum Dei, & vt sic portio inferior solum sistit in eisdem obiectis non referendo ad æterna, nec regulando per regulas æternas.

Quibus suppositis dico primò: Passio & mors non causauerunt tristitiam in voluntate Christi secundum portionem superiorem sumptā portione superiori in primo & stricto sensu in quo est vera sententia D. Thomæ, & Sectarum illius. E ratio est clara, quia vt sic portio superior solum respicit pro obiectis, quæ sunt æterna & intrinseca in Deo, sed passio & mors humanitatis Christi non sunt æterna & intrinseca in Deo; ergo circa illam non potuit Christus habere tristitiam in voluntate secundum portionem superiorem. Sed inquires: Circa quæ potuit hoc modo habere tristitiam? Respondet cum Scotto, quòd circa carentiam participationis Dei per visionem, & fruitionē beatam, si eam nō haberet; & similitet circa carentiam reſtitutionis debite inesse actui, hoc est, circa peccatum contra Deum commissum, si illud committeret; imò de facto habuit tristitiā secundum portionem superiorem hoc modo sumptam propter peccata aliorum.

Dico secundò: Si portio superior sumatur in secundo & largo sensu, Christus habuit tristitiā secundum portionem superiorem in voluntate sumptam vt natura, quā vt libera, & in hoc sensu se explicat Scotus, & vera est sententia illius. Et probatur, quia voluntas vt natura respicit passionem & mortem vt sibi simpliciter disconuenientes secundum decreta Dei pertinentia ad prouidentiam naturalem, quibus eam stabilivit cum appetitu innato ad conseruandum se in proprio corpore; ergo voluntas vt natura tristabatur secundum portionem super-

superiorem de sua passione, & morte: unde tristitia, quam voluntas habebat de his præcisè prout coniuncta, & habens colligationem cum appetitu sensitivo, erat secundum portionem inferiorem accepta in hoc secundo sensu. Deinde voluntas vt libera volebat inefficaciter passionem & mortem, si hoc sibi concederet regula æterna, scilicet voluntas Dei, & quodd hoc sibi potuisset à Deo concedi proponebat illi suis intellectus, sed hæc nolito erat libera, & respiciebat regulam æternam; ergo erat secundum portionem superiorem in secundo sensu accepta; ergo tristitia, quæ consequbatur, oriebatur ex appetitu rationali elicto secundum portionem superiorem. hæc sunt quæ ad obscuram doctrinam Scoti in præsentī in maiorem lucem elicere potui.

PARS TERTIA.

An in humanitate Christi fuerit dolor?

25. **D**olor & tristitia continent in hoc, quodd sint qualitates, & non actus vitales fugæ (vt appellantur à Thomistis) quæ causantur ab obiecto disconuenienti cognito, vt præsentī, & inexistenti, seu premente: differunt tamen in hoc, quodd tristitia est de obiecto cognito per imaginationem, si tristitia est in appetitu sensitivo; vel cognito per intellectum, si tristitia est in appetitu rationali: dolor verò est de obiecto cognito per sensum tactus existentis in illa parte in qua residet qualitas dolorificans, & licet dolorem præcedat aliqualis imaginatio, vt ait Aristoteles 3. de Anima, sed dolor non sequitur per se talem imaginationem, sed sensationem tactus; causatur autem prædicta qualitas dolorificans tãquam ex duplici causa ex vitali actu fugæ, quo sensus tactus in quantum appetitus illius est, refugit aliquod obiectum tamquam sibi disconueniens, & ex actu vitali apprehensionis eiusdem tactus in quantum sensus apprehensiuus est, quo apprehendit tale obiectum vt sibi disconueniens & premens, vt in simili diximus suprà de tristitia. quo supposito, de fide est, quodd in humanitate Christi fuerit verus dolor. vnde

Castillo de Incarn. Pars I.

Isaiæ 53. appellatur *Vir dolorum*; & Psal. dicitur, *Super dolorem vulnerum meorum addiderunt*; & nisi in Christo fuisset verus dolor, non aded commenderentur quæ pro nobis pertulit, & patientia, & ipsius meritum, tam à sacra Scriptura, quàm à Patribus. Dices: Quomodo potuit dolere qui habuit summum gaudium ortum à visione beata? Respondetur primò, quia non opponuntur ex natura rei dolor sensitivus, & gaudium purè mentale tamquam duo contraria, sed tantum opponantur moraliter, sicut suprà diximus de tristitia. Secundò, quia etiam si opponerentur contrariè ex natura rei, suspendit Deus concursum, ne gaudium visionis & fruitionis deriuaretur in partes sensitivas. Tertio, potest tamquam probabile dici illud Cani, scilicet quodd licet Christus habuerit visionem & fruitionem, non habuerit gaudium promanans ab illis, quia Deus suspendebat, præcipuè tempore passionis suum concursum, & consequenter habuit absque inconuenienti dolorem.

Contra veritatem istam fidei solùm sunt hæretici, qui dicebant Christum habuisse corpus impassibile, sed de illis iam egimus & refutauimus in principio quæstionis 3. Solùm impræsentī potest esse dubium de intentione doloris Christi. Circa quod D. Thomas 3. p. q. 46. art. 6. asserit dolorem Christi esse maximum intensiuè, non respectu omnium dolorum, qui possunt esse de potentia Dei, sed respectu eorum, quos homines de facto passi sunt: quæ sententia vera est secundum illud Threnorum 1. *Attendite, & videte, si est dolor sicut dolor meus.* Suadet D. Thomas ratione, quia magnitudo doloris Christi ex parte obiecti est acerbissima, quia confixio in locis neruosis, & maximè sensibilibus, scilicet in manibus & pedibus, & ipsum pondus corporis pendens, & diuturnitas suspensionis vsque ad animum emittendum est maximi doloris.

Sed ratio ista, vt benè vidit Philip. Faber vbi suprà cap. 2. non concludit intetum, primò quia alij Martyres hunc eundem dolorem crucifixionis habuerunt. 2. quia alia species doloris potest esse magis intensà & extensa vt com-

Fff 2 bustio

buſtio in igne, præcipuè ſi talis combuſtio fiat paulatim quod noſtro Hiſpanico ſermone dicitur, *quemarle con fuegolento*, vel nimia frigeſcactio, vel in- tromiſſio attentæ ſpinarum inter car- nem & vngues, &c.

28. Quare hac ratione relicta probatur alia, quam etiam adducit D. Thomas, & attigit Scotus, quia nullus homo habuit temperamentum ad pondus, & diſpoſitionem corporis ita congruam, rectam, & proportionatam, ſicut habuit corpus Chriſti; ergo nullus habuit ita perfectum ſenſum tactus, ſicut Chriſtus, & conſequenter nullus fuit ita ſenſibilis & perceptiuus doloris, ſicut Chriſtus; cum ergo aliàs tam acerbam habuerit paſſionem & mortem, quodd meo videri à crucifixione tranſlatum ſit nomen cruciatus ad ſignificandum magnitudinem alicuius doloris. Dicendum eſt, quodd licet alius de potentia Dei potuerit pati maiorem dolorem, tamen de facto nullus paſſus fuit tam grandem, ſicut Chriſtus. Et confirmatur, quia ipſe fuit caput Martyrum; ergo congruum fuit, quodd eius martyrium caput fuiſſet ceterorum martyriorum.

PARS QUARTA.

Utrum in humanitate Chriſti fuerit timor?

29. **N**on in impræſenti eſt ſermo de timore, qui eſt donum Spiritus ſancti, quia de ipſo iam egimus diſputatione 12. quæſtione 4. ſed de timore, qui eſt paſſio animæ, ratione cuius timetur aliquod malum, ſeu nocumentum naturæ, v. g. flagella, crucifixio, &c. & hic non conſiſtit in qualitate aliqua recepta, vt diximus de triſtitia & dolore, ſed in actu vitali appetitus ſenſitiui, vel rationalis, iuxta propoſitiones antecedentes obiecti, quodd time- mus factas vel ab imaginatione, vel ab intellectu: loquendo ergo de hoc timore, eſt de fide, quodd in humanitate Chriſti fuerit repertus timor de ſua paſſione, & morte. ita omnes Eccleſiæ Patres, & Scholaſtici, quos citat Recen- tiores locis ſuprà citatis. Et probatur ex illo Marci 14. *Capit Ieſus pauere, & cadere, & mæſtus eſſe*; & Lucæ 22. *Et po-*

ſtus in agonia prolixius orabat; agonia ad- tem ſpecies quædam, vel ſaltem effe- ctus timoris eſt: quodd autem fuerit de ſua morte, patet ex illo Marci 26. *Transat à me calix iſte*. Tota ergo diffi- cultas impræſenti eſt, Quomodo in Chriſto potuit eſſe timor? liquidem de eſſentia ipſius eſt, quodd reſpiciat obie- ctum diſconueniens vt contingens ſibi, ita vt habeat ſpem euafionis, ex Ariſtot. lib. 2. Rethoriorum cap. 5. Chriſtus autem non reſpiciebat paſſionem, & mortem vt contingentem ſibi, quia tam per ſcientiam beatam, quam per inſulam certò ſciebat ſibi futuram.

Propter hoc Caietanus ſuper articulum quæſtionis 15. D. Thomæ cum aliis dicit, quodd Chriſtus non habuerit timorem in voluntate, ſed ſolum in ap- petitu ſenſitiuo, quia ab hoc apprehen- debantur paſſio & mors vt euitabiles. Sed hæc ſententia reiicitur ab omni- bus, primò quia etiam fuit in Chriſto timor in voluntate, vt inſinuat ex il- lis verbis, *Sed non ſicut ego volo ſed ſicut tu*. imò Agato Papa in Epiſtola ad Impera- torem, quæ habetur in 6. Synodo gene- rali, actione 4. Ex eo probat quodd in Chriſto fuerit voluntas humana diſtin- cta à diuina, quia habuit timorem mor- tis: & hoc argumentum nimium fami- liare eſt apud Patres. Secundò, quia cognitio appetitus ſequitur cognitio- nem intellectus; ergo ſi hæc non ap- prehendebat mortem vt euitabilem, neque illa. Præterea quia ſi notitia imaginationis circa mortem propone- bat obiectum vt contingens, ergo & notitia acquiſita ſecuta ad illam in in- tellectu; ergo ſi ſecundum illam habuit timorem in ſenſu, ita ſecundum hanc potuit habere timorem in voluntate.

Lorca verò diſp. 61. §. de timore, di- ſtinguit duplicem timorem, alium per- fectum, qui reſpicit in obiecto contin- gentiam, & mixtus ſit cum ſpe euafionis, & hunc negat fuiſſe in Chriſto; alium verò imperfectum non reſpi- cientem in obiecto contingentiam, & hunc aſſerit fuiſſe in Chriſto, putatq; numero 17. controuerſiam cum Re- centioribus Thomiſtis concedentibus perfectum timorem in Chriſto eſſe ſo- lum de ſolo nomine; ſed hic Auctor non diſtinguit duas ſpecies perfecti timoris, ſed ſolum admittert vnā, quæ per

per se respiciat obiectum contingens, & consequenter falsa est eius sententia, quia sicut excludit veram definitionem timoris à Christo, ita excludit verum timorem: vnde meritò Vasquez disp. 61. cap. 3. ait quòd hic modus dicendi sit dignus censurâ. Vasquez in loco nuper citato, & Suarez in Comment. art. 7. D. Thomæ asserunt quòd in Christo fuerit verus, & perfectus timor, non solum in appetitu, sed etiam in voluntate, quæ sententia mihi videtur vera: Fundamentum, quo probant, tale est, quia de ratione timoris non est incertitudo, aut contingentia, sicut neque de ratione spei: vnde qui timet suam mortem, licet sit certò futura, & timet scissionem, vel combustionem, seu cocturam brachij, quam ipse eligit propter sanitatem recuperandam. Sed hoc fundamentum mihi non placet, quia existimo quòd timor, qui respicit contingentiam, respicit illam per se, sicut legendo de ipsa spe, dixi disp. 12. q. 2. legantur quæ ibi dixi.

32. Quare aliter probatur prædicta sententia, quia duplex est spes timoris, & vtraque perfecta. Prima est, quæ opponitur contra securitatem & confidentiam, & hæc per se respicit in obiecto contingentiam, quia secum semper inuoluit aliqualem spem consequendi, vel non consequendi illud, quod timet consequi, vel non consequi, siue bonum, siue malum sit, & hac ratione in Christo non fuit timor, quia semper habuit certitudinem de eo, quòd futura esset sua passio, & mors pro redemptione generis humani per suam scientiam tam beatam, quam infusam; & hoc probat ratio dubitandi posita in principio pro hac difficultate, nam non potuit timere illud de quo certus erat fore futurum, nam in hoc sensu timor & securitas opponuntur, & ex hoc timore oritur negotiatio, vt inquit Aristoteles in loco citato, quia qui timet, vt securus reddatur de eo, quod præcendit consequi, vel euitare apponit media, & negotiationes.

33. Secunda species timoris est, quæ opponitur audaciæ & fortitudini, & hæc non respicit contingentiam in obiecto, sed solum respicit obiectum in quantum molestum & laboriosum, & hoc timet, siue contingens, siue non contin-

gens sit, sicut enim qui fortiter & audacter se committit in aliquod molestum dicitur non timere illud, itaque qui refugit se tradere in manus talis operis laboriosi dicitur verè timere illud, & hic timor qui ex sua specie & obiecto perfectus est, vtpote quia oppositum diuersæ virtuti ab illo alio fuit repertus in carne Christi: vnde ipse assererat, *Spiritus quidem promptus est, caro autem infirma*; quali diceret, Spiritus quidem audaciam & fortitudinem habet ad patiendum & moriendum; hæc autem deficit in carne, vtpote quia vt infirma timet.

Neque existimare debetis, quòd timor iste solum fuerit in appetitu sensitivo, ex eo quòd Christus dixerit quòd caro erat infirma, sed debet intelligi taliter quòd ex infirmitate carnis ortus fuerit timor, etiam in voluntate; quare post prædicta verba adiecit Christus, *Verumtamen non quod ego volo fiat, sed quod tu*; quia etiam eius voluntas timebat mori. Neque est aliquid inconueniens, quòd in portione inferiori inueniatur talis timor, dum tamen coniuncta fuerit simul cum illo prona quædam obedientia, & secundum portionem superiorem virtus excellens fortitudinis.

PARS QUINTA.

An in Christo fuerit verè & propriè actus admirationis?

Non potest negari quòd in Christo non fuerit admiratio, nam id exprimitur Matth. 8. & Lucæ 1. vbi videns Christus fidem Centurionis miratus est; difficultas est, An fuerit vera & propria? circa quam D. Bonauentura in cap. 7. Lucæ, & Maldonatus in cap. 8. Marthæ, docent non fuisse veram & propriam, sed tantum exhibuisse signa externa admirationis, quod etiam approbat Lorca vbi suprâ, & tradit D. Augustinus lib. de Genes. contra Manichæos cap. 8. & aliis in locis. Et ratione probatur, quia vera admiratio oritur ex ignorantia naturæ rei, quam videmus, aut causæ illius rei, ex Aristotele 1. Metaphys. cap. 2. sed Christus nullam habuit ignorantiam; ergo.

36. S. Thomas q. 15. art. 8. & ibidem omnes eius Expositores, & Scholastici omnes d. 15. communiter docent, & verissimè in Christo fuisse propriam & strictam admirationem, quod etiam admittit Augustinus epist. 101. quamvis differant Auctores in modo explicandi hanc admirationem. Lorca, quia existimat esse de ratione illius ignorantiam, vel saltem nescientiam, dicit quòd in Christo fuit admiratio fidei Centurionis, quia per scientiam experimentalem, seu acquisitam illam de nouo cognouit, & desiderauit scire per eandem scientiam causam talis fidei.

37. Vasquez & alij assignant tres species admirationis, quia voluntas ex apprehensione rei magnæ & excellentis coparatione sui quasi se demittit, contrahit, & subiicit rei, aut causæ rei, quam admiratur: quæ admiratio est quasi quidam stupor, sed differt ab illo, quia hic addit suspensionem iudicij circa rem; est etiam admiratio quasi species quædam timoris, vt ait Damascenus 2. de Fidè cap. 15. & S. Thomas 1. 2. q. 41. art. 4. iuxta illud Matth. 9. *Videntes autem turba timebant* (id est admiratæ sunt) & *glorificauerunt Deum, dicentes, quia vidimus mirabilia hodie*: hic autem voluntatis affectus admirantis potest oriri, vel ex eo quòd res appareat magna respectu scientiæ admirantis, & vt sic excitat alium affectum, scilicet sciendi causam illius rei, & hæc admiratio non potuit esse in Christo, quia tam magnam fidem Centurionis, quàm causam illius ipse sciebat; vel potest oriri ex eo quòd res appareat magna respectu potentie admirantis, quia nequit ipse efficere illud, & hic affectus excitat alium laudandi sic facientem, & hæc admiratio fuit in Christo, quia fides Centurionis superabat virtutem naturalem Christi; vel tandem potest oriri ex eo quòd res appareat magna respectu entitatis personæ, quæ ratione omnes etiam Beati admirantur Deum, & excitatur timor reuerentialis, & ipse Deus nullius habet admirationem, & hoc modo etiam fuit Christus admiratus, quia admirabatur omnipotentiam Dei, quæ erat causa talis fidei.

38. Hic modus dicendi mihi placet, tum quia benè explicat species admirationis, tum etiam quia per illum satisfieri

potest rationibus in contrarium adductis. Vnde respondeo ad id quod adducitur pro prima sententia, quòd Augustinus loquitur ibi de admiratione, quæ denotat ignorantiam in admirante, quæ non fuit in Christo, sed solum signa illius; & de eadem loquitur Aristoteles, quia loquitur de admiratione, quæ frequenter & communiter reperitur in nobis. Ad id quod dicit Lorca, scilicet esse necessariam ignorantiam, vel saltem nescientiam, Respondeo esse verum respectu admirationis primo modo acceptæ; non verò acceptæ secundo & tertio modo; id autem, quod dicit habuisse admirationem ratione nouæ scientiæ experimentalis, futile est, quia dicit quòd non admiratur quis de eo quod videri fieri ab alio manu sinistra, si ipse possit facere dexterà; ita neque Christus deberet mirari de eo quod nesciret scientia acquisitiua, si illud sciebat scientia infusa, aut beata. Addo ego admirationem veram & propriam fuisse in Christo de fide Centurionis eâ ratione quâ verè admiramur de scientia pueri in statu nimis puerili, licet sciamus causam illius, quæ est quòd natura in illo præuenit terminos communes naturæ in discurrendo, & illud videtur nobis mirabile, non quia sit supra scientiam nostram, neque supra potentiam, sed quia rarum & insolitum est, & supra potentiam naturæ acceptæ secundum dispositiones communes, quas obseruat; ita Christus admirabatur tantam fidem in quodam puro homine illius temporis, & non qualicumque, sed gentili, quibus difficillimum erat credere in Messiam, quia iuxta illius statum credere erat res grandis, & digna admiratione, licet non superaret scientiam, neque potentiam Christi admirantis.

PARS SEXTA.

Vtrum in Christo fueris ira, & quid sit dicendum de ceteris passionibus?

Negari non potest in Christo fuisse iram, quia sæpè dicitur in Evangelio fuisse indignatum, præcipuè Ioan. 2. vbi fuit flagellum contra vendentes & ementes in templo. Difficultas ergo est, an fuerit vera. Sed respondetur

39.

detur cum communi sententia, quam breuiter tradit Philippus Faber in 2. disp. 40. in fine, quòd vera ira est passio composita ex tristitia. & appetitu vindictæ, per quam intendit repellere illatam iniuriam sibi, vel aliis: quapropter appetitus recruciationis solet appellari: hæc autem ira vera est duplex, alia, quâ quis appetit vindictam sine ordine rationis, & hæc est peccatum, & consequenter non fuit in Christo; aliâ, quâ quis appetit vindictam cum ordine rationis, quare ratione superior appetit vindictam, & hæc non est peccatum, iuxta illud Psal. *Irascimini, & nolite peccare*, sed potius dicitur *zelus*, & hoc modo fuit in Christo, quia erat omnibus superior, iuxta illud, *Zelus domus sue comedit me*.

40. Deinde fuit in Christo amor, & odium, quia laudabilis reperiatur in ce-

teris passionibus tamquam illarum causa, & idem est dicendum de desiderio & fuga, nam desiderauit fugere mortem inefficaciter; fuit similiter dilectio tam in appetitu, quàm in voluntate de bonis aliorum, iuxta illud Psal. *Cor meum, & caro mea exultauerunt in Deum vivum*, non tamen habuit spem de aliquo, quia nulla respiciebat sibi, vel aliis contingentia, nam quæ futura essent, infallibiliter sciebat, sed potius habuit desperationem, non eam quam blasphemus hæretici adstruunt, sed quia certò sciebat se non fore consecuturum sibi, vel aliis aliqua bona temporalia, vel spiritalia, conformabat se cum voluntate diuina, desperando illa; habuit similiter Christus audaciam, quâ fortiter subiuit labores, passionem & mortem, & per eam expulsus fuit timor contrarius, de quo egimus parte 4.

DISPUTATIO XIX.

DE

MODO QVO DEBEMVS LOQVI IN HOC MYSTERIO.

IN mysteriis fidei non minùs oportet scire articulum fidei, quàm scire modum loquendi circa illum, & licet aliquos attigerimus in discursu materix circa aliquas difficultates in particulari, tamen in præsentì tradendæ sunt regulæ generales loquendi, de quibus agit Scotus in 3. dist. 7. & 11.

QVÆSTIO PRIMA.

Quâ ratione idiomata naturæ humanæ & diuinæ ad inuicem communicantur in Christo?

1.



Communicatio Idiomatum idem est, quod communicatio proprietatum. Et certum est de fide, quòd talis communicatio reperiatur

in Christo, quâ ratione dicitur, Deus est homo, rationalis, natus, mortuus, crucifixus, &c. & homo est Deus, immortalis, æternus, creator, &c. Est hæc

veritas definita in Concilio Lateranensi sub Martino 1. consultatione 5. can. 4. & 6. & in pluribus aliis Conciliis, quæ videri possunt apud Recentiores, & locutiones tales passim habentur in sacra Scriptura, sufficiat illud 1. ad Corint. 2. dicitur, *Si cognouissent, nunquam Dominum gloriam crucifixissent*. sed Dominus gloriæ est Deus; ergo hæc locutio est vera, *Deus est crucifixus*. Difficultas ergo est, quâ ratione tales locutiones sint veræ.

Circa quam Bellarminus lib. de Christo cap. 8. refert quemdam hæreticum, licet cum Nestorio affirmantem solum coniunctionem accidentalem inter naturam

turam

turam humanam, & personam Verbi, tamen admittentem prædictas locutiones tamquam veras, ex eo quod proprietates naturæ diuinæ per naturam humanam resplendent, & quia per eam tamquam per instrumentum natura diuina operabatur. Sed contrà primò, quia calamus est instrumentum hominis, & proprietates illius non dicuntur de homine, neque è contrà; ergo quod humanitas sit instrumentum, non est ratio ad communicationem Idiomatum. 2. quia adhuc desideraretur ratio quare proprietates naturæ humanæ dicuntur de diuina. 3. quia ex prædicto fundamento sequeretur, quod neque attributa, quæ pertinent ad subiectum Dei, vt esse immaterialem, immortalem, &c. neque quæ pertinent ad operationes immanentes, vt sunt visio & fructio, possent dici in Christo de natura humana in concreto, quia scilicet has non potest operari per naturam humanam tamquam per instrumentum; ergo prædicta hæresis stulta & falsa est.

3. Alij verò Auctores affirmabant tales locutiones esse veras, ex eo quod prædicatio vnus non fit de altera in recto, sed in obliquo, ita vt idem sit *Deus est homo*, ac *Deus habet hominem*. hos Auctores refert D. Bonauentura in 3. d. 7. art. 1. q. 1. quos optimè impugnât, primò ex eo quod hæc ratio sapit Nestorianismum, scilicet vnionem accidentalem, non aliter; ac sicut homo assumens vestem non dicitur *homo est vestis*, ita neque Deus assumens humanitatem diceretur homo, quod est hæreticum: 2. quia alias etiam posset dici, *Deus est pes*, *Deus est manus*, quia per vnionem etiam habet Deus pedem & manum: quâ ratione etiam impugnantur alij apud Ricardum ibidem assertentes idem esse *Deus est homo*, ac *natura diuina est vnita naturæ humanæ*: sed contrà, quia etiam vnita est pedi; ergo.

4. Dicendum ergo nobis est cum Scot. dist. 7. D. Thoma q. 16. art. 5. & omnibus aliis Scholasticis prædictas locutiones esse veras, quia prædicta idiomata sumpta in concreto supponunt directè pro supposito Verbi, quod vnicum est: vnde idem est, *homo est Deus*; ac dicere, *Suppositum habens humanitatem, est suppositum habens Deitatem*.

Et confirmatur, quia terminus supponit solum in propositione, quidquid in contrarium velit Vasquez 1. p. disput. 157. cap. 3. ergo debet accipi pro eo pro quo verè potest significari, sed hoc est suppositum Verbi; ergo hæc concreta, *homo, Deus*, &c. pro supposito debent accipi.

Ex quo tria debetis inferre, primò quod proprietates, quæ pertinent ad alia supposita diuina, non possunt enuntiari de natura humana, neque è contrà, quia solum suppositum Verbi fuit vnitum; quare hæc sunt falsæ, *Hic homo generat Filium Dei*, *hic homo est Spiritus sanctus*, &c. Secundum, quod idiomata non possunt prædicari sumpta in abstracto, quia vt sic non concernunt suppositum, ratione cuius habent, quod possint de altera natura prædicari: vnde istæ sunt falsæ, *Humanitas est Deitas*, *Deitas est homo*, &c. Tertium, quod licet idiomata contraria siue substantialia, siue accidentalia sint, possint in concreto ad inuicem prædicari, non tamen contradictoria. Et ratio est, quia negatio negans, quæ inuenitur in contradictoriis, talis est naturæ, quod destruit totum quod inuenit post se; quare licet hæc veræ sint, *Deus est mortuus*, *Deus est immortalis*, quia solum opponuntur contrariè; non tamen ista, *Deus est non mortuus*, quia opponitur contradictoriè.

Sed contra conclusionem sic argumentor, primò quia si ista concreta, *homo, Deus*, &c. supponunt pro supposito; ergo ista propositio (& aliz similes) *homo est Deus*, est identica, quia æquiualeat huic, *Suppositum habens humanitatem est suppositum habens Deitatem*. Respondetur ad rationem prædicationis identicæ non solum requiri quod idem prædicetur de seipso, sed etiam quod prædicetur eodem modo, quod non contingit in præsentī, imò etiam in prædicatione formali requiritur non minus identitas inter subiectum, & prædicatum, quam distinctio.

Secundò argumentor, quia aliqui Patres Ecclesiæ sumunt aliquando hæc prædicata in abstracto. Respondetur esse benignè interpretandos, quia de vero sensu securi non fuerunt Patres solliciti de modo enuntiandi.

Maiores est difficultas, An prædictæ enun-

enun-

enunciaciones, quæ sunt per communicationem Idiomatum, propriæ sint? Circa quam Durandus in 3. d. 14. q. 2. licet obscure loquatur, videtur tamen insinuare quoddam non sint propriæ. quod primò probatur, quia quando modus enunciandi est *in quid*, & prædicatum non est *in quid*, talis propositio est impropria, sed in hac, *Deus est homo*, modus prædicandi est *in quid*, & prædicatum non est *in quid*, quia inquirenti quid est Deus, non potest responderi est homo; ergo, &c. Secundò, quia prædicatum substantiuum, quod prædicatur adiectiuè, non potest propriè prædicari, sed *homo* in supradicta propositione prædicatur adiectiuè, vt patet ex Damasceno 3. de fide cap. 2. vbi admittit hanc propositionem, *Deus est humanatus*, & tamen est prædicatum substantiuum; ergo. Tertiò, quia vna natura non potest prædicari de alia, nisi vel vtraque sumatur adiectiuè, vel saltem aliqua, vt in his, *album est calidum*, *Petrus est calidus*, quare istæ sunt falsæ, *albedo est calor*, *Petrus est calor*, sed in Christo est duplex & distincta natura; ergo, &c.

10. Dicendum tamen nobis est cum communi sententia, tales enunciationes, quæ sunt per communicationem Idiomatum, esse proprias. Et probatur primò, quia in Concilio Lateranensi vbi suprà definitur quoddam Virgo Maria fuit mater Dei, & genuit Deum, sed hæc locutio solum est vera per communicationem Idiomatum; ergo dicere quoddam tales locutiones non sint propriæ, repugnat decretis Ecclesiæ. Secundò probatur, quia illa est prædicatio propria, in qua & voces propriæ accipiuntur, & modus enunciandi est dialecticus; sed sic contingit in præsentia, quia voces propriæ accipiuntur, & modus enunciandi est maximè dialecticus, vt infertur per hunc syllogismum expositorium, *Verbum est Deus*, *Verbum est homo*, ergo *Deus est homo*; vel aliter, *Iesus est homo*, *hic homo est Filius Dei*, ergo *Iesus est Filius Dei*. Maior per se patet. Minor verò probatur, quia *hic homo* in concreto sumptus dicit supposititalitatem Verbi, quæ est supposititalitas tam naturæ humanæ, quam diuinæ.

11. Ad primum argumentum Durandi omisissis variis solutionibus aliorum, quorum aliqui existimant hanc propositionem

Castillo de Incarn. Pars I.

nem, *Deus est homo*, esse in materia contingenti, & omnino per accidens: alij verò, esse in materia naturali. & per se. Respondetur cum Scoto in 3. dist. 7. q. 1. art. 4. & 5. D. Bonauent. art. 1. q. 1. non posse ex re determinari, an prædicta propositio sit per accidens & in materia contingenti, an per se & in materia naturali, quia non potest regulari secundum regulas propositionum aliarum propter supernaturalitatem mysterij, nam ex vna parte videtur contingens, quia natura humana accidentaliter aduenit personæ Verbi, à qua potest adesse, & abesse; & ex altera parte videtur per se, quia substantialiter vnitur cum Verbo, sicut mea natura vnitur substantialiter cum mea personaliitate, siue autem accidentaliter adueniat; quia tamen substantialiter vnitur; semper est propria; quia modus enunciandi est proprius, & prædicatum *in quid* vt statim explicabitur: vnde talis propositio non est in materia remota, quia licet naturæ in abstracto remotæ se habeant ad inuicem, & sic nequeunt prædicari, tamen prout concernunt suppositum non se habent remotæ.

Sed inquires primò, An hæc propositio, *Deus est homo*, sit vniuoca cum istis, *Petrus est homo*, *Ioannes est homo*. Respondetur cum Scoto §. quartò videndum est, quoddam aliud est prædicatum vniuocum, aliud est prædicari vniuocè. Primum est quando conceptus prædicati est in se vnus, est tamen extrinsecam subiecti, vt in his, *paries est albus*, *Petrus est albus*; & hoc modo certum est, quoddam est vniuocum prædicatum de Petro & Ioanne, &c. Secundum est quando conceptus prædicati non solum est in se vnus, sed etiam est de quidditate subiecti, de quo prædicatur; & hoc modo (inquit Scotus, & bene) quoddam homo non est respectu Dei vniuocum prædicatum; sed respectu Petri, Ioannis, &c. licet non omnino debeat dici tale prædicatum accidentale huic subiecto, siquidem se habet vt substantialis natura subsistens substantialiter per subsistentiam ipsius.

Inquires secundo, An id quod hucusque diximus de hac propositione, *Deus est homo*, sit similiter dicendum de hac, *Christus est homo*. Et respondetur negatiuè, quia prædicatum *homo* est de

G g g

quid-

quidditate Christi, quia secundum Damascenum lib. 3. de fide cap. 3. *Christus est nomen hypostasis duarum naturarum significativum*; sed ut bene inquit Scotus, licet talis prædicatio sit per se ex parte prædicati, quia id, quod prædicatur, est de conceptu subiecti, non tamen est omnino per se ex parte subiecti, quia Christus non est omnino vnum per se secundum hypostasim, quod patet à paritate, quia hæc propositio, *homo albus est coloratus*, non dicit prædicatum, ita vnum per se ex parte subiecti, sicut ista, *albedo est color*; ergo neque ista, *Christus est homo*, sicut ista, *Petrus est homo*. Neque propter hoc debet imputari Scoto, quod asseruerit talem propositionem esse accidentalem, & contingentem, quia id Scotus minime dixit, imò Varronem id asserentem impugnare.

14. Ad secundum argumentum Durandi nego, quod in hac propositione, *Deus est homo*, *homo* sumitur adiectivè. Ad probationem ex Damasceno respondetur quod adiectivum *humanatus* dupliciter potest sumi: primò, prout est nomen denominativum sumptum ab humanitate, & ut sic hæc propositio, *Deus est humanatus*, est falsa, imò & damnata in Concilio Francfordiensi in Epistola ad Episcopos Hispaniæ, ubi ait, *unam personam esse Deum & hominem, non hominem deificum, & Deum humanatum*. Et ratio est, quia per hanc propositionem significatur natura humana non uniri Verbo ut forma substantialis ipsius, sed ut forma accidentalis. idem dicendum est de hac propositione, *Deus est humanus*, scilicet, quod sit falsa. Secundò sumitur *humanatus* prout est participium huius verbi *humano humanus*, & tunc est vera propositio, quia significat idem quod hominem fieri, sicut quod Deus incarnatus fuerit idem est, ac Deus factus est caro, scilicet à verbo *incarnari incarnatus*, & in hoc sensu eam accepit Damascenus, in quo *homo* non sumitur adiectivè, quia adiectivum quod prædicatur in hac, *Deus factus est homo*, & *factus homo* sumitur substantivè.

15. Hic solet inquiri de his adiectivis, *Christus est homo deificus, dominicus*, vel *divinus*; & quidem de adiectivo *deificus* Concilium Francfordiense ut vidimus

neganit posse prædicari de Christo, quod debet intelligi, si accipiat ut denominativum, & idem sit ac *deus*, nam hæc est falsa, *Christus est homo deus*; si tamen significet idem quod factus est Deus, poterit prædicari in sensu in subsequenti quæstione explicando, non est autem in usu, & in hoc sensu acceperunt aliqui Patres hanc propositionem, *Christus est homo deificatus*.

Quantum ad adiectivum *dominicus*, 16. Epiphanius, Athanasius, & Augustinus hanc propositionem admiserunt, *Christus est homo dominicus*; sed illam retractavit (& meritò) Augustinus 1. Retractionum cap. 19. Et ratio est, quia cum nomen *dominicus* sit nomen possessionis, significat distinctionem inter possidentem, & rem possessam; & consequenter *homo*, qui dicitur in concreto, & est res possessa, distingueretur à supposito, quod est falsum, & Nestorianum, quia *homo* sumptus in cōcreto includit illud: si autem sumatur concretum pro abstracto; ita ut idem sit ac *humanitas dominica*, ut sic est vera, quia *humanitas* possidetur à divinitate, tamquam à suo Domino, & in hoc sensu illam explicavit Augustinus ibidem, & debent explicari ceteri Patres.

Quantum ad adiectivum *divinus*, 17. Vaquez disp. 63. cap. 2. existimat esse idem dicendum ac de adiectivo *dominicus*, sed fallitur proferendo, ut bene inquit Lorca disp. 63. dub. 3. n. 29. Et ratio est, quia, ut diximus, adiectivum *dominicus*, ex eo quod significat possessionem rei, significat distinctionem à possidente, quare nequit dici *homo dominicus*, sed *homo Dominus*, sed neque *homo Dei*, sed *homo Deus*, tamen adiectivum *divinus* potius significat esse aliquid Dei eius naturam participans in adæquatione, ita ut non sit totus Deus, quā ratione dicimus naturam divinam, essentiam divinam, Verbum divinum, Spiritum divinum, &c. sicut adiectivum *humanus* significat aliquid hominis, & non totum hominem, qualiter dicimus personam humanam, carnem humanam, &c. ergo hæc propositio, *Christus est homo divinus*, est vera, quia significat quod Christus est homo habens aliquid Dei, scilicet vnam personam divinam. vnde Dionysius de Cælesti Hierarchia cap. 4. appellavit Iesum divinum, & hæc est sententia D. Tho-

D. Thomæ q. 16. art. 3. Ex quo debetis deducere, quòd hæc propositio, *humanitas est diuina*, est falsa, quia sumpta in abstracto nihil habet diuinitatis.

18. Ad tertium argumentum Durandi respond. quòd non potest esse eadem ratio de propositionibus fundatis in vnione naturarum creatarum, quia semper comparantur, vel tamquam duo accidentia in eodem subiecto, vt in hac, *album est dulce*, vel tamquam accidens in subiecto, vt in hac, *Petrus est albus*; ac de propositionibus, quæ fundantur in vnione hypostatica, quia cum hæc sit substantialis, habet diuersas regulas, & sic potest prædicari homo substantiue in hac, *Deus est homo*, &c. imò aliqui tenent, quòd in prædictis propositionibus *album est dulce* accipitur substantiue, & sit idem, ac subiectum habens dulcedinem, & Petrus est albus, id est, aliquod subiectum habens albedinem.

QVÆSTIO II.

Qualiter dicatur Deus factus est homo, & homo factus est Deus?

1. Hæc propositio, *Deus factus est homo*, ita est vera, quòd sit de fide, & patet ex illo Ioan. 1. *Et Verbum caro factum est*, id est homo. Solum est difficultas an sit propria quod negat D. Bonaventura in 3. d. 7. art. 1. q. 2. Cuius fundamentum est, quia participium *factus* referens prædicatum ad subiectum, si propriè accipitur, tria denotat: primum antecedentiam subiecti respectu prædicati: 2. quòd prædicatum incipiat de nouo esse in subiecto: 3. quòd subiectum mutetur per prædicatum, sed licet duo priora reperiantur in subiecto prædictæ propositionis, non tamen reperitur tertium, quia Deus non mutatur; ergo, &c.

2. Communis tamen & vera sententia affirmat quòd talis propositio sit propria. Et probatur, quia hæc est propria, *Deus est homo*, licet ex parte Dei non reperiatur vera & propria mutatio; ergo similiter ista, *Deus factus est homo*, licet ex parte Dei non reperiatur vera & propria mutatio, quia non magis requiritur mutatio in Deo ad hanc, ac ad illam, cum sufficiat sola mutatio existens in humanitate. Et confirmatur

Castillo de Incarn. Pars I.

primò à Scoto quæstione 2. quia licet factio, cum prædicat secundum adiacens, implicet prædicari de Deo, aliàs hæc esset vera, *Deus est factus*, tamen quando prædicat tertium adiacens, vt in hac, *Deus factus est homo*, non implicat prædicari etiam secundum vocem *factio*; ergo est propria. Et confirmatur, secundò, quia factio passiva non includit formaliter, nisi habitudinem facti ad faciens, & aliam habitudinem ipsius facti ad non esse præcedens, sed Deus verè & propriè de nouo factus est homo per factionem, seu vnitionem Trinitatis, & antea non erat factus homo; ergo talis propositio, *Deus factus est homo*, vera & propria est. Et confirmatur tertio, quia quando duo necessariò se concomitantur eadem proprietate, quòd vnum dicitur, dicitur & aliud, sed natura: humanam vniri Verbo, & Verbum esse hominem necessariò se concomitantur; ergo sicut illa per factionem habuit propriè esse Verbum, ita & Verbum esse hominem.

Ad fundamentum D. Bonaventuræ respondetur falsum esse requiri ad proprietatem talis locutionis mutationem propriam in Deo, quia satis est quòd sit in natura humana; & notanter dixi *propriam*, quia impropria ratione cuius potest dici de aliquo, quòd aliter se habeat nunc, quàm prius, nihil interest, quòd concedamus, vt cum Valencia dixi disp. 1. q. 2. Dices: Si per actionem incarnationis mutata est natura humana, ergo saltem per communicationem Idiomatù erit verum dicere quòd Deus fuerit verè & propriè mutatus in Incarnatione. Respondetur negando sequelam, quia naturæ solùm habet communicationem Idiomatum in Christo, quando sumuntur in concreto, vt dixi quæstione 1. Mutatio autem propria solùm fuit reperta in natura humana in abstracto, quia per illam tamquam per viam trāsīuit humanitas ad esse vnitam cum Verbo. Contrà, ergo Deus nequit dici genitus ex Virgine, siquidem generatio sit solùm in humanitate priusquàm hæc natura terminetur à Verbo. Respondetur negàlo paritatem, quia generatio non denominat subiectù genitum, sicut mutatio denominat mutatum, sed denominat terminù genitum; hic autem nō est sola natura humana, sed Christus.

Ggg 2 Id.

4. Idipsum quod quaesivimus de hac propositione, *Deus factus est homo*, quaerimus etiam de hac, *Deus factus est hic homo*, an scilicet sit vera & propria. Et respondetur affirmatiue, & probatur, quia Deus non est factus homo in communi; ergo factus est hic homo in particulari. Et confirmatur. quia si Deus factus est homo, *ly homo* non supponit simpliciter, seu immobiliter; ergo licet sub hoc praedicato descendere, & signare hunc, vel illum hominem, ratione cuius sit vera propositio. Idem est dicendum, si loco illius praedicati, *hic homo*, ponatur *Iesus*, vel *Christus*, vel *Filius Virginis*.

5. Sed obiicies primò: *Hic homo*, in hac propositione, *Deus factus est hic homo*, significat diuinum suppositum, sed falsum est quòd Deus sit factus diuinum suppositum; ergo & talis propositio. Respondetur primò, quòd *homo*, secundum ea quæ cum Scoto diximus disput. 6. q. 3. solum significat directè naturam humanam, & indirectè suppositum; & consequenter idem erit dicendum de hoc praedicato, *hic homo*. Secundò, quòd etiam si praedictum praedicatum positum in propositione supponat pro diuino supposito, sed non quomodocumque accepto, sed accepto vt sustentante naturam humanam, vt sic autem nulla est repugnantia, quòd Deus sit factus diuinum suppositum vt de nouo sustentans naturam humanam.

6. Obiicies secundò cum Scoto: Si Deus factus est hic homo, ergo per cōmunicationem Idiomatum erit verum dicere, quòd Deus factus sit Deus, quia per syllogismum expositorium ita inferitur, *Deus factus est hic homo, hic homo est Deus; ergo Deus factus est Deus*. Respondet Scotus negando consequentiam, quia communicatio Idiomatum solum est post vnionem factam, non verò ante illam, necque in fieri vnionis. Ad probationem dico, quòd in praedicto syllogismo variatur suppositio ex parte medij, quia *hic homo* in maiori sumitur formaliter, id est, quatenus respicit humanitatem formalem: in minori vcrò sumitur materialiter, id est, quatenus respicit rationem supposita- litatis, quæ ratio non significatur per se ab hac voce, *hic homo*, sed solum ma-

terialiter. Præterea variatur suppositio, quia in maiori *ly Deus* supponit pro Deo præcisè, in minori verò pro Deo sustentante naturam humanam.

Postquam diximus de hac propositione, *Deus factus est homo*, & *hic homo*, venit agendum de hac propositione, *homo factus est Deus*, vel *hic homo factus est Deus*. & primò certum est, quòd si *ly factus* ponatur, vel ex parte subiecti, vel ex parte praedicati sit falsa, quia significat vel quòd Deus sit factus, vel quòd suppositum diuinum concernens naturam humanam sit factum. Secundò est certum, quòd si *ly factus* significet quòd homo factus sit Deus, ita vt natura humana transferat per aliquam effectiōnem ad esse naturam diuinam, vel è contra, esse omnino falsum; dicendum ergo breuiter nobis est hanc propositionem esse veram, ita vt significetur, quòd totum hoc coniunctum, scilicet *Deus factus est homo*, vel *hic homo*, sit factum, sicut diximus disp. 17. q. 2. de hac propositione, *Christus est praedestinatus Filius Dei*, & in hoc sensu esse talem propositionem propriam. legatur ibi hæc difficultas, & Lorca disp. 63. qui latè de ea agit.

QVÆSTIO III.

Vtrum absolutè Christus, & sine addito possit dici creatura?

Creatura in præsentī sumitur pro-
ut est idem quod dependens secundum se totum à Deo, & factum ex nihilo, siue proximè & immediatè vt sit Angelus, siue remotè vt modò sit homo. Et conueniunt omnes, quòd quando datur suspicio erroris Arrij, non est dicendus Christus creatura absque addito, quia significat etiam suppositum in Christo fuisse creatum. Est ergo difficultas, An quando cessat talis suspicio possit absolutè proferri, quòd Christus est creatura? Circa quam prima sententia affirmat. ita D. Bonauentura in 3. d. 11. q. 2. art. 2. Nicolaus de Orbelis d. 11. Caietanus q. 16. art. 8. & 10. Valencia q. 16. p. 2. Vasquez disp. 65. Hurtado disp. 11. diff. 11. qui citant pro se D. Thomam q. 16. art. 8. & q. 20. art. 1. ad 1. & plures Eccle-

Ecclesiæ Patres; sed parum roboris accipit hæc sententia, sicut & subsequens ab illis, quia solum loquuntur vel cum addito secundum humanitatem, vel contra Arrium; & idè ratione probatur, quia humanitas Christi verè & propriè dicitur creatura; ergo & Christus. patet consequentia, quia quæ absolutè cōueniunt humanitati, & vñionem non excludunt, etiam absolutè conueniunt huic homini in concreto, seu Christo, quâ ratione illi conueniunt esse passibilem, risibilem, genitum ex Virgine, &c. Ex qua sententia duo inferuntur, primum quòd etiam hoc sit verum de *hac sumige*, quia pronomen *hoc* cadit supra *ly homine*. 2. quòd etiam per communicationem Idiomatum posset dici de Deo, seu de Verbo, quod est creatura.

2. Secunda sententia negat istas propositiones. ita Thomas in 3. d. 11. art. 2. Ricardus art. 2. Durandus & Palud. q. 1. Gabriel q. vnicâ, Medina, Cabrera, & Aluarez q. 15. art. 8. Canus de locis lib. 12. cap. 11. præter plures Ecclesiæ Patres, qui pro hac sententia à Recentioribus adducuntur. Et probatur primo, quia Christus est nomen personæ, præsertim quando ponitur ex parte subiecti, sed hæc non est creatura; ergo. 2. quia creatura est id quod secundum Scotum pendet à Deo, & ex nihilo fit, sed Christus secundum Scotum non pendet à Deo; ergo. 3. omnis creatura aliquando non fuit, Christus autem semper fuit. 4. quia Christus non est aliquid quod sit factum; ergo non est creatura, quia hæc fit à Deo. 5. & principaliter, quia prædicatum, quod est natum, conuenire tam toti, quàm parti, non potest absolutè proferri; quare qui est albus secundum dentes, non potest absolutè appellari albus: unde hæc est falsa, *Æthiops est albus*; & qui est crispus secundum capillos, potest absolute vocari crispus, quia crispitudo non potest æquè conuenire toti & partibus sicut albedo, sed solum parti, scilicet capillis; sed hoc prædicatum *creatura* non solum competit naturæ humanæ, sed personæ humanæ: ergo etiam si reperitur in Christo ratione naturæ humanæ, non poterit absolute prædicari de Christo, quia non competit, sed potius repugnat ratione personæ diuinæ,

& consequenter hæc sententia negat illa duo, quæ inferebat prima.

In hac re dicendum existimo vtramque sententiam esse probabilem, & hæc est vera mens Scoti in 3. dist. 11. q. 1. vbi postquam proposuit primam opinionem, ait, *1. cuius ista opinio*, quòd cui prædicta opinio non placet, potest ita phikosophari, &c. & tradit secundam supra positam opinionem, & non respondet ad argumenta prioris, ex quibus patet ipsam sensisse non minus probabilem, quàm secundam, vt bene obseruauit Vasquez vbi supra. Fundamentum nostræ sententiæ est, quia non est certum, quòd prædicatum *creatura* conueniat tam personæ creatæ, quàm naturæ, præcipuè si persona creata consistat in negatiuo, an verò conueniat naturæ formaliter, & terminatiuè personalitati? Præterea dato quòd conueniat formaliter vtrique, quare non sufficiat quòd conueniat naturæ humanæ vt persona diuina dicatur denominatiuè creatura ablata suspitione erroris, in quo casu procedit nostra quæstio, sicut dicitur mortalitas denominatiuè à mortalitate naturæ humanæ, licet etiam mortalitas videatur conuenire personalitati, quia deficient vitæ, deficit etiam. quæ omnia fauent primæ sententiæ. Ex alia parte videtur, quòd Christus, qui est subiectum talis propositionis, licet habeat vices suppositi humani, in quantum terminat naturam humanam, tamen in se significat, & supponit pro supposito diuino, cui videtur repugnare esse creaturam denominatiuè, nam denominatio debet sumi à forma potente denominare; humanitas autem in abstracto, licet sit creatura, non potest in quantum talis denominare concretum: præterea quia nomen *creatura* videtur concretum, ergo non potest prædicari solum ratione partis concreti, & consequenter neque de Christo ratione humanitatis, & hæc sunt quæ fauent secundæ sententiæ.

Stando ergo in secunda sententia 4. respondetur ad argumentum primæ: Dico quòd etiam si humanitas in abstracto sit creatura in abstracto, tamen homo in concreto est creatura in concreto; & consequenter non solum dicit naturam esse creatam, sed etiam

dicat suppositum esse creatum. unde nequit predicari de Christo. Dices hoc esse verum, si hoc prædicatum assumetur formaliter, seu essentialiter, non verò si accipitur denominatiue & accidentaliter. Respondeo non posse sic assumi, quia creatura in concreto includit vtrumque per se, & naturam creatam, & personalitatem creatam.

5. Stando verò in prima sententia respondeo ad argumenta secundæ. Ad primum, quòd Christus sumptus pro persona non est formaliter creatura, sed denominatiue à natura creata. Ad secundum respondetur dupliciter posse sumi creaturam secundum se totam pendere à Deo, & fieri ex nihilo, vel quòd ly, *secundum se totam*, includat naturam, & personalitatem naturæ, & hoc modo acceptum est falsum; vel quòd ly, *secundum se totam*, includat partes omnes tam integrales, quàm essentialiter totius naturæ, & hoc modo est verum, sed nihil contra nos. & per hoc patet ad 3. & 4. ita ut ad 5. quia natura humana, ratio, &c. cuius conuenit tale prædicatum Christo, & sumitur ut pars, si comparatur cum supposito; & sumitur ut totum, si comparatur ad suas partes, ex quibus componitur: quare prædicatum *creatura* videtur esse ut prædicatum *christus*, si natura humana sumitur ut pars suppositi; & videtur esse ut prædicatum transcendens, si natura humana sumatur ut totum in se compositum ex suis partibus.

6. Dices: Hæc prædicatio est formalis, *homo est rationalis*, licet rationalitas solum conueniat homini ratione partis, scilicet animæ rationalis; ergo similiter hæc erit formalis, *Christus* (idem dico de hoc subiecto *Iesus*) *est creatura*, licet hoc solum illi conueniat ratione partis. Respondetur quòd rationalitas non conuenit homini solum ratione animæ rationalis, sed ratione totius compositi, & idem dico de reliquis prædicatis, quæ in recta linea prædicamentali dicuntur de homine, & idè non denominatiue, sed formaliter prædicantur; at verò creatura solum dicitur de Christo ratione cuiusdam partis, scilicet naturæ humanæ, & idè solum prædicatur de Christo denominatiue, in quantum Christus supponit pro supposito diuino, quia si accipitur in quantum

intrinsecè includit duplicem naturam, ita formaliter diceretur creatura, sicut dicitur homo, vel Deus.

Idem quod diximus de hac propositione, *Christus est creatura*, est dicendum de hac, *Christus incepit esse*, quia eadem est ratio vtriusque, nam id quod incipit esse per dependentiam ab alio, à quo incipit; solum est obsequandum, quòd quando Scotus quæstione 3. ait, quòd de Christo verificatur quod incipit esse simpliciter, non verò de Verbo, seu Filio Dei non debet intelligi, quòd dixerit aliter esse philosophandum de Christo, ac de Filio Dei in ratione suppositi, sed solum in quantum Christus essentialiter includit duas naturas, & consequenter quando incipit esse vna, Christus incipit simpliciter, id est, quantum ad id quod ad partes intrinsecas pertinet: Verbum autem Filius Dei non includit humanam essentialiter, sed licet substantialiter vniatur cum illa, tamen illam habet quasi accidentaliter, siquidem aduenit enti totali in ultimo actu constituto. unde Lorca disp. 67. cap. 3. & 4. minùs benè Scotum intellexit, putans Scotum se contrariasse aliter loquens de hac propositione, ac de præcedenti.

QVÆSTIO IV.

Quæ enuntiationes fieri possint cum nota reduplicationis?

NOTA reduplicationis communiter sunt hæc, *in quantum, secundum quod, quatenus*, &c. possunt autem sumi dupliciter, vel reduplicatiue, vel specificatiue. Primo modo sumantur quando replicant seu repetunt totum terminum cui immediatè apponuntur, ut quando dicimus, Homo in quantum homo est risibilis. Secundo modo sumuntur quando non replicant seu repetunt totum terminum cui immediatè apponuntur, sed partem tantum, ut quando dicimus, Homo in quantum animal est sensibilis, Æthiops secundum dentes est albus. Differentia autem inter hos duos modos consistit in hoc, quòd particula reduplicatiua in primo significat rationem formalem propter quam præcisè prædicatum conue-

conueniat subiecto: vnde idem est dicere, Homo in quantum homo est risibilis; ac dicere, Ratio formalis propter quam homini conuenit risibilitas est humanitas. In secundò verò particula reduplicatiua solum designat subiectum cui conuenit prædicatum, siue illi conueniat per se, siue per accidens; quare idem est dicere, Æthiops secundum dentes est albus; ac dicere, Partes in quibus est albedo in Æthiope sunt dentes, non verò aliæ partes; & idem est, Homo in quantum animal est sensibilis; ac dicere, Sensibilitas non conuenit homini ratione differentie specificæ, sed ratione generis, quod est animal.

2. Quo supposito prima difficultas est, An Christus in quantum homo possit dici creatura? Negat Gabriel in 3. d. 11. q. vnicâ. Fundamentum est, quia terminus *Christus*, cui hæc particula *in quantum* apponitur, nec distrahitur ad aliud significandum, nec eius significatio minuitur; ergo siue sumatur reduplicatiue, siue specificatiue, non erit talis propositio vera.

3. Sed vera & communis sententia affirmat, quod Christus in quantum homo possit dici creatura. Ita S. Thomas, & eius Expositores q. 16. art. 10. Vasquez disp. 66. Hurtado diff. 13. Et probatur, quia humanitas Christi fuit creata, sed hæc significatur per illam particulam *in quantum*; ergo Christus in quantum homo potest dici creatura: vnde talis particula saltem debet sumi vt nota specificationis; & notanter dixi saltem, quia an possit sumi vt nota reduplicationis, ita vt totum quod homo in concreto dicit, possit dici creatura, pertinet ad difficultatem examinatam in præcedenti questione, vbi videatur.

4. Ad fundamentum Gabrielis respondetur, quod terminus *Christus*, per particulam *in quantum homo*, & distrahitur à propria significatione, quia non significat totum illud, quod essentialiter reperitur in Christo, siquidem in quantum homo non dicit naturam diuinam, quam intrinsecè ineludit Christus; & similiter eius significatio minuitur, siquidem in quantum homo solum significat naturam humanam terminatam à personalitate Verbi.

5. Secunda difficultas est, An Christus

in quantum homo sit Deus? Negant omnes Theologi, & meritò. legatur Vasquez disp. 69. Fundamentum est, quia si particula *in quantum* sumatur reduplicatiue, significat quod ratio formalis, propter quam Christus est Deus, est quia est homo, & hoc est absurdum; si verò sumatur specificatiue, significat quod illa pars, cui conueniat in Christo Deitas, sit humanitas, quæ per se significatur à voce *homo*, & hoc similiter est falsum, quia Christus non est Deus, quia est homo, sed quia est persona diuina.

Tertia difficultas est, An Christus 6. in quantum homo sit persona? Affirmant Vasquez disp. 69. cap. 2. & Lorca disp. 66. num. 12. & probant, quia homo est concretum; ergo in quantum tale non minùs ineludit humanitatem, quam personalitatem Verbi, sed hæc coniuncta cum humanitate est persona; ergo Christus in quantum homo est persona, etiam si *in quantum* reduplicatiue sumatur, & multò melius erit vera si sumatur specificatiue, quia vel significatur quod homo in Christo sit persona, vel quod Christus sit persona, quia est homo, quod totum est verum: vnde etiam est verum, quod Christus in quantum sit Deus, est persona, imò & persona diuina, propter eandem rationem.

Diuis verò Bonaventura in 3. d. 10. 7. art. 1. q. 2. Durandus quæst. 1. Paladanius q. 1. art. 1. partem negatiuam tueritur: quæ sententia, si intelligatur de particula *in quantum* sumpta non specificatiue, sed reduplicatiue, vt existimo sumi ab illis Auctoribus, mihi videtur vera. Et ratio est, quia particula sumpta reduplicatiue applicat termino antecedenti terminum consequentem secundum id quod per se significatur à voce termini consequentis, sed vox *homo* per se significat humanitatem; ergo applicata Christo per particulam *in quantum* reduplicatiue acceptam, significabit quod Christus in quantum *homo*, id est, quatenus habet humanitatem erit persona, quod est falsum, quia personalitas non significatur ex vi huius vocis *homo*. Et confirmatur, quia aliàs non esset falsa propositio, *Christus in quantum homo est Deus*, vt nobiscum confessi sunt Aduersarij in antecedenti diffi-

difficultate. sequela patet hoc syllogismo expositorio, *Christus in quantum homo est persona diuina, persona diuina est Deus, ergo Christus in quantum homo est Deus*; ergo ex eo est falsa, quia particula *in quantum* reduplicat solum super id quod per se significatur à voce *homo*, scilicet super humanitatem, quæ non est Deus, & consequenter neque persona diuina.

8. Ad fundamentum contrariæ sententiæ respondetur, quod licet vox *homo* sit alicuius concreti, tamen in quantum applicatur alicui termino cum particula *in quantum*, applicatur solum secundum id quod per se significat, &

id est, natura humana, & non persona ut quando dicimus, *persona in quantum persona*, non significamus naturam, quæ reperitur in persona, sed solum personalitatem per quam formaliter constituitur talis natura in esse personæ: unde prædicta propositio, *Christus in quantum homo est persona diuina*, solum est vera materialiter & specificatiue, non verò reduplicatiue & formaliter; & idem dico de hac, *Christus in quantum homo est persona diuina*; & similiter idem est dicendum de hac, *Christus in quantum hic homo est persona diuina*, quia illud adiectiuum *hic* solum denotat hecicitatē naturæ humanæ, nō verò personalitatem.

DISPUTATIO XX. ET VLTIMA.

DE

ADORATIONE CHRISTI DOMINI

Disputatio præfens appendix est materici de Incarnatione, propterea quod hæretici errando circa Incarnationis mysterium, etiam circa debitam Christo adorationem errauerunt; & sic ansam dederunt, non solum Conciliis, quæ veritatem huius mysterij definierunt, sed etiam Scholasticis, qui de Incarnatione disputarunt, ut veritatem debitæ adorationis tum definiendo, tum aperirent disputando. quare scopus illius erit agere de adoratione Christi, ne extra chorum saltemus (ut inquit Petrus Hurtado disp. 85.) agentes de adoratione Sanctorum & reliquiarum, sed parabimus viam supponendo cum Scoto in hoc 3. dist. 9. q. vnicā, quæ spectant ad adorationem in communi.

QVÆSTIO PRIMA.

Ad quam virtutem spectet adoratio.

1.  **A**DORATIO, ex Damasceno orat. 1. de imaginibus, nihil est aliud, quam submissionis & inferioritatis notat; vel (ut ait oratione 3.) est animi submissi atque humilis significatio: est autem discrimen (ut notant Recentiores) inter hoc quod est honorare, ve-

nerari, colere, laudare, glorificare, adorare, & reuereri. Nam honorare, & venerari, quod idem est, latius patet, quam adorare, quia non omnis honor est adoratio: unde Augustinus lib. contra errores Arrianorum cap. 23. ait, *Honorat omnis qui adorat, non autem adorat omnis qui honorat*; & hoc ostendi potest ratione desumptā ex Aristotele 4. Ethic. cap. 3. & 8. Ethic. cap. 3. ubi ait quod *honor est signum exhibitum alicui in testimonium suæ bonitatis & excellentiæ*, sed

sed adoratio ultra hoc requirit submissionem, seu quod in adorato recognoscamus excellentiam & superioritatem cum subiectione nostra; ergo latius patet honorare, quam adorare.

2. Laudare est verbis honorare, unde est species quædam honoris, ut docet Arist. 1. Rethor. c. 1. quare quod cap. 12. ait, quod honorantur ea quæ sunt per se bona, laudantur verò quæ ad aliud sunt utilia, debet intelligi per extensionem, id est, non solum laudantur ea quæ honorantur, sed etiam ea quæ licet non honorentur, sunt tamen ad aliquid utilia. Glorificare addit ad laudare acclamationem ex affectu seruido procedentem, quia ex Aug. lib. 83. questionum q. 31. *est clara cum laude notitia*; & ex D. Thoma 2. 2. q. 103. art. 1. *est effectus laudis*. eo enim ipso quod aliquem maxime laudo, eum glorifico. Reuereri licet sit cum timore adorare, tamen quia adoratio etiam fit cum subiectione & recognitione, ideo pro synonymis iam communiter usurpantur.

3. His omnibus verbis adoratio solet significari, quæ non est tam indaganda ex propria eorum significatione, quam ex qualitate materię, quæ colitur. Præterea aliquando sumitur quasi antonomastice pro adoratione soli Deo debita, iuxta illud Matth. 4. *Solum Dominum Deum tuum adorabis*, &c. quapropter Hieron. supra Dan. 3. & Epiphanius aduersus hæreses hæresi 11. veniunt intelligendi, dum dicunt, soli Deo exhibendam esse adorationem; aliquando verò etiam tribuitur adoratio aliis rebus, & censetur à Scriptura meritoria & laudabilis. Diuiditur autem iuxta hæc à Scholasticis adoratio, in *latrām*, *duliam*, & *hyperdulam*, quæ sunt voces græcæ, & quid sit, An secundum proprietatē græcæ significant seruitutem, ut cum hæreticis nostri tēporis intendit Ludouicus Viues in cap. 1. lib. 10. D. August. de Ciuit. Dei, nō iam communi vſu, à quo voces accipiunt, & suā significationem, & suā proprietatē significant adorationem (quæ genus est cuiusdā seruitutis) sed diuersā pro diuersitate excellentiæ eorum qui adorantur: *latrām* appellant Ecclesiæ Patres adorationem Deo debitam, *duliam* eam quæ debetur creaturæ, *hyperdulam* debitam similiter creaturæ, sed propter aliquā superemi-

Castillo de Incarn. Pars I.

nentem excellentiam. colligitur doctrina hæc ex tota 2. Synodo Nicena, ex D. Aug. 10. de Ciuit. cap. 1. Beda super cap. 4. Lucæ, Basilio super cap. 1. Iſaiæ, Damasceno ubi sup. Iſidoro 8. Etymologiarum cap. vlt. Aurelianus tom. 5. Biblioth. Patrum lib. 1. de cultu imaginum. Obseruat tamen D. Thom. 2. 2. q. 103. art. 3. ad 1. quod licet nomen *latrīs* nunquam tribuitur nisi diuinæ adorationi, tamen nomen *dulīs* non solum adorationi creaturæ, sed aliquando etiam diuinæ accommodatur adorationi, fortasse quia excellentiæ creaturarum propter quas adorantur, etiam in Deo eminentissimo modo reperiuntur. Denique *dulīs* sumi strictissime solet pro seruitute, quæ veris seu propriis dominis, insuper & populos gubernantibus exhibetur.

Supponit præterea questionis interrogatio quod adoratio sit actus alicuius virtutis, quod simpliciter exprefsit Scotus in 3. dist. 9. q. vnicā loquens de latrīa, & ipsa ratio manifestat, quia reddere vnicuique quod suum est, quando fit ex electione & liberē, est actus virtutis, nam hoc ex proprio obiecto est honestum, sed hoc fit per adorationem; ergo. Et confirmatur, quia quod ex se non est honestum, nequit præcipi à Deo: at adoratio est præcepta, ut patet ex verbis adductis, *Dominum Deum tuum adorabis*, &c. ergo. quod autem ex repetitione prædicti actus honesti generetur habitus, scilicet & generatur ex frequentatione alterius, nulli debet esse dubium. Nec refert quod obiciunt aliqui, quod potentiæ non indigent habitu ad ea quæ sunt secundum inclinationem naturalem, quia aliud est quod non habeant indigentiam illius ad habendam operationem circa illa simpliciter, aliud quod non indigent ad melius esse, & ad facilius operandum, primum est verum, sed non secundum, præterquam quod diuersa est ratio de operationibus quæ dependent à principio naturali determinato ad vnum, ac de illis quæ dependent à libero, quod deficere potest, etsi prioribus fortē posset negari habitus, sed posterioribus minime.

Dico ergo primo: In hac re virtus adorationis non est theologalis. est communis sententia. eam tenet Scotus ubi supra. Et probatur, quia quæcumque

H h h virtus

virtus non specificatur à fine cui, sed à fine qui, id est, non à persona, sed à motiuo: sed motiuum adorationis etiam si sit circa Deum, non est theologale, quia est cultum reddere debitum tali vel tali excellentiæ ipsi æquali & proportionali. ergo adorationis virtus etiam in communi sumpta non est theologalis. Et si dicas, Excellentia personæ me mouet ad reddendum cultum debitum; ergo quando me mouet excellentia diuina, adoratio erit virtus theologalis. Respondeo quod excellentia personæ solum mouet (prout ad adorationem attinet) ad taxandum quantus debeat esse cultus illi præstāndus, quia respectu adorationis sola honestas quæ relucet in hoc quod est reddere cultum debitum, est quæ mouet; si autem vel diligo, vel plurimum facio excellentiam personæ propter ipsam excellentiam, hoc vel ad amicitiam, vel ad estimationem pertinet formaliter, non ad adorationem.

6. Dico secundò: Adoratio in cōmuni accepta est virtus moralis, & inter cardinales pertinet ad iustitiam. tenet similiter Scotus ibid. & S. Thom. 2. 2. q. 8. & q. 101. & 102. sequunturque vtriusque discipuli. Et probatur, quia omnis virtus quæ non est theologica est moralis, & inter cardinales adoratio non est ex illis quæ ordinant hominem in ordine ad se vt fortitudo & temperantia, sed ex illis quæ ipsum ordinant in ordine ad alium, vt iustitia. vnde Philosophi tres enumerarunt virtutes circa hoc quod est reddere alicui cultum debitum, videlicet religionem circa Deum, pietatem circa parentes & patriam, & obseruantiam circa homines in dignitate & superioritate constitutos. ergo, &c.
7. Sed obiiciet aliquis: Potius reducenda venit adoratio ad humilitatem, & cōsequenter ad temperantiam, quā ad iustitiam. Probo, Nam quid magis proprium humilitatis videtur, quā submittere se alteri, & eum superiorem recognoscere? Respondetur, quod licet actus imperati adorationis, & actus imperati humilitatis materialiter considerati sæpe coincident in vnum, tamen formaliter spectati valde diuersi sunt, cum fiant propter diuersas honestates, tamquam propter diuersa motiua: humilitas enim, quæ pars est tem-

peratiæ, moderatur affectum honoris, & sub hac ratione exercet actus imperatos submissionis: at adoratio actus imperatos submissionis exercet, non vt affectum honoris moderetur, sed vt alteri honorem debitum reddat ratione suæ dignitatis & excellentiæ. quod exemplificari potest in largitione pecuniæ, quæ si imperetur ex motiuo moderandi affectum circa diuitias, spectat ad liberalitatem; at si ex motiuo soluendi debitum imperetur, ad iustitiam spectat. quā ergo ratione coincidere materialiter potest humilitas cum adoratione, similiter & coincidere possunt actus aliarum virtutum, quæ dirigi possunt ad reddendum alteri cultum debitum, vnde verum habet vulgata illa locutio, quam refert Aug. in Enchir. c. 13. & lib. 12. de Trinit. cap. 12. & 10. de Ciuit. Dei cap. 9. *Religio Christiana maxime colit Deum fide, spe, & charitate.*

Dico tertio: Adoratio prout in speciali respicit Deum, constituit virtutem religionis; & prout respicit parentes & patriam, constituit pietatem; & prout respicit homines in dignitate & superioritate constitutos, constituit obseruantiam. est communis apud præfatos Auctores & morales Philosophos sententia. Et probatur, quia excellentiæ, propter quas attenditur qualis debeat esse cultus, in his omnibus sunt diuersæ speciei; ergo & virtutes. patet cōsequentiā, quia etiā verum sit quod excellentia non sit specificatiuum & motiuū, sed honestas inuēta in hoc quod est reddere cultum debitū, vt supra diximus, tamē ex illa vt cognita, & in statera ponderata resultat diuersitas specifica in cultu exhibēdo; quare si parentibus debetur discooperatio capitis, Deo debetur genuflexio, &c.

Sed inquires, An prædictæ virtutes vniuocē conueniant in ratione adorationis? Petrus Bergomensis in tabula seu cōcordantiis D. Thomæ loquendo de virtute latriæ & dulciæ refert tamquam sententiam D. Thomæ 2. 2. q. 94. art. 1. ad 2. & in 3. dist. 9. q. 1. art. 2. quæstiunculā 7. quod solum conueniant analogicē: sed in his locis Angelicus Doctor non loquitur nisi de latria & idolatria, de quibus ait quod licet conueniant vniuocē in ratione cultus humani, in ratione verò virtutis solum conueniunt æquiuocē, quia idolatria secun-

secundum dici est religionis virtus. refert etiam ipsum 2. 2. q. 88. art. 1. ad 1. propterea quod ibi ait quod excellentia Dei non communicatur creaturæ secundum æqualitatem, sed secundum quamdam proportionem; ergo tantum conueniunt analogice. pro qua sententia videtur D. Bonauentura in 3. dist. 9. art. 2. ad 4.

10. Respondeo tamen quod prædictæ virtutes vniocè cōueniunt in ratione adorationis. ita Suarez super 3. partem disp. 51. sect. 3. & Lorca disp. 86. dub. 1. loquētes de latría, dulia, & hyperdulia. Sed non congruit eorum ratio, quā hoc probant, scilicet quia etsi excellentia increata Dei, & excellentia creata creaturæ vniocè non conueniant, tamen vniocè conueniunt adoratio creata erga Deum, & adoratio creata erga creaturam, quia vtraque est creata, & ponunt exemplum in fide humana & diuina, quæ vniocè conueniunt in ratione fidei, licet vna nitatur auctoritati creatæ, & alia increatæ & diuinæ. Nam contrā est, quia actus ita specificantur ex obiectis, & quasi transmutantur in naturas illorum, quod si obiecta opponantur contradictoriè, & ipsi actus opponuntur contradictoriè, v. g. actus fidei & visionis opponuntur contradictoriè, quia de ratione obiecti fidei est, quod sit non visum, seu non apparens, & visionis obiectum non habet hanc negationem. Sit aliud exemplum iudicium quo iudico aliquod obiectum esse impossibile, & iudicium quo illud ipsum obiectum iudico esse possibile, contradicuntur, & non aliā ratione, nisi quia possibile & impossibile in eodem obiecto contradictoria sunt, & priuatiue opponuntur; ergo si excellentia diuina & increata & creata nō cōueniunt vniocè, & cōtradictoriè opponuntur, neque actus circa illa poterunt vniocè conuenire. Exemplum de duplici fide non est ad propositum in sententia Scoti, qui sicut admittit vniocationem inter Deum & creaturas, ita inter auctoritatem humanam, & auctoritatem diuinam in ratione communi auctoritatis abstrahentis à fallibili & infallibili.

11. Ratio ergo pro nobis ea est, quia redditio cultus debiti diuinæ excellentiæ, & redditio cultus debiti creaturæ, à quibus specificantur prædictæ virtutes

religionis, pietatis, & obseruantiz, vniocè conueniunt in ratione redditionis cultus debiti, & consequenter istæ virtutes debent vniocè conuenire in ratione adorationis, quia iuxta Aristotelicam definitionem vnioca sunt, quorum nomen est commune: ratio verò significata per nomen est eiusdem rationis in vniocatis, scilicet prout illo nomine communi significatur, sed reddere cultum debitum alicui significatur per nomen adorationis. ergo, &c.

QVÆSTIO II

Per quem actum exhibeatur formalis adoratio.

Non est dubium in hac quæstione de actu exteriori adorationis, nam manifestum est quod genuflexio, discopertio capitis, thurificatio, & alij similes actus, qui sunt nota & signum submissi animi in recognitionem exhibita alterius tamquam maioris excellentiæ, seu dignitatis, sunt actus adorationis, nam vt bene inquit Scotus loco suprā citato, adoratio est *bona propria reputare parua respectu bonorum illius, quem reueretur, cuius bona reputat magna.* est ergo dubium de actu interiori.

Pro quo nota quod primò ad actum adorationis præcedit in intellectu actus, quo quis prudenter existimat, eum, quem adorat, ob suam excellentiam dignum esse, vt ei talis, vel talis cultus exhibeatur, si enim hic actus non præcederet, nequaquam ex animo aliquem quis adorare posset: deinde succedit voluntatis actus, quo quis ob honestatem sibi propositam in reddendo cultum iuxta præfatam sibi præcognitam excellentiam vult illi exhibere cultum debitum, & tandem reperiri debet ipsa exhibitio cultus: quærimus ergo, An hic vltimus actus possit esse interior? nam duo priores licet interni sint, tamen non sunt ipsa formalis, & actualis adoratio, sed primus deseruit vt prudenter proponatur obiectum prosequendum, & secundus sit quasi imperium quod præcipit adorationem; hoc autem quærimus de adoratione interna, quæ versetur circa Deum, vel Angelum.

3. Vasquez latissime 3. p. disp. 93. defendit, quod nequeat actus adorationis esse internus, & pro hac sententia citat plures Auctores, D. Bonaaventuram in 3. dist. 9. art. 2. q. 3. & 4. Almainum & Maiorem ibid. q. 1. Marfilium q. 8. art. 1. ad 3. Durandum dist. 9. q. 1. n. 7. & 8. D. Thom. 2. 2. q. 84. in principio ubi enumerat adorationem inter actus exteriores religionis, tenent Valencia 2. 2. disp. 6. cap. 3. f. 1. Lessius lib. 2. cap. 38. dub. 1. & Raguza disput. 37. Fundamentum est quia adoratio non est actus intellectus, quia non fidei ut patet, neque prudentiæ, quia hic antecedit ut dirigat voluntatem, non orationis, quia licet hæc imperari possit ab adoratione, tamen non est formalis adoratio, quia vel est formalis petitio, vel eleuatio mentis in Deum. Neque similiter est actus voluntatis, quia hic vel versatur circa Deum, vel non, si non, ergo non potest esse signum vel non summisionis, seu submissi cultus, ergo neque adoratio; si sic, erit charitatis, aut spei, aut obedientiæ, aut alterius virtutis, ergo non adorationis, nullo ergo modo adoratio potest esse actus interior.
4. Vera tamen & amplectenda sententia affirmat, quod actus adorationis potest esse interior, & merè spiritualis. ita Scotus noster in 3. dist. 9. q. vnicâ, f. de primo, ubi distinguit duplicem adorationem, vnâ internam, & externam aliam. quam sententiam esse communem cum Magistro in 3. dist. 9. docuit Suarez tom. 1. supra 3. partem disp. 51. sect. 2. tenent Bellarminus lib. 1. de Cultu Sanctorum cap. 12. Lorca disput. 87. dub. 3. & Gaspar Hurt. disp. 20. de Adoratione diff. 4. & est absolutè de mente D. Thomæ 2. 2. q. 84. art. 2. ubi inquirat an adoratio importet actum corporalem? & respondet ex Damasceno, duplicem esse adorationem, scilicet spirituales, quæ consistit in interiori mentis deuotione, & incorporalem, quæ consistit in exteriori corporis humilatione: quod autem ubi suprâ adorationem inter actus externos enumeret, non est in causa vt illam excludat ab actibus internis, sed solum quod referat etiam ipsam inter alios actus externos.
5. Hæc sententia probatur primò ex D. Damasceno 4. de fide cap. 13. dum ait, *Quia nos constamus ex natura visibili & spirituali, Deum summum opificem duplici genere adorationis afficimus, sicut etiam mente & corporis labiis psallimus.* ubi non solum distinguit adorationem interiorem & exteriorem, sed etiam illam comparat orationi interiori & exteriori, sed datur vera oratio interior; ergo & vera adoratio. Secundò probatur ratione, nam præcipitur adoratio Angelis; ergo datur adoratio spiritualis, quia Angeli sunt puri spiritus. Antecedens patet Psal. 96. *Et adorent eum omnes Angeli eius;* & ad Hebræos 1. *Et cum iterum introducis Primogenitum in orbem terra, dicit, Et adorent eum omnes Angeli eius;* & 2. Esdræ 9. *Exercitus calite adorat.* Et in præfatione Missæ dicitur, *Per quem maiestatem tuam laudant Angeli, adorant Dominationes, &c.*
6. Sed respondet Vasquez, quod in his locis sumitur adoratio improprie, quia quodlibet virtutis exercitium in Dei gloriam relatum, tamquam in vltimum finem, est quidam Dei honor, seu cultus. Sed contrâ primò, quia Scripturæ verba in proprio sensu sunt accipienda, dum non implicat manifestè. Secundò, quæro quâdo Angelis præcipitur adoratio, quis, & cuius virtutis actus præcipitur? numquid amoris, aut humilitatis, aut obedientiæ, vel omnem virtutis actum? sed non omnem, quia plures non sunt sub præcepto, sed sub consilio, ergo aliquem; si autem aliquem, non diceret *Et adorent*, sed ament, vel obediant, &c. quia si amor significaretur nomine adorationis, non significaretur hoc nomine obedientiæ, nam sicut obedientia non significatur nomine amoris, ita neque significaretur nomine adorationis, prout adoratio significaret amorem. Contrâ tertio, quia ad Philip. 2. dicitur, *In nomine Iesu omne genu flectatur caelestium, terrestrium, & infernorum;* ergo comparata vera adoratio caelestium & terrestrium significata per genuflexionem, sicut hæc cum omni proprietate intelligitur de hominibus, ita illa cum omni proprietate debet intelligi de Angelis. patet consequentia tum ex contrapositione præfata verborum, tum à simili, nam ex illis verbis Pauli 1. ad Corinth. 13. *Si linguis hominum loquar, & Angelorum,* rectè

rectè inferunt Theologi dari veram locutionem angelicam, sicut datur vera locutio humana; ergo similiter ex genuflexione caelestium & terrestrium licebit inferre veram Angelorum & spirituum caelestium adorationem per genuflexionem significatam.

7. Tertiò probatur à priori, nam ad actum propriæ adorationis requiruntur duo, scilicet quoddam fiat ex motiuo reddendi cultum debitum, & quoddam sit signum, & nota submissionis, seu animi humiliati, & alteri cedentis, sed possunt dari actus in Angelo, & in anima separata; siue sint intellectus, siue voluntas, qui comprehendant vtrumque; ergo. Maior est vera, quia explicat definitionem adorationis. Minor autem diuerso modo probatur à diuersis, nam aliqui constituunt actum internum adorationis in actu humilitatis, exhibito in recognitionem superioris, seu adorati: sed hic tantum est materialis adoratio, non formalis, de qua quærimus, quia humiliare se tantum est abiicere se; & quod supra hoc addatur, quoddam fiat in recognitionem superioris, supponit, vel concomitantem habet ipsam adorationem, quæ illam constituit in sua specie, & extrahit à specie humilitatis. Alij constituunt in quadam complacentia, quæ quis complacet se esse inferiori alteri, & subesse illi, quia hoc est congruum suæ excellentiæ, sed hic actus vel antecedit, vel subsequitur adorationem, nam vel posset habere hanc complacentiam, & non exhibere notam & signum talis complacentiæ; vel si non posset, nihilominus ipsa complacentia non est ipsa exhibitio notæ, & signi, quo cognoscitur adoratio.

8. Melius ergo omnibus hoc explicuit Scotus vbi suprâ, dum sic definit internam adorationem: *Reuereri aliquem actum interiori, est bona propria parua reputare respectu bonorum illius, quem reueretur, cuius bona reputat magna.* sed reputare est actus intellectus appetientis hoc præ illo, ergo si detur actus intellectus, qui præferat bonitatem & excellentiam personæ alicuius, scilicet Dei, vel Angelî, vel alterius respectu propriæ bonitatis & excellentiæ, vel dominium alterius respectu seruitutis propriæ, talis actus exhibebit formalissimam adorationem, quia talis actus erit for-

malis nota, & signum expressum prælationis vnius bonitatis ad aliam, & insuper est à voluntate in hunc finem ordinans (quare hic actus non est ille primus quem retulimus in principio quæstionis, sed alius subsecutus ad imperium voluntatis) deinde si eliciatur ex imperio voluntatis reddendi cultum debitum illi personæ, habebit honestatem moralem adorationis; ergo cum vterque iste actus sit internus, & comprehendens vtrumque quod requirit vera & propria adoratio, non debet hæc denegari actibus internis.

Per hoc patet ad fundamentum oppositæ sententiæ, quia formalis adoratio licet sit actus intellectus, non est actus fidei, neque orationis, neque prudentiæ, sed tantum est actus appretiationis & prælationis vnius præ alio, imperatus in hunc finem, vt scilicet sit nota & signum præfatæ prælationis; actus autem qui pertinet ad voluntatem, non est formalis adoratio, seu non est elicitivè adoratio, sed imperativè, neque indiget quoddam sit charitatis, vel spei, &c. quia sufficit quoddam habeat promotiuo reddere cultû debitum ad hoc vt sit verus actus religionis, sicut enim in fide alius est actus quo volo credere, & alius intellectus quo credo, & ille prior habet honestatem virtutis fidei, ita in religione alius est actus voluntatis quo volo reddere cultum debitum, & alius intellectus quo reddo per talem appretiationem, & ille prior habet honestatem virtutis religionis, imò propter ipsum virtus ista est moralis & honesta.

Sed in fine huius quæstionis inquirentes primò propter quos titulos debita sit Deo adoratio. Respondeo cum Damasceno orat. 3. de imagine, quoddam propter quinque Deus patriâ potest adorari, primò propter supremum eius dominium. 2. propter infinitatem eius gloriam & sanctitatem. 3. propter maxima erga homines beneficia. 4. propter eam quoddam ab illo speramus omne bonum. 5. denique quia illum offendimus. qui tituli sub duplici mihi veniunt explicandi titulo, nam Deus vt concipitur in se bonus & perfectus habet supremum dominium, gloriam & sanctitatem, & vt concipitur bonus in ordine ad nos, concipitur noster beneficus,

obiectina spes nostra, & placabilis per nostram satisfactionem. & sub vtroque est merito & debito adorabilis latría.

11. Inquires secundò, An Deus eadem latría sit adorabilis ob diuersa eius attributa, & beneficia? Sed vt respòdeam in primis suppono, quòd propter quodcumque Dei attributum est Deus adorabilis latría, quia quodcumque ex illis est infinita excellentia, quæ comparata respectu nostræ, præferri debet tamquam increatum creaturæ, & sic non solum Deus sub formalitate Deitatis conceptus, sed etiam conceptus sub ratione misericordiæ, vel iustitiæ, vel charitatis, &c. debet adorari genuflexione, thurificatione, &c. quòd meritò docuit Corduba lib. 1. quæst. 5. dub. 2. Deinde suppono quòd propter quodcumque beneficium est Deus adorabilis. supponit Scotus loco citato *s. respòdeò*. vnde propter beneficium Incarnationis genufleximus in Missa, dum dicitur, *Et incarnatus est de Spiritu sancto ex Maria Virgine, & homo factus est*, & in gloria inclinamus caput, dum dicimus, *Gratias agimus tibi propter magnam gloriam tuam*, quæ scilicet relucet in tot beneficiis ab eo acceptis.

12. Dico ergo quòd non est diuersa in specie latría, quâ adoratur Deus sub ratione suorum attributorum, & sub ratione beneficientis ab ea quâ adoratur sub ratione Deitatis, quia omnia ista respiciuntur sub vna ratione specifica, scilicet sub ratione excellentiæ infinitæ, & non materialiter secundum formalitates quibus constituuntur & distinguuntur, nam secundum hanc rationem intellectus noster comparat illam ad excellentiam creatam, & illam illi præfert, non autem quatenus ipsæ formalitates comparantur inter se, quia inter illas non est comparatio pertinens ad adorationem, vnaquæque est infinita, & quia diuersi generis est, incomparabilis est ad inuicem, & licet non sint motium adorationis, quia hoc est honestas, quæ reperitur in cultu, tamen vt iste debet taxetur, attenduntur, sed vt dixi sub vna ratione specifica, & sic non est magis quàm vna species latriæ, & si per impossibile essent duo Dij, quorum vnus crearet, & alius redimeret, vterque esset eadem adoratione latríæ adorandus, quia tantum attendi-

tur vterque Deus vt infinitè bonus nobis in vtroque beneficio, sic docent Alexander 3. p. q. 3. memb. 1. art. 3. Gabriel lect. 49. in Canonem, Suarez disp. 15. sect. 4. Vasquez disp. 94. Ragusa disp. 38. & Gaspar Hurtado disput. 20. diff. 6. quidquid sit de eorum fundamento.

QVÆSTIO III.

Qualiter latría, quâ Christum adoramus, respiciat ipsum Deum & hominem.

SVpponit quæstio præsens, quòd 1. Christus, qui essentialiter est vna persona Verbi in duabus, & ex duabus naturis subsistens, diuina scilicet, & humana, adoretur adoratione latríæ, quâ tota Trinitas, & singulæ personæ adorantur, quòd de fide certum est ex Concilio Ephesino can. 8. & in Epistola Concilij Alexandrini ibi recepta, & in 5. Synodo collatione 8. can. 9. & habetur expressè in Scriptura ad Philip. 2. *In nomine Iesu omne genu flectatur*, & Ioan. 20. adorauit Thomas, dicens, *Dominus meus, & Deus meus*, & cap. 3. dixerat de se Christus, *Vt omnes honorificent Filium, sicut honorificans Patrem*, & Apoc. 5. & 22. adorant Sæcti Agnum occisum ab origine mundi, id est Christum, dicentes, *Benedictio, & honor, & potestas in sæcula sæculorum*. Et ratio hoc suadet, quia Christus est Deus, neque assumendo humanitatem debito sibi priuauit honore, sicut Rex, & si vilioribus vestibus induatur, regio tamen est tractandus obsequio. Est ergo difficultas qualiter adoretur, id est, An ipsa adoratio latríæ respiciat in ipso Christo non solum personam diuinam, sed etiam humanam naturam.

Conueniunt omnes Catholici quòd 2. humanitas in Christo reperta debeat adorari adoratione latríæ, est autem inter eos dissidium an hæc sit ipsa quâ adoratur Diuinitas, an alia minor? & si est ipsamet, qualiter hæc respiciat humanitatem. Prima sententia tenet humanitatem Christi Verbo vnitam non adorari eadem adoratione latríæ quâ ipsum Verbum, sed aliâ, quæ etsi latría sit, non tamen ita perfecta, ita Alexand.

3. p. q. 30. art. 2. & 4. p. q. 2. art. 1. ad ultimum. Gabriel in 3. dist. 9. q. 1. art. 2. conclus. 3. Corduba lib. 5. q. 3. Paludanus in 3. dist. 9. q. 1. art. 1. Et probant primò ex Glossa super illud Psal. 98. *Adorate scabellum pedum eius.* vbi ait, *Cara à Verbo Dei assumpta sine impietate adoratur à nobis, quia nemo carnem eius spiritaliter manducat, nisi prius adoret, non illa dico adoratione, qua latría est, qua soli Creatori debetur.* Et Raban citatus ab Alexandro vbi suprà ait: *Non enim adoramus eam* (scilicet humanitatem) *omnino in terra prostrati, nec sacrificamus sicut Deo quia nos ex nihilo creauit, sed quia per ipsam redempti sumus; ideoq; dicitur latría communiquadam significatione.* Et D. Damascenus orat. 1. de imaginibus pag. 5. sic habet: *Non materiam, sed materiam Autorem adoro, qui propter me materiá facius est, & in materia voluit habitare, ut per materiam mihi salutem praberet: materiam verò, per quam mihi salus parata est, colere non desinam, non tamen ut Deum.*

3. Secundò probant, quia latría adoratio soli Deo debetur, ergo propter solum diuinitatem; ergo humanitas, quæ in Christo reperitur, non debet adorari latría, etiamsi vnita sit diuino Verbo. Et confirmatur primò, quia vnio non sufficit ad eandem Dei adorationem prestandam, sicut accidentia, vel vestes quæ sunt in Rege creato non adorantur eadem adoratione, quâ ipse Rex adoratur. Et cõfirmatur secundò, quia vel modò Angelus adorat Verbum in Christo eadem numero adoratione, quâ antequam esset vnitum humanitati adorabat, vel non; si primò ergo humanitas Christi non adoratur latría, quia ante incarnationem neque erat vnita, neque habebat existentiam, si non: inquiri quâ adoretur adoratione? & quæcumque illa sit, non erit latría, quia id, quod additum est, est creatum, licet sit vnitum diuino, propter quod licet sit latría, sed debet esse inferioris & imperfectioris rationis. Et confirmatur tertió, quia propter quod vnumquodque tale, & illud magis, sed humanitas adoratur propter Verbum, ergo magis adoratur Verbum; ergo latría quæ respicit Verbum, est magis perfecta.

4. Secunda sententia docet, quòd humanitas Christi prout vnita Verbo

adoretur eadem adoratione, quâ diuinitas, non tamen per se sicut illa, sed per accidens. ita Durandus in 3. dist. 9. q. 2. Et probat, quia Ecclesiæ Patres asserunt quòd in Christo adoretur humanitas eadem adoratione quâ Deus sicut purpura adoratur simul cum Rege, sed purpura adoratur per accidens, & quod per se adoratur est regia dignitas; ergo humanitas vnita adoratur per accidens eadem adoratione, quâ adoratur Deus: immerito autem reprehenditur hic modus dicendi Durandi ab aliquibus Scholasticis (vt benè aduertit Vasquez disput. 95. cap. 3. n. 15.) quia ipse non ait quòd humanitas vnita sit Verbo per accidens (vt ipsi putant, vel inferunt) sed quòd adoretur per accidens, licet fuerit substantialiter vnita, nam vt constat ex Aristotele 5. Physic. cap. 1. non solum ea dicuntur moueri per accidens motu alterius, quæ illi per accidens sunt coniuncta, vt esse musicum, esse album, &c. sed etiam partes substantiales, quæ illi vnione substantiali adherent; sicut ergo partes mouentur, ita humanitas adoratur.

Tertia sententia defendit quòd humanitas adoretur eadem quâ Deus adoratione, sed de consequenti. ita D. Bonauentura in 3. dist. 9. art. 1. q. 1. ad 5. Ricardus art. 2. q. 1. ad 1. Thomas de Argentina art. 1. Et probant, quia propter vnionem hypostaticam humanitas nobilitatur Verbo. ergo honoratur illo, ergo participare debet honorem Verbi, ergo & adorationem Verbi, sed hæc est latría, ergo illa debet adorari, sed non primario & per se, quia hoc est proprium Dei, ergo de consequenti.

Verior tamen & quarta sententia 6. docet, quòd licet humanitas vnita secundum omnem eius excellentiam non fit ratio propter quam Christus adoretur latría, est tamen terminus seu obiectum quod adorationis latríæ, itaque totus Christus constans ex duplici natura adoratur latría, tamen humanitas vnita non est obiectum per se primarium, quia hoc est Deitas, seu diuinum Verbum, quod est ratio motiua, sed est obiectum per se secundarium, quod ex vi prioris est necessarium terminatiuum. hæc est (licet non ita expressè) sententia Scoti vbi suprà §. de tertio, camque tradunt

tradunt communiter Scholaſtici cum Magiſtro in 3. diſp. 9. Ricardus art. 2. q. 1. Capreolus q. 1. art. 1. conclufione 1. Almainus & Maior q. 1. conclufione 4. Marſilius q. 8. art. 2. conclufione 1. & 2. S. Thomas, Caietanus, & recentiores Thomiſtæ 3. p. q. 25. art. 1. & 2. Vafquez diſp. 95. cap. 2. Suarez ſeſſione 2. Lorca diſp. 88. & ex noſtris Philippus Faber in 3. diſp. 22. cap. 3. Pytiganus diſt. 9. q. vnicâ, art. 5. Ouardus ibidem art. 2. dub. 3. Neque diſſentiunt Auctores ſecundæ & tertiæ ſententiæ, ſed per adorationem per accidens, vel de conſequenti volunt ſignificare id quod nos appellamus per ſe ſecundarium.

7. Probatur primò veritas huius ſententiæ, quæ definita videtur in Concilio Alexandrino in Epiſtola ad Neſtorium quæ eſt 10. inter Epiſtolas Cyrilli, & approbata etiam fuit in Concilio Ephelino, vbi poſt reprehentionem huius Neſtorianæ propoſitionis, *Propter eum qui hominem induit, veneror eum qui indutus eſt*, eo quòd hic modus adorationis Chriſtum diuidit perſonaliter, ſubiunguntur verba iſta, *Sed vnus intelligitur Chriſtus Ieſus, Filius vniſigenitus, qui vnâ adoratione propriâ cum carne adoratur*, & in 8. Anathematismo hoc ipſum definitur, quem explicans Cyrillus in libro declarationum, & in Apologetico ſic ait, *Vt ipſe vnus exiſtens Filius non abſque carne, ſed illâ potius adorandus eſt*. & idem definitur in 5. Synodo Conſtanti-nopolitana collatione 8. cap. 9. ſed ſic eſt, quòd humanitas ſecundum omnem eſſe excellentiam, etiamſi vnita ſit Verbo diuino, non eſt infinita in excellentia ratione ſui, propter quam infinitatem deberet latria; ergo etiamſi humanitas non ſit ratio propter quam Chriſtus adoretur latria, eſt tamen ſecundum præſentat Conciliorum definitiones ipſamet adorabilis latriâ tamquam obiectum per ſe ſecundarium, quia per ſe vnita eſt Verbo.

8. Secundò probatur, nam in Concilio Tridentino ſeſſione 13. cap. 5. & can. 6. ſtatuitur adorandum eſſe Sacramentum Eucharistiæ adoratione latriæ propter diuinitatis præſentiam, ſed diuinitas non minùs, ſed multò magis aſſiſtit in humanitate Chriſti, in qua inhabitat tota diuinitatis plenitudo corporaliter, ſeu realiter, & verè; ergo hu-

manitas Chriſti non minori adoratione adoranda eſt, quàm Eucharistiæ Sacramentum, quod ex Tridentino adoratur latriâ.

Tertiò probatur ex Patribus, nam 9. Damascenus (quem citat Scotus vbi ſuprà) de orthodoxa fide cap. 54. conſtanter docet vnâ adoratione Chriſti carnem cum diuinitate eſſe colendam, & hoc exemplificat in ferro ignito, quod, inquit, *timeo tangere propter ignem coniunctum, atque ſimul fugio ferrum & ignem*. poteſt etiam citari lib. 3. de fide cap. 8. & lib. 4. cap. 3. & orat. 1. de imaginibus. & Athanaſius orat. 5. contra Arrianos ad Adelpium fratrem ait, quòd cum in adoratione Chriſti adoramus Verbum, non ſeponimus aut ſeparamus carnem. & in lib. de Verbi Incarnatione poſt primum ſolum ſic habet, *Et quia increati corpus factum eſt* (ſcilicet corpus Chriſti) *ideo eius corpus dicitur, cuius factum eſt; ac proinde illi ſacra offerimus, adhibetisq; veſtram orationem, caſq; de cauſa reſte legitimaq; adoratione adoratur, & diuinâ adoratione colitur*. & D. Epiphanius in Anchorato poſt folium 7. habet hæc verba, *Adoras Saluatorem incorporatum, aut non adoras? quomodo verò non adoraueris? ſi enim non adorauero, non habeo vitam, Ecce igitur creaturam adoras, ipſum corpus: ingens autem eſt veſania eorum, qui talia dicunt: Nam Rex purpurâ indutus ab omnibus adoratur; numquid ergo purpura adoratur, an Rex? manifeſtum eſt quòd Rex; coadoratur autem cum ipſo ipſa purpura, quam geſtat; vbi autem Rex hanc exiit, & in locum repoſuit, non ampliùs purpura adoratur*. idem docuerunt plures alij Patres Auguſtinus in illud Pſal. 98. *Adorate ſcabbellum pedum eius*, & Caſſiodorus ibidem intelligètes per ſcabbellum ipſam Chriſti humanitatem; quod deſumpſerunt ex Ambroſio lib. 3. de Spiritu ſancto cap. 2. quibus accedit D. Leo in Ser-mone 1. de Aſcenſione.

Quartò denique probatur ratione, 10. quia ad hoc, vt aliquod totum ſecundum omnes ſuas partes per ſe terminet aliquam adorationem, non eſt neceſſarium quòd in omnibus ſuis partibus ſit excellentia, ſeu ratio formalis propter quam tali adoratione reueretur, ſed ſat eſt quòd illi conueniat ſecundum aliquam ſui partem; ergo ad hoc, vt Chriſtus prout dicit perſonam Verbi ſubſiſtente

sistentem in duabus naturis, humana scilicet, & diuina, terminet secundum omnem naturam adorationem latræ, non erit necessarium, quod increata, & & infinita excellentia, quæ est ratio formalis prædictæ terminationis, sit in qualibet eius natura, sed sit crit quod sit in aliqua, scilicet in natura diuina. Antecedens, in quo esse potest difficultas, probatur instantiis manifestis, & prima sit Regis induti purpurâ, quâ vsus est Epiphanius supra, vbi totum adoratur, & sola regia dignitas est ratio formalis adorationis; secunda sit hominis sancti, vel sapientis, vel virtutibus adornati, quâ vsus est Scotus loco citato, vbi totus homo adoratur constans corpore & animâ rationali, & tamen sanctitas, sapientia, virtutes, quæ sunt rationes formales propter quas adoratur, non sunt in corpore, sed in anima.

11. Quod autem adoratio per se primario in Christo terminetur ad Verbum, & per se secundario terminetur ad humanitatem, satis colligitur ex Cœciliis & Patribus supra adductis, dum non absolute dicunt adorari carnem Christi, sed adorari simul cum Verbo, vbi satis indicat, quod propter coniunctionem ad Verbum, quod est ratio adorandi, & consequenter per se primo adoratur, adoretur humanitas per se secundo, hoc enim ipso quod aliquod obiectum terminat actum ratione alterius, cum quo habet vnionem & cōiunctionem, & propter talem vnionem non qualemcumque, sed cum ratione formali, & per se primaria terminat ipsū, dicitur (& merito) terminare per se secundo, sed sic se habet humanitas Christi Verbo diuino vnita; ergo terminat adorationē latræ per se secundo.

12. Ad argumenta primæ sententiæ respondetur. Ad primum respondent Scotus & D. Thomas quod Glossa in illis verbis loquitur de adoratione humanitatis præcisè sumptæ, non de ipsa prout vnita. Addunt Vasquez & Lorta, neque in ipsa Glossa, neque in D. Aug. ex quo desumpta est inueniuntur illa vltima verba, *Non illa dico adoratione, quæ latræ est*, &c. Ad verba Rahani respondetur eodem modo, quod scilicet veniunt intelligenda de humanitate attēta secundum se, non prout vnita. D. autem Damascenus est pro nobis, vt patet ex locis supra adductis: vnde verba, quæ ab Aduersariis adducuntur, scilicet, *Mate-*

Castillo de Incarn. Pars I.

riam verò per quam mihi salus parata est, colere non desinam, non tamen ut Deum, tantum sibi volunt quod humanitas non sit obiectum per se primarium adorationis latræ, sicut est Deus, at non negat quod sit secundarium.

Ad secundum dico, quod latræ adoratio soli Deo debetur tãquam obiecto per se primario, tamen tãquam obiecto secundario etiam debetur humanitati vnitæ. Ad primam confirmationem respondetur, quod licet quilibet vnio non sufficiat ad præstandam adorationem omnibus partibus vnitis vt patet, si vnatur cum Rege ignorantia, vel fatuitas, aut peccatum, ista non adorarentur, quando fieret Regi adoratio, quia non cēsentur partes quasi per se illius, bene tamen sufficit illa vnio quæ vnit in aliquam per se partem illius totius adorabilis, & sic manus, vel pes Regis adoratur & osculatur, quia est per se pars ipsius, & similiter purpura, quia vestis est regia, & ad ostentationem regis dignitatis conducens vt per se moralis pars. Regis adoratur, & ab aliquibus Regibus conceditur vt osculetur in signum adorationis, & sic multo potiori iure humanitas Christi adorabilis est latræ, propterea quod est per se pars Christi in quo est Verbo vnita.

Ad secundam confirmationem dicimus, quod Angelus post Incarnationem adorat diuinum Verbum incarnationem non omnino eodem actu quo antea adorabat, sed aliquo modo diuerso propter nouam extensionem ad humanitatem: hæc tamen diuersitas, quæ ex extensione illi aduenit, non est in ratione sua formali, cum obiectum formale prædictæ adorationis omnino inuariatum maneat, sed in ratione sua materiali, & entitativa, sicut si modò videretur visione beatâ Verbum, & postea propositâ de nouo aliqua creaturâ futurâ, vel possibili ex vi visionis Verbi, per eandem visionem videretur illa creatura.

Ad tertiam confirmationem respondetur dupliciter: primò, quod illud axioma, *propter quod vnum quodque tale, & illud magis* ly & illud magis explicant aliqui, id est, & illud prius; & sic non habet vim consequentia, quia tantum infert, quod prius seu per prius adoretur latræ diuinum Verbum, quàm humanitas. Secundò dico quod licet intelligatur

ut sonat, solum probat quod magis est adorabilis latria diuinum Verbum, quam humanitas sibi vnita, quia hoc habet Verbum tamquam obiectum formale, & per se primum; humanitas vero tantum illud habet tamquam obiectum materiale, & per se secundarium. Quia ergo Auctores secundæ & tertiæ sententiæ id ipsum volūt dicere, quod nos (licet eorum modus loquendi non sit ita aptus, & conueniens, sicut noster) non necesse habemus satisfacere eorum argumentis.

16. In calce huius Questionis obseruandum venit, quod licet aliqui Theologi existimaerint non fuisse ab Ecclesia definitam adorationem latriæ humanitati Christi exhibendam, tamen plures alij cum Vasquez disp. 95. in fine cap. 2. aiunt definitam fuisse, nam sicut Nestorius non solum affirmabat duas in Christo personas, sed etiam duas distinctas adorationes ipsi exhibendas, ita Ecclesia non solum definiuit vnitatem personæ in duabus naturis, sed etiam vnitatem adorationis latriæ vtriusque exhibendam, & hoc videtur probabilius, & colligi ex testimoniis Conciliorum & Patrum adductis in principio questionis.

QVÆSTIO IV.

Vtrum humanitas Christi per se, & præcisa à Verbo diuino possit adorari, & quâ adoratione?

1. **T** Ripliciter potest humanitas considerari per se, & præcisa à Verbo: primò præcisione, & separatione reali, ut si dimitteretur à Verbo, & à Deo cōseruaretur in esse existentiæ. 2. præcisione merà intellectus, quæ subdiuidi potest in vnam, quæ tantum concipiat humanitatem Christi absque eo quod concipiat vñionem vel Verbum, & in aliam, quæ licet totum hoc concipiat, tamen solum attendat ad humanitatem prout nobilitatam denominatione extrinsecâ deificationis, non vero ad ipsam formam extrinsecâ deificatam. 3. denique præcisione voluntatis, quæ licet præcedat in intellectu integra notitia eorum quæ sunt in Christo, potest velle adorare solum humanitatem habente se merè negatiuè circa reliqua alia, quæ intellectus præcognouit, imò & proposuit ad adorandum. Circa primū eodem modo est

philosophandum, ac infra de adoratione reliquiarū, sicut enim reliquæ Sanctorum adorari debēt propter eā quod sunt partes alicuius Sancti, ita & humanitas Christi quia fuisse terminata à Verbo, & ad minus id ipsum quod dixerimus de adoratione crucis, clauorum, & lanceæ propter contactū ad Christū, multo potiori iure dicendum foret tunc de humanitate propter præcedentem vñionem ad Verbum diuinum. Cum autem hæc speculatio sit merè metaphysica, quia numquam humanitas Christi desit esse vnita, non est de ea quæstio, sed de aliis duabus præcisionibus, in quibus prior, & in priori sensu accepta est quæ à Scholasticis præcipuè discutitur: ex cuius decisione facilis erit responsio ad tertiam præcisionem, & ad secundam in secundo sensu acceptam.

Prima ergo sententia sustinet quod humanitas Christi sic per intellectū præcisa nō potest per se seu seorsim adorari nō adorato Verbo, & cōsequenter quod nequit adorari nisi adoratione latriæ. ita Vasquez tom. 1. super 3. p. disp. 96. cap. 2. Lorca disp. 89. Raguza disp. 42. Gaspar Hurt. disp. 20. diff. 12. citantque alios, quos excusat Suarez infra referendus, & probant primò testimoniis Conciliorum & Patrum, quæ adduximus questione præcedenti, in quibus habetur, in adoratione Christi non esse separandum Verbum à carne, neque carnem à Verbo, sed vtrumque simul eadem adoratione latriæ esse venerandum.

Secundò probant, quia humanitas à Verbo præcisa vel adoratur propter deificationem passiuā à Deitate prouenientem extrinsecè, vel adoratur propter excellentiam intrinsecam prouenientem à gratia habituali, & à reliquis virtutibus, & donis supernaturalibus: sed primum nequit esse absque inclusione ipsius Verbi, quia denominatio extrinseca nequit intelligi absque forma extrinseca dominante; neque secundum similitudinem queit esse, tum quia sicut actiones sunt suppositorum, ita & passionēs, & consequenter nequit esse adorabile, nisi suppositum, tum quia quando res est adorabilis superiori titulo, non decet illam priuari excellentiori adoratione, & solum inferiori venerari, fieri valet absque iniuria, sicut si Rex adoraretur vt Comes, vel vt Dux, relicta regali adoratione maiestatis regie propria.

Tertiò

4. Tertio probat in speciali P. Lorca num. 20. ab auctoritate negatiua (quod argumentum in hac parte existimat efficacissimum) quia Ecclesia numquam meminit huius adorationis, quæ solùm ad humanitatem Christi terminaretur sistendo propriis eius intrinsecis excellentiis, neque aliquando illam docuit aut proposuit communitati fidelium, neque inuenitur aliquod illius vestigium in vllò sanctorum Patrum. Neque obstat, si dicas (inquit P. Lorca) idèd Ecclesiam & Patres hanc adorationem omisisse, quia in praxi erat periculosa, propterea quòd daret ansam existimandi Christum esse purum hominem. quia contrà est primò, quòd in actibus externis adorationis non apparet an illa adoratio sit latræ vel hyperdulæ, siquidem prostrationes & genuflexiones, &c. sunt vtrique adorationi communes, & in actibus internis non est talis fallacia vt supponimus; ergo nullum adest periculum præfati erroris; ergo idèd Ecclesia & Patres non meminerunt huius adorationis, quia non decet. Contrà secundò, quia si hæc adoratio deceret, quò magis ex alia parte periculosa esset, eò redderet magis studiosam & sollicitam Ecclesiam, vt doceret modum quo prædicta adoratio fieret sine errore.

5. Secunda tamen & vera sententia affirmat posse humanitatem, quæ de facto vnita est diuino Verbo, secundùm se consideratam adorari ratione gratiæ habitualis, ratione virtutum, & aliorum donorum, quæ in ipsa sunt non adorato diuino Verbo. hanc sententiam tenet Suarez disput. 52. & sect. 3. docet esse omnium Scholasticorum, qui in propriis terminis hanc quæstionem attigerunt Henricus quodlib. 10. quæst. 6. Almainus in 3. dist. 9. q. 1. Paludanus q. 2. & c. sequitur Petrus Hurtado disput. 85. sect. 2. num. 8. & absolutè illam priùs tradidit Scotus in 3. dist. 9. q. vnicà, 1. ad argumenta, vbi super illa verba Psal. 98. *Adorate scabellum pedum eius*, quæ intelliguntur de sola humanitate, & exposuerat Glossa de quadam inferiori adoratione ad adorationem latræ, habet hæc Scotus, *Vel potest exponi (scilicet Glossa) de ipsa carne vt termino adorationis totali, ita quòd ibi sistatur in eius consideratione & adoratione.* admit-
Castillo de Incarn. Pars I.

tit ergo Scotus adorationem carnis, seu humanitatis Christi præcisè sumptæ, inferiorem latræ, quæ totaliter & adæquate terminatur ad ipsam. Scotum sequuntur discipuli, cum quibus Philippus Faber super prædictam distinctionem disp. 22. cap. 4. & Corduba lib. 1. q. 5. dub. 3.

Hæc sententia probatur primò ex 6. D. Damasceno relato à D. Thoma pro hac sua sententia 3. p. q. 25. art. 2. in solutione ad 1. in lib. 4. cap. 3. vbi habet hæc verba, *Carpissus (scilicet Christi) suapte quidem natura, si subtili quiddam cogitatione id, quod in oculis incurrit, ab eo, quod in animo tantum, ac ratione intelligitur, distinxeris, haudquaquam adoranda est (intellige adoratione latræ) vrpote condita; & tunc sic intellecta, vt separatè à diuino Verbo debetur sibi adoratio dulcia, non cuiuscunque, sed cuiusdam excellentioris, quam hyperduliam vocant.* quid clariùs posset pro hac adduci sententia? nam Damascenus expressè cõcedit humanitati præcisè adorationem hyperdulæ, & illi negat latræ. Et cõfirmatur ex testimonio Glossæ suprà relato (quod nos adduximus q. 3. in principio) & illud non negauerunt, sed potiùs admiserunt tam Scotus, quàm S. Thomas, & explicauerunt de adoratione humanitatis præcisæ, subintellectæ pro scabello in illis verbis, *adorate scabellum pedum eius*, sed dicit fore adorandam adoratione quæ non sit latræ, quia hæc debetur Creatori. ergo, &c.

Secundò probatur ratione, nam prædicta præcisio neque est contra fidem, neque contra bonos mores; ergo neque adoratio subsecuta. Antecedens patet, quia intellectus præscindens humanitatem à Verbo, non negat humanitatem esse vnitam Verbo, neque negat illi deberi adorationem latræ: quando concipiatur coniuncta cum Verbo, siquidem iuxta vulgare Philosophorum proloquium *abstrahentium non est mendacium*; ergo talis præcisio non est cõtra fidem. Præterea id non est contra bonos mores, quod non negat aliquid debitum bonis moribus, sed qui sic præscindit humanitatem à Verbo, & ab vnione nõ negat aliquid debitum bonis moribus, quia nõ negat adorationem latræ debitam humanitati prout vnitæ; ergo prædicta præcisio non est cõtra bonos mores. 7.
I i i 2 Confes-

Consequentia probatur, quia tunc adoratio subsecuta nihil continet contra fidem, neque contra bonos mores, quando subsequitur ad actum intellectus proponentem obiectum honestum, nihilque contra prædicta continens, sed humanitas Christi ornata tum gratiâ habitibus, tum virtutibus in heroico gradu, tum donis omnibus supernaturalibus & naturalibus est obiectum honestum ad adorationem, dignumque ut in notam & signum tantæ tamque supremæ excellentiæ quælibet creatura se submittat, & ut sic proponitur à tali actu præfinito; ergo adoratio ad ipsum subsecuta nihil continet contra fidem, neque contra bonos mores.

8. Tertiò probatur à simili de amore & laude: si quis enim humanitatem Christi præcisam à diuino Verbo consideraret, cõtemplando illam ut quamdam naturam rationalem sanctissimam, & purissimam, & summâ quâdam dignitate acceptam, potest illam ut sic amare, & summis laudibus extollere: qui amor, & quæ laus erant rectissima, etsi propter ipsa non attingatur diuinum Verbum, ergo eodem pacto poterimus rectissime, & absque vilo inconuenienti adorare Christi humanitatem, ut sic præcisam à Verbo, ipso Verbo non adorato.

9. Respondent aliqui, aliam esse rationem adorationis, & aliam amoris, seu laudis, nam adoratio exhibet notam submissionis, attendendo ad excellentiam rei adoratæ, & idè ut dignè fiat, semper debet attendi summa excellentia: amor verò & laus solum sunt vel prosecutio obiecti, vel prædicatio quædam dignitatis alterius, & non semper est necessarium aliquem prosequi, aut laudibus extollere, attendendo ad summam illius excellentiam, sed aliquando etiam res minima laudatur. Sed contrà primò, quia non minùs attenditur in amore ad bonitatem obiecti, & in laude ad excellentiam illius, quàm in adoratione, siquidem propter tales amatur & laudatur, at in istis non est necesse attendere ad maiorem, neque est indecentia laudare minorem virtutem relictâ maiori, quia ex primo non sequitur negatio secundi; ergo neque in adoratione. Secundò, quia ex responsione data sit fortius pro nobis argumentum,

quod sic formo: Adoratio debet attendere ad maiorem excellentiam obiecti adorati. ergo potest videri etiam in praxi circa minorem. Probo cõsequentiam, quia si adoratio, ut diximus quæstione 1. est bona propria reputare parua respectu honorum illius, quæm reueretur, cuius bona reputat magna. eo ipso quod quis se submittit in notam & signum quoddam propria excellentia est parua respectu excellentiæ alterius, quo hæc est inferior, & non ex supremis, quas adoratus habet, magis ipsum superexaltat, & extollit; ergo non minus est excellentia minor obiectum adorationis, quàm amoris & laudis. quare præfata solutio effugium visum fuit Suariorum.

Ad argumenta respondetur, & ad 10. primum dicimus quod testimonia Conciliorum & Patrum ibi adiecta solum militant contra errorem Nestorianum diuidentem in Christo personas, & consequenter negantem adorationem patriæ Christo ut homini, quia non fitebatur humanitatem vnitam substantialiter diuino Verbo, non verò contra nos, qui non negamus talem vnionem, sed solum per intellectum præscindentes humanitatem cum suis omnibus donis ab vnione Verbi, dicimus ut sic debere adorari & non patriâ, sed hyperduliâ propter supremam sanctitudinem. vnde hoc benè vidit P. Lorca supra relatus, quem postea aliquid fuit secutus Gaspar Hurtado, qui tantam admittit prædicta testimonia ad maiorem congruentiam adorationis, & ut non denotetur error, non autem quia sint ex intentione contra nostram sententiam, ut vult solitâ procacitate Vasquez, sollicitè curans interpretari locutiones hæreticorum, ut damnent sententias Catholicorum, ut patet in pluribus testimoniis ex his quæ adducit, quorum locutiones sunt in concreto, ut expressè damnent Nestorium sumentem humanitatem in concreto, ut diuersas in Christo constituat personas diuersâ adoratione adorandas, & ipse ait fore accipiendas in abstracto; sic fecit de illo Anathematismo 8. Cyrilli, vbi damnatur ille modus loquendi, *Assumptum hominem vnâ cum Verbo adorandum, & glorificandum*; & ut Vasquez condemnet sententiam nostram dicit quod *ly hominem* debet sumi pro huma-

humanitate in abstracto, cum tamen talis modus loquendi damnetur, quia sumptu homini se in concreto, & communem cum ly *unam cum Verbo*, significat duplicem personam.

11. Ad secundum respondeo quod humanitas adoratur propter bonitatem intrinsecam proueniētem à gratia, &c. nec esse obiectum adorationis censetur aliqua passio ex his quæ denominatiue sunt suppositorum, sicut actiones, nam sicut potest intelligi humanitas per præcisionem absque eo quod concipiatur suppositum, ita & potest amari, laudari, & adorari: nec similiter obstat excellentia superior, quia nulla est indecentia quod per præcisionem relinquatur, siquidem non negatur: imò talis adoratio sæpe contingit Regibus, ut Hispaniarum Regi, qui in Fladria adoratur ut Comes, & in Biscaya ut dominus, &c. Notanter autem dixi in hac solutione quod humanitas adoratur propter bonitatem intrinsecam, quia reputo omnino falsum id quod Lorcanum. 11. & Hurtado num. 41. existimant scilicet quod possit adorari propter deificationem extrinsecam non adorata ipsa Deitate, & scilicet quia est forma extrinseca. Nam contra est quod denominatio extrinseca in quantum talis ita intrinsecè inuoluit & includit in suo conceptu essentiali ipsam formam extrinsecam, sicut denominatio intrinseca ipsam formam intrinsecam, sed hæc nequit præcindi à sua forma; ergo neque illa. Et confirmatur, quia quod columna dicatur dextera, nequit intelligi nisi per ordinem ad dexteritatem existentem in animali, sed hoc modo dicitur humanitas Christi deificatus ergo, &c. quod autem dicunt aliqui, quod denominatio extrinseca sumitur à quodam respectu rationis, & non ab ipsa forma, falsum est, quia prædictus respectus rationis fingitur ab intellectu quasi forma inherens in denominato; & consequenter propter eum denominationi non est extrinseca, sed intrinseca.

12. Ad tertium iam patet falsitas auctoritatis negatiuæ, quam pro se adducit Lorca, siquidem sententia nostra tot grauissimis & antiquissimis Theologis fuit plausibilis, insuper Ecclesiæ Patribus, præcipuè D. Damasceno & Glof-

sæ; quod autem Ecclesia ex professione eam non docuerit, prouenit ex triplici causa: prima, quia hanc adorationem debere humanitati Christi manifestissimum est etiam hæreticis: secunda, quia cum ipsi humanitati propter vnionem ad Verbum debetur illa maior adoratio, quæ est latræ, non opus fuit Ecclesiæ hanc minorem adstruere, sed supponere, & ad maiorem (ut æquum est) applicare fideles: tertia, quia propter errorem Nestorij sollicitantis adorationem singularem humanitati tamquam supposititaliter & personaliter distinctæ à Verbo, fuit Ecclesiæ necessarium hanc adorationem præcludere, ne foret insipientibus occasio errandi cum Nestorio, qui error etiam si merè internus foret, debuit ab Ecclesia præcaueri, neque est necessarium quod Ecclesia specialiter doceat hanc præcautionem vtenibus sensu præcisiu, siquidem Scholastici hoc faciunt, neque ea indigent qui vtuntur præcissione, quandoquidem error esset in negatione vnionis hypostaticæ, & in negatione adorationis latræ propter illam, non autem est error in præcissione.

13. Ex his debet inferri primò quid tenendum sit circa tertium sensum huius quæstionis, licimus enim quod etiam si voluntas supponat cognitionem eorum omnium quæ sunt in humanitate Christi, potest optime habere se merè negatiue in aliqua adoratione circa vnionem, & circa Verbum diuinum, adorando solum humanitatem prout ornatam gratiâ habituali, & reliquis donis, siquidem in hoc nulla apparet repugnantia, neque indecentia ut probauimus; imò hoc sæpe contingit in meditatione, & compassione, & adoratione plagarum Christi, flagellorum, & crucifixionis absque expressa habitudine ad Verbum, sed solum ad humanitatem patientem & sufferentem, licet postea in aliis adorationibus possit voluntas totum quod præcognouit adorare.

14. Secundò debet inferri quid tenendum sit circa secundum sensum secundo modo acceptum, nam ut patet ex solutione ad secundum argumentum, nequit humanitas cognosci ut deificata, & non cognoscere ipsam Deitatem deificantem, & consequenter nequit adorari quin ipsa Deitas adoretur:

neque obstat quod aliqui dicunt, scilicet quoddam ratio adorandi non adoratur *ut quod*, tum quia hoc tantum probat quoddam non adoretur ut terminus adorationis, tamen non probat quoddam ipsa humanitas adoretur adoratione minori quam latría, tum quia licet verum sit, quoddam ratio *qua*, seu obiectum formale *quo*, comparatum cum obiecto materiali vel formali *quod*, non dicatur terminus adorationis, non est quia non adoretur, & terminet actum adorationis, sed quia ipsum non habet solum hoc, sicut illud habet obiectum materiale, sed etiam habet quoddam sit formale, & ratio *qua* tamen nihil magis videtur in pariete viso quam color, nam *propter quod unumquodque tale, & illud magis*, ita nihil magis adoratur in humanitate vinita seu deificata quam Deitas, & cōsequenter humanitas prout deificata non potest præcisiuè & line Verbo adorari.

15. Tertiò denique debet inferri, quoddam adoratio debita humanitati Christi sic præcisè est hyperdulia, quæ est eiusdem rationis, seu speciei cum adoratione dulciæ, sicut sunt eiusdem speciei gratia habitualis, & reliqua dona creata, quæ sunt excellentiæ in quibus fundantur, solum inter eas est differentia materialis, & propter supremum & heroicum gradum, quem habent gratia habitualis, & reliqua dona Christi comparata cum eis quæ sunt in reliquis, qui adorantur dulciæ: communiter vocatur *hyperdulia*, adoratio humanitati Christi debita propter prædictas excellentias; & notanter dico, *propter prædictas excellentias*, quia propter beneficium redemptionis prout exhibet à Christo Domino debetur adoratio latríæ, nam inuoluit secum valorem deriuatum à persona diuina, cui talis adoratio debetur, quod si de potentia absolute fieret ab homine puro, hyperdulia: adoratio sufficeret, nam ex partibus latría solum debetur Creatori.

QVÆSTIO V.

De adoratione eorum qua specialiter referuntur ad Christum.

1. Non quærimus in præsentí de his omnibus quæ communem habent respectum ad Christum scilicet

vel ut Dominum, vel ut Deum, vel ut redemptorem, vel ut auxiliatorem, &c. nam hæc quæ communia sunt ad Tractatum de Adoratione in communi remittimus, sed solum agimus de eis quæ specialiter referuntur ad ipsum, ut exactè examinemus adorationem in ipsi Christo debitam: hæc autem ad quatuor reducenda veniunt, scilicet ad adorationem Virginis Mariæ prout matris Dei, nominis IESV, Crucis in qua pependit, & imaginis ipsius Christi: sed ut distinctè procedamus, oportet Quæstionem diuidere in Partes.

PARS PRIMA.

Quæ adoratione Virgo Maria est adoranda ut mater Christi?

MAximè reprehendunt hæretici nostri temporis (ut refert Canisius ino. 5. de Beata Virgine à cap. 11.) cultum sacrum, quem Ecclesia Catholica defert Virgini, sed in oppositum Catholici maximè illum commendant, & adorandam fore affirmant adoratione sacra maiori, quam ciuili, ut generaliter de Sanctis (quorum omnium copulatiuè ipsa est sanctissima) definitur in 7. Synodo actione 2. & 3. & 4. & 7. & in Tridentino sessione 25. in decreto de veneratione Sanctorum, & constat ex traditione & vsu Ecclesiæ; & loquendo de Virgine in speciali docuerunt Nazianzenus in suis carminibus, Athanasius sermone in Euangelia de sanctissima Virgine, Augustinus sermone 35. de Sanctis, Damascenus 4. de Fide cap. 15. Petrus Diaconus sermone 1. de Natiuitate B. Mariæ, Bernardus sermone 1. de Assumptione, Anselmus opusculo de Excellentia B. Virginis, Gregorius in Epistola ad Germ. circa finem, & plures alij Patres, quos referunt Vasquez disp. 99. cap. 1. & Raguza disp. 43. Suarez tom. 2. disput. 22. & Lorca disp. 96.

Id autem quod obiciunt hæretici ex Epiphanio hæresi 78. & 79. reprehendente mulierculas quasdam, quia Virgini tortam panis offerebant, non est ad rem, quia Epiphanius ibi non eas reprehendit præcisè propter oblationem, sed quia offerebant tortam illam

In sacrificium, in quo deficiebant primò, quia sibi vsurpabatur officium Sacerdotis; secundò, quia sacrificium, quod soli Deo potest offerri, offerebant Virgini; tertio, quia offerebant sacrificium, quod in lege Euangelica prohibitum est, quapropter meritò reprehensione dignæ fuerunt.

4. His suppositis non agimus in præfenti de adoratione debita Virgini propter propriam & intrinsecam ipsius excellentiam: de hac enim loquentes Scholastici, ingemùs fatentur debitam esse dulia, & non qualemcumque, sed excellentissimam, quam *hyperdulia* vocant propter excellentissimam eius sanctitatem (& sicut hanc prope summam Scortisæ vocant, quia absolute summam humanitati Christi Domini attribuant, ita & hyperdulia prope summam debitam Virgini fatentur) ita Scortus in 3. dist. 9. q. vnicâ, *s. quantum ad istum articulum, vers. alia dua, infra litteram G. S. Thomas 3. p. q. 25. art. 5. sequunturque vtriusque discipuli. sed agimus in præfenti de adoratione debita sanctissimæ Virgini propter dignitatem Matris Christi.*

5. Prima sententia docet, quòd ei debeat adoratio latriæ. ita tenent Recentiores aliqui, & probant primò, quia quamvis dignitas Matris Dei sit creata, dicit tamen ordinem ad Christum, in quo est dignitas increata: secundò, quia Mater Regis eadem virtute obseruantiz, & eadem adoratione adoratur, quâ adoratur Rex, sed beatissima Virgo propter dignitatem maternitatis consecuta est dignitatem Reginæ hominum, & Angelorum, iuxta illud Ecclesiæ, *Aue Regina calorum, aue Domina Angelorum*, &c. ergo eadem adoratione latriæ, quâ Christus Rex regum, & Dominus dominantium, debet adorari.

6. Secunda sententia tenet tantum esse adorandam adoratione dulia: ita Suarez vbi supra sect. 2. Lorca loco citato, Vasquez disp. 100. Ragusa disp. 44. Gaspar Hurtado diff. 10. est autem inter hos dissidium an dulia propter maternitatis titulum debita debeat esse maior, quam illa, quæ debita est propter sanctitatem? affirmat Ragusa propter maximam huius dignitatis excellentiam. negat Hurtado cum alijs, propterea quòd D. Augustinus tract. 10.

in Ioannem dixerit, quòd *beatior fuit Maria concipiendo fidem Christi, quam carnem Christi*. quod deduxit ex illo Lucæ 11. *Quinimò beati qui audiunt verbum Dei, & custodiunt illud*. Augustinum imitati sunt Iustinus q. 136. ad Orthodoxos, & Cyprianus sermone de Passione Domini.

Id autem, in quo Auctores isti conueniunt, probant primò, quia relatio maternitatis Dei, etsi habeat pro termino aliquid increatum, est tamen in se aliquid creatum, & finitum, sed adoratio latriæ respicit per se perfectionem increatam, & infinitam in se; ergo nequit Virgo Maria, in quantum ornata est relatione maternitatis Dei, venerari adoratione latriæ. Secundò, quia alias sequeretur quòd etiam Sancti forent adorandi adoratione latriæ, quia in quantum sunt amici Dei, dicunt relationem ad ipsum, & vt sic venerantur, sed hoc est falsum, vt patet, ergo propterea quòd beatissima Virgo dicat relationem maternitatis ad Deum, non est illi debita talis adoratio.

Inquirunt deinde Auctores huius sententiæ, quâ adoratione sit adoranda B. Virgo ob contactum, quo Christum tetigit gestando in vtero, lactando, &c. Et respondent esse adorandam adoratione latriæ multo potiori ratione, quàm crux, clauis, spinæ & lanceæ, quæ propter talem contactum hac adoratione adorantur. Disputant tamen an hoc tantum sit verum loquendo metaphysicè, & merè speculatiuè; an autem congruat ipsam propter hoc practicè & in vsu adorare adoratione latriæ? Et respondent solum esse verum speculatiuè loquendo, quia absque irreuerentia & incongruentia nequit adorari latriâ in vsu & in praxi, propterea quòd Virgo habet in se proprias excellentias propriæ sanctitatis & maternitatis propter se adorabiles, quod magis decens est ipsi, quàm adorari ob alienas, sicut adoratur lignum crucis, &c.

Sed vt nostram proferamus sententiam, in memoriam reuocanda sunt ea, quæ diximus disp. 9. q. 6. vbi loquendo de maternitate Virginis diximus, quòd potest sumi dupliciter: primò, prout est quædam relatio ad Christum vt primò productum terminata, quâ ratione sumitur scholastico modo. Secundò,

cundò, sumi potest pro omni eo quod præstitit vt mater. hec numero mulier, quia scilicet non solum genuit Christum, sed etiam perfecit omnia munia & obsequia matris, nam ad esse matrem scholastico modo loquendo sufficeret, quòd per generationem daret Christo primum esse, quo accepto statim poterat extrahi à Deo, & non portari per nouem menses in vtero, tradi alicui nutrici, & non lactari à Virgine, &c. perficere ergo beatissimam Virginem Mariam his omnibus primam Christi generationem, est quoddam genus maternitatis, quod etiam maternitas communiter appellatur. Dissert autem prima maternitas ab hac posteriori, quòd prima tantum respicit Christum vt terminum relationis maternitatis, quæ habet pro conditione *genuisse*, & est relatio spectans ad secundum genus relationalium ex his quæ numerauit Aristoteles in prædicamento relationis: secunda verò vltra hoc addit relationem continentis ad contentum, & perficientis ad perfectum. quod totum duplici exemplo declaro. primum accipio ex rebus materialibus, nam alio modo attenditur arbor, quæ primò produxit fructum à se iam extractum, ac attenditur cum fructu pendendi. secundum accipio ex spiritualibus, quia alio modo auscultatur Ecclesia, seu templum habens sanctissimum Eucharistia: Sacramentum, & alio modo habemus, quæ illud habuit aliquando, propterea quòd fuerit celebratum sacrificium Missæ, in vno enim casu non attenditur relatio continentis ad contentum, sicut in alio; sic ergo contingit in hoc duplici genere maternitatis Christi.

10. His ergo suppositis in concordiam reuoco quæ Auctores vtriusque sententiæ docent. Et sic dico primò, Si maternitas Christi accipitur prout accipitur scholastico modo, scilicet pro relatione producentis, quæ fundatur super *genuisse*, & terminatur ad Christum vt primò productum, non est adoranda adoratione latriæ. Et hoc probant argumenta adducta pro secunda sententia: nam Christus non attenditur, nisi vt merus terminus extrinsecus illius relationis. Si autem quæras, quâ adoratione debeat adorari? Respondendo, quòd sicut maternitatis Dei

titulus singularis est excellentia in nulla alia creatura inuenta, ita singulari debet adoratione adorari, distincta à reliquis, quam ego *latrhyperdulia* appellarem, quia ex hyperdulia habet excellentiam maximam; & ex latria, quòd per se respiciat Deum pro termino. Neque obstant quæ ex Euangelio, & ex Augustino adducuntur, quia ibi loquitur Christus (loquendo cum muliere laudante suam matrem, & in hoc prædicando turbis, quod ipsis addiscere oportebat) de beatitudine meritoria, quæ ad vitam æternam conducit, ad quam magis conducit, concipere fidem viam Christi (vt explicuit Augustinus) quàm carnem Christi, hæc enim conceptio possit stare cum peccato, nisi priuilegiis præcaueretur, non autem illa: vnde meritò dixit Christus, *Quinimò beati qui audiunt verbum Dei, & custodiunt illud.*

Dico secundò: Si maternitas accipitur secundo modo, prout scilicet etiam includit relationem continentis ad contentum, debetur Virgini propter ipsam adoratio latriæ. hanc conclusionem nequibunt negare, qui propter solum contactum ad Christum illam Virgini concedunt. Eam autem probò primò, quia humanitas Christi idèd propter vnionem hypostaticam est adorabilis adoratione latriæ, quia in se verè & realiter continet diuinum Verbum, cui talis debetur adoratio: sed si beatissima Virgo attendatur vt mater hoc secundo modo, habet continentiam realem diuini Verbi, & verè & realiter ipsum gestat, & augetur in vtero, & lactat vberibus, &c. ergo propter hanc maternitatem (quæ vulgò sic appellatur) ei debetur adoratio latriæ. Et confirmatur, quia cruci quatenus ab ea Christus pendet, debetur hæc adoratio; ergo & Virgini prædicto modo acceptæ.

Secundò probatur eisdem exemplis 12. suprà adductis, quia excellentiori estimatione antefertur arbor cum fructu pendenti, quàm ipsa, à qua fructus fuit præcisus, & similiter maiori veneratione venerari debet Ecclesia, quæ sanctissimi Eucharistia: Sacramenti nobilitatur præsentia, quàm illa, quæ ipsum aliquando habuit, & totum hoc non aliâ ratione, quàm ratione continentia,

sententiæ, fructus, & Sacramenti, sed quæ pulcherrima vitis cum racemo pendenti comparari queit cum beatissima Virgine cum puerulo suo pendenti ab vberibus? quæ honorabilior Ecclesia cum sanctissimo Eucharistiæ Sacramento nobilitata anteponi debet Mariæ prægnanti? cum ergo hæc secunda Virginis maternitas hanc ei tribuat continentiam, similiter tribuere debet & honorem, ac supra adorationem maiorem, quàm hyperduliam, debitam propter maternitatem priorem scholastico modo acceptam, non est alia, quàm adoratio latriæ, præcipuè si in excellentia, propter quam fit adoratio, inuoluatur Creator, vt contingit in præfenti; ergo propter hoc secundum genus maternitatis debetur Virgini Mariæ adoratio latriæ.

13. Ad argumenta primæ sententiæ, quatenus oppugnant primam conclusionem, respondeo. Et ad primum dico, quòd non sufficit relatio ad aliquid increatum, si ipsum increatum non intrat tamquam contentum in ratione moriua adorationis, & idè licet terminus maternitatis Virginis sit Deus, cum tamen in relatione maternitatis Dei scholastico modo acceptæ non intret in recto, & vt quid contentum, sed tantum in obliquo non est ratio adorationis latriæ, sed sola ratio adorationis est ipsa formalis relatio maternitatis.

14. Ad secundum respondetur, quòd in humanis dignitas Regis, & dignitas Reginæ sunt eiusdem ordinis, & nihil per se respiciunt increatum, & consequenter adoratio regalis est participabilis à Regina, sed aliquali minori adoratione; tamen in nostro casu excellentia diuinitatis comparata cum dignitate maternitatis non sunt eiusdem ordinis, quia vna formaliter est creata, alia formaliter increata, & sic adorationes secutæ sunt diuersæ rationis; licet autem sint diuersæ rationis, sed hoc sufficit, vt meritò adoretur vt Regina hominum & Angelorum, ni velis quòd hanc appellationem completè habeat Virgo per maternitatem secundo modo dictam, & propter eam habeat adorationem latriæ, quæ debita est summo Regi Christo.

15. Argumenta secundæ sententiæ solum militant contra primum genus

Castillo de Incarn. Pars I.

maternitatis, quia contra secundum non impugnant continentiam, quam supra priorem relationem imponimus, neque præcisè ratione contactus concedimus adorationem latriæ, vt ipsi faciunt, sed etiam ratione prædictæ continentie. Et si obicias, quòd continentia hæc tantum habet pro termino Christum, scilicet relatio maternitatis; ergo sicut hæc non præstat adorationem latriæ, ita neque relatio continentie. Respondeo disparrem esse rationem inter hæc relationes, nam maternitas, cum sit relatio fundata in causa efficiendi, & terminata ad effectum productum, hoc ipso refert causam ad effectum tamquam ad aliquid extra se, nam per hoc distinguitur causa efficiens à materiali & formali, quòd istæ remanent intra effectum, secus illa; relatio verò continentie licet respiciat terminum sicut ceteræ relationes, tamen denotat ipsum esse intra continentem vt continentem, & sic nequit continens secundum hanc rationem adorari, quia adoretur contentum.

Si autem quæras, An Virgo debeat in praxi & visu adorari hac adoratione latriæ, supposito quòd in se habet propter propriam excellentiam adorationem propriam? an autem id dicat indecentiam? Dico quòd numquam venit in mentem exilitmare quòd beatissima Virgo designaretur haberi vt perfectissima Dei mater; imò potius Lucæ 1. ait de se, *Ecce enim ex hoc beatam me dicent omnes generationes, quia fecit mihi magna qui potens est, &c.* Neque incongruum iudicauim Reginam adorari adoratione regali, si capax est illius, vt contingit in præfenti vt probauimus. præterquam quòd sicut adoratio latriæ, quam humanitas Christi propter vnionem ad Verbum diuinum exigit, non tollit adorationem summæ hyperdulie debitam ipsi humanitati præcisè sumptæ, aut è contrà, vt supra diximus questione 4. ita neque adoratio latriæ debita Virgini propter munus maternitatis secundo modo acceptum auferet adorationem hyperdulie propè summam debitam Virgini propter propriam ipsius gratiam propè summam, neque auferet adorationem lathyperdulie debitam

K k k

debitam propter maternitatem primo modo acceptam, aut è contrâ, quidquid sit de adoratione latriæ ratione contactus.

PARS SECVNDA.

Quomodo adorandum sit nomen IESVS?

17. **N**omen hoc siue scriptum, siue prolatum esse adorandum, propter excellentiam Christi, quem significat, prius prædicarunt, & postea acerrimè propugnarunt noster S. Bernardinus de Sena, & B. Ioannes de Capistrano coram Martino V. anno Domini 1425. vt latè refertur in nostris Chronicis 3. p. lib. 1. cap. 45. & 46. in cuius veritatis confirmationem exiit statim ab ipso decretum, vt processione solemnè manifestaretur, & præceptum vt populis prædicaretur, deindeque solidissimis aliis fundamentis veritas hæc stabilita est, quare solum quærimus quomodo sit adorandum?

18. Scotus lib. 2. de Iustitia & iure q. 4. art. 2. & Corduba lib. 1. q. 5. dub. 4. art. 2. ad primam cōfirmationem septimi argumenti docent non esse adorandum adoratione propriâ, & quæ ad ipsum nomen terminetur, sed solum dici posse adorari abusuè, quatenus scilicet excitat in nobis memoriam Christi, quem significat, & sic eo audito statim adoratur, non nomen, sed Christus. Fundamentum est, quia eodem modo debet adorari nomen alicuius, ac imago illius, sed imago tantum potest adorari abusuè; ergo.

19. Dicendum tamen nobis est cum communi sententia, quodd nomen IESVS (& idem est de aliis sacris nominibus) siue scriptum, siue prolatum, est per se adorandum, eodem prorsus modo, quo adorari potest imago: vnde si hæc queit adorari non solum cum prototypo, sed etiam propter se, quia per se refertur ad prototypum (de qua difficultate agemus Parte 4.) ita nomen hoc poterit adorari non solum cum Christo Domino, quem significat, & quem omnes Catholici adorant adoratione latriæ, sed etiam propter Christum, quem significat, & sic aliquâ adoratione equali vel minori secundum diuersas senten-

tias. hanc conclusionem docuit D. Thomas opusc. 60. art. 6.

Hæc conclusio probatur primò ex illo Pauli ad Philip. 2. *In nomine IESV omne genu flectatur*, &c. Præterea D. Irenæus lib. 4. contra Hæreses cap. 36. habet hæc verba, *Nomen IESV per vniuersum mundum glorificatur in Ecclesia*. si ergo ipsum nomen glorificatur, & ad ipsum prolatum sit genuflexio, ergo non abusuè, sed propriè & verè adoratur. patet consequentia, nam quod abusuè adoratur non glorificatur, sed quod glorificatur est illud solum quod significatur, non ipsum nomen significans.

Secundò probatur, nam in 7. Synodo Liber Euangeliorum adorandus dicitur, non aliâ ratione, nisi quia in eo sunt scripta sacra nomina; ergo nomini IESV scripto debita est adoratio: sed non minus est debita prolato, nam vt dicitur in 8. Synodo can. 3. *que in syllabis sermo & Scriptura prædicat, & commendat*. Tertiò probatur ratione, quia illud per se & propriè adoratur, & non abusuè, quod per se repræsentat illud quod debet adorari, sed nomen IESV siue scriptum siue prolatum repræsentat propter suam significationem Saluatorem Christum, qui debet adorari, imò & adoratione latriæ, vt supra ostendimus; ergo, &c. Maior est ex professo probanda inferius Parte quartâ, dum agamus de adoratione debita imagini Christi Domini.

Et si inquiras, quænam adoratio debita sit nomini IESV? an latriæ? an alia? Respondeo, quodd sicut cum imago adoratur cum prototypo, eadem est adoratio quæ datur imagini, ac ea quæ datur prototypo, imò tunc vnica, & eadem numero est adoratio, quæ prototypum respicit tamquam formam, seu tamquam rationem formalem adorandi, & imaginem respicit tamquam materiam, seu tamquam terminum, præcisè in ratione termini; ita cum nomen IESV adoratur simul & vnica adoratione cum prototypo, tunc adoratur adoratione latriæ, sicut ipse prototypus. Difficultas autem est, An quando imago adoratur, vt imago est, & propter habitudinem, quam dicit ad prototypum in ratione repræsentata.

sentationis, seu significationis illius, debeat illi aliqua adoratio, & qualis sit? à qua difficultate modò superfedeo, quia commodius disputabitur ibi: sed quod dicendum fuerit de imagine, idiplum reputa verum: de nomine Iesv interim dico, quòd ad minus aliqua virtutis obseruantia debetur adoratio.

PARS TERTIA.

An crux Christi Domini debeat adorari?

23. Circa crucis Christi adorationem non solum errarunt hæretici, qui debitam negant imaginibus, & Sanctorum reliquiis adorationem, sed Armenij, qui crucem rem immundam, & indignam adoratione putabant, nisi prius mundaretur, & speciali ceremoniâ cultui dedicaretur diuino, & idèd cruce prius lababant, & postea sanguine sacrificij ungebant, & clauum in ea figebant, & postea alterum ab altero lignum separabant, & his peractis eam adorabant, teste Eugenio in Monopolia tit. 20. cap. 14.

24. Sed quàm superstitiosa sint omnia ista, satis manifestè apparet, nam crux vt representat nobis Christum in ea extensum, non quòd immundum, sed quid sacrum est, neque ad istam representationem, propter quam debita est adoratio, necessaria est aliqua ablutio, aut vnctio, aut clauifixio, neque separatio vnus ligni ab alio; imò eo ipso quòd vnum lignum ab alio separaretur, non manet in eo ratio imaginis & representationis Christi Domini in ea extensi.

25. Hæretici ergo, qui cruci negant deberi adorationem, probant primò, quia fuit Christo instrumentum doloris, & mortis, ergo à Christianis non debet haberi in honorem. patet consequentia, quia Filius non honorat patribulum, in quo Pater suspensus obiit. Secundo, quia si crux est adoranda, quia fuit figura crucis Christi, in qua fuit mortuus, ergo etiam omnes lanceæ adorandæ sunt, quia latus Christi fuit apertum lancea. Tertiò, si ipsa Christi crux, & alia instrumenta passionis ipsius sunt adoranda, quia Chri-

Castillo de Incarn. Pars I.

stus tetigerunt; ergo etiam labia Iudæ sunt adoranda, quia Christum osculata sunt: sed hæc omnia incongruentiam præ se ferunt; ergo, &c.

Sed pro dicendis nota, quòd duobus 26. modis potest considerari crux Christi. primò, in quantum nobis representat Christum crucifixum, quòd quidem reperitur in quacumque mundi cruce ad hunc finem instituta, quòd notanter dixi propter latronum cruces ad dexteram, & ad sinistram Christi crucifixorum, quæ prout ipsorum sunt, non sunt institutæ ad representandam crucem Christi, & sic in montibus Caluariis positæ non debent vt crux Christi in medio posita adorari. Secundo, in quantum crux Christi habuit contactum ad corpus ipsius, & eius pretiosissimo sanguine fuit aspersa, quâ ratione in sola illa cruce Christi Domini hoc fuit repertum, cuius reliquiæ seu particulæ communiter *lignum crucis* appellantur.

Quo supposito dico primò tamquam 27. de fide certum, quòd quæcumq; crux ex quacumque materia fabricata, si consideretur vt representat Christum Dominum crucifixum, est adoranda: ita de cruce, quæ figura est crucis, in qua Christus pependit, definitum est in 7. Synodo, actione 7. quod tradunt plurimi Ecclesiæ Patres, quos late referunt Vasquez disp. 111. & Ragusa disp. 54. Et ratione probatur, quia crux in hac acceptione nihil est aliud, quàm quædam imago Christi crucifixi: sed imago adorari debet, si prototypus debeat adorari. ergo cum Christus Dominus meritò debeat adorari, ita & quælibet crux ad hoc instituta ex quacumque sit fabricata materia, debet adorari. Quòd si quælibet hoc modo accepta crux debet adorari eâ adoratione quâ adoratur imago, quantò magis hoc erit verum de ipsa cruce in qua Christus pependit?

Dico secundo: Crux Christi, & quælibet eius particula (quæ lignum crucis nominatur) propter contactum, quem habuit ad corpus Christi Domini, & propter eius pretiosissimi sanguinis asperisionem non quælibet, sed solum illa est adoranda, in qua ipsemet Christus pependit. patet, quia illa sola habuit hunc contactum, & sic adoranda

Kkk 2 venit

venit speciali adoratione contactui debita, & quasi ipsius reliquia Christi, quem tetigit, & consequenter eâ adoratione quâ adoratur Christus, quia reliquia eâ adoratione quâ adoratur ipse Sanctus debet adorari. Reliquiæ autem Sanctorum adorandæ sunt, vt constat ex perpetua Ecclesiæ traditione, & est veritas definita in Concilio Romano à Felice I. epistolâ 2. decretali, & in Lateranensi sub Innocentio III. & in Tridentino sess. 25. in 2. decreto fidei. quod latè tradunt & probant Recentiores, & nos omittimus in præsentia, quia directè non spectat ad materiam de Incarnatione, si enim quæ indirectè pertinent ex professio disputamus, vniuersa Theologia discutienda & examinanda veniret.

29. Ad hæreticorum argumenta respondetur. Ad primum dicimus, quod in cruce Christus accepit vt mortis & infernarum potestatum victor tropheum redemptionis æternæ, & sic meritò debet à Christianis venerari, quia fuit instrumentum mortis gloriosissimæ pro remedio generis humani: quando autem Pater obiit gloriose pro Rege, vel pro patria, tunc Filius honorat patibulum Patris, & quodlibet aliud instrumentum, imò solet pro stemmate totius familiæ haberi. Ad secundum respondeo nullum esse inconueniens omnes lanceas adorare, dummodo repræsentent lanceam quâ Christus fuit vulneratus, quia tamen hæc repræsentatio rarò contingit, idèd non est communiter adoranda, nisi tunc solum quando talis exercetur repræsentatio. Ad tertium communiter respondetur, nihil obitare labia Iudæ adorare, si fieret sincera fide, & rectâ intentione ob excellentiam Christi, quem tetigerunt (licet sacrilegè & nefandè) quando hoc fieri posset sine scandalo: tamen si quis hoc publicè faceret, posset quis facillè existimare, ipsi Iudæ aliquam adorationem ob eius excellentiam aliquam adhiberi, & meritò maximum scandalum oriretur.

30. Neque audiendi sunt hæretici in eo quod aiunt superstitiosum nimis esse vt signo crucis in aliquibus actionibus & benedictionibus Ecclesiæ, excusantur enim maximè huius modi vsum, & dicunt esse proprium artis ma-

gicæ vt huiusmodi characteribus ad aliquos effectus præstandos, cum respectu ipsorum non possit esse virtus, & efficacia. Sed vt benè vidit P. Lorca in præfenti, ingens blasphemia est, eodem pacto philosophari de sacratissimo crucis signo, ac de magicis characteribus, cum potius hoc signum (teste Athanasio libro de Incarnationis Dominicæ Sacramento) sit efficacissimum contra omnes magicas incantationes remedium.

Est autem fide sanctum, ex perpetuo vfu, & antiqua Ecclesiæ traditione, esse vtilissimum, atque sanctissimum vt in hoc signo crucis in omnibus actionibus, in quibus ipso vtitur Ecclesia. Primò enim eo vtitur ad sanctificationem & consecrationem alicuius rei, & hic vsus est antiquissimus, nā propterea adhibetur in omni actione sacramentali, vt testificatur D. Dionysius cap. 4. 5. & 6. Ecclesiasticæ Hierarchiæ, & D. Chrysostomus homil. 55. in Matthæum. est autem sic facere conuenientissimum, nam cum sanctificatio, & consecratio cuiuscumque rei consistat in dedicatione & ordine ad Christum Dominum, & proueniat ex meritis passionis eius, adhibendo signum crucis in sanctificatione & consecratione alicuius rei profitemur efficaciam passionis Christi, quasi petentes vt per virtutem illius res illa sanctificetur, & per signum crucis impressum dedicatur Christo, & sic consecratur, nam consuetum est imprimere his, quæ dedicantur ad obsequium alicuius signum ipsius, vt per hoc illius propria censeantur.

Adhibetur similiter signum crucis ab Ecclesia, vel à fidelibus in remedium, & in Christianorum munimentum contra pericula corporalia, tum contra tentationes spirituales, tum ad effugandos dæmones, tum denique ad prosperum rerum euentum, quas exordimur. ita communiter docent Ecclesiæ Patres, Tertullianus de corona militis, Cyprianus lib. 4. epist. 6. Origenes homiliâ 6. in Exodum, Cyrillus Ierosolymitanus catechesi 4. Ambrosius serm. 43. & alij. & hic vsus etiam est conuenientissimus, nam signum crucis habet efficaciam ad ista, vt docent Patres citati, & probat experientia

31.

32.

tia in innumeris euentibus, etiā miraculosis, quibus historiæ plenæ sunt, & nos quotidie in exorcismis & aliis experimur.

33. Est tamen circa hoc aduertendum, quod signum crucis non præstat effectus istos ex opere operato, quia non est sacrificium aut Sacramentum, sed tantum ex opere operantis, in quantum scilicet est quædam fidei protestatio, & quædam ad Deum deprecatio per merita passionis Christi Domini, quæ per signum crucis significantur, & propterea non sequuntur semper & infallibiliter, sed regulariter, licet de expulsiōe dæmonis aliqui putauerint esse crucis effectum ex opere operato, propterea quod aliquando infidelibus, quibus non potuit prodesse opus operantis, profuit ad expellendos dæmones signum crucis, vt de Iuliano Apostata referunt Nazianzenus orat. 3. contra ipsum, & Nicephorus lib. 10. cap. 8. hoc tamen tantum probat quod adhibere signum crucis sit efficacius, quàm aliud opus bonum.

34. Ex his patet quàm longè sint à signo crucis magici characteres, quandoquidem in his nulla reperitur virtus, & magia vtitur illis ad dæmonum inuocationem; at verò signum crucis habet virtutem ex passione Christi, & Christi miles vtitur illo ad dæmones profligandos, & ad alios bonos effectus (quos recensuimus ex doctrina Patrum, & ex experientia fidelium) consequendos. quapropter non solum blasphemii, sed miserrimi etiam sunt hæretici, qui non vtuntur vtendis, præcipuè signo crucis ita proficuo.

35. De clavis, spinis, spongiâ, lanceâ quâ Christus vulneratus est, communis docet sententia, quod propter cōtactum, quem habuerunt ad Christum, sunt veneratione & adoratione digna tamquam ipsius Christi reliquiæ, & sic debent adorari adoratione latræ.

PARS QUARTA.

Utrum imago Christi debeat adorari, & quâ adoratione?

36. Suppono ex materia de adoratione inter hæreticos Ichonomacos, qui imaginum vsum auferunt, & illicitum

esse censent, aliquos omnino execrari imagines, & omnino confringendas, & omni ex parte auferendas esse docere, vt Iudæos, & Mahumetanos; alios verò, vt Caluinistas domi, aut alibi ipsas permittere, eas tamen in templis non collocare, sed magna inde cum iniuria repellere; alios, vt Lutheranos, intra templa etiam illas collocare, sed ad ornatum tantum, nullamque ipsis adhibere venerationem; denique temporæ 7. Synodi generalis fuisse alios, qui non solum ad ornatum vbiue eas retinendas iudicant, sed etiam ad excitandam in fidelibus memoriam prototypi, seu exemplaris, vt coram eis ipsum solum prototypum viderentur, illis tamen nullum signum honoris, aut submisionis, neque osculo, neque inclinatione corporis, neque alio modo exhiberent, id enim idolatriam esse dicebant.

Sed omnino certò, & tamquam de fide tenendum est, imagines Christi Domini (& idem est de imaginibus beatissimæ Virginis, & aliorum Sanctorum) esse adorandas. hoc enim definitum est in pluribus Cōciliis in 6. Synodo generali can. 82. in Concilio Romano sub Gregorio III. in quo ferè mille Episcopi sunt congregati (vt auctor est Sigisbertus in suo Chronico, anno 733.) & in alio Concilio Romano sub Stephano III. vt narrat ipse Sigisbertus anno 763. Paulus Emilius lib. 2. de gestis Francorum, & Blandus æneade 2. lib. 1. eiusque sæpenuerò mentionem facit Adrianus I. in scripto, quod fuit de imaginibus; & post hæc Concilia in Niceno 2. actione 7. in definitione fidei, quod 7. Synodus appellatur, fuitque Concilium generale post annum Domini 788. & habuit Legatos summi Pontificis Adriani Primi, & trium Patriarcharum Alexandria, Antiochiæ, & Ierosolymitani, & ipsum Patriarcham Constantinopolitanum, vt constat ex subscriptionibus confessionis fidei, fuitque approbatum à prædicto Adriano Primo, & postea à Leone Tertio, & in eo consensus Imperator Constantinus Tertius. & demum definita est hæc veritas in Concilio Tridentino sessione 25. in Decreto de reliquiis & veneratione Sāctorum, paucis quidem verbis, sed disertis & foecidis.

38. Longum esset recensere Patrum Ecclesiæ auctoritates, quibus veritas ista comprobatur, si quis autem illas sigillatim videre desiderat. legat D. Damascenum orat. 1. & 2. & 3. de imaginibus, ubi plures congerit, & 7. Synodum supra citatam, quæ in 6. primis actionibus refert serè omnium Patrum, qui ipsam præcesserunt auctoritates, quas omnium plausu lætas & auditas approbavit. Difficilius autem foret recensere quot miracula Deus per imagines fuerit operatus, facile tamen est colligere hunc imaginum cultum Deo placitum esse, non enim Deus suis diuinis operibus, & beneficiis singularibus, quæ cultoribus imaginum contulit, rem turpem, aut superstitiosam approbasset. Neque horum miraculorum veritas potest nisi valde imprudenter denegari, cum à grauissimis Auctoribus & Historiographis referantur, vt videre est in 7. Synodo actione 4. & 5. Damasceno locis supra citatis, Athanasio lib. 1. de Passione imaginum, Eua-grio lib. 4. Historiæ cap. 26. & aliis.

39. Quare circa primam questionis Partem dico primò: Imago Christi Domini debet adorari. hæc conclusio est de fide, vt patet ex dictis. Et probatur ratione, nam honor imaginis in prototypum redundat, vt in 7. Synodo sæpè dicitur ex Basilio lib. de Spiritu sancto cap. 18. & ex Ambrosio ferm. 10. in psalmum 118. & videtur principium per se lumine naturali notum ad honorem alicuius personæ pertinere, vt non solum in se, sed etiam in imagine honoretur, cum imago participet ipsum in esse representatiuo: vnde colligunt sæpè Ecclesiæ Patres hominem hoc ipso, quòd est creatus ad imaginem Dei, esse honore dignum, vt videre est apud Cyrillum Ierosolymitanum catechesi 12. & Augustinum epistolâ 103. hinc etiam antiqua consuetudo obtinuit, vt imagines Imperatorum honorificè tractarentur, & ex eodem principio provenit, vt contumelia, vel iniuria illata imagini ad personam representatam pertinere videatur. Nota enim est historia Theodosij de vindicta, quam in Antiochenos exercuit propter deiectionem, & contumeliosè tractatam Imperatricis statuam, vt est apud Ambrosium oratione de morte Theodosij, &

Chrysostrum homil. 2. & 3. ad populum Antiochenum, & apud Nicephorum lib. 13. Historiæ cap. 43. sed Christus Dominus adorari debet. ergo & imago Christi debet adorari, quandoquidem eius adoratio in ipsum Christum redundat.

Est ergo difficultas inter Catholicos Scholasticos controuersa, quæ adoratione debeat adorari? quæ difficultas duplicem habet sensum: primum, An debeat adorari adoratione propria & vera ad imaginem terminata? an autem impropria, & tantum abusiua? Secundum, An debeat adorari adoratione prototypi? an autem sufficiat alia minori, in quantum imago est præcisa, non inuoluendo in recto ipsum prototypum?

40. Circa primum Durandus in 3. dist. 9. q. 2. Holcot in lib. Sapientiæ lect. 157. Picus Mirandulanus in Apologia pro imaginibus q. 3. Castro verbo *imago*, & Corduba dub. 4. q. 5. dicunt, quòd etsi adorentur imagines, sed non per se, & *vt quod*, id est, ita vt ad ipsas adoratione terminetur, sed *vt quo*, per accidens, & abusiue, nimirum quia ad præsentiam imaginum fit rememoratio exemplarium, & tunc exemplaria adorantur in præsentia imaginum, ac si præsentia realiter essent. Et probant primò ex septima Synodo actione 2. ubi in Epistola Adriani Papæ ad Imperatorem ponuntur hæc verba, *Non ipsam lignum adoratur, sed quod in ligno contemplari datur, & ita per recordationem adoratio exhibetur*. Secundò probant ex Patribus, & pro pluribus, quos adducunt, sufficiat auctoritas Basilij sæpè repetita in 7. Synodo generali, *Honor imaginum dirigitur ad prototypum*; & D. Gregorij lib. 7. epistolâ 13. ubi loquens de veneratione Sanctorum fit ait, *Non quasi ante Diuinitatem ante illas* (scilicet imagines) *prosterminur, sed illum adoramus, quem per imaginem recordamur*. Tertiò probant ratione, quia totum quod est in imagine vel est materia ex qua fit, scilicet lignum, colores, &c. vel est forma, scilicet figura, seu relatio similitudinis ad prototypum, sed nihil horum potest esse terminus, seu obiectum adorationis, cum inanimata sint, & homo non possit se submittere inanimatis, quia non est inferior illis, ergo imago Christi Domini

Domini (& idem est de aliis Sancto-
rum imaginibus) non est per se & *ut*
quod adoranda, ita ut per se terminet
adorationem, sed tantum *ut quo* per ac-
cidens & abusuè.

42. Dico secundò: Imago Christi Domi-
ni non solum *ut quo* per accidens &
abusuè potest adorari, sed etiam *ut*
quod, & per se licet non adoratione ab-
soluta, sed respectu ad prototypum,
ita quòd non solum prototypum, sed
etiam ipsa imago sit res adorata, seu
terminus adorationis. ita Gabriel in 3.
dist. 9. & super Canonem lèctione 49.
Paludanus in 3. dist. 9. quæst. 1. art. 3.
Maior eadem distinctione & quæstione,
& apud Recentiores est ita certa, ut
oppositam Durandi & aliorum non
dubitent appellare periculosa in fide,
& proximam errori; imò Medina su-
per articulum 3. quæstionis 25. D. Tho-
mæ refert quòd Victoria ipsam hære-
ticam appellasset: sed ab hac censura
excusantur à Vasquez disput. 106. &
à Ragusa disp. 50. & à Gasp. Hurtado
disp. 20. difficult. 19. & ab aliis.

43. Notanter autem diximus in conclu-
sione, quòd imago Christi non solum
ut quo per accidens & abusuè potest
adorari, quia existimamus quòd ali-
quando sic adoretur, ut patet quando
ipsi sacrificamus, ipsam oramus, & ab
ea expectamus aliquod beneficium,
quæ tamen nullo pacto terminari pos-
sunt per se & *ut quod* ad ipsam imagi-
nem, ut docet Concilium Tridenti-
num ubi suprà, & patet ex usu Eccle-
siæ & Sanctorum, nam ferià 6. Pa-
rasceus adorat imaginem crucis ado-
rando Christum in ea, ac si Chri-
stus præsens esset, canit enim *Agius*
atheus, &c. quæ sunt laudes propriæ
Christi. & D. Hieronymus Epistolà
ad Eusebium laudat in Paula, quòd
prostrata ante crucem, quasi pen-
dentem Dominum cerneret, adoraret;
nec inconueniens est, quòd præsentè
imagine adoretur Christus, quem re-
præsentat, non adoratà imagine; ergo
nec est inconueniens, quòd imago abu-
suè adoretur, quod in idem redit.

44. Quòd autem ipsa imago propriè, &
per se, & *ut quod* adorari debeat, pro-
batur primò ex definitionibus Conci-
liorum suprà adductis, & ex auctorita-
tibus Patrum, quas retulimus, nam con-

tra hæreticos Iconomachos affirmant
simpliciter & absolute imagines esse
adorandas, & sub anathemate hoc de-
finitur in 7. Synodo generali, actione 7.
sed si imago non per se & *ut quod*, sed
tantum improprie & abusuè foret
adoranda, potius esset simpliciter &
absolute ipsi neganda adoratio, nam
impropria & abusua adoratio reuera
non est adoratio. Et confirmatur, quia
hoc ipsum videntur asseruisse hæretici
Iconomachi, qui ad excitandam me-
moriæ prototypi imaginis admittere-
bant, non autem ad earum adorationem,
quos Epiphanius. (ut refertur
in 7. Synodo actione 6.) appellat semi-
probos & falsoveros, quia non omnino
imagines sicut alij respuebant, in quo
probum quod & verum dicebant, quia
tamen venerationem & adorationem
negabant, falsum quid & improbum
affirmabant, sed in idem redit quod
defendunt Auctores contrariæ senten-
tiæ. ergo cum contra prædictos hære-
ticos sit definitum in hac Synodo, di-
cendum necessariò est, quòd proprie,
& per se, *ut quod*, & non abusuè imago
Christi debeat adorari, ita ut ipsa ima-
go sit terminus adorationis.

Secundò probatur, quia in 7. Syno-
do actione 3. non solum dicitur adora-
ri exemplar in imagine, sed etiam ado-
rari imaginem propter exemplar, in
quo dicendi modo satis significatur
imaginem esse rem adoratam propter
exemplar, tamquam propter rationem
adorandi. Item in eadem 7. Synodo sæ-
piùs repetitur, imagines esse adoran-
das, non tamen adoratione latræ, &
est sermo non tantum de imaginibus
Sanctorum, sed etiam de cruce, & de
imagine Christi; ergo ipsa imago est
quæ adoratur, & terminat adorationem,
quia si solum exemplar adoraretur
in præsentia imaginis, deberet ado-
rari adoratione latræ, quæ Christo de-
betur.

Tertiò probatur ratione declarando
rem ipsam, quia vel imago verè & re-
ipsa est obiectum adorationis (saltem
materiale) vel totale, vel partiale (de
quo postea) vel nullo modo est obiectum;
si primum dicas, ergo imago non
solum *ut quo* per accidens & abusuè
adoratur, sed etiam *ut quod*, & per se
saltem ut obiectum materiale, siue to-
tale,

tale, siue partiale; si secundum dicas, ergo imago neque abusuè adoratur, quia quod nullo modo adoratur, neque abusuè potest adorari, nam denominatio adorationis solum potest cadere super obiectum terminans aliquo modo adorationem. Et confirmatur, quia imago solum facit in Aduersariorum sententia recordari prototypum, & hic solus attenditur postea in adoratione, sed in his actionibus imago nihil habet adorationis; ergo si secundum ea, quæ definita sunt à Conciliis, imago est adoranda, non solum abusuè, sed verè & propriè & ut obiectum quod potest adorari, licet ratio propter quam adoratur sit prototypus.

47. Ad argumenta opposita respondetur. Et ad primum, & secundum dicimus, verba illa Adriani & Basilij non significare, solum exemplar, & non imaginem adorari, sed potius exemplar in imagine, vel cum imagine adorari, quia scilicet eadem adoratio, quæ terminatur ad imaginem, simul etiam terminatur ad prototypum: cetæ autem auctoritates, quæ sonant imaginem non adorari, sed exemplaria, exponendæ, & intelligendæ sunt, quod imagines non adorentur propter se adoratione absolutâ, sed propter exemplaria, & adoratione relatiuâ, sicut qui sumit potionem amaram propter sanitatem, dicitur non velle talem potionem, non quia non velit, sed quia quod principaliter vult, est sanitas, in ordine, ad quam sumit talem potionem. Ad tertium respondetur tantum probare, imagines non posse adorari adoratione absolutâ, quia cum sint res inanimatæ, non possunt habere excellentiam, cui homo se submittat: non tamen probat, quod non possit adorari adoratione relatiuâ, ratione cuius propter prototypum, cuius est imago, & sic aliquid eius, potest adorari, & homo se illi propter excellentiam prototypi submittere, nam excellentia prototypi, scilicet Christi, hoc exposcit, quod non solum sibi, sed etiam suæ imagini, quia est aliquid eius, se homo submittat.

48. Circa secundum, quod in controuersiam vertit difficultas, & quod difficilius est in hac quæstione, Suppono in primis contra Vasquez lib. 2. de Adoratione disp. 8. & super 3. partem to. 1.

disp. 108. quodd ex duobus, ex quibus conflatur, & componitur adoratio imaginis Christi, videlicet ex nota exteriori submissionis, qualis est genuflexio, osculatio, &c. & ex affectu interiori, quo quis ex apprehensione excellentiæ illius quem adoratur, vult exhibere exteriorem illam notam, vtrumque hoc debet versari circa imaginem, non autem signum externum circa imaginem, & affectus internus circa solum prototypum (vt vult Vasquez) sed potius vtrumque circa vtrumque, aliàs esset quasi fictitia & irrisoria adoratio, vt latè & optimè probant Suarez disp. 54. sect. 3. conclusionem 3. & Lorca disp. 94. memb. 1. num. 2.

Hoc supposito triplex est in hac re sententia. Prima asserit in adoratione imaginum terminum per se & ut quod prædictæ adorationis non posse esse solum imaginem, sed quasi conflatum & compositum ex imagine & prototypo, ac per consequens imaginem adorari non posse, nisi eadem adoratione in specie & numero, quâ adoratur prototypum, & sic imaginem Christi adorandam esse latrâ, quâ adoratur ipse Christus: quæ sententia est valdè recepta apud Scholasticos, eamque defendunt noster Alexâder Aletensis q. 30. memb. 3. art. 3. §. 15. noster D. Bonaventura in 3. dist. 9. art. 1. noster Ricardus ibidem art. 2. quæst. 2. & 3. Albertus art. 4. Paludanus, Maior, Almainus & Carthusianus q. 1. Marfilius q. 8. art. 1. dub. 2. conclus. 3. estque expressâ D. Thomæ 3. p. q. 25. art. 3. 4. & 5. quem ex discipulis cum Caietano plures alij, quos refert, & sequitur Vasquez super 3. partem disputatione 118. cap. 3.

Secunda sententia defendit in adoratione imaginum terminum per se & ut quod adorationis non esse prototypum simul cum imagine, sed solum & præcisam imaginem, prototypum autem seu eius excellentiam solum esse rationem formalem extrinsecam prædictæ adorationis, & consequenter esse diuersam in specie & numero adorationem imaginis ab adoratione prototypi. ita docent Ayala lib. 3. de Traditionibus 3. parte, cap. quali honore imagines veneranda sunt. Caterinus opuscul. de Adoratione, conclus. 6. Gabriel in 3. dist. 9.

dist. 9. q. vnicâ. Bellarm. lib. de imaginib. cap. 20. Corduba lib. 1. q. 5. dub. 4. Suarez disp. 54. & Lorca disp. 94. memb. 3.

51. Tertia sententia item istam distinctione dirimit; nam dupliciter, inquit, loqui possumus de adoratione imaginum: primò, de adoratione, quæ in re tribui potest imaginibus, & ut sic utraq; adoratione potest imago adorari, scilicet & simul cum prototypo, & consequenter eadem specie & numero adoratione, & separata à prototypo, ita ut adoratio *ut quod* solum ad imaginem terminetur, ad prototypum verò solum *ut quæ*, & ut ad rationem formalem extrinsecam terminâdi. Secundò, de adoratione, quæ per se primò cõpetit imaginibus, & ut sic tota ratio adorandi est respectiva in ordine ad prototypum, & queit ut sic adorari, licet non adoretur prototypus, sicut potest credi articulus fidei, licet eodem actu non credatur divina auctoritas, vel divinum testimonium propter quod creditur. ita docent Recentiores aliqui.

52. Cum quibus dico tertio: Imago Christi Domini potest & simul cû prototypo adorari eadem adoratione latræ, quæ prototypus in se adorabilis est, & potest per se *ut quod* adorari, nõ adorato prototypo in recto, sed nõ excluso in obliquo, inferiori tamen adoratione, quam *hominariam* cum 7. Synodo generali appellamus: itaq; sicut Parte primâ huius Quæstionis loquendo de maternitate Virginis duplicè maternitatem, unam vulgariter dictam, quæ præter relationem ad Christum ut genitum dicebat aliam continentiz ad ipsum ut continentem, & ratione huius diximus Virginem debere adorari adoratione latræ propter Christum inclusum in recto; & aliam, quæ solum dicit habitudinem ad Christum ut primò productum, & fundatur super *genuisse*, quæ habitu dicitur maternitas scholasticè modo, & ratione huius debere Virginem adorari adoratione minori vel dulci, vel hyperdulce secundum diuersas sententias, vel latrehyperdulce secundum meam opinionem: ratione talis relationis, nõ adorato ipso Christo in recto, non tamen excluso in obliquo. ita in præsentî philosophamur de imagine Christi Domini (& idem est iudicium ferendum de reliquis imaginibus) nam

Castillo de Incarn. Pars 1.

possumus illam concipere non solum ut repræsentat Christum, sed etiam ut continet illum, & ex utroq; conflatur & componitur vnum, etiam si sit vnus per accidens, & ut sic imago debet adorari adoratione latræ; & possumus illam concipere tantum ut imago est, & secundum habitudinem representationis, quam dicit ad exemplar, & sic debet adorari adoratione minori: tamen licet nullus adoraret Deiparâ propter scholasticam maternitatem, nisi prius Deum saltem virtualiter adoraret; ita nullus imaginem propter præcisam rationem imaginis adoraret, nisi prius implicite, aut virtualiter prototypum adorauisset.

Hanc cõclusionem probò sic primò, quia ex Conciliis & Patribus Ecclesiæ habemus duo circa imaginum adorationem: primum, quòd imaginem debemus adorare, quia in ea non adoramus aliud nisi exemplar: secundum, quòd adoratio imagini debita non sit ea, quæ prototypo & exemplari debetur, sed ut in concordiam reuocentur ista duo, solum veniunt intelligenda in sensu, quo nostram explicuimus cõclusionem, scilicet quòd in priori asserto loquantur de adoratione imaginis cum prototypo, intrante prototypo in recto, & tamquam causa formali & motiua adorationis vnus, & propterea dici non adorari aliud nisi exemplar, quia tota ratio formalis adorationis est ipsum exemplar; & in posteriori loquantur de adoratione imaginis præcisè à prototypo in recto, sed non excluso in obliquo, quia in quocumque alio sensu non bene in concordiam reuocantur; ergo, &c. Maior probatur per partes.

Primò ergo, quòd scilicet imaginem debemus adorare, quia in ea non adoramus aliud nisi exemplar, iam patet ex testimoniis adductis pro sententia Durandi, quæ solum habent verum in hoc sensu, ut explicuimus in solutione argumentorum: sed iterum probantur ex Concilio Trid. sess. 25. in decreto de sacris imaginibus, ubi sic ait: *Imagines porro in templis præsertim habendas, & retinendas, eisdem debitum honorem, & venerationem impertiendam, non quòd credatur inesse aliqua in eis diuinitas, vel virtus, propter quam sint colenda, sed quoniam honores, qui eis exhibentur, refertur ad prototypa, quæ illæ representant, ita ut per imagines, quos osumur, & coram quibus*

quibus caput aperimus, & proclibimus, Christum adoremus, & Sanctos quorum illa similitudines gerunt, veneremur. & clarius hoc videtur haberi in 7. Synodo generali actione 4. vbi relatis illis verbis Athanasij, qui adorari imaginem in ea Regem adorant, subdit hæc verba Ioannes Orientis Legatus. Itaque ostendit venerabilis Pater (scilicet Athanasius) non esse duas adorationes, sed unam imaginis & exemplaris, cum quo omnes Concilij Patres consenserunt.

55. Ex Patribus autem possent plura adduci testimonia, quæ referunt supra citati Auctores: sed præsertim adduco verba Nicephori Constantinopolitani in Dialogo, cuius titulus est, *Orthodoxus*, vbi sic habet. *Quare cum quærit hæreticus, vbi scriptum sit de adoranda Christi imagine, respondendum est, ibi scriptum esse, vbi scriptum est, adorandum esse Christum siquidem inseparabilis est à prototypo effigies; & inhiædit, quod imago habet communicationem nominis, & honoris, atque adorationis cum prototypo.* Deinde adduco Theophanum Episcopum Hiezæ apud Turræanum lib. 3. de charactericis dogmatibus, vbi ducta similitudine de effigie, quæ apparet in speculo, dicit, quod sicut illa non potest ornari, nisi ornatur prototypus; ita neque adorari imago, nisi simul adoretur exemplar, quod repræsentat: ergo ex Conciliis & Patribus habemus, quod imaginem debemus adorare, quia in ea non adoramus aliud, nisi exemplar: quod in sensu à nobis exposito venit intelligendum.

56. Secundum verò, scilicet quod adoratio imagini debita non sit ea, quæ debetur prototypo, patet ex 7. Synodo act. 7. vbi postquam definiuit imagines esse adorandas, & ad modum crucis dedicandas & colendas esse in templis, subdit hæc verba, *quod scilicet per imaginum picturarum inspectionem omnes, qui contemplantur, ad prototyporum memoriam, & recordationem veniant, illisq; salutationem, & honorariam adorationem exhibeant, non secundum fidem nostram veram latræ, qua soli naturæ divinæ competit, sed quem admodum typo venerande, & vivificantis crucis, & sanctis Evangelistis, & reliquiis sacris oblatione sacrificij & luminarium reuerenter accendimus.* & clarioribus verbis id ipsum habet actione 6. nam in quadam breui demonstratione imaginum ponit hæc verba;

Quapropter non indignas habemus eas (scilicet imagines) honore, salutatione & veneratione, debitamq; adorationem illis dare debemus: siue igitur placebit salutationem, siue adorationem appellare, idè profectò erit, modo sciamus excludi latræ: hæc enim est alia à simplici adoratione. Ecce qualiter distinguit Concilium latræ à simplici adoratione, quam honorariam appellavit in priori testimonio.

Deinde pro Patribus sufficiat referre Epiphanium Diaconum relatum ab eadem 7. Synodo actione 6. vbi nominè totius Synodi ait, *quod si in recordationem, & memoriam, ita quod singulari quadam affectione in ipsa prototypa referantur (scilicet Catholici) salutarint, & honorificè adorauerint imagines, non tamen ob id illi latræ exhibuerint, aut divinam venerationem adscriperint, absq; hac calumniatio.* ergo ex Conciliis & Patribus adoratio imagini debita, non est ea, quæ debetur prototypo, & tamen est aliqua, quam honorariam vocant, imò & adorationem sub nomine adorationis. Vnde Tarasius in eadem Synodo actione 4. dicit, tamquam hypocritas redarguens esse, qui imagines se venerari consentunt, adorationem autem recusant. ergo vt componamus hæc dicta cum eis, quæ solis exemplaribus tribuunt adorationem, debemus necessariò adhærere, quod & imago potest adorari simul cum prototypo, & quod ipsa per se possit adorari diuersa adoratione ab adoratione prototypi, licet non excluso illo in obliquo.

58. Secundò sic probo, quia nec repugnat, nec illicitum est, quod imago adoretur simul cum prototypo, & quod adoretur diuersa adoratione ab adoratione prototypi; ergo, &c. Antecedens quantum ad primum patet, quia per imaginem recordatur intellectus prototypi; ergo ex utroque potest facere coniunctum, quod adoret, ita vt forma quæ mouet ad adorationem sit prototypus, qui simul adoretur cum ipsa imagine; nam, vt ait Aristoteles lib. de memoria & reminiscencia cap. 2. *idem est motus in imaginem, & in rem cuius est imago.* quod scilicet verum est, quando prototypus comparatur cum imagine in ordine ad adorationem, tamquam forma extrinseca nobilitans extrinsecè imaginem in ordine ad cultum.

Et

Et cōfirmatur, quia hic modus adorandi aliqua duo per modum vnius possibilis est, & consentaneus rationi, vt patet in adoratione Christi, quā adoratur coniunctum ex humanitate, & diuino Verbo; & in adoratione Sāctorum, quā adoratur coniunctum ex anima & corpore; & in adoratione Regis, quā adoratur coniunctum ex Rege & purpura; & in adoratione Prælati, vel Pontificis, in quo prælatura, vel dignitas pontificia, licet ipsi sit extrinseca, simul adoratur cum persona. ergo nec repugnat, nec est illicitum, quod imago adoretur simul cum prototypo.

59. Idem antecedens quantum ad secundum probatur pluribus exemplis, nam B. Virgo Maria adorabilis est propter maternitatem terminatam ad Deum, non adorato Deo, illo eodem actu, quo adoratur Virgo sanctissima, dilectio proximi est diuersa à dilectione Dei, licet oriatur ab illa. Deinde medium eligitur à voluntate propter bonitatem relatum ad finem, seu propter vtilitatem diuerso actu, ac intenditur ipse finis. Præterea articulus reuelatus creditur propter diuinam auctoritatem, quæ eodem actu non creditur. Vterius conclusio licet assentiantur propter præmissas, tamen diuerso actu ac assentiantur præmissæ. Et denique licet arbor frugifera æstimetur cum fructu pendenti propter ipsum, tamen etiam diuersa æstimatione æstimatur sine tali fructu, propter relatum bonitatem, quam habet in ordine ad ipsum fructificandum. ergo similiter licet imago sit adorabilis simul cum prototypo, tamen adorari potest diuersa adoratione separatâ ab illo, propter habitudinem, seu repræsentationem, quam habet ad prototypum sumptum in obliquo, & tãquam terminum relationis, & adorationis, respectu illius actus. Et cōfirmatur, quia ex adoratione prototypi potest voluntas deuenire in adorationem imaginis, quia aliquid illius est, repræsentat enim ipsū, & loco ipsius substituitur, sed tunc in hoc secundo actu, quod per se, directe, & *ut quod* adoratur, est imago qua talis; ergo non repugnat adorari imaginem diuersa adoratione ab adoratione prototypi.

60. Quod autem hoc non sit illicitum, sic probo, quia non est malum ex obiecto, neque ex circumstantia; ergo, quod

non ex obiecto probatur, nam imago, in quantum est aliquid prototypi, habet bonitatem non solum physicam, sed etiam moralem in ordine ad prototypum dignum adoratione, quâ ratione non solum honeste amamus Petrum, v.g. quia proximus est, sed etiam quia similis sit Ioanni amico nostro, & vxor non solum diligit filium aliquem, quia filius eius sit, sed etiam quia simillimus sit marito, quem diligit; ergo adoratio imaginis, quâ imago est, habet honestatem ex obiecto. Et cōfirmatur primò, quia si propter aliquid esset illicitum ex obiecto, maximè quia redolet idolatriam, sed hoc est falsum, tum quia imago nō est idolum, vt latè traditur etiam ab Auctoribus cōtrariz sententiæ, tum quia reuerti purpuram Regis, quia illius est, non est idolatria, sed quid honestè debitum maiestati regie; videantur plura alia, quæ adducta sunt in principio huius Partis pro prima conclusione. Et cōfirmatur secundò, quia aliis inhonestum esset in absentia imaginis se commendare alicui determinatæ, v.g. Virgini de Athoëpa Matriti, Virgini Sacrarij Toleti, &c. consequens autem esse falsum satis offendunt tot ac tanta miracula, quæ Deus eum sic implorantibus auxilium operatur. Sequela probatur, quia tunc obiectum, quod primò & per se terminat orationem implorantis eius auxilium, non est prototypus, sed imago; eo enim ipso, quod implorans hanc determinat in particulari, & fortè quia magis miraculosa est, quàm alia, non respicit directe prototypum, sed imaginem. ergo hæc adoratio imaginis, vt imaginis non est inhonesta, & illicita ex obiecto.

Deinde non est illicita ex circumstantia, quia nullum est præceptum, vel negatiuum de eo, quod non adoretur imago præcisè sumpta; vel affirmatiuum de eo, quod eodem actu adoretur simul cum prototypo; neque adoratio imaginis deuiat à fine honorandi prototypum, sed potius cadit in gloriam & reuerentiam ipsius; deinde neque de *vbi*, nec de *quando*, aut *quibus auxiliis*, vel ceteris circumstantiis habetur aliqua indecentia, vel inhonestas. ergo adoratio imaginis *ut quod*, & ratione sui non est illicita ex circumstantia.

62. Tertio sic probò, quia in imagine est diuersa excellentia ab excellentia prototypi, licet dependens, & dicens habitudinem ad illam; ergo non solum est adorabilis imago cum prototypo, sed etiam non inclusio illo formaliter, & in recto. consequentia patet, quia diuersitas adorationis prouenit ex diuersitate excellentiarum. Antecedens probatur, nam excellentia in prototypo est verè & realiter, in imagine verò solum habitudine quâdam, & in esse (vt aiunt) ideali & representatiuo. Et confirmatur, quia non aliâ ratione Concilia & Patres tribuunt maiorem adorationem prototypo, & minorem imagini, nisi quia licet sit eadem excellentia prototypi & imaginis, tamen quia propriè & formaliter est in prototypo, & in imagine tantum representatiue, quantum hoc deficit à illo, tantò deficit à perfectione adorationis sibi debita: vnde merito quando in materia de scientia Dei locuti fuimus de creaturis possibili- bus, & cum Scoto diximus constitui per quoddam esse diminutum derelictum ex actu intellectus diuini quasi vnientis prædicata creaturæ inter se prout ex prædicatis diuinis veniebant cognoscenda, aut ex diuina essentia eorum eminenter representatiua (cùm enim Deus sit agens creaturarum per intellectum & voluntatem, incipit primò agere per intellectum creaturam possibilem, est enim hæc ens secundarium, & sic nõ supponitur vt obiectum intellectus diuini, sed potiùs est terminus cognitionis fabricariæ (vt ita dicam) ipsius, & quasi postea ipsam vt existentem agit per voluntatem vt volitiuam in esse existentie volito, & vt potentiam executiuam in esse reali, & extra causas) diximus talem creaturam possibilem esse eandem cum actuali, non formaliter & propriè, sed imitatiue, idealiter, & per æquiualentiam, sicut de imagine dicitur quòd sit ipsum exemplar, & prototypus, licet ab eo sit diuersa.

63. Ex his patet, has adorationes esse diuersæ speciei, & non solum materiali- ter diuersas, quia ex diuersis licet sub- ordinatis excellentiis oriuntur, possunt tamen oriri ab eodem habitu, quia contingere potest, quòd obiectum formale, quòd est adæquatum respectu actus,

sit inadæquatum respectu habitus. Et ratio à priori est, quia quando duo obiecta formalia sunt subordinata, & vnum respicitur propter habitudinem ad alterum (vt contingit in præsentì) semper pertinent ad eundem habitum, & virtutem: vnde communiter docent Auctores, eandem specificam virtu- tem, quæ inclinatur ad intendendum ali- quem finem honestum, inclinare etiam ad eligendum media honesta, quibus est consequendus finis, non obitante, quòd intentio, & electio specie differant, & ab eadem virtute charitatis Theologiæ prouenit & dilectio, quâ diligimus Deum propter se, & proximum propter Deum: vnde ab eodem habitu religionis proueniet & adoratio latriæ, quâ adoratur imago Christiana prototypo, & adoratio honoraria, quâ adoratur ipsa imago propter habitudi- nem, quam habet ad prototypum, quid- quid sit. An hæc adoratio possit proue- nire extrinsecè, aut imperatiuâ latriæ.

Argumenta sententiarum, quas su- præ retuli, ex intento non adduxi, quia præcipua sunt ea, quæ fecimus pro no- stra conclusione 4. & licet aliqua probent quòd imagines non sunt adorandæ nisi propter prototypum, & aliqua quòd sint adorandæ diuersâ adoratione ab adoratione prototypi, tamen inter se non opponuntur contradictoriè, sed potiùs optime in concordiam reuocantur, quia priora loquuntur de adora- tione imaginum, vel quatenus in recto inuoluunt prototypum, vel quatenus illum concernunt in obliquo, nam eo ipso, quòd excellentia, propter quam imagines adorantur, sit habitualis, & analoga ad ipsum prototypum, tota adoratio imaginis in illum redundat, & sic prototypus est qui adoratur, siue adoretur cum imagine, siue adoretur in imagine, & posteriora loquuntur de adoratione ipsi imagini seorsum à pro- totypo debita, & ista non negant vel quòd prototypus non sit adorabilis cum imagine, vel in imagine, sed tan- tum affirmant quòd in imagine sit ado- randus minori adoratione, quàm in se, vel cum ipsa imagine: vnde semper est verum dictum Aristotelis, quòd *idem est motus in imaginem, & in rem cuius est imago*, quia si adoratio rei cuius est ima- go est eadem numero quando proto- typus

64.

typus adoratur cum imagine, id est, quando ex imagine & exemplari fit & conflatur vnum compositum, ita quando adoratio rei cuius est imago adoratur diuersâ adoratione ab ea quâ adoratur in imagine, dicitur vna, vel virtualiter sicut dicitur vnus motus, qui fit in finem, & in media electa propter finem, vel æquiualemter, sicut dicitur vnus honor, qui fit Pontifici quando ipse honoratur propter honores qui recipiuntur à suo misso Legato, & quòd de hac vnitatè æquiualentia seu analogiæ loquatur Ioannes Presbyter ex pòderatione verborum Basilij in 7. Synodo actione 4. insertur clarè, tum quia ipsa Synodus loquendo de vnitatè vniocationis distinxit inter adorationem imaginis & prototypi, tum quia non colligit hanc adorationem esse vnam, quia imago Regis, & ipse Rex sint eademmet res, sed quia regnum, potestas, & imperium, quæ est ratio formalis propter quam imago Regis adoratur, non est aliud à regno, potestate, & imperio, quòd est in ipso Rege. Quando autem alij Patres negant absolutè fore dandam aliquam adorationem imaginibus, loquuntur de ipsis, si considerentur cum aliqua excellentia absoluta, sicut est ea quæ in prototypis reperitur, quia nulla datur excellentia absoluta in illis, propter quam sint capaces adorationis, sed tota capacitas illis provenit ex habitudine, quam propter representationem dicunt ad prototypum.

65. Ex his debetis deducere qualiter sint adorandæ reliquie Christi Domini, & Sanctorum, vt vestes, &c. (esse enim adorandas eorum reliquias definitum est in Concilijs suprâ citatis) dicimus enim cum communi Recentiorum sententia, quòd sunt adorandæ ad modum quo adorantur imagines, quia in se sunt res inanimæ, nullam in seipsis habentes excellentiam absolutam, & sic ea, quam habent, est relatiua ad personam cuius sunt reliquie, & consequenter in nostra sententia, & possunt simul cum ipsa persona terminare adorationem, & possunt vt quòd adorari separatæ à persona propter habitudinem, quam habent ad illam, & in priori adoratione adorantur eadem adoratione quâ adoratur persona, & in posteriori inferiori

adoratione, quam *honorariam* vocauimus cum Concilio.

QVÆSTIO VI.

De Adoratione Christi Domini in Eucharistia.

CHRISTUS Dominus, qui in sanctissimo Eucharistiæ Sacramento constituitur, potest considerari & specificatiuè, & reduplicatiuè: primo modo non concipitur cum ordine & connexionione ad species, sed tantum concipitur in se, quia ipse in se est sub speciebus sacramentalibus, sicut ipse in se fuit in cruce, & modò est in cælo: secundo modo concipitur prout contentus sub speciebus panis & vini, & vt sic dicit ordinem & habitudinem ad illas: vnde Sacramentum Eucharistiæ vt tale essentialiter consistit in speciebus consecratis, & sic in recto dicit species ipsas & relationem signi continentia ad corpus vel sanguinem Christi Domini prout nutrimentaliter reficientis per modum cibi & potus: quæ relatio signi relicta est ex consecratione in speciebus, imò vt aliquando diximus in materia de Sacramentis in genere, etiam in vobis ibi habitualiter permanentibus, actualiter tamen transactis.

His suppositis de fide est, quòd Christus Dominus, qui præfens realiter & substantialiter est in Sacramento Eucharistiæ (quâ ratione sumitur specificatiuè) debet adorari adoratione latræ: ita est expressè definitum in Concilio Tridentino. vnde in sess. 13. cap. 5. sunt hæc verba, *Nullus itaque dubitandi locus relinquitur, quin omnes Christi fideles pro more in Catholica Ecclesia semper recepto, latræ cultum, qui vero Deo debetur, huic sanctissimo Sacramento in veneratione exhibeat: neque enim idè minus est adorandum, quòd fuerit à Christo Domino, vt sumatur in suis utrumque: nam illum eundem Deum præsentem in eo adesse credimus, quem Pater æternus introducens in orbem terrarum dicit, Et adorent eum omnes Angeli, quem Magi procidentes adorauerunt, quem demig, in Galilea ab Apostolis adoratum fuisse scriptura testatur, &c. Ideoque sic statuit Concilium can. 6. Si quis dixerit in sancto Eucharistia Sacramento Christum unigenitum Dei filium non esse cultu latræ etiam*

externo adorandum, atque idè festinè peculiari celebritate venerandum, neque in processionibus, secundum laudabilem & vniuersalem Ecclesiæ sanctæ ritum, & consuetudinem, solemniter circumgestandum, vel non publicè, ut adoretur populo proponendum, & eius adoratores esse idolatras, anathema sit.

3. Idem etiam venit dicendum de Christo Domino etiam prout reduplicatiuè concipitur sub Sacramento Eucharistiæ, quia licet non omnia quæ sunt in Christo contineantur ex vi verborum, tamen verè & realiter continentur omnia illa sub speciebus consecratis, & sic Christus adoratur latriæ, species autem tunc coadorantur, sicut coadoratur purpura Regis quando adoratur Rex. Quare in hac Quæstione duplex potest examinari difficultas: Prima, qualiter adoretur Christus quâdo sanctissimum Eucharistiæ Sacramentum in quantum tale adoratur, id est, quando adorantur species in quantum includunt relationem signi efficaciter continentis corpus vel sanguinem Christi.

4. Aliqui eodem modo in præfenti philosophantur, sicut philosophantur de adoratione prototypi in imagine, vel cum imagine, & aiunt quod sicut imago & potest adorari cum prototypo, & sine prototypo, & si primo modo adoratur, debet adorari adoratione debitâ prototypo; si verò posteriori modo, debet adorari adoratione inferiori: ita si Eucharistia adoretur simul cum Christo Domino in ea contento, debet adorari adoratione latriæ, quia hæc debetur Christo Domino; si autem adoretur non simul cum Christo Domino, sed prout sunt quædam species consecratæ, vt sic debet adorari adoratione inferiori, sicut est inferior adoratio, quâ adoratur imago, vel purpura Regis secundum se. Sed contrâ, quia, vt probauimus suprà quæstione antecedenti, parte primâ, loquentes de maternitate Virginis vulgariter dicta, res prout continens non potest non includere in recto excellentiam rei cõtentæ; ergo nullo modo potest adorari Sacramentum Eucharistiæ, sine eo quoddammodo adoratur simul Christus Dominus, qui continetur in ipso. patet consequentia, quia relatio signi, quam intrinsecè includit hoc Sacramentum, est con-

tinentiæ illius, quod significatur.

Quare dicendum nobis est, quoddammodolibet sanctissimum Eucharistiæ Sacramentum accipitur, semper debet adorari adoratione latriæ. Fundamentum est, quia quomodolibet sumatur, semper debet includere in recto relationem continentiæ corporis Christi licet abstrahentis à viuo & mortuo prout ex vi verborum significatur, tamen non abstrahentis ab vnito, & non vnito, quia semper corpus Christi etiam in triduo vnitum fuit diuinitati: vnde in verbis consecrationis non solum dicitur, *hæc est corpus*, sed etiam *meum*, quapropter necessariò significatur per se vnio ad Verbum, cui debetur adoratio latriæ, eo enim ipso quoddammodo persona Verbi loquebatur, & in propria persona loquens dixit quoddammodo corpus erat suum, necessariò dicendum venit quoddammodo loquebatur de corpore sibi vnito.

- Sed obiciles quoddammodo ex Concilio Tridentino vbi suprà cap. 3. diuinitas est per concomitantiam, & non ex vi verborum in Sacramento Eucharistiæ; ergo Sacramentum hoc, in quantum essentialiter consistit in speciebus consecratis, non includit vnionem ad Verbum; ergo neque propter rationem suam essentialem petit adorari adoratione latriæ. Responderetur primò, quoddammodo Concilium non ait quoddammodo diuinitas sit per concomitantiam, sed quoddammodo sit in hoc Sacramento *propter admirabilem illam eius cum corpore & anima hypostaticam vnionem*, forte tamen sic intellectum est ab Auctoribus, propterea quoddammodo vnio cum anima non potest esse ex vi verborum, quandoquidem anima tantum adest per concomitantiam vt ibidem docet Concilium, tamen licet ex parte animæ non sit ex vi verborum, non repugnat quoddammodo sit ex vi verborum ex parte corporis. Secundò responderetur, quoddammodo etiam diuinitas sit per concomitantiam, quia non significatur ex vi verborum, non tamen Verbum diuinum in quantum terminat naturam humanam, sunt enim formalitates diuersæ, & potest vna per se significari, & non alia. Tertiò denique responderetur, quoddammodo etiam diuinitas quam Verbum non significatur ex vi verborum, tamen relatio continentiæ corporis

poris uniti ad Verbum significatur; hoc autem ipso quod talis contentia significetur, non potest excludi contentum, & consequenter non potest adorari sine contento, scilicet sine corpore Christi unito ad Verbum, & sic necessarium est adorandum adoratione latræ: unde semper quando Concilium loquitur de adoratione debita Sacramento Eucharistiæ, ait adorandum fore adoratione latræ.

7. Secunda difficultas est, An ex adoratione latræ, quæ exhibetur Sacramento Eucharistiæ, necessario inferatur præsentia realis corporis & sanguinis Christi sub his speciebus. Respondent aliqui, quod non inferitur, & rationem reddunt, quia etiam si realiter non essent præsentia, sed solum dicerentur contineri in illis tamquam in signo (ut tenet error hæreticorum, qui dicuntur Sacramentarii) & ad modum quo prototypum continetur in imagine possent adorari latræ propter Christum à nostra imaginatione coniunctum cum ipso signo, seu cum ipsis speciebus ipsum significantibus.

8. Dicendum tamen nobis est ex adoratione latræ, quæ sanctissimo Eucharistiæ Sacramento exhibetur, necessario inferri realem præsentiam corporis & sanguinis Christi sub his speciebus. Fundamentum est, quia adoratio latræ

ideò adhibetur prædicto Sacramento, quia ipsum essentialiter constituitur per signum efficax realis contentiæ veri corporis, & sanguinis Christi, & hæc est ratio veri Sacramenti Eucharistiæ, & quæ mouet ad adorationem illi exhibendam; ergo ex tali adoratione latræ verè inferitur realis præsentia corporis & sanguinis Christi.

Ad fundamentum oppositum respondetur, quod cum quocumque signo, etiam phantastico, & in somnis fortè proposito potest quis coniungere significatum, & ipsum adorare iuxta dignitatem rei significatæ, & sic latræ si signatum est Deus; tamen in præsentia loquimur de signo constituyente verum Eucharistiæ Sacramentum, & cum hoc includat intrinsecè realem contentiam rei significatæ, scilicet Christi, non potest non exigere realem præsentiam ipsius, & consequenter adorationem latræ: quare à posteriori benè inferitur, adoratur hoc Sacramentum latræ; ergo Christus Dominus præsens est realiter, quia eo ipso quod adoratur ut verum noui Testamenti Sacramentum, adorari debet ut signum, non quomodocumque, sed ut efficaciter significans, & hoc ut species continentes realiter præsentiam Christi Domini, cui laus & gloria in sæcula sæculorum. AMEN.

Quidquid in tota hac materia Incarnationis Verbi diuini dixi, libentissimè, et totoq; conatu, & affectu pedibus sancta Romana Ecclesia subiciio.

F I N I S.



DE

456

1001

PRAESERVATIONE VIRGINIS MATRIS.

PROOEMIUM.

Adamus (inquit Protoplastor Deus Genes. 1.)
hominem ad imaginem & similitudinem nostram ; id est , ad
imaginem similitudinis nostrae (vt transferunt
alij ex Hebraeo) sed in cuius similitudinis exemplar Accipe
Tertullianum lib. de Resurrectione carnis , in principio sic
fantem : *Limus ille tunc imaginem induens Christi futuri in carne , non
tantum Dei opus erat , sed & pignus .* Ad similitudinem ergo Christi
factus est homo , vt praesit piscibus maris , &c. quia non so-
lum in natura , sed in integritate , & originali iustitia similem
fecit Deus : sed quem hominem rogo ? Adamumne tantum ?
Audi quid ad nostrum scopum adiungat sacer Textus :
*Et creauit Deus hominem ad imaginem & similitudinem suam : ad imaginem
Dei creauit illum : masculum , & feminum creauit eos .* Non enim so-
lum hominem ad imaginem Christi creauit Deus , sed &
mulierem : quam , si non tantum Euam , sed & beatissimam
Virginem Mariam praecipuam viuentium matrem , volue-
ris intelligere ; annuit Anastasius Synaita lib. 6. Analogica-
rum quaestionum sub his verbis : *Quis mihi , dic queso , aut ex homi-
nibus , aut ex demonibus , audebit dicere , quod ea , quae est eiusdem simul cum
Deo essentia quoad carnem attinet , non sit ad imaginem & similitudinem eius ,
qui ex ipsa natus est ? Quomodo enim est Mater eiusmodi Filij , non ferens inte-
gram , & illesam fetus sui imaginem ?* De hac igitur integritate , &
Virginis illaefione , seu de hac puritate , & Mariae innocentia
nobis adest in praesentiarum licita disputatio (quidquid
frustra timeant aliqui pia opinionis assertores apud Ferdi-
nandum de Salazar lib. de Conceptione in Epistola ad Phi-
lippum III. 1. 13. In medio , suppresso nomine relati) nam
non in dedecus , sed in gloriam nobis est decertatio ; quia
tamen , pro Maria dimicare , ac vincere (verba sunt Ildophonfi

lib. de Virginit. ac parturitione Mariæ) opus est Spiritus sancti, & virtus Altissimi Ipsâ intercedente, faxit ipse auxilium præstiturus & finem.

De hac materia disputant Scholaſtici cum Magistro in 3. dist. 13. vbi pientissimus & obſequentiſſimus Mariæ filius Ioannes Duns Scotus ſecunda Eccleſiæ aquila, alterius, Ioannis Apoſtoli ſanctitudinem & viuacitatem, ſubtilitatem inquam imitatus, vidit ſignum magnum, mulierem ſcilicet amictam Sole inſpexit, Virginem, plenitudinis gratiæ Chriſti (qui Sol iuſtitiae ſeu ſanctitatis eſt) veſtitam, & conſequenter à peccati originalis tenebris nudam: ibi omnes eius affectuæ, Abulenſis paradoxâ 1. cap. 21. & in prologo Bibliæ cap. 6. & Exodi 34. q. 4 tractant D. Thom. 3. p. q. 27. art. 2. Catherinus opuſc. de Conceptione Virginis, ibidem Ferdin. de Salaz. ſuprà reſatus, & plures alij, quos citant noſter Corduba in Quæſtionario q. 44. Suarez to. 2. in 3. p. q. 27. diſp. 2. ſect. 3. Valencia to. 4. diſp. 2. q. 1. punct. 2. Philippus Faber lib. 3. diſt. 7. diſp. 10. Pyrig. in 3. diſp. 3. q. 1. Lezaſa Carmel. in ſuo libello de Cōceptione, & Ægidius de la Præſentacion Anguſtinianus in egregio lib. de Præſeruacione Virginis.

In hac materia ſic me geram, eam enim diuidam in 4. diſputationes, ſub quibus examinabo quæſtiones, quas ſi oportuerit (vt mihi mos eſt) diuidam in partes. In prima diſputatione agam ex profeſſo de peccato originali, in 2. de præſeruacione Virginis ab illo, in 3. de præſeruacione à debito, & tandem in 4. de ſtatu circa definibilitatem opinionis præ. Id autem præ oculis habendum pronuntio, quòd dum hanc materiam pertracto, eam pertractare intendo iuxta præſcriptum Bullæ Sixti IV. & decretū Cōcilij Trid. ſeſſ. 5. de peccato originali in fine, ſcilicet neutram opinionem damnâdo tamquam cōtra decreta fidei, ſed ſolùm diſputando quænam ſit probabilior: & tādē iuxta mādātum Gregorij XV. editum anno 1622. quo cauēt ne aliqui de opinione affirmatiua aliquo modo agant, ſeu tractent in publicis lectionibus, diſputationibus, &c. quia non in ſuaſionem & cōfirmationem, ſed potiùs in diſuaſionem & refutationem adducam.

DISPUTATIO PRIMA

DE

IVSTITIA ORIGINALI.

ORdo doctrinæ, imò & naturæ poposcit, quòd dum præseruationem Virginis à peccato originali intendimus examinare, quid sit ipsum, à quo facta fuerit præseruatio, examinemus: quare decreui prius hoc discutere, licet plures hanc Disputationem supponant, vel se postmodum tractaturos promittant: de ea agunt Scholastici cum Magistro in 2. dist. 30. & 31. vbi Scotus & dist. 19. & 32. D. Thomas, & eius Expōitores 1. 2. q. 81. Vasquez à disputatione 130. Lorca disp. 42. Azor à tom. 1. lib. 4. à cap. 25. & alij suprà citati: sed propter eandem rationem ducti, est nobis inquirendum, primò quid fuerit iustitia originalis in Adamo.

QVÆSTIO PRIMA.

Quid fuerit in Adamo iustitia originalis?

1. **N**ILLO aptiori medio potest explicari peccatum originale, quàm explicando prius quid fuerit iustitia originalis, contra quam est tale peccatum. quare supponendum in primis venit in statu innocentie primos nostros parentes Adamum scilicet & Enam habuisse iustitiam originalem, imò & gratiam habitualementem, vtrumque enim constat ex definitione Concilij Tridentini sess. 5. de peccato originali, vbi can. 2. & 3. definit, *primum hominem, iustitiam, & sanctitatem, in qua constitutus fuerat, per peccatum amisisse*; nam nomine iustitiæ intelligitur originalis, & nomine sanctitatis gratia habitualis. & constat ex Scriptura; nam Ecclesiast. 7. dicitur, *Fecit Deus hominem rectum*; & capite 17. *Deus creauit hominem de terra, & secundum imaginem suam fecit illum, & secundum se vestiuit eum virtute*. legatur circa hoc D. Aug. lib. de peccato originali contra Pelagium & Cælestium cap. 35. & lib. 1. de peccatorum meritis, & remissione cap. 16. & hanc distinctionem tradunt Alexander 2. p. q. 90. num. 1. D. Bonauentura cum Magistro in 2. dist. 29. art. 2. q. 1. & 2. Ricardus art. 1. q. 1. & Gabriel dist. 30. quæst. 1. art. & conclus. 1.

Castillo de Præseru. V. Matris.

Præterea habet hanc sententiam 2. Scotus in 2. dist. 32. 1. ad argumentum 4. questionis in fine, vbi ait quòd in statu innocentie iustitia originalis & gratia erant duo dona ordinata, & quòd gratia erat excellentius donum, quàm iustitia originalis, quia ordinabat sicut modò hominem supernaturaliter, & ad finem supernaturalem, scûs autem iustitia. quod etiam docuerat distinct. 29. 1. ad primum, soluendo 4. argumentum; & dist. 30. 1. quantum ad 4. articulum, litt. F. vbi dicit quòd hæc duo dona se habent tamquam excedens & excessum. Hæc dixi vt appareat, quòd falsò Vasquez 1. 2. q. 88. disp. 132. num. 31. referat Scotum negare gratiam habitualementem primis parentibus in statu innocentie.

His ergo suppositis, contra hanc 3. quæstionem prima sententia asserit, quòd iustitia originalis Adami fuerit ipsa gratia habitualis, ita quòd non fuerint duo habitus distincti, sed vnus & idem realiter. ita Vasquez vbi suprà num. 32. & cap. 8. num. 34. & Sotus lib. 1. de natura & gratia cap. 1. & alij. Est tamen inter eos hæc differentia, quòd Sotus putat, quòd illa gratia habitualis erat maioris dignitatis, & efficitatis, quàm nostra, & quòd non solum primos parentes gratos Deo faceret, sed etiam alias eorum facultates, vt obedirent ad nutum rationis, compesceret: Vasquez verò existimat nullo modo differre à nostra, sed tantum esse

M m m 2 auxi-

auxilia specialis providentiæ Dei ipsi annexa, quibus ita hominem regebat, vt per omnia in facultatibus inferioribus nihil contra rationem sentiret.

4. Hæc sententia probatur primò, quia D. Dionysius multis in locis, sed præsertim lib. de Cælesti Hierarchia cap. 2. vbi agit de baptismo, dicit, effectum baptismi esse auferre ex anima statum dissimilitudinis Dei: sed vera similitudo Dei, ex eodem D. Dionysio ibidem in principio capitis, est ipsa gratia habitualis; ergo hæc erit originalis iustitia, per cuius priuationem dissimilitudo Dei, seu peccatum originale contrahitur.

5. Secundò, quia Concilium Arausicum II. can. 2. & Tridentinum vbi suprâ appellant peccatum originale mortem animæ; ergo ex eo, quia priuat vitâ animam: sed priuat iustitiâ originali; ergo hæc est vita animæ: sed vita animæ tantum est gratia habitualis; ergo, &c.

6. Secunda sententia, & vera affirmat, quòd habitus gratiæ sanctificantis, & habitus iustitiæ originalis sunt habitus diuersi, & realiter distincti, ita vt non repugnaret ex natura rei dari priuationem vnus, absque eo quòd daretur priuatio alterius. ita expressè Scotus locis suprâ citatis, & S. Thomas 1. p. q. 100. art. 1. ad 2. Inter eos tamen est differentia. An habitus iustitiæ originalis sit vnus, an autem sint plures? de qua differentia postea dicam. Tenent etiam Gabriel in 2. dist. 30. q. 1. Maior q. 2. conclus. 1. Faber in 3. dist. 3. disp. 11. cap. 4. & 5. & alij relati à Valquez vbi suprâ: inter quos præcipuus est noster Corduba in suo Quæstionario q. 46.

7. Hanc sententiam probo primò, quia statum innocentiae constituebat iustitia originalis vt talis; sed status dicit permanentiam, & petit aliquid habituale; ergo iustitia originalis, vt talis, est aliquis habitus permanens, & non auxilium transiens (vt volebat Vasquez) ac non habitus gratiæ sanctificantis, quæ modò datur in baptizatis, quia isti non reducuntur ad statum innocentiae; ergo alius; sed non alterius gratiæ habitualis firmioris (vt vult Scotus) tum quia hæc nequit dari in sensibus, sicut dabatur iustitia originalis partialis, vt infrâ dicemus cum Scoto; tum quia sicut

maior intentio habitualis gratiæ sanctificantis de facto non præstat maiorem firmitatem, quia hoc est proprium habitus acquisiti, quo quis se dicat, & tradit Deo; ita maioritas perfectionis in illo habitu infuso non præstaret maiorem firmitatem: tum denique quia absque sufficienti fundamento fingitur ille nouus habitus; ergo habitus gratiæ habitualis, & habitus iustitiæ originalis sunt habitus diuersi, & realiter distincti.

Secundò probatur, quia Adamus in illo statu operabatur secundum suam Dei prouidentiam: sed constituit potentias perfectas in actu primo, & in esse quieto per habitus repositos ad operationes, & non per auxilia; ergo non per hæc, sed per illos operabatur in statu iustitiæ originalis: sed gratia habitualis hæc non poterat præstare, quia hæc vt plurimum solum potest elicere actus charitatis, quia idem est cum habitu charitatis, non tamen actus fidei, spei, &c. quos tunc eliciebat delectabiliter, vt postea dicemus; ergo concedendus alius, vel alij habitus, qui spectarent ad iustitiam originalem.

Tertiò probatur ab inconuenienti, quia aliàs in baptizatis daretur essentialiter peccatum originale quâdo peccassent, quia tunc habent priuationem gratiæ habitualis sibi debitæ in Adamo, etiam coniunctam cum priuatione auxiliorum sibi etiam in Adamo debitorum: nam baptismus non tollit, quòd illa forma sit sibi debita in Adamo (licet auferat quòd iustitia originalis sit deinceps sibi debita) sed potius formam debitam in Adamo recompensat, dando formam excellentiorem, quam nos vocamus gratiam habitualement sanctificantem, quæ excellentior est iustitiâ originali; ergo debent necessariò differre.

Neque satis est dicere, quòd non debetur vt coniuncta cum auxiliis; quia contrâ est, quòd auxilia non sunt donum habituale, & consequenter in priuatione eorum nequit consistere peccatum originale, neque in collatione eorum iustitia originalis. Præterea, quia etiam debetur in Adamo coniuncta cum auxiliis, licet in propria persona sit indebita simul cum auxiliis ratione baptismi.

11. Ad argumenta primæ sententiæ respondetur. Ad primum dico, quodd dissimilitudo potest sumi pro carentia dissimilitudinis, & hæc dissimilitudo de facto sumitur pro gratia habituali, quæ nos Deo de facto reddit similes, & de possibili potest sumi pro iustitia originali, quæ sicut hominem rectificabat, ita ipsum reddebat Deo similem; baptismus ergo (vt benè docet Dionysius) præstat primam similitudinem non secundam.

12. Ad secundum respondetur, quodd peccatum originale idè appellatur mors animæ, tum quia non tantum inducit priuationem iustitiæ originalis, sed etiam affert priuationem gratiæ sanctificantis; tum etiam quia formaliter inducit poenam damni, quæ priuat visione, & fruitione beatâ, & hæc sicut homines constituit beatos, ita constituit viuentes & in terra viuentium, scilicet in cælo.

13. Sed obieciēs: Gratia habitualis collata per Sacramentum matrimonij cum debito auxiliorum congruentium pro illo statu, seu cum auxiliis pro matrimonio necessariis sufficit ad statum illum conseruandum, etiam si sit status, & dicat permanentiam (vt communiter tenent Auctores in materia de Sacramento matrimonij, & idem dicunt de gratia sacramentali aliorum Sacramentorum, vt nos latè tradidimus in materia de Sacramentis in genere disputatione 3. à questione 5. & deinceps) ergo similiter gratia habitualis coniuncta cum auxiliis congruentibus pro statu innocentie, etiam si sit status, sufficit, & non requireretur alia forma habitualis.

14. Hæc ratio aliquam apparentem probabilitatem præ se fert sententiæ Valquez. Respondetur tamen primò, natam esse differentiam, quâ in perfectione differunt status innocentie, & status matrimonij: ratione exposcitur differentia in forma requisita pro vnoquoque; nam status matrimonij, cum sit status in natura lapsa, pluribus est inuolutus imperfectionibus, vnde habet suam perfectionem mixtam cum imperfectionibus proueniētibus à peccato originali; tamen status innocentie, cum sit status naturæ integræ, & à Deo rectificatæ, & hæc tamquam

opus immediatè à manibus Dei procedens, oriatur vndequeque perfectæ; non videtur ei sufficere aliqua forma citò transiens, & solum in actuali operatione, vt est auxilium, sed requirit habere ex suo, & ex perfectione talis status formam, vel formas permanentes, & quasi connaturales, quibus delectabiliter operetur, & tam potentie, quàm sensus suauiter & delectabiliter subdantur dictamini rationis.

Deinde efficacius respondetur secundò, quodd status matrimonij non constituitur per se per talem gratiam cum auxiliis, sicut status innocentie constituitur per iustitiam originale, nam perditâ gratiâ habituali cum debito auxiliorum pro statu matrimonij adhuc permanet talis status, perditâ tamen iustitiâ originali non perseverat status innocentie, quia ipsa iustitia ipsum formaliter constituēbat: vnde hæc non solum materialiter, sed etiam formaliter debet esse habitualis, neque sufficit quodd concomitentur auxilia gratiam habitualement, sed requiritur præter ipsam gratiam, & præter ipsa auxilia aliqua forma habitualis perficiens in actu primo potentias & sensus, subdens delectabiliter, & suauiter subordinans rationem.

Stabilito ergo quodd iustitia originalis sit habitus distinctus ab habitu gratiæ habitualis, licet vterque fuerit in Adamo, & vterque transfundi deberet, sunt examinandæ aliquæ appendices difficultates. Prima est, An habitus iustitiæ originalis sit vnus, vel multiplex? Prima sententia affirmat quodd sit vnus. ita D. Thomas vbi suprâ, quem sequitur Caietanus 1. p. q. 95. art. 1. eamque videtur tenuisse Scotus vbi suprâ dist. 32. §. *argumenta*, vers. ad 3. Et probatur, quia frustra fiunt per plura, quæ fieri possunt per pauciora: sed posito dono habituali originalis iustitiæ in voluntate, quo ipsam rectificaret in ordine ad Deum, totus homo maneret rectificatus; ergo non est necesse ponere alia dona.

Scotus autem noster dist. 29. §. *potest dici*, existimat & verius quodd habitus iustitiæ originalis prout distinctus à gratia habituali est multiplex, quia non tantum est in voluntate, sed etiam in sensibus, imò & in intellectu; quod

M m 3

autem

autem ait vbi suprà, quoddam vnus, & existens in voluntate, subintelligitur principaliter, & pro quo præcipue supponit iustitia originalis in ratione iustitiæ, tum quia hæc in ratione talis rectificat voluntatem, in qua formalis iustitia residet, sicut & formale peccatum; tum quia hæc foret, quæ quasdam delectationes inordinatas appetitus præuenisset, quasdam imperasset, & quasdam diuertisset; & sic præstaret principales effectus iustitiæ originalis. & ita docent plures alij relati à Lorca, qui hanc sententiam tenet disputatione 43. de peccatis, sed immeritò adducit Scotum pro contraria sententia.

18. Probatur autem priuò hæc sententia à Scoto, & simul explicatur natura iustitiæ originalis, quia de ratione iustitiæ originalis est facere perfectam tranquillitatem in anima, ita quoddam natura inferior non inclinaretur contra iudicium superioris, aut si inclinaretur, quantum est ex se, posset tamen à superiori regulari, & ordinari sine difficultate superioris, & sine tristitia inferioris; ergo cum hoc non habeant potentia hominis in pura natura, quia sensus corporis inclinantur propensione, & non impediti agunt vsque ad vltimum de potentia circa propria sua obiecta delectabilia, etiam si sint inordinata, & contra iudicium rationis, & tam intellectus, quam voluntas (quæ sunt potentia animæ) secundum portionem inferiorem, & in quantum habent vnionem, & colligantiam cum potentiis sensitivis, etiam condelectantur illis, & habent naturalem propensionem, & inclinationem ad eadem obiecta delectabilia, debemus necessariò ponere in qualibet potentia tam sensitiva, quam rationali aliquem habitum, medio quo delectabiliter, & sine tristitia operentur contra propria obiecta delectabilia inordinata, ita vt omnes pacificè & lætenter subdantur recto dictamini rationis.

19. Secundò probatur, quia licet habitus iustitiæ originalis solum existens in voluntate posset regulare alias potentias, & illas cohibere ne elicerent actus inordinatos, tamen non ita, vt non peccaret aliquando venialiter ex surreptione, quod aliqui negant illi statui, vel ad minus non ita, vt non tristaren-

tur in tali cohibitione, & detentione, quia propensione naturali ferrentur, & quasi cæco impetu in propria delectabilia; ergo vt absque tristitia, & delectabiliter cohibeantur, debent poni in diuersis potentiis diuersi habitus, quibus totus homo delectabilius inhaereat fini vltimo, & omnibus ordinatis ad illum, quam ab illo separaretur inherendo alicui delectabili inordinato.

Tertiò probatur, quia secundum Concilium Tridentinum sess. 5. de peccato originali, homo tam secundum animam, quam secundum corpus per peccatum originale fuit mutatus in deterius; ergo ex eo, quia priuatus fuit iustitia originali existenti non solum in anima, sed etiam in corpore.

Sed dices: Visus potuit tunc videre turpe visibile, & auditus audire turpe audibile; ergo potuerunt tunc tristiari, sicut potuerunt delectari de visibili, & audibili honesto. Respondet Scotus concedendo totum, tamen voluntas benè vsa fuisset his omnibus. Sed ex hoc putant aliqui Scotistæ, quod in sensibus internis (in quantum sunt appetitui) non erant aliqui habitus ex Scoto, sed immeritò, quia tales habitus in ipsis existentes non reddebant illos incapaces recipiendi quascumque species impressas etiam molestas venientes à quibuscumque obiectis, neque incapaces eliciendi sensationem cum ipsis, sed tantum præstabant delectabilitatem, & saporem maiorem in subordinando se rationi rectæ, quam in condelectando se obiectis delectabilibus inordinatis, quando scilicet ratio dictaret illa esse inordinata.

Ad fundamentum primæ sententiæ respondetur, quoddam licet verum sit quoddam totus homo maneret regulariter rectificatus posito tantum dono iustitiæ originalis in voluntate, tamen non absque tristitia portionis inferioris, & forte non absque peccato veniali, ex surreptione, vt vult Scotus in 2. dist. 21. §. dico ergo: vnde non foret tranquillitas perfecta in homine, quam debemus concedere in illo statu, & sic non solum in voluntate, sed etiam in appetitu sensitivo est ponendus alius habitus, vt in actu primo perfectius operetur conaturaliter suas operationes; imò non solum in appetitu sensitivo communi, sed

sed etiam in quolibet particulari. Nam vt cum Scotus in 3. dist. 17. q. 1. *1. iustitiam* *quaestionem* litt. B communiter dicunt Scotista, & nos diximus 3. lib. de Anima disp. 1. q. 1. tot sunt appetitus sensitiui, quot sunt sensus externi; & sic in quolibet ex istis erat habitus partialiter pertinens ad iustitiam originalem. An autem tales habitus sint virtutis, nihil refert ad propositum. videantur circa hoc Scotus in 3. dist. 33. per totam, & Recentiores ad quaestionem 56. D. Thomae, Lorca disp. 16. & Vasquez disp. 87.

23. Secunda difficultas est, An iustitia originalis prout à gratia habituali distincta sit donum supernaturale, necne? It non est dubium quodd sit supernaturale, si supernaturale sumatur pro eo quod gratiosum, & purè naturæ indebitum, quia omnes hoc fatentur, nam homo non haberet illud donum in pura natura; sed an sit supernaturale quoad substantiam, vel quoad modum. Et prima sententia ait, quodd non sit supernaturalis prædicta iustitia. Ita Lorca vbi supra, qui dicit esse communem sententiam. Et probatur, quia iustitia originalis prout distincta à gratia habituali rectificabat hominem in ordine ad Deum vt finem naturalem: ergo secundum substantiam erat naturalis, neque habebat modum aliquem supernaturalem.

24. Secunda sententia dicit, quodd sit supernaturalis tantum in ordine ad efficiens: ex quo videtur deduci, quodd sit tantum supernaturalis quoad modum. Pro hac sententia refertur à Vasquez vbi supra Scotus in 2. dist. 19. *1. potest dici*, & *1. ad primum*, vers. *ad quartum*. & tenent aliqui Scotista, quos vidi in manuscriptis. Fundamentum est, quia iustitia originalis solum causabatur à Deo immediate; & ex alia parte distinguebatur à gratia habituali, quia gratia habitualis coniungebat hominem ad Deum, vt ad bonum supernaturale, & vt supernaturaliter attingendum per meritum (verba sunt Scoti) & non iustitia originalis: ergo hæc tantum erat supernaturalis quoad modum. Patet consequentia, quia supernaturalitas tantum ex parte efficientis est supernaturalitas tantum quoad modum, vt patet in oculo restituto.

Dicendum tamen nobis est, quodd iustitia originalis etiam prout à gratia habituali distincta erat supernaturalis quoad substantiam. Hæc conclusio sequitur necessarîo ex his quæ cum Scotus pluribus in locis diximus in materia de fide disp. 7. q. 2. p. 3. & q. 3. & in materia de charitate disp. 1. quaest. 3. vbi probauimus quodd supernaturalitas quoad substantiam non sumitur per ordinem ad Deum prout auctorem gratiæ, quia tam circa Deum vt auctorem naturæ, quam vt auctorem gratiæ possunt dari actus supernaturales quoad substantiam; & consequenter non sumitur per ordinem ad finem naturalem, vel supernaturalem, sed sumitur ex hoc quod forma ex natura sua postulat produci ab aliquo agente prout non spectante ad seriem causarum vniuersi, sed secundum actualem Dei providentiam: vnde cum Scotus diximus ibidem, quodd species abstractiua clara mysterij Trinitatis erat supernaturalis quoad substantiam, licet non spectaret ad ordinem gratiæ & gloriæ, & consequenter neque ad ordinem meriti: & in materia de Incarnatione disp. 15. q. 3. diximus quodd species animæ Christi Domini erant per se infusæ etiam circa obiecta naturalia vel materialia.

Ex his ergo probatur primò nostra sententia, quia illud est supernaturale quoad substantiam, quod ex natura sua postulat pro lucibus illis agere, secundum actuale Dei ordinationem, & providentiam, non spectante ad seriem causarum huius vniuersi; sed iustitia originalis etiam prout distincta à gratia habituali sic se habebat, quia solus Deus immediate illi poterat causare absq; physica exigentia naturæ, sicut & gratiam habitualement; imò æquè vtramq; creauit in Adamo, & crearet in posteris: ergo neq; obstat, quodd, si Adamus non peccaret, deberetur posteris debito naturæ, quia hoc intelligi debet ratione ordinationis supernaturalis Dei coniunctæ cum transfusione & propagatione naturæ; tamen hoc non tollit quominus sicut ipsa gratia habitualis transfundenda esset supernaturalis quoad substantiam, ita & iustitia originalis; nam aliud est quodd debeat naturæ, aliud quodd ipsum debitum sit naturale, primum est verum, non secundum.

Secundò

27. Secundò probatur, quia iustitia originalis prout à gratia distincta erat donum gratuitum, quo delectabilius se habebat voluntas circa finem & perfectionem voluntatis Dei, & quo delectabilius se habebant sensus subordinando se recto dictamini rationis, quàm circa propria delectabilia inordinata; sed hoc donum sapientiae, quod secundum doctrinam Scoti in 3. distinct. 34. §. *his suppositis*, vers. *universaler enim*, post litt. O., non tam sumitur pro sapientia, quàm pro sapore, quo magis nobis sapit Deus, quàm ea quæ separant animam ab ipso: ergo est supernaturale quoad substantiam. Probo consequentiam, quia dona Spiritus sancti sunt per se infusa, & consequenter quoad substantiam supernaturalia.

28. Ad fundamentum primæ sententiæ respondetur concedendo quòd iustitia originalis non rectificabat in ordine ad Deum ut finem supernaturalem; sed non eà ratione sumptum, quâ volunt aliqui Thomistæ, quasi sit in Deo aliquid intrinsecum hoc, quod est esse finem supernaturalem; sed eà ratione, quâ diximus locis suprâ citatis, scilicet extrinsecè ratione ordinationis diuinæ, quâ voluit Deus hominem habentem gratiam habitualement acceptare duplici acceptatione, primâ subiectum eius in ordine ad gloriam tamquam hereditatem, secundâ opera ipsius in ordine ad eandem gloriam tamquam ad coronam & præmium, & hoc non præstabat iustitia originalis prout à gratia habituali distincta, quia sicut hæc non constituerebat filium, ita non constituerebat heredem, & sic in hoc sensu non rectificabat hominem in ordine ad Deum ut finem supernaturalem: ex hoc tamen sequitur quòd non sit supernaturalis quoad substantiam; nam hoc provenit ex alio capite, scilicet ex eo quòd ex natura sua postulabat produci à Deo ut supernaturaliter agente.

29. Ad fundamentum secundæ sententiæ respondeo quòd iustitia originalis non tantum erat supernaturalis ex parte efficientis ut oculus restitutus, sed etiam ex parte sui, quia ex parte sui non habebat principium effectuum in serie causarum uniuersi. unde habebat se ad modum habituum per se infusorum. Scotus autem ibi tantum lo-

quitur de iustitia originali, sicut in 2. Sententiarum dist. 3. q. 2. loquitur de specie impressa quidditatiua mysterij Trinitatis infusa Angelis in statu viæ, de qua dicit quòd licet non esset supernaturalis in ordine gratiæ & gloriæ, scilicet quia non habebat ius ad illam, sicut gratia habitualis, tamen ex natura sua postulabat produci à Deo ut agente supernaturali: eodem ergo modo loquitur, & debet intelligi Scotus in præsentia, scilicet quòd iustitia originalis prout à gratia habituali distincta non coniungebat hominem ad Deum supernaturaliter, & tamquam ad bonum supernaturale, scilicet in ordine gratiæ meriti & gloriæ, quod ab ipsa appellatur coniungere supernaturaliter, & ad bonum supernaturale; non tamen negat quòd sit absolutè, & secundum substantiam supernaturalis.

Tertia difficultas est, An præter dicta dona requisita fuerint aliqua auxilia internæ & externæ protectionis ad conservandam perfectam tranquillitatem illius status absque difficultate & tristitia potentiarum? Et respondeo quòd sic sicut de facto requiruntur ad conservandam gratiam, & amicitiam, nam quantum ad necessitatem auxiliorum non videntur differre hi actus, & si Adamus & Eua non penderent ab auxiliis extrinsecis & intrinsecis diuinis, ita ut possent ipsis deficere, & de facto, efficacia defecissent, quando serpens eos tentauit, non peccare possent, neque peccassent.

Quarta difficultas est, An iustitia originalis constituerebat primos parentes, & eius posteros immortales? Circa quam conueniunt omnes, quòd non moreretur: ita expresse Scotus in 2. dist. 19. §. *concedo*, & dist. 29. §. *potest dici*, vers. *de alio effectu*, litt. C. Et probatur ex illo Genes. 3. *In quacumque hora comederitis, morte moriemini*: ergo si non comederent, & statum innocentiæ conseruarent, non morerentur; nam vita ipsorum (inquit Scotus) conseruaretur per multa adiutoria, per esum ligni vitæ, per custodiam Angelorum, per protectionem diuinam, per bonum regimen intrinsecum, & tandem per translationem eorum in cælum.

Sed circa hoc est controuersia, An hæc immortalitas fuerit impotentia &

30.

31.

32.

33. & incapacitas moriendi, an autem carentia actus moriendi? D. Bonaventura in 2. dist. 19. art. 2 & 3. quæst. 1. & D. Thomas 1. p. q. 92. art. 1. tenent esse incapacitatem & impotentiam. Probat primò D. Bonaventura, quia in illo statu fuisset plenum dominium animæ super corpus, & vires inferiores obedirent animæ ad nutum; ergo non fieret resolutio in corpore. Probat secundo D. Thomas, quia daretur aliqua, qualitas in corpore præseruans à corruptione, & hæc esset iustitia originalis.

34. Dicendum tamen est cum Scoto ubi supra, quod immortalitas illius status non fuerit impotentia ad mori, sed carentia actus moriendi. Et probatur primò ex D. Gregorio Niseno lib. 1. Philosophiæ de Homine cap. 2. his verbis: *Melius igitur est hoc quod propositum est sentire, quod mortalis quidem sit conditus: poterat tamen ex perfecto perfectior factus immortalis fieri, hoc est, potestate erat immortalis.*

35. Probatür secundo, quia per actionem & reactionem paulatim deperditur virtus agentis & resistentis, ut patet de aqua mixta vino, quæ toties potest infundi, quod deficiat tandem virtus vini in conuertendo aquam in se: sed homo intrinsecè est compositus ex contrariis, quæ naturaliter habent actionem, & reactionem, absque eo quod aliqua qualitas extrinseca, ex his quæ ad iustitiam originalem perlinebant, hoc posset impedire: ergo tandem homo moreretur, nisi à Deo præueniendo mortem per supra dicta adiutoria transferretur in Paradisum.

36. Tertiò probatur, quia iustitia originalis in tantum posset iuuare ad bonum regimen, in quantum iuuaret ad non peccandum; sed absque peccato potest homo naturaliter corrumpi per mixtionem contrariorum, ex quibus componitur: ergo iustitia originalis non redderet hominem incapacem mortis, sed tantum esset in illo statu ei annexum hoc bonum non moriendi. Et per hoc patet ad vtrumque fundamentum primæ sententiæ, quia neque plenum dominium animæ in corpore, neque qualitas ex illis, aliqua extrinseca homini non intrinsecè immutato

sufficeret ad auferendam intrinsecam necessitatem moriendi.

37. Quinta demque difficultas est, An iustitia originalis prout à gratia habituali distincta fecerit hominem Deo gratum? Affirmat meo videri Faber voi supra cap. 4. num. 16. in fine, licet concedat, quod non ita coniungeret Deo sicut gratia. Fundamentum potest esse, quia erat quædam forma supernaturaliter rectificans hominem; ergo ipsum reddebat Deo gratum gratitudine supernaturali.

Et posset confirmari, quia quod gratia habitualis reddat hominem Deo gratum præter pulchritudinem physicam, quam confert, præstat ex speciali acceptatione Dei; sed hæc etiam posset superuenire iustitiæ originali ex speciali voluntate Dei: ergo, &c.

38. Dicendum tamen cenfeo, quod iustitia originalis prout à gratia habituali distincta non reddebat hominem Deo gratum gratitudine speciali, quæ daret ius in ordine ad gloriam per correspondentiam meriti in ordine ad præmium. ita expresse Scotus in 2. dist. 19. §. ad primum, vers. ad quartum. Et probò, quia homo in statu innocentiæ non solum conditus fuit in iustitia originali, sed etiam in gratia habituali, quæ sicut modò habet, ita tunc habebat annexam specialem Dei acceptationem, quæ hominem habentem ipsam acceptat Deus ad gloriam tamquam hæreditatem, & meritum eius ad ipsam tamquam ad coronam; ergo frustrà erat hoc ipsum ponere etiam in iustitia originali sumpta pro dono à gratia habituali distincta, alias etiam posset poni de facto in quolibet habitu ex per se iustus.

39. Ad fundamentum oppositum respondendo concedendo, quod homo redditur Deo gratus quacumque forma physica naturaliter, si forma sit naturalis; & supernaturaliter, si sit supernaturalis; sed non gratitudine speciali, sed generali; specialis enim Dei acceptatio hominis ad gloriam tantum est annexa gratiæ habituali, ut late traditur in materia de gratia, & nos diximus in materia de charitate disputatione 3. quæst. 4. & 5. Et per hoc patet ad confirmationem,

N n p quia

quia licet de potentia Dei etiã iustitia originalis posset sanctificare, non tamen de facto; nam hoc non habet aliqua forma physice, & ex natura rei, sed moraliter, & ex acceptatione diuina satis congruenter appositã tali gratiã, cùm hæc sit ipsa charitas habitualis, vt sibi diximus; quã acceptatio absque fundamento Scripturæ & Patrum non debet multiplicari in pluribus formis; quapropter in materia de Incarnatione disp. 11. quæst. 2. negauimus cum Scotto, quod vnio hypostatica prout à gratia habituali distincta iustificet, licet id non repugnet ex Dei potentia.

QUESTIO II.

Vtrum ex natura rei, an autem ex Dei pacto iustitia originalis Adami posteris debita fuerit?

1. **N**on agimus in hac Quæstione de debito incurrendi peccatum originale, quia de eo latè agemus inferius, sed agimus de debito habendi iustitiam originalem à posteris Adami: quam habituros fore, si Adamus non peccaret, constat ex Tridentino sessio. 5. decreto de peccato originali canone 3. vbi dicitur Adamum non tantum sibi, sed etiam nobis sanctitatem & iustitiam perdidisse. Querimus ergo primo, An hoc ex natura rei haberent?
2. Et prima ratio dubitandi sumitur ex eo quod ex natura rei parentes potestatem habent in filios, ita vt quādiu paruuli sunt, non emancipati, tota eorum voluntas in parentum voluntate sita sit; taliter quod Patres pro ipsis pacisci, & contractus celebrare possint, imò & posse reddere irrita & nulla eorum sponssiones & vota: ergo Adamus ex natura rei, eo ipso quod omnium hominum est pater, poterat transferre, vel auferre iustitiam originalem.
3. Secundò, quia ex communi sententia Ecclesiæ sufficit voluntas parentum, vt infantibus sit voluntarius baptismus, & non aliã ratione, nisi quia voluntas filij naturaliter censetur eadem cum voluntate patris: ergo sicut potest transfundere gratiam baptismalem, ita potuit naturaliter transfundere iustitiam originalem.

Dicendum tamen notis est eundem 4. communi sententia quod non ex natura rei, sed ex Dei pacto foret debita iustitia originalis posteris Adami; si Adamus de arbore prohibita non manducasset. ita Scotus citatus quæstione antecedenti, Vasquez 1. 2. disp. 132. cap. 9. Lorca in materia de peccatis disp. 44. Et probatur primo, quia si alio quo titulo naturali debita esset posteris Adami iustitia originalis, maxime titulo generationis, & paternitatis, sed hic titulus non sufficit, quia dato quod illum posset habere in quantum pater respectu filiorum, qui nondum sunt exempti à patris potestate, non tamen in quantum auus respectu nepotum, & multo minus in quantum prauus, vel atauus respectu pronepotis, &c. quia vt sic non valent ea quæ pater in quantum pater facit, sed sic compararetur respectu aliorum posterorum à filiis: ergo.

Secundò, quia filius non est pars 5. patris secundum dona supernaturalia, sed tantum secundum naturalia: ergo dona supernaturalia non sunt debita filio ex vi generationis naturalis paternæ præcisè loquendo. Antecedens probatur, quia secundum illa non dependet filius ab illo in genere causæ efficientis, sed in hoc tantum genere dependet à patre in quantum filius: ergo si ab illo dependebat, hoc erat ratione pacti, vel ordinationis diuinæ.

Et confirmatur, quia alijs filij haberent ius in ordine ad bona supernaturalia parentum, & sic gratia habitualis deberetur filiis gentis à patribus existentibus in gratia, quod est absurdum.

Ad rationes dubitandi responderetur 7. posse aliquo modo conducere titulum generationis naturalis, vt accedente Dei pacto, & ordinatione diuina debita fuisset posteris; imò & aliquo modo voluntaria iustitia originalis, & eius priuatio, & ita non physice, & ex natura rei, sed moraliter, & ex Dei acceptatione, quia non excluso pacto, vel ordinatione Dei.

Ex quo querimus secundò, Vtrum 8. factum fuerit hoc pactum, quo scilicet ordinasset Deus Adamo ordinationem enim eius, & legem, in præsentibus

mus pactum) ut iustitiam, & sanctitatem, quam ab ipso acceperat, sibi & posteris conferuaret, eamq; in ipsos transfunderet, si ab obedientia eius non recederet, manducando de fructu arboris scientiæ boni & mali? Circa quam difficultatem Sotus de Natura & gratia cap. 10. dicit hoc pactum esse fabulosum. Fundamentum est primò, quia non est Scripturæ testimonium ex quo probetur fuisse. Secundò, quia absque eo pactò transfunderetur peccatum originale in posteros, quia peccatum actuale Adami id inferebat.

9. Vera tamen & communis sententia docet interuenisse cum Adamo hoc pactum, videantur Vasquez & Lorca ubi suprà, Ferdinandus de Salazar tomo de Conceptione cap. 1. 6. 7. num. 38. Et probatur primò testimoniis Scripturæ ab Augustino 17. de Ciuit. Dei cap. 27. ex illis verbis Genesis 17. *Masculus cuius praputij caro circumcisa non fuerit, peribit anima eius de populo suo, quia pactum meum irritum fecit.* quem locum sic explicat August. *Qui ex populo Iudaico circumcissione non adhibeat remedium peccato originali peribit, quia simul cum Adamo pacti mei irritum fecit.* Sed Vasquez paruipendit in præsentia Augustinum, vt acquiescat D. Thomæ neganti circumcissionem delere ex opere operato originale peccatum. Sed nos ingenuè oppositum tenemus cum Augustino & Scoto, vt traditur in materia de Sacramentis in genere.

10. Deinde Osæ 6. dicitur: *Ipsi autem sicut Adam transgressi sunt pactum, ibi prænati sunt in me.* quæ verba intelligit ibidem Hieronymus, & Rupertus de prædicto pacto, de quo in præsentia agimus. Neque obstat, quòd Septuaginta sic legerint: *Ipsi autem sunt vt homo præteriens testamentum, ibi contempsit me.* quia per *ly homo* significatur Adamus, & per *ly testamentum* idem quòd pactum, vt explicant prædicti Patres. Nec modò curo, an simul cum pacto interuenierit præceptum, quia de hoc postea; curo tamen quòd per verbum *pactum*, & *testamentum*, propriè magis intelligatur quòd sonat, quàm præceptum, vt immeritò volunt alij cum Salazar ubi suprà num. 41.

11. Sed præcipue probatur ex illo testimonio Genesis 2. *De ligno autem scientiæ: Castillo de Praferu. V. Matris.*

boni & mali ne comedas: in quocumque enim die comederis ex eo, morte morieris. vbi non solum Dei præceptum, sed etiam pactum inuenitur: quandoquidem ordinauit Deus mortem pro transgressione, & vitam pro obseruatione, quod audiuit Adam, consensit, & saltem implicitè conuenit cum Deo, & omnes posterius eius cū eo virtualiter in ipso contenti, cum quibus etiam tunc Deus conuentionem fecit, vt patebit clariùs ex translatione Septuaginta, qui sic legunt, *In quocumque enim die comederitis ex eo, morte moriemini.* Nā licet aliqui velint Deum sic locutum fuisse in plurali propter Adamum & Eua, sed in contrarium est: primò, quia Eua non erat tunc ædificata ex costa: secundò, quia Scholastici benè sentientes putant pactum non cum Eua, sed cum Adamo tantum initum fuisse: tertio, quia omnes posterius Adami moriuntur propter illam determinationem diuinam, ergo *ly comederitis* cum Adamo loquitur, & posterius eius. Quòd autem *ly moriemini* intelligatur non solum de morte corporali, sed etiam de spiritali est còmunis sententia cum Augustino lib. 13. de Ciuit. Dei cap. 12. & indicat Paulus ad Rom. 5. illis verbis: *Per unum hominem peccatum intravit in mundum, & per peccatum mors; & ita in omnes homines mors pertransiit: in quo omnes peccauerunt.* quod exponit vno verbo Ecclesiast. cap. 14. dicens, *Testamentum mundi morte morietur, vel morietis;* ergo pactum cum toto mundo, id est, cum Adamo & posteris factum fuit à Deo, cùm Genes. 2. dixit, *In quacumq; die comederis, morte morieris.* sed idem currit de transfundenda iustitia originali, si non comedisset; ergo.

Secundò probatur ratione, quia in natura humana Adami nullum est fundamentum, quare ex natura rei transferret iustitiam in posteros, si non peccaret; neque quòd illam transfunderet, si peccaret: aliàs idipsum possent proximi parentes, & remoti circa filios suos, quod nullus audebit affirmare: ergo ad hoc vt transfunderetur, vel non transfunderetur iure hæreditario iustitia originalis in posteros necessaria fuit Dei ordinatio, & lex, quam pactum appellamus (quidquid sit an se habeat vt rigorose pactum, quod interuenit in contractibus humanis,

in quibus requiritur consensus utriusque partis, qui meo videri non defuit, nam explicitus fuit ex parte Dei, & saltem implicitus ex parte Adæ: ergo non ex natura rei, sed ex Dei pacto fuit debita posteris Adami iustitia originalis.

13. Ad primum primæ sententiæ iam patet non tantum unum, sed plura esse testimonia pro nostra sententia. Ad secundum respondetur nullum esse fundamentum ad asserendum quod peccatum patris ex natura rei transfundatur ad posteros, cum posset Deus ordinasse dare iustitiam, vel non dare illam posteris, siue Adamus peccasset, siue non peccasset, siue acceptam amisisset, siue non amisisset.

14. Querimus deinde tertio, An fuerit Adamo manifestum, quod hoc pactum intelligeretur non solum de sua propria persona, sed etiam de posteris eius? negant aliqui cum Soto, & refertur pro hac sententia Vasquez, sed excusatur à Salazar cap. 1. §. 7. num. 41. cum explicans, imò & tenens non fuisse hoc necessarium ut Adamo tamquam capiti peccatum originale fuerit voluntarium, quia qui delictum aliquod committit saltem implicite, & in causa se submittit omnibus pœnis, & suppliciis ex dignitate peccati sibi correspondentibus; & sic eo ipso quod Adamus peccauit, se voluntarie submittit, ut in pœnam eius ipse & posteris sui priuarentur iustitia originali. at voluntarium implicite, & in causa satis est ad peccatum ut sit voluntarium. Fundamentum huius sententiæ est, quia hæc manifestatio non potest inferri ex aliquo testimonio Scripturæ; ergo.

15. Verior tamen sententia affirmat, Adamo fuisse manifestum hoc pactum, inquitque fuisse non solum pro se, sed etiam pro posteris eius. ita Salazar ibi suprâ num. 43. Et probatur, quia iustitia originalis fuit posteris Adami debita; sed hoc debitum non est naturale, sed morale, ut suprâ probauimus; at non ex pacto, non manifestò Adæ, quia nullum pactum, & præceptum obligationem inducit, nisi cognitum: ergo non solum fuit Adamo manifestum, quod pactum diuinum obligabat ipsum ad conseruandam iustitiam pro se, sed etiam pro posteris eius: aliis carentia

iustitiæ non imputaretur ipsis tamquam carentia iustitiæ debita; sicut neque imputaretur Adamo si non haberet præceptum de illa conseruanda (siue hoc præceptum ortum fuerit ex virtute charitatis erga se & proximum, siue ex præcepto speciali diuino scilicet conseruandi pro se & posteris iustitiam originalem, distincto ab illo præcepto de non comedendo de arbore scientiæ boni & mali, sicut diuersis Auctoribus placet) stat ergo veritas nostræ sententiæ.

Dices ergo: Ut iustitia originalis dicatur debita posteris Adæ, sufficit ordinatio diuina, per quam decreuerat Deus apud se, Adamo perseverante in bono, conferre filiis eius illam: ergo non erat necessaria cognitio pacti & præcepti. Respondeo primò cum Salazar num. 44. negando antecedens, quia illud decretum Dei erat anceps in utramque partem scilicet conferendi, vel auferendi gratiam, prout Adamus se gereret, & consequenter sublatò præcepto, quod habetur ex pacto, nullam esse obligationem, ratione cuius iustitia originalis dicatur debita filiis Adæ.

Secundò respondeo negando similiter antecedens, ex eo quod sicut decretum, quo Deus intra se decernit dare mihi gloriam, vel gratiam, non est sufficiens ad hoc, ut sit mihi debita debito iustitiæ, licet sit sufficiens ut possim ego illam habere, & ut habeam de facto, ita decretum internum Dei dandi iustitiam originalem posteris Adami, ipso perseverante in bono, esset ratio ut possent illam habere, imò ut haberent de facto, non tamen ipsis esset debita ex obligatione iustitiæ, si Adamus non teneret ipsam conseruare pro se, & posteris eius.

Ad fundamentum oppositæ sententiæ respondetur, quod ex locis suprâ adductis patet manifestatio huius pacti; manifestatio autem huius præcepti, si hoc sit speciale, imbibitur etiam in illis: si autem sit charitatis ratio naturalis, ipsum manifestabat, quia naturaliter dicebat Adamo ipsum teneri ad conseruationem iustitiæ originalis, ne tantum malum quantum est priuatio eius inferret sibi & ejus posteris.

QVÆSTIO III.

*Utrum ex peccato Adami deriuetur
in posteros aliquod peccatum?*

Postquam egimus de iustitia originali, & debito contrahendi illam, venit agendum de peccato originali, circa quod Pelagius monachus Palestinus circa annum 415. docuit pueros nihil omnino ex peccato primi parentis contrahere, mortemque, ærumnas, & alios defectus, quos homines experiuntur, illis esse naturales, taliter quod etiam si Adam non peccasset, adhuc etiam ipsos haberent. ita refert Augustinus lib. de Hæresibus hæresi 88. Ut autem Pelagius satis faceret auctoritatibus sacræ Scripturæ, quæ significant primum hominem induxisse peccatum in posteros, dixit hoc fuisse per imitationem, & non per veram transfusionem; sed quia Adam fuit inobediens, se præbuit exemplum inobedientiæ & peccati. Discipuli vero eius eisdem testimoniis conuicti dixerunt idem posteros contraxisse peccatum, non quia verè ipsum contrahunt, sed quia contrahunt poenas illius, nam illud puniuntur in omnibus. ita refert idem Augustinus lib. contra duas Epistolas Pelagij cap. 2. & 4. quibus plures alij hæretici & Auctores consensere, quos refert Lorca disp. 42. in principio.

2. Primò probant hæretici ex sacræ Scripturæ testimoniis; nam Ezech. 18. *Pater non portabit iniquitatem patris.* Et ad Rom. 4. *Ubi non est lex, neque præiuricatio.* non est autem in his, qui recenter nati sunt, quia non habent cognitionem illius. Vnde ibidem cap. 7. dicitur: *Peccatum non cognouit, nisi per legem.* Deinde ibidem cap. 5. dicitur: *Regnavit mors ab Adam, etiam in eos, qui non peccaverunt.* ergo in aliquibus est mors propter peccatum Adami, in quibus non fuit peccatum eius. Et denique 2. ad Corinth. dicitur: *Omnes nos oportet præsentari ante Tribunal Christi, ut referat unusquisque prout gessit in corpore, siue bonum, siue malum.* ergo quod homo non gessit propria actione, non est ibi præsentandum. ergo non datur originale peccatum. Et confirmant pluribus Patrum testi-

moniis, de quibus videri possunt Recentiores.

Secundò probant rationibus: quarum prima est, quia videtur alienum à diuina Misericordia, tot hominum multitudinem, & præcipuè paruulorum, qui nullum propriam voluntate admiserunt flagitium, condemnare propter unius hominis peccatum. Secunda, quia peccatum Adami non fuit efficacius ad nocendum, quàm Christi iustitia ad saluandum, sed hæc nihil prodest non credentibus; ergo neque illud officit non consentientibus. Tertia, quia neque ratio culpæ, neque ratio voluntarij, neque traduci per posteros, potest reperiri in peccato originali paruulorum; ergo non deriuatur in ipsos.

Veritas tamen Catholica docet, propter peccatum Adami traduci in omnes homines aliquod peccatum unicuique proprium, quod contrahunt cum natura ipsa per generationem & originem. Et probatur primò testimoniis sacræ Scripturæ; nam Iob 14. dicitur, *Quis potest facere mundum de immundo conceptum seminet? nonne tu qui solus es? scilicet mundus.* ubi aperte dicitur, homines semine immundo concipi, & immunditiam contrahere; & loquitur de immunditia spiritali, quæ à solo Deo mundatur. Et confirmatur versione Septuaginta, qui sic habent: *Nemo mundus à sorde, neque infans, cuius uita est unius diei super terram.* ubi clarè comprehenduntur paruuli.

Deinde in Psalmo 50. dicitur: *Ece enim in iniquitatibus conceptus sum, & in peccatis concepit me mater mea.* ubi rigoro se defectus originalis appellatur peccatum, cum appelletur iniquitas; & ibi propriam iniquitatem in conceptione contractam exponit, & non iniquitatem parentum, cum conceptus fuerit Dauid ex bono matrimonio: & ubi verbum Hebræum quod correspondet verbo *conceptus*, & quod correspondet verbo *concepit*, non significant actum generandi, sed formationem factus, quæ fit intra matris uterum, postquam iam generantium actio cessauit: & idè notanter non dicitur, Et in peccatis concepit me pater meus, sed mater mea, quia loquitur de conceptione intra uterum maternum; & sic non potuit esse generationis peccatum.

6. Neque obstat quoddam dicatur ex ne-
ptus in iniquitatibus in numero plu-
rali, nam frequenter Scriptura plurali
pro singulari vitur, præterquam quoddam
peccatum originale, etiam unum sit,
potest sic significari, quia est radix plu-
rium peccatorum. Plura alia veteris
Testamenti testimonia possunt videri
apud Galatinum lib. 7. cap. 5. & alios,
quos citat Lorca ubi supra.
7. In nouo Testamento variis in locis
hæc veritas traditur; nam Ioannis a. di-
citur, *Ecce Agnus Dei, ecc. qui tollit pec-
cata mundi*, ubi in Græcoly peccata le-
gitur in numero singulari, & cum arti-
culo demonstratiuo, qui æquiualeat no-
stro pronominis illud; quasi dicat, *Ecce
qui tollit illud peccatum mundi*. quod non
est aliud, nisi originale. Deinde ad
Ephesios a. dicitur: *Nos natura filij ira,*
sicut ceteri; id est, sicut reliqui omnes.
sic enim legitur in omnibus Codicibus,
& Patres Græci in eodem sensu acci-
piunt. Et 1. Corinth. 15. dicitur: *Et
sicut in Adam omnes moriuntur, ita & in
Christo omnes uiuificabuntur*. Et 2. ad Co-
rinth. 5. *Si unus pro omnibus mortuus est,*
*ergo omnes morui sunt: & Christus pro
omnibus mortuus est, ut & qui uiuunt iam
non sibi uiuant, sed ei qui pro omnibus mor-
tuus est.* at non sunt omnes, pro quibus
Christus fuit mortuus propter pecca-
tum actuale mortale; ergo propter ori-
ginale. nam si mortuus est pro omni-
bus, & non omnes habuere peccatum
actuale mortale, sequitur inde quoddam
habuerunt originale peccatum, propter
quod mortui dicuntur; & sic ut omnes
uiuificaret, pro omnibus mortuus est
Christus, non solum pro mortuis in
actuali peccato, sed etiam pro mortuis
in originali.
8. Tandem hæc veritas potissimè asse-
ritur à Paulo in Epistola ad Rom. cap. 5.
in quo cum præmisisset, Christum pro
omnibus nobis, cum essemus impij &
peccatores, mortuum fuisse ut nos ius-
tificaret, statim ingerit sermonem de
peccato originali his uerbis: *Propterea
sicut per unum hominem peccatum in hunc
mundum intravit, & per peccatum mors; &
ita in omnes homines mors pertransiit: in
quo omnes peccauerunt*. Et infra: *Nam iu-
diciu quidem ex uno* (scilicet delicto)
*in condemnationem: gratia autem ex multis
delictis in iustificationem*. Et infra: *Igitur*
- sicut per unius delictum in omnes homines
in condemnationem, sic & per unius iusti-
tiam in omnes homines in iustificationem
uita: sicut enim per inobedientiam unius
hominis peccatores constituti sunt multi,
ita & per unius obediẽtionem iusti consti-
tuuntur multi.* quid clariùs, si rectis ocp-
lis videatur? Sed leges apud Lorcam
ubi supra, aliquas hæreticorum inutiles
easiones huius testimonij, & earum
redargutiones. Lege similiter defini-
tiones Pontificum, & plurium Conciliorum,
præcipuè Tridentini sessione 5.
in Decreto de Peccato originali, & plu-
ra Patrum testimonia, quæ impræsen-
tiarum longum esset recensere. Præ-
sertim cum illa non negent hæretici,
imò Pelagius in quodam Concilio Pa-
lestino retractauit suum errorem, licet
dolo, & paleatis uerbis.
- Secundo probatur hæc veritas ra-
tionibus: quarum prima sumitur ex
vniuersali redemptione Christi, qui
pro omnibus mortuus est, etiam si sint
paruuli, ut patet ex locis adductis; ergo
omnes etiam paruuli sunt rei peccati.
Secunda sumitur ex baptismi necessi-
tate, & effectu, qui est ablucere, quia ex
perpetua Ecclesiæ traditione docemur
baptizare paruulos ante usum rationis;
nam Ioannis 3. dicitur, *Nisi quis renatus
fuerit ex aqua, & Spiritu sancto, non potest
introire in regnum Dei*. Sed dicunt Pela-
giani, baptismum aperire paruulis ian-
nuam regni celestis, & non tollere pec-
catum originale. Sed contra, quia ab-
lucere est purificare: ergo ab aliqua ma-
cula, quia nullus mundus à sordibus, neque lau-
sans, &c. & baptismo tribuitur lauare
& mundare ad Titum c. 3. sicut Ioan-
nis 3. tribuitur illi regenerare; & ad
Ephes. 5. & Act. 22. ablucere peccata,
& ad Rom. 5. alia his similia: ergo non
tantum prouenit ex eo apertio iannæ,
sed etiam purificatio à culpa origi-
nali, &c. Tertia, quia mors est pena
peccati originalis, & omnes etiam
paruuli moriuntur: ergo omnes etiam
paruuli peccant peccato originali.
- Ad primum testimonium pro hære-
ticorum errore respondetur cum Au-
gustino in Enchiridio cap. 33. idem non
portare filium iniquitatem patris, quia
licet illam contraxit, tamen Christus
ab ea eum (uâ redemptione liberat,
quod in simili promittitur Ieremæ 31.

In diebus illis (scilicet tempore gratiae) *non dicemus amplius, Patres nostri comederunt uiam uerbam, & dentes filiorum ob-
stupuerunt, &c. Ecce enim dies quoniam,
dicit Dominus, & seriam domui Iuda, &
Israel sedes aequum.* in quibus uerbis ad
litteram est sermo de gratia & redemp-
tione à peccato originali per Chri-
stum.

11. Ad secundum respondet Chrysostomus homilia 10. in Epistolam ad Romanos loqui de peccato actuali, quod proprie dicitur prauaricatio, quae est actio, & quaerit cognitionem legis. Secundo respondet, quod tertium in peccato originali est lex, & praeceptum, quod cognitum fuit ab Adam, ut in quaestione antecedenti diximus, quando locuti sumus de cognitione peccati.

12. Ad tertium respondet Hieronymus dialog. 3. contra Pelagianos circa finem; non dixisse Paulum mortem regnasse in eos qui non peccauerunt, sed in eos qui non peccauerunt in similitudinem prauaricationis Adae, quod potius est pro nobis, quia si mors regnauit in eos qui non peccauerunt actualiter sicut Adam, ergo ex eo quia peccauerunt originaliter, quia antea dixerat mortem per peccatum in omnes homines transisse, alias esset in paucis uerbis contradictio.

13. Ad quintum respondetur communiter, primo quod strictè loquendo intelligitur de adultis, quia nec parvuli sunt resurrecturi, & assistere debent ad iudicium, tamen non sunt in illo presentandi ante tribunal, ut referat unusquisque, quia non habent actiones, quas in iudicio referant. Secundo, quod ly *praeexistens corpore* sumitur large, ita ut se extendat ad id omne quod imputari potest, & ut sic hoc testimonium non solum potest comprehendere adultos, sed etiam paruulos.

14. Ad rationes oppositas respondetur. Ad primam, quod tantum sit contra dictam misericordiam punire aliquem innocentem, quod Deus in praesenti non facit, quod autem permisit peccatum originale, fuit de causis sibi ipsis, & praedestinatione fecit, & propter alia plura bona, quae orta sunt occasione peccati originalis per manifestationem diuinorum attributorum.

Ad secundam respondetur, quod

quemadmodum peccatum Adae nocet non contententibus actu proprio, ita iustitia Christi potest prodesse non credentibus actu proprio, ut contingit pueris baptizatis.

Ad tertiam respondemus ex professo quaestionibus sequentibus, quomodo ratio culpae, & ratio voluntarij, & ratio traditionis in posteros reperiatur in peccato originali.

QUESTIO IV.

In quo sit essentia peccati originalis?

Præcipuum de peccato originali controuersiam continet Quæstio præsens: circa quam plures fuerunt errores: Primus fuit Marth. Illirici discipuli Lutheri asserentes peccatum originale esse ipsam hominis substantiam quantum ad corpus, & quantum ad animam, quæ per peccatum primi parentis amisit similitudinem Dei, & facta, seu transmutata est ad similitudinem diaboli, & sic essentialiter & substantialiter facta est peccatum. Sed contra hoc ingens figmentum Philosophiæ & Theologiæ contrarium, in quibus nequit bene explicari hæc substantialis transmutatio, obstat primo, quod cum Manichæis admittit aliquas substantias essentialiter malas, à quibus Deum assignabant essentialiter malum. Secundo, quia alias per baptismum non tolleretur peccatum originale, sed tegeretur, aut raderetur, quod est contra Tridentinum infra referendum, nisi dicatur: per baptismum fieri aliam substantialem metamorphosin, quod est ridiculum. Tertio, quia in 1. Ioan. 3. dicitur, *Omne peccatum est iniquitas*, & iniquitas græcè est idem ac deuiatio à regulâ: ergo nullum peccatum est substantia, videantur in Recentioribus huius erroris fundamenta, quæ, quia omnino friuola, non refero.

Secundus fuit Lutherianorum in Apologia confessionis Augustanæ, Melanctonis in Apologia Wormatiensi, & Caluini lib. 2. Institutionum cap. 1. asserentium consistere in concupiscentia, seu fomite ad malum nos inclinante. Et probant, quia Paulus ad Rom. 6. & 8. & ad Hebræos 11. concupiscentiam

tiam appellat peccatum: quibus videtur fauere Augustinus lib. 1. de Nuptiis cap. 23. & 26. & Hugo de S. Viatore lib. 1. de Sacramentis parte 7. cap. 26. & 28. Sed error iste damnatur in Tridentino sessione 5. decreto de peccato originali can. 5. dum damnatur qui dixerit per baptismum non tolli totum id, quod habet veram rationem peccati originalis, cum post ipsum maneat concupiscentia, & fomes.

3. Et confirmatur, quia in pura natura haberemus eandem inclinationem ad illa obiecta; ergo & concupiscentiam. A Paulo autem idem concupiscentia appellatur peccatum, quia, ut ibidem Concilium docet, ad illud inclinatur, & ab illo exit. Et idem habet Augustinus in illo capite 3. Hugo autem securus est Augustinum asserentem consistere in concupiscentia pro materiali, & in reatu pro formali. de quo infra.

4. Tertius fuit aliorum Lutheranorum, qui licet fateantur errorem prædicentem, addunt tamen ad illum, peccatum originale non solum esse concupiscentiam, sed etiam actuales motus inordinatos blasphemiarum, infidelitatis, sensualitatis, &c. qui numquam ab homine separantur. Et probant, quia ut sic sunt actus secundi. Sed contra, quia secundum fidem Catholicam peccatum originale est in parvulis ante natiuitatem, & vsum rationis; sed ut sic nullum habent motum inordinatum, ut constat ad Rom. 9. *Cum nondum nati fuerint, neque aliquid boni aut mali egerint.* Et Deuter. 1. *Filij tui, qui hodie ignorat differentiam boni & mali.* ergo. Et confirmatur, quia prædicti motus perseverant post baptismum. Ad fundamentum respondetur ad dictis, quod peccatum originale non consistit in actu secundo concupiscentiarum.

5. Deinde accedunt alia Catholico- rum sententia prædictis erroribus valde affines: nam Holcor quæstione de imputabilitate peccati ad primum principale, Henricus quolib. 2. quæst. 1. r. Gregorius in 2. dist. 30. q. 2. art. 1. asserunt peccatum originale esse concupiscentiam, sed hanc non esse ipsam animæ potentiam inordinatam, sed aliquam morbidam qualitatem ad malum inclinantem, quam ex alia simili qualitate in carne existente anima contrahit ex

coniunctione & consortio illius, sicut lepram ex lepra, & vlcus ex vlcere. Quibus fauere videtur August. lib. 1. de Nuptiis cap. 25. & 3. ubi peccatum originale appellat morbidum effectum, & affectionem malæ qualitatis; & quod *istam malam qualitatem non transfundit* (inquit) *propagatio, sed libido.* Et ex his putant prædicti Auctores quod semen inficiatur ex libidine in actu generationis, & quod ex hac consecratione oriatur prædicta qualitas in anima. Et similiter videtur fauere Ambrosius in cap. 7. ad Rom. in illa verba: *Scio enim, quoniam in me non habitat*, &c. Fundamentum huius sententiæ est, quia ex peccato Adami originatur natura humana in posteris infecta, & in malum inclinata; ergo ex aliqua mala qualitate naturæ superaddita, ratione cuius sentitur alia lex in nostris membris, &c.

Sed hanc sententiam impugnant Scotus in 2. dist. 32. à §. *contra istam viam*, vsque ad §. *contra quartum articulum*; S. Thomas q. 82. & reliqui Scholastici cum eis; imò Loeza disput. 43. de peccatis, §. *quarta sententia*, sentit parum ab hæreticis prædictam sententiam differre. Et contra eam sic argumentor primo, quia ex peccato Adami non potuit physice infici semen eius, aliàs ex nostris peccatis nostrum semen physice inficeretur, sed hoc est falsum, quia nostris actionibus non producitur in semine qualitas perseverans, sicut neque in semine brutorum ex actionibus eorum; ergo frustra fingitur talis morbida qualitas. Secundò, quia corpus nequit agere in spiritum actione materiali, nam effectus materialis non recipitur in anima, neque actione spiritali, quia corpus non habet virtutem ad illam; ergo non est intelligibilis modus productionis illius. Tertio, quia vel producitur à corpore prædicta qualitas, & hoc non, ut patet ex dictis, vel à Deo, & hoc non, quia aliàs Deus per se & directe esset causa physica formalis peccati, cum prædicta qualitas physica sit; ergo impossibile est talis productio. Quarto, quia per baptismum auferitur in parentibus originale peccatum; ergo ista qualitas; ergo iam filius non nasceretur cum peccato originali, quandoquidem non est agens potens producere aliam similem qualitatem;

6.

51

42

tatem; ergo peccatum originale non consistit in hac morbida qualitate.

7. Ad ea, quæ in oppositum adducuntur, respondetur, quod verba Augustini & Ambrosij largè sunt intelligenda, nam quæcumque dispositio rei qualitas vocari solet, & quia natura humana in paruulis oritur destituta iustitia originali, dicitur nasci mala qualitate affecta, id est, malè disposita; & quod hæc qualitas oriatur non ex propagatione, sed ex libidine, debet similiter explicari ex concupiscentia destituta iustitia originali, quæ libidinem refrabat & gubernabat, sicut frænum refrænât equum, & clauus gubernat nauim.

8. Ad fundamentum dico, quod infectio non est quid positium in humana natura, sed negatiuum, scilicet carentia perfectionis iustitiæ originalis, quæ coercerat inclinationem ad malum, quia natura integra mansit post originale peccatum, de cuius ratione est habere contrarietatem appetituum, & appetitus sensus cum appetitu rationali sequente dictamen honestum, nam prout feruntur in propria obiecta, non possunt non exire in pugnam, & aliquando contra rationem. vnde refutandus venit Corduba, qui lib. 1. q. 45. contendit aliquam in nobis ex peccato originali permanere indispositionem positiuam præter naturalem, quia licet ex Concilio Tridentino vbi suprâ maneat homo per originale peccatum spoliatus in gratuitis, & vulneratus in naturalibus, & secundùm se totum mutatus in deterius, sed totum hoc debet intelligi consistere in sola spoliatione iustitiæ originalis nobis collatæ à Deo cum natura, quia exemplum de hoc infirmo, de quo communiter vitur, non debet currere in omnibus.

9. Deinde Rosenfis contra Lutherum art. 2. docet, peccatum originale pro materiali dicere concupiscentiam, pro formali verò reatum ad pœnam, in quod inclinat Durandus in 3. dist. 30. q. 3. & Maior dist. 3. q. 2. art. 1. quibus fauere videtur Augus. lib. 1. de Nuptiis cap. 26. & sæpè alibi docens contra Pelagianos peccatum originale esse concupiscentiam non ratione sui, sed ratione reatus, quem habet ad iudicium. Fundamentum est, quia vt sic aliquid assi-

gnatur pro materiali, & aliquid pro formali, quod tollitur per baptismum absolute: ergo in eis consistit peccatum originale. Et confirmatur, quia peccatum actuale formaliter consistit in reatu: ergo similiter originale.

Modus iste communiter displicet Scholasticis, quia reatus vel est obligatio ad pœnam, & hæc non est formale peccati, quia oritur ex Deo legislatore, & puniente, vel est dignitas pœnæ, & hæc non est formale peccati si sumatur formaliter, quia oritur ex ipsa culpa, & si sumatur radicaliter, iam non est reatus, sed ipsa formalis ratio peccati, de qua inquirimus in quo consistit: vel denique est reatus culpæ, quo scilicet peccator formaliter ligatur & implicatur, & hoc non est adferre nisi quodd peccatum originale est quo quis ligatur & implicatur, seu quodd peccatum originale est culpa, sed in quo consistat talis culpa non dicitur.

Augustinus autem pro Aduersariis relatus variè exponitur, vt videri potest apud Bellarminum lib. 5. de Amissione gratiæ cap. vlt. neque in præfenti circa eius mentem debemus multum insistere, cum ipse sæpè asserat, quodd præter hoc quod est certum, scilicet nos contrahere peccatum originale, ceteras quæstiones, quæ circa illud disputantur, sibi esse in dubium, & non satis percipere eas. ita habet Moribus Ecclesiæ cap. 22. & in Epistola ad Hieronymum, & sermone 14. de Verbis Apostoli. explicarique potest loqui de reatu pro radicali, seu pro radice.

Ad fundamentum respondetur, non satis esse assignare aliquid pro materiali, & aliquid pro formali, nisi illud sit in quo verè consistat peccatum originale. Ad confirmationem respondetur, quodd nisi benè explicetur, peccatum actuale pro formale non consistit; & quidquid sit de hoc diuersum, formaliter est peccatum originale à peccato actuale.

Præterea Medina q. 82. art. 1. Sotus lib. 1. de Natura & gratia cap. 9. & Corduba vbi suprâ docent, quodd peccatum originale consistat in quadam conuersione habituali ad bonum cõmutabile, & auersione à Deo, & à rectitudine rationis

tionis deriuata in nos ex peccato Adæ, sicut in simili contingit peccato actuali, à quo relinquitur habituale. Et probant primò, quia aliquid simile debet reperiri inter peccatum originis, & peccatum actionis; quia aliter videbimur fingere, & voluntarie loqui: sed originale non est simile peccato actuali; ergo habituali: sed hoc non est aliud, quàm habitualis auersio à Deo bono incommutabili, & conuersio ad creaturam bonum commutabile; ergo. Secundò, quia peccauimus in Adam, vt Paulus dicit vbi suprà quæstione antecedenti; ergo peccatum eius fuit omnium: sed non fuit omnium in quantum actuale; ergo in quantum habituale; ergo vt sic deriuatur in omnes.

14. Hanc sententiam multi (& meritò) impugnant Vasquez cap. 5. & Lorca in §. 7. sententia. Primò, quia talis habitualis conuersio, & auersio est quædam relatio, & oritur ex natura rei in subiecto in quo inest peccatum actuale: ergo tantum reperitur in voluntate Adami, & non in posteris eius. Secundò, quia hac maculâ deletâ in Adamo per poenitentiam non descenderet in filios.

15. Neque satis est dicere, quòd peccauit vt caput, & egit poenitentiam vt persona priuata. quia contrâ est, quòd si semel vtrũque deleta culpa perueniret ad filios, reuisceret abiq; noua illius causa, quia obique nouò actu; quod est absurdum. Tertiò, quia voluntates nostræ non fuerunt in Adamo physice; ergo neque ex physica actione peccauerunt, cum ex natura rei repugnet quòd voluntas non existens consentiat, licet verum sit quòd voluntas Adami moraliter cõseatur nostra, quia fuit voluntas capitis, cuius actiones etiam censentur membrorum. Quartò, quia illa macula foret in voluntatibus filiorum, sicut fuit in voluntate Adami: & nihilominus tamen præfati Auctores eam cum D. Thoma collocant in essentia animæ. Quintò, quia illa conuersio tantum foret ad pomum vetitum, neque pueri possent excusari à pœna sensus, & ad eius retractionem esset requisita contritio, quandoquidem hæc omnia propria sunt peccati habitualis, & falsa de peccato originali. Sextò denique quia nequit percipi quomodo illa macula habitualis descendat in po-

steros, nisi per denominationem extrinsecam, quod nullus Catholicus debet admittere.

Ad fundamenta opposita respondetur. 16. Ad primum, quod in explicatione veræ sententiæ dicemus quid peccatum originale simile habeat cum peccato actionis, quòd non sit fîcticiũ, neque voluntarium. Ad secundum respondetur nos peccauisse in Adam vno modo quasi virtualiter, quia in virtute generatiua illius eramus, & vt sic non solum peccauimus peccato habituali, sed etiam actuali, quia eramus ipse Adam; alio modo quasi formaliter, quia scilicet propter eius peccatum deriuatur in vnoquoque nostrum speciale, & vnicuique proprium peccatum, & vt sic peccatum Adami siue actuale, siue habituale fuit nostrum radicaliter, non formaliter, quod est de quo in presenti inquirimus in quo consistat.

Alij verò aiunt consistere in quadam 17. priuatione non iustitiæ originalis, vel alicuius doni habitualis, sed cuiusdam subiectionis, & cõiunctionis cum Deo, in qua posteri Adami nascerentur, si cum iustitia originali nascerentur. tribuitur hæc sententia Cordubæ vbi suprâ, & Granad. tit. 8. disp. 6. & aliis Recentioribus. & probatur, quia vt sic peccatum originale est priuatio rectitudinis actualis (& non tantum habitualis) debita in esse naturæ. Hanc sententiam meritò impugnant Lorca §. 7. & Vasquez cap. 3. quia vel subiectio ista, quam habituri erant posteri Adami, proueniret à iustitia originali in genere causæ formalis, vel in genere causæ efficientis: si primum, ergo est eadem cum priuatione iustitiæ originalis, sicut priuatio albi est priuatio albedinis, & sic non dissentit à nobis secundum ea quæ dicemus infrâ: si secundum, erit vel peccatum actuale ommissionis, scilicet non obediendi; aut commissionis, scilicet inobediendi; erga Deum; & sic coincidit cum sententia præcedenti iam refutata; neque reperiri potest in paruulo, in quo nequit reperiri peccatum actuale.

Ad fundamentum oppositum respondetur non solum probare esse priuationem rectitudinis debitæ naturæ, sed debitæ actu, vel nihil dicere nouum. 18.

Ceterum

19. Ceterum Albertus Pignus in Controuersia de peccato originali, Catharinus ibidem, & Salmeron in cap. 5. ad Rom. disp. 45. & 46. docent peccatum originale in paruulis nihil aliud esse, quam peccatum primi parentis, denominans eius filios peccatores. & probant, quia ex Paulo ad Rom. 5. *vnus delicto peccatores constituti sunt multi.* & loquendo de Adamo ait, *In quo omnes peccauerunt.* ergo denominatione illius peccati minores Adami dicuntur peccatores. Neque in contrarium est, quod non haberet vnusquisque proprium peccatum, ex eo quod peccatum Adami esset vnum. quia contrā est, quod omnes accipiunt suam denominationem ab vno illo peccato: sicut multi dicuntur visi, licet sit vna omnium visio.

20. Modus iste dicendi à me non bene percipitur, tum quia peccatum primi parentis non est, nec fuit post retractionem ab Adamo factam: ergo iam non denominat, quia sicut nullus ab actu alieno bono potest denominari bonus, ita neque ab actu alieno malo potest denominari malus. Tum quia per peccatum Adami intravit peccatum in mundum, & per peccatum mors, vt inquit Paulus: ergo sicut mors non intrat per denominationem extrinsecam, ita neque peccatum. Tum quia non contraherent in se formaliter maculam peccati originalis, non indigerent ablutione, & mundatione baptismi: ergo quare quod Paulus in verbis adductis ait, solum significat, quod occasio, quare homines constituentur peccatores, scilicet per proprium vnuscuiusque peccatum, fuit delictum Adami, in quo omnes peccauerunt occasionaliter, non formaliter, non imitatione, sed propagatione, vt Tridentinum docet; & sic peccatum Adami non potest esse solum sicut visio respectu multitudinis hominum visæ, qui licet dicantur plures visi, non tamen plures visiones.

21. Tandem Egidius de Præsentatione tractatu de pura Virginis conceptione lib. 2. q. 1. art. 5. licet cum communi sententia sequenti explicanda dicat peccatum originale esse priuationem iustitiæ debitæ, addit tamen eam non sufficere, sed includere, etiam formaliter actionem, scilicet transgressionem

Adami, non quatenus ipse actio est, sed vt est nostra, ita vt illa numero actio fuerit etiam nostra, ac nobis cum illo simul elicit non personaliter, sed originaliter, quatenus vt caput nostrum ex pacto Dei erat nos omnes, & omnes nos eramus ipse. Quem dicendi modum tribuit pluribus Auctoribus, quos liberat Salazar in defensione pro conceptione Virginis, dicens solis Auctoribus antecedentem sententiæ refutatio esse adscribendum.

Probat Egidius suam sententiam 22. primò ex Augustino, qui pluribus in locis ait omnes in Adamo peccasse, quia in illo fuerunt omnes quando ille peccauit, & omnes esse vnum, & illum esse omnes nos: cuius doctrinæ acquiescunt plures Ecclesiæ Patres asserentes omnes in Adamo gustasse cibum vetitum, erritum fecisse diuinum pactum, defecisse, deliquisse, & peccasse: ergo omnes nos quando originaliter peccamus, illudmet peccatum commissimus. Secundo, quia aliter nequit saluari, qualiter nostrum peccatum originale sit, voluntarium & liberum. Tertio, quia hoc modo philosophi habebitur aliquid in Virgine Maria (licet in ea non detur priuatio iustitiæ originalis) à quo redimatur per Christum, quandoquidem ex meritis eius peccatum Adami fuit destructum, etiam vt fuit eius.

Certè Auctor iste ex sententia Pelagiana & Catholica mixturam & compositionem intelligibilem. Et insuper minus laudabiliter loquitur de conceptione beatæ Virginis, siquidem principaliori partem peccati originalis, scilicet actionem Adami, ponit in Virgine, vt ratione illius Christus sit eius redemptor subleuatiuus. Et tandem loquitur inconsequenter, & suimet oblitus, cum lib. 4. quæstione 9. art. 1. §. 2. admittat respectu Virginis redemptionem præseruatiuam, nisi fortè loquatur respectu alterius partis peccati originalis, scilicet carentiæ iustitiæ originalis; & consequenter faciet compositionem cuiusdam redemptionis constantis ex præseruatua & subleuatua.

Eius tamen sententia facilius impugnatur, quantum ad id, in quo diffidet à communi, quia vel nos homines 24. pecca-

peccauimus formaliter per illam Adami actionem, quando Adamus illam elicit; vel quando nos concipimur in vtero materno: non primò, quia tunc non eramus formaliter, sed tantum virtualiter; sed qui non est formaliter, non potest elicere & operari actiones formaliter, imò neque de potentia Dei absoluta potest hoc efficere: ergo, &c. Non secundum, quia tunc non operatur illam Adamus, quia non est, neque tunc nos sumus capaces elicendi aliquam actionem voluntatis; ergo nunquam. Præterea Pelagius etiam concessit quòd omnes peccauimus in Adamo, & quòd nos punimur propter illius peccatum per priuationem iustitiæ originalis, per ærumnas, per mortem, &c. Cum ergo hic Auctor non admittat in vnoquoque nostrum aliquod peccatum originale adæquatè proprium præter ipsummet Adami peccatum, licet ex alia parte dicat quòd carentia iustitiæ originalis sit pars peccati originalis, solum differt in modo dicendi à Pelagio, vt aliquoties ad sententiam Catholicam accedat.

25. Denique quia eadem ratione, quæ cum Adamo peccaremus actualiter, quia omnes nos eramus ipse; similiter peccaremus in ipso habitualiter, quia omnes nos tunc eramus ipse: sed hoc negat hic Auctor lib. 2. de Conceptione q. 3. §. 6. & q. 29. ergo inconsequenter vel falsò loquitur. Et confirmatur, quia ex Cœllo Tridentino sessione 5. de peccato originali can. 3. peccatum originale sicut in capite est vnum, ita in membris est multiplex, & vniciue personæ proprium; ergo in nobis ipsis contrahimus formaliter non solum rationem maculæ, sed etiam rationem adæquatam peccati originalis; ergo non est necesse, quòd peccemus in Adam formaliter.

26. Ad primū pro eius sententia respondetur, Augustinum, & reliquos Patres intelligendos fore loqui causaliter, non formaliter, vt optime omnium explicuit D. Anselmus lib. de Cœptu virginali cap. 7. his verbis: *In Adam omnes peccauimus quando ille peccauit, non quia tunc peccauimus ipsi, qui nondum eramus, sed quia de illo futuri eramus; & tunc facta est illi necessitas, vt cum essemus peccaremus, quia per vniuersam inobedientiam peccato-*

tores constituti sunt multi. Et ad hunc modum intelligitur id, quod dixit Paulus; scilicet quòd *Leui in lumbis patris sui Abrahæ soluit decimas Melchisedech*, scilicet quia quando foret, illas erat soluturus.

Et confirmatur hæc solutio ex contrapositione Pauli de obedientia Christi, quæ iusti constituuntur multi, cum inobedientia Adami, quæ constituuntur peccatores, quia per illam non constituuntur si sumatur formaliter, vt docet Cœcilium Tridentinum sessione 6. de iustificatione, sed si sumatur causaliter; ergo similiter. Ad secundum dicemus ex professo inferius.

Ad tertium dicitur, quòd Virgo beatissima nihil habuit peccati originalis à quo subleuatiue redimeretur, sed ab omni præseruatiue fuit redempta.

PARS PRIMA.

Vera & communis sententia proponitur, & probatur.

Postquam proposuimus tam hæreticorum, quàm Catholicorum varios philosophandi modos, & eorum refutationes circa id, in quo formaliter consistit peccatum originale; dicendum venit à nobis cum communi sententia, quòd sicut sit in priuatione iustitiæ originalis naturæ humanæ debitæ, ita Doctor subtilis in 2. dist. 32. §. *quoad primum*. D. Thomas 1. 2. q. 82. art. 8. & omnes Theologi tam antiqui, quàm recentiores præter suprà citatos. Et probatur primò, quia illi conueniunt quæ peccato originali essentialiter conuenire possint, vt patebit ex solutione argumentorum; ergo.

Secundò probatur, quia ex Concilio Tridentino vbi suprà, & Arausicano II. can. 2. peccatum originale appellatur mors animæ; sed priuatio iustitiæ est mors animæ, quia iustitia originalis prout includebat essentialiter gratiam habitalem iustificantem (vt patet ex dictis quest. 1.) erat vita animæ; ergo. Et confirmatur, quia ibidem dicunt, Adamum sibi, & nobis amisisse iustitiam, & sanctitatem; ergo sentiunt idem esse nos contrahere peccatum originale, seu iniustitiam originalem, ac amittere iustitiam.

Tertio

31. Tertiò probatur ex Patribus: citantur à Receptoribus Dionysius & Ambrosius: sed omnium clarissime & doctissime tenuit hanc sententiam Anselmus lib. de Conceptu virginali cap. 26. dum ait: *Hoc peccatum quod originale dicitur, nihil aliud intelligere quæo in istis infantibus, nisi ipsam, quam supra posui factam per inobedientiam Adæ iniustitiam debitæ nuditatem.*

32. Præterea probatur ratione, quia ex Anselmo peccatum ut sic est formaliter iniustitia; ergo tale peccatum, talis iniustitia: & consequenter peccatum originale erit iniustitia originalis, id est carentia privatiua iustitiæ, seu rectitudinis originalis debitæ ex origine.

33. Confirmatur primò, quia ad rationem peccati requiritur, & sufficit quòd sit voluntarium & dissonum naturæ rationali; at privatio iustitiæ originalis (de qua latè egimus q. 1.) est etiam posteris Adami voluntaria, ut latè probabimus Parte sequenti; & insuper est dissona, seu mala naturæ rationali, cum ab ipsa auferat formam illam iustificantem: ergo.

34. Confirmatur secundò, quia ex eo peccatum actuale est moraliter malum naturæ rationali, quia est privatio rectitudinis debitæ in esse actui; sed etiam privatio iustitiæ originalis debitæ in esse naturæ, est mala moraliter ipsi naturæ: ergo in ea consistit peccatum originale, quòd est malum naturæ.

35. Confirmatur tertiò, quia tantum traducuntur hæc tria per peccatum Adami, scilicet privatio iustitiæ, concupiscentia, & defectus corporalis, sed hic est poena, concupiscentia verò nequit esse peccatum, quia pertinet ad naturæ integritatem. Restat ergo quòd peccatum originale, quod per originem traducitur, sit privatio iustitiæ originalis. Quod utique ex refutatione aliarum sententiarum confirmatur quartò.

36. Ex dictis in Quæstione prima debetis intelligere primò, in cuius doni privatione consistat peccatum originale, quia non tantum consistit in privatione illius doni, quod rectificabat voluntatem, & in ea iuberebat, sed etiam in privatione omnium donorum collectiuè, quæ in omnibus tam rationalibus, quam sensitivis potentiis existe-

bant, eo modo, quo carentia rectitudinis in peccato actuali non solum solet esse una, sed multiplex, scilicet ex obiecto, & circumstantiis, & eo modo, quo carentia salutis corporalis est privatio compositionis plurium humorum: & ratio est clara, quia quodcumque illorum rectificabat naturam; & quodcumque erat per originem traducendum, si Adam non peccasset. Neque in contrarium debet adduci Scotus dist. 32. §. ad argumentum secundæ quæstionis, verum ad tertium argumentum, quia tantum loquitur de eo dono in quo principaliter consistebat iustitia originalis sub ratione talis, quod erat in voluntate, non tamen de omni dono, quod ad eam iustitiam originalem absolute & simpliciter pertinebat, ut deduci potest ex his quæ dixerat dist. 29. §. potest dici, articulo quod si dicatur sub littera 13. lege quæ diximus quæstione 1. huius Disputationis.

Secundò debetis intelligere, quòd non solum peccatum originale in privatione iustitiæ originalis prout à gratia habituali distinctæ, sed etiam in privatione ipsius gratiæ habitualis: itaque utriusque privationem debemus intelligere per privationem iustitiæ originalis, quia utraque æqualiter erat traducenda in posteròs si Adam non peccasset, & utraque erat debitæ ex pacto Dei, & colligitur ex Concilio Tridentino ubi supra adferente Adamum per peccatum amisisse nobis iustitiam & sanctitatem; ergo non solum iustitiam & sanctitatem, sed etiam gratiam habitualement. Neque oppositum colligitur ex Scoto §. ad argumentum secundæ quæstionis, ut vult Lorca; sed hoc potius, etsi obscure, colligitur ex ipso Scoto d. 32. §. ad argumentum quartæ quæstionis, ubi huius rei rationem reddit, quia in statu innocentie hæc dona erant subordinata; nam primi parentes non haberent perfectum statu innocentie, si haberent iustitiam originalem sine gratia habituali; nam sicut illa rectificabat hominem secundum portionem inferiorem, ita hæc secundum portionem superiorem; & insuper præstabat ius in ordine ad gloriam tamquam hæreditatem sine merito, & cum illo tamquam ad coronam: unde licet de possibili iustitia originalis potuisset esse sine gratia,

tia; non tamen fuit de facto sine illa; & sic priuatio iustitiæ debita naturæ includebat priuationem gratiæ habitualis non essentialiter, & ex natura rei, sed moraliter, & ex actuali ordinatione diuina ad illum statum pertinente.

38. Tertiò debet intelligi, quòd ei priuationi originalis iustitiæ exactè competant, quæ de peccato originali docet Catholica fides; nam primò constituit etiam paruulos peccatores, & scđatos verà maculā, tamquam verā malitiā morali habituali. Secundò, est auersio à Deo, quatenus est priuatio vnionis cum ipso, quam originalis præstabat iustitia. Tertiò, est proprium vnicuique posterorum intrinsecè in singulis existens, eo modo, quo cæcitas, & reliquæ priuationes possunt inesse. Quartò, reddit eos Deo odibiles & inimicos, & reddit Deum illis offensum, & consequenter dignos poenā æternā damni.

PARS SECVNDA,

In qua sit satis obiectionibus contra nostram & communem sententiam.

39. **C**ontrā argumentor primò, quia defectus iustitiæ originalis in homine non est priuatio, sed negatio, quandoquidem si homo constitueretur in pura natura haberet eandem nuditatem, & carentiam iustitiæ: ergo peccatum originale non consistit in tali carentia. Respondetur negando autem, quia licet in pura natura esset negatio, sed non in statu naturæ lapsæ, in quo propterea quòd erat debita iustitia originalis primo parenti, & eius posteris, carentia eius in hoc statu est priuatio, quia est carentia formæ debite licet non ex natura rei, sed ex diuina institutione.

40. **C**ontrā argumentor secundò, quia etiam si sit priuatio originalis iustitiæ, tamen hæc est poena peccati Adami: ergo non est formaliter culpa in posteris, alias sicut Deus est auctor poenæ, ita posset esse auctor culpæ. Hoc argumentum malè torfit Sotum, Medinam, & Cordubam; ita vt in diuersas quas suprà retulimus sententias diffunderent. Respondetur tamen quòd non omnis poenæ Deus est auctor, quia circa eam aliquando se habet permissiue, qualiter

sæpè Deus vnum peccatum punit alio, & non conferendo gratiam efficacem & infallibilem ad non patrandum ipsum permittit illud: sic ergo se habet Deus in presenti. Nam Deus (inquit Scotus dist. 32. §. ad argumentum a quasiionem, vers. ad tertium) est causa negatiua, scilicet non conferens iustitiam originalem, & Adam peccans fuit, quasi demeritoria, quia Deus (vt etiam inquit Scotus §. quantum ad secundum) antecederet, & quantum est ex se dat paruulis iustitiam originalem, & non dat consequenter, id est, in executione, propter peccatum Adæ, qualiter actus peccaminosus Deus quantum est ex se aliàs daret rectitudinem, sed non dat illam in re, & tamen, illi non imputatur, quia homo deficiente concurrat. ita respondet Lorca. vnde non mirum, quòd priuatio iustitiæ originalis in posteris sit poena respectu Adami, & sit formaliter culpa respectu posterorum.

Deinde referenda, imò & approbanda venit solutio Vasquez asserentis priuationem iustitiæ originalis dupliciter sumi. Primò pro carentia gratiæ subiicientis vires interiores rationi, & pro carentia ipsius subiectionis. Secundò prout vtraque hæc carentia habet respectum voluptarij ex Adamo: primo modo est poena positiue volita, & inflicta à Deo: secundo modo est culpa, & procedit à nobis, sed non debet intelligi quòd sit poena peccati originalis existentis in paruulo, sed peccati Adami; neque similiter debet intelligi, quòd Deus non concurrat ad rationem voluntarij, sed quòd non concurrat ad illam, in quantum voluntas creata operatur vt deficiens, vt in simili contingit in peccato actuali.

Sed obiicitur contra primam Scoti solutionem, quòd peccatum Adami nunc non exstat: ergo peccatum originale nunc non habet causam demeritoriam: ergo non est, quia effectus in actu requirit causam in actu. Respondet Scotus vbi suprà littera Y, quòd sicut meritum cum transit in se, manet in acceptione diuina, & in scientia Dei, ita demeritum: & ita sicut illud quasi præsens conducit ad præmium, ita hoc ad poenam. Notare tamen debetis non esse rigorosè intelligendum, quòd Adam fuerit causa demeritoria, quia neque

41.

42.

neque merito suo merebatur nobis iustitiam originalem, neque demerito carentiam illius, vt similiter obseruauimus in materia de Incarnatione disp. 2. q. 4. sed intelligendum est lato modo, pro quanto eius meritum, vel demeritum fuit conditio per se requisita ad transfundendum iustitiam originalem, aut priuationem illius.

43. Contrà argumentor tertio, quia vt priuatio sit mala moraliter debet dicere habitu dinem ad peccatum Adami vel non retractatum, vel non remissum; sed vtrumque habet peccatum Adami, quia & iam est retractatum per poenitentiam ab ipso, & iam remissum à Deo: ergo. Antecedens patet, quia peccatum originale, paruulorum assimilatur peccato habituali adultorum orto ex actuali, & illud constituitur in esse mali moralis per prædictam habitu dinem, vt communiter traditur in materia de peccato actuali. Respondetur quòd licet peccatum habituale id requirat, non tamen peccatum originale, quia ad hoc sufficit quòd dicat habitu dinem ad peccatum Adami præteritum in se, & vt tale præsens in cognitione diuina, & in hoc assimilatur, & non amplius.

44. Contrà argumentor quarto: ergo in humanis contrahi potest peccatum originale. Patet consequentia, nam si Rex conferat donum alicui subdito pro se, & pro posteris eius, & ille propter crimen læsæ maiestatis illud amittat, priuatio illius doni erit in posteris peccatum originale. Respondetur negando consequentiam, quia talis doni in posteris non erit carentia alicuius reititudinis consonæ naturæ rationali, & sic non erit culpa moralis, sed quidam defectus ciuilis aut politicus, quia donum, quod ex se reitificat naturam rationalem, quâ talem solum per diuinam institutionem, potest alteri communi cari, aut ab eo auferri.

45. Contrà argumentor quinto, quia peccatum est contra legem: sed originalis carentia iustitiæ non est contra legem; ergo non est peccatum. Respondetur primò cum aliquibus Auctoribus quòd peccatum originale distinguitur in hoc à peccato actuali, quod illud non est contra legem, bene tamen istud. Secundò, quòd in Adamo

datum fuit præceptum vel speciale de conseruanda iustitia pro se, & posteris eius, vel generale, scilicet charitatis, quâ Adam tenebatur non inferre ita grande nocumentum talis priuationis sibi & posteris eius, vt latè diximus supra questione 2.

Contrà argumentor sexto: ergo omnis, qui actualiter peccat, contrahit originale peccatum quantum ad præcipuam eius partem, quia contrahit priuationem gratiæ habitualis. Respondetur primò, quòd peccatum actuale non est priuatio gratiæ si sumatur essentialiter, sed est priuatio reititudinis debiti in esse actui, vt latè traditur à Scottis in materia de peccato actuali. Secundò, quòd etiamsi esset priuatio gratiæ, non tamen potest dici peccatum originale, quia non est defectus per originem tractus, sed propriâ voluntate contractus.

Contrà denique argumentor septimò: Si priuatio iustitiæ originalis est peccatum originale, ergo secundum Scotum non deletur per baptismum peccatum originale, quia non restituitur iustitia originalis, sed tantum gratia habitualis. Respondetur negando consequentiam, quia per baptismum priuatio iustitiæ originalis transfertur in negationem. Et ratio est clara, nam iustitia originalis est debita ratione institutionis diuinæ, sed hæc solum durat vsquedum homo est filius Adæ, & cessat quando transfertur ad esse membrum Christi per baptismum, per quem non vult prædictam iustitiam complere; ergo. Ita respondet Scotus cum communi sententia *i. quantum ad quartum articulum, & 6. ad argumenta secundæ questionis, vers. ad tertium*, vbi ait quòd tollitur in baptismo debitum habendi iustitiam originalem, & commutatur in debitum habendi solum gratiam, per quam formaliter secundum aliquam partem peccatum originale, & secundum aliam tollitur cum priuatio formæ debiti vertitur in negationem formæ indebitæ.

Ex dictis debetis inferre, quòd peccatum originale in vnoquoque ex posteris Adæ est proprium, & in ipso existens, & est vnicum, licet ex pluribus priuationibus integratum; & est æquale in omnibus, cum singulos priuet vnicâ inte-

46.

47.

48.

integritate naturæ: quæ quidem æqualis debet esse in omnibus, quandoquidem aliud non constat, sicut in simili dicitur de effectu baptismi, & priuatio ex forma opposita mensuratur; & sicut gratia, & iustitia originalis est in vnoquoque propria; ita & priuatio eius. Ex quo similiter inferitur, quod poena damni similiter est æqualis in decedentibus absque baptismo cum solo originali, quia æqualitas poenæ mensuratur ex qualitate culpæ.

PARS TERTIA.

Utrum originale peccatum sit sufficienter voluntarium, & qualiter per originem traducatur?

49. **P**RO primo huius Partis, ratio dubitandi fumitur ex eo quod id, quod alienâ voluntate fit, non est mihi voluntarium, nisi propriâ voluntate ei commiserim; sed paruuli nihil commiserunt voluntati Adami circa conseruationem iustitiæ originalis: ergo licet amissio illius fuerit voluntaria Adami, saltem indirectè, non idèò erit paruulis Adami voluntaria; sed in ea consistit peccatum originale: ergo hoc non est sufficienter voluntarium.

50. Ad hoc argumentum aliqui Recentiores vt respondeant, aiunt ex Dei institutione, postquam humanæ naturæ caput effectus est Adam, omnium filiorum voluntates in vnam Adami voluntatem delatas fuisse, eoque iure, vt quid illi vellent, id ipsum omnes alij velle putarentur; quod declarant exemplo populi communi consensu eligentis aliquem in Principem, ex qua electione populi voluntaria prouenit, vt eius aut mandatum dicatur non solum fieri ab ipso Principe, sed etiam censetur ipsi populo voluntarium: sic ergo posteris Adami est voluntaria transgressio præcepti facta ab Adami.

51. Et confirmant, quia si omnino posteri Adami per impossibile adessent celebrationi pacti initii cum Adami, cum ipse non solum haberet iustitiam originalem, sed insuper esset suæ posteritatis eximius amator, & plura haberet à Deo exhibita auxilia ad prædictam iustitiam conseruandam, libenter acquiescerent quoad omnes pacti condi-

tiones, ita vt omnes vellent à parente omnium causam tractari, & huic fortunæ se committere; & consequenter ex vna Adami voluntate licebit omnium posterorum voluntates interpretari: ergo carentia iustitiæ originalis est in ipso interpretatiuè voluntaria.

Sed meritò hæc doctrina repellitur à Recentioribus, tum quia voluntas posterorum pro tunc non existerat, vt deferri possent ad vnam voluntatem Adami; neque, si existerent, possent absque ipsorum expresso consensu: vnde exemplum de præcepto Principis voluntario populo non valet, quia sicut eius electio fuit populo voluntaria, ita & effectus per se secutus ad talem electionem. Tum quia si hæc doctrina esset vera, immeritò Augustinus sæpè infimularet erroris Semipelagianos, qui asserabant idèò paruulos ante baptismum rapi, quia si insuper viuerent, committerent multa peccata, quæ Deus prænouit scientiâ conditionali, quia in horum sententiâ etiam in his paruulis esset locus interpretationi, & qualis foret eorum voluntas necessariò prænouit Deus. Cùm ergo hoc falsum sit, & sæpè à Conciliis damnatum (vt traditur in materia de gratia) non minus falsa erit similis doctrina Recentiorum circa interpretationem voluntatis posterorum Adami. Tum denique quia sicut filij magis fiderent suam iustitiam parenti Adami, tamen nepotes, & reliqui inferiores non ita acquiescerent pacto, ac acquiesceret si fieret cum proximo & immediato parente: ergo etiam si prædictam doctrinam admitteremus, non licebit ex ea coniecturare interpretatiuè voluntarium in omnibus posteris Adami.

Deinde alij aiunt esse interpretatiuè voluntarium propter potestatem quam parentes habent erga filios paruulos, ita vt pro ipsis pacisci, & contractus celebrare possint, & eorum vota irrita reddere: vnde ex communi vsu Ecclesiæ constat, vt sufficiat voluntas parentum ad hoc, vt infantibus baptismus sit voluntarius; quare accedente Dei pacto, quo Adamus constitutus fuit omnium morale caput ad transferendum iustitiam, aut priuationem eius, vtriusque transgressio interpretari debet voluntaria in posteris sicut in Adami, quia

52.

53.

quia pro tunc pacisci non poterant filij, cum non existerent.

54. Sed propter hoc aliquibus displicet hæc doctrina, quia si pro tunc non erant filij, quomodo pro eis pacisci poterat Adam? sed hoc nihil urget, quia Deus in celebratione pacti significavit Adamum habiturum filios, quâdoquidem pro se, & pro illis de conservanda iustitia pactum celebrabat.

55. Alij denique distinguunt duplex genus voluntarij, aliud personale, & hoc est proprium peccati actionis; aliud naturæ, & hoc est proprium peccati originalis; quia scilicet contrahitur ex alio per originem, sicut & ipsa carentia iustitiæ: & hoc (inquiunt) sufficit, quia cum ratio voluntarij non sit genus respectu bonitatis, aut malitiæ moralis, sed tantum sit fundamentum ipsius, sicut sunt duo genera peccatorum, scilicet actionis, & originis, ita ad ipsa sufficiunt pro fundamento duo genera voluntarij. Cum ergo Adam commissæ fuerit tota natura, sufficit ut illi fuerit voluntaria amissio iustitiæ originalis, ut omni illi sit voluntaria non voluntate personæ, sed naturæ.

56. Hic modus philosophandi differt à precedenti in quantum non recurrit ad voluntarium personale interpretationem sicut ille, sed constituit voluntarium verum & reale non personæ, sed naturæ. Habet tamen hanc difficultatem, quia peccatum originale non solum est naturæ, sed personæ, nam adest unicuique proprium. Sed ad hanc respondetur, quod sit proprium secundum carentiam iustitiæ, quia unusquisque habet suam, & non secundum rationem voluntarij; quia hæc communis est omnibus: possumus tamen posere in unoquoque aliquem respectum terminatum ad voluntarium Adam, & consequenter asserere quod in unoquoque est sua ratio voluntarij, sicut in peccato habituali. delinquitur respectus ad actionem transactam voluntariam.

57. In hac re dicendum non est, quod peccatum originale sit voluntarium hoc duplici modo, vel interpretatiue propter patriam potestatem adiuncto Dei pacto, vel realiter & verè non ratione personæ; sed ratione naturæ & originis. Utrumque autem sustineri potest secundum doctrinam Scoti in 2.

Castillo de Praefat. V. Matris.

dist. 32. §. ad argumenta, litt. G. ubi dicitur: *veniens de hoc puncto habet hæc verba: secundo modo dico, quod peccatum non oportet esse voluntarium ipse habet, sed est, vel alij, scilicet à quo contrahitur, & illud peccatum; & utrumque sufficit.* At secundum prædictos duos modos peccatum originale dicitur voluntarium parvulo ratione voluntatis alterius, scilicet Adam. quod voluntarium satis esse ad originale peccatum docet Auctor libri de Ecclesiasticis dogmatibus apud Aug. cap. 22. Et probatur, quia secundum Tridentinum in Decreto de Peccato originali can. 5. definitur, *per baptismum tolli in pueris totum id, quod verum & proprium habet rationem peccati.* sed vna ex rationibus est quod sit voluntarium, & in parvulis hæc non potest dari per propriam & realem eorum actionem: ergo vel per interpretationem ex patria voluntate, vel per voluntarium naturæ.

Ex his venit explicationem, quare Adam peccando potuit incidere naturam, respiciens tamen, & agens penitentiam, non potuit illam reparare. Ratio est, quia quando peccavit egit ut caput; penituit tamen non ut caput, sed ut persona priuata, quia non est institutus caput ad effectum poenitendi; nec convenienter fuit ut institueretur propter plures congruentias, quas tradidimus in materia de Incarnatione Verbi disp. 1. q. 7. & 8. & disp. 4. q. 1. Verum est autem, quod posset Deus ipsum constituere caput per poenitentiam (si velis); non tamquam per satisfactionem condignam, sed tamen per conditionem, qua posita Deus iterum promitteret pro posteris iustitiam, sicut primò fuit eorum caput morale; scilicet non per actionem conservandi iustitiam tamquam per meritum, sed tamen per conditionem, sine qua non, ut supra Parte antecedenti diximus.

Pro secundo huius Partis ratio dubitandi sumitur ex eo quod generatio sit virtute feminis, semen autem non potest agere in animam producendo in ipsam peccatum originale, sicut neque iustitiam originalem, quæ solum erat producibilis à Deo: ergo peccatum originale non traducitur per originem.

Ad hanc rationem dubitanti ut respondeant, aliqui dixerunt animas rationales esse ex traductione feminis, &

P p p

produci

prodici à virtute ipsius: sed assertio ista est hæretica, damnata in Concilio Lateranensi sub Leone X. sessione 18. Dringe dixerunt alij, quòd hoc peccatum fit à Deo, sicut alia omnia creata, sed quâ ratione hoc est hæreticum, & damnatum in Trident. sess. 6. can. 6. ita & illud. Tandem dixerunt alij, quòd ex seruire libidinis producat in semine qualitas morbida, &c. sed hoc iam refutauimus in hac quæstione, dum in principio falsos philosophandi modos circa essentiam huius peccati retulimus.

61. Respondeo ergo cum communi & vera sententia, quòd peccatum originale traducitur per originem, non physica aliquâ qualitate, quâ virtute seminis & generationis producat, sed indirecte resultantia, quatenus naturali generatione producit homo, qui sit filius Adæ, & membrum eius, ex quo habetur vt nascatur priuatus iustitiâ originali, nam ex quo primus parens pro se, & pro posteris iustitiam amisit, eo ipso quo quis generatur filius Adæ, & de stirpe eius contrahit hanc priuationem, quapropter in primo instanti conceptionis, quo scilicet vnitur anima corpori in vtero materno, tunc contrahitur peccatum originale, quia tunc iam homo concipitur formaliter vt filius Adæ, & vt membrum huius capitis.

62. Sed obieciis: Si peccatum originale traducitur per originem saltem indirecte; ergo parentes, qui generant, semper peccant, cum sint causa peccati originalis in filio. Respondetur negando consequentiam, quia hoc peccatum indirecte ex generatione resultat, & parentes generando potius non impediunt, quam causant illud, quia non fit actione efficaci, & in illud per se ordinata, sed resultat ex generatione, quam resultantiam non tenentur impedire, maxime cum dispendio totius naturæ, cuius propagatio cessaret, si generatio esset illicita.

63. Ex his debetis inferre primò, quare iuxta illud lob 14. *Quis poterit facere mundum de immundo conceptum seminet* Ecclesie Patres, & Auctores vocent semen immundum? Respondeo enim hoc non dici ex eo quòd semen ex libidine habeat aliquam qualitatem mor-

bidam & immundam, sed ex eo quòd medio ipso fit generatio, & media generatione homo nascitur filius Adæ, & consequenter immundus ratione peccati originalis.

Secundo debetis inferre, quòd peccatum originale non habet causam naturalem, sed moralem, licet non causetur sine causa naturali, nam ex peccato Adami resultat, & per eius propagationem causatur. Ex quo inferitur tertio, quòd non tam à proximis parentibus, quam ab ipso Adamo oritur peccatum originale, quia propter eius peccatum fuit introductum, & in omnes homines pertransiit.

PARS. QUARTA.

Vtrum peccatum originale sit verè & propriè peccatum?

DVrandus in 2. dist. 30. q. 1. quem sequuntur Ricardus art. 2. & Catherinus opusculo de peccato originali cap. 6. quamuis in paruulo non baptizato admittat defectum iustitiæ, quem peccatum originale appellat, docet tamen eum defectum non habere propriam & veram rationem peccati & culpæ: & probari videtur primò ex Concilio Arausicano II. can. 2. & Trident. sess. 9. citatâ, vbi peccatum originale non dicitur absolute peccatum, sed cum addito, scilicet quòd est mors animæ; mors autem animæ potius est effectus peccati, quam peccatum. Secundo, propter hunc defectum non sumus reprehensione digni, quia nobis à natura inest; & quæ sic inest, non sunt digna reprehensione, vt ait Arist. 3. Ethic. cap. 5. vt si quis nasceretur equus. Et confirmatur, quia nullus dicitur peccare in eo quòd vitare non potest, vt ait August. Tertio, de libero arbitrio cap. 18. sed sic se habes peccatum originale: ergo non habes veram & propriam rationem peccati.

Dicendum tamen nobis est, quòd peccatum originale sit verè & propriè peccatum morale, seu culpa. ita Scotus dist. 32. per totam, cum quo eius discipuli, & ex aliis Vasquez disp. 131. Valencia disp. 6. q. 11. puncto 1. Montefinos disp. 11. q. 4. & cõmuniter Recentiores, qui agrè serunt modum dicendi Durandi, & eum acriter reprehendunt. Probatur

Probatur ergo primò ex Concilio A-
rausicano, quod vbi suprà habet hæc
verba: *Si quis dixerit soli Adæ præuarica-
tionem suam, non & eius propagini asserit
nocuisse; aut certe mortem tantum corporis,
quæ pœna peccati est, non autem & pecca-
tum, quod est mors animæ per vnum homi-
nem in omne genus humanum transfuisse te-
statur, iniustitiam Deo dabit.* ecce quali-
ter distinguit Concilium pœnam à
peccato, & de hoc asserit transire per
omne genus humanum: ergo in quan-
tum peccatum transit.

67. Et confirmatur ex Tridentino vbi
suprà, vbi ait per baptismum tolli non
tantum reatum peccati, sed etiam to-
tum id, quod veram & propriam ha-
bet rationem peccati. Tertio proba-
tur ratione, quia ad veram rationem
peccati moralis tantum requiritur
quòd sit priuatio voluntaria iustitiæ
debitæ, sed totum hoc habet pecca-
tum originale, vt suprà probauimus;
ergo.

68. Ad primum primæ sententiæ re-
spondeo, quòd illud additum vtrius-
que Concilij, scilicet mors animæ, non
est restringens, sed potius est declara-
tium essentiae peccati originalis; imò
per illud distinguitur peccatum à pœ-
na peccati, quæ est mors corporis. Ad
secundum respondeo cōcedendo, quòd
non sumus digni reprehensione perso-
nali, & quæ habeat rationem pœnæ
sensus, quamuis efficiamur damnabi-
les pœnā dāpnī, sicut cæcus excludit-
ur ab aliqua dignitate propter cæcita-
tem. & hoc voluit Aristoteles, quia
loquitur de exprobratione, quæ sit vi-
tuperium, & opponitur laudi. Ad
confirmationem iam diximus, quali-
ter peccatum originale fuerit volun-
tarium: vnde verum est, quòd non di-
citur peccare, qui vitare non potest
peccatum; dicitur tamen contrahere
peccatum, sicut contrahitur macula
habitualis ex peccato actuali.

69. Sed inquires, Vtrum peccatum ori-
ginale & actuale conueniant vniuocè
in ratione peccati? Negat Capreolus
in 2. dist. 30. q. 1. art. 3. & docet tan-
tum æquiuocè conuenire, quia nomen
est commūne, & ratio significata di-
uersa. Ricardus ibidem quæstione 2.
docet analogicè conuenire, quia pec-
catum per prius dicitur de actuali, &
Castillo de Prasferu. V. Matris.

per attributionem ad ipsum de origi-
nali.

Dicendum tamen nobis est, quòd
conueniant vniuocè. Et probatur, quia
conueniunt in ratione generica dis-
conuenientiae ad naturam rationalem,
licet postea diuidatur hæc ratio per
disconuenientiam priuationis rectitu-
dinis actus, & est peccatum actuale
commissionis vel priuationis actus de-
biti, & est peccatum omissionis vel
priuationis rectitudinis originalis de-
bitæ naturæ, & est peccatum originale.
Ratio enim generica disconuenientiae
ad naturam rationalem est essentia ma-
litiæ moralis, sicut bonitatis moralis
est conuenientia ad naturam rationa-
lem. Ex hoc quod patet ad funda-
mentum Capreoli, & ad fundamen-
tum Ricardi, dicimus aliquādo vniuo-
cata participare nomen ex alio, & dice-
re attributionem ad ipsum, quare hoc
non est mirum in peccato originali.

QVÆSTIO V.

*Vtrum peccatum originale tantum
traducatur ex Adamo, an etiam
ex Eva, & ex quo peccato?*

SVppono ex communi Theologo-
rum sententia ex Adamo traduci
peccatum originale, vt expressit An-
selmus lib. de Cōceptu virginali cap. 5.
& docent communiter Ecclesiæ Pa-
tres, & constat ex illo Pauli 1. ad Co-
rinth. 15. *Sicut in Adam omnes moriun-
tur, &c.* & ex Trident. can. 2. & 4. vbi
definitur ex Adamo traduci peccatum
originale, & ipsum nobis iustitiam &
sanctitatem amisisse. vnde infertur,
quòd ex vi præsentis decreti, etiamsi
Eua peccaret, dummodo non peccaret
Adam, non transfunderetur hoc pec-
catum.

Hoc supposito, quod circa Partem
primā huius Quæstionis querimus est,
An etiam Eua simul cum Adamo fuerit
causa partialis trāsfusionis peccati ori-
ginalis in posteros, ita vt neuter solus
sufficeret? Affirmant aliqui Recēiores.
Et probant primò ex illo Ecclesiast. 25.
*A muliere initium peccati, & per eam om-
nes moriuntur.* Secundò probatur, quia
si propter aliquam rationem ex solo
Adam contrahitur peccatum origi-
nale,

nale, maxime quia Paulus vbi suprà dixit, *Sicut in Adam omnes moriuntur*, &c. sed nomine *Adam* potest etiam intelligi *Eua*, tum quia in lingua Hebræa est nomen commune masculo & feminæ, sicut in lingua Latina nomen *homo*; tum quia Genes. 5. dicitur, *Masculum & feminam creauit eos, & vocauit nomen eorum Adam*. ergo.

3. Communis tamen & vera sententia docet, à solo Adamo, & nullatenus ab *Eua* traductum fuisse in posteros peccatum originale: vnde ipsa solâ peccante non traduceretur. ita expressè Scotus in 2. dist. 21. quæst. 2. *de tertio* litt. G. S. Thomas, & eius Interpretes q. 81. art. 5. Vasquez disp. 133. cap. 3. Lorca q. 81. in expositione ad articulum 5. Gaspar Hurtado disp. 6. de peccato originali diff. 2. Et probatur primò, quia ad Rom. 5. & 1. ad Cor. 15. dicitur, *per unum hominem peccatum intrasse in mundum, & per unius inobedientiam omnes constitui peccatores*. quæ verba nequeunt referri nisi ad solum virum, quia tam in Textu Græco, quam Latino lex *unum*, & lex *unius* sunt generis masculini. Et hanc sententiam expresse runt omnes Patres, præcipuè Beda, vt videri potest apud Vasquez num. 9. sed excipe commentarios Hieron. & Ambrosii. quorum auctoritas non est firma vt aduertit Lorca vbi suprà, quia respersi sunt erroribus Pelagianis.

4. Et confirmatur primò, quia vbi suprà dicitur à Paulo, quod *sicut in Adam omnes moriuntur, ita & in Christo omnes viuificabuntur*; & quod *sicut unius delicto peccatores constituti sunt multi, ita unius iustitia* (scilicet Christi Iesu) *multi constituuntur iusti*. sed hæc contrapositio est vnus hominis ad vnum hominem, sumpto homine pro solo viro. ergo. Confirmatur secundò, quia aliàs delictum non appellaretur *vnum*, si non solum Adam, sed etiam *Eua* esset causa, quia in vnoquoque ipsorum fuit numero distinctum peccatum.

5. Secundò probatur ratione (& omiffa illa S. Thomæ vbi suprà, quod mulier tantum se habet passiuè in generatione prolis, quæ nullius est roboris, quia etiam vt sic posset esse causa moralis peccati originalis, præterquam quod hoc esse fallum, & mulierem con-

currere similiter actiuè tradit Scotus in 3. dist. 4. *sed contra*, cum Galeno, & communi medicorum placito, quem sequuntur Conimbricenses 1. de generatione cap. 4. q. 28. art. 2. & Hurtado disp. 2. de generatione sect. 5. & 6. & plures alij) quia pactum Dei, ex quo transfusio peccati dependet, tantum fuit cum Adamo, cui fuit commissæ conseruatio pro se, & posteris iustitiæ. ergo. Neque deest congruentia, quia decens erat, vt non essent duo capita, sed vir fuisset morale caput.

Ad primum oppositæ sententiæ respondeo, tantum significari in illo testimonio, Eam fuisse occasionem peccati originalis, & mortis omnium, non propagatione, sed inductione, & suasionem, quâ induxit Adamum ad peccandum.

Ad secundum concedo nomen *Adam* esse commune duorum, tamen in dictis testimoniis tantum significat virum, aut pro eo tantum supponit. Ex his debetis inferre, quod *Eua* peccante, dummodo Adam non peccaret, non foret in posteris peccatum originale; & similiter, quod Adamo peccante, etiam si *Eua* non peccaret, nihilominus foret in posteris peccatum originale, quia soli Adamo commissæ fuit sanctitas, & iustitia pro posteris.

Sed inquire, An si Adam peccaret, & non *Eua*, amitteret *Eua* suam iustitiam originalem, quam habebat inherentem in se, vel è contrâ? Et respondeo quod non, quia iustitia vnus non dependebat in conseruari ab alio, sed à Deo, & à seipso.

His non obstantibus non apparet mihi probabilis prima sententia, cui præter Anselmum eam docentem, multum videntur fauere ea, quæ in Genesi dicuntur, & præceptum de non comedendo de arbore scientiæ boni & mali, & comminatio mortis & pœnæ peccati originalis ex æquo comprehenderunt vtrumque: neq; testimonia Pauli vrgent, quia cum principaliter & completiuè peccans fuerit Adam, & non *Eua*, de ipso loquitur præcipuè, & ipsi præcipuè destruenti per peccatum totam posteritatem contraponit Christum eam reparantem per suam passionem, & mortem; vel quia tradita fuit Adæ iustitia originalis tamquam digniori,

gniori, & circumspcctiori, & fortiori (verba sunt Scoti vbi suprà, quibus potest explicari pro hac sententia) ita quòd si eam perderet pro se, & pro tota sua posteritate perderet: non sic autem tradita fuit mulieri, id est, non tamquam digniori, fortiori, &c. & idè loquitur Paulus de merito Christi per contrapositionem ad peccatum Adam, & non ad peccatum Euz, quia licet hæc fuisset causa partialis, sed non dignior, circumspcctior, & fortior.

10. Sed inquires primò, Si Adam non peccaret, & aliquis filius eius peccaret, v. g. Cain, an successores istius filij peccantis contraherent ex ipso originale peccatum? Respondent communiter Recentiores quòd non, quia non constat aliis parentibus, præter primum, cõmissam fuisse sanctitatem, & iustitiam pro se, & suis posteris.

11. Nihilominus tamen respondet Scotus in 2. dist. 31. q. 1. §. ad argumenta tertia questionis, quòd contraherent ex ipso peccatum originale. ita etiam docet Driedo lib. 2. de Redemptione, & Conradus q. 81. art. 2. Fundamentum est, quia licet Deus tantum locutus fuerit cum primis nostris parentibus, quia tunc non existebant filij eorum, tamen si existerent, non dubium quin tenerentur non comedere de ligno parentibus prohibito, quia & quod parentibus prohibebatur, & filiis existimabatur prohibitum. Præterea, quia si omnes peccauimus in Adamo, ergo omnes tenebamur in Adamo, præcepto quo ipse tenebatur; ergo extitissimus, & in nobis ipsis teneremur; ergo sicut illud in Adamo fuit pro se, & pro tota posteritate, ita in quolibet filio eius esset pro se, & pro omni eius posteritate. & hanc sententiam tenuit Augustinus in Enchirid. cap. 46.

12. Et per hoc patet ad fundamentum, quia commissio conferuandi iustitiam fuit communis omni parenti, sicut & præceptum de non comedendo de arbore scientiæ boni & mali; neque hoc damnatur in Propositione 56. Michaëlis Baij, vbi sic habetur, *Omne scelus eius est conditionis, ut suum autorem, & omnes eius posteros eo modo inficere possit, quo infecit prima transgressio.* vbi tantum condemnatur quòd id ipsum dicatur de omni peccato, quòd dicitur de pec-

cato originali quantum ad transfusionem.

Dicit tamen quidam Scotista in manuscriptis, conando adducere Scotum pro Aduersariis, quòd Scotus vbi suprà, differtis verbis, tenet oppositum: nam respondendo ad secundum argumentum, hæc habet, *Quicumque accepisset iustitiam originalem pro se, & pro posteris, v. g. Cain esset debitor pro illis, &c. & concludit, Nunc autem (id est de facto) nullus accepit eam nisi Adam, & idè à nullo alio parente proximo contrahimus originale.* ecce qualiter Scotus ait, quòd de facto nullus accipit iustitiam originalem pro se, & posteris, nisi solus Adam. Sed licet non displiceat ingeniosa solutio, tamen meo videri est euasio, quia argumentum ad quòd respondet Scotus loquebatur de facto, cui in eodem sensu satisfecit Scotus absque mentione noui pacti celebrandi cum Cain, vel cum alio filio, & sic communiter exponitur ab omnibus; neque est necesse retorquere sensum verborum, maxime cum contineant satis probabilem: quòd autem ait, de facto nullus accepit iustitiam pro se, & posteris, nisi Adam, ex eo dicit, quia propter peccatum eius non fuit in posteros deriuata (& hoc est de fide, & non aliud, ut vult Lorca super articulum secundum) non autem ex eo quòd si deriuaretur iustitia originalis, non descenderet cum eodem debito conferuandi eam pro se, & posteris eius.

14. Inquires secundò, An si Adam peccaret postquam filios aliquos in sanctitate & iustitia genuisset, auferretur ab ipsis prædicta sanctitas & iustitia? Respondet Catherinus opusculo de peccato originali cap. ultimo, & Salmeron ad Rom. 5. c. 46. argumento 10. quòd auferretur. Fundamentum est, quia sanctitas filiorum dependebat ex pacto à conferuatione iustitiæ in Adamo. Sed veriùs respondent Suarez disp. 9. sect. 4. Lorca suprà q. 81. art. 3. Granad. disp. 4. quòd non auferretur ab eis. Et probatur, quia in his, quæ supernaturalia sunt, non possumus loqui absque fundamento reuelationis; sed nullo fundamento constat, conferuationem sanctitatis semel collatæ paruulo commissam fuisse primo parenti: ergo.

15. Et confirmatur, quia aliàs non solum filius spoliaretur gratiâ, & iustitiâ ei collatâ in conceptione, sed etiam augmento illius, quod propriis actibus acquisierat, quia destructo fundamento destruitur & augmentum, quod super ipsum confurgit, præterquam quoddam priuationi gratiæ debitæ, quæ est mala moraliter, deberetur homini expulsio cuiuscumque gratiæ habitualis, & consequenter peccatum parentis cederet in destructionem totius gratiæ, quæ esset in filiis, quod est absurdum.
16. Ad fundamentum oppositum respondetur, illud esse verum de filiis nondum natis, non de his qui iam nati erant, & sanctitatem acceperant.
17. Inquires tertio, An Adam amitteret iustitiam posteris, qui ex parentibus in ea nati orirentur? Et respondeo cum communi sententia quoddam sic, quia Adam fuit caput morale omnium, ut patet ex dictis.
18. Et si obicias id, quod in quæsito primo diximus cum Scoto, scilicet quoddam filius Adæ, qui peccaret, amitteret pro se, & pro posteris eius iustitiam originale. Respondeo id dixisse in suppositione, quod Adamus non peccaret, à quo omnes dependent; tamen si ipse peccaret, omnes nondum nati peccassent, quia sicut bonum est ex integra causa, ita malum ex quocumque defectu; & sic sufficeret, quod peccaret Adam, etiam si non peccaret proximis parens ad hoc, ut filij contraherent peccatum originale, non autem ad contrahendam iustitiam, ad quam uterque deberet non peccare.
19. Circa secundam Partem huius Quæstionis, scilicet ex quo peccato Adami traditur in posteros peccatum originale, conveniunt Theologi traduci ex peccato intemperantiæ & inobedientiæ comestionis fructus arboris scientiæ boni & mali. quod constat ex Paulo ad Rom. 5. & ex Tridentino ubi supra can. 1. & 2. & colligitur ex Genesi cap. 2. & 3. ubi Dominus minatus est mortem Adamo ob comestionem illam, & dixit: *Quis indicavit tibi quod nudus esses, nisi quod de ligno, de quo præceperam tibi ne comederes, comedisti.* De qua comestione optimè Scotus in 2. dist. 21. quæst. 2. §. *hic sunt*, ait non esse prohibitam, quia malam, sed è contrâ, idèò fuisse malam, quia prohibitam.
- Addit Vasquez disp. 77. cap. 4. 3. p. 207. & cum eo Gaspar Hurtado disp. 7. de peccato originali diff. 10. Adamum etiam peccasse peccato infidelitatis, quia non obstante Deo dicente, *In quacumque die comederis, morte morieris.* ille credidit Euxæ deceptæ per serpentem aientem, *Nequaquam morieris.* Sed in contrarium potest opponi August. ubi supra, dicens peccavisse ex amore inordinato mulieris: *Noluit* (inquit August.) *contristare eam, quam credebatur sine suo solatio contabescere, & se alienatam omnino intrare, &c.* ergo non peccavit infidelitate, quia ad amorem inordinatum erga uxorem non requiritur. Sed bene observant Auctores, quod hæc peccata non reputantur distincta à peccato comestionis, quia fuerunt causa ipsius, & à demone ad id intenta.
- Quod ergo quæritur circa hanc difficultatem est, An ex vi præsentis decreti, seu ordinationis Dei, si Adam non peccaret peccato dictæ comestionis, sed alio peccato mortali, ab ipso distincto transfunderet in posteros peccatum originale? Tenent partem affirmativam Azor lib. 4. cap. 30. q. 2. & Zumel q. 81. art. 1. disp. 1. & probant ex eo quoddam per tale peccatum amitteret sibi iustitiam & sanctitatem; ergo semel constitutus caput morale suorum posterorum, etiam posteris amitteret illam; ergo transfunderet peccatum.
- Sed pars negativa est verior, eam tenet Suarez disp. 9. sect. 3. num. 7. Lorca q. 81. art. 2. Hurtado ubi supra. Et probatur: quia in his, quæ à divina revelatione dependent, non est philosophandum nisi iuxta eam, sed secundum Scripturam & Tridentinum de facto tantum fuit Deus comminatus mortem (scilicet quæ propter peccatum originale infligitur) si comederet de ligno scientiæ boni & mali, & eam comestionem illis prohibuit: ergo de facto secundum præsentem Dei ordinationem peccatum originale tantum contrahitur propter transgressionem talis præcepti.
- Ad fundamentum oppositum respondetur, quoddam licet quocumque peccato mortali amitteret sibi iustitiam

tiam & sanctitatem, sed non posteris, nisi per comestionem prohibitam, quia dependentur ab ea fuit de facto, & ex vi præsentis decreti constitutus caput morale posterorum.

44. Sed inquires primò, An si Adam haberet actum efficacem voluntatis comedendi de illo ligno, & consequenter peccaret mortaliter, & sibi amitteret iustitiam & sanctitatem, sed non comederet in re, & in executione? an etiam tunc amitteret iustitiam posteris? Affirmant Suarez vbi supra, & Monesinos disp. 11. q. 5. quia peccavit contra præceptum sibi impositum: sed negat & melius Gaspar Hurtado loco citato. Fundamentum est, quia non constat ex Scriptura Adam fuisse pro posteris commissam sanctitatem, nisi sub conditione non comedendi, ac proinde solo peccato completo & consummato comedendi de ligno illo transfunderet peccatum originale, & non sufficeret peccatum inchoatum contra prædictum præceptum: & per hoc patet ad fundamentum oppositum.

25. Inquires secundo, An si Deus de possibili comendaret Adamo gratiam, & iustitiam transfundendam posteris sub conditione, si non peccaret venialiter, vel si non faceret aliquid opus indifferens; tunc si peccaret venialiter, vel faceret illud opus indifferens, subtraheretur gratia & iustitia in posteris esset peccatum originale & grave, licet hæc non sequeretur tamquam condigna poena illius peccati, vel operis? Respondet Vasquez disp. 214. cap. 10. num. 78. quod non, quia non sequeretur ex peccato mortali Adami. Sed merito partem affirmatiivam tenet Hurtado diff. 8. quia peccatum originale non est tale, quia primus parens peccavit, sed id eo quia ex opere ipsius siue peccaminoso, siue non mediâ propagatione sequitur in posteris carentia iustitiæ originalis, & sanctitatis sibi debitæ ex ordinatione diuina: imò hæc esset gravis, quia esset carentia amicitiae Dei, & non solum iustitiæ originalis (vt alius Scotista in manuscriptis vult) sed etiam gratiæ habitualis, quam diximus quæstione 1. de facto pertinere ad perfectum statum innocentiae; licet verum sit (inquit Hurtado) quod non diceretur posteri peccasse in A-

damo, si ipse eliceret opus indifferens: & per hoc patet ad fundamentum oppositæ sententiæ.

Hic solet disputari de obiecto remoto peccati originalis. De hoc contemniunt omnes esse omnem creaturam rationalem, iuxta illud, *Omnes in Adam peccauerunt*, &c. excepto Christo, qui Deus est, & homo; & secundum probabiliorē sententiam, excepta B. Virgine Mariâ, de cuius præseruatione ab originali intendimus in præsentiarum ex animo agere.

Similiter disputatur de subiecto 27. proximo, quod Doctores variè assignant, unusquisque iuxta principia sua. Dicendum tamen nobis est iuxta nostram, quæ tradidimus quæstione 1. quod sicut iustitia originalis non solum residebat in voluntate, sed etiam in intellectu, & in sensibus, & viribus inferioribus, ita & privatio eius, quæ est peccatum originale, quod sit unitate integritatis ex omnibus privationibus habituum, qui in nobis extiterant erant; quod etiam similiter contingit in peccato actuali constanti ex interiori, & exteriori privatione rectitudinis debitæ.

QVÆSTIO VI.

An detur debitum contrahendi peccatum originale, & quod, & quomplex sit?

Notanter querimus in titulo quæstionis, An detur debitum incurrendi peccatum originale? quia non loquimur de debito habendi iustitiam originalem; hoc enim dari omnes faterentur; & patet ex dictis q. 4. s. 1. vbi probauimus, quod peccatum originale sit privatio iustitiæ debitæ: vnde Scotus in 3. dist. 3. q. 1. 4. si autem, habet hæc verba; *Quilibet filius Adæ naturaliter est debitor iustitiæ originalis, & ex merito Adæ caret eâ*. Difficultas ergo procedit de debito incurrendi peccatum originale.

Circa quam prima sententia negat dari in posteris Adæ hoc debitum, ita tenet Agidius de Præsentatione lib. 4. q. 4. art. 5. Et probatur, quia quilibet homo contrahens actu ipsum peccatum originale perfoluit debitum carenti

rendi iustitiâ originali, sed nõ debitum contractum, in ipso homine, aliis pro eodem instati esset debitor, & non esset debitor, quod implicat; ergo non contrahit in se debitum incurrendi peccatum originale, sed tantum hoc debitum fuit in Adamo postquam ipse peccauit.

3. Et confirmatur à simili, quia si quis talem satisfactionem exhibeat pro culpa, quod non solum satisfaciatur pro culpa, sed etiam pro pœna, non relinquitur postea alicuius rei debitor; sed qui contrahit peccatum originale, eo ipso soluit debitum Adami, scilicet ut nos peccatum originale propter ipsius peccatum incurreremus; ergo non contrahitur à nobis ipsis aliquid debitum incurrendi peccatum originale.

4. Communis tamen & vera sententia affirmat dari in posteris Adami debitum incurrendi peccatum originale. ita docet Caietanus tractatu de Conceptu virginali cap. 2. Bellarminus libro 4. de Amissione grætiæ, & statu peccati §. 10. Vasquez. 3. p. disp. 116. cap. 5. Corduba lib. 1. q. 44. conclus. 7. Valencia in 3. p. disp. 3. lect. 4. & alij. Et probatur primò ex Anselmo lib. 10. de Conceptione & peccato originali cap. 7. ubi habet hæc verba: *In Adamo omnes peccauimus, non quia tunc peccauimus, sed quia de illo futuri eramus; & tunc facta est illa necessitas, ut cum essemus peccaremus.* ecce qualiter adstruit debitum sub nomine necessitatis. Et cap. 10. admittit sub nomine debiti his verbis: *Atque omnes, qui naturâ operante, quæp acceptat (scilicet Adam) propagatur, gens adstricti debito nascuntur.* Et cap. 22. admittit debitum sub nomine egestatis, & August. in Epistola 23. ad Bonifacium sub nomine creaturæ.

5. Secundò probatur ratione, quia ex illo decreto, seu ex illa lege, quæ Deus statuit, quod in quacumque hora homo comederet de ligno sibi prohibito, morte moreretur, intelligitur quod moreretur non solum secundum vitam corporis, sed etiam secundum vitam spirituale animæ: ergo facta comestione prohibita, induta est in homine obligatio, & necessitas contrahendi mortem spirituales, seu peccatum originale: ergo datur in posteris Adami, post eius transgressionem, hoc debitum, seu hæc necessitas, aut

obligatio incurrendi peccatum originale.

Tertiò probatur, quia Adamus post transgressionem præcepti dignus factus est, ut tam ipse, quam posterius eius priuarentur iustitiâ originali; sed hæc dignitas in filiis non est aliud, quàm debitum incurrendi peccatum originale, seu obligatio, & necessitas incurrendi illud: ergo.

Et confirmatur primò à contrario, quia si Adamus non peccaret, eius posterius contraherent debitum habendi iustitiam originalem; ergo quia peccauit contraxerunt debitum carenti iustitiâ debita: sed hoc est debitum contrahendi peccatum originale; ergo.

Et confirmatur secundò à simili, quia lege humanâ cautum est, quod proditor ciuitatis priuetur honoribus, & rebus familiaribus, &c. pro se, & posteris eius: unde si aliquis homo crimen committat proditoris, statim ipse, & filij eius necessitatem & debitum contrahunt orbi bonis honoribus, &c. Sed eodem modo se habuit primus parens propter legem latam à Deo, facta transgressionem: ergo & filij eius in contritione orandi iustitiâ originali.

Ad fundamentum primæ sententiæ respondetur, quod hoc debitum non se habet per modum debiti recompensabilis per solutionem, seu satisfactionem, v. g. pecuniarum, de quo verum est, quod persoluitur ipsâ solutione; sed habet se per modum debiti moralis contrahendi in honorem, vel contrahendi priuationem gratiæ; quod posterius perseuerat cum ipsa contritione in honorem, vel gratiæ, ut patet in exemplo adhibito de proditore, & patet in homine efficiente ad hunc priuatum rectitudinem sibi debita, seu peccante, qui statim contrahit debitum priuandi gratiæ; & hoc perseuerat cum ipso in honore; & cum ipsa actuali priuatione gratiæ, quia semper est verum, quod debet sic priuari, etiam quando actualiter est non priuatus: & per hoc similiter patet ad confirmationem, quæ loquitur de debito in ordine ad satisfactionem & recompensationem.

Circa secundum, quod inquiritur, scilicet quod sit hoc debitum, communiter Auctores supra citati docent, quod sit necessitas, seu obligatio contrahendi

trahendi peccatum originale: sed si velis scire cuius sit speciei in iure, nota quoddam in iure ciuili lib. 3. Institutionum tit. 14. §. de obligationibus, Iurisperiti distinguunt triplex obligationum genus, nãm aliud est quod ex lege nascitur, & dicitur *ciuile*; aliud, quod ex contractu fluit, & dicitur *naturale*; aliud denique, quod ex facto redundat, nimirum ex delicto, aut quasi delicto, & dicitur *prætorium* legite Petrum Gregorium Syntagmatis iuris vniuersi libro 21. cap. 3.

scilicet quod triplex sit hoc debitum, quia licet Auctores præfati in locis citatis expresse afferant quoddam duplex, scilicet debitum proximum, & debitum remotum, seu debitum simpliciter, & debitum secundum quid, tamen difficile est explicare quale sit.

Prima ergo sententia sic explicat, scilicet quoddam debitum simpliciter & absolutum dicatur illud, quod filius Adami contrahit ex eo quoddam inclusus fuit in lege, quam Deus pepigit cum Adamo, quoddam si comediisset de ligno prohibito, contraheret priuationem iustitiæ originalis; vnde comedente Adamo, peccauit cum illo in illo, & contraxit debitum simpliciter & absolutum peccandi originaliter in propria persona. Debitum verò secundum quid dicitur illud, quod quis habet ex eo quoddam est creatura rationalis ab Adamo descendens, capaxque vt includatur à lege præfata, quod genus debiti admittunt Auctores infra referendi in Virgine, appellantque debitum debiti, quia Virgo beata debebat includi in debito simpliciter & absoluto ratione debiti secundum quid, si à Deo non excluderentur ab illo. ita docent Catherinus in primo tractatu de Conceptione Virginis 1. p. cap. 1. §. quarto igitur loco asserimus, pag. 10. & §. sed existant nonnulli, pag. 14. & in secundo tractatu lib. 2. cap. 3. pag. 21. & Franciscus Turrianus in Epistola de peccato originali fol. 43. pag. 1. & in hac sententia conceditur, Virginem cum Adamo comediisse de ligno vetito; non tamen peccasse adhuc in Adamo, neque contraxisse debitum proximum simpliciter & absolutum peccandi in se, quia non continebatur, neque includebatur in lege prohibente comestionem.

Secunda sententia sic explicat hæc duo debita, scilicet quoddam debitum remotum sit illud, quod quis habet in primo parente, in cuius lumbis continebatur; proximum verò sit illud, quod quis contrahit non in propria persona in instanti primo, in quo verificatur quoddam est filius Adam, sed in ipso Adamo post legem à Deo latam. ita tenet Ægidius de Præsentatione lib. 2. q. 4. art. 4. §. 3. ita quoddam sicut in huius Auctoris sententia, quam supra retulimus quæstione 4. omnes

11. Quo supposito dicendum nobis est, quoddam hoc debitum potest simul dici *ciuile*, *naturale*, & *prætorium*. ita docet Salazar tom. de Concept. Virg. cap. 1 §. num. 5. Et probatur, quia hoc debitum pendet ex lege à Deo lata; ergo censetur *ciuile*. Præterea, quia fluit ex pacto inito à Deo cum Adamo; ergo est *naturalis*. Tandem redundat ex delicto eiusdem Adami; ergo existimatur *prætorium*: ergo si debitum hoc definire velis per terminos iuris, sic debes proferre: *Est vinculum ciuile, naturale, & prætorium, quo omnes Adæ posterii obstringuntur carere iustitiâ originali sibi debitâ.*

12. Ex quo debetis primò deducere, quoddam debitum hoc non est destinatio aliqua diuinæ voluntatis ad contrahendum originale. ita docet Vasquez 1. 2. disp. 116. cap. 5. Et probatur, quia licet Deo non repugnet destinare aliquem ad peccata, repugnat tamen destinare ad peccatum, quale est originale. Præterea, quia non solum ex lege à Deo lata contrahitur hoc debitum, sed etiam ex peccato primi parentis.

13. Secundò debetis deducere, quoddam hoc debitum non sit sola aptitudo contrahendi peccatum originale (vt quidam satis insultè dixerunt) quia aliàs etiam homo non procedens ex Adam haberet hoc debitum.

14. Tertio deniq; debetis inferre, quoddam eo ipso quoddam hoc debitum est quædam obligatio, vt vult Ægidius vbi supra art. 3. §. 9. debet esse relatio, vt vult Vasquez vbi supra, quia obligatio relatio quædam est ad id, ad quod est obligatio, quidquid immerito Ægidius impugnet.

Quod ergo maiorem ingerit difficultatem in hac Quæstione, est explicare id, quod tertio inquiritur in ea, *Castillo de Prasera. V. Matris.*

peccauimus in Adam quasi actualiter per eandem actionem, quâ ipse peccauit; ita omnes in ipso, & cum ipso contraximus debitum remotum peccandi per eandem obligationem, per quam ex vi legis ipse tenebatur peccare, si comederet; & contraximus debitum proximum comedendo, quia proximum non contrahimus in nobis ipsis, vt docet ipse Ægidius.

17. Tertia sententia explicat debitum remotum esse, quod quis habet in semine virili, tunc cum primo semen viri in feminâ vterum defluit, tunc enim incipit esse necessitas remota, vt ille, qui ex tali semine postea animatus fuerit, peccatum contrahat; proximum verò debitum esse, quod incipit esse in ipso instanti animationis, & ab ipso existentia exordio. ita docent aliqui suppresso nomine relati apud Salazar cap. 2. §. 10. num. 61.

18. Quarta sententia dicit, quodd debitum remotum est illud, quod omnes contraxerunt in Adamo tamquam in capite; proximum verò sit illa necessitas, quam ex comestione peccaminosa Adamo contraxerunt in seipsis habendi peccatum originale: quid autem intelligatur per hoc, quodd Adamus fuerit caput, diuersi diuerso modo explicant; nam aliqui intelligunt esse caput naturale per hoc, quodd Deus decreuit omnes homines per propagationem derivari ab illo, cum possent non ab illo propagari: eo quo habent, quodd continentur ex natura rei in eius voluntate, quâ ratione parentes pro filiis pacisci, & contractus celebrare possunt. Alij verò intelligunt esse caput morale per hoc, quodd Deus omnes obligauit voluntati Adami quantum ad transgressionem originalis iustitiæ, & priuationem illius.

19. Quinta sententia explicat debitum remotum per hoc, quodd sit quasi obligatio actiua, quâ Adamus ex violatione sua filios suos ad originaliter peccandum obstrinxit; nam eo ipso quodd peccauit, contraxit debitum, seu dignitatem, vt filij eius orbat gratiâ nascerentur. Debitum verò proximum sit quasi obligatio passiva, quæ in filiis reperitur ab exordio suæ conditionis contrahendi, scilicet in se, peccatum originale; nam ex debito actiuo paren-

tis oritur in illis necessitas contrahendi peccatum originale, quæ meritò vocatur debitum passiuum. ita Salazar capite 1. ante num. 63.

Sed pro explicatione nostræ sententiæ noto primò, quodd diuersitas ista explicationis duplicis debiti orta est ex eo quodd aliqui nolunt beatissimam Virginem peccauisse in Adamo, & consequenter vt aliquod debitum adstruant in ea ratione, cuius fuerit à Christo præseruatione sedempta, assignarunt debitum remotum ante peccatum Adami in quolibet ex posteris eius, vt eam non solum doceant præseruatam à peccato originali in propria persona contrahendo, & insuper à debito proximo, cui immediatè succedit peccatum originale, sed etiam à peccato contracto in Adamo. Alij verò ex eo, quodd nihili faciunt, quodd peccauerit in Adamo, incipiunt adstruere debitum non solum proximum, sed etiam remotum post ipsius Adami transgressionem.

Nota secundò, quodd debitum proximum, quod filius Adæ habet in propria persona, debet appellari debitum exercitum, seu in actu exercito, quia verè supponit subiectum realiter & formaliter existens, quodd verè & formaliter denominari possit debitor: at verò debitum remotum siue sit ante peccatum Adami, siue post illud, debet appellari debitum signatum, seu in actu signato, quia cum existentia formalis cuiuslibet personæ non sit ante eius productionem compositi constantis ex corpore & anima rationali, hinc est quodd persona non possit ante eam in exercitio denominari formaliter debitor, sed tantum in actu signato, quia debitum remotum, quomodocumque dicatur, semper concipitur in persona secundum esse virtuale, quod in causis habet, & ante formalem actualitatem & existentiam filij Adæ.

His suppositis dico primò: Debitum proximum, seu exercitum est necessitas contrahendi peccatum originale in propria persona existente, quam quis habet in primo generationis instanti, quando verificari potest, hic homo est per naturalem propagationem filius Adæ, & membrum huius capitis.

In

In hac conclusione conveniunt omnes Auctores suprà relati, excepto Aegidio, & eam docet Scotus in 3. dist. 3. q. 1. §. si autem, vers. sed si alicui, & vers. per istud patet, ubi adstruit in propria persona necessitatem contrahendi peccatum originale ab Adamo, si Deus non praeveniat, & praeferuet ab illo. Hæc conclusio ex se patet, quia in illo primo instanti aliqua prioritate naturæ ante contractionem peccati originalis verificatur de qualibet persona non præservata, quod est debitor, & habet necessitatem carendi iustitiæ originali, propterea quod descendit ex Adamo per naturalem propagationem, qui legem Dei violavit: & insuper huic debito statim succedit peccatum originale in ipsa persona; sed hoc censeri debet debitum proximum, & exercitum, ut vox ipsa sonat, & communiter accipitur, & nos suprà probauimus. ergo.

23. Dico secundò: Probabile est, quod debitum remotum & in actu signato fuerit ante peccatum actuale Adami. ita tenent plures Auctores ex suprà relatis. Et probatur, quia eo ipso quod concipiamus, omnes homines esse à Deo decretos quantum ad existentiam dependenter à seminali & naturali propagatione ex Adamo, antequam legem ipsi intimasset, & pactum cum ipso pepigisset; concipimus ipsos aequaliter obnoxios, & subiectos, ut possint comprehendere in eâ lege, & in eo pacto subsequenti, in quo voluit efficaciter Deus decernere Adamum ut caput morale ipsorum, præcipue si ante talem legem præcessit in eo voluntas inefficax comprehendendi omnes in tali lege, nullo dempto, sicut vult inefficaciter omnes homines saluos fieri: imò & comprehenderentur, si Deus non exciperet aliquem, quia verba legis iam in re promulgata sunt vniuersalia; nam eo ipso quod cum Adamo loquens Deus dixit, *In quacumque hora comederis ex eo, morte morieris*, loquitur cum omni natura humana naturaliter propagata: sed ad debitum remotum sufficit aliqua obnoxietas, licet nimis distans: ergo probabile est, quod debitum remotum concipi, & dari possit in posteris Adæ, antequam Adamus peccasset.

24. Et præterea, quia in lege præfata fuerunt partes, vna fauorabilis, scilicet

Castillo de Praferu. V. Matris.

contrahendi iustitiam ex Adamo, si ipse non peccasset; & alia odiosa, scilicet non contrahendi talem iustitiam, si ipse peccasset: sed potuerunt filij Adæ comprehendere in vna parte fauorabili, & eo ipso esse obnoxij, ut comprehenderentur in alia odiosa, sicut de facto fuerunt comprehensi (fortè excepta B. Virgine) ergo sufficienter potest intelligi in posteris Adæ aliquod debitum remotum ante violationem legis Adami.

Hanc conclusionem ita probavi, ut 25. non admittam probabiles aliorum, quæ communes sunt Angelis, & creaturis rationalibus, solum quæ respiciunt posteros Adami in quantum sunt capaces rationis, quibus Deus potuit imponere leges, quibus manerent obligati, & hanc eorum capacitatem vocant debitum remotum, sed minus bene, quia debitum remotum debet summi in ordine ad debitum proximum, & illud debet signare id, quod in hoc est exercendum: unde non debet summi per ordinem ad præcisam hanc capacitatem, nisi etiam dicat aliqualem habitudinem ad decretum procedendi ex Adamo, & ad decretum quo Adam constitutus fuit omnium hominum caput morale; neque debitum in præfati sumitur pro aliqua obligatione ex præcepto, sed pro necessitate contrahendi peccatum originale non propinqua ad ipsum, sed remota, & distanti.

Dico tertio: Probabilius est, quod 26. debitum remotum sit in posteris Adami post peccatum actuale ipsius. Hæc conclusio communior est apud Auctores 2. 3. 4. & 5. sententiæ suprà relatos. Et probatur, quia si Adamus non peccasset, non adimpleretur conditio requisita ut consurgeret in posteris eius necessitas contrahendi peccatum originale: ergo quodcumque debitum etiam remotum contrahendi illud fuit post peccatum Adami. Et confirmatur, quia debitum etiam remotum contrahendi iustitiam originalem supponebat in posteris, quod eorum parens Adam non peccasset: ergo & necessitas contrahendi carentiam eius supponebat, quod peccasset. patet consequentia, quia non est maior ratio viuius, quam alterius.

27. Ex ista conclusione debetis deducere, quod ex peccato Adami orta est in eo quædam indignitas communicandi posteris naturam ornatam gratiâ & iustitiâ; seu, vt melius dicam, orta est quædam moralis necessitas communicandi posteris modo naturali propagatis suam naturam humanam priuatam iustitiâ originali, seu scedatam originali peccato, quam necessitatem aliqui appellant actiuam, sicut eam, quæ in nobis recipitur passiuam: & propterea actiuam appellant debitum remotum, quia antequam accedat ad nos præfuit in Adamo, & in reliquis nostris parentibus proximioribus; nam sicut titulo propagationis ab Adamo haberemus ius ad gratiam, & ad iustitiam originalem, si ipse non peccaret; ita eodem titulo habemus ius (liceat ita loqui) ad priuationem eius, quia peccauit.

28. Quia tamen argumenta huius conclusionis magis suadent ipsam, idèd probabiliorem appellauimus illam; sed quia nulla siue huius, siue alterius conclusionis illas efficaciter conuincunt, sed tantum suadent, & non persuadent, idèd has conclusiones tantum intra latitudinem probabilitatis relinquo: neque opus est satisfacere vniuscuiusque argumentis cum non probent, sed dicendi modum approbent.

QVÆSTIO VII.

Vtrum peccato originali debeatur sola pœna damni, an etiam pœna sensus, &c. quæ?

1. **S**uppono cum communi Catholico- rum sententia, quod peccato originali debeatur aliqua pœna; idèd enim dicimur ad Ephes. 2. *Nos natura filij iræ*; cum enim ira Dei in S. Scriptura significet iustitiæ vindictiuam, idem est, quod finis filij iræ, ac quod finis obiectū iustitiæ vindictiue, sicut quando filij puniuntur à patre propter peccatum, quod commiserunt: & quia hoc propagatur in nobis per naturam, idèd dicimur natura filij iræ. Quæstio ergo præfens præcipue inquiri, quæ pœna sit peccato originali debita pro alia vita?

2. Et dicendum primò nobis est, quod

peccato originali debetur pœna damni, quæ consistit in carentia visionis, & fruitionis beatæ. Hæc conclusio est de fide, eam enim definit Innocentius I. in Epistola ad Cœcilium Mileuitanum: & est cõmunis sententia Patrum, quam docuit August. lib. de Origine animæ. Et probatur primò ex illa generali sententia Ioan. 3. *Nisi quis renatus fuerit ex aqua, & Spiritu sancto, non potest intrare in regnum cælorum.* Et ad Rom. 5. *Iudicium ex vno omnes in condemnationem.* Et Apocal. 20. *Beatus qui habet partem in resurrectione prima* (id est in iustificatione) *in his mors secunda* (id est eterna damnatio) *non habet potestatem.* Et Ioan. 3. *Vt omnis qui credit in ipso non pereat.* Constat autem, quod decedentes sine baptismo neque habent partem in resurrectione prima, neque credunt actu, aut habitu.

Secundò probatur ratione, quia gratia habitualis confert animæ ius ad vitam æternam; sed qui habet peccatum originale, non habet gratiam habitua- lem: ergo neque ius ad vitam æternam, neque ipsam vitam.

Fuit tamen circa hoc error cuiusdam Vincentij (contra quem disputat August. vbi supra) asserentis peccatum originale non excludere à regno cælorum, sed pueros cum ipso decedentes fore beatos: quem sequuntur aliqui ex hæreticis nostri temporis, vt refert Bellarminus lib. 6. de Statu peccati cap. 1. sed diuerso fundamento, eo scilicet, quia Christus omnes siue baptizatos, siue non baptizatos redemit, Et probari videtur primò, quia pœna damni est omnium maxima (hoc est fundamentum Vincentij) vnde Chrysostomus hom. 24. in Matth. & hom. 47. ad populum ait, *mille gehennas non posse illi comparari*; sed pœna peccato originali est omnium mitissima, vt docet Aug. in Enchiridione cap. 93. & in aliis locis: ergo. Secundò, quia leuior pœna debetur peccato originali, quàm veniali commissio ex imperfecta deliberatione, sed huic etiam circa grauissimam materiam, v. g. circa infidelitatem, vel odium Dei non debetur pœna damni; ergo neque illi, cum sit multò minùs voluntarium.

Sed hæc omnia nihil obstant nostræ conclusioni; non fundamentum hæreticorum

ticorum tementiorum, quia licet Christus pro omnibus quantum ad sufficientiam satisfecerit, sed non quantum ad efficientiam, nisi pro baptizatis. Non fundamentum Vincentij. Ad primum enim argumentum respondeo concedendo, quod sit maior poena ea, quæ est damni, quam ea, quæ est sensus, utpote quia priuat maiori bono; est tamen mitissima, ut dicit Augustinus, quia scilicet minus cruciat, sicut non multum cruciat viatores non videre Deum.

6. Ad secundum respondetur eodem modo, quia maior poena simpliciter (quæ scilicet sumitur per ordinem ad bonum, quo priuat) debetur peccato originali, quam veniali, non autem secundum quid, id est in quantum cruciat, quia ut sic maior debetur veniali, nam hoc personaliter est aliquo modo liberum.

7. Maior est difficultas, An etiam patiantur pueri decedentes cum originali poenam sensus? Tenent affirmatiuum Driedo lib. 1. de Gratia tract. 3. cap. 2. p. 5. & Greg. Ariminen. in 2. dist. 30. q. 3. qui sustinent totum etiam poenâ ignis; quod etiam expresserunt Augustinus serm. 14. de verbis Apostoli, & lib. 1. contra Iulianum cap. 8. Fulgentius de fide ad Petrum cap. 27. & 44. & etiam significat Gregor. lib. 9. Moral. cap. 12. Et probatur primò ex Scripturâ nam cum Matth. 25. describitur Iudæum, vniuersitas hominum distribuitur in duas classes, vna est à dextris, quibus dicitur, *Percipite regnum*; & alia à sinistris, quibus dicitur, *Ite in ignem æternum*. Item Apocal. 20. dicitur: *Omnes qui non est inuentus scriptus in libro vite, missus est in stagnum ignis*. Et Matth. 3. vniuersitas hominum distinguitur in paleas, & triticum; & cap. 13. in pisces bonos, & malos; & vtròque paleæ, & mali condemnantur, ut comburantur igne inextinguibili; sed decedentes in hac vita cum peccato originali non connumerantur cum bonis: ergo.

8. Secundò probatur, quia paruuli habebunt corpora passibilia, non enim habebunt gloriosa; ergo poterunt pati ab igne sibi præsentem: deinde poterunt pati poenâ interiori, scilicet famis & sitis, & sic poenâ sensus.

9. Tertiò probatur, quia fomes in eis

non erit extinctus; ergo poterunt habere concupiscentias inordinatas; ergo si sibi subtrahantur obiecta delectabilia, poterunt tristari, & ita pati poenâ interiori.

Quartò, quia paruuli habebunt vsum rationis, & cognoscent naturam suam; ergo poterunt cognoscere se esse ordinatos ad vitam æternam; ergo & poterunt illam appetere, quia quilibet habens ordinatum appetit illam appetit secundum Augustinum lib. 13. de Trinitate cap. 5. ergo & poterunt tristari ex certitudine carentiæ illius.

Quintò, quia existens in puris naturalibus haberet poenam damni; ergo qui peccatum originale habet, maiorem poenam debet habere: sed hæc nequit esse alia, nisi poena sensus; ergo paruuli cum peccato originali decedentes habent poenam sensus.

Dicendum secundò nobis est, quod peccato originali non debeat poena sensus. Hanc sententiam omnes Scholastici in vniuersum docent cum Magistro in 3. dist. 33. vbi Scotus s. hic videtur à litt. A. & contraria sententia communi scholæ consensu reicitur. Docet S. Thomas q. 5. de malo art. 3. Sotus lib. 1. de Natura & gratia cap. 14. Lorca disp. 45. memb. 4. Valquez disput. 134. & omnes Recentiores. Et probatur primò, quia hoc videtur definitum apud Innocentium III. cap. *Maiores de baptismo*, dum ait, *Pœnam peccati actualis esse cruciatum gehennæ, originalem verò priuationem visionis*. In quo sensu sunt intelligenda, quæ asserit Concilium Florent. in litteris vniõis, scilicet, *Eos, qui cum mortali vel originali ex hac vita decesserunt, mox in infernum descendere, ibi tamen pœnis disparibus puniri*.

Secundò probatur quibusdam sanctorum Patrum testimoniis, in quibus reperitur hæc assertio, scilicet, *Decedentibus cum solo originali debetur aliquod medium inter supplicium & premium*. ita habet Nazianzenus oratione in sanctum lazarum, Augustinus lib. 3. de libero arbitrio cap. 23. & Ambrosius in cap. 5. ad Roman. sed non potest intelligi aliquod medium inter supplicium & premium, si paruuli habeant poenam sensus, quæ propriè appellatur supplicium; ergo quia eam non habent, neque similiter habent visionem

- Dei, in qua consistit præmium, dicitur habere aliquid medium.
14. Et confirmatur, quia ex doctrina Patrum reatus peccati originalis non tam est dignitas poenæ, quam indignitas donorum.
15. Tertio probatur ex illo Apocal. 18. *Quantum glorificavit se in deliciis, tantum date illi tormentorum & luctus*; ergo tormenta & luctus correspondent deliciis: sed pueri prædicti nullas habuerunt delicias; ergo neque debent puniri poenâ sensus.
16. Et confirmatur, quia neque debent puniri tristitiâ: nam secundum Aug. lib. 14. de Cinit. Dei cap. 15. *Est de his, qua nobis inuitis accidunt*; ergo pueri essent inuiti in statu suo, & vellent oppositum, & consequenter possent murmurare contra dispositionem diuinam, & habere inordinatam dispositionem voluntatis, quod videtur absurdum: nam secundum Ecclesiasten cap. 11. *Vbi cumque ceciderit lignum, ibi erit*; sed ista ligna puerorum ceciderunt absque deordinatione propria voluntatis; ergo non est rationabile, hanc illis in suo statu tribuere; ergo neque tribuere tristitiâ interiori. Præterea si tristarentur de amissione beatitudinis, haberent desperationem de ea, & consequenter haberent poenâ grauissimam inter omnes poenas damnatorum, scilicet tristitiâ ex desperatione prouenientem, quia tristitiâ maior simpliciter poena est, quam poena doloris sensitiui; nam secundum eam patitur voluntas, & consequenter homo, in quantum homo; & ita simpliciter magis patitur, si tristatur, quam si doleat. ita arguit Scotus vbi supra.
17. Ad argumenta respondetur: & in primis ad locutiones oppositas Patrum, quibus prima sententia suadetur, respondet Scotus vbi supra §. ad primum argumentum cum D. Bonauent. in 2. dist. 30. art. 3. q. 1. soluendo primum principale, quem sequuntur Recentiores supra citati, Patres excessiue fuisse locutos: cuius ratio est, quia secundum Philosophum 2. Ethic. via deueniendi ad medium in moribus est aliquoties procedere ultra medium versus extremum: ita Sancti extinguendo contra se hæreses pullulantes frequenter sunt excessiue locuti, quasi volentes declinare ad aliud extremum, sicut August. contra Arrium videtur quasi declinare ad Sabellium, & contra Pelagium ad Arrium, & è contrâ. Deinde respondetur secundum fuisse locutos de supplicio æterno ignis in sensu diuiso, id est, quod pueri patiantur de illo æterno supplicio ignis aliquid, scilicet æternum supplicium, verum non ignis, sed carentiâ visionis.
- Ad primum argumentum desumptum ex Scriptura sacra respondetur, in illis locutionibus agi de iudicio hominum adulatorum; imò in primo agitur de iudicio Christianorum propter opera misericordiæ; & in ultimo agitur de his, quæ sunt in Ecclesia, quæ sagenæ nomine significatur: quale autem sit futurum iudicium circa alios homines, sumitur ex aliis locis; nam de infidelibus dicitur Ioan. 3. *Qui non credit, iam indicatus est*. Et de pueris propter peccatum originale dicitur ad Rom. 5. *Iudicium ex uno omnes in condemnationem*. Deinde respondetur, quod mitti in ignem æternum, vel in gehennam ignis dicitur, propter locum ad quem pueri mittuntur, quia mittuntur in infernum, qui est locus ignis, licet pueri in illo habeant aliquem finem diuersum, qui vocatur Limbus, in quo non datur ignis, sicut aliquis viuunt in carcere, etiam si non patiantur, sicut qui sunt incarcerati.
- Ad secundum respondetur, quod corpora paruulorum sunt impassibilia, sed non dote impassibilitatis sicut corpora Beatorum, sed propter specialem Dei prouidentiam, quam etiam seruat circa condemnatos, ne consumantur: propter quam prouidentiam specialem etiam non habent tristitiâ (quidquid alij velint, vide Gasp. Hurt. disp. 7. de peccato originali dist. 18.) quia tenetur Deus causas illius præuenire propter rationes, quas supra adduximus ex Scoto.
- Ad tertium & quartum respondetur, quod licet habeant vsum rationis, imò & possint acquirere plus scientiâ naturalis, quam habeat quilibet Philosophus naturalis, vt concedit Scotus §. *si queratur*, tamen non habebunt scientiâ supernaturalem, quæ per se requiritur ad sperandum beatitudinem in particulari, vel ad tristandum

de amissione illius; & si fortè aliquam illius habent notitiam, hæc non illos molestat, sicut neque molestat viatores non videre actualiter Deum: vel si velis quoddam aliquid molestat, tamen alia illos lætificat à proportionem, ut impediatur actio molestia, aut eius vis remittatur; & sic neque fomes, neque propria inclinatio naturæ aliquid obstat propter hanc specialem Dei providentiam.

21. Ad quintum respondetur, quod licet existens in puris naturalibus esset priuatus visione Dei sicut existens cum originali, tamen hæc carentia in illo non subit rationem poenæ sicut in hoc: sicut enim si homo ignobilis assummeretur à Rege ad magnam dignitatem, si postea propter commissum aliquod peccatum illa priuaretur, esset illi poena quoddam ad propriam reuocaretur ignobilitatem; ita contingit homini dignificatio iustitia originali, & postea orbato illa propter peccatum.

22. Sed obiicies illud Exodi 2. *Ego sum Dominus visitans iniquitatem patrum in filios*; & illud Ioan. 7. *Quis peccauit hic, aut parentes eius, ut cæcus nasceretur?* ergo filij non solum propter peccatum parentum sunt digni poenâ damni, sed etiam poenâ sensus. Respondetur distinguendo de poenâ huius vitæ, vel de poenâ alterius; primam concedo, quod Deus infligit filiis pro peccatis parentum, quia brevis & temporalis est, & non solum habet rationem poenæ respectu parentum, quorum filij sunt quasi partes, & sic horum castigatio est illorum punitio, sed etiam habent rationem medicinæ tum respectu ipsorum filiorum, tum respectu omnium hominum, in quorum exemplar, ne peccent in aliis similibus, prædicti filij sic propter parentum peccata castigati proponuntur. Secundam verò nego, quia est æterna, neque potest esse medicina, quandoquidem iam homines sunt in statu neque merendi, neque demerendi.

23. Dices: Ergo iudex humanus poterit in filiis punire peccata parentum. Respondet Lyra in cap. 24. Deuteronom. affirmari. Et probat, quia filij Achan occisi fuerunt à Iosue ob furtum à patre commissum. Respondetur cum Hurtado ubi supra quod non: nam idem di-

citur Deuteronom. 24. *Non occidentur patres pro filiis, aut filij pro patribus*, &c. filij autem Achan, si occisi fuerunt (quod negant aliqui Hebræi) fuit ex commissione diuina, quia Deus cum sit dominus omnium id potest facere; quod cum iudici humano deficiat, non potest.

Circa poenas autem, quæ in hac vita 24. peccato originali correspondent, dicendum est tertio cum communi sententia ad duplex genus reduci: primum est rebellio portionis inferioris contra superiorem: secundum est mors corporalis. Ad primum reducuntur propensio potentiarum hominis in malum, & difficultas circa bonum, quæ sub nomine fomitibus & concupiscentiæ significantur. Ad secundum spectant ærumnæ, ægriitudines, incommoda, molestiæ, quæ interius & exterius hominem vexant, omnes enim sunt corruptiones quædam, & mortis initia; quare qui Genes. 2. comminatus est mortem, postea capite 3. indixit parentibus non mortem istam, sed aliarum ærumnarum cumulum.

Primum genus probatur ex illo Genes. 3. ubi statim ac peccauerunt primi 25. parentes dicitur: *Aperti sunt oculi amborum, & cognouerunt se esse nudos*, &c. in quibus verbis considerant plures Ecclesiæ Patres, quos allegant Vasquez & Lorca ubi supra, primos parentes tunc expertos esse inordinatos concupiscentiæ motus, & passus fuisse erubescantiam. Et confirmatur ex illo Psalmi 48. *Homo cum in honore esset, non intellexit: comparatus est iumentis insipientibus, & similis factus est illis*. ergo ex peccato originali non solum prout in Adamo, sed etiam prout in nobis, qui id ipsum experimur, ortum fuit primum poenarum genus.

Secundum genus probatur ex illo 26. Genes. 2. *In quacunque die comederis, morte morieris*. quod licet possit intelligi de morte animæ, tamen etiam debere intelligi de morte corporis constat ex illo Pauli ad Rom. 5. *Per unum hominem peccatum intravit in mundum, & per peccatum mors*; & cap. 6. *Stipendiū peccati mors*. ergo necessitas moriendi orta fuit tum in Adamo, tum in posteris propter peccatum originale. Vtrumque autem genus poenarum infligitur

à Deo non directè, sed indirectè, quia per ablationem impediens scilicet iustitiæ originalis resultant.

27. Sed obijciat: Per gratiam Christi in baptismo remittitur peccatum originale, & tamen ista non auferuntur: ergo non sunt poenæ illius, quia ablato peccato auferuntur poenæ. Respondetur quodd post baptismum non sunt poenæ, sicut ipsa absentia iustitiæ originalis non est culpa, sed diuinâ dispositione relictæ sunt in exercitium &

augmentum meriti ad custodiam humilitatis, & propter alias utilitates, quæ percipi possunt ex ipsis, & sic non poenæ, sed poenalitates debent appellari: confertur tamen per baptismum gratia ad resistendum concupiscentiæ, & fomiti; & in vitam futuram reservatur liberatio ab infirmitatibus incommodis, & ærumnis, & à morte, quando scilicet nouissima destruetur mors, & in vitam resurgemus incorrupti.

DISPUTATIO II.

DE

IMMUNITATE

BB. VIRGINIS MARIE

A PECCATO ORIGINALI.

SCopus nostræ intentionis, & nostræ materiei accessit. Postquam igitur ex professo & adamussim disputauimus & absoluimus quidquid ad Tractatum pertinet de peccato originali, & circa ipsum nihil intactum relinquimus, accedit iam Disputatio celebris circa præseruationem sanctissimæ ac beatissimæ Virginis Mariæ, Domine nostræ, & veræ Dei Genitricis, vniuersique orbis Regiæ, & omnium cælestium spirituum Imperatricis. De qua Disputatione agit omnium Theologorum princeps Scotus in 3. dist. 13. ubi cum aliquali formidine tradidit opinionem piam, sed clariùs & sine formidine tradidit dist. 18. q. vnicâ, *s. hoc viso, verè est ibi.*

QVÆSTIO PRIMA.

Vtrum beatissima Virgo Maria fuerit concepta sine peccato originali?

1. **N**OTANTER querimus in titulo vtrum concepta fuerit, quia quodd fuerit nata sine peccato originali fatetur omnes Theologi cum Ecclesia Catholica, natiuitatem eius tamquam sanctam celebranti. Conceptio autem stat dupliciter; nam alia est, quâ mulier dicitur ex viro concipere, & hæc contingit tunc, quando per coniunctionem carnalem vtriusque recipiuntur & miscentur semina in matrice: & alia conceptio est, quando

post vltimam corporis organizationem creatur anima à Deo, & vnitur corpori. In præsentī ergo Quæstione non agimus de conceptione priori, quia in illa non habet esse & existeret formaliter beatissima Virgo, sed tantum in virtute: sed agimus de conceptione secunda, in qua verificatur, quodd sit formaliter filia Adæ: quam conceptionem alij appellant natiuitatem in vtero ad distinctionem natiuitatis ex vtero, quæ est post nouem menses.

Antequam ergo ad duas præcipuas in hac Quæstione sententias accedamus, reiicienda venit sententia Henrici de Gandauo lib. 1. q. 13. afferentis, quodd in eodem primo instanti, in quo Virgo fuit formaliter concepta, fuit in peccato,

peccato, & in gratia, ita vt in primo signo naturæ fuerit in peccato originali, & in posteriori in gratia sanctificante, & mundante. Hæc tamen opinio est improbabilis, quia peccatum originale, & gratia priuatiuè opponuntur, nam vt latè probauimus disputatione anteced. quæstione 4. parte 1. peccatum originale est priuatio iustitiæ debitæ, hæc autem non solum erat iustitia originalis, sed etiam gratia habitualis vt ibidem probauimus, sed præcipuè quæstione 1. pro eodem autem temporis instanti non possunt esse simul priuatiuè opposita, sicut neque contradiçtorie opposita verificari: neque sufficit naturæ prioritas, quandoquidem illa tantum est præcisiua; & consequenter posterioritas, naturæ nequit esse negatiua, scilicet quia nequit ea dici, quodd illud quod erat prius natura iam non sit, nam transitus à positiuo in negatiuum est mutatio, quæ consumit instans temporis.

3. Hac ergo relicta sententiâ veniunt alia duæ ex diametro oppositæ examinandæ, quod præstabis per diuersas partes, ne multiplicitas dicendorum confusus pariat tenebras, breuitati tamen consulemus, licet nullum intactum lapidem relinquamus ex his, quæ expediunt tractari, quia quæ longiorem petunt sermonem, & sunt iam typis mandata cum remissionibus ad loca, in quibus possunt videri trademus.

PARS PRIMA.

Proponitur sententia affirmans quod fuerit concepta cum peccato originali.

4. **P**rima igitur in hac re sententia affirmat quodd beatissima Virgo fuerit in peccato originali concepta in primo conceptionis instanti, & quodd pauld post fuerit sanctificata. Hanc sententiam ex Scholasticis tenet diuus Thomas 3. parte, quæstione 27. articulo 1. & 2. in corpore, & ad 2. & in 2. dist. 31. quæstione 1. articulo 2. *Castillo de Praferu. V. Mariæ.*

& in 3. dist. 3. quæstione 1. articulo 1. quæstiunculâ 1. & 2. & in 4. dist. 43. art. 4. quæstiunculâ 1. ad 3. & quodlib. 6. art. 7. & in opusculo 2. capite 2. 4. & referri solet in Psal. 45. cum eoq; conueniunt Thomisticæ doctrinæ veri Professores, exceptis paucis; inter quos est doctissimus P. Ioannes à S. Thoma, vespertinæ cathedræ Complutensis pro familia Dominicana moderator, in suis Discursibus super 1. partem S. Thomæ tom. 1. disput. 2. pro defensione doctrinæ ipsius arg. 2. qui licet non neget hanc tenuile sententiam D. Thomam; tamen oppositam non omnino negasse (debita discipuli pietate) intendat ostendere. Et ex aliis pro hac sententia refert vsque viginti sex Auctores Egidius de Præsentatione tomo de Conceptione lib. 3. quæstione 4. articulo 4. §. 1. versiculo cum tamen, numero 14. & expressius quæstione 1. articulo vnico, §. 1. inter quos præcipui sunt Albertus Magnus in 3. dist. 3. art. 4. & 5. & diuus Bonauentura ibidem art. 1. quæst. 1. Sed inter Thomistas latissime vsque ad nauseam hanc propugnat sententiam quidam Vincentius Bandellus de Castro nouo in libro quem ex processu scripsit contra Virginis Conceptionem.

Et vt nullos sententiæ patronos omittamus, illa maxime placuit quibusdam nostri temporis hæreticis Matthiæ Illirico Thilemano, Heshusio, & Martino Kemnito, insuper & Caluino. Additq; Egidius vbi suprâ numero 4. esse communem nostri temporis hæreticorum sententiam, quam pluribus confirmant, & probant ipsius assertores Catholici, sed argumenta omnia breuitatis causâ ad quatuor capita reducemus.

In primo capite sumitur fundamentum ex locutionibus sacræ Scripturæ, quæ generales sunt, & nullam personam excipiunt, & consequenter neque excipi fas est, sine Patrum, aut Ecclesiæ traditione, quæ in præsentem non adest, vergi gratia ad Rom. 3. *Omnes in Adam peccauerunt, & egent gratiâ Dei; & c. 5. In omnes homines*

R r r mors

mors pertransiit (scilicet propter peccatum Adami) *in quo omnes peccaverunt.* Et ad Ephes. 2. *Eramus omnes natura filij ire.* Et 2. ad Corinth. 5. *Si Christus pro omnibus mortuus est, ergo omnes mortui sunt.* &c.

7. In secundo capite sumitur fundamentum ex Conciliis, & Pontificum decretis; nam cap. 2. Concilij Mileuitani confirmatum ab Innocentio I. dicitur de fide esse, quod omnes descendentes ab Adam per seminalem propagationem contrahunt maculam originalis peccati, ratione cuius omnes indigent baptismo in remissionem peccatorum: Hoc etiam decreuit ipse Innocentius, & Zosimus Papa in suis Epistolis ad Episcopos Africanos, & habentur in 1. tomo Conciliorum. Idemque habetur de consecratione dist. 4. cap. *firmissime*; ubi habentur illa verba August. de fide ad Petrum c. 16. *Firmissime tene, & nullatenus dubites, omnem hominem, qui per concubitus viri & mulieris concipitur, cum originali peccato nasci, impietati subditum, morti, subiectum.*

8. Et confirmatur, quia Pius V. abstulit officium proprium conceptionis, quia in eo dicebatur immaculata, & præservata B. Virgo; ergo.

9. In tertio capite sumitur fundamentum ex auctoritate Patrum (plures commemorat Bandellus) & usque ad quadraginta refert Capreolus in 3. Sentent. dist. 3. q. 1. Sed Caietanus videns non esse ad rem, omnes illos referre, reduxit ad quindecim, qui omnes ad tres classes reducendi veniunt. In prima adducuntur illi, qui generaliter loquentes de omnium conceptione in peccato originali, non excipiunt aliquando Virginem beatissimam, sed in uniuersum omnes Adami filios comprehendunt: hi sunt D. Irenæus, Cyprianus, Hilarius, Gregorius, Nazianzenus, Basilus, & Hieronymus. In secunda adducuntur, qui in speciali loquentes de Virgine, licet non dicant Virginem Mariam expressè contraxisse peccatum originale, hoc tamen videntur insinuare dum dicunt tum quod ab illo fuit purgata, tum quod fuit in utero sanctificata, tum quod indiguit Christo redemptore, tum denique

quod eius conceptio fuit diuersa à conceptione Christi, propterea quod ipsa conceperit Christum sine peccato: hi sunt Damascenus, Leo, Gregorius Magnus, Beda, Ambrosius, Maximus, Remigius, & Augustinus. In tertia adducuntur, qui expressè asserunt Virginem conceptam fuisse in peccato originali: hi sunt Anselmus, Eusebius Emisenus, Bernardus, Antonius de Padua, Bernardinus Senensis, Vincentius, & Antonius.

In quarto capite sumitur quartum 10. fundamentum ex rationibus: quarum prima est, quia aliàs ipsa non indignisset Christo ut redemptore, neque ut apertore ianæ cæli, quæ propter originale peccatum clausa fuit: quæ omnia derogant dignitati Filij; & ipsum deprimimus, dum eius beatissimam Matrem extollere intendimus.

Et confirmatur, quia omnes illi, pro quibus mortuus est Christus, mortui sunt, iuxta illud supra adductum Pauli ad Corinth. *Si unus pro omnibus mortuus est, ergo omnes mortui sunt.* Sed virgo mortua est, & non propter peccatum actuale, quia de fide est illud non habuisse, neque mortale, neque veniale; ergo propter originale.

Secunda, quia Virgo contraxit effectus 12. peccati originalis, & poenæ debitas illi, scilicet fomitem, ærumnas temporales, mortem corporalem, & exclusionem à Paradiso: unde si mortua fuisset ante mortem Christi, descendisset ad Limbum; ergo contraxit peccatum originale. Patet consequentia, quia aliàs Deus esset iniustus, si illi non incurrenti peccatum poenæ ipsius puniret.

Et confirmatur primò, quia in primo 13. conceptionis instanti fuit filia Adam, antequam haberet gratiam habitualement; ergo fuit cum peccato originali, quandoquidem pro illo prior tenebatur ex generatione naturali ad habendam iustitiam, & non habuit.

Et confirmatur secundò, quia non 14. habuit iustitiam originale; ergo habuit priuationem formæ debite; ergo peccatum originale, quod in ea consistit.

Tertia, quia Christus fuit prædestinatus 15.

natus in remedium peccati originalis, quo tota natura humana erat corrupta; ergo prius præiudic Deum totam naturam infectam, quam Christum prædestinauerit: tunc sic, vel in illo priori vidit Virginem cum peccato originali, & sic habeo intentum, vel sine illo, sed præseruatam; ergo fuit præseruata, & non per Christum, quod est falsum, quia Christus est caput morale totius curiæ cælestis. Quod argumentum fieri potest, etiam si Christus prædestinatus fuerit quoad substantiam, antequam Deus præiudicaret peccatum originale, quia ad minus prædestinatus fuit quantum ad modum, scilicet ut veniret passibilis per passionem mortis & crucis post ipsum peccatum originale: unde sequitur quod beata Virgo non fuerit præseruata ex morte Christi præiusta, & consequenter non debere dici illud, quod continetur in oratione pro conceptione Virginis: *Vt sicut ex morte eiusdem Filij sui præiusta, eam ab omni labe præseruasti, &c.*

16. Quarta denique, quia beata Virgo peccauit in Adamo; ergo & peccauit in se. patet consequentia, quia quando Deus pepigit pactum cum Adamo de transgredienda iustitia, si non comederet de ligno prohibito, & de non transfundenda, si comederet, vel inclusit Virginem in illo, vel non, si inclusit cum hoc fuerit determinatum à Deo quodam decreto efficaci, debuit adimpleri; ergo & habuit in se peccatum originale, quia comedit: si non inclusit, ergo neque peccauit in Adamo, quod est contra fidem, neque iustitiam originale haberet ex illo si Adamus non comedisset, neque debitum proximum, aut remotionem peccandi originaliter contraxisset, quod totum est absurdum.

PARS SECVNDA.

Propositur sententia vera negans, asserturq; quod concepta fuerit sine originali peccato.

17. **F**irmiter, & constantissime dicendum nobis est, quod beatissima semperque Virgo Maria immunis concepta fuit, & pro primo conceptionis instanti præseruata extiterit à peccato

Castillo de Prasern. V. Matris.

originali. Huius sententiæ præcipuus propugnator fuit subtilissimus Doctorum Ioannes noster Duns Scotus in 3. dist. 3. q. 1. & in reportatis ibidem, & dist. 18. §. *hoc viso*, vers. *est ibi*. De quo Pelbaltus lib. 2. Stellarij 1. p. art. 3. refert à facultate theologica Parisiensis accessitum & appellatum fuisse, ut suæ sententiæ coram sapientissimis Doctoribus illius Vniuersitatis celeberrimæ rationem redderet; cumque ducenta argumenta illi obiecta fuissent, omnia memoria tenuisse, ac singulis tantâ verborum & sententiarum vbertate satisfecisse, ut omnes in suam sententiam facile traxerit, & victor ab omnibus proclamatus, exinde victoris nomen tulerit.

Unde tantum robur accepit opinio 18. pia, ut breuissimo temporis intervallo exiret edictum à theologia Parisiensis facultate, ne opposita opinio in scholis legi posset, ut refert Bachon in 3. d. 3. q. 4. art. 3. & subinde paucorum annorum interstitio fuit ab eadem facultate demâlatum, ut nullus lauream Doctoris inde capesceret, qui immaculatam Virginis conceptionem à se acerrimè defendendam iureiurando non promississet: quod similiter decursu temporis iam fecere præcipuæ Hispaniæ Vniuersitates, sed singularem & eximiam deuotionem ingrentibus verbis (ex maiori parte delibatis à Concilio Basilienfi) hoc præstat nostra Vniuersitas Complutensis, quæ legi possunt apud Ferdinandum de Salazar tom. de Conceptione c. 8. §. 3. num. 24. apud quem vide cap. 24. §. 15. quàm propria sit Scoti & Franciscanæ familiæ acerrima defensio huius sententiæ.

Ex Authoribus sententiæ contrariæ 19. hanc sententiam tenuerunt D. Thom. in 1. d. 44. q. 1. art. 3. ad 3. & in Codicibus antiquis eam habet in expositione salutationis angelicæ, quæ habetur opusculo 4. ut affirmat Catherinus tractatu de Conceptione cap. 6. pag. 61. §. 5. non mouemur. Similiter Albertus Magnus in lib. de Laudib. Virginis Deiparæ c. 27. pag. 108. Pro ea similiter stat D. Bonau. tom. 3. Sermonum serm. 2. de B. Maria pag. 389. col. 2. Et quamuis Angelus de Rocha ad marginem negat sermonem esse D. Bonau. tamen inter illius Sermones absque nota refertur.

10. Ex schola Thomistarum plerique probarunt, simpliciter eam probat Ioannes Viguerius in suis Institutionibus Theologicis cap. 18. §. 5. vers. 2. Hugo Cardinalis ad psalm. 45. Leonardus de Vtino in suo Sanctoralio, Ioannes Thaulerus, Guillelmus Pipinus, Vincentius Iustinianus, & alij, quos refert cum alijs pluribus, tum ex Dominicana familia, tum ex nostra Seraphica, tum ex tota Ecclesia, imò ex hæresi, Ægidius de Præfatione lib. 3. de Præfervatione Virginis q. 1. art. vnico, §. 2. Imò his nostris temporibus ita communis est hæc sententia, quòd exceptâ Dominicanâ familiâ, & non omni, nullus sit, qui nomine gaudeat Christiano, qui ei non adhæreat: quare superfluum erit referre Auctores pro ea, satis erit videre relatos apud præfatum Ægidium, & apud omnes Scotistas, qui de hac materia disputant.

21. Accedat tamen adhuc nequaquam nouum ac recens esse hanc ex professo & ex animo defendere immunitatem lectores Theologiæ huius sacratæ Domus sanctæ Mariæ de Iesus Complutensis, nam vt videri potest apud ipsum Salazar cap. 8. §. 3. num. 26. & capite 41. num. 6. doctissimus F. Ludouicus de Carauajal, cuius in Tridentino Concilio spectata fuit auctoritas, declarationem quamdam pro pura Virginis conceptione in lucem edidit, & cum habuisset ita acerrimos Censores, vt 15. illius propositiones erroris notâ suggillauerint, illam ad duas totius orbis grauissimas Academias, Parisiensem scilicet, & Complutensem detulit, quarum censurâ grauissimè approbatam typis mandauit, & in calce operis censuras adiecit. In sequenti autem Disputatione referam doctissimum Patrem F. Antonium de Velasco magistrum meum, & doctissimum Patrem F. Ioannem de Soria ingenuos huius piæ sententiæ assertores & propugnatores: quare ego (licet indignus) cum obedientia successorem delegit, in animum induxi pro hac semper stare defensione, & scriptis licet breuibus hanc propugnare veritatem: quod præstare intendo per eandem quatuor Capita, quibus opposita sententia ab eius Scriptoribus probatur.

CAPVT PRIMVM.

Ex testimonio S. Scripturæ suadetur præfata veritas.

NOtanter diximus in titulo, *suadetur*, quia nullum inuenio in Scriptura testimonium ita expressum, vt ipsam nostram sententiam demonstret, aliàs non tantum esset probabilior, sed esset de fide, & contraria omnino falsâ, licet autem nullum sit expressum testimonium, tamen aliqua sunt ita ponderatissime digna, & ab Ecclesia, & communi omnium Patrum consensu ita Virgini congruenter applicata, vt tacito & implicite hanc B. Virginis Mariæ expriment dignitatem.

Sic ergo formo argumentum ex Scriptura: Ex vna parte locutiones generales Scripturæ loquentes tum de peccato actuali, tum de peccato originali non comprehendunt B. Virginem, vt de peccato actuali definit Concilium Tridentinum sessione 6. can. 23. & de peccato originali sessione 5. decreto de peccato originali in fine, ubi decernit *non esse suæ intentionis in hoc decreto* (ubi propter generales Scripturæ locutiones docet omnem hominem contrahere peccatum originale in se, & consequenter ad eius expiationem indigere baptismo) *comprehendere beatam & immaculatam Virginem Mariam Dei genitricem, sed obseruandas esse constitutiones Felicis recordationis Sixti Papæ IV. &c.* quibus prædictus Pontifex damnat eos, qui notant censurâ, asserentes opinionem piam: Ergo ex eo, quia neque Concilium, neque Pontifex censuit esse contra Scripturam. Et ex alia parte plura suppetunt loca, quæ secundum Ecclesiam & Patres vel in sensu figuratiuo, vel in mystico, vel probabiliter in litterali stant pro conceptionis puritate sine peccato originali: ergo suasionem recipit prædicta sententia ex Scriptura sacra.

Cum autem sint penè innumera loca, quæ tam ex veteri, quam ex nouo Testamento adducuntur ad confirmandam immaculatam Virginis conceptionem, non est mentis meæ omnia, neque plura his ascribere: nam quæ adducuntur ex primæ mulieris conditione,

tionem, quæ typum gessit Mariæ, videri late possunt apud Salazar cap. 19. in quo videri potest cap. 16. applicatio illius testimonij Cant. 4. *Tota pulchra est amica mea, & macula non est in te*; & cap. 19. & 31. illius Psal. 44. *Andis filia, & vide, & inclina ad me autem tuam*, &c. adiunxit eam Deus manè diluculo; & cap. 25. illius Sap. 5. *Seculum sine macula Dei manifestatis*; & ibidem illius Cant. 6. *Vna est columba mea, vna est perfecta mea* (hebraicè) *immaculata mea*, &c. Similiter quod Paradisus, quem fons ascendens de terra irrigabat, sit Typus Virginis, Arca similiter Testamenti fabricata ex materia spinosa, sed alta, & sine spinis, Tronus Salomonis ex ebore, vestitusq; auro fuluo nimis, de quo dicitur, *Non esse factum tale opus in vniuersis regnis*. 3. Reg. 10. Virga Iesse, &c. Quæ omnia videri possunt apud Salazar cap. 8. & centralis apud Agidium de Prælatione lib. 3. q. 5. art. 5. §. 3. Ex his autem satis suadet nostra sententia, adiunctis præcipue testimonijs Patrum, quæ pro ea explicarunt ista omnia.

25. Adducimus ergo primò illud Genes. 3. *Inimicitias ponam inter te & mulierem, ipsa conteret caput tuum*, &c. quod non solum intelligitur de vero serpente, & de quacumque muliere, vt tenent Ephraem, Barcephus, Iosephus, Didimus, & plures alij, sed nomine serpentis intelligitur etiam diabolus, vt docet August. 2. de Genesi. contra Manichæos cap. 17. & 18. & 11. de Genesi ad litteram cap. 36. Gregor. Chrysost. Theodoret. Beda, &c. & nomine mulieris beatissima Virgo Maria, vt similiter docent idem Beda, Bern. Abulens. Lyra cum alijs: quos omnes concordat Benedictus Perceus lib. 6. in Genes. q. 4. à pag. 11. & deinceps, ita vt maledictio serpentis secundum historicum sensum ad verum serpentem pertineat, secundum autem mysticum ad dæmonem referatur. Vnde sic argumetur: Beata Virgo contriuit caput diaboli, sed non caput physicum, ergo mysticum: sed mysticum est, vel eius potestas in omnes homines, quam præcipue habet propter peccatum originale; vel ipsum peccatum originale, cum ab eo tamquam à capite, & prima origine incepit diabolus erigere caput supra naturam humanam: ergo non habuit ori-

ginale; nam si haberet, non contereret caput eius.

Adducimus secundò illud Iob 13. *Expectet lucem, & non videat neque ortum surgentis aurora*. vbi Iob secundum sententiam D. Thomæ 3. p. q. 27. art. 2. ad 2. agit de nocte originalis peccati, & dicitur, *Expectet lucem, id est Christum, & non videat* (quia nihil iniquitatum incurrit, vt dicitur Sap. 7.) neque ortum surgentis aurora, id est B. Mariæ Virginis, quæ in suo ortu à peccato originali suis immunis. Sed eadem ratione quæ potest intelligi de ortu ex vtero, potest similiter intelligi de ortu in vtero, imò congruentius de hoc, quia lux aurora: confurgit inuoluta tenebris, ita B. Virgo inter tenebras propagationis communis, ex qua alij omnes habent peccatum originale, ipsa confurgit vt aurora; ergo, &c.

Adducimus tertio illud Proverb. 8. *Dominus possedit me in initio viarum suarum*, &c. quod ab vniuersali Ecclesia Virgini accommodatur, & de ipsa explicatur à Patribus: de quo eleganter differit Salazar cap. 2. & 37. in fine: ergo Dominus eam possedit in initio viarum suarum (siue viarum nomine intelligas creaturas, siue opera redemptionis) *antequam quidquam faceret à principio*: ergo non fuit in peccato originali: aliàs sub possessione Domini, & dæmonis simul esset, quod de facto repugnat. Et meritò notant aliqui Ecclesiæ Patres, quòd non dicitur, Deus possedit me, sed Dominus, vt significetur, Deum vsum fuisse supremo dominio circa prærogatiuas illius, iuxta illud, quod ipsa beatissima Virgo canit: *Quia fecit mihi magna, qui potens est*. Neque enim esset magnum ipsam liberare in vtero materno à peccato originali iam contracto; nam hoc non esset speciale, quandoquidem hoc Deus fecit cum Ieremia, & cum beato Ioanne Baptista.

Adducimus quartò illud Baruch 5. vbi nomine Ierusalem loquitur cum Virgine, & ait: *Circumdabis te Deus diploia iustitia, & imponet mitram capiti honoris aterni*: Deus enim ostendit splendorem suum in te, omni, qui sub calo est: nominabitur enim nomen tuum à Deo in sempiternum pax iustitia: & honor pietatis. vbi Propheta promittit ciuitati Ierusalem libertatem post Babylonicam captiuitatem,

tatem, dixit prædicta verba; sed vera nostra libertas incipit à beatissima Virgine, vt Patres Ecclesiæ conclamant: ergo de ipsa prædicta verba sunt intelligenda, in quibus iustitia originalis eo modo quo illam debuit habere describitur; nam *diplos* significat vestimentum confutum ex duplici tela, vna interiori, & alia exteriori; & cum hæc fuerit iustitiæ, significatur iustitia originalis, quæ constabat ex gratia interioris sanctificante, & iustitia originali sensus externos rectificante, & ad rationem subordinate; quapropter hoc priuilegium Virgini concessum dicitur mitra honoris æterni, quia Deus voluit claritatem excellentiæ illius omnibus notam facere; & placuit, quod vocaretur pax iustitiæ; eius enim sanctitas, & iustificatio numquam fuit in bello cum originali peccato, vt ipsum ab anima expelleret; & meritò vocatur honor pietatis, quia hic honor ab opinione pia incipit manifestari, & à pietate opinantium.

29. Adducimus quintò illud Psal. 45. *Sanctificauit tabernaculum suum Altissimus; Deus in medio eius non commonebitur; adiuuabit eam Deus, manè diluculo.* sed beatissima Virgo fuit Dei tabernaculum: ergo illam sanctificauit, non quomodocumque, sed manè diluculo, id est, in principio sui esse; & ita firmiter, & perseueranter, vt ab ea non separetur, neque commoueat.

30. Et confirmatur primò ex illo Psal. 120. (quod etiam interpretatur à Patribus de Virgine) *Dominus custodit te ab omni malo: custodiat animam tuam Dominus: Dominus custodiat introitum tuum, & exitum tuum, &c.* ergo non solum exitum, id est, mortem Virginis Dominus custodiuit ab omni malo, sed etiam introitum eius in mundum; ergo suam conceptionem.

31. Et confirmatur secundò ex Psal. 86. vbi fundamenta Virginis commendantur in hunc modum: *Fundamenta eius in montibus sanctis, id est, superexcedunt mōtes Angelorum, Patriarcharum, &c. Diligit Dominus portas Sion, &c.* quia diligit conceptionem per quam intrauit in mundum, & natiuitatem per quam exiuit ex utero. *Gloriosa dicta sunt de te, &c. Numquid Sion dicet homo? & homo natus est in ea; & ipse fundauit eam Al-*

tissimus. Si ergo ipse Altissimus (qui & homo) fundauit, quomodo non sunt dicenda de ea gloriosa? quomodo enim non est dicendum in gratia fuisse conceptam? quandoquidem & hoc dicitur de Angelis, quorum existit Regina.

Missa facio alia testimonia, quibus comparatur luci, & præfertur soli, Psal. 88. *Thronus eius sicut sol.* Apocal. 12. *Mulier amicta sole.* Sap. 7. *Est enim speciosior sole, & super omnem dispositionem stellarum luci comparata inuenitur prior.* Quæ videri possunt apud Auctores præfatos.

Adducimus sextò illud Cant. 2. *Sicut lilium inter spinas, sic amica mea inter filias.* ergo sicut lilium ex eadem terra inter spinas ortum sine spina nascitur maximè pulchritudine, & fragrantia, ita beatissima Virgo Maria orta inter filias Adæ vitio originali infectas nullo inficitur vitio originali. Vbi notatu dignum censui duplex mysterium in duplici rubo ex communi Patrum sententia beatissimæ Virginis Mariæ significatiuo: primum in rubo Moysis, quod ardebat, & non comburebatur, vt maternitas Mariæ simul cum virginitate coniuncta significaretur. Secundum in rubo beatissimi Patris nostri Francisci, in quo ipse sese voluit, vt spinis eius laceraretur, quæ in flores conuersæ significarunt in suo ordine spinas peccati originalis destruendas in beatæ Virginis conceptione, & in flores gratiæ & iustitiæ conuertendas fore.

Adducimus septimò ex nouo Testamento salutationem angelicam Luc. 1. *Aue gratia plena: Dominus tecum: benedicta tu in mulieribus.* vbi eius gratiæ plenitudo commendatur, & à Patribus asseritur esse super omnem creaturam; ergo non solum fuit in intentione plena, sed etiam in extensione; ergo per omnem eius vitam, nullo excluso instanti; ergo & in primo habuit gratiam. Vnde Athanasius in Epistola ad Epitheetum pag. 659. ait: *Nec enim id temporarium in Virgine accidisse opinor, sed per omnia tempora etiam conceptus fuit hoc illi datum fuisse.* Similiter commendatur, quod Dominus sit cum ea, quod dicit quamdam permanentiam perpetuam, & sine intermissione, vt ponderant Ecclesiæ Patres. Et tandem quod in mulieribus

liberibus sit benedicta. Sed inquiri ad quid hæc particula ita specialiter posita, si cum reliquis mulieribus maledictionem recepit? Hæc verba me maxime vrgent in fauorem huius sententiæ. Vnde Hieronymus ait. *Quidquid maledictionis infusum est per Eua, totum abstulit benedictio Maria.* Quare merito Ecclesia petit ab illo, quod propter hoc *Aue* mutetur in nobis nomen *Euxæ* ibi: *Sumens illud Aue Gabrielis ore, funda nos in pace, mutans Eua nomen.* Quasi diceret: Quia per hoc *Aue* significatum est tibi, quod nihil peccati originalis habueris ex Eua, muta in nobis id, quod propter originale peccatum habemus ex Eua. Lege Salazar cap. 39.

35. Adducimus denique octauo illud, quod subsequitur ibidem: *Ne timeas Maria, inuenisti gratiam apud Deum;* id est, gratiosa apud Deum extitisti. Sed de qua gratia veniat intelligendum, audi Andreæ Episcopum Ierosolymitanum in hæc verba sic exponentem: *Ne timeas Maria, nata es enim gratiam apud Deum, quam Eua perdidit.* Insuper sapientissimus Idiota sic fatur: *Inuenisti Maria gratiam celestem, quia fuerunt in te ab originali labe præseruatio, angelica saluatio, Spiritus sancti superuentio, & Filij Dei conceptio.* Ergo iuxta horum Ecclesiæ Patrum expositionem beatissima Virgo Maria inuenit gratiam, & per eam fuit ab originali peccato præseruata.

36. Et confirmatur ex illo ad Rom. 5. *Regnauit mors ab Adam etiam in eos, qui non peccauerunt.* Quod testimonium si non solum loquatur de his qui non peccauerunt actualiter, sed etiam originaliter, quod videtur verosimilius, quia mors regnat ab Adam propter peccatum originale, cum loquatur in numero plurali, non solum excipit Christum, sed etiam eius dignissimam Matrem, quia de reliquis non potest intelligi. Sufficiant pro nunc ista.

CAPVT II.

Ex Conciliis, ex Pontificum decretis, & ex reuelationibus veritas ista comprobatur.

37. **P**resens veritas non adhuc est omnibus tradita ab Ecclesia vt de

fide, quare eam in præfenti solum intendimus suadere quod sit de mente Ecclesiæ: & in primis in 6. Synodo Constantinopolit. actione 1. a. sub Agathone Papa in Epist. Sophronij Patriarchæ habita tom. 3. Conciliorum Sophronius in sua Catholica confessione dicit expressè, *Mariam fuisse liberam ab omni contagione peccati.* Ibi autem loqui de præseruatione ab originali notatur in margine his verbis: *Nota de puritate conceptionis B. Mariæ.*

Deinde extat decretum Concilij 38. Basiliensis in huius rei confirmationem, cuius Romæ perseuerat bulla plumbata, & authentica, numquam reuocata: quod quidem decretum, licet non habeat vim definitionis, quia iam acta illius Concilij non fuerunt à Sede Apostolica confirmata, non tamen parum roboris habet ad hanc nostram sententiam confirmandam, cum in illo Concilio interfuerint innumeri Episcopi, & Doctores grauissimi, qui huic sententiæ vnamini consensu subscripsere sessione 36. his verbis: *Gloriosam Virginem Dei genitricem Mariam, præueniente, & operante diuini nominis gratiâ singulari, numquam actualiter subiaccisse originali peccato.* Vide nostrum Bartholomæum Guerrero in expositione huius controuersię fol. 5. Salaz. cap. 32. argumento 12. fol. 437. & Balthasarem. Porreno in suo libello de pura Virginis conceptione nostro idiomate composito cap. 2.

Præterea in Concilio Ierosolymitano celebrato ab Apostolis anno salutis 44. inueniuntur sequentia verba (secundum quod est inuentum in monte Granatensi) *Ille Virgo, illa Maria, illa Sancta in instanti sua conceptionis fuit ab originali peccato præseruata, & ab omni culpa immunis: & qui ita non senserit, salutem non consequetur æternam.* Ita referunt Sanchez, Luzero in suis Discursibus Theologicis in defensionem immaculatæ Conceptionis in principio secundi discursus, & Ioannes Baptista de Lezama Carmelita in suo Apologético pro immaculata Conceptione.

Accedit quod plura epitheta, quæ 40. Virgini traduntur à diuersis Conciliis, solum quadrare videntur. præseruationi Virginis à peccato originali, nam eam appellant immaculatam ab exordio

dio suæ creationis. ita sextum Concilium generale actione 2. Et in tertio generali in Epistola ad Bulgariæ Principem, & in vndecimo Tolitano in Professione fidei, & tandem cum his in Tridentino sessione 5. in Decreto de peccato originali appellatur immaculata his verbis: *Declarat tamen hac ipsa sancta Synodus, non esse suæ intentionis comprehendere in hoc Decreto, ubi de peccato originali agitur, beatam, & immaculatam Virginem, &c.* Ab aliis non solum dicitur immaculata, sed simul irreprehensibilis. ita habetur in Concilio septimo generali actione 3. A Concilio verò Fraucfordiensi in Epistola ad Episcopos Hispaniæ vocatur immaculata, prorsusque pura; & deinde Christum factum fuisse hominem de meliori terra, etiam animata, & immaculata, quam Adam, tunc autem terrâ nondum fuerat maledicta à Deo propter originale peccatum: ergo ex mente Conciliorum beatissima Virgo illud non contraxit. Hæc ex Conciliis.

41. Ex Pontificibus plura refert Ægidius de conceptione q. 6. art. 3. f. 1. Salazar cap. 32. in suis Sæculis, præcipuè à sæculo 14. sed præcipuè Porreno ubi suprà cap. 3. sed ne plura communia, & quasi identica referamus, specialiora ditemus. In primis Innocentius III. ferm. 2. de Assumptione ait, quòd in Virgine fuit non solum sopitus stimulus carnis, sed prorsus extinctus. Bonifacius IX. in Constitutione prima ait, quòd Virgo sit conseruata à Deo flos sanctitatis. D. Gregor. lib. 1. Reg. cap. 1. dicit, quòd fuit mons super omnes montes Sanctorum, & Angelorum, &c.

42. Efficacius autem probatur ex tribus extrauagantibus Sixti IV. quorum prima fuit anno 1466. secunda anno 1482. quæ incipit, *Græue nimis*, &c. tertia anno 1483. quæ est secunda de reliquiis & veneratione Sanctorum inter communes, ubi dignum & debitum reputat, vt vniuersi fideles de mira Virginis Conceptione Deo agant gratias, & ad hoc plurimis indulgentiis eos inuitat, decernitque à tota Ecclesia fieri festiuitatem ipsius, & quòd de ea fieret octaua solemnis, ita vt festiuitates Sanctorum, quæ in illa occurrunt, post ipsam celebrentur; & quod Dominica

transferatur, si venerit eius festum in Dominica; & quòd eius officium compilatum per F. Bernardinum de Buisi celebrari possit. ita Ægidius ubi suprà num. 2. Porreno ait quòd promulgauit officium compilatum per magistrum Leonardum de Nogarolis clericum Veronensem: præterea Romæ in Ecclesiâ sancti Petri capellam edificauit, & in ea immaculata Conceptio quotannis celebraretur: prohibetque ne hæc sententia damnetur vt hæretica, aut alia censura inuratur: ergo, &c.

Post Sixtum IV. statim successit Innocentius VIII. & hic dedit principium Ordini monialium beatissimæ Conceptionis, acquiescens petitioni domine Beatricis de Sylua eius fundatricis, & ad instantiam reginæ catholicæ Elisabeth cõcessit anno 1489. continuationem prædicti Ordinis: de quo vide nostrum Petrum de Salazar in Chronica huius nostræ prouinciæ Castellæ, & Porrenum ubi suprà. Post hunc successit Alexander VI. Hispanus, quiseundem similiter Ordinem approbauit, & plures Confraternitates purissimæ Conceptionis instituit.

Deinde successit Pius III. qui solum sedit dies 26. & sic nihil fecit sicut fecerunt reliqui successores pro hac parte. Post Pium III. secutus est Iulius II. qui confirmauit prædictum Ordinem in honorem immaculatæ Conceptionis beatæ Virginis Mariæ. Vnde cap. 1. dicitur: *Eiusdem Genitricis Dei immaculatam Conceptionem venerantes*. Et cap. 2. sic profiteatur monialis: *Ego Soror N. ob amorem, & seruitium Domina nostra, & immaculatæ Conceptionis Genitricis voueo, &c.* Et cap. 3. dicitur: *Pallium sit hyacinthini coloris propter mysticam significationem, quòd scilicet gloriosa Virginis anima à creatione sua tota sancta fuit, caelestis, & singularis Regis aterni thalamus*. Et cap. 4. commendat, & tradit nostræ seraphicæ religioni curam harum monialium: *Propterea quòd Fratres huius Ordinis indefesso studio, & vigilantia puritatis, & innocentia Dei Genitricis semper defensores existunt*. Imò & plures indulgentias concessit illis, qui in regno Castellæ imaginem conceptionis, quam præfatæ moniales portant, secum portarent.

Deinde successit Leo X. qui portationi prædictæ imaginis eandem indulgentias

gentias concessit, & fratribus nostri Ordinis, qui Missam eiusdem Conceptionis aut denotò celebraverint, aut audierint, plenariam largitus est indulgentiam, vt habetur in Compendio mendicantium, verbo *indulgentia plenaria*, §. 17. & 18. Postea electus fuit Adrianus VI. & postea Pius IV. sub quibus institutæ sunt plures Confraternitates: & sub Pio V. consummatum est Concilium Tridentinum, de quo iam suprà diximus. Deinde reliqui Pontifices cum præcedentibus in fauorem eius consensere.

46. Deinde Paulus V. in quadam Bulla exhibita anno 1617. sic decreuit: *In generali congregatione sanctæ Romanæ Ecclesiæ, & vniuersalis Inquisitionis coram sanctissimo Paulo V. constitutum est; vt in posterum nullus audeat in publicis concionibus, lectionibus, conclusionibus, & aliis actibus publicis asserere quod beata Virgo fuerit concepta in peccato originali, donec articulus ille a Sede Apostolica fuerit definitus.*

Et tandem Gregor. XV. anno 1622. die 2. Iunii in quadam Bulla expressè prohibet hæc omnia in priuatis locutionibus, & scriptis; & concludit his verbis: *Neque de opinione affirmatiua (scilicet quod fuerit cum peccato originali concepta) aliquo modo agant, seu trahant.* & precepit quod festum Conceptionis celebraretur non sub nomine sanctificationis, sed sub nomine præseruationis. videatur Portel in Dubiis regularibus verbo, *Conceptio* Despara num. 9. & Hieron. Rodriguez verbo *Conceptio* num. 2. & 3. Ergo nostra sententia est de mente Pontificum.

47. Et confirmatur, quia est de mente Ecclesiæ, vt conferat veritatem huius sententiæ cum veritate quâ desiderat saluationem suorum fidelium in illa oratione huius festi: *Deus, qui per immaculatam Virginis Conceptionem dignum Filio tuo habitaculum præparasti, quasumus vsque ex morte Filij sui præuisa cum ab omni labe præseruasti, ita nos quoque mundos eius intercessione ad te peruenire concedas.* vbi ponderatâ ly *sicut*, & ly *ita*, faciliè constat Ecclesiæ mens, & certitudo pro hac parte.

48. Ex reuelationibus autem eadem veritas comprobatur, nam existant plures, quidquid temerariè, & quasi impie dicat Caietanus, de quo videatur *Ægloga* Castillo de *Præfata V. Matris*.

dins q. 6. art. 4. §. 1. & 2. nam primò reuelata fuit hæc veritas 400. abhinc annis sanctæ Angelæ filiæ regis Bohemiæ, vt refert Martinus Delrio in suis *Disquisitionibus magicis* lib. 4. cap. 1. q. 3. & c. 4. Secundò fuit reuelata Guilelmo duci Normannorum: quam reuelationem cum alijs duabus refert Marsilius in 3. q. 20. art. 1. §. *quæ potest.* Præterea reuelata fuit sanctæ Elisabeth reginæ Vngariæ: quod refert Peluarts in suo *Stellario* lib. 4. p. 1. art. 3.

Inter reliquas reuelationes, præcipua est ea, quæ facta fuit S. Brigittæ, quia eius reuelationes examinatæ sunt anno 1377. ex commissione Papæ Gregorij XI. & approbatæ sunt; & iterum duabus ab inde annis ex mandato Papæ Urbani VI. sunt similiter examinatæ, & approbatæ; & tertio ex commissione Concilij Basiliensis pro tunc legitimi, quia sub obediètia Eugenij IV. iterum examinatæ & approbatæ sunt anno 1435. Huic ergo sanctæ prius canonizata: tempore schismatis à Bonifacio IX. & post schisma ad auferendos scrupulos iterum canonizata à Martino V. facta fuit hæc reuelatio ab ipsa Virgine his verbis: *Veritas est, quid ego concepta fui sine peccato originali.* ita traditur in suis Reuelationibus cap. 49. & 55. & lib. 1. cap. 9. dixit quoddam instanti, quo Deus suam animam creauit, & corpori infundit, fecit eam sanctam, & lib. 5. circa finem dixit Christus Dominus ad Brigittam: *Mater mea nata est ex peccatoribus, sed fuit sine peccato concepta.* Et lib. 6. cap. 11. dixit Angelus ad eam, *Iustum fore, quod omnes celebrassent Conceptionis festum Regina Angelorum.* Ergo, &c.

Plura tamen sunt miracula, quæ veritatem istam confirmant: de quibus videantur Auctores suprà relati, ne prolixiores simus, quàm par sit: Illud tamen obseruandum venit, quoddam istæ reuelationes & miracula non sunt parui pendenda; quia, vt inquit D. Gregorius homil. 26. in Ezechielem, *Spiritus sanctus paulatim suam Ecclesiam docet.* & hæc modò tota conspirat in hanc veritatem.

CAPVT III.

Ex Patribus, & Ecclesiæ Doctores
veritas huius sententiæ ostenditur.

51. **I**nnitum transnatare pelagus inci-
peremus, si omnes Ecclesiæ Patres,
& Doctores, qui pro ea stant, adduce-
remus: quorum auctoritates ad tres
classes pertinent, nam quædam sunt
generales, & absolute docent beatissi-
mam Virginem Mariam fuisse immu-
nem ab omni culpa; aliæ speciales, &
implicitè docent esse immaculatam,
incontaminatam, puriorem Angelis,
talemque, quod nequeat sub Deo ma-
ior intelligi; & aliæ denique explici-
tæ, & expressæ, quia specialissimè
docent eam conceptam fuisse sine pec-
cato originali: de quibus latè agit
Ægidius de Præsentatione tom. de
Conceptione lib. 3. quæst. 4. ab art. 1.
& deinceps Guerrero in suo Tractatu
fol. 6. Faber, & Pytiganus, & Hu-
go Cabellus post 3. sentent. Ferdinandus
de Salazar à cap. 42. refert & exa-
minat eorum verba per 16. sæcula
à natiuitate Christi vsque modò, quo-
rum quodlibet centum continet an-
nos, vt verum sit illud dictum à Vir-
gine: *Ecce enim ex hoc beatam me di-
cent omnes generationes.* Imò & quòd
in Synagoga inter Rabinos fuerit
recepta sententia, quòd Mater Mes-
siæ fuerit ab originali culpa pura,
testatur Galatinus lib. 7. contra Iu-
dæos.

52. Cùm autem non possimus non ali-
qua adducere testimonia, nam Iob 18.
dicitur: *Interroga generationem pristi-
nam, & diligenter inuestiga Patrum me-
meriam: hesterni quippe sumus, & ignora-
mus, quoniam sicut umbra dies nostri sunt;
ipsi docebunt te, loquentur tibi, & de corde
suo præferent eloquia.* Idèd breuitati (vt
iustum est, quandoquidem sunt hæc
omnia typis mandata) consulentes,
tantùm adducemus aliqua ex specia-
lioribus.

53. Sanctus Andreas Apostolus refer-
tur ab Abdia Babylonico lib. 4. suæ
Historiæ dixisse proconsuli Egez:
*Sicut de immaculata terra, & numquam
maledicta factus fuerat primus Adam, ita
ex semper immaculata Virgine formatus fuit

secundum Adam. Similiaque verba refe-
runtur ex sancto Patre nostro Domi-
nico Ordinis Prædicatorum fundatore
lib. de Corpore Christi. Vide Cansi-
um lib. de Deipara cap. 7. & Thesau-
rum Catholicum Coloniz editum an-
no 1599.

His possunt adiungi Apostolorum
testimonia sanctorum Andreæ, Tho-
mæ, Matthæi, & Matthiæ, quæ ex re-
uelatione sancti Gabrielis scribuntur
à nostro sancto Amadæo in libro qui
intitulatur Apocalypsis noua, & habe-
tur in Bibliotheca Regia sancti Lau-
rentij del Escorial: quorum Apostolorum
verba refert suprà citatus Ægi-
dus lib. 2. q. 4. art. 7. §. 4. num. 62. vbi
videri possunt. Hi enim omnes præ-
seruatam aiunt Virginem à peccato
originali.

Sanctus Cecilius martyr, & Aposto-
lorum discipulus hanc veritatem scrip-
psit anno Domini 50. dicens: *illa virgo,
illa sancta, illa electa à primario, origina-
riis præseruata fuit, & ab omni culpa li-
bera.* & deinde maledictionem impre-
cat illis, qui oppositum docuerint:
liber, in quo hoc continetur testimo-
nium, inuentus est cum sanctis reli-
quiis, & laminis in monte sancto Gra-
natenst: quorum fidem præstat Conci-
lium provinciale, & auctoritas doctis-
simorum virorum: vnde neque dubi-
tari potest de testimonio Theophontis
eiusdem anni in lib. de dono gloriæ
Granatæ inuento, in quo testatur An-
gelum ab beatam Virginem non fuisse
dicturum, *Aue gratia plena, si originale
peccatum contraxisset.*

Sedulius Poeta Christianus, qui flo-
ruit anno 430. in lib. 2. Operis pascha-
lis (habetur tom. 8. Bibliothecæ Pa-
trum) ita canit de Virgine:

*Vetus spinis mollis rosa surgit, acutis
Nil quod ledat habens, matremq; ob-
scurat honore;
Sic Ena de stirpe sacra veniente Ma-
ria,
Virginis antiqua facinus nona Virgo
piaret.*

Sanctus Ildephonsus, qui floruit
anno sexcentesimo sexagesimo, in
lib. contra eos qui disputant de vir-
ginitate & parturitione Mariæ, qui
habetur tom. 9. Biblioth. Patrum,
& à nostro Francisco Feuardentio de

de nouo inuentus est, & nunc primùm in lucem editus paginà 681. litterâ C. inter alia verba in gloriam Virginis habet hæc: *Neque contraxit in utero sanctificata originale peccatum.* Quòd autem hæc verba intelligantur dicta de conceptione, & non de natiuitate, optimè probat Ægidius vbi suprâ à numero 10. vsq; ad 14. Et idem Sanctus in libro de Partu, & purificatione serm. 12. ait: *In qua vexilla virtutum micarunt, nullum peccatum primæ originis viguit.*

58. Idiota (qui viguit anno 800.) sanctissimus, & eruditissimus, & meritò inter sanctos Patres relatus, qui proprio nomine suppresso humilitatis gratiâ Idiota vocari voluit in libro de Contemplatione Virginis cap. 2. ita ait: *Tota pulchra es Virgo gloriosissima, non in parte, sed in toto, & macula peccati sine morali, sine veniali, sine originalis non est in te, neque unquam fuit.* Ex cap. 6. inquit: *Inuenisti Virgo Maria gratiam celestem, quia fuisti ab originali labe praferuata.*

59. Fulbertus Episcopus Carnotensis (qui floruit anno 1000.) fuitque vir suo tempore omnium doctissimus, in salutationem angelicam ita scribit: *Electa insignis inter filias, qua immaculata semper extitisti ab exordio tua creationis, quia paritura eras Creatorem totius sanctitatis.*

60. Petrus Damianus (qui floruit anno 1060.) in Sermone de Assumptione Virginis ita scribit: *Cara Virginis Maria ex Adam assumpta maculas Adæ non admisisti, sed singularis continentia puritas in candorem lucis aterna conuersa est.* Deinde ait, *Virginem esse auroram, quam nox tenebrarum originalis peccati non vidit.* De quo Iob 3.

61. D. Anselmus anno 1080. ad illa verba 2. ad Corinth 5. *Ergo omnes mortui sunt.* ita scribit: *Omnes itaque mortui sunt in peccatis, nemine prorsus excepto, demptâ Matre Dei, siue originalibus siue voluntate additis.* Insuperque apertissima sunt verba eius, quæ referuntur in Breuiario Romano de Camera impresso Venetis anno 1550. quæ talia sunt: *Angelos aliis peccantibus à peccato seruauit (scilicet Deus) & feminam Matrem suam futuram ob aliorum peccatorum exortem seruare non potuit? in aternitate consilij sui Castillo de Prasera. V. Matris.*

fixum statuit, eam Dominatricem, & Reginam fore Angelorum, & nunc inferiorem gratiam Angelis datam in consortium conceptam esse crederemus hominum peccatorum? Existimet hoc qui vult; argumentis suis probet qui vult; ego donec ostendat Deum aliud dignius excellentia Domina nostra, quæ dixi dico. Refertur etiam Anselmus in aliis locis, quos vidi apud Ægidium, num. 18.

D. Athanasius anno 340. in Epistola ad Epithecum posita apud eundem in Euangelio de sanctissima Deipara paginâ 669. litt. E. ita inquit: *Maria si gratiâ plena, dicitur, quod in illa Virgine totius gratiæ thesaurus recondetur; quæ idcirco gratiâ plena denominata est, eò quod adimpleretur Spiritus sancti omnibus gratiis abundaret, & virtute Altissimi obumbraretur, quam virtutem per omnia tempora, etiam conceptus sui, habuisse confido; neque enim id temporarium in Virgine accidisse opinor, sed per omnia tempora hoc illi datum fuisse.*

Augustinus denique ita fuit pro veritate ista, vt D. Bernardum ad eam traheret. Augustinus ergo lib. de Natura & gratia cap. 36 ita respondet Pelagio obliuienti plurimos Sanctos fuisse, inter quos numerat beatam Virginem, qui nunquam peccauerunt: *Exceptâ Virgine Mariâ, de qua propter honorem Domini nullam prorsus, cum de peccatis agitur, habere volo questionem: unde enim scimus, quòd ei plus gratiæ collatum fuit ad vincendum omni ex parte peccatum, quæ concipere & parere meruit eum, quem constat nullum habuisse peccatum: hac igitur Virgine exceptâ, si omnes illos Sanctos, & Sanctas, cum hic viuerent, &c.* Vnde D. Bernardus tam sermone 15. de Coena Domini post principium, quàm sermone 4. super Salutem Regina propter hanc auctoritatem, D. Augustini expressè docet Virginem fuisse liberam ab omni originali peccato, neque illud contraxisse.

Et confirmatur ex illa expositione Augustini epist. 3. ad Volusianum, vbi explicans illud Angeli in annuntiatione, *Dominus tecum*, ait Augustinus nomine ipsius Angeli plus quam mecum, id est plus quam cum ipso Angelo, sed cum Angelo fuit ab instanti sui esse; ergo. Vide alia testimonia Augustini apud Ægidium à p. 4.

65. Vnde non obstat quod obiiciunt Aduersarij, scilicet, Augustinum solū loqui de peccatis actualibus, quia contrā est, tum quia secundū D. Bernardum etiam loquitur de originali, tum quia eius verba etiam de hoc debent intelligi, nam disputatio contra Pelagianos non tantū erat de peccatis actualibus, sed etiam de originalibus, quandoquidem omnes infantes non habent actualia, & sic non tantū exciperetur beata Virgo vt excipitur ab Augustino. Præterea si non vult habere de peccatis quæstionem propter honorem Domini, propter eundem non debebat de originali an habuerit, sed supponere quod non habuerit, quia magis derogat quā veniale, quod supponit non habuisse. Denique quia si ei plus omnibus gratiæ collatum fuit ad vincendum omni ex parte peccatum, vt posset concipere eum, quem constat nullum habuisse peccatum; ergo habuit gratiam ad vincendum peccatum deriuandum ex parte Adami, vt posset concipere Christum, quem constat non habuisse peccatum adhuc originale.

66. Sufficiant testimonia adducta prædictorum Patrum, ne plus iusto protrahamur, quia ita sunt plura, quæ non vtcumque, sed expressis verbis hanc veritatem confirmant, quod laboriosum valdè, & nimis prolixum esset ea omnia recensere: vnde de satis sit dixisse Auctores in quibus conspici possunt, qui de hoc mysterio lato calamo scripserunt.

CAPVT IV.

Ex congruentiis moralibus, scholasticis, rationibus eadem veritas ostenditur.

67. **E**X Augustini doctrina lib. 3. de libero arbitrio: *Quidquid tibi verè ratione sciendum occurrerit, scias Deum fecisse bonorum omnium conditorem.* Quare varias licebit in præsentī congerere rationes ab ipso lumine petitas, vt veritas nostræ stabilietur sententiæ. Quare Scotus eam probat primò ex excellentia in quantum redemptoris, quia cū Dei perfectā sint opera, Deut. 32. debemus censere Christum Dominum fuisse

perfectissimum redemptorem: sed perfectissima redemptio sumitur ex triplici capite, primò scilicet respectu Dei, cui reconciliat; secundò respectu mali, à quo liberat; tertio per comparisonem ad obligationem personæ, quam liberat: ergo si beatissima Virgo habuit Christum perfectissimum redemptorem, debuit habere secundū hos tres respectus. Christus ergo est perfectissimus redemptor, quia aliquem Deo perfectissime reconciliat, quod præstat præseruando, & non subleuando à miseria peccati, tum quia ita docuit August. super cap. 7. Lucæ, qui ibidem, & Psal. 85. cum D. Dionysio de diuinis nominibus docet dari non tantū redemptionem subleuatiam, sed etiam præseruatiam: quod etiam est manifestum ex eo quod sæpissime Deus suo efficaci auxilio præseruat à peccato actuali: tum quia maius est beneficium præuenire aliquem, ne cadat in lutum, aut sterquilinum, quā ipsum iam immunditiā inuolutum subleuare, & lauare: tum denique quia ex suo genere maius donum est innocentia, quā poenitentia; ergo perfectius reconciliat Deo præseruando. Et respectu secundi est similiter perfectissimus redemptor, qui non solū liberat ab omni poena, sed etiam ab omni redimit culpa, quod Christus præstat perfectissime, quando non solū aufert omne peccatum actuale, sed etiam originale, & liberat à poenis, quæ ab ipsis oriuntur. Tertio respectu personæ reconciliatæ, quæ magis obligata manet, si à maiori malo, & perfectiori modo redemptionis redimatur: ergo per comparisonem ad hæc tria Christus fuit perfectissimus redemptor Matris: ergo ab excellentia Christi vt redemptoris beata Virgo præseruata fuit à peccato originali. patet consequentia, quia in nullo subiecto aptius quā in Matre potuit hæc perfectio exerceri. Et cōfirmatur hæc ratio, quia ad perfectionem redemptoris expectat aliquos homines præseruare ab omnibus peccatis actualibus, vt præseruat Deus infantes baptizatos, qui ante vsum rationis decedunt è vita; & alios præseruare à solis mortalibus, vt plures adultos, & Sanctos præseruat Deus, qui mortaliter non peccauerunt; & alios

à venialibus, vt infantes, & beatam Virginem fecundum definitionem Concilij Tridentini sessione 6. can. 26 & Ioannem Baptistam vt multis placet; ergo quia copiosa est apud Deum redemptio Christi, debuit etiam aliquam creaturam à peccato originali præseruare, sed non Angelum, quia Angelus nequit habere peccatum originale; ergo hominem: sed inter homines nullus habuit maiorem dignitatem, cui debita foret maior poritas, quàm beatissima Virgo propter maternitatem; ergo. Vnde D. Bernardinus Seneus. serm. 51. scilicet ser. 2. post Dominicam olivæ ait, quod Christus plus pro redimenda Virgine venit, quam pro omni alia creatura.

68. Secundo probatur, quia si propter aliquas rationes Virgo contraheret peccatum, maximè propter illas vniuersales Scripturæ locutiones: *Omnes in Adam peccauerunt. Omnes sumus filij iræ.* Sed istæ non obstant beatæ Virgini, tum quia Deus vt supremus legislator potest efficere quod faciunt alij legislatores, quod est liberare aliquem post legem promulgatam ab executione illius legis, & non quia hoc fecerit Deus propter ignorantiam congruentiarum ad præseruandam Virginem à lege, quando illam constituit, sed potius ex eo quod ex matura & perfecta scientia distulerit, vt postea vteretur illam excipiendo supremâ suâ potestate, & excellentiori dominio, quàm habent Principes creati legislatores. Tum quia Sixtus IV. in Bolla, quæ incipit, *Græue nimis*, decreuit non esse inurendam censurâ tamquam contra Scripturam, & Concilium Tridentinum sessione 5. decreto de peccato originali, postquam can. 2. decreuisset præuaricationem Adæ, non tantum sibi soli, sed etiam propagini nocuisse, & sanctitatem, & iustitiam, quam accepit, amisisse. & hoc colligit ex generali locutione Scripturæ. Postea in fine canonis 5. habet hæc verba: *Declarat tamen hac sancta Synodus non esse sua intentionis comprehendere in hoc Decreto, ubi de peccato originali agitur, beatam, & immaculatam Virginem Mariam Dei genitricem sed obseruandas esse constitutiones felicis recordationis Sixti Papæ IV. sub penis incursu constitutionibus contentis, quas innotat.* Ergo propter has

Scripturæ locutiones vniuersales Maria mater Dei non est fondanda originali culpâ.

Et confirmatur, quia in aliis locutionibus generalibus Scripturæ excipitur beatissima Virgo; ergo & in hac, quia non est minor ratio vnius, quàm alterius. Antecedens patet, nam secundum Scripturam. *Non est homo qui non peccet & in multis offendimus omnes.* & tamen à Concilio Tridentino sessione 6. can. 23. excipitur beatissima Virgo; ibi enim docet caruisse omni peccato, etiam veniali. Et ex Apostolo ad Ephes. 2. *Omnes nascimur filij iræ.* & tamen celebratur ab vniuersali Ecclesia natiuitas beatissimæ Virginis, quia non est nata filia iræ. Testimonium autem hoc potius intelligitur de natiuitate in vtero, quàm de natiuitate ex vtero. Quare ex eo quod celebratur natiuitas Virginis, potius insinuat puritas conceptionis. Et Genes. 3. dicitur de muliere: *In dolore paries filios tuos.* & tamen Maria sine dolore peperit Filium suum. Et ibidem dicitur: *Puluis, & in puluerem reuerteris.* & tamen beata Virgo post tres dies resurrexit, & assumpta est in cælum. Ergo locutiones generales Scripturæ inefficientes naturam humanam, beatam Virginem non comprehendunt.

Neque hoc nouum est in Virgine, quia D. Thomas 2. 2. quæst. 175. artic. 3. concedit Moysen & Paulum in hac vita vidisse diuinam essentiam, & tamen de opposito est lex communis Exod. 32. *Non videbit me homo, & viuet;* & Ioan. 4. *Deum nemo vidit vquam.* & non alia ratione docuit, nisi quia ita docuit August. ergo eodem modo est excipienda beata Virgo in nostra quæstione, quia ita docuit D. Augustinus.

Tertio probatur, quia vel Deus non potuit Virginem liberare à peccato originali, & hoc nefas est dictu; vel potuit, sed non voluit, & hoc dicere non videtur rationi congruum, quia qui non venit soluere legem, sed adimplere, Matth. 5. attenderet ad illud præceptum Decalogi, *Honora parentem;* ergo dicendum est quod & potuit, & voluit.

Et confirmatur primò, quia non sic facere cederet in dedecus & ignominiam filij; quia vt dicitur Ecclesiastici 3.

Non gloriaris in contumelia patris tui: non enim est tibi gloria eius confusio: gloria enim hominis ex honore patris sui, & dedecus filij pater sine honore. Vnde Cyrillus contra Nestorium, & D. Hieronymus ad Eustochium aiunt: *Nulli dubium est de Matre Domini, quin talis debuerit esse, quæ non possit argui de peccato.* Et D. Thomas 3. p. q. 27. art. 4. idèd probat Virginem non habuisse peccatum veniale, quia redundaret in ignominiam Filij, utpote quæ habitura erat singularem affinitatem cum ipso, commercium haberet cum dæmone, quod magis vrget in originali, quia tunc sub diaboli esset potestate, quod piæ aures offendit.

73. Et confirmatur secundò, quia qui in peccato concipitur, verè est à Deo maledictus: sed non decebat Matrem à Filio maledici, iuxta illud Matth. 7. *Qui maledixerit patri suo, & matre, morte morietur.* ergo.

74. Neque obstat, si dicas, quòd tunc, quando concepta fuit, non erat mater Dei: sed contrà, quia hoc falsum est in plurium sententia asserentium quòd ex fine maternitatis, & ut esset mater Dei electa, & prædestinata fuerit ad esse, & ad existere in rerum natura, & in omnium sententia cùm electa fuerit ab æterno ad munus maternitatis, etiamsi ab æterno ante electionem ad hoc munus præcesserit iam determinata ad existere naturale, tamen in tempore quando per conceptionem exitit in rerum natura iam erat mater Dei secundum electionem & dignitatem, cui omnis puritas congruebat, & exigentia erat, ut postea in tempore opportuno in executione generaret illa, quæ digna erat mater Dei. *In talibus enim* (inquit Auguft. epist. 3. ad Volusianum) *totà ratio facti est omnipotentia scientis.*

75. Quartò probatur, quia peccatum originale est gabella, seu tributum quod exigitur in descenditibus ab Adamo; sed secundum Christum Dominum Matth. 17. tributum non exigitur à filiis propriis, sed ab alienis: ergo multò minùs exigitur à Virgine, tum quia respectu Patris æterni est præcipua inter adoptiuos filia, respectu Filij est mater, & sponsa dilecta respectu Spiritus sancti.

76. Et confirmatur, quia in ea non exigitur tributum effectus peccati origi-

nalis, nam aliqui culpam includunt, alij ad illam inclinant, vel indecentiam aliquam ex illa contractam continent; alij denique sunt merè poenales absque vlla indecentia: sed primi, & secundi non fuerunt in beata Virgine, quia non fuit actuale peccatum, neque fuit tomus peccati, neque fuerunt motus inordinati concupiscentiæ, licet fuerint tertij, scilicet mors, & aliæ poenalitates, quæ ad conseruandam, & meritum eius augendum permanferunt in ea; & isti non vt poenæ (quæ correspondet culpæ) sed vt poenalitates, quæ absq; correspondentia ad culpam inueniuntur, & fuerunt in Christo Domino omnino innocenti: ergo, &c.

Quintò denique probatur, quia vniuersalis Ecclesia celebrat festum Conceptionis non sub nomine sanctificationis, sed sub nomine præseruationis, vt iam tradidimus ex decretis, & præcipuè Gregor. XV. ergo concepta fuit sine originali peccato. Patet consequentia, quia si immunda fuisset, & cum peccato originali non potuisset ab Ecclesia celebrari: quæ est ratio, propter quam D. Bern. in Epistola 174. ad Canonicos Lugdunenses (si forte illius de quo videatur Oyeda in sua informatione pro puritate Virginis fundamento 1. cap. 14. §. 2. & 3. & Ægidius de Præsentatione lib. de Præseruatione Virginis q. 4. art. 2. §. 2. à numero 150. & Salazar cap. 35. §. 6. à numero 43.) illos reprehendit quòd celebrassent Conceptionis festum, & non tantum sanctificationis absque Pontificis & Ecclesiæ auctoritate; sed iam hæc vrget, & præcipit hoc festum celebrari: ergo hoc argumentum ita vrget, vt propter ipsum asserant non pauci Auctores Ecclesiam iam canonizasse nostram sententiam, sed de hoc inferiùs interim videatur Ægidius quæstione 6. per totam.

Et confirmatur, quia idèd sancta tenetur natiuitas beatæ Mariæ Virginis, & Ioannis Baptistæ, quia eorum natiuitates ab Ecclesia celebrantur; ergo similiter & conceptio Virginis propter eandem rationem, imò aliquantulum vrgentiùs probari sanctitatem Virginis in conceptione quàm in natiuitate probat Salazar cap. 33. num. 12. propterea quòd illa fuit in instanti: hæc verò

77.

78.

verò cum consistat in motu, & consequenter cōmenfetur tempore, quod diuidi potest in diuersa instantia, inde fieri potnit in instanti vno effe peccatum, & non in alio, quod nequit fieri in conceptione instantanea. videatur ibi. Ex quo capite vsque ad 36. inclusiuè latè probat immunitatem Virginis ex annua celebratione huius festi, & ex antiquitate illius, quam fuisse in Hispania, & à tempore Apostolorum probat cap. 35. §. 2. & §. 7. num. 14. quod fuerit ab anno 655. vsque ad 800. antequam Græci ac Latini hoc festum celebrarent.

79. Omitto plura alia argumenta petita tum ex iure canonico, & ciuili, vbi pluribus iuribus cauetur, quod mater, regina, sponsa, filia non comprehenduntur legibus vniuersalibus. videatur Salazar cap. 30. & 31. Tum ex mendicia Virginis ab actualibus peccatis: videatur cap. 25. Tum ex perpetua virginitate Deiparæ, quæ transfertur ex corporali ad spirituales ab Ecclesiæ Patribus. Quod argumentum mihi est vrgentissimum, quia si beata Virgo fuit beator mente concipiendo Christum, quàm ventris; ita beatiorem debemus ipsam prædicare propter virginitatem ab omni prorsus peccato, quàm propter corporis integritatem, quæ illi comparata non est magni momenti. legatur cap. 27. Tum ex Mariæ regno, & ex eo quod Angelorum sit Regina, cap. 32.

PARS TERTIA.

Respondetur ad argumenta in oppositum pro contraria sententia.

80. **A**D primum argumentum desumptum ex primo capite, scilicet ex locutionibus generalibus Scripturæ respondetur quod beatissima Virgo Maria excipitur ab illis, sicut exceptam fuisse in aliis locutionibus generalibus iam probauimus cap. 4. antecedenti in 2. probatione. Vnde Augustinus serm. 3. de Virginis assumptione ait: *Non immerito Maria excipitur à quibusdam generalibus veræ existimatione, quam tanta seruat gratia, & altissimi dignitatis prerogativa.* Itaque propter maternitatis dignitatem, quæ singularissi-

ma est, non comprehenditur sub locutionibus generalibus vdiqis, qualiter regina Esther non fuit comprehensa sub locutione generali: *Non enim propter, sed pro omnibus hac lex constituta est.* Vide quæ diximus circa reuelationes vniuersales confusas in materia de fide disp. 2. q. 3. p. 2. quia reuelatio confusa vniuersalis, quæ actiue sumpta, non omnes comprehendit; sumpta passiuè, videtur nullum excludere, & è cōtra.

Est autem circa hoc difficultas, An non comprehensio Virginis sit exceptio eius à lege communi, & consequenter hæc specialis prerogatiua sit ipsi privilegium, id est priuatio legis, quæ alias ipsam obligaret? An autem sit thera non inclusio, quia scilicet lex, etiam si generalissima sit, non loquitur cum ipsa? Ex cuius difficultatis solutione pendet alia, scilicet, An locutiones vniuersales circa traditionem peccati originalis sint accipiendæ tamquam vniuersales vniuersalitate logica, quæ nullum hominem excludit, seu quæ nullum filium Adami excipit, vel tamquam vniuersales vniuersalitate morali, aut legali, quæ aliquam patiuntur exceptionem?

Hanc difficultatem non vidi apud aliquem Auctorem sub his terminis discussam, quibus meo videri tota res clarissimè exprimitur, & Mariana dignitas altius commendatur; tamen ex his, quæ Auctores asserunt, eam enucleabimus. Prima ergo sententia sit eorum qui asserunt beatam Virginem comprehensam fuisse in lege vniuersali quantum ad contractionem debiti, & non quantum ad contractionem peccati originalis, non quia non contraheret de lege lata, sed quia in re non contraxit, propterea quod fuit speciali gratia habituali præuenta, & priuilegio singulari præseruata, & Auctores huius sententiæ (quos referemus dum agemus de debito) consequenter debent asserere circa primam difficultatem, quod beata Virgo fuit excepta à locutionibus generalibus propter speciale priuilegium; & proinde circa secundam, quod locutiones Scripturæ & Patrum sint vniuersales vniuersalitate morali, vt docent plures apud Salazar cap. 1. §. 5. num. 26. aut vniuersalitate iuridica & legali, & cum aliis

aliis docet Ægidius quæstione 5. articulo 2. §. 2.

83. Secunda sententia fit eorum, qui asserunt beatam Virginem non fuisse comprehensam in lege communi saltem quantum ad partem eius odiosam (quidquid sit an fuerit comprehensa quantum ad partem legis fauorabilem) propterea quod lex non loquitur cum Matre Legislatoris, cum Sponsa, cum Filia, aut cum Regina, secundum plura iuris canonici, & ciuili inra; vel non loquitur nisi cum filiis Adæ à Deo in esse existentia præiis, quando decreuit legem peccati in Adamo promulgare, non autem cum nondum pro tunc præiis, vt in sententia Salazar fuit beata Virgo, quia non præexistebat præiis in massa corruptionis; vel non loquitur cum implicitè exceptis, seu non inclusis, vt. in sententia huius Auctoris cap. 23. §. 3. à numero 16. excepta fuit beata Virgo implicitè, quoties Christus explicitè fuit exceptus. legatur etiam cap. 41. ex quo fit quod eius non comprehensio in lege vniuersali non fuerit exclusio à lege, sed non inclusio in lege; & consequenter quod locutiones vniuersales possunt vniuersalitate logica accipi, nullum hominem excludendo, ex his qui includi possunt: Virgo enim includi non poterat secundum Dei ordinatissimam prouidentiam, & iustitiam. legatur etiam cap. 7. num. 9. vbi probat quod Regina non includitur in lege Principis ratione coniugij, & applicat beatissimæ Virgini.

84. Quid autem nobis sit circa hoc dicendum, differimus vsque ad Disputationem sequentem, vbi examinabimus an beata Virgo contraxerit debitum incurrendi peccatum originale, interim sufficiat respondisse ad locutiones Scripturæ vniuersales, scilicet fore sumendas vel generalitate morali, vel legali, & iuridica, quia quæ sic vniuersalia sunt aliquam patiuntur exceptionem, vbi hoc recta exigit ratio; & Scriptura communiter loquitur more humano, & hoc secundum priorem sententiam; vel fore sumendas generalitate logica, à qua Virgo non fuit exclusa, quia non fuerat inclusa, & hoc secundum sententiam posteriorem. Vnde numquam fuit beata Virgo com-

prehensa in illis locutionibus: *Omnes in Adam peccauerunt: Etiam omnes natura filij ira*, &c. Præcipue cum Scriptura sacra hoc satis insinuet in aliis testimoniis, vt probauimus cap. 1. partis antecedentis.

Ad illam locutionem: *Si Christus pro omnibus mortuus est, ergo omnes mortui sunt*. Respondetur secundum primam sententiam, quod ly *omnes mortui sunt*, intelligitur de morte contracta in Adamo, in quo omnes peccauerunt, non de morte contracta in ipsa Virgine, licet eam mortem peccati deberet proximè contrahere in se, si in se non præueniretur gratia habituali in illo primo instanti. Et secundum sententiam secundam respondetur, quod intelligitur, *ergo omnes mortui sunt*, saltem remotè, quia nisi Deus eligeret Virginem ad maternitatem, contraheret & originale peccatum, & obligationem ex lege communi.

Nisi aliter respondeamus dicentes (& fortè melius) quod illa consequentia Pauli loquitur in eis, pro quibus non præseruatiue, sed subleuatiue mortuus est Christus; quia optimè valet, Si Christus pro omnibus mortuus est eos à morte peccati subleuando, ergo omnes mortui sunt, scilicet in re ipsa propter contractionem peccati originalis: non tamen loquitur in ea consequentia de eis pro quibus mortuus est præseruatiue, vt fuit B. Virgo, & sumus similiter nos, qui sæpe ex meritis Christi passibilis præseruamur, & liberamur à pluribus peccatis actualibus, quæ committeremus si Deus non præueniret suo auxilio efficaci, quo conseruamur in vita gratiæ.

Ad secundum argumentum desumptum ex secundo capite, scilicet ex Conciliis, & Pontificum Decretis respondetur, quod etiam si generatiter loquantur de omnibus, sumenda sunt sicut diximus debere sumi Scripturæ locutiones; & hoc iam clariùs constat postquam Cõcilium Tridentinum expressè asserit non esse suæ intentionis includere Virginem beatissimam in Decreto de Peccato originali, quo reliquos homines comprehendit, præterquam quod plura alia ex Conciliis, & Pontificum Decretis adduximus cap. 2. partis antecedentis in fauorem huius nostræ

nostræ sententiæ. Neque propter hoc excluditur necessitas baptismi, cuius effectus præter apertionem ianuæ celestis est mundare, & remittere peccatum in subiecto, in quo inuenit illud contractum; vel dare de se forinam remissionis, & mundatiuam in subiecto, in quo non inuenit illud contractum; quare optimè potuit recipi à B. Virgine (quæ illum recepit, vt docet Euthymius Ioan. 3. & tenet communis sententia Theologorum: vide Pytiganum in 3. dist. 13. q. 2. art. 4.) sicut communiter dicitur de Sacramento poenitentiae, quod absoluit peccatum non remissum, vel confert gratiam de se illius remissionem in subiecto, in quo peccatum est remissum.

88. Ad confirmationem respondetur quod Pius V. non abstulit Officium Conceptionis, propterea quod diceret Virginem immaculatam & præseruatam, sed commutauit in Officium Natiuitatis B. Virgipis, mutato nomine Natiuitatis in nomen Conceptionis: imò potius hoc est argumentum pro nobis, quia sicut festum Natiuitatis celebratur propter sanctitatem illius, id ipsum dicendum est de Conceptione, quandoquidem ipsummet Officium celebratur pro illa; præterquam quod Officium Conceptionis, quod recitatur à nostra religione Fratrum Minorum, in quo beatissima Virgo dicitur omnino immaculata, & ab omni labe præseruata, concessum fuit recitari à Pio V. sicut antea recitabatur, & recitatur modò.

89. Ad tertium argumentum desumptum ex tertio capite, scilicet ex auctoritate Patrum, respondetur, quod illi priores, qui generaliter loquentes non excipiunt Virginem à contrahitione peccati originalis, explicandi sunt, sicut explicantur locutiones Scripturæ, & Conciliorum generales: Patres verò secundæ classis, qui aiunt Virginem fuisse purgatam, mundatam, redemptam, &c. explicandi, & intelligendi sunt, quod loquantur vel de conceptione seminis in vtero materno, quam significant præuentam, & purgatam, & purificatam fuisse à Deo, vt conciperet taliter pura mater, quod ex ipsa diuinum Verbum carnem sumere posset; vel de conceptione ani-

mæ, quam significant præuentam purgatam, redemptam, &c. non subleuatue, sed præseruatue.

Tandem Patres tertiæ classis aliqui non exactè, neque fideliter referunt vt videri potest apud Scotistas: alij verò latè explicantur ab Egidio quæst. 4. ab art. 2. & deinceps, qui 4. 2. num 14. tantum refert quatuor testimonia aliorum Patrum pro sententia opposita (qui similiter explicari possunt sicut & alij) à Pytignano dist. 3. q. 1. art. 5. à Philippo Fabro lib. 3. dist. 3. quæst. 1. disp. 10. cap. 3. explicandi autem sunt non quia verè contraxerit B. Virgo peccatum originale, sed quia videatur contraxisse si attendatur à nobis ex aliqua parte, scilicet quantum est ex propria conditione naturæ, & ex vi propriæ generationis, & supposità Dei lege: non autem Filius eius, qui ex natura rei illud non contraxit, tum quia non tàm erat homo, sed homo Deus; tum quia non descendebat ex commixtione seminis viri & mulieris, aut ex concubitu vtriusque; & sic non indiguit speciali gratiâ, sicut beatissima Virgo. Secundò explicatur quod contraxerit peccatum in se; sed non realiter & verè, sed quasi denominationè ex peccato Adami, ita quod dicitur contraxisse peccatum, quia peccauit in Adamo, id est, quando Virgo Maria extitit in primo conceptionis instanti denominata est peccauisse, sed non in se, sed in Adamo; sed in hoc sensu denominationem suscepit in se, sed non peccatum: propter quam denominationem (quæ verè non est peccatum originale, vt probauimus disp. 1. q. 4.) dicitur Virgo peccauisse originaliter, & quod eius caro fuerit peccatrix, &c. sed non verè sicut reliqui posteri Adami, qui vltra denominationem hanc contrahunt priuationem iustitiæ debitæ, in qua peccatum originale formaliter consistit; & in hoc etiam differt à Christo, qui neque hanc denominationem suscepit. Tertiò, quod contraxerit peccatum attenta vt filia Adami de eius carne, & per naturalem generationem propagata; non autem attenta vt Mater Christi futuri, & per eius specialissimam gratiam præuenta, & ad esse omnium creaturarum Regina

gina prælecta à prædestinatione diuina. Quartò denique quòd contraxerit Virgo peccatum secundum opinionem, quæ tunc vrgebat; non autem secundum rei veritatem tunc occultam, aut non nimis propalam.

91. Hæc diximus vt Patrum locutiones conciliaremus, quia cum ipsimet Patres vel aliter senserint iuxta testimonia suprà à nobis adducta cap. 3. vel dubitatiue loquantur sensui Ecclesiæ se submittendo, & futuræ determinationi ipsius, vt fecit D. Bernard. in illa Epistola ad Lugdunenses; vel solum loquantur de Virgine per contrapositionem ad Christum Dominum; & idè appellent eius carnem sine peccato, sed de peccatrice carne susceptam: quæ omnia solum in eo sensu ventunt accipienda, quo aliquam distinctionem ponamus inter Christum Dominum, & eius Matrem in ordine ad peccatum, & in ordine ad sanctitatem: quæ distinctio satis innotescit in eo, quòd peccatum recedit à Christo ratione propriæ naturæ, sed à Virgine; & sanctitas debetur Christo ratione hypostaticæ vnionis, secus autem Virgini, cui non est debita, sed datur ex gratia, licet fundata in maxima congruentia: idè sufficiat suprà ab Aduersariis adductos Patres aliquo modo ex prædictis explicasse.

92. Quòd si nimum insistas contrariam sententiam aliquos expressè tenuisse, dico sufficere plures alios tenuisse nostram; & quòd illi si aduersè adhæserunt, fuit ex eo quia non satis viderunt Ecclesiæ consensum, cuius auctoritas, teste D. Thomà 2. 2. quæst. 10. art. 12. præferenda est cuiuscumque sancti Doctoris auctoritati, etiam Hieronymi & Augustini.

93. Ad quartum argumentum desumptum ex quarto capite, scilicet ex rationibus respondetur; & ad primam nego quòd beata Virgo non indiguerit Christo vt redemptore, & ianuæ cælestis apertore, quia ipso indiguit vt redemptore præseruatiue, & vt præseruatiue apertore, quod non solum non deprimit excellentiam filij, sed maximè eum extollit vt latè suprà cap. 4. probauimus, An autem Chri-

stus Dominus fuerit eius præseruatius redemptor per meritum ipsius quoad substantiam, an per meritum quoad modum, an per vtraque meritum infra respondendo ad tertiam rationem attingemus, & commodius disputabimus, dum disputatione sequenti agemus de præseruatione à debito.

Ad confirmationem ex illis verbis Pauli, *Si vnus pro omnibus mortuus est, ergo omnes mortui sunt.* iam fecimus satis, dum soluimus generales locutiones Scripturæ.

Ad secundam respondetur, quòd omnes effectus peccati originalis sunt poenæ ipsius in quantum dicunt habitudinem ad ipsum, si enim homo primus non infregisset diuinum præceptum non haberentur à nobis, essent tamen in pura natura in qua non esset peccatum originale, sicut neque originalis iustitia, & tunc non censerentur poenæ, quia non haberent habitudinem ad culpam, sed dicerentur poenalitates naturæ, quæ non repugnant etiam cum summa sanctitate, qualiter fames, ærumnæ, mors inuentæ sunt in Christo Domino. Dico igitur quòd in beata Virgine non fuit iones peccati, vt in sequenti quæstione probabo; reliquæ autem ærumnæ, & mors inuentæ fuerunt non vt poenæ, sed vt poenalitates, quæ deferuire possunt ad meritum.

Neque similiter Virgo contraxit exclusionem à Paradiso; quid autem accideret, si mortua fuisset ante mortem Christi, non est multum curandum, quandoquidem ex speciali Dei prouidentia hoc non fuit de facto; & verosimilius est, quòd non ingrederetur statim post mortem Paradisum, quia prima ingressio illius fuit debita Christo, quia primus omnium hominum prædestinatus, quia caput morale etiam ipsius Virginis, &c. Neque mirum est quòd descendisset ad Limbum, quandoquidem ibi detinebantur plures etiam post exhibitam satisfactionem suorum peccatorum expectantes beatam spem; & aduentum magni Dei. Neque propter hoc Deus esset iniustus, quia iustitia, quæ hominibus debetur gloria, dependet ex diuina acceptione, quæ illos non acceptauit ad ingressum Christi Domini in cælum: neque

94.

95.

96.

neque enim voluit Deus apertionem ianuæ celestis propter passionem Christi præuisam, sed propter ipsam in re exhibitam. ita Scotus.

97. Ad primam confirmationem respondetur, quòd beatissima Virgo fuit in illo primo instanti filia Adam quantum ad generationem naturalem prouenientem ex illo, non autem quantum ad propagationem peccati in illam, & quantum ad esse membrum morale huius capitis, quia vel lex non inclusit illam; vel si inclusit, fuit præseruata quantum ad peccati originalis contractionem per infusionem iustitiæ, & gratiæ habitualis, quæ præoccupauit peccatum.

98. Ad secundam confirmationem dicemus quæstione sequenti an B. Virgo habuerit ab illo primo instanti iustitiam originalem; dato tamen quòd illam non habuerit non sequitur, ergo habuit priuationem formæ debitæ, quia vt optimè inquit Scotus potuit habere gratiam habitualement, quam quis alius recipit per baptismum, quæ destruit peccatum originale, quia sanctificat animam, & facit iustitiam originalem indebitam, & consequenter non sequitur quòd habuerit peccatum originale.

99. Ad tertiam respòdeo, quòd si Christus fuit prædestinatus ante originale peccatum, vt docet Scotus, iam præcedit Christus cum meritis quoad substantiam, vt in intentione præseruet Virginem à peccato originali; & post præuisum peccatum originale etiam præcedit cum meritis quoad modum, vt præseruet illam in executione: si verò Christus fuit prædestinatus post originale peccatum, vt docet D. Thomas, tunc vel fuit prædestinatus post originale peccatum tantum præuisum in Adamo, & nondum contractum in posteris eius, vt plures ex Thomistis philosophantur, & tunc iam præsupponitur Christus cum meritis etiam quoad modum, vt præseruet ab actuali contractione peccati beatissimam Virginem; vel fuit prædestinatus post originale peccatum non tantum præuisum in Adamo, sed etiam in posteris eius, vt plures alij docent, & tunc possumus dicere cum Salazar cap. 24. §. 6. 7. & 8. quòd B. Virgo nondum erat à Deo de-

Castillo de Præseru. V. Matris.

creta ad esse existentia, & consequenter neque erat computata inter reliquos, qui iam erant in massa Adami corrupta, propter quorum salutem decreta erat Christus passibilis; & sic cum post hæc fuit à Deo decreta ad esse existentia in ordine ad Dei maternitatem dignè habendam, fuit decreta existere à primo instanti cum gratia habituali ex meritis mortis Christi, licet per generationem naturalem communem quantum ad hoc cum reliquis filiis Adami; quare in omnium sententia optimè potest ab Ecclesia dici, quòd ex morte Filij sui præuisa eam ab omni labe præseruauit.

Ad quartam, & vltimam respondetur, quòd quicquid sit an beata Virgo peccauerit in Adamo, circa quos ægemus disputatione sequenti, tamen pronunciatum quòd in Adamo peccauerit, nego tamen quòd peccauerit in seipsa; & ad probationem consequentiæ dico diuersam esse volitionem diuinam positinam, quæ Deus decreuit Virginem comprehendere lege de non transfundenda iustitia à voluntate permissiua de ipsa actuali non transfusione, quia ratione prioris tantum inducitur in Virginem debitum habendi peccatum originale; ratione verò posterioris inducitur ipsa actualis priuatio iustitiæ, quæ est originale peccatum. Bene ergo potuit Deus ipsam comprehendere in prima volitione, volendo tenere legem Adami; & non propterea censetur comprehensa in posteriori; potuit enim optimè Deus non permittere ipsam actualiter cadere, præueniendo ipsam per infusionem gratiæ aliàs necessariò casuram; sicut sæpe in actionibus contingit in nobis, quando Deus ex vna parte vult efficaciter nos tentari, & sub lege tentationis comprehendere; & ex alia parte præuenit suo auxilio efficaciter ne cadamus, qui nisi ipse succurreret caderemus; & similiter contingit, quando Deus suis præceptis Decalogi omnes homines comprehendit, & obligat; & nihilominus in aliquo casu dispensat cum aliquibus, quia libi semper remanet suprema potestas Legislatoris: & sic dispensauit cum Propheta, vt assumeret mulierem fornicationum; & cum Hebræis, vt non redderent vasa petita ab Ægyptiis.

T t t 2

Sed

101. Sed obiectiones pro Aduersariis, quod anima Virginis pro primo conceptionis instanti naturæ non fuit iusta; ergo fuit iniusta, quia non esse iustam, & esse iniustam æquivalent. Respondeo quod pro tunc neque fuit iusta, neque iniusta, neque vnum, neque aliud, quia sicut abstrahentiūq non est mendacium, ita neque est affirmare, neque negare, quia tantum in illo primo instanti naturæ (quod quasi diuidit instantis temporis) concipitur beatissima Virgo secundum esse existentiae, neq; concipitur filia moralis Adam, neque non filia, neque iusta, neque non iusta, sed tantum abstrahens.

102. Has & similes alias obiectiones poteris subtilissimè solutas inuenire apud Scotum, & eius discipulos, quia pro nunc satis est præcipuas & principales attigisse, & adequato satisfecisse. & hæc de hac Quæstione ad honorem beatissimæ Virginis Mariæ, cui gloria cum Filio.

QVÆSTIO II.

Vtrum beatissima Virgo Maria concepta fuerit in iustitia originali?

1. **P**ostquam in Quæstione antecedenti probauimus beatam Virginem conceptam fuisse sine peccato originali, quærimus deinde in præsentī an concepta fuerit cum iustitia originali? Pro cuius difficultatis explanatione nota cum nostro Corduba in suo Quæstionario q. 46. quod aliud est iustitia originalis, & eius effectus; & aliud, status iustitiæ originalis, seu innocentie; nam status ille importabat quatuor genera bonorum, quæ omnia non conferebat sola iustitia originalis; nam hæc idè talis erat & dicebatur, non quia omnia extrinseca & intrinseca componebat, & ad quamdam æqualitatem (quæ ex Arist. 5. Ethicor. iustitia, nuncupatur) reducebat & proportionabat per quatuor statim referenda bona, quæ constituiebant illum statum, sed quia homines intrinsecè rectificabat, & iustas eius operationes cum magna tranquillitate reddebat, & prorsus alienas ab omni obliquitate peccati per aliquod, vel aliqua dona

intrinseca, & in ipso homine existentia.

Status ergo innocentie constabat quatuor bonis, quæ ad illum statum homini conueniebant. Primum erat rectificatio animæ ad Deum, quæ duplex erat iuxta dicta à nobis disp. 1. q. 1. alia supernaturalis in ordine gratiæ & gloriæ, quæ scilicet habebatur per habitus per se infusos fidei, spei, & charitatis, & aliorum donorum, quæ iustificationem consequuntur, quæ hominem rectificabat circa Deum, & dabat illi sicut modò ius ad vitam æternam; & alia etiam supernaturalis (apud Cordubam autem & alios naturalis) sed non in ordine gratiæ, sed extra illum (sicut in sententia Scoti dicitur supernaturalis species abstractiua mysterij Trinitatis) quæ scilicet hominem rectificabat applicando potentias animæ operibus iustis & exhibendis secundum rectum rationis dictamen, siue hoc fieret per vnum habitum existentem in voluntate, siue per tres in tribus potentiis existentes.

Secundum erat rectificatio portionis inferioris, scilicet potentiæ æstimatoriæ, & totius appetitus sensitui tam cõmunis, quàm particularis, quia tota hæc portio inferior hilariter subordinabatur portioni superiori nihil appetendo contra illam, præcipue quando iam rationis aduertentia adesset! vnde naturalis carnis inclinatio, & rebellio nullo modo repugnaret rectæ electioni voluntatis, neque esset fomes peccati, id est concupiscentia effrænata, aut deordinata contra regulam rationis, sed maximè tranquillitate, & absque tristitia hæc portio conformaretur illi, siue hoc fieret per iustitiam originalem tantum existentem in anima, siue etiam per diuersos habitus dispersos in diuersis potentiis sensituius iuxta ea quæ diximus secundum diuersas opiniones in illa Quæstione prima.

Tertium erat rectificatio corporis ad animam, id est, reductio potentiarum executiarum, quæ consistit in sanitate, & robore corporali, quibus potentiæ corporis executrices, videlicet ambulatiua loco motiua, nutritiua, generatiua, expulsiua, &c. obediunt animæ (eo modo, quo de ipsis verificari

cari possit obedientia) seu voluntatis rectæ in exsequendo siue vlla grauédine, lassitudine, aut impedimento proueniente ab aliqua infirmitate, seu fragilitate corporali, qualis nunc in nobis est.

3. Quantum bonum erat immortalitas, & dominium quoddam hominis super omnia inferiora, iuxta illud, *In quacumque hora comedetis ex eo, morte morietis*; & iuxta illud, *Et dominamini piscibus maris, & volatilibus cali, & vniuersis animantibus, quæ mouentur super terram*; & præcipue iuxta illud, *Adduxit ea ad Adam, vt videret quid vocaret ea*, &c. Hæc autem immortalitas non fuit per aliquam intrinsiccā impotētiam moriendi, sed per carentiam actus moriendi, vt probauimus in illa q. 2. quæ proueniret tum ex esu ligni vitæ; nam ideo lignum vitæ dictum est, quia à Deo habebat virtutem quasi medicinalem curatiuam, & præseruatiam ad restaurandum, quod erat resolutum à calore naturali: tum ex bona temperie aeris paradisi: tum per custodiam Angelorum, & per alia plura, quæ refert Scotus in 2. dist. 29. §. *potest dici*, litt. C. tum denique quia antequam homo senio cōfectus moreretur, Deus illum transferret ad gloriam. Hoc verò dominium partim oriebatur ex rationalitate hominis, quā omnia bruta subiecit, quod & modò habemus; & partim ex speciali protectione, & manutentione Dei, quā faceret omnia hominibus submitti, quod modò non habemus, licet aliquando fuerit alicui Sancto concessum, vt beato P. N. Francisco.

6. Cum suprā dictis concordant communiter Doctores, ita Scholastici, inter quos Scotus, & Gabriel in 2. d. 19. & 29. & 30. D. Thomas 1. 2. q. 82. & 109. art. 2. & 1. p. q. 95. & 97. ibi Caietanus, Vasquez 1. 2. disp. 132. c. 7. Becanus de Statu innocentie cap. 7. q. 2. num. 7. Angelus in Morali cap. ultimo, vbi dicunt omnia quatuor suprā dicta adfuisse homini in statu iustitiæ originalis, seu innocentie, quod etiam docet Abulens. Genes. cap. 3. quest. 7. & cap. 13. q. 168. & 171. & 172. quos ferè omnes refert & sequitur noster Corduba vbi suprā: & ratio hoc suadet, quia secundum Scripturæ testi-

monia, quæ de statu illo felicissimo innocentie loquuntur iuxta expositionem Ecclesiæ Patrum, hæc quatuor bona reperiebantur in illo: ergo si perseveraret, eisdem perseveraret.

His ergo suppositis prima sententia docet, quod B. Virgo Maria non fuerit concepta in iustitia originali: hanc sententiam communiter docent Auctores, non solum ex Dominicana familia, sed etiam ex nostra, & ex reliquis, qui docent B. Virginem conceptam fuisse sine peccato originali: Pro hac sententia refertur Scotus in 3. dist. 3. quest. 1. §. *ad questionem igitur*, vers. *primū de claris* & §. *si autem*, vers. *si arguit*, vbi videtur insinuare in B. Virgine non fuisse iustitiam originalem, sed gratiam habitualement illi æquiualem, imò & superantem: immeritò tamen refertur in his locis, quia in illis tantum intendit liberare Virginem à peccato originali, etiamsi hoc tantum sit per gratiam habitualement, quæ sufficit si derur in primo instanti ad probandum, quod intendit: de nostra autem questione nihil disputat, & eodem modo se gerit Philippus Faber disp. 10. cap. 3. respondendo ad 5. sed eam expressè tenet Pytiganus in 3. dist. 3. q. 1. art. 12. in fine, Corduba & Becanus vbi suprā, Vasquez in 3. p. tom. 2. disp. 119. cap. 2. num. 16. & alij: sed diuersi diuerso modo probant hanc sententiam.

Et primò probari videtur ab Abulens. Genes. 3. q. 7. quia tota connexio suprā dictorum quatuor bonorum vocatur iustitia originalis, sumptā denominatione ab effectu; quia cum iustitia dicat æqualitatem quamdam secundum rem, aut secundum proportionem ex Arist. 5. Ethic. & secundum illa quatuor bona erat quædam æqualitas, seu rectitudo scilicet animæ ad Deum, appetitus, & æstimatione ad rationem, & voluntatem rectam sanitatis, & roboris corporalis ad potentias executiuas obedientie rerum exteriorum, & virtutis innatæ in arbore vitæ ad illam conseruandam, sequitur quod omnia illa quatuor iustitiam originalem constituerent; sed hæc omnia non habuit B. Virgo, vt per se patet, quia ad minus deficiebat illi quartum, & vltimum bonum immortalitatis; ergo non habuit iustitiam originalem.

9. Sed hanc rationem communiter & meritò impugnant Auctores, quia accipit iustitiam originalem in nimis lata acceptione, scilicet pro omni dono pertinente ad illum statum pacificum conferendum, neque distinguit iustitiam originalem à statu innocentiae, qui licet principaliter illam includeret, sed plura alia non comprehendebat: quod præterquam quòd est communis sententia Theologorum sic probò, quia iustitia originalis tantum erat illa in cuius privatione consistit peccatum originale; sed hoc non consistit formaliter in carentia immortalitatis corporalis, quia hæc inflicta est à Deo in poenam peccati originalis, iuxta illud: *Pulvis es, & in pulverem reverteris*. Neque consistit in carentia dominij, quia hæc similiter data est in poenam peccati, iuxta illud: *De sudore vultus tui vesceris pane tuo*, &c. *Terra spinas & tribulos germinabit tibi*, &c. Neque consistit in carentia habitationis paradisi, & esus arboris vitæ, quia similiter data est in poenam peccati Adami, iuxta illud: *Et misit enim Dominus Deus de paradiso voluptatis*, &c. *& collocavit ante paradisum voluptatis Cherubim, & flammeum gladium, atque versatilem ad custodiendam viam ligni vitæ*. Ergo in his omnibus bonis completè & adequatè sumptis non consistit iustitia originalis: ergo non propterea quòd illis omnibus adequatè carebat B. Virgo non fuit in illa concepta.

10. Secundo probatur à Corduba, Vasquez & Becano, quia iustitia originalis constabat tribus prioribus bonis, & beatissima Virgo caruit bono tertio, nam non habebat rectitudinem corporis, quæ constabat potentia executricis, defatigabatur enim, fiebat, esuriebat, &c. contraxitque infirmitatem, quæ fuit mortua; quapropter iustitia originalis etiam non fuit in Christo, iuxta illud Matthæi 26. *Spiritus quidem promptus est, caro autem infirma*. Præterea neque habuit B. Virgo perfectam rectitudinem primam vel secundam in ordine ad seipsam quoad iudicium rationis vel sensus, quia habuit in intellectu, & in æstimatione errorem, vel deceptionem aliquam in vigilia, ut patet Lucæ 2. quando perdidit Christum existimando illum esse in comitatu vi-

rorum; imò & somniabat aliquando falsa secundum Gersouem alphabeto 15. litt. S.

Sed hæc ratio meo videri nulla est, quia quantum ad primum sic probò, nam rectitudo corporis existens in potentia executivis partim oriebatur ex duplici priori rectitudine, & partim ex vltima & quarta: sed beata Virgo habuit duas priores rectitudines (vt fatentur Aduersarij) & vltima non pertinet formaliter ad iustitiam originalem; sed tantum ad statum innocentiae (vt etiam ipsi fatentur) ergo hæc ratio non obstat, vt negetur illi iustitia originalis. Maiorem probò, quia integra sanitas, & robur corporale conservabatur per bonum regimen spirituale, quod præstabant virtutes infusæ in iustificatione, quæ dabat primam rectitudinem supernaturalem, & per hilarem subordinationem, quam habebat portio inferior ad superiorem propter habitus in ea existentes; & per præcautionem occasionum, quæ nocere possent saluti tam corporali, quam spiritali, quam præbebant iustitia originalis existens in voluntate, & alia auxilia diuinæ protectionis, quæ fuissent illi annexa, quod totum præstabat secunda rectitudo: & tandem conservatio naturæ specialiter & præcipuè pendebat à quarto bono, scilicet ab esu ligni vitæ, cuius fructus repararet id, quod paulatinà actione, & reactione naturali (ex qua infirmitates ab intrinseco oriuntur) minueretur, & debilitaretur, vt docet ipse Corduba cum Scoto: ergo sanitas, & robur corporale, quod constituit tertiam rectitudinem, partim ex prima & secunda, & partim ex quarta oriretur: ergo si beata Virgo non defatigaretur, fatiret, esuriret, infirmaretur, &c. cōtra primam, & secundam rectitudinem, sed tantum ex defectu quarti boni, seu quartæ rectitudinis, quod omnes tenebant concedere, præcipuè ex Aduersariis. Hæc nihil illi obstabant, vt haberet licet non statum, formam tamen iustitiæ originalis.

Et confirmatur, quia deficiente esu ligni vitæ necessario deficeret in primis nostris parentibus, & eius posteritas robur corporale, & sanitas perfecta corporis, & consequenter adesset infir-

11.

12.

infirmis; ergo carentia huius tertij boni, seu rectitudinis principaliter oritur ex defectu quarti boni, quod non spectabat formaliter ad iustitiam originale[m] ut iam probauimus, & sic non mirum quod non fuisset in Christo, etiam si in eo admittamus iustitiam originale[m] ut admittimus; ergo propter defectum tertij boni, in quantum oritur ex defectu quarti, non debemus denegare Christo, neque Virgini iustitiam originale[m].

13. Quantum ad secundum sic probō, quia si Adam secederet ab Eua, & abiret ad aliquam partem paradisi, poterat Eua falli existimando, vel suspicando ipsum ad aliam partem; ergo error iste, seu deceptio non erat contra iustitiam originale[m]. Præterquam quod illa Virginis cogitatio non fuit absolutum iudicium, & falsum, sed potius prudens suspicatio, & attenta coniecturalis cognitio; ergo propter quod beata Virgo Maria existimaret Filium esse in comitatu virorum, non est illi neganda iustitia originalis. Præterea etiam si demus quod vnusquisque posterorū in statu innocentie haberet scientiam abstractiuam omnium, tamen hæc non pertinebat ad iustitiam originale[m], sed ad statum; ergo ex defectu huius nihil concluditur contra nos. Quod autem B. Virgo somniaret aliqua falsa negatur, & optimè ab Alberto Magno; & si non negetur, nihil interest, quia somnium falsum oritur solum ex occurſu diuersarum specierum in organo sensitiuo, quod etiam contingere posset in statu innocentie; & si non contingeret, non esset propter quod contradiceret iustitie originali, quæ solum rectificat in ordine ad Deum præstans perfectam tranquillitatem excludentem non absolutè omnem, sed grandem tristitiam, & moleſtiam, sed propter quod contradiceret illi statui congruentibus Dei auxiliis præuenito.

14. Tertio probatur à Pytigiano primo, quia B. Virgo fuit mortalis: sed hæc ratio non vrget, quia immortalitas non pertinebat ad iustitiam originale[m], sed ad statum ipsius, seu innocentie.

15. Secundo probatur ab illo, quia si B. Virgo esset nuda, verecundaretur, & erubesceret: sed erubescencia non

componitur cum iustitia originali, iuxta illud: *Quis indicauit tibi quod nudus esses, nisi quia de ligno, de quo præceperam tibi, ne comederes, comidisti.* Et iuxta illud: *Erat autem uterque nudus, & non erubescerat.* Et infra: *Et comedit, deditq[ue] viro suo, qui & comedit, & aperti sunt oculi amborum.* Ergo:

Sed hoc argumentum nullum est, tum quia non constat quod B. Virgo erubesceret in secreto; tum quia si erubesceret in publico, sicut Christus erubuit paratus ad flagellā, & ad crucem, hoc non esset propter se, sed propter alios videntes habentes fomitem peccati originalis: deniq[ue] quia erubescencia, quam habuerunt primi parentes, non fuit propter quod quidam vidissent se nudos, quia etiam hoc videbant quando erant innocentes, sed propter quod quidam ablatā iustitiā originali statim senserunt motus inordinatos concupiscentie, de quibus erubuerunt, vt docent communiter Ecclesie Patres, qui sic explicant adducta testimonia Scripturæ, & videri possunt apud Glossā & Lyram super 2. & 3. Genes. & apud Recentiores in præfenti: hanc autem erubescencia[m] B. Virgo non haberet, sicut neque motum inordinatum concupiscentie; & sic non haberet erubescencia[m] propriam peccati originalis, sicut neque illam habuit Christus Dominus.

Secunda tamen & meo videri vera sententia affirmat, quod B. Virgo concepta fuerit in iustitia originali. Hanc sententiam expressè tenet Canisius lib. 1. de Maria Deipara cap. 9. *f. non est sanè in fine.* Dionysius Carthusianus lib. de Præconio, & dignitate Mariæ. Faber Stapulensis super ad Rom. 5. Bandalus in suo Tractatu de Conceptione (licet hic Auctor nou dicat quod concepta fuerit, sed quod fuerit sanctificata in iustitia originali) Noster Buis in suo Mariali 1. p. lerm. 5. fol. 21. Salazar cap. 39. *f. 5. num 23.* & alibi sæpè huic sententie videtur inclinari, sed præcipue legatur cap. 9. num. 5. Imò secundum explicationem statim ponendam, & supra probatam nostræ sententie, Vasquez, Corduba, & alij sunt pro nostra sententia, quam tenent alij Recentiores, quos suppresso nomine citant tam Corduba, quam Vasquez

quez vbi suprà, & in prædicta iustitia conceptum fuisse Christum Dominum à fortiori docent prædicti Auctores, & expressè Armachanus, & Vincentius de Castro nouo in Tractatu de Conceptione.

18. Sed nota, quodd iustitia originalis, quam B. Virgo habuit in suo primo conceptionis instanti, non idè est taliter dicenda, quia habuerit gratiam, & sanctitatem in sua prima origine, seu generatione; & ratione talis gratiæ, & sanctitatis quis dicitur, & est iustus; & idè dicatur iustitia originalis, quia est iustitia collata sibi in prima origine: quâ ratione videtur dixisse Anselmus lib. de Conceptu virginali cap. 20. [iuxta expositionem Vasquez] Christum iustitiam originalem habuisse, sed quia habuit Virgo beata eam iustitiam, quam habuere Adamus & Eua in statu iustitiæ originalis.

19. Nota secundò neque idè vocandam esse iustitiam originalem, quia Virgini traducatur per originem, sicut traducenda foret si Adamus non peccasset, quia cum Adamus peccauerit non fuit Virgini collata dependenter ab Adamo vt generante, sed potiùs à Christo Domino gratificatore & redemptore.

20. His suppositis probatur primò hæc sententia ex Scriptura, & priùs ex illo testimonio Baruch 5. quod adduximus quæstione antecedenti cap. 1. *Circumdabit te Deus diploide iustitia, & imponet mitram capiti tuo honoris æterni: Deus enim ostendit splendorem suum in te, qui sub calo est: nominabitur enim nomen tuum à Deo in sempiternum pax iustitia.* In quibus verbis non solum significatur gratia præseruatiua habitualis, sed etiam iustitia originalis; nam, vt ibi diximus, *diplos* significat vestem ex duplici tela compositam, interiori scilicet, & exteriori: & consequenter cum vestis ista sit iustitiæ, non solum significat gratiam habitualement. internam animæ potentias componentem, sed etiam iustitiam originalem, quæ præcipuè componebat & decorabat externas.

21. Præterea probatur ex illo Lucæ 2. vbi B. Virgo dicitur *gratia plena*, & *benedicta inter mulieres*; sed non stat plenitudo gratiæ cum carentia gratiæ iustitiæ originalis, quæ fuit in Adamo, &

Eua. Neque stat permanens quædam benedictio, à qua Eua cecidit peccando; & maledicta fuit, si non habeat Maria iustitiam originalem, quam habuerunt Adamus & Eua, quando permenebant in statu benedictionis, iuxta illud Genes. 1. *Masculum & feminam creauit eos, benedixitq; illa Deus*, &c. ergo illam habuit. Vnde meritò Ecclesia canit: *Nec primam similem visa est, neque habere sequentem.* ergo ita excussit in gratia, & in benedictionibus ipsam etiam Euam, vt illa ei non fuerit similis. Sed encomium istud non diceretur de Virgine, si non habuisset iustitiam originalem, quia posset Eua dicere quod potiùs ipsa nec primam visa est, neque habere sequentem, quandoquidem neque Virgo beata habuit non solum gratiam, sed etiam iustitiam originalem, sicut ipsa habuit; ergo vt hæc prærogatiua verè dicatur de Virgine, dicendum est ipsam habuisse iustitiam originalem.

Et similiter probari potest ex illo: *Sicut lilium inter spinas, sic amica mea inter filias Ada*: sed lilium non solum caret spinis, quod est carere peccato originali, sed etiam habet natuiam puritatem, candorem, odorem, integritatem, &c. primæ suæ creationis; ergo hanc habuit B. Virgo non minùs, sed multò magis, quàm Eua in sua prima conditione.

Et confirmatur, quia propter hanc plenitudinem gratiæ Mariæ: omnes Ecclesiæ Patres eam præferunt in gratia & iustitia omnibus spiritibus cælestibus: sed, vt optimè docet Scotus in 2. dist. 32. q. 1. 5. *ad argumenta secundæ quæstionis*, vers. & *ad aliud*, in Angelo collocanda est iustitia originalis, si Angelus est capax illius: ergo cum capax hæc non possit aliquomodo denegari beatissimæ Virgini, neque similiter poterit denegari iustitia originalis, cum hæc conducat ad maiorem puritatem, sicut & ad maiorem rectificationem; & puritas Virginis talis sit, quâ maior sub Deo nequeat intelligi. Intelligitur autem maior in Eua, & in Angelo, si beatissima Christi Mater non habuisset cum gratia habituali iustitiam originalem. Vnde meritò Vasquez suprà ait in ipsa fuisse omnes habitus, quibus iustitia originalis in Adamo complebatur,

batur, & habuisse peculiarem diuinæ providentiæ protectionem, quæ spectant ad fomitis extinctionem, licet non concedat statim iustitiæ, & consequenter neque simpliciter iustitiam originalem; in quo ultimo salitur.

24. Secundò probatur ex Patribus, & inter omnes expressè hanc sententiam tenuit (ipso etiam Vasquez consentiente) Cardinalis Cusagus lib. 8. Exercitationum cap. 8. & sermone *sicut lilium inter spinas*, ubi hæc habet verba: *Ipsa sola* (scilicet Maria) *post Ada lapsum non indiga, sed plena originali iustitiâ, ut Eva, & multò magis.* itaque ait solam inter mortales Mariam (excepto Christo) reperiri, quæ non solum originali peccato vacaret, sed etiam originalem iustitiam obtineret, ut eo dignior esset, ex qua æternus Dei Filius naturam humanam indueretur.

25. Deinde Andreas Episcopus Ierosolymitanus super illa verba, *Invenisti gratiam apud Deum.* ait: *Ne timeas Maria, nulla es gratiam apud Deum, quam Eva perdidit.* Sed Eva perdidit iustitiam originalem; ergo illam nacta est Maria, quia aliàs si tantum loqueretur de gratia habituali plurimæ sunt personæ; quæ hanc gratiam inuenerunt, & nactæ sunt.

26. Præterea D. Gregorius Thaumaturgus sermone in Euangelium Virginis ait: *Hæc sola Virgo sancta corpore & spiritu fuit.* in quo modo dicendi convenit Gregorius cum pluribus Ecclesiæ patribus. Vnde Epiphanius in Oratione de Laudibus Virginis ait: *Solo Deo excepto cunctis superior existis, naturæ formosior es ipsi Cherubim & Seraphim, & omni exercitui angelico.* Sed superioritas naturæ, & sanctitas corporis non potest intelligi sola virginitas, quia hæc non solum fuit reperta in Virgine; neque aliqua alia forma præter iustitiam originalem potest propriè dici sanctitatis corporis ad distinctionem sanctitatis animæ, quia hæc rectificabat corpus; & in priuatione huius sanctitatis corporalis partim consistit peccatum originale, ut cum

Castillo de Prasern. V. Mariæ.

Scoto probauimus in disp. 1. quæst. 2. & superioritas naturæ respectu Angelorum nequit intelligi ratione naturæ humanæ; cum hæc sit paulò minus ab Angelis, sed tantum venit intelligenda iustitia nativa, quæ est iustitia originalis. Dicendum ergo est, quoddam beatissima Virgo Maria illam habuit.

Accedat doctissimus, Idiota lib. 271 Contemplationum de Virgine, ubi ait: *Tota pulchra es Virgo gloriosissima, non in parte, sed in toto, & macula peccati sine mortalis, sine originalis non est in te, neque unquam fuit, neque erit, sed adest tibi omnis gratia naturalium bonorum, spiritualium charismatum, & celestium donorum.* ubi pondera tum quoddam dicatur *pulchra non in parte, sed in toto*, ergo totum, quod contulit pulchritudinem Euz, habuit Maria, & sic iustitiam originalem: tum quoddam dicatur adest illi omnem gratiam, nulla exclusâ, etiam naturalium bonorum, id est, non exclusâ gratia bonorum, quæ simul dicuntur gratia, quia non debita, & naturalia, quia data sunt ad perfectionem & conservationem naturæ, quales fuerunt omnes habitus ad iustitiam originalem spectantes. Præterea cap. 4. sic habet: *Sed per te, ô superbenedicta Maria, vita angelica reducitur, innocentia reparatur, diabolus vincitur, & conteritur, quia de te scribitur, Ipsa conteres caput tuum.* Nota illud, *innocentia reparatur*, sed hæc reparatio nequit congruenter intelligi nisi per infusionem iustitiæ originalis, quæ primos nostros parentes formaliter constituabat innocentes, & per quam ex diametraliter opposito conteritur diaboli caput intendentis à muliere abolere iustitiam originalem, quæ erat adornata; ergo.

Secundò probatur nostra sententia rationibus. Primò, quia id, quod conducit ad maiorem excellentiam Reparatoris, & Christi redemptoris, debemus concedere, saltem in illa persona, cui congruum sit, fateri hoc: sed ad maiorem eius excellentiam redemptionis spectat reparare omnem gratiam, quam

V u u

Eua

Eua perdidit; imò & maiorem suis meritis acquirere: & ad hanc gratiam spectat non solum gratia habitualis, sed etiam iustitia originalis, quia utramque perdidit Eua per peccatum: ergo cum Christus fuerit perfectissimus redemptor, ad excellentiam suæ redemptionis spectabat saltem in aliqua persona hanc totam gratiam perditam reparare, sed non in alia congruentius, quam in Virgine matre, imò & omnium spiritualiter uiuentium matre, ut uidetur potest apud Salazar fol. 150. ante numerum 7. quandoquidem neque in alia muliere fuit iustitia originalis, quam in unica Eua matre omnium temporaliter uiuentium: ergo eam debemus admittere in Virgine in primo conceptionis instanti, sicut in Eua admittimus in primo creationis suæ momento.

29. Et confirmatur ex plurium Patrum locutionibus asserentibus Euam fuisse ædificatam in similitudinem Mariæ, sed illa fuit cum iustitia originali ædificata; ergo & beatissima Virgo Maria. videatur circa hoc Salazar cap. 9. per totum.

30. Secunda, quia impeccabilitas venialis inseparabilis est ab innocentia, & originali iustitia secundum doctrinam Thomistarum, quam assumunt ex D. Thoma 1. 2. quæst. 89. art. 3. ubi ait quoddam primi parentes in statu innocentie non potuerunt peccare venialiter priusquam mortaliter, sed beata Virgo habuit impeccabilitatem venialem per totam vitam, ut definit Concilium Tridentinum sessione 6. de iustificatione canonice 23. ergo inseparabilis fuit hæc impeccabilitas in Virgine à iustitia originali, patet consequentia, quia inseparabilis est relatio huius extremi ad illud extremum, cum quo semper est coniunctum; sed vnum extremum est non peccare venialiter, & aliud habere iustitiam originalem; ergo non peccare venialiter in eorum Auctorum sententia non debuit separari in Virgine à iustitia originali.

31. Nec sufficit respondere; quoddam impeccabilitatem venialem habuit bea-

ta Virgo ex privilegio; iustitia verò originalis habebatur à natura: quia contrà est, nam impeccabilitas venialis in Thomistarum sententia oritur vel tamquam propria passio, vel tamquam accidens inseparabile à iustitia originali; ergo si habebatur ex privilegio, etiam debet oriri ab illa. Præterea, quia etiam si iustitia originalis haberetur à posteris Adami per propagationem naturalem (& in hoc sensu à natura) si Adamus non peccasset, tamen bene potest à Deo conferri de potentia sua ex aliquo privilegio; ergo sicut inseparabiles peccandi venialiter oritur ex natura à iustitia originali, ex natura ita impeccabilitas venialis ex privilegio oritur, & est necessariò coniuncta cum iustitia originali ex privilegio.

Neque similiter sufficit dicere, 32. quoddam impeccabilitas venialis Virginis fuit ex speciali maiestestate Dei, & proveniebat ex auxiliis internæ & externæ protectionis; impeccabilitas verò iustitiæ originalis proveniebat ex habitibus infusis, qui iustitiam originalem constituiebant, & hominem in statu innocentie rectificabant: Quia contrà est primò, quia iam sequitur quoddam non sint inseparabiles impeccabilitas venialis, & iustitia originalis, quandoquidem potest una dari sine alia, quod est contra eorum sententiam. Secundò, quia magis duravit impeccabilitas venialis in Virgine, quam in Eua, quia in hac fuit perbreve tempus, & in beata Virgine Maria per totam vitam; ergo debuit provenire à principiis non minus permanentibus, quam in Eua; ergo & ab habitibus sicut in Eua. Tertio, quia etiam in Eua proveniebat ab auxiliis tum externæ protectionis, tum internæ, quæ cum in horum Auctorum sententia sint qualitates inherentes, siue fluidæ essent, sed semper sibi succedentes, siue essent permanentes; & consequenter habitus (quæ differentia tantum est materialis & accidentaria) quocumque modo accipiantur, semper impeccabilitas venialis in Virgine foret inseparabilis à iustitia originali.

Neque

33. Neque denique satis est, si respondeas hoc argumentum probare, quod beata Virgo habuit statum innocentie, quia Thomistæ aiunt quod impeccabilitas venialis inseparabilis fuit à statu iustitiæ originalis: quia contra est, quod talis impeccabilitas non proveniebat ex omnibus quatuor bonis, quæ componebant per se illum statum, sed tantum proveniebat ex illis, quæ rectificabant potentias in ordine ad quamlibet actionem moralem, & consequenter tantum proveniebat ex iustitia originali, quæ rectitudinem physicam & moralem causabat in vnaquaque persona: & hoc existimo velle Thomistas, quando aiunt hanc impeccabilitatem esse inseparabilem à statu iustitiæ originalis: Hæc diximus ex sententia Thomistarum, quia in sententia Scoti non est verum quod primi parentes in statu innocentie habuissent impeccabilitatem venialem.

34. Tertia ratione probatur, quia in beata Virgine prorsus fuit ablatas & extinctus sones peccati, ut cum pluribus Auctoribus docet Salazar cap. 32. §. 3. num. 34. & latius Aggidius de Præsentatione lib. 4. quæst. 2. & portio inferior fuit conformis omnino superiori; & superior omnino rectificata in ordine ad Deum, ut communis Scholasticorum, & Ecclesiæ Patrum sententia docet: ergo ut rectitudo hæc tam corporalis, quam spiritualis esset connaturaliter in beata Virgine, debemus in ipsa collocare habitus à quibus, & ut connaturaliter elicerentur sicut eliciebantur à primis nostris parentibus in statu innocentie, & non solum excellentem quamdam contemplationem, ut aliqui ponunt; videatur Vasquez ubi supra; ergo & iustitiam originalem, quia hæc non differt ab illis habitibus sic rectificantibus; vel si iustitiam originalem constituas in specibus auxiliis simul cum gratia habituali (ut constituit Vasquez) vel in aliqua excellentiori gratia habituali (ut docuit Sotus) eadem similiter propter eandem rationem debemus in Virgine collocare.

35. Quarto probatur, quia sicut negatio

Cassido de Præsen. V. Matris.

est causa negationis, ita affirmatio est causa affirmationis: sed ideo negamus in posteris Adami effectus iustitiæ originalis, quia ipsam iustitiam negamus in illis propter peccatum originale: ergo ideo debemus in Virgine affirmare iustitiam originalem, quia in ipsa affirmamus fuisse iustitiæ originalis effectus (non dico quia in ipsa non fuit peccatum originale, quia hoc argumentum nullum esset, ut supra vidimus quæstione antecedenti, sed quia in ipsa fuerunt effectus iustitiæ originalis.) nam in ipsa admittimus frænum portionis superioris & inferioris, carentiam somitis & multitudinis conceptuum, & carentiam grauedinis gestationis prolis in vtero, dolorum partus, secundarum faciæ & sordium partus: quæ omnia Virgo sanctissima minimè perpessa est, ut latè & eruditè probat Salazar per totum caput 28.

Et confirmatur, quia ideo hæc potest 36. perseverare in baptizatis, licet non perseveret peccatum originale; quia non habent iustitiam originalem, nam si illam habuissent, ista non haberent mulieres, ut docent plures, sed illa non habuit B. Virgo Maria; ergo ideo fuit, quia habuit iustitiam originalem.

Quinta denique sit ratio, quia præ- 37. terea habuit non solum gratiam habitualem; auxilia internæ & externæ protectionis, virtutes theologales & morales infusas, sed etiam iustitiam originalem, quia cum esset nobilis eius natura, & cum esset opus à manu Dei fabricatum (propter quas rationes etiam dicitur natura angelica creata in iustitia originali) debuit fieri rectum; & cum daretur in sociam, & adiutorium viri similiter perfecti, debuit etiam esse perfecta; sed non minus beata Virgo fuit opus nobile à manu Dei specialiter fabricatum, ut conclamant Patres: ergo debuit fieri rectum, & similiter data est in sociam, & adiutorium, tum D. Iosephi, quem Euangelium vocat iustum; tum Christi Domini, qui est Sanctus Sanctorum: ergo debuit esse perfecta non minori, sed potius maiori perfectione, quam Eva: ergo & fuit concepta cum iustitia originali.

Vuu 2

Et

38. Et confirmatur, quia mulier associata viro, ambulans cum illo, comedens cum illo, conuersans cum illo, &c. & semper purissima, honestissima, integerrima Virgo, impolutaque ab omni labe peccati tam mortalis, quam venialis, vt digna mater Dei existeret debuit habere, & illi debemus tribuere omnem gratiam, quam ad omnes hos effectus habendos cognouimus tribuisse aliquando Deum omni creaturæ, nisi aliàs obstat manifesta repugnantia, vt expresse docet Bernardus in Epistola 174. sed hæc nulla apparet; & ad illos cognoscimus tribuisse non solum gratiam habituales, auxilia, virtutes, &c. sed etiam iustitiam originalem; ergo hanc non debemus illi denegare: vnde ingenuè ego eam illi concedo ab instanti suæ conceptionis, dum Ecclesia aliter non sentiat.

39. Argumenta autem, quæ fieri possunt in contrarium, vel probant, quòd habuerit peccatum originale, quæ iam soluimus quæstione antecedenti; vel tantum sunt ea, quæ fundant primam huius quæstionis sententiam, quam statim postquam adduximus impugnauimus; vel confundunt, aut non satis distinguunt iustitiam originalem, & statum innocentiae, quod supra distinximus, & distinctionem efficaciter satis probauimus: vel denique quæstionem hanc reduciunt ad solas voces, & faciunt de solo nomine, quod non

debet admitti cum sit de re, & de re magni momenti; quare in fine illius. nihil occurrit de nouo satisfaciendum.

Plura possunt in præsentis disputari quibus supersedeo; quia non spectant per se ad præseruationem B. Virginis à peccato originali, sed potius ad sanctificationem ipsius, de qua agunt Scholastici in 3. dist. 3. & Thomistæ super 2. partem quæst. 27. D. Thomæ. An autem fuerit in primo conceptionis instanti confirmata in gratia, vide apud Salazar cap. 32. §. 2. & 3. An autem concepta fuerit in glibria, id est, an in primo suæ conceptionis instanti Deum clarè viderit vide ibidem §. 4. licet enim conclusiones affirmatiuæ harum quæstionum, & probationes earum confirmant immunitatem beatæ Virginis à peccato originali, tamen non est in præsentis congruum in his immorari, etsi probabiles sint, cum aliæ plures & certiores suppetant rationes, quas iam adduximus, præsertim cum excellentiæ istæ non sint connexæ cum iustitia originali, neque carentia peccati originalis cum illis; quare ab earum disputatione abstinco, sicut etiam abstinco ab illa quæstione An hæc iustitia originalis collata beatæ Virginis foret in posteros transfundenda si haberet filios ex naturali concubitu, & an transfunderet carentia peccati originalis, legatur Ægidius lib. 4. quæstione 2. articulo 11. & hæc de quæstione.



DISPUTATIO III.

DE

PRÆSERVATIONE

B. Mariæ Virginis

A DEBITO INCURRENDI

PECCATVM ORIGINALE.

ANtequam accedamus ad disputationem circa diffinibilitatem opinionis præ, oportet disputare circa præseruationem à debito, quia quod magis constat Virginis præseruatio, videlicet non solum ab executione legis, sed etiam ab ipsa lege, cò magis constat immunitas beatissimæ Virginis à peccato originali, & consequenter cò magis patet adius ad diffinibilitatem sententiæ nostræ, quæ prædictam immunitatem: de præseruatione à debito aliqua tangit Scotus, de quibus infra.

QVÆSTIO PRIMA.

Vtrum beatissima Virgo Maria extiterit præseruata à debito incurrendi peccatum originale?

1. **R**IMA in hac re sententia simpliciter & absolute negat beatæ Virgini omne debitum ad contrahendum originale peccatum. Pro hac sententia sic absolute prolata refertur Valencia tom. 2. disput. 6. quæst. 11. p. 2. §. *quare ad primam respondet*. Vasquez 2. tom. ad 3. partem disput. 115. cap. 3. Azor tom. 1. Institutionum moralium lib. 4. cap. 34. q. 3. Henriquez tom. 1. Summæ, lib. 3. de Confirmatione, & Extrema-vnctione cap. 1. num. 3. litt. L. Basilus Legionensis in lib. variarum disputationum repetitione 3. paginâ 746. columnâ 2. Angles in 2. disput. 31. de translatione peccati originalis. Turrianus in Epistola de peccato originali. Stephanus Mendez lib. 3. de Dignitate Virginis sanctissimæ cap. 34. §. 2. Denique Catherinus in Tractatu de Conceptione Virginis. Hos hucusque refert Auctor ægidius quæst. 4. art. 2. §. 2. rela-

tos in quadam huius controversiæ ad ipsum misâ relatione: sed §. 4. probat hos omnes Auctores hanc sententiam non tenuisse.

Salazar tamen cap. 41. canone 1. 2. non solum ex præfatis Auctoribus refert aliquos postquam vidit refutationem Ægidij, sed etiam refert Salmeronem in manuscriptis in Epist. ad Roman. disp. 49. Iodocum Clitoveum lib. de Puritate Conceptionis cap. 8. & 9. Ioannem Suarez in Concionibus in Apocalypsim concione 23. Ioanis in Tractatu de Pura Conceptione punct. 3. Cosmam Magalianum in 1. ad Timoth. cap. 2. sectione 3. Baradium tom. 1. lib. 6. cap. 3. Ioannem Carthagenam in Homiliis Catholicis: qui tres vltimi eam asserunt probabilem: nostrum Cornelium Musum Episcopum Visontinum in Epist. ad Rom. in illa verba, *In quo omnes peccauerunt*. Galatinum lib. 7. de Arcanis. Ludouicum de Carauajal in declaratione facta in Concilio Trident. cap. 23. quod caput ad hunc modum scripsit, *Quod lex vniuersalis peccati originalis non sit in beatissimam Virginem lata*.

Sed quod caput est: Hanc sententiam ab omni erroris suspitione liberauit

Vuu 3

rauit

rauit censura supremi Senatus sanctæ Inquisitionis; nam cum ad sanctissimum illud tribunal aliqui Theologi (scilicet P. N. Frater Ioannes de Soria Lector, & Frater Franciscus Fresno eius discipulus, & condiscipulus meus) delati & accersiti fuissent, eò quod debitum etiam originalis culpæ in Virgine abnegassent, & tandem in Adamo non peccasse dicerent (quo in tempore eandem sententiam, me respondente Compluti, sustentabat doctissimus Pater Frater Antonius de Velasco) re examinata, & perpensa, auditis qualificatoribus, aliisque sapientissimis viris, præcipue ex celebri Vniuersitate Complutensi, tandem statutum est, eos, qui præfatum dogma protulerunt, nihil demereri; atque ad id indultum, vt Fratres Minores Toleti suas de hac re publicè theses defenderent, quas auctoritas illius Senatus prius inhiibuerat, vt constat ex locupletissimo testimonio Ferdinandi de Villegas eiusdem tribunalis à secretis Notarij, dato Martiri 22. die Ianuarij anno 1616. quod refert Salazar cap. 8. §. 3. in principio, vbi latè refutat Ægidium intendentem qualificationem Inquisitionis non debere intelligi de omni debito, præcipue de contracto in Adamo, sed debito Virginis in ipsa contracto.

4. Hæc sententia probatur primò ex Scriptura applicata ab Ecclesia in nostro Officio Conceptionis beatæ Virginis: *Ego sum frater tuus* (inquit rex Assuerus reginæ Esther cap. 3.) *noli timere, non morieris: non enim pro te, sed pro omnibus hæc lex constituta est.* sed hanc legem in sensu figuratiuo acceptam intelligit Ecclesia de lege transfundenda peccatum originale. Ibidem sub his verbis in Responso 7. *Omnes moriamini, quia in Adam peccauistis: Quid habes Esther eleuata in populo? Ego sum frater tuus, noli timere, non morieris: non enim pro te, sed pro omnibus hæc lex constituta est.* ergo lex de transfundendo peccato originali non fuit constituta pro Virgine, sicut pro ceteris. At eo ipso quod non comprehendatur sub lege, sequitur quod neque habuerit debitum in se contractum, neque contractum in Ada-

mo peccandi originaliter, quia totum hoc dependet ab inclusione legis: ergo nullum habuit debitum peccandi originaliter.

Secundò probatur ex Concilio Tridentino in Decreto de peccato originali, vbi postquam non solum egisset de contractione peccati originalis, sed etiam de necessitate contrahendi illud, iuxta illa verba, *Si quis asserit Adamum acceptam à Deo sanctitatem; quam perdidit, sibi soli, & non nobis etiam perdidisse, anathema sit;* & hoc probasset ex illis Scripturæ locutionibus, *Per unum hominem peccatum intravit in mundum, &c. Sicut in Adam omnes moriuntur, &c.* quibus probatur necessitas, seu debitum in posteris Adami contrahendi peccatum originale; statim in fine illius decreti ait non esse suæ intentionis comprehendere beatam Virginem in illo decreto; ergo Concilium non solum eam excipit à contractione peccati originalis, sed etiam à contractione debiti; quia nihil quod de aliis enuntiauerat de Virgine intelligi voluit.

Tertio probatur ex Patribus: Dicitur enim Cyprianus oratione de Natiuitate habet hæc verba: *Nec sustinebat iniustitia, vt illud vas electionis communibus lassaretur iniuriis, quoniam plurimum à ceteris differens natura communicabat, non culpa.* vbi pondera ly, *Nec sustinebat iniustitia, vt communibus lassaretur iniuriis;* ergo nullum erat ius, aut lex (ex qua iniustitia dependet) per quam Virgo illis iniuriis esset obnoxia: & ly, *plurimum à ceteris differens natura communicabat, non culpa;* ergo beata Virgo cum reliquis hominibus solum communem naturam habuit, non legem in ordine ad culpam originalem.

Præterea D. Augustinus in Expositione Symboli, & Oratione Dominica, vt habetur in illius Milleloquio ait: *Conueniens erat, vt lege peccati nostri, qua per duorum concubium verificatur in prole, Dei Mater non teneretur obnoxia.* & in lib. de Natura & gratia cap. 33a. *De Virgine Maria cum de peccatiis agitur nullam habere volo questionem;* ergo neque questionem de debito. Et D. Ildephonsus in lib. de Purificatione & virginitate Mariæ ait;

Alio-

3.

6.

7.

Alioquin quid est quod legem natura requirunt in Maria, ubi totum quod in ea fuit possedit Spiritus sanctus. Et ex Ricardo de S. Victore habentur in Officio Conceptionis composito à Leonardo de Nogarolis hæc verba: Non decuit ut caro Maria qualicumque foret obnoxia culpa. Et similia referunt in Officio edito à Bernardino de Buis: Beatas venter Maria, qui nulli unquam fuit culpa obnoxia.

8. Sed clarissimè omnium D. Anselmus in Officio Nogarolis lectione 4. sic habet: *Vas electionis sanctus Paulus omnes homines in Adam peccasse fatetur: vera utique sententia, & cui contradici nefas esse pronuntio: sed cum eminentiam gratia Dei in te Maria Virgo considero, sicut te non intra omnia, sed supra omnia qua facta sunt ineffabili modo contueor, ita & te non lege natura aliorum in tua conceptione denunctam fuisse opinor.* ergo quia beata Virgo fuit, & est super omnia creata, non clauditur, neque comprehenditur lege ligatæ reliquum genus humanum.

9. Denique Cardinalis Cussianus libro 8. Exercitationum, & sermone sicut lilium pag. 192. ait, *Beatam Virginem non indignisse liberatore à seruitute peccati.* Et D. Dominicus in Tractatu de Corpore Christi ait: *Sicut terra, ex qua Adamus formatus fuit, nunquam alicui maledictio fuit subiecta, ita etiam Virgo beata, &c.*

10. Quartò probatur ratione, quia maior puritas est non contraxisse debitum peccandi originaliter, neque in se, neque in Adamo, quàm illud contraxisse; sed puritas Virginis debet esse maior, quæ sub Deo nequit intelligi: ergo cum nulla sit circa hoc repugnantia, debemus asserere beatam Virginem nullum contraxisse debitum. Antecedens probatur à simili; nam Paulus ad Hebr. 7. exprobrat Leui, quòd in Abrahamo parente suo, seu prout in lumbis eius erat, decimas Melchisedech exsoluit; sed similiter posset exprobrare Virgini, quòd existens in Adamo, & in lumbis eius peccauerit, si ibi teneretur eadem lege quàm ille non peccare, quod est multò maior & peior exprobratio, quàm exprobratio Leui: ergo. Vnde etiam si

præseruata fuerit ab ipso peccato, licebit ei accommodare id quod Baldus in cap. finali de translatione Episcoporum circa medium serit: *Spurius, inquit, legitimatus, aut aliquà alià ratione legitimatus similis est agro curato à vulnere, cuius aliqua semper remanet cicatrix.* ergo, &c.

Denique probari solet quintò, quia quando Deus pactum iniuit cum Adamo, & legem stabilivit pro se, & posteris eius, vel inclusit Virginem in lege, vel non; si non, habeo intentionem; si inclusit, ergo cum efficaciter voluerit ipsam includi, debuit eius efficax voluntas adimpleri; ergo non potuit præseruari à peccato. patet consequentia, quia aliàs Deus esset mutabilis, quandoquidem sicut eius voluntas quòd in re contraherent iustitiam originalem si Adamus non comedisset de ligno prohibito, & in executione illam contraherent non ratione alterius, sed ratione illius voluntatis; ita eius voluntas fuit quòd in re contraherent posterii carentiam talis iustitiæ, & in re illam contrahunt ratione eiusdem voluntatis; quæ carentia est peccatum originale; quod non admittent nobiscum pie sentientes.

Secunda & ex diametro in oppositum sententia affirmat in beata Virgine fuisse omne debitum tam scilicet proximum, quàm remotum peccandi originaliter, siue debitum proprium sit in propria persona, vt volunt Auctores statim referendi; siue in persona Adami, vt vult Ægidius de Præsentatione loco à nobis relato disp. 1. quæst. 6. vbi latè egimus de omni debito peccandi originaliter. Hanc sententiam docet Bellarminus tom. & lib. 4. de Amissione gratiæ, & statu peccati cap. 16. 4. denique obnoxia: & vt verior probauit Suarez 2. tom. ad 3. partem disput. 3. sectione 4. 1. 3. & Caietanus in Tractatu de Conceptione Virginis cap. 2. & 3. Vasquez 2. tom. ad 3. partem disput. 115. latè noster Corduba lib. 1. Quæstionum quæst. 44. conclusione 5. per totam. Faber Pytigiensis, & communiter antiqui Scotistæ in 3. Sentent. dist. 3. & plures alij quos refert & sequitur Ægi-

Ægidius quæst. 4. art. 2. §. 4. & ante
casum Toleti suprà relatum erat quasi
communis apud Auctores, & Scripto-
res; an autem fuerit Scoti, statim
dicat.

13. Hanc sententiam probat primò
Corduba ex Scriptura, quia omnes
illæ locutiones, *Omnes in Adam pec-
caverunt*, &c. *Sicut in Adam omnes mori-
untur*, ita & in Christo omnes vivifi-
cantur, includunt propter vniuersa-
litatem beatam Virginem: sed asse-
rendo quòd ipsa fuerit à peccato origi-
nali præseruata non possunt expli-
cari, nisi asserendo quòd non fuit
præseruata à debito, & à peccato con-
tracto in Adamo: ergo.

14. Et confirmatur, quia aliàs beata
Virgo non potuisset verè dici redem-
pta à Christo, nam vt refert Augusti-
nus in Epistola 157. quæ est ad opta-
tum secundum Epistolam Zosimi Pa-
pæ, *Nullus, nisi qui peccati seruus, efficitur liber; nec redemptus dici potest, nisi qui verè per peccatum fuit ante captiuus*. Cum ergo hoc definiat Pontifex, debemus in Virgine concedere aliquam seruitutem, & captiuitatem, scilicet saltem in Adamo, & in debito.

15. Secundò probat Ægidius quæst. 4.
artic. 3. §. 3. ex Patribus: Gilbertus enim Porretanus in Commentariis ad Boëtium in lib. de duabus naturis ita habet: *Maria scilicet (& ceteri omnes) ex primorum parentum prauaricatione peccato & morti subiacebat*. Et Augustinus lib. 2. contra Iulianum cap. 10. contra Pelagianos sic scribit: *Solum Christum, quia sit natus ex Virgine, à vinculis obnoxia generationis excipit* (scilicet ab Ecclesia) *ceteris omnibus ex Adam sub peccati obligatione nascentibus*.

16. Eusebius Emisenus homil. 2. de Natiuitate Domini ita ait: *A peccatis veteris mexi per se non est immunis, neque ipsa genitrix Redemptoris. Solum ille licet ex debito renascatur, lege tamen veteris debiti non tenetur*. Nota illud, licet ex debito nascatur.

17. Denique hoc ipsum probatur ex pluribus aliis Patribus asserentibus, Christum non sumpsisse carnem peccati: eam tamen sumpsisse ex matris carne peccati. Ita Augustinus lib. 2. de Peccatorum meritis cap. 24. *Aut de massa peccatrice*

sumpsit esse. Ita Anselmus lib. 2. *Cur Deus homo* cap. 16. Vnde Hugo de sancto Victore lib. 2. de Sacramentis 1. p. cap. 5. affirmat Filium Dei de carne obnoxia peccato assumpsisse carnem à peccato liberam. Quòd autem significetur peccatum peccati explicat Ambrosi. sermone 6. in Psalmum 118. dum ait, *Carnem peccati idèò dici peccati carnem, quia hereditario est damnata maledicta*. Ergo.

Tertiò probat, quia aliàs etiamfi
beata Virgo non habet in primo in-
stanti suæ conceptionis gratiam iusti-
ficantem, adhuc non contraheret origi-
nale peccatum. Patet consequentia,
quia non tenebatur lege Adami, &
consequenter earentia iustitiæ origi-
nalis non erat earentia formæ debitæ;
& sic neque priuatio, in qua pecca-
tum originale consistit. Consequentia
autem ista non est admittenda; ergo,
&c.

Et confirmatur, quia si aliquis ho-
mo crearetur à Deo, iste non contra-
heret peccatum originale, propterea
quòd iste non tenebatur lege Adami;
ergo similiter contingit Virgini, si il-
lius lege non tenetur.

Quartò denique probat, quia mul-
lis meritis Christi præcipuè passibilis
potuit beata Virgo præseruari à lege
peccati originalis. Patet consequentia,
quia in sententia D. Thomæ Christus
adhuc quoad substantiam non fuit præ-
destinatus, nisi post præuiusum pecca-
tum originale. Et in sententia Scoti li-
cèt ante illud fuerit prædestinatus
quantum ad substantiam, non tamen
quantum ad modum, quia post præui-
sum peccatum originale decretum fuit
à Deo, quòd Christus mortem crucis
subiret, vt hominem sub peccato cap-
tiuum liberaret. Sed si beata Virgo
fuit præseruata à debito, & non inclu-
sa in lege, hoc debuit fieri antequam
Adamus peccasset; tunc scilicet quan-
do Deus legem prædictam statuit, &
pactum cum Adamo fecit. Ergo talis
præsentatio facta esset independentè à
meritis Christi passibilis, quod est alie-
num à Scriptura & Patribus solum
admittentibus gratiam reconciliati-
uam prouenientem ex meritis mor-
tis crucis. Legatur Ægidius quæst. 3.
arti-

artículo 4. §. 3. à numero 6. & deinceps.

21. Tertia, & vltima sententia, & media admittit in Virgine aliquod debitum peccandi originaliter; non tamen admittit omne debitum, quod est in reliquis posteris Adami: & notanter dico, *peccandi originaliter*, quia prima sententia licet nullum includat debitum peccandi originaliter, contra quam opponitur ei secunda, admittit tamen debitum includendi in lege ratione filiationis communis, & propagationis naturalis ex Adamo, quod appellat debitum debiti: unde hæc sententia tertia contra primam docet habuisse aliquod debitum peccandi originaliter; & contra secundam, quod non habuerit omne debitum, quia licet habuerit remotum, siue hoc fuerit ante peccatum Adami, siue post ipsum, non tamen habuit debitum proximum, siue hoc contrahatur in propria persona, siue tantum sit in persona Adami iuxta diuersas sententias supra adductas disp. 1. quæst. 6. ita docent plures, quos suppressio nomine refert Ægidius quæst. 4. art. 1. §. 1.

22. Probatur autem hæc sententia media, quia secundum ea, quæ adducta sunt in prima sententia, debemus Virginem immunem, & liberam asserere à lege peccati originalis; & secundum ea, quæ adducta sunt pro secunda, debemus ipsam asserere dependentem omnino à meritis Christi vt redemptoris per merita passionis & crucis: sed vtrumque hoc non potest conciliari, nisi aliqual debitum, licet remotum admittamus in Virgine, & negemus debitum proximum: ergo ita dicendum est.

23. Et confirmatur primò, quia vel debitum proximum contrahitur in propria persona, vel contrahitur in aliena, scilicet in Adamo; si in propria, ergo nequit præseruari ab originali, nisi præseruaretur à debito proximo, quia non stat necessitas contrahendi priuationem gratiæ simul cum actuali contractione ipsius gratiæ; si in aliena, ergo neque similiter potuit præseruari ab originali, quia peccare in Adamo, & peccare

in se ita connexa sunt, vt propter primum absque aliquo alio omnes posterius Adami contrahant secundum; ergo non potuit præseruari ab originali, quin præseruata extiterit à debito proximo peccandi originaliter, licet aliàs contraxerit debitum remotum, propter quod liberata à peccato, & præseruatiue redempta dicatur.

Et confirmatur secundò, quia peccatum originale est priuatio iustitiæ debitæ; ergo si beatissima Virgo præseruata fuit ab illo, ablata fuit ab ea priuatio iustitiæ debitæ; ergo sicut ei aliquo modo erat iustitia originalis debita, ita propter peccatum Adami erat ei aliquo modo debita hæc priuatio; ergo habuit aliquod debitum.

In hac re dico primò: Beatissima Virgo præseruata fuit à debito proximo, & in propria persona exercito contrahendi peccatum originale. Hanc cõclusionem reperio apud Scotum nostrum, meo videri, expressam in 3. dist. 3. quæst. 1. §. si autem teneatur. vbi loquens de præseruatione Virginis à peccato originali etiam loquitur de præseruatione à debito isto his verbis: *Si autem teneatur pars negativa quæstionis, ad omnes auctoritates in contrariam partem respondetur, quod quilibet filius Adæ naturaliter est debitor iustitiæ originalis, & ex demerito Adæ caret eâ; & ideo omnis talis habet unde contrahat peccatum originale; sed si alicui in primo instanti creationis anima detur gratia, ille licet careret iustitiâ originali, numquam tamen est debitor eius, quia merito alterius præuenientis peccatum datur sibi gratia, &c.* ergo cum in sententia Scoti data fuerit beatissimæ Virgini gratia in primo conceptionis instanti, sequitur quod in sententia Scoti beatissima Virgo numquam fuerit debitor originalis iustitiæ, ita vt hoc debitum ei imputetur: quare non ait Scotus, quod post datam gratiam non est debitor iustitiæ originalis; sed ait, quod numquam est debitor eius: ergo in eius sententia beata Virgo non habuit in se debitum peccandi originaliter, quod

omnium optimè vidit ex Scoto Salazar cap. 13. quòd autem hoc debitum censeri debeat proximum, & dici in propria persona exercitum, iam probauimus disput. 1. quæst. 6. videatur.

26. Hanc conclusionem ad minus probant argumenta pro prima sententia: Specialiter tamen sic probo primò, quia debitum priuationis iustitiæ originalis destruitur per collationem gratiæ habitualis, & commutatur in debitum habendi illam; ergo in instanti, quo collata est beatae Virgini gratia habitualis, destrueretur debitum carenti iustitiâ originali; ergo pro eodem instanti habuit debitum carenti iustitiâ originali; & non habuit debitum carenti iustitiâ originali, quod est verificare duas contradictiones; ergo eo ipso quòd beata Virgo in illo primò instanti non habuerit peccatum originale, neque similiter potuit habere debitum proximum carenti iustitiâ originali.

27. Neque obstat si dicas idem argumentum fieri posse in baptizatis; nam similiter quando destruitur in ipsis peccatum originale, destruitur similiter debitum proximum, & exercitum habendi illud; ergo pro eodem instanti sicut debitores, & non sunt debitores.

28. Respondetur nihilominus, quia sicut in ipsis non sunt simul pro eodem instanti gratia & peccatum, sed in instanti in quo est gratia verificatur modò non est peccatum, sed ante hoc instans erat; ita similiter neque in illo instanti est debitum, sed ante illud instans erat. In conceptione autem Virginis non possumus plura instantia considerare sicut in baptizatis, sed tantum vnicum instans, in quo non possunt contradictoria verificari.

29. Secundò sic probo, quia necessitas contracta in propria persona contrahendi peccatum originale (quod est formaliter debitum proximum, & exercitum) & actualis contractio ipsius peccati originalis, vel sunt inseparabilia intra se, vel non; si primum habeo intentum, quia non po-

tulisset Virgo carere actuali contractione peccati originalis, & non carere etiam debito: si secundum tunc loquitur, quòd non sit aliqua sufficiens ratio, ex qua probemus reliquos posteros Adami contraxisse peccatum originale, & non tantum debitum. Patet sequela, quia si locutiones generales Scripturæ tantum obligant nos ponere debitum in Virgine, & non obligant ponere peccatum; similiter tantum obligabimur ex eis ponere in posteris reliquis Adami debitum, & non ponere peccatum originale. Sequela autem est manifestè contra decreta Conciliorum, & contra doctrinam Augustini impugnantis Pelagianos, qui tantum admitterant debitum in hominibus, & omnem rationem culpæ abolebant, quia dicebant Christum ab omni nos liberasse, & redemisse, contra quos decernitur omnes posteros Adami contrahere non solum debitum, sed etiam peccatum originale: debemus ergo asserere, hæc esse inter se semper coniuncta: vnde non posito vno, non potest poni aliud. Hæc ratio tantum est efficax contra eos, qui nulum liberant à peccato originali propter vniuersalitatem locutionis Scripturæ, Conciliorum, & Patrum, nisi solum beatam Virginem Mariam.

Maiores autem est difficultas, An 36. peccauerit in Adamo beatissima Virgo Maria? circa quod dico secundò vtrumque esse probabile secundum ea, quæ adduximus pro prima, & secunda sententia: sed quòd peccauerit in Adamo, & in illo habuerit debitum peccandi originaliter, conformius est doctrinæ Scoti: nam vbi supra versiculo *per illud patet* habet hæc verba: *Per illud patet ad rationes falsas pro prima opinione, quia Maria maxime indignisset Christo ut redemptore; ipsa enim contraxisset peccatum originale ex ratione propagationis communis, nisi fuisset prænomen per gratiam mediatoris; & sicut alij indignarent Christo, ut per eius meritum remitteretur eis peccatum iam contractum; ita illa magis indignis mediatore prænente*

niente peccatum, ne esset ab ipsa aliquando contrahendum, & ne ipsa contraheret. Nisi etiam velis hæc verba interpretari de debito remoto, quod habetur ratione propagationis communis, & appellatur debitum debiti, quod habuit beata Virgo per conceptionem, per concubitus viri & mulieris, in quo convenit cum reliquis posteris Adami, ratione cuius obnoxia erat, ut posset comprehendere sicut reliqui in lege de transfundendo peccato, non autem fuit comprehensa ratione Christi mediatoris, quod etiam apparet probabile in Scoto, præcipue si attendantur illa verba, *Ne esset ab ipsa aliquando contrahendum*. itaque ait, quod illa, scilicet beata Virgo Maria, magis indiguit Christo mediatore præveniente peccatum, non solum ne ipsa contraheret, sed etiam ne esset ab ipsa aliquando contrahendum, id est ne haberet necessitatem, seu debitum aliquando contrahendi illud, scilicet neque in propria persona, neque in persona Adami, quia si in persona Adami illud contraheret, aliquando contraheret.

31. Hæc conclusio probatur ex solutione argumentorum utriusque sententiae oppositæ. Unde si teneas cum secunda sententia quod peccavit in Adamo, respondebis ad primum dupliciter, primo quod aliquando dicitur aliqua lex non constituta pro aliquo, non quia non sit constituta, sed quia in effectu non obligat propter aliquod speciale privilegium dispensans executionem legis; & ideo potuit dici Esther Reginae & Virgini beatissimæ, *Non enim pro te, sed pro omnibus hæc lex constituta est*. Secundò, quod lex non fuit constituta pro Virgine in propria persona, & sic non contraxit debitum proximum, bene tamen in persona Adami, in cuius lege contenta fuit.

32. Ad secundum respondetur, quod tota controversia, quæ tunc vigebat in Concilio Tridentino circa præferuationem Virginis erat circa peccatum originale, non circa debitum, vnde quando voluit non contineri Virginem in illo decreto fuit circa contractionem peccati origi-

Castillo de Præferu. V. Matris.

nalis, non circa contractionem debiti.

Ad tertium respondetur ex testimoniis Patrum sicut ad primum, quod vel loquuntur de lege quatenus inducit in re ipsum effectum; & ut sic intellecti, tantum intendunt eximere Virginem beatissimam ab ipsa macula peccati originalis: vel loquuntur de lege applicata formaliter personæ Virginis; & sic intellecti, tantum excludunt illam à debito proximo, non autem de lege prout applicata virtualiter & implicite in Adamo.

Ad quartum respondetur, quod sicut nulla fuit indecentia, quod Christus Dominus (qui est Sanctus Sanctorum, & nihil impurum potuit continere) descenderet ex Adamo, & ex progenie peccatrice; ita neque est aliqua impuritas, quod Virgo peccaverit in Adamo, dummodo in se non peccaverit; neque improprium filij spurij adductum à Baldo potest Virgini applicari, quia ipsa in propria persona nunquam fuit, neque debuit esse filia si-urra, sed potius ingenua ex adoptivis filia Dei, & legitima, naturalisque eius alma mater. Ex similitudine autem desumpta ex Paulo, tantum inferitur, quod præferri debeat Christus Dominus Virgini, sicut sacerdotium Melchisedech sacerdotio Levitico: quod verissimum est, quia Christus non continebatur in lumbis Adæ, quantum ad debitum contrahendi peccatum originale, sicut continebatur beatissima Virgo Maria; quare hæc indiguit ipso Præservatore.

Ad quintum respondetur concedendo quod inclusit Deus Virginem in lege, & concedendo quod eius voluntas quia efficax debuit adimpleri ex ea parte, quæ inclusa est in lege; non tamen propterea impræservabilis manebat à peccato originali, quia ex alia parte, & ex titulo maternitatis voluit, efficaciter Deus ipsam ab actuali contractione peccati liberare, & dispensare cum ipsa, non quantum ad obligationem, quam iam voluit supra ipsam cadere in Adamo, sed quantum

X x x 2

tum ad contractionem peccati, & hoc propter summatam auctoritatem, quam apud se referuat, quod etiam contigisse in aliis rebus his similibus probauimus in disputatione 2. quaestione 1. parte 3. in fine, & contigit saepe de facto in paruulis, qui decedunt sine baptismo, nam ex vna parte vult Deus efficaciter eos baptizari, & confert auxilium sufficiens, in eo quod datur causis virtutem ad edendum puerum in lucem, & tandem iam editus accedat ad fontem baptismatis; & ex alia parte non vult efficaciter quod accedat, quia concurret cum causis corruptiuis, & moritur antequam ad baptismum accedat. Ecce qualiter Deus ex vna parte vult efficaciter vnum, & ex alia parte vult efficaciter oppositum. Potuit ergo Deus Virginem comprehendere in quantum naturalem filiam Adami, & ipsam constituere filiam moralem; & ex alia parte, in quantum matrem nolle ipsam pati executionem talis legis: praecipue cum haec duo diuersa sint potentia, terminare diuersas Dei voluntates.

36. Sed obijciat: Ex voluntate illa, quae Deus voluit ipsam Virginem teneri lege Adami, voluit ipsam peccare in se peccante Adamo: ergo comprehensam Virginem in lege, etiam debuit comprehendere in actuali contractione peccati, supposito quod Adamus peccauit. Antecedens patet ex verbis, quibus Deus condidit legem: *De arbore seruitia boni & mali ne comedas: in quaenamque enim die comederis, morte morieris.* id est: in quacumque hora comederis tu, & posterius tui in te virtualiter contenti, & à te naturaliter propagandi, morte peccati moriemini; sin autem minime: ergo si postea vult quod aliquis non moriatur morte peccati, mutatur Deus.

37. Respondetur concedendo, quod ex volitione, quae vult Deus eos sic obligari, infertur alia saltem permissiua, quae permittit eos contrahere peccati mortem, nisi accedat alius titulus, qualis est maternitatis, qui licet relinquat Virginem comprehensam in lege, ut sit subiectum capax redemptionis, tamen petit eam excipi ab executione legis per infusionem gra-

tiae & iustitiae; mutatio autem Dei contingeret, si res esset eadem, & se haberet eodem modo. Lege Salazar cap. 10. à numero 5.

Si autem teneas cum prima sententia, quod beata Virgo non peccauit in Adamo. Respondebis ad primum secundae sententiae beatam Virginem non fuisse exclusam ab illis locutionibus generalibus, sed non inclusam in illis, quia omnes illae intelliguntur & de contractione debiti, & de contractione peccati, & nullo postero Adamo excluso ab utroque (vt ex professo docet Aegidius quaest. 5. art. 3. per totum, & art. 5. quare satis inconsequens apparet, dum ubi supra, vt de fide, docet Virginem inclusam in lege, & in Adamo peccasse; sed qualiter de Aegidio sentiat Salazar, vide cap. 19. §. 1. num. 25.) Cum Virgine autem non loquitur, quia tantum habuit propter excellentissimam eius dignitatem pro capite morali Christum Dominum, non Adamum, siue inferiorem, quod intelligimus sic factum ex Scriptura sic insinuante in pluribus testimoniis, & ex aliis quae adduximus disput. 2. quaest. 1. Praeterquam quod probabiliter dici potest, quod cum Adamus habuerit notitiam Christi futuri, etiam eam habuerit eius matris futurae; & quod non solum Deus, sed etiam ipse Adam noluit talem matrem comprehendere quantum ad contractionem peccati in illo pacto, quod pepigit Deus cum ipso.

Ad confirmationem respondetur, quod illa doctrina est vera de omnibus non inclusam Virginem, & de redemptione subleuatiua, de qua ibi loquebantur Zosimus, & Augustinus; imò & si aliquid probaret, etiam probaret, quod beata Virgo contraxisset non solum debitum, sed etiam peccatum.

Ad secundum ex auctoritatibus Patrum respondetur, quod vel loquuntur de obnoxietate in debito remoto ante peccatum Adami habito, quia si Virgo non esset futura mater comprehenderetur in lege, & in peccato, sicut reliqui posterius Adami; vel loquuntur de obnoxietate ex modo propagationis ad distinctionem ingenuitatis Christi

fi ex modo suæ propagationis; vel loquantur negando Virginis immunitatem à debito per se, sicut habuit Christus, sed non per accidens, qualem ipsa habuit: vel denique loquuntur de carne peccatrice, non in propria persona, sed in personis totius progeniei, quæ peccatrix fuit & contractione peccati originalis, & aliorum peccatorum actualium contractione.

41. Ad tertium, & eius confirmationem respondetur concedendo, quodd si beata Virgo non habuisset gratiam, neque habuisset peccatum originale, sicut homo immediatè à Deo creatus; tamen duplicem habuit gratiam, primam quia prædestinata est à Deo ad trahendum gratiam habitualement, imò & iustitiam originalem sibi coæquam propter dignitatem maternitatis, & hoc immediatè post prædestinationem Christi: secundam scilicet postea quando Deus decrevit imponere legem Adamo, & posteris eius, quia non intelligebatur in ea ipsa sanctissima Domina, quam iam ad talem gratiam sibi coequam prædestinaverat, quæ est gratia affectiva diuinæ voluntatis. Neque hoc admittere aliquod patitur inconueniens.

42. Ad quartum respondetur ex dicendis quæstione sequenti, unde immeritò censuratur hæc sententia ab Agudio ubi suprâ, à Corduba, & aliis relictis à Salazar cap. 8. quem contra ipsos lege ibidem à numero 5.

43. Tertia vera sententia in quantum Virginem eximit à debito proximo nobiscum est; in quantum verò illam includit in debito remoto non qualicumque, sed peccandi originaliter, & consequenter illam includit tamquam comprehensam ip lege, etiam est probabilis, quia hoc docet cum secunda sententia. Sed ad eius argumenta facilius potest responderi ex dictis pro prima sententia, & ex dictis pro prima nostra conclusione, contra quam & alias nihil superest dicendum.

QVÆSTIO II.

Quibus Christi meritis præservata fuerit beata Virgo tum à debito, tum à peccato originali?

Eadem est ratio vtriusque, & eisdem meritis, quibus præservata exuit beata Virgo à peccato originali: præservata existit à debito, quare tum communi Theologorum sententia, tamquam de fide, suppono Christi meritis redemptam fuisse Dominam nostram ab eis, à quibus fuit libera. Vnde Ambrosius in Lucam ad illa verba, *Ecce Ancilla Domini. ait: Nec mirum si Dominus redemptarius mundum operationem suam inchoavit à Matre, ut per quam salus omnibus parabatur, eadem prima fructum salutis hauriret ex ignore.* Et Dionysius Alexandrinus Epistolâ contra Paulum Samosetam habet hæc verba: *Vna autem, & sola Virgo, filia viri genuit Verbum vivens.* Et diuus Bernardinus Senensis in Sermone de Assumptione inquit: *Plus pro Virgine redimenda venit, quam pro omni alia creatura, &c.* Et infra: *Nam primogenita Redemptoris filij sui fuit beata Virgo.* Hoc ergo supposito, quaerimus quibus meritis Christi fuerit redempta.

Tota huius rei difficultas ortum habet ab illa quæstione materiei de Incarnatione, in qua quaeritur an Christus Dominus prædestinatus fuerit à Deo ante prævisum peccatum originale, vel post? in qua Auctores diuisi sunt in tres classes; in prima sunt illi, qui asserunt tam quoad substantiam, quam quoad modum prædestinatum fuisse ante peccatum originale. ita Suarez cum aliis. In secunda sunt illi, qui asserunt quoad vtrumque esse prædestinatum post illud. ita ex Thomistis plurimi. In tertia & vltima sunt illi, qui docent quoad substantiam fuisse prædestinatum ante prævisionem peccati, quoad modum verò post illud: ita Scotus cum pluribus aliis. De qua quæstione latè egi in prædicta materia disputatione 4. quæstione 1.

3. Quibus prælibatis, Auctores primæ classis, quorum aliqui defendunt immunitatem Virginis à peccato, & non à debito, vt Suarez in 3. parte quæst. 27. disp. 1. sect. 3. & disput. 3. sect. 2. & 3. & alij immunitatem ab utroque, vt Catherinus opusculo de Peccato originali cap. ultimo, & lib. 2. cap. 2. Ioannes de Pineda in Tractatu de Immaculata Conceptione in constitutionem Ioannis Aragoniæ regis Gundi saluus, Sanchez Luzero in Tractatu de hac Thesi, cui subscribit Granados in simili Tractatu lib. 1. c. 3. §. 8. Raymundus Lulius ibidem, & Ioannes Baptista Lezaña ex Carmelitana familia in Apologia circa puram Virginis conceptionem, ex eo aiunt Virginis præseruationem fieri à meritis Christi quoad substantiam & modum, quia ipse præcedit prædestinatus vt medicina, vel præseruatiua tam in actu primo, quam secundo; vel subleuatiua, sed in actu tantum primo; sed est medicina per merita prædicta: ergo ex meritis illis præuisis potuit redimi, ne laberetur in peccatum, & etiam ne contraheret debitum.

4. Auctores isti sic ordinant decreta Dei, à quorum ordinatione resolutio huius difficultatis dimanat; in primo igitur instanti, aut signo suarum præseruationum, Deus via intentionis Christum fore secundum substantiam, & secundum suas proprietates in indiuiduo decreuit; in secundo decreuit fore Virginem vt esset mater Dei, & tum eam elegit ad eum gratiæ & gloriæ cumulum, quem demum obtinuit; in tertio signo decreuit fore omnes alias creaturas, & mundum vniuersum; in quarto ex hominibus & Angelis prædestinauit aliquos, & circa alios se habuit negatiuè; in quinto Adamum & Eam fore decreuit omnium parentes. tam physice, quam moraliter, intimando eis legem de non comedendo de arbore, &c. & in hoc signo aliqui Auctores excipiunt Virginem ab inclusione in lege, alij verò non: in sexto permisit lapsum Adami, & in hoc signo aliqui includunt Virginem, quia putant quoddam tantum ex eo contrahitur

debitum, & obnoxietas peccandi in se, non tamen ipsum peccatum; alij verò, quia putant quoddam vtrumque contrahitur, scilicet & peccare in se, & in Adamo, idè excludunt Virginem ab illo: in septimo voluit Christum ipsum Adamum redimere, vel ipsum, & alios, in quo discrepant alij, &c.

Hæc sententia patitur eam difficultatem, quæ admittit tum quoddam merita in intentione possint aliquid mereri, quandoquidem meritum est causa in genere causæ efficientis; nam agit, quia est non in genere causæ finalis, quæ tantum agit vt sit, & meritum in intentione tantum habet esse in genere causæ finalis: tum admittit quoddam sit Christus prædestinatus vt causa meritoria, vel merita confusa abstrahentia à passibilibus & impassibilibus, quod est ponere in decretis Dei aliquam confusionem, vel per merita si distincta, sed quoad modum: vnde sequitur teneri Deum, vel velle permittere peccatum, vt posito peccato possit poni passio, & mors Christi, quæ sunt merita quoad modum; vel quoddam ipsa passio in re ponatur absque positione peccati Adami, quia etiam si, Adamus non peccaret, Christus moreretur; nam hoc erat à Deo determinatum secundum hanc sententiam: quæ omnia plura inconuenientia continent, imò & falsa, vt in illa quæstione latè probaui.

Auctores verò secundæ classis, qui Virginem præseruant à peccato originali, & aliqui præseruant à debito proximo, ex eo aiunt Virginem fuisse ab originali præseruatam ex meritis Christi quoad substantiam, & quoad modum, quia in primo signo decreuit Deus creare Adamum in iustitia originali, & ipsum constituere caput morale quoad transfusionem iustitiæ, & peccati omnium suorum posterorum, etiam inclusa Virgine; in secundo permisit ipsum peccare; in tertio, præuiso iam casu Adami, & peccato eius iam propendente in posteros, decreuit Christum venire, & in carne passibili, vt per passionem & mortem crucis hominem liberaret, & tunc voluit præseruariuè redimere Virginem, scilicet

licet ne illud peccatum, quod iam illi imminabat, incurreret, quando existeret in rerum natura, præueniendo illud per infusionem gratiæ habituali in animam, ita Vasquez disput. 116. & plures ex Thomistis super 3. partem quæst. 27. & tunc etiam præseruatam fuisse à debito proximo dicunt aliqui, quia infusio talis gratiæ non solum præoccupauit peccatum, sed etiam necessitatem, & debitum peccandi proximum, & in propria persona exercitum, sed non debitum remotum, quod iam contraxerat per inclusionem in lege, supposito peccato Adami; ita plures ex hac Complutenfi Academia, qui subscripserunt huic opinioni.

7. Modus iste dicendi, præter difficultatem illam, quam deuorat, & transglutitur, scilicet Christum Dominum tantum fuisse à Deo decretum occasione peccati, & hoc tantum flagitium occasionem fuisse tanti boni, non solum in ratione redemptoris, iuxta illud, *O felix culpa, quæ talem, ac tantum meruit habere Redemptorem.* sed etiam in se, & secundum propriam substantiam, contra illud, *Dominus posedit me in initio viarum suarum,* &c. Quod de Sipientia incarnata expli- cant ad litteram Concilia & Patres admittit illam, quæ asserit Christum, & eius mortem fuisse à Deo tunc decretum solum propter peccatum Adami prout tantum contractum in ipso, non propter contracta peccata originalia & actualia reliquorum: quod videtur difficile. Et denique explicat Scripturæ locutiones vniuersales de debito, & de lege peccati originalis, quæ filij Adam obnoxij sint, ipsum contrahere, & non de ipsa actuali contractione: quod est difficilius iuxta ea, quæ diximus quæstione antecedenti, & docet Salazar cap. 16. à numero 3.

8. Vt ergo ex vna parte sentiat cum D. Thoma 3. p. quæst. 1. art. 3. Christum quoad substantiam & modum prædestinante post originale peccatum non solum contractum in Adamo, sed etiam in reliquis posteris eius; & ex alia fugiendo inconuenientia adducta præseruet Virginem non solum

à peccato originali in se, sed etiam in Adamo: & consequenter à debito sic meditatus est signa diuinæ dispositionis Ferdinandus de Salazar cap. 17. à 1. 3. & deinceps per plura probat capita; in primo enim signo, inquit, præiudicauit Deus Adami lapsum, & omnium suorum posterorum, quos Deus iam futuros decreuerat: in secundo decreuit Christum, & mortem eius, ut genus humanum redimeret: in tertio ex meritis Christi iam præiudicis, non solum quantum ad substantiam, sed etiam quantum ad modum prædestinata est beata Virgo, non solum quantum ad gloriam, gratiam, & eternitatem, sed etiam quoad existentiam; quapropter neque inclusa est in lege, quam Deus stabiluit in primo signo, quia illa lex tantum ferebatur pro tunc præiudicis in existentia futuris; neque contraxit peccatum originale, quia aliorum lege non tenebatur; neque habuit aliud caput morale, nisi Christum Dominum eius filium.

- Hic modus dicendi licet satis aptus ad omnia inter se componenda ex his quæ intenduntur ab Auctore, eam tamen patitur difficultatem, quia eodem prorsus modo possemus plures alios homines præseruare, præcipue eos qui ex meritis Christi precibus impetrati sunt à parentibus, quia isti non videntur decreti ante decretum circa aduentum Christi. Præterea admittit omnium beatam Reginam decretam quantum ad omnia post omnes; & præcipue ita eam obseruat non decretam ante Christum, ut per eius merita præseruet ipsam à debito, & à peccato, quod quantum ad hoc eam facit omnino independentem à meritis eius, quia eo solum ipso quod non comprehensa fuisset in lege lata, antequam quidquam ageretur de Christo, conciperetur sine peccato originali, etiam si Christus non haberet merita, neque pateretur. Et denique difficultates omnes, quas patitur sententia prædestinans Christum post præiudicium peccatum originale, impertinenter admittit, quandoquidem etiam si Christus fuisset quoad substantiam & modum prædestinatus ante peccatum, potuit

potuit eodem modo referuari à Deo decretum circa omnia, quæ ad Virginem attinent post peccatum, vt tunc decerneretur ab omni contagione innoxia, sed omnia admittere non videtur congruum.

10. Scotus ergo licet nihil expresse asserat circa hoc de Virgine, ex his tamen, quæ de Christo & prædestinatione ait in 3. dist. 7. quæst. 3. & in Reportatis quæst. 4. & dist. 19. quæst. 1. & in 1. Sentent. dist. 41. & in aliis locis euidenter colligitur qualiter in hac materia sit, in eius sententia philosophandum: inquit igitur Doctor quod sic se habuerunt signa in diuina prouidentia, in primo enim signo Deus intellexit se sub ratione summi boni, ad quod reliqua omnia creata bona ordinari opus erat; in secundo intellexit omnes alias creaturas, quam intellectionem fote visionis, quæ supponit Dei decretum circa existentiam illarum. patet ex his quæ habet in 1. dist. 41. q. vnicâ, *1. potest aliter dici*, vbi ait quod Petrus & Iudas propòiti ad prædestinationem æquales in naturalibus vòiti à Deo in esse existentie offeruntur Deo, & tunc prædestinat Petrum, & habet se negatiuè circa Iudam. & in 3. dist. 32. inquit Deum velle mundum in quarto signo. Neque contra hoc est id, quod ait in 2. dist. 20. quæst. 2. scilicet quod si perseveraret status innocentie, illi solum essent geniti, qui nunc sunt electi, quia loquitur de generatione & natiuitate à tali parente, scilicet ab innocente, vt ipse expresse ait *1. dico quod soli*; & alius contrarius esset sibi ipsi quæstione antecedenti, asserenti quod homines in illo statu non essent confirmati in gratia, potuissentque mortaliter peccare sicut primus parens; ergo & damnari: vult ergo quod ex nocentibus non nascerentur electi.

11. Deinde in tertio signo prædestinavit hos ad gratiam & gloriam tam ex hominibus, quam ex Angelis, & circa alios habuit actum negatiuum non prædestinando: inter prædestinatos autem, primò prædestinavit Christum, & ad summam gratiam,

& gloriam coæuas suæ animæ rationali, & ad vnionem hypostaticam ordinauit eius humanitatem, vt Angelis, qui post ipsum, & propter ipsum prædestinandi erant, non subessent tamquam morali capiti puro homini, sed homini Deo: nihil autem tunc egit de prædestinatione corporis Christi ad gloriam, sed potius dilata fuit vsque ad posteriora signa, itaque in hoc signo ponendus est integer Christus non solum in intentione, sed etiam in executione, & non solum secundum animam, vt immeritò imponit Scoto Salazar, sed etiam secundum totam suam humanitatem, & quia quæ sunt priora in intentione posteriora sunt in executione: ideo sicut ordine intentionis prius prædestinavit Deus Christi humanitatem ad summam gloriam, qualem decebat Regi gloriæ, & illius Ecclesiæ triumphantis; & deinde ad summam gratiam ipsi coæuam, & omnibus modis conuenientem supremo Capiti morali vtriusque Ecclesiæ; & tandem ad vnionem hypostaticam, cui hæc summa gloria, & gratia proportionabantur: ita in ordine executionis prius prædestinavit ad vnionem hypostaticam, deinde ad gratiam, & tandem ad gloriam: quod totum vtroque ordine intentionis, scilicet & executionis decreuit Deus antequam gradum faceret ad prædestinationes Angelorum & hominum, & tunc præuidit Deus in Christo merita plurima non solum ordine intentionis intenta, sed etiam ordine executionis exhibita, quæ appellamus merita impassibilia, verbi gratia actus dilectionis Dei, gratitudinis, religionis, &c. quæ non concertunt statum passibilitatis, & propter illa merita prius voluit Deus omnes homines saluos fieri, quæ voluntas dicitur inefficax, & postea voluntate efficaci prædestinavit hos Angelos & homines, & meo videntur ante omnes beatissimam Virginem Mariam, quæ tunc prædestinata est tum ad gloriam prope summam, tum ad gratiam eius animæ coæuam, tum ad maternitatem prout Dei, quidquid sit. An autem in signo antecedenti fuerit iam

iam decreta ad esse matrem illius humanitatis Christi.

12. In quarto signo pactum cum Adamo, & legem illam de non comedendo de arbore facere decrevit Deus (ubi Virginem excepit, vel non excepit, sed inclusit iuxta diversas sententias questione antecedendi probabiles) tuncque permisit Adamum peccare, præviditque eius peccatum, & posteros eius casuros in Adamo; quare itatim in quinto signo præordinavit, seu prævidit de remedio, quomodo redimerentur per passionem Filij, & sic decrevit Christum pati, & crucis mortem subire: vnde tunc Christus una oblatione consummavit in sempiternum sanctificatos, ut ait Paulus ad Hebr. 10. id est sanctificationem illorum quos elegerat consummavit, quia antè tantum electi erant ad gratiam, ut sanctificationem postea electi fuerunt ad gratiam ut reconciliativam, & redemptivam, siue subleuativè, siue præservativè, & hoc fuit consummare in sempiternum sanctificatos, scilicet perficere sanctificationem in sempiternum decretum; qualiter autem omnis gratia per Christum collata possit, & debeat dici gratia redemptionis, vide apud Salazar cap. 23. §. 13.

13. Dicendum ergo nobis est secundum prædictam mentem Scoti, quòd beata Virgo fuit præservata tum à debito proximo, tum probabiliter loquendo à lege Adami, tum à peccato originali ex meritis Christi non solum quoad substantiam, sed etiam quoad modum; & non solum in executione temporali, sed etiam in intentione æterna. Hanc conclusionem quantum ad ordinem executionis probò, quia quando Deus in tempore Virginem sanctificavit in primo instanti suæ conceptionis ipsi infundendo gratiam habituales, & quantum ad pactum fecit cum Adamo, si tunc Virginem in illo non inclusit præcipuè quantum ad partem odiosam, iam prævidebatur à Deo Christus moriturus, quantum magis Deum dilecturus, gratias acturus, &c. ergo propter merita Christi tam quoad substantiam, quam quoad modum fuit Virgo ab omnibus his in executione

temporali redempta. Patet consequentia, quia neque Christo, & omnibus eius meritis est hæc deneganda excellentia, neque beatæ Virgini: vnde merito dicit Ecclesia, quòd ex morte Filij sui præmisa eam Deus ab omni labe præservaverit.

Quantum ad ordinem intentionis sic probò, & in primis, quòd præservata fuerit per merita Christi quoad substantiam, patet ex eo, quia sicut Christus quantum ad substantiam fuit antecederet ad peccati contractionem, & ad constitutionem pacti, & legis à Deo prædestinantis, ita præcesserunt eius merita quoad substantiam, quibus mereretur ab ipso prædestinatio Virginis ad gratiam eius animæ coævam, & ad præservandum ipsam à lege (si fortè ab ea fuit præservata) ut verum sit illud Pauli ad Ephes. 1. *Benedixit nos in omnibenedictione spirituali, incalescibus, in Christo, sicut elegit nos in ipso ante mundi constitutionem.* Et paulò post: *Prædestinavit nos per Iesum Christum in ipsum.* In quibus significatur, quòd Christus fuerit non solum causa finalis, sed etiam causa efficiens meritoria cuiusque generis prædestinationis ad quodcumque bonum nostrum, quantum magis beatæ Virgini: ergo, &c.

Deinde quòd præservata fuerit in intentione à peccato etiam per merita quoad modum probò, quia licet prius per merita quoad substantiam decreta fuerit Virgini gratia habitualis prout sanctificans, non tamen prout redimens etiam præservativè, quia ut sic debuit prævideri peccatum iam contractum in Adamo, & imminens, seu propendens in Virginem proximè vel remotè, sed statim post hoc decreta fuerunt Christi merita quoad modum, & tunc potuit intendi præfata Virginis præservatio à peccato, seu eadem gratia sanctificativa, prout præservativa, propter prædicta merita quoad modum: ergo redemptio præservativa Virginis à peccato originali adhuc ordine intentionis fuit volita à Deo propter merita Christi etiam quoad modum.

Neque obstat, si dicas, quòd eadem præservatio non potuit intendi

à Deo ex duplici fine, neque propter duplicem causam efficientem meritariam; ergo neque prius propter merita Christi quoad substantiam, & posterius propter merita ipsius quoad modum.

17. Respondent aliqui, quod in causis moralibus hoc non est inconueniens sicut in causis physicis: deinde alij, quod neque in vtrisque: sed omnia hæc latè impugnari disputatione 4. de Incarnatione, quæstione 1. iam citatâ, parte 4. Respondeo igitur quod eadem præseruatio facta à duplici decreto, quorum vnum sit propter merita Christi quoad substantiam, & aliud propter merita quoad modum, nullum est inconueniens, sicut omnes prædestinati prædestinamur prius ad gloriam in intentione independentèr à meritis vt causis efficientibus, & postea iterum prædestinamur ad illam in executione dependentèr ab illis, quia diuersitas decretorum non est regulanda præcisè ratione effectus producti (vt minùs benè volunt aliqui) sed ratione vel diuersi effectus siue moralis, siue physici, vel diuersi finis mouentis, aut causæ moralis inducentis, non aliter ac quis decreuerat in Toleum ire ratione visendi ipsum, & postea eandem viam decernit, quia scit ibi ægrotare amicum, & postea iterum decreuit propter aliam causam, &c. & ita potuit contingere respectu Virginis, cuius præseruatio & à peccato, & à lege potuit quasi prius decerni propter merita Christi quoad substantiam, & postea præuiso casu Adami, & Christo mortuo potuit iterum per hæc merita quoad modum determinari. Præterea respondetur quod potuit beata Virgo prædestinari prius per merita quoad substantiam ad gratiam vt sanctificatiuum, & postea per merita quoad modum ad eandem gratiam vt præseruatiuè redemptiuam, quæ aliquam formalitatem superaddit ad priorem propter respectum, quem includit ad peccatum à quo præseruat, & sic formaliter non fuit eadem prædestinatio, quia prior fuit ad gratiam animæ Virginis coeuz,

& ei sanctificatiuum; posterior verò fuit ad eandem gratiam prout præseruatitiam, & redemptiuam.

Quod autem Deus propter merita Christi ante præuisionem peccatum originale prædestinauerit electos, & consequenter inter omnes primò Virginem latè probatur à Scotistis vbi suprâ, nunc sufficiat aliqua attingere: & primò, quia ante peccatum originale fuit Christus, & Ecclesia, iuxta illud Pauli ad Ephesi. 5. *Sacramentum hoc magnam est: ego autem dico in Christo, & in Ecclesia.* quod dixit Paulus vt explicaret Sacramentum quod continebatur in illis verbis Genes. 5. ante peccatum ab Adamo dictis: *Propter quam relinquet homo patrem & matrem, & adheret uxori suæ, & erunt duo in carne vna.* ergo ante peccatum Christus præexistit præuissus vt caput morale, & Ecclesia vt corpus eius; ergo in ipsam deriuabatur à Christo tamquam à capite gratia, & gloria: sed in corpore Ecclesiæ præcipuum membrum est beata Virgo; ergo ad omnem gratiam, quam habuit, fuit à Deo prædestinata propter Christum præuisionem ante peccatum originale.

Secundò ex Patribus; nam Irenæus ad illa verba Pauli ad Rom. 5. *In similitudinem prauaricationis Adæ, quiescit forma futuri.* sic habet lib. 3. aduersus hæreses cap. 34. *Vnde & à Paulo typus futuri dictus est ipse Adam, quoniam futuram circa Filium Dei humani generis dispositionem Fabricator omnium Verbum præformauerat, prædestinante Deo primum animal, hominem videlicet, vt à spiritali saluaretur, cum præexistere saluans; oportebat & quod saluaretur fieri, uti non vacuum esset saluans; ergo prædestinatio hominum facta est à Deo, propter Christum saluatorem præuisionem, quando decreuit prædestinationem Adami: sed multo potiori ratione hoc est dicendum de Virgine; ergo, &c.*

Petrus Damianus in Sermonè de Natiuitate Virginis fatuit: *Hac eadem beata Virgo ante constitutionem mundi in Concilio æterna Sapientia electa, & præelecta, &c.* Vide alia plura, quæ adducit Salazar cap. 2. Neque enim

necessè

necessè habemus plura multiplicare encomia Virginis, vt sciamus ipsam omnibus debere præferri prædestinatis (quid non prædestinatis?) & ad omnia dona cuiuscumque alteri creaturæ collata prædestinatam ab æterno propter quacumque Christi merita sibi possibilia applicari; nam vt optime ait Arnouldus Carnotensis in Sermone de Natiuitate Virginis, *Maria creaturæ constat omnibus; quidquid enim singulis distributor iustus contulit, matri adornanda concessit.* quare meritò diuus Epiphanius in Sermone de Laudibus Mariæ illam *cali terræq; mysterium* appellauit, hispanè *cifra del cielo y de la tierra;* & quasi totum opus Incarnationis factum fuerit propter perfectionem Mariæ in Libro de Virginitate Mariæ cap. 2. sic deuotè pronunciat D. Ildephonsus, *Prociò ante te solum opus Incarnationis* (alij Codices legunt) *Sola opus Incarnationis Dei mei.* ergo reliquis omnibus præferenda est beata Virgo in prædestinatione ad omnia dona sibi possibilia conferri ex quibuscumque meritis Christi Domini; cuius Incarnatio quasi tota applicata est, vt eam Deus modis omnibus perficeret, exaltaret, glorificaret.

Plura in contrarium adduci possunt ex Salazar cap. 30. vbi ex Patribus probat Virginem cõditam, & electam fuisse, vt genus humanum repararet mediante generatione Filij sui, & suis meritis disponentibus eam ad munus maternitatis; ergo non fuit condita, & præelecta ante præuissum peccatum Adami. Sed ad hæc omnia respondetur vñico verbo, scilicet non fore intelligenda de electione æterna, quæ eam Deus elegit ad existentiam, gratiam & gloriam ex primaria Dei intentione, sed de executione rempotali, quæ facta est propter omnia illa bona, quæ referunt Patres: & notanter dixi ex primaria Dei intentione, quia ex secundaria iam supra diximus, quòd post peccatum præuissum, & post Christum prædestinatum vt passibiliter redemptorem, iterum ex meritis Christi, quoad modum nouo Dei decreto innouata fuerunt omnes prædestinationes, ad gratiam in reliquis hominibus prout subleuatiue quoad originale redemptiuam, & in beatissima Virgine prout præseruatiue. & hæc de hac Quæstione, & Disputatione.



DISPUTATIO IV.

ET VLTIMA

CIRCA DEFINIBILITATEM

OPINIONIS PIÆ.

VT autem constet quàm parata & expedita ad definitionem quam desideramus sit sententia nostra, quæ docet beatissimam Virginem immunem & præseruatam fuisse pro primo conceptionis instanti à peccato originali, hanc ultimam institimus Disputationem, quæ rectè succedit his, quæ à nobis discussa sunt, vt ponderatis, & ad bilancem reductis fundamentis, quò magis nostra sunt cum veritate completa, cò magis appareat præfatæ definitionis materia.

QVÆSTIO PRIMA.

Quem certitudinis gradum habeat opinio piæ?

1. **P**URA congerit circa hanc Quæstionem Salazar cap. 43. sed multò plura Ægidius de Præsentatione lib. 3. quæst. 2. & quæst. 4. art. 5. & quæst. 8. per totam: in quibus si attentè legantur circa aliqua, iam in hanc partem, iam in illam videntur inclinare, & aliquando affirmate quod negauerant, & negare quod affirmauerant videantur; quare relictis variis sententiis, & eorum Auctorum, quos ipsi referunt, per conclusionem decisiuas hanc resoluemus Quæstionem.

2. Dico primò: Sententia pia, quæ docet beatam Virginem in primo conceptionis instanti non contraxisse peccatum originale, nondum est ab Ecclesia definita. hæc conclusio est communis. & probatur, quia Concilium Tridentinum sessione 5. decreto de peccato originali expressè decernit obseruandas esse constitutiones Sixti IV. circa hoc: sed in prædictis constitutionibus afficitur censuris qui dixerit hanc vel oppositam sententiam esse de fide, & reddit rationem cum

nondum ab Ecclesia fuerit definita: ergo. Secundò, quia si propter aliquam rationem fuisset definita, maxime quia Concilium Basiliense sessione 34. eam definiuit; sed pro tunc prædictum Concilium non erat legitimum, vt latè traditur ab Auctoribus: ergo.

Tertiò, quia definitio, quam infert S. Cecilius martyr in quodam Concilio Apostolorum, adhuc non est satis nota eius vera existentia, & vt talis tradita & recepta in Ecclesia vniuersali: ergo non est sententia pia adhuc sufficienter definita ab Ecclesia.

Difficultas tamen est, An prædicta 4. sententia, licet non sit definita, sit tamen de fide, quia plura sunt quæ ita clarè & expressè in Scriptura continentur, vel per traditiones accipiuntur, quòd antequam ab Ecclesia definiantur sint de fide, licet Fides Catholica nihil credat quod non sit ab Ecclesia Romana propositum vt de fide credendum? Neque quærimus an sit de fide particulari, seu particularium reuelationum, quia optimè stat quòd aliquid sit de fide hoc modo respectu alicuius, quod non sit de fide respectu omnium, quia vel in speciali illi reuelatum est, vel alteri, de cuius reuelationis credibilitate non dubitat

dubitat quis. vel alicui ita est manifestum ex Scriptura, aut ex Conciliis, &c. quoddam immediatè, aut mediatè per evidentem consequentiam est ipsi nota diuina reuelatio; sed querimus an prædicta propositio, licet non sit definita, sit tamen de fide, quæ scilicet ab omnibus possit credi.

5. Dico secundò, hanc propositionem præseruationis non esse de fide, quæ ab omnibus possit credi. Conclusio ista probatur, quia licet hæc sententia contineatur in illis verbis Lucæ 2. *Aue gratia plena, Dominus tecum: benedictus in mulieribus.* & similiter significatur in aliis Scripturæ testimoniis, quæ adduximus disp. 2. quæst. 1. cap. 1. tamen non ita certò deducitur ex illis, vt non sit aliqualis formido de opposito: sed vbi formido est, non est fides, quia fides est assensus certus de aliquo articulo propter diuinam auctoritatem reuelantem: ergo, &c.

6. Confirmatur, quia ex constitutione Sixti IV. suprà adducta habemus expressè quoddam neutra sententia est de fide, quia neque sententia negans, neque affirmans est certa certitudine fidei. Ex hoc oritur statim controuersia, An assertio, quæ vnā, vel alteram opinionem vocat hæresim, aliqua digna sit censura? circa quam vide Ægidium vbi suprà §. 3. plures enim putant esse dignum censurâ hæresis, hæreticumque deberi appellari, quia profert contra id, quod definitum est à Sixto IV. in suprà dicta constitutione; alij verò cum Ægidio aiunt non esse dignum ita grandi censurâ, qui condemnat partem affirmantemponentem in Virgine peccatum originale, sicut qui condemnat partem negatiuam. Hic enim meretur dici hæreticus, ille verò non tantum audax & temerarius, quia Pontifex in prædicta constitutione diuersis verbis, & his diuersis notis se habet circa hanc, ac circa illum.

7. Dico tamen terciò: Qui vnā, vel alteram sententiam damnat hæresi, temerarius est, & inobediens, & excommunicatus, non tamen est hæreticus. ita docet Suarez 2. tom. ad 3. partem disput. 3. sect. 6. in fine, cui

tandem post plura, quæ videtur dicere in contrarium, acquiescit Ægid. in fine §. tertij. p. 20. Fundamentum est, quia Sixtus IV. vbi suprà non definiuit tamquam de fide vtramque problematis partem esse incertam, sed solum simpliciter docuit vtramque idem non esse infallibiliter certam; quia Ecclesia neutram lucusque de fide definiuit; ergo qui aliquam partem huius controuersie dixerit esse ita certam, quoddam de fide, tantum est inobediens, & temerarius; & non dignus censurâ hæresis; erit tamen excommunicatus, quia excommunicatio imposita est à summo Pontifice propter reprimendas seditiones.

Et propter hoc patet ad fundamenta opposita, quia Ecclesia nihil definiuit, sed tantum voluit reprimere diuersas audacias in fidelibus notam ad inuicem immerito imponentibus.

Deinde dico quartò: Neutra huius controuersie sententia est notanda censura erroris, aut temeritatis. Hæc conclusio probatur ex Extrauaganti Pij V. quæ incipit, *Super speculum.* vbi habet hæc verba: *Nos igitur qua prædecessorum nostrorum saluberrima decreta pro viribus saluasse cupimus, potissimum illa, quæ à sacrosancto Synodo Tridentino denudò sunt confirmata, liberam cuique facultatem relinquentes opinandi huius controuersie quamlibet partem prout uelint, vel magis probabilem esse indicauerit.* sed qui concedit facultas sentiendi oppositum non censetur erroneus, vel temerarius: ergo neutra huius controuersie sententia notanda est censura erroris, aut temeritatis.

Quare dicendum est quintò, vtramque sententiam esse probabilem; nostram verò esse probabiliprem. Prima pars huius conclusionis manifesta apparet ex Extrauaganti suprà adducta, & etiam ex eo quoddam neutra potest alteram damnare vt hæreticam, erroneam, aut temerariam; ergo vtræque gaudet probabilitate opinionis. Secunda conclusionis pars satis fit manifesta ex his, quæ in propria questione adduximus pro ea, ex favore quo san-

ita mater Ecclesia eam vbi libet celebrat, & celebrari præcipit, & audaces contra eam refundit. Ex quo oritur difficultas, An gaudeat maiori aliqua censurâ, quàm maioris probabilitatis?

11. Circa hanc difficultatem Salazar vbi supra 3. 2. cum aliis ab eo relatis ibidem existimat sententiam piam esse moraliter certam, ita vt falsitati moraliter subiacere non possit: quid autem sit esse moraliter certam, explicat per hoc quod similem certitudinem præ se fert cum aliis, quæ certitudinem & infallibilitatem habent, si conferantur horum, & illius rationes, & fundamenta; nam si conferatur cum natiuitate Virginis, cum assumptione, cum præseruatione à peccatis actualibus, &c. quæ in Ecclesia habent certitudinem, non videtur peioris conditionis. Ægidius verò lib. 3. quart. 6. art. 1. §. 9. non solum moralem certitudinem, sed etiam physicam videtur ei tribuere his verbis: *Ecclesia Romana, dum ex certa scientia Conceptionem beata Virginis sub titulo immaculata celebrat, statuit, & declarat sententiam, qua tenet beatam Virginem sine originali fuisse conceptam, non solum simpliciter esse veram; sed ita esse certam, vt à parte rei nullo modo sit falsa.* Cui modo dicendi licet diuerso (vt ipse ait) fundamento consentit ipse Salazar 1. 4.

12. Noster tamen Laurentius Portel in primo Tomo Dubiorum Regularium verbo *Conceptio Deipara* num. 6. refert in regno Portugaliæ anno 1619. mense Maij de mandato supremi & generalis Inquisitoris edicto publico ex decreto (sicut aiebat edictum) summi Pontificis Pauli V. condemnatam fuisse istam propositionem inter alias: *Festum Conceptionis immaculata etiam in particularibus Ecclesiis inconsulto Pontifice quondam institutum, sic eius immunitatem ab originali conuincit, vt ei falsitas subesse non possit: unde quemuis eam de fide institutio eiusmodi festi desipere non poterit, inter veritates tamen, ad fidem pertinentes collocant, quare verum subiret martyrium, qui pro defensione eius moretetur.* An autem condemnatio hæc comprehendat assertiones supra ad-

ductas posset disputari, præcipue cum facta sit anno 1619. & Ægid. typis mandauerit librum de Conceptione Virginis anno 1617. & Salazar anno 1618. existimo tamen eas non comprehendere, tum quia non loquuntur indocte sicut adducta verba sonant, neque de festo Conceptionis inconsulto summo Pontifice; tum quia per expurgatorium de nouo editum à summo Senatu Inquisitionis non sunt prædictæ assertiones abolitæ; tum denique quia grauius, & satis probabilibus nituntur fundamentis: quare prædictam licet hac distinctione declaro.

Pro qua suppono, quod aliqua sententia potest dupliciter accipi: primò quantum ad assensum merè internum, quem doctus habet perpenſis, & auctoris, libratique eius fundamentis etiam per comparisonem ad oppositam: secundò quantum ad manifestationem extrinsecam prædicti assensus. Quantum ad primum optimè potest aliqua sententia, quæ tantum traditur vt probabilis ab Ecclesia, & à summo Pontifice hoc non definitæ, sed simpliciter docente, esse non solum moraliter, sed etiam physicè certa, ita vt ei à parte rei non possit subesse falsum; & in hoc sensu intelligendi sunt præfati Auctores, in quo non deuiant à mandatis summorum Pontificum, qui neque præcipiunt, neque possunt præcipere contra actus merè internos: quare meritò noster Emanuel Rodriguez tom. 1. Quæst. Regul. q. 57. ait. 2. affirmat Concionatores hanc sententiam non debere appellare opinionem, sed debere absolute proferre hanc sententiam veram, quem sequuntur Granados in lib. de Immaculata Conceptione disp. 2. cap. 30. & Salazar cap. 43. §. 2. Abstinentium ergo est à nomine opinionis, quia interior assensus non est cum formidine partis oppositæ.

Quantum ad secundum meritò prohibita est assertio, quæ ait sententiam piam esse physicè certam, ita vt à parte rei non possit subesse falso, quia eà semel posita statim censuranda venit sententia opposita, saltem cā probabilitate, quæ prædicta assertio asseritur;

nam

13.

14.

nam ex veritate vnus apparet falsitas alterius; & si veritas oritur ex Scriptura, Conciliis, & Patribus, &c. falsitas erit contra Scripturam, Concilia, Patres, &c. quare propter euitandas graues Ecclesiæ perturbationes ex hac inuicem censurarum ad inuicem exorientes merito sit ecclesiastica prohibitio vsquedum Ecclesia definiat quid tenendum sit.

15. In fine tamen huius Quæstionis obserua circa defensionem opinionis D. Thomæ quod præter proprium motum exhibitum à Paulo V. anno 1617. quo sub poenis à Sixto IV. impositis prohibuit, vt nullus in concione ad populum, vel in actibus publicis, intellige lectionibus, conclusionibus, disputationibus teneat, vel defendat opinionem D. Thomæ, neque de illa aliquo modo agat; seu tractet, idēque propter scandalum fidelium (videatur Portel vbi supra verbo *Prædicatores* num. 6.) præter hunc inquam proprium motum extat alius postea exhibitus à Gregorio XV. anno Domini 1622. die 2. Iunii, in quo sub excommunicationis sententia, & sub aliis poenis mandauit, ne opinio D. Thomæ etiam in priuatis colloquiis vel scriptis prædicetur, vel defendatur; & quod omnes recitantes diuinum Officium illā die Conceptionis dicant ipsum sub nomine conceptionis, & non sub nomine sanctificationis, quicumque illi sint clerici, vel regulares.

QVÆSTIO II.

Utrum sententia pia vltimò sit ad definitionem disposita?

1. Merito sententiam, quæ negat in beata Virgine peccatum originale, appellamus piā, quidquid cum Caietano in Tractatu de Conceptione §. *ex omnibus autem dictis* alij velint asserentes non continere veram pietatem, sed existimatam, præterea pietatem quidem esse, sed non secundum scientiam; præterea suam quidem sententiam esse probabilem, nostram verò tolerabilem cenferi pos-

se; nam virtus pietatis est secundum Theologos, quæ colit parentes, & alios habitos loco parentum; & nostra sententia colit Virginem loco parentis habitam, iuxta illud, *Monstrat esse matrem*. Præterea in Bulla concessa à Sixto VI. & relata ab Emanuele Rodríguez in Bullario fol. 1143. vbi conceditur Minoritis posse recitari Officium cum Octaua in Festo Conceptionis ait Pontifex: *Nos tam piū & laudabile propositum source volentes*, &c. Tum denique quia est materia voti, & iuramenti, vt latè probat Portel vbi supra, quæ non potest esse nisi materia virtutis, imò & de meliori bono. Quærimus ergo; An hæc sententia pia sit vltimò ad definitionem disposita? Et notanter dicimus vltimò, quia non solum quærimus de dispositione remota, sed etiam de proxima.

Primā ergo in hac re sententia ait neutram sententiam posse pro aliquo tempore definiri. ita asseruit Canus lib. 7. de Locis Catholicis cap. 3. conclusionē 4. Et probat primò, quia neutra hæcenus definiti valuit: ergo neque postmodum definiri poterit. Probat consequentiam, nam quæ hæcenus reuelata non fuit, deinceps nequit spectari reuelatio; sed neutra vltimè modò reuelata fuit: ergo.

Secundò probat, quia Ecclesia vtramque declarauit esse probabilem; ergo definiuit neutram esse ex fide certificabilem: sed quæ sic non est certificabilis, non est definibilis; ergo.

Sententia secunda asserit, quod si aliqua ex duabus oppositis sententiis definienda sit, illa tantum definienda veniet, quæ affirmat beatam Virginem peccatum originale contraxisse, ita expressè colligo ex Medina 3. parte quæst. 27. art. 2. conclus. 2. §. *sed circa hanc conclusionem*. vbi pro ea citat Caietanum in Tractatu de Conceptione Virginis. & hanc sententiam probant plures ex Thomistis Dominicanis, qui ante Sixtum IV. scripserunt, inter quos est Bandelus Spina, &c. Et probant primò, quia omnes Sancti antiquæ Ecclesiæ in ea sententia conueniunt: ergo Patres Ecclesiæ nouæ non possunt contra eos defini-

definire, alias eos omnes condemnarent.

5. Secundò, quia opinio pia nullas habet pro se scripturas authenticas, nullas antiquas reuelationes; sed Ecclesia in definiendo res fidei non utitur nouis reuelationibus, neque aliquid definit quod in Scriptura non contineatur; ergo.

6. Tertio, quia si propter aliquam rationem eam definiret Ecclesia, maxime propter fundamenta opposita, & præcipue propter consensum orbis; sed his omnibus habitis, neque Sixtus IV. neque Concilium Tridentinum, neque aliqui nostrorum temporum summi Pontifices illam voluerunt definire; ergo id est, quia si aliqua sententia definienda veniat, non pia, sed opposita erit.

7. Tertia opinio duo ait opposita contra primam, & secundam relatum: contra primam, quòd sententia pia sit definibilis: contra secundam, quòd quando ad Ecclesiæ definitionem deueniatur, hæc erit definienda, non aduersa. Hanc sententiam expressè, & in terminis docent Ægidius de Præsentatione lib. 3. quæst. 8. art. vnico, §. 1. Salazar cap. 43. §. 6. vbi probat, quòd non solum remotè, sed etiam proximè sit vltimè disposita ad definitionem sententia pia; imò neque expectari debere Concilium generale congregandum sed posse summum Pontificem hoc præstare, propterea quòd Patres Ecclesiæ in Concilio congregantur, vt communio-rem sensum Ecclesiæ aperiant & declarant, quod præstant suis suffragiis, quibus definitiuam tradunt sententiam potèstati à summo Pontifice declarandam, & toti populo Ecclesiæ vt de fide proponendam, quod excusari potest quando communis totius Ecclesiæ sensus uotorius, & apertus omnibus est, vt contingit in præsentis puncto, siue communis iste Ecclesiæ sensus sumatur ex Patribus, & Principibus populi Christiani, vt sunt Episcopi, &c. siue ex communi plebe fidelium, vt sunt reliqui ab illis: Hanc ergo sententiam & nos amplectimur, quam diuersis conclusionibus distinctam probabimus.

Sit ergo prima conclusio contra 8. primam sententiam: Definibilis est sententia pia. ita Suarez 2. tomo ad 3. p. disput. 3. sect. 6. §. dico tamen primo. Valquez ibidem disput. 117. cap. 14. §. hæc uero prima, num. 142. qui duo Auctores asserunt etiam oppositam sententiam esse definibilem, sed difficilior: eam tamen absolute docet Pytiganus ad 3. Scoti quæst. 1. art. 6. conclusione 1. Ægidius & Salazar vbi supra; & satis in eam inclinat Oyeda in sua Informatione pro immaculata Conceptione cap. ultimo, folio 53. pag. 1.

Et probatur primò, quia illa opinio 9. pertinet ad fidem, & est denuò proximè definibilis, quæ vt patet ex testimonio sancti Cecilii ab Apostolis iam fuit definita, vt late probat Ægidius lib. 3. quæst. 5. art. 3. sect. 4. per totam; sed sic se habet nostra sententia; ergo.

Secundò, quia illa quæstio ad fidem 10. pertinet, quæ facit verum & genuinum sacræ Scripturæ intellectum; sed sic se habet quæstio de conceptione, nam ex definitione illius intelliguntur quòd sensu sint accipiendæ, locutiones Scripturæ vniuersales de peccato originali loquentes, & loquentes de Christi redemptione; ergo.

Et confirmatur, quia natiuitas sanctæ beatæ Virginis est veritas ad fidem 11. pertinet; ergo & conceptio immunis ipsius Dei Genitricis etiam potest pertinere ad fidem.

Tertio probatur; quia hæc conclusio 12. supponitur à Sixto IV. Alexandro VI. Paulo V. &c. quatenus iubent vt nullus harum opinionum hæresi damnet oppositum, de nec à Romana, & Apostolica Sede altera fuerit definita.

Quartò, quia in Concilio Basiliensi 13. actum est de definitione illius; & quamuis sessio illa, in qua hoc iudicium prolatum est, legitima propter schisma non fuerit, tamen Patres illius Concilij sententiam istam eò deductam censuerunt, vt de illius definitione, & declaratione iam tunc agi posset; imò & hoc fecisse ex instructione, quam Legati à summo Pontifice habuerunt, scribit Gabriel in 3. dist. 3.

dist. 3. quamvis emissã definitio idẽd non fuerit legitima, quia vigente schismate edita fuit:

14. Quinto denique probat Suárez, quoniam hæc veritas est supernaturalis plurimum referens ad Christianam pietatem, quandoquidem Virginem liberat ab omni peccato etiam originali, imò & pertinens ad diuinum cultum, vt patet ex celebratione festi Conceptionis sub nomine præseruationis, auctoritate Romanæ Ecclesiæ non solum instituta, sed etiam confirmata, quam etiam ipsamet Ecclesia ipsi populo fidei concionibus persuadet; sed quæ sic sunt supernaturalia, pertinentque ad Christianam pietatem, & ad diuinum cultum, sunt definibilia, vt fuere natiuitas eiusdem beatissimæ Virginis Mariæ, præseruatio ab omni peccato mortali & veniali, assumptio in corpore ad celum, quæ sine errore negari non possunt, vt docet Agidius supra §. 2. num. 7. ergo sententia pia definibilis est.

15. Vnde ad argumenta primæ sententiæ respondetur. Ad primum, quod sententia pia ante hoc tempus valuit definiri; imò de definitione eius actum est in Concilio Basiliensi, licet præpter schisma non sit valida eius definitio; & ab Apostolis est definita, vt constat ex verbis D. Cecilij, licet de Concilio isto Apostolorum non satis constet Ecclesiæ; quare à summis Pontificibus merito dicitur, quod veritas ista definita nõ est, id est certũ, & ita vt euidenter omnibus costet. Neq; de hac definitione agendum est tantum propter reuelationes nouas, sed etiam propter antiquas, & propter sacræ Scripturæ testimonia, in quibus vt probauimus continetur hæc veritas.

16. Ad secundum respondetur, quod Ecclesia non definiuit vtramque sententiam ætũm esse probabilem, quandoquidem eius certitudinem distulit vsque ad futuram Ecclesiæ definitionem, & declarationem, sed tantum simpliciter docuit vtramque esse probabilem; id est, quod Doctores Ecclesiæ se haberent circa vtramque sententiam, tamquam circa opinionem probabilem, vñ nullus alteram fugilaret censura hæresis, sicut nequit sen-

tentia quæ est in statu opinionis censurari.

Sit secunda conclusio, Beatissimam Virginem contraxisse peccatum originale nequit de fide definiri: quare quando ad definitionem deueniatur, absque dubio definitur, eam ab originali labe fuisse præseruatam: ita Pertygianus & Salazar vbi supra, & Agidius §. 3. Et probatur primò, quia ex grauissimo testimonio sancti Cecilij constat piam sententiam ab Apostolis fuisse definitam, quamvis temporum iniuria talis definitio ex hominum memoria deciderit: ergo neque oppositum poterit ab Ecclesia definiri, neque non eius definitio potest stare pro sententia pia. Secundò, quia Ecclesia non potest errare in his quæ pertinent ad pietatem, & diuinum cultum: ergo neque definire contra id, quod circa hoc decreuit, stabilivit, fouit, docuit, & ad ipsum allicere procurauit, qualiter se habuit instituendo festum Conceptionis vt prædicetur, celebretur, & ad ipsum per confraternitates, per institutiones religionis monialium, per indulgentiam gratiarum, &c. allicere ad hoc mysterium puræ conceptionis curauit.

Tertiò probatur, quia Ecclesia ita est pro parte ista, quod in Officio, quod pro Conceptione Minores Fratres recitamus, in Oratione ita exposcit vitam æternam, sicut assentit veritati huius sententiæ: id enim significat illis verbis: *Deus, qui per immaculatam Virginis Conceptionem dignum Filio tuo habitaculum præparasti, quasumus vt sicut ex morte eiusdem Filij sui præuisa eam ab omni labe præseruasti, ita nos quoque mundos eius intercessione ad te peruenire concedas.* Nota *ly viscus*, & compone cum *ly ita nos.* Quomodo ergo post hæc posset in contrarium abire, & suam sententiam tamquam omnino falsam mutare?

Et confirmatur, quia si à parte rei nequit hæc pia sententia esse falsa, vt Agidius & Salazar probant; ergo neque poterit alia quàm ipsa definiri, quia nequit definiri nisi verum; ergo quando ad definitionem accedatur, non opposita, sed nostra sententia pia definitur.

20. Quartò probatur à Salazar, & à priori, quia illa sententia proximè definibilis est, pro qua stat maior Ecclesiæ pars; sed pro sententia nostra stat maior Ecclesiæ pars, siue nomine Ecclesiæ Doctores & Pastores illius intelligamus, siue etiam intelligamus ipsorum fidelium partem; ergo Maior probatur, quia idèd Concilium congregatur, vt Patrum in ipso congregatorum suffragiis constet, quid tota Ecclesiæ, vel maior Ecclesiæ pars sentiat circa partem definiendam: vnde Episcopi in legitimo Concilio sub obediencia Pontificis manentis & directionem ab ipso acceptam per omnia sequentes in declaratione sensus Ecclesiæ vniuersalis decisivam, & definitivam sententiam habent, vt ex materia de Conciliis latè tradit Salazar *f. minor non indiget probatione, quia per se patet ex dictis: ergo.*

21. Et confirmatur, quia non est minoris virtutis, & auctoritatis Ecclesiæ iunior, quàm Ecclesiæ antiquior ad definiendum de fide id, quod vel tota Ecclesiæ, vel saltem maior pars Ecclesiæ docet; ergo non minùs est definibilis pia sententia, in qua maior Ecclesiæ pars conspirat, quàm aliæ sententiæ, quæ antiquitùs, licèt aliquando, & ab aliquibus sub dubio extiterè, tamen propter consensum maioris Ecclesiæ partis fuerunt definitæ.

22. Quintò denique probatur, quia vt aliquod dogma sit proximè definibile, tantum requiritur cognitio, & deprehensio alicuius mediij infallibilis, ex quo certò constet illud esse reuelatum à Deo; sed huiusmodi est sensus communis Ecclesiæ manifestatus vt deet, siue in Concilio, siue extra, & hoc conuenit in præsentì casu; ergo. Maior patet ex materia de fide, quia illud est de fide, quod est reuelatum à Deo; ergo cognitio, & deprehensio medio, in quo hoc constet, erit proximè definibile. Minor probatur ex pluribus Scripturæ testimoniis, in quibus promittitur Ecclesiæ Spiritus sancti assistentiã, ne erret in rebus fidei. Vnde Paulus in 1. ad Timoth. 3. Ecclesiam appellat *columinam & firmamentum veritatis*. Et Ioan. 14. dicitur: *Ego rogabo Patrem, & alium Paraclytum, dabit vobis*

Spiritus veritatis; ille docebit vos omnia, & suggeret vobis omnia quacumque dixerò vobis. Et in 1. Ioan. *Sed vos vnitionem habetis à Sancto, & nòtis omnia, &c.* Omitto plura alia. Vnde Bellarminus de Ecclesiæ lib. 3. cap. 16. & Valèntia 2. 2. disp. 1. quæst. 1. punct. 7. & 17. dicunt omnes Episcopos & Pastores Ecclesiæ etiam extra Concilium non posse erroneam aliquam doctrinam amplecti. Ergo.

Ad argumenta secundæ sententiæ respondetur. Et ad primum iam patet ex adductis à nobis Patrum testimoniis cap. 3. pro immaculata Virginis Conceptione qualiter Patres antiqui (fortè paucis exceptis) etiam sint pro opinione pia: præterea licèt non starent, sufficeret quòd staret Ecclesiæ eam celebrans, quæ secundum doctrinam D. Thomæ 2. 2. quæst. 10. artic. 12. præferenda est auctoritati etiam Augustini, Hieronymi, aut cuiuscumque alterius Doctoris: vnde si D. Thomas modò viueret in via, non est dubium quòd hanc sententiam doceret.

Ad secundum similiter patet ex ibidem adductis qualiter Scripturæ authenticæ reuelationes antiquæ, & cetera veritatis momenta sint pro sententia nostra.

Ad tertium respondetur, quòd Ecclesiæ vt prudens mater, & propter speciale gubernium Spiritus sancti (cuius altitudinem nequimus inuestigare) quo regitur, hanc vsque adèd non definiuit; sed non quia non definibilis sit, præcipuè his temporibus, in quibus inuentum est testimonium D. Ceciliij suprà adductum: præterquam quòd iam definiuit sententiam piam Concilium Basiliense, licèt propter schisma non sit validè facta definitio. Concilium autem Tridentinum idèd noluit hoc efficere in illo Decreto, quia tantum intendebat desinire ibi contra Pelagianos negantes in vnoquoque peccatum originale. & etiam quia Deus in dies magis ac magis illuminat Ecclesiam, & fortè expectat, quòd nullis contradicentibus, & agrè ferentibus Ecclesiæ determinationem, eam possit præstare. Hæc, quæ hucusque in hac Quæstione diximus,

mus, tantum debet accipi in sensu probabili, ne à nobis contraria sententia patiatur censuræ iniuriam:

QVÆSTIO III.

Virum sit verè Martyr, qui pro hac Virginis immunitate mortem subiret?

1. **Q**uestio ista conducit tum ad maiorem sententiæ piæ honorem, tum ad maiorem ostensionem veritatis, quæ pro ipsa stat: & pro explicatione ipsius suppono cum communi sententiâ Theologorum, martyrium consistere in passione pro veritate fidei, vel pro veritate alicuius virtutis aliquo modo eam referendo in Christum; qualiter beatus Ioannes Baptista fuit verus Martyr, cum passus fuerit propter suadendam virtutem castitatis, & propter increpationem vitij oppositi, ita communiter docent Scholastici in 4. dist. 47. & D. Thom. 2. 2. quæst. 124. art. 5.

2. Prima ergo sententia docet verum Martyrem fore, qui pro hac Virginis immunitate mortem subiret. ita docet expressè Egidius de Præsentatione lib. 3. quæst. 9. art. vñico §. 4. & pro ea citat Aluarum Pissana de Palaciis in suis Discursibus pro immaculata Cœptione discursu 2. punct. 2. in fine: & probat, quia ille est verè Martyr, qui pro bono alicuius virtutis mortem subit, dummodo illam in Christum aliquo modo referat; sed qui patitur mortem pro defendenda Virginis immunitate, hoc exhibet in obsequium virtutis pietatis, & pro aliqua veritate, quæ colitur ab Ecclesia in gloriam Dei Christi, & Virginis beatæ; ergo.

3. Et confirmatur, quia hoc est efficere opus non solum in obsequium virtutis pietatis, sed etiam pertinens ad fidei pietatem, ad quam Ecclesia alligit; ergo est verum martyrium.

4. Secunda & opposita sententia hoc negat. ita expressè tenet noster Portel in Dubiis Regularibus verbo *Conceptio Deipara* num. 6. vers. *tertio tandem error*, & num. 7. vers. *secundo dico*.

Castillo de Pyaseru. V. Matrjs:

Et probat primò, quia in edicto publico supremi Senatus Inquisitionis regni Portugalæ, quod suprâ retulimus quæstione 1. huius Disputationis, inter alias propositiones condemnatur ista, *Quare verum subiret martyrium, qui pro defensione eius moreretur*. Secundò, quia virtus, pro cuius defensione moriens dicendus est Martyr, debet esse virtus certa, & omnino indubitata, cui ex parte materiæ vel subiecti non possit subesse falsum; qualis est castitas immunitas Ecclesiæ, &c. Si autem virtus aliqua natur opinioni, tunc licet actus exercitus circa talem virtutem putatæ sit quidem pius, laudabilis & meritorius saltem ex bona fide operantis, non tamen erit actus virtutis certæ, & indubitæ: sed moriens pro defensione Conceptionis non exercet actum virtutis certæ, & indubitæ, cui ex parte materiæ vel obiecti non possit subesse falsum: ergo.

Et confirmatur à simili, quia supponamus quoddam homo iustus requiritur ab hereticis vt faciat certum opus, quod aliàs est licitum, & potest fieri, vel saltem non certò constat esse peccatum, iustus autem renuit illud efficere, quia inuincibiliter ignorans putat esse peccatum, & tandem moritur pro omissione illius actus; iste licet meretur & efficiat actum virtutis quasi ex parte subiecti, tamen quia ex parte obiecti non est vera virtus, non est Martyr; sed hoc contingit in nostro casu: ergo.

In hac re pro dicendis ex nostra sententia nota aliud esse velle mori pro veritate huius sententiæ piæ, aliud velle mori pro defensione huius sententiæ piæ: primum enim esse velle mori pro re respectu totius Ecclesiæ vsque modò dubia, licet fortè respectu huius vel illius non sit dubia, sed certa, vel moraliter, vel physicè secundum diuersas sententias suprâ relatas in hac Disputatione quæstione 1. Secundum verò non est velle mori pro re dubia, sed pro re certissima, quia omnino certum est quoddam sit actus virtutis defendere beatam Virginem à peccato originali, vt supposuimus; & probauimus in principio

Z z z 2

Quæ-

tem Doctoris, quem daminabat, cuius mens fuit dicere taliter morientem mori pro defensione fidei, quia ipse asserbat hanc veritatem per celebrationem huius festi esse collocatam inter veritates fidei, vt patet ex verbis suprà adductis, quod Ecclesia modò obuiat vt dicitur. Secundò, quòd sunt absolutè intelligenda, si explicentur non de mortè pro defensione, sed pro veritate defensa, quia cum probabilis tantum sit, & nondum sit definita, non potest pro ea esse verum martyrium. & vtramque hanc solutionem non improbat Portel secundum ea quæ ibidem docet.

11. Ad secundum respondeo concedendo, quòd virtus, pro qua moritur quis, debet esse virtus certa ex parte materię, seu obiecti: nego tamen, quòd virtus, à qua elicitur & imperatur prædicta defensio, non sit vt sic certa, quandoquidem obiectum studiositatis est ostendere veritatem, quam defendit secundum probabilitatem, vel certitudinem, quam in se

habet; & obiectum pietatis est exhibere cultum, & obsequium parentibus; & hoc totum certò relucet in defensione talis sententię: est enim actus ex obiecto & circumstantiis honesto, & consequenter ad aliquam virtutem determinatam spectans; veritas tamen defensata non est obiectum formaliter specificans virtutem, sed tantum materialiter se habet.

Ad confirmationem respondetur 12. tantum probare de illo qui moritur pro veritate probabili, vel pro errore, qualiter moritur ille, qui moritur pro vitando illo, quod existimat peccatum; quia si moteretur pro actione non committendi peccatum, pro aliqua virtute moteretur; & dum de hoc constaret, verus censendus foret Martyr. & hæc de hac quæstione, disputatione & materia cedat vtinam ad laudem altissimę Triadis beatissimę Virginis Marię, in cuius obsequium eam elaboravi B. P. N. Franc. Antonij Didaci Catherinæ, & omnium Sanctorum, & Sanctarum. AMEN.

LAUS DEO IN ÆTERNVM



INDEX

INDEX

Omnium, quæ continentur in hac materia de Præseruatione BB. Virginis Mariæ à peccato originali.

DISPUTATIO PRIMA

De peccato originali.

QVÆSTIO PRIMA.

Quid fuerit in Adamo iustitia originalis?

QVÆSTIO II.

Utrum ex naturæ rei, an autem ex Dei pacto iustitia originalis debita fuerit posteris Adami?

QVÆSTIO III.

Utrum ex peccato Adami derinetur aliquod peccatum in posteris?

QVÆSTIO IV.

In quo sita sit essentia originalis peccati?

PARS PRIMA.

Vera & communis sententia proponitur, & probatur.

PARS II.

In quo sit satis obiectionibus contra nostram, & communem sententiam?

PARS III.

Utrum peccatum originale sit sufficienter voluntarium, & qualiter per originem traducatur?

PARS IV.

Utrum peccatum originale sit verè & propriè peccatum?

QVÆSTIO V.

Utrum peccatum originale tantum traducatur ex Adamo, an etiam ex Eva, & ex quo peccato?

QVÆSTIO VI.

An detur debitum incurrendi peccatum originale, & quod, & quotuplex sit?

QVÆSTIO VII.

Utrum peccato originali debeat sola pena damni, an etiam pena sensus, & quæ?

DISPUTATIO II.

De immunitate beatissimæ Virginis Mariæ à peccato originali.

QVÆSTIO PRIMA.

Utrum beatissima Virgo Maria concepta fuerit sine peccato originali?

PARS PRIMA.

Proponitur sententia affirmans, quod fuerit concepta cum peccato originali.

PARS II.

Proponitur vera sententia negans, assertur, quod concepta fuerit sine originali peccato.

CAPVT PRIMVM.

Ex testimoniis Scripturæ veritas præfata suadet.

CAPVT II.

Ex Conciliis, ex Pontificum decretis, & ex reuelationibus eadem veritas comprobatur.

CAPVT III.

Ex Patribus, & Ecclesiæ Doctoribus veritas nostra sententia ostenditur.

CAPVT

CAPVT IV.

Ex congruentius moralibus, scholasticisq; rationibus eadem veritas comprobatur.

PARS III.

Respondetur ad argumenta in opposi-

tum adducta pro contraria sententia.

QVÆSTIO II.

Virum beatissima Virgo concepta fuerit in iustitia originali?

DISPV TATIO III.

De præseruatione beatissimæ Virginis Mariæ à debito incurrendi peccatum originale.

QVÆSTIO PRIMA.

V*trum beatissima Virgo Maria præseruata fuerit à debito incurrendi peccatum originale?*

QVÆSTIO II.

Quibus Christi meritis præseruata fuerit beatissima Virgo Maria, tum à debito, tum à peccato originali?

DISPV TATIO IV. ET VLTIMA

Circa definibilitatem opinionis piæ.

QVÆSTIO PRIMA.

Q*uem certitudinis gradum habeas opinio pia?*

QVÆSTIO II.

Utrum sententia pia ultimò sit ad definitionem disposita?

QVÆSTIO TERTIA,
ET VLTIMA.

Utrum sit verè Martyr, qui pro hac Virginis immunitate mortem subires?





1552

I N D E X

RERVM ET VERBORVM,

QVÆ IN HOC VOLVME

DE INCARNATIONE

ET PRÆSERVATIONE

CONTINENTVR.

A.



Blata suspitione erroris Arij,
quod posuit Christus absque
Adito dici creatura virgini-
que est probabile in sententia
Scotti, fol. 421. n. 3.

Acceptio non supponit to-
tum valorem in opere, nisi in Christi operibus
fol. 28. n. 9.

Acceptio eo ipso quod præstat ius, præstat va-
lorem, fol. 29. n. 2.

Acceptio antecedens, applicata gratia habi-
tuali, ut esset semen gratia & gloria pro alijs
non esset illi violenta, fol. 55. n. 18.

Acceptio, respectu meriti, non se habet ut con-
ditio per se, fol. 59. n. 15.

Actualiter non timuit Christus malum culpa
& pena, fol. 252. n. 14.

Actus charitatis beatorum, est liber quoad
exercitum, fol. 265. n. 12.

Actus adorationis non solum est externus, sed
potest etiam esse internus, & mere spiritualis,
fol. 428. n. 4.

Ad scientiam per se infusam, non datur habitus
per se infusus distinctus à speciebus, fol. 320.
n. 4.

Ad visionem beatam datur habitus, qui non
dicitur lumen gloria, quia hoc se tenet ex
parte obiecti, sed dicitur habitus visionis, &
requiritur propter actum, fol. 322. n. 2. &
fol. 323. n. 15.

Adoratio quæ sit, fol. 424. n. 3.

Adoratio, quæ in Deum reducitur est triplex,
latria, dulcia, hyperdulia, fol. 425. n. 3.

Adoratio prout respicit Deum consumit vir-
tutem religionis, &c. fol. 426. n. 8.

Adoratio debita hominibus, sic præfata non
est latria sed hyperdulia summa, fol. 438.
n. 15.

Adoratio virginis debita propter eius sanctita-
tem, & virginitatem, est hyperdulia prope sum-
ma, fol. 439. n. 4.

Adoratio imaginum componi debet ex nota
interiori sicut exteriori, fol. 448. n. 48.

Adoratio latria, hyperdulia, dulcia, & honora-
ria sunt diversa species tamen ab eodem habi-
tu adorationis oriuntur, fol. 452. n. 63.

Adamus, & Ena in statu innocentia habuerunt
institium originale & gratiam habitua-
lem, fol. 459. n. 1. & 2.

Angelus, anima separata, & corpori glorioso
coniuncta potuit cognoscere evidentia mathe-
li, & in attestante cognitione naturali argu-
tina mysterium incarnationis iam existent,
fol. 15. n. 4.

Angelus naturali lumini, & absque revelatione
non potuit cognoscere aliquam cognitione clara
& evidenti, sine mediata sine immediata my-
sterium incarnationis iam existent, fol. 17.
n. 11.

Antequam Deus procederet ad prædetermina-
tionem cæterorum, prædeterminauit Christum ad
dignitatem capiti, fol. 97. n. 32.

Anima Christi Domini indigne simpliciter
gratia habitualis ad vires illius effectum haben-
dos, fol. 221. n. 8.

Anima Christi non indigne existente actuali
ad operationes beatificas, bene tamen ad
pertinentes ad statum viatoris, fol. 237. n. 4.
& 5. & 7.

An enim libertate exercitij posset esse de meri-
tum, fol. 266. n. 16.

Anima Christi Deum clare vidit in hac vita
mortalis, fol. 289. n. 3.

Anima Christi indignis lumine gloria ad vi-
nendum Deum, fol. 310. n. 11.

Angelus potest habere species ab obiecto mate-
riali, fol. 310. n. 34.

An habuerit debum remotum, & an pecca-
uerit in Adamo, virumque est probabile,
fol. 530. n. 30.

An quadrat opinio pia aliqua censura maioris,
quam maioris probabilitatis, fol. 542. à
n. 11.

Arduitas requisita ad spem consistit in conti-
nentia, fol. 242. n. 11.

Assumpsit similiter veram animam rationalem. fol. 174. n. 9

B.

Beaia Virgo de fallo non meruit de condigno de digno, neque de congruo munus maternitatis, fol. 201. n. 5

Beata Virgo ut Dei Mater non est adoranda latría, si maternitas eius scholastico modo sumatur sed latíperdulía, fol. 440. n. 10

B. Virgo Maria, concepta fuit in iustitia originali in primo sua conceptionis instanti, fol. 519. n. 17

Beatissima Virgo praefernata fuit à debito proximo, & in propria persona exercito contrahendi peccatum originale, fol. 529. n. 25

Beata Virgo fuit praefernata iuxta a debito proximo, iuxta probabiliter loquendo à lege Adami, iuxta a peccato originali, ex meritis Christi, non solum quoad substantiam, sed etiam quoad modum, & non solum in executione temporali, sed etiam in intentione, & executione aeterna, fol. 537. n. 13

C.

Causa principalis efficiens Incarnationis est tota Trinitas, fol. 187. n. 1

Christus Dominus pro aliorum peccatis satisfecit, fol. 55. n. 2

Cuius satisfactio fuit condigna, fol. 65. n. 5. & fol. 19. n. 17

Christus satisfecit de toto rigore iustitiae specialis, fol. 83. n. 2

Christus fuit primus omnium praedestinatorum & qualiter, fol. 96. n. 30

Christus fuit praedestinator ad minus redemptor post primum peccatum originale, fol. 106. n. 76

Christus est una sola persona verbi in duabus naturis substantialiter existeret, fol. 117. n. 13

Christus Dominus assumpsit verum corpus humanum, fol. 173. n. 3

Conuenientior modus loquendi duas in Christo concedit substantias, (scilicet & naturas) tres tamen cum addito, fol. 175. n. 18

Christus non meruit sua unionem hypostaticam, fol. 192. n. 1

Christus non potuit adhuc de potentia absolute mereri suam Incarnationem non solum in intentione, sed neque in executione, fol. 193. n. 4

Christus meruit circumstantias subsequentes, Incarnationem, fol. 198. n. 2

Circumstantias visionis, & Annuntiationis Christi, meruit Christus, fol. 207. numero 7.

Christus secundum quod homo, non fuit forma-

liter, & alligatus Deo sanctus, & iustus ex vi visionis, hoc est neque ex Destate, neque ex personalitate, neque ex unione ipsa, fol. 223. n. 10

Christus operabatur ex dilectione rationis naturalis, fol. 247. n. 8

Christus Domini usus fuit gratia linguarum, fol. 253. n. 4

Christus est caput eorum fidelium qui sunt iam in Ecclesia militantis, quam triumphantis, fol. 256. n. 3

Christus secundum quod Homo est caput eorum infidelium & damnatorum, fol. 257. n. 7. & 8.

Christus non solum est caput hominum secundum eorum Animas, sed etiam secundum corpora, fol. ibid. n. 10

Christus secundum quod Homo est caput Angelorum, fol. 258. n. 2

Christus non est caput creaturarum irrationalium sicut dicitur & est caput hominum, & Angelorum, fol. 260. n. 3

Christus meruit per alium charitativum, fol. 263. n. 6

Christus meruit per alium dilectionis secundum ad scientiam ipsius infusam, fol. 264. numero 9.

Christus incipit mereri à primo instanti sua conceptionis, fol. 271. n. 9

Christus non meruit in instanti mortis, fol. 271. n. 9

Christus duravit in aeternali merito absque cessatione ab instanti conceptionis usque ad finem vitae, fol. 273. n. 17

Christus non meruit sibi gratiam habitualem, & reliquis habitus cum ipsa infusus, fol. 273. n. 3

Christus meruit exaltationem sui nominis, fol. 276. n. 14

Christus meruit primis parentibus iustitiam originalem, fol. 283. n. 26

Christus meruit nobis non solum gratiam habitalem, sed etiam omnia antecedentia dona ad iustificationem, fol. 284. n. 6

Christus non fuit Beatus per incrementum Dei operationem, fol. 289. n. 1

Christus cognovit in verbo per eandem visionem qua ipsum videbat omnes creaturas iam possibiles quam aeternales quia videt verbum, non solum habitualiter, sed etiam formaliter, & alia, fol. 294. n. 12

Christus habuit scientiam in proprio genere, fol. 298. n. 2

Circa idem obiectum ex Scoto est scientia per se infusa & scientia per se acquisita, fol. 300. n. 12

Christus cognovit per scientiam per se infusam Deum ut unum quantum ad, An etiam, fol. 302. n. 2

Christus per scientiam per se infusam cognovit Deum ut unum, & Trinum quantum ad quid est, fol. 304. n. 10

Christus cognovit per scientiam per se infusam abetia

obiecta sensibilia & materialia, Fol. 308. n. 27
 Cognovit Christus per scientiam per se infusam obiecta materialia, & spiritualia naturalia, fol. 311. n. 39.
 Christus cognovit scientia per se infusa obiecta hac sapientia naturalia, & quære, Fol. 311. numero 43.
 Christus cognovit per scientiam in se infusam singularia determinata pro quantum temporis differentia, Fol. 311. n. 49
 Christum non indiget, licet posset uti hac scientia cum conversione ad phantasmata, Fol. 326. n. 15
 Cognatio intuitiva Christi fuit minus perfecta quam Angelorum, Fol. 328. n. 25
 Christus nihil didicit ab homine, vel ab Angelo, fol. 335. n. 29
 Christus in quantum homo, non habuit omnipotentiam participatam, fol. 336. n. 2
 Christus ut homo fuit Rex temporali omnium Regum, sed non iurisdictione ordinaria, sed altioris ordinis, Fol. 342. n. 3
 Christus potest dici Rex spiritualis Ecclesie, fol. 345. n. 6
 Christus fuit verus, & proprius sacerdos, fol. ibid. n. 1
 Christi sacerdotium, secundum ordinem Melchisedech, fuit æternum, pro æternitate Dei sumptum pro dignitate sacerdotali, & pro alia sacrificandi usque ad finem mundi, fol. 347. n. 13
Christus est filius Dei naturalis, Fol. 349. numero 1.
 Christum secundum quod Homo non est formaliter, sed tantum materialiter filius Dei naturalis, fol. 365. n. 63, & fol. 368. n. 60, & fol. 380. n. 113
 Concilia & Patres solam agnoverunt in Christo filiationem naturalem increatum, & non aliam, fol. 366. n. 17
 Christus in quantum Homo non est filius Dei naturalis formaliter per donum unionis, fol. 370. n. 88
 Christus secundum quod Homo, non est filius naturalis totius Trinitatis, Fol. 374. n. 101.
 Christum secundum quod Homo, non est Filius Dei naturalis, quia sic Patris similis in natura humana, fol. 377. n. 110
 Christus ut Homo fuit proprius & stricte servus Dei, fol. 390. n. 6
 Christus ut homo verus, & proprius orans ad Deum, dum erat viator, Fol. 392. numero 4.
 Christus in calo non solum orat improprie, sed etiam verè, Fol. 394. n. 12
 Christus assumpti corpus naturale subiectum passionibus, Fol. 403. n. 2
 Corpus Christi non fuit deforme, sed pulchrum, Fol. 403. n. 6
 Christus voluntarie Assumpti defectus natura-

les in alione aliqua, vel passione consumit, Fol. 404. numero 12.
 Christus non solum habuit stricte circa suam mortem in appetitu sensitivo, sed etiam in rationali, Fol. 409. n. 17
 Christus in quantum Homo potest dici creatura, Fol. 423. n. 3
 Christus in quantum homo est persona & falsa, ibid. n. 7
 Christus Deus & Homo debet adorari, adoratione latra, Fol. 450. n. 1
 Christi meritis, fuit Virgo redempta ab his, à quibus fuit libera, Fol. 533. n. 1

D.

Datur in individuo, Deitatis substantia absoluta, Fol. 137. n. 2
 Dantur similiter in personis tres substantia absoluta, Fol. ibid. n. 3
 Daturia posterius Adami debitum peccandi originaliter, Fol. 488. n. 4
 Debitum hoc est necessitas contrahendi peccatum originale, Fol. ibid. n. 10
 De potentia absoluta potuit Deus accipere alicuius meriti naturalem elicitationem ex motu honesto naturali ut de condigno meritum ad vitam æternam, Fol. 36. numero 5.
 De potentia absoluta posset homo puniri satisfacere pro suo peccato mortali & qualiter, fol. 44. n. 40
 De potentia Dei substantia communis individui Deitatis potest terminare naturam creatam, Fol. 141. n. 25
 Dentes, ungues, capilli sunt corporis partes verbè unitæ, Fol. 180. n. 23, & 24.
 De fallo humanis Christi non meruit hypostice vari, Fol. 190. n. 1
 De fide est quod in Christo Domino propter unionem hypostaticam fuerit aliquod donum creatum pertinet ad eius sanctitatem, Fol. 227. n. 5
 De diversis Christi appellacionibus, & ex qua natura, Fol. 287. n. 1
 De obiecto supernaturali non includente ordinem ad aliquid incrementum potest dari species naturalis, Fol. 311. n. 42
 De fide est nullum in Christo fuisse peccatum neque originale, neque alluale, mortale, aut veniale, Fol. 397. n. 1
 De potentia Dei Christus ut homo potuit adhuc peccare in sensu composito, & supposita unioni ad verbum, Fol. 401. n. 20
 De potentia Dei potuit in ipso esse ignorantia positiva, Fol. 40. n. 5
 Defectus aliquos corporis anima qua communes assumpti Christum, Fol. 405. numero 1.
 De potentia absoluta potuit fomes esse in Christo, Fol. 407. n. 10

De alijs predicationibus adrelluorum, fol. 418

an. 14

De potentia Dei infinita originalis potest esse forma iustificanti, fol. 465. n. 39

Debitum proximum debet appellari exorcismum debitum vero remotum signatum, fol. 490. n. 21

Dilectio Dei meritoria non solum debet esolubera prout respiciat bona extrinseca Dei sed etiam prout respiciat ipsam Deum, & consequenter ut sic debuit esse meritoria, fol. 264. n. 2

Diffusio de exceptione Virginie à locutionibus generalibus scriptura, an sit exclusio vel non inclusio, fol. 111. à n. 81

Diffinibilis est proxime, sententia pia, fol. 544. n. 8

Dona Spiritus sancti non sunt habitus distincti ab habitibus virtutum, fol. 349. numero 12

Dupliciter potest aliquid medium esse proximum fini, fol. 98. n. 38.

Duplex potest esse illatio, & qualiter, fol. 356. n. 35

Duplex est timor, unus contra securitatem, alius contra fortitudinem seu audaciam, & sic ultimus fuit in Christo, Fol. 413. numero 32.

Duplex hoc debet, unum remotum, aliud proximum, seu secundum quid, & simpliciter, fol. 489. n. 15

E.

Ecclēsia Angelorum est eiusdem rationis cum Ecclesia hominum, & Christus eadem ratione caput utriusque, fol. 259 n. 5

Entitas producta per Incarnationem est relatio extrinseca aduenienti, fol. 128. numero 17

Enuntiationes quae sunt per communicationem hanc sunt propriae, fol. 417. numero 10

Eodem numero natura nequis simul terminari à pluribus personis, fol. 144. n. 5

Eodem modo sunt corporis partes picta bilis atra, &c. fol. 180. n. 21

Equivalētia rei ad rem est duplex una arithmetica, alia geometrica, fol. ibidem numero 4

Erant haeretici Nestoriani non ita ut in re sed directe, fol. 356. n. 34

Exemplum verisimilius ad mysterium Incarnationis de subiecto & accidenti, de partibus adiectis, fol. 7. n. 16

Est tantum duplex, una congrua, alia condigna fol. 26. n. 3

Est tamen maxima secundum rationem materialem, fol. 134. n. 6

Est tamen de fide, quod hoc donum permanens

fit gratia, fol. 228. n. 8

Est propria producta propositi, intellectus de humanitate in abstracto ex parte subiecti, fol. 387. n. 13

Et venit reducenda ad predicamentum habitus, & non ad predicamentum passionis, fol. 130. n. 30

Etiā fuit beata ab instanti conceptione, fol. 289. n. 4

Et fuit tristitia in appetitu rationis, secundum portionem superiorem, fol. 409. numero 19.

Et qualiter producit Christus & homo, fol. 417. n. 13

Et virtus Moralis, & pertinet ad iustitiam, fol. 426. n. 6

Etiā si sunt in Deo diversa attributa, & ab ipso nobis collata diversa beneficia, circa hoc tantum est una species latria, fol. 430. numero 12.

Ex eo quod Christus videat infinitas creaturas non videt infinitum in alio, fol. 298. n. 34

Ex creaturis possibilibus solum cognovit Christus per hanc scientiam omnes species, non tamen omnia individua, fol. 317. numero 70.

Explicatur error Felicis & Elipandis circa adaptionem Christi homini, fol. 352. numero 18.

Extensio somitis promittebat in Christo tum ab extrinseco, tum ab intrinseco, fol. 407. n. 7

Ex adoratione latria Eucharistia Sacramentum exhibita, necessario inferitur realiter praesentia corporis & sanguinis Christi sub speciebus, fol. 455. n. 8

Ex peccato intemperantiae & inobedientiae commisionis fructus arboris scientiae boni & mali gradatur in posteros peccatum originale, fol. 426. n. 19

Exercitium contrahitur in primo conceptu infanti, fol. 490. n. 22

Ex congruentiis moralibus scholasticis quo rationabilibus eadem veritas ostenditur, fol. 508. n. 67

F.

Felix & Elipandus, duas in Christo adstruunt personas, fol. 353. n. 21
Felix & Elipandus constituebant duas filios personaliter oppositos, fol. 358. numero 43.

Fit factus argumentum contra adoptionem & pro filiatione naturali, fol. 580. n. numero 118.

Fuit conveniens natura humana, & univēse, fol. 18. n. 8.9

Fuit conveniens reparationi generis humani, fol. 39. n. 11

Fuit

Fuit convenientis semper fallum. Fol. 20. numero 12.
 Fuit tamen quantum ad modum possibilitatis decretum in remedium peccati Fol. 91
 Fuit in Christo virtus liberalitatis, & magnificencia fol. 248. n. 23
 Fuit alius timoris prout respicit maiestatem Dei saltem de potentia absoluta, potentem permittere malum culpa, & infligere malum pena. fol. 251. n. 12
 Futurum contingens prout in causaque cognoscitur scientia per se, neque per accidens infusa. fol. 314. n. 56
 Futurum contingens in se specificatum acceptum potuit a Christo cognosci per scientiam per se infusam. fol. ibid. n. 57
 Futurum contingens etiam reduplicative acceptum cognitum fuit a Christo per hanc scientiam. fol. 315. n. 61
 Fuit propriis actibus adquefita à Christo Domino, fol. 331. n. 11

G.

Gratia habitualis Christi neque in esse gratia, neque in esse qualitas est infusa in alia phisice, fol. 229. numero 5.
 Gratia habitualis Christi de potentia ordinaria non potuit augeri. fol. 232. n. 1
 Gratia existens fuit debita Animæ Christi tantum ex congruentia. fol. 238. numero 8.
 Gratia & gloria essentialis Angelorum fuit ex meritis Christi Domini concessa ipsis à Deo. fol. 277. n. 4

H.

Habuit Christus gratiam fidei. fol. 254. n. 6
 Habuit gratiam prophetia. fol. ibid. numero 8.
 Habuit scientiam per se acquisitam. fol. 299. n. 3
 Habuit scientia acquisita non sunt ipsa species, sed quædam qualitates facilius potentium fol. 332. n. 8
 Habuit Christum dominum excellentia super omnes res mundi, fol. 344. n. 3
 Habuit infinita originalis, & habitus gratia sunt realiter distincta, neque repugnat dari primatorem unum & non alterum. fol. 460. n. 6
 Habitus infinita originalis prout distincta à gratia habitualis est multiplex. fol. 461. numero 17.
 Hac Enstias produta per incarnationem non est qualitas. fol. 127. n. 2
 Hac visio de facto fuit in Christo summa a. b. c. d.

tia, non autem de possibili, quia potuit esse Maior in angelo. fol. 292. n. 3.
 Hac visio ad omnia hæc non erat comprehensiva Dei. fol. 295. n. 19
 Hac scientia non solum attingit obiecta Materialia, spiritalia supernaturalia non includentia ordinem ad aliquid incrementum, sed etiam ipsum includunt, dummodo creatum sit alias clare cognitum. fol. 329. n. 3
 Hac scientia in Christo debuit esse abstractiue diversina sicut in reliquis hominibus. fol. 335. n. 26
 Humanitas Christi non fuit instrumentum phisicum ad paranda Miracula, sed tantum Morale. fol. 338. n. 5
 Hac predicatio, Deus fallus est homo, est propria. fol. 419. n. 2
 Hoc debuit iuxta Regulas iuris civilis, & potest appellari civile, & Naturale, & pratorum & quare. fol. 489. n. 11.
 Hi heretici negabant communicationem idiomatum in Christo. fol. 335. n. 31.
 Hi de factum non fuerunt Christo coacti. fol. 405. n. 13.
 Hic actus adorationis interius est alius intellectus. fol. 429. n. 8.
 Humanitas verbo unita adoratur E. a. tria quæ Deus sed vi obiectum quod per se secundarium, fol. 431. n. 6
 Homo iustus satisfaciit de condigno pro peccato Mortali sed in alio primo, fol. 44. n. 39
 Hoc non voluit quod fuerit predestinatus in remedium a. i. orum peccatorum, sed non primo & principaliter. fol. 113. n. 13
 Homo est capax silationis Dei adoptiva, fol. 349. n. 2
 Hoc peccatum non transfunderetur si alio peccato peccasset Adam. fol. 486. n. 22

I.

Idem quod de Virgine est dicendum de Patribus progenitoribus Christi. fol. 206. numero 28.
 Idiomatica naturarum Christi communicantur ad invicem fol. 415. a. n. 39
 Idipsum est dicendum de hoc, Deus factus est hic homo. fol. 430. n. 4
 Idem est dicendum de hac propositione, Christum incepit esse. fol. 422. n. 7
 Idem est dicendum si percipio fiat per voluntatem. fol. 437. n. 13
 Idem est dicendum de Christo vi homine. fol. 385. n. 6.
 Ille prout alius est timor reverentialis, sed inadæquatus. fol. 252. n. 16
 Imago Christi potest, & simul cum prototypo adorari latra, & potest per se vi quod adorari non adorato prototypo in re, sed non extitisse in obliquo inferiori tamen adoratione fol. 449. n. 51

*Imo supposita cognitione clara terminis incre-
ta, potest naturaliter cognosci praelatum
obsculum supernaturale, fol. 312. nume-
ro 46.*

*Immortalitas illius innocentia, non esset im-
potentia ad mori, sed carentia, alius morien-
di. fol. 465. n. 33*

*Impugnatur diversus modi adstruendi peccatum
originale, secundum diversos Auctores,
fol. 471. n. 5*

*In Christo fuit virtus penitentia secundum
formalem rationem ipsius, fol. 248. nume-
ro 15.*

*In Christo fuisse septem dona Spiritus sancti est
de fide. fol. 249. n. 4*

*In Christo fuerunt omnes gratia gratis data,
fol. 253. n. 1*

*In anima purgatorii & lympi potest reperiri
Prophecia. fol. 255. n. 13*

*In quo differant in hoc Scotus à D. Thoma,
fol. 300. n. 10*

*In quo differat species intuitiva abstractiva,
fol. 305. n. 15*

*In Christo fuit scientia per se adquisita tam ab-
stractiva, quam intuitiva, fol. 329. nume-
ro 1.*

*In quo commenant, & differant dolor, & tristitia,
fol. 411. n. 23*

*In Christo fuit vera, & propria admiratio, &
quare, fol. 414. n. 37*

*In illo fuit vera ira, amor & odium, desiderium
& fuga, dilectio tam in appetitu, quam in
voluntate, non tamen fuit spes, fol. 415. à
n. 39*

*Intercessio cum Adamo postum Dei quod si non
commedisset de arbore sibi prohibita, trans-
funderet in posteris iustitiam originalem,
fol. 467. n. 9*

*In qua conceptione contrabatur peccatum ori-
ginale, fol. 496. n. 1*

*In doctrina Scoti, qualiter sit in his decre-
tis philosophandum, fol. 536. à nume-
ro 10.*

*Incarnationis nomen non est fugiendum propter
novitatem ipsius, fol. 3. n. 2*

*Incarnationis per vocem non significatur ver-
bum assumpsisse solum carnem, sed etiam
totam naturam humanam, fol. ibidem nu-
mero 3.*

*Incarnatio fuit vilissima ad reparationem
hominis, fol. ibidem. n. 18*

*In satisfactione Christi Domini reperta fuit
vera, & specialis iustitia erga Deum. fol. 76
n. 3*

*Incarnatio verbi non fuit primario à Deo in-
venta in remedium peccati, unde etiam si A-
damus non peccaret Christus veniret, fol. 91
n. 10*

*In quo signo voluit Deus omnes homines salvos
fieri, fol. 97. n. 33*

*Incarnatio quantum ad substantiam non depen-
det à duplici causa finali, & quare licet*

*sint duo decreta circa ipsam, fol. 108. nu-
mero 75.*

*Incarnatio est actio productiva alicuius entis,
fol. 126. n. 9*

*In Christo fuit duplex voluntas, scilicet, & du-
plex operatio, fol. 213. n. 4*

*In Anima Christi fuit gratia habitualis et-
iam secundum omnes effectus, fol. 220. nu-
mero 4.*

*In Christo neque fuit fides actualis, neque habi-
tualis. fol. 239. n. 2*

*In quo differat amor amicitia, ab amore con-
cupiscentia, fol. 241. n. 2*

*In quo differant affectus commodi, & affectus
iustitiae, fol. ibidem. n. 3*

*In Christo non fuit alius vera & propria spei
theologalis, fol. 242. n. 9*

*In Christo fuit desiderium efficax circa glo-
riam corporis sui, exaltationem sui nominis
& consummationem Sanctorum, fol. 243. nu-
mero 17.*

*In Christo fuit charitas, fol. 245. nume-
ro 26.*

*In Christo fuerunt omnes virtutes morales qua
non repugnabant, aut cum se aut beatifico,
aut cum unione hypostatica, fol. ibidem, nu-
mero 63.*

*In Christo ab instanti conceptionis fuerunt vir-
tutes morales in gradu heroico, & perfectiori
modo possibili, fol. 246. n. 6*

*Iustitia originalis ut constituit suum statum
erat habitus, fol. 406. n. 7*

*Iustitia originalis cuius prout à gratia habitua-
li distincta erat supernaturalis quoad sub-
stantiam, fol. 463. n. 25*

*Iustitia originalis prout à gratia habituali di-
stincta non constituitur hominem Deo gra-
tium gratitudine speciali, qua daret ius in or-
dine ad gloriam, fol. 465. n. 38*

*Iustitia originalis fuit debita posteris Adami,
non ex natura rei, sed ex Dei patre, fol. 466
n. 4*

L.

Licet fuisset ad hominis reparationem sim-
pliciternecessarium verbum incarnati,
non tamen mori, fol. 25. n. 15

*Licet in Christo daretur actualis assensus fidei
in fusa non necesse debuit habere positum piem
affectionem, fol. 240. n. 8*

*Locutiones quae fundantur in communicatione
idiomatum sunt vera, quia idiomata sum-
pta in concreto supponunt directio pro supple-
to verbi, fol. 416. n. 4*

M.

Mali peccatum est originale, quam ve-
niens, fol. 50. n. 16

Ma-

Magis inclinatur Scotus in sententiam qua docet quod retenta unitate suppositi Christus secundum quod homo, sit formaliter filius Dei adoptivus, fol. 359. n. 46.
Manifestum fuit Adamo, quod hoc patrum, non solum erat pro se, sed etiam posteris, fol. 468. n. 15.
Metas in lege promissus est verus homo & verus Deus, fol. 12. n. 2. 3.
Mysterium incarnationis fuit convenienti Deo fol. 18. n. 4.
Merita Christi Domini tribus modis fuerunt infinita valoris, fol. 64. n. 3.
Merita Christi Domini habuerunt valorem negativum, fol. 72. n. 47.
Merita patris hominis summi sancti qua possent dari de possibili non aequarent valorem meritorum Christi Domini, fol. 75. numero 17.
Merita Christi Domini non potuerunt habere premium proprii & rigorose acceptum, sed in laea significatione, fol. ibidem, numero 60.
Meritis tamen de condigno illam adquirendam per meritorum, similiter & per resurrectionem, fol. 193. n. 2.
Meruerunt tamen complacentiam decreti incarnationis qua sumus carer incarnationem si non esset iam decreta, fol. 197. numero 8.
Meritis tamen de condigno videre Christo obsequia matris, fol. 204. n. 20.
Meritis tamen gloriam sui corporis & dotes eius, fol. 275. n. 9.
Meritis similiter omnibus predestinatis primam electionem ad gloriam & gratiam, fol. 283. n. 27.
Multo minus fuerunt infinita physice etiam cum respectu ad verbum dicendum, fol. 68. vsque ad 72.

N.

Natura Angelica potuit assumi a verbo domino, fol. 166. n. 2.
Natura humanitas existens cum propria personalitate non potest assumi a verbo, fol. 171. n. 1.
Natura humana non existit in verbo violenta & quare, fol. ibid. n. 4. & 7.
Natura humana Christi existit propria existentia creata & non verbi, fol. 208. numero 3.
Neque homo purus satisfacere de condigno pro suo peccato mortali de facto & quare, fol. 38. n. 11.
Neque obstat rigori iustitiae quod fundetur in gratia in radice, fol. 89. n. 8.
Neque est modus substantialis absolutus, vel relativus, fol. 127. n. 14.
*Neque propterea impediretur personalitas re-
 ducere in communicabilitatem quam ex se ha-*

bet, fol. 142. n. 19.
Neque beata virgo neque creatura aliqua fuit causa instrumentalium incarnationis verbi, fol. 188. n. 7.
Neque Christus dici duo masculina, neque neutraliter, fol. 211. n. 1. & 4.
Neque similiter potest dici quod Christus est aliud & aliud, fol. 212. n. 10.
Neque similiter potuit augeri de potentia Dei absoluta, fol. 233. n. 7.
Neque meritis gloriis essentialium sua anima, fol. 274. n. 5.
Neque per cognitionem intuitivam, neque per abstractionem cognovit omnia existentia propter quantum temporis differentia & quare, fol. 318 n. 77.
Neque est convenienti quod si appellentur passiones, fol. 406. n. 2.
Neque est incongruum virginem sic adorare in praxi, fol. 441. n. 16.
Neque transunderes si solum affectu interiori comedendi de arbore prohibita peccasset, fol. 487. n. 24.
Neque est de fide, quia ab omnibus posset credi, fol. 541. n. 5.
Neutra scientia est notanda censura erroris, neque temeritatis, fol. 541. n. 9.
Nequit definiti contraria sententia, fol. 545. n. 17.
Nulla fuit prioritas temporis in qua a verbo assumereatur partes absque toto, fol. 181. n. 2.
Non repugnat de potentia Dei quod aliqua creatura possit esse causa efficiens principalis incarnationis, fol. 181. n. 3.
Non potest ratione aliqua evidenter ostendi impossibile esse mysterium incarnationis, fol. 7. n. 2.
Non potest evidenter ostendi ab intellectu creato, etiam angelico viribus natura relicto possibilitas incarnationis, fol. 6. n. 4.
Non fuit simpliciter necessarium Deo hominem reparare etiam supposito lapsu, fol. 22. n. 6.
Non obstat satisfactioni condigna quod inuitatur gratia in radice, fol. 32. n. 26.
Non debes esse eadem persona satisfactionis, qua fuit iniuriarum, fol. 34. n. 32.
Non negat Scotus auxilium speciale, sed illud appellare in cursum generalem, & quare, fol. 36. n. 3.
Non pendebat ex acceptatione Dei, bene tamen quantum ad ini, fol. 58. n. 13.
Non fuerunt infinita moraliter, fol. 65. numero 11.
Non fuit decreta incarnatio dependentem a remedio peccati tamquam a medio unico, fol. 94. n. 20.
Non minus est probabile quod constituantur duplici negatione animalis & apertitudine communicationis, fol. 155. n. 14.
Nulla gratia habitualis, aut similis qualiter dispositiva praesens in natura humana Christi ad unionem neque ex necessitate neque ex congruentia, fol. 189. n. 11.

Non repugnabat de potentia quod similis dispositio *præcederet*, fol. 190. n. 15
 Non tamen repugnat de potentia Dei quod de condigno hoc meruerit, fol. 191. numero 8.
 Non potuit dari unip. hypostatice per modum anticipati solutionis, fol. 194. numero 8.
 Non meruit circumstantias antecedentes qua directe respiciunt Incarnationem, sed eas & conchinitatiter qua non directe respiciunt, fol. 199. n. 5. & 6
 Non est de fide quod sit habitus, fol. 227. n. 3.
 Non meruit de seculo continuationem & perseverantiam unionis hypostatice gratia & gloria essentialis, fol. 276. numero 16.
 Non adfirmat Scotus speciem infusam universales in representando determinatam pro obiecto terminato, fol. 301. n. 14.
 Non fuit peculiariter Rex Indorum iure hereditario vel alio titulo, fol. 343. numero 3.
 Non est de fide quod in Christo vi homine non fuerit ignorantia primativa, fol. 401. numero 2.
 Non assumptum morbum naturalem, fol. 403. numero 3.
 Non fuit in Christo Domine, fol. 406. numero 4.
 Non potest dici quod Christus in quantum homo sit Deus, fol. 423. n. 5.
 Nomen Iesu fuit scriptum sine prolato est admodum eadem adoratione qua Christi magis adoratur & eodem modo, fol. 442. numero 1.
 Non solum non est superfluum, sed utilissimum signo crucis in attentionibus in quibus co-vitatur Ecclesia, fol. 444. n. 31
 Non prestat hoc signum suos effectus ex opere operato sed operantis, fol. 445. numero 33.
 Non ab Eva, sed a solo Adamo traditur peccatum originale, fol. 484. n. 3.
 Non est improbabile quod Eva sit causa partialis peccati originalis, fol. ibid. n. 9
 Non tamen debetur illi puna sensus, fol. 493. n. 12.
 Nostra sententia pia notandum est ab Ecclesia definita, fol. 540. n. 2.

Omnia, qua Christus, cognovit scilicet se missa non cognovit unico actu, fol. 341. n. 19
 Omnia qua Christus essentialiter voluit facta sunt, fol. 341. n. 19
 Oratio Christi effectus, semper fuit a Deo exaudita, fol. 393. n. 7

Oratio inefficax, est vera Oratio, qua non fuit exaudita, fol. ibid. n. 9
 Organisatio Corporis Christi processit tempore brevissimo animationem eiusdem, sed non quantum ad edulionem forma corporalis. fol. 186. n. 12.

P.

Patres non habent partialem substantiam neque substantia totum componitur ex substantiis partium, fol. 161. numero 8.
 Partes substantiales quoad existentiis parata habent suam propriam, & specialem substantiam, fol. ibid. n. 13
 Patres non meruerunt de seculo substantia Incarnationis, fol. 196. n. 1
 Patres non meruerunt accelerationem Incarnationis prout hac significat abbreviationem temporis iam statui, bene tamen definibile a Deo, fol. 207. n. 3 & 6
 Participans fructum orationis suae, & sui sacrificij, fol. 346. n. 40.
 Passio Christi Dominus Principaliter fuit intentata in remedium peccati Originalis prout in Adamo contracto, fol. 112. n. 10.
 Partes substantiales, materialiter separatae potuit verbum Divinum terminare, fol. 169. numero 18.
 Permissio peccati originalis habebat connexionem cum medio gratia auxilii gratiae conferenda ex meritis Christi, fol. 100. numero 43.
 Persona verbi terminavit naturam humanam secundum substantiam relativam, fol. 138. n. 8
 Personaliter in suo conceptu formali dicit aliquid reale & realiter distinctum a natura fol. 154. n. 6
 Per gratiam collatam ex meritis Christi nullatenus potuerunt illam mereri, fol. 192. numero 4.
 Per quos alium meruerit Virgo Maternitatem vulgariter dictam, fol. 25. n. 27
 Pertinuit ad eam per modum meriti non formaliter sed obiective, fol. 272. n. 15
 Peccatum Originale essentialiter consistit in privatione iustitiae Originalis debita naturae humanae, fol. 496. n. 29
 Peccato Originali debetur puna Domini, fol. 492. n. 2.
 Punia qua pro Originali patiuntur in hac vita ad duo capita seu genera reducuntur, & qua fol. 495. n. 24.
 Per hanc privationem, intelligitur privatio omnium donorum collectivae, qua in omnibus potentia, tam sensus inquam, & rationalibus erat, imo & gratia habitualis, fol. 477. n. 36
 Peccatum originale in parvo est voluntarium,

tarium, duplici modo, & quali, fol. 481. numero 57.
 Per accidens infigitur homo, non physice, sed indirecte, & per residuum tantum, fol. 482. numero 61.
 Peccatum originale est vere, & proprie peccatum & malum morale, fol. 482. numero 66.
 Peccatum originale, & aliud committunt univoco in ratione peccati, fol. 482. numero 70.
 Pia assuetudo & habiti si datur in alio, fuit in Christo ex moris fidei, imo maius quam in aliquo alio, fol. 240. n. 9. & 10.
 Pluralitas in concretis substantiis de prout amentis substantia, neque est sumenda ex pluralitate forma, neque suppositi, sed ex eo quod significatur per se ex vi vocis, fol. 151. n. 12.
 Possibile fuit naturam humanam uniri verbis, fol. 4. n. 4.
 Potest equalitas exiri, & ex natura res acceptatione, fol. ibid. n. 5.
 Potest homo parvi & iniustus satisfacere de condigno pro suo peccato veniali ad minus per contritionem, fol. 47. n. 61.
 Potest similiter satisfacere pro eo de toto rigore iustitia, fol. 49. n. 14.
 Potuit verbum assumere naturam accidentis, fol. 168. n. 31.
 Potuerunt illam mereri de condigno ex gratia collata ex merito liber alitate Dei, fol. ibid. n. 2.
 Potuit tamen de potentia Dei sanctificari per aliam sermone a gratia, fol. 225. n. 19.
 Potentia hominis antequam Christo propter unionem ad verbum, non fuerunt physice potentiores quam si forent in propria supposito creato, fol. 337. n. 7.
 Potest quis mori absque infirmitate, & sic potuit Christus mori, fol. 405. n. 16.
 Propter hanc terminationem specialem verbi non dicuntur reliqua persona, esse speciali modo in humanitate Christi, fol. 141. numero 21.
 Propter naturam a habentem contrarietatem idiomatum, fol. 149. n. 2.
 Propter in oratione primum est maius bonum quam bonum meritis, fol. 28. n. 10.
 Probabile est quod personaliter creata constituant aliqua entitate positum morale, fol. 154. n. 8.
 Probabile est quod persona creata non possit terminare alienam naturam, fol. 164. numero 6.
 Primi natura assumpsit partes vi quo, quam totum, fol. 183. n. 9. & fol. 184. n. 4.
 Probabile est secundum doctrinam Scoti quod virtutes morales possint esse per se infusa, fol. 246. n. 5.
 Prophetia in Christo fuit per modum habitus & circa omnia preterita, presentia & fu-

tura, fol. 255. n. 14.
 Primi ratione assumpsit verbum totum vi quodque partes, fol. 182. n. 5.
 Probat ex scriptura hac sententia, fol. 360. n. 49.
 Probat ex patribus, fol. 362. n. 55.
 Probat rationibus, fol. ibid. n. 56.
 Probabile quod gaudium provenient a visione & fruitione beati fuerit suspensum in passione Christi, fol. 408. n. 15.
 Propter temperamentum ad pondus fuit maximus dolor Christi, fol. 411. numero 28. & 30.
 Præmissa facta per intellectum potest humanitatem Christi adorari, non adorato verbo, propter sanctitatem, & gratiam in eo existentem, fol. 435. n. 5.
 Propter contractum, & quasi reliquia Christi solum est adoranda illa crux, vel particula illius (qua lignum crucis communiter appellatur, in qua Christus pependit, fol. 443. n. 28.
 Præter habitum iustitia originalis, statum innocentie requirebat auxilia interna & externa protectionis, fol. 464. n. 30.
 Pro eodem tempore instanti non fuit B. Virgo Maria, simul cum gratia habituali, & peccato originali, fol. 496. n. 2.
 Probat ex conciliis, ex Pontificum decretis, & ex revelationibus, fol. 503. n. numero 37.
 Probat ex Patribus, & Ecclesia doctoribus, fol. 506. n. 51.

Q.

Quando fuisse simpliciter necessarium Deo hominem reparare, non tamen ad id fuisse necessaria verbi incarnatio, fol. 23. n. 10.
 Qualiter se habet acceptatio in opere meritorio, fol. 27. n. 7.
 Qualiter satisfactio condigna debeat esse ex bonis propriis, fol. 30. n. 56.
 Qualiter debeat fieri ex bonis alio titulo non debitis, fol. 31. n. 19.
 Qualiter non supponit gratia creditoris, fol. ibid. n. 22.
 Qualiter persona offensata teneatur acceptare satisfactionem, fol. 33. n. 27.
 Qualiter interdum, & hominem possit reperriri ver a iustitia, fol. 34. n. 35.
 Quare de facto opera hominis peccatoris non sunt de condigno satisfactoria aut meritoria, fol. 46. n. 46.
 Qualiter Christus sit unum esse, vel plura, fol. 210. n. 14.
 Qualiter sit intelligenda potentia demonstrata, fol. 234. n. 11.
 Qualiter Christus dicatur membrum, fol. 257. n. 11.

Quali-

*Qualiter Christus meruit per opera ad qua-
nebatur ex precepto, fol. 263. n. 29*
*Quam falso philosophatur Thomista circa li-
bertatem Christi Domini in adimplens
preceptorum, fol. 266. a. n. 30*
*Qualiter merita Christi pendant à morte, fol.
273. n. 19*
*Qualiter divina essentia se habeat, & non se
habeat ut species impressa creaturatum, fol.
296. n. 25*
*Quare scientia, per se infusa Trinitati non sit
abstractissima, fol. 307. n. 21*
*Qualiter species infusa Trinitati sit naturalis,
& qualiter supernaturalis etiam quoad sub-
stantiam, fol. ibid. n. 23*
*Qualiter sit decenda scientia qua dependet à
specie acquisita, & ab habitu infuso, fol. 323.
n. 18*
*Qualiter fuerit Christus ab Angelo conser-
vatus in oratione illa Pater si possibile est,
fol. 336. n. 31*
*Quare Christus dicatur sacerdos secundum ordi-
nem Melchisedech, fol. 348. à nume-
ro 24.*
*Qualiter sumantur hæc tria, minorum subie-
ctus firmus, fol. 388. n. 1*
*Qualiter accipiantur à Scoto portio superior,
& inferior, fol. 410. n. 22*
*Qualiter univoco prædicatur Deus & Homo,
fol. 417. n. 12*
*Qualiter sit hæc vera, Homo factus est Deus,
vel hic Homo factus est Deus, fol. 420. nu-
mero 7.*
*Quare Adam peccando iniecit totam natu-
ram, & non reparavit permittendo, fol. 481.
n. 58*
*Quam antiquum sit lecturum consentus Com-
plutensis S. Maria de IESU defendere hanc
praeservationem Virginis, fol. 500. nume-
ro 21.*
*Qualiter diversi auctores, ordinem diversa Dei
decreta, fol. 534. a. n. 3*
*Quæ scientia per se infusa, & quæ per accidenti,
fol. 298. n. 1*
*Quæ sit perfectio specierum infusarum Christi,
quæ nequeat attingi à virtute Angelica, fol.
301. n. 16*
*Quæ obiecta ex ipso Christo fuerint concessa co-
gnosci, fol. 319. n. 79*
*Quæcumque crux ex quacunque materia ut
representat Christum in ea pendente est
adoranda, fol. 443. n. 27*
Quæ sit natura Infinita originalis, fol. 462. n. 18
*Quæque fuerunt signa in divina providentia,
fol. 95. n. 26*
*Quid intellexerant Monotholita nomine vo-
luntatis, fol. 214. n. 6*
Quid nomine operationis, fol. ibid. n. 8. & 10.
*Quid debeat intelligi per operationem Thean-
dricam, fol. 217. n. 24*
*Quid requiratur ad libertatem exercitij, fol.
265. n. 15*

*Quibus meritis, Christi meritis meruerit An-
gelus, fol. 281. n. 19*
Quid illi profuerit mors Christi, fol. ibid. n. 20
*Quid sit adeptio, & quæ requirit conditio,
fol. 349. a. n. 3*
*Quid sentiendum de auctoritate concilij Fran-
fordienfis, fol. 353. n. 20*
*Quinque inferuntur ex hac doctrina, fol. 386. à
n. 9*
Quid sit fomes peccati, fol. 406. n. 3
*Quia affirmatio vel negatio sententiam
circa peccatum Originale Virginis damnat,
hæresis temeraria est, & inobediens, & ex-
communicata, non tamen est hæretica, fol.
541. n. 7*
*Quæ Messias iam venerit, qui fuit Iesus, fol.
10. n. 2*
*Quomodo adimpleta, Prophetia circa Messiam
in IESU, fol. 11. n. 5*
*Quid talia opera sua satisfactoria de congruo,
fol. 46. n. 46*
*Quomodo debeant distingui debitum legale &
morale, fol. 77. n. 6*
*Quomodo accipiantur modi possibilitatis ad quæ
Christus Dominus post passionem peccatum
suis decrevit à Deo, fol. 98. n. 36*
*Quomodo influant merita in genere causa effi-
cientis, & quomodo in genere causa finalis,
fol. 196. n. 13*
*Quomodo in Christo fuerit contrarietas volun-
tatum, fol. 218. a. n. 30*
*Quomodo dicatur B. Virgo GRATIA PLE-
NA, fol. 236. n. 19*
*Quod secundum Scotum voluntas non potest
velle malum sub rationem mali, nec velle bo-
num sub ratione boni, fol. 266. n. 18*
*Quomodo alius scientia per se infusa excedat
alium eiusdem Angelorum, fol. 227. n. 18*
*Quomodo Christus sit prædestinatus Filius Dei,
fol. 384. n. 1*
*Quod hoc præpositio sit in propria intellectu de
Christo, ut sit ex parte subiecti prædicationis
fol. 385. n. 5*
*Quod hæc humanitas non accipitur in statu
possibilitatis, fol. 388. n. 20*
*Quomodo libet Christus in Eucharistia, & sac-
ramentum Eucharistia accipitur, semper
debet adorari adoratione latría, fol. 453. a.
n. 1*
*Quomodo ista debita explicentur à diversis, fol.
489. a. n. 15*
*Quod B. Virgo concepta fuerit sine originali
peccato, & quam propria sit Scoti hæc sen-
tentia probatur, fol. 499. a. n. 17*
*Quod nostra sententia debeat dici pia, fol. 543
n. 1*

R.

Ratio meriti se habet in opere uno sicut
forma absoluta in materia, & sicut re-
latio in fundamento, fol. 27. n. 8

Red-

Reddere hac obsequia, vulgariter appellatur
maternitas, quia accepta scholasticè tantum
sumuntur pro primo genitricis. fol. 204. n. 20
Religio, pietas, observantia, vniocè conueniunt
in ratione adorationis. fol. 427. n. 10
Reliquia Christi, & Sanctorum sunt eodem
modo adorabiles, ac ipsorum imagines, fol.
453. n. 65
Reperitur est in Christo verus timor etiam in
voluntate. fol. 412. n. 32
Respondetur argumentum in contrarium. fol. 511
n. 82

S.

Satisfactio est redditio voluntaria alii in-
debiti. fol. 25. n. 2.
Satisfactio de toto rigore iustitiæ coincidit cum
satisfactione condigna, ita ut sint una, & ean-
dem. fol. 35. n. 37
Satisfactio Christi orta ex speciali iustitiâ pro-
cedebat, & eliciebatur ab habitu speciali ius-
titiæ commemoratiua. fol. 82. n. 22
Saluamus locutiones conciliorum, & Patrum. si
dicamus quod hæc relatio sit accidentis, fol.
129. n. 27
Sanguis & vera Corporis pars, & hypostaticè
iuncti. fol. 177. n. 6
Scholes concedit scientiam & species per se in-
fusus in Christo Domino. fol. 299. n. 6. & 8.
Scholes non negant quod cognitio minutissima pos-
sit ferri per speciem impressam obiecti, fol.
305. n. 13
Scientia & species per se infusa non potest esse
intuitiva. fol. 313. n. 50
Scientia per se infusa potest fieri à Christo cum
distinctione. fol. 325. n. 11
Scientia per se acquisita non fuit in Christo,
partim acquisita, & partim per accidentis in-
fusa. fol. 331. n. 10
Sententia Scholæ de predestinatione Christi an-
te peccatum statuitur, & probatur ex scrip-
tura Patribus, & rationibus, fol. 101. à
n. 45
Secundum quam rationem soli Christo conue-
niat esse caput morale Ecclesiæ, fol. 261.
n. 7.
Sed licet fuerit acquisita quantum ad species,
& alia, non tantum quantum ad habitum
qui fuit infusus, per accidens ab instanti con-
ceptionis. fol. 333. n. 16
Sententia affirmans Virginem cum peccato ori-
ginali probatur à suis auctoribus, fol. 497. à
n. 4
Sententia, qua Virginem liberat à debito con-
tractu peccati originali libera est à cen-
sura. fol. 525. n. 3
Similiter Christus satisfecit de toto rigore ius-
titiæ. fol. 84. n. 6
Si sumatur prout significat diuersos transi-
tus habet diuersos terminos formales, fol. 122.
n. 7

Si sumatur secundum id, quod ex vi vocis figu-
ratur. Incarnationis est caro, & humanationis
est humanitas. fol. 123. n. 8
Si idem numero effectus procederet à duplici
causa totali efficienti, non esset effectus argu-
mentum quo per principia naturalia pro-
uamur unitatem Dei. fol. 145. n. 19
Si conceivimus est adiectivum, vel substantiam de
prædicamento accidentium, unitas est su-
menda ex unitate suppositi, & pluralitas ex
pluralitate. fol. 150. n. 6. & 8.
Similiter est probabile quod constituantur *trinitas*
negatione. fol. 159. n. 28
Similiter est probabile quod eam possit termi-
nari. fol. 165. n. 8
Similiter est de fide, quod hoc donum sit per-
manens. fol. 227. n. 6
Si ponatur habitus speciei propter rationem generi-
cas fuit in Christo, non autem si ponatur
propter rationes specificas. fol. 244. à numero
33.
Similiter meruit per actum secutum ad visio-
nem Dei. fol. 264. n. 11
Similiter videtur indicari potestatem, fol.
276. n. 15
Similiter hæc meruit Christum antiquis Patri-
bus. fol. 286. n. 16
Similiter cognouit ex effectibus per scientiam
per se infusam. fol. 301. n. 3
Similiter cognouit Deum ut Trinum quantum
ad. An est. fol. 303. n. 6
Similiter cognouit eadem scientia obiecta super-
naturalia quæ includunt ordinem ad ali-
quid increatum. fol. 312. n. 45
Similiter potest vti compositione, & diuisione,
fol. 326. n. 14
Si aliter diceretur, desinitur argumentum ex
Scriptura, quod Christus sit Filius increatus
Dei & sic Trinitas. fol. 371. n. 90
Si foret necessario dicendum, quod Christus se-
cundum quod Homo sit formaliter Filius
Dei naturalis quomodo esset Philosophandum,
fol. 379. n. 115
Si per impossibile humanitas Christi separaretur
à verbo diuino, debebat adorari tam-
quam aliquid quod fuit ipsius infusus adorantur
Reliquia Sanctorum. fol. 434. n. 1
Si autem maternitas vulgariter modo accipitur
est B. Virgo Maria adoranda adoratione
laica. fol. 440. n. 11
Si filius Adam peccaret, posteritatem contra-
berent peccatum originale ex illo, fol. 485.
n. 11
Si Adam peccaret, postquam in iustitia ori-
ginali genuisset filios, si non destruerentur tali
iustitia. fol. ibid. n. 14
Signatum probabiliter dicitur fuisse ante pec-
catum Adami, sed probabilius quod post,
fol. 491. à n. 23
Si aliquis subeat mortem pro veritate sententia
pia, non est vere martyr, bene tamen si il-
lam subeat pro defensione illius, fol. 558.
n. 7

Species abstractissima etiam terminari potest presentia obiecti, fol. 205. n. 13
Sufficit alteritas moralis ut satisfactio fiat ad alterum, fol. ibid. n. 30
Sub duplici titulo est Deus adorabilis adoratione latris, fol. 429. n. 10
Status Infinitus Originalis constabat quatuor bonis, fol. 516. n. 2
Status Innocentia conferuaret homines immortales, fol. 464. n. 31.

T.

T *Am gratia unionis quam gratia habitus aque primo & per se sunt gratia capitis in Christo, fol. 261. n. 4*
Terminus totalis Incarnationis est unum subsistens in duobus, & ex duobus naturis, fol. 115. n. 4
Terminus formalis Incarnationis est unio, si sumatur Incarnatio ut actio productiva, fol. 322. n. 6
Terminus a quo est carentia termini ad quem & hac neque est primitio neque negatio, fol. 124. n. 17
Tres conditiones, quae requiruntur ad meritum, fol. 262. n. 2
Tristitia in quo consistat, & qualiter fuerit in Christo, fol. 407. n. 11
Trias fuerunt obiecta tristabilia, & tripliciter voluntas tristatur, fol. 409. n. 20
Transfunderetur tamen ex opere indifferenti, vel peccato veniali posito a Deo pro condicione, fol. 487. n. 25

V.

V *Alde probabile est quod primum Angelorum peccatum fuit inuidia excellentiae Christi, & nominis Iesu, fol. 279. n. 11*

Verbum potuit assumere quancumque naturam substantialem irrationalem, fol. 167. n. 7
Verbum non potest terminare partem aliquam actualiter existentem in toto, fol. 170. n. 21
Verbum assumpti Corpus & Animam, non separate diuina, sed in eo se unita, fol. 175. n. 14
Vernus dolor fuit in humanitate Christi, fol. 411. n. 23
Veritas Catholica docet, propter peccatum Adami traduci in omnes homines aliquod peccatum unicuique propriam cum ipsa natura in origine, fol. 469. n. 4
Virtus prudentia fuit in Iesu Christo in primo conceptionis instanti, fol. 247. n. 11
Viso Beata ipsum potuit de potentia Dei separari ab unione, fol. 291. n. 9
Viso B. Christi fuit eiusdem speciei cum visione aliorum beatorum, imo & Angelorum, fol. 291. n. 3
Viso in finitatem creaturarum in essentia non est infinita, fol. 297. n. 30
Virtus adorationis non est Theologica, fol. 425. n. 5
Vnico ita consideretur secundum formalem rationem unionis non est omnino maxima, fol. 133. n. 5
Vnio hypostatica est maior in oratione doni, quam visio beatifica, fol. 135. n. 11
Vna persona diuina plures potest assumere naturas, fol. 149. n. 1
Vitas concreti substantiam sumenda est ex irratione solum, fol. 150. n. 6
Vnus Beatus non potest alteri Propbetare, fol. 255. n. 11
Vi crux adoretur debet esse instituta ad representandum crucem Christi, non Iasynum ut sunt Cruces a dextris & sinistris posita in Caluarie, fol. 443. n. 26
Veraque sententia est probabilis, nostra verè probabilior, fol. 541. n. 10
Vitruis lancia petimus ad nostram salutem, fol. 272. n. 11



F-101

